













মহানি বৈদ্যান প্রণীত

# কাশী-খণ্ড ।

৩ নিবারণচন্দ্র দাস

কর্তৃক

মূল সংস্কৃত হইতে সরল বাঙ্গাল ভাষায় অনূদিত ।

দশাশ্বমেধ ঘাট—কাশীদাস ।

দ্বিতীয় সংস্করণ ।



প্রকাশক

শ্রী শ্রী রামকৃষ্ণ-মিশন-সেবাশ্রম

বেনারস-সিটি ( কাশীদাস )

সন ১৩২২



মহর্ষি বেদব্যাস প্রণীত

# কাশী-খণ্ড ।

৬নিবারণচন্দ্র দাস

কর্তৃক

মূল সংস্কৃত হইতে সরল বাংলা-ভাষায় অনূদিত ।

দশাশ্বমেধ ঘাট—৬কাশীধাম ।

দ্বিতীয় সংস্করণ ।



প্রকাশক

শ্রী শ্রী রামকৃষ্ণ-মিশন সেবাপ্রম

বেনারস-মিটি ( কাশীধাম )

সন ১৩২২

## ভূমিকা ।

‘ম’ ও রত যাঁহার কল্পনার লীলাক্ষেত্র, ভগবদ্গীতা যাঁহার গরীয়সী প্রাণি পরিচয়-স্থল, বেদান্ত-দর্শন যাঁহার মহনীয় চিন্তার মহনীয় ফল, শ্রীমদ্ভাগবত ভগবদ্ভক্তির পূর্ণ পরিণতি, অষ্টাদশ পুরাণ যাঁহার সর্বজ্ঞতাপ্রাপ্তির অসামান্য চায়ক, ভারতের কবিকুলের শিরোরত্ন, বিদ্যৎ সম্প্রদায়ের আদর্শ পুরুষ, জনসাধা আরাধ্য-দেবতা, ভারতীর প্রযত্ন-লালিত প্রাণাধিক তনয় সেই মহর্ষিপ্রবর মহাচারিত্র ভগবান্ বাসদেবের অমৃত-শ্রবনী লেখনী হইতেই “কাশীখণ্ড” হইয়াছে । কাশীক্ষেত্রের অনির্বচনীয় মহিমা-প্রকাশ-প্রসঙ্গে মহর্ষি ইহাতে রূপ অবশ্যজ্ঞাতব্য কতই চিত্তোন্মেষ বিষয় সম্মিলিত করিয়াছেন, তাহার ইয়ত্ত করিবে ? কবিত্বের পূর্ণ পরিণতি, কল্পনার অভাবনীয় উৎকর্ষ, দার্শনিকতার পরিচয় একত্র দেখাইবার জন্যই যেন মহর্ষি ইহা প্রণয়ন করিয়াছেন বলিয়া হয় । ধার্মিকজনের অনুর্ত্তে, বিশ্বাসীর অবশ্য প্রতিপাল্য, পণ্ডিতের অবশ্য জ্ঞ বিষয়গুলি এতই সরলভাবে ও যুক্তির সহিত মহর্ষি ইহাতে সম্মিলিত করিয়াছেন যে, তাহা দেখিলে ধর্ম্মানুসন্ধিৎসুগণের বহুদিনের সংশয়-অন্ধকার বিগত হইয়া সঙ্গে সঙ্গে জ্ঞান সূর্য্যের স্তব্ধিমল রশ্মি লাভে বিবেক-কমল উৎফুল্ল হইয়া উঠে ।

পরিশেষে পাঠকগণের নিকট নিবেদন এই, আমি যে কঠিন ত্রুটি কৃত হইয়াছিলাম, তাহা যে নির্বিঘ্নে শেষ করিতে পারিব, আমার এ প্রকার ভরসা না, শ্রীশ্রীবিষ্ণুনাথের কৃপায় এক্ষণে সেই “কাশীখণ্ড” অনুবাদ সমাপন করিয়া, ও পাঠকগণের করকমলে ইহা অর্পণ করিতে সমর্থ হইতেছি ; ইহাতে যে আশি পরিমাণে আনন্দ উপভোগ করিতেছি, তাহা লিখিয়া বুঝাইবার সামর্থ্য আমার ন এক্ষণে তত্ত-পাঠকগণ ইহা পাঠ করিয়া যদি ক্রিয়ৎপরিমাণেও সুখানুভব করে তাহা হইলে আমার সমস্ত পরিশ্রম সফল হইবে ।

৬কাশীধাম

৩০শে মাঘ সন ১২৯৬ সাল

শ্রীনিবারণচন্দ্র দাস ।

ধাঃ খিদিরপুর, কলিক  
হাল সাঃ দীনাখমেষ ঘাট, ৬কাশীধা

## দ্বিতীয় বারের ভূমিকা ।

বরাননে ! কত যুগ-যুগান্তের স্মৃতি লইয়া তুমি স্বকীয় মহিমালোকে আলোকিত,  
কত ধর্মপ্রাণ হিন্দুর অন্তঃকণ্ঠের সমক্ষে প্রত্যহ মোক্ষের দ্বার উন্মুক্ত করিয়া দিতেছ,  
কত উৎকণ্ঠিত হৃদয় দুর্দ্দৈববশতঃ তোমা হইতে বিচ্ছিন্ন হইয়া একাগ্রমনে কাতর-  
স্বরে প্রার্থনা করিতেছে—

কদা বারাণস্যামিহ স্মরধুনীবোধসিরবসন্

বসানঃ কোপিনং শিরসি নিদধানহঞ্জলিপুটম্ ।

অয়ে গৌরীনাথ ত্রিপুরহর-শস্তো-ত্রিনয়ন

প্রসাদেতি ক্রোশন্নিমিষমিব নেষ্যামি দিবসান্ ॥

এখনও উত্তর-বাহিনী জাহ্নবীর পূতসলিল-শাকর এবং দহমান গুগ্‌গুলুর পবিত্র  
পরিমল বহন করিয়া মৃদুমন্দ সমোরণ সহস্র সহস্র পাতকীর পাপ-সন্তপ্ত অঙ্গের  
শীতলতা বিধান করিতেছে। এখনও তোমার লক্ষ লক্ষ দেবায়তনে বাসমান  
কাংস্তাভালাদির মধুর-নিদাদ গসংখ্য নর-নারীর কাতর আত্মান-রবের সহিত সান্মিলিত  
হইয়া প্রতিরব-হিম্মলে নাল-নভোমণ্ডল আকুলিত করিতেছে। এখনও তোমার  
শাস্তিময় ক্রোড়ে আন্তর-শয়নে-শয়ান মরণপথের পথিকগুলি ত্রিপুরারির নিজ  
মুখে উচ্চারিত তারক-ত্রফনাম শ্রবণ করিবার লালসায় দক্ষিণ-কর্ণ উত্থান করিয়া  
দিতেছে।

হে পাঠক, ইহারই মহিমার পূর্ণ বিকাশ করিবার নিমিত্ত বাগ্‌দেবার বরপুত্র  
বেদবাস্য তাঁহার মহায়সী লেখনী ধরিয়াছিলেন। এই মহান প্রয়াস আর কাহারও  
সামর্থ্যে সম্ভবে না, এই কথা প্রত্যক্ষ জানিয়াই যেন তিনি স্বয়ং এই গুরুভার স্ব-মস্তকে  
অস্ত করিয়াছিলেন। তাই আজ আমরা কাশীখণ্ডরূপ পীযুষ নিব্বাণের আশ্বাদনে  
অধিকারী। তাই আজ আমরা কুবের-ভাণ্ডারের দুলভ এই অমূল্য-ধনে ধনবান।  
তাই আজ আমরা ধর্মের লীলাক্ষেত্র বারাণসীর সহিত বর্ণক্লিষ্ট পরিচিত। স্বন্দ-  
মহাপুরাণের অন্তর্গত এই কাশীখণ্ড সনাতনধর্মের মেরুদণ্ড, সমগ্র হিন্দুধর্মের  
ইতিহাসের একটা বৃহত্তম অংশ, হিন্দুর হিন্দুত্বের অসামান্য পরিচায়ক।

কেবলমাত্র কাশীস্থ তীর্থগুলির পরিচয় প্রদান করিয়াই কাশীখণ্ড ক্ষান্ত নহে।  
ভগবান্‌ ব্যাসদেব-ইহাতে অন্ত্যাত্ম বিষয়েরও সমাবেশ করিয়াছেন; অগস্ত্যের কাস্তি-  
কলাপ, বিষ্ণুর দর্প-সংহার, পতিব্রতার গোরবমণ্ডিত বৃত্ত, যমাদিলোক-বর্ণন,



ঈশ্বরের পুণ্য-উপাখ্যান, সদাচার-নিরূপণ, প্রভৃতি অনেক অবাস্তব-তথ্য ধর্ম-দিনর-নারীর কোতূহল নিবৃত্ত করিবে। কিন্তু সংস্কৃতানভিজ্ঞ জনগণ কাশীখণ্ডের প্রবাহ আশ্বাদনে বঞ্চিত, তাই ধর্মপ্রাণ নিবারণচন্দ্র দাস এই বৃহৎ গ্রন্থের অকার্য্যে হস্তক্ষেপ করিয়াছিলেন। তাঁহার প্রয়াস সফল হইয়াছে। কাশীখণ্ড বঙ্গানুবাদরূপে বঙ্গের জনসাধারণের পক্ষে একান্ত সুলভ। সহৃদয় নিবার দাসের আর একটী কীর্ত্তির কথা এ স্থলে উল্লেখ করিলে অসঙ্গত হইবে না। সমগ্র বাসগৃহখানি এবং দেহাশ্বে তাঁহার সম্পত্তির অবশেষ অনাথ, আতুর বৃদ্ধাদির নিমিত্ত উৎসর্গীকৃত করিয়া রামকৃষ্ণ-মিশনের কাশীস্থ সেবাশ্রমের উপকার করিয়া গিয়াছেন। সেবাশ্রম আদরের সহিত তাঁহার এই শ্লাঘনীয় দান বরণ করিয়া লইয়াছে। বলা বাহুল্য, অনাথ, আতুর এবং বৃদ্ধাদির সেবাশ্রম প্রতিষ্ঠার একমাত্র উদ্দেশ্য। রামকৃষ্ণ মিশনের পরিচয় বোধ হয়, দিতে হইবে না।

পরিশেষে বক্তব্য এই যে, কাশীখণ্ডের দ্বিতীয় সংস্করণ প্রকাশ করিবার কাশীস্থ রামকৃষ্ণ-মিশন-সেবাশ্রমের উপর পড়িয়াছে। ইহার উপস্থিত দরিদ্র, প্রভৃতির সেবাতেই ব্যয়িত হইবে। হে ধর্মপ্রাণ হিন্দুগণ, ইহার সাহায্যে আদিগের ধর্ম-দীপ্যাসার যদি কথঞ্চিৎ নিবৃত্তি হয় এবং পূজ্যপাদ স্বামী বিবেকানন্দ-নারায়ণের যদি কিছুমাত্রও দুঃখ নিবারণ হয়, তাহা হইলে আমরা প্রয়াস সফল মনে করিব।

কাশীধাম  
আশ্বিন, ১৩২২ সন

}

প্রকাশক।

## মূঢ়ীপত্র

বিষয়	অধ্যায়	পৃষ্ঠা
বিষ্ণু-বর্ণন বিষ্ণু-নারদ-সংবাদ ও বিষ্ণু-বর্ধন	১	১
সূর্য্য-গতিরোধ ও দেবতাসকলের সত্যলোকে গমন	২	৯
অগস্ত্যের আশ্রমে দেবগণের আগমন ও আশ্রম-বর্ণন	৩	১৬
পতিত্রতাখ্যান	৪	২৩
কাশী হইতে অগস্ত্যের প্রস্থান	৫	৩০
তীর্থ-প্রশংসা	৬	৪১
শিবশর্মা নামক ব্রাহ্মণের উৎপত্তি-কথন ও সপ্তপুরী-বর্ণন	৭	৪৬
ষমলোক বর্ণন	৮	৫৪
অপ্সরা ও সূর্যালোক বর্ণন	৯	৬২
ইন্দ্র ও অগ্নিলোক-বর্ণন	১০	৬৭
বৈশ্বানরের উৎপত্তি-কথন	১১	৭৯
নৈঋতি ও বরুণলোক-বর্ণন	১২	৮৯
বায়ু ও অলকাপুরী-বর্ণন	১৩	৯৫
চন্দ্রলোক-বর্ণন	১৪	১০৮
নক্ষত্র ও বুধলোক-বর্ণন	১৫	১১২
শুক্রলোক-বর্ণন	১৬	১১৭
মঙ্গল, গুরু ও শনিলোক-বর্ণন	১৭	১২৫
সপ্তর্ষিলোক-বর্ণন	১৮	১৩৫
ক্রবোপদেশ-কথন	১৯	১৩৭
ক্রবোপাখ্যান ও ক্রবের ভগবদ্দর্শন	২০	১৪৫
ক্রব-স্তুতি	২১	১৫২
কাশী-প্রশংসা	২২	১৬০
চতুর্ভুজাভিষেক-কথন	২৩	১৬৭
শিবশর্মার নির্বাণ-প্রাপ্তি	২৪	১৭২
স্কন্দ ও অগস্ত্যের দর্শন	২৫	১৭৮
মণিকর্ণিকাখ্যান-কথন	২৬	১৮৩

বিষয়	অধ্যায়
গঙ্গা-মহিমা-বর্ণন ও দশহরা-স্তোত্র	২৭
গঙ্গা-মহিমা	২৮
গঙ্গার সহস্রনাম	২৯
বারাণসী-মহিমা	৩০
কালভৈরব-প্রাচুর্য্যাব	৩১
দণ্ডপাণি-প্রাচুর্য্যাব	৩২
জ্ঞানবাণী-বর্ণন	৩৩
জ্ঞানবাণী-প্রশংসা	৩৪
সদাচার-কথন	৩৫
সদাচার-নিরূপণ	৩৬
শ্রীলক্ষণ-বর্ণন	৩৭
সদাচার-প্রসঙ্গে বিবাহাদি কথন	৩৮
অবিমুক্তেশ্বর-বর্ণন	৩৯
গৃহস্থ-ধর্ম্ম-কথন	৪০
যোগ-কথন "	৪১
মৃত্যুর লক্ষণ কথন	৪২
দিবোদাস নৃপতির প্রতাপ-বর্ণন	৪৩
যোগিনী-প্রয়াগ	৪৪
কাশীতে চতুষষ্টি-যোগিনীর আগমন	৪৫
লোলার্ক-বর্ণন	৪৬
উত্তরার্ক-বর্ণন	৪৭
সান্বাদিত্য-মাহাত্ম্য-কথন	৪৮
ক্রৌপদাদিত্য ও ময়ূখাদিত্য-কথন	৪৯
গরুড়েশ্বর ও খখোক্ষাদিত্য-বর্ণন	৫০
অরুণাদিত্য, বৃদ্ধাদিত্য প্রভৃতি-বর্ণন	৫১
দশান্বমেধ-বর্ণন	৫২
বারাণসী-বর্ণন ও কাশীতে গণ-প্রেরণ	৫৩
পিশাচ-মোচন-মাহাত্ম্য-কীর্ত্তন	৫৪

বিষয়	অধ্যায়	পৃষ্ঠা
কাশীবর্ণন ও গণেশ প্রেমণ	৫৫	৪১৭
গণেশ মায়া-কথন	৫৬	৪২১
চুণিটবিনায়ক প্রাত্তুর্ভাব	৫৭	৪২৭
বিষ্ণুমায়া	৫৮	৪৩৬
পঞ্চনদোৎপত্তি কথন	৫৯	৪৪২
বিন্দুমাধব-প্রাত্তুর্ভাব কথন	৬০	৪৬২
বিন্দুমাধবাবির্ভাব	৬১	৪৭১
মন্দরপর্বত হইতে বিশ্বেশ্বরের কাশীতে আগমন	৬২	৪৮৬
জৈগিষবা-সংবাদ ও জ্যোত্বেশাখ্যান কথন	৬৩	৪৯৪
বারাণসীক্ষেত্র-রহস্য কথন	৬৪	৫০০
পরশরেশ্বরাদি লিঙ্গ কথন	৬৫	৫০৭
শৈলেশ্বর লিঙ্গ কথন	৬৬	৫১২
রত্নেশ্বর-লিঙ্গ কথন	৬৭	৫২১
কুণ্ডলাস-সমুত্তব	৬৮	৫৩৬
অষ্টমষ্টি আয়তন সমাগম কথন	৬৯	৫৪১
বারাণসীতে দেবভাগনের অধিষ্ঠান	৭০	৫৫১
দুর্গনামক অস্ত্রের পরাক্রম	৭১	৫৫৬
দুর্গ-বিজয় কথন	৭২	৫৬৩
প্রণবেশ্বর-মহিমা বর্ণন	৭৩	৫৭০
প্রণবেশ্বর-লিঙ্গ-মাহাত্ম্য কথন	৭৪	৫৮০
ত্রিলোচন মাহাত্ম্য কথন	৭৫	৫৮৮
ত্রিলোচন প্রাত্তুর্ভাব কথন	৭৬	৫৯৪
কেদারেশ্বর-মাহাত্ম্য কথন	৭৭	৬০৪
ধর্মেশ্বর-মহিমা কথন	৭৮	৬০৮
ধর্মেশ্বর-কথা-প্রসঙ্গে পক্ষিগণের কথা	৭৯	৬১৩
মনোরথ-তৃতীয়া-ব্রতখ্যান	৮০	৬১৯
চুর্দমের ধর্মেশ্বরে আগমন ও ধর্মেশ্বর-লিঙ্গ কথন	৮১	৬২৫
বীরেশ্বরবির্ভাবে অমিত্রজিৎ-পরাক্রম কথন	৮২	৬৩০

বিষয়	অধ্যায়
বীরেশ্বরবির্ভাব কথন	৮৩
বারেশ্বর মহিমা কথন	৮৪
দুর্কাসার বরপ্রদান কথন	৮৫
বিশ্বকর্মেশ্বর প্রাদুর্ভাব-কথন	৮৬
দক্ষষজ্ঞ প্রাদুর্ভাব কথন	৮৭
সতীদেহ বিসর্জজন কথন	৮৮
দক্ষেশ্বর-প্রাদুর্ভাব কথন	৮৯
পার্বতীশ্বর বর্ণন	৯০
গঙ্গেশ্বর-মহিমা	৯১
নন্দদেবরাখ্যান	৯২
সতীশ্বরবির্ভাব-কথন	৯৩
অমৃতেশাদি লিঙ্গ-প্রাদুর্ভাব কথন	৯৪
ব্যাসদেবের ভুজ-স্তম্ভ-কথন	৯৫
ব্যাসদেবের শাপ-বিমোক্ষণ	৯৬
ক্ষেত্রতীর্থ বর্ণন	৯৭
বিশ্বেশ্বরের মুক্তিমণ্ডপে গমন	৯৮
বিশ্বেশ্বর-লিঙ্গ-মহিমাখ্যান	৯৯
অমুক্তমণিকা-আখ্যান ও পঞ্চতীর্থাদি যাত্রাকথন	১০০



# কাশীখণ্ড ।

## প্রথম অধ্যায় ।

—\*—

বিন্ধ্য-বর্ণন, বিন্ধ্যনারদ-সংবাদ ও বিন্ধ্যবর্জন ।

যাঁহার অশুকম্পায় জীবগণের সর্বপ্রকার বিঘ্ন বিনষ্ট হয়, এবং যিনি স্বয়ং ত্রিবিধতাপ হইতে সম্পূর্ণরূপে নিৰ্ম্মুক্ত, মহেশ্বরের প্রিয়তম সেই গজেন্দ্রবদন গণপতিকে, আমরা নমস্কার করি । ১ ।

যে কাশী, ভূমিতে অবস্থিত হইয়াও, স্বয়ং ভূলোক মধ্যে পরিগণিতা নহেন, যিনি অধঃপ্রদেশে প্রতিষ্ঠিত হইয়াও, সর্গাদিলোক হইতে অতি উচ্চতর স্থানীয়া, যিনি স্বয়ং ভূমণ্ডলে আবদ্ধ হইয়া, সংসার নিবদ্ধ জীবগণের মুক্তিপ্রদায়িনী, যে স্থলে প্রাণিগণ মৃত হইয়াও, অমৃতপদবী ( মোক্ষ ) প্রাপ্ত হইয়া থাকে এবং যিনি ত্রিভুবন-পাবনী জাহ্নবীর তীরে সুরগণ কর্তৃক প্রতিদিনই সেবিতা হইতেছেন, ত্রিপুরারি মহেশ্বরের রাজ-নগরী সেই ত্রিভুবন-বিদিতা কাশীপুরী, নিখিল জগৎকে নিগ্ন হইতে রক্ষা করুন । ২ । ত্রিজগতের অধীশ্বর ব্রহ্মা, বিষ্ণু, মহেশ্বর ও ইন্দ্রাদি দেবগণ, প্রতিদিবসই যে ভগবান্ সূর্য্যের ত্রিসন্ধ্যাচ্ছলে এই ভুবনে যাতায়াত করিতেছেন, সেই মহেশ্বর সূর্য্যদেবকে নমস্কার করি । ৩ । অষ্টাদশ পুরাণ-রচয়িতা সত্যবতীতনয় মহর্ষি বেদব্যাস, স্বীয় শিষ্য সূতের মিকট সর্বপাপহারিণী কাশীখণ্ড কথা এইরূপে কীর্ত্তন করিয়াছিলেন । ৪ ।

শ্রীবেদব্যাস কহিলেন,—এক দিবস শ্রীমান্ মহর্ষি নারদ, শ্রীনন্দা সলিলে অবগাহনান্তে, জীবগণের সর্ববীজীকর্ষক শ্রীমান্ ওঁকারেশ্বর মহাদেবের পূজা সমাপনপূর্ব্বক ভ্রমণ করিতে করিতে সম্মুখেই বিন্ধ্যপর্ব্বত দর্শন করিলেন । ঐ বিন্ধ্যগিরির পাদদেশ, সংসার-তাপসংহারি নন্দা সলিল সমূহ দ্বারা বিধোত হইতেছিল । ৫-৬ । বিন্ধ্যগিরি, অতি মনোহর স্বাবর ও জঙ্গম এই উভয় শরীরের দ্বারাই অতি বিস্তৃত ভূভাগ ব্যাপিয়া অবস্থিত হইয়া ধরণীর বসুমতী ( অর্থাৎ

ধনশালিনী ) এই নামের সার্থকতা সম্পাদন করিতেছিল । ৭ । ঐ বিদ্যাপর্বতের কোন স্থান; অনন্ত আত্ম বৃক্ষের ঘন সন্নিবেশ প্রযুক্ত নানা রসদ্বারা পরিপূর্ণ, কোথায় বা বল্লভর অশোক বৃক্ষের অবস্থানে, ছায়াশ্রিত জনগণের শোক সমূহ অপনয়ন করিতেছিল এবং সর্বত্রই তাল, তমাল, হিস্তাল ও সাল বৃক্ষের দ্বারা শোভা পাইতেছিল । ৮ । কোন স্থানে বা অনন্ত গুবাক বৃক্ষের দ্বারা গগনমণ্ডল আচ্ছাদন করিয়া অবস্থান, কোথায়ও বা তাদৃশ শ্রীফল বৃক্ষ সমূহের অবস্থান বশতঃ ঐ পর্বত অতি শোভা পাইতেছিল । কোথায় বা কালাগুরু বৃক্ষরাজিতে, কপি-গণের আয় পিঞ্জলবর্ণ, কোন স্থানে কপিথ বৃক্ষ সমূহের সন্নিবেশে, ঐ পর্বতের মহতী শোভা সম্পাদিত হইতেছিল । ৯ । বনলক্ষ্মীর স্তনবৎ শোভমান লকুড় বৃক্ষনিকর দ্বারা অতি মনোহর বিদ্যাপর্বত, কোন কোন স্থলে সুধার আয় সুস্বাদু ফল সমূহে পরিপূর্ণ, কদলী বৃক্ষরাজির সন্নিবেশ নিবন্ধন অতিশয় শোভা পাইতেছিল । ১০ । বনলক্ষ্মীর নৃত্যালয় সদৃশ শোভমান রক্তবর্ণ নাগরঙ্গ কুঞ্জ সমূহে এবং বানীর, বীজপুর ও জম্বীর প্রভৃতি বৃক্ষরাজি দ্বারা সেই পার্বত্য ভূভাগ পরিপূরিত ছিল । ১১ । নারদ দেখিতে লাগিলেন, ঐ পর্বতের কোন স্থান মন্দ মারুতহিল্লোলে কম্পমান অনন্ত কঙ্কাল লতিকার দ্বারা নৃত্যপ্রবৃত্ত কামিনীগণের শোভা হরণ করিতেছে । কোন স্থলে বা লবলীপল্লব সমূহ, বায়ুভরে ঈষৎ কম্পিত হওয়াতে বোধ হইতেছিল যেন ইহা একটা সুন্দর নৃত্যাগার । কোথায়ও বা বায়ুবিকম্পিত কর্পূর ও কদলী শাখারূপ হস্তের দ্বারা ঐ পর্বত যেন অতিশয় শ্রাস্ত পথিক-গণকে বিশ্রামের নিমিত্ত আহ্বান করিতেছে । কোথায় বা মল্লিকা গুচ্ছরূপ স্তনোপরি, ঈষৎ চঞ্চল পুন্নাগ বৃক্ষের পল্লবরূপ করপল্লব বিছাস করিয়া, বিদ্যাপর্বত, কোন কামী পুরুষ-প্রধানের আয় শোভা পাইতেছিল । ১২-১৪ । কোথায় বা পরিপক্ক লোহিতবর্ণ দাড়িম্ব ফল সকল বিদীর্ণ হইয়া, কানন-মধ্যবর্তিনী মাধবী-লতাতে বিলগ্ন হইয়াছিল; ইষ্ঠাৎ তাহা দেখিয়া বোধ হইতেছিল, যেন প্রণয়ী বিদ্যাপর্বত স্বকীয় অমুরাগপূর্ণ হৃদয় বিদারণপূর্বক দর্শন ফরাইয়া, মাধবীলতারূপিণী কামিনীকে আলিঙ্গন করিতেছে । ১৫ । কোথায় বা আকাশ পর্য্যন্ত ব্যাপী অনন্ত ফলশ্রেণী-বিরাজিত উদ্বাস বৃক্ষনিকর ধারণে বিদ্যাগিরি, ব্রহ্মাণ্ড কোটীধারী অনন্ত দেবের আয় শোভা পাইতেছিল । ১৬ । ঐ বিদ্যাপর্বত, কোন স্থলে বা বগ্নগজ সদৃশ স্থূল পনস বৃক্ষ সমূহে আবৃত, কোথায় বা অতিশয় স্মরোদ্দীপকতা নিবন্ধন বিরহিগণের মাংস শোষক, শুকনাসিকার আয় লোহিত ও সূক্ষ্মাঙ্গ পুষ্পশোভিত পত্রবিহীন পলাশ তরুসমূহে সমাচ্ছন্ন । ১৭ । কোথায়ও বা গ্রামবাসিগণের অতিশয়

সুখদায়ক নীপ পুষ্পসমূহকে প্রস্ফুটিত অবলোকন করিয়া, পুলকান্বিত দেহ-কদম্ববৃক্ষ সমূহের দ্বারা বিন্ধ্যাগিরি অতিশয় শোভা পাইতেছিল। ১৮।\*

স্নেহের পর্বতের শিখরের স্থায় অতিশয় উন্নত রুদ্রাক্ষ বৃক্ষসমূহ এবং কামিনীগণের আবাসের স্থায় অতি মনোহর, শ্রিয়াল ও ধূস্তর বৃক্ষরাজিতে ঐ পর্বত বিশেষ শোভা পাইতেছিল। ১৯। সমুচ্চ স্থানসমূহে, উন্নত ও মনোহর বটবৃক্ষ দ্বারা আবৃত থাকা প্রযুক্ত বোধ হইতেছিল যেন নানা পটুবস্ত্র দ্বারা ঐ সকল স্থান আবৃত রহিয়াছে। কোথায় বা উপবিষ্ট বকসমূহের স্থায় বিরাজিত, গিরি মল্লিকা স্তবকরাজিতে, অতিশয় শোভা হইয়াছিল। ২০। কোন কোন স্থলে বা অজস্র কেরগর্দ, করীর, করঞ্জ ও করম্বক বৃক্ষরাজি দ্বারা সমাচ্ছন্ন থাকা প্রযুক্ত বোধ হইতেছিল যেন যাচকগণের প্রত্যুদগমন পূর্বক অভ্যর্থনাকারী, অনন্ত কর উত্তোলন করিয়া, বিন্ধ্যপর্বত, সহস্র-করের স্থায় শোভা পাইতেছে। ২১। কোথায়ও বা অগণিত উজ্জ্বল কান্তি রাজচম্পক-কলিকাসমূহ, যেন বিন্ধ্যপর্বতের আরতি করিতেছে বলিয়া বোধ হইতেছিল। কোথায়ও পুষ্পরাজি বিরাজিত শাল্মলী বৃক্ষ সমূহের দ্বারা ঐ গিরি পদ্মসরোবরাদির শোভাকেও পরাজিত করিতেছিল। ২২। কোথায়ও বা অশ্রুত বৃক্ষসমূহ কোথায়ও বা কাঞ্চনকেতকনিকর, কোথায় কোথায়ও বা শ্রেণীবদ্ধ উৎকৃষ্ট জাতীয় করঞ্জ বৃক্ষনিচয় দ্বারা ঐ পর্বত বিশিষ্ট শোভা পাইতেছিল। ২৩। কোন কোন স্থলে বদরী, বন্ধুজীব ও জীবপুত্র নামক বৃক্ষ সমূহের দ্বারা বিন্ধ্যাগিরি বিরাজিত ছিল, কোথায়ও বা তিন্দুক ও ইন্দুদী বৃক্ষরাজিতে সমাচ্ছন্ন; কোন স্থলে বা নানা প্রকার রসবিশেষধনিকতন ঐ পর্বত, অনন্ত করুণ বৃক্ষের দ্বারা সমাচ্ছাদিত ছিল। ২৪। কোন কোন স্থলে বা বৃক্ষ হইতে বিগলিত অগণিত মধুক পুষ্পরূপ স্বহস্ত বিমুক্ত মুক্তারামির দ্বারা বিন্ধ্যপর্বত যেন পৃথিবী-রূপধারী মহাদেবকে অর্চনা করিতেছিল। ২৫। কোন স্থলে বা সাল, অর্জুন ও অঞ্জন প্রভৃতি বৃক্ষসমূহ চামরের স্থায় ঐ পর্বতকে বীজন করিতেছিল; কোথায়ও বা খজুর ও নারিকেল বৃক্ষরাজি, যেন তাহার মস্তকে ছত্রধারণ করিয়া দণ্ডায়মান

\* ইহার তাৎপর্য এই যে কদম্ব বৃক্ষ দুই প্রকার, এক স্থল দ্বিতীয় তদনুসারে জীবৎ স্তম্ভ, কবিগণ প্রথমোক্ত প্রকার কদম্বকে জৌরূপে এবং দ্বিতীয় কদম্বকে পুরুষরূপে কল্পনা করিয়া থাকেন। যে প্রকার সদৃশ ও রূপশালিনী পত্নীকে দেখিয়া পতি ভাবাবেশে পুলকিত হন, সেইরূপ প্রথমোক্ত প্রকার কদম্বকে দেখিয়াই যেন দ্বিতীয় কদম্ব বৃক্ষসমূহ প্রস্ফুটিত হইয়া পুলকিত হইয়া নারকের স্থায় শোভা পাইতেছিল।



ছিল। ২৬। শূন্যে কোন স্থানে বা নিম্ন, পারিজাত, কোবিদার, পাটল, তিস্তিভী, ( চিঞ্চা ) বদর, শাখোড়, ( পিশাচবৃক্ষ ) ও করহাটক, ( পিণ্ডিতক ) বৃক্ষনিকর দ্বারা বিক্ষাগিরি বিরাজিত ছিল। ২৭। কোন কোন স্থলে অগণিত শেছণ্ড ( বজ্রক্রম ) এরও গুড়পুষ্প ( মধুক ) বকুল ও তিলক প্রভৃতি নানা প্রকার বৃক্ষবিশেষ, সমুন্নত শিখর-সমূহে বিরাজমান থাকাতে বোধ হইতেছে এই পর্বত শিরোদেশে তিলক পরিধান করিয়াছে। ২৮। এই পর্বতের কোন কোন অংশ বিভীতক, কর্কট, শল্লকা, দেবদারু ও হরি প্রভৃতি অনেকবিধ বৃক্ষ এবং সর্বকালেই ফল ও পুষ্পশালী নানা প্রকার বৃক্ষ ও লতার দ্বারা বিরাজিত ছিল। ২৯।

এই পর্বতে কোন ভাগ বা এলাচ, লবঙ্গ, মরিচ ও কুলজ্ঞন ( কুদাল, অথবা কোবিদার ) বৃক্ষের বনদ্বারা আচ্ছন্ন। কোন কোন দেশ বা জম্বু, আত্মাতক, ভল্লাত, ( বারবৃক্ষ ) শেলু ( শ্লেষ্মাতক ) শ্রীপর্ণী ( গজদারী ) প্রভৃতি বৃক্ষের দ্বারা বিচিত্রিত ছিল। ৩০। কোন কোন ভূভাগ বা নানাবিধ শুক্লিসমূহ দ্বারা আত্ম মনোরম ছিল, কোন কোন দেশ বা অগণিত শ্বেত ও রক্তচন্দন, হরীতকী, কর্ণিকার ও ধাত্রাবন দ্বারা বিভূষিত ছিল। ৩১। কোথায় বা দ্রাক্ষা, নাগকণা নাম্নী নানাবিধ লতাসমূহ দ্বারা সমাবৃত ছিল, কোন স্থল বা অগণিত মল্লিকা, যুথিকা, কুন্দ ও মদয়ন্তী প্রভৃতি প্রস্ফুটিত লতাসমূহের স্থিতি বশতঃ আমোদিত হইতেছিল। ৩২। কোম স্থল বা উপরিভ্রমণশীল মধুকরমালা বেষ্টিত মালতীলতা দ্বারা সমাবৃত ছিল, এবং এই স্থান দেখিয়া দর্শকের মনে উদয় হইতেছিল, যেন ভগবান্ কৃষ্ণ, অনন্ত ভ্রমররূপ ধারণ করিয়া মালতীরাপণী গোপকন্যাগণের সহিত ক্রীড়া করিতে এই স্থলে আগমন করিয়াছেন। ৩৩। এই পর্বত, নানা প্রকার যুগ ও পক্ষিগণের দ্বারা এবং চতুর্দিকে অনেক নদী, সরোবর, জল-প্রবাহ ও পশুবনিকর দ্বারা আচ্ছাদিত ছিল। ৩৪। অপেক্ষাকৃত হীনশোভা স্বর্গভূমি পরিত্যাগ পূর্বক সমাগত নানা প্রকার দেবঋষিগণ, এই বিক্ষাপর্বতে বিবিধ ভোগেচ্ছাবশতঃ সর্বদাই বাস করিতেন। ৩৫। বিক্ষাগিরি, অজস্র পুষ্প ও গজাদিরূপ বর্ষণ এবং ময়ূরকুলের কেকাচ্ছলে যেন, অভ্যাগতগণকে দূর হইতেই স্বাগত প্রসন্নাস্তর অর্থ্য প্রদান করিতেছিল। ৩৬।

এবম্প্রকার অনন্ত শোভার চির-নিকেতন বিক্ষাগিরি, শতসূর্য্যের স্থায় প্রভা-শালী এবং কাস্তিছটায় দিগ্‌মণ্ডলের প্রকাশকারী সেই নারদ মুনিকে আগমন করিতে দেখিয়া, তাহার প্রত্যাগমন করিল। ৩৭। ত্রক্ষার তনয় নারদ মুনির দেহ-প্রভার প্রভাবেই, বিক্ষাগিরির গুহামধ্যস্থিত নাখল অক্ষকার বিদূরিত হইল; কেবল

ইহাই নহে, সেই সমাগত মুনিশ্রেষ্ঠকে বিলোকন করিয়া, তাহার মানসিক অজ্ঞানরূপ অন্ধকারও বিলয় প্রাপ্ত হইল। ৩৮। সাধুগণের সৎকারকারী বিক্ষ্য-গিরি, পাষণময় হইলেও মহামুনি নারদের তেজঃপ্রভাব দর্শনে, অতি সন্ত্রম-সহ-কারে বিশেষরূপে মুছলতা ধারণ করিল। ৩৯। বিক্ষ্যগিরির স্বাবর ও জঙ্গম এই উভয়রূপেই বিশিষ্টরূপ কোমলভাব অবলোকন করিয়া, মহাত্মা নারদ অতিশয় আনন্দিত হইলেন। সাধুগণের অন্তঃকরণ বিনীতভাবেই নিতান্ত অধীন হইয়া থাকে। ৪০। গুরুতর ব্যক্তি অথবা সাধারণ ব্যক্তিকে নিজগৃহে আগমন করিতে দেখিয়া, যিনি নিজগৌরব পরিত্যাগ পূর্বক, নম্রতা অবলম্বন করেন; তিনিই বাস্তবিক গুরু; কিন্তু যিনি স্বকীয় গুরুত্ব পরিত্যাগ করিতে অসমর্থ, তিনি কখনই গুরু হইতে পারেন না। ৪১।

বিক্ষ্যগিরি, অতি সমুন্নতমস্তক হইয়াও অতি বিনীতভাবে স্বক্কদেশ অবনত করতঃ ভূমিতে মস্তক-স্পৃষ্ট করাইয়া, সেই মহামুনি নারদকে প্রণাম করিল। ৪২। মহামুনি নারদ, এই প্রকার প্রণত বিক্ষ্যগিরিকে হস্তদ্বারা ধারণ করতঃ উত্থাপন পূর্বক, আশীর্বাদ প্রদানানন্তর অভিনন্দন করিয়া, সেই বিক্ষ্যগিরি প্রদত্ত অতি উচ্চতর আসনে উপবেশন করিলেন। ৪৩। তখন বিক্ষ্যগিরি দধি, মধু, ঘৃত, জলাদ্র অক্ষত, দুর্ব্বা, তিল, কুশ ও পুষ্প এই অষ্টোপকরণে নিৰ্ম্মিত অর্ঘ্যের দ্বারা নারদ মুনিকে বৎসাবিধি পূজা করিল। ৪৪।

অনন্তর অর্ঘ্যগ্রহণান্তে পাদপীড়নাদি সেবা দ্বারা মহামুনি অপগতশ্রম হইয়াছেন দেখিয়া বিনয়াবনত গিরি, তাঁহাকে বলিতে আরম্ভ করিল। ৪৫। হে মুনে! অত্ন ভবদীয় পাদপদ্মের ধূলি লাভ করিয়া, আমার রজোগুণ সমস্তই দূর হইল এবং আপনার শরীরস্থিত তেজঃপ্রভাবে মদীয় আভ্যন্তরিক অন্ধকারও বিদূরিত হইল। ৪৬। হে মুনে! অত্ন আমার সমস্ত সম্পদ সফল হইল এবং অত্ন আমার বড়ই শুভদিন, হে ভগবন! পূর্ববজন্মে আমি যে সকল শ্রুকৃত অর্জজন করিয়া-ছিলাম, অত্ন তাহার ফল প্রাপ্ত হইলাম। ৪৭। হে মুনে! অত্ন আপনার এই প্রসাদ লাভে সকল পর্ব্বতের মধ্যে, আমার এই ধরাধর নামই মাননীয় হইল।

বিক্ষ্যগিরির এবম্বিধ বাক্য শ্রবণ করিয়া, মহামুনি নারদ কেবল মাত্র একটী দীর্ঘনিঃশ্বাস পরিত্যাগ করিলেন, কিন্তু কিছুই প্রত্যুত্তর করিলেন না। ৪৮।

নারদ মুনির এবম্বিধভাব বিলোকনে বিক্ষ্যগিরি কিঞ্চিৎ ভয়াকুল মানসে পুনর্ব্বার বলিতে লাগিল, হে ব্রহ্মন, এ ভুবনের সকল বিষয়ই আপনি অবগত আছেন। হে মুনে! আপনার এই দীর্ঘনিঃশ্বাসের কারণ কি? ৪৯। হে মুনে।

ভুবনত্রয়ের মধ্যে যাহা সকলেরই অভীষিত, সেই অদৃষ্টের আপনিই একমাত্র অধিকারী, ইহা আমরা পুরাণাদিতে অবলোকন করিয়াছি, যদি আমার প্রতি আপনার কৃপার উদয় হইয়া থাকে, তবে কোন অনুজ্ঞা করুন, চরণানত এ ব্যক্তি তাহা সম্পূর্ণরূপে প্রতিপালন করিতে প্রস্তুত, ইহা জানিবেন । ৫০ । হে মune ! আপনার আগমন প্রযুক্ত আনন্দ সমূহে অতিশয় জড়তায় আমার বাক্য ক্ষুদ্র হইতেছে না, এ কারণ আমার অধিক বলিবার সামর্থ্য নাই, তথাপি আমি একটী বাক্য বলিতেছি, শ্রবণ করুন । ৫১ ।

হে মune ! পূর্বপুরুষগণ, স্মেরু প্রভৃতি ধরাধরগণের পৃথিবী ধারণ-সামর্থ্যকে বিশেষরূপে বর্ণনা করিয়া গিয়াছেন বটে ; বাস্তবিক ঐ সকল পর্বত, একত্র মিলিত হইয়াই পৃথিবী ধারণ কার্য্য করেন ; কিন্তু আমি একাকীই এই পৃথিবী ধারণ করিয়া আছি । ৫২ । হিমালয় পর্বতকে মহাত্মাগণ মাণ্ড করিয়া থাকেন তাহার কারণ আর কিছুই নহে, কেবল তিনি পার্বতীর পিতা, অতএব মহাদেবের বিশেষ সম্বন্ধ আছে এবং কথঞ্চিৎ পর্বতগণের আধিপত্যও তাহাতে আছে, ফলতঃ পর্বতরাজ্যে তিনি কোন গুণই তাঁহাতে নাই । ৫৩ । অধিক স্তব্ধ-পূর্ণতায় কিম্বা রত্নময় সান্নিধ্য বলিয়া অথবা দেবগণের অবস্থান নিবন্ধন স্মেরু পর্বতও কোন অংশেই আমার নিকটে মাননীয় বলিয়া বোধ হয় না । ৫৪ । এই ভুবনে পৃথিবী ধারণ করিবার জন্য ব্যগ্র, শতশত পর্বতই মহাত্মাগণের মাননীয়ভাবে রহিয়াছে বটে ; কিন্তু ফলতঃ তাঁহারা নিজ নিজ ভূমিতেই মাণ্ড, দেশান্তরে তাঁহাদের কেহই জানেন না । ৫৫ । উদয়গিরিও কোন প্রকারেই আমার সদৃশ হইতে পারে না, কারণ ঐ পর্বতস্থিত নিশাচরগণ প্রতি রাত্রিভাগে মৃত্যুবাস্থায় থাকিয়া সূর্য্যোদয়ে পুনর্জীবন লাভ করিয়া থাকে, স্তুরাং উদয় পর্বতকে সূর্য্যোদয়ের অপেক্ষা করিয়া স্বকীয়শ্রিত জীবগণকে রক্ষা করিতে হইতেছে এবং ঐ পর্বতবাসী রাক্ষসবর্গ এক প্রকার জীবমৃত ; কিন্তু মদাশ্রিত জীবগণ সর্বদাই সুখী, এবং আমি অপরের সাহায্যব্যতিরেকেও ইহাদিগকে সম্পূর্ণভাবে রক্ষা করিতেছি । নিষধপর্বতে যখন ঔষধিলতা ( রাত্রিকালে প্রকাশশীলতা ) ধারণে অনধিকারী স্তুরাং তাঁহারও কাস্তির সম্ভাবনা কোথায় ? অতএব আমার সহিত তাঁহার সাদৃশ্য কখন সম্ভব হইতে পারে না । ৫৬ । নীল পর্বত ত নিজেই অন্ধকারের গৃহ ! মন্দরগিরির ত কোন শোভাই নাই ! মলয়পর্বত কেবল সর্প সমূহেরই বাসস্থান । এবং রৈবতপর্বতও ধন কাছাকে বলে তাহাই জানেন না, স্তুরাং ইহার কি আমার যোগ্য হইবে ? ৫৭ । হেমকূট ও চিত্রকূট প্রভৃতি পর্বতগণের সারবস্তু, তাহাদের কূটযুক্ত নিজ নিজ নামের দ্বারাই প্রকাশ পাইতেছে ।

কিন্ধিক, কোঁক ও স্যঁ প্রভৃতি অগ্ন্যাগ্ন পর্বতগণত কেহই পৃথিবীর ভার বহনে সমর্থ নহেন । ৫৮ ।

বিন্ধ্যাগিরির এই প্রকার আত্মশ্লাঘাপর বাক্য শ্রবণ করিয়া, মহাত্মা নারদ, মনে মনে চিন্তা করিতে লাগিলেন যে, অতিশয় গর্ব করিলে কখনই মহত্ত্ব থাকে না । এই জগতে যাঁহাদের শিখর মাত্র দর্শন করিলে মহাত্মাগণ মুক্তিলভ করিতে পারেন, সেই সকল অনন্ত শোভার চিরনিকেতন শ্রীশৈলপ্রমুখ পর্বতশ্রেষ্ঠ কি আর বিद्यমান নাই ! অতএব ইহার এ প্রকার গর্ব কখনই উচিত নহে । ইহার বাস্তবিক কত সামর্থ্য আছে, অগ্ন আমি তাহা দেখিতেছি ।

এই প্রকার চিন্তা করিয়া, নারদ মুনি বিন্ধ্যকে বলিলেন,—হে বিন্ধ্যাগিরে ! পর্বতসমূহের অন্তঃসার প্রকাশ পূর্বক তুমি যাহা বলিলে তাহা সকলই সত্য বটে ! কিন্তু পর্বতগণের মধ্যে এক শৈলশ্রেষ্ঠ স্ত্রমেজ্জই তোমাকে অবমান করিয়া থাকেন । এই কারণেই আমি পূর্বের দীর্ঘনিশ্বাস ফেলিয়াছিলাম এবং ইহা তোমার নিকটও প্রকাশ করিয়া বলিলাম । অথবা মাদৃশ ব্যক্তির ভবাদৃশ মহাত্মাগণের পরস্পর বিরোধ বিষয় চিন্তা করিয়া কি ফল লাভ হইবে । তোমার মঙ্গল হউক, আমি গমন করিতেছি । এই বলিয়া আকাশপথ অবলম্বন পূর্বক মহামুনি নারদ প্রস্থান করিলেন । ৫৯—৬৩ ।

নারদমুনি এই প্রকার বলিয়া প্রস্থান করিলে পর ; ব্যর্থ মনোরথ বিন্ধ্যাগিরি, আকুলচিত্তে অতিশয় চিন্তা করিতে লাগিল এবং আপনাকে অতিশয় নিন্দা করিতে আরম্ভ করিল । ৬৪ ।

বিন্ধ্য কহিল, যে ব্যক্তির শাস্ত্রজ্ঞান নাই তাহার জীবনকে ধিক্, যাহার জীবনে উৎসাহ নাই তাহার জীবন বুখা । যে ব্যক্তি জ্ঞাতির নিকট পরাজিত তাহার জীবনকে ধিক্ এবং যাহার মনোরথ বিফল তাহারই বা জীবনে কি প্রয়োজন ! ৬৫ । যেজন শত্রুর নিকট পরাজিত সেজন দিবাতে কি প্রকারে ভোজন করে ? কি প্রকারেই বা রাত্রিতে তাহার নিদ্রা হয় ? আশ্চর্য্যের বিষয় ! সে ব্যক্তি কিরূপে নির্জ্ঞানবাসে সুখী হইতে পারে ? ৬৬ । অহৌ ! এই সকল চিন্তারূপ সন্তাপসমূহ আমার চিত্তকে যে প্রকার পীড়া দিতেছে, দাবাগ্নিসন্তাপও তাদৃশ পীড়া দিতে সমর্থ নহে । ৬৭ । প্রাচীন পণ্ডিতগণ যথার্থ বলিয়া গিয়াছেন যে, চিন্তারূপিণী সুদারূণ পীড়া ঔষধ বা উপবাস অথবা অন্য কোন উপায়েই উপশম লাভ করে না । ৬৮ । চিন্তারূপ জ্বর প্রাণিগণের ক্ষুধা, নিদ্রা, বল, রূপ, উৎসাহ, বুদ্ধি, সম্পৎ ও অবশেষে জীবন পর্য্যন্ত হরণ করিয়া থাকে, ইহা নিঃসংশয় । ৬৯ । ছয়দিন অতীত

হইলে অগ্ন্যাগ্ন জ্বরকে লোকে জীর্ণজ্বর কহিয়া থাকে, কিন্তু এই তীব্র-চিন্তাজ্বর প্রতি-  
দিনই নূতনভাবে ধারণ করিয়া থাকে । ৭০ । এই চিন্তাজ্বর দমন করিতে ধ্বস্তুরি বা  
চরক কখনই সক্ষম নহেন এবং অশ্বিনীকুমারদ্বয়ও এ বিষয়ে সম্পূর্ণরূপেই  
অপারগ । ৭১ । আমি কি করি ! কোথায়ই বা যাই ! হায় কি প্রকারে আগি স্নমেরুকে  
বিজয় করিতে সমর্থ হইব ? আমি কি উড়িয়া স্নমেরুর মস্তকে পড়িব ? কিন্তু  
উড়িবার সামর্থ্য না থাকাতে তাহার মস্তকে ত পড়িতে পারিতেছি না । কারণ  
পুরাকালে আমাদের সগোত্র কোন পর্বত, নানা প্রকার অত্যাচারের দ্বারা ইন্দ্রকে  
কোপিত করিয়াছিল, সেই কারণে কুপিত ইন্দ্র, আমাদের সকলেরই পক্ষহেদন  
করিয়াছেন । সুতরাং পক্ষবিহীনের উড়িবার সামর্থ্য কোথায় ? হায় পক্ষহীন  
ব্যক্তির চেষ্ঠাকেও ধিক্ ! ৭২—৭৩ । অথবা সেই স্নমেরু আমার সহিত অতিশয়  
স্পর্দ্ধা করিয়া থাকে, ইহার কারণ আর কিছুই নহে, অতিশয় ভূমির ভার বহনকারিগণ  
প্রায়শই ভ্রাস্ত হইয়া থাকে, মেরু নিশ্চয়ই ভ্রমে পড়িয়া এ প্রকার করিতেছে । ৭৪ ।  
সত্যলোকনিবাসী বেদজ্ঞ ব্রহ্মচারী নারদ আমাকে পীড়া প্রদান করিবার জন্ত মিথ্যা  
বলিয়াছেন, ইহাই বা কি প্রকারে সম্ভাবনা করা যাইতে পারে ? ৭৫ । অথবা মাদৃশ  
প্রবল লোকের এ প্রকার নিস্তব্ধভাবে বসিয়া, যুক্তযুক্ত বিচার করা কখনই সমুচিত  
নহে । কারণ যাহারা পরাক্রম প্রকাশ করিতে অসমর্থ, তাহারাই মনে মনে বিচারে  
প্রবৃত্ত হয় । ৭৬ । অথবা এ প্রকার ব্যর্থ চিন্তা করিয়া কি ফল লাভ হইবে ?  
বিশ্বস্রষ্টা ভগবান্ বিশ্বেশ্বরের শরণ গ্রহণ করি, তিনিই আমাকে সমুচিত বুদ্ধি  
প্রদান করিবেন, কারণ সেই বিশ্বনাথ সর্বব্রজগতের নিরাশ্রয়গণের রক্ষাকর্তা এই  
প্রকারই পুরাণসমূহে কীর্তিত হইয়া থাকে ।

এইরূপে ভগবান্ মহেশ্বরকে চিন্তা করিয়া, বিদ্যা এই প্রকার নিশ্চয় করিল  
যে, এই ক্ষণেই আমি এই প্রকারই করি, কাল-বিলম্ব কখনই সমুচিত নহে ।  
কারণ বর্দ্ধনোন্মুখ ব্যাধি ও শত্রুকে কখনই পশ্চিতগণ উপেক্ষা করেন না । ৭৭—৭৯ ।  
প্রতিদিবসই গ্রহ ও নক্ষত্রগণের সহিত দিবাকর স্নমেরু গিরিকে, অগ্ন্যাগ্ন পর্বত  
হইতে অধিক বলশালী বিবেচনা করিয়া পরিভ্রমণ করেন, অতএব আমি অগ্ন  
সূর্য্যের গতিরোধ করিয়া দণ্ডায়মান থাকিব, দেখি কেমন করিয়া দিবাকর স্নমেরু  
পরিভ্রমণ করিতে পারেন । ৮০ । এই প্রকারে স্নমেরু পর্বতের সহিত বিরোধ  
করিতে কৃতসঙ্কল্প হইয়া বিদ্যাগিরি স্বকীয় দেহকে অতিশয় বর্দ্ধিত করিল, বিদ্যাগিরি  
স্বীয় শরীরকে এতাদৃশ উন্নত করিল যে, তাহা দেখিয়া বোধ হইতে লাগিল তাহার  
শিখরসমূহ ঘেন নভোমার্গেরও অন্ত নির্দেশ করিয়া দিতেছে । ৮১ ।

কোন ব্যক্তির কুত্ৰাপিও কাহার সহিত বিরোধ করা কর্তব্য নহে, যদি বিরোধ করিতেই হয় তবে তাহা এতই প্রযত্নের সহিত করা উচিত, যাহাতে সাধারণে উপহাস করিতে না পারে । ৮২ । এই প্রকারে সূর্য্যের পথরোধ করিয়া, গিরিশ্রেষ্ঠ বিষ্ণা কৃতকৃত্যের হ্রাস সুস্থতা লাভ করিল, প্রাণিগণের ভবিষ্যৎ সর্ব্বথাই অদৃষ্টের অধীন ! ৮৩ ।

বিষ্ণাগিরি অতিশয় আনন্দের সহিত ভাবিতে লাগিল যে, অস্ত্র সূর্য্যদেব যাহাকে প্রদক্ষিণ করিয়া গমন করিবেন সেই পর্ব্বতই কুলীন, তাহারই ষথার্থ সম্পদ এবং সেই ব্যক্তিই বাস্তবিক সর্ব্বাপেক্ষা লোকপূজিত হইবে । ৮৪ । যাবৎ কাল পর্য্যন্ত কোন ব্যক্তি কুত্ৰাপিও নিজের শক্তি প্রদর্শন না করায়, তাবৎকালই লোকে তাহাকে লজ্জন করিতে সমর্থ হয়, ইহার দৃষ্টান্ত কাষ্ঠমধ্যস্থিত অগ্নি, তাদৃশ অগ্নিও যতক্ষণ প্রজ্বলিতভাবে ধারণ না করে, ততক্ষণই লোকগণ তাহাকে লজ্জনাদি করিতে পারে । ৮৫ ।

ব্যাস কহিলেন, এই প্রকারে বিষ্ণাগিরি পূর্ব্বোক্ত অতি মহান্ চিন্তাভার হইতে মুক্তিলাভ করতঃ সদাচারপরায়ণ ব্রাহ্মণের হ্রাস সূর্য্যোদয় প্রতীক্ষা করিয়া, স্থির অধ্যবসায় সহকারে অবস্থিতি করিতে লাগিল । ৮৬ ।

## দ্বিতীয় অধ্যায় ।



সূর্য্যগতি রোধ ও দেবতা সকলের সত্যলোকে গমন ।

ব্যাস কহিলেন, এই চরাচর বিশ্বের আত্মভূত, অস্ত্রান বিনাশন সূর্য্য পবিত্র কিরণজাল বিস্তার পূর্ব্বক উদয়াচলে সমুদিত হইলেন । ১ । সূর্য্যের উদয়ে সাধুগণের ধর্ম্মানুষ্ঠান প্রবর্ত্তিত হইল, অন্ধকাররাশি এবং অসতের আচরণ দূরীভূত হইল, রাত্রিকালে বিরহে মুদিতাননা পদ্মিনী প্রফুল্লিত হইল, দেবতা প্রভৃতির উদ্দেশে হব্য, কবা ও ভূতবলি প্রবর্ত্তিত হইতে লাগিল, ক্রমশঃ পূর্ব্বাহ্ন, মধ্যাহ্ন ও অপরাহ্নরূপ ত্রিযাকাল সূচিত হইতে আরম্ভ হইল, তমোরাশি অসাধুগণের হৃদয় এবং বস্ত্রে স্থান প্রাপ্ত হইল, যামিনীকালকলিত জগৎ পুনরায় জীবনপ্রাপ্ত হইল । অহো ! পরোপকার করিলে তৎক্ষণাৎ যদি তাহার ফল না পাওয়া

যাইবে; তবে যাঁহার উদয়ে মন্দেহ প্রভৃতি রাক্ষসগণ জীবিত হয়, সেই সূর্য্য সায়ংকালে অন্তর্মিত হইয়াও পুনরায় প্রাতঃকালে কেন উদিত হইবেন ? ২—৫ ।

তপনদেব, খণ্ডিতা নায়িকা সদৃশ পূর্ব্বদিক্কে অনুরাগের সহিত করস্পর্শ দ্বারা আশ্বস্ত করতঃ বিরহে জ্বলিতপ্রায়া আগ্নেয়ীদিক্কে যাম মাত্র ভোগ করিয়া লবঙ্গ, এলা, মৃগনাভি, ও চন্দনের দ্বারা চর্চিতা, তাম্বুলীবল্লীরাগে রক্তবর্ণ ওষ্ঠযুক্ত, ত্রাক্ষাণ্ডচ্ছরূপ স্তনশালিনী, লবলী বল্লীরূপ বাহুশালিনী, কঙ্কালী পল্লবরূপ অঙ্গুলি বিশিষ্টা, মলয়ানিলরূপ নিঃশ্বাসযুক্তা, ক্ষীরোদ সমুদ্ররূপ বসন বিভূষিতা, ত্রিকূট পর্ব্বতস্থ স্বর্ণ ও রত্নসমূহের দ্বারা বিরচিতাজী, সুবেল পর্ব্বতরূপ নিতম্বশালিনী, কাবেরী ও গৌতমা নদীরূপ জজ্বাদয়ে সুশোভিতা, চোলদেশরূপ কঙ্কুসী সমাবৃত্তা, সহ্য ও দহুর্ পর্ব্বতরূপ স্তনযুগল সুশোভিনী, কাস্তিপুরীরূপ মেখলাদাগ শোভিনী, সুকোমল মহারাষ্ট্রীয় বাক্যবিদ্যাসের দ্বারা মনোহারিনী, এবং মহালক্ষ্মী অষ্টাঙ্গি যে সদৃশশালিনীকে পরিত্যাগ করিতে পারেন নাই, দিক্‌পতি সূর্য্য সেই দক্ষিণ দিকে গমন করিতে লাগিলেন । অনায়াসে আকাশমার্গে লঙ্ঘন করিতে সমর্থ সূর্য্যের অশ্বগণ, যখন আর অগ্রে গমন করিতে পারিল না, তখন সূর্য্য-সারথি অনুরূপ বলিতে লাগিলেন । ৬—১৩ ।

অনুরূপ কহিলেন, হে ভানো, আপনি প্রত্যহ যেমন সূর্য্যের পর্ব্বতকে প্রাদক্ষিণ পূর্ব্বক গমন করিয়া থাকেন তদ্রূপ “আমাকেও প্রাদক্ষিণ করুন” এই অভিলাষে বিষ্ণাগিরি সদর্পে গগনমার্গে অবরোধ করিয়া রহিয়াছে । ১৪ । সূর্য্য অনুরূপ বাক্য শ্রবণ করিয়া মনে ভাবিতে লাগিলেন, অহো শূন্যমার্গও অবরুদ্ধ হয়, ইহা অতি আশ্চর্য্যের বিষয় ! ১৫ ।

ব্যাস কহিলেন,—সূর্য্যদেব বলবান্ হইয়াও শূন্যমার্গে আর কি করিবেন ? একাকী কোন্ ব্যক্তিই বা কোন্ রুদ্ধমার্গে লঙ্ঘন করিতে সমর্থ হয় । ১৬ । যে সূর্য্য রাহুগ্রস্ত হইয়া ক্ষণকাল অবস্থান করিতে পারেন না, তিনিও শূন্যমার্গে নিরুদ্ধ হইলেন, কি করিবেন সর্ব্বত্র বিধিই বলবান্ । ১৭ । যিনি নিমেষাঙ্কে দুই সহস্র দুই শত দুই যোজন পথ অতিক্রম করেন, তিনিও কিছুকাল স্থিরভাবে অবস্থিতি করিলেন । সূর্য্যের বহুক্ষণ এইভাবে এক স্থানে অবস্থিতি নিবন্ধন পূর্ব্ব ও উত্তর দিক্‌স্থিত লোকসমূহ তাঁহার প্রচণ্ড কিরণে অতিশয় সমুদ্র হইতে লাগিল এবং পশ্চিম ও দক্ষিণ দিক্‌স্থিত লোকনিচয় নিদ্রাভঙ্গে নয়ন উন্মীলিত করিয়া শয়ন-বস্ত্রাভেই নক্ষত্রাদি বিরহিত আকাশের দিকে তাকাইয়া, হায় ! এ কোন্ সময় উপস্থিত হইল ! ইহা ত দিবানহে, কারণ সূর্য্য উদিত হন নাই, রাত্রিও নহে,

কারণ চন্দ্রও অন্তর্গত হইয়াছেন, অতএব ইহা কোন্ সময় কিছুই বুঝিতে পারিতেছি না। ব্রহ্মাণ্ড কি অকালে লয়প্রাপ্ত হইবে? কৈতাহাও ত'নহে, কারণ তাহা হইলে চতুর্দিক্ হইতে সমুদ্র উছলিয়া এ সমস্ত গ্রাস করিত, এই সমস্ত চিন্তা করিতে লাগিল। ১৮-২২।

সূর্য্যের অনুদয়ে জগতে পঞ্চযজ্ঞ প্রভৃতি ক্রিয়া কলাপ বিলুপ্ত হইল দেখিয়া, ত্রিভুবন কাঁপিতে লাগিল। সূর্য্যোদয় হইলেই যজ্ঞাদি ক্রিয়া কলাপের অনুষ্ঠান হইয়া থাকে, এবং যজ্ঞাদি দ্বারা ত্রিভুবন-পালক দেবগণের তৃপ্তি সাধিত হয়, সূর্য্যই এ সমস্তের একমাত্র কারণ। সেই সূর্য্যের গতি রোধ হওয়াতে, ত্রিভুবন স্তম্ভিত হইয়া উঠিল। যে যেখানে ছিল, সে সেই খানেই চিত্তচ্যুস্তের মত অবস্থান করিতে লাগিল, একদিকে নৈশ তিমির, অপর দিকে প্রখর আতপে লোকসমূহ উপদ্রুত হইয়া, কে কোন্ দিকে যাইবে তাহা কিছুই স্থির করিতে পারিল না। এইরূপে সূর, অসূর, নর ও নাগলোক ব্যাকুল হইয়া পড়িলে, আঃ অকারণ এ কি উৎপাত উপস্থিত হইল এই বলিয়া, প্রজাগণ চীৎকার করিয়া ইতস্ততঃ খাবিত হইতে লাগিল। ২৩-২৮।

তখন দেবগণ সকলে একত্রিত হইয়া, ব্রহ্মার নিকট গমন। পূর্ব্বক তাঁহার শরণাগত হইলেন এবং রক্ষা করুন রক্ষা করুন এই কথা বলিয়া স্তব করিতে লাগিলেন। ২৯।

দেবগণ কহিলেন, হিরণ্যগর্ভ-রূপধারী ব্রহ্মরূপী ব্রহ্মাকে নমস্কার, হে দেব, তোমার স্বরূপ কেহ জানিতে পারে না, তুমি কৈবল্য-রূপী ও অমৃত-স্বরূপী; যাহাকে দেবগণ জানিতে পারেন না এবং মনের গতিও যেখানে কুণ্ঠিত হয়, যিনি বাক্যেরও অবিষয়, চৈতন্য স্বরূপ সেই তোমাকে নমস্কার, যোগিগণ স্থিরভাবে প্রাণিধানের সহিত হৃদয়াকাশে যাহাকে জ্যোতিরূপে দর্শন করিয়া থাকেন, ব্রহ্মস্বরূপ সেই তোমাকে নমস্কার। তুমি কাল হইতে পর অথচ কাল স্বরূপ, তুমি নিজ ইচ্ছায় পুরুষ হইয়া একটি হইয়াছ, গুণত্রয়স্বরূপা প্রকৃতি তুমিই, তোমাকে নমস্কার। তুমি সত্ত্বগুণ অবলম্বন করিয়া বিষ্ণু মূর্ত্তিতে জগতের পালন, তুমি রজোগুণ আশ্রয় করিয়া ব্রহ্মা মূর্ত্তিতে জগতের স্থিতি এবং তুমিই তমোগুণ আশ্রয় করতঃ রুদ্ররূপে জগতের সংহার করিতেছ। বুদ্ধিস্বরূপ তোমাকে নমস্কার, ত্রিবিধ অহঙ্কার রূপী তোমাকে নমস্কার, পঞ্চতন্মাত্র ও পঞ্চকর্মেন্দ্রিয় স্বরূপ তোমাকে নমস্কার, মন ও পঞ্চবুদ্ধীন্দ্রিয় স্বরূপ তোমাকে নমস্কার, পৃথিব্যাदि পঞ্চ বিষয় স্বরূপ তোমাকে নমস্কার, ব্রহ্মাণ্ড স্বরূপ এবং ব্রহ্মাণ্ডবর্জিত তোমাকে নমস্কার, আধুনিক ও



প্রাচীন যারতীয় বিশ্বস্বরূপ তোমাকে নমস্কার, অনিত্য এবং সদস্য স্বরূপ তোমাকে নমস্কার, তুমি সমস্ত ভক্তগণের উপর রূপাপূর্বক স্ব ইচ্ছায় শরীর ধারণ কর । চতুর্বিধ বেদ তোমারই নিঃশ্বাসপ্রসূত, সমস্ত জগৎ তোমার স্বেদ হইতে উৎপন্ন, সমস্ত ভূতগণ তোমার পদতল সমুদ্ভূত, স্বর্গ তোমার মস্তক প্রসূত, তোমার নাভি হইতে আকাশ ও লোম হইতে বনস্পতি, মন হইতে চন্দ্রমা এবং তোমার চক্ষু হইতে সূর্য্য উৎপন্ন হইয়াছেন, হে প্রভো । তুমিই সব এবং তোমাতেই সমস্ত, তুমিই স্তোত্রা এবং তুমিই স্তুতি ও তুমিই স্তুত্বা, হে ঈশ, তোমারই দ্বারা এই সমস্ত জগৎ ব্যাপ্ত রহিয়াছে, অতএব তোমাকে বারম্বার নমস্কার । এই রূপ স্তব করিয়া দেবগণ ভূমিতে দণ্ডবৎ প্রণত হইয়া রহিলেন । তখন ব্রহ্মা সন্তুষ্ট হইয়া, দেবগণকে বলিতে লাগিলেন । ৩০-৪২ ।

ব্রহ্মা কহিলেন, হে প্রণত দেবগণ, তোমাদের এই ষথার্থ স্তুতি বাক্যে আমার সন্তোষ হইয়াছে এবং আমি প্রসন্ন হইয়াছি, তোমরা উত্তিত হও এবং অভিলষিত বর প্রার্থনা কর । ৪৩ । যে ব্যক্তি বিশুদ্ধ ভাবে শ্রদ্ধার সহিত প্রতিদিন তোমাদের রচিত এই স্তুতি বাক্যের দ্বারা আমার অথবা মহাদেবের কিস্বা বিষুণ্ড স্তব করিবে, আমরা সর্বদা তাহার উপর সন্তুষ্ট থাকিব এবং তাহাকে তাহার অভিলষিত পুত্র, পৌত্র, পশু, ধন, সৌভাগ্য, আয়ু, আরোগ্য, নির্ভয়, রণে জয়, ঐহিক ও আধ্যিক ভোগ ও অক্ষয় অপবর্গ প্রদান করিব এবং যাহা যাহা জগতে তাহার ইচ্ছতম তৎ সমস্তই তাহার সিদ্ধ হইবে । ৪৪-৪৬ । অতএব বিশেষ যত্নপূর্বক এই উৎকৃষ্ট স্তব পাঠ করা উচিত, সর্বপ্রকার সিদ্ধিপ্রদ এই স্তব, অভীষ্টদ নামে বিখ্যাত হইবে । প্রণত দেবগণ উত্তিত হইলে, ব্রহ্মা পুনরায় তাঁহাদিগকে বলিলেন, তোমরা সুস্থ হও, এখানেও কি কারণ ব্যাকুলভাবে অবস্থান করিতেছ ? দেখ ! এখানে এই মূর্তিমান্ চারিবেদ, এই সমস্ত বিজ্ঞা, 'দক্ষিণার সহিত এই যজ্ঞনিচয়, এই ষত্যা, এই ধর্ম্ম, এই তপ, এই দয়, এই ব্রহ্মচর্য্য, এই করুণা, এই সরস্বতী, ঐশ্বর্য্য, স্মৃতি ও ইতিহাসে চরিতার্থ এই সমস্ত লোকগণ বিম্বাজমান রহিয়াছেন, এখানে ক্রোধ, মাৎসর্য্য, লোভ, কাম, অধৈর্য্য, ভয়, হিংসা, কুটিলতা, গর্ব্ব, নিন্দা, অসূয়া এবং অশুচি কোন কালেই নাই । ৪৭-৫১ । যে সমস্ত ব্রাহ্মণ ব্রহ্মনিরত, তপোনিষ্ঠ, এবং তপস্বী যাহাদিগের ধন, যাহারা মাসোপবাস, যন্মাসত্র এবং চাক্ষুশাদি সন্ততসমূহের অশুষ্ঠান করিয়াছেন এবং যে সকল নারী পতিব্রতা এবং যাহারা ব্রহ্মচারী এবং যাহারা পরস্ত্রীতে পরাশ্রয়, হে দেবগণ ! দেখ এই তাঁহারা সকলে অবস্থান করিতেছেন । এই দেখ মাতৃ ও পিতৃভক্তগণ,

আর ইহারা গোরুকে রক্ষা করিবার জন্য জীবন ত্যাগ করিয়াছিলেন, ত্রুত, দান, জপ, যজ্ঞ, বেদাধ্যয়ন, ত্রাক্ষণসেবা, তীর্থ, তপস্যা, পরোপকার এবং "সদাচারাদি কৰ্ম্মসমূহ করিয়া, যাঁহারা কোন ফল আকাঙ্ক্ষা করেন নাই, এই তাঁহারা অবস্থান করিতেছেন। ৫২-৫৩। যে সমস্ত ত্রাক্ষণ গায়ত্রী জপে নিরত ও যাঁহারা অগ্নিহোত্র পরায়ণ ছিলেন, যাঁহারা অর্দ্ধপ্রসূতা গাভি প্রদান করিয়াছেন, যাঁহারা কপিলা গো দান করিয়াছেন, যাঁহাদের সোমপানে স্পৃহা ছিল না, যাঁহারা ত্রাক্ষণের পাদোদক পান করিতেন, যাঁহারা সারস্বততীর্থে দেহত্যাগ করিয়াছেন, যাঁহারা ত্রাক্ষণের সেবা করিতেন, প্রতিগ্রহ-সমর্থ হইয়াও যাঁহারা প্রতিগ্রহ করেন নাই, এবং যাঁহারা তীর্থে প্রতিগ্রহ করিতেন না, আমার অন্ত্যস্ত প্রিয় সেই এই ত্রাক্ষণগণ অবস্থান করিতেছেন। ৫৪-৫৮। মাঘ মাসে সূর্য্য মকররাশিস্থিত হইলে শ্রায়াগ তীর্থে ঊষাকালে যাঁহারা পবিত্রচিত্তে স্নান করিয়াছেন, এই তাঁহারা সূর্য্যের শ্রায় তেজস্বী-রূপে বিরাজ করিতেছেন। ৫৯। কার্ত্তিক মাসে বারাগমীতে পঞ্চনদে তিন দিবস যাঁহারা স্নান করিয়াছেন, পুণ্যশীল এই তাঁহারা নিশ্চল হইয়া পবিত্রদেহে অবস্থান করিতেছেন। ৬০। যাঁহারা মণিকর্ণিকায় স্নান করিয়া ধনের দ্বারা ত্রাক্ষণগণকে পরিতৃপ্ত করিয়াছেন, এই তাঁহারা সর্ববভোগ সম্পন্ন হইয়া আমার পুরে বাস করিতেছেন, এবং ইহারা এক কল্প এখানে অবস্থান করিয়া, সেই পুণ্যবলে পুনরায় কাশী প্রাপ্ত হইয়া, বিশ্বেশ্বরের প্রসাদে নিশ্চয় মুক্তিমুক্ত করিবেন। ৬১-৬২।

অবিমুক্ত ক্ষেত্রে মানব যদি অল্পও সৎকৰ্ম্ম করে, তবে তাহার ফলে জন্মান্তরেও সে মুক্তিমুক্ত করিয়া থাকে। ৬৩। আশ্চর্য্যের বিষয় যে, বিশ্বেশ্বরের ক্ষেত্রে মরণেও ভয় হয় না, যেখানে সকলেই অতিথির শ্রায় প্রিয় বলিয়া মৃত্যুর অপেক্ষা করিয়া থাকে। ৬৪। কুরুক্ষেত্রে ত্রাক্ষণগণকে যাঁহারা অর্থদান করিয়াছে, এই তাঁহারা পবিত্রদেহে আমার নিকট বাস করিতেছেন। ৬৫। গয়াধামে ত্রাক্ষণমুখে ও বিষ্ণুপদে যাঁহারা পিতামহগণকে পরিতৃপ্ত করিয়াছেন, এই তাঁহাদের পিতামহগণ অবস্থান করিতেছেন। ৬৬। হে দেবগণ, কেবল স্নান, দান, জপ কিম্বা পূজার দ্বারা কেহ আমার এ লোকপ্রাপ্ত হয় না, একমাত্র ত্রাক্ষণগণকে পরিতৃপ্ত করিতে পারিলেই এখানে আসিতে পারা যায়। ৬৭। সমস্ত গৃহোপকরণে, উত্থল, মুষল এবং শয্যার সহিত যাঁহারা গৃহদান করিয়াছেন, এ তাঁহাদের হর্ষানিচয় রহিয়াছে। ৬৮। যাঁহারা ত্রাক্ষণশালা নিৰ্ম্মাণ করাইয়া দেন, যাঁহারা বেদাধ্যয়ন করান, যাঁহারা বিভাদান করেন, যাঁহারা পুরাণ শ্রবণ করান, যাঁহারা সমস্ত ধনদান করেন, যাঁহারা পুরাণ বা অগ্ন্যাদি পুস্তক দান করেন, এবং যাঁহারা ধৰ্ম্মশাস্ত্র দান করেন,

তাহাদের আমার পুরে বাস হইয়া থাকে । ৬৯-৭০ । তাহারা বস্তুত্ব্য তেজস্বী হইয়া আমার এখানে বাস করিয়া থাকেন । ৭১ । যে ব্যক্তি বেতন দিয়া বৈद्य নিযুক্ত রাখিয়া চিকিৎসালয় স্থাপন করে, সে সমস্ত ভোগভাগী হইয়া প্রলয় পর্য্যন্ত আমার এখানে বাস করে । ৭২ । যাহারা দুষ্কৃৎগণের অবরোধ হইতে তীর্থসমূহ মুক্ত করে, তাহারা আমার অন্তঃপুরে, আমার ঔরস পুত্রগণের স্থায় হইয়া থাকে । ৭৩ । ব্রাহ্মণগণ, বিষ্ণুর, আমার এবং মহাদেবের অত্যন্ত প্রিয়, আমরাই সাক্ষাৎ ব্রাহ্মণ মূর্তিতে পৃথিবীতে বিচরণ করিয়া থাকি । ৭৪ । এক বেদই ব্রাহ্মণ এবং গো, এই দুই ভাগে বিভক্ত হইয়াছে, ইহার এক ভাগে হবিঃ অবস্থান করিতেছে । ৭৫ । ব্রাহ্মণগণ সার্বভৌমিক জঙ্গমতীর্থরূপে নির্ম্মিত হইয়াছেন, যাহাদের বাক্যরূপ জলের দ্বারা পাপাত্মা ব্যক্তিগণ পবিত্র হইয়া থাকে ।

গো সমূহও অনুপম পবিত্র ও তাহারা পরম মঙ্গলমূর্তি, তাহাদিগের খুর হইতে উৎখিত রেণু গঙ্গা জলের সদৃশ পবিত্র । ৭৭ । গো সমূহের শৃঙ্গের অগ্রভাগে সমস্ত তীর্থ এবং খুরাগ্রে সমস্ত পর্বত অবস্থিত, তাহাদের শৃঙ্গদ্বয়ের মধ্যস্থলে মহেশপত্নী গৌরী অবস্থান করেন । গো দান করিতেছে দেখিয়া, দাতার পিতামহগণ, আনন্দে নৃত্য করিয়া থাকেন, ঋষিগণ প্রীত হন এবং দেবগণের সহিত আমরা সন্তুষ্ট হই । আর দরিদ্রতা ও ব্যাধির সহিত পাপসমূহ ক্রন্দন করে । সমস্ত লোকের, ধাত্রী এবং গো সমূহ সর্বপ্রকারে মাতার স্থায় পূজনীয়া । ৭৯-৮০ । যে ব্যক্তি গোগণকে স্তব ও নমস্কার করিয়া প্রদক্ষিণ করে, সেই ব্যক্তির সপ্তদ্বীপা বসুমতী প্রদক্ষিণ করার ফল হয় । ৮১ । যিনি সমস্ত ভূতগণের লক্ষ্মীস্বরূপ এবং যিনি দেবগণ মধ্যে অবস্থিত, গোরূপে বর্তমান। সেই দেবী আমার পাপ অপনয়ন করুন । ৮২ । বিষ্ণুর বক্ষস্থলে যিনি লক্ষ্মী, যিনি বিভাবসুর স্বাধা এবং পিতৃগণের স্বধা স্বরূপ, সেই ধেমু সর্বদা আমাদের বরদান করুন । ৮৩ । যাহাদের গোময় যমুনার স্থায়, মৃত নশ্বদার স্থায় এবং দুষ্কৃৎগণের স্থায় পবিত্র, ততোধিক পবিত্র এ জগতে আর কি হইতে পারে ? ৮৪ । গোগণের দেহে, আমি, বিষ্ণু, মহাদেব ও মহর্ষিগণের সহিত চতুর্দশ ভুবন অবস্থান করে । গো সমূহের এই সমস্ত গুণ বিচার করিয়া, নিত্য এই প্রার্থনার বিধান হইয়াছে, গোগণ আমার সম্মুখে পৃষ্ঠে এবং হৃদয়ে অবস্থান করুন এবং আমি সদা গো সমূহের মধ্যে অবস্থান করি । ৮৫-৮৮ । যে ভাগ্যবান্ ব্যক্তি আপনার সমস্ত অঙ্গে গো-লাঙ্গুল স্পর্শ করায়, অলক্ষ্মী, কলহ ও রোগসমূহ তাহার দেহ হইতে দূরে পলায়ন করে । ৮৯ । গো, বিপ্র, বেদ, সত্য, সত্যবাদী, অলোভা এবং দানশীল এই সাত জনের বলে

পৃথিবী অবস্থান করিয়া থাকেন। ৯০। আমার লোকের উর্দ্ধে বৈকুণ্ঠ লোক, তদুপরি উমালোক, তৎপরে শিবলোক, তাহার উপরে গোলোক অবস্থিত, তথায় মহাদেবের প্রিয় স্ত্রীলা প্রভৃতি গো-মাতৃগণ অবস্থান করেন। ৯১—৯২। যাহারা গোসেবা করে বা গো দান করে, সেই সমস্ত মানব, এই লোকসমূহের কোন একটি লোকে, সমুদ্রাবস্থায় অবস্থান করিয়া থাকে। ৯৩। যেখানে নদীতে ক্ষীর প্রবাহিত হয়, পায়স যে স্থানের কর্দম, যেখানে জরা জন্ম ক্রেশ নাই, যাহারা গো দান করেন, তাহারা সেই স্থানে গমন করিয়া থাকেন। ৯৪। যাহারা ঋতি, স্মৃতি ও পুরাণের তত্ত্ব অবগত আছেন, এবং তদুক্ত আচার সমূহও পালন করিয়া থাকেন, তাহারাই যথার্থ ব্রাহ্মণ, অন্ত্রে কেবল নামে ব্রাহ্মণ মাত্র। ৯৫। ঋতি ও স্মৃতি এই দুইটী ব্রাহ্মণের নেত্র ও পুরাণ তাহার হৃদয়ের তুল্য, যে ব্রাহ্মণ ঋতি ও স্মৃতি বিহীন, তিনি অন্ধ, যিনি এই উভয়ের একটী বিষয় জানেন না তিনি একচক্ষু বিহীন, কিন্তু পুরাণরূপ হৃদয় শূন্য ব্যক্তি অপেক্ষা অন্ধ বা কণা হওয়া ভাল। ঋতি ও স্মৃতির অনুমত ধর্ম্মই পুরাণে কথিত হইয়াছে। যে ব্যক্তি সর্বত্র স্তূথ ইচ্ছা করিবে, সে পূর্ব্বোক্ত ব্রাহ্মণকেই গোদান করিবে। ব্রাহ্মণ বলিয়াই গো প্রদান করিবে না। কারণ অসংপাত্রে গো দান করিলে, দাতা নরকগামী হয়। ৯৬-৯৮। যাহার ধর্ম্মে বিশ্বাস ও পাপে ভয় আছে, তাহারই নিকট ধর্ম্মমূলক পুরাণকথা শ্রবণ করিবে! চতুর্দশ বিদ্যার মধ্যে পুরাণ শাস্ত্রই উৎকৃষ্ট প্রদীপ তুল্য, অন্ধ ব্যক্তিও সেই পুরাণপ্রদীপের আলোক সাহায্যে সংসার-সাগরের কোন স্থলেই নিপতিত হয় না। যাহারা আমার লোকে আসিতে ইচ্ছা করে, তাহারা সর্বদা পুরাণ শাস্ত্র শ্রবণ ও জাহ্নবীতটে বাস এবং ব্রাহ্মণগণকে পরিতৃপ্ত করিবে। হে দেবগণ! ভয়াত্ত্বগণের অভয়প্রদ, এই সত্য লোকের অবস্থা আমি সংক্ষেপতঃ কীৰ্ত্তন করিলাম, তোমরা নির্ভয় হও। বিদ্যাগিরি স্তম্ভের পর্ব্বতের সহিত স্পর্শ করতঃ সূর্য্যের পথরোধ করিয়া রহিয়াছে, এই নিমিত্ত তোমরা আগমন করিয়াছ, আমি তোমাদিগকে ইহার উপায় বলিতেছি। ৯৯—১০৩।

ব্রহ্মা কহিলেন, তারকব্রহ্ম নাম উপদেশ করিবার জন্ম যেখানে বিশেষর স্বয়ং বিরাজ করিতেছেন, জীবগণের মুক্তিক্ষেত্রে সেই অবিমুক্ত ধামে, মিত্রাবরূপ-তনয় মহাতপস্বী অগস্ত্য, বিশেষরে চিত্ত বিস্থাপন করিয়া কঠোর তপস্যায় নিমগ্ন আছেন। ১০৪—১০৫। তথায় গমন করিয়া তোমরা তাহার নিকট প্রার্থনা কর, তিনি তোমাদের কার্য্য সিদ্ধ করিবেন, তিনিই এক কালে বাতাপী ও ইন্দ্ৰলনামে রাক্ষস-দ্বয়কে ভক্ষণ করিয়া জগৎকে রক্ষা করিয়াছিলেন, সেই অবধি সকলেই তাহাকে

ভয়, করিগা থাকে, সেই মুনিতে সূর্য্য হইতেও অধিক তেজ আছে । ১০৬—১০৭ ।  
এই বলিয়া ব্রহ্মা অস্তব্ধ হইলেন । তখন দেবগণ হর্ষসহকারে বলিতে লাগিলেন  
‘যে, আমরা অতিশয় ভাগ্যবান, কারণ প্রসঙ্গক্রমে আমরা কাশী ও কাশীপতিকে  
দর্শন করিতে পারিব, অহো ! অনেক দিন পরে আমাদের মনোরথ সফল হইল,  
এই বলিয়া দেবগণ স্মৃতির জগ্ন্য কাশী গমনে নিশ্চয় করিয়া আনন্দে উৎফুল্ল  
লোচন হইলেন । দেবগণ বলিলেন, ধন্য সেই চরণদ্বয়, যাহা কাশী অভিমুখে ধাবিত  
হয় । ব্রহ্মা কর্তৃক কথিত যে কথা আমরা শ্রবণ করিলাম, সেই পুণ্যেই আমরা  
আজ কাশী দর্শন করিতে পাইব । পুণ্যের আধিক্য বশতই এক কার্য্য দুই  
কার্য্যের সাধক হয়, দেবগণ এই বলিতে বলিতে আনন্দে কাশীক্ষেত্রে গমন করিতে  
লাগিলেন । ১০৮—১১২ ।

বাস কহিলেন, যে সমস্ত মানব এই পুণ্যতম আখ্যান শ্রবণ করিবে, তাহারা  
সমস্ত পাপ হইতে বিমুক্ত এবং পুত্র পৌত্রযুক্ত হইয়া এ জগতে বংশ স্থাপন এবং  
সর্ব্ব প্রকার সুখভোগ করতঃ সত্যলোকে বহুকাল বাস করিয়া পরে মুক্তিলাভ  
করিবে । ১১৩—১১৪ ।

## তৃতীয় অধ্যায় ।



অগস্ত্যের আশ্রমে দেবগণের আগমন ও আশ্রম বর্ণন ।

সূত কহিলেন, “হে-সর্ব্বজ্ঞান মহানিধে ! ভূত-ভব্য-স্বামিন্ ! ভগবান্ !  
দেবগণ কাশীতে আগমন করিয়া কি করিলেন তাহা কীৰ্ত্তন করুন । এই দিব্য কথা  
শ্রবণ করিয়া আমার তৃপ্তি হইতেছে না, দেবগণ তপোনিধি অগস্ত্যের নিকট কি  
প্রকার প্রার্থনা করিলেন, এবং তাদৃশ উন্নত বিদ্যা পর্ব্বতই বা কি প্রকারে নত  
হইলেন, আপনার বাক্যরূপ অমৃত সাগরে স্নান করিতে আমার মন নিতান্ত উৎসুক  
হইয়াছে, ( অমুগ্রহপূর্ব্বক এই সমস্ত বিষয় কীৰ্ত্তন করতঃ আমার কোতূহল  
পরিভূপ্ত করুন । ) পরাশরপুত্র মহামুনি ব্যাস, স্বীয় শিষ্য ও পরম শ্রদ্ধালু  
সূতের এই সমস্ত বাক্য শ্রবণ করিয়া বলিতে আরম্ভ করিলেন । ১—৪ ।

বাস কহিলেন, হে মহামতি সূত, ভক্তি ও শ্রদ্ধা যুক্ত হইয়া শ্রবণ কর এবং  
শুক ও বৈশম্পায়ন প্রভৃতি এই বালকগণও শ্রবণ করুক । ৫ । তৎপরে দেবগণ,

মহর্ষিগণের সহিত অবিলম্বে বারাণসী ধামে আগমন করিয়া, প্রথমতঃ সুবস্নে যথাবিধি মণিকর্ণিকায় স্নান পূর্বক সন্ধ্যাদি সাধুক্রিয়ার অনুরূপে অনন্তর কুশ ও তিলোদকের দ্বারা তপণীয় আদিপিতৃগণের উদ্দেশে তর্পণ করিয়া ব্রাহ্মণগণকে বস্ত্র, সুবর্ণ, বস্ত্র, অশ্ব, অলঙ্কার, ধেনু, স্বর্ণ রৌপ্যাদি নিশ্চিত বিচিত্র ছত্র, অমৃততুলা স্বাদু পক্কাম, শর্করাযুক্ত পায়স, দুগ্ধের সহিত অন্ন, অনেকবিধ ধান্য, গন্ধ, চন্দন, কর্পর তাম্বুল, সুন্দর চামর, শয্যার সহিত কোমল পর্যায়, দীপ, দর্পণ, আসন, শিবিকা, দাস, দাসী, রথ, পশু, গৃহ, বিচিত্র ধ্বজ, পতাকা, চন্দ্রের স্থায় চাকর চন্দ্রাতপ, গৃহোপকরণের সহিত এক বৎসরের ভোজ্য, পাছকা প্রভৃতি প্রদান দ্বারা যতি ও তপস্বীগণকে যথাযোগ্য পটবস্ত্র, বিচিত্র কঞ্চল, দণ্ড, কমণ্ডলু, মৃগচর্ম, কোপীন, কাষ্ঠনির্মিত উন্নত খট্টা, পরিচারকগণকে সুবর্ণ, মঠ, বিদ্যার্থি-দিগের অন্ন, অতিথি সেবার জন্য বহুতর ধন, রাশীকৃত পুস্তক, লেখকগণের বৃত্তি, নানাবিধ ঔষধ, বহুতর সত্রালয়, গ্রীষ্মকালে জলসত্রের জন্য, হেমন্তকালে অগ্নি-সঞ্চয়ের কাষ্ঠের জন্য, বর্ষাকালে ছত্র ও গৃহাদি শ্রান্ততের জন্য অর্থ, রাত্রিকালে অধ্যায়নার্থ প্রদীপ ও পায়ে মাখিবার তৈলের জন্য বহুতর অর্থ, প্রত্যেক দেবালয়ে পুরাণ-পাঠকদিগকে অর্থ, দেবালয়ে নৃত্যগীতাদির জন্য, দেবালয় পরিষ্কার ও তাহার জীর্ণোদ্ধারের জন্য বহুতর ধন, চিত্র আঁকিবার মূল্য প্রদান, দেবালয়ে নানা-বিধ রঙ, মালাদি, আরতি, গুগ্গুল, দশাঙ্গাদি ধূপ, কর্পূরের বাতি, দেবপূজার নিমিত্ত অর্থ, পঞ্চামৃত, ও নানাবিধ স্নগন্ধি জলের দ্বারা স্নান, দেবতার জন্য স্নগন্ধি তাম্বুলাদি, দেবপূজার মালাদি নিষ্কারণের জন্য বহুতর উত্তান, শিবালয়ে ত্রিকালীন শঙ্খ, ভেরী, মৃদঙ্গাদি বাজধ্বনি হইবার জন্য অর্থ, ঘণ্টা, গাড়ু, কুস্ত্র প্রভৃতি স্নানের উপকরণসমূহ, শ্বেতবর্ণ মার্জন-বস্ত্র, স্নগন্ধি অগুরু প্রভৃতি প্রদান, জপ, হোম, স্তোত্রপাঠ, উচ্চস্বরে শিবের নাম কীর্তন, রাসক্ৰীড়াদি সংযুক্ত চলন ও প্রদক্ষিণাদির দ্বারা তীর্থবাসাভিলাষিগণকে পরিতৃপ্ত করতঃ পঞ্চরাত্রি বাস করিয়া, নানাবিধ তীর্থ যাত্রাসমাপনান্তে অনাথগণকে পরিতৃপ্ত করিয়া, বিশ্বেশ্বরকে প্রণামকরতঃ ব্রহ্মচর্যাদি নিয়মের দ্বারা তীর্থফল লাভ করিয়া, বারম্বার বিশ্বনাথকে দর্শন, তাঁহার স্তব ও তাঁহাকে প্রণাম করিয়া, যেখানে অগস্ত্য মুনি স্বীয় নামে শিবলিঙ্গ প্রতিষ্ঠা করিয়া, তদগ্রে কুণ্ড স্থাপন করতঃ একাগ্রচিত্তে শতরুদ্রী জপে নিমগ্ন রহিয়াছেন, পরোপকারাভিলাষে তথায় গমন করিলেন। ৬—২৮। দেবগণ, জ্বলন্ত অনল সদৃশ অবয়ব-সমূহের দ্বারা সমুজ্জ্বল স্থাগুর স্থায় নিশ্চল এবং সাধুগণের মনের স্থায় নিশ্চল সেই মুনিবরকে দ্বিতীয় সূর্য্যের স্থায় ভেজস্বী

দর্শন করিয়া ভাবিতে লাগিলেন যে, সাক্ষাৎ বাড়বানল কি মূর্তি ধারণ করতঃ তপস্তা করিতেছেন ? অথবা তেজোরাশি এই ত্র্যাক্ষণের শরীর আশ্রয় করিয়া শাস্ত্রপদ প্রাপ্তির জন্ত শাস্ত্রিময় পরমতেজঃ প্রকাশ করিতেছে । যাঁহার কঠোর তপস্তা-বলে সূর্য্যদেবও তাপিত এবং দহনও দক্ষ, এবং চপলাও স্থিরা হইতেছে । যাঁহার আশ্রমের চতুর্দ্দিকেই হিংস্র জন্তুগণ পরস্পর স্বাভাবিক শত্রুতা পরিত্যাগ পূর্ব্বক সান্বিকভাবে অবলম্বন করিয়া রহিয়াছে । ২৯—৩৩ । অহো কি আশ্চর্য্য ! হস্তী নির্ভয়ে শুগের দ্বারা সিংহকে কণ্ঠ্যন করিতেছে এবং কেশর সমূহের দ্বারা উন্নক সিংহ, মৃগের ক্রোড়ে শয়ন করিয়া রহিয়াছে । বলবান বরাহ অত্যন্ত ক্রুরতা-নিবন্ধন লোম ফুলাইয়া মুখা সমূহের উপর দৃষ্টি করতঃ সিংহের মধ্যে বিচরণ করিতেছে, শূকর ভূদার\* হইয়াও সমস্ত কাশীভূমিই শিবলিঙ্গময়ী, এজন্য ভয়ে ওই আশ্রম ভূভাগ খনন করিতেছে না । সিংহ শূকরের শাবককে ক্রোড়ে করিয়া ক্রীড়া করাইতেছে । হরিণশিশু পুচ্ছ কম্পন পূর্ব্বক সিংহশাবকগণকে সরাইয়া দিয়া ফেণাযুক্ত মুখের দ্বারা সিংহীর স্তনপান করিতেছে, বানর নিদ্রিত ভল্লকের লোমসমূহ হইতে অঙ্গুলি দ্বারা এক একটা কীট গ্রহণ করতঃ ভক্ষণ করিতেছে । 'গোলাঙ্গুল, রক্তমুখ, ও নীলাঙ্গ প্রভৃতি বানরের দলপতিগণ, জাতিগত স্বাভাবিক মাৎসর্য্য পরিত্যাগ পূর্ব্বক একত্রে ক্রীড়া করিতেছে । শশ নামক মৃগগণ, বুক নামক ব্যাঘ্র বিশেষের পৃষ্ঠের উপর গড়াগড়ি দিয়া ক্রীড়া করিতেছে । মুষিকেরা চঞ্চলমুখে বিড়ালের কর্ণ কণ্ঠ্যন করিতেছে, বিড়াল ময়ূরের পাখনার নীচে স্থখে নিদ্রা যাইতেছে, সর্পগণ ময়ূরের কণ্ঠে স্বীয় কণ্ঠ ঘর্ষণ করিতেছে, নকুল নিজ কুলগত শত্রুতা পরিত্যাগ করিয়া, স্ব ইচ্ছায় বারম্বার লাফাইয়া লাফাইয়া সর্পের ফণার উপর লুপ্তিত হইতেছে । ক্ষুধাক্ত সর্প মুষিককে আপনার মুখের সম্মুখে চরিতে দেখিয়াও গ্রহণ করিতেছে না এবং মুষিকও সর্প হইতে কিছুমাত্র ভীত হইতেছে না । আসন্নপ্রসবা হরিণীকে দর্শন করতঃ ব্যাঘ্র করুণাপূর্ণ নেত্রে হরিণীর দৃষ্টিপথ হইতে দূরে গমন করিতেছে, ব্যাঘ্রী ও মৃগী পরস্পর সখীর স্নায় সহর্ষে ব্যাঘ্র ও মৃগের আচরণ কীর্ত্তন করিতেছে । শম্বর জাতীয় মৃগ, ধনুর্বাণধারী ব্যাধকে দর্শন করিয়াও সাহসের সহিত আপনার স্থান পরিত্যাগ করিতেছে না এবং ব্যাধও আসিয়া তাহার গাত্র কণ্ঠ্যন করিতেছে । রোহিতজাতি মৃগ নির্ভয়ে অরণ্যমহিষের গাত্রস্পর্শ করিতেছে । চমরীগণ শবরাদ্ধ-

ভূদার, পৃথিবীকে যে বিভীর্ণ করে, ইহা শূকরের একটা নাম ।

নার কেশের সহিত স্বীয় লাস্কুলের পরিমাণ করিতেছে। গবয় ও শল্যক ইহারা উভয়েই অগস্ত্য মুনির তেজে নিযন্ত্রিত হইয়া শত্রুতা পরিত্যাগপূর্বক একত্রে অবস্থান করিতেছে। মেঘদ্বয় পরস্পর জয়াভিলাষে মুণ্ডযুদ্ধের নিমিত্ত সজ্জিত হইতেছে না। শৃগালও হস্তদ্বারা কোমলভাবে মৃগ শাবককে স্পর্শ করিতেছে। মাংস ভক্ষণ ইহ ও পরলোকে দুঃখপ্রদ, স্মৃতরাং আপদের কারণ ইহা বিবেচনা করিয়া, খাপদগণ দিকারপূর্বক তৃণগুল্মাদি ভক্ষণ করিতেছে। ৩৪-৫০। যে ব্যক্তি পাপেতে মুগ্ধ হইয়া নিজের জন্ত মাংসপাক করে, সে ব্যক্তি যে পশুর মাংস ভক্ষণ করিতেছে, সেই পশুর দেহে যাবতীয় লোম আছে তাবৎ পরিমিত বর্ষ, তাহার নরক ভোগ হয়। ৫১। যে দুর্ববুদ্ধি ব্যক্তিগণ পরের প্রাণনাশ করিয়া আপনার প্রাণ পোষণ করে, তাহার এক কল্পপরিমিত কাল নরক ভোগ করিয়া যে পশুর মাংস ভক্ষণ করিয়াছিল সেই সমস্ত পশুগণ কর্তৃক ভক্ষিত হয়। ৫২। প্রাণ কণ্ঠগত হইলেও কখন মাংস ভোজন করা উচিত নহে, যদি খাইতে হয় তাহা হইলে নিজের মাংস খাওয়া উচিত কিন্তু পরের নহে। ৫৩। অগস্ত্যের আশ্রমে বাস করিয়া যাহাদের হিংসায় মতি নাই, এমত এই খাপদগণও শ্রেষ্ঠ, কিন্তু হিংসা-পরায়ণ নর কখনই ইহাদিগের হইতে শ্রেষ্ঠ নহে। ৫৪। 'অহো! অগস্ত্যের পুণ্যবলে সরোবরে বকও সম্মুখে বিচরণকারী মৎস্য সমূহকে ভোজন করিতেছে না এবং মৎস্যগণও ক্ষুদ্র মৎস্যগণকে গ্রাস করিতেছে না। ৫৫। এক মৎস্য মাংসই অস্বাদ্য সমস্ত মাংসের তুল্য, এই স্মৃতি বাক্য স্মরণ করিয়াই যেন ইহারা মৎস্যগণকে পরিত্যাগ করিতেছে। ৫৬। শ্যেন পক্ষীও ইতর ক্ষুদ্র পক্ষীকে দর্শন করিয়া, ভক্ষণ করা দূরে থাকুক বরং পরাঙ্মুখ হইতেছে। আশ্চর্যের বিষয়। মধুপগণও এখানে মধুপানে বিরত হইয়া মলিন অন্তঃকরণে ভ্রমণ করিতেছে, মদিরা-পানাসক্ত ব্যক্তিগণই বহুকাল নরক ভোগ করিয়া, মধুপ-জন্ম গ্রহণ করতঃ পুনঃ পুনঃ ভ্রান্তি পথে নিপতিত হয়, ইহারা যেন এই ভাবিয়াই মধুপানে বিরত রহিয়াছে। ৫৭—৫৮। এই নিমিত্তই মহাদেবের তত্ত্বজ্ঞানশালী পৌরাণিকগণ, গান করিয়া থাকেন যে, কোথায় মাংস এবং কোথায় শিবভক্তি, কোথায় মত্ত এবং কোথায় মহাদেবের অর্চনা, শব্দর মত্তমাংসরত ব্যক্তিগণের বহুদূরে অবস্থান করেন, মহাদেবের প্রসন্নতা ব্যতিরেকে কিছুতেই ভ্রান্তি বিনাশ হয় না, স্মৃতরাং যে ব্যক্তি মধু (মত্ত) পান করে, সে কখনই মহাদেবের প্রসাদ লাভে সমর্থ নহে, মহাদেবের কৃপা ভিন্ন ভ্রান্তি দূর হয় না, এই কারণ মধুপানকারী ভ্রমরগণ ভ্রান্ত হইয়া ভ্রমণ করিয়া বেড়াইতেছে। ৫৯ ও ৬১। এইরূপে আশ্রমবাসী পশু-পক্ষিগণকেও



মুনিঃসমূহের শ্রায় হিংসা হইতে বিরত দর্শন করিয়া, দেবগণ বুঝিলেন যে, এই কাশী ভূমির এইরূপ প্রভাবই বটে, কারণ এখানে মৃত্যুকালে পশু-পক্ষিগণও বিশ্বেশ্বরকে কৃপায়, তাঁরকব্রক্ষ উপদেশ প্রাপ্ত হইয়া মুক্তিলাভ করিয়া থাকে । ৬২-৬৩ । যে যে ব্যক্তি এই ক্ষেত্রের মাহাত্ম্য অবগত হইয়া নিশ্চয়ান্তঃকরণে এখানে বাস করে, জীবিত এবং মৃত উভয় অবস্থাতেই, বিশ্বেশ্বর তাহাকে পরিত্রাণ করিয়া থাকেন । এই অবিমুক্ত ক্ষেত্রের মাহাত্ম্য জানিয়া জ্ঞানিগণ যেরূপ মুক্তিভাজন হইয়া থাকেন, সেইরূপ ইহার মাহাত্ম্য না জানিয়াও, এই কাশীধামে দেহত্যাগান্তে নিষ্পাপ হইলেই তির্য্যক্জাতি মুক্তি লাভ করিতে পারে । ৬৪—৬৫ ।

এই প্রকার বিস্ময়যুক্ত হইয়া দেবগণ, যেকালে মুনির আশ্রমে প্রবেশ করিতে-ছেন সেই সময় পক্ষিকুলকে দর্শন করিয়া, পুনরায় অত্যন্ত আনন্দিত হইলেন, দেবগণ দেখিলেন যে, সারস পক্ষী সারসীর কণ্ঠদেশে স্বীয় কণ্ঠরক্ষা করিয়া রহিয়াছে, তাহা দেখিয়া বোধ হইতেছে, যেন নিদ্রিত না হইয়া নিশ্চল ভাবে বিশ্বনাথের ধ্যান করিতেছে । ৬৬—৬৭ । হংসী, স্বীয় চকুপুট দ্বারা কণ্ঠ্যুয়ন করিতে করিতে পক্ষ কম্পনের দ্বারা রমণেচ্ছু হংসকে যেন নিবারণ করিতেছে । চক্রবাকী, চক্রবাক বর্তুক অনুনীতা হইয়াও কেকিত ( অস্পষ্টশব্দ ) ভাষণের দ্বারা বলিতেছে যেন, হে কামিশ্রেষ্ঠ ! এই পবিত্র ধামেও কামিতার কি প্রয়োজন ! কুঞ্জ মধ্য হইতে উৎকণ্ঠায়ুক্ত হৃদয়ে কপোত মধুর কণ্ঠস্বর করিতেছে, ধ্যানস্থিত মুনি শ্রবণ করিবেন এই ভয়ে যেন কপোতী তাহাকে বারণ করিতেছে । ৬৮-৭০ । যেন অগস্ত্যের ধ্যানভঙ্গ ভয়েই ময়ুর কেকারব পরিত্যাগ করিয়া মৌনভাবে রহিয়াছে, কোমুদী-ভোজী চকোর নক্ত-ব্রতীর শ্রায় স্থির হইয়া রহিয়াছে । শালিক পক্ষির স্ত্রী ‘মহাদেব অপার সংসার-মাগরের পারদাতা’ এই সারবাক্য পাঠ করতঃ শালিক্কে বোধিত করিতেছে । কোকিল, কোমল আলাপের সহিত কাকলী স্বরে যেন “কাশীবাসি জনসমূহকে কাল এবং কলি স্বীয় অধীন করিতে সমর্থ নহে”, এই কথা বলিতেছে । ৭১-৭৩ ।

দেবগণ, পশু ও পক্ষিগণের এইরূপ ক্রিয়া সম্ভর্শন করতঃ অকারণ পাতভয়-সংকুল স্বর্গের নিন্দা করিতে লাগিলেন, যাহাদের পুনরায় সংসারে আসিতে হয় না সেই এই কাশীবাসী পশুপক্ষিরাও শ্রেষ্ঠ, কিন্তু দেবগণ শ্রেষ্ঠ নহেন, কারণ তাহাদের পুনরায় জন্ম হইয়া থাকে । আমরা স্বর্গবাসী হইয়াও কাশীস্থ পতিত ব্যক্তিগণেরও তুল্য নহি, কারণ কাশীতে পতনের ভয় নাই, স্বর্গ হইতেও পতনের ভয় রহিয়াছে । ৭৪-৭৬ ।

যদি মাগাবধি উপবাসী থাকিয়া কাশীবাস করিতে হয় তাহাও ভাল, কিন্তু অমৃত বিচিত্র ছত্রতলে নিষ্কণ্টকে রাজ্যভোগও কিছুই নহে। কাশীতে শশক, মশক প্রভৃতি অনায়াসে যে পদ লাভ করিয়া থাকে, ঘোগিগণ যোগবলেও অমৃত সে পদ প্রাপ্ত হন না। বারাণসীতে দরিদ্রও ভাল, কারণ তাহার যম হইতে কোন ভয় নাই, কিন্তু আমরা দেবতা হইয়াও কিছুই নহি, যে হেতুক এক বিদ্যাগিরি হইতে আমাদের এত দুর্দশা। ত্রক্ষার দিবসের অষ্টম ভাগে লোকপাল, সূর্য্য, চন্দ্র, গ্রহ ও তারাগণের সহিত ইন্দ্র পদ বিলুপ্ত হয়, কিন্তু পরাধ্বনয় পরিমিত কাল অতিক্রান্ত হইলেও যে কাশীতে অবস্থান করে, তাহার বিনাশ নাই। অতএব সর্বপ্রকার যত্নপূর্ব্বক কাশীতে শ্রেয়ের অনুষ্ঠান করিবে, কাশীবাসে যে সুখ, তাহা সমস্ত ত্রক্ষাণ্ডেও নাই, যদি অমৃত সে সুখ থাকিত তাহা হইলে সকলেই কেন কাশীতে বাস করিতে অভিলাষ করিবে। ৭৭-৮২। সহস্র জন্মে যে পুণ্য অর্জন করা যায়, সেই পুণ্যের বিনিময়ে এই কাশীতে বাস করিতে পারা যায়। কাশীতে বাস করিয়াও যদি মহাদেবকে পরিতুষ্ট না রাখে, তবে তাহার কোন লাভ হয় না; গুণএব সর্বদা ভক্তবৎসল বিশ্বেশ্বরের শরণাগত থাকিবে। যে ব্যক্তি উত্তরবাহিনী গঙ্গায় স্নান করিয়া বিশ্বেশ্বর দর্শন করিতে যায়, তাহার পদে পদে অশ্বমেধের অধিক ধর্ম্মলাভ হইয়া থাকে। যাহারা আন্তরিক ত্রক্ষার সহিত গঙ্গার দর্শন, স্পর্শন, স্নান, আচমন এবং সন্ধ্যা, উপাসনা, জপ, তর্পণ, দেবপূজন, পঞ্চ তীর্থদর্শন, তদনন্তর বিশ্বেশ্বরের দর্শন ও ত্রক্ষার সহিত স্পর্শন, পূজা, ধূপাদিদান, প্রদক্ষিণ, স্তব, জপ, নমস্কার, হে দেবদেব মহাদেব, হে শিব, হে ধ্বজটে, হে নীলকণ্ঠ, হে সৈশ, হে পিনাকিন, হে শশিশেখর, হে ত্রিশূলপাণে, হে বিশ্বেশ, আমাকে রক্ষা করুন, আমাকে রক্ষা করুন, ইত্যাদি বাক্য বলিয়া আনন্দে নর্ত্তন, মুক্তিমণ্ডপে নিমেষার্থ কাল উপবেশন এবং তথায় বসিয়া ধর্ম্মকথার আলাপ ও পুরাণ পাঠ এবং শ্রবণ, অমৃত নিত্যনৈমিত্তিক কর্ম্মের অনুষ্ঠান, অতিথির সৎকার এবং পরোপকার করে, তাহাদের এই সমস্তের দ্বারা উত্তরোত্তর ধর্ম্মলাভ হইয়া থাকে। শুক্লপক্ষে চন্দ্র যেমন এক এক কলা করিয়া দিন দিন বৃদ্ধিপ্রাপ্ত হন, তদ্রূপ কাশীবাসী ব্যক্তিগণের পদে পদে ধর্ম্মরশ্মি বর্দ্ধিত হইয়া থাকে। ৮৩-৯৪।

এই ধর্ম্মবৃক্ষ সর্বদাই সেবনীয়, ত্রক্ষা ইহার বীজ, বিভাগণের পাদোদক দ্বারা ইহা সিক্ত, সেই প্রসিক্ত চতুর্দশ বিত্তা, শিক্ষা, কল্ল, জ্যোতিষ প্রভৃতি ইহার শাখাসমূহ, অর্থশাস্ত্র ইহার পুষ্পস্বরূপ, কাম ও মোক্ষরূপ ইহার স্থূল ও সূক্ষ্ম দুইটি ফল। ৯৫। এই কাশীক্ষেত্রে ভবানী অন্নপূর্ণা সমস্ত অর্থপ্রদান করিয়া থাকেন

ও স্বয়ং তুষ্টিরাজ গণপতি সমস্ত কামনা পরিপূরণ করেন এবং স্বয়ং বিশ্বনাথ অন্তকালে কর্ণে তারক ব্রহ্ম উপদেশের দ্বারা জন্তুগণকে সংসার বন্ধন হইতে মুক্ত করিয়া থাকেন । কাশীতে ধর্ম চতুষ্পদেই বিরাজমান রহিয়াছেন এবং অর্থ অনেক প্রকারে অবস্থিত রহিয়াছে, কাশীতে কাম সর্বস্বত্বের আধারস্বরূপ, এমন কোন্ শ্রেয়ঃ আছে যাহা কাশীতে নাই ? ( অর্থাৎ এখানে মুক্তি যখন স্থলভ তখন অশ্রু শ্রেয়ের ত কথাই নাই ) ভগবান্ বিশ্বেশ্বর যেখানে স্বয়ং বিরাজমান, ধর্ম, অর্থ, কাম ও মোক্ষ তথায় মুক্তিমান্ হইয়া বিরাজ করিবে তাহার আর আশ্চর্য্য কি ! কারণ সেই বিশ্বেশ্বর স্বয়ং স্বরূপরূপ বিশ্বরূপ, অতএব ত্রিলোকাও কাশীপুরীর সমান নহে । ৯৬-৯৮ । দেবগণ এই কথা বলিতে বলিতে হোম-ধূমের স্রগন্ধে পরিপূর্ণ, বহুতর ব্রাহ্মণ-পরিবেষ্টিত, মুখের দ্বারা উপহাররূপ কুশ গ্রহণ করতঃ, শ্যামাক নামক অন্ন যাচঞার জন্ত, ঋষিকণ্ডাগণের অনুগামী মৃগশাবক কর্তৃক অলঙ্কৃত, বিঘ্নকারী মৃগগণকে বন্ধন করিবার জন্যই যেন জালরূপে বৃক্ষ-শাখায় বিলম্বিত আর্দ্র বন্ধল ও কোপীনের দ্বারা আবৃত এবং পতিব্রতার শিরোভূষণ লোপামুদ্রার চরণচিহ্নের দ্বারা চিহ্নিতাজন, অগস্ত্য মুনির কুটীর দর্শন করিয়া প্রণাম করিলেন । ৯৯-১০২ । অনন্তর সমাধি হইতে উত্থিত, কর্ণেতে অক্ষমালা ধারণ করিয়া অবস্থিত, কুণাসনোপরি উপবিষ্ট পরমেষ্ঠির ন্যায় শ্রেষ্ঠ সেই অগস্ত্য মুনিকে সম্মুখে অবলোকন করিয়া, ইন্দ্রপ্রমুখ দেবগণ প্রহৃষ্ট বদনে জয় জয় এই শব্দ উচ্চারণ করিলেন । তখন মুনি আসন হইতে উত্থান করিয়া তাঁহাদিগকে যথাস্থানে উপবেশন করাইয়া আশীর্ব্বাদবাক্যের দ্বারা অভিনন্দন প্রদানকরতঃ আগমনের কারণ জিজ্ঞাসা করিলেন । ১০৩-১০৫ ।

বেদব্যাস কহিলেন, যে ব্যক্তি ভক্তিযুক্ত হইয়া এই পুণ্যতম আখ্যান শ্রবণ করে এবং ব্রতশীল ও শ্রদ্ধাবান্ ব্যক্তিগণের নিকট পাঠ করে অথবা পাঠ করায়, সে অশেষ জ্ঞানজ্ঞানকৃত সমস্ত পাপ হইতে নিম্মুক্ত হইয়া শুদ্ধবর্ণ যানে আরোহণ করতঃ নিশ্চয়ই শিবপুরে গমন করে । ১০৬-১০৭ ।

## চতুর্থ অধ্যায় ।



### পতিব্রতাখ্যান ।

সূত কহিলেন, হে ভগবন্ মহামুনে, অগস্ত্যমুনি কর্তৃক জিজ্ঞাসিত হইয়া, দেবগণ সর্বলোকের হিতের জন্য কি কথা বলিয়াছিলেন, তাহা কীর্তন করুন । ১ ।

বেদব্যাস কহিলেন, দেবগণ বহু মানপুরঃসর অগস্ত্য মুনির বাক্য শ্রবণ করিয়া বৃহস্পতির মুখের প্রতি নিরীক্ষণ করিতে লাগিলেন, তখন বৃহস্পতি কহিতে আরম্ভ করিলেন । ২ ।

বৃহস্পতি কহিলেন, হে মহাভাগ অগস্ত্য ! দেবগণের আগমনের কারণ শ্রবণ কর, হে মুনে ! তুমি ধনু, তুমি ক্রতকৃত্য এবং মহৎগণেরও মাণ্ড । প্রত্যেক অরণ্যে ও প্রত্যেক পর্বতে, প্রত্যেক আশ্রমেই বহুতর তপোধনগণ অবস্থান করিতেছেন, কিন্তু তোমার মর্যাদা তাঁহাদিগের হইতে বিভিন্ন, তপস্কার শ্রী তোমাতেই আছে, ব্রহ্মভেজ তোমাতেই স্থিরভাবে অবস্থান করিতেছে, পুণ্যশ্রী তোমাতেই দেখিতেছি, ঔদার্য্য গুণ তোমাতেই সন্নিবিষ্ট, পবিত্র মন তোমাতেই পরিলক্ষিত হইতেছে, যাঁহার কথা শ্রবণ করিলে পুণ্য হয়, সেই তোমার সহধর্ম্মিণী এই পতিব্রতা লোপামুদ্রা ছায়ার মত সতত তোমার অনুগামিনী রহিয়াছেন, অরুদ্রা, সাবিত্রী, অনসূয়া, শাণ্ডিল্যা, সতী, লক্ষ্মী, শতরূপা, মেনকা, সুনীতি, সংজ্ঞা ও স্নাহা, ইহারা পতিব্রতার উল্লেখ সময়ে ইহাঁর ষে রূপ প্রশংসা করেন, তদ্রূপ প্রশংসা অশ্রুতাহারও করেন না । ৩-৮ । হে মুনে, তুমি ভোজন করিলে ইনি ভোজন করেন, তুমি অবস্থিত হইলে ইনি অবস্থান করেন, তুমি নিদ্রিত হইলে ইনি নিদ্রা যান । অথচ তোমার অগ্রে জাগরিত হন, অনলঙ্কৃত হইয়া কখন তোমাকে দর্শন দেন না, কোন কার্য্যের জন্ত তুমি স্থানান্তরে গমন করিলে সমস্ত বেশভূষা রহিত হন । তোমার আয়ু বৃদ্ধি হইবে এই অভিলাষে কখন তোমার নাম উচ্চারণ করেন না এবং কদাপিও অন্য পুরুষের নাম গ্রহণ করেন না । তুমি রাগ করিলে ইনি রাগ করেন না, তুমি তিরস্কার করিলে ইনি প্রসন্ন হন, ‘এই কার্য্য কর’ তুমি এই কথা বলিলে, হে স্বামিন্ করিয়াছি এই কথাই বলেন । তুমি আহ্বান করিলে সমস্ত গৃহকর্ম্ম পরিত্যাগপূর্ব্বক সত্বর তোমার নিকট গমন করিয়া, ‘হে নাথ আমাকে কি জন্য আহ্বান করিয়াছেন তাহা আজ্ঞা করুন’ এই কথা বলেন ।

বহুকাল দ্বারে অবস্থিতি করেন না, কখন দ্বারদেশে শয়ন করেন না, তুমি না দিতে রুলিলে কাহাকেও কিছুই দেন না, তুমি না বলিতেই স্বয়ং সমস্ত পূজার আয়োজন করিয়া থাকেন ; নিয়মোদক, কুশ, বিষ্ণুপত্র, পুষ্প, অক্ষতাদি যে কালে তোমার যাহা প্রয়োজনীয়, অনুদ্বিগ্ন হইয়া প্রসন্নচিত্তে তাহা লইয়া তোমার অবসর প্রতীক্ষা করিয়া উপস্থাপিত করিয়া থাকেন । লোপামুদ্রা তোমার উচ্ছিষ্ট মিষ্ট, অন্ন ও ফলাদি আহার করেন, তুমি কিছু দিলে তাহা মহাপ্রসাদ বলিয়া গ্রহণ করিয়া থাকেন, দেবতা, পিছু, অতিথি, পরিচারকবর্গ, গো ও ভিক্ষুকগণের ভাগ না রাখিয়া ইনি কখন ভোজন করেন না । ৯-১৮ । অলঙ্কারের জন্ত ইহার কোন আগ্রহ নাই, সমস্ত ক্রিয়াতেই ইনি নিপুণ ও অনর্থক কোন ব্যয় করেন না, তুমি অনুমতি না দিলে কোন উপবাস বা ব্রত করেন না । ইনি দূর হইতেই সামাজিক উৎসব দর্শন পরিত্যাগ করেন । তীর্থযাত্রা কিম্বা বিবাহাদি দর্শন করিতে যান না । যখন তুমি সুখে শয়ন করিয়া থাক বা উপবেশন করিয়া থাক কিম্বা অন্য কোন সুখকর কার্য্যে ব্যাপ্ত থাক, তখন কোন প্রয়োজনীয় কার্য্য উপস্থিত হইলেও তোমাকে উঠিতে বলেন না । ঋতুমতী হইয়া তিন দিবস তোমাকে স্বীয় মুখ দেখান না । যে পর্য্যন্ত ঋতুস্নান \* করিয়া শুদ্ধ না হন, সে পর্য্যন্ত আপনার বাক্যও তোমাকে শুনিতে দেন না । ১৯-২২ । ঋতুস্নানের পর তোমার মুখ দর্শন না করিয়া অন্য কাহারও মুখ দর্শন করেন না । যদি তুমি সে সময় গৃহে না থাক তাহা হইলে মনে মনে তোমাকে ধ্যান করতঃ সূর্য্য দর্শন করিয়া থাকেন । ২৩ । তুমি দীর্ঘায়ু হইবে এই অভিলাষে হরিদ্রা, কুঙ্কুম, সিন্দূর, কজ্জল, কঙ্করী, তাম্বল, মাজল্য আভরণ ( শাঁখা ), কেশ সংস্কার, কবরীবন্ধন এবং কর্ণ ভূষণ কখনই পরিত্যাগ করেন না । ইনি রজকী, হৈতুকী\*, বৌদ্ধগত্নী ও দুর্ভগা প্রভৃতির সহিত কখনই সখীত্ব স্থাপন করেন না । যে স্ত্রী পতির বিদ্বেষ করে, তাহার সহিত ইনি কখন আলাপ করেন না । একাকিনী কোন স্থানে অবস্থান করেন না এবং কখনও উলঙ্গ হইয়া স্নান করেন না । সতী লোপামুদ্রা কখন উদ্বীর্ণ, মূষল, সম্মাজনী, দেহলী কিম্বা জাঁতার উপর উপবেশন করেন না । ২৪-২৮ । ব্যায়াকাল ভিন্ন কখন প্রগল্ভতা আচরণ করেন না । পতির যাহা প্রিয় তৎসমস্তই ভাল বাসেন । সতী স্ত্রীগণ কখন পতির বাক্য লঙ্ঘন করে না, ইহাই তাহাদের ব্রত, ইহাই পরম ধর্ম্ম এবং ইহাই স্ত্রীলোকের দেবারাধনা । পতি ক্রৌব বা দুরবশ্য, ব্যাধিযুক্ত বা বৃদ্ধ, স্থগ্নিত

\* যে স্ত্রী চেতুর্বাদ দ্বারা সংকর্ষে সন্দেহ উৎপাদন করায় তাহার নাম হৈতুকী ।

বা দুঃস্থিত হউন, কখন তাঁহাকে অবজ্ঞা করিবে না । পতিকে ক্ষমিত দেখিলে, স্বয়ং সন্তুষ্ট হইবে এবং পতির বিষয় বদন দর্শন করিলে স্বয়ং বিষয় হইবে, “সম্পদে বা বিপদে একভাবেই পতির অনুবর্তিনী থাকিবে । ঘৃত, লবণ, তৈল প্রভৃতি সাংসারিক দ্রব্য ফুরাইয়া গেলে, পতিব্রতা পতিকে কখন “নাই” এ কথা বলিবে না এবং তাঁহাকে কোন প্রকার ক্লেশকর কর্মে নিয়োগ করিবে না । পতিব্রতার যখন তীর্থে স্নান করিতে অভিলাষ হইবে, তখন পতির পাদোদক পান করিবে । স্ত্রীর নিকট পতি মহাদেব এবং বিষুং হইতেও অধিকতর পূজনীয়, যে স্ত্রী স্বামীর আজ্ঞা লঙ্ঘন করিয়া ব্রতোপবাসাদির অনুষ্ঠান করে, সে পতির আয়ুঃ হরণ করে এবং মুরিয়া নরকে গমন করে । ২৯-৬৫ । যে স্ত্রী স্বামি-কর্তৃক তিরস্কৃত হইয়া ক্রোধে তাহার প্রত্যুত্তর প্রদান করে, সে মরিয়া গ্রামের কুকুর বা বনের শূগল হইয়া জন্মগ্রহণ করে । ৩৬ । পতির চরণসেবা করিয়া ভোজন করাই স্ত্রীলোকের একমাত্র শ্রেষ্ঠ নিয়ম । স্ত্রীলোকে কখন উচ্চ আসনে উপবেশন বা পরের গৃহে গমন করিবে না । কখন লজ্জাকর বাক্য প্রয়োগ করিবে না । কাহারও নিন্দাবাদ করিবে না, কলহ দূর হইতে পরিত্যাগ করিবে । গুরুজনের নিকট উচ্চৈঃস্বরে কথা কিস্বা হাস্য করিবে না । যে দুই স্ত্রী স্বীয় স্বামী পরিত্যাগ করিয়া, পরপুরুষ-গামিনী হয়, সে মরিয়া উলুকা হইয়া জন্মগ্রহণকরতঃ বৃক্ষের কোটরে বাস করে । যে স্ত্রী পতিকর্তৃক তাড়িতা হইয়া তাঁহাকে তাড়না করিতে ইচ্ছা করে, সে জন্মান্তরে ব্যাত্রী বা মার্জ্জারী হয় । যে স্ত্রী পরপুরুষের প্রতি কটাক্ষপাত করে, জন্মান্তরে সে টেরা হয় । যে স্ত্রী স্বামীকে বঞ্চনা করিয়া কেবল নিজে মিষ্টদ্রব্য ভক্ষণ করে, সে গ্রামে বিষ্ঠাভোজী শূকরী কিস্বা বাছড়পক্ষী হইয়া জন্মগ্রহণ করে । যে স্ত্রী পতিকে “তুই” শব্দ প্রয়োগ করিয়া কটুবাক্য বলে, সে জন্মান্তরে বোবা হয় । যে স্ত্রী সপত্নীর প্রতি সর্বদা ঘেষ করে, সে জন্ম-জন্ম হতভাগিনী হয় । যে স্ত্রী বস্ত্রাদির দ্বারা পতির চক্ষু জ্বাবরণ করিয়া, অশ্লু পুরুষকে দর্শন করে, সে জন্মান্তরে নেত্রহীনা, কুমুখী বা কুরূপা হয় । যে পতিব্রতা স্ত্রী বাহির হইতে পতিকে আগমন করিতে দেখিয়া, সস্তর জল, আসন, তাম্বূল, ব্যজন, পাদসেবা, মিষ্টকথা প্রভৃতির দ্বারা পতিকে প্রীত করে, তাহার দ্বারা ত্রিভুবন প্রীত হয় । পিতা, ভ্রাতা, পুত্র ইহার সকলেই পরিমিত স্নেহ প্রদান করিয়া থাকেন, কিন্তু স্ত্রী স্বামীর নিকট অপরিমিত স্নেহপ্রাপ্ত হইয়া থাকে, অতএব অপরিমিত স্নেহদাতা সেই স্বামীকে সর্বদা পূজা করিবে । স্ত্রীলোকের পতিই দেবতা, পতিই গুরু, পতিই ভরণকর্তা, পতিই ধর্ম, পতিই তীর্থ এবং পতিই ব্রত, অতএব স্ত্রীগণ সমস্ত পরিত্যাগ করিয়া,

একমাত্র পতি-সেবাতেই নিযুক্ত থাকিবে । যেমন জীবনহীন দেহ ক্ষণমধ্যে অশুচি হইয়া যায়, তদ্রূপ পতিহীনা নারী স্ফল্লিত হইলেও সর্বদাই অশুচি থাকে । সমস্ত অমঙ্গলের মধ্যে বিধবাই চরম অমঙ্গল, বিধবা দর্শন করিয়া যাত্রা করিলে কখন কুত্রাপিও কার্য্যসিদ্ধি হয় না । ৩৭-৫০ ।

একমাত্র মাতা ব্যতীত সমস্ত বিধবাই মঙ্গলবর্জিত, অতএব বুদ্ধিমান ব্যক্তি অত্যাশ্রয় বিধবাগণের আশীর্ব্বাদও সর্পের ন্যায় অমঙ্গল বিবেচনায় পরিত্যাগ করিবেন । ৫১ । কন্যার বিবাহ সময়ে ব্রাহ্মণেরা এই বলিয়া আশীর্ব্বাদ করিয়া থাকেন যে, পতির জীবিত বা মরণে সতত তাঁহার সহচরী হইবে, ছায়া যেমন দেহের, জ্যোৎস্না যেমন চন্দ্ৰের এবং বিদ্যাৎ যেমন মেঘের অনুগত, তদ্রূপ সর্বদা পতির অনুগামিনী হইবে, যে নারী গৃহ হইতে শ্মশানেও আনন্দে পতির অনুগমন করে, নিশ্চয়ই তাহার পদে পদে অশ্বমেধের ফললাভ হয় । ৫২-৫৪ । সর্পগ্রাহী সর্পকে যেমন সবলে গর্ত্ত হইতে উঠায়, সতী স্ত্রীও তদ্রূপ পতিকে নরক হইতে উদ্ধার করিয়া স্বর্গে লইয়া যায় । সতীকে দর্শন করতঃ যমদূতগণ দূর হইতেই তাঁহার পতি দুষ্কৃতিকারী হইলেও তাহাকে পরিত্যাগ করিয়া দূরে পলায়ন করে, যমদূতেরা বলিয়া থাকে যে, পতিব্রতাকে আসিতে দেখিয়া, আমরা যাদৃশ ভীত হই, অগ্নি বা বিদ্যাৎ হইতে আমাদের তাদৃশ ভয় হয় না, পতিব্রতার তেজঃ দেখিয়া তপনও তাপিত হন এবং দহনও দন্ধ হন, এবং সমস্ত তেজঃই কাঁপিয়া থাকে । মনুষ্য-দেহে যতগুলি লোম আছে, তাবৎ কোটি পরিমিত কাল পতিব্রতার সহিত তাহার স্বামী স্বর্গভোগ করিয়া থাকে । ৫৫-৫৯ । ধন্য সেই জনক ও জননী, যাহাদের গৃহে পতিব্রতা কন্যা অবস্থান করেন, এবং ধন্য সেই ভাগ্যবান পতি, যাহার গৃহে পতিব্রতা স্ত্রী অবস্থান করেন, পতিব্রতার পুণ্যবলে পিতৃবংশের তিন পুরুষ ও মাতৃবংশের তিনপুরুষ এবং পতিবংশের তিনপুরুষ স্বর্গস্থত্ব ভোগ করিয়া থাকে । ৬১ । স্ত্রীলোক ব্যভিচারিণী হইলে, পিতৃবংশ ও মাতৃবংশ এবং পতিবংশের তিন পুরুষ করিয়া নরকে নিপাতিত করে এবং স্বয়ং ইহ ও পরকালে দুঃখ-ভাগিনী হয় । ৬২ । পতিব্রতার চরণ যে যে ভূমিতে নিপতিত হয়, সেই সেই স্থানে ভূমি পবিত্র হইয়া, মনে মনে ভাবে, এখানে আমার উপর কোন ভার নাই । ৬৩ । সূর্য্য, চন্দ্র ও বায়ু ইহঁরা নিজে পবিত্র হইবেন বলিয়া, পতিব্রতার অঙ্গস্পর্শ করিয়া থাকেন । ৬৪ । জলসমূহ সর্বদাই এই অভিলাষ করিয়া থাকে যে, পতিব্রতা আমাদের স্পর্শ করুন, এবং তাঁহার স্পর্শে ভাবে, অথচ আমাদের জড়তা বিনষ্ট হইল এবং আজ হইতে আমরা অশ্লকে পবিত্র করিতে সমর্থ হইলাম । ৬৫ ।

রূপলাবণ্যবতী স্ত্রী কিন্তু গৃহে গৃহে অবস্থান করেন না । কেবল একমাত্র 'বিশ্বে-  
শ্বরের ভক্তিবলেই পতিব্রতা স্ত্রীলাভ হইতে থাকে । ৬৬ ।' স্ত্রীই গৃহস্থের মূল,  
স্ত্রীই স্ব্থের মূল, ও ধর্ম্যকার্যের সহায় এবং স্ত্রী হইতেই বংশবৃদ্ধি হইয়া থাকে । ৬৭ ।  
পতিব্রতা স্ত্রী থাকিলেই ইহলোক এবং পরলোক জয় করিতে পারা যায়,  
ভার্যাবিহীন ব্যক্তি, দেব, পিতৃ, অতিথি বা যজ্ঞকর্ম্মের অধিকারী হয় না । ৬৮ ।  
যাহার গৃহে পতিব্রতা স্ত্রী আছে সেই ব্যক্তিরই ষথার্থ গৃহ, পতিব্রতা-ধর্ম্মরহিতা  
স্ত্রী কেবল জরারূপিণী রাক্ষসীর দ্বারা পতির প্রাণহানি করিয়া থাকে । ৬৯ ।  
যেমত গঙ্গাস্নান করিলে শরীর পবিত্র হয়, তদ্রূপ পতিব্রতা স্ত্রীর পবিত্র দৃষ্টিতে  
লমস্তু পবিত্র হইয়া থাকে । ৭০ ।

যদি কোন প্রকারে দৈববশতঃ স্ত্রী স্বামীর সহমৃত্যু না হইতে পারে, তাহা  
হইলেও তাহার বিশুদ্ধভাবে চরিত্র রক্ষা করা উচিত, কারণ চরিত্র নষ্ট হইলে  
নরকে যাইতে হয় । ৭১ । আর তাহার পাপে, তাহার পতি স্বর্গে থাকিলেও  
তথা হইতে চ্যুত হন এবং তাহার পিতা, মাতা এবং ভ্রাতৃবর্গেরও সেই দশা হইয়া  
থাকে । ৭২ । পতির মৃত্যুর পর যে স্ত্রী বৈধব্য-ব্রত পালন করে, সে মৃত্যুর পর  
পুনরায় পতির সহিত মিলিত হইয়া, স্বর্গস্থত ভোগ করে । বিধবার কেশবন্ধন,  
পতির বন্ধনের নিমিত্ত, স্ততরাং বিধবা, সর্বদা মুণ্ডিত মস্তকে থাকিবে, প্রত্যহ  
একবার করিয়া ভোজন করিবে, কখনই দুইবার ভোজন করিবে না । ত্রিরাত্র,  
পঞ্চরাত্র বা পক্ষব্রত অবলম্বন করিবে । ৭৩-৭৫ । অথবা মাসোপবাস-ব্রত, চান্দ্রা-  
য়ণ, পরাক-ব্রত, কিস্মা তপস্কৃচ্ছ্র ব্রত করিবে । ৭৬ । যে পর্য্যন্ত জীবিত থাকিবে,  
তাবৎকাল যবান্ন, ফল বা শাক আহার কিস্মা জলমাত্র পান করিয়া, দেহযাত্রা  
নির্বাহ করিবে । ৭৭ । বিধবা-নারী পর্য্যঙ্কে শয়ন করিলে, তাহার পতি নরকগামী  
হয়, স্ততরাং পতির স্তম্ভ-কামনায় বিধবা ভূমিতে শয়ন করিবে । ৭৭ । বিধবা, অজ্ঞে  
কোন উত্তর্তু লাগাইবে না, আর কোন স্তম্ভ জব্যাও ব্যবহার করিবে না ।  
প্রত্যহ পতি ও তাঁহার পিতা এবং পিতামহের উদ্দেশে, তাঁহাদের গোত্র ও নাম  
উচ্চারণ করিয়া, কুশ ও তিলোদকের দ্বারা তর্পণ করিবে । ৭৯-৮০ । এবং পতি-  
বুদ্ধিতে বিষ্ণুর পূজা করিবে । সর্বব্যাপক হরিকে সতত পতিরূপে ধ্যান করিবে ।  
৮১ । যে যে জব্যা পতি ভালবাসিতেন সেই সেই জব্যা, পতির প্রীতি-উদ্দেশে সদ  
ব্রাহ্মণকে দান করিবে । ৮২ । বৈশাখ, কার্ত্তিক ও মাঘ মাসে, বিশেষ নিয়ম  
অবলম্বন করিবে । ৮৩ ।

স্নান, দান, তীর্থযাত্রা এবং বারম্বার বিষ্ণুর নাম উচ্চারণ করিলে এবং বৈশাখ



মাসে জলকুস্ত দান, কার্তিক মাসে দেবস্থানে স্নাতের প্রদীপ দান এবং মাঘ মাসে \* ধান্য ও তিল উৎসর্গ করিলে স্বর্গ হইয়া থাকে । ৮৪ । বিধবা বৈশাখ মাসে জলসত্র ও দেবতার উপর জলধারা দিবে এবং পাতুকা, ব্যজন, ছত্র, সূক্ষ্মবস্ত্র, কর্পূরমিশ্রিত চন্দন, তাম্বুল, স্নগন্ধি পুষ্প, অনেক প্রকার জলপাত্র, পুষ্পগৃহ, নানাবিধ পানীয় দ্রব্য এবং দ্রাক্ষা ও রস্তা প্রভৃতি ফল পতির প্রীতি-কামনায় সদ্ব্রাক্ষণসমূহকে দান করিবে । ৮৫-৮৭ ।

কার্তিক মাসে যবান্ন অথবা একবিধ অন্ন আহার করিবে । বৃন্তাক, ওল ও শুকশিখী আহার করিবে না । তৈল, মধু, কাংশপত্র ব্যবহার এবং বিষ ও আমলকী প্রভৃতি পরিত্যাগ করিবে । ৮৮-৮৯ । কার্তিক মাসে মৌনব্রত অবলম্বন করিয়া সুন্দর ঘণ্টা দান করিবে, পত্রে ভোজন নিয়ম করিয়া স্নতপূর্ণ কাংশপাত্র দান করিবে । ৯০ । ভূমিশয্যা-ব্রত করিয়া, উত্তম শয্যাদান করিবে । ফল ত্যাগ করিলে ফল দান করিবে এবং রস পরিত্যাগ করিলে যে রস পরিত্যাগ করিয়াছে, সেই রস দান করিবে । ৯১ । ধান্য ত্যাগ করিলে ধান্য দান করিবে এবং যন্ত্র-সহকারে কাঞ্চনের সহিত সুসজ্জিত গো দান করিবে । একদিকে সর্ববিধ দান এবং একদিকে প্রদীপ দান, কার্তিক মাসে প্রদীপ দানের তুল্য আর কোন দান নাই । ৯২-৯৩ ।

সূর্য্য কিঞ্চিৎ প্রকাশিত হইলে, মাঘমাসে স্নান করিবে এবং মাঘস্নায়ী ব্যক্তি, আপন সামর্থ্যানুরূপ নিয়ম অবলম্বন করিবে । দ্রাক্ষণ, সন্ন্যাসী ও তপস্বীগণকে পক্কান্ন, লাড়ু, ফেণিকা ও অন্যান্য স্নতপক্ক মিষ্টদ্রব্য ভোজন করাইবে । ৯৪-৯৬ । শীত নিবারণের জন্য শুষ্ক কাষ্ঠদান করিবে, তুলাভরা জামা ও সুন্দর গাত্রবস্ত্র, মঞ্জিষ্ঠা-রাগরঞ্জিত বস্ত্র, তুলাভরা রেজাই, জাতীফল ও লবঙ্গাদিযুক্ত বহুতর তাম্বুল, বিচিত্র কম্বল, নির্বাতগৃহ, কোমল পাতুকা ও স্নগন্ধি উবর্তন সঁকল দান করিবে । স্নত ও কম্বল দান, পূজা ও মহাস্নানাদির অমুষ্ঠানপূর্ব্বক, কৃষ্ণাণ্ডক প্রভৃতির দ্বারা দেবালয়ে ধূপদান, স্থল বতিদ্বারা প্রদীপ, নানাবিধ নৈবেদ্যের দ্বারা, ভট্টস্বরূপ ভগবান্ প্রীত হইউন এই বলিয়া, দেবতার পূজা করিবে । বিধবা এবম্বিধ নানা নিয়ম ও ব্রতের অনুষ্ঠান দ্বারা বৈশাখ, কার্তিক ও মাঘ মাস অতিবাহিত করিবে । কঠাগত প্রাণ হইলেও কদাপি বুয়ের উপর আরোহণ করিবে না, কপ্পক বা রঞ্জন বসন পরিধান করিবে না এবং সর্বদা পতিগতচিত্তে থাকিবে ও পুত্রগণকে জিজ্ঞাসা না করিয়া, কোন কার্য্য করিবে না । এইভাবে কাল-যাপন করিলে বিধবাও মঙ্গলরূপিণী হয় । ৯৭-১০৪ । এই সমস্ত ধর্ম্মকর্ম্মের

অনুষ্ঠানে বিধবাও পতিব্রতার তুল্য হয় এবং কুত্ৰাপিও দুঃখ না পাইয়া, পতিলোকে গমন করে। ১০৫। পতিব্রতা নারী ও গজ্ঞাতে কোন ভেদ নাই, পতিব্রতা উমাঃ শিবের তুল্য, স্ততরাং পণ্ডিত ব্যক্তি, সর্বদা তাঁহাদের সৎকার করিবে। ১০৬।

বৃহস্পতি কহিলেন, হে লোপামুদ্রে, অত্ন তোমার দর্শনে আমাদের গজ্ঞাস্থানের ফললাভ হইল। হে মাতঃ, তুমিই যথার্থ পতিব্রতা, কারণ তোমার দৃষ্টি সর্বদা পতির চরণেই নিবিষ্ট রহিয়াছে। সর্ববার্থতত্ত্বদর্শী বৃহস্পতি, এই প্রকারে পতিব্রতা রাজপুত্রী লোপামুদ্রার স্তুতি ও প্রণাম করিয়া, অগস্ত্য মুনিকে বলিতে লাগিলেন। ১০৭-১০। তুমি প্রণবস্বরূপ ও এই লোপামুদ্রা শ্রুতিক্রীড়িণী, ইনি সাক্ষাৎ ক্ষমা ও তুমি তপঃস্বরূপ, ইনি সংক্রিয়াস্বরূপ ও তুমি তাহার ফলস্বরূপ, অতএব হে মহামুনে, তুমিই ধন্য, ইনি সাক্ষাৎ পতিব্রতা তেজ, তুমিও স্বয়ং সাক্ষাৎ ব্রহ্মতেজ, ইহার উপর আবার তোমার এই তপস্কার তেজ, অতএব তোমার অসাধ্য কিছুই নাই। ১০৯-১১০। হে মুনে! তোমার অবিদিত কিছুই নাই, তথাপি এই দেবগণ, যে অভিপ্রায়ে এখানে আগমন করিয়াছেন তাহা শ্রবণ কর। ইনি ব্রহ্মাসুরের হস্তা-ইন্দ্র, বজ্র ইহার আয়ুধ, অষ্টবিধ শিখি ইহারই দ্বারে অবস্থানকরতঃ দৃষ্টিপাত দ্বারা সমস্ত প্রাসাদকে পরিভূত রাখেন, ইহারই পুরমার্গে কামধেনু সকল বিচরণ করিয়া থাকে, ইহারই পুরনিবাসিগণ সর্বদা কল্পবৃক্ষের ছায়ায় বিশ্রাম লাভ করিয়া থাকে। ১১১-১৩।

ইহার পুরার রাজমার্গ-সমূহে চিন্তামণি মণিসমূহই কর্কররূপে পতিত রহিয়াছে। আর ইনি জগদুযোনি অগ্নি, আর ইনি স্বয়ং ধর্ম্মরাজ, এই নিষ্কর্ত্তি, এই বরুণ, এই বায়ু এবং এই কুবের ও রুদ্রাদিদেবগণ, লোকে কামনা পূরণের অভিলাষে ইহাদেরই স্তবদির দ্বারা আরাধনা করিয়া থাকে। আজ ইহারা জগতের হিতের জগ্ন তোমার নিকট বাচুঃপ্রা করিতে আগিয়াছেন, বিখের সেই উপকার, অন্নের পক্ষে অসাধ্য হইলে, তোমার পক্ষে অতি সহজ। ১১৪-১১৬। বিদ্যা নামে কোন পর্বত, স্নমেরুর সহিত স্পর্শকরতঃ সূর্য্যের পথরোধ করিয়া ক্রমশঃ বাড়িতেছে, আপনি তাহার বৃদ্ধি নিবারণ করুন। যাহারা স্বভাবতঃ কঠিন, যাহারা পশ্চার অবরোধক ও যাহারা গহঙ্কারে বদ্ধিত হয়, তাহাদের বৃদ্ধি মঙ্গলদায়ক নহে। ১১৭-১১৮। মহামুনি অগস্ত্য, বৃহস্পতির এই বাক্য শ্রবণ করিয়া, তৎক্ষণাৎ নিজের হিতাহিত চিন্তা না করিয়াই, আপনাদের কার্য্য আমি সাধন করিব এই কথা বলিয়া, দেবগণকে বিদায়করতঃ পুনরায় চিন্তাসহকারে ধ্যানে নিমগ্ন হইলেন। ১১৯-১২০।

বেদব্যাস কহিলেন, স্ত্রী কিম্বা পুরুষ যদি এই পতিব্রতের উপাখ্যান শ্রবণ করে, তাহা হইলে সে সমস্ত পাপ হইতে নিমুক্ত হইয়া, অশ্বৈ ইন্দ্রলোকে গমন করিবে । ১২১ ।

## পঞ্চম অধ্যায় ।

—\*—

কাশী হইতে অগস্ত্যের প্রশ্নান ।

বেদব্যাস কহিলেন, হে সূত ! অনন্তর ধ্যানযোগে ভগবান্ বিশ্বনাথকে দর্শন করিয়া, সেই মুনিশ্রেষ্ঠ অগস্ত্য, পুণ্যস্বভাবা লোপামুদ্রাকে এই বাক্য কহিতে লাগিলেন যে, অয়ি বরারোহে লোপামুদ্রে ! ইহা কি উপস্থিত হইল ? 'মুনি-মার্গানুসারী মাদৃশ জনসমূহই বা কোথায় ? আর এবম্প্রকার কর্ম্মই বা কোথায় ? কি আশ্চর্য্যের বিষয় ! যে পর্বত-শত্রু ইন্দ্র, অবজ্ঞাসহকারে পুরাকালে সকল পর্বতেরই পক্ষচ্ছেদ করিয়াছেন, অথ একাকী বিদ্যাগিরির গর্ব্ব খর্ব্ব করিতে তাঁহার সামর্থ্য কি প্রকাবে কুণ্ঠিত হইল ? যাঁহার প্রাঙ্গণে কল্পক্রম বিद्यমান রহিয়াছে, বজ্রই যাঁহার অস্ত্র, অগ্নিমাди অমৃত প্রকার সিদ্ধিও যাঁহার বশীভূত, সেই দেবরাজ ইন্দ্র, স্বকীয় কর্ম্মসিদ্ধির নিমিত্ত মাদৃশ ব্রাহ্মণের নিকট প্রার্থনা করিতেছেন কেন ? । ১-৪ ।

অহো ! দাবানলমাত্রেরই সংযোগে যে পর্বতসমূহ, সর্বদাই ব্যাকুল হইয়া থাকে, অথ সেই পর্বতের বুদ্ধি নিবারণ করিতে অসং বহ্নিদেবের সামর্থ্যও বিলুপ্ত হইল ! যে দণ্ডধর প্রভু যমরাজ, সকল ভূতগণেরই নিয়ন্তা, তিনি কি সেই অসহায় প্রস্তরাকৃতি বিদ্যাকে দমন করিতে পারিলেন না ? দ্বাদশ আদিত্যগণ, অমৃত বসুগণ, একাদশ রুদ্রগণ, ষট্‌ত্রিংশৎ তুষ্টিগণ, একোনপঞ্চাশৎ বায়ুগণ, ত্রয়োদশ বিশ্বদেবগণ ও অশ্বিনীকুমারদ্বয় এবং অষ্টাশ্র দেবগণ, ইঁহারা একবার দৃষ্টিপাত করিলেই ত্রিভুবন বিলয় প্রাপ্ত হয়, আশ্চর্য্যের বিষয় ! ইঁহারা অথ সকলে মিলিত হইয়াও, একটা পর্বতের বুদ্ধি নিবারণ করিতে সমর্থ হইলেন না । । ৫-৮ ।

অহো ইহার কারণ কি ? এতক্ষণে তাহা বুঝিতে পারিলাম, তত্ত্বদর্শী মুনিগণ কাশীকে লক্ষ্য করিয়া, যাহা কীৰ্ত্তন করিয়াছেন, তাহা আমার এতক্ষণে স্মরণ হইল। তত্ত্বদর্শী মুনিগণ কহিয়াছেন যে, মুমুক্শু ব্যক্তিগণের কখনও কাশী পরিত্যাগ করা উচিত নহে। কিন্তু এই বারাণসীবাসী মহাত্মাগণের প্রায়ই, কাশীবাসে বিঘ্ন উপস্থিত হইয়া থাকে। হে কল্যাণি লোপামুদ্রে ! ইহা আর কিছুই নহে, কেবল আমার কাশীবাসে বিঘ্ন জন্মাইবার জ্ঞাই, বিষ্ণুপর্বতের এই উত্থান এবং দেবগণেরও এই প্রকার অসম্ভব প্রার্থনা, ইহাতে আর কোন সন্দেহই নাই ! এইক্ষণে আমি ইহার অশ্রুতা করিতে পারিতেছি না কারণ স্বয়ং বিশ্বনাথই আমার কাশীবাসে বিমুখ হইয়াছেন। ৯—১১।

অনেক ব্রাহ্মণগণের আশীর্ব্বাদে মুমুক্শুব্যক্তিই, এই কাশীপুরীকে প্রাপ্ত হইয়া থাকেন, ইহাঁকে প্রাপ্ত হইয়া কোন ব্যক্তিই বা পুনর্ব্বার পরিত্যাগ করিতে ইচ্ছা করেন ? যিনি অজ্ঞানতাবশতঃ তাদৃশ ইচ্ছার বশবর্ত্তী হন, তিনি নিশ্চয়ই, যে ব্যক্তি করতলস্থিত স্বাদু অন্ন পরিত্যাগপূর্ব্বক হস্তমাত্র লেহন করে, তাহার ত্রায়, জনসমূহের উপহাসাস্পদ হইয়া থাকেন। ১২। আহা কি আশ্চর্য্যের বিষয় ! অনন্তপুণ্যরাশিস্বরূপা এই কাশীপুরীকে জনগণ, কি প্রকারে মুর্থের ত্রায় পরিত্যাগ করিয়া থাকেন ? হায় ! জগতের মধ্যে যখন অতি অকিঞ্চন শালুকমূলও জলে ডুবািয়া দিলে পুনর্ব্বার তাহা স্ফলভ হয় না, তখন এই স্বর্গাদপি গরীয়সী কাশীপুরী, তাহা হইতেও কি রূপে স্ফলভ হইবে ? কি প্রকারে তাহাকে পাওয়া যাইবে ? ইহা কি কাশী পরিত্যাগকারীর মনে উদয় হয় না ? ১৩। যে কাশীতে পুণ্যকর্ম্ম করিলেও, তাহার ভোগ করিবার জ্ঞা আর জন্মান্তর লাভ করিতে হয় না, ইহা পণ্ডিতগণের মুখ হইতে শ্রবণ করিয়া অনন্ত ক্লেশ সহকরতঃ যাহারা কাশীপ্রাপ্ত হন, তাহারা যদি অজ্ঞানতাবশতঃ পুনর্ব্বার অত্র কোন তীর্থে গমন করিতে ইচ্ছা করেন, তবে তাহাদের সেই ইচ্ছা কি দুর্গতি প্রাপ্তির ইচ্ছারূপে পরিগণিত হয় না ? ১৪। পরমাত্ম-সাক্ষাৎকারের কারণরূপা এই কাশীপুরীই বা কোথায় ! আর কাশীপ্রাপ্তির প্রীতি কারণ নহে, এবং স্বর্গাদিহেতু অথচ পরিণামে দুঃখদায়ী অন্যবিধ কার্য্যই বা কোথায় ! পণ্ডিতগণ ইহা বুঝিয়া, কাশী পরিত্যাগকরতঃ অন্যত্র কর্ম্ম করিতে কেন গমন করিবেন ! কুস্মাণ্ডফল কি কখন ছাগমুখে প্রবিষ্ট হইতে পারে ? কাশী পরিত্যাগ করিয়া, অন্যত্র শুভকর্ম্ম কখনই শুভকর্ম্ম বলিয়া গণনীয় হইতে পারে না। ১৫। হায় ! সামান্য তীর্থ-পর্যটনার্থে, পূর্ব্বজন্মার্জ্জিত বহুপুণ্যের প্রকাশক এই কাশীপুরীকে

মনুষ্যাগণ কেন পরিত্যাগ করে? হায়! মৃত্যু যে অলঙ্কিতভাবে সর্বদাই জীব-  
গুণের পশ্চাতে বিद्यমান রহিয়াছে? যে ব্যক্তি এই প্রকার কাশী পরিত্যাগ  
করিয়া গমন করিয়া থাকে, তাহার যাবদীয় পুণ্যই ক্ষীণ হইয়াছে, ইহাই আমার  
ঐব বিশ্বাস। ১৬। মুক্তিপথাবলম্বী জনগণের মধ্যে যে ব্যক্তি নিখিল পুণ্যের  
আশ্রয়ভূতা এবং নিখিল জীবগণের একমাত্র সহায়স্বরূপা, এই কাশীপুরী পরিত্যাগ  
না করিয়া আসক্তি রহিতভাবে কৰ্ম্মে নিরত হন, তাঁহাকে আর ভবরোগ-যন্ত্রণা  
পাইতে হয় না। যাহারা কাশী অবলম্বন না করেন, তাঁহারা বহুজন্মেও ভব-রোগ  
হইতে মুক্ত হইতে পারেন না। ১৭। সর্বপ্রকার পাপসম্পর্ক-বিরহিতা ব্রহ্মাদি  
দেবগণেরও দুর্লভ গঙ্গার বিমল বারিপরিধৌত নিখিল মঙ্গলের চিরনিকেতন,  
সর্বদা মহাদেবকর্তৃক অধিষ্ঠিত মোক্ষরূপ মুক্তাফলের আধার শুক্তিরূপ, ভব-  
রোগের একমাত্র বিনিবারক এই কাশীপুরীকে জীবমুক্তগণ কোনকালেই  
পরিত্যাগ করেন না। মনুষ্যাগণ, তোমরা নিশ্চয়ই পাপরাশি দ্বারা ব্যাপ্ত হইয়া  
প্রভারিত হইতেছ। কারণ তোমরা অতি মহত্তর ক্লেশভয়ে একমাত্র অনন্ত-  
পুণ্যরূপ ধনসমূহের দ্বারা লভ্য এই কাশীপুরী প্রাপ্ত হইয়াও আবার ইহাকে  
পরিত্যাগপূর্বক অন্ত্র যাইতে উদ্যত হইতেছ। ১৮। হায়! হায়! মনুষ্যাগণের  
কি মুঢ়তা! যেহেতু তাহারা মূঢ় তরঙ্গান্দোলিত গঙ্গাবারি দ্বারা অতি রমণীয়  
এবং প্রলয় কালেও মহাদেবের ত্রিশূলাগ্রে ধৃত এই কাশীকে পরিত্যাগকরতঃ  
অন্ত্র গমনে অভিলাষ করিয়া থাকে। ২০। অরে মুঢ় মনুজগণ! এই শোকরূপ  
জলসমূহে পরিপূর্ণ পাপময় ভবরূপ-সমুদ্র মধ্যে নিপতিত হইয়াও তোমরা মুক্তি-  
বিরোধী পাপবিনাশকারিণী এই কাশীরূপ নৌকাকে কি প্রকারে পরিত্যাগ  
করিতেছ? ২১। সৎপথমাত্র অবলম্বন করিলে, কিম্বা বহুবিধ যোগে নিরত  
হইলে, অথবা দান বা উগ্র তপস্যা-আচরণ করিলেও এই কাশী অনায়াসে লাভ  
করিতে পারা যায় না, একমাত্র ব্রাহ্মগণের আশীর্ব্বাদের ফলরূপ ভগবান্  
বিশ্বেশ্বরের প্রসাদ ভিন্ন অন্য কোন উপায়েই কাশী সুলভা নহেন। ২২। অন্ত্র  
তীর্থাदिতে অনন্ত সম্পদের সাহায্যে যে ধর্ম্ম অর্জিত হয় এবং বহুতর দান ও  
কামনা দ্বারা যে স্বর্গাদিরূপ অর্থ এবং মোক্ষলাভ হইয়া থাকে, অপেক্ষাকৃত অতি  
অল্প আয়াসেই সেই সকল পদার্থ যেমন এই কাশীতে লাভ করিতে পারা যায়,  
এমন আর কোথাওও নহে। ২৩। এই অবিমুক্ত বারাগসী যে প্রকার পবিত্র,  
জগতে ইহার সদৃশ পবিত্র আর কোন স্থানই বিद्यমান নাই, ইহা পুরাণ অথবা  
ধর্ম্মশাস্ত্রের দ্বারাই কেবল প্রতিপাদিত হইয়াছে তাহা নহে, সাক্ষাৎ বেদই এই

বিষয় প্রতিপাদন করিতেছে। এই কারণে এই অবিমুক্ত পুরী জীবগণের সন্দ-  
কালেই আশ্রয়নীয়। ২৪। সুপ্রসিদ্ধ মনিশ্রেষ্ঠ জাবালি বলিয়াছেন যে, হে অগস্ত্যে  
( শিষ্যবিশেষের নাম ) অসি নদীকে ইড়ানাড়ী এবং বরণা নদীকে পিঙ্গলা নাড়ী  
বলিয়া ঋষিগণ স্বীকার করিয়াছেন। এই দুই নাড়ীর মধ্যভাগে সেই অবিমুক্ত  
পুরী অবস্থান করিতেছেন, সেই অবিমুক্ত ক্ষেত্রই সুষুমা নাড়ী বলিয়া অভিহিত  
এবং এই ইড়া, পিঙ্গলা ও সুষুমা নাড়ীত্রয়কে বারাণসী বলা যায়। এই ত্রিমূর্তিরূপ  
বারাণসীতে জীবগণের দেহত্যাগকালে ভগবান্ মহেশ্বর দক্ষিণকর্ণে তারকব্রহ্ম-  
নাম উপদেশ করেন, তাহাতে জীবগণ ব্রহ্মস্বরূপ প্রাপ্তি হয়। বেদজ্ঞব্যক্তিগণ  
এই বারাণসী বিষয়ে আর একটি শ্লোক কীৰ্ত্তন করিয়া থাকেন যথা, এই অবিমুক্ত  
ক্ষেত্রেস্থিত জীবগণের অন্তঃকাল উপস্থিত হইলে, মহেশ্বর তারকব্রহ্ম নাম উপদেশ-  
করতঃ সংসার হইতে মুক্তি প্রদান করিয়া থাকেন, ইহাতে কোন সংশয় নাই।  
অবিমুক্ত সদৃশ গতি আর নাই এবং অবিমুক্ত ক্ষেত্রস্থ শিবলিঙ্গ সদৃশ লিঙ্গ  
আর কুত্রাপিও নাই, ইহা সংশয়রহিত সম্পূর্ণ সত্য। ২৫-২৯। যে ব্যক্তি এই  
অবিমুক্ত ক্ষেত্র পরিত্যাগ করিয়া থাকে, সেই ব্যক্তি করস্থিত মুক্তি পরিত্যাগ  
করিয়া নিশ্চয়ই অন্তবিধ সিদ্ধির অন্বেষণকরতঃ স্বীয় মৃত্যুর পরিচয় প্রদান  
করে। ৩০।

এই প্রকারে শ্রুতি ও পুরাণাদির বাক্য দ্বারা বিশ্বনাথের সদৃশ শিবলিঙ্গ এবং  
কাশীসদৃশী পুরী আর জগতে নাই, ইহা মনে মনে নিশ্চয় করিয়া মহাত্মা মুনীশ-  
শ্রেষ্ঠ অগস্ত্য, ভগবান্ কালভৈরবের নিকট গমনপূর্বক তাঁহাকে প্রণামকরতঃ  
এই প্রকারে বিজ্ঞাপন করিলেন যে, হে ভগবন্ কালরাজ! আপনিই এই  
কাশীপুরীর প্রভু, এই কারণে আপনাকে জিজ্ঞাসা করিবার জন্য আমি এখানে  
আগমন করিয়াছি। ৩১-৩২। হে কালরাজ! প্রতি চতুর্দশী, প্রতি অষ্টমী, প্রতি  
মঙ্গল ও রবিবারে আমি কি ফলমূল ও পুষ্পের দ্বারা আপনার আরাধনা করি  
নাই? আমি ত আপনার নিকট কোন অপরাধ করি নাই, 'তবে' আমার প্রতি  
অপরাধীর স্মার্য দৃষ্টান্ত করিতেছেন কেন? হে দেব কাল-ভৈরব! আপনি  
অতি ভয়ঙ্করী তীব্র পাপনাশিনী, স্বকীয় মূর্তি প্রকাশপূর্বক হস্ত প্রসারণ করিয়া  
“হে জীবগণ! তোমাদের ভয় নাই” এই কথা উচ্চারণকরতঃ বারাণসীনিবাসী  
ভয়ার্ত্ত জীবগণকে কি রক্ষা করেন না? ৩৩-৩৪। এই প্রকারে কাল-ভৈরবের  
নিকট বিলাপ করিয়া অগস্ত্য দণ্ডপাণির নিকট এই বলিয়া বিলাপ করিতে লাগি-  
লেন যে, হে যক্ষরাজ! হে চন্দ্র-চারুমূর্তে! হে ত্রীপূর্ণভজতনয়! সর্বশ্রেষ্ঠ,

দণ্ডপাণে ! হে কাশীবাসিজনের রক্ষক ! আপনি তপস্তার দুঃখ ত সকলই অবগত আছেন, তবে আপনি কেন আমাকে কাশী হইতে বহিষ্কৃত করিতেছেন। হে দণ্ডপাণে ! আপনিই অত্রস্থ জীবগণের চতুর্বিধ অন্নপ্রদান করিয়া থাকেন, সুতরাং আপনি প্রাণদাতা, হে প্রভো ! আপনিই তাহাদের জ্ঞানদাতা, সুতরাং মোক্ষবিদাতা। হে দেব ! আপনি কাশীবাসী জনগণের প্রাণাস্তকালে সর্পের হার ও জটাকলাপ দ্বারা মোক্ষোপযোগী বেশ করিয়া দেন। হে দণ্ডপাণে ! আপনার গণদ্বয় সর্বদা উদ্বিগ্ন সহকারে ভ্রমণকরতঃ কাশীবাসিগণের বৃত্তান্ত, বিচারে পাণ্ডিত্য প্রকাশ করিতেছে এবং উহারাই অসাধুগণকে ক্ষণকালের মধ্যেই এই পুরী হইতে বহিষ্কৃত করিয়া দিতেছে। ৩৫-৩৭।

অনন্তব মহামুনি অগস্ত্য, চুণ্ডিবিদায়কের নিকট বিলাপ করিতে লাগিলেন যে, হে প্রভো চুণ্ডিবিদায়ক ! আমার এই কথাটী শ্রবণ করুন, দেখুন দেব, আমি অনাথের ন্যায় ভ্রমণ করিতেছি, কেহই আমার কথায় কর্ণপাত করিলেন না, হে প্রভো ! শুনিয়াছি কাশীবাসিগণের সর্বপ্রকার বিঘ্ন আপনিই হরণপূর্বক ধারণ করেন, তবে এই কাশীপুরীতে দুশ্চরিত জনের ন্যায় আমি বিঘ্নমধ্যে অবস্থান করিতেছি কেন ? চিন্তামণি, কপর্দী, আশাগজনাশক বিনায়কদ্বয় ও সিদ্ধি-বিনায়ক, এই পঞ্চগণপতিগণ আমার এই বাক্যটী শ্রবণ করুন, আমি পরনিন্দা করি নাই, কোন ব্যক্তির অপকারও আমার দ্বারা আচরিত হয় নাই, পরধনে বা পরদারে কখনই মতি করি নাই। তবে আমার এই কাশীপরিত্যাগরূপ বিপাক কেন উপস্থিত হইল ? আগি ত্রিসঙ্ক্যাই গজাকে সেবন করিয়াছি, সর্বদা ত্রীনিশ্বনাথকেও বিলোকন করিয়াছি এবং প্রতি পর্বৎই সর্বপ্রকার বিহিত যাত্রা করিয়াছি। হায় ! তথাপিও আমার এ বিঘ্নকারী বিপাক কেন উপস্থিত হইল ? ৩৮-৪১। হে মাতঃ বিশালাক্ষি ! হে ভবানি ! হে জ্যেষ্ঠে ! হে ঈশি ! হে সর্বসৌভাগ্যদায়িনি ! হে সুন্দরি ! হে বিশ্ব ! হে বিধে ! হে বিশ্বভুজে ! হে চিত্রঘণ্টে ! হে বিকটে ! হে দুর্গিকে ! আপনাদের নমস্কার। ৪২। এই সকল কাশীস্বদেবতাগণ সাক্ষিস্বরূপে রহিলেন, তাঁহারা শ্রবণ করুন, আগি স্বার্থসিক্তির জন্ম কখনই কাশী পরিত্যাগ করিতেছি না। দেবগণের প্রার্থনায় এবং তাঁহাদেরই উপকারের জন্ম আমি কাশী পরিত্যাগ করিতেছি। পরের উপকারের জন্ম এ জগতে কি না করা যাইতে পারে ? ৪৩। পরোপকারের নিমিত্ত পুরাকালে দধীচিমুনি নিজ অস্থি কি প্রদান করেন নাই ? বলিরাজা যাচকগণের অভীষ্ট-সিদ্ধির জন্ম কি জগজ্জয় প্রদান করেন নাই ? মধু ও কৈটভ নামক অশুরদ্বয়, কি

পরের প্রার্থনায় নিজের মস্তক পর্য্যন্তও দান করে নাই ? স্বয়ং গরুড়পক্ষীও বিষ্ণুর প্রার্থনা পূরণ করিবার জন্য তাঁহার বাহনত্ব পর্য্যন্ত স্বীকার করিয়াছেন । ৪৪ । অনন্তর মুনিশ্রেষ্ঠ অগস্ত্য, কাশীবাসী নিখিল মুনিগণ, বালক-বৃদ্ধ ও বনিতাগণ ও সর্বপ্রকার বৃক্ষ, তৃণ ও লতাসমূহকে জিজ্ঞাসা করিয়া, বারাণসীপুরীকে প্রদাক্ষণ-করতঃ তথা হইতে নির্গমন করিলেন । ৪৫ ।

সর্বপ্রকার শুভকারী লক্ষণসমূহে যে ব্যক্তি পরিবর্ত্তিত এবং যে ব্যক্তি অসৎ পথেও বিচরণ করিতে প্রবৃত্ত হয়, সে ব্যক্তিও যদি যাত্রাকালে বিশেষরূপে অবলোকন করিয়া গমন করে, তাহারও সর্বপ্রকার সিদ্ধিলাভ হইয়া থাকে । ৪৬ । কাশী পরিত্যাগ করিয়া, এক পদও গমন করে না, সেই সকল সর্বপ্রকার গাপাচার বিরহিত কাশীস্থ, তৃণ, গুল্ম ও লতা প্রভৃতি স্বাবরগণও শ্রেষ্ঠ, হয় । আমরা বিচরণশীল জীবগণের মধ্যে আপনাদিগকে প্রধান বলিয়া অভিমান করি, আমরাই ধিক্, কারণ আমরা কাশী পরিত্যাগ করিয়া অন্যত্র গমন করিয়া থাকি । ৪৭ ।

অনন্তর মহামুনি অগস্ত্য, বারম্বার অগ্নিদান জল স্পৃশ করিয়া, বারাণসীস্থিত প্রাসাদশ্রেণী বিলোকন করিতে করিতে, স্নায় সরল নেত্রদ্বয়কে সম্বোধনপূর্বক বলিতে লাগিলেন, হে মদীয় নেত্রদ্বয় ! তোমরা আশা ভরিয়া এই বারাণসীপুরীকে বিলোকন করিয়া লও, হয় । ক্ষণকাল পরে তোমরাই বা কোথায় থাকবে, আর এই রমণীয় পুরীই বা কোথায় রহিবে । ৪৮ । এই পুণ্যময়ী কাশীভূমি পরিত্যাগপূর্বক আমি অন্যত্র গমন করিতেছি দেখিয়া, বারাণসীর প্রান্তস্থিত ভূতগণ, উচ্চকরতালি প্রদানপূর্বক আমাকে উপহাস করিতেছে । ৪৯ ।

এই প্রকারে মহামুনি অগস্ত্য, ও তৎপত্নী লোপামুদ্রা, ব্যাধ-বাণবিক্র সেই ক্রৌঞ্চ-মিথুনের ন্যায় বহুপ্রকার বিলাপকরতঃ “হা কাশি, হা কাশি” এই বাক্য বলিতে বলিতে মহতী মুচ্ছা প্রাপ্ত হইলেন । ৫০ । এইরূপ ক্ষণকাল মুচ্ছাবস্থায় থাকিয়া পরে মুনি, চেতনা লাভকরতঃ, হা শিব, শিব, শিব, অগ্নি প্রিয়ে ! চল, আর কি করা যায়, এই বলিয়া মহাদেবের স্মরণপূর্বক পুনর্ব্বার বিলাপ করিয়া কহিলেন যে, অহো ! দেবগণ কি কঠোরহৃদয়, লোপামুদ্রে, তোমার কি মনে নাই যে, এই কঠোরহৃদয় দেবগণই আপনাদিগের কার্য্যসিদ্ধি করিবার জন্য, ত্রিভুবনের আনন্দদায়ক কামদেবকে, মহাদেবের ধ্যানভঙ্গের নিমিত্ত প্রেরণ করিয়া, কি ভয়ানক বিসদৃশ কার্য্যের সজ্জনা করিয়াছিলেন । ৫১ । গমনকালীন খেদপ্রযুক্ত স্বর্ণ-বারি দ্বারা অগস্ত্যের ললাটদেশ শোভা পাইতে লাগিল, আশ্চর্য্যের বিষয়, অগস্ত্যমুনি,



কাশী হইতে বহির্গমনকালে প্রথমেই যে সময় তিন চারি বার পাদক্ষেপ করিলেন, সেই সময়ই যেন পৃথিবী, তাঁহার ভারভয়ে সঙ্কুচিত হইয়া যাইল। তাদৃশ মুনির সত্যব্রতাসূচক উদগমন না করিলে, নিজের বিনাশ হইবার সম্ভাবনাতেই যেন, পৃথিবী এই প্রকার সঙ্কুচিতভাবপ্রযুক্ত কোন কোন ভাগ উন্নত করিতে লাগিল। ৫২। অনন্তর মুনি, যেন তপস্কারূপ যানে আরোহণ করিয়াই নিমেষাঙ্গিকালের মধ্যেই গমনপূর্বক, অগ্রেই সূর্য্যের পথ অবরোধ করিয়া অবস্থিত বিষ্ণুপর্বতকে দর্শন করিলেন। ৫৩। বাতাপি ও ইন্ড্রলনামক অসুরদ্বয়ের বৈরী, লোপামুদ্রার সহিত বর্তমান সেই অগস্ত্যমুনিকে, সম্মুখে বিলোকন করিয়া, বিষ্ণুপর্বত, সত্ত্বর কম্পিত হইল। ৫৪। তপস্যা, ক্রোধ, এবং কাশীবিয়েগে উৎপন্ন খেদ, এই ত্রিবিধ অগ্নিদ্বারা জাঙ্ঘল্যমান ও প্রলয়কালীন অনলের অতি অসহ্য দর্শন সেই মুনিকে দর্শন করিয়া বিষ্ণুগিরি, যেন ধরণী মধ্যে প্রবেশ করিবার অভিপ্রায়েই স্বীয় শরীরকে অবনতকরতঃ, অতি বিনীতভাবে তাঁহাকে বলিল, হে মুনে! আমার প্রতি প্রেম হইয়া, যাহা আজ্ঞা-করিবেন এই কিঙ্কর, তাহা সম্পাদন করিতে প্রস্তুত আছে। ৫৫-৫৬।

অগস্ত্য কহিলেন, হে প্রাজ্ঞ বিষ্ণুগিরে! বাস্তবিক তুমিই সাধু এবং তুমি আমার প্রভাব, যথার্থই জানিতে পারিয়াছ বটে, আমার পুনরাগমন কাল পর্য্যন্ত তুমি, এইরূপ খর্ববভাবে অবস্থান কর। ৫৭। এই প্রকার বলিয়া অগস্ত্যমুনি সাধবী লোপামুদ্রার সহিত, নিজ চরণ বিত্বাসদ্বারা দক্ষিণ দিক্কে পবিত্রকরতঃ সনাথ করিলেন। ৫৮। মহামুনি অগস্ত্য প্রস্থান করিলে পর কম্পমান বিষ্ণুগিরি কণ্ঠদেশে ঈষৎ উন্নত করিয়া দেখিতে লাগিল যে, মুনি গিয়াছেন কি না। যখন নিশ্চয় বুঝিল যে, মুনি গমন করিয়াছেন তখন কথঞ্চিৎ সুস্থতা লাভ করিল। ৫৯।

তখন বিষ্ণুগিরি চিন্তা করিতে লাগিল যে, অত্ন আমি পুনর্জন্ম লাভ করিলাম, তাহার সন্দেহ নাই। কারণ সেই অগস্ত্যমুনি, কুপিত হইয়া আমার উপর কোন শাপ প্রদান করেন নাই, অতএব আমার সদৃশ কোন ব্যক্তি ধন্য হইতে পারে? ৬০। সেই সময়ে কালজ্ঞ সূর্য্য-সারথিও অশ্বসমূহকে কশাঘাতকরতঃ প্রেরণ করিতে লাগিলেন, এ দিকে, পূর্বের ঋতায় সূর্য্য-কিরণ-সঞ্চারে, জগৎ পুনর্বার সুস্থতা লাভ করিল। ৬১। “অত্ন কল্য বা পরশ্ব দিবস অগস্ত্যমুনি নিশ্চয়ই প্রত্যাবর্তন করিবেন” এই প্রকার মহাচিন্তাভারে আক্রান্ত হইয়া বিষ্ণুগিরি, অতি উৎকণ্ঠিতভাবে স্বর্ষির আগমন-কাল প্রতীক্ষা করিতে লাগিল। ৬২।

খলব্যক্তিগণের মনোরথ-বৃক্ষ যেমন সফল হইতে পারে না, সেই প্রকার

অত্ৰাপি মুনির অনাগমনপ্রযুক্ত, বিদ্যাগিরিও বর্জিত হইতে পারিতেছে না। ৬৩। নীচপ্রবৃত্তিব্যক্তি, পরের প্রতি অসূয়াবশতঃ যদি বাড়িতে ইচ্ছা করিয়া থাকে, তবে বুদ্ধিলাভ করা ত তাহার অতি দূরের কথা, তাহার স্বাভাবিক বুদ্ধি থাকারই পক্ষে বিষম সংশয় হইয়া থাকে। ৬৪।

খল-স্বভাব ব্যক্তিগণের মনোরথ সিদ্ধিলাভ করিতে পারে না। যদিই বা সিদ্ধ হয় তাহা হইলেও তাহা সত্ত্বরই বিনাশ প্রাপ্ত হয়। কারণ বিশ্বেশ্বরের রক্ষা-প্রভাবে এই জগতের সর্বদাই মঙ্গল হইয়া থাকে। ৬৫। বাল-বিধবাগণের স্তন-সমূহ, যে প্রকার উৎখত হইয়াও হৃদয়-মধ্যেই বলান হইয়া যায়, সেই প্রকার খল-ব্যক্তিগণেরও মনোরথ তাহাদের হৃদয়ে উৎখত হইয়া, আবার হৃদয়মধ্যেই বলীন হয়। ৬৬। কুৎসিত নদী যে প্রকার কয়েক বৎসরের মধ্যেই নিজের কূলকে ভয় করে, সেইরূপ অল্প বৎসরের মধ্যেই খল-ব্যক্তিগণের সম্পদ ও অল্প দিনেই তাহার কুলপর্ষ্যন্ত বিনাশ করিয়া থাকে। ৬৭। যে ব্যক্তি শত্রুর সামর্থ্য না জানিয়াই নিজ সামর্থ্য প্রকাশ করিয়া থাকে, সে যেমন উপহাসপ্রাপ্ত হইয়া থাকে, সেই প্রকার এই বিদ্যাগিরি, নিজের সামর্থ্য প্রকাশকরতঃ কেবলমাত্র উপহাস প্রাপ্ত হইল। ৬৮।

বেদবাস্য কহিলেন, এ দিকে মহামুনি অগস্ত্য, বিদ্যাপর্বতের নিকট হইতে গমন করিয়া, পাবত্র গোদাবরাতটে বিচরণ করিতে লাগিলেন, কিন্তু কাশীবরহ জ্ঞাত পরম সন্তাপ, কিছুতেই পারত্যাগ করিতে পারিলেন না। ৬৯। উত্তরদিক্ হইতে প্রবাহিত বায়ুকেও, বাহু প্রসারণপূর্বক আলিঙ্গন করিয়া মহামুনি অগস্ত্য, কাশীর কুশলবাটা জিজ্ঞাসা করতেন। ৭০। কখনও বা মহামুনি অগস্ত্য, কাশীবরহে নিতান্ত কাতর হইয়া, লোপামুদ্রাকে সম্বোধনপূর্বক কহিতেন যে, আয় লোপামুদ্রে! কাশীর সৌন্দর্য্য, কাশীর ভাব, আমি এ বিধাতার সৃষ্টিমধ্যে আর কুত্রাপি দেখিতে পাইতোছ না। দেখিবার সম্ভাবনাই বা কি? কারণ কাশী ত আর বিধাতার সৃষ্ট পদার্থ নহে। ৭১। বারাগঙ্গা-বরহে অতিকাতর মহামুনি অগস্ত্য, কখনও বা কোনস্থলে বাসিয়া অন্তমনে বাক্য ব্যবহার করিতেন। কখন বা দৌড়িতেন, কখন বা স্থালিত হইয়া পাড়িয়া যাইতেন, কখনও নিঃশব্দে বাসিয়া থাকিতেন কভু বা অন্তমনে ভ্রমণ করিতেন। ৭২। অনন্তর ভাগ্যবান জন, যে প্রকার সুসম্পদ অবলোকন করিয়া থাকে, সেই প্রকার মহামুনি অগস্ত্য ভ্রমণ করিতে করিতে একাদবস মহালক্ষ্মী দেবাকে দর্শন করিলেন, পুণ্যরাশি তপোধন অগস্ত্য দেখিলেন যে, দেবী মহালক্ষ্মীর শরীর-কাশি, বিচরণকারী শাওল শতচন্দ্রের প্রভার

শ্রায় অতি 'মনোহর ও উজ্জ্বল। মহালক্ষ্মী দিবাভাগেই স্বকীয় শরীরকান্তি দ্বারা সূর্য্যকেও পরাজয় করিয়া 'প্রকাশমানা ছিলেন। এবং অগস্ত্যের অন্তঃকরণস্থিত তাপসমূহকে বিদূরণ করিবার জন্তই যেন সেই স্থানে আবির্ভূতা হইয়াছিলেন। ৭৩-৭৫। রাত্রিতে পদ্মসঙ্কুচিত হয়, চন্দ্রও অমাবস্তা-তিথিতে অদৃশ্য হন, এবং ক্ষারোদ সমুদ্রেরও মন্দরপর্বতের দ্বারা আলোড়ন-ভয় আছে, এই তিন স্থানই লক্ষ্মীর আশ্রয় হইলেও তাহাতে নির্বিঘ্নে অবস্থান হয় না। এই কারণে ঐ তিন স্থান পরিত্যাগকরতঃ নির্বিঘ্নে বাস করিবার অভিপ্রায়েই যেন, লক্ষ্মী ঐ স্থান আশ্রয় করিয়াছিলেন। ৭৬। যে দিবস হইতে নারায়ণ, বহু মানসহকারে সরস্বতীদেবীকে নিজ ভাৰ্য্যা বলিয়া হৃদয়ে ধারণ করিয়াছেন, সেই দিন হইতেই লক্ষ্মীদেবী, সপত্নীর প্রতি ঈর্ষাকষায়িতা হইয়া, যেন এই নিজ্জন স্থানে একাকিনী বাস করিতেছিলেন। ৭৭। পূর্বকালে বরাহরূপ ধারণপূর্বক কোন অশুর ত্রিলোককে বড়ই পীড়িত করিত, মহালক্ষ্মীদেবী সেই কোলাহলকে বিনাশকরতঃ, সেই কোলাপুর নামক স্থানে বাস করিতেছিলেন। ৭৮।

অনন্তর মুনি অগস্ত্য সেই মহালক্ষ্মীকে দর্শন করতঃ অতি হৃষ্টান্তঃকরণে সেই ইষ্টপ্রদা লক্ষ্মীদেবীকে 'প্রণামপূর্বক ইচ্ছাক্য সমূহের দ্বারা তাঁহার স্তব করিতে লাগলেন। ৭৯। অগস্ত্য কহিলেন হে জননি ! হে কমলে ! হে কমলায়তাক্ষি ! আপনাকে নমস্কার করি, হে দেবি ! আপনি বিশ্বেশ্বর প্রসবকারিণী এবং আপনিই বিষুৱ হৃদয়-কমলে বাস করিয়া থাকেন, অতএব আপনাকে নমস্কার করি। হে ক্ষারোদজে ! হে লাক্ষ্ম ! পদ্মের কোমল অভ্যন্তরের শ্রায় আপনার বর্ণ অতি গৌর এবং আপনি প্রণত ব্যক্তিগণকে রক্ষা করিয়া থাকেন, হে দেবি ! আপনি আমার প্রাতি প্রসন্ন হউন। ৮০। হে দেবি ! আপনি নারায়ণের গৃহে শোভারূপিণী, হে মদন-জননি ! আপনি চন্দ্রমার জ্যোৎস্নাস্বরূপা, আপনার বদন সাক্ষাৎ চন্দ্রের শ্রায় মনোহর। হে জননি ! আপনিই সূর্য্যমণ্ডলে প্রভাক্ষিণী এবং ত্রিজগতেই আপনি দীপ্ত পাইতেছেন, হে শরণ্যে ! আমরা সর্বদা আপনাকে নমস্কার করিতেছি, অতএব আপনি আমাদের প্রাতি প্রসন্ন হউন। ৮১। হে দেবি ! আপনিই অগ্নিতে দহনাত্মকা-শক্তি, হে দেবি ! আপনারই সাহায্য লাভ করিয়া বিধাতা এই বিচিত্র জগৎ নিষ্শাণ করিয়াছেন এবং আপনার সহায়তার বলে বিশ্বস্তর বিষুও এই জগৎকে রক্ষা করিতেছেন, হে প্রণতব্যক্তিগণের রক্ষাকারিণি লাক্ষ্ম ! আপনি আমার প্রাতি প্রসন্ন হউন। ৮২। হে দেবি ! আপনি যখন এই জগৎকে পরিত্যাগ করেন, তখনই মহাদেব ইচ্ছাকে সংহার করিতে সক্ষম হন ! হে মহালাক্ষ্মী !

আপনি এই জগতের সৃষ্টি, স্থিতি ও বিনাশ করিয়া থাকেন । হে দেবি ! আপনিই সর্ব হইতে শ্রেষ্ঠা । হে অমলে ! আপনাকে লাভ করিয়াই, বিষ্ণু মাননীয় হইয়াছেন । হে প্রণত জনগণের রক্ষাবিধায়িনি ! দেবি ! লক্ষ্মি ! আপনি আমার প্রতি প্রসন্ন হউন । ৮৩ । হে শুভে ! যে ব্যক্তির প্রতি আপনার কৃপাকটাক্ষপাত হয়, এই জগতে সেই ব্যক্তিই বীর, তাহার গুণই গুণের মধ্যে পরিগণিত । সেই ব্যক্তিই ধন্য, তাহারই প্রকৃত জ্ঞান এবং কুলশীল ও ক্রিয়াকলাপ সমূহের দ্বারা সেই ব্যক্তিই জগতে মাণ্ড ও ধন্য । হে দেবি ! সকল লোকের মধ্যে সেই পবিত্র এবং সেই ব্যক্তিই পুরুষ বলিয়া গণ্য । ৮৪ । হে দেবি অমলে ! পুরুষ, হস্তী, অশ্ব, ক্রীসমূহ, তৃণ, সর্বোবর, দেবকুল, গৃহ, অন্ন, রত্ন, পক্ষী অগ্ন্যাশ্ব পশু, শয্যা বা ধরনী, যেখানে আপনি ক্ষণকালও বাস করিয়া থাকেন, এ জগতে তাহাই শোভাময়, আপনার যেখানে দৃষ্টিপাত নাই তাহাতে কিছুমাত্রই শোভা নাই । ৮৫ । হে দেবি, আপনি যে দ্রব্য স্পর্শ করেন তাহাই জগতে পবিত্রতা লাভ করে, হে লক্ষ্মি ! আপনি যাহাকে পবিত্রাঙ্ক করেন, তাহা এই জগতে অতি অশুচি, হে দেবি ! যেখানে আপনার নাম কীর্তিত হয়, সেই স্থান মঙ্গলময় । হে শ্রীবিষ্ণুপত্নি ! হে কমলালয়ে ! হে জগনি ! হে কমলে ! আপনাকে নমস্কার, আপনি আমার প্রতি প্রসন্ন হউন । ৮৬ । লক্ষ্মী, শ্রী, কমলা, কমলালয়া, পদ্মা, রমা, নলিনবৃক্ষকরা, মা ক্ষীরোদজা, অমৃত কুন্তকরা, ইরা ও বিষ্ণুপ্রিয়া, এই সকল মহালক্ষ্মীর নাম । যাহারা, সর্বদা জপ করে, তাহাদের আর অমঙ্গলের সম্ভাবনা কি ? ৮৭ ।

অগস্ত্যমুনি, এই প্রকারে ভগবতী হবিপ্রিয়া লক্ষ্মীকে স্তব কবিয়া সান্ধায়ে দণ্ডবৎভাবে পত্নী লোপামুদ্রার সহিত তাঁহাকে নমস্কার করিলেন । ৮৮ । লক্ষ্মী কহিলেন । হে মিত্রাবরুণতনয় অগস্ত্য, হে পতিত্রেতে শুভত্রেতে লোপামুদ্রে ! উত্থান কর, উত্থান কর, তোমাদের মঙ্গল হইবে । ৮৯ । হে অগস্ত্য, তোমার এই স্তবে আমি প্রসন্ন হইয়াছি । তোমার যাহাতে অভিলাষ আছে, তাহা প্রার্থনা কর, হে রাজপুত্রি ! মহাভাগে ! হে অমলে লোপামুদ্রে ! তুমি এই স্থানে উপবেশন কর । ৯০ । হে সাক্ষি লোপামুদ্রে ! অতি সুপবিত্র ত্রত এবং সর্বোপেক্ষা মহন্তর পাতিত্রেতা-ত্রতসূচক তোমার অঙ্গলক্ষণ সমূহের দ্বারায়, অস্ত্ররাস্ত্রের আঘাতে তাপিত মদীয় এই শরীরকে শীতল করিতে ইচ্ছা করি, এস আমার কাছে উপবেশন কর । ৯১ ।

এই কথা বলিয়া মহালক্ষ্মী, অতি প্রণয়ের সহিত মুনিপত্নী লোপামুদ্রাকে আলিঙ্গন করতঃ নানা প্রকার সৌভাগ্যসূচক অলঙ্কার দ্বারা ভূষিতা করিয়া দিলেন । ৯২ ।

লক্ষ্মী পুনর্ব্বার অগস্ত্যকে কহিলেন হে মুনে ! তোমার জ্বয়-তাপের কারণ আমি অবগত আছি। যাহার চেতন আছে, সেই ব্যক্তিকেই কাশীব্রিয়োগজনিত বহ্নি, নিশ্চয়ই দহন করিয়া থাকে। ৯৩। পুরাকালে ভগবান্ বিশ্বেশ্বরও যখন কাশী পরিত্যাগ করিয়া মন্দরপর্ব্বতে গমন করিয়াছিলেন, সেই সময়ে কাশীবিরহে তাঁহারও এই প্রকার দশা হইয়াছিল। ৯৪। কাশীবিরহে কাতর মহাদেব, সেই কাশীর বৃত্তান্ত অবগত হইবার নিমিত্ত ক্রমে ব্রহ্মা, কেশব, প্রমথগণ, গণপতি, এবং অত্যাশ্চর্য্য দেবগণকে প্রেরণ করিয়াছিলেন। ৯৫। সেই সকল ব্রহ্মাদিদেবগণ, কাশীপুরীর গুণসমূহের পুনঃ পুনঃ আলোচনা করিয়া সেই সময় হইতে অত্যাশ্চর্য্য কাশীপুরীকে পরিত্যাগ করিতে পারেন নাই। কাশীসদৃশী পুরীই বা আর কোথায় আছে ? ৯৬। মহালক্ষ্মীর এই প্রকার বাক্য শ্রবণ করিয়া মহাভাগ অগস্ত্যমুনি তাঁহাকে প্রণামকরতঃ ভক্তিসহকারে এইরূপ প্রত্যুত্তর করিলেন যে, হে দেবি ! আমি যদি বরলাভে যোগ্য হইয়া থাকি এবং আপনি যদি আমাকে একান্ত বরপ্রদান করিতে ইচ্ছা করেন, তবে আমাকে এই বরপ্রদান করুন যেন, আমি পুনর্ব্বার বারাগসী লাভ করিতে পারি। ৯৭-৯৮। হে দেবি ! মৎকৃত এই আপনার স্তবটী, যে ব্যক্তি ভক্তিসহকারে পাঠ করিবে, তাহার যেন কোন সন্তাপ না থাকে এবং তাহার যেম কোনকালে দরিদ্রতা ভোগ করিতে না হয়। হে দেবি ! আপনার এই স্তোত্র যাহারা ভক্তিসহকারে পাঠ করিবে, তাহাদের যেন, ইষ্টব্রিয়োগ বা সম্পদক্ষয় না হয়। এবং তাহাদের যেন বংশ বিনষ্ট না হয় ও তাহাদের যেন সর্ব্বত্র বিজয় লাভ হয়, আমাকে এই বর প্রদান করুন। ৯৯—১০০।

লক্ষ্মী কহিলেন হে মুনে, তুমি যাহা প্রার্থনা করিলে তাহা সকলই সফল হইবে, এই স্তোত্র যেখানে পাঠ হইবে সেখানে আমি সন্নিহিত থাকিব। ১০১। এই স্তোত্রকে যে ব্যক্তি সর্ব্বদাই জপ করিবে, অলক্ষ্মী এবং কালকর্গী তাহার গৃহে কখনও প্রবেশ করিবে না। এবং যে ব্যক্তি, ইস্তী ও অত্যাশ্চর্য্য পশুশ্চ শাস্তি কামনা করে, তাহারও যেন সর্ব্বদা এই স্তোত্র পাঠ করে। ১০২। এবং নিয়ত অমঙ্গলকারী গ্রহগণের দ্বারা আক্রান্ত, বালকগণের শাস্তি প্রার্থনায় এই স্তোত্র পাঠ করা কৰ্ত্তব্য, এই স্তবটী ভূর্জপত্রে লিখিয়া বালকগণের কণ্ঠদেশে বন্ধন করিয়া দিলে, তাহাদের কোন গ্রহজন্ম ভয় থাকিবে না। ১০৩। এই স্তোত্ররূপ বীজটী অতি গুহ্য, স্মরণ ইহাকে প্রযত্নে রক্ষা করা উচিত, শ্রদ্ধাশীল বা অশুচি ব্যক্তিকে এই স্তোত্রটী প্রদান করা সমুচিত নহে। ১০৪। হে বিপ্রশ্রেষ্ঠ অগস্ত্য ! আরও এক কথা শ্রবণ কর, ভবিষ্যৎ একোনত্রিশ সংখ্যক দ্বাপরযুগে তুমি ব্যাসরূপে জন্মগ্রহণ করিবে, ইহা

নিঃসংশয় । এবং সেই সময়েই তুমি বারাণসীপুরী প্রাপ্ত হইয়া, বেদ ও পুরাণ-সমূহের বিভাগপূর্বক সর্বপ্রকার ধর্মের উপদেশ প্রদান করিয়া, নিম্নের অভী-  
পিত সিদ্ধিলাভ করিতে পারিবে । ১০৫-১০৬ । হে মূনে ! এইক্ষণে তোমার,  
হিতকারক একটী কার্যের উল্লেখ করিতেছি, তুমি তাহার আচরণ কর, তুমি  
এই স্থান হইতে কিয়দূর গমন করিয়াই সম্মুখে অবস্থিত প্রভু কার্ত্তিকেয় দেবকে  
দেখিতে পাইবে । হে ব্রাহ্মণ ! বারাণসীর অতি রহস্যবাক্য, যাহা পূর্বের মহাদেব  
বলিয়াছিলেন, তাহা সকলই কার্ত্তিকেয় তোমার নিকট কীৰ্ত্তন করিবেন, তাহা  
শুনিয়া তোমার তৃপ্তিলাভ হইবে । ১০৮ ।

এই প্রকারে অভীষ্ট বরলাভান্তে মহামুনি অগস্ত্য মহালক্ষ্মীকে প্রণাম করিয়া,  
যেখানে ময়ূরবাহন কুমার ( কার্ত্তিকেয় ) অবস্থান করিতেছিলেন, তথায় গমন  
করিলেন । ১০৯

## ষষ্ঠ অধ্যায় ।



### তীর্থ-প্রশংসা ।

বেদব্যাাস কহিলেন, হে মহাভাগ সূত ! মনুষ্য যে কথা হৃদয়ে চিন্তা করি-  
লেও পুরুষার্থভাগী হয়, বেদের সদৃশ পবিত্র সেই কথা শ্রবণ কর । তদনন্তর  
সেই মুনিপত্নীর সহিত লক্ষ্মীর দর্শনানন্দরূপ অমৃতনদীতে অবগাহনকরতঃ  
পরম প্রীতিলাভ করিলেন । ১-২ । হে বহ্নিকুণ্ড-সমুদ্ভূত নির্মলচিত্ত সূত ! পুরাবিদ-  
গণ উত্তমরূপে যে একটী কথা বলিয়া থাকেন, তাহা শ্রবণ কর । ৩ । যে সকল  
মহাত্মার অন্তঃকরণে পরোপকাররূপত্রয় সর্বদা জাগরুক থাকে, তাঁহাদের পদে  
পদে বিপদনাশ ও সম্পদ লাভ হয় । ৪ । পরোপকার করিলে যে ফল পাওয়া  
যায়, তীর্থে স্নান, বহুবিধ দান বা তপস্যায় তাহা পাওয়া যায় না । ৫ । পরোপকার  
ধর্ম এবং দানাদি ধর্ম, বিধাতা একস্থানে এই উভয় ধর্মের তুলনা করেন, তাহাতে  
পরোপকার ধর্মই অধিক হইয়াছিল । ৬ । শাস্ত্রীয় বাক্যানিচয়ের আলোচনায়  
এইটাই নিশ্চিত হইয়াছে যে, পরোপকার করা অপেক্ষা ধর্ম এবং পরের অপকার  
করা অপেক্ষা অধর্ম আর নাই । ৭ । পরোপকার-রত অগস্ত্যেই ইহার দৃষ্টান্ত

দেখ; কোথায় কাশীবিরহ-জন্ম তাদৃশ দুঃখ, আর কোথায় লক্ষ্মীর দর্শনজন্ম তাদৃশ 'আনন্দ'। ৮। এই জীবন ও ধনরাশি হস্তীর কর্ণের অগ্রভাগের ঞ্চায় চঞ্চল, ইহা দ্বারা একমাত্র পরোপকার করাই বুদ্ধিমানের কার্য্য। ৯। যে লক্ষ্মীর নামমাত্র গ্রহণে নর মহৎপদ প্রাপ্ত হয়, অগস্ত্যমুনি সাক্ষাৎ সেই লক্ষ্মীকে দর্শন করিয়া কৃতকৃত্য হইলেন। ১০।

মুনিবর এইভাবে যদৃচ্ছাক্রমে গমন করিতে করিতে যে শ্রীপর্বতে সাক্ষাৎ ত্রিপুরারি বাস করেন, দূর হইতে সেই পর্বত দেখিতে পাইলেন। ১১। তখন মুনি অতি আনন্দিত হইয়া পত্নীকে বলিতে লাগিলেন, হে কাস্তে! এই স্থান হইতেই ঐ শ্রীপর্বতের কমনীয় শৃঙ্গ দর্শন কর, যাহার দর্শনে মানবগণের পুনরায় এ ভবে জন্মগ্রহণ 'করিতে হয় না', এই সেই শ্রীপর্বত, ইহা চৌরাশি যোজন বিস্তৃত; যে হেতু এখানে সমস্ত লিঙ্গ অবস্থান করেন, তজ্জন্ম ইহাঁকে প্রদক্ষিণ করা উচিত। ১২-১৪।

লোপামুদ্রা কহিলেন, যদি আপনি অনুমতি করেন, তাহা হইলে আমি কিছু নিবেদন করি, কারণ পতির আজ্ঞা বিনা যে নারী তাঁহাকে কিছু বলে, সে পতিতা হয়। ১৫।

অগস্ত্য কহিলেন, হে দেবি! তুমি যাহা বলিতে ইচ্ছা করিতেছ, নিঃশঙ্কচিত্তে তাহা বল, কারণ তোমার ঞ্চায় স্ত্রীর বাক্য কখন পতির ক্রেশকর হয় না। ১৬। তৎপরে লোপামুদ্রা নতভাবে পতিকে প্রণাম করিয়া, সমস্ত লোকের হিতের এবং স্বীয় সন্দেহ অপনয়নের জন্ম জিজ্ঞাসা করিলেন। ১৭।

লোপামুদ্রা কহিলেন, শ্রীশৈলের শিখর দর্শন করিলে পুনর্জন্ম হয় না, ইহাই যদি সত্য হয়, তবে লোকে কাশীর অভিলাষ কেন করে? ১৮।

অগস্ত্য কহিলেন, হে বরারোহে! হে পবিত্রচিত্তে! তুমি যে সত্য বিষয়টী জিজ্ঞাসা করিতেছ, তাহা শ্রবণ কর, মুনিগণ তত্ত্বচিন্তা করিয়া বারম্বার এ বিষয়ের নিশ্চয় করিয়া গিয়াছেন। ১৯। এবং অনেক মুক্তিক্ষেত্রের মধ্যেও যাহা বিশেষ ও জ্ঞাতব্য বিষয়, তাহাও নির্ণয় করিয়াছেন, সে সমস্ত বিষয় বলিতেছি, অবধান-সহকারে শ্রবণ কর। ২০।

প্রথমতঃ তীর্থরাজ নামে বিখ্যাত প্রয়াগধাম, তথায় যিনি যাহা কামনা করেন, তাহার তাহা সিদ্ধ হইয়া থাকে এবং সেই তীর্থ ধর্ম্ম, অর্থ, কাম ও মোক্ষ প্রদান করেন। ২১। আর নৈমিষারণ্য, কুরুক্ষেত্র, গঙ্গাদ্বার, অবন্তী, অযোধ্যা, মথুরা, দ্বাবকা, অমরাবতী, সরস্বতী এবং সিদ্ধলঙ্গম, গঙ্গাসাগর-সঙ্গম, কাস্তীপুরী, ত্র্যম্বক-

ধাম, সপ্তগোদাবরীতট, কালঞ্জর, প্রভাস, বদরিকাশ্রম, মহালয়, ওঙ্কারক্ষেত্র, পুরুষোত্তমক্ষেত্র, গোকর্ণ, ভৃগুকচ্ছ, ভৃগুতুঙ্গ, পুষ্কর, শ্রীপূর্বত প্রভৃতি তীর্থ, ধরাতীর্থ এবং মানস ও সত্যাদি তীর্থনিচয়, ইহারা সকলেই মুক্তি দেন, তাহাতে কোন সন্দেহ নাই। ২২-২৬। এবং গয়া নামে যে তীর্থ বিখ্যাত আছে, তিনি পিতৃগণকে মুক্তিদান করেন এবং শ্রাদ্ধকর্তার তনয়গণকেও পিতৃঋণ হইতে মুক্তি প্রদান করিয়া থাকেন। ২৭।

লোপামুদ্রা কহিলেন, হে মহামতে! আপনি যে মানসতীর্থের উল্লেখ করিলেন, তাহারা কে কে তাহা কীৰ্ত্তন করুন। ২৮।

অগস্ত্য কহিলেন, হে অনঘে! আমি মানসতীর্থসমূহের বিষয় বলিতেছি তুমি শ্রবণ কর। সেই সমস্ত তীর্থে স্নান করিলে মানব উত্তমগতি প্রাপ্ত হয়। সত্য একটা তীর্থ, এইরূপ ক্ষমা, ইন্দ্রিয়নিগ্রহ, সমস্ত প্রাণীতে দয়া, সরলতা, দান, দম, সন্তোষ, ব্রহ্মচর্য্য, প্রিয়বাদিতা, জ্ঞান, ধৈর্য্য ও তপস্বী ইহারা প্রত্যেকেই এক একটা মানসতীর্থ, ইহার মধ্যেও মনের যে বিশুদ্ধি তাহা তীর্থের মধ্যে শ্রেষ্ঠ। ২৯-৩২। সর্ব্বদা জলে আশ্রিত করিলেই স্নান করা হয় না, সেই ব্যক্তিই যথার্থ স্নানকারী, যে ইন্দ্রিয়দমনরূপ জলে স্নান করিয়া মনকে বিশুদ্ধ করিয়াছে। ৩৩।

যে ব্যক্তি গোষ্ঠী, সূচক, কুঁকুর, দাস্তিক বা বিষয়াসক্ত, সেই সমস্ত তীর্থে স্নান করিলেও পাপ হইতে মুক্ত হয় না। শরীরের মলত্যাগেই মনুষ্য নিষ্কল হয় না, যদি মন হইতে মলকে বিদূরিত করিতে পারে, তাহা হইলেই নিষ্কল হয়। ৩৪-৩৫। জলজন্তুসমূহ যেমন জলেতেই আবির্ভূত হইয়া বিলয়প্রাপ্ত হয়, তদ্রূপ অনেক জীব এই সংসারে জন্মগ্রহণ করিয়া, মৃত্যুমুখে নিপতিত হইতেছে এবং মরিয়া আবার জন্মগ্রহণ করিতেছে, সেই সমস্ত আবিশুদ্ধচিত্ত ব্যক্তি স্বর্গে গমন করিতে পারে না। ৩৬। বিষয়ে অত্যন্ত অনুরাগই মনের মল এবং সেই বিষয়সমূহে মনের বিতৃষ্ণাই নিষ্কলতা। ৩৭। দেহের অভ্যন্তরবস্ত্তা চিত্ত দূষিত হইলে, তীর্থ-স্নানের দ্বারা তাহা পবিত্র হয় না, যেমন শত বার জলের দ্বারা ধোত করিলেও সুরাপাত্রের অপবিত্রতা দূর হয় না। ৩৮। যদি অস্তঃকরণের ভাব পবিত্র না হয় তাহা হইলে, দান, যজ্ঞ, তপঃ, শৌচ, তীর্থসেবা, সংকথা শ্রবণ প্রভৃতি এসমস্ত অনুষ্ঠানকরিলেও, কোন ফললাভ হয় না। ৩৯। মনুষ্য ইন্দ্রিয়সমূহকে সংযত করিয়া, যেখানে অবস্থান করেন না কেন; সেই স্থানেই তাহার কুরুক্ষেত্র, নৈমিষারণ্য ও পুষ্কর প্রভৃতি সমুদয় ভাথ। ৪০। রাগ-দ্বৈধরূপ মনসমূহের অপনয়নকারী



বিশুদ্ধ জ্ঞানরূপ জলে যে ব্যক্তি মানসতীর্থে স্নান করে, তাহার উৎকৃষ্ট গতি লাভ হয়। ৪১। হে দেবি! এই তোমাকে মানসতীর্থের স্বরূপ বলিলাম। এক্ষণে ভৌমতীর্থসকলের বিষয় শ্রবণ কর। ৪২। যেমন শরীরের কোন কোন অবয়ব পবিত্র বলিয়া গণ্য, তদ্রূপ এই পৃথিবীরও কতগুলি প্রদেশ পুণ্যতম বলিয়া বিখ্যাত; পৃথিবীর প্রভাবে, জলের মাছাছো এবং মূনিগণ কর্তৃক মানিত বলিয়াই, সেই সেই প্রদেশ পুণ্যজনক। ৪৩-৪৪। অতএব ভৌম ও মানসতীর্থে যাহারা নিত্য অবগাহন করে, তাহাদের উৎকৃষ্ট গতিলাভ হয়। ৪৫। ত্রিরাত্র উপবাস-ত্রত, তীর্থযাত্রা এবং কাঞ্চন ও গোদান না করিলে, দরিদ্র হইয়া জন্মগ্রহণ করিতে হয়। তীর্থযাত্রা করিলে যে ফললাভ হয়, বিপুল দক্ষিণার সহিত বহুতর যজ্ঞের অনুষ্ঠান দ্বারাও সে ফল পাওয়া যায় না। ৪৬-৪৭। যাহার হস্ত, পদ ও মন সংযত হইয়াছে, এবং যে ব্যক্তি বিদ্যা, তপস্যা ও কীর্ত্তিসম্পন্ন, তাহারই তীর্থফল লাভ হয়। ৪৮। প্রতিগ্রহ হইতে নিবৃত্ত হইয়া যে কোন উপায়ে, যে ব্যক্তি সম্ভুক্ত থাকে এবং যাহার অহঙ্কার নাই, তাহারই তীর্থফল প্রাপ্তি হয়। ৪৯। যে ব্যক্তি দান্তিক নহে, যাহার আরম্ভ সকল নিবৃত্ত হইয়াছে এবং যে লঘু আহারকারী, জিতেন্দ্রিয় এবং সমস্ত সঙ্গ হইতে নিষ্পৃক্ত, সেই তীর্থের ফললাভ করিয়া থাকে। ৫০। যে ব্যক্তি ক্রোধারহিত, যাহার অন্তঃকরণ নিষ্কল এবং যে সত্যবাদী, স্থির-ত্রত ও সমস্ত প্রাণীকে আপনার ন্যায় দর্শন করে, সেই তীর্থের ফল ভোগ করে। ৫১। হিন্দ্রিয় সংযত করিয়া, শ্রদ্ধা ও ধীরতার সহিত তীর্থ-ভ্রমণ করিলে, পাপী-জনও বিশুদ্ধ হয়, সাধুব্যক্তিগণেরও কথাই নাই। ৫২। তীর্থানুসরণ করিলে তির্ঘ্যগ্‌যোনিতে বা কুদেশে জন্ম হয় না, তীর্থভ্রমণকারী ব্যক্তি দুঃখী হয় না এবং স্বর্গভাগী হয়। ৫৩। যাহার শ্রদ্ধা নাই, যে পাপাত্মা ও নাস্তিক এবং যাহার সংশয় ছিন্ন হয় নাই এবং যে নিরর্থক তর্ক করে, তাহার তীর্থফল লাভ হয় না। ৫৪।

যে সমস্ত মনুষ্য শীতোষ্ণ সহ্য করিয়া, ধীরভাবে বিধিগূর্বক তীর্থযাত্রা করে, তাহার স্বর্গভাগী হয়। ৫৫। যাহার তীর্থযাত্রার অভিলাষ আছে, সে ব্যক্তি গৃহে প্রথম উপবাস করিবে, তৎপরে শক্তি অনুসারে গণেশ, পিতৃগণ, ত্রাশ্বণ এবং সাধু-গণের পূজা করিবে, তৎপরে পারণ করিয়া, নিয়ম অবলম্বনপূর্বক আনন্দে গমন করিবে। তৎপরে তীর্থ হইতে ফিরিয়া আসিয়া, পুনরায় পিতৃগণের অর্চনা করিবে, এইরূপ করিলে যথোক্ত তীর্থ-ফলভাগী হইতে পারা যায়। ৫৬-৫৭। তীর্থে ত্রাশ্বণের পরীক্ষা করিবে না, কেহ অন্ন বা অগ্নি কোন জব্য চাহিলে, তাহা প্রদান করিবে। ছাতুর দ্বারা কিম্বা চক্ক বা পায়সের দ্বারা শ্রাদ্ধ করিবে,। ৫৮।

তিলপিষ্ট এবং গুড়ের দ্বারা শ্রাদ্ধ করিবে, শ্রাদ্ধে অর্ঘ্য প্রদান এবং আবাহন করিবে না। ৫৯। কালশুদ্ধ হউক বা না হউক বিলম্ব না করিয়া, কোনরূপ বিঘ্ন না হইতেই তীর্থে শ্রাদ্ধ ও তর্পণ করিবে। ৬০। প্রসঙ্গাধীন তীর্থে গমন করিয়া যদি স্নান করে, তাহাতে তাহার স্নানের ফল হয়, কিন্তু তীর্থযাত্রা নিমিত্ত স্নানের ফল হয় না। ৬১। তীর্থগমনে পাপাত্মা ব্যক্তিগণের পাপ বিনাশ হয় এবং শ্রদ্ধাসম্পন্ন জনগণের তীর্থগমনে যথোক্ত ফললাভ হয়। ৬২। যে অন্নের জন্ত তীর্থে গমন করে, সে ষোল ভাগ ফলপ্রাপ্ত হয়, এবং যে প্রসঙ্গাধীন গমন করে, তাহার অর্ধেক ফললাভ হয়। ৬৩। যাহার উদ্দেশে কুশের প্রতিকৃতি করিয়া তীর্থে স্নান করান যায়, তাহারও অষ্টমাংশ ফললাভ হয়। ৬৪। তীর্থে উপবাস করিবে এবং তথায় মন্তক মুগ্ধন করিবে, যেহেতু মুগ্ধন করিলে, শিরোগত পাপসমূহের বিনাশ হয়। ৬৫। যে দিবস তীর্থে আগমন করিবে, তাহার পূর্বদিন উপবাস করিবে, তীর্থে আসিয়া, সেই দিনই শ্রাদ্ধ করিবে। ৬৬। তীর্থের প্রসঙ্গে তোমাকে তীর্থের অঙ্গসমূহও কীর্তন করিলাম, ইহাই স্বর্গের সাধন ও মুক্তির উপায়। ৬৭। কাশী, কাঞ্চী, মায়্যা, অযোধ্যা, দ্বারাবতী, মথুরা এবং অবন্তী এই সাতটী পুরী মোক্ষপ্রদ; এবং শ্রীশৈল ও মোক্ষপ্রদ, আর কদার ততোধিক মুক্তিপ্রদ, শ্রীশৈল ও কদার হইতেও প্রয়াগধাম মোক্ষপ্রদ, তীর্থ-রাজ প্রয়াগ হইতে, অবিমুক্তক্ষেত্র বিশেষ মুক্তিপ্রদ, অবিমুক্তক্ষেত্রে, যে, নির্বান মুক্তি হয় অথ কুত্রাপি তাহা হয় না। ৬৮-৭০। অত্যাশ্রিত যত মুক্তি ক্ষেত্র তাহারা সমস্ত কাশী প্রাপ্তিকর, কাশীতেই জীবগণের নির্বান-মুক্তি হয়, অথ কোন তীর্থে তাহা হয় না। ৭১। এ বিষয়ে বিষ্ণুর পারিষদগণ, শিবশর্মা নামক ব্রাহ্মণকে যে কথা বলিয়াছিলেন, আমি তোমাকে সেই পুরাতন ইতিহাস কীর্তন করিতেছি। ৭২। মানব বিশুদ্ধচিত্তে এই তীর্থান্বায় শ্রবণ করিয়া, শ্রদ্ধা ও ভক্তিযুক্ত ব্রাহ্মণ বা ধর্মনিরত কত্রিয় কিম্বা সংপথবর্তী বৈষ্ণব অথবা ব্রাহ্মণভক্ত শূদ্রকে শ্রবণ করাইলে, সমস্ত পাপ হইতে নিষ্পৃক্ত হয়। ৭৩-৭৪।

## সপ্তম অধ্যায় ।



শিবশৰ্ম্মণ নামক ব্রাহ্মণের উৎপত্তিকথন ও সপ্তপুরী-বর্ণন ।

অগস্ত্য কহিলেন, মথুরায় দেবতাসদৃশ কোন ব্রাহ্মণ বাস করিতেন, শিবশৰ্ম্মা নামে অতি তেজঃশালী তাঁহার একটা পুত্র ছিল । ১ । সেই শিবশৰ্ম্মা বিধিবৎ বেদ শাস্ত্রের অধ্যয়নপূর্বক যথার্থ তত্ত্ব অবগত হইয়া ধৰ্ম্মশাস্ত্র, পুরাণ ও ব্যাকরণাদি, তর্কশাস্ত্র, পূর্ব ও উত্তর মোমাংসা, ধনুর্বেদ, আয়ুর্বেদ, নাট্যশাস্ত্র, অর্থশাস্ত্র, অশ্ব ও গজশিক্ষা, কলাবিদ্যা ও মন্ত্রশাস্ত্রে নিপুণ এবং নানা প্রকার বৈদেশিক লিপিজ্ঞান-সম্পন্ন হইয়া, গায়তঃ অর্থ-উপার্জজনকরতঃ যথাভিলাষ ভোগপূর্বক, সদৃশশালী পুত্র উৎপাদনকরতঃ পুত্রগণকে বিষয় বিভাগ করিয়া দিয়া, যৌবনের অস্থিরতা ও জরার দুঃসহ আক্রমণ জানিতে পারিয়া, বিষম চিন্তাসহকারে ভাবিতে লাগিলেন যে, আমার অধ্যয়নেই ত অনেক কাল অতিবাহিত হইল, অর্থ-উপার্জনেও অনেক কাল কাটাইলাম, কিন্তু যিনি কৰ্ম্ম-বন্ধনকে নিশ্চুল করিতে সক্ষম, সেই মহেশ্বরেরও আরাধনা করিলাম না, সমস্তপাপের হরণকর্তা সর্বব্যাপী হরিকেও সম্ভুত করিলাম না, মানবগণের সকল প্রকার অভ্যক্তি প্রদানকর্তা গণেশেরও পূজা করি নাই, আমি কখনই, তমঃসমূহের অপনয়নকারী সূর্য্যের আরাধনাও করি নাই, ভববন্ধন-ছেদনকর্ত্রী মহামায়া জগদ্ধাত্রীরও পূজা করি নাই । ২—১০ । যজ্ঞনিচয়ের অনুষ্ঠান দ্বারা সর্বপ্রকার ঐশ্বর্য্য প্রদানকর্তা দেবগণেরও সন্তোষসাধন করি নাই, পাপশাপ্তির জন্ত কখন তুলসীবনেরও সেবা করি নাই, যাহারা ইহ এবং পরকালে বিপদ হইতে পরিত্রাণ করিয়া থাকেন, সেই ব্রাহ্মণগণকেও কখন মিষ্টান্ন দ্বারা পরিতৃপ্ত করি নাই । ১১-১২ । পথিমধ্যে নানাবিধ পুষ্প ও ফলসম্পন্ন, উত্তম ছায়া-যুক্ত এবং স্নিগ্ধ পল্লববিশিষ্ট, আর যাহারা ইহ ও পরকালে ফল প্রদান করিয়া থাকে, এমনত বৃক্ষসকলও রোপিত করি নাই । ১৩ । ইহ এবং পরকালে সুন্দর বাসস্থান প্রাপ্তির নিমিত্ত, কখনও কোন স্ত্রীবাগিনীকে\* বস্ত্র, কঙ্কুক, বা ভূষণাদির দ্বারা অলঙ্কৃত করি নাই, ব্রাহ্মণকে উর্বরা ভূমি দান করিলে যমলোকের ভয় থাকে না, আমি তাহাও ত দান করি নাই, স্ত্রীদান করিলে বিঘ্ন বিনাশ হয়, আমি তাহাও

পিতৃগৃহে অবস্থিতা যুবতীর নাম স্ত্রীবাসিনী ।

কোন ব্রাহ্মণকে অর্পণ করি নাই । ১৪-১৫ । বৎসর সহিত অলঙ্কৃত গাভী সং-  
পাত্রে অর্পণ করিলে, তৎক্ষণাৎ পাপ বিনষ্ট হয় এবং সপ্তজন্মপর্য্যন্ত, দাতা সুখা  
হয়, আমি তাহাও দান করি নাই, মাতৃস্বাণ পরিশোধের জন্ত কোন জলাশয়ও  
প্রতিষ্ঠা করি নাই, স্বর্গের পথপ্রদর্শক অতিথিগণকেও পরিতুষ্ট করি নাই, যম-  
লোকে ও স্বর্গের পথে যাহারা সুখদায়ক, এমনত ছত্র, পাটুকা বা কমণ্ডলুও কোন  
পথিককে প্রদান করি নাই ।

কখন কাহারও কন্যার বিবাহের জন্ত কোন অর্থও প্রদান করি নাই, এইরূপ  
অর্থ প্রদান করিলে, ইহলোকে সুখ ও স্বর্গে দিব্য কন্যা লাভ হয় । যে, বাজপেয়  
যজ্ঞের অন্তে অবভূত স্নান করিলে, ইহ ও পরজন্মে বহুতর স্বাদু অন্ন ও উৎকৃষ্ট  
পানীয় পাওয়া যায়, সেই বাজপেয় যজ্ঞও আমি করি নাই । ১৬-২০ । একটি  
দেবালয় নির্মাণ করাইয়া, তাহাতে শিবলিঙ্গ প্রতিষ্ঠা করিলে বিশ্বপ্রতিষ্ঠার ফল হয়,  
আমি তাহাও করি নাই । সর্ববিশ্বকর্ষক শিবমন্দিরও নির্মাণ করি নাই ।  
সূর্য, গণেশ প্রভৃতির কোন মূর্তিও প্রতিষ্ঠা করি নাই । গৌরী অথবা মহালক্ষ্মীকে  
কোন দিন চিত্রেও অঙ্কিত করি নাই, ইহাদের মূর্তি স্থাপন করিলে কুরূপ বা হত-  
ভাগ্য হয় না । ২১-২৩ । দিব্যবস্ত্র লাভের জন্ত, কখন কোন ব্রাহ্মণকে সূক্ষ্ম,  
বিচিত্র বা উজ্জ্বল বস্ত্রও দান করি নাই । ২৪ । সর্ববিধ পাপনাশের জন্ত, কখনও  
জলস্ত্র অনলে, মন্ত্রউচ্চারণপূর্বক স্নাত্ত তিলের ঘারা হবন করি নাই । ২৫ ।  
কখন পাপনাশক শ্রীসূক্ত, পাবমানী ব্রাহ্মণ, মণ্ডল বা পুরুসূক্ত কিস্বা শতরুদ্রীও  
জপ করি নাই । রাত্রিকাল, ত্রয়োদশী-তিথি এবং রবি ও শুক্রবার ভিন্ন দিবসে  
অশ্বখবৃক্ষ-সেবা করিলে, তৎক্ষণাৎ পাপনষ্ট হয়, আমি তাহাও করি নাই ।  
কোমল তুলিকা বা শয্যা কিস্বা দর্পণসংযুক্ত দীপও দান করি নাই, এই সমস্ত দান  
করিলে সমৃদ্ধিভাগী হয় । ২৬-২৮ । অজ, অশ্ব, মহিষ, মেঘ, দাসী, কৃষ্ণাজিন,  
তিল, দধি, শল্লু, জলপূর্ণকুম্ভ, আসন, কোমল পাটুকা, পাদাভ্যঙ্গ, দীপ, জলসত্র,  
বাজন, বস্ত্র, তাম্বুল এবং অগ্ন্যাগ্ন মুখবাসদ্রব্য দান, নিম্নশ্রদ্ধা, ভূতবলি এবং অতিথি-  
সেবা ও অগ্ন্যাগ্ন উৎকৃষ্ট দ্রব্য দান করিলে, প্রদাতার যমালয়ে প্রবেশ, যমদর্শন বা  
যমদূত দর্শন কিস্বা কোন প্রকার যমযন্ত্রণা ভোগ করিতে হয় না, আমি ইহার  
কিছুই করি নাই । ২৯-৩২ । শরীর শুদ্ধিকর কৃচ্ছ্র-চান্দ্রায়ণ এবং নক্তব্রতাদিও  
আমি কখন করি নাই । ৩৩ । আমি গোগ্রাস ও প্রদান করি নাই, কখন গাভীর গাত্র-  
কণ্ঠ্যনও করি নাই । পঙ্কগয় গাভীকেও কখন উদ্ধার করি নাই, এই সকল  
করিলে, দেহান্তে সুখে গোলকধামে বাস করা যায় । ৩৪ । কোন প্রার্থীকে কখন

প্রার্থিত অর্থপ্রদানে কৃতার্থ করি নাই, কাজেই জন্মান্তরে আমাকে কেবল “দেহি দেহি” করিয়া বেড়াইতে হইবে। ৩৫। আমার যখন মৃত্যু হইবে, তখন বেদ প্রভৃতি শাস্ত্র, অর্থ, দার, পুত্র, ক্ষেত্র ও হর্য্য ইহার কিছুই আমার সহিত মাইবে না। ৩৬।

শিবশর্যা এই সমস্ত ভাবিয়া, মনে নিশ্চয় করিলেন যে, যে পর্য্যন্ত শরীর সুস্থ আছে, ইন্দ্রিয়গণও পটু আছে, তাহার মধ্যেই তীর্থভ্রমণ করি, তাহাতেই আমার পরম মঙ্গল হইবে। ৩৭—৩৮।

সুখীর শিবশর্যা এইরূপ নিশ্চয় করিয়া, পাঁচ ছয়দিন গৃহে অভিবাহিত করিলেন, পরে একদিন শুভতিথি, শুভবার ও শুভলগ্ন দর্শনপূর্বক একরাত্রি উপবাস করিয়া, প্রাতঃকালে শ্রাদ্ধ করিলেন এবং গণেশ-পূজা ও ব্রাহ্মণভোজন করাইয়া প্রণামকরতঃ, তীর্থবাসী জীবগণের তীর্থই মুক্তির সোপান এই বিবেচনা করিয়া, বাটী হইতে নির্গত হইলেন। ৩৯-৪১। তৎপরে পথে একস্থানে কিছুক্ষণ বিশ্রাম করিয়া, ভাবিতে লাগিলেন যে, প্রথমে কোন্ স্থানে গমন করি। ৪২। পৃথিবীতে ত অনেক তীর্থ রহিয়াছে এবং আয়ুঃ ও মন উভয়ই অস্থির, অতএব যে সাতটী তীর্থে সমস্ত তীর্থ অবস্থিত আছে, সেই সাতটী পুরীতেই প্রথম গমন করি। ৪৩। তৎপরে তিনি অযোধ্যাপুরীতে গমন করিয়া, সরযুতে স্নান করিলেন এবং তথায় পিতৃগণের তর্পণ ও পিণ্ডদানপূর্বক ব্রাহ্মণভোজন করাইয়া, পাঁচ রাত্রি তথায় বাসকরতঃ সানন্দে তীর্থ-রাজ প্রয়াগধামে গমন করিলেন। ৪৪—৪৫। যেখানে সুরগণেরও দুলভ, পবিত্র-সলিলা গঙ্গা এবং যমুনার সঙ্গম হইয়াছে ও যেখানে স্নান করিলে, মানব পরমব্রহ্ম প্রাপ্ত হয়, পরম পবিত্র প্রজাপতির সেই প্রয়াগক্ষেত্র সকলের পক্ষেই অত্যন্ত দুলভ, বহুতর পুণ্যবল ভিন্ন কেবল অর্থরাশি ব্যয় করিলে তাহা পাওয়া যায় না। ৪৬-৪৭। যেখানে পবিত্র-সলিলা সুর-তরঙ্গিনী গঙ্গা যমুনার সহিত মিলিত হইয়া, মানবগণের কলি ও কালভয় দমন করিতেছেন। ৪৮। সমস্ত যজ্ঞ হইতে প্রকৃষ্ট বলিয়া, সেই স্থানের নাম “প্রয়াগ”। ত্রিবেণীর জলে যে সমস্ত যাজ্ঞিকের দেহ ধৌত হইয়াছে, তাহাদের আর এ সংসারে আসিতে হয় না। ৪৯। সেই প্রয়াগধামে সাক্ষাৎ মহাদেব, শূলটঙ্ক মূর্তিতে বিরাজিত থাকিয়া, সেই তীর্থে স্নাত জীবগণের মোক্ষ উপদেশে রত রহিয়াছেন। ৫০। সেই স্থানে অক্ষয়বটও রহিয়াছেন, তাঁহার মূল সপ্তপাতাল ভেদ করিয়া রহিয়াছে, প্রলয়কালে মহামুনি মার্কণ্ডেয় সেই বৃক্ষেই আরোহণ করিয়াছিলেন, সাক্ষাৎ হিরণ্য-গর্ভই, সেই বটবৃক্ষরূপে অবস্থান করিতেছেন। সেই অক্ষয়বটের নিকট ভক্ত

পূর্বক ব্রাহ্মণগণকে ভোজন করাইলে অক্ষয় পুণ্যলাভ হয়। ৫১-৫২। যে প্রয়াগ-ধামে স্বয়ং লক্ষ্মীপতি মানবগণকে পরিত্রাণ করিবার জন্ত, মাধবমূর্তিতে বিরাজ করিতেছেন, সেই বিষ্ণুর পরমধাম প্রয়াগক্ষেত্র। এবং খেত ও কৃষ্ণ নদীদ্বয় (গঙ্গা ও যমুনা) বেদেতেও প্রশংসিত, সেই নদীদ্বয়ের সঙ্গমে স্নান করিলে, নিশ্চয়ই মানবগণ অমর হয়। ৫৩-৫৪। শিবলোক, ব্রহ্মলোক, উমালোক, কুমারলোক, বৈকুণ্ঠলোক, সত্যলোক, তপোলোক, জনলোক, মহালোক, স্বর্লোক, ভুবলোক, ভূলোক, নাগলোক অন্যান্য লোক-নিবাসিজনগণ এবং হিমালয় প্রভৃতি পর্বতগণ কল্পতরু প্রভৃতি বৃক্ষগণও মাঘ মাসে অরুণোদয়কালে, এখানে স্নান করিতে আগমন করেন। ৫৫—৫৭।

দিগজনাগণও প্রার্থনা করেন, যদি প্রয়াগ হইতে বায়ুও আসে, তাহা হইলে আমরা তাহার স্পর্শে পবিত্র হই, আমরা গমনশক্তিবিহীন, স্তূতরাং তথায় যাইবার ক্ষমতাও নাই। ৫৮। প্রয়াগের ধূলি এবং অশ্বমেধাদি সমস্ত যজ্ঞ, পূর্বকালে ব্রহ্মা এই উভয়ের তুলনা করিয়াছিলেন, তাহাতে সমস্ত যজ্ঞও তথাকার ধূলিই সমান হয় নাই। ৫৯। প্রয়াগের নাম শ্রবণমাত্রেই, বহুজন্মার্জিত মজ্জাগত পাপসমূহও, অতি বিহ্বল হইয়া বিনষ্ট হয়। ৬০। ইহা সন্ধ্যাক্রমে ধর্ম, অর্থ, কাম ও মোক্ষ অর্জন করিবার তীর্থ, যে পর্য্যন্ত মাঘ মাসে সর্বপাপহারী প্রয়াগ-তীর্থে স্নান না করে, সেই পর্য্যন্তই ব্রহ্মহত্যাदि পাপ, জীবকে ক্লেশ প্রদান করে। ৬১-৬২। “তাহাই বিষ্ণুর পরমপদ, বিদ্বান্ ব্যক্তিরা সর্বদা যাহা দর্শন করিয়া থাকেন” এই যে বেদ-বাক্য পঠিত হয়, প্রয়াগই তৎসমস্ত (অর্থাৎ সেই পরম পদপ্রাপ্তির উপায়), এখানে রজোগুণ-স্বরূপা সরস্বতী, তমোগুণ-স্বরূপা যমুনা এবং সত্ত্বগুণ-স্বরূপা গঙ্গা, নিগুণব্রহ্মকে জানাইয়া দেন। ৬৩-৬৪। শ্রদ্ধা বা অশ্রদ্ধাদিকারে এইখানে স্নান করিলেই মনুষ্যগণ বিশুদ্ধ দেহ লাভ করিয়া ব্রহ্মমার্গে গমন করে, স্তূতরাং এই ত্রিবেণীই ব্রহ্মমার্গ গমনের সোপানশ্রেণী। ৬৫। জগতে কাশী নামে একটা অবলা আছে, লোলার্ক ও আদিকেশব তাহার দুইটা লোচন-স্বরূপ, আর অক্ষয় সুখের আধার এই ত্রিবেণী, সেই কাশীর বেণীর স্বরূপ। ৬৬।

অগস্ত্য কহিলেন, হে সুধর্ম্মিণি ! সমস্ত তীর্থ যাহার সেবা করিতেছে, সেই তীর্থ-রাজ প্রয়াগের মাহাত্ম্য কে বর্ণন করিতে সমর্থ হয় ? পাপিগণ পাপনাশের জন্ত তীর্থসেবা করে, সেই তীর্থের মধ্যে প্রয়াগ সর্বাপেক্ষা অধিক। ৬৭-৬৮। সুধী শিবশর্মা প্রয়াগের মাহাত্ম্য অবগত হইয়া, তথায় মাঘ মাস বাস করিয়া,

বারাণসীতে গমন করিলেন । ৬৯ । তিনি কাশীতে প্রবেশকালীন দেহলী বিনায়ককে দর্শন করিয়া, ভক্তিপূর্বক স্তুতি ও সিন্দূরের দ্বারা তাঁহার দেহ লিপ্ত করিলেন । ৭০ । এবং বিদ্বন্মুহু হইতে ভক্তজনের রক্ষাকর্তা সেই বিনায়ককে পাঁচটা মোদক নিবেদন করিয়া ক্ষেত্রের মধ্যে প্রবেশ করিলেন । ৭১ । শিবশৰ্ম্মা মণিকর্ণিকায় আগমন করিয়া পাপ-পুণ্যবিরহিত ও শিবতুল্যা মানবগণকর্তৃক নিষেবিত, উত্তর-সাহিনী গজাকে দর্শন করিলেন । ৭২ । হে পবিত্রচিত্তে লোপামুদ্রে ! তখন কৰ্ম্মকাণ্ডবিৎ শিবশৰ্ম্মা অবিলম্বে পবিত্র অন্তঃকরণে সবস্ত্র, সেই বিমল জলে অবগাহন করিয়া, দেব, ঋষি, মনুষ্য, দিব্য, পিতৃ এবং নিজ পিতৃগণের তর্পণ করিলেন । ৭৩ । অনন্তর বিস্ত-শাঠ্য না করিয়া, পঞ্চতীর্থ যাত্রা এবং বিশ্বেশ্বরের আরাধনা করিয়া বারম্বার মহাদেবের সেই পুরী দর্শনে ( আর কখন এ প্রকার রম্য পুরী দেখিয়াছেন কিনা ভাবিয়া ), বিস্মিত হইয়া ভাবিতে লাগিলেন । ৭৪ । বিচারপূর্বক দেখিলে অমরাবতীও কাশীপুরীর তুল্য নহে, কারণ তাহা সময়ে ব্রহ্মা নিৰ্ম্মাণ করিয়া থাকেন, কিন্তু ইহা স্বয়ং মহাদেবের রচিত, স্বর্গে জন্ম-মরণরূপ বন্ধ আছে, কাশীতে তাহার কিছুই নাই, যেমন ব্রহ্মপ্রতিপাদক শাস্ত্র ও অগ্ন্যগ্ন শাস্ত্রে তুলনা হয় না, তদ্রূপ কাশীর সহিত স্বর্গেরও তুলনা করা যায় না । দেবগণ নিরর্থক স্ত্রধাপান করিয়া থাকেন, কারণ স্ত্রধা অপেক্ষা কাশীর জলের মাহাত্ম্য অধিক, যদি কখন ইহা পান করা যায়, তাহা হইলে আর জননীর স্তন পান করিতে হয় না । ৭৫-৭৬ । সাধু ব্যক্তিগণ বেদবক্তা পরমাত্মার চিন্তায় ত্রিবিধ তাপ হইতে বিমুক্ত হইয়াও, মহাদেবকে পরিত্যাগপূর্বক কোন কৰ্ম্ম করেন না, ( অর্থাৎ তাঁহারা কেবল মহাদেবের প্রীতির জন্ত সৎকৰ্ম্মের অনুষ্ঠান করেন ) স্তুরাং তাঁহারা সর্বপ্রকারে মহাদেবের গণ, নন্দী প্রভৃতির ন্যায় মহিমাম্বিত হন । ৭৭ । কোন্ ব্যক্তি এই কাশীর প্রশংসা না করে ? কারণ এখানে অবস্থিত জীবগণের অস্তিমকালে পূর্বসঞ্চিত পুণ্য থাকে, ভগবান্ চন্দ্রচূড় তারকমন্ত্র উপদেশ করিয়া থাকেন । ৭৮ । সংসারিজনের চিন্তামণি সেই বিশ্বনাথ অস্তিমকালে, মেহেতু সাধুগণের কর্ণে তারকমন্ত্র উপদেশ করিয়া থাকেন, তন্নিবন্ধন ইহার নাম মণিকর্ণিকা । ৭৯ । এই স্থান মুক্তিলক্ষ্মীর মহাপীঠের মণিস্বরূপ এবং তাঁহার চরণ-কমলের কর্ণিকার স্বরূপ, এইজন্ত লোকে ইহাকে “মণিকর্ণিকা” বলিয়া থাকে । ৮০ । এ স্থানস্থিত জরায়ুজ, অণুজ, উদ্ভিজ্জ ও শ্বেদজ জীবগণের দেবতাদিগের সহিত তুলনা হয় না, কারণ ইহারা অনায়াসে মুক্ত হইবে কিন্তু দেবগণের মুক্তি দুর্লভ । ৮১ । আমি অতি দুর্বৃত্ত ও জড়প্রকৃতি, কারণ এতকাল

পথান্ত আমি মুক্তিদাত্রী কাশী দর্শন করিতে পারি নাই। ৮২। এইরূপ ভাবিতে ভাবিতে বারম্বার সেই পবিত্র ও বিচিত্র ক্ষেত্র দর্শনেও তাঁহার পরিতৃপ্ত হইল না। ৮৩। অনন্তর শিবশৰ্ম্মা স্থির করিলেন যে, সাতটা পুরীর মধ্যে মুক্তি-দায়িনী বারাণসীকে আমি শ্রেষ্ঠ বোধ করিতেছি, তথাপি অশ্রু চারিটা তীর্থ এখনও দর্শন করি নাই, অতএব সেই চারিটা তীর্থ দর্শন করিয়া পুনরায় এখানে আগমন করিব। ৮৪-৮৫।

এই প্রকার নিশ্চয় করিয়া, তিনি কাশী হইতে প্রস্থান করিলেন। সম্বৎসর কাণ ব্যাপিয়া যদি প্রতিদিনই তীর্থ-পর্যটন করা যায়, তাহাইলেও সমস্ত তীর্থ হইয়া উঠে না, কিন্তু কাশীতে তিলপ্রমাণ ভূমিতেও সমস্ত তীর্থ পাওয়া যায়। ৮৬।

অগস্ত্য কহিলেন, হে দেবি! শিবশৰ্ম্মা নানাশাস্ত্রে পণ্ডিত হইয়া কাশী-ক্ষেত্রের অনুপম মাহাত্ম্য জানিয়াও, কাশী পরিত্যাগকরতঃ গমন করিলেন, ইহা অতি আশ্চর্য্যের বিষয়। ৮৭। হে সুন্দরি! নানাবিধ শাস্ত্র জানা থাকিলেই বা কি হইবে, অবশ্যস্তানী মহামায়ার ময়া নিবারণ করিতে, কোন্ ব্যক্তিই বা সক্ষম হয়? ৮৮। বেগে প্রধাবিত চিত্ত এবং জলকে কেহ প্রতিকূলে লইতে পারে না, কারণ এই উভয়, উচ্চস্থানে থাকিলেও ইহাদের স্বভাব চঞ্চল। ৮৯।

অনন্তর শিবশৰ্ম্মা, ক্রমশঃ একদেশ হইতে অগ্ৰদেশে যাইতে যাইতে, যেখানে কলি ও কালের ভয় নাই, সেই মহাকালপুরীতে উপস্থিত হইলেন। প্রলয়ের সময় যে কাল, অবলীলাক্রমে সমস্ত বিশ্বকে সংহার করে, সেই কালকেও সংহার করতঃ, মহাদেব মহাকাল নাম ধারণ করিয়া, সেই পুরীতে অবস্থান করিতেছেন। ৯০—৯১। বিশ্বকে পাপ হইতে অবন (রক্ষা) করে বলিয়া, সেই পুরীর নাম অবন্তী, যুগে যুগে ঐ পুরীর ভিন্ন ভিন্ন নাম হয়, কলিকালে ঐ পুরী উজ্জয়িনী নামে বিখ্যাত। ৯২। যে স্থানে মৃত জীব, শব্দ প্রাপ্ত হইয়াও, পুতিগন্ধময় হয় না এবং কদাপি যাহার অধোগমিত হয় না। ৯৩। যমদূতগণ, কোনকালে সেই পুরীতে প্রবেশ করিতে পারে না এবং সেই পুরীর নানাস্থানে অসংখ্য শিবলিঙ্গ বিরাজ করিতেছেন। ৯৪। একই লিঙ্গ, হটকেশ, মহাকাল ও তারকেশ এই তিন মূর্তিতে ত্রিভুবন ব্যাপিয়া অবস্থান করিতেছেন। ৯৫। সেই অবন্তীপুরীতে সিদ্ধবট নামক স্থানে জ্যোতির্লিঙ্গ আছেন, বাঁহারা বিজ, তাঁহারা তাঁহাকে দর্শন করেন, অথবা মহাকালকে দর্শন করিয়া, বাঁহারা বহুতর পুণ্যসঞ্চয় করিয়াছে, তাঁহারাও তাঁহাকে দেখিতে পায়। ৯৬। সংসার-তাপে তাপিত যে সকল ব্যক্তি, কখনও সেই মহাকালকে দর্শন করিয়াছে, মহাপাপ কখনও তাঁহাদিগকে স্পর্শ করে না এবং



ষমদূতগণ, তাহাদের দর্শনও পায় না । ৯৭ । সূর্য্যের অশ্বগণ, আকাশে মহাকালের পতাকার ছায়ায় আশ্রয়করতঃ, অরুণের কশাঘাতজনিত দুঃখ নিবারণ করিয়া থাকে । ৯৮ । যাহারা মহাকাল, মহাকাল এই বাক্য নিরন্তর স্মরণ করেন, শ্রীকৃষ্ণ এবং মহেশ্বর তাঁহাদিগকে স্মরণ করিয়া থাকেন । ৯৯ ।

অনন্তর শিবশর্মা ভূতপতি মহাকালের আরাধনা করিয়া, ত্রিভুবন অপেক্ষা কমনীয় কান্তী নগরীতে গমন করিলেন । ১০০ । স্বয়ং ভগবান্ লক্ষ্মীকান্ত, সেই নগরীতে অবস্থানকরতঃ, তত্রস্থ জীবগণকে ইহ ও পরলোকে স্বীয় স্বরূপ্য প্রদান করিয়া থাকেন । ১০১ । কাস্তিবিশিষ্ট জীবগণকর্তৃক পরিপূর্ণ কাস্তিমর্তী কান্তী-পুরীকে দর্শন করিয়া, শিবশর্মাও কাস্তিযুক্ত হইলেন । সেই নগরীতে কাহারও অকাস্তি নাই । ১০২ । সমস্ত কৰ্ত্তব্যকর্ম্মের জ্ঞাতা শিবশর্মা, সেই পুরীতে যাহা যাহা কৰ্ত্তব্য, তৎসমুদয় সম্পন্ন করিয়া, তথায় সাত রাত্রি বাস করিয়া, দ্বারবতীপুরীতে গমন করিলেন । ১০৩ । সেই পুরীর সর্ববত্রই, ব্রাহ্মণ, ক্ষত্রিয়, বৈশ্য ও শূদ্র এই চারি বর্ণের উন্নতির দ্বার অবস্থিত রহিয়াছে, এই জন্মই তৎস্ববিৎ পণ্ডিতগণ, সেই পুরীকে দ্বারবতী বলিয়া থাকেন । ১০৪ । যে স্থানের জন্তুগণের অস্থিসমূহও চক্রদ্বারা অঙ্কিত হইয়া থাকে, তথাকার জীবগণ শঙ্খ-চক্রাঙ্কিত-কর ( বিষ্ণুরূপ ) হইবে, তাহাতে আর আশ্চর্য্য কি ? । ১০৫ । যম এই বলিয়া বারম্বার আপনার দূতগণকে শাসন করিয়া থাকেন যে, যাহারা দ্বারবতীর নাম পর্য্যন্ত গ্রহণ করে, তোমরা তাহাদিগকেও স্পর্শ করিও না । ১০৬ । তথাকার গোপীচন্দনের যে প্রকার গন্ধ, বর্ণ ও পাবিত্র্য আছে; চন্দনে সে গন্ধ কোথায়, সর্পে তাদৃশ বর্ণ কোথায় এবং তীর্থে তাদৃশ পবিত্রতাই বা কোথায় ? ১০৭ । যম নিজের দূতগণকে বলিয়া থাকেন যে, হে দূতগণ ! শ্রবণ কর, যাহার ললাট গোপীচন্দনের দ্বারা অঙ্কিত থাকিবে, তোমরা যত্নের সহিত তাহাকেও, জলন্ত অনলের দ্বায় পরিত্যাগ করিও । যাহারা তুলসী-মাল্য ধারণ করে, যাহারা তুলসী-নাম জপ করে এবং যাহারা তুলসী-বন পালন করে, হে দূতগণ, তাহাদিগকেও দূর হইতে পরিত্যাগ করিও । ১০৮-১০৯ । সমুদ্র, যুগে যুগে দ্বারকার রত্নসমূহ অপহরণ করেন বলিয়াই, অত্য়পি লোকে, “রত্নাকর” নামে পরিচিত রহিয়াছেন, কালকর্তৃক প্রেরিত হইয়া, যাহারা দ্বারবতীতে দেহত্যাগ করে, তাহারা বৈকুণ্ঠে পীতাম্বরারি চতুর্ভুজ-মূর্তিতে বিরাজ করিয়া থাকে । ১১০—১১১ ।

শিবশর্মা, তত্রস্থ তীর্থসমূহে স্নান এবং দেবতা ও পিতৃগণের তর্পণ করিয়া, তথা হইতে মায়াপুরীতে গমন করিলেন । যে মায়াপুরীতে পাণিগণ গমন করিতে

পারে না এবং যেখানে বৈষ্ণবী-মায়া জীবগণকে মায়াপাশে বদ্ধ করেন না, সেই পুরীকে, কেহ হরিদ্বার, কেহ মোক্ষদ্বার, কেহ গঙ্গাদ্বার এবং কেহ বা মায়াপুরী বলিয়া থাকেন। যে স্থান হইতে গঙ্গা নির্গত হইয়া, পৃথিবীতে ভাগীরথী নামে খ্যাত হইয়াছেন, যে গঙ্গার নাম উচ্চারণ করিলে, মানবগণের পাপ বিনাশ হয়। ১১২-১১৫। যে হরিদ্বারকে লোকে, স্বর্গের একমাত্র সোপান বলিয়া জানে এবং যথায় স্নান করিলে, মানবগণ বিষ্ণুর পরমপদ প্রাপ্ত হইয়া থাকে। ১১৬। সেই পবিত্র তীর্থে, দ্বিজশ্রেষ্ঠ শিবশৰ্ম্মা, তীর্থোপবাস ও নিশা-জাগরণকরতঃ, প্রাতঃকালে গঙ্গায় স্নান, ও পিতৃগণের তর্পণ করিয়া, যেমন পারণ করিতে ইচ্ছা করিলেন, অমনি শীতজ্বরে আক্রান্ত হইয়া, অতিশয় কঁপিতে লাগিলেন। একে তিনি বিদেশী তাহাতে একাকী, আবার জ্বরে অতিশয় পীড়িত, কাজেই ভাবিতে লাগিলেন যে, ইহা আব'র কি উপস্থিত হইল। ১১৭-১১৯। এইরূপে চিন্তা-সাগরে নিমগ্ন হইয়া, অগাধ সমুদ্রমধ্যে ভয়গোত নাবিকের স্থায়, জীবন ও ধনের আশায় নিরাশ হইয়া, ভাবিতে লাগিলেন যে, কোথায় আমার ক্ষেত্র, কোথায় আমার স্ত্রী, কোথায় আমার পুত্রগণ, কোথায় আমার সেই ধন, কোথায় সেই বিচিত্র হর্ম্ম্য এবং সেই পুস্তক-রাশিই বা কোথায় রহিল ? এখনও আমার আয়ুঃ পর্যাপ্ত হয় নাই এবং আমি বৃদ্ধও হই নাই, অথচ মৃত্যুরূপে এই কঠিন জ্বর আসিয়া উপস্থিত হইল। মৃত্যু আমার মস্তকের উপরে অবস্থান করিতেছে, অথচ আমার বাটী এস্থান হইতে বহুদূরে অবস্থিত। গৃহে অগ্নি লাগিলে, কোন্ ব্যক্তিই বা কূপ খনন করে ? অতএব, তাপকর এই সমস্ত বার্থ চিন্তাতেই বা আমার কি প্রয়োজন, এক্ষণে আমি মঙ্গলপ্রদ হৃদ্বাকেশ এবং মহাদেবকে চিন্তা করি। অথবা আমি ত মুক্তির উপায়েরও একটা অনুষ্ঠান করিয়াছি। সাতটি মুক্তিপুরী ত আমি দর্শন করিয়াছি, পণ্ডিতগণের, স্বর্গ অথবা মুক্তি এই উভয়ের একটা না করিলে, পরে তাপ পাইতে হয়। অথবা এই ক্লেশপ্রদ চিন্তাতেই বা আমার কি প্রয়োজন, যুদ্ধে মৃত্যু শ্রেয়ঃ এবং তীর্থে মৃত্যুও শ্রেয়ঃ, আমারও তাহাই হইতেছে, হতভাগ্য ব্যক্তির স্থায় আমার পথেও ত মৃত্যু হইতে পারিত, কিন্তু আমি ভাগীরথীতে দেহত্যাগ করিতেছি, ইহাতেও আমি মৃত্যুর স্থায় কেন চিন্তাশ্রিত হইতেছি। ১২৭-১২৮। আমার এই চৰ্ম্মাস্থিময় দেহের এই স্থানে নিধন হইলে, নিশ্চয়ই তাহাতে আমার মঙ্গল হইবে। ১২৯। এই প্রকার চিন্তা শীল সেই ব্রাহ্মণের পীড়া অতিশয় কঠিন হইয়া উঠিল, তাহাতে কোটী বৃশ্চিক দংশন করিলে, যে ষাতনা হয়, শিবশৰ্ম্মাও তাদৃশ ষাতনা পাইতে লাগিলেন এবং তিনি কে, কোথায় আছেন এ সমস্ত বিষয় বিস্মৃত হইলেন। এইরূপে চতুর্দশ দিন অতি-

বাহিত হইলে, তিনি মৃত্যুমুখে পতিত হইলেন। তখন, বৈকুণ্ঠ হইতে তাঁহাকে লইয়া যাইবার জন্ম গরুড়ধ্বজ রথ আসিয়া উপস্থিত হইল। ১৩০—১৩২। অতি বিস্তৃত সেই রথের উপর, স্বর্ণবর্ণ কোশেয়বস্ত্র পরিধান করিয়া দিব্য কণ্ঠা, সহস্র চামর হস্তে অবস্থিত ছিল, আর পুণ্যশীল ও স্মশীল নামে দুইটা বিষ্ণুর অনুচর, প্রসন্ন বদনে চতুর্ভূজ মূর্তিতে বিরাজিত ছিল এবং সেই রথ চতুর্দিকে ক্ষুদ্র ক্ষুদ্র ঘণ্টাসমূহের দ্বারা মণ্ডিত ছিল। সেই ব্রাহ্মণ, পীতবসন ও চতুর্ভূজ মূর্তি ধারণ করিয়া এবং দিব্য ভূষণে বিভূষিত হইয়া, সেই রথে আরোহণকরতঃ আকাশপথ অলঙ্কৃত করিলেন। ১৩৩—১৩৫।

## অষ্টম অধ্যায়

—\*—

যমলোক-বর্ণন।

লোপামুদ্রা কহিলেন, হে জীবিতেশ ! পুণ্যপুরীর এই সমস্ত পুণ্যজনক কথা আপনাব শ্রীমুখ হইতে শ্রবণ করিয়া, আমার তৃপ্তি হইতেছে না। হে বিভো ! দ্বিজশ্রেষ্ঠ শিবশর্মা, মুক্তিক্ষেত্র মায়াপুরীতে শরীর ত্যাগ করিয়াও কি নিমিত্ত মুক্ত হইলেন না, তাহা কীৰ্ত্তন করুন। ১-২।

অগস্ত্য কহিলেন, হে প্রিয়ভাষিণি ! এই সমস্ত পুরীতে সাক্ষাৎ মুক্তি হয় না। পূর্বের এই বিষয়েই এক ইতিহাস আমি শুনিয়াছি, উহা পুণ্যশীল ও স্মশীল নামে বিষ্ণু-গণদ্বয় শিবশর্মাকে বলিয়াছিলেন, হে কান্তে ! বিচিত্র অর্থযুক্ত ও পাপবিনাশন সেই কথা শ্রবণ কর। ( শিবশর্মা রথে আরোহণপূর্বক গমন করিতে করিতে, পথে বিষ্ণু-গণদ্বয়কে জিজ্ঞাসা করিতে লাগিলেন )। ৩-৪।

শিবশর্মা কহিলেন, হে পবিত্র ও কমললোচন বিষ্ণুগণ ! আমি ঘোড়হস্তে কিছু নিবেদন করিতে ইচ্ছা করিতেছি। আমি আপনাদের নাম জানি না, তথাপি আপনাদের আকৃতি দেখিয়া বোধ করিতেছি, আপনারা দুইজন পুণ্যশীল ও স্মশীল নামে অভিহিত হইতে পারেন। ৫-৬।

বিষ্ণু-গণদ্বয় বলিলেন, ভগবদভক্তিযুক্ত ভবাদৃশ জনের কিছুই অজ্ঞাত নাই, আপনি যাহা বলিলেন, উহাই আমাদের নাম। অপর যদি কিছু আপনার জিজ্ঞাস্য

থাকে, নিঃশঙ্কচিত্তে তাহা জিজ্ঞাসা করুন, হে মহাপ্রাজ্ঞ ! আমরা আনন্দের সহিত তাহার উত্তর প্রদান করিব । বিষ্ণু-গণের অতি প্রীতিকর ও হৃদয়গ্রাহী এই বাক্য শ্রবণ করিয়া, সেই ব্রাহ্মণ তাঁহাদিগকে বলিলেন । ৭-৯ ।

দিব্যমূর্তিধারী ব্রাহ্মণ শিবশর্মা বলিলেন, এই যে স্থান দেখা যাইতেছে, যাহার সৌন্দর্য্য অতি অল্প এবং যাহাতে পাপিগণ অবস্থান করিতেছে, উহার নাম কি ? আর ইহাতে এই যে, বিকৃতাকার জীবগণ বাস করিতেছে, ইহারাই বা কে ? তাহা আমাকে বলুন । ১০ ।

গণদ্বয় বলিলেন, হে সখে ! ইহা পিশাচলোক, এখানে মাংসাশীগণ বাস করে । যাহারা দান করিয়া অনুতাপ করে, যাহারা প্রথমে অস্বীকার করিয়াও পরে দান করে এবং যাহারা প্রসঙ্গাধীন একবারমাত্র অভক্তিমূহকাবেই মহাদেবের পূজা করে, অশুদ্ধচিত্ত সেই সমস্ত ব্যক্তি, অল্প পুণ্যভাগী ও অল্প সম্পত্তিশালী হইয়া, এইস্থানে পিশাচরূপে অবস্থান করিতেছে ।

শিবশর্মা কিছুদূর অগ্রসর হইয়া, আর একটা লোক দর্শন করিলেন, সেই লোক হৃষ্টপুষ্ঠ গুচ্ছগমূহে পরিবৃত, তাহাদের উদর বৃহৎ, বস্ত্র স্থূল, কণ্ঠস্বর মেঘের আয় গম্ভীর এবং তাহাদের অঙ্গ শ্যামবর্ণ ও লোমযুক্ত । তখন শিবশর্মা জিজ্ঞাসা করিলেন, হে গণদ্বয় ! উহা কোন্ লোক এবং কি পুণ্যে উহা প্রাপ্ত হওয়া যায় ? ১১-১৪ ।

গণদ্বয় বলিলেন, গুহকগণের এই লোক এবং তাহারাই এখানে বাস করে, পৃথিবীতে যাহারা আয়পূর্ব্বক অর্থ উপার্জন করিয়া, গোপন করিয়া রাখে, যাহারা স্বীয় কুলমার্গে অবস্থান করে ও ধনাঢ্য এবং শূদ্রপ্রায় ও বহু কুটুম্বযুক্ত হয় এবং যাহারা ক্রোধ ও হিংসারহিত হয়, এবং সকলকে ভাগ করিয়া দিয়া স্বয়ং ভোজন করে, যাহারা তিথি, বার, সংক্রান্তি প্রভৃতি পর্ব্বদিন এবং অধর্ম্ম বা ধর্ম্মের কোন তত্ত্ব জানে না, সর্ব্বদা স্তূথে থাকে এবং নিজকূলে যে ব্রাহ্মণকে পূজা করিয়া আসিতেছে, কেবল তাহাকেই জানে, তাহাকেই গোদান করে এবং তাহার বাক্য মান্য করে, সেই সমস্ত লোক সেই পুণ্যবলে এখানেও সমৃদ্ধিশালী হইয়া গুহক-রূপে অবস্থানকরতঃ দেবগণের আয় অকুতোভয়ে স্বর্গস্থত উপভোগ করে ।

তৎপরে শিবশর্মা নয়নের প্রীতিকর আর একটা লোক দর্শন করিয়া, গণদ্বয়কে জিজ্ঞাসা করিলেন, ইহা কোন্ লোক এবং কাহারাই বা এখানে বাস করিতেছে, তাহা বলুন ! ১৫-২০ ।

গণদ্বয় বলিলেন, ইহা গন্ধর্ব্বলোক, শুভব্রত গন্ধর্ব্বগণ এখানে বাস করেন,

ইহঁরাই দেবতাদের গায়ক, চারণ ও স্তুতিপাঠক । যাহারা সঙ্গীতশাস্ত্রে অতি নিপুণ ও ধনলোভে মোহিত হইয়া, গানের দ্বারা নৃপতিগণকে সন্তুষ্টকরতঃ এবং অগ্ৰাণ্ণ ধনিগণের স্তব করিয়া, তাহাদের নিকট হইতে প্রাপ্ত বস্ত্র, অর্থ ও কপূরাদি নানাবিধ স্তুগন্ধি দ্রব্যসকল ব্রাহ্মণগণকে অর্পণ করে এবং সর্বদাই যাহারা গান করে, যাহাদের মন গন্ধর্ববেদেই সংস্কৃত থাকে, আর যাহারা কেবল নাট্য-শাস্ত্রেই পরিশ্রম করে, গীতবিদ্যার দ্বারা ধন অর্জন করিয়া, দানকরতঃ ব্রাহ্মণগণের পরিতোষনিবন্ধন, তাহাদের যে পুণ্যলাভ হয়, সেই পুণ্যবলে তাহারা গন্ধর্বলোকে আসিয়া বাস করে । গীত-বিদ্যার প্রভাবেই দেবর্ষি নারদ বিষ্ণুলোকে মান্য এবং মহাদেবের অতি প্রিয়পাত্র হইয়াছেন । তুমুর ও নারদের তুল্য ব্যক্তি, দেবগণের মধ্যেও অতি দুর্লভ ! কারণ সাংক্রান্ত মহাদেবই নাদরূপী, ইহঁরা দুই জনেই বিশেষরূপে নাদতত্ত্ব অবগত আছেন । যদি মহাদেব কিম্বা বিষ্ণুর নিকট কখন গান করা যায়, তাহার ফলে মুক্তি হয় বা আমাদের সহিত তাঁহাদের নিকট অবস্থান করিতে পারা যায় । গীতজ্ঞ ব্যক্তি যদি গানের দ্বারা মুক্ত না হয়, তথাপি সে রুদ্র কিম্বা বিষ্ণুর অনুচর হইয়া, তাঁহাদের সহিত স্নেহে অবস্থান করে, এই কথাই সর্বদা এখানে লোকে গান করিয়া থাকে । অতএব গানের দ্বারা সর্বদা হরি কিম্বা হরের পূজা করা উচিত । এই সমস্ত শুনিতে শুনিতে অগ্ৰ এক মনোহর লোকে উপস্থিত হইয়া, সেই ব্রাহ্মণ শিবশর্ম্মা আবার জিজ্ঞাসা করিলেন যে, ইহা কোন্ লোক । ২১-৩১ ।

গণদ্বয় কহিলেন, ইহা বিদ্যাধরলোক, এখানে বিদ্যাবিশারদগণ বাস করেন, যাহারা বিদ্যার্ণীগণকে অন্ন, পাত্ৰকা, বস্ত্র, কস্মল, ঔষধ ও পথ্য প্রদান করেন এবং নানা প্রকার বিদ্যাশিক্ষা করান, আর যাহারা বিদ্যাব অভিমান করেন না এবং শিষ্যগণকে পুত্রের ন্যায় দর্শন করেন, যাহারা ধর্ম্মের উদ্দেশে বস্ত্র, তাম্বুল ও অন্নাদির সহিত অলঙ্কৃত কন্যার বিবাহ প্রদান করান এবং সকামী হইয়া অতীর্ষ দেবতার নিত্য অর্চনা করিয়া থাকেন, তাহাঁরাই সেই পুণ্যে এখানে বিদ্যাধর-মূর্তিতে বাস করেন । 'এই সমস্ত কথা হইতেছে এমত সময়ে সংযমনীপুরীর অধিপতি ধর্ম্মরাজ যম আসিয়া তথায় উপস্থিত হইলেন । তাঁহার আগমনে দুন্দুভি-ধ্বনি হইতে লাগিল, ধর্ম্মরাজ সৌম্য-মূর্তি এবং ধর্ম্মজ্ঞব্যক্তি বেষ্টিত হইয়া, বিমানোপরি অবস্থান করিতেছিলেন, তিন চারিজন সেবাপটু ভৃত্য তাঁহার সহিত ছিল । ৩২-৩৭ ।

ধর্ম্মরাজ কহিলেন, হে দ্বিজশ্রেষ্ঠ শিবশর্ম্মন ! তুমি অতিশয় সাধু, কারণ

ব্রাহ্মণের কর্তব্য সমুদয় কর্মই তুমি সম্পাদন করিয়াছ । প্রথমতঃ বেদ অধ্যয়ন করিয়াছ, তদনন্তর গুরুকে পরিতুষ্ট করিয়াছ, শ্রদ্ধার সহিত ধর্মশাস্ত্র ও পুরাণ-শাস্ত্র দেখিয়া ধর্ম কি তাহা জানিয়াছ, মুক্তিপুরীতে স্নান করিয়া, আশু বিনশ্বর শরীর পবিত্র করিয়াছ, ইহ ও পরকালের বিষয়ে তুমিই একমাত্র জ্ঞাতা । ৩৮-৪০ । দেহ সর্বদা পূতিগন্ধময় এবং অশুচির আধার, তীর্থভ্রমণে সেই দেহকে তুমি সম্পূর্ণরূপে পবিত্র করিয়াছ । এই জন্তই বিচক্ষণ ব্যক্তিগণ পাণ্ডিত্যের আদর করিয়া থাকেন, পণ্ডিত ব্যক্তিগণ ক্ষণকালও বুধা অতিবাহিত করেন না । ৪১-৪২ । প্রাণিগণ পাঁচ বা ছয় নিমেষপরিমিত কালমাত্র, মর্ত্যালোকে জীবনধারণ করে, এই অল্পকালের জন্ত কাহারও কুৎসিত কর্মে প্রবৃত্ত হওয়া উচিত নহে । শরীর নষ্ট হইবে ইহা নিশ্চয়, নিধনকালে ধন দ্বারা রক্ষা পায় না, অতএব মুঢ় ব্যক্তি, তোমার স্নায় সংকার্য্য করিতে কেন না চেষ্টা করে ? ৪৩-৪৪ । আয়ুঃ শীঘ্রই ক্ষয় হইয়া যায় এবং সংসারও শোকসমাকুল, স্তত্রাং ধার্মিকগণের তোমার ন্যায় ধর্ম্মে মতি রাখা উচিত । ৪৫ । তোমার ও আমার পূজনীয়, এই ভগবন্তদ্বন্দ্বয় তোমার সখা হইয়াছেন, ইহাই তোমার সংকল্পের ফল । তুমি বল, আমি তোমার কি সাহায্য করিব, তোমার প্রতি আমার যাহা কর্তব্য, তাহা তুমিই আমার করিলে, তোমারই জন্ত এই বিষ্ণুগণদ্বয়কে দর্শন করিয়া, আজ আমি ধন্য হইলাম, বৈকুণ্ঠনাথকে আমার প্রণতি জানাইও । ৪৬-৪৮ । তদনন্তর বিষ্ণুগণকর্তৃক আদিষ্ট হইয়া, যম নিজ পুরীতে গমন করিলে, শিবশর্ম্মা পুনরায় গণদ্বয়কে জিজ্ঞাসা করিলেন । ৪৯ ।

শিবশর্ম্মা কহিলেন, ইনিই কি সাক্ষাৎ ধর্ম্মরাজ, ইহার আকৃতি ত অতি সুন্দর, আর ইহার কথাগুলিও ধর্ম্মযুক্ত এবং মনঃপ্রীতিকর । সংযমনী নামে এই সুন্দর পুরী কি ইহারই, ইহারই নাম শুনিয়া কি পাপীগণ ভীত হইয়া থাকে । মর্ত্যালোকে মানবগণ স্নানের রূপ অশ্রু প্রকার বর্ণন করিয়া থাকেন, অথচ আমি ইহাঁকে অশ্রুরূপ দর্শন করিলাম, হে বিষ্ণুগণ ! ইহার কারণ কি, তাহা আমাকে বলুন । কাহাদের যমলোক দর্শন করিতে হয় না এবং কাহারই বা তথায় বাস করে, আর আমি ইহাঁকে যেমন দেখিলাম, ইহাই ইহার রূপ, অথবা ইহার অশ্রু কোন রূপ আছে, তাহাও বলুন । ৫০-৫৩ ।

গণদ্বয় কহিলেন, হে সৌম্য ! শ্রবণ কর, তোমার স্নায় ব্যক্তিগণই ইহাঁকে সৌম্যরূপে দর্শন করিতে পারে, ধার্ম্মিক ব্যক্তিগণের নিকটই ইনি ধর্ম্মমূর্ত্তি, পাপীর নিকট, ইহার চক্ষু পিজল ও ক্রোধে রক্তবর্ণ, বদন, দন্তসমূহ দ্বারা ভীষণ এবং

ইহাঁর রসনা বিদ্রুতের আয় লকলক করিয়া থাকে, আর ইনি উজ্জ্বল এবং কৃষ্ণাঙ্গ, ইহাঁর স্বর প্রলয়কালীন মেঘগর্জনের আয়, ইহার হস্তে সর্বদা কালদণ্ড উত্তত থাকে এবং সর্বদাই ইহাঁর মুখ ক্রকুটীভঙ্গীতে কুটীল থাকে এবং ইনি সর্বদা সেই ভয়ঙ্কর স্বরে নিজ দূতগণের প্রতি এইরূপ আদেশ করিয়া থাকেন, হে দুর্দম ! অমুককে আনয়ন কর, অমুককে পাতিত কর, অমুককে বন্ধন কর, অমুককে মৃত্যু কর, অমুকের মস্তকে কঠিন লোহাঘাত করিয়া দুর্ভাগ্যকে বিনাশ কর, অমুক দুর্বৃত্তের পাদদ্বয় ধারণ করিয়া, উহাকে পাথরে আছাড় দাও, অমুকের গলায় পা দিয়া উহার চক্ষু উপড়াইয়া ফেল, ইহার উৎফুল্ল কপোলের অধোভাগ শীঘ্র ক্ষুর দিয়া কাটিয়া ফেল, অমুকের গলায় দড়ি বাঁধিয়া উহাকে বৃক্ষে ঝুলাইয়া রাখ, করাতের দ্বারায় যেমন কাষ্ঠ ছেদন করা যায়, সেইরূপে অমুকের মস্তক ছেদন কর, দারুণ পদাঘাত করিয়া, অমুকের মুখ চূর্ণ করিয়া ফেল, পরস্প্রীধর্ষক এই পাপীর হস্ত ছেদন কর, এ মানব পরস্প্রী-গৃহে গমন করিত, ইহার পাদদ্বয় ছেদন কর, এ ব্যক্তি পরস্প্রীর অঙ্গে নখাঘাত করিয়াছিল, এই দুরাত্মার রোমকূপ-সমূহে সূচী দ্বারা বিদ্ধ কর, এই ব্যক্তি পরস্প্রীর মুখ আঘাত করিয়াছিল, ইহার মুখে থুথু দেও, এ ব্যক্তি পরের নিন্দা করিত, ইহার মুখে তীক্ষ্ণ কীল ক্ষেপন কর। হে বিকটবস্ত্র ! এই ব্যক্তি পরকে সম্ভাষিত করিত ; ইহাকে তপ্ত বালুকাময় কটাহ-মধ্যে ঢোলার আয় ভর্জন কর। হে ক্রুরলোচন ! বিনাদোষে এ ব্যক্তি পরের দোষ কীর্তন করিত ; পুণ্য ও শোণিতময় কন্দমে ইহার মুখ ডুবাইয়া রাখ। হে উৎকট ! এ ব্যক্তি পরের অন্ন ও ধন গ্রহণ করিত, ইহার হস্তে তৈল মাখাইয়া তপ্ত অঙ্গার মধ্যে দগ্ধ কর। হে ভীষণ ! যাহারা গুরুর ও দেবগণের নিন্দা করিত, তাহাদের মুখে উত্তপ্ত লৌহশলাকা নিক্ষেপ কর। ৫৪-৬৭। এই ব্যক্তি পরের মর্শ্মবিদ্ধ করিত ও পরের ছিন্ন প্রকাশ করিত, ইহার প্রত্যেক সন্ধিস্থলে তপ্ত লৌহময় শঙ্খ রোপণ কর, যে ব্যক্তি অন্যকে দান করিতে দেখিয়া, নিবারণ করিয়াছে, আর যে ব্যক্তি পরের বৃত্তিচ্ছেদ করিয়াছে, হে দুর্মুখ ! তাহাদের 'জিহ্বা' ছেদন কর। হে ক্রোড়াশু ! যে ব্যক্তি দেবতার দ্রব্য গ্রাস করিয়াছে, আর যে ব্যক্তি ব্রাহ্মণের দ্রব্য ভোজন করিয়াছে, তাহাদের উদর বিদীর্ণ করিয়া, বিষ্ঠা ও কৃমিসমূহের দ্বারা পরিপূর্ণ কর। ৬৮-৭০। হে অন্ধক ! যে ব্যক্তি দেবতা, ব্রাহ্মণ বা অতিথির জন্ত পাক না করিয়া, কেবল আপনার জন্ত পাক করিয়াছে, তাহাকে কুস্তীপাক নামক নরকে নিক্ষেপ কর। ৭১। হে উগ্রাশু ! শিশুহস্তা, বিশ্বাসঘাতক এবং কৃত্রিম ব্যক্তিকে শীঘ্র

রৌরব ও মহারৌরব নামক নরকে লইয়া যাও, এবং ব্রহ্মঘাতীকে অন্ধতামিশ্রে, মত্তপায়ীকে পুয়-শোণিতে, স্বর্ণ-চৌরকে কালসূত্রে, গুরু-তল্লগামীকে অঁবীচি নামক নরকে, আর যে ব্যক্তি এক বর্ষকাল তাহাদের সংসর্গ করিয়াছে, হে দুদন্ত ! সেই সমস্ত মহাপাতকীগণকে, তপ্ত-তৈলকটাহে বারম্বার ডুবাইয়া, এক কল্পপর্যন্ত বাস করাও, এবং জ্ঞোণ-কাকগণ, লৌহের শ্রায় কঠিন ভূগের দ্বারা সর্বদা সেই পাপীগণকে তাড়না করুক । ৭২-৭৫ । হে কূট ! শ্রী, গো এবং মিত্রঘাতীকে উপরে পা ও নীচের দিকে মস্তক করিয়া, শাল্মলীযুক্ষে চিরকাল লম্বিত করিয়া রাখ । হে মহাভুজ ! ঐ ব্যক্তি বন্ধুর পত্নীকে আলিঙ্গন করিয়াছে, তুমি দণ্ডের দ্বারা উহার চর্মচ্ছেদ কর এবং শীঘ্র উহার বাহুদ্বয় উৎপাটন করিয়া ফেল । যে ব্যক্তি অগ্নি দিয়া পরের ক্ষেত্র বা গৃহ দাহন করিয়াছে, তাহাকে জ্বালাকীল নামে ঘোর নরকে নিক্ষেপ কর । যে মানব মিথ্যাসাক্ষ্য প্রদান করিয়াছে, তাহাদিগকে, আর যে ব্যক্তি মানকূট ও যে ব্যক্তি তুলাকূট, তাহাদিগকে কণ্ঠ নিষ্পীড়ন করিয়া, কালকূট নামক নরকে নিক্ষেপ কর । ৭৬-৭৯ । যে মানব তীর্থজলে থুথু ফেলিয়াছে, তাহাকে লালাপিব নামক নরকে, যে মনুষ্য গর্ভহত্যা করিয়াছে, তাহাকে আমপাক নামক নরকে, আর যে ব্যক্তি পরকে শ্লেষ প্রদান করিয়াছে, তাহাকে শূলপাক নামক নরকে নিক্ষেপ কর । ৮০ । যে ব্রাহ্মণ রস বিক্রয় করিয়াছে, তাহাকে ইক্ষুবন্ধে পেষণ কর । যে রাজা প্রজাগণকে পীড়ন করিয়াছে, তাহাকে অন্ধকূপ নামক নরকে নিক্ষেপ কর । হে হলায়ুধ ! যে ব্রাহ্মণ হইয়া, গো, ভিল, অশ্ব, সন্দিদা ও সুরা বিক্রয় করিয়াছে, বৈশ্যতুল্য সেই বিজ্ঞাধমকে, উদুখলে মুষলের দ্বারা বারম্বার পীড়ন কর । যে শূদ্র ব্রাহ্মণের অবমাননা করিয়াছে এবং ব্রাহ্মণের সম্মুখে উচ্চ আসনে উপবেশন করিয়াছে, হে দীর্ঘঔব ! তাহাকে অধোমুখ নামক নরকে লইয়া গিয়া পীড়ন কর । যে শূদ্র ব্রাহ্মণকে জয় করিয়াছে, আর যে বৈশ্য আপনাকে ব্রাহ্মণ বলিয়া অভিমান করিয়াছে, যে ক্ষত্রিয় যাজ্ঞকতা করিয়াছে এবং যে ব্রাহ্মণ বেদবিবর্জিত, আর যে ব্রাহ্মণ লাঙ্গা, লবণ, মাংস, তৈল, বিষ, দ্রুত, অস্ত্র ও ইক্ষুবিকার বিক্রয় করিয়াছে, হে পাশপাণে ! এবং কশাপাণে ! দৃঢ়রূপে পদ-বন্ধনকরতঃ কশাঘাত করিতে করিতে ইহাদিগকে তপ্ত-কর্দম নামক নরকে লইয়া যাও । ৮১-৮৭ । কুলঘাতিনী এই ব্যভিচারিণী স্ত্রীকে, তপ্তলৌহময় সেই উপপত্তির সহিত শীঘ্র আলিঙ্গন করাও । ৮৮ । যে মানব স্বয়ং নিয়ম গ্রহণকরতঃ অজ্ঞিতেন্দ্রিয় হইয়া, তাহা পরিত্যাগ করিয়াছে, সেই দুর্দার্ব্বকে বহু ভ্রমরদংশক নামক নরকে লইয়া যাও । দূর হইতে পাপীগণ



যমের এই সমস্ত কথা শুনিতে পায় এবং তাহারাই তাঁহার ভয়ঙ্কর রূপ দর্শন করিয়া থাকে ।

যে সমস্ত নৃপতি পুত্রনির্বিশেষে প্রজাপালন এবং ধর্ম্যতঃ দণ্ডপ্রদান করিয়াছেন, তাঁহারাই যমের সভাসদ হইয়া আছেন । ৮৯-৯১ । আর যে সমস্ত নৃপতিগণের রাজ্যো, চতুর্বিধ বর্ণ ও আশ্রমবাসীগণ স্ব স্ব ক্রিয়ার অশুষ্ঠানে নিরত ছিলেন, সেই সমস্ত রাজগণও, কালে নিধনপ্রাপ্ত হইয়া, যমরাজের সভাসদরূপে অবস্থান করিতেছেন । ৯২ । যাহাদের রাজ্যো, কোন ব্যক্তিকেই দরিদ্র, দুর্বৃত্ত, আপদগ্রস্ত বা শোকাধিত দেখা যাইত না, সেই সমস্ত নৃপতিগণও ইহাঁর সভাসদ । যে সমস্ত ব্রাহ্মণ, ক্ষত্রিয় এবং বৈশ্যগণ, সর্বদা স্বধর্ম্মে নিরত থাকিতেন, তাঁহার ও অগ্ৰাণ্ড সংঘমশীল মনুষ্যগণ, এই সংঘমনী পুরীতে বাস করিয়া থাকেন । ৯৩-৯৪ । উশীর, সুধম্বা, বৃষপর্ব্বা, জয়দ্রথ, রজি, সহস্রজিৎ, কুক্ষি, দৃঢ়ধা, রিপুঞ্জয়, যুবনাথ, দম্ববন্ত, নাভাগ, রিপুমঞ্জল, করকম, ধর্ম্মসেন, পরমর্দ, পরাস্তক, এই সমস্ত নৌতিমার্গানুসারি এবং অগ্ৰাণ্ড ধর্ম্মাধর্ম্ম বিচারশীল নৃপতিগণ, ধর্ম্মরাজের সুধর্ম্মা নাম্নী সভাতে অবস্থান করিয়া থাকেন । ৯৫-৯৭ ।

যাহারা, যমরাজ এবং দণ্ড-পাশধারী তাঁহার দূতগণকে দর্শন করেন না, তাহাও তোমাকে বলিতেছি, শ্রবণ কর । যমরাজ স্বায় দূতগণকে সর্বদা এইরূপে সতর্ক করিয়া থাকেন যে, “হে গোবিন্দ, মাধব, মুকুন্দ, হরে, মুরারে, শঙ্কো, শিবেশ, শশিশেখর, শূলপাণে, দামোদর, অচ্যুত, জনাদ্দিন, বাসুদেব, এই সমস্ত পবিত্র নাম যাহারা সর্বদা স্মরণ করিয়া থাকে, হে দূতগণ ! তাহাদিগকে তোমরা পরিত্যাগ করিবে । ৯৮-৯৯ । গঙ্গাধর, অঙ্ককরিপো, হর, নীলকণ্ঠ, বৈকুণ্ঠ, কৈটভরিপো, কমঠ, অজ্ঞপাণে, ভূতেশ, খণ্ডপরশো, মুড়, চাঁড়কেশ, এই সকল পবিত্র নাম, যাহারা সর্বদা স্মরণ করিয়া থাকে, তাহাদিগকেও পরিত্যাগ করিবে । ১০০ । বিষ্ণো, নৃসিংহ, মধুসূদন, চক্রপাণে, গৌরাপতে, গিরিশ, শঙ্কর, চন্দ্রচূড়, নারায়ণ, অম্বরনিবহণ, শাঙ্গপাণে, এই পবিত্র নামসমূহ, যাহারা সতত ধ্যান করিবে, হে দূতগণ ! তাহাদিগকেও পরিত্যাগ করিবে । ১০১ । যুহ্যঞ্জয়, উগ্র, বিষমেক্ষণ, কামশত্রো, ঐকান্ত, পীতবসন, অশ্বদনাল, সোরে, ঈশান, কুণ্ডিবসন, ত্রিদশৈকনাথ, এই সমস্ত নাম যাহারা সর্বদা স্মরণ করিবে, হে দূতগণ ! তাহাদিগকেও পরিত্যাগ করিবে । ১০২ । লক্ষ্মাপতে, মধুরিপো, পুরুষোত্তম, আত, ঐকণ্ঠ, দিব্যন, শান্ত, পিনাকপাণে, আনন্দকন্দ, ধরণীধর, পদ্মনাভ, এই সমস্ত পবিত্র নাম, যাহারা সর্বদা ধ্যান করিবে, হে দূতগণ ! তাহাদিগকে পরিত্যাগ করিবে । ১০৩ । সর্বেশ্বর,

ত্রিপুরসুদন, দেবদেব, ত্রিঙ্গণ্যাদেব, গরুড়ধ্বজ, শঙ্খপাণে, ত্র্যক্ষ, উরগাভরণ, বাল-  
মৃগাক্ষমোলে, এই সমস্ত পবিত্র নাম যাহারা সর্বদা স্মরণ করিবে, হে দূতগণ !  
তাহাদিগকে পরিত্যাগ করিও । ১০৪ । শ্রীরাম, রাঘব, রামেশ্বর, রাবণারে, ভূতেশ,  
মন্মথরিপো, প্রমথামিনাথ, চাগুরমর্দন, হৃষীকপতে, এই সমস্ত পবিত্র নাম যাহারা  
সর্বদা করিবে, হে দূতগণ ! তাহাদিগকে পরিত্যাগ করিও । ১০৫ । শূলিন,  
গিরীশ, রজনীশকলাবতংস, কংসপ্রণাশন, সনাতন, কেশিনাশ, ভগ, ত্রিনেত্র, ভব,  
ভূতপতে, পুরারে এই সমস্ত পবিত্র নাম যাহারা স্মরণ করিয়া থাকে, হে দূতগণ !  
তাহাদিগকে পরিত্যাগ করিও । ১০৬ । গোপীপতে, যদুপতে, বহুদেব-সূনো,  
কপূরগোর, বৃষভধ্বজ, ভালনেত্র, গোবর্দ্ধনোদ্ধরণ, ধর্মধুরীণ, গোপ, এই পবিত্র  
নামসমূহ, যাহারা স্মরণ করিবে, হে দূতগণ ! তাহাদিগকে পরিত্যাগ করিও ।  
১০৭ । স্থাণো, ত্রিলোচন, পিনাকধর, স্মরারে, কৃষ্ণ, অনিরুদ্ধ, কমলাকর, কল্ম-  
ষারে, বিশেষ্বর, ত্রিপথগাত্রজটা কলাপ, এই পবিত্র নামসমূহ, যাহারা সর্বদা  
স্মরণ করিবে, হে দূতগণ ! তাহাদিগকে পরিত্যাগ করিও । ১০৮ । যে ত্র্যক্ষণ  
অষ্টোত্তর শতাধিক এই স্মারক নামমালা কণ্ঠস্থ করেন, তাঁহাকে যমদর্শন করিতে  
হয় না, এই নামমালা স্মলিত রত্নসমূহের দ্বারা নিশ্চয়, হরিহর স্বরূপ ভগবান্  
ইহার নেতা, এবং ইহার গুণ অতি দৃঢ়, আর যাহারা হরিহরের চিত্র ( অর্থাৎ তুলসী  
রুদ্রাক্ষ প্রভৃতি ) ধারণ করিবে, তাহাদিগকেও দূর হইতে পরিত্যাগ কারও” ।  
হে বিজ্ঞেষ্ঠ ! ধর্মরাজ যম, নিজ ভূত্যগণকে এইরূপ শিক্ষা প্রদান করেন ।  
১০৯-১১০ । অগস্ত্য কহিলেন, যে ব্যক্তি, প্রত্যহ ধর্মরাজ কর্তৃক বিরচিত, এই  
স্মলিত বিষ্ণু ও শিবের নামমালা জপ করে, সে ব্যক্তির সমস্ত পাপ বিদূরিত হয়  
এবং তাহাকে আর জননীর স্তন-দুগ্ধ পান করিতে হয় না । হে প্রিয়ে লোপা-  
মুদ্রে ! শিবশর্মা প্রসন্নবদনে এই সমস্ত স্মলিত কথা শ্রবণ করিতে করিতে,  
সম্মুখে অঙ্গরাগণের পুরী দেখিতে পাইলেন । ১১১-১১২ ।

## নবম অধ্যায় ।



### অপ্সরা ও সূর্য্যালোক-বর্ণন ।

শিবশৰ্ম্মা কহিলেন, দিব্য-অলঙ্কারে বিভূষিত এবং দিব্য ভোগসমন্বিত, রূপ-লাবণ্য এবং সৌভাগ্যসমন্বিত এই জ্ঞীগণ কাহারৗ ১ । ১ । গণনয় কহিলেন, ইহারা দেবগণের প্রিয়কারিণী অপ্সরাগণ, ইহারা নৃত্য-গীত এবং বাত্ৰ বিজ্ঞায় অতি-শয় নিপুণা ; ইহারা কামশাস্ত্রে কুশল, দ্যুতবিজ্ঞায় সুপণ্ডিত, রস ও ভাবজ্ঞ এবং উচিত বাক্যে বিশেষ চতুরা, ইহারা বহুদেশ ও বহুভাষা জানে, ইহারা রহস্য-বৃত্তান্তে বিশেষ দক্ষ এবং ইহারা দলে দলে অবস্থান করে, ইহারা স্বেচ্ছাচারিণী ও নানা-প্রকার ক্রীড়া ও আলাপ করিতে জানে, ইহারা সর্বদা হাবভাবের দ্বারা যুবকগণের মনোহরণ করিয়া থাকে । উহারা, সমুদ্র-মস্থানে, ত্রিভুবনবিজয়ী কন্দর্পের অস্ত্র-রূপে নিঃসৃত হইয়াছিল । উর্বশী, মেনকা, রম্ভা, চন্দ্রলেখা, তিলোত্তমা, বপুস্মতী, কাস্তিমতী, লীলাবতী, উৎপলাবতী, অমলম্বা, গুণবতী, স্থলকেশী, কলাবতী, কলানিধি, গুণনিধি, কর্পূরতিলকা, উর্বরা, অনঙ্গলতিকা, মদনমোহিনী, চকোরাক্ষী, চন্দ্রকলা, মুনিমনোহরা, গ্রাবদ্রাবা, তপোবেদী, চারুনাগা, সুকর্ণিকা, দারসঞ্জীবিনী, সুশ্রী, ক্রতুশৃঙ্খা, শুভাননা, তপঃশৃঙ্খা, তীর্থশৃঙ্খা, হিমাবতী, পঞ্চান্থমেধিকা, রাজ-সূর্য্যার্থিনী, অষ্টায়িহোমিকা এবং বাজপেয় শতোদ্ভবা, প্রভৃতি ষাট্টিহাজার অপ্সরা ত্রৈলোক্য এবং অন্যান্য জ্ঞীগণ এই অপ্সরালোকে বাস করে । কখন ইহাদের সৌন্দর্য্য নষ্ট হয় না এবং ইহারা স্থির-যৌবনা । ইহারা দিব্য বস্ত্র, মাল্য ও গন্ধ ব্যবহার করে এবং সর্বদা দিব্য ভোগ-সম্পন্ন থাকে । আর ইহারা স্বেচ্ছাধীন শরীরধারণ করিতে পারে । ২-১৪ ।

যাহারা মাসোপবাস-ব্রত অবলম্বন করিয়া, দৈবযোগে ব্রহ্মচর্য্য হইতে এক দুই বা তিনবার স্বলিত হয় সেই সমস্ত জ্ঞীগণ, দিব্যভোগভাগী, রূপও লাবণ্যযুক্ত এবং সবকামসমন্বিত হইয়া, এই অপ্সরালোকে বাস করিতেছে । যাহারা সাঙ্গ-কাম্যব্রতসমূহের যথাবিধি অনুষ্ঠান করিয়া স্বেচ্ছাচারিণী হয়, তাহারা এখানে আসিয়া দেবগণের ভোগ্য হয়, যে সমস্ত নারী পতিব্রতা-ব্রতধারণ করিয়া, বল-পূর্ব্বক পরপুরুষকর্তৃক আক্রান্ত হইয়া, কদাচিত্ পতিবুদ্ধিতে তাহার সহিত সহবাস করে ; হে দ্বিজ ! এই তাহারা অবস্থান করিতেছে । ১৫-১৮ । পতির

মৃত্যু হইলে, যাহারা সর্বদা ব্রহ্মচর্য্য-ব্রত অবলম্বন করিয়া, দৈবাৎ একবারমাত্র ব্রহ্মচর্য্য হইতে স্থলিত হয়, এই সেই স্ত্রীগণ অবস্থান করিতেছে। ১৯। হে বিজ্ঞান্তম ! যে স্ত্রী, ব্রাহ্মণ-দম্পতীকে পূজা করিয়া, নানাবিধ স্নগন্ধি কুসুম, উত্তম-গন্ধমূল-চন্দন, সুগৌর-কপূর, সূক্ষ্ম-বস্ত্র, পরিপক্ক উত্তম তাম্বুল এবং তাহার উপ-করণ সমস্ত, বিচিত্র আভরণ ও সুসজ্জিত শয্যা প্রভৃতি কাম্যদ্রব্য, প্রত্যেক সংক্রান্তি বা প্রত্যেক বাতিপাতযোগ-উপলক্ষে, এক বৎসর কাল “হে কামরূপি-দেব প্রীত হউন” এই কথা বলিয়া, মন্ত্রউচ্চারণ করিয়া দান করে, সেই স্ত্রী-অপ্সরাগণের মধ্যে শ্রেষ্ঠ হইয়া, এক কল্প পর্য্যন্ত এই স্থানে অবস্থান করে। যদি কোন স্ত্রী অবিবাহিতাবস্থায়, কোন পুরুষকর্তৃক ভুক্তা হইয়া, তদবধি সেই পুরু-ষকে দেবতাস্বরূপ জানিয়া, ব্রহ্মচর্য্য অবলম্বনপূর্ব্বক সেই বিষয়ের চিন্তায় মগ্ন থাকে, সেই স্ত্রী, যথাকালে নিধন প্রাপ্ত হইয়া, দিব্য ভোগভাগিনী হইয়া, দিব্য-মূর্ত্তিতে এই লোকে অবস্থান করে। ২০—২৭।

দ্বিজশ্রেষ্ঠ শিবশর্মা, অপ্সরালোক প্রাপ্তির এই সমস্ত উপায় শ্রবণ করিতে করিতে বিমানে আরুঢ় হইয়া, অগ্নিক্ষণেই সূর্যালোকে উপস্থিত হইলেন। দেখি-লেন সূর্যালোক, চতুর্দিকে কদম্বপুষ্পের কেশরের ন্যায়, সূর্য্যের কিরণসমূহের দ্বারা দেদীপ্যমান রহিয়াছে। ২৮-২৯। শিবশর্মা দূর হইতে সূর্য্যকে জানিতে পারিয়া, কৃতাজ্জলিপুটে প্রণাম করিলেন ও দেখিলেন, সূর্য্য দুইটা লীলাপদ্ম ধারণ করিয়া আছেন। তাঁহার রথ নয়-সহস্র যোজন বিস্তৃত ও একত্রেবিশিষ্ট, তাহাতে সাতটা অশ্ব যোজিত রহিয়াছে এবং অরুণ তাহাদের রশ্মি ধারণ করিয়া, রথোপরি উপবিষ্ট রহিয়াছেন। এবং অপ্সরা, মুনি, গন্ধর্ব্ব, সর্প, যক্ষ, ও রাক্ষস-গণ রথোপরি অবস্থান করিতেছে। ৩০-৩২। সূর্য্যদেবও, ক্রভজের দ্বারা শিব-শর্ম্মার শ্রীতি গ্রহণ করিয়া, ক্ষণকাল মধ্যে অতিদূর নভোমার্গ অতিক্রম করিয়া গমন করিলেন। ৩৩। সূর্য্যদেব দূরে গমন করিলে শিবশর্মা সানন্দে ভগবদ্ভক্ত গণদ্বয়কে জিজ্ঞাসা করিলেন, ( শিবশর্মা কহিলেন ) কি উপায়ে এই সূর্য্যালোকে আগমন করা যায়, তাহা আমাকে বলুন। একত্র সমুৎপদ গমন করিলেই, সাধু-দিগের পরস্পর মিত্রতা হইয়া থাকে, আপনারা সেই মিত্রতাপ্রযুক্ত এই বিষয় কীৰ্ত্তন করুন। ৩৪—৩৫।

গণদ্বয় কহিলেন, হে মহামতি দ্বিজ ! শ্রবণ কর, তোমার নিকট আমাদের কিছুই অব্যক্ত নাই, সাধুলোকের সঙ্গেই সাধুগণের সংকথালপ হইয়া থাকে। ৩৬। যিনি সমস্ত ভূতের নিয়ন্তা ও একমাত্র কারণ, যাহার নাম ও গোত্র নাই, যিনি

রূপাদি বিবৰ্দ্ধিত, যাঁহার কটাক্ষে জগতের সৃষ্টি ও প্রলয় হইয়া থাকে, সেই সর্ববাস্তুর্যামী বেদপুরুষ সর্ববিদা এই কথা বলিয়া থাকেন যে, এই আদিত্যের মধ্যে যে পুরুষ অবস্থান করেন, আমিই তিনি, যাঁহারা আমাকে ছাড়িয়া অন্যকে উপাসনা করে, তাঁহারা ঘোর অন্ধকারে প্রবেশ করিয়া থাকে। হে বিজ্ঞশ্রেষ্ঠ! ব্রাহ্মণগণ এই বেদবাক্যের যথার্থ তত্ত্ব নিশ্চয় করিয়া, সূর্য্যমণ্ডলস্থিত সেই পরম-পুরুষেরই উপাসনা করিয়া থাকেন। ৩৭-৪০। যে ব্যক্তি গায়ত্রী উপদেশ লইয়া, একসপ্তাহ কাল ত্রিসন্ধ্যা ও গায়ত্রী জপ না করে, সে পতিত হয়। প্রাতঃকালে যে পর্য্যন্ত সূর্য্য অদ্বৈদিত না হন, তাবৎকাল দাঁড়াইয়া গায়ত্রী জপ ও সন্ধ্যা করিবে এবং সায়াংকালে যে পর্য্যন্ত তারকা না দেখা যায়, তাবৎকাল আননে উপবেশনকরতঃ মৌন হইয়া, গায়ত্রী ও সন্ধ্যাবন্দনা করিবে। আর মধ্যাহ্নকালে সূর্য্যের দিকে মুখ করিয়া, গায়ত্রী জপের সহিত সন্ধ্যা করিবে, কখনই যেন কাল-লোপ না হয়, এইজন্ত কালের প্রতীক্ষা করিবে। ৪১-৪৩। কালেতেই ওষধিগণ ফলবান হয়, কালেতেই পাদপসমূহ পুষ্পিত হয়, কালেতেই মেঘসমূহ বর্ষণ করিয়া থাকে, অতএব যে ক্রিয়ার জন্ত যে কাল বিহিত হইয়াছে, কখন তাহা লঙ্ঘন করিবে না সূর্য্যদেব উদয় এবং অস্তকালে, মন্দেহ নামক রাক্ষসের দেহ বিনাশের জন্ত, ব্রাহ্মণকর্তৃক মন্ত্রোচ্চারণপূর্ব্বক উৎসৃষ্ট জলাঞ্জলিত্রয় অভিলাষ করিয়া থাকেন। যে ব্রাহ্মণ সূর্য্যের উদ্দেশে, গায়ত্রী পাঠপূর্ব্বক সেই জলাঞ্জলি-ত্রয় প্রদান করেন, তাঁহার ত্রিভুবন-দানের ফললাভ হয়। ৪৪-৪৬। যদি, যথাকালে সূর্য্যের উপাসনা করা যায়, তাহা হইলে এমন কি পদার্থ আছে, যাহা তিনি প্রদান করেন না?। সূর্য্যের উপাসনায়, আয়ুঃ আরোগ্য, ঐশ্বর্য্য, ধন, পশু, মিত্র, পুত্র, কলত্র, বিবিধ ক্ষেত্র, অষ্টবিধ ভোগ, স্বর্গ এবং অপবর্গ পর্য্যন্তও প্রাপ্ত হওয়া যায়। ৪৭-৪৮।

হে বিজ্ঞ! অষ্টাদশ বিদ্যামধ্যে মৌমাংসশাস্ত্র শ্রেষ্ঠ, মৌমাংসা হইতেও তর্কশাস্ত্র শ্রেষ্ঠ, এবং তর্কশাস্ত্র হইতেও পুরাণশাস্ত্র শ্রেষ্ঠ, ধর্ম্মশাস্ত্র পুরাণ অপেক্ষা ও শ্রেষ্ঠ, বেদ ধর্ম্মশাস্ত্র হইতেও শ্রেষ্ঠ, সেই বেদের আবার উপনিষদ্ভাগই শ্রেষ্ঠ, গায়ত্রী সেই উপনিষদ্ হইতেও শ্রেষ্ঠ। সমস্ত মন্ত্রের মধ্যে প্রণবযুক্ত গায়ত্রীই চুল্লভ। বেদের মধ্যে কিছুই গায়ত্রী হইতে অধিক বলিয়া পরিগীত হয় নাই, গায়ত্রীর সমান আর কোন মন্ত্র নাই ও কাশীর তুল্য আর কোন স্থান নাই এবং বিশ্বেশ্বরের তুল্য আর শিবলিঙ্গ নাই, ইহা সত্য জানিবে। ৪৯—৫২। গায়ত্রী, সমস্ত বেদের এবং ব্রাহ্মণগণের জননী, যে ব্যক্তি ইহা গান করে, তাহাকে ইনি ব্রাহ্ম করেন, এই জন্তই ইহাঁর নাম “গায়ত্রী”। গায়ত্রী এবং সূর্য্য এই উভয়ে বাচ্যবাক্যসম্বন্ধ তদ্ব্যপ্তে

এই সূর্য্যদেবই বাচ্য এবং গায়ত্রী ইহঁর বাচক । ৫৩-৫৪ । বিশ্বামিত্র ঋষি ক্ষত্রিয় হইয়া, কেবল গায়ত্রীর প্রভাবেই রাজর্ষি না হইয়া, ত্রক্ষর্ষি-পদ লাভ করিয়াছেন, এবং গায়ত্রীরই প্রভাবে তিনি নূতন সৃষ্টি করিতে সমর্থ হইয়াছেন । গায়ত্রী সম্যক্রূপে আরাধিতা হইয়া, কোন্ ফল প্রদান না করিয়া থাকেন ? ৫৫-৫৬ ।

বেদপাঠ কিস্থা শাস্ত্র-অধ্যয়ন করিলেই ব্রাহ্মণ হয় না, ত্রিকাল গায়ত্রী জপ করিলেই যথার্থ ব্রাহ্মণ হয় । গায়ত্রীই সাক্ষাৎ বিষ্ণু, গায়ত্রীই সাক্ষাৎ শিব এবং গায়ত্রীই সাক্ষাৎ ব্রহ্মা, এ কারণ গায়ত্রীর “ত্রেয়ী” এই নাম হইয়াছে । ৫৭-৫৮ । ভগবান্ সূর্য্য, ব্রহ্মা, বিষ্ণু ও শিবময় এবং তিনিই সমস্ত তেজের রাশি এবং কাল ও কাল-প্রবর্তক । ৫৯ । এই সূর্য্যালোক-নিবানী সারাসার-বিবেচকগণ, সূর্য্যকে উদ্দেশ্য করিয়া, এই বাক্য বলিয়া থাকেন, “এই দেব সমস্ত দিক্ ব্যাপ্ত করিয়া রহিয়াছেন, ইহঁর জন্ম নাই, ইনিই গর্ভে অবস্থান করিয়া থাকেন, ইনিই জন্মগ্রহণ করেন, ইনিই জন্মগ্রহণ করিবেন, ইনিই সমস্ত পদার্থ ব্যাপিয়া অবস্থান করেন, এবং ইহঁর মুখ সর্ব্বদিকেই বর্ত্তমান রহিয়াছে” । তে বিপ্র ! যে সমস্ত ব্রাহ্মণ অতন্দ্রিত হইয়া, এই সূর্য্য-সূক্তের দ্বারা সূর্য্যদেবের আরাধনা করেন, তাঁহারা সূর্য্যের ঋয় তেজঃশালী হইয়া থাকেন । ৬০-৬২ ।

পুষ্যা, হস্তা, মূলা ও উত্তরাষাঢ়া নক্ষত্রযুক্ত রবিবারে, যে কার্য্য করা যায়, সূর্য্যদেব তাহার ফল প্রদান করেন, কদাচ তাহা অশুখা হয় না । ৬৩ । যে ব্যক্তি, পৌষমাসে রবিবারে সূর্য্যোদয়ের সময় স্নান করিয়া, কাম-ক্রোধবর্জ্জিত-চিত্তে, শ্রদ্ধা ও ভক্তিসহকারে, সূর্য্যের উদ্দেশ্যে দান, হোম, জপ এবং পূজা করে, সে ব্যক্তি তেজস্বী ও ভোগশালী হইয়া অপ্সরাগণের সহিত এই সূর্য্যালোকে অবস্থান করে । যে সমস্ত সদাচারী ব্যক্তি মকর, কর্কট, তুলা, মেঘ, ধনু, মিথুন, কন্যা, মীন, বৃষ, ঈশ্চিক ও কুল্লসংক্রান্তিতে মহাদান প্রদান করেন, এবং স্মৃতমিশ্রিত তিলের দ্বারা হোম করেন ও ব্রাহ্মণগণকে ভোজন করান, পিতৃগণের উদ্দেশ্যে শ্রাদ্ধ করেন এবং মহাপূজার অনুষ্ঠান এবং মহামন্ত্র জপ করেন, সেই ব্যক্তি সূর্য্যের ঋয় তেজস্বী হইয়া, এই সূর্যালোকে বাস করেন ।<sup>\*</sup> তাহঁারা সংক্রান্তিতে সূর্য্যের আরাধনা করেন, তাঁহারা কদাচ দরিদ্র, দুঃখী, ব্যাধিযুক্ত, কুরূপ বা হতভাগ্য হন না । ৬৪-৬৯ । সংক্রান্তিতে তাহঁারা দান কিস্থা তীর্থজলে স্নান করেন না এবং কপিলা গোর স্তূতের দ্বারা আগ্নেয় তিলসমূহের দ্বারা বিশেষ হোম করেন না, তাহাদিগকেই জীর্ণবস্ত্রে, বিকৃত আনন ও বিকৃত নয়নে, ঘারে ঘারে “দেও দেও” বলিয়া ঘুরিয়া বেড়াইতে দেখা যায় । ৭০-৭১ । কুরুক্ষেত্রে সূর্য্য-

গ্রহণের সময় যে ব্যক্তি, গুপ্তাপ্রমাণ কাঞ্চন দান করে, পুণ্যশীল সেই ব্যক্তি, এই সূর্য্যলোকে বাস করে । ৭২ । সূর্য্যগ্রহণের সময় সমস্ত জল গঙ্গাজলের সমান, সমস্ত ব্রাহ্মণ ব্রাহ্মার সমান এবং সমস্ত দান স্বর্ণদানের সমান হয় । ৭৩ । সূর্য্যগ্রহণের সময় যে সমস্ত দান, জপ, হোম, স্নান বা অগ্ন প্রকার সৎকর্ম্মের অনুষ্ঠান করা যায়, তাহার দ্বারা সূর্য্যালোক প্রাপ্তি হইয়া থাকে, রবিবারে সংক্রান্তি অথবা সূর্য্যগ্রহণ হইলে, তাহাতে যে পুণ্য অর্জন করা যায়, সেই পুণ্যে এই সূর্য্যালোকে বাস হয় । ষষ্ঠী বা সপ্তমীযুক্ত রবিবারে যে সংক্রিয়া করা যায়, এই সূর্য্যালোকে আসিয়া তাহার ফলভোগ হইয়া থাকে । ৭৪-৭৬ । হংস, ভানু, সহস্রাংশু, তপন, তাপন, রবি, বিকর্ভন, বিবস্বান, বিশ্বকর্মা, বিভাবসু, বিশ্বরূপ, বিশ্বকর্ভা, মার্ভণ্ড, মিহির, অংশুমান, আদিত্য, উষ্ণগু, সূর্য্য, অর্য্যমা, ব্রহ্ম, দিবাকর, দ্বাদশাত্মা, সপ্তহয়, ভাস্কর, অহস্কর, খগ, সূর, প্রভাকর, লোকচক্ষুঃ, গ্রহেশ্বর, ত্রিলোকেশ, লোকসাক্ষী, তমোরি, শাশ্বত, শুচি, গভস্তিহস্ত, তীব্রাংশু, তরুণি, সূমহঃ, অরুণি, দ্যুমণি, হরিদশ্ব, অর্ক, ভানুমান, ভয়নাশন, ছন্দোশ্ব, বেদবেত্তা, ভাস্বান, পৃষা, বুধাকপি, একচক্ররথ, মিত্র, মন্দেহারি, তমিস্রহা, দৈতাহা, পাপহর্তা, ধর্ম্ম, ধর্ম্মপ্রকাশক, হেলিক, চিত্রভানু, কলিন্দ, তাক্ষ্যবাহন, দিকপতি, পদ্মিনীনাথ, কুশেশয়কর, হরি, ঘর্ম্মরশ্মি, দুনিরীক্ষ, চণ্ডাংশু এবং কণ্ঠপাত্জ্জ, সূর্য্যের এই সপ্ততি সংখ্যক নামের প্রত্যেকের আদিতে প্রণব ও অন্তে নমঃ শব্দ যোগ করিয়া, সূর্য্যকে পুনঃপুনঃ অবলোকনকরতঃ জামুদ্বয় ভূমিতে রাখিয়া, করবার প্রভৃতি পুষ্প, রক্তচন্দন, দুর্বা ও অক্ষতঘটিত অর্ঘ্যের সহিত জল-পরিপূর্ণ নিম্নলি তাত্রপাত্র দুই হস্তে গ্রহণপূর্ব্বক সেই পাত্র মস্তকের নিকট লইয়া গিয়া, সূর্য্যকে ধ্যানকরতঃ, প্রত্যেক নাম উচ্চারণানন্তর অনন্যচিত্ত এবং অনন্যদৃষ্টিতে, উদয় হইতে অস্ত পর্য্যন্ত সূর্য্যকে অর্ঘ্যপ্রদান এবং প্রত্যেক বার নমস্কার করিলে, মনুষ্য কখন দরিদ্র কিম্বা দুঃখভাগী হয় না এবং বিনা ঔষধে, বিনা বৈদ্যে ও বিনা পথ্য-সেবায়, জন্মান্তরার্জ্জিত বোরতর ব্যাধিসমূহ হইতে নিম্মুক্ত হয়, আর ষথাসময়ে নিধনপ্রাপ্ত হইয়া সূর্য্যালোকে গমন করে । ৭৭-৯১ । হে সাধুশ্রেষ্ঠ ! মহাতেজের আলায় এই সূর্য্যালোকের ক্রিয়দংশ মাত্র কথিত হইল, এই লোকের বিস্তৃত বিবরণ কেই বা জানে ?

শিবশর্মা এই সমস্ত পবিত্র কথা শ্রবণ করিয়া গমন করিতে করিতে, ক্ষণমধ্যে মহেশ্বরের পুরী দেখিতে পাইলেন । ৯২-৯৩ ।

অগস্ত্য কহিলেন, অঙ্গরালোক-বর্ণনের সহিত এই সূর্য্যালোক-বর্ণনকথা শ্রবণ

করিলে, মনুষ্য কখন দরিদ্র হয় না এবং অধর্ম্যে প্রবৃত্ত হয় না, বেদপাঠের তুল্য পুণ্যফলদায়ক এই উত্তম কথা সর্বদা ব্রাহ্মগণের শ্রবণ করা কর্তব্য। ব্রাহ্মণ, ক্ষত্রিয় ও বৈশ্য এই কথা শ্রবণ করিলে, সমস্ত পাতক হইতে মুক্ত হইয়া, এই সূর্যালোকে উৎকৃষ্ট গতিলাভ করিয়া থাকে । ৯৪-৯৬ ।

## দশম অধ্যায় ।



### ইন্দ্র ও অগ্নিলোক-বর্ণন ।

শিবশর্মা কহিলেন, এই যে সম্মুখেই অবস্থিত অতি উৎকৃষ্ট এবং নয়নানন্দ-বিধায়িনী পুরী আমার মনকে অতিশয় আনন্দিত করিতেছে, এই পুরীর কি নাম এবং ইহার অধাপ্তরই বা কে ? ১ । গণদ্বয় কহিলেন, হে শিবশর্মন্ ! যাবতীয় ভীতের ফল একমাত্র তুমিই ভোগ করিতেছ বটে ! হে মহাভাগ ! এই পুরীর অধাপ্তর সহস্রলোচন ইন্দ্র, হে বিপ্র ! পুণ্যবান্ জীব এই লোকে অতি আনন্দে কাল অতিবাহিত করেন, বিশ্বকর্মা অতি মহত্তপোবলে, এই পুরীকে নিষ্কাণ করিয়াছেন । হে বিপ্র ! এই নগরাস্থিত অট্টালিকারাজি নানাবিধ স্ফটিকাদি ধবল পদার্থের দ্বারা নির্মিত থাকাতে, দিবাভাগেও এই পুরী চন্দ্রকিরণরাজির প্রভাসমূহেই যেন বিরাজিত থাকে বলিয়া বোধ হয় । ২-৩ । অমাবস্তার রাত্রিতেও, উজ্জ্বল কাস্তিময় মৌধশ্রেণীর প্রভায় আলোকিত এই পুরীকে দর্শন করিলে বোধ হয় যেন, চন্দ্রমা অমাবস্তাতিথিতে স্বয়ং বিলীন হইয়াও নিজকাস্তা জ্যোৎস্নাকে এই পুরীতে প্রচ্ছন্নভাবে রাখিয়া দিয়াছেন । ৪ ।

এই ইন্দ্রপুরীতে গৃহসকলের ভিত্তি অতি বিশদপ্রভ, স্ফটিকাদি পদার্থের দ্বারা নির্মিত থাকাপ্রযুক্ত, মুকুটস্বভাব-স্ত্রী, গৃহ-প্রবেশকালে ভিত্তি-প্রতিবিস্তিত নিজ মুক্তি অবলোকন করিয়া ভ্রান্তিবশতঃ সপত্নী গৃহমধ্যে অবস্থান করিতেছে ইহা ভাবিয়া, আর সেই গৃহমধ্যে প্রবেশ করে না । ৫ । এই বৈজয়ন্তীধামে অনেক অট্টালিকা নীলমণি দ্বারা নির্মিত, সূতরাং ঐ সকল গৃহের নীলবর্ণ প্রভায় এই নগরী সর্বদা বিচিত্র শোভা পাইতেছে, এই সকল নীলবর্ণমণি-নির্মিত অট্টালিকা-শ্রেণী বিলোকন করিয়া বোধ হয় যেন, অক্ষকার দিবাভাগেও স্বীয় নীলকাস্তি,



ঐ সকল গৃহে রক্ষা করিয়া নির্ভয়ে অবস্থান করিতেছে । ৬ । এই নগরীতে চন্দ্রকান্ত মণিরাশি হইতে যে সকল নির্মলবারি ক্ষরিত হয়, লোকসমূহ কলসপূর্ণ করিয়া সেই সকল জল গ্রহণ করিয়া থাকে, স্ততবাং তাহাদের আর নদী প্রভৃতির জলে অভিলাষ থাকে না । ৭ । এই পুরীতে তদ্ব্যবসায় অথবা স্বর্ণকারসমূহ বাস করে না, কারণ এখানে একমাত্র কল্পবৃক্ষই সকল লোকের বিচিত্র প্রকার চেলবস্ত্র ও সর্বপ্রকার অলঙ্কার প্রদান করিয়া থাকে । ৮ । এই পুরীতে চিন্তাবিভা-  
বিশারদ গণকসমূহ বাস করেন না, কারণ পুরীর অধিষ্ঠাত্রী চিন্তামণি-দেবতা, এই পুরীস্থিত নিখিল ব্যক্তিরই সর্বপ্রকার শুভ গণনা করিয়া দেন । ৯ । এই পুরীতে রসকর্ম-বিচক্ষণ সুপকারগণ বাস করে না, কারণ একমাত্র কামধেনুই এখানে সর্বপ্রকার রস প্রদান করিয়া থাকেন । ১০ । সকল অশ্বগণের মধ্যে, যে অশ্বের উন্নত কীর্তি সর্বাপেক্ষা অধিকভাবে বিখ্যাত, সেই পুরুষপ্রমাণ হইতেও উন্নত অশ্বশ্রেষ্ঠ উচৈশ্রবাঃ, এই লোকেই অবস্থান করিতেছে । ১১ । গমনশীল স্ফটিকরাশির ন্যায় উজ্জ্বলবর্ণ চারিটী দন্তদ্বারা শোভমান করিশ্রেষ্ঠ ঐরাবত, এইখানেই বিরাজমান, সেই ঐরাবতকে দেখিলে বোধ হয় যেন, দ্বিতীয় কৈলাসগিরিই এখানে শোভা পাইতেছে । ১২ । বৃক্ষরত্ন পারিজাত এবং স্ত্রীরত্ন উর্বশী এইখানেই বিরাজমান রহিয়াছে, বনরত্ন নন্দনকানন এবং সকল জলাশয়-সমূহের রত্নভূতা মন্দাকিনীও এইখানে বিজ্ঞমান রহিয়াছেন । ১৩ । বেদে ত্রয়স্বিংশৎকোটীসংখ্যক যে সকল দেবগণের বিষয় কীৰ্ত্তিত আছে, সেই সকল দেবগণ প্রত্যহই, এখানে ইন্দ্রের সেবা করিবার অবসর প্রতীক্ষা করিতেছেন । ১৪ ।

স্বর্গমধ্যে ইন্দ্রপদের তুল্য সৌভাগ্যসূচক আর অন্য কোন পদই নাই । ত্রিলোকমধ্যে যতপ্রকার ঐশ্বর্য্য বিজ্ঞমান আছে, ইন্দ্রপদের সহিত সেই সকলের তুলনা হইতে পারে না । ১৫ । সহস্র অশ্বমেধ যজ্ঞের ফল বিনিময় করিলে, যে পদলাভ করিতে পারা যায়, সেই ইন্দ্রপদের সদৃশ সমৃদ্ধিশালী এবং পবিত্র পদ আর কি হইতে পারে ? ১৬ । বহি, যম, নিম্বাতি, বরুণ, বায়ু এবং কুবের প্রভৃতি দিকপালগণের, যথাক্রমে অচ্চিস্রতী, সংঘমনী, পুণ্যবতী, অমলাবতী, গন্ধবতী ও অলকেশী নামে যে পুরীসকল বর্ত্তমান আছে, তাহাদের মধ্যে কোন পুরীই ঐশ্বর্য্যরাশিতে স্বর্গের সমকক্ষ নহে । ১৭ ।

ওই দেখ, তোমার সম্মুখে সহস্রাঙ্গ দেবরাজ ইন্দ্র বর্ত্তমান রহিয়াছেন, ইহারই নাম শতমন্যু এবং ইহাকে লোকে দিবস্পতি বলিয়া থাকে । ১৮ । অশ্ব সাতজন

লোকপাল সর্বদাই ইহার সেবা করিয়া থাকেন, এবং নারদাদি মুনিশ্রেষ্ঠগণ সর্ব সময়েই আশীর্বাদের দ্বারা ইহাকে সম্মানিত করিয়া থাকেন। ১৯। এই দেবরাজ ইন্দ্র স্থিরভাবে অবস্থান করিলে, সকল ভুবনই শৈর্ষ্যালাভ করিয়া থাকে, এই মহেন্দ্রের পরাজয় হইলেই ত্রিলোকও পরাজয় প্রাপ্ত হয়। ২০। কত দমুজ, দৈত্য, মানব, গন্ধর্ব্ব, যক্ষ ও রাক্ষসগণ, এই ইন্দ্রপদের প্রার্থী হইয়া, উগ্রসংঘের সহিত উৎকট তপস্থা করিতেছেন তাহার ইয়ত্তা নাই। ২১। এই ইন্দ্রপদের ঐশ্বর্যালাভেচ্ছায়, সাগরাদি মহীপালগণ, অনন্ত যত্নসহকারে অশ্বমেধযজ্ঞের অনুষ্ঠান করিয়া গিয়াছেন। ২২। পৃথিবীতে যে ব্যক্তি, নির্বিঘ্নে একশত অশ্বমেধযজ্ঞের সমাপ্তি করিতে সক্ষম হইয়েন, সেই জিতেন্দ্রিয় ব্যক্তিই অমরাবতীতে ইন্দ্রানীকে লাভ করিতে পারেন। ২৩। যে সকল মহীপাল নির্বিঘ্নে শত অশ্বমেধযজ্ঞ সম্পূর্ণ করিতে পারেন নাই, তাঁহারাও এই অমরাবতীতে বাস করিতেছেন, ভূতলে যে সকল ব্রাহ্মণগণ জ্যোতিষোমাদি যজ্ঞের যথাবিধি অনুষ্ঠান করেন, তাঁহারাও দেহান্তে এই লোক প্রাপ্ত হইয়া থাকেন। ২৪। যে সকল ব্যক্তি তুলাপুরুষাদি ষোড়শ প্রকার মহাদান করিতে সমর্থ হন, সেই নিম্নলিখ্তব্য ব্যক্তিগণ এই অমরাবতী লাভ করিতে পারেন। ২৫। যাহারা সত্যবাক্য বলিতে কুন্তিত নহেন, যাহারা ধৈর্য্যাশালী, রণক্ষেত্রে যাহারা পৃষ্ঠ প্রদর্শন করেন না ও যাহারা যথার্থ পরাক্রমশালী, সেই সকল ভূপতিগণ রণক্ষেত্রে দেহত্যাগান্তে এই অমরাবতীতে আগমন করেন। ২৬। এই অমরাবতীতে যজ্ঞকর্ম্ম-বিশারদ যাজ্ঞিকগণ বাস করিয়া থাকেন। এই অমরাবতীর স্থিতি তোমার নিকট সংক্ষেপে কাক্তন করিলাম। ২৭।

এই সম্মুখে অর্চিস্বতী নাম্নী পুরী শোভা পাইতেছে, অগ্নি এই পুরীর অধাধর, যে সকল ব্যক্তি অগ্নির সেবক এবং সুব্রত, তাঁহারাই দেহান্তে এই পুরীতে বাস করিতে সমর্থ হইয়েন। ২৮। যে সকল স্থিরবুদ্ধি এবং জিতেন্দ্রিয় পুরুষগণ অথবা স্ত্রীগণ অগ্নিপ্রবেশ করেন, তাঁহারা সকলেই দেহান্তে অগ্নির স্থায় কান্তিলাভ করিয়া এই লোকে বাস করিয়া থাকেন। ২৯। যাহারা অগ্নিহোত্রযজ্ঞনিরত, যাহারা সাম্বিকব্রহ্মচারী এবং যে সকল ব্রাহ্মণগণ পঞ্চায়িত্র করেন, তাঁহারা দেহান্তে অগ্নির স্থায় তেজঃলাভ করিয়া এই অর্চিস্বতী পুরীতে বাস করেন। ৩০। যে ব্যক্তি শীতকালে ব্রাহ্মণাদির শীত নিবারণার্থে অগ্নিসেকের জন্য কান্ততার প্রদান করেন, কিম্বা লৌহাদিনির্ম্মিত অগ্নিপাত্র প্রদান করেন, তিনি দেহান্তে এই পুরীতে অগ্নির নিকটেই অবস্থান করিতে পারেন। ৩১। যে ব্যক্তি ব্রহ্মসহকারে অনাথ মৃতব্যক্তির অগ্নিসংস্কার করেন, অথবা নিজে অসমর্থ হইলেও অন্তকে সেই কর্ম্ম

প্রেরণ করেন, সেই ব্যক্তি অগ্নিলোকে অতি সম্মানের সাহিত কালযাপন করেন । ৩২ । যে পূর্ণাত্মা ব্যক্তি, মন্দাগ্নি ব্যক্তির, জঠরাগ্নি বৃদ্ধির নিমিত্ত আগ্নেয় ঔষধ প্রদান করেন, তিনি বহুকাল এই অগ্নিলোকে বাস করিতে পারেন । ৩৩ । যে যজ্ঞের সাধক দ্রব্যনিচয় কিস্বা যজ্ঞসিদ্ধির নিমিত্ত ধন, আপনার সামর্থ্যানুসারে প্রদান করিয়া থাকেন, তিনি দেহান্তে এই অগ্নিপুরীতে বাস করিতে পারেন । ৩৪ ।

একমাত্র অগ্নিই ব্রাহ্মণগণের সর্বোত্তম মুক্তির সাধক, অথবা একমাত্র অগ্নি তাঁহাদের গুরু, দেব, ব্রত এবং তীর্থ । একমাত্র অগ্নির সাহায্যে ব্রাহ্মণগণের সর্বাত্মক লাভ হইয়া থাকে, ইহাতে কোন সংশয় নাই । ৩৫ । জগতে যত কিছু অপবিত্র পদার্থ আছে, সে সমুদয়ই একমাত্র অগ্নির সম্পর্কেই পবিত্রতা লাভ করিয়া থাকে, এই জন্যই অগ্নির “পাবক” এই নাম হইয়াছে । ৩৬ । যে ব্রাহ্মণ সমগ্র বেদার্থ অবগত হইয়াও, অগ্নিকে পরিত্যাগপূর্বক অন্য দেবতাকে শ্রদ্ধা করে, তাহাকে কখনই বেদজ্ঞ বলা যায় না । ৩৭ । এই অগ্নিদেবই প্রাণীগণের সাক্ষাৎ অন্তরাত্মাস্বরূপ, এই অগ্নিদেব স্ত্রীগণের জঠরমধ্যস্থিত ভিক্ষিত মাংসকে পাক করেন কিস্ত তাহাদের কুক্ষিস্থিত জরায়ুমধ্যস্থ জীবকে রক্ষাই করিয়া থাকেন । ৩৮ । এই অনল-মূর্ত্তি সকলের প্রত্যক্ষ, মহাদেবের অত্যন্তম তেজোময়ী মূর্ত্তি, এই মূর্ত্তি বিশ্বসংসারের স্বজন, পালন ও লয় করিতে সমর্থ, জগতে এমন কোন্ পদার্থ আছে, যাহা এই অনলরূপা শাস্ত্রবীমূর্ত্তির অভাব হইলে অবস্থান করিতে পারে ? । ৩৯ । এই চিত্রভাসু ( অগ্নি ) সাক্ষাৎ ত্রিভুবনেশ্বর ভগবানের নেত্র-স্বরূপ, এই গাঢ় অন্ধকারময় ভুবনে অগ্নি ভিন্ন আর কোন্ পদার্থ, পদার্থ প্রকাশ করিতে সমর্থ হইতে পারে ? । ৪০ । সূত-প্রদীপ, নৈবেদ্য, দুগ্ধ, দধি, ঘৃত এবং গুড়াদি যত কিছু দেবগণের ভোগের বস্তু আছে, তাহা অগ্নিভুক্ত হইলেই দেবগণ গ্রহণ করিতে সমর্থ হইয়েন, অতএব সকল দেবই অগ্নির অপেক্ষা করিয়া থাকেন । ৪১ ।

শিবশর্মা কহিলেন, এই অগ্নিদেব কে ? এবং ইনি কাহার পুত্র, এবং কি প্রকারেই বা ইনি এই আগ্নেয়পদ লাভ করিতে পারিয়াছেন, তাহা আমার নিকটে আপনারা কীর্তন করুন । ৪২ । গণদ্বয় কহিলেন, হে মহাপ্রাজ্ঞ শিবশর্মন ! ইনি কে এবং কি প্রকারে এই অর্চিস্ত্রী পুরী লাভ করিতে পারিয়াছেন ও ইনি কাহারই বা তনয়, এই সকল বিষয় আমরা যথাযথ বর্ণন করিতেছি, তুমি শ্রবণ কর । ৪৩ ।

পুরাকালে নর্ম্মদাতীরে নর্ম্মপুর নামক এক মনোহরপুরীতে বিশ্বানর নামক এক

জন শিবভক্ত ও পুণ্যাত্মা মুনি বাস করিতেন। ৪৪। ঐ বিশ্বানর মুনি, ব্রহ্মচর্যাশ্রমে নিষ্ঠাবান, সর্বদা যজ্ঞনিরত, অতি পবিত্রস্বভাব এবং শান্তিল্যগ্নেত্রীয় বলিয়া পরিচিত ছিলেন, সেই বণী বিশ্বানরমুনি সর্বথাই ব্রহ্মতেজে নিধিরূপে বর্তমান ছিলেন। ৪৫। অখিল শাস্ত্রের বিজ্ঞাতা এবং লৌকিকশাস্ত্রে বিশারদ মুনিশ্রেষ্ঠ মহাত্মা বিশ্বানর, এক দিবস বিশেষরকে হৃদয়ে ধ্যানকরতঃ চিন্তা করিতে লাগিলেন যে, চারিটি আশ্রমের মধ্যে কোন্ আশ্রমটি সজ্জনগণের সর্বাপেক্ষা অধিক শ্রেয়ঃস্কর এবং কোন্ আশ্রমটিকে সম্যক প্রকারে নিষ্পাদিত করিতে পারিলে, ইহকালে এবং পরকালেও সুখলাভ হইতে পারে। ৪৬-৪৭। এইটী শ্রেয়ঃ অথবা এইটী সুখকর অথবা ইহাই সর্বাপেক্ষা মঙ্গলকর, এইরূপে প্রত্যেকটির বিষয় আলোচনা করিয়া, পরে বিশ্বানর গার্হস্থ-আশ্রমেরই প্রশংসা করিতে লাগিলেন। ৪৮। বিশ্বানর স্থির করিলেন যে ব্রহ্মচারী, গৃহস্থ, বানপ্রস্থ বা ভিক্ষুক এই চারি প্রকার আশ্রমিগণেরই, গৃহস্থাশ্রমীই আশ্রয়স্থল, তাহাতে কোন সন্দেহ নাই। ৪৯। দেবগণ, মনুষ্যগণ, পিতৃগণ এবং ত্রিয্যাগ্গণ সকলে একমাত্র গৃহস্থকে অবলম্বন করিয়া, জীবনযাত্রা নির্বাহ করিয়া থাকেন। সুতরাং গৃহস্থাশ্রমী সকল আশ্রমী অপেক্ষা শ্রেষ্ঠ। ৫০।

স্নান, আহুতিপ্রদান এবং বিধিবিহিত দান না করিয়া যে গৃহস্থ ভোজন করে, সেই গৃহস্থ দেবাদের নিকট ঋণী হইয়া অন্তকালে নরকপ্রাপ্ত হয়। ৫১। যে ব্যক্তি স্নান না করিয়া ভোজন করে, সেই ব্যক্তি মল আহার করে, যে ব্যক্তি জপ না করিয়া আহার করে, সেই ব্যক্তি পুষ ও শোণিতাহারী বলিয়া গণ্য, হোম না করিয়া যে গৃহস্থ ভোজন করে, সে গৃহস্থ কৃষিসমূহ আহার করে, যে ব্যক্তি অতিথি প্রভৃতিকে অন্নাদি না দিয়াই স্বয়ং আহার করে, সে ব্যক্তি বিষ্ঠাভোজী তাহাতে আর সংশয় নাই। ৫২। গৃহস্থাশ্রমে যে প্রকার প্রতারণাশূন্য ব্রহ্মচর্য্য অনুষ্ঠিত হইতে পারে, চঞ্চল ব্রহ্মচারীতে তাদৃশ ব্রহ্মচর্য্য হইবার সম্ভাবনা কি? ৫৩। হঠাৎ অথবা লোকভয়ে কিম্বা স্বার্থবশতঃই, যদি কোন ব্রহ্মচারী মনে মনে কোন দূষিত বিষয়ের সংকল্পমাত্রও করেন, তাহা হইলেও তাঁহার অনুষ্ঠিত ব্রহ্মচর্য্য স্থূলিত হয়। ৫৪। পরদারপরিত্যাগী এবং ঋতুকালেই স্বদারনিরত থাকা প্রযুক্ত, ধর্ম্মশীল গৃহস্থই ব্রহ্মচারী বলিয়া অভিহিত হইয়া থাকেন। ৫৫। যে গৃহস্থের কাম বা ক্রোধ নাই, যিনি রাগ-দ্বেষ হইতে সম্পূর্ণরূপে মুক্ত, যিনি সাগ্নিক এবং সদার, সেই গৃহস্থ বানপ্রস্থ হইতেও সম্মানের পাত্র। ৫৬। যে ব্যক্তি কথঞ্চিৎ বৈরাগ্য বশতঃ গৃহস্থাশ্রম পরিত্যাগ করিয়া, মনে মনে গৃহধর্ম্ম সমূহকে আসক্তির সহিত স্মরণ

করে, সে ব্যক্তির উভয়দিকই ভ্রষ্ট হয়, কারণ সে গৃহস্থও নহে এবং বানপ্রস্থও নহে । ৫৭ । যে গৃহস্থ অযাচিত বৃত্তির দ্বারা জীবনযাত্রা নির্বাহ করেন, এবং যিনি, যে কোন পদার্থেই তুষ্ট থাকেন, সেই গৃহস্থ ভিক্ষুক হইতেও সম্মানের পাত্র । ৫৮ । যে পদার্থ বর্তমানে দুর্লভ ও ভবিষ্যতেও যাহা দুস্প্রাপ্য, যতি যদি সেই পদার্থ ভিক্ষা করেন এবং যদি আহারে সন্তোষ প্রকাশ না করেন, তাহা হইলে তিনি পতিত হইয়া থাকেন । ৫৯ ।

দ্বিজশ্রেষ্ঠ বিশ্বানর মনে মনে এই প্রকার গার্হস্থ্যধর্মের গুণাগুণ বিচার করিয়া, অল্প দিনের মধ্যে আপনার যোগ্য, সংকুলোদ্ভবা এক কন্যার যথাবিধি পাণিগ্রহণ করিলেন । ৬০ ।

বিশ্বানর, ঐ দারপরিগ্রহ করিয়া যথাবিধি অগ্নিসেবা এবং পঞ্চযজ্ঞের বিধান করিতে লাগিলেন এবং প্রতিদিন বেদোক্ত ষট্‌কর্মের বিধান করিয়া দেব, পিতৃ ও অতিথিগণের প্রীতিসাধন করিতে লাগিলেন । ৬১ । পরস্পর জ্ঞাপুরুষের অসঙ্কোচে এবং উভয়েরই আনুকূল্যে বিশ্বানর, সংযমসহকারে, যথাসময়ে ধর্ম, অর্থ ও কাম অর্জনকরতঃ কালযাপন করিতে লাগিলেন । ৬২ । কর্মকাণ্ডবিশারদ, বিশ্বানর, পূর্বাঙ্কে দেবকর্ম, মধ্যাঙ্কে মনুষ্যারাদনা ( অতিথি-সেবনাদি ) এবং অপরাঙ্কে পিতৃকর্ম শ্রাদ্ধাদি করিতেন ।

এই প্রকারে বহুকাল অতীত হইলে ব্রাহ্মণশ্রেষ্ঠ বিশ্বানরের পত্নী, সুব্রতা শুচিস্বতী সর্গসাধন স্বকীয় সমৃদ্ধির অঙ্গুরমাত্রও অবলোকন করিতে না পাইয়া, নিজ স্বামী বিশ্বানরকে প্রণিপাতপূর্বক এই মঙ্গলজনক বাক্য বিজ্ঞাপন করিলেন । ৬৪-৬৫ । শুচিস্বতী কহিলেন, আর্য্যপুত্র ! প্রাণনাথ ! আর্য্যদিশণ ! আপনার চরণার্চনার বলে এই সংসারে আমার কোন পদার্থই দুর্লভ নাই । ৬৬ । আর্য্যপুত্র ! জ্ঞাগণের অভিলষণীয় যে সকল ভোগ আছে, তাহা আপনার প্রসাদে আমি যথেষ্ট প্রকারে অনুভব করিয়াছি । প্রসঙ্গাধীন সেই সকল ভোগ্য বস্তুর বিষয় উল্লেখ করিতেছি, যথা, মনোহর বস্ত্রনিচয়, সুন্দর গৃহ, শোভন শয্যা, উত্তম পরিচারিকা, মালা, তাম্বুল, অন্ন ও পানীর দ্রব্য, স্বধর্মনিরত সধবা, জ্ঞীগণের এই আট প্রকার ভোগ, আপনার কৃপার আমার সম্পূর্ণরূপে লাভ হইয়াছে । ৬৭-৬৮ । হে নাথ ! কিন্তু আমার একটা প্রার্থনা বহুদিন হইতেই মনোমধ্যে অবস্থান করিতেছে এবং ঐ প্রার্থনার বিষয় পদার্থ, গৃহস্থগণের পাওয়া উচিত, সুতরাং আমার এই প্রার্থনার বিষয়টি আপনার প্রদান করিতে হইবে । ৬৯ ।

বিশ্বানর কহিলেন, অগ্নি প্রিয়হিতৈষিণি ! স্ত্রোত্রাণি ! তোমাকে আমি কোন

পদার্থ না দিতে পারি, অগ্নি মহাভাগে! তুমি প্রার্থনা কর আমি অবিলম্বেই তাহা প্রদান করিব। ৭০। হে কল্যাণি! সর্বমঙ্গলকারী মহেশ্বরের প্রসাদে, মর্ত্যে, কিস্থা স্বর্গে কোন পদার্থই আমার দুর্লভ নহে। ৭১।

পতির এবস্থিধ বাক্য শ্রবণ করিয়া, হৃষ্টবদনা পতিব্রতা শুচিস্মিতী এইরূপ বলিলেন যে, অগ্নি নাথ! আমাকে যদি বর প্রদান করিতে আপনার অভিলাষ হইয়া থাকে এবং আমিও যদি বরলাভের যোগ্য হইয়া থাকি, তবে আর অশ্রু কোন বর প্রার্থনা করি না, কেবলমাত্র আমাকে এই বর প্রদান করুন যে, আমি মহেশ্বরসদৃশ পুত্র লাভ করিতে পারি। ৭২-৭৩।

শুচিস্মিতীর এই প্রকার বাক্য শ্রবণ করিয়া, বিশ্বানর ক্ষণকাল সমাধি অবলম্বন-পূর্বক মনে মনে চিন্তা করিলেন যে, অহো! এই আমার স্ত্রী কি অতি দুর্লভ পদার্থের প্রার্থনা করিল! হায় এই বিষয় আমার মনোরথ পথ হইতেও দূরবর্তী, অথবা ইহাই হইবে, সেই বিশ্বনাথ সকলই করিতে পারেন। সেই বিশ্বনাথ শম্ভু-বাক্যস্বরূপে ইহার মুখে অবস্থান করিয়া এই প্রকার প্রার্থনা করিয়াছেন, এ বিষয় উপেক্ষা করিতে কোন্ ব্যক্তি সক্ষম, অতএব ইহা নিশ্চয়ই সফল হইবে, তাহাতে সন্দেহ নাই। ৭৪-৭৬।

এক-পত্নী-ব্রতে অবস্থিত শ্রীমান্ বিশ্বানরমুনি এই প্রকার চিন্তা করিয়া, নিজ কাস্তা শুচিস্মিতীকে কহিলেন, “অগ্নি কাস্তে! তোমার কামনা সফল হইবে”। ৭৭।

এই প্রকারে নিজ পত্নীকে আশ্বাস প্রদান করিয়া, বিশ্বানর মুনি যেখানে সাক্ষাৎ কাশীনাথ বিশ্বেশ্বর বিরাজমান, সেই কাশীপুরীতে তপস্যা করিবার নিমিত্ত গমন করিলেন। ৭৮। অনন্তর বিশ্বানরমুনি সত্বর বারাণসীতে আগমনকরতঃ মণিকর্ণিকা দর্শন করিয়া, শত জন্মান্তরের অর্জিত ত্রিবিধ তাপহেতু পাপ হইতে মুক্তিলাভ করিলেন। ৭৯। তৎপরে বিশ্বেশ্বরপ্রমুখ শিবলিঙ্গসমূহকে দর্শন এবং সকল বাপী, কূপ ও সরোবর প্রভৃতি পুণ্য-কুণ্ডে স্নান করিয়া, সকল বিনায়কগণ এবং সকল গৌরীকে প্রণামপূর্বক, পাপভক্ষণনামক ক্রীড়াভৈরবকে পূজা এবং দণ্ডনায়কপ্রমুখ গণসমূহকে যত্নের সহিত স্তুতিকরতঃ, আদিকেশবপ্রমুখ কেশব-মূর্তিসমূহকে পরিতোষিত এবং পুনঃ পুনঃ লোলার্কপ্রমুখ সূর্য্যগণকে প্রণাম করিয়া এবং নিরালস্তভাবে সর্বদীর্ঘে পিতৃগণের উদ্দেশে পিণ্ডপ্রদানান্তে, বিশ্বানরমুনি সহস্র যতি ও বিপ্রগণকে ভোজন করাইয়া পরিতৃপ্ত করিলেন এবং ষোড়শোপচার-পূজার দ্বারা ভক্তিভাবে মহালিঙ্গ সকলকে অর্চনা করিলেন। ৮০-৮৪।

এই প্রকার কৰ্ম নিষ্পন্ন করিয়া, বিশ্বানর বারম্বার চিন্তা করিতে লাগিলেন যে, “কোন শিবলিঙ্গ সত্ত্বর সিদ্ধি প্রদান করিতে সক্ষম ? এবং কাহার বা উপাসনা করিলে, আমার এই সম্ভানকামনার তপস্যা নিশ্চলতা প্রাপ্ত হইতে পারিবে ? ৮৫ । শ্রীমদোঙ্কারনাথ, কালেশ, বুদ্ধকালেশ, কলশেশ্বর, কেদারেশ, কামেশ, চন্দ্রেশ, বা ত্রিলোচন অথবা জম্বুকেশ কিম্বা জ্যেষ্ঠেশ অথবা জৈগীষবেশ্বর নামক কোন শিবলিঙ্গের উপাসনা করিলে সত্ত্বর সিদ্ধিলাভ হইবে ? ৮৬ । দশাশ্বমেধেশ্বর, ঈশানেশ্বর, ক্রমিচণ্ডেশ, দৃকেশ, গুরুড়েশ, গোকর্ণেশ, গণেশ্বর, চুণ্টাশাগজসিদ্ধি, ধর্মেশ, তারকেশ্বর, নন্দিকেশ, নিবাসেশ, পত্নীশ, প্রীতিকেশ্বর, পর্বতেশ, পশুপতীশ্বর, ব্রহ্মেশ্বর, মধ্যমেশ্বর, বৃহস্পতীশ্বর, বিভাণ্ডেশ্বর, ভার-ভূতেশ্বর, মহালক্ষ্মীশ্বর, মরুভৈরব, মোক্ষেশ, গজেশ, নর্যদেশ্বর, মার্কণ্ডেশ্বর, মণিকর্ণীশ অথবা রত্নেশ্বর কিম্বা যোগিনী-পীঠ, ইহার মধ্যে কোনটী, শীঘ্র সাধক-গণের সিদ্ধি প্রদান করিতে পারেন । ৮৭-৯২ । যামুনেশ, লাক্ষ্মীশ, শ্রীমদ্বিশ্বেশ্বর-প্রভু, অবিমুক্তেশ্বর, বিশালাক্ষীশ্বর, ব্যাঘ্রেশ্বর, বরাহেশ, ব্যাসেশ, বৃষভধ্বজ, বরুণেশ, বিধীশ, বসিষ্ঠেশ্বর, শনীশ্বর, সোমেশ্বর, ইন্দ্রেশ্বর, স্রলীশেশ্বর, সঙ্কমেশ্বর, হরিশ্চন্দ্রেশ্বর, হরিকেশেশ্বর, ত্রিসঙ্কমেশ্বর, মহাদেব, উপশান্তিশিব, ভবানীশ, কপর্দীশ, কন্দুকেশ, মথেশ্বর ও মিত্রাবরুণসংজ্ঞক প্রভৃতি অনন্ত শিবলিঙ্গের মধ্যে কাহার উপাসনা করিলে সত্ত্বর পুত্রলাভ হইতে পারে ?”

এই প্রকারে ক্ষণকাল বিচার করিয়া, সুধী বিশ্বানরমুনি নিশ্চয়পূর্বক কহিলেন, ওঃ এতক্ষণ আমি বিস্মৃত হইয়াছিলাম, ইহাতে নিশ্চয়ই আমার মনোরথ সফল হইবে । সিদ্ধগণ যে লিঙ্গের সেবা করিয়া, সিদ্ধিলাভ করিতে পারিয়াছেন, সেই লিঙ্গ আমার স্মৃতিপথে উদয় হইয়াছে । ৯৩-৯৮ । যে ক্ষেত্র দর্শন বা স্পর্শ করিলে মনঃ পরম নিবৃত্তি প্রাপ্ত হয়, যেখানে দিব্যরাত্র পূজনভিলাষী দেবরাজ আগমন করিবেন বলিয়া, স্বর্গদ্বার সর্বদাই উদঘাটিত রহিয়াছে । যে ক্ষেত্র পঞ্চমুদ্রাময় মহাপীঠ এবং যেখানে সকল প্রাণীই সিদ্ধিলাভ করিতে পারে, যে ক্ষেত্রে সাক্ষাৎ সিদ্ধিরূপিণী বিকটাদেবী বিরাজমানা এবং যেখানে অবস্থিত, ভক্তগণের সর্বপ্রকার বিঘ্নরাশিকে নিরাকরণ করিয়া, বিঘ্নবিনায়ক স্বয়ং সর্ব-প্রকার সিদ্ধি প্রদান করিয়া থাকেন । এই অবিমুক্ত মহাক্ষেত্রে, বারাগসীপুরীতে পূর্বোক্ত গুণসমূহে বিভূষিত এক পরম সিদ্ধিক্ষেত্র আছে, তাহা সকল প্রকার সিদ্ধিস্থান হইতে উৎকৃষ্ট । ৯৯-১০২ ।

সেই পবিত্র ক্ষেত্রে বীরেশ্বর নামক এক পরম সিদ্ধিনায়ক শিবলিঙ্গ বর্তমান

আছেন, তিনি অতি গুহ্যতম, যত্বপি এই কাশীপুরীতে এমন এক তিলাস্তর পরিমিত ভূমি নাই, যাহা শিবলিঙ্গ বিরহিত, তথাপি এই বীরেশ্বর লিঙ্গসদৃশ শীঘ্র সিদ্ধি প্রদ অথ কোন শিবলিঙ্গই বর্ধমান নাই। এই বীরেশ্বর যেমন অথ সিদ্ধি সত্ত্ব প্রদান করেন, সেইরূপ আশু, ধর্ম, অর্থ, কাম ও মোক্ষ প্রদান করিয়া থাকেন। ১০৩ ১০৪।

এই কাশীক্ষেত্রে বীরেশ্বর যে প্রকার সিদ্ধি, সে প্রকার আর কোন লিঙ্গই নহেন, ইহা নিশ্চয়। পঞ্চস্বর নামক গন্ধর্ব্ব, এই বীরেশ্বরের উপাসনা করিয়া পরম সিদ্ধিলাভ করিয়াছিলেন। ১০৫। স্বচ্ছবিষ্ণু নামে বিষ্ণাধর, বসুপূর্ণনামক মক্ষরাজ এবং ভক্তিসহকারে নৃত্যকারিণী কোকিলালাপা এক শ্রেষ্ঠ অঙ্গরা, এই বীরেশ্বরে সশরীরে বিলয়প্রাপ্ত হইয়াছিলেন। পুরাকালে বেদশিরা নামে কোন একজন ঋষি শতরুদ্রী জপ করিতে করিতে এই মন্ত্রজ্যোতির্ময় বীরেশ্বর-লিঙ্গে সশরীরে বিলীন হইয়া গিয়াছেন। চন্দ্রমৌলি ও ভরদ্বাজনামক পাণ্ডুপত-শ্রেষ্ঠদ্বয়ও বীরেশ্বরের অভ্যর্চনা করিয়া, গান করিতে করিতে এইখানে সশরীরে মোক্ষপ্রাপ্ত হইয়াছেন। শম্বুচূড় নামক সর্পরাজ স্বয়ং ফণামণ্ডল দ্বারা ছয় মাস রাত্রিতে এই বীরেশ্বর লিঙ্গের আরতি করিয়া, সম্যকপ্রকার সিদ্ধিলাভ করিতে পারিয়াছেন, বেণুপ্রিয় নামক স্বকীয় ভর্তার সহিত কোন কিন্নরী অতি সুস্থরে ইহার স্তুতিগান করিতে করিতে পরম নির্বাণপদবী (মোক্ষ) লাভ করিয়াছেন, এই প্রকার অনন্তসংখ্য সিদ্ধগণ এইখানে সিদ্ধিলাভ করিতে পারিয়াছেন। ১০৬-১১১। এই সকল কারণে এই সিদ্ধক্ষেত্রের মধ্যে এই বীরেশ্বর লিঙ্গ সর্ব্বাপেক্ষা সিদ্ধলিঙ্গ বলিয়া কীর্ত্তিত হইয়া থাকেন। ১১২। এই বীরেশ্বর লিঙ্গের আরাধনা করিয়া, বিদেহজ ভ্রমররাজ জয়দ্রথনামা নরপতি, পুনর্ব্বার রিপুগণকে বিনাশপূর্ব্বক অস্থলিতভাবে রাজ্যাশাসন করিতে সমর্থ হইয়াছিলেন। ১১৩। মগধাধিপতি জিতেন্দ্রিয় বিদূরক্ষনামা ভূপতি অপুত্র হইয়াও, বীরেশ্বরের প্রসাদে পুত্রলাভ করিতে পারিয়াছিলেন। ১১৪। এইখানে বসুদন্ত নামা কোন বণিক্ একবৎসরকাল বীরেশ্বর লিঙ্গের অর্চনা করিয়া, দেবকৃত্যসদৃশ রূপ ও গুণশালিনী এক কন্যা লাভ করিতে পারিয়াছিলেন। ১১৫। আমিও এখানে প্রতিদিন ত্রিসন্ধ্যা বীরেশ্বরলিঙ্গের উপাসনা করিয়া, স্ত্রীর অভিলাষানুরূপ পুত্রলাভ করিতে পারিব, ইহা আমার নিশ্চয়ই বোধ হইতেছে। ১১৬।

এই প্রকার নিশ্চয় করিয়া ধৈর্য্যশালী কৃতী বিশ্বানরমুনি, চন্দ্রকূপ জলে স্নানপূর্ব্বক তপস্কার জগু বিশেষ প্রকার নিয়ম গ্রহণ করিলেন। ১১৭। বিশ্বানর-



মুনি, প্রথম মাসে দিবসে একবারমাত্র আহার আরম্ভ করিলেন, অনন্তর দ্বিতীয় মাসে সমস্ত দিন উপবাসী থাকিয়া, রাত্রিতে আহার করিতে আরম্ভ করিলেন। তৃতীয় মাসে রাত্রিতে আহার এবং আহাের নিমিত্ত ভিক্ষাদি পরিত্যাগ করিয়া, বিনা প্রার্থনায় প্রাপ্ত অতি সামান্য অন্নই জীবনযাত্রা নির্বাহ করিতে লাগিলেন। এইরূপ তৃতীয় মাস গমন করিলে, চতুর্থ মাসে অন্নাহার পরিত্যাগ করিলেন। ১১৮। পঞ্চমমাসে কেবলমাত্র দুগ্ধাহার করিয়া, ষষ্ঠ মাসে তাহাও পরিত্যাগকরতঃ শাক ও ফল আহার আরম্ভ করিলেন, এই প্রকার ষষ্ঠমাস অতীত হইলে পর, বিশ্বানর মুষ্টিপরিমিত তিল আহারকরতঃ সপ্তম মাস অতিবাহিত করিয়া, অষ্টমমাসে কেবল জলমাত্র আহার করিয়া, কঠোর তপস্যা আরম্ভ করিলেন। ১১৯। পঞ্চগব্যমাত্র ভক্ষণ করিয়া নবমমাস অতিবাহিতকরতঃ বিশ্বানর, দশমমাসে চান্দ্রায়ণ-ব্রত করিলেন। এই প্রকারে একরূপ নিরাহারে দশমমাস অতিবাহিত করিয়া, তিনি একাদশ মাসে দিনান্তে কুশাগ্রভাগস্থ-জলমাত্র পান করিয়া, দ্বাদশ মাসে সর্ব-প্রকার আহারও পরিত্যাগকরতঃ কেবলমাত্র পর্ণাহারী হইয়া, অবস্থান করিতে লাগিলেন। ১২০।

এই প্রকারে দ্বাদশমাস অতিবাহিত হইলে, ত্রয়োদশ মাসে এক দিবস প্রত্যুষে ভাগীরথা-জলে স্নানপূর্বক তপোধন বিশ্বানর বীরেশ্বরের মন্দিরে প্রবেশ করিয়াই দেখিতে পাইলেন যে, সেই বীরেশ্বরলিঙ্গের মধ্যভাগে একটা অতি রমণীয়াকৃতি অষ্টবর্ষবয়স্ক বালক বিদ্যমান আছেন। বিশ্বানর দেখিলেন ঐ বালকাকৃতি জ্যোতির্ময় মূর্তির নয়ন আকর্ষবিস্তৃত, ওষ্ঠ ও অধর সুন্দর লোহিতবর্ণ, মনোহর পিঙ্গলবর্ণ জটাকলাপে তাঁহার মস্তক বিভূষিত ও আনন অতি মনোহর হাস্যচ্ছটায় বিমণ্ডিত, ঐ বালকের পরিধানে কোন বস্ত্র ছিল না, তিনি উলঙ্গ। বিশ্বানর আরও দেখিলেন যে, শৈশবকালোচিতবেশধারী অতি মনোহর সেই বালক, অবলীলাক্রমে হাস্যসহকারে, বেদসূক্তসমূহ পাঠ করিতেছেন। ১২১-১২৪।

এই প্রকার অতি মনোহরাকৃতি সেই শিশুমূর্তিকে বিলোকন করিয়া, বিশ্বানর মুনির অঙ্গ রোমাঞ্চে কণ্টকিত হইল। অভূতপূর্ব আনন্দোদয়ে তাঁহার বাক্য জড়িত-প্রায় হইয়া গেল, তখন তিনি গদগদভাবে পুনঃ পুনঃ নমস্কার উচ্চারণকরতঃ সেই অভূতপূর্ব বালক-মূর্তির স্তুতি করিতে আরম্ভ করিলেন। ১২৫।

বিশ্বানর কহিলেন, হে প্রভো! একমাত্র অদ্বিতীয়স্বরূপ সত্যসনাতন ব্রহ্মই বিদ্যমান আছেন, এই সংসারে নানারূপ বাহ্যপদার্থের বাস্তবিক পরমার্থসত্তা নাই, এক ব্রহ্মই এ জগতে অদ্বিতীয় পরমার্থ সৎপদার্থ এবং ব্রহ্মই আনন্দময় ব্রহ্মপদার্থ,

হে প্রভো! সেই রুদ্ররূপী অদ্বিতীয় মহেশ্বরমূর্তি আপনিই, অতএব আমি আপনারই শরণাগত হইলাম। ১২৬। হে শস্তো! আপনি এক\* হইয়াও, এই নিখিল সংসারের একমাত্র স্রষ্টা, হে প্রভো! এই নানারূপময় সংসারেই আপনি একস্বরূপে সর্বদা বিद्यমান রহিয়াছেন অথচ বাস্তবিক আপনার কোন রূপই নাই। সূর্য্য একস্বরূপ হইয়াও, যেমন জলসমূহের মধ্যে নানারূপে প্রতীত হন, আপনিও সেইরূপ একাত্মস্বরূপ হইয়াও প্রতি শরীরতেদেই ভিন্ন ভিন্ন জীবস্বরূপে প্রতীয়মান হইতেছেন, হে দেব! আমি, আপনি ভিন্ন অণু কোনও ঈশ্বর স্বীকার করি না, আমি একমাত্র আপনারই শরণাগত। ১২৭। হে প্রভো!—যে মহেশ্বরের তত্ত্ব অবগত হইলে, এই বিশ্ব-সংসার-রজ্জুতে সর্পের ন্যায়, শুভিকায় রৌপ্যের ন্যায় এবং মরুটিকায় জলরাশির ন্যায় মিথ্যা বলিয়া বোধ হয়; সেই মহেশ্বর-স্বরূপ আপনার শরণাগত হইলাম। ১২৮। হে শস্তো! আপনি জলমধ্যে শৈত্যরূপে অবস্থিত, আপনি অনলে দাহিকাশক্তি, আপনিই সূর্য্যমধ্যে তাপ ও চন্দ্রমণ্ডলে জ্যোৎস্নারূপে বিরাজমান রহিয়াছেন, হে প্রভো! পুষ্পমধ্যে আপনিই গন্ধরূপে বিরাজমান এবং আপনি দুগ্ধমধ্যে স্নাতরূপে বর্ত্তমান রহিয়াছেন, হে প্রভো! জগতে যাহা সার বলিয়া পরিগণিত, আপনি তাহা হইতে সর্ব্বথা অভিন্ন; অতএব আমি আপনার শরণপ্রার্থী হইয়াছি, আমাকে রক্ষা করুন। ১২৯। হে শস্তো! আপনার ঐবর্ণেন্দ্রিয় নাই, অথচ আপনি শব্দ শ্রবণ করেন, হে প্রভো! আপনার নাসিকা নাই, অথচ আপনি গন্ধসমূহের আশ্রাণ করিতেছেন হে দেব! আপনি পাদহীন হইয়াও বহুদূর গমন করিতেছেন, আপনি চক্ষুহীন হইয়াও সকল পদার্থই দেখিতেছেন, হে ঈশ! আপনি রসেন্দ্রিয়হীন হইয়াও নিখিল প্রকার রসের অনুভবকারী। হে দেব! আপনার তত্ত্ব কোন্ ব্যক্তি অবগত আছেন, এই কারণে, হে প্রভো! আমি আপনার শরণাগত হইলাম, আপনি আমাকে রক্ষা করুন। ১৩০। হে ঈশ! সমগ্র বেদও সাক্ষাৎ আপনার তত্ত্ব অবগত নহেন, বিষ্ণু বা অখিল জগতের স্রষ্টা বিধাতাও আপনার প্রকৃত তত্ত্ব জানেন না। হে ঈশ! যোগীন্দ্রগণ ও ইন্দ্রপ্রমুখ দেবগণও আপনার যথার্থ স্বরূপ জানেন না। কেবলমাত্র ভক্তই আপনার স্বরূপ জানিতে পারেন। হে প্রভো! আমি আপনার শরণাগত হইলাম, আপনি আমাকে রক্ষা করুন। ১৩১। হে ঈশ! আপনার কোন গোত্র নাই, আপনার জন্মও নাই, হে প্রভো! আপনার নাম বা রূপ নাই, হে ঈশ! আপনার কোন প্রকার শীল নাই, হে প্রভো! এই প্রকার রূপাদিহীন হইয়াও আপনি ত্রিভুবনের ঈশ্বর, হে দেব! আপনার ভজনা করিতেছি, আপনি আমার

সর্বপ্রকার অভ্যাস পূরণ করুন। ১৩২। হে স্মরারে! সকল বস্তুরই আপনি কর্তা অথচ আপনিই সকল পদার্থেই অভিন্নভাবে বর্তমান রহিয়াছেন। আপনি গেরীশ্বর, আপনি অতি শাস্ত ও উলঙ্গমূর্তি, হে প্রভো! আপনিই বৃদ্ধ, যুবা ও বালস্বরূপ, হে বিভো! জগতে এমন কোন্ পদার্থ আছে, যাহা আপনার স্বরূপ হইতে ভিন্ন, হে প্রভো! আগি কায়মানোবাক্যে আপনাকে নমস্কার করিতেছি। ১৩৩।

এই প্রকারে স্তব করিয়া বিশ্বানর মুনি হৃষ্টান্তঃকরণে যেমন দণ্ডবদ্যোঁবে ভূমিতে নিপতিত হইলেন, সেই সময়েই অখিলবৃদ্ধগণের বৃদ্ধ বালক কহিলেন, হে “ভূদেব! তুমি বর গ্রহণ কর”। ১৩৪।

অনন্তর কৃতী বিশ্বানর ভূমি হইতে উত্থান করিয়া, হৃষ্টান্তঃকরণে প্রত্যাভ্র করিলেন, হে প্রভো! আপনি সর্বজ্ঞ, কোন্ পদার্থ আপনার অজ্ঞাত আছে? ১৩৫। হে প্রভো! আপনি ভগবান্ ও সর্বপ্রাণিরই অন্তরাত্মা, আপনি সর্ব স্বরূপ এবং সকল পদার্থই আপনি প্রদান করিয়া থাকেন। হে প্রভো! আপনি ঈশ্বর ও সর্বজ্ঞ হইয়া, এই দৈন্ত্যবন্যাসূচক প্রার্থনাতে আমাকে কেন নিয়োগ করিতেছেন। ১৩৬।

বিশুদ্ধাত্মা পবিত্র-ব্রত বিশ্বানর মুনির এই প্রকার বাক্য শ্রবণ করিয়া বালক মূর্তি মহেশ্বর মূঢ় হস্ত করিয়া বলিতে আরম্ভ করিলেন। ১৩৭। বালক কহিলেন, হে পবিত্র-চিত্ত বিশ্বানর! তুমি তোমার ত্রী শুচিস্মৃতির সম্ভানপ্রাপ্তি-বিষয়ে হৃদয়ে যে অভিলাষ করিয়াছ, সত্ত্বরই তোমার সেই অভিলাষ পূর্ণ হইবে। ১৩৮। হে মহামতে! হৃদায় পত্নী শুচিস্মৃতির গর্ভে আমি তোমার পুত্ররূপে জন্মগ্রহণ করিব, সেই পুত্রটি “গৃহপতি” নামে বিখ্যাত হইবে, তাহার স্বভাব বিশুদ্ধ হইবে এবং ঐ পুত্র সকল দেবগণেরই প্রিয় হইবে। ১৩৯। অভিলাষক নামে এই পবিত্র স্তোত্র যাহা তুমি পাঠ করিলে, ইহা এক বৎসর কাল শিব-সমীপে পাঠ করিলে সকল অভিলাষ সফল হয়। ১৪০। এই স্তোত্রটি পাঠ করিলে যথাসম্ভব পুত্র, পৌত্র ও ধনলাভ হয়, এই স্তোত্র পাঠকারীর সর্বপ্রকারে শাস্তি লাভ হয় এবং সর্বপ্রকার বিপত্তি বিনষ্ট হয়। ১৪১। এই স্তোত্রটি পাঠ করিলে স্বর্গ, অপবর্গ ও সম্পদ লাভ হয়। প্রতিদিন প্রাতঃকালে উত্থানপূর্বক বিধিমনে স্নান করিয়া শিবলিঙ্গ অর্চনা করতঃ এক বর্ষকাল ব্যাপিয়া, প্রতিদিন এই স্তোত্রটি পাঠ করিলে নিশ্চয়ই অপুত্র ব্যক্তি পুত্রলাভ করিতে পারে। বৈশাখ, কার্তিক অথবা মাঘমাসে বিশেষ নিয়ম গ্রহণ করিয়া, যে ব্যক্তি এই স্তোত্রটি পাঠ করিবে, সেই ব্যক্তি সকল ফলই লাভ

করিতে সমর্থ হইবে । কার্তিক মাসে বিশেষ নিয়ম গ্রহণ করিয়া, তুমি এই স্তবের দ্বারা আগাকে পরিতুষ্ট করিয়াছ, এই কারণ আমি তোমার পুত্রত্ব স্বীকার করিব । অথবা যে কোন ব্যক্তি এইরূপ কার্তিক মাসে নিয়ম গ্রহণকরতঃ, এই স্তবটী পাঠ করিবে, সেই ব্যক্তিও এই প্রকার ফললাভ করিতে সমর্থ হইবে । এই পবিত্র অভিলাষার্থক নামক-স্তোত্র, যে কোন ব্যক্তিকে প্রদান করা উচিত নহে । এই মহাবক্ষ্যা প্রসূতিকারী স্তোত্রটী অতি প্রযত্নের সহিত গোপন করিয়া রাখিবে । স্ত্রী অথবা পুরুষ এক বৎসরকাল যদি শিবলিঙ্গ-সন্নিধানে এই স্তবটী পাঠ করিতে পারে, তবে তাহার নিশ্চয়ই পুত্রলাভ হয় । এই প্রকার বলিয়া সেই বালক অন্তর্হিত হইলেন, অনন্তর সেই বিশ্বানর মুনিও হৃষ্টান্তঃকরণে গৃহে প্রত্যাগমন করিলেন । ১৪২—১৪৭ ।

## একাদশ অধ্যায় ।



### বৈশ্বানরের উৎপত্তি-কথন ।

অগস্ত্য কহিলেন, হে সূত্রোণি ও সৌভাগ্যবতি লোপামুদ্রে ! বৈশ্বানরের উৎপত্তি-বিষয়ে, পুণ্যশীল ও সুশীলনামক বিষ্ণুর পারিষদদ্বয় শিবশর্ম্মাকে যাঁহা বলিয়াছিলেন, তাহা শ্রবণ কর । ১ । বিধিপূর্বক গর্ভাধান-কর্ম্ম নিষ্পাদনের পর কালক্রমে বিশ্বানরের পত্নী গর্ভবতী হইলেন । যথাকালে বিদ্বান্ বিশ্বানর গর্ভস্থ-বালকের পুরুষত্ব বুদ্ধির জন্ম, গৃহশাস্ত্রোক্ত বিধিপূর্বক পুংসবন-ক্রিয়া সম্পন্ন করিয়া, সন্তানের রূপ ও ঐশ্বর্য্যবুদ্ধি এবং প্রসূতির অনায়াসে প্রসব জন্ম, অষ্টমাসে গীমস্তোম্ময়ন করিলেন । ২—৪ । অনন্তর বৃহস্পতি কেন্দ্রস্থিত হইলে, শুভলগ্নে শুচিস্বতীর সূতিকাগার প্রকাশিত করিয়া, সমস্ত অমঙ্গলের নাশকারী ও চন্দ্রতুলা বদন এক পুত্র উৎপন্ন হইল । ৫-৬ । সেই সন্তোজাত শিশু, ভূ, ভুব ও স্বর্গলোক বাসী জনগণের সুখপ্রদ হইল । শিশুর জন্ম হইলে, বায়ু দিগজ্জনা মুখে অগন্ধ বহন করতঃ স্বায় গন্ধবাহ নাম সার্থক করিতে লাগিল । নিবিড় মেঘরাশি অগন্ধি পুষ্প-বৃষ্টি করিতে লাগিল । দেবতাগণ দ্রুমুভি-ধ্বনি করিতে লাগিলেন । দিক্‌সকল নির্মল হইল, চতুর্দিকে প্রাণিসমূহের মন ও নদী সকল স্বচ্ছ হইয়া উঠিল, তমোরাশি

বিলয় প্রাপ্ত হইল, রজঃসমূহও অপগত হইল । প্রাণিগণ সঙ্ঘ-সমায়ুক্ত হইল এবং পৃথিবীও শুভমূর্তি ধারণ করিল । সকলেরই বাণী কল্যাণরূপে প্রাণিগণকে শ্রীত করিতে লাগিল । ৭—১০ ।

তিলোত্তমা, উর্ব্বশী, রম্ভা, প্রভা, বিদ্যাংপ্রভা, স্তম্ভলা, শুভালাপা প্রভৃতি শ্রেষ্ঠ অম্বরগণ, সহর্ষে নম্রতার সহিত মুক্তা, কর্পূর, অগুরু, কস্তুরী, কক্কোল, বজ্র ও বৈদূর্য্যময়দীপ, হরিদ্রাচূর্ণ, একরূপ গারুত্মত-মণিসমূহ, শঙ্খ, শুক্তি, দধি, গন্ধারাগ, প্রবাল নামক রত্ন, কুঙ্কুম এবং গোমেদ, পুষ্পরাগ ও ইন্দ্রনীলময় সুচারু মালাসমূহে পরিপূর্ণ স্বর্ণপাত্র নিচয় হস্তে লইয়া এবং অন্যান্য অনেক বিতাদরী, কিন্নরী ও অমরীগণ চামর ও মাল্যল্যঙ্গব্য হস্তে এবং গন্ধর্ব্ব, উরগ ও যক্ষগণের পত্নীগণ শুভস্বরে স্তব্ধলিত গান করিতে করিতে তথায় আগমন করিতে লাগিল । ১১-১৬ । মরীচি, অত্রি, পুলহ, পুলস্ত্য, ক্রতু, অঙ্গিরা, বশিষ্ঠ, কশ্যপ, আমি, বিভাণ্ড, মাণ্ডব্য, লোমশ, রোমপাদ, ভরদ্বাজ, গৌতম, ভৃগু, গালব, গর্গ, জাতুকর্ণা, পরাশর, আপস্তম্ব, যজ্ঞবল্ক্য, দক্ষ, বায়্মিকি, মুদগল, শতাতপ, লিখিত, শিলাদ, শঙ্খ উজ্জ্বলক, জমদগ্নি, সম্বর্ত্ত, মতঙ্গ, ভরত, অংশুমান, ব্যাস, কাভ্যায়ন, কুৎস, শৌনক, স্রষ্টা, শুক, ঋষ্যশৃঙ্গ, দুর্ব্বাসা, রুচি, নারদ, তুম্বকু, উত্তম, বামদেব, চ্যবন, অসিত দেবল, শালঙ্কায়ন, হারীত, বিশ্বামিত্র, ভার্গব, সপ্তত্র, মুকণ্ডু, দালভ্য, উদ্দালক, ধোমা, উপমন্যু ও বৎস প্রভৃতি মুনিগণ এবং মুনিকন্যাগণ সেই বালকের শাস্তি-কর্ম্মের জন্ত বিশ্রামের আশ্রমে আগমন করিলেন । এবং বৃহস্পতি ও ব্রহ্মার সহিত গরুড়-বাহন বিষ্ণু, নদী, ভৃঙ্গী ও গৌরীর সহিত বৃষধ্বজ মহাদেব, ইন্দ্র প্রভৃতি দেবগণ, পাতালবাসী নাগসমূহ, বহুবিধ রত্ন লইয়া, সরিতের সহিত সমুদ্রের অধিষ্ঠাতাগণ এবং নানা প্রকার স্থাবরগণ জঙ্গমরূপ ধারণ করিয়া, তথায় আগমন করিলেন । সেই মহোৎসবে রাত্রিকাল ব্যতিরেকেও জ্যোৎস্নার আবির্ভাব হইল । ১৭—২৬ ।

ব্রহ্মা সসং সেই বালকের জাতকর্ম্ম করিলেন এবং তদনুকূল ঋতিবিচার করিয়া, একাদশ দিবসে করণীয় নাগকর্ম্ম-বিধানের দ্বারা সেই বালকের “গৃহপতি” এই নাম প্রদান করিলেন “এই গৃহপতি নামে গার্হপত্য অগ্নি, প্রজার ও ধনের উত্তমরূপ জ্ঞাতা, হে অগ্নে ! হে গৃহপতে ! আমাদিগকে অন্ন, যশঃ এবং বল প্রদান কর” ইত্যাদি চতুর্বেদোক্ত মন্ত্রসমূহ এবং আশীর্ব্বাক্যের দ্বারা বালকের রক্ষাবিধান করিয়া, বিষ্ণু ও মহাদেবের সহিত হংসযানে আরোহণ-করতঃ তথা হইতে প্রস্থান করিলেন । ২৭-৩১ । অনন্তর অন্যান্য সকলে পরস্পর

আহা ! বালকটির কি আশ্চর্য্যরূপ, কি তেজ, কেমন সমস্ত অঙ্গের লক্ষণ, গুটি-  
অন্তীর ভাগ্যেই স্বয়ং মহাদেব আবির্ভূত হইয়াছেন, যাঁহারা মহাদেবের ভক্তজন  
তাঁহাদের গৃহে মহাদেব আবির্ভূত হইবেন ইহার আর আশ্চর্য্য কি ? কারণ যাঁহারা  
রুদ্রের সেবক তাঁহারাও সাক্ষাৎ রুদ্রস্বরূপ, এই প্রকার বলিতে বলিতে বিশ্বানরের  
অনুমতি লইয়া, আনন্দের সহিত স্ব স্ব স্থানে প্রতিগমন করিলেন । ৩২—৩৪ ।  
বেদেতে উক্ত হইয়াছে যে, পুত্রের দ্বারা পরলোকসমূহকে জয় করা যায় ; এই  
নিমিত্তই গৃহস্থশ্রমবাসিগণ পুত্রের কামনা করিয়া থাকেন । ৩৫ । পুত্রহীন ব্যক্তির  
গৃহ শূন্যময়, অপুত্র ব্যক্তির উপার্জন নিরর্থক, অপুত্র ব্যক্তির বংশ নির্মূল,  
মৃতরাং পুত্রহীন ব্যক্তি হইতে অপবিত্র আর কিছুই নাই । ৩৬ । পুত্র হইতে  
অধিক আর কিছুই লাভ নাই, পুত্র হইতে অধিক সুখ আর কিছুই নাই, পরকালে  
ও ইহকালে পুত্র হইতে অধিক বন্ধু আর কেহই নহে । সেই পুত্র জগতে সাত  
প্রকার :—ওরস, ক্ষেত্রজ, ক্রীত, দত্তক, প্রাপ্ত, স্ত্রীত ( দৌহিত ) এবং আপৎ-  
কালে রক্ষিত । বুদ্ধিমান গৃহস্থব্যক্তি ইহার অমূল্যতম পুত্র অর্জন করিবেক, এই  
সকল পুত্রের মধ্যে পূর্বপূর্ব পুত্র শ্রেষ্ঠ এবং উত্তরোত্তর পুত্র নিকৃষ্টরূপে  
পরিগণিত । ৩৭—৩৯ ।

গণদ্বয় কহিলেন, অনন্তর চতুর্থমাসে পিতা এই বালককে গৃহ হইতে নিষ্ক্রামণ  
করিলেন এবং ষষ্ঠমাসে অন্নপ্রাশন ও সস্বৎসরে চূড়াকর্ষ্ম যথাবিধি সম্পন্ন  
করিলেন । ৪০ । তদনন্তর কৰ্ম্মকাণ্ডের স্রোতা সেই বিশ্বানর-শ্রবণানক্ষত্রযুক্ত-  
কালে, সেই বালকের কর্ণবেধ করিলেন । এবং ত্রয়োদশ বুদ্ধির জন্ম পঞ্চম বর্ষে  
উপনয়ন প্রদান করিলেন, অনন্তর উপাকর্ষ্ম নিষ্পন্ন করিয়া, বেদ অধ্যয়ন  
করাইলেন । সেই বালক তিন বৎসরে সাঙ্গবেদ অধ্যয়ন করিলেন এবং সমস্ত  
বিজ্ঞায় পারদর্শী হইলেন, গুরু কেবল সাক্ষিস্বরূপে উপদেশমাত্র করিতেন,  
বালকের শিক্ষার জন্ম তাঁহাকে বিশেষ কোন চেষ্টা করিতে হইত না । শক্তি-  
সম্পন্ন সেই বালক আপনিই বিনয়াদি গুণসমূহে অলঙ্কৃত হইলেন । তদনন্তর  
কামচারী দেবর্ষি নারদ, বিশ্বানরের কুটীরে আগমন করিয়া, নবমবর্ষে পিতামাতার  
সেবায় নিরত সেই গৃহপতিকেকে দর্শনকরতঃ, তথায় অর্ঘ্য ও আসনগ্রহণপূর্বক  
কুশলবার্ত্তা জিজ্ঞাসা করিলেন । ৪১-৪৫ ।

নারদ কহিলেন, হে মহাভাগ বিশ্বানর ! এবং হে শুভব্রতে গুচিস্মৃতি ! এই  
বালক গৃহপতি কি তোমাদের বাক্য প্রতিপালন করেন ? কারণ পিতামাতার  
বাক্য পালন ভিন্ন, পুত্রের অশ্রু কোন তীর্থ, দেব বা গুরুসেবা কিম্বা সংকার্য্য নাই,

পুত্রের নিকট ত্রিজগতে পিতামাতার অধিক আর কেহই পূজ্য নহে, আবার ইহার মধ্যেও মাতা গর্ভে-ধারণ এবং লালন পালন করেন বলিয়া তিনিই শ্রেষ্ঠ, জননীর চরণ-চ্যুত সলিল দ্বারা স্নায় শরীরকে অভিষিক্ত করিলে, যাদৃশ বিশুদ্ধতা লাভ করিতে পারা যায়, মন্দাকিনীর পবিত্র জলদ্বারা দ্বারাও তাদৃশ বিশুদ্ধতা লাভ হয় না । ৪৬—৪৯ । যাহারা সমস্ত কৰ্ম্ম পরিত্যাগপূর্ব্বক সন্ন্যাসধৰ্ম্ম অবলম্বন করিয়াছেন, তাঁহারা পিতা হইতেও অধিক পূজনীয় এবং জগতে তাঁহাদের অণু কোন বন্দনীয় ব্যক্তি না থাকিলেও, তাঁহারা আপন জননীকে যত্নের সহিত বন্দনা করিবেন । ৫০ । পিতামাতাকে পরিতুষ্ট করার নাগই পরম তপস্যা, পরম ব্রত এবং পরম ধৰ্ম্ম । অতি বিনীত এই বালক গৃহপতি তোমাদিগকে যেরূপ মান্য করেন, আমার বোধ হয়, অণু কোন গৃহস্থের বালক তাহার পিতামাতাকে তদ্রূপ মান্য করে না । হে বৈশ্বানর ! আইস আমার ক্রোড়ে উপবেশন কর এবং তোমার দক্ষিণ হস্ত আমাকে দেখাও, আমি তোমার লক্ষণ সকল পরীক্ষা করি । ৫১—৫৩ । মুনি এই কথা বলিলে, শ্রীমান্ বালক বৈশ্বানর পিতামাতার আজ্ঞা পাইয়া নারদমুনির নিকট আগমনপূর্ব্বক তাঁহাকে ভক্তিসহকারে প্রণামকরতঃ, নম্রভাবে উপবেশন করিলেন । তখন নারদমুনি সেই বালকের তালু, জিহ্বা, দন্ত এবং অন্যান্য সমস্ত অঙ্গ নিরীক্ষণ করিয়া, কুকুমের দ্বারা আরক্ত এবং ত্রিগুণীকৃত সূত্র আনাইয়া শিব, পার্ব্বতী এবং গণপতিকে স্মরণপূর্ব্বক বালককে উত্তরমুখে দণ্ডায়মান করাইয়া, সেই সূত্রের দ্বারা তাহার পাদদেশ হইতে মস্তক পর্য্যন্ত মাপিতে লাগিলেন । ৫৪—৫৬ । অনন্তর বিশ্বানরকে বলিতে লাগিলেন, হে ব্রিজ ! যাহার দেহের উচ্চতা এবং বিস্তৃতির পরিমাণ একশত অষ্ট অঙ্গুল হয়, সে পৃথিবীর পালক হইয়া থাকে, তোমার এই বালকেরও তাহাই দেখিতেছি । তোমার এই বালকের শ্রায় যাহার হৃৎ, কেশ, অঙ্গুলি, দন্ত এবং অঙ্গুলির পর্ব্বসমূহ এই পাঁচটি সূক্ষ্ম হয়, সে ব্যক্তি দিক্‌পাল হয় । যাহার হস্ত, নেত্র, হৃদয়, জ্ঞানু এবং নাসিকা এই পাঁচটি দীর্ঘ হয়, সে দীর্ঘ-জীবন লাভ করিয়া থাকে । এবং যাহার বক্ষঃ কুক্ষি, অলক, স্কন্ধ, কর এবং বক্ত্র এই ছয়টি উন্নত হয়, সে মহৎ ঐশ্বর্য্য লাভ করিয়া থাকে, এই বালকের এসমস্ত লক্ষণও দেখিতেছি । যাহার হস্ততল, নেত্রের কোণ, তালু, জিহ্বা, অধর, ওষ্ঠ এবং নখ, এই সাতটি রক্তবর্ণ হয়, সে রাজ্যস্থ ভোগ করে, এই বালকের তাহাও দেখিতেছি । এই বালকের শ্রায় যাহার ললাট, কটি এবং বক্ষঃস্থল বিস্তীর্ণ হয়, সে অতুল ঐশ্বর্য্যভাগী হয়, এ বালকও তাহাই হইবে । যে হস্ত কচ্ছপের পৃষ্ঠের শ্রায় কঠিন,

সেই হস্ত কোন ক্লেশকর কর্ম করে না, এবং পাদদ্বয় কোমল হইলে, রাজ্য-প্রাপ্তির হেতু হইয়া থাকে, এই বালকের তাহাও দেখিতেছি । এই বালকের হস্তে কনিষ্ঠমূল হইতে তর্জ্জনী পর্য্যন্ত অচ্ছিন্ন রেখাও দর্শন করিতেছি, ইহাতে এই বালক দীর্ঘায়ু হইবে । যাহার পাদদ্বয় মাংসল, রক্তবর্ণ, সম, সূক্ষ্ম, সুশোভন, সমগুল্ফ, ঘর্ম্মহান এবং স্নিগ্ধ, সে বিশেষ ঐশ্বর্য্যশালী হয়, এই বালকেরও তাহাই দেখিতেছি । এই বালকের হস্ত রক্তবর্ণ এবং রেখাবিশিষ্ট দেখিতেছি, ইহাতে এই বালক সর্ব্বদা সুখী হইবে । খর্ব্বাকার এবং কৃশ পুরুষাবিশিষ্ট ব্যক্তি রাজরাজেশ্বর হইয়া থাকে, এই বালকও তাহাই হইবে । ৫৭-৬৮ । এই বালকের কটাদেশ মাংসল, অতএব মহাদাসনের উপযুক্ত এবং দক্ষিণাবর্ত্তও অরুণবর্ণ দেখিতেছি, ইহা মহৎ ঐশ্বর্য্যের লক্ষণ । মূত্রত্যাগকালীন যদি একটা ধারা দক্ষিণাবর্ত্তিনী হয়, এবং ইহার বীৰ্য্য যদি মৌন ও মধুগন্ধযুক্ত হয়, তবে নিশ্চয়ই রাজা হইবে । ইহার স্ফিচদ্বয় বিস্তীর্ণ, মাংসল এবং স্নিগ্ধ, ইহাতে সুখভাগী হইবে । ইহার বামাবর্ত্ত ও লম্বিত হস্তদ্বয় দিক্‌সমূহকে রক্ষা করিবার উপযুক্ত । ইহার হস্তে শ্রীবৎস, বজ্র, চক্র, পদ্ম, কোদণ্ড এবং দণ্ডরেখা দেখিতেছি, এই সকল রেখা থাকিলে, ইন্দ্রতুল্য হয় । বক্রিশিখা দন্ত ইহার আছে, ইহার গ্রীবা হস্তিশৃঙের ন্যায় সুবলিত এবং শঙ্খের ন্যায় ত্রিধারাক্রান্ত এবং ইহার কণ্ঠস্বর ক্রৌঞ্চপক্ষী, দুন্দুভি, হংস এবং মেঘের ধ্বনির ন্যায় গম্ভীর, তাহাতে এই বালক সর্ব্বেশ্বর হইতেও অধিক হইবে । ৬৯-৭৩ । ইহার নেত্র মধুর ন্যায় পিঙ্গলবর্ণ, ইহাতে ইহাকে লক্ষ্মী কোনকালেই পরিত্যাগ করিবেন না । ইহার ললাট পাঁচটি রেখাযুক্ত এবং ইহার উদর সিংহের ন্যায়, ইহা অতি শুভলক্ষণ । ইহার চরণে উর্দ্ধরেখাযুক্ত এবং নিঃশ্বাসে পদ্মের ন্যায় গন্ধ, ইহার হস্ত অচ্ছিন্ন ও ইহার নখগুলি অতি সুন্দর । এ সমস্ত অতি ভাগ্যবানের লক্ষণ, কিন্তু সর্ব্বগুণোপেত ও সর্ব্বলক্ষণযুক্ত ব্যক্তিকে, বিধাতা চন্দ্রের ন্যায় পাতিত করিয়া থাকেন, অতএব সর্ব্বপ্রকার যত্ন-সহকারে এই বালককে রক্ষা করিও । কারণ বিধাতা বিমুখ হইলে গুণও দোষরূপে পরিণত হইয়া থাকে । ৭৪-৭৭ । আমার শঙ্কা হইতেছে যেম এই বালকের বার বৎসর বয়ঃক্রমে বজ্রাগ্নির দ্বারা জীবননাশ হইবে, এই কথা বলিয়া, বুদ্ধিমান নারদ ষথাস্থানে প্রত্যাগমন করিলেন । ৭৮ ।

সঙ্গীক বিশ্বানর নারদের এই কথা শ্রবণ করিয়া, তৎক্ষণাৎই ভাবিলেন, যেম নিদারুণ বজ্রপাত হইল । তখন “হা হতোস্মি” বলিয়া হৃদয়ে করাঘাত করিতে লাগিলেন এবং পুত্রশোকে আকুল হইয়া, মুচ্ছিত হইয়া পড়িলেন । ব্রাহ্মণ-পত্নী



শুচিস্মৃতিও দুঃসহ দুঃখে অতিশয় ব্যাকুল হইয়া, হাহাকাররবে আর্তস্বরে এই বলিয়া রোদন করিতে লাগিলেন । হা শিশো ! হা গুণনিধে ! হা পিতৃবাক্য-পালক ! হায় ! কেন তুমি এই হতভাগিনীর জঠরে জন্মগ্রহণ করিয়াছিলে, হায় ! তুমিই আমার একমাত্র পুত্র, তোমা ব্যতিরেকে তোমার গুণসমূহরূপ উর্ধ্বরশিসঙ্কুল শোক-সমুদ্রে নিপতিত, আমাকে কে আর উদ্ধার করিবে ? ৭৯-৮৩ । হা বাল ! হা বিমল ! হা কমললোচন ! হা লোক-লোচন চকোরচন্দ্র ! হা তাত ! হা তাতনয়নাঙ্ক-দিবাকর ! হা মাতৃ-আনন্দবর্দ্ধক ! হা সহস্রমুখহেতো ! হা পূর্ণচন্দ্র-মুখ ! হা স্ননখাম্বুলীক ! হা চাটুকার-বচনামৃতসাগর ! কত দুঃখে আমি তোমায় পাইয়াছিলাম, হা গৃহপতে । তোমার জন্ম আমি কি কি না করিয়াছি ? হা বৎস ! তোমার জন্ম আমি কোন্ দেবতার পূজা না করিয়াছি ? কোন্ তীথেই বা স্নান না করিয়াছি ? হা স্মৃৎতৈক লভ্য ! তোমার জন্ম কোন্ নিয়ম, কোন্ ঔষধ, কোন্ মন্ত্র বা কোন্ যন্ত্রের সাধন না করিয়াছি ? হা সংসার-সাগরতরে ! তুমি আমার দুঃখভার হরণ কর । হা সৌখ্য-সিন্ধো ! একবার আমাকে তোমার মুখচন্দ্র দর্শন করাও, হা পুন্মামতীত্র-নরক-সমুদ্রের বাড়াবাড়িস্বরূপ ! একবার বাক্যরূপ অমৃত সেচনকরতঃ, তোমার পিতাকে পরিতৃপ্ত কর । দেবগণ কি তোমার ভাবি-অমঙ্গল জানিতে পারিয়া, একস্থানে সমস্ত গুণ, শীল, কলাসমূহ ও সৌন্দর্য্য প্রভৃতি দর্শন-পূর্ব্বক আনন্দলাভের জন্ম তোমার জন্ম-মহোৎসবে সকলে মিলিত হইয়া, আগমন করিয়াছিলেন ? । নতুবা একেবারে আসিবার কারণ কি ? হে শস্তো ! হে মহেশ ! হে কৰুণাকর ! হে শূলপাণে ! তোমাকে পণ্ডিতগণ মৃত্যুঞ্জয় বলিয়া থাকেন, তোমার প্রদত্ত আমার এই বালক সন্তানকেও যদি মৃত্যুগ্রাস করিল, তবে এ জগতে, কাল কাহাকেই বা পতিত না করিবে ? হা বিধাতঃ ! তুমি বহুবিশ্ব যজ্ঞ-পুরঃসর বিশাল গুণসমুদ্রের সারভূত ও সংসারের তাপহারী এই বালক-ঋত্ব কেন সৃষ্টি করিয়াছিলে ? । ৮৪-৯০ । হে কাল ! তোমার রাজ্যী কি পুত্রবতী নন ? পুত্রের মুখচন্দ্র কি তোমার কালহ হরণ করে নাই ? ঋণালতার ঋণ কোমলাঙ্গ এই বালকের প্রতি, কেন, তুমি বজ্রতুল্য নিষ্ঠুর ও কঠোর কুঠারসদৃশ দশনযুক্ত মুক্তি ধারণ করিলে ? শুচিস্মৃতি এইরূপে বিলাপকরতঃ উষ্ণ দীর্ঘ-নিঃশ্বাস পরিত্যাগ-পূর্ব্বক, পুত্রশোক জনিত অনল-তাপে ক্রমশঃ সম্ভাপিত হইতে লাগিলেন । তাঁহার নেত্র হইতে জলধারা বহিয়া, নদীর আকার ধারণ করিল । তাঁহার কৰুণ বিলাপ-বাক্য শ্রবণে, বৃক্ষ এবং লতাগণও কুসুমবর্ষণরূপ অশ্রুপাতকরতঃ পক্ষিসমূহের কলকলরূপ আর্তস্বরে, পবন-ভরে বারম্বার মন্তক কাঁপাইয়া রোদন করিতে লাগিল ।

শুচিঅতীর রোদনে গিরিগুহা হইতে উখিত প্রতিধ্বনিচ্ছলে সমস্ত দিগন্তাগণও তাঁহার দুঃখে স্তম্ভিত হইয়াছিল। শুচিঅতীর আর্তনাদ শ্রবণে বিশ্বীনের ও মোহঁ-শয্যা পরিত্যাগপূর্বক উত্থান করিয়া, একি হইল ! একি হইল ! একি হইল ! আমার অন্তরের প্রাণস্বরূপ এবং সমস্ত ইন্দ্রিয়ের অধীশ্বররূপ গৃহপতি কোথায় ? এই কথা বলিতে লাগিলেন । ৯১-৯৫ ।

অগস্ত্য কহিলেন, তখন বালক গৃহপতি পিতামাতাকে নিতান্ত শোকাকুল দর্শন করিয়া, ঈষৎ হাস্যপুরুষের বলিতে লাগিলেন, হে মাতঃ ! কি নিবন্ধন আপনারা এতাদৃশ ভীত হইতেছেন ? আপনাদের চরণ-ধুলির প্রসাদে স্বয়ং কালও আমাকে বিনষ্ট করিতে পারে না, চপলস্বভাব সামান্য বিদ্যুৎ হইতে ভয়ের সম্ভাবনা কোথায় ? হে পিতঃ ! হে মাতঃ ! আমার প্রতিজ্ঞা শ্রবণ করুন, আমি যদি ষথার্থ আপনাদের তনয় হই, তাহা হইলে, আমি এমত ক্রিয়ার অনুষ্ঠান করিব, যাহাতে বিদ্যুৎও আমাকে ভয় করিবে। যিনি কালকূট ভক্ষণ করিয়াছেন, যিনি সর্ববস্ত, যিনি ভক্তের প্রার্থনা পরিপূর্ণ করিয়া থাকেন এবং যিনি কালেরও কাল-রূপে বিরাজিত থাকেন, আমি সেই মহাকাল মৃত্যুঞ্জয়ের আরাধনা করিব । ৯৬-৯৯ ।

বিষম শোকাকুল সেই বিজ-দম্পতী, অকালে অমৃত-বৃষ্টির তুল্য তনয়ের এই বাক্য শ্রবণে, বিগত-ভাপ হইয়া বলিতে লাগিলেন, বিনা মেঘে বারিবর্ষণ, দুষ্-সাগর বিনা সুখার উদয় এবং চন্দ্র বিনা জ্যোৎস্নার উদয় তুল্য এই বাক্য, কি নিবন্ধন আমাদিগকে স্থখী করিতেছে। বৎস ! পুনরায় বল, পুনরায় বল, কি প্রকারে কাল তোমাকে দমন করিতে পারে না, সামান্য বিদ্যুতের ত কথাই নাই, এই কথা বারম্বার বল। আমাদের দুঃখনাশের জন্ত, মৃত্যুঞ্জয় মহাদেবের আরাধনারূপ তুমি যে উপায় উদ্ভাবন করিয়াছ, তাহাই শ্রেষ্ঠ। অতএব বৎস ! যিনি মনোরথের অতীত বিষয়ও সম্পাদন করেন, কালহারী সেই মহাদেবের শরণ লও। হে বৎস ! তুমি কি শ্রবণ কর নাই যে, পূর্বকালে সেই ত্রিপুরহারি মহাদেব, খেতকেতুকে কাল-পাশ হইতে মোচন করিয়াছিলেন এবং অষ্টমবর্ষীয় শিলাদ-তনয়কে মৃত্যুগ্রস্ত দেখিয়া, নন্দীরূপে আপনার নিকট রক্ষা করিয়াছিলেন। সেই মহেশ্বরই সমুদ্র-মন্স্থনে সমুদ্ভূত প্রলয়কালীন অনলের ন্যায় তীব্র হলাহল পান করিয়া, ত্রিভুবনকে রক্ষা করিয়াছিলেন। যে জালন্ধর নামক দৈত্য মহাদর্পে ত্রিভুবনের সম্পদ অপ-হরণ করিয়াছিল, মহাদেব স্বীয় চরণের অঙ্গুষ্ঠেরেখা হইতে সমুদ্ভূত চক্রের দ্বারা তাহাকে বিনাশকরতঃ ত্রিভুবন রক্ষা করিয়াছিলেন। যে ধূজ্জটি, পূর্বকালে বিষ্ণুকে

বাণস্বরূপ কল্পনা করিয়া ইষুপতনসঙ্ঘাত অনলের দ্বারা ত্রিপুর দহন করিয়াছিলেন । যিনি ত্রিভুবনের ঐশ্বর্যলাভে বিমূঢ় অন্ধকনামক অসুরকে শূলের অগ্রভাগে বিদ্ধ করিয়া, দশ সহস্র বৎসর তেজের দ্বারা শোষণ করিয়াছিলেন, এবং যিনি বিশ্ব-বিজয়ে গর্বিত কন্দর্পকে দেবগণের সমক্ষে নেত্রাগ্নির দ্বারা দক্ষকরতঃ অঙ্গহীন করিয়াছিলেন । ১০০-১১১ । হে বৎস ! ব্রহ্মাদি দেবগণেরও একমাত্র কর্তা এবং মেঘবাহন ও বিশ্বের রক্ষামণি সেই দেবদেবের শরণ লও । ১১২ ।

গৃহপতি পিতামাতার আজ্ঞা পাইয়া, তাঁহাদিগকে প্রদক্ষিণকরতঃ বহুবিধ আশ্বাস প্রদান করিয়া, তথা হইতে নির্গত হইলেন । অনন্তর তিনি কাশীতে আসিয়া উপস্থিত হইলেন । যে কাশী ব্রহ্মা ও নারায়ণ প্রভৃতিরও দুর্লভ, স্বয়ং বিশ্বেশ্বর যে কাশীকে প্রলয়ের সম্ভাপ হইতে রক্ষা করিতেছেন, যে কাশীর কণ্ঠদেশে বিচিত্র গুণশালিনী ও নীহারের আয় শ্বেতবর্ণ ভাগীরথী হাররূপে বিরাজিত রহিয়াছেন । যে কাশী বরণা নদীর দ্বারা জীবগণের বহুবিধ সংসারক্লেশ বারণ ও অসিধারার দ্বারা তাহাদিগের পাপসমূহকে ছেদন করিতেছেন । দৃঢ়রূপে অষ্টাদ্ব্যযোগের অমুষ্ঠানে যে কৈবল্যমুক্তি লাভ হয়, যে কাশী সম্যকপ্রকারে সেই মুক্তি বিকাশ-পূর্বক পণ্ডিতজনকর্তৃক “কাশিকা” বলিয়া কীৰ্ত্তিত হইতেছেন । ১১৩-১১৭ ।

গৃহপতি, সংসারতাপ-সন্তপ্ত ও আকর্ণবিস্তৃত-লোচনদ্বয়ের দ্বারা সেই কাশীপুরী দর্শন করিলেন । তদনন্তর তিনি প্রথমেই মণিকর্ণিকায় গমন করিলেন এবং তথায় যথাবিধি স্নান করিয়া, বিশ্বেশ্বরের মন্দিরে গমনপূর্বক তাঁহাকে দর্শন ও প্রণাম করিয়া, বারম্বার শিবলিঙ্গের প্রতি দেখিতে দেখিতে, হৃদয়ে বিশেষ প্রীতিলাভ করিলেন ও মনে মনে ভাবিতে লাগিলেন যে, যথার্থই ইহা পরনানন্দের স্থান । ত্রিভুবনে আজ আমার আয় ভাগ্যবান কেহ নাই, কারণ আমি ভগবান্ বিশ্বনাথকে দর্শন করিলাম । ১১৮-১২১ । ত্রিভুবনের বাবতীয় সারপদার্থ একস্থানে এই লিঙ্গাকারে অবস্থান করিতেছেন, কিম্বা স্ফারসমুদ্র হইতে এই গীষুধপিণ্ড উদ্ভিত হইয়াছে । অথবা ইহা আত্মজ্ঞানস্বরূপ তেজের প্রথম অঙ্কুর, অথবা ব্রহ্মানন্দ সুকন্দ কিম্বা ব্রহ্মরসায়ন, যোগিগণের হৃদয়পদ্ম বাঁহার আলয় এবং বাঁহার কোন আকার নাই, তিনিই কি লিঙ্গচ্ছলে এই আকার ধারণ করিয়া রহিয়াছেন ? অথবা ইহা নানারত্ন-পরিপূর্ণ ব্রহ্মাণ্ডভাণ্ড, অথবা ইহা মোক্ষ-বৃক্ষের ফল-স্বরূপ, তাহাতে কোন সন্দেহ নাই । কিম্বা ইহা মোক্ষ-লক্ষ্মীর স্মৃদর কুসুমযুক্ত কেশপাশ, অথবা ইহা স্তাবক-গণের অভীষ্টপ্রদ কৈবল্যরূপ মল্লিকার স্তবক, অথবা নিঃশ্রেয়স লক্ষ্মীর ক্রৌড়া-কন্দুক, ইহা কি অপবর্গরূপ উদয়াচল হইতে সমুদিত সুধাকর ? অথবা সংসার-মোহ-তিমির

বিনাশী ভাস্কর? অথবা ইহা কল্যাণ-স্বরূপা রমণীর বেশভূষার রমণীয় দর্পণ? আঃ! জানিলাম, ইহা অণু কিছুই নহে, ইনি সমস্ত জীবগণের বহুবিধ কৰ্ম্মবীজের অদ্ভুত আধার-স্বরূপ। নির্বাণপ্রদ এই শিবলিঙ্গে, যেহেতু সমস্ত জীবগণের কৰ্ম্মরূপ বীজসমূহ বিলয়প্রাপ্ত হয়; এই নিমিত্তই ইহার নাম “শিবলিঙ্গ”। ১২২-১৩০। আমারই ভাগ্যবলে মহর্ষি নারদ আমাদের কুটীরে আগমন করিয়া, সেই সমস্ত কথা বলিয়াছিলেন, তাহাতেই আমি বিশ্বনাথকে দর্শন করিয়া, কৃতকৃত্য হইলাম। এবম্বিধ আনন্দামৃতরসের দ্বারা গৃহপতি পরিতৃপ্ত হইতে লাগিলেন। তদনন্তর শুভদিনে সকলের হিতপ্রদ একটা শিবলিঙ্গ স্থাপন করিয়া, অজ্ঞিতেন্দ্রিয় ব্যক্তিগণের দুষ্কর কঠোর নিয়মসমূহ অবলম্বন করিলেন। পবিত্রহৃদয় গৃহপতি, প্রত্যহ বস্ত্রপুত গজাজল-পূর্ণ অষ্টোত্তর শত ঘণ্টার দ্বারা মহাদেবকে স্নান করাইয়া, নীলোৎপলময়ী মালা সমর্পণ করিতে লাগিলেন। সেই মালা একসহস্র আটটি পদ্মে নির্মিত হইত। তিনি ছয় মাস ধরিয়া সার্কি গুপ্তদিবস অন্তর, ফলমূল আহাৰ করিয়া রহিলেন। ছয় মাস কেবল বায়ুভক্ষণ করিয়া রহিলেন। ছয় মাস কেবল বারিবিन्दু পান করিয়া রহিলেন। এইরূপে দুই বর্ষকাল অতীত হইলে, তাঁহার বয়ঃক্রম দ্বাদশ বৎসর হইল, তখন নারদের বাক্য সত্য করিবার জন্ম, ইন্দ্র তাঁহার নিকট আগমনকরতঃ কহিলেন, হে বিপ্র! তোমার এই সমস্ত পবিত্র আচরণে আমি প্রসন্ন হইয়া বর প্রদান করিতেছি। আমার নাম শতক্রতু, যাহা তোমার অভিলাষ হয়, আমার নিকট প্রার্থনা কর। মহেন্দ্রের এই বাক্য শ্রবণ করিয়া, মুনিকুমার গৃহপতি ধীরভাবে মধুরস্বরে কহিতে লাগিলেন, হে মঘবন্! হে রত্নশত্রো! আপনাকে জানি, আপনিই বজ্রপাণি, আমি আপনার নিকট কোন বর প্রার্থনা করি না, মহাদেবই আমাকে বর প্রদান করিবেন। ১৩১—১৪১।

ইন্দ্র কহিলেন, হে বালক! আগা হইতে অতিরিক্ত কোন মহাদেব নাই, আমিই দেবগণের অষ্ট্রিপতি, তুমি বালকতা পরিত্যাগপূর্বক আমার নিকট বর প্রার্থনা কর। ১৪২।

গৃহপতি কহিলেন, হে অহল্যার পতি! হে সাধো! হে গোত্রভিদ! হে পাক-শাসন! আপনি গমন করুন, দেবদেব মহাদেব ব্যতীত অণু কাহারও নিকট আমি বর প্রার্থনা করি না। ১৪৩। ইন্দ্র গৃহপতির এই বাক্য শ্রবণে ক্রোধে আরক্ত-লোচন হইয়া, বজ্র উত্ততকরতঃ বালককে ভয় দেখাইতে লাগিলেন। বালক গৃহপতি, শত বিদ্যাভ্যাস তেজে পরিপূর্ণ সেই বজ্র নিরীক্ষণকরতঃ নারদের বাক্য স্মরণপূর্বক ভয়ে বিহ্বল হইয়া মুচ্ছিত হইয়া পড়িলেন। ১৪৪—১৪৫।

তখন তপোৱাপু ভবানীপতি শঙ্কর তথায় আবির্ভূত হইলেন, এবং গৃহপতিকে হস্তের দ্বারা স্পর্শপূর্বক চৈতন্য প্রদান করিয়া, বলিতে লাগিলেন, হে বৎস ! তুমি উত্থান কর, উত্থান কর, তোমার কলাগ হউক । তখন গৃহপতি স্তম্ভোৎখিত ব্যক্তির ন্যায় নয়ন-কমল উন্মীলনকরতঃ উৎখিত হইয়া, সম্মুখে শত-সূর্য্যের ন্যায় তেজস্বী শস্যুকে দর্শন করিলেন । তাঁহার কপালে লোচন, কণ্ঠে কাল, বৃষধ্বজ, বামার্জে সন্নিবিষ্ট হিমাদ্রি-তনয়া, ভালে চন্দ্র, মস্তকে জটাভার, হস্তে কপাল, ত্রিশূল ও অজগর ধনুঃ, কর্পূরের ন্যায় শ্বেতবর্ণ দেহ এবং পরিধানে গজ-চর্ম্ম দর্শনকরতঃ, গুরুবাক্য এবং শাস্ত্রমতে তাঁহাকে মহাদেব জানিতে পারিয়া, হর্ষে বাস্পাকুললোচনে কণ্টকিত শরীরে ক্ষণকাল চিত্রপুস্তলিকার মত স্তম্ভিত হইয়া রহিলেন, এবং স্তম্ভা কিস্বা নমস্কার বা কিছু বিজ্ঞাপন করিতে না পারিয়া, আত্ম-বিস্মৃতির ন্যায় অবস্থান করিতে লাগিলেন । তাঁহার এবস্তৃত ভাব দর্শনে কিঞ্চিৎ হাস্য করিয়া, শঙ্কর বলিতে লাগিলেন । ১৪৬-১৫২ ।

শঙ্কর কহিলেন, হে বালক গৃহপতে ! আমি জানিতেছি যে, তুমি বজ্রোত্ত-কর ইন্দ্রকে দর্শন করিয়া ভয় পাইয়াছ, হে শিশো ! তোমার কোন ভয় নাই, আমিই ইন্দ্ররূপে তোমাকে ভয় প্রদর্শন করাইয়াছি । আমার ভক্তের নিকট ইন্দ্র, বজ্র বা যম কোন প্রকার ক্ষমতা প্রকাশ করিতে পারেন না । আমি তোমাকে বর প্রদান করিতেছি, তুমি অগ্নিপদবাচ্য হও, এবং তুমি সমস্ত দেবগণের মুখ-স্বরূপ ও সমস্ত ভূতগণের অন্তঃস্থ হইবে, আর তুমি যম ও ইন্দ্রলোকের মধ্যস্থলে দিক্‌পতিরূপে রাজ্যপালন কর । তোমার প্রতিষ্ঠিত এই শিবলিঙ্গ তোমারই নামে “অগ্নীশ্বর” বলিয়া বিখ্যাত হইবে । যাহারা ইহার ভক্ত হইবে, তাহাদের বিদ্যা ও অগ্নি হইতে কোন ভয় থাকিবে না এবং তাহাদের কখন অগ্নিমন্দ্য বা অকাল-মৃত্যু হইবে না । ১৫৩—১৫৮ । কাশীক্ষেত্রে সর্বপ্রকার সমৃদ্ধিপ্রদ অগ্নীশ্বরের আরাধনা করিয়া, যে ব্যক্তি দৈবাধীন অশ্রুত মৃত হয়, সে ব্যক্তি অগ্নিলোকে বাস করিয়া থাকে এবং প্রলয়কালে পুনরায় কাশীপ্রাপ্ত হইয়া, মোক্ষলাভ করিয়া থাকে । বীরেশ্বরের পূর্বদিকে ও গঙ্গার পশ্চিমতটে অবস্থিত অগ্নীশ্বরের আরাধনা করিলে, অগ্নিলোকে বাস করিতে পারা যায় । হে দিগীশ ! গৃহপতে ! তুমি স্বীয় জনক, জননী ও আত্মীয়বর্গের সহিত এই রথে আরোহণ-করতঃ অগ্নিলোকে গমন কর । এই কথা বলিয়া মহাদেব, গৃহপতির বক্ষু ও পিতামাতাকে আনয়নপূর্বক তাঁহাদের সম্মুখে গৃহপতিকে দিক্‌পতিরূপে অভিষেক করিয়া, সেই লিঙ্গমধ্যে অন্তর্হিত হইলেন । ১৫৯—১৬২ ।

গণদ্বয় कहिलेन, हे शिवशर्म्मा । এই তোমায় অগ্নির স্বরূপ বর্ণন করিলাম, তোমার আর কি শ্রবণ করিতে অভিলাষ আছে, তাহা বল, আমরা বলিতেছি । ১৬৩ ।

## দ্বাদশ অধ্যায় ।



### নিখাতি ও বরুণলোক-বর্ণন ।

শিবশৰ্ম্মা कहिलेन, हे पुरुषोत्तम-पादपद्मसेवक पुरुषश्रेष्ठ गणद्वय ! यथाक्रमे नैखर्त प्रभृति लोकसमूह वर्णन करुन । ১ ।

গণদ্বয় कहिलेन, हे महाभाग ! संयमनो पुरीर पश्चिमभागे दिक्पति निखर्तेर এই লোকের বিষয় শ্রবণ কর, এস্থানে পুণ্য-অপুণ্যশীল দ্বিবিধ লোকই বাস করে । যাহারা রাক্ষস-যোনিতে জন্মগ্রহণ করিয়াও কখন পরের হিংসা করে নাই, এই সেই পুণ্যজনগণ অবস্থান করিতেছে । যাহারা নীচ-যোনিতে জন্মগ্রহণ করিয়াও শ্রুতি ও স্মৃতির অনুযায়ী আচার অবলম্বনকরতঃ, কখনও অখাদ্য ভোজন করে নাই এবং পরস্ট্রী, পরদ্রব্য ও পরদ্রোহে পরাশ্রুত হইয়া, কেবল পুণ্য কর্মের অনুষ্ঠান করিত এবং ব্রাহ্মগণের সেবা করিয়া, প্রাপ্ত অর্থের দ্বারা শরীরযাত্রা নির্বাহ করিত ও সদা সঙ্কুচিত হইয়া, ব্রাহ্মগণের সহিত সম্ভাষণাদি করিত, স্বামিন্ ইত্যাদি সম্বোধনপুরঃসর ব্রাহ্মগণের নিকট বস্ত্রদ্বারা বদন আবৃত করিয়া কথা कहিত এবং সতত তীর্থ-স্নান ও দেবপূজাপুরায়ণ থাকিত, নিত্য স্বীয় নামকখনপূর্বক ব্রাহ্মগণকে প্রণাম করিত এবং সর্বদা আবশ্যকীয় কর্মে নিযুক্ত থাকিত, তাহারা সর্ববিধ ভোগসম্পন্ন হইয়া, এই উৎকৃষ্ট পুরীতে বাস করিতেছে । দম, দান, দয়া, ক্ষমা, শৌচ, ইন্দ্রিয়নিগ্রহ, অস্তোয়, সত্য এবং অহিংসা এই কয়টি সকলেরই ধর্মের কারণ । ২—১০ । ব্লেচ্ছ হইয়াও যাহারা আত্মহত্যা করে না ও মুক্তিক্ষেত্র কাশী ভিন্ন অন্য তীর্থে মৃত্যুলাভ করে, তাহারাও এই স্থানে বাস করিয়া থাকে । যাহারা আত্মহত্যা করে, তাহারা ঘোর অন্ধকারে নিপতিত হয়, এবং সহস্র নরক ভোগকরতঃ, গ্রাম্য-শূকর হইয়া জন্মগ্রহণ করে । আত্মঘাতীর ইহ এবং পরকালে কল্যাণ নাই, অতএব বুদ্ধিমান ব্যক্তি কখনই আত্মহত্যা

করিবে না । কোন কোন তত্ত্বজ্ঞানী ব্যক্তির সমস্ত তীর্থের শ্রেষ্ঠ এবং সর্বাভি-  
লাষপ্রদ প্রয়াগধামে যথেষ্ট-মরণের ব্যবস্থা দিয়া থাকেন । নীচজাতি হইয়াও  
যাহারা দয়া ও ধর্মমার্গানুসারে পরের উপকারে নিরত থাকিত, তাহারা সাধুশ্রেষ্ঠ-  
রূপে এই স্থানে বাস করিয়া থাকে । ১১—১৫ ।

এই দিক্‌পতির পূর্ববাবস্থা কীর্তন করিতেছি শ্রবণ কর । পূর্বকালে বিষ্ণা-  
পর্বতের বনমধ্যে শবরগণের অধিপতি পিঙ্গাক্ষ নামে এক শবরশ্রেষ্ঠ, নির্বিষ্ণা  
নদীর তটে বাস করিত । সে অতিশয় বলবান ও ক্রুর-কর্ম্মসমূহে পরাভূত ছিল  
এবং দূরে অবস্থিত হইয়াও পথিকগণের পথরোধক ও ব্যাঘ্র প্রভৃতি হিংস্রজন্তু-  
গণকে যত্নের সহিত বিনষ্ট করিত । ব্যাঘ্র-বৃন্তি তাহার জীবিকা হইলেও, সে  
অতিশয় দয়ালু ছিল, সে কখন, বিশ্বস্ত, সুপ্ত, ব্যাঘ্রযুক্ত, জলপানে নিরত, শিশু  
বা গর্ভযুক্ত পশু-পক্ষী হনন করিত না । ১৬—২০ । সেই ধর্ম্মজ্ঞব্যক্তি, শ্রমাতুর  
পথিকদিগকে বিশ্রামস্থান ও ক্ষুধাতুর ব্যক্তিগণকে আহার প্রদান ও বাহাদিগের  
পাছুকা নাই তাহাদিগকে পাছুকা প্রদান করিত । বস্ত্রহীন ব্যক্তিদিগকে কোমল  
মৃগচর্ম্ম প্রদান করিত । দুর্গম প্রান্তরপথে পথিকগণের অনুগমন করিয়া,  
তাহাদিগকে অভয় প্রদান করিত এবং তাহাদিগের নিকট কোন অর্থগ্রহণের  
প্রত্যাশা রাখিত না এবং বলিয়া দিত যে, বিষ্ণাটবীর শেষ সীমা পর্য্যন্ত আমার  
নাম গ্রহণ করিও, তাহাতে দুর্ষ্ট ব্যক্তি হইতে কোন ভয় থাকিবে না । সে ব্যক্তি  
পথিকদিগকে পুত্রের আয় দর্শন করিত, তাহারাও প্রত্যেক তীর্থে গমন করিয়া,  
তাহাকে আশীর্ব্বাদ করিত । ২১—২৪ ।

পিঙ্গাক্ষের এবাধ্ব আচরণে, সেই প্রান্তরভূমি নগরের তুল্য হইয়াছিল, কোন  
ব্যক্তি ভয়ে পথিকের পথরোধ করিতে পারিত না । ২৫ । কোন সময়ে, সন্নিকটস্থ  
গ্রামনিবাসী পিঙ্গাক্ষের পিতৃব্য, পথিকগণের মহাকোলাহল শ্রবণকরতঃ, তাহাদের  
ধন অপহরণ করিবার অভিলাষে, তাহাদিগকে নিধন করিবার জন্য প্রচ্ছন্নভাবে  
পথ অবরোধ করিয়া রহিল । কিন্তু আয়ুঃশেষ হইয়াছে বলিয়াই দৈবক্রমে  
পিঙ্গাক্ষও, সেই দিবস রাত্রিকালে সেই গরণ্যে মৃগয়া করিতে যাইয়া, পথের  
নিকট অবস্থান করিতেছিল । ২৬—২৮ । যাহারা পরের প্রাণ বিনাশ করিয়া  
থাকে, তাহাদের সকল অভিলাষ পূর্ণ হয় না, এই নিমিত্তই বিশ্বপতিকর্তৃক রক্ষিত  
এই বিশ্ব কুশলে অবস্থান করিতেছে । ২৯ । যাহা বিধাতার লিখন, তাহা অবশ্যই  
হইবে, কাজেই বিজ্ঞব্যক্তি কখন কাহারও অনিষ্ট চিন্তা করিবেন না, করিলে  
কেবল পাপভাগীমাত্র হইবে । অতএব যে ব্যক্তি আপনার সুখ ইচ্ছা করিবে,

সে ইচ্ছ বা অনিচ্ছ চিন্তা করিবে না, একান্তই তাহাকে যদি চিন্তা করিতে হয়, তবে অল্প চিন্তা পরিত্যাগপূর্ব্বক কেবল মোক্ষের উপায় চিন্তা করা কর্তব্য। ৩০—৩১।

এদিকে রাত্রি প্রভাত হইলে, “হে বীরগণ! শীঘ্র মার, পাতিত কর, নগ্ন কর। হে বীরগণ! আমরা তীর্থযাত্রী, আগাদিগকে মারিও না, রক্ষা কর। আমাদের যাহা কিছু আছে, তোমরা সমস্তই লুণ্ঠন কর। আমরা পথিক ও অনাথ, কিন্তু বিশ্বনাথপরায়ণ, সুতরাং তিনিই আমাদের রক্ষাকর্তা, কিন্তু তিনিও দূরে অবস্থিত, আমাদের আর কেহই রক্ষাকর্তা নাই। আমরা পিজ্ঞাক্ষের ভরসায় সর্বদা এই পথে যাতায়াত করিয়া থাকি, কিন্তু সেও এ বন হইতে অনেক দূরে অবস্থান করিতেছে।” দম্ভ্য ও যাত্রিগণের পরস্পর এইরূপ কোলাহল শ্রবণকরতঃ, দূর হইতে, “ভয় করিও না, ভয় করিও না”, বলিতে বলিতে, পথিকগণের বন্ধু পিজ্ঞাক্ষ, যাত্রিগণের কর্ম্ম-সূত্রে আকৃষ্ট হইয়া, তাহাদের জীবন থাকিতে তথায় আসিয়া উপস্থিত হইল এবং বলিতে লাগিল, “আমি জীবিত থাকিতে কোন্ কোন্ দুর্ভাগ্য আমার প্রাণলিপ্সু তুল্য পথিকগণকে প্রাণে মারিয়া লুণ্ঠন করিতে অভিলাষ করিয়াছে” ? ৩২—৩৮। পিজ্ঞাক্ষের পিতৃব্য, পান্ডাত্মা তারাক্ষ এই সমস্ত বাক্য শ্রবণ করিয়া, ধনলোভে পিজ্ঞাক্ষের নিধনোপায় চিন্তা করিতে লাগিল যে, “এই কুলাঙ্গার স্বীয় কুলধর্ম্ম অতিক্রম করিয়া ব্যবহার করিতেছে, ইহার নিমিত্ত আমি অনেক দিন হইতে ভাবিতেছি, আজ নিশ্চয়ই ইহাকে বধ করিব”। দুর্ভাগ্য তারাক্ষ এইরূপ নিশ্চয় করিয়া, ক্রোধে স্বীয় অনুচরগণকে আজ্ঞা করিল যে, তোমরা অগ্রে পিজ্ঞাক্ষকে বধ কর, অনন্তর এই সমস্ত যাত্রিগণের প্রাণ-বধ করিও। ৩৯-৪১। তদনন্তর সেই দুর্ভাগ্যগণ সকলে মিলিত হইয়া, পিজ্ঞাক্ষের সহিত যুদ্ধ করিতে লাগিল। পিজ্ঞাক্ষ একাকী সেই দম্ভ্যগণের সহিত যুদ্ধ করিতে করিতে, কোন প্রকারে যাত্রিগণকে আপনার বাসস্থানের নিকট আনয়ন করিলেন। ৪১। অবশেষে দম্ভ্যগণকর্তৃক ধনুর্বাণ ও কবচ ছিন্ন হইলে, অস্ত্রাঘাতে বিক্ষতশরীর হইয়া, অস্তিমকালে, “আমি যদি ঈশ্বর হইতাম, তাহা হইলে এই দম্ভ্যগণকে বিনাশ করিতে পারিতাম” এই ভাবিতে ভাবিতে কেবল পরোপকারের জন্য প্রাণ পরিত্যাগ করিল। যাত্রিগণও সম্মুখে গ্রামপ্রাপ্ত হইয়া নির্ভয়ে অবস্থান করিল। ৪৩-৪৪। অস্তিমকালে প্রাণিগণের বাদুশ মতি থাকে, অস্তে



তদনুরূপ গতিলাভ হয়। এই জন্যই সেই পিঙ্গাক্ষ নৈঋতেশ্বররূপে দিক্‌পতি হইয়া, নৈঋতে অবস্থান করিতেছেন। এই আমরা ইহার বিষয় কীৰ্ত্তন করিলাম। ইহার উত্তরে অতি আশ্চর্য্য বরুণলোক অবস্থিত রহিয়াছে। ৪৫-৪৬।

যাহারা আয়োগার্জ্জিত ধনের দ্বারা, কুপ, পুষ্করিণী ও তড়াগ নির্মাণ করান, তাঁহারা বরুণের আয় প্রভাবিশিষ্ট হইয়া, এই বরুণলোকে অবস্থান করিয়া থাকেন। যাহারা জল-বিহীন প্রদেশে জলদানকরতঃ পরের সম্ভাপ হরণ করেন, যাহারা অর্থিগণকে বিচিত্র ছত্র ও জলপূর্ণ কমণ্ডলু দান করেন, যাহারা নানাবিধ স্নিগ্ধ দ্রব্যের সহিত জলছত্র প্রদান করিয়া থাকেন, যাহারা সঙ্গক্ষয়ুক্ত বারিপূর্ণ ঘট ধর্ম্মার্থে প্রদান করেন, যাহারা অশ্বখবৃক্ষে জলসেচন করেন এবং যাহারা পথপার্শ্বে বৃক্ষ-রোপণ করিয়া, জলসেকের দ্বারা তাহাকে বর্দ্ধিত করেন। শ্রান্ত পথিকজনের বিশ্রামের জন্ত যাহারা পান্থশালা নির্মাণ করিয়া দেন, গ্রীষ্মকালে যাহারা গ্রীষ্মের উত্তাপ-নিবারক এবং বিচিত্র ময়ূরপুচ্ছাদির দ্বারা নির্ম্মিত তালবৃন্ত ( পাখা ) দান করেন। ৪৭-৫১। গ্রীষ্মের সময় যাহারা সরস, স্নগন্ধি ও শীতল পানীয়সমূহ, লোকের তৃপ্তি পর্য্যন্ত বিতরণ করিয়া থাকেন এবং যাহারা সংকল্প করিয়া ত্রাণগণকে ইক্ষুক্ষেত্র এবং নানাবিধ মিষ্টদ্রব্য প্রদান করেন। যাহারা গো-দুগ্ধ প্রদান করেন, যাহারা গাভী ও মহিষী প্রদান করেন, যাহারা ধারা-মণ্ডপ নির্মাণ এবং যাহারা ছায়া-মণ্ডপ নির্মাণ করিয়া দেন, যাহারা দেবালয়ে সহস্রধার গলন্তিকা ( ঝারা ) নির্মাণ করাইয়া দেন, যাহারা তীর্থের কর উঠাইয়া দেন, যাহারা তীর্থের পথসমূহ পরিষ্কার করান এবং যাহারা ভীত ব্যক্তিকে হস্ত উত্তোলনপূর্ব্বক অভয় প্রদান করেন, সেই সমস্ত ব্যক্তিই এই বরুণ-লোকে নির্ভয়ে সুখে অবস্থান করিয়া থাকেন। দুষ্ক ব্যক্তিকর্তৃক রজ্জুতে আবদ্ধ ব্যক্তিকে যাহারা মোচন করেন, তাঁহারা, অকুতোভয়ে, এই পাশহস্ত বরুণের লোকে অবস্থান করিয়া থাকেন। এই বারুণীদিকের অধীশ্বর বরুণই, সমস্ত জলরাশির একমাত্র অধিপতি এবং সমস্ত কর্ম্মের সাক্ষী। এই মহাত্মা বরুণের উৎপত্তিবিবরণ শ্রবণ কর। ৫২-৬১।

প্রজাপতি কর্দ্দমের পুত্র, শুচিমান্ন নামে বিখ্যাত এক মুনি ছিলেন। তিনি বিনয়, স্থিরতা, মাধুর্য্য ও ধৈর্য্য প্রভৃতি সঙ্গুণসমূহে ভূষিত ছিলেন। কোন সময়ে তিনি বালকগণের সহিত অচ্ছাদ-সরোবরে স্নান করিতে গমন করেন, তথায় জল-ক্রীড়ায় আসক্ত থাকায়, তাঁহাকে জল-জন্তুতে হরণ করিল। তখন অন্যান্য বালকগণ ফিরিয়া আসিয়া, তাঁহার পিতাকে সেই বিপত্তির কথা জানাইল।

তখন তাঁহার গিতা, সমাধিতে চিস্তা একাগ্র করিয়া, মহাদেবের আরাধনায় নিমগ্ন ছিলেন। বালকগণের মুখে স্বীয় পুত্রের এই বিপদ শ্রবণ করিয়াও, তাঁহার মন বিচলিত হইল না, বরং তিনি অধিক একাগ্রতার সহিত সর্বজ্ঞ ত্রিলোচনের চিস্তা করিতে লাগিলেন। তখন তিনি মহাদেবের নিকটে চতুর্দশ ভুবন দর্শন করিতে লাগিলেন এবং ব্রহ্মাণ্ডের অন্তর্গত নানাবিধ ভূতগণ, চন্দ্র, সূর্য্য, গ্রহ, নক্ষত্র, পর্বত নদী, বৃক্ষ, সমুদ্র, অরণ্য, সরোবর এবং নানাপ্রকার দেবতা ও তাঁহাদের নানাবিধ পুরী, বহুতর বাপী, কূপ, তড়াগ, এবং বহুতর পুষ্করিণী দর্শন করিলেন। তন্মধ্যে কোন একটা সরোবরে বহুতর মুনি-তনয় জলক্রীড়া করিতেছে দেখিতে পাইলেন। কেহ জল হইতে উপরে উঠিতেছে, কেহ বা জলে ডুব দিতেছে, কেহ হস্তের মুষ্টির মধ্যে জল লইয়া ফোয়ারা ছুড়িতেছে। কেহ বা হস্তের দ্বারা সজোরে জল-তাড়ন করিতেছে, তদুখিত শব্দে দিগ্‌মণ্ডল প্রতিধ্বনিত হইতেছে। ৬২-৭২।

কর্দম মুনি সমাধিবলে সেই বালকগণের মধ্যে আপনার পুত্রকে দেখিতে পাইলেন; দেখিলেন এক জলজন্তু তাহাকে আক্রমণ করিয়া লইয়া বাইতেছে, তাহাতে তাঁহার তনয় কতিশয় বিহ্বল হইয়া পড়িয়াছে। ৭৩। ইঠাৎ কোন জলদেবী আসিয়া সেই দুই জল-জন্তুর নিকট হইতে তাঁহার তনয়কে উদ্ধার করিয়া, সমুদ্রের নিকট সমর্পণ করিলেন। ৭৪। তদনন্তর ত্রিশূল-হস্তে রুদ্ররূপী কোন দেবতা আসিয়া জলধিকে তিরস্কার করিয়া, বলিতে লাগিলেন যে, হে জলাধিপ! তুমি শিবের সামর্থ্য না জানিয়া, কি কারণে শিবভক্ত মহাভাগ প্রজাপতি কর্দমের তনয়কে এতক্ষণ আবদ্ধ রাখিয়াছিলে? জলধি এই বাক্য শ্রবণে ভয়ে ত্রস্ত হইয়া, মুনি-তনয়কে নানাবিধ রত্নে ভূষিত করিয়া এবং সেই দুই জল-জন্তুকে বন্ধন করিয়া, আনয়নপূর্ব্বক শস্ত্র চরণ-কমলের নিকট সমর্পণ করিলেন। এবং মহাদেবকে প্রণামকরতঃ, বলিতে লাগিলেন যে, হে বিভো! হে অনাথ-নাথ! হে বিশেষ! হে বিপদহারণ! হে ভক্ত-কল্পতরো! হে শস্তো! এই দুই জলজন্তু শিব-ভক্তের তনয়কে আনয়ন করিয়াছে, হে নাথ! আমি ইহাকে আনয়ন করি নাই। ৭৫-৮০।

অনন্তর সেই রুদ্ররূপী দেব, অন্তরে মহাদেবের অভিপ্রায় জানিয়া, সেই জলজন্তুকে পাশবন্ধকরতঃ, মুনি-তনয়ের হস্তে সমর্পণ করিলেন ও বাললেন যে, “ইহাকে গ্রহণ কর, এবং হে বৎস! তুমি স্বীয় গৃহে গমন কর”। সমাধি-সময়ে, উদারবুদ্ধি, প্রজাপতি কর্দম, মহাদেবের আদেশপ্রাপ্ত রুদ্রগ্রাণের এই সমস্ত বাক্য শ্রবণ করিয়া, সমাধি-অবস্থা পরিত্যাগপূর্ব্বক যেমন নয়ন উন্মালনকরতঃ দৃষ্টিক্ষেপ করিলেন; অমনি সম্মুখে স্বায় তনয়কে দেখিতে পাইলেন। এবং দেখিলেন যে, পুত্র বহুবধ

অলঙ্কৃত রহিয়াছেন এবং তাঁহার জল-জন্তুটীও রহিয়াছে। ৮১-৮৪। এবং পুত্রের শিখার অগ্রভাগ জলে আর্দ্র রহিয়াছে। নয়নাঞ্চল কষায়বর্ণ হইয়াছে, হৃৎ কিছু রুদ্ধ-ভাব ধারণ করিয়াছে ও মনঃ ক্ষুব্ধ ও ভ্রান্ত হইয়াছে। মুনিকুমার আসিয়া পিতাকে প্রণাম করিলেন, তখন কৰ্দ্দম মুনি তাঁহাকে আলিঙ্গনকরতঃ, তাঁহার মুখ-পদ্ম আশ্রয় করিয়া, বারম্বার দর্শন করিয়াও পুনর্জাতের শ্রায় বিবেচনা করিতে লাগিলেন। ৮৫-৮৬। সেই সময়ে মহাদেবের অর্চনায় নিরত কৰ্দ্দম মুনির সমাধিতে পাঁচশত বর্ষ অতীত হইয়াছিল। কিন্তু তিনি সেই পরিমিত কালকে ক্ষণমাত্রের শ্রায় বোধ করিয়াছিলেন, ইহার কারণ যে, মহাকালের নিকট কাল আনিতে পারে না। ৮৭-৮৮।

তদনন্তর কৰ্দ্দমের পুত্র, তাঁহাকে প্রণাম করিয়া, তাঁহার অনুমতি গ্রহণপূর্বক তপস্বী করিবার জন্ত, বারাণসীতে গমন করিলেন। এবং তথায় শিবলিঙ্গ প্রতিষ্ঠা করিয়া, কঠোর তপস্বী করিতে লাগিলেন। তিনি পাঁচ সহস্র বৎসর পাষাণের শ্রায় নিশ্চল থাকিয়া তপস্বী করিলেন। তখন মহাদেব তাঁহার তপস্ব্যায় সন্তুষ্ট হইয়া, তথায় আবির্ভূত হইলেন এবং তাঁহাকে বলিলেন, হে কৰ্দ্দম-তনয়! তোমার অভিলষিত বর প্রার্থনা কর, আমি প্রদান করিতেছি। ৮৯-৯১।

কৰ্দ্দমি কহিলেন, হে নাথ! হে ভক্ত-প্রতিপালক! যদি আপনি আমার প্রতি প্রসন্ন হইয়া থাকেন, তবে আমাকে সমস্ত জল ও জলজন্তুগণের আধিপত্য প্রদান করুন। সর্বপ্রকার অভিলষিত পদার্থের প্রদানকর্তা প্রভু মহেশ্বর, কৰ্দ্দমির এই বাক্য শ্রবণ করিয়া, তাঁহাকে অতিশ্রেষ্ঠ বরুণের পদে অভিষিক্ত করিলেন। এবং বলিলে যে, সমুদ্রজাত যাবতীয় রত্ন, নদী, সরোবর, পঞ্চল এবং দীঘিকার জলসমূহের ও মেঘসমূহের এবং প্রতীচীদিকের তুমি অধীশ্বর হও, এবং পাশপাশি হইয়া, সমস্ত দেবগণের প্রিয়পাত্র হও। আর সমস্ত লোকের কল্যাণের জন্ত, আমি তোমাকে আর একটা বর প্রদান করিতেছি—তোমার প্রতিষ্ঠিত এই শিবলিঙ্গ তোমার নামে “বরুণেশ” বলিয়া, বারাণসীতে বিখ্যাত হইবেন এবং সর্বপ্রকারে সিদ্ধি প্রদান করিবেন। মণিকর্ণিকেশ্বর মহাদেবের নৈঋতদিকে অবস্থিত এই বরুণেশ্বরের আরাধনা করিলে সর্বপ্রকার জড়তা বিনষ্ট হয়। যাঁহারা বরুণেশ্বরের ভক্ত, তাঁহাদের আমা হইতে কোন ভয় থাকিবে না। এবং তাঁহাদের কোন কালে অগ্নি-ভয়, অপঘ্নত্ব-ভয়, জল মধ্যে ভয় এবং তৃষ্ণা-ভয় থাকিবে না। ৯২-৯৯। বরুণেশ্বরের স্মরণ করিলে নীরস অন্নসমূহও নিশ্চয়ই সন্ন্যাস হইবে। ১০০। হে বিজ্ঞ! এই কথা বলিয়া শত্ৰু অস্তব্ধিত হইলেন এবং বরুণ ও

নিজ বন্ধুগণে পরিবৃত্ত হইয়া, তদবধি এই লোকে বাস করিতে লাগিলেন । ১০১ । এই আগরা তোমাকে বরুণলোকের স্বরূপ কীর্তন করিলাম, ইহা শ্রবণ করিলে মানব কুত্ৰাপি অপমৃত্যু প্রভৃতির দ্বারা পীড়িত হয় না । ১০২ ।

## ত্রয়োদশ অধ্যায় ।



### বায়ু ও অলকাপুরী-বর্ণন ।

গণদ্বয় কহিলেন, হে মহাভাগানিধে ! দ্বিজ ! এই বরুণপুরীর উত্তরভাগে অবস্থিত গন্ধবতী নাম্নী বায়ুপুরী শোভা পাইতেছে, বিলোকন কর । ১ । প্রভঞ্জন নামক বায়ু মহাদেবের আরধনা করিয়া, এই পুরীতে দিক্‌পালত্ব প্রাপ্ত হইয়াছেন । ২ ।

পুরাকালে পুতাত্মা নামে কশ্যপের এক পুত্র, মহাদেবের রাজধানী বারাণসী-পুরীতে বিপুল তপস্যা করিতে আরম্ভ করেন । সেই মহাত্মা কশ্যপ-তনয় বারাণসী-ধামে পবনেশ্বর নামে পবিত্র লিঙ্গ-স্থাপন করিয়া, দশ লক্ষ বর্ষ তপস্যা করেন । সেই পবনেশ্বর লিঙ্গের দর্শনগাত্রে মনুষ্য পবিত্র-জীবন লাভ করে এবং অন্ত্যকালে পাপকণ্ডুকস্বরূপ দেহ পরিত্যাগকরতঃ পবনপুরীতে বাস করিতে সমর্থ হয় । ৩—৫ ।

সেই পবনেশ্বর নামক শিবলিঙ্গের সন্নিধানে অতিশয় উগ্র-তপস্যাকারী সেই কশ্যপ-তনয়ের নিকট, তপস্যার ফল-প্রদাতা জ্যোতিঃস্বরূপ ভগবান্ মহেশ্বর লিঙ্গ-মধ্য হইতে আবির্ভূত হইলেন । ৬ । অনন্তর প্রণত কশ্যপ-সুত পুতাত্মাকে সম্বোধন করিয়া, করুণামৃৎসাগর প্রসন্নাত্মা ভগবান্ মহেশ্বর কহিলেন যে, হে সূত্রত ! পুতাত্মন ! তুমি উত্থান কর, উত্থান কর, এবং তোমার অভিলষিত বর প্রার্থনা কর । হে পুতাত্মন ! তোমার এই উগ্র-তপস্যা ও মদীয় লিঙ্গের আরাধনায়, সচরাচর ত্রৈলোক্য মধ্যে এমন কোন পদার্থই নাই ; যাহা তোমাকে না দেওয়া যায় তাহা পাঠ্য । ৭-৮ । পুতাত্মা কহিলেন, হে দেবগণের অভয়প্রদ ! দেবদেব ! মহাদেব ! প্রভো ! ব্রহ্মা, নারায়ণ, ইন্দ্র প্রভৃতি সকল দেবগণেরও আধিপত্য আপনি প্রদান করিয়া থাকেন । ৯ । হে প্রভো ! আপনার স্বরূপ কি তাহা বেদ জানেন না । ইহার কারণ, সেই বেদও আপনার তত্ত্ব-বিচার করিতে গিয়া “ইহা নয়,

ইহা ময়” এইরূপ বিচারকরতঃ অনন্তপথে বিস্তৃত হইয়া পড়িয়াছেন । ১০ ।  
 হে প্রমথেশ ! ব্রহ্মা, বিষ্ণু এবং বৃহস্পতিও বাক্যের দ্বারা আপনার পরিচয় প্রদান  
 করিতে সমর্থ নহেন । হে প্রভো ! মাদৃশ অকিঞ্চন জন, আপনার স্তব করিতে  
 কি প্রকারে সমর্থ হইবে ? । ১১ । হে প্রভো ! তথাপি, ভক্তি আমাকে আপনার  
 স্তবের নিমিত্ত প্রবর্তিত করিতেছে । হে জগন্নাথ ! আমি কি করিব । ইন্দ্রিয়-  
 সকল আমার অধীন নহে । ১২ ।

হে প্রভো ! আপনিই সংসারস্বরূপ, বাস্তবিক এই দৃশ্যমান বিশ্ব হইবে  
 আপনার কোন ভেদ নাই । হে প্রভো ! আপনি সর্ববগত, স্মৃতরাং এ ভুবনে  
 আপনি অদ্বিতীয় । হে দেব ! আপনি স্তুতি, স্তুত্য এবং স্তোতা এই ত্রিরূপ । হে  
 প্রভো ! আপনি সগুণ অথচ আপনি নিগুণ । ১৩ । হে প্রভো ! সৃষ্টির পূর্বে  
 আপনি অদ্বিতীয় এবং রূপ-নামবর্জিতভাবে বিরাজমান ছিলেন । হে দেব !  
 যোগিগণও আপনার পরমার্থতত্ত্ব অবগত নহেন । ১৪ । হে প্রভো ! হে স্বতন্ত্র !  
 আপনি সৃষ্টির পূর্বে একাকী অদ্বিতীয় থাকিলেও, সেই সময়ে সংসারবিলাসের  
 নিমিত্ত আপনার যে ইচ্ছা উৎপন্ন হয়, সেই আশ্রিত ইচ্ছা-শক্তিই আপনার গায়া  
 বলিয়া কীর্তিত । ১৫ । হে দেব ! আপনি এক হইয়াও শিব ও শক্তিভেদে  
 উভয়রূপ ধারণ করিয়াছেন । হে মহেশ্বর ! আপনি জ্ঞান-স্বরূপ ভগবান্ এবং  
 আপনার ইচ্ছা, শক্তিস্বরূপিণী । ১৬ । শিব ও শক্তি এই উভয় পদার্থই নিজের  
 লীলার প্রভাবে ক্রিয়াশক্তি উৎপন্ন করিয়াছেন, সেই ক্রিয়াশক্তি হইতেই এই  
 নিখিল জগৎ সৃষ্ট হইয়াছে । ১৭ । ভবানীপতিই জ্ঞানশক্তি এবং উমাই সাক্ষাৎ  
 ইচ্ছাশক্তি, আর এই বিশ্বই ক্রিয়াশক্তি । হে প্রভো ! অতএব এই ক্রিয়াশক্তি-  
 রূপ বিশ্বের আপনিই কারণ বলিয়া কীর্তিত হইয়া থাকেন । ১৮ । হে প্রভো !  
 বিধাতা আপনার দক্ষিণাঙ্গ, বিষ্ণু আপনার বামাঙ্গ, চন্দ্র, সূর্য্য এবং অগ্নি আপনার  
 নয়ন এবং বেদত্রয়ই আপনার নিখাস বলিয়া পরিকীর্তিত । ১৯ । হে জগদীশ !  
 আপনার গাত্র-স্পন্দ হইতেই সমুদ্ভূতসকল উৎপন্ন হইয়াছে । সমীরণ আপনার শ্রোত্র,  
 দশদিক্ই আপনার বাহনিকর এবং ব্রাহ্মণগণই আপনার মুখ বলিয়া স্মৃত হইয়া  
 থাকেন । ২০ । হে প্রভো ! আপনি ব্রহ্মস্বরূপ, ক্ষত্রিয়শ্রেষ্ঠগণ আপনার বাহুদ্বয়  
 হইতেই উৎপন্ন । বৈশ্যগণ আপনার উরুদেশ হইতে জন্মগ্রহণ করিয়াছে । হে  
 ঈশান ! আপনারই পাদদ্বয় হইতে শূদ্রগণ উৎপন্ন হইয়াছে, হে প্রভো ! মেঘ-  
 নিকরই আপনার কেশসমূহ । ২১ । হে প্রভো ! পুরাকালে পুরুষ ও প্রকৃতিরূপে  
 আপনি এই বিশ্বকে সৃজন করিয়াছেন । এই ব্রহ্মাণ্ডান্তর্গত চরাচর নিখিল পদার্থই

সেই পুরুষ ও প্রকৃতির যোগ হইতে উৎপন্ন হইয়াছে। ২২। হে জগন্ময়! এই সকল কারণে আমি আপনা হইতে ভিন্ন কোন পদার্থের সত্তা স্বীকার করি না। হে প্রভো! আপনাতেই সকল ভূত অবস্থান করিতেছে এবং আপনিই সর্ব-ভূতময়। ২৩। হে প্রভো! আপনাকে পুনঃপুনঃ নমস্কার। হে দেব! আমাকে এই বর প্রদান করুন, যেন, আপনার প্রতি আমার মতি স্থিরভাবে অবস্থান করে। ২৪।

পূতাত্মা এই প্রকার প্রার্থনা করিলে পর, প্রভু দেবেশ মহাদেব, সেই পূতাত্মার উপর নিজ-মূর্ত্তির স্বেচ্ছাপ্রকাশ করিয়া, তাঁহাকে দিকপাল-পদ প্রদান করিলেন। ২৫। অনন্তর মহাদেব কহিলেন, হে পূতাত্মা! তুমি আমার রূপ ধারণ করিয়া, সর্বগতভাবে অবস্থান করিবে। এবং তোমার দ্বারায় জীবগণের নিখিলতত্ত্বের অববোধ হইবে। এবং তুমিই সর্বত্র সকল জীবগণের প্রাণরূপে অবস্থান করিবে। ২৬। বারাগসীস্থিত তোমার প্রতিষ্ঠিত এই দিব্য শিবলিঙ্গ, যে সকল মানবগণ অবলোকন করিবে, তাহারা দেহান্তে সর্বপ্রকার ভোগসমৃদ্ধিযুক্ত হইয়া তোমার লোকে বাস করিতে সমর্থ হইবে। ২৭। যতপি মনুষ্য, জন্মের মধ্যে একবারও এই পবনেশ্বর-লিঙ্গকে স্নগন্ধ বারিধারা স্নান করাইয়া, স্নগন্ধ-চন্দনযুক্ত পুষ্পের দ্বারা যথোক্তবিধানে পূজা করে, তবে সেই ব্যক্তি শিবলোকেও সম্মান লাভ করিতে পায়। জ্যেষ্ঠেশ্বর লিঙ্গের পশ্চিমভাগে এবং বায়ুকুণ্ডের উত্তরভাগে অবস্থিত পবনেশ্বর মহাদেবের আরাধনা করিলে, তৎক্ষণাৎ জীব পবিত্রতাবধারণ করিতে সমর্থ হয়। এই প্রকারে পূতাত্মাকে বর প্রদান করিয়া, মহেশ্বর সেই পবন-লিঙ্গ মধ্যেই অন্তর্হিত হইলেন। ২৮-৩০।

গণদ্বয় কহিলেন, হে শিবশর্মা! তোমার নিকট গন্ধবতীপুরীর বিবরণ সম্যকপ্রকারে নিরূপণ করিলাম। সেই গন্ধবতীপুরীর পূর্বভাগে কুবেরের এই অলকানন্দীপুরী শোভা-পাইতেছে। ৩১। এই পুরীর অধীশ্বর কুবের, মহাদেবের প্রতি ভক্তিযোগবলে তাঁহার সখা হইয়াছেন এবং পদ্মপ্রমুখ নিধিগণেরও দান ও ভোগ করিবার সামর্থ্য প্রাপ্ত হইয়াছেন। ৩২।

শিবশর্মা কহিলেন, এই পুরীর অধীশ্বর কুবের কে? এবং ইনি কাহারই বা পুত্র এবং বাদৃশ ভক্তির বলে ইনি মহাদেবেরও সখা হইয়াছেন, সেই ভক্তিই বা কি প্রকার? এই সকল বিষয় শ্রবণ করিবার জন্য আমার মন অত্যন্ত অভিলাষী। হে গণদ্বয়! আপনাদের বাক্যরূপ সূক্ষ্মবাদের দ্বারা মদীয় মন নিতান্ত স্নিগ্ধ ও শান্ত হইয়া, শ্রবণ-বিষয়ে আসিয়া আপনার বাক্যের প্রতীক্ষা করিতেছে। ৩৩-৩৪।

গগনয় কহিলেন, হে মহাপ্রাজ্ঞ শিবশৰ্ম্মন ! বিশুদ্ধ ইন্দ্রিয়গণের উপর তোমারই যথার্থ আধিপত্য আছে এবং তীর্থ-পর্যটনের দ্বারা অশেষ জন্মসঞ্চিত পাপ হইতে তুমি মুক্তিলাভ করিয়াছ। হে শিবশৰ্ম্মন ! তোমার শ্রায় প্রণয়যুক্ত স্নহদের নিকট কোন্ কথা না বলা যায় ? সাধুগণের সহিত আলাপ করিলে, সকলেরই মঙ্গলবৃদ্ধি হয়। ৩৫-৩৬।

পুরাকালে কাম্পিল্য নামক নগরে, সোমযাগকারীগণের কুলে উৎপন্ন যজ্ঞদত্ত নামে একজন দীক্ষিত ব্যক্তি বাস করিতেন। তিনি নানাবিধ যজ্ঞকৰ্ম্মে বিশারদ ছিলেন। ৩৭। দীক্ষিত যজ্ঞদত্ত বেদ ও বেদান্ত এবং পদার্থ, ধৰ্ম্মশাস্ত্র উত্তমরূপে জানিতেন এবং বেদোক্ত আচারসমূহে তাঁহার পারদর্শিতা ছিল। তৎকালীন রাজা তাঁহাকে অতিশয় মান্য করিতেন। তাঁহার নিকট বহু ধন ছিল এবং তিনি লোকে বদান্ত ও কীর্ত্তিভাজন ছিলেন। ৩৮। তাঁহার চন্দ্রের শ্রায় অতি মনোহরাকৃতি গুণনিধি নামে এক পুত্র হয়। ঐ পুত্র উপনয়নানন্তর গুরুগৃহে বাসকরতঃ অগ্নি-শুশ্রূষায় নিরত ও বেদপাঠ করিতে প্রবৃত্ত হইয়া, কালে বহুতর বিজ্ঞা উপার্জন করিতে লাগিল। কিছুদিন এইরূপে অতিবাহিত করিয়া, গুণনিধি বিধির বিড়ম্বনায় পিতার বিনামুমতিতে দ্যূতকৰ্ম্মে আগ্রস্ত হইয়া পড়িল। ৩৯-৪০। দ্যূতক্রীড়ারত পুত্র গুণনিধি, প্রতিদিনই মাতার নিকট হইতে বহু ধন লইয়া গিয়া দ্যূতকারগণকে প্রদান করিতে লাগিল, এবং সর্বদাই তাহাদের সহিত বন্ধুভাবে বাস করিতে আরম্ভ করিল। ৪১। গুণনিধি ক্রমে ক্রমে ব্রাহ্মণের কর্তব্য আচার সকল পরিত্যাগ করিল, সন্ধ্যা ও স্নানে পরাঙ্মুখ হইল। বেদশাস্ত্র প্রভৃতির নিন্দা করিতে আরম্ভ করিল এবং সর্বদা দেবতা ও ব্রাহ্মণগণের জুগুপ্সা করিতে প্রবৃত্ত হইল। ৪২। এই প্রকারে ধৰ্ম্মশাস্ত্রোক্ত আচার সমুদয় পরিত্যাগ করিয়া গুণনিধি নাট্যকার, বিড়ালব্রত, পাষণ্ড ও ধূর্তগণের সহিত সর্বদা প্রীতিসহকারে গীত-বাঁজাদি বিনোদকরতঃ কালযাপন করিতে লাগিল। ৪৩। জননী যখন গুণনিধিকে তাহার পিতার নিকট প্রেরণ করিতেন, তখন সে কোনক্রমেই পিতার সমীপে উপস্থিত হইত না। নানাবিধ গৃহকার্য্যে ব্যস্ত দীক্ষিত স্বীয় পত্নীকে যে সময়ই জিজ্ঞাসা করিতেন যে, “অয়ে ! পুত্র গুণনিধিকে গৃহে দেখিতে পাই না কেন, সে কোথায় যায় ? এবং কি কার্য্যই বা করে” ? সেই সময়ই দীক্ষিত পত্নী উত্তর করিতেন যে, “হে নাথ ! পুত্র গুণনিধি এইমাত্র গৃহ হইতে বহির্গমন করিল। গুণনিধি, স্নানান্তে দেবগণের পূজা সমাপন করিয়া, এইকাল পর্য্যন্ত পাঠাভ্যাস-করতঃ পুনর্ব্বার পাঠ লইবার নিমিত্ত, দুই তিনজন মিত্রের সহিত গুরুগৃহে গমন

করিল”। একটি ভিন্ন আর পুত্র নাই, সেই জন্ত অতিশয় স্নেহপ্রযুক্ত জননী প্রায়ই পতি দীক্ষিতের নিকট পুত্রের চরিত্র গোপন করিতেন। ৪৪-৪৭।

এই সকল কারণে দীক্ষিত, পুত্রের কৰ্ম ও চরিত্রের বিষয় কিছুই জানিতে পারিতেন না। দীক্ষিত এইরূপ অজ্ঞাতভাবে তাহার কেশান্তকৰ্ম করিয়া, ষোড়শবর্ষ বয়ঃক্রম উপস্থিত হইলে, স্ব-গৃহোক্ত বিধানে গুণনিধির বিবাহ প্রদান করিলেন।

গুণনিধির স্নেহর্দ্রহৃদয়া জননী প্রতিদিনই তাহাকে অতি মৃদুভাবে শাসন করিতে লাগিলেন যে, “হে বৎস! তোমার পিতা অতি ক্রুদ্ধস্বভাব, তিনি যদি তোমার এই ব্যবহার জানিতে পারেন, তবে তোমাকে এবং আমাকেও তাড়না করিবেন। তোমার এই কুব্যবহার আমি প্রতিদিনই তোমার পিতার নিকট গোপন করিয়া থাকি। তোমার পিতা ধনের জন্ত সমাজে মাননীয় নহেন, কেবলমাত্র সদাচারী বলিয়াই লোকে তাঁহার এত মাণ্ড করে। সন্ধিতাশালী ও সাধুসঙ্গী পুত্রই ব্রাহ্মণগণের ধনস্বরূপ। তোমার পূর্বপিতামহগণ সংশ্রোত্রিয়, অনুচামঃ দীক্ষিত ও সোমযাজী এই সকল গৌরবসূচক খ্যাতিপ্রাপ্ত হইয়া গিয়াছেন। সেই কুলে উৎপন্ন হইয়া, তোমার এ প্রকার ব্যবহার করা কি উচিত? হে পুত্র! দুর্বৃত্তগণের সংসর্গ পরিত্যাগ করিয়া, তুমি সাধুসঙ্গনিরত হও। সন্ধিতাসমূহে মম প্রদান কর এবং ব্রাহ্মণের আচার অনুষ্ঠান করিতে আরম্ভ কর। তোমার এই উনবিংশতিবর্ষ বয়ঃক্রম হইয়াছে। হে গুণনিধে! তোমার মধুরভাষিণী সাধ্বী-পত্নীও ষোড়শবর্ষে পদার্পণ করিয়াছে। তোমার এই পত্নী, রূপ, গুণ, কুল ও বয়ঃক্রমে সর্বথাই তোমার অনুরূপ, অতএব সচ্চরিত্রা ত্বদীয় সহধর্মিণীকে ভজনা কর, এবং পিতৃভক্তিপরায়ণ হও। তোমার শশুরও গুণে শীলে সর্বত্রই মাণ্ড। হে শিশো! তাঁহার কাছে তুমি লজ্জিত হইতেছ না কেন? হে বৎস! এখনও তোমার এই দুর্বৃত্ততাপরিত্যাগ কর। হে পুত্র! তোমার মাতুলগণ বিজ্ঞা, শীল ও কুলাদিতে অতুলনীয়, তাহাদিগের হইতে কি তুমি ভয় পাইতেছ না? হে বৎস! তুমি পিতৃবংশ ও মাতৃবংশ এই উভয় বংশেই বিশুদ্ধ, তোমার এ প্রকার দুর্বৃত্ততা করা কি উচিত? হে গুণনিধে! প্রতিবেশী ব্রাহ্মণতনয় এবং তোমার পিতার গৃহস্থিত শিষ্যগণের বিনয়োচিত ব্যবহার বিলোকন করিয়া, তোমার দুঃস্বভাব পরিত্যাগ কর। হে স্ত্রী! তোমার এই কুব্যবহার যখন রাজা শ্রবণ করিবেন, তখন

\* বাঁহারা গুরু-নিকটে সাদ-বেদ শ্রবণে অধ্যয়ন করেন, তাঁহান্নিকটে অন্নদান করা যায়।



তোমার পিতার প্রতি শ্রদ্ধাহীন হইয়া, তাঁহার বৃত্তিলোপ করিয়া দিবেন। এখন পর্য্যন্তও লোকে বালক বলিয়া, তোমার এই সকল ব্যবহারের প্রতি উপেক্ষা করে। ইহার পরে তাহার উপহাসপূর্ব্বক বলিবে যে, দীক্ষিতের উপযুক্ত পুত্রই হইয়াছ বটে! ইহার পরে সকল লোকেই তোমাকে, আমাকে এবং তোমার পিতাকে নিন্দা করিবে। ৪৮—৬১। সকল লোকেই এইরূপ দুর্ব্বাক্য দ্বারা আমার নিন্দা করিবে যে, সন্তান জননীর চরিত্রই প্রাপ্ত হইয়া থাকে, অতএব গুণনিধির মাতার স্বভাব নিশ্চয়ই মন্দ। তোমার পিতার ত কোন প্রকার পাপ নাই, তিনি কি শ্রুতি ও স্মৃতি-নির্দিষ্ট পথের পথিক নহেন? ৬২। তোমার পিতার চরণে আমার মন সর্ব্বদাই লীন আছে। আমার চরিত্রবিষয়ে সাক্ষাৎ বিশ্বেশ্বর সাক্ষী। আমি ঋতুমান করিয়া, কখনও কোন দুষ্কৃত ব্যক্তির মুখাবলোকন করি নাই। এই বলবান্ বিধির প্রভাবে আমি তোমার হায় পুত্রকে লাভ করিলাম কি আশ্চর্য্য!

জননী এই প্রকারে প্রতিক্ষণ শিক্ষা প্রদান করিলেও, সেই দুর্ম্মদ পুত্র সেই সকল দুষ্কৃত ব্যবহার পরিত্যাগ করিল না। কেনই বা পরিত্যাগ করিবে; যে ব্যক্তি দুর্ব্বোদ ও ব্যসনী, সে কি নিজ দুষ্কৃত ব্যবহার ছাড়িতে পারে? মৃগয়া, মত্ত, খলতা, বেষ্টাসক্তি, চৌর্য্য, দ্যুত ও পরদাররতি, এই সকল ব্যসনে কোন ব্যক্তির চরিত্র অখণ্ডিত থাকে। সেই সূদুর্ম্মতি গুণনিধি, গৃহমধ্যে যাহা কিছু ধন ও বস্তাদি অবলোকন করিত, তাহাই লইয়া গিয়া দ্যুতকারগণকে অর্পণ করিত। এক দিবস তাহার মাতা নিদ্রা যাইতেছেন, এমন সময় সে গৃহে প্রবেশ করিয়া, জননীর হস্ত হইতে নিজ পিতৃ-প্রদত্ত নবরত্নময়ী মুদ্রিকা ( আংটি ) অপহরণকরতঃ দ্যুতকারগণের হস্তে অর্পণ করিয়াছিল। দীক্ষিত এক দিবস রাজভবন হইতে প্রত্যাগমন করিবার কালে পথিমধ্যে দ্যুতকারের হস্তে নিজ মুদ্রিকা অবলোকন করিয়া, জিজ্ঞাসা করিলেন যে, এই মুদ্রিকা তুমি কোথায় প্রাপ্ত হইলে? দীক্ষিত এই প্রকার নির্ব্বাক্সহকারে বারম্বার জিজ্ঞাসা করিলে পর, দ্যুতকার প্রত্যুত্তর করিল যে, আপনি আমাকে কেন তিরস্কার করিতেছেন, আমি কি চুরি করিয়া আপনার মুদ্রিকা গ্রহণ করিয়াছি? আপনার পুত্রই আমাকে এই মুদ্রিকা অর্পণ করিয়াছে। ৬৩-৭০। পূর্ব্বদিন আপনার পুত্র স্বদীয় জননীর একখানি শাটী আমাকে দিয়াছে। অতঃপাশ্বে আমি এই অঙ্গুরীয়টী তাহার নিকট হইতে জয় করিয়াছি। সেই গুণনিধি কেবল আমাকেই যে, এই অঙ্গুরীয় অর্পণ করিয়াছে তাহা নহে, এইরূপে অসংখ্য অনেক দ্যুতকারগণকে সে নানাবিধ রত্ন, স্বর্ণ, বস্ত্র, ভূঙ্গার প্রভৃতি নানাবিধ ধন প্রদান করিয়াছে। ৭১-৭২। সেই গুণনিধি এইরূপে প্রায়ই দ্যুতে

পরাজিত হইয়া, বিজেতাগণকে বিবিধ বিচিত্র কাংশ ও তাম্রময় পাত্র প্রদান করে এবং দ্যুতকারগণও সেই পরাজিত আপনার পুত্র গুণনিধিকে উলঙ্গ করিয়া বাঁধিয়া রাখে। ৭৩। ভূমণ্ডলে আপনার পুত্রের স্থায় দ্যুতক্রীড়ারত অশ্ব কোন ব্যক্তিই নাই। হে বিপ্র! অত্ৰাপিও সেই অবিনয় ও অনীতিবিশারদ দ্যুতকর্ম-পরায়ণ সেই গুণনিধির গুণের কথা আপনার কর্ণগোচর হয় নাই? ইহার কারণ কি?

দ্যুতকারের এবম্বিধ বাক্য শ্রবণ করিয়া, দীক্ষিতের স্বক্ৰদেশ লজ্জাভরে বিনত্ৰ ভাব ধারণ করিল। তিনি বস্ত্রের দ্বারা মস্তক আচ্ছাদন করিয়া নিজ মন্দিরে প্রবেশ-করতঃ, উপবেশনপূর্বক মহা-পতিব্রতা স্বকীয় পত্নীকে নিকটে আহ্বানকরতঃ বলিতে লাগিলেন। ৭৪—৭৭। অয়ি দীক্ষিতায়া! তুমি কোথায়? তোমার পুত্র গুণনিধিই বা কোথায়? অথবা সে যেখানে থাকে থাকুক, তাহাতে আমার কি প্রয়োজন, আমার সুন্দর সেই অঙ্গুরীয়টি কোথায়? আমার শরীর উদ্বর্তনকালে সেই অঙ্গুরীয়টি তুমি আমার অঙ্গুলি হইতে গ্রহণ করিয়াছিলে; সেই নব-রত্নময়ী শুভকারিণী মুদ্রিকাটি আমাকে অর্পণ কর। ৭৮।

দীক্ষিতের এই প্রকার বাক্য শ্রবণ করিয়া, তাহার পত্নী অতিশয় ভয়ের সহিত উত্তর করিলেন যে, অয়ি নাথ! আপনি এইক্ষণে মধ্যাহ্নকালীন ক্রিয়া সকল সম্পা-দন করুন, আমি এখন দেবপূজার জগু উপহারাদি কর্মে বড়ই ব্যস্ত রহিয়াছি। আপনি অতিথিসেবা করিতে বড়ই ভালবাসেন, ঐ দেখুন অতিথিসেবার সময় অতিক্রান্ত হইতেছে। আমি এখনই পকান-নির্ম্মাণে ব্যস্ত ছিলাম, সেই সময় কোন্ পাত্রে আপনার সেই অঙ্গুরীয়টি রাখিয়াছি, তাহা আমার মনে পড়িতেছে না। ৭৯-৮১। দীক্ষিত কহিলেন, অয়ি সৎপুত্র-প্রসবকারিণি! সত্যভাষিণি! আমি যে সময়ই তোমাকে জিজ্ঞাসা করিয়াছি যে, তোমার পুত্র গুণনিধি কোথায় গিয়াছে, সেই সময়ই তুমি উত্তর দিয়াছ যে, এইমাত্র পুত্র গুণনিধি গৃহ হইতে অধ্যয়ন করিয়া, পুনর্ব্বার পাঠ লইবার জগু বিপ্রবাগকগণের সহিত বহির্গমন করিয়াছে। আমার সেই বহুমূল্য শাটক কোথায়? যে মঞ্জিষ্ঠারাগরঞ্জিত শাটক আমি তোমাকে প্রদান করিয়াছিলাম। এবং যে বস্ত্র বস্ত্রাধারে সর্ব্বাপেক্ষা শোভা পাইত, সেই বস্ত্রই বা কোথায়? তুমি ভয় পরিত্যাগ করিয়া সত্য কথা বল। ৮২-৮৪। সেই মণিমণ্ডিত ভূজার, সেই পটুসূত্রময়ী ত্রিপটী, যাহা রাজা আমাকে অর্পণ করিয়া-ছিলেন, তাহাও ত এক্ষণে গৃহে দেখিতে পাইতেছি না, ইহার কারণ কি?। সেই দক্ষিণদেশীয় কাংশপাত্র এবং সেই গোড়দেশীয় তাম্রঘটিই বা কোথায়? সেই

হস্তিদন্ত-নির্মিত স্তম্ভজনক কোতুকময়ী মঞ্চিকাই বা কোথায় ? পর্বতদেশোৎপন্ন চন্দ্রকাস্তুশিলানির্মিত অতি উজ্জ্বলমূর্তি উত্ততহস্ত এবং বহুবিধ অলঙ্কার-ভূষিত সেই শালভঞ্জিকা ( পুতলিকা ) কোথায় রাখিয়াছ ? ৮৫-৮৭ । অগ্নি সংকুলোদ্ভবে । আর নানা কথা কহিয়া কি ফল, তোমার উপর বুঝা কোপ করিয়াই বা কি হইবে ? আমি যখন আর একটা পত্নী গ্রহণ করিব, তখনই আহার করিব, অন্যথা আহার করিতেছি না । ৮৮ । সেই কুল-দুষক কুপুত্রের অবস্থিতিতে আমি এক প্রকার অনপত্তাভাবে রহিয়াছি । যাহার সংপুত্র নাই সেই ব্যক্তি অপুত্র, ইহাতে আর সন্দেহ কি ? যাও উত্থান কর, কুশ ও জল আনয়ন কর, আমি তাহার উদ্দেশে তিলাঞ্জলি প্রদান করি । ৮৯ । কুলপাংশুল পুত্র থাকা অপেক্ষা মনুষ্যের অপুত্রতাই শ্রেয়ঃ । নিজকুলরক্ষার জন্ত এক পুত্র অথবা ভার্য্যা পরিত্যাগ করা যাইতে পারে, ইহা প্রাচীনগণের নীতি । ৯০ । অনন্তর পত্নীকে এবম্প্রকার তিরস্কার করিয়া, দীক্ষিত স্নানাদি বিধি সমাপ্তকরতঃ সেই দিবসেই কোন একজন শ্রোত্রিয়ের কন্যার পাণিগ্রহণ করিলেন । ৯১ ।

এ দিকে পিতৃ-কর্তৃক নিজের এবম্প্রকার পরিত্যাগ বৃত্তান্ত শ্রবণ করিয়া, দীক্ষিত পুত্র গুণনিধি, নিজের দুঃখদুষ্টের নিন্দাকরতঃ, কোন দিক্ লক্ষ্য করিয়া, গৃহ হইতে নিষ্ক্রান্ত হইল । গৃহ হইতে নির্গমন করিয়া, গুণনিধি মহৎ চিন্তা করিতে লাগিল । সে ভাবিতে লাগিল যে, আমি কোথায় যাই এবং কি করি, আমি কোন প্রকার বিছাভ্যাস করি নাই, আমার নিকট কিছু ধনও নাই । ৯২-৯৩ । যে ব্যক্তির ধন বা বিছা আছে, সেই ব্যক্তিই দেশান্তরে গিয়া সুখে বাস করিতে পারে । ইহার মধ্যে ধনবান্ মনুষ্যের বিদেশে চোরভয়ে ধনাদি লইয়া ব্যস্ত থাকিতে হয়, কিন্তু যাহার বিছা আছে, তাহার কোন স্থানেই ভয়ে পীড়িত হইতে হয় না । ৯৪ । যাজ্ঞিকদিগের কুলে আমার জন্মই বা কোথায় ? আর তাদৃশ দ্যুত-ক্রৌড়াদিক্রপ দুর্ব্যাসনই বা কোথায় ? আশ্চর্য্যের বিষয় ! বলবান্ বিধি, অবশ্যস্তাবি কৰ্ম্মেরই অনুসন্ধান করিয়া থাকে, না হইলে আমার এবম্প্রকার মতি কেন হইবে ? ৯৫ । হায় ! আমি ভিক্ষা করিতে জানি না । কোন ব্যক্তির সহিতও আমার পরিচয় নাই এবং আমার নিকটে-অন্নও অর্থ নাই, হায় ! আমি কাহার শরণ লইব । ৯৬ । প্রতিদিনই সূর্য্য উদিত না হইতেই আমার জননী নানাবিধ ভোজ্য-দ্রব্য আমাকে প্রদান করিতেন । হায় ! অতঃপরে আমি কাহার নিকট প্রার্থনা করিব, আমার জননী ত এখানে বিচক্ষমান নাই । ৯৭ ।

গুণনিধি এই প্রকার চিন্তায় ব্যাকুল রহিয়াছে, এ দিকে ক্রমে ক্রমে সূর্য্য অন্ত

গমন করিলেন । সেই সময়ে শিবরাত্রিব্রতে উপবাসী একজন শিবভক্ত মনুষ্য শিবপূজার জন্ত নানাবিধ উপহার দ্রব্য গ্রহণ করিয়া, শিবপূজা করিবার নিমিত্ত নগর হইতে নির্গত হইলেন । ৯৮ । ক্ষুধাতুর গুণনিধি পক্ষ্মের গন্ধ আশ্রয় করিয়া “এই অন্ন মহাদেবের নিকট উপহৃত হইলে পর রাত্রিতে আমি লইয়া আহার করিব” এই প্রকার চিন্তা করিতে করিতে, সেই মনুষ্যের পশ্চাৎ পশ্চাৎ গমন করিতে লাগিল । ৯৯-১০০ । এই প্রকার আশা করিয়া, গুণনিধি মহাদেবের মন্দিরের দ্বারে উপবেশন করিয়া, সেই শিবভক্তকৃত শিবপূজা দর্শন করিতে লাগিল । ১০১ । এদিকে মহাদেবের পূজাস্থে ভক্তজন নানা প্রকার নৃত্য-গীতাদি করিয়া, যখন ক্ষণকালের নিমিত্ত নিদ্রাগত হইলেন, সেই সময় নৈবেদ্য গ্রহণ করিবার জন্ত গুণনিধি সেই মন্দিরের মধ্যে প্রবেশ করিল । ১০২ । গুণনিধি গৃহমধ্যে প্রবেশ করিয়া দেখিল যে, ঐ গৃহস্থিত দীপের তাদৃশ উজ্জ্বল শোভা নাই । তখন সে নৈবেদ্যাদি ভাল করিয়া দেখিয়া লইবার জন্ত, নিজ বস্ত্রের অঞ্চল ছিন্ন করিয়া, বস্ত্রিকা প্রস্তুতকরতঃ সেই দীপটিকে উজ্জ্বল করিয়া দিল । ১০৩ । অনন্তর পক্ষ্ম গ্রহণ করিয়া বাহিরে যাইবার সময় তাহার পদাঘাতে একজন জাগরিত হইল, “এ ব্যক্তি কে ? এ ব্যক্তি কে ? চোর, ধারণ কর, ধারণ কর” এই প্রকার সেই প্রবুদ্ধ ব্যক্তির চীৎকার শুনিয়া পুররক্ষকগণ সেই স্থানে উপস্থিত হইয়া, সেই পলায়মান গুণনিধিকে বিশেষ প্রকারে প্রহার করিল । অদৃষ্টবশে সেই আঘাতেই গুণনিধি পঞ্চতাপ্রাপ্ত হইল । গুণনিধির পূর্বজন্মের স্মৃতি ছিল, তাহাতেই সে শিব নৈবেদ্য ভক্ষণ করে নাই । ১০৪-১০৬ । গুণনিধির প্রাণান্ত হইলে পর অতি বিকটাকার মুদগরপাণি যমদূতগণ আগমনকরতঃ যমপুরীতে লইয়া যাইবার জন্ত তাহাকে পাশদ্বারা বন্ধ করিল । ১০৭ । সেই সময়েই শিবলোক হইতে শূলহস্ত শিবপারিষদগণ, গুণনিধিকে শিবপুরীতে লইয়া যাইবার জন্ত দিব্য কিন্ননীজাল-শোভিত বিচিত্র বিমান লইয়া সেই স্থানে উপস্থিত হইলেন । ১০৮ । সেই সকল শস্ত্র গণকে অবলোকন করিয়া, ভীত যমকিন্ধরগণ প্রণামকরতঃ তাঁহাদিগকে কহিতে লাগিল যে, হে শস্ত্র-গণসকল ! এই ত্রাঙ্গণ জীবিতাবস্থায় অতিশয় দুর্বল ছিল । এ ব্যক্তি স্বীয় কুলাঁচারের প্রতিকূল এবং নিজ পিতার বাক্য প্রতিপালন করে নাই । এই দুর্বল সত্য এবং শৌচবর্জিত ছিল এবং বিহিত সন্ধ্যা এবং স্নান করিত না । ১০৯-১১০ । ইহার অত্যাশ্রিত কৰ্ম্মের কথা দূরে থাকুক, এই ব্যক্তি এইমাত্র শিব-নির্মাল্য হরণ করিয়াছে । এই সকল বিষয় ত আপনারা প্রত্যক্ষই দেখিতেছেন, এই দুষ্টাত্মা ভবাদৃশ পুণ্যাত্মাগণের অস্পৃশ্য । ১১১ । যাহারা শিব-নির্মাল্য ভোজন করে, যাহারা

শিব-নির্ম্মাণ্য লজ্জন করে বা যাহারা শিব-নির্ম্মাণ্য দান করে, তাহাদের স্পর্শ করিলেও পাপ হয় । ১১২ । বিষ আলোড়ন করিয়া পান করাও শ্রেয়ঃ, এবং অনশনও শ্রেয়ঃ, তথাপি প্রাণ কঠিন হইলেও শিব-নির্ম্মাণ্য ভোজন করা কৰ্ত্তব্য নহে । ১১৩ । আপনারা যে প্রকার ধর্ম্মের তত্ত্ব অবগত আছেন, আমরা তাদৃশ জানি না । এ ব্যক্তির যদি কোন ধর্ম্মলেশ থাকে, তবে তাহা আমরা শুনিতে ইচ্ছা করি, আপনারা তাহা কীর্ত্তন করুন । ১১৪ ।

যম-কিঙ্করগণের এবস্থিধ বাক্য শ্রবণ করিয়া, মহাদেবের পারিষদগণ কহিলেন যে, অতিশয় সূক্ষ্মদৃষ্টি পণ্ডিতগণ যে সকল সূক্ষ্ম শিব-ধর্ম্মের তত্ত্ব অবগত আছেন, তোমাদের স্থায় স্থূলদৃষ্টি ব্যক্তি কি প্রকারে সেই শিব-ধর্ম্মের তত্ত্ব অবগত হইতে পারিবে । এই নিষ্পাপ ব্যক্তি যে কৰ্ম্ম করিয়াছেন তাহা আমরা কীর্ত্তন করিতেছি শ্রবণ কর । ১১৫-১১৬ । এই ব্যক্তি রাত্রিকালে নিজ বস্ত্রাঞ্চল ছিন্ন করিয়া বর্জ্জিকা নির্মাণকরতঃ, প্রদীপ উজ্জ্বল করিয়া, শিবলিঙ্গের উপরিভাগে নিপতিত দীপচ্ছায়া নিবারিত করিয়াছিল । ১১৭ । হে যম-কিঙ্করগণ ! ইহার আর একটি প্রকৃষ্ট ধর্ম্ম হইয়াছে, তাহা শ্রবণ কর । ভক্তগণ যখন শিবনাম গ্রহণ করিতেছিল, সেই সময়ে এই ব্যক্তি প্রসঙ্গক্রমে সেই নাম সকল শ্রবণ করিয়াছিল । এবং ভক্তগণ বিধি-সহকারে যে পূজা করিয়াছিল, এই ব্যক্তি তাহা নিরীক্ষণ করিয়াছিল । এবং অল্প চতুর্দশীতিথি ছিল, এই ব্যক্তিও উপবাস করিয়াই সেই সমস্ত ধর্ম্মকৰ্ম্ম সম্পাদিত করিয়াছিল । ১১৮-১১৯ । এই ব্যক্তির সর্বপ্রকার পাপ বিনষ্ট হইয়াছে, এক্ষণে এই বিজ্ঞশ্রেষ্ঠ কলিঙ্গরাজ হইয়া জন্মগ্রহণ করিবেন । তোমরা যেমন আসিয়াছ, সেইরূপ রিক্ত-হস্তেই ফিরিয়া যাও । ১২০ ।

এই প্রকারে শিব-পারিষদগণ, তাহাকে যম-কিঙ্করগণের হস্ত হইতে মোচন করিয়া দিলে পর, সেই ব্যক্তি অরবিন্দ নামক কলিঙ্গদেশাধিপতির গুহরূপে জন্ম-গ্রহণ করিলেন এবং দম নামে পরিচিত হইলেন । ১২১ । অনন্তর পিতার মৃত্যু হইলে পর, যুবা দম যথাক্রমে পিতুরাজ্যে অভিষিক্ত হইলেন । হে বিজ্ঞ ! দুর্দম দমরাজ, সকল শিবমন্দিরে প্রদীপদানের অতিরিক্ত অল্প কোন ধর্ম্মই জানিতেন না । দমরাজ স্বীয় অধিকারস্থ সকল গ্রামাধিপগণকে আহ্বান করিয়া এই প্রকার আজ্ঞা দিলেন যে, তোমরা নিজ নিজ গ্রামে যত শিবমন্দির আছে, প্রত্যেক শিবালয়েই প্রতি রাত্রে অবিচারিতভাবে দীপ প্রদান করিবে । যিনি এই প্রকার মদাস্ত্রা লজ্জন করিবেন তিনি দণ্ডনীয় হইবেন । অধিক কি, আমার এই আজ্ঞা যিনি প্রতিপালন করিবেন না তাহার শিরশ্ছেদন করা যাইবে । ১২২-১২৫ ।

দম রাজার ভয়ে তাঁহার অধীনস্থ প্রত্যেক শিবালয়েই প্রতিরাত্রে উজ্জ্বল দীপ জ্বলিতে লাগিল । সেই দম নৃপতি এবস্প্রকার ধর্ম্মের প্রভাবে যাবজ্জীবন মহতী ধর্ম্মসম্পদ ভোগ করিয়া, যথাকালে মৃত্যুমুখে নিপতিত হইলেন । পূর্বজন্মের দীপদান-বিষয়ে সংস্কারবলে, সেই জন্মে শিবমন্দিরে অনন্ত দীপদান করিয়াছিলেন বলিয়া, দমরাজা জীবনান্তে এই অলকাপুরীর অধিকার লাভ করিয়াছেন । সেই দীপ প্রদানের ফলে এক্ষণে ইহার গৃহে, উৎকৃষ্ট রত্নসমূহের প্রভা দীপশিখার কার্য্য সম্পাদন করিতেছে । মহাদেবের উদ্দেশে অল্পও ধর্ম্ম করিলে, কালে তাহা এই প্রকার বহুকল প্রদান করিয়া থাকে । ১২৬—১২৯ । এই সকল বিষয় অবগত হইয়া, সুখেচ্ছুগণের সর্ব্বপ্রকারেই মহাদেবের ভজনা করা উচিত । হে শিবশর্ম্মন ! সেই সর্ব্বধর্ম্মবহিষ্কৃত অতি অকিঞ্চন দীক্ষিত-তনয় গুণনিধিই বা কোথায় ? আর নিজের স্বার্থের জন্য শিবলিঙ্গের মস্তকের উপর দীপদশা প্রজ্জ্বলিত করিয়া, কলিঙ্গদেশে ধর্ম্মযুক্ত অন্তঃকরণে সর্ব্বসুখময় রাজ্যভোগপূর্ব্বক, পূর্ব্বসংস্কারবশে শিবমন্দিরসমূহে দীপপ্রদানের ফলে, এই দিক্‌পালপদবীপ্রাপ্তিই বা কোথায় ? তাদৃশ অকিঞ্চন ব্যক্তিও মহাদেবের প্রসাদে দিক্‌পালপদবী পর্য্যন্তও প্রাপ্ত হইল । এই দেখ এক্ষণও সেই গুণনিধি দেবদুর্লভ অলকাপুরীকে কি সুন্দররূপে ভোগ করিতেছেন । হে শিবশর্ম্মন ! মহাদেবের উদ্দেশ্যকৃত অল্পমাত্রও ধর্ম্ম কত অধিক ফলপ্রদান করে, তাহা তুমি বিচার করিয়া দেখ । ১৩০—১৩১ ।

গণঘয় কহিলেন, এই অলকাপুরাধিপতি কোন রূপে মহাদেবের সর্ব্বকালিক সখিত্ব লাভ করিতে পারিয়াছেন, তাহা আমরা কীর্ত্তন করিতেছি তুমি একমনে শ্রবণ কর । পান্ডব নাকক পূর্ব্বকল্পে ব্রহ্মার মানসপুত্র পুলস্ত্যের বিশ্বশ্রবা নামে এক পুত্র হয় । সেই বিশ্বশ্রবার বৈশ্রবণ নামক পুত্র হয় । সেই বৈশ্রবণ অতি উগ্রতপস্কার দ্বারা মহাদেবকে প্রসন্ন করিয়া, বিশ্বকর্ম্মার রচিত এই অলকাপুরীর অধিকার লাভ করেন । ১৩২-১৩৪ । অনন্তর পাদকল্প অতীত হইলে পর, রৌদ্র-কল্পে অলকাপতি যজ্ঞদত্তের অপত্য রত্ন-প্রদাতা এই গুণনিধি স্নত্ৰুসহ তপস্তা করিয়াছিলেন । এই যজ্ঞদত্তপুত্র, দীপদানমাত্রেরই মহাদেবের প্রতি ভক্তির তাদৃশ বিচিত্র প্রভাব অবগত হইয়া, মহাদেবের নগরী ব্রহ্মজ্ঞানদায়িনী কাশী-পুরীতে উপস্থিত হইয়া, তপস্যার প্রভাবে একটি অদ্ভুত দীপ মহাদেবের উদ্দেশ্যে প্রদান করিলেন । সেই রত্নপ্রদীপটি আর কিছুই নহে, সেইটাই তাঁহার হৃদয় । সেই হৃদয়রূপ রত্ন-দীপের বর্ত্তিকা সাক্ষাৎ মহাদেব । মহাদেবের প্রতি অনন্ত-সাধারণ ভক্তিই তাহার তৈল হইল । মহাদেবের উজ্জ্বল তেজঃসমূহের ধ্যানেই

সেই হৃদয়-দীপের অন্ধকার দূর হইল । মহাদেবের সহিত অভিন্নতাই সেই দীপের আধার হইল । তপস্যারূপ অগ্নির দ্বারা সেই হৃদয়-দীপ উজ্জ্বলিত হইল । কাম-ক্লোথরূপ বিঘ্নকারী পতঙ্গগণকর্তৃক ঐ হৃদয়-দীপ সর্বথা পরিবৰ্জিত হইল । প্রাণবায়ুর অবরোধে সেই দীপ নির্বাত হইল । এবং নিৰ্ম্মল-জ্ঞানের আভাষ, সেই দীপ সর্বপ্রকারে নৈৰ্ম্মল্যালাভ করিল । এই প্রকারে হৃদয়রূপ-রত্নদীপ প্রজ্জ্বলিতকরতঃ, লেই কাশীপুরীতে ভক্তিরূপ কুসুমসমূহের দ্বারা অৰ্চিত একটি শস্তুর লিঙ্গস্থাপন করিয়া, যজ্ঞদত্ত-তনয় অশ্বিনীচন্দ্রাবশিষ্ট শরীরে দশলক্ষবর্ষ ব্যাপিয়া তপস্তা করিলেন । ১৩৫—১৪০ । অনন্তর এক দিবস বিশালাক্ষীদেবীর সহিত স্বয়ং বিশ্বেশ্বর সেই স্থানে আবির্ভূত হইলেন । মহাদেবের লিঙ্গের প্রতি হৃদয় অর্পণপূর্বক বৃক্ষের তায় নিশ্চলভাবে বর্তমান সেই অলকাপতিকে দর্শন করিয়া, বিশ্বনাথ প্রসন্নভাবে বলিলেন যে, অয়ি অলকাপতি ! আমি বর প্রদান করিতে আসিয়াছি, তুমি বর গ্রহণ কর ।

দেবদেবের এই প্রকার বাক্য শ্রবণে সেই তপস্বী অলকাপতি যেমন নেত্র উন্মীলন করিয়া, উদয়কালীন শত-সূর্য্য অপেক্ষা অধিক দীপ্তিশালী শ্রীকৃষ্ণ চন্দ্রচূড় সেই বিশ্বনাথকে দেখিলেন, সেই সময়েই তাঁহার তেজঃপ্রভাবে অলকাপতির লোচন ঝলসিত হইল । তখন তিনি নেত্রদ্বয় নিমীলনকরতঃ, মনোরথ-পথেরও দূরবর্তী সেই দেবদেবকে বলিলেন যে, অয়ি নাথ ! আমি যাহাতে আপনার চরণ দর্শনে সমর্থ হই, সেই প্রকার সামর্থ্য আমার নয়নে প্রদান করুন । হে নাথ ! “আপনি আমার সমক্ষে বর্তমান রহিয়াছেন এবং আমি আপনাকে সাক্ষাৎ নিরীক্ষণ করিতেছি” হে ঙ্গেশ ! হে শশিশেখর ! ইহাই আমার বর, ইহা অপেক্ষা আর অধিক কি বর প্রার্থনা করিব । ১৪১—১৪৬ ।

অলকাপতির এই প্রকার বাক্য শ্রবণ করিয়া, দেবদেব উমাপতি স্বীয় পাণিতলের দ্বারা তাঁহাকে স্পর্শকরতঃ দর্শন-সামর্থ্য প্রদান করিলেন । ১৪৭ । অলকাপতি নয়ন উন্মীলন করিয়া, সর্বপ্রথমই উমাকে দর্শনকরতঃ মনে মনে বিস্মিত হইয়া, এই শস্তুর গমীপে সর্ববাস্তুসুন্দরী বর্তমানা নারী কে ? আমার কৃত তপস্যা অপেক্ষা কোন্ অধিক তপস্যা এই রমণী করিয়াছেন ? আহা ! কি সুন্দর রূপ, কি সুন্দর ইহাঁর প্রেম, ইহাঁর সৌভাগ্যই বা কি ? অহো ! কি মনোহর শোভাই এই শরীরে বিद्यমান রহিয়াছে । অলকাপতি এই প্রকার বাক্য পুনঃপুনঃ উচ্চারণকরতঃ কুটিল দৃষ্টিতে যেমন পার্বতীকে বিলোকন করিতেছেন সেই সময়ে “বামনেত্র কুটিলভাবে বিলোকন করিতেছিলেন বলিয়া” তাঁহার

বামনেত্র স্ফুটিত হইয়া গেল। ১৪৮—১৫০। অনন্তর দেবী বিশালাক্ষী মহাদেবকে, কহিলেন যে, এই দুই তাপস আমাকে বারম্বার নিরীক্ষণ করিয়া, আমার তপঃ-প্রভার প্রতি বারম্বার অসূয়া প্রকাশ করিতেছে। ঐ দেখুন এইরূপে বামনেত্রী ইহার গিয়াছে, তথাপিও দক্ষিণেনত্রের দ্বারা বিলোকনকরতঃ আমার প্রেম, সৌভাগ্য, সম্পৎ ও রূপের প্রতি অসূয়া করিতেছে। ১৫১-১৫২।

দেবীর বাক্য শ্রবণ করিয়া, ঈশ্বর হাস্যপূর্বক তাঁহাকে কহিলেন যে, হে উমে! এই ব্যক্তি তোমার পুত্র। এ ব্যক্তি কুটিল-চক্ষুতে তোমাকে দেখিতেছে না, কিন্তু তোমার তপঃসম্পত্তির বর্ণনা করিতেছে। এই প্রকার দেবীকে আভাষণ করিয়া, মহাদেব পুনর্ব্বার অলকাপতিকে কহিলেন, হে বৎস! তোমার এই তপস্যায় তুষ্ট হইয়া, আমি তোমাকে বর প্রদান করিতেছি, তুমি নিধিসমূহ ও গুহ্যকগণের ঈশ্বর হও। হে সূত্রত! যক্ষ, কিন্নর ও সকল রাজগণের আধিপত্য তোমায় প্রদান করিলাম। তুমি পুণ্যজনগণের পতি হইলে এবং সর্ব্বজীবগণের তুমিই একমাত্র ধনদাতা হইবে। আমার সহিত অষ্ট হইতে তোমার সর্ব্বকালীন সখ্য হইল, এবং আমি সর্ব্বদাই তোমার প্রীতিবুদ্ধির জন্ত অলকাপুরীতে তোমার নিকটে অবস্থান করিব। হে বৎস! আগমন কর, উমার পাদদ্বয়ে পতিত হও, ইনি তোমার জননী। শঙ্কর এই প্রকার বর প্রদানপূর্ব্বক পুনর্ব্বার পার্ব্বতীকে কহিলেন যে, “হে দেবেশি! এই তনয়ের প্রতি তুমি প্রসন্ন হও”। ৫৩-৫৮।

দেবী কহিলেন, হে বৎস! মহাদেবের প্রতি তোমার ভক্তি সর্ব্বদা নিশ্চলা হউক। তোমার বামনেত্র নষ্ট হইয়াছে কি করিবে, এক নেত্রের দ্বারা তোমার সকল কার্য্য নির্ব্বাহ হইবে। মহাদেব তোমাকে যে সকল বর প্রদান করিলেন, তাহা সম্পূর্ণরূপে সফল হউক। হে সূত্র! আমার রূপের প্রতি ঈর্ষ্যাপ্রযুক্ত এখন হইতে জগতে তুমি “কুবের” নামে প্রসিদ্ধি লাভ কর। তোমাকর্তৃক স্থাপিত এই শিবলিঙ্গ তোমারই (কুবেরেশ্বর) নামে বিখ্যাত হইবে। এই লিঙ্গ সাধকগণের সিদ্ধিদান করিবেন এবং ইহাঁর দর্শনে সর্ব্বপ্রকার পাপ বিনষ্ট হইবে। যে মনুষ্য কুবেরেশ্বর লিঙ্গের দর্শন করিবে, সেই ব্যক্তি কখনও ধন, সখ্য ও অন্ত্যন্ত বান্ধবগণের বিয়োগভাগী হইবে না। বিশ্বেশ্বরের দক্ষিণভাগে কুবেরেশ্বর লিঙ্গের অর্চনা করিলে, মনুষ্য কখনই পাপ, দরিদ্রতা বা অসুখসমূহে লিপ্ত হইবে না। এই প্রকার কুবেরকে বর প্রদান করিয়া, মহেশ্বর দেবী পার্ব্বতীর সহিত বিশ্বেশ্বরসম্বন্ধীয় পরমধামে অন্তর্হিত হইলেন। ১৫৯—১৬৪।

গণন্য কহিলেন, এই ধনদ (কুবের) এই প্রকার প্রকৃষ্ট তপস্যার বলে



মহাদেবের সখা হইতে পারিয়াছেন। অলকার আঁত নিকটেই মহাদেবের ঐ কৈলাসপুরী বর্তমান রহিয়াছে। যক্ষশ্রেষ্ঠগণের পুরী যে অলকার বিবরণ শ্রবণ করিলে, মনুষ্যগণ সর্বপ্রকার পাপ হইতে অসংশয়ে মুক্তিলাভ করিতে পারে, সেই অলকাপুরীর বৃত্তান্ত আমরা তোমার নিকট সম্যকপ্রকারে কীৰ্ত্তন করিলাম। ১৬৫—১৬৬।

## চতুর্দশ অধ্যায় ।

—\*—

### চন্দ্রলোক-বর্ণন ।

গণত্বয় কহিলেন, অলকার পূর্বভাগে ঐ ঈশানপুরী দেখা যাইতেছে। উহাতে রুদ্রভক্ত তপস্বীগণ সর্বদা বাস করিয়া থাকেন। যাহারা শিবব্রতপরায়ণ হইয়া, সর্বদা শিবের স্মরণ ও পূজা করেন এবং সমস্ত কৰ্ম্ম শিবকে সমর্পণপূর্বক “আমাদিগের স্বর্গভোগ হউক” এই অভিলাষে তপস্যা করিয়া থাকেন, সেই সমস্ত মানবগণ রুদ্ররূপে এই রুদ্রপুরে অবস্থিতি করেন। ১—৩। অজ, একপাদ প্রভৃতি একাদশ রুদ্র ত্রিশূলহস্তে এইপুরে অবস্থানকরতঃ অম্বরগণ হইতে আটটা পুরীর রক্ষাবিধান এবং শিবভক্তগণকে সতত অভিলষিত বর প্রদান করিয়া থাকেন। ৪—৫। এই রুদ্রগণও বারাগনীতে ঈশানেশ নামে শিবলিঙ্গ স্থাপনপূর্বক তপস্যা করিয়াছিলেন। ঈশানেশ্বর মহাদেবের অমুকম্পায়, এই একাদশ-জনই একত্রচারী ও জটামুকুট-মণ্ডিত হইয়া ঈশানদিকের অধিপতি হইয়া আছেন। ৬—৭। ইহাঁদের ছায় ভাল-লোচন, নীল-কণ্ঠ, বৃষধ্বজ ও শুদ্ধদেহ অসংখ্য রুদ্রগণ যাহারা ভূতলে বিচরণ করিয়া থাকেন, তাহারাও সর্ববিধ ভোগ-শালী হইয়া এই ঈশানীপুরীতে অবস্থান করেন। কাশীতে ঈশানেশ্বরের অর্চনা করিয়া, যাহারা দেশান্তরে মৃত হয়, তাহারা সেই পুণ্যবলে এখানে আসিয়া, পুরোহিত হইয়া অবস্থান করে। যাহারা অষ্টমী এবং চতুর্দশীতে ঈশানেশ্বরের পূজা করে, তাহারা ইহ ও পরকালে নিশ্চয় রুদ্র হইয়া অবস্থিতি করিয়া থাকে। যাহারা উপবাসযোগ্য কোন রাত্রিতে উপবাস করিয়া, ঈশানেশ্বর মহাদেবের নিকট রাত্রিজাগরণ করে, তাহারা পুনরায় গর্ভষজ্ঞা ভোগ করে না। শিবশর্মা

স্বর্গপথে বিষ্ণুগণ-মুখ হইতে এই সমস্ত কথা শ্রবণকরতঃ, গমন করিতে করিতে দিবাতেও সমস্ত ইন্দ্রিয় ও চিত্তপ্রফুল্লকারিনী চন্দ্রের জ্যোৎস্না অবলোকনে অতিশয় চমৎকৃত হইয়া, বিষ্ণুর গণদ্বয়কে জিজ্ঞাসা করিলেন যে, ইহা কোন্ লোক ? তখন সেই গণদ্বয় তাঁহাকে বলিতে লাগিলেন । ৮-১৪ ।

গণদ্বয় কহিলেন, হে মহাভাগ শিবশর্মন্ ! যাঁহার অমৃতবর্ষী কিরণসমূহের দ্বারা সমস্ত জগৎ আপ্যায়িত হয়, ইহা সেই কলানিধি চন্দ্রের লোক । হে বিপ্র ! পুরাকালে প্রজাসৃষ্টি করিতে ইচ্ছুক ব্রহ্মার মন হইতে চন্দ্রের পিতা ভগবান্ অত্রিমুনি উৎপন্ন হইয়াছিলেন । ১৫—১৬ । তিনি দিব্য পরিমাণে তিন সহস্র বর্ষ তপস্যা করিয়াছিলেন, ইহা আমরা শুনিয়াছি । সেই সময় তাঁহার রেতঃ সোমরূপে পরিণত ও উর্দ্ধগামা হইয়া, দশদিক্ উজ্জ্বলকরতঃ নৈত্রদ্বয় হইতে নির্গত হইতে আরম্ভ হয় । তখন বিধাতার আদেশক্রমে দশটী দেবী সেই রেতঃ ধারণ করিলেন । যখন তাঁহারা সেই গর্ভ ধারণ করিতে অসমর্থ হইলেন, তখন তাঁহাদের সহিত সেই সোম পৃথিবীতে নিপতিত হইলেন । লোকপিতামহ ব্রহ্মা সোমকে পতিত হইতে দেখিয়া, লোকসমূহের হিতকামনায় তাঁহাকে রথে আরোহণ করাইলেন । ১৭-২১ । সোম সেই রথে আকূট হইয়া, একবিংশতিবার সাগরাস্ত পৃথিবীকে প্রদক্ষিণ করিলেন । সেই সময় সোমের যে সমস্ত ভেজঃ ক্ষরিত হইয়া পৃথিবীতে নিপতিত হইয়াছিল, তাহারা ওষধিরূপে পরিণত হইয়া, জগৎকে পোষণ করিতে লাগিল । ২১-২৩ । হে মহাভাগ ! তদনন্তর ভগবান্ সোম ব্রহ্মতেজে বদ্ধিত হইয়া, পরম পবিত্র কাশীক্ষেত্রে আগমনপূর্ব্বক, তথায় নিজ (চন্দ্রেশ্বর) নামে শিবলিঙ্গ স্থাপনকরতঃ শতপদ্মসংখ্যা পরিমিত বৎসর তপস্যা করিলেন । তদনন্তর দেবদেব বিশ্বনাথের অনুগ্রহে তিনি যাবতীয় বীজ, ওষধি, জল ও ব্রাহ্মণ-গণের রাজা হইলেন । ২৪-২৬ । এবং তিনি সেইস্থানে অমৃতোদ নামে একটী কূপ প্রতিষ্ঠা করিয়াছিলেন ; যাহাতে স্নান এবং যাহার জল পান করিলে, মানব অজ্ঞান হইতে মুক্ত হয় । মহাদেব সন্তুষ্ট হইয়া জগতের জীবন-প্রদায়িনী চন্দ্রের একটী কলা গ্রহণপূর্ব্বক নিজ মস্তকে ধারণ করিলেন । চন্দ্র পশ্চাৎ দক্ষের শাপে চান্দ্রমাসের অপগমে ক্ষয়প্রাপ্ত হইয়াও, মহাদেবের মস্তকস্থিত সেই কলার দ্বারাই পুনরায় পূর্ণতা লাভ করিয়া থাকেন । ২৭-২৯ । দেবশ্রেষ্ঠ চন্দ্র, মহাদেবের কৃপায় সেই মহারাজ্য লাভ করিয়া, শত সহস্র দক্ষিণাসহকারে রাজসূয় যজ্ঞের অনুষ্ঠান করিলেন এবং হে বিজ্ঞ ! আমরা শ্রবণ করিয়াছি, তিনি সেই যজ্ঞে ব্রহ্মবিপ্রমুখ সদস্যগণকে দক্ষিণাস্বরূপ ত্রিভুবন প্রদান করিয়াছিলেন । ৩০-৩১ ।

সেই যজ্ঞে হিরণ্যগর্ভ ত্রাস্তা, অত্রি ও ভৃগুমুনি ঋষিক্ এবং মুনিগণপরিবৃত্ত ভগবান্ হরি সদস্য হইয়াছিলেন । এবং সিনীবালী, কুহু, দ্যুতি, পুষ্টি, প্রভা, বসু, কীর্ত্তি, ধৃতি ও লক্ষ্মী এই নয় জন দেবী তাঁহার সেবা করিয়াছিলেন । ৩২-৩৩ । চন্দ্র সেই যজ্ঞে উমার সহিত রুদ্রকে পরিতুষ্ট করিয়া, সোমমূর্ত্তি মহাদেবের নিকট হইতে “সোম” এই নামমাত্র প্রাপ্ত হইয়াছিলেন । ৩৪ ।

চন্দ্র স্বীয় প্রতিষ্ঠিত চন্দ্রেশ্বর মহাদেবের সম্মুখেই দুষ্কর তপস্তা করিয়াছিলেন ও রাজসূয় যজ্ঞ করিয়াছিলেন । এবং সেই স্থানেই ত্র্যাক্ষগণ তাঁহার উপর প্রীত হইয়া বলিয়াছিলেন যে, ত্রৈলোক্য-দক্ষিণা-প্রদাতা এই সোমই ত্র্যাক্ষদিগের রাজা । এবং সেই স্থানেই চন্দ্র দেবদেব ত্রিলোচনের নয়ন-পথে পতিত হন । তাঁহার তপস্যায় সন্তুষ্ট হইয়া, মহাদেব এই স্থানেই তাঁহাকে বর প্রদান করেন যে, ত্রৈলোক্যের আনন্দের জন্ম তুমিই আমার শ্রেষ্ঠ মুক্তি । সমস্ত জগৎ তোমার উদয়ে সুখী হইবে । সূর্য্য-করে সন্তপ্ত এই চরাচর বিশ্ব তোমার অমৃতবর্ষী কিরণস্পর্শে শীতল হইবে । মহাদেব এই বলিয়া আনন্দ প্রযুক্ত আরও বর প্রদান করিতে লাগিলেন যে, হে বিজরাজ ! তুমি এই স্থানে যে কঠোর তপস্তা করিয়াছ ও তুমি যে যজ্ঞ-ফল আমাতে অর্পণ করিয়াছ এবং তোমার নামে এই যে আমার লিঙ্গ স্থাপন করিয়াছ, তাহার ফলে আমি সর্বত্র সঞ্চারী হইয়াও প্রত্যেক মাসে পূর্ণিমার দিবস, ত্রিভুবনের ঐশ্বর্য্যে ভূষিত হইয়া, অহোরাত্রিকাল তোমার প্রতিষ্ঠিত এই লিঙ্গমধ্যে অবস্থান করিব । অতএব পূর্ণিমা তিথিতে এই স্থানে স্বল্প ও জপ, হোম, পূজা, ধ্যান, দান ও ত্র্যাক্ষগণভোজন প্রভৃতি সংকার্য্য করিলে, সেই স্বল্প পূজাও মহা-পূজার তুল্য আমার প্রীতি উৎপাদন করিবে । ৩৫-৪৪ । এবং চন্দ্রেশ্বরের মন্দিরের জীর্ণোদ্ধার, তথায় নৃত্য, বাজ্য প্রভৃতির জন্ম অর্থব্যয়, ধ্বজ-রোপণাদি কৰ্ম্ম এবং তপস্বিগণকে পরিতুষ্ট করিলে, তাহা অনন্তফল প্রদান করিয়া থাকে । ৪৫ ।

হে কলানিধে ! তোমাকে আর একটি গুহ্য বিষয় বলিতেছি, শ্রবণ কর । যাহারা ভক্তিহীন ও বেদবিরোধী ( নাস্তিক ) তাহাদিগের নিকট ইহা প্রকাশ করা উচিত নহে । হে সোম ! সোমবারে যদি অমাবস্তা হয়, তাহা হইলে যজ্ঞপূর্ব্বক চতুর্দশী তিথিতে উপবাস করিবে । শনিবার ত্রয়োদশী নিত্যক্রিয়ার অনুরূপ-পূর্ব্বক প্রদোষ সময়ে চন্দ্রেশ্বর মহাদেবের পূজাকরতঃ, নক্তব্রত করিয়া সংযত হইয়া থাকিবে । পরে চতুর্দশীর দিন উপবাস করিয়া, রাত্রিকালে জাগরণ করিবে । অনন্তর সোমবার অমাবস্তা প্রাতঃসময়ে এই চন্দ্রোদ নামক কুপের জলে স্নান করিয়া, সন্ধ্যা-তর্পণাদিক্রিয়াকরতঃ, চন্দ্রোদ তীর্থে অর্ঘ্য ও আবাহনবর্জিত শ্রাদ্ধ-

বিধির অনুষ্ঠানপূর্বক পিণ্ড প্রদান করিবে। এই স্থানে শ্রদ্ধার সহিত যে ব্যক্তি শ্রদ্ধার অনুষ্ঠান করিয়া, বসু, রুদ্র ও আদিত্যস্বরূপ পিতৃপক্ষের তিন পুরুষ এবং মাতামহপক্ষের তিন পুরুষ ও অশ্বাশ্ব গৌত্রজ, গুরু, শশুর ও বন্ধুগণের উদ্দেশে তাঁহাদের নাম উচ্চারণপূর্বক পিণ্ডপ্রদান করিবে, সে ব্যক্তি পিতৃগণ শ্রদ্ধাভিত্তিক সন্তোষকে উদ্ধার করিবে। গয়াতে পিণ্ডদান করিলে, পিতৃগণ সন্তুষ্ট হন, এই চন্দ্রোদ-কুণ্ডে শ্রদ্ধার দ্বারাও পিতৃগণ তরুণ পরিতুষ্ট হন। এবং গয়াতে পিণ্ডদান করতঃ মানব যেমন পিতৃগণের সমস্ত ঋণ হইতে মুক্ত হয়, তরুণ এই চন্দ্রোদকুণ্ডে পিণ্ডদান করিলে, পিতৃঋণ হইতে বিমুক্ত হইবে। যখন কোন মানব চন্দ্রেশ্বর দর্শন করিবার জন্ম যাত্রা করে, তখন তাঁহার পূর্বপিতামহগণ, “এ আমাদের উদ্দেশে চন্দ্রোদতীরে তর্পণ করিবে এবং আমাদের দুঃখদুর্ভাগ্যতঃ যদি তর্পণও না করে, তথাপি সেই তীরের জল স্পর্শ করিলেও আমাদের তৃপ্তি হইবে, যদি মূর্খতানিবন্ধন স্পর্শও না করে, তথাপি দর্শন ত করিবে, তাহাতেও আমাদের তৃপ্তি হইবে,” এই ভাবিয়া আনন্দে নৃত্য করিতে থাকেন। ৪৩-৫৮। এইরূপে চন্দ্রোদতীরে শ্রদ্ধা করিয়া চন্দ্রেশ্বরকে দর্শনকরতঃ, ব্রাহ্মণ এবং সন্ন্যাসিগণকে পরিতুষ্ট করিয়া তৎপরে স্বয়ং পারণ করিবে। ৫৯। হে চন্দ্র! যে ব্যক্তি কাশীক্ষেত্রে অমাবস্তা-যুক্ত সোমবারে এইরূপে ত্র্যম্বকের অনুষ্ঠান করিবে, সে ব্যক্তি আমার অনুগ্রহে ত্রিবিধঋণজাল হইতে মুক্তিলাভ করিতে পারিবে। কাশীবাসিব্যক্তিগণ চৈত্রমাসের পূর্ণিমা দিবসে এই তীরে যাত্রা করিবে, তাহাতে তাহাদের ব্রহ্মজ্ঞানলাভ ও ক্ষেত্রবাসের বিঘ্ন বিদূরিত হইবে। কাশীতে চন্দ্রেশ্বরের পূজা করিয়া যদি কোন ব্যক্তি অশ্বস্থানেও মৃত হয়, তথাপি সে ব্যক্তি সমস্ত পাপ হইতে বিমুক্ত হইয়া চন্দ্রলোকে গমন করিবে। ৬০-৬২। কলিকালে হতভাগ্য ব্যক্তিগণ চন্দ্রেশ্বরের মহিমা জানিতে পারে না। হে নিশাপতে! তোমাকে আরও একটা গুহ্য বিষয় বলিতেছি শ্রবণ কর। এই স্থানটী সিদ্ধ-যোগীশ্বর নামে একটা মহাপীঠ। এস্থানে সাধকগণ সিদ্ধিলাভ করিয়া থাকেন। সুর, অসুর, গন্ধর্ব্ব, নাগ, বিজাধর, রাক্ষস, গুহ্যক, যক্ষ, কিন্নর এবং নরলোকের মধ্যে যে সপ্তকোটি সিদ্ধগণ অবস্থান করিতেছেন, তাঁহারা আমার সম্মুখে এই স্থানে সিদ্ধিলাভ করিয়াছেন। ৬৩-৬৫। বাহার ছয়মাস কাল নিয়ন্তাহার হইয়া সিদ্ধেশ্বরের আরাধনা করে, তাহার পূর্ব পূর্ব সিদ্ধগণকে দেখিতে পায় (অর্থাৎ তাহারও সিদ্ধ হয়)। সাক্ষাৎ সিদ্ধ যোগীশ্বরী তাহা-দিগকে বর প্রদান করিয়া থাকেন। হে চন্দ্র! তোমারও সিদ্ধেশ্বরী দর্শনে মহতী সিদ্ধিলাভ হইয়াছে। সাধকগণের সিদ্ধিলাভের জন্ম জগতে অনেক পীঠস্থান আছে,

কিন্তু এই গীঠের আয় শীঘ্র সিদ্ধি প্রদ অথ কোন গীঠ ভূতলে নাই। হে শশিন! তুমি যে স্বাদে চন্দ্রেশ্বরলিঙ্গ স্থাপন করিয়াছ, এই সেই স্থানই সিদ্ধ-গীঠ, অকৃতান্ত-ব্যক্তিগণ ইহা দেখিতে পায় না। যাঁহারা কাম, ক্রোধ, লোভ, স্পৃহা ও অভিমান পরিত্যাগ করিয়াছেন, তাঁহারা আমার পরম শক্তিস্বরূপা এই যোগীশ্বরকে দর্শন করিতে সমর্থ হন। যে সমস্ত মহাত্মারা প্রতি অষ্টমী ও প্রতি চতুর্দশীতিথিতে সিদ্ধ যোগীশ্বরের গীঠস্থানে, ধূপ, দীপ, নৈবেদ্যাদির দ্বারা অদৃশরূপা স্তভগা, পিঙ্গলা এবং সর্বপ্রকার সিদ্ধি-প্রদায়িনী যোগীশ্বরের পূজা করিয়া থাকেন, তাঁহারা তাঁহার দর্শন পান। হে দ্বিজ! ভগবান্ মহেশ্বর চন্দ্রকে এই সমস্ত বর প্রদান করিয়া, সেই কালী-ক্ষেত্রে অন্তর্হিত হইলেন। তদবধি চন্দ্র স্বীয় স্নিগ্ধ কিরণরাশির দ্বারা দিক্‌সমূহ প্রকাশিতকরতঃ, দ্বিজরাজরূপে এই লোকের অধিপতি হইয়া অবস্থান করিতেছেন। যাঁহারা অমাবস্তায়ুক্ত সোমবারে পূর্বোক্ত নিয়মে ত্রতের অনুষ্ঠান করে এবং যাঁহারা যজ্ঞে সোমপান করে, সেই সমস্ত মানব চন্দ্রের আয় নিশ্চল যানে আরোহণ করিয়া চন্দ্রলোকে আসিয়া বাস করে। যে ব্যক্তি চন্দ্রেশ্বরের উৎপত্তি ও চন্দ্রের কঠোর তপস্যার কথা ভক্তিপূর্বক শ্রবণ করে, তাঁহার চন্দ্রলোক প্রাপ্তি হয়। ৬৬-৭৬।

অগস্ত্য কহিলেন, স্বর্গপথে বিষুৱ-গণদ্বয় শিবশর্ম্মাকে এই সুখকারিনী ও শ্রম-হারিনী কথা কহিতে কহিতে নক্ষত্রলোকে আসিয়া উপস্থিত হইলেন। ৭৭।

## পঞ্চদশ অধ্যায় ।



নক্ষত্র ও বুধলোক-বর্ণন ।

অগস্ত্য কহিলেন, অয়ি সহধর্ম্মিণি লোপামুদ্রে! শিবশর্ম্মাকে পুনর্ব্বার বিষুৱ-গণদ্বয় যে কথা বলিয়াছিলেন তাঁহা শ্রবণ কর। ১।

শিবশর্ম্মা কহিলেন, হে গণদ্বয়! আপনাদের নিকট চন্দ্রের বিচিত্র উপাখ্যান শ্রবণ করিলাম, আপনারা সমস্ত উপাখ্যানই অবগত আছেন, এক্ষণে নক্ষত্রলোকের বৃত্তান্ত বর্ণন করুন। ২।

গণদ্বয় কহিলেন, পূর্ব্বকালে সৃষ্টির অভিলাষী ব্রহ্মার অঙ্গুষ্ঠের পৃষ্ঠভাগ হইতে,

প্রজাস্থিতিতে নিপুণ দক্ষনামে প্রজাপতি উৎপন্ন হইয়াছিলেন। তাঁহার তপস্যা ও সৌন্দর্য্যে-বিভূষিতা রোহিণী প্রভৃতি যাঁট্টী কন্যা জন্মিয়াছিল। সেই কন্যাগণ বিশেষের নগরীতে গমনপূর্ব্বক কঠোর তপস্যা-আচরণকরতঃ, সৌমমূর্ত্তি চন্দ্র-শেখরের আরাধনা করিয়াছিলেন। ৩-৫। মহাদেব তাঁহাদের তপস্যায় সন্তুষ্ট হইয়া তাঁহাদিগের নিকট আগমনকরতঃ যখন বলিলেন যে, তোমরা আপন আপন অর্ধীকৃত বর প্রার্থনা কর। তখন মহাদেবের বাক্য শ্রবণ করিয়া সেই কন্যাগণ বলিতে লাগিলেন যে, হে শঙ্কর! আমরা আপনার নিকট যদি বরলাভ করিবার যোগ্য হইয়া থাকি, তাহা হইলে আমরা প্রার্থনা করিতেছি, যে, যে ব্যক্তি আপনার ঋায় ভব-তাপ হরণ করিতে সমর্থ এবং আপনার তুল্য রূপবান, তিনিই আমাদের পতি হউন। ৬-৮। সেই কন্যাগণ বরণার সুরম্য-তট-প্রদেশে সঙ্গমেখরের নিকট নক্ষত্রেশ্বর নামে শিবলিঙ্গ স্থাপনকরতঃ, সহস্র দিব্য-বৎসর ব্যাপিয়া পুরুষগণের ও দুষ্কর কঠোর তপস্যা করিয়াছিলেন সুতরাং মহাদেব সন্তোষপূর্ব্বক সকলেরই এক-রূপ অভিলষিত বর প্রদান করিলেন। ৯—১০।

শ্রীবিষ্মেশ্বর কহিলেন, পূর্ব্বের কোন অবলাই তোমাদের ঋায় তপস্যায় কঠোরতা ক্ষান্ত (সহ) করে নাই, সুতরাং তোমাদিগের নাম নক্ষত্র হইল। তোমরা পুরুষদিগের ঋয় ক্রেশ সহ্য করিয়া কঠোর তপস্যা করিয়াছ, অতএব তোমরা স্ত্রী হইয়া ও ইচ্ছাধীন পুরুষমূর্ত্তি ধারণ করিতে পারিবে। তোমরা এই সমস্ত জ্যোতিষ্চক্রের মধ্যে শ্রেষ্ঠ হইয়া অবস্থান কর। মেঘাদি রাশিগণের তোমরা উৎপত্তি-স্থান হইবে এবং যিনি ওষধি, সুখা এবং ত্র্যাক্ষগণের পতি, সেই চন্দ্র তোমাদিগের পতি হইবেন। ১১-১৫। যে সমস্ত ব্যক্তি তোমাদের প্রতিষ্ঠিত নক্ষত্রেশ্বর নামে এই শিবলিঙ্গের পূজা করিবে, তাহারা অস্ত্রে তোমাদের লোকে গমন করিবে। চন্দ্র-লোকের উপরে তোমাদের লোক হইবে, তথায় তোমরা সমস্ত তারকারাজির মান্ত হইয়া অবস্থান করিবে। ১৬-১৬। যাহারা নক্ষত্রের পূজা করে এবং যাহারা নক্ষত্র-ত্রত আচরণ করিবে, তাহারা নক্ষত্রদূষণ প্রভাবশিষ্ট হইয়া, নক্ষত্রলোকে বাস করিবে। এবং যাহারা কাশীতে নক্ষত্রেশ্বর মহাদেবকে দর্শন করিবে, তাঁহাদের কখন নক্ষত্র, গ্রহ এবং রাশি হইতে কোন গীড়া হইবে না। ১৮-১৯।

অগস্ত্য কহিলেন, বিষ্ণুর গণদ্বয়ের মুখে এইরূপ নক্ষত্রলোকের বিবরণ শ্রবণ-করতঃ গমন করিতে করিতে, সম্মুখে শিবশর্ম্মার নয়নপথে বুধলোক নিপতিত হইল, তখন শিবশর্ম্মা জিজ্ঞাসা করিতে লাগিলেন। ২০।

শিবশৰ্ম্মা কহিলেন, হে শ্রীমদ্ভগবদগণদয় ! সম্মুখে এই কাহার অনুপম লোক অমৃত-দীপ্তিরূপে আমার মনকে অতিশয় আনন্দিত করিতেছে ? ২১ ।

গণদয় কহিলেন, হে শিবশৰ্ম্মন ! এই লোকের উপাখ্যান শ্রবণ কর । ইহা শ্রবণ করিলে সমস্ত তাপ ও পাপরাশি বিলয় প্রাপ্ত হয় । স্বৰ্গপথে তোমার সন্তোষের জন্ম আমরা এই আখ্যান বর্ণন করিতেছি । ইতিপূর্বে আমরা তোমার নিকট যে পরম সুন্দর ও সম্ভ্রাটপদে অভিষিক্ত, দ্বিজরাজ চন্দ্রের কথা বলিয়াছি, যিনি রাজসূয় যজ্ঞে ত্রিভুবন দক্ষিণা দান করিয়াছিলেন, যিনি অনন্তকাল কঠোর তপস্যায় নিমগ্ন ছিলেন, যিনি অত্রিমুনির নয়ন হইতে উৎপন্ন হইয়াছেন, যিনি ব্রহ্মার পৌত্র, যিনি সমস্ত ওষধি ও জ্যোতিঃসমূহের অধিপতি, যিনি নিৰ্ম্মল কলাসমূহের আধার বলিয়া বিখ্যাত, যিনি নিজকরের দ্বারা পর-সন্তাপকে দূর করিয়া থাকেন, যিনি সমস্ত জগতের সহিত কুমুদিনীকে হরিত করেন, যিনি দিগঙ্গনাগণের সুন্দর বেশ দর্শন করিবার জন্ম আদর্শ-মণ্ডলস্বরূপ, সেই চন্দ্রের অধিক গুণ বলিবার প্রয়োজন নাই, কারণ চন্দ্রের একমাত্র গুণেই তাঁহার সমান জগতে কেহ নাই, ইহা বোধ হইতেছে । যে গুণে সর্বজ্ঞ মহাদেব নিজ উত্তমাত্মের আভরণরূপে চন্দ্রের একটা কলা ধারণ করিয়াছেন । ২২-২৮ ।

সেই চন্দ্র ঐশ্বর্য্যমদে মত্ত হইয়া স্থায় পুরোহিত ও গুরু এবং নিজ পিতৃব্য অজিরার পুত্র বৃহস্পতির সৌন্দর্য্যশালিনী তারানাম্নী পত্নীকে হরণ করিয়াছিলেন । সেই সময় দেবগণ বারম্বার নিষেধ করিলেও, চন্দ্র তাঁহাদের কথা অবহেলা করিয়াছিলেন । তজ্জন্ম দ্বিজরাজ চন্দ্রের দোষ বেওয়া যায় না, কারণ একমাত্র ভগবান্ ত্রিলোচন ব্যতীত, কন্দর্প আর কাহার মন না অস্থির করিয়াছে ? জগতের চতুর্দিকে যে অন্ধকার বিস্তৃত হইয়া থাকে, বিধাতা তাহার বিনাশের জন্ম দীপ, ভাস্কর-রশ্মি প্রভৃতি মহৌষধ নিৰ্ম্মাণ করিয়াছেন । কিন্তু আধিপত্য প্রাপ্ত হইয়া লোকে যে অন্ধকার- ( অভিমান ) রাশি মধ্যে নিপতিত হয়, বিধাতা তাহার কোন ওষধি নিৰ্ম্মাণ করেন নাই । ২৯-৩৩ । যেমন তীর্থজলে স্নান করিয়া বিশুদ্ধ-চিত্ত ব্যক্তি পাষাণগণকে স্পর্শ করেন না, তজ্জপ দেবগণের হিতবাক্যও আধিপত্য-মদে বিমোহিত ইন্দ্রকে স্পর্শ করিল না । অধিক ঐশ্বর্য্যে ধিক্, কারণ তাহা ভ্রান্ত-রূপেই সমস্ত বিষয় প্রদর্শন করায় এবং অজ্ঞ ব্যক্তিরাই তাহা স্বেচ্ছা আকর বলিয়া বোধ করে, কিন্তু বাস্তবিক উহা বিপদের মূল । কন্দর্প পুষ্পাযুধ হইলেও, ত্রিভুবনে কোন ব্যক্তি তাঁহার নিকট পরাজিত না হইয়াছেন ? কে ক্রোধের বশীভূত নহে ? লোভ কাহাকে না সন্মোহিত করিয়াছে ? কোন ব্যক্তি ললনার

কটাক্ষ-বাণে জর্জরিত হইয়া, বিপদে পদার্পণ না করিয়াছে ? কোন্ ব্যক্তি সুন্দর নয়নশালী হইয়াও, রাজ্যপদ লাভকরতঃ অক্ষপদবীর জন্মসরণ না করিয়াছে ? ৩৪-৩৫ । আশ্বিপত্য-লক্ষ্মী অতিশয় চঞ্চলা, তাঁহাকে লাভ করিয়া সর্বদা সংকল্পমুহুর অনুষ্ঠান করাই উচিত । ৩৬ । চন্দ্র উন্মত্তের ন্যায় যখন কোন মতে তারাকে বৃহস্পতির নিকট প্রদান করিলেন না, তখন ভগবান্ রুদ্র অজগব নামে স্বীয় ধনু গ্রহণকরতঃ বৃহস্পতির পক্ষ হইয়া, চন্দ্রের সহিত যুদ্ধ করিতে আরম্ভ করিলেন । চন্দ্র মহাদেবকে লক্ষ্য করিয়া, ব্রহ্মশির নামে মহাস্ত্র নিক্ষেপ করিলেন । মহাদেব অনায়াসে সেই অস্ত্র নিবারণ করিলেন । ক্রমশঃ উভয়ের ভয়ঙ্কর যুদ্ধ হইতে লাগিল । তখন অকালে ব্রহ্মাণ্ড লয় প্রাপ্ত হয় দেখিয়া বিধাতা ভীত হইলেন । এবং সম্বর্ত নামক অনলের ন্যায় প্রদীপ্ত রুদ্রকে সংগ্রাম হইতে নিবৃত্তকরতঃ, স্বয়ং চন্দ্রের নিকট হইতে তারাকে বৃহস্পতির নিকট সমর্পণ করিলেন । ৩৭-৪০ । অনন্তর বৃহস্পতি তারাকে গর্ভবতী জানিতে পারিয়া বলিলেন যে, আমার এই ক্ষেত্রে তোমার এ গর্ভ ধারণ করা কোন প্রকারে উচিত নহে । ৪১ । বৃহস্পতি এই কথা বলিলে, তারা কতকগুলি তৃণরাশি মধ্যে সেই গর্ভ পরিত্যাগ করিলেন । সেই গর্ভ তৎক্ষণাৎ এক দিব্য বালকমুক্তি-ধারণ করিল । তখন দেবগণ সংশয়িতচিত্তে তারাকে জিজ্ঞাসা করিলেন যে, সত্য করিয়া বল এই তনয় চন্দ্র অথবা বৃহস্পতির ? তারা দেবগণকর্তৃক এইরূপে জিজ্ঞাসিত হইয়া, লজ্জাবশতঃ কিছুই বলিতে পারিলেন না দেখিয়া, অমিততেজা সেই বালক তাঁহাকে শাপ প্রদান করিতে উদ্যত হইল । তখন ব্রহ্মা সেই বালককে নিবারণকরতঃ, তারাকে সেই পুত্র কাহার তাহা জিজ্ঞাসা করিলেন । তাহাতে তারা পিতামহ ব্রহ্মাকে কৃতাজ্ঞলিপুটে বলিলেন যে, এ পুত্র চন্দ্রের । ৪২-৪৫ । তদনন্তর প্রজাপতি ব্রহ্মা সেই বালকের মস্তক আশ্রয়করতঃ, তাহার “বুধ” এই নাম রক্ষা করিলেন । তদনন্তর সমস্ত দেবগণ হইতে অধিক রূপ, তৈজ ও বলসম্পন্ন সেই বুধ তপস্বী-অভিলাষে পিতা সোমের অনুমতি গ্রহণপূর্বক বিশেষ-পরিপালিত মুক্তিক্ষেত্র কাশীধামে গমন করিলেন । এবং তথায় নিজ নামে বুধেশ্বর নামক শিবলিঙ্গ প্রতিষ্ঠাকরতঃ, চন্দ্রেশ্বর মহাদেবকে হৃদয়ে চিন্তাপূর্বক অযুত বৎসর ব্যাপিয়া কঠোর তপস্যা করিলেন । তদনন্তর তাঁহার প্রতিষ্ঠিত সেই শিবলিঙ্গ হইতে বিশ্বপতি ক্রীমান্ বিশেষ-আবির্ভূত হইলেন । এবং প্রসন্ন হইয়া স্বীয় তেজোময় মূর্তি প্রকাশকরতঃ, সেই বালককে বলিতে লাগিলেন, হে বুধ । তুমি অশ্রান্ত দেবগণ অপেক্ষা শ্রেষ্ঠ, হে মহাবুদ্ধে । তুমি আমার নিকট বর প্রার্থনা



কর। ৪৬-৫১। হে মহাসৌম্য ! তোমার এই কঠোর তপস্যা এবং এই লিঙ্গসেবা-নিবন্ধন আদি বিশেষ প্রসন্ন হইয়াছি, তোমাকে আমার অদেয় কিছুই নাই। ৫২। বালক বৃদ্ধ, মেঘ-গন্তীরস্বরে উচ্চারিত, শুষ্ক শস্যের সঞ্জীবনরূপ মহাদেবের এই সমস্ত বাক্য শ্রবণকরতঃ, নয়নদ্বয় উন্মীলন করিয়া, যেমন সম্মুখে দর্শন করিলেন, অমনি স্থায়ী প্রতিষ্ঠিত লিঙ্গোপরি শশিশেখর মহাদেবকে দর্শনকরতঃ স্তব করিতে লাগিলেন। ৫৩-৫৪।

বৃদ্ধ কহিলেন, পবিত্র আত্মস্বরূপ নমস্কার, হে জ্যোতিরূপ ! তোমাকে নমস্কার করি, হে বিশ্বরূপ ! তোমাকে নমস্কার, হে সমস্তরূপাতীত ! তোমাকে নমস্কার, সকল প্রকার পীড়ানাশক তোমাকে নমস্কার, প্রণতব্যক্তিগণের মঙ্গলস্বরূপ তোমাকে নমস্কার, সমস্ত বিষয়ের জ্ঞাতারূপ তোমাকে নমস্কার, সকলের কর্তৃস্বরূপ তোমাকে নমস্কার, হে দয়াশীল ! তোমাকে নমস্কার। হে ভক্তিগম্য ! তোমাকে নমস্কার, তপস্যার ফল প্রদানকর্তা তোমাকে নমস্কার, হে শাস্তো ! শিব, শিবাকান্ত, শাস্ত, শ্রীকণ্ঠ, শূলভৃৎ, শশিশেখর, সর্বক, ঈশ, শঙ্কর, ঈশ্বর, ধূর্জট্টে, পিনাকপাণে, গিরিশ, শিতিকণ্ঠ, সদাশিব এবং হে মহাদেব ! তোমাকে নমস্কার, হে দেবদেব ! তোমাকে নমস্কার, হে স্তুতিপ্রিয় মহেশ্বর ! আমি কিছুই স্তব করিতে জানি না, হে ঈশ্বর ! যদি আপনি প্রসন্ন হইয়া থাকেন, তাহা হইলে, “আপনার চরণকমলে আমার একান্ত ভক্তি থাকুক” আমাকে এই বরই প্রদান করুন, হে করুণামৃত সাগর ! আমি আপনার নিকট অশ্রু বর প্রার্থনা করি না। ৫৫-৬১।

মহাদেব, এবম্বিধ স্তুতিবাক্যে পরিতুষ্ট হইয়া বলিলেন, হে রৌহিণেয় ! হে মহাভাগ ! হে সৌম্য ! হে সৌম্যবচোনিধে ! নক্ষত্রলোকের উপরে তোমার লোক হইবে এবং সমস্ত গ্রহমণ্ডলের মধ্যে উৎকৃষ্টরূপে সম্মানিত হইবে। তোমার প্রতিষ্ঠিত এই শিবলিঙ্গ আরাধিত হইয়া সকলের বুদ্ধি প্রদান করিবেন ও ত্রুবুদ্ধি হরণ করিবেন, এবং ভক্তজনকে তোমার লোকে বাস করাইবেন। এই কথা বলিয়া ভগবান্ শম্ভু, সেই লিঙ্গমধ্যে অন্তর্হিত হইলেন এবং বৃদ্ধও দেবদেব মহাদেবের প্রসাদলাভ করিয়া স্বর্লোকে গমন করিলেন। ৬২-৬৫।

গগনদ্বয় কহিলেন, যে সমস্ত মানব কাশীতে বুদ্ধেশ্বরের আরাধনা করেন, তাঁহাদের বুদ্ধি নিঃশূল হয়, তজ্জন্ম তাঁহারা অগাধ সংসার-সাগরে নিপতিত হইয়াও নিমগ্ন হন না, এবং তাঁহারা সাধুগণের সমীপে চন্দ্রের স্থায় সুন্দর দর্শনীয় হন এবং তাঁহাদের বদন কমনীয় হয় ও তাঁহারা অস্ত্রে বৃধলোকে বাস করিয়া থাকেন। ৬৬। চন্দ্রেশ্বরের পূর্বভাগে অবস্থিত বুদ্ধেশ্বরের দর্শন করিলে, অস্তিমকালেও জীবগণের

বুদ্ধি বিলোপ হয় না। ৬৭। গণদ্বয় এইরূপে বুধলোকের কথা বলিতেছেন, এমন সময়ে তাঁহাদের রথ অতি উৎকৃষ্ট শুক্ললোকে যাইয়া উপস্থিত হইল। ৬৮।

## ষোড়শ অধ্যায় ।

— \* —

### শুক্ললোক-বর্ণন ।

গণদ্বয় কহিলেন, হে মহামতে শিবশর্মন! এইটি শুক্ললোক, ইহা অতি অদ্ভুত। দানব এবং দৈত্যগণের গুরু শুক্রাচার্য্য এই লোকে অবস্থান করেন। ১। শুক্রাচার্য্য সহস্র বৎসর ব্যাপিয়া দুঃসহ কণ-ধুম পানপূর্বক, মহাদেবের নিকট হইতে মৃত্যুসঞ্জীবনীবিদ্যা প্রাপ্ত হইয়াছিলেন। মৃত্যুঞ্জয় মহাদেব, পার্শ্বতী, কার্তিকেয় এবং গণেশ ব্যতীত সেই দুর্লভ বিদ্যা দেবগণের আচার্য্য বৃহস্পতিও জানেন না। ২-৩।

শিবশর্মা কহিলেন, যে শুক্রের এই উৎকৃষ্ট লোক, সেই শুক্র কে এবং তিনি কিরূপেই বা মহাদেবের নিকট হইতে মৃত্যুসঞ্জীবনীবিদ্যা লাভ করিলেন, যদি আগার উপর আপনাদের প্রীতি থাকে, তাহা হইলে তাহা কীর্তন করুন। অগস্ত্য কহিলেন, তদনন্তর সেই গণদ্বয় তাঁহাকে শুক্রাচার্য্যের উৎকৃষ্ট কথা কীর্তন করিতে লাগিলেন। শ্রদ্ধাপূর্বক এই কথা শ্রবণ করিলে, মানবের অপমৃত্যু-ভয় কিম্বা ভূত-প্রেত বা পিশাচাদি হইতে কোন প্রকার ভয় থাকে না। ৪-৬।

তুর্ভেদ্য গিরি-ব্যূহ ও বজ্র-ব্যূহের অধিনায়কদ্বয় অন্ধক এবং অন্ধকরিপু উভয়ের সংগ্রাম আরম্ভ হইলে, অন্ধক সেই যুদ্ধ হইতে পলায়নকরতঃ, শুক্রাচার্য্যের সন্নিধানে উপস্থিত হইয়া, রথ হইতে অবতরণকরতঃ শুক্রাচার্য্যকে বলিতে লাগিলেন। হে ভগবন্! আপনাকে আশ্রয় করিয়াই আমরা রুদ্র, উপেন্দ্র প্রভৃতি দেবগণকে তাঁহাদের অনুচরবর্গের সহিত, তুণের হ্রায় বোধ করিয়া থাকি। ৭-৯। হস্তী যেমন সিংহকে এবং সর্প যেমন গরুড়কে ভয় করে, হে গুরো! আপনার অনুগ্রহে দেবগণও আমাদিগকে তরুণ ভয় করিয়া থাকে। ১০। সম্ভাপিত ব্যক্তি যেমন হৃদমধ্যে প্রবেশ করে, তরুণ উপস্থিত যুদ্ধে দৈত্য এবং দানবগণ,

প্রমথ-সৈন্যকে কম্পিত করিয়া, অভেদ্য বাহ্মধ্যে প্রবেশ করিয়াছে। হে ব্রাহ্মণেন্দ্র ! আপনার কৃপায় আমরা পর্বতের ন্যায় নিশ্চলভাবে অবস্থিত ছিলাম। আমরা দারা এবং পুত্রগণের সহিত দিবানিশি আত্মভাবে আমাদের সুখপ্রদ আপনার চরণকমলের সেবা করিয়া আসিতেছি। আপনি প্রসন্ন হইয়া, আপনার শরণাগত আমাদিগকে রক্ষা করুন। দেখুন, দ্রাবিড়দেশীয় ব্যক্তিগণ যেমন চন্দনতরুনিচয়কে বিনষ্ট করিয়া পাতিত করে, তদ্রূপ মৃত্যুভয়-বিবর্জিত ভীম পরাক্রম প্রমথসৈন্যগণ, হুণ্ড, তুহুণ্ড, কুজন্ত, জন্ত, পাক, কার্ত্তস্বর, পাকহারি, চন্দ্রদমন এবং শূর প্রভৃতি পরাক্রান্ত দানবগণ, যাহারা অনায়াসে বলবান্ দেবগণকে পরাস্ত করিতে সমর্থ, তাহাদিগকেও বিনষ্ট করিয়া পাতিত করিয়াছে। ১১-১৬। আপনি সহস্র বৎসর ব্যাপিয়া কণ ধূম পানকরতঃ, যে মৃত্যু-সঙ্ঘবিনী বিদ্যা উপার্জন করিয়াছেন, তাহার এই সময় উপস্থিত হইয়াছে, এক্ষণে আপনি সেই বিদ্যাবলে, এই বিনষ্ট দৈত্যগণকে জীবিত করুন, প্রমথ-সৈন্যগণ আপনার মহিমা অবলোকন করুক। ১৭-১৮।

স্থিরমতি ভার্গবমুনি দৈত্যপতি অন্ধকের, এই সবস্ত বাক্য শ্রবণকরতঃ, কিঞ্চিৎ হাস্য করিয়া তাহাকে বলিতে লাগিলেন। হে দৈত্যরাজ ! তুমি যাহা বলিলে, তৎসমস্তই স্বার্থ। আমি সহস্র বৎসর ব্যাপিয়া দুঃসহ কণ-ধূম পানকরতঃ, বন্ধুগণের সুখপ্রদ এই বিদ্যা দানবগণের নিমিস্তই উপার্জন করিয়াছি। মেঘ যেমন জল-বর্ষণ করিয়া শুষ্ক ধান্যসমূহকে উত্থাপিত করে, তদ্রূপ আমিও এই বিদ্যার প্রভাবে রণক্ষেত্রে প্রমথ-সৈন্যকর্তৃক বিমর্দিত দানবগণকে উত্থাপিত করিতেছি। হে দানবেশ্বর ! তুমি এই মুহূর্ত্তেই সেই দানবগণকে ক্ষত-রহিত, গীড়া-বিবর্জিত এবং সুস্থশরীর অবলোকন করিবে। তাহাদের বোধ হইবে, যেন তাহারা নিদ্রা হইতে উত্তিত হইয়াছে। ১৯-২০। শুক্রাচার্য্য দানবপতিকে এই কথা বলিয়া, বিনষ্ট দৈত্যগণের প্রত্যেকের নাম উচ্চারণপূর্বক, সেই মহা-বিদ্যার প্রয়োগ আরম্ভ করিলেন। তখন, যেমন সম্প্রদায় উচ্ছেদনিবন্ধন, অনভ্যস্ত বেদ সাধুগণ-কর্তৃক অধোত হইয়া অভিযুক্ত হয়, মেঘরাশি যেমন বর্ষার অপগমে বিলয় প্রাপ্ত হইয়া বর্ষাকালে পুনরায় গগনে উত্তিত হয় এবং শ্রদ্ধাসহকারে ব্রাহ্মণ-সমূহে প্রদত্ত অর্থ, যেমন, দাতার বিপদের সময় ফলপ্রদান করিবার জন্য উত্তিত হয়, তদ্রূপ বিনষ্ট-দানবগণও প্রহরণহস্তে পুনরায় উত্থান করিল। তুহুণ্ড প্রভৃতি দানবগণকে পুনরায় জীবিত সন্দর্শন করিয়া, দৈত্যগণ জলপূর্ণ মেঘরাশির ন্যায় গর্জ্জন করিয়া উঠিল। ২৪-২৬। এ দিকে প্রমথ-সৈন্যগণ শুক্রাচার্য্য কর্তৃক দানব-

গণকে পুনরায় জীবিত দর্শনকরতঃ, তাশ্চর্য্যাস্থিত হইয়া পরস্পর বলিতে লাগিল যে, এ বিষয় মহাদেবকে জানাইতে হইতেছে। তখন সেই যুদ্ধস্থলে প্রমথগণের আশ্চর্য্যভাব ও শুক্রাচার্য্যের অদ্ভুত কৰ্ম্ম সন্দর্শন করিয়া শিলাদ-তনয় নন্দী মহাদেবের নিকট গমন করিলেন। এবং সমস্ত জয়ের-আকর উগ্ররূপ মহাদেবকে “আপনি বিজয়ী হউন” এই বলিয়া অভিবাদনকরতঃ, বলিতে লাগিলেন যে, হে দেব ! ইন্দ্রাদি দেবগণও যাহা করিতে অসমর্থ, শুক্রাচার্য্য অনায়াসে তাহা করিয়া, বিনষ্ট দৈত্যগণকে জীবিতকরতঃ, প্রমথগণের যুদ্ধকৰ্ম্ম ব্যর্থ করিতেছেন। হে ঈশ ! তিনি মৃতব্যক্তির জীবনপ্রদায়িনী বিদ্যা দ্বারা প্রত্যেককে জীবন প্রদান করিতেছেন। তাহাতে তুহুগু, হুগু, প্রভৃতি দানবগণ যমালয় হইতে ফিরিয়া আসিয়া যুদ্ধক্ষেত্রে প্রমথ-সৈন্যগণকে বিদ্রুত করিয়াছে। ২৭-৩১। হে মহেশ্বর ! ইনি এই ভাবে পুনঃপুনঃ যদি বিনষ্ট দৈত্যগণের জীবনদান করিতে থাকেন, তবে আমাদের জয় এবং প্রমথগণেরইবা শাস্তির আশা কোথায় ? প্রমথগণের শ্রেষ্ঠ নন্দী এই কথা বলিলে, তাঁহার প্রভু দেবদেব মহেশ্বর ঈষৎ হাস্যকরতঃ, তাঁহাকে বলিতে লাগিলেন। ৩২-৩৩। হে নন্দিন ! তুমি অতি দ্বারায় গমন কর এবং শ্যেদপক্ষী যেমন লাবক নামক ক্ষুদ্র পক্ষীবিশেষকে লইয়া যায়, তদ্রূপ দানবগণের মধ্যস্থল হইতে বিজশ্রেষ্ঠ সেই শুক্রাচার্য্যকে লইয়া আইস। বৃষধ্বজ মহাদেব এই কথা বলিলে, নন্দী বুকের আয় স্বরে সিংহনাদকরতঃ, বিপক্ষ সৈন্যমধ্যে প্রবেশ করিয়া, যথায় ভার্গবকুলপ্রদীপ শুক্রাচার্য্য অবস্থান করিতেছিলেন, তথায় গমন করিলেন। এবং যে সমস্ত দানব, পাশ, অসি, বৃক্ষ, উপল, শৈল প্রভৃতি গ্রহরণ হস্তে করিয়া তাঁহাকে রক্ষা করিতেছিল, তাহাদিগকে পরাস্ত করিয়া, শরভ ( হিংস্র জন্তু-বিশেষ ) যেমন হস্তীকে লইয়া যায়, তদ্রূপ শুক্রাচার্য্যকে হরণ করিয়া লইয়া চলিলেন। সেই অবস্থায় শুক্রাচার্য্যের বস্ত্র স্থলিত হইয়া পড়িবার উপক্রম হইল। তাঁহার ভূষণসমূহ বিচ্যুত হইল এবং কেশরাশি বিমুক্ত হইয়া পড়িল। তাঁহাকে মুক্ত করিবার জন্ত মহা পরাক্রম দানবগণ সিংহনাদকরতঃ, তাঁহার অশ্রুগমন করিতে লাগিল। এবং মেঘ হইতে যেমন জল-বর্ষণ হয়, তদ্রূপ অবিচ্ছিন্নরূপে নন্দীর উপর বজ্র, শূল ও অসি প্রভৃতি ভয়ঙ্কর অস্ত্রনিচয় নিক্ষিপ্ত হইতে লাগিল। ৩৪-৩৮। গণাধিনাথ নন্দী, মুখ-নিঃসৃত অগ্নির দ্বারা সেই সমস্ত অস্ত্র দহন করিয়া, ভার্গবকে গ্রহণপূর্ব্বক দৈত্যসৈন্যসমূহকে ব্যাধিতকরতঃ, মহাদেবের পার্শ্বে যাইয়া উপস্থিত হইলেন, এবং মহাদেবকে বলিলেন যে, হে ভগবন্ ! “এই সেই শুক্র”। দেবদেব মহাদেব, শুচিব্যক্তিকর্তৃক প্রদত্ত উপহারের আয়, তৎক্ষণাৎ শুক্রাচার্য্যকে

ফলের আয় স্বীয় মুখমধ্যে নিক্ষেপ করিলেন। তখন দানবকূলে মহা হাহাকারধ্বনি পড়িয়া গেল। ৩৯-৪১। মহাদেব এইরূপে শুক্রকে গলাধঃকরণ করিলে, দানবগণ শূণ্যহীন করীন্দ্র এবং শূন্যহীন বৃষের আয় জয়াশা বিরহিত হইল। এবং শরীরবিহীন জীব, বেদাধ্যয়নবিহীন ব্রাহ্মণ, উচ্চমহীন সম্বৎসরবলস্বী ব্যক্তি, ভাগ্যহীন উচ্চম, পতিহীন নারী, পক্ষহীন শর, পুণ্যহীন আয়ু, আচারহীন পাণ্ডিত্য, বৈভবশক্তি বিনা ফলহীন ক্রিয়াসমূহের আয় সেই দানবগণ, একমাত্র শুক্রাচার্য্য বিনা বিজয়ের আশায় বিমুখ হইল। ৪২-৪৫। এইরূপে নন্দীকর্তৃক অপহৃত শুক্রাচার্য্যকে মহাদেব ভক্ষণ করিলে, দৈত্যগণ অতিশয় বিষম হইয়া, যুদ্ধের উৎসাহ পরিত্যাগ করিতে লাগিল। তখন অন্ধক তাহাদিগকে উৎসাহহীন দর্শন করিয়া, বলিতে লাগিল যে, নন্দী শুক্রাচার্য্যকে বলপূর্বক হরণকরতঃ আমাদিগকে বঞ্চিত করিয়াছে। অতঃ নন্দী আমাদিগের দেহ ছাড়িয়া প্রাণহরণ করিয়াছে। এক শুক্রাচার্য্য হত হওয়ায় আমাদের ধৈর্য্য, বীর্ঘ্য, গতি, কীৰ্ত্তি, বল, তেজ, পরাক্রম প্রভৃতি সমস্তই অপহৃত হইয়াছে। আমাদিগকে ধিক্, যিনি আমাদিগের কুলপূজ্য গুরু এবং সমস্ত বিষয়ে সমর্থ ও আমাদের ত্রাণকর্ত্তা, আমরা তাঁহাকে বিপদকালে রক্ষা করিতে পারিলাম না! ৪৬-৪৯। অতএব হে দৈত্যগণ! তোমরা ধৈর্য্যাবলম্বনপূর্বক শত্রুগণের সহিত যুদ্ধ কর, আমি সমস্ত প্রমথ-সৈন্যের সহিত নন্দীকে বিনাশ করিতেছি। যোগিব্যক্তি যেমন কৰ্ম্মরাশির মধ্য হইতে জীবাত্মাকে মোচন করেন, তদ্রূপ আমি, অতঃ ইন্দ্রাদি দেবগণের সহিত এই প্রমথগণকে বিনষ্ট করিয়া শুক্রাচার্য্যকে মুক্ত করিব। ৫০-৫১। আর যতপি সেই যোগী শুক্রাচার্য্য যোগবলে স্বয়ং মহাদেবের শরীর হইতে নির্গত হইতে পারেন, তাহা হইলেও আমাদিগের অবশিষ্ট সৈন্যগণকে ত্রাণ করিতে পারিবেন। ৫২।

অন্ধকের এই সমস্ত বাক্য শ্রবণ করিয়া দানবগণ, “মরিতে হইবে” এইরূপ নিশ্চয়করতঃ, মেঘের আয় গর্জ্জন করিতে করিতে প্রমথ-সৈন্যগণকে বিনাশ করিতে লাগিল। ৫৩। এবং ভাবিতে লাগিল যে, আয়ু যদি নিত্য হইত তাহা হইলে প্রমথগণ কখনই আমাদের সহিত যুদ্ধ করিতে সমর্থ হইত না, অথচ আয়ু যখন অনিত্য, তখন প্রভুকে পরিত্যাগপূর্বক, আমাদের অন্তঃ গমন করিবারই বা প্রয়োজন কি? ৫৪। যাহারা প্রভুর অনুগ্রহে বহুতর ধন ও মানলাভ করিয়াছে, তাহারা যদি রণক্ষেত্রে প্রভুকে পরিত্যাগপূর্বক গমন করে, তাহা হইলে তাহাদিগকে অন্ধতামিস্র নামক নরকে গমন করিতে হয়। ৫৫। এবং যাহারা রণক্ষেত্রে হইতে পলায়ন করে, তাহারা অবশরূপ তমোরাশির দ্বারা স্বীয় প্রতিষ্ঠা মলিন

করে এবং ইহ বা পরকালে সুখী হইতে পারে না । ৫৬ । পুনর্জন্মরূপ মলের অপহর্ত্তা রণক্ষেত্ররূপ ধরা-তীর্থে যদি স্নান করিতে ( মরিতে ) পারে, তবে তাহার আর দান, তপস্বী বা তীর্থস্নানে প্রয়োজন কি ? দৈত্য ও দানবগণ পরস্পর এই সমস্ত ভাবিয়া, যুদ্ধে ভেরীধ্বনিকরতঃ প্রমথগণকে বিনাশ করিতে লাগিল । তখন দানব ও প্রমথগণ পরস্পর, বাণ, অসি, বজ্র, পাষাণ, ভূশুণ্ডী, ভিন্দিগাল, শক্তি, তন্ন, পরশু খটাঙ্গ, পট্টিশ, শূল, মুষল প্রভৃতি অস্ত্রসমূহের দ্বারা পরস্পরকে আঘাত-করতঃ, ঘোরতর সংগ্রাম করিতে লাগিল । তখন ধুমুর আকর্ষণ ও বাণপতন এবং অগ্ন্যস্ত্র অগ্ন-নিষ্ক্ষেপের ঘোরতর শব্দ হইতে লাগিল । এবং রণভেরীর নাদ ও হস্তী প্রভৃতির চীৎকারে যুদ্ধক্ষেত্র কোলাহলময় হইয়া উঠিল । তাহার প্রতিধ্বনিতে গগনমণ্ডল ব্যাপ্ত হইল এবং ভীকু ও অভীরুগণেরও রোমোদগম হইতে লাগিল । হস্তী ও অশ্বগণের ভয়ঙ্কর শব্দে সৈন্যগণের কর্ণ বধির হইয়া পড়িতে লাগিল । তাহাদের হস্তী, অশ্ব ও রথসমূহ বিনষ্ট হইল । উভয় পক্ষেরই সৈন্য রুধির বমন-করতঃ, পিপাসায় অস্থির হইয়া মুচ্ছিত হইয়া পড়িতে লাগিল । ৫৭—৬৫ । প্রমথ-সৈন্যকর্ত্তৃক দানবগণকে ইতস্ততঃ ছিন্নভিন্ন হইতে দেখিয়া, দানবপতি অন্ধক রথে আরোহণকরতঃ, প্রমথগণের প্রতি ধাবিত হইল । তাহার শর ও বজ্র-প্রহারে, প্রমথগণ বজ্রাহত বৃক্ষের ন্যায় বিনষ্ট হইয়া বায়ু-কর্ত্তৃক তাড়িত জলহীন মেঘের ন্যায় ইতস্ততঃ ছড়াইয়া পড়িল । যে পলায়ন করিতেছে, যে আসিতেছে, যে দূরে আছে, এবং যে নিকটে আছে, তাহাদের প্রত্যেকের প্রতি-রোমকূপ, অন্ধক বাণে বিদ্ধ করিতে লাগিল । এদিকে, বিনায়ক, স্কন্দ, নন্দী, নৈগমেয়, শাখ এবং বিশাখ প্রভৃতি বলবান্ প্রমথগণের ত্রিশূল, শক্তি, বাণ প্রভৃতি অস্ত্র-নিষ্ক্ষেপে অন্ধকও আচ্ছন্ন হইয়া পড়িল । তখন প্রমথ ও দানবসৈন্যের মধ্যে ভয়ঙ্কর কোলাহলধ্বনি উত্থিত হইতে লাগিল । সেই মহাশব্দশ্রবণে, মহাদেবের উদরমধ্যে অবস্থিত শুক্রাচার্য্য, ছিদ্র অন্বেষণপূর্ব্বক নিরাশ্রয় বায়ুর ন্যায় ভ্রমণকরতঃ মহাদেবের দেহ-মধ্যে সপ্তলোক, পাতালসমূহ এবং ব্রহ্মা, নারায়ণ, ইন্দ্র ও অঙ্গরাগণের বিচিত্র আলয়সমূহ এবং প্রমথ ও অশ্বরগণের যুদ্ধ নিরীক্ষণ করিতে লাগিলেন । ৬৬—৭৩ । খলব্যক্তি যেমন পবিত্র ব্যক্তির ছিদ্র দেখিতে পায় না তজ্জপ শুক্রও, মহাদেবের উদর-মধ্যে শতবর্ষ ভ্রমণ করিয়াও কোন ছিদ্র দেখিতে পাইলেন না । ৭৪ । অনন্তর শুক্র শাস্ত্রব্যাখ্যাবলে শুক্র- ( বীৰ্য্য ) রূপে নির্গত হইয়া মহাদেবকে প্রণাম করিলেন । তখন মহাদেব তাঁহাকে বলিলেন যে, হে ভৃগুনন্দন ! তুমি যেহেতু আমার দেহ হইতে শুক্ররূপে নির্গত হইলে, অতএব তোমার নাম “শুক্র” এবং তুমি

আমারে পুত্রস্বরূপ হইলে, এক্ষণে গমন কর। ৭৫-৭৬। শুক্র জঠর হইতে নির্গত হইলেন দেখিয়া, “ব্রাহ্মণ উদরের মধ্যে মরে নাই” এই ভাবিয়া মহাদেবও প্রীতিলাভ করিলেন। ৭৭। শুক্রাচার্য্য মহাদেবকর্তৃক এইরূপে অভিহিত হইয়া, চন্দ্র যেমন মেঘমালার মধ্যে প্রবেশ করে, তদ্রূপ দানব-সৈন্যের মধ্যে প্রবেশ করিলেন। চন্দ্রাদয় হইলে সমুদ্র যেমন হর্ষে উছলিয়া উঠে, তদ্রূপ দানব-সমুদ্রও শুক্রের উদয়ে হর্ষ-প্রাপ্ত হইল। ৭৮-৭৯। অক্ষক ও অক্ষকরিপুর যুদ্ধকালে সেই ভৃগুনন্দন এইরূপে শুক্রনামে অভিহিত হইয়াছিলেন। হে সূত্রত! সেই শুক্র, মহাদেবের অনুগ্রহে যে প্রকারে মৃতসঞ্জীবনী নামে উৎকৃষ্ট বিদ্যা প্রাপ্ত হইয়াছিলেন, তাহাও শ্রবণ কর। ৮০-৮১।

পুরাকালে এই ভৃগুনন্দন শুক্র, অশুজ, শ্বেদজ, উদ্ভিজ্জ ও জরায়ুজ জীবগণের পরম গতিপ্রদ বারাগসীধামে গমনপূর্বক শিবলিঙ্গ-প্রতিষ্ঠা ও তাঁহার সম্মুখে কূপ-প্রতিষ্ঠাকরতঃ, প্রভু বিশ্বেশ্বরের আরাধনায় বহুকাল ব্যাপিয়া তপস্যা করিয়াছিলেন। তিনি রাজচম্পক, ধূস্তুর, করবীর, পদ্ম, মালতী, কর্ণিকার, কদম্ব, উৎপল, মল্লিকা, শতদল, সিঙ্খুবার, কিংশুক, অশোক, করুণ, পুন্নাগ, নাগকেশর, গাধবী, পাটলা, বিম্ব, চম্পক, নবমল্লিকা, বিচিকিল, কুন্দ, মুচুকুন্দ, মন্দার, দ্রোণ, মরুবক, বক, গ্রন্থিপর্য, দমনক, সুরভূ, চূতপল্লব, বিম্বপত্র, তুলসী, দেবগন্ধারী, বৃহৎপত্রী, কুশাক্কুর, তগর, অগস্ত্য, শাল, দেবদারু, কাঞ্চনার, কুরুবক, দুর্ব্বাক্কুর, কুরটক প্রভৃতি পুষ্প ও পত্র এবং অগ্ন্যান্ত নানাবিধ পত্রের দ্বারা মহারেবের পূজা করিতেন এবং দ্রোণপরিমিত পঞ্চামৃত ও অগ্ন্যান্ত স্নগন্ধি দ্রব্যের দ্বারা বহুসহকারে লক্ষবার মহাদেবকে স্নান করাইতেন ও চন্দন প্রভৃতি স্নগন্ধি দ্রব্যসমূহের দ্বারা মহাদেবের অঙ্গ-লেপন করিতেন। এবং নানাবিধ উপহার, নৃত্য, গীত ও বেদোক্ত জুতিপাঠ-করতঃ মহাদেবকে সন্তুষ্ট করিতেন। এইরূপে পঞ্চ সহস্র বৎসর তপস্যা করিয়াও বখন মহাদেবের দর্শন পাইলেন না, তখন শুক্র আরও কঠোর নিয়ম অবলম্বন করিলেন। ৮২-৯৪। তিনি ভাবনাময় বারির দ্বারা ইন্দ্রিয়গণের সহিত চিত্তের চাক্ষুরূপ মল ধৌতকরতঃ, সেই নির্মল চিত্তরত্ন মহাদেবকে অর্পণ করিলেন। এবং সহস্র বৎসর ব্যাপিয়া কণ-ধূম পানকরতঃ অবস্থান করিলেন। ৯৫-৯৬। তখন মহাদেব তাঁহার উপর প্রসন্ন হইয়া সহস্র সূর্য্যের তেজে সেই লিঙ্গমধ্য হইতে নির্গত হইয়া, শুক্রকে বলিতে লাগিলেন যে, হে তপোনিধে ভাগব! আমি প্রসন্ন হইয়াছি, তুমি বর প্রার্থনা কর। ৯৭-৯৮। তখন কমললোচন ব্রাহ্মণ, মহাদেবের এই বাক্য শ্রবণ করিয়া, হর্ষে রোমাঞ্চিত শরীরে মৌলিদেবে অঞ্জলি-

বন্ধ করিয়া “জয়, জয়” এই বাক্য উচ্চারণকরতঃ মহাদেবের স্তব আরম্ভ করিলেন । ৯৯—১০০ ।

ভার্গব কহিলেন, হে দেব দিনমণে ! তুমি এই সমস্ত তেজের দ্বারা তুমোরাশি অভিভবপূর্বক নিশাচরগণের অভিলাষকে বিনাশকরতঃ, ত্রিভুবনের হিত-উদ্দেশে গগনমার্গে দীপ্তি পাইয়া থাক, হে জগদীশ্বর ! তোমাকে নমস্কার । হে শশাঙ্ক-রূপিন্ ! হে পীযুষপুরপরিপূর্ণ ! তুমিই প্রতিকণ অমৃতময়-কিরণ বিস্তারকরতঃ, সমুদ্র এবং কুমুদীর হর্ষ উৎপাদন করিয়া থাক, হে দেব ! তোমাকে নমস্কার । হে দেব ! তুমি পবিত্রমার্গে বায়ুরূপে অবস্থানকরতঃ, জগতের উপাস্ত হইয়া আছ, হে ভুবন-জীবন ! তোমা বিনা কে জীবনধারণ করিতে পারে ? হে স্তব্ধ-প্রভঞ্জন ! হে বিবন্ধিত-সর্বজন্তো ! হে সর্বগত ! তোমাকে নমস্কার । ১০১-১০৩ । হে জগদেক পবিত্র ! হে অমৃত ! তোমার একমাত্র পাবকশক্তি ব্যতিরেকে দেব বা ইন্দ্রিয়গণের কোন কার্যই নির্বাহিত হয় না, অতএব হে জগতের অন্তরাঙ্গা-পাবকরূপি ভগবন্ ! তোমাকে নমস্কার । হে জলস্বরূপ পরমেশ্বর ! হে বিচিত্র-সুচরিত্র ! হে জগৎ-পবিত্র ! হে বিশ্বনাথ ! তোমাকে পান এবং তোমাতেই অবগাহনকরতঃ, এই বিশ্ব পরিতৃপ্ত ও পবিত্র হইতেছে, অতএব আমি জলস্বরূপ তোমাকে নমস্কার করিতেছি । হে আকাশরূপি-ভগবন্ ! হে ঈশ্বর ! হে সদয় ! তোমার দ্বারাই অবকাশপ্রাপ্ত হইয়া, এই দৃশ্যজগৎ স্বাভাবিকরূপে নিঃশাগগ্রহণ করিতে সমর্থ হইতেছে এবং তোমাতেই বিলয়প্রাপ্ত হইবে, অতএব হে দেব ! তোমাকে নমস্কার করি । হে ক্ষিতিস্বরূপ ! হে বিভো ! তুমিই এই বিশ্বকে ধারণ করিতেছ, হে বিশ্বনাথ ! হে তমোরে ! তোমা বিনা এ জগতে আর কি আছে ? হে হিমজাহিভূষ ! তোমাবিনা এ জগতে শমশীল ব্যক্তিগণের স্তবের যোগ্য আর কে আছে ? অতএব হে পরাৎপর ! তোমাকে নমস্কার করি । হে আত্মস্বরূপ হর ! তোমারই এই সমস্ত মুক্তির দ্বারা এই চরাচর ব্যাপ্ত রহিয়াছে, অতএব হে সর্বান্তনিলয় ! হে প্রতিকল্পরূপ ! হে পরমাত্মতনো ! হে অষ্টমূর্ত্তে ! আমি সর্বদা তোমাকে নমস্কার করি । ১০৪-১০৮ । হে উমাভিবন্দ্য ! হে বন্দ্যাতি-বন্দ্য ! হে ভব ! হে বিশ্বজনীন মূর্ত্তে ! হে প্রণত-প্রণীত ! হে সর্বার্থসার্থ-পরমার্থ ! তোমার এই অষ্টবিধ অনুপম মুক্তিদ্বারাই এই সমস্ত জগৎ ব্যাপ্ত রহিয়াছে । অতএব আমি তোমাকে নমস্কার করি । এইরূপে শুক্ল ভূমিতে মস্তক আনত করিয়া, এই অষ্টমূর্ত্ত্যম্বুজ স্তোত্রের দ্বারা মহাদেবের স্তবকরতঃ বারম্বার তাঁহাকে প্রণাম করিতে লাগিলেন । ১০৯-১১০ । অমিততেজা ভার্গব-



কর্তৃক এই প্রকারে স্তুত হইয়া, মহাদেব বাহুদয় দ্বারা তাঁহাকে ভূমি হইতে উত্তোলনকরতঃ দর্শনপ্রভায় দিগন্তর প্রাচোতীত করিয়া বলিতে লাগিলেন। তোমার এই কঠোর তপস্বী ও অনন্তমূলভ আচরণ এবং লিঙ্গ-স্থাপন জন্ত পুণ্য, লিঙ্গের আরাধনা, নিশ্চল ও পবিত্র চিন্তরত্নোপহার এবং এই অবিমুক্তক্ষেত্রে পবিত্র আচরণের দ্বারা, তোমাকে আমি আমার পুত্র কাঙ্ক্ষিকের ও গণপতিভূল্য দেখিতেছি, তোমাকে অদেয় আমার কিছুই নাই। তুমি এই শরীরেই আমার দেহে প্রবিষ্ট হইয়া, আমার পুত্রত্ব লাভ করিবে এবং আরও একটা বর প্রদান করিতেছি যাহা আমার অমুচরণগণও পায় নাই, এবং যাহা আমি ব্রহ্মার নিকটও গোপন করিয়াছি, যাহা মৃতসঞ্জীবনী নামে বিখ্যাত ও যাহা আমি তপোবলে নিষ্কাশন করিয়াছি, হে মহাশুভে ! সেই মন্ত্ররূপা বিজ্ঞা আমি তোমাকে প্রদান করিতেছি। হে তপোনিধি ! তুমি সেই বিজ্ঞা পাইবার উপযুক্ত পাত্র। ১১১-১১৮। তুমি যে যে মৃতব্যক্তিকে উদ্দেশ করিয়া সেই বিজ্ঞা প্রয়োগ করিবে, সেই সেই ব্যক্তি পুনরায় জীবন লাভ করিবে। আর তোমার তেজ, সূর্য্য, অগ্নি ও তারাগণ হইতেও অধিক হইবে এবং তুমি গ্রহগণের শ্রেষ্ঠ হইয়া আকাশমার্গে দেদীপ্যমান থাকিবে। তোমাকে সম্মুখে করিয়া যে সমস্ত নর বা নারী যাত্রা করিবে, তোমার দৃষ্টিপাতে তাহাদের সমস্ত কার্য্য বিনাশ হইবে। হে স্তুত ! তোমার উদয়ে বিবাহাদি ও অগ্ন্যায় ধর্ম্মকার্য্য সফল হইবে এবং মন্দতিথিসমূহও তোমার সংযোগে শুভ হইবে। আর তোমার ভক্তগণ বহুশুক্র ও বহুপ্রজাশালী হইবে। ১১৯-১২৩। যে সমস্ত মনুষ্য, তোমার স্থাপিত এই শুক্রেস্বরের পূজা করিবে, তাহাদের কার্য্য সিদ্ধ হইবে। এবং তাহারা এক বৎসর ব্যাপিয়া নক্তব্রতপর হইয়া শুক্রবারে এই কূপে উদকক্রিয়াসমূহ নির্বাহকরতঃ, শুক্রেস্বরের অর্চনা করিবে, তাহাদের যে ফল হইবে তাহা শ্রবণ কর। তাহাদের শুক্র অব্যর্থ হইবে ও তাহারা পুত্রবান্ ও অতিরেতা হইবে, এবং তাহারা পুরুষত্ব ও সৌভাগ্যশালী হইয়া সুখী হইবে ও তাহাদের সমস্ত বিঘ্ন বিনষ্ট হইবে। মহাদেব এই সমস্ত বর প্রদানপূর্ব্বক সেই লিঙ্গমধ্যে বিলীন হইলেন। ১২৪-১২৭।

গণদয় কহিলেন, যাহারা শুক্রেস্বরের ভক্ত, তাহারা শুক্রলোকে বাস করিয়া থাকে। হে পরম্পর ! বিশ্বেশ্বরের দক্ষিণদিকে শুক্রেস্বর অবস্থিত আছেন, তাঁহাকে দর্শন করিলেই শুক্রলোকে আসিতে পারা যায়। হে মহামতে ! এই তোমাকে শুক্রলোকের বিষয় বর্ণন করিলাম। ১২৮-১২৯।

অগন্ত্য কহিলেন, হে সধর্ম্মিণি ! হে স্তুত ! সেই ব্রাহ্মণ শিবশর্ম্মা এইরূপে

শুক্ললোকের কথা শ্রবণকরতঃ গমন করিতে করিতে সম্মুখে মঙ্গল-লোক দেখিতে পাইলেন। ১৩০।

## সপ্তদশ অধ্যায়।

—:~:—

মঙ্গল, গুরু এবং শনিলোক-বর্ণন।

শিবশর্মা কহিলেন, হে দেবদয়! শুক্ললোক-সম্বন্ধিনী অতি শুভকারিণী কথা আমি শ্রবণ করিলাম। এই শুক্ল-সম্বন্ধিনী কথা শ্রবণ করিয়া, মদীয় কর্ণদ্বয় অতি-শয় তৃপ্তিলাভ করিয়াছে। ১। এই সম্মুখে কোন্ পুণ্যানিধির নির্মললোক দেখা যাইতেছে, তাহা আপনারা কীৰ্ত্তন করিতে প্রবৃত্ত হউন। ২। আপনারা অনায়াসে যে সকল অমৃতস্বরূপ বাক্য কহিতেছেন, তাহা শ্রবণ করিয়া আমার তৃপ্তিলাভ হইতেছে না, ক্রমশই শ্রবণেচ্ছা বলবতী হইতেছে। ৩।

গণদয় কহিলেন, হে শিবশর্মান্! এই লোকটী মঙ্গলের, ইহা তুমি অবগত হও, এই মঙ্গল কি প্রকারে ভূমিপুত্র হন এবং ইহার জন্মবৃত্তান্তও বলিতেছি। ৪। পূর্বকালে দাক্ষায়ণীর বিরহে মহাদেব উগ্রতপস্যায় প্রবৃত্ত হন। সেই তপস্যাকালে এক দিবস তাঁহার ললাট হইতে একটী স্নেদবিন্দু ভূমিতে পতিত হইল। ৫। সেই স্নেদবিন্দু ভূমিতে পতিত হইবামাত্র মহাতল হইতে একটী লোহিতাঙ্গ পুত্র জন্ম-গ্রহণ করিলেন। ধরণী ধাত্রীরূপে সেই পুত্রটিকে স্নেহের সহিত সম্বন্ধিত করিতে লাগিলেন। ৬। সেই পুত্রটী “মহীমত” এই খ্যাতি প্রাপ্ত হইলেন। হে অনঘ! সেই মহীমত মহাদেবপুরী বারাগসীতে উগ্রতপস্যা করিতে প্রবৃত্ত হইলেন। ৭। যে কাশীর উভয় প্রান্তে অসি ও বরণা নাম্নী দুইটী নদী স্বর্গদী উত্তরবাহিনীর সহিত মিলিত হইয়াছেন। সর্বগত হইয়াও বিশ্বেশ্বর যেখানে সাক্ষাৎ বিরাজমান রহিয়াছেন এবং যথাকালে পরিত্যক্তশরীর জীবগণের মুক্তি প্রদান করিতেছেন। ৮-৯। যে কাশীতে প্রাগিগণ দেহত্যাগান্তে বিশ্বেশ্বরের প্রসাদ লাভ করিয়া মোক্ষলাভ করিতে পারে ও যে কাশীতে দেহত্যাগ করিলে পর, ষোগ, সাংখ্যজ্ঞান ও নানাপ্রকার ত্রতাদির সাহায্য ব্যতিরেকে জীবগণ অনায়াসে পুনরাবুত্তি-রহিত মুক্তিলাভ করিতে সমর্থ হয়। ১০-১১। সেই ত্রিলোকবিদিত কাশীপুরীতে

পঞ্চমুদ্রাময় মহাস্থানে নিজের নামানুসারে, অঙ্গারকেশ্বর নামক শিবলিঙ্গ স্থাপন-পূর্বক, ভূমিস্তুত অতি কঠোর তপস্যা আরম্ভ করিলেন ! সেই অঙ্গারকেশ্বর লিঙ্গ, কন্দলাশ্বতর নামক নাগদ্বয়ের উত্তরভাগে অবস্থিত । ১২ । যাবৎকাল পর্য্যন্ত তাঁহার শরীর হইতে জ্বলদঙ্গারতুল্য তেজ নির্গত হইয়াছিল, সেই কালপর্য্যন্ত সেই মহাত্মা ভূমিস্তুত অতি উগ্র তপস্যা করিলেন । ১৩ । তাঁহার শরীর হইতে তপস্যাকালে জ্বলদঙ্গার তুল্য তেজ নির্গত হইয়াছিল বলিয়াই, তিনি লোকসমাজে “অঙ্গারক” নামে বিখ্যাত হইয়াছেন । মহাদেব তপস্যার প্রভাবে পরিতুষ্ট হইয়া, তাঁহাকে অতি মহৎ গ্রহ-পদ প্রদান করিয়াছেন । ১৪ ।

মঙ্গলবারযুক্ত চতুর্থীতিথিতে উত্তরবাহিনী গঙ্গাজলে অবগাহন করিয়া, মনুষ্য-গণ যদি ভক্তিতে অঙ্গারকেশ্বরকে নমস্কার করে, তবে তাহাদিগের আর কোন প্রকার গ্রহভয় থাকে না । মঙ্গলবারে যদি চতুর্থী তিথি যোগ হয়, তাহা হইলে সেই দিন গ্রহণ-দিনের ন্যায় গ্রাহ্য, ইহা কালবেত্তাগণ কহিয়া থাকেন । ১৫-১৬ । মঙ্গলবারযুক্ত চতুর্থী তিথিতে যাহা প্রদান করা যায়, যাহা হোম করা যায় বা যাহা জপ করা যায়, সেই সমস্ত কার্য অক্ষয় বলিয়া পরিগণিত হয় । ১৭ । মঙ্গলবার যুক্ত চতুর্থীতিথিতে মনুষ্যগণ, শ্রদ্ধাপূর্বক বা অশ্রদ্ধাসহকারে পিতৃগণের উদ্দেশে যদি কোন কৰ্ম করেন, তাহা হইলে পিতৃগণের সেই কৰ্মের দ্বারা দশবর্ষব্যাপিনী তৃপ্তিলাভ হয় । ১৮ । পুরাকালে মঙ্গলবার চতুর্থী তিথিতে গণেশ জন্মগ্রহণ করিয়াছিলেন, এই কারণে ঐ দিবস পুণ্যসমৃদ্ধিজনক পৰ্বদিন বলিয়া কীর্তিত হইয়া থাকে । ১৯ । মঙ্গলবারযুক্ত চতুর্থী তিথিতে একভক্ত ব্রতী হইয়া, গণনাথের পূজা-করতঃ, কিঞ্চিৎ দ্রব্যও তাঁহার উদ্দেশে প্রদান করিলে, মনুষ্য কখনই বিষন্নমুহুরে দ্বারা অভিভূত হয় না । ২০ । বারাগমোধ্যমে অঙ্গারকেশ্বর-ভক্ত যে সকল নরশ্রেষ্ঠ-গণ বাস করেন, তাঁহাদের অমৃত্র দেহাশু হইলে পর, তাঁহারা এই অঙ্গারক-লোক প্রাপ্ত হইয়া, পরম ঐশ্বর্য লাভকরতঃ বাস করেন । ২১ ।

অগস্ত্য কহিলেন, এই প্রকার অতি রমণীয় পুণ্যময়ী কথা কহিতে ভগবদগণদ্বয় সম্মুখেই বৃহস্পতিপুত্রী-দর্শন করিতে পাইলেন । ২২ । নয়নানন্দবিধায়িনী সেই বৃহস্পতির পুত্রী অবলোকন করিয়া, শিবশর্ম্মা গণদ্বয়কে জিজ্ঞাসা করিলেন যে, হে বিষু-গণদ্বয় ! এই সম্মুখে কাহার পুত্রী দেখা যাইতেছে ? ২৩ ।

গণদ্বয় কহিলেন, হে সখে ! তোমার নিকট নানা প্রকার আখ্যান আমরা পরমানন্দে কীৰ্ত্তন করিতেছি । এক্ষণে পথশ্রমের অপনয়নকারিনী এই পুত্রী-বিষয়িণী কথা কীৰ্ত্তন করিতেছি, তুমি নিবিষ্টচিত্তে শ্রবণ কর । ২৪ । পুরাকালে

ভগবান্ ব্রহ্মা, যখন ত্রিলোক সৃষ্টি করিতে অভিলাষা হইয়াছিলেন, সেই সময় তাঁহার স্মরুরূপ সাতজন মানসপুত্র আবির্ভূত হইলেন। সেই গরীচি, অঞ্জিরা প্রভৃতি ব্রহ্মার সপ্ত মানস-পুত্রগণ সকলেই সৃষ্টি প্রবর্তিত করেন। তাঁহাদিগের মধ্যে অঞ্জিরার দেবশ্রেষ্ঠ এক পুত্র জন্মগ্রহণ করিলেন। অঞ্জিরার পুত্র পিতৃ-নামানুসারে “আঞ্জিরস” এই নামে বিখ্যাত হইলেন। আঞ্জিরস বুদ্ধিবলে সকল দেবগণের মধ্যে শ্রেষ্ঠ ছিলেন। তিনি সর্বদাই শান্ত ও দমযুক্ত ছিলেন ও কোন বিষয়েই তিনি ক্রুদ্ধ হইতেন না, তাঁহার বাক্য অতি মৃদু এবং অস্থঃকরণ নিশ্চল ছিল। আঞ্জিরস, বেদ ও বেদার্থতত্ত্বের জ্ঞাতা ও নিখিল কলাতেই পারদর্শী ছিলেন। তিনি সকল শাস্ত্রেরই যথাই মৰ্ম্ম অবগত ছিলেন এবং নীতিবেত্তা গণের মধ্যে সর্বশ্রেষ্ঠ ছিলেন। তিনি সর্বপ্রকার মঙ্গলের উপদেশ করিতেন এবং সর্বপ্রকার অমঙ্গল ব্যাপার হইতে দূরে থাকিতেন। তিনি রূপবান্ ও শীল-সম্পন্ন ছিলেন। সর্ব প্রকার গুণ তাঁহাতে ছিল এবং তিনি দেশ-কাল-সম্বন্ধে জ্ঞাতা ছিলেন। ২৫-২৯। এই প্রকার সর্বশুলক্ষণবিশিষ্ট গুরুবৎসল, সেই অঞ্জিরার পুত্র কালীতে মহতী তাপসীবৃত্তি অবলম্বন করিয়া, অতি কঠোর তপস্যা করিতে প্রবৃত্ত হইলেন। ৩০। মহাতপা আঞ্জিরস কালীক্ষেত্রে শিবলিঙ্গ স্থাপন করিয়া, দিব্য পরিমাণের দশ সহস্র বৎসর ব্যাপিয়া, সুদীর্ঘ তপস্যা করিলেন। ৩১। অনন্তর ভগবান্ বিখ্যাতবন বিশ্বেশ্বর প্রসন্ন হইয়া, সেই প্রতিষ্ঠিত লিঙ্গে তেজো-রাশিরূপে আবির্ভূত হইলেন, এবং তাঁহাকে বলিলেন যে, “হে আঞ্জিরস! আমি তোমার প্রতি প্রসন্ন হইয়াছি, তোমার হৃদয়ে যাহা অভিলাষ আছে, সেই বর প্রার্থনা কর, আমি প্রদান করিতেছি”। বরপ্রদানোত্তম মহাদেবকে অবলোকন করিয়া, হৃষ্টত্বা আঞ্জিরস স্তুতি করিতে লাগিলেন। ৩২—৩৩।

আঞ্জিরস কহিলেন, হে শঙ্কর! হে শান্ত! হে, শশাঙ্করুচ! হে সর্বদ! হে সর্বশুচে! হে রুচিরার্থদ! হে প্রভো! আপনার জয় হউক। হে দেব! পবিত্রস্বভাব ব্যক্তিগণ আপনার পূজার নিমিত্ত, মহোপহারদ্রব্য প্রদান করিলে, আপনি তাহা কৃপাপূর্বক গ্রহণ করিয়া থাকেন। হে দেব! আপনি ভক্তজন-গণের অতি উৎকট তাপসমুহকে দূর করিয়া থাকেন, আপনার জয় হউক। ৩৪। হে প্রভো! আপনি সকলেরই হৃদাকাশ ব্যাপিয়া অবস্থান করিতেছেন। ব্রহ্মাদি দেবগণও আপনাকে নমস্কার করিয়া থাকেন, আপনি প্রণত জীবগণের সর্বপ্রকার পাপরূপ মহাবনসমূহের দাহ করিয়া থাকেন। আপনি বিবিধ প্রকার চরিত্র ও দেহসমূহের সৃজন করিয়াছেন, আপনি মদনাস্তক, হে ধৈর্য্যনিধে! আপনার জয়

হউক । ৩৫ । হে দেব ! আপনার আদি বা অন্ত নাই, আপনি জনগণের ভক্তি প্রদান করিয়া থাকেন । আপনি তত্ত্বজ্ঞানাদিগের মনোরথ পূরণ করেন, আপনার বামণীর গিরিরাঙ্গতনয়া কর্তৃক অলঙ্কৃত । হে প্রভো ! আপনার শরীরের দ্বারাই এই সমুদয় বিশ্ব পরিপূরিত রহিয়াছে । আপনার স্বরূপ এই জগতেই পরিদৃশ্যমান অথচ আপনার কোন স্বরূপই নাই । হে স্ননয়ন ! আপনি নেত্র-কোণ সঙ্কোচ-করতঃ, অগ্নিকে উৎপন্ন করিয়াছেন, হে ভব ! হে ভূতপতে ! হে প্রমথৈকপতে ! এ সংসারে পতিতগণের প্রতি আপনিই একমাত্র করাবলম্বন প্রদান করেন, আপনার জয় হউক । ৩৬-৩৭ । হে প্রভো ! সমস্ত সংসার ব্যাপিয়া আপনি অবস্থান করিতেছেন, আপনি প্রণবধ্বনির গৃহস্বরূপ, হে সুধাংশুধর ! হে গিরিরাঙ্গ-তনয়ালিঙ্গিতনো ! হে পরিতুষ্ট ! আপনাকে নমস্কার করিতেছি । হে শিব ! হে দেব ! হে গিরিশ ! হে মহেশ ! হে বিভো ! হে বিভবপ্রদ ! হে গিরীশ ! হে শিবেশ ! হে মুড় ! হে শশাঙ্কশেখর ! হে ভক্তিবিনাশকারীগণের যন্ত্রণাপ্রদ ! আপনি ত্রিজগতের সুখ প্রদান করুন । ৩৮-৩৯ । হে অমোঘমতে ! হে হর ! আমি আপনার শরণাগত এ কারণে আমি যমকেও ভয় করি না, আমার সর্ব-প্রকার পাপ বিনাশ করুন । প্রণামকারীগণের শিব-পাদপদ্মে প্রণাম ব্যতিরেকে আর কিছুতেই মঞ্জল নাই, এই কারণে আমি সর্বতোভাবে আপনাকে প্রণাম করিতেছি । ৪০ । হে প্রভো ! এই অখিল জগতের মধ্যে আপনি একমাত্র সুখ-প্রদাতা এবং সর্ববিধ পাপাপহারী । আপনি, সত্ত্ব, রজঃ ও তমোগুণস্বরূপ অথচ আপনি ত্রিগুণবর্জিত । প্রলয়কালে আপনিই বিশ্বের সংহার করেন, সর্পের দ্বারাই আপনার বলয় নির্মিত হইয়াছে । হে ঈশ ! আমি আপনাকে নমস্কার করিতেছি । ৪১ । এই প্রকারে মহাদেবের স্তুতি করিয়া, অঙ্গিরার পুত্র মৌন অবলম্বন করিলেন । তখন আগ্নিরসের স্তুতিতে প্রসন্ন হইয়া, মহাদেব তাঁহাকে বহুবিধ বর প্রদান করিলেন । ৪২ ।

মহাদেব কহিলেন, হে আগ্নিরস ! এই বৃহৎ তপস্যার ফলে তুমি ইন্দ্রাদিগণের উপর আধিপত্য লাভ কর । হে বিজ্ঞ ! এই বৃহৎ তপস্যার জন্ত তোমার নাম “বৃহস্পতি” হইল এবং অত্ৰ হইতে সকল গ্রহগণের মধ্যে তুমি মাননীয় হইলে । ৪৩ । এই লিঙ্গের অর্চনায় ফলে তুমি আমার জীবস্বরূপে পরিগণিত হইলে এবং এই কারণে ত্রিলোকমধ্যে তুমি “জীব” এই খ্যাতি প্রাপ্ত হইবে । ৪৪ । অতি চাতুর্য্যময় বাক্যপ্রপঞ্চ দ্বারা তুমি নিম্প্রপঞ্চস্বরূপ আমার স্তুতি করিতে পারিয়াছ, এই কারণে অত্ৰ হইতে তুমি বাক্যসমূহের অধিপতি লাভ কর । ৪৫ ।

তোমার কৃত এই স্তোত্রটী পাঠ করিলে, তিন বৎসরের মধ্যে বাক্য বিশুদ্ধ হইবে এবং বাক্যের জড়তা সম্পূর্ণরূপে বিনষ্ট হইবে। ৪৬। যাহারা প্রতিদিন এই স্তোত্র পাঠ করিবে, মহাকাৰ্য্য উপস্থিত হইলেও তাহাদের বুদ্ধি বিকল হইবে না। এই স্তোত্রটীর “বায়ব্য” এই নাম রহিল। ৪৭। অবিবেক-জনগণও, যদি মদীয় লিঙ্গসন্নিধানে এই স্তোত্রটী পাঠ করে, তবে তাহাদিগেরও কখনও অসৎ কার্য্যে প্রবৃত্তি হইবে না। ৪৮। যিনি এই স্তোত্রটী পাঠ করিবেন, তাঁহার কখনও গ্রহপীড়া হইতে ভয় থাকিবে না। সুতরাং জনুগণের মদীয় লিঙ্গসন্নিধানে এই স্তব পাঠ করা কর্তব্য। ৪৯। প্রতিদিন প্রাতঃকালে উত্থান করিয়া যে মানব, এই স্তোত্রটী পাঠ করিবে, আমি তাহার সর্বপ্রকার সুরাক্ষণ বিপত্তি দূর করিব। তোমার প্রতিষ্ঠিত এই লিঙ্গের অর্চনা করিয়া, যে ব্যক্তি ভক্তিতে এই স্তবটী পাঠ করিবে, তাহার সর্বপ্রকার মনোভীষ্ট লাভ হইবে। ৫০-৫১। এই প্রকারে বৃহস্পতিকে বর প্রদান করিয়া, ভগবান্ শস্ত্র ব্রহ্মাকে আহ্বান করিয়া অজ্ঞা প্রদান করিলেন যে, হে ব্রহ্মন্! আমার বাক্য প্রতিপালন কর। গুণগৌরবশালী এই বৃহস্পতি মুনিকে তুমি যথোক্তবিধানে সমুদয় ইন্দ্রাদি দেবগণের গুরুপদে অভিষিক্ত কর, এই বৃহস্পতি সর্বকালে আমার প্রাতিলাভ করিবেন।

ব্রহ্মা, মহাদেবের এবশ্বিধ অজ্ঞাকে মহান্ অনুগ্রহরূপে স্বীয় মস্তকে গ্রহণ করিয়া, সেইক্ষণেই আঙ্গিরসকে সকল দেবগণের আচার্য্যপদে বরণ করিলেন। বশিষ্ঠাদি ঋষিগণ, যখন মন্ত্রপুত সলিলের দ্বারা বৃহস্পতিকে সুরাচার্য্যপদে বরণ করিলেন, সেই সময়ে দেব-চন্দ্রভিসমূহ বাদিত হইল। অঙ্গরাগণ নৃত্য করিতে লাগিল এবং সকল দেবগণ, প্রমোদ-বিকসিতমুখে সেই বৃহস্পতির পূজা করিতে লাগিলেন। ৫২-৫৭। অনন্তর মহেশ্বর বৃহস্পতিকে অন্ম আরও বর প্রদান করিলেন যে, হে দেবপূজিত কুল-নন্দন ধৰ্ম্মাত্মন্! আঙ্গিরস! শ্রবণ কর, তোমার স্থাপিত এই লিঙ্গটী তত্ত্বজ্ঞানপ্রদ এবং ইহা কাশীক্ষেত্রে “বৃহস্পতীশ্বর” নামে বিখ্যাত হইবে। গুরুবারে পুষ্যানক্ষত্র যোগ হইলে, সেই দিনে যে মনুষ্য এই বৃহস্পতীশ্বরের অর্চনা করিয়া, যাহা কিছু জপাদি করিবে, তাহার সেই সমস্তই সিদ্ধ হইবে। এই লিঙ্গের দর্শনমাত্রেই মনুষ্যাগণ প্রতিভা লাভ করিতে সমর্থ হইবে। কলিযুগে এই বৃহস্পতীশ্বর লিঙ্গকে আমি গুপ্তভাবে রাখিব। চন্দ্রেশ্বরের দক্ষিণভাগে এবং বীরেশ্বরের নৈঋতভাগে অবস্থিত, বৃহস্পতীশ্বর লিঙ্গের অর্চনা করিলে, মনুষ্য বৃহস্পতিলোকেও পূজিত হইতে পারে। ছয়মাস কাল এই বৃহস্পতীশ্বর লিঙ্গের আরাধনা করিলে, মনুষ্য গুরুদ্বন্দ্বনাগমন-জন্ম পাপ হইতেও

মুক্তিলাভ করিতে পারিবে। সূর্য্যোদয় হইলে তমোরাশি যেমন দূর হয়, তদ্রূপ পাপসমূহও এই লিঙ্গের আরাধনায় দূর হয়, ইহাতে কোন সন্দেহ নাই। এই সকল কারণেই এই মহাপাতক-নাশক বৃহস্পতীশ্বর লিঙ্গকে আমি কলিতে গোপন করিয়া রাখিব। জ্ঞানিগণ সাধারণজনকে এই লিঙ্গের সন্ধান যেন না বলেন। ৫৮-৬৪। এই প্রকারে বৃহস্পতিকে বর প্রদান করিয়া, ভগবান্ মহেশ্বর সেই লিঙ্গমধ্যে অন্তর্হিত হইলেন। হে দ্বিজ! অনন্তর শুক্র, ইন্দ্র ও বিষ্ণুর সহিত ভগবান্ ব্রহ্মা, বৃহস্পতিকে এই পুরীতে অভিষেক করিয়া, ইন্দ্রাদিদেবগণকে গমনে আজ্ঞা প্রদানকরতঃ, বিষ্ণুর আজ্ঞা গ্রহণপূর্ব্বক স্বকীয় পুরে প্রত্যাবর্তন করিলেন। ৬৫-৬৬।

অগস্ত্য কহিলেন, অয়ি লোপামুদ্রে! বৃহস্পতির লোক অতিক্রম করিয়া, সেই শিবশর্মা, সম্মুখেই প্রভা-মণ্ডল-মণ্ডিতা সূর্য্যপুরী অবলোকন করিতে পাইলেন। ৬৭। হে শুচিস্মিতে! অনন্তর শিবশর্মা জিজ্ঞাসা করিলে পর, বিষ্ণুগণদ্বয় সেই দ্বিজশ্রেষ্ঠকে সেই সূর্যালোক প্রদর্শন করাইয়া, তাহার বর্ণনা করিতে প্রবৃত্ত হইলেন। ৬৮। গণদ্বয় কহিলেন, হে দ্বিজ! মরীচির পুত্র কশ্যপ, সেই কশ্যপের স্ত্রী দাক্ষায়ণীর গর্ভে সূর্য্য জন্মগ্রহণ করেন, এই সূর্য্যের সংজ্ঞানাম্নী এক পত্নী হন। সংজ্ঞা প্রজাপতি বিশ্বকর্ম্মার পুত্রী। ৬৯। অতিশয় তপঃপ্রভাবশালিনী এবং রূপ-যৌবনগুণান্বিতা সংজ্ঞা, ভর্ত্তার অতিশয় প্রিয়তমা ছিলেন। ৭০। সূর্য্যমণ্ডলের তেজমিশ্রিত আদিত্যের কাস্তিকে যদিও সংজ্ঞা স্বীয় শরীরে ধারণ করিতেন, কিন্তু তাহাও তিনি অতি ক্লেশেই সহ্য করিতে পারিতেন এবং এই জন্ম সংজ্ঞা সর্ব্বদা খিন্नावস্থায় অবস্থান করিতেন। ৭১।

পুরাকালে কোন দিবস পিতা কশ্যপ, প্রণয়সহকারে উপহাসপূর্ব্বক সূর্য্যকে উদ্দেশ্য করিয়া বলিয়াছিলেন যে, “এই সূর্য্য গর্ভেই কেন মৃত হন নাই”। এই কারণে ইহাঁর নাম, “মার্ত্তণ্ড” হইয়াছে। ৭২। সূর্য্য যে কিরণরাশির দ্বারা এই ত্রৈলোক্যকে পরিতাপিত করিয়া থাকেন, সেই প্রখর কিরণসমূহকে সংজ্ঞা যথেষ্ট-রূপে সহ্য করিতে সক্ষম হইতেন না। ৭৩। হে ব্রহ্মান্! তেজোনিধি সূর্য্য, সংজ্ঞার গর্ভে তিনটি অপত্য উৎপাদন করিলেন, তাহার মধ্যে দুইটি পুত্র প্রজাপতি এবং একটি কন্যা। ৭৪। ইহাদের মধ্যে জ্যেষ্ঠ পুত্রের নাম বৈবস্বতমশু ও দ্বিতীয় পুত্রের নাম যম এবং তৃতীয়া কন্যা যমুনা। সংজ্ঞা যখন সূর্য্যের অতি তেজোময় রূপকে সহন করিতে সমর্থ হইলেন না, তখন তিনি স্বকীয় শরীর হইতে ছায়ানাম্নী স্বাস্থ্যরূপে এক মায়াময়ী রমণী নিৰ্ম্মাণ করিলেন। অনন্তর ছায়া প্রণামপূর্ব্বক

কৃতাজ্জলি হইয়া সংজ্ঞাকে কহিলেন যে, হে দেবি। আমি আপনার আজ্ঞাকারিণী, এক্ষণে আমি কি করিব তাহা আজ্ঞা করুন।

অনন্তর সংজ্ঞা প্রত্যুত্তর করিলেন, অগ্নি সর্বণে! স্তম্ভরি! তুমি শ্রবণ কর, আমি পিতা বিশ্বকর্ম্মার গৃহে চলিলাম, হে কল্যাণি! তুমি আমার আজ্ঞায় এই গৃহে নিঃশঙ্কহৃদয়ে বাস কর। এই মনু, যম ও যমুনা এই তিনটী মদীয় অপত্যকে তুমি নিজ অঙ্গুষ্ঠের ছায় বিলোকন করিয়া প্রতিপালন করিও। হে শুচিস্মিতে! এই সকল বৃত্তান্ত আমার পতির নিকট কদাচ প্রকাশ করিও না। বিশ্বকর্ম্মার তনয়া সংজ্ঞার এই প্রকার বাক্য শ্রবণ করিয়া, ছায়া প্রত্যুত্তর করিলেন যে, হে দেবি! আপনি ষথাস্থখে গমন করুন, যে পর্য্যন্ত আমার কেশগ্রহ না হইবে অথবা আমাকে কোন প্রকার শাপ প্রদান না করিবেন, সেই পর্য্যন্ত আমি বৃত্তান্ত কখনই প্রকাশ করিব না। ৭৫-৮১।

সবর্ণা ( ছায়া ) এই প্রকার আদিষ্ট হইয়া “এইরূপ করিব” এইরূপ স্বীকার করিলে পর, সংজ্ঞা পিতার সমীপে গমনকরতঃ তাঁহাকে এই কথা বলিলেন যে, হে পিতঃ! আমি আৰ্য্যপুত্র সূর্য্যের তীব্র তেজঃ সহন করিতে সমর্থ হইলাম না। ৮২-৮৩। সংজ্ঞার এবম্বিধ বাক্য শ্রবণ করিয়া, পিতা বিশ্বকর্ম্মা তাঁহাকে বহুপ্রকার তিরস্কার করিলেন এবং বারম্বার কহিতে লাগিলেন যে, তুমি পুনর্ব্বার পতির নিকট গমন কর। পিতার এবম্বিধ পুনঃপুনঃ নিয়োগে সংজ্ঞা অতিশয় চিন্তাস্বিতা হইলেন এবং “জ্ঞীগণের চেষ্ঠাকে ধিক্” এই বলিয়া স্বীয় স্ত্রী-জন্মকে নিন্দা করিতে লাগিলেন। ৮৪—৮৫। সংজ্ঞা মনে মনে ভাবিতে লাগিলেন যে, জ্ঞীগণের কখনই স্বাধীনতা নাই, হয়! পরাধীন জীবনকে ধিক্। শৈশবে পিতার নিকট ভয়, যৌবনে পতির নিকট ভয়, এবং বার্কাক্যে স্বীয় তনয় হইতে ভয়, হয়! জ্ঞীগণের কোন অবস্থাতেই নির্ভয়ে থাকিবার যো নাই। আমি মৃত্যুপ্রায়ুস্ত পতি, গৃহ পরিত্যাগ করিয়া, নিশ্চয়ই বিনাশমুখে পতিত হইয়াছি! এক্ষণে যদি আমি পুনর্ব্বার অবিজ্ঞাতভাবে পতিগৃহে গমন করি, তাহাতেও কোন ফলের সম্ভাবনা নাই, কারণ সেইস্থলে সম্পূর্ণমনোরথা ছায়া, এইক্ষণে অবস্থান করিতেছে। পিতা-কর্তৃক এবম্প্রকারে তিরস্কৃত হইয়া, যদিও কোন প্রকারে পিতৃগৃহে অবস্থান করিতে পারি, কিন্তু তাহাতে আরও অনিষ্টের সম্ভাবনা, কারণ তাহা হইলে আৰ্য্যপুত্র জানিতে পারিয়া অতিশয় রুষ্ট হইবেন। তাঁহার রোষে পিতা ও মাতার বিশেষ ভয়ের সম্ভাবনা। অহো! লোকে যে কথায় বলিয়া থাকে যে, “নিজে হস্তে করিয়া তত্ত্ব অঙ্গার ধারণ” বাস্তবিক তাহা আমার পক্ষে সত্যসত্যই ঘটয়াছে, কারণ



আমি নিজের ইচ্ছায় এই বিপদ-সমুদ্রে অবগাহন করিয়াছি। হায়! মোহবশে আমার পতি-গৃহবাস নষ্ট হইল এবং পিতার গৃহেও কোন মঙ্গল রহিল না। আমার এই প্রথম বয়ঃক্রম, এই ত্রৈলোক্যাকাঙ্ক্ষিত মনোহর রূপ, সকল স্ত্রী অপেক্ষা শ্রেষ্ঠ, অতীব বিমলকুল এবং তাদৃশ সর্ববজ্র লোকচক্ষু অন্ধকারনাশক সর্ববজ্র-সঞ্চারী ও সকল কর্ম্মের সাক্ষীস্বরূপ ভর্তা বর্তমান থাকিতেও, অজ্ঞ আমি কি দুঃখিনীর স্থায় অবস্থান করিতেছি, হায়! কিসে আমার মঙ্গল হইবে? এই প্রকারে চিন্তা করিয়া সংজ্ঞা বড়বা-(ঘোটকী) রূপ ধারণ করিয়া, তপস্যা করিবার জ্ঞাত পিতৃগৃহ হইতে নির্গত হইলেন। ৮৬-৯০। বড়বারূপধারিণী সংজ্ঞা, উত্তরকুরুজনপদ প্রাপ্ত হইয়া তপস্যা আরম্ভ করিলেন। তাঁহার তপস্যার এই উদ্দেশ্য ছিল যে, “তপস্যার ফলে পতির তেজঃ সহ্য করা যায়”। ৯৪।

এদিকে সেই সর্বর্ণাকে সংজ্ঞা ভাবিয়া, সূর্য্য তাঁহার গর্ভে সাবর্ণি-নামক অষ্টম মনু, শনৈশ্চর ও ভদ্রা নাম্নী একটা কন্যাকে উৎপাদন করিলেন। সেই ছায়া, সাপত্ন্যপ্রযুক্ত নিজের সম্ভানগণের প্রতি অধিক স্নেহ করিতে লাগিলেন, কিন্তু সংজ্ঞার অপত্যগণের প্রতি তাঁহার তাদৃশ স্নেহ প্রকাশ পাইত না। সূর্য্যের জ্যেষ্ঠ পুত্র মনু, বিমাতার ঋণ, অলঙ্কার ও পালন বিষয়ে এই সকল বৈলক্ষণ্য নিজগুণে ক্ষমা করিতে লাগিলেন, কিন্তু কনিষ্ঠ যম, স্থায়ী কনিষ্ঠ ভ্রাতৃগণের উপর জননীর সেই স্নেহাধিক্য সহন করিতে সমর্থ হইলেন না। এক দিবস অবশ্যম্ভাবী অর্থের গোরববশতঃই যম, বাল্যস্নেহ-বোধবশে সংজ্ঞা-রূপধারিণী সর্বর্ণাকে পদদ্বারা তাড়না করিলেন। তখন সাবর্ণির জননী অতি দুঃখিতা হইয়া, ক্রোধবশে তাহাকে শাপ প্রদান করিলেন যে, অয়ি পাপাত্মন! তুমি আমাকে মারিবার জ্ঞাত যে পাদ উঠাইয়াছ, তাহা এখনই পতিত হউক। ৯৫-১০০। যম জননীর শাপভয়ে ব্যাকুল হইয়া, পিতার নিকটে গমনকরতঃ, সেই সকল বৃত্তান্ত নিবেদনপূর্ব্বক “হে পিতঃ! আমাকে রক্ষা করুন” এই বলিয়া বিলাপ করিতে লাগিলেন। ১০১। যম কহিলেন, হে পিতঃ! সকল সম্ভানের প্রতি জননীর ভুল্যভাব প্রকাশ করা কর্তব্য। আমি জননীর সেই ভাবের ব্যতিক্রম দেখিয়া, তাঁহাকে প্রহার করিবার জ্ঞাত চরণ উত্তত করিয়াছিলাম কিন্তু তাঁহার দেহে ইহা নিপাতিত করি নাই। বালকতাপ্রযুক্তই হউক অথবা মোহপ্রযুক্তই হউক, আমার এই ব্যবহারটী আপনি ক্ষমা করুন। হে গোপতে! জননীর এই শাপে যেন আমার চরণটী পতিত না হয়, ইহাই আমার প্রার্থনা। ১০২-১০৩। সূর্য্য কহিলেন, অয়ি পুত্র! পুত্র সহস্র অপরাধ করিলেও জননী কদাচ শাপ প্রদান করেন না, তোমাকে স্বদীয় জননী এবশ্পকার শাপ প্রদান

করিলেন, ইহা বড়ই আশ্চর্যের বিষয়। নিশ্চয়ই ইহার ভিতরে নিগূঢ় ব্যাপার আছে, তাহা না হইলে তোমার স্ত্রায় ধর্ম্মজ্ঞ পুত্রকে তিনি শাপ প্রদান করিবেন কেন? কোনকালেও কোন ব্যক্তি, মাতৃশাপের অশ্রুতা করিতে পারে না। যখন তোমার পাদ হইতে কৃমিগণ মাংস মুখে করিয়া ভূতলে গমন করিবে, সেই সময় তুমি এই প্রকার শাপ হইতে রক্ষা পাইবে। ১০৪-১০৬।

এই প্রকারে পুত্রকে আশ্বাস প্রদান করিয়া, সবিতা অন্তঃপুরমধ্যে গমনপূর্বক স্বীয় ভার্য্যা ছায়াকে বিলোকনকরতঃ কহিলেন, অয়ি ভামিনি! তোমার সকল বালকই সগান, তথাপি সাবর্ণি প্রভৃতি কনিষ্ঠ সন্তানগণের প্রতি অধিক স্নেহ কেন প্রকাশ কর? এবম্প্রকার জিজ্ঞাসা করিলে পরও যখন ছায়া কোন উত্তর প্রদান করিলেন না, তখন সবিতা সমাধি অবলম্বনপূর্বক সকল বৃত্তান্ত অবগত হইলেন, এবং তাঁহাকে শাপ প্রদান করিতে উদ্বৃত্ত হইলেন। সেই সময় শাপপ্রদানোদ্বৃত্ত সূর্য্যকে, ছায়া সকল বৃত্তান্ত যথাযথরূপে প্রকাশ করিয়া বলিলেন। ছায়ার এই প্রকার সত্যবাদিতায়, ভগবান সূর্য্য তাঁহার প্রতি পরিতুষ্ট হইলেন এবং তাঁহাকে নিরপরাধিনী ভাবিয়া কোন প্রকার শাপ প্রদান না করিয়া, অতি ক্রোধসহকারে বিশ্বকর্ম্মার নিকটে গমন করিলেন। ১০৭-১১১। অনন্তর অতি তেজস্বী পারিষদগণ-বেষ্টিত অতি কোপভারদগ্ন করিতে অভিলাষী গৃহাগত সূর্য্যকে বিলোকন করিয়া, বিশ্বকর্ম্মা স্বদীয় অভিপ্রায় জানিতে পারিয়াই তাঁহাকে পাছ, অর্ঘ্য প্রদানকরতঃ, অতি আনন্দসহকারে বলিতে আরম্ভ করিলেন। বিশ্বকর্ম্মা কহিলেন, হে সবিতঃ! স্বদীয় পত্নী সংজ্ঞা তোমার অতি তেজঃপ্রভাবে ভীত হইয়া, উত্তরকুরুজনপদে গমনকরতঃ, ঘোটকীরূপ ধারণপূর্বক বনমধ্যে তৃণসমূহের উপর বিচরণ করিতেছেন। অতঃসেইস্থলে গমনপূর্বক আপনি আপনার আর্ঘ্য-চারিণী ভার্য্যাকে বিলোকন করিতে পাইবেন। হে সূর্য্য! আপনার সেই পত্নী স্বকীয় তেজোনিয়মে সর্ব্বভূতগণেরই অধুষ্যা। ১১২-১১৪। অনন্তর সূর্য্যদেবেরই আজ্ঞানুসারে বিশ্বকর্ম্মা, তাঁহাকে ভ্রমিষন্ধে আরোপ করাওয়া অতি যত্নসহকারে তাঁহার তেজঃসমূহকে শাপ-ব্যাপারে লঘু করিয়া দিলেন। তখন সূর্য্য অতি সৌম্য-দর্শন হইলেন। ১১৫। অনন্তর সূর্য্য বিশ্বকর্ম্মার আজ্ঞা লইয়া সহর কুরুজনপদে গমনকরতঃ, অতি মহৎ তপঃকর্মে নিযুক্ত সাক্ষাৎ লক্ষ্মীরূপিণী যোগমায়াপ্রভাবে বাড়বানলের স্তায় আশ্চর্য্যল্যম্বনা, শুক তৃণসমূহ-ভক্ষণকারিণী বড়বারূপিণী সেই নিজপত্নী সংজ্ঞাকে দেখিতে পাইলেন। ভগবান সূর্য্য, সেই অশ্বরূপধারিণী বিশ্বকর্ম্মার পুত্রীকে পাপরাহিতা জানিয়া, অশ্বরূপ ধারণকরতঃ, তাঁহার সহিত

স্বরতে প্রবৃত্ত হইলেন । এদিকে বড়বারুগপধারিণী সংজ্ঞা, পরপুরুষ সম্ভাবনায় সূর্য্যের শুক্রকে ধারণ না করিয়া, নাদিকা-বিবর দ্বারা বমন করিয়া ফেলিলেন । অনন্তর সেই পতিত শুক্র হইতে তৎক্ষণাৎ ভিষকশ্রেষ্ঠ অশ্বিনীকুমারদ্বর জন্মগ্রহণ করিলেন । তখন সূর্য্যও প্রসন্ন হইয়া সংজ্ঞাকে নিজরূপ দর্শন করাইলেন । পতিব্রতা সংজ্ঞা, চিত্তসম্ভাপহারী অতিমনোহরাকৃতি স্বীয়পতি সূর্য্যকে অবলোকন করিয়া, অতিশয় পরিতোষ প্রাপ্ত হইলেন । ১১৬-১২১ । তপস্তার প্রভাবে সংজ্ঞা এই প্রকার পরম সুখলাভ করিতে সমর্থ হন । তপস্তাই পরম শ্রেয়ঃ, তপস্তাই পরম ধন এবং তপস্তাই পরম দেবত্বের একমাত্র কারণ । হে শিবশর্মন্ ! উপর ও অধোভাগে নভোমণ্ডলে চক্রাকারদীপ্তিমৎ যে জ্যোতিষ্কমণ্ডলী ভ্রমণ করিতেছে, উহা কেবলমাত্র তত্তদধিষ্ঠাতা দেবগণের স্মহৎ তপস্যার জ্যোতিঃ, ইহা তুমি অবগত হও । ১২২-১২৪ । এই প্রকারে সর্ব্ণার গর্ভে সূর্য্যের শনৈশ্চর নামে পুত্র জন্মগ্রহণ করেন । সেই শনৈশ্চর ত্রিদশপূজিত বারাণসীতে আগমন করিয়া, মহাদেবের লিঙ্গ প্রতিষ্ঠাকরতঃ, স্মহৎ তপশ্চরণানন্তর মহাদেবের প্রসাদে এই লোকের আধিপত্য এবং গ্রহপদবী প্রাপ্ত হইয়াছেন । ১২৫-১২৬ । শনিবারে বারাণসীতে অতি সুশোভন শনৈশ্চরেশ্বরলিঙ্গ দর্শনপূর্ব্বক অর্চনা করিলে, জীবগণের আর শনিগ্রহ হইতে ভয় থাকে না । বিশেষত্বের দক্ষিণভাগে ও শুক্রেশ্বরের উত্তরভাগে অবস্থিত শনৈশ্চরেশ্বর লিঙ্গের অর্চনা করিলে পর, মনুষ্য অতুল দেহাস্ত হইলেও এই শনিলোকে আগমনকরতঃ সুখভোগ করিতে পারেন ।

কাশীনিবাসী সজ্জনগণ যদি শ্রদ্ধাসহকারে এই পবিত্র অধ্যায়টী শ্রবণ করেন, তাহা হইলে তাঁহাদের কখনও গ্রহপীড়া বা কোন প্রকার উপসর্গ-ভয় উৎপন্ন হইবে না । ১২৭-১২৯ ।



## অষ্টাদশ অধ্যায়।



### সপ্তর্ষিলোক-বর্ণন।

অগস্ত্য কহিলেন, মুক্তিপুরীতে কৃতস্নান এবং মায়াপুরীতে ভ্যক্তদেহ, সেই মাথুর-ব্রাহ্মণ শিবশর্মা এই সমস্ত কথা শ্রবণকরতঃ, অস্তিমকালে বিষ্ণুপুরী সন্দর্শনের ফলে, বিষ্ণুলোকে গমন করিতে করিতে, সম্মুখে সপ্তর্ষিমণ্ডল দেখিতে পাইলেন। সেই সময় চারণ ও মাগধগণ আসিয়া শিবশর্মাকে স্তব করিতে লাগিল এবং দেবকন্যাগণ আগমনপূর্বক, “ক্ষণকাল এই স্থানে অবস্থান করুন,” এই কথা বলিয়া, তাঁহার নিকট প্রার্থনা করিতে লাগিলেন। অনন্তর “আমরা মন্দভাগ্য, আমাদের নিকট কেন থাকিবেন, ইনি মহাপুণ্যবান্ সুতরাং কোন পুণ্যতম লোকে গমন করিতেছেন” এই বলিয়া, দৌর্ঘনিঃস্থাস পরিত্যাগকরতঃ দেবকন্যাগণ বিষমভাব অবলম্বন করিতে লাগিল। বিমানাক্রুত শিবশর্মা দেবকন্যাগণের মুখ হইতে বিনিঃসৃত পূর্বোক্ত বাক্যসমূহ শ্রবণকরতঃ, বিষ্ণুর গণদ্বয়কে জিজ্ঞাসা করিলেন যে, এই অনুপম তেজোময় লোক কাহার? ব্রাহ্মণের এই বাক্য শ্রবণ করিয়া গণদ্বয় বলিতে লাগিলেন, হে শিবমতে শিবশর্মন্! প্রজাপতিকর্তৃক প্রজাসৃষ্টিতে নিযুক্ত, মরীচি, অত্রি, পুলহ, পুলস্ত্য, ক্রতু, অঙ্গিরা এবং বশিষ্ঠ নামে সপ্তর্ষি সর্বদা এই লোকে অবস্থান করিয়া থাকেন। ইহঁরা ব্রহ্মার মানসপুত্র এবং পুরাণশাস্ত্রে সাতটা ব্রহ্মা বলিয়াই ইহঁরা নিশ্চিত হইয়াছেন। ১—৮। সন্তুতি, অনসূয়া, ক্ষমা, প্রীতি, সন্নতি, স্মৃতি এবং উজ্জানাম্নী সাধ্বীগণ, যথাক্রমে ইহঁদের পত্নী এবং তাঁহারা সমস্ত লোকের মাতৃস্বরূপা। ৯। এই সপ্তর্ষির তপোবলেই ত্রিভুবন অবস্থিত রহিয়াছে। পূর্বকালে ব্রহ্মা এই মহর্ষিগণকে সৃষ্টি করিয়া, “হে পুত্রগণ! তোমরা যত্নপূর্বক বহুবিধ প্রজা সৃষ্টি কর”, এইরূপ অনুমতি প্রদান করেন। তখন ইহঁরা ব্রহ্মাকে প্রণামকরতঃ তপস্তা অভিলাষে, মহাদেব সমস্ত জীবগণের মুক্তির জন্ম যে অবিস্মৃক্তক্ষেত্র নিৰ্ম্মাণ করিয়া, স্বয়ং সতত তথায় অবস্থান করিতেছেন, সেই মুক্তিক্ষেত্র বারাগদীধামে গমনপূর্বক আপন আপন নামে শিবলিঙ্গ প্রতিষ্ঠা করিয়া, মহাদেবের অতিশয় ভক্তিসহকারে কঠোর তপসা করিতে আরম্ভ করিলেন। ১০—১৩। অনন্তর তপস্যায় সন্তুষ্ট হইয়া, মহাদেব ইহঁদিগকে প্রাজাপত্যপদ প্রদান করিলেন। কান্দীতে যত্নসহকারে

অত্রীশ্বর প্রভৃতি শিবলিঙ্গ দর্শন করিলে, অতি উজ্জ্বল তেজোময়রূপে এই প্রাজাপত্যলোকে বাস করিতে পারা যায় । গোকর্ণেশ সরোবরের পশ্চিমতীরে অবস্থাপিত অত্রীশ্বরলিঙ্গ দর্শন করিলে ব্রহ্মতেজ বৃদ্ধি পাইয়া থাকে । কর্কটবাণীর ঈশানকোণে মরীচিকুণ্ড অবস্থিত । মনুষ্য ভক্তিপূর্বক তথায় স্নান করিলে, ভাস্করের স্নায় তেজস্বী হয় । হে বিপ্র ! সেই স্থানেই মরীচীশ্বর নামে শিবলিঙ্গ প্রতিষ্ঠিত আছেন, সেই লিঙ্গের দর্শন করিলে, মানব সূর্য্যের স্নায় কাস্তিবিশিষ্ট হইয়া, মারীচিলোকে গমন করিয়া থাকে । ১৭-১৮ । স্বর্গদ্বারের পশ্চিমে পুলহেশ এবং পুলহেশ্য নামে লিঙ্গদ্বয় অবস্থিত আছেন । এই দুই লিঙ্গকে দর্শন করিলে, মানব প্রাজাপত্যলোকে আগমন করিয়া থাকে । হে বিপ্র ! রমণীয় হরিকেশবনে অবস্থাপিত আজিরসেশ্বর নামক শিবলিঙ্গ দর্শন করিলে, মানব অতিশয় তেজঃশালী হইয়া এই লোকে বাস করিয়া থাকে । ১৯-২০ । রমণীয় বরণাতীরে অবস্থাপিত বশিষ্ঠেশ্বর এবং ক্রতীশ্বর লিঙ্গ দর্শন করিলে, এই লোকে বাস হইয়া থাকে । কাশীতে এই সমস্ত শিবলিঙ্গ হিতৈষী ব্যক্তিগণকর্তৃক সেবিত হইয়া, ইহ এবং পরলোকে মনোভিলষিত ফল প্রদান করিয়া থাকেন । ২১—২২ ।

গণদ্বয় কহিলেন, হে মহাভাগ শিবশর্মন্ ! ষাঁহার নাম স্মরণ করিলে গঙ্গা-স্নানের ফললাভ হয়, সেই পতিব্রতপরায়ণা পুণ্যশীলা স্তন্দরী অরুন্ধতী, এই লোকে বাস করিয়া থাকেন । ষাঁহার পতিব্রতভ্যে সন্তুষ্ট হইয়া, দেবদেব নারায়ণ দুই তিনটি পবিত্র-চিহ্ন অস্ত্রঃপুরচারীর সহিত একত্রিত হইয়া, আনন্দচিত্তে লক্ষ্মীর সম্মুখে অরুন্ধতীর প্রসঙ্গ উত্থাপন করিয়া, এইরূপ বলিয়া থাকেন যে, হে কমলে ! পতিব্রতাগণের মধ্যে অরুন্ধতীর আশয় যেমন নিশ্চল, আর কুত্রাপি কোন নারীর আশয় তাদৃশ নিশ্চল দেখিতে পাওয়া যায় না । হে প্রিয়ে ! অরুন্ধতীর যেমন রূপ, তাঁহার যেমন শীলতা, কৌলীন্দ্ৰ, কলাকুশলতা, পতিসেবা, মাধুর্য্য, গাভীর্য্য, এবং আৰ্য্য-পরিতোষণ, তৎস্বরূপ আর কোন পতিব্রতাতে দেখা যায় না । যন্তু সেই সমস্ত শুদ্ধবুদ্ধি ভাগ্যবতী স্ত্রীগণ, ষাঁহারা প্রসঙ্গাধীন ও অরুন্ধতীর নাম গ্রহণ করেন । ২৩-২৯ । যখনই আমাদের গৃহে পতিব্রতাগণের প্রসঙ্গ উঠে, তখনই এই সতী অরুন্ধতীই সকলের প্রাথমিক রেখা অলঙ্কৃত করিয়া থাকেন । অগত্য কহিলেন, বিষ্ণুগণদ্বয়ের মুখে এই মনোহর কথা শ্রবণ করিতে করিতে, শিবশর্মা প্রবলোকে আসিয়া উপস্থিত হইলেন । ৩০-৩১ ।

## উনবিংশ অধ্যায় ।



## ঋণোপদেশ-কথন ।

শিবশৰ্ম্মা কহিলেন, হে সাধুশ্রেষ্ঠ গগনদয় ! নানাবিধ বাতময় রজ্জুর দ্বারা আকুল করাসুনি ও চঞ্চলনেত্র এবং তেজঃসমূহের দ্বারা আবৃত হইয়া, ত্রিভুবন-মণ্ডলের স্তম্ভরূপে এ কোন্ ব্যক্তি একপদে অবস্থান করিতেছেন ? বোধ হইতেছে যেন, ইনি সমস্ত জ্যোতিৰ্ম্মণ্ডলকে তুল্যদণ্ডের দ্বারা তুলিত করতঃ, সূত্রধরের স্থায় আকাশমার্গের বিস্তার মাণিতেছেন। ইহা কি গগণাঙ্গনে ভগবান্ ত্রিবিক্রমের উদ্ভগু পাদদণ্ড অবস্থিত রহিয়াছে ? অথবা ইহা আকাশরূপ সরোবরের মধ্যস্থিত যূপকণ্ঠ ? হে গগনদয় ! ইনি কে ? কৃপাপূর্বক তাহা আমাকে বলুন। অগস্ত্য কহিলেন, বিমানচারী সেই বিষ্ণুগগনদয়, শিবশৰ্ম্মার এই বাক্য শ্রবণ করিয়া, প্রীতি-সহকারে তাঁহাকে ঋণের আখ্যান বলিতে লাগিলেন। ১—৫।

গগনদয় কহিলেন, শ্বায়ন্তুব মমুর পুত্র উত্তানপাদ নামে এক নরপতি ছিলেন। হে বিপ্র ! তাঁহার দুইটী সন্তান হইয়াছিল, তন্মধ্যে জ্যেষ্ঠ সন্তান উত্তম, সূরুচির গর্ভে এবং কনিষ্ঠ সন্তান ঋব, সুনীতির গর্ভে উৎপন্ন হইয়াছিলেন। একদা সেই নৃপতি যখন সভাস্থলে উপবিষ্ট ছিলেন, তখন সুনীতি, বালক ঋবকে অলঙ্কৃত করিয়া, ধাত্রিয়িকার পুত্রগণের সহিত রাজসেবার জন্ত সভাস্থলে প্রেরণ করিলেন। ৬-৮। বালক ঋব রাজসভায় গমন করিয়া, উত্তানপাদ নৃপতিকে প্রণাম করিলেন। এবং স্বীয় জ্যেষ্ঠ ভ্রাতা উত্তমকে, উচ্চ সিংহাসনস্থিত পিতার ক্রোড়ে উপবিষ্ট দর্শন করিয়া, বাল-সুভ চাকল্যপ্রযুক্ত তাঁহারও পিতার ক্রোড়ে উঠিবার ইচ্ছা হইল, তখন তিনি সিংহাসনে উঠিবার উপক্রম করিলেন। ঋবকে সিংহাসনে উঠিতে দেখিয়া, তাঁহার বিমাতা সূরুচি বলিতে লাগিলেন। হে হতভাগ্য বালক ! তুমি মহীপতির ক্রোড়ে উঠিবার ইচ্ছা করিতেছ ? তুমি কি জান না যে, তুমি অভাগিনী সুনীতির গর্ভে জন্মগ্রহণ করিয়াছ। যে পুণ্যবলে এই সিংহাসনে আরোহণ করা যায়, তাদৃশ পুণ্য তোমার নাই, যদি তোমার সেই পুণ্যই থাকিবে, তাহা হইলে তুমি কেন অভাগিনী সুনীতির গর্ভে জন্মগ্রহণ করিবে। যখন তুমি সেই হতভাগিনীর উদরে জন্মিয়াছ, তাহাতেই অনুমান কর যে, তোমার পুণ্যের ভাগ অতি অল্প। নতুবা তুমি রাজার তনয় হইয়াও আমার গর্ভে কেন উৎপন্ন হইলে না ?

দেখ, উত্তম কত পুণ্য করিয়া, আমার গর্ভে জন্মগ্রহণ করিয়াছে। তাহাতে সিংহাসনস্থিত নৃপতির ক্রোড়ে অবস্থান করিতেছে। যদি তোমার এই উচ্চ সিংহাসনে আরোহণ করিবারই ইচ্ছা ছিল, তবে আমাকে পরিত্যাগ করিয়া, অভাগিনী সুনীতির গর্ভে কেন বাস করিয়াছিলে? ৯-১৬। রাজসভামধ্যে সুরুচিকর্তৃক এইরূপে তিরস্কৃত হইয়া, ধ্রুব নেন্ত্র হইতে পতনোগ্রস্ত অশ্রুজল কন্ঠে নিবারণ করিলেন এবং কিছুই প্রত্যুত্তর করিলেন না। উত্তানপাদ নৃপতিও সুরুচির সৌভাগ্যাধিক্যনিবন্ধন তাঁহার ভয়ে, এ বিষয়ে ভাল-মন্দ কিছুই বলিলেন না। তখন ধ্রুব বালসুলভ চেষ্টাসমূহের দ্বারা মনের দুঃখ গোপন করিয়া, নরপতিকে প্রণামকরতঃ, সভাস্থল পরিত্যাগ করিয়া স্বীয় ভবনে গমন করিলেন। ১৭-১৮। সুনীতি ধ্রুবের মুখশ্রী দর্শন করিয়াই, সেই নীতি-নিলয় বালক সভামধ্যে অপমানিত হইয়াছেন, ইহা বুঝিতে পারিলেন। এবং হরিতপদে ধ্রুবের নিকট আগমনপূর্বক বারম্বার তাঁহার মস্তক আশ্রয় করিয়া, সস্নেহে স্নানমুখ বালককে আলিঙ্গন করিলেন। তখন ধ্রুব মাতাকে অন্তঃপুর-মধ্যে একাকিনী দর্শন করিয়া, দীর্ঘনিঃশ্বাস পরিত্যাগপূর্বক বহুক্ষণ তাঁহার সম্মুখে রোদন করিলেন। সুনীতি বাম্পাকুলনেত্রে স্নেহময় বস্মাক্ষর দ্বারা মৃদুহস্তে বালকের মুখ মার্জন করিয়া দিয়া, নানাবিধ সাস্তুনাবাক্য প্রয়োগপূর্বক ধ্রুবকে জিজ্ঞাসা করিলেন, হে বৎস! তোমার রোদনের কারণ কি তাহা বল। নরপতি তথায় বর্তমান থাকিতে কে তোমার অপমান করিয়াছে? ১৯-২০। অনন্তর ধ্রুব মাতাকর্তৃক জিজ্ঞাসিত হইয়া হস্তপদাদি ধৌতপূর্বক তাম্বল গ্রহণকরতঃ, মাতাকে বলিতে লাগিলেন, হে জননি! আমি যাহা জিজ্ঞাসা করিতেছি, আপনি আমাকে তাহার যথার্থ উত্তর প্রদান করুন। আপনি এবং সুরুচি উভয়েই ক্ষতিপতির ভাৰ্য্যা। তবে কি নিমিত্ত সুরুচি ক্ষতিপতির অতিশয় প্রিয়া এবং আপনি কি নিমিত্ত তাঁহার প্রিয়া নহেন? উত্তম ও আমি উভয়েই নৃপতির সন্তান, তথাপি উত্তম কি কারণে আমা অপেক্ষা শ্রেষ্ঠ এবং আমি তাহা অপেক্ষা হীন? আপনি কি নিবন্ধন মন্দভাগ্য এবং সুরুচিই বা কি নিবন্ধন সুকৃষ্ণি? কি নিমিত্ত রাজ-সিংহাসন উত্তমের উপযুক্ত কিন্তু আমার নহে? আমার সুরুত তুচ্ছ এবং উত্তমের সুরুত অধিকই বা কিসে? নীতিমান্ শিশুর এই সমস্ত বাক্য শ্রবণ করিয়া, রাজনীতিজ্ঞগণের মধ্যে শ্রেষ্ঠা সুনীতি, সপত্নী-জনিত ঘ্বেষ পরিত্যাগকরতঃ, দীর্ঘনিঃশ্বাস পরিত্যাগপূর্বক বালকের ক্রোধশান্তির জন্ম স্বাভাবিক মধুর বাক্যে বলিতে লাগিলেন। ২৪-৩০।

সুনীতি কহিলেন, হে বৎস! তুমি যে সমস্ত কথা বলিলে, আমি পবিত্র অন্তঃ-

করণে সে সমুদয়ের যথার্থ উত্তর প্রদান করিতেছি, তুমি আপনাকে অপমানিত বোধ করিয়া দুঃখিত হইও না । স্মৃতি তোমাকে যাহা বলিয়াছে, তৎসমুদয়ই সত্য । সেই যথার্থ নরপতির মহিষী এবং রাজ্ঞীসমূহের মধ্যে তাহার অতিশয় প্রিয়তমা । সে জন্মগুণে যে পুণ্য অর্জন করিয়াছে, সেই পুণ্যের ফলে তাহার প্রতি মহারাজের স্মৃতি জন্মিয়াছে । আমার শ্রায় হতভাগিনী যে সমস্ত প্রমদা, তাহারা কেবল কথায় রাজপত্নী, কিন্তু তাহাদের উপর মহারাজের রুচি নাই । ৩১-৩৪ । উত্তম, মহাপুণ্যফলে সেই পুণ্যতমার গর্ভে বাস করিয়াছিল, এই নিমিত্তই সে রাজ-সিংহাসনে বসিবার উপযুক্ত । ৩৫ । চন্দ্রের শ্রায় শুভ্র আতপত্র, শুভ্র চামর, উচ্চ ভদ্রাসন, মদোন্মত্ত মাতঙ্গ, শীত্ৰগামী তুরঙ্গম, পীড়ারহিত জীবন, নিকটক শুভরাজ্য, প্রজাসুখ, হরি ও হরের অর্চন, বিপুল কলাজ্ঞান, পরাজয়হীন বিদ্যা, ইন্দ্রিয়-জয়, স্বাভাবিক সাহসিক বুদ্ধি, কারুণ্য-পরিপূর্ণ দৃষ্টি, মধুরভাষিণী বাণী, কার্যসমূহে অনালস্য, গুরুজনে বিনতি, সমস্ত বিষয়ে পবিত্রতা, পরোপকার, মনের তেজস্বিনী বৃত্তি, সর্বদা অদীনবাদিতা, সভামধ্যে পাণ্ডিত্য, রণভূমি মধ্যে প্রগল্ভতা, বন্ধুবর্গে সারল্য, ক্রয় এবং বিক্রয়ে কাঠিন্য, স্ত্রীজনে মৃদুতা, প্রজাসমূহে বাৎসল্য, ব্রাহ্মণসমূহে হইতে ভীতি, সর্বদা বুদ্ধের বৃত্তির অনুকরণ, ভাগীরথীতীরে বাস, তীর্থ কিস্রা রণ-স্থলে মৃত্যু, অধিকজনে বিশেষতঃ প্রত্যাধিকজনে অপরাধুখতা, পরিজনসমূহের সহিত মিলিত হইয়া ভোগ, প্রত্যহ কিছু দান, সর্বদা বিদ্যা-ব্যসন, সতত পিতামাতার অভি-প্রায়ানুরূপ আচরণ, নিত্য যশঃসঞ্চয় ও নিত্য ধর্ম উপার্জন, স্বর্গ এবং অপবর্গের সিদ্ধি, সর্বদা শীলসম্পাদিত, সর্বদা সাধুসঙ্গ, পিতৃবন্ধুগণের সহিত মিত্রতা, সর্বদা ইতিহাস ও পুরাণশ্রবণ-বিষয়ে মনের উৎকণ্ঠা, অত্যন্ত বিপৎকালেও ধৈর্য্য, সম্পৎ-কালে স্থিরতা, বাক্যবিদ্যাসে গাভীর্ঘ্য, ভিক্ষুকগণে উদারতা এবং দেহে কৃশতা, এই সমস্ত অভিলষিত ফল তপোবৃক্ষ হইতেই প্রসূত হইয়া থাকে । অতএব হে বৎস ! তোমার এবং আমার পুণ্য অল্পই বলিতে হইবে ; নতুবা আমরা রাজার সামিধ্য প্রাপ্ত হইয়াও রাজ-সম্পদ ভোগের অধিকারী হইলাম না কেন ? অতএব বৎস ! স্বকীয় কর্মই মান এবং অপমানের কারণ । বিধাতাও স্বকৃত কর্মের অপনয়ন করিতে সমর্থ হন না অতএব হে বৎস ! তুমি শোক করিও না, দৈবই অভীষ্ট বিষয় প্রদান করিয়া থাকেন । সুনীতির এই সমস্ত নীতিযুক্ত বাক্য শ্রবণ করিয়া, ঋষ বলিতে লাগিলেন । ৩৬-৫১ ।

ঋষ কহিলেন, হে জননি ! আমি অনাকুলভাবে যে সমস্ত কথা বলিতেছি, আপনি তাহা শ্রবণ করুন । আমাকে বালক বলিয়া, আমার কথায় উপেক্ষা করি



বেন না। যদি পবিত্র মনুবংশে জন্মগ্রহণ করিয়া থাকি, আমি যদি উত্তানপাদ নৃপতির ঔরসে আপনার উদরে জন্মগ্রহণ করিয়া থাকি, হে মাতঃ! তপস্বী যদি সর্বপ্রকার সম্পদের কারণ হয়, তবে লোকে তপস্বী করিয়া, যে পদ লাভ করিতে পারে না, আপনি জানিবেন, আমি তপোবলে নিশ্চয়ই সেই পদ লাভ করিব। হে মাতঃ! আপনি আমাকে একটীমাত্র সাহায্য করুন, অশীর্বাদ সহকারে আমাকে এ বিষয়ে অনুমতি প্রদান করুন। ৫২-৫৫। তখন সুনীতি, স্বীয়গর্ভসমুত বালকের পরাক্রম জানিতে পারিয়া, অতিশয় উৎসাহ-সহকারে তাঁহাকে বলিতে লাগিলেন। ৫৬। হে উত্তানপাদতনয়! তোমার বয়ঃক্রম এখনও নবম বৎসর পূর্ণ হয় নাই, তজ্জন্ম তোমাকে তপস্বী করিতে যাইতে আমি অনুমতি প্রদান করিতে পারি না, তথাপি আমি অনুজ্ঞা প্রদান করিতেছি। বৎস! সপত্নীর বাক্যরূপ তল্লসমূহের দ্বারা ভিন্ন, আমার হৃদয়মধ্যে তোমার বাষ্পবারিসমূহ অবস্থান করিতে না পারিয়াই, তাহারা আমার নয়ন দিয়া অবিরতধারে নির্গমনকরতঃ, নদীসমূহকে কলুষিত করিবার অভিলাষে প্রবাহিত হইতেছে। ৫৭-৫৯। হে বৎস! তুমিই আমার একমাত্র তনয়, তোমাকেই অবলম্বন করিয়া আমি জীবনধারণ করিতেছি, তুমিই আমার অঙ্গযষ্টি, তোমার মুখের প্রতি চাহিয়াই আমি দিনপাত কবিতেছি। আমি কত কষ্টে দেবতার আরাধনা করিয়া তোমাকে প্রাপ্ত হইয়াছি। হে বৎস! তোমার মুখচন্দ্র দর্শনে আমার মনোরূপ সমুদ্র আনন্দরূপ চুন্ধের দ্বারা স্তনদ্বয় পরিপূর্ণকরতঃ উদ্বেলিত হইয়া থাকে। তোমাকে ক্রোড়ে করিয়া, তোমার স্পর্শ-জনিত সুখে আমার অঙ্গ শীতল হয়, তাহাতেই আমি পুলকাস্বরে আবৃত হইয়া সুখে শয্যায় শয়ন করিয়া থাকি। হে সুধাংশু-বদন! তোমার গুণ্ড-পুটরূপ ক্ষীরসমুদ্র হইতে সমুদ্রুত সুধাপান করি বলিয়াই, আমি অতাপি গ্লানি প্রাপ্ত হই নাই। তোমার কোমল বচন যখন আমার কর্ণে প্রবেশ করে, তখনই আমার অশ্রুরের সপত্নী-বাক্যজনিত কম্প কাঁপিতে থাকে ( বিনষ্ট হয় )। তুমি যখন অধিকক্ষণ নিদ্রিতাবস্থায় থাক, তখন আমি ভাবি যে, সূর্য্যের উদয়ে যেমন পদ্ম বিকশিত হয়, তদ্রূপ আমার বৎস কখন নিদ্রাদরিদ্র ( জাগরিত ) হইয়া প্রফুল্ল হইবে। ৬০-৬৬। হে বৎস! তুমি বালকগণের সহিত ক্রোড়া কারয়া, যখন গৃহে প্রত্যাগমন কর, তখন তোমাকে দেখিয়া আমার স্তনদ্বয় দুগ্ধপরিপূর্ণ হইয়া, তোমাকে পান করাইবার জন্ত উন্মুখ হয়। যখন তুমি গৃহ হইতে বিনির্গত হও, তখন তোমার পদ্মরেখাক্রিত চরণ-চিহ্নই আমার জীবনের অবলম্বন হইয়া থাকে। বৎস! অধিক কি বলিব, তুমি যখনই ছুই চারিপদ বাহিরে গমন কর, তখনই আমার প্রাণ কণ্ঠাগত হয়। হে পুত্র!

চন্দ্রের তুল্য তুমি, যখন বাহিরে বিলম্ব কর, তখন আমার চিন্তা-চকোর তোমাকে দেখিবার জন্য অতিশয় হ্রাসিত হইয়া থাকে। ৬৭-৭০। তথাপি, হে বৎস! আমি আশ্রয় করিতেছি, তুমি তপস্যা করিতে গমন কর। তোমার অনুপস্থিতিতে আমার কঠিন প্রাণ, ভগবানের নিকট তোমার মঙ্গল কামনায়, কোনরূপে কষ্ট-রূপ অটবীর তটে সম্ভাপিত ভাবে অবস্থান করিবে। ৭১।

এব এইরূপে জননীর অনুজ্ঞা প্রাপ্ত হইয়া, তাঁহার চরণপঙ্কজে প্রণতিপূর্বক গৃহ হইতে নির্গত হইলেন। সুনীতিও ধৈর্য্যরূপ সূত্রের দ্বারা নয়ন-পঙ্কজের মালা গ্রন্থন করতঃ, ধ্রুবকে উপহাররূপে প্রদান করিলেন এবং পথে তাঁহার কোন বিঘ্ন উপস্থিত না হয়, এই জন্য তাঁহাকে বহুতর আশীর্বাদ করিতে লাগিলেন। ৭২-৭৪। অমিতপরাক্রম বালক ধ্রুব, স্বীয় গৃহ হইতে নির্গত হইয়া অনুকূল বায়ুকর্তৃক প্রদর্শিত পথের অনুসরণ করতঃ, বনমধ্যে প্রবেশ করিলেন। ৭৫। সেই সময়ে বায়ুকর্তৃক বিচলিত তরু-শাখা প্রসারণচ্ছলে বনভূমি, যেন আদরের সহিত তাঁহাকে আহ্বান করিয়া লইল। ধ্রুব, মাতা ভিন্ন আর কাহাকেও বিশেষরূপে জানেন না এবং চিরকাল রাজভোগেই আতাবাহিত করিয়াছেন। কাননের পথ-বিষয়ে তিনি কিছুই জানেন না, সুতরাং তথায় বাসিয়া কিছুক্ষণ চিন্তা করিতে লাগিলেন। ৭৬-৭৭। কিছুক্ষণ চিন্তার পর যখন নেত্র উন্মীলন করতঃ, সম্মুখে দৃষ্টিপাত করিলেন, অমনি সেই বনমধ্যে অতর্কিতগতি সপ্তর্ষিগণকে দেখিতে পাইলেন। “অরণ্যমধ্যে, রণমধ্যে কিম্বা গৃহমধ্যে, অসহায় ব্যক্তিগণের একমাত্র ভাগ্যই সাহায্য করিয়া থাকে, সুতরাং একমাত্র ভাগ্যই সকলের কারণ। কোথায় এই রাজপুত্র বালক ধ্রুব! আর কোথায়ই বা এই গহন কানন? ভবিতব্যতা, বলপূর্বক সকলকেই আপনায় বশে আনয়ন করিয়া থাকে, অতএব হে ভবিতব্যতে! তোমাকে নমস্কার। ৭৮-৮০। যাহার যে স্থানে শুভ বা অশুভ যাহা কিছু অবশ্যসম্ভাবী, ভবিতব্যতা রক্ষু, আকর্ষণপূর্বক তাহাকে তথায় সেই ফল প্রদান করিয়া থাকে। মানবগণ স্বীয় বুদ্ধিবলে অত্যাধিক আচরণ করিয়া থাকে, কিন্তু বিধাতা, ভবিতব্যতার অনুরোধেই বিধানের অত্যাধিক করিয়া থাকেন। ৮১-৮২। স্বার্থসিদ্ধি-বিষয়ে মানবগণের উদ্ভ্রম, বল প্রভৃতি কিছুই নহে, পূর্বজন্ম-সঞ্চিত কর্মসমূহই সমস্তের কারণ”। ৮৩। অনন্তর ধ্রুব, স্বীয় ভাগ্যবলে সমাগত সূর্য্য-তুল্য তেজস্বী সেই সপ্তর্ষিগণকে দর্শন করিয়া, বিশেষ আনন্দিত হইলেন। ধ্রুব দেখিলেন, সপ্তর্ষিগণের ভালদেশ তিলকের দ্বারা অঙ্কিত রহিয়াছে, তাঁহাদের অঙ্গুলিতে কুশের অঙ্গুরি, তাঁহারা যজ্ঞসূত্রে অলঙ্কৃত হইয়া, কৃষ্ণাজিনের উপর

উপবেশন করিয়া আছেন, তাঁহাদের করে অক্ষমালা শোভা শাইতেছে, গোচন কিক্ৰিৎ নিমীলিত অবস্থায় রহিয়াছে এবং তাঁহারা সুধৌত সূক্ষ্ম কাষায়বস্ত্র পরিধান করিয়া রহিয়াছেন। বিপদে নিপতিত প্রজাসমূহকে উদ্ধার করিবার জন্তই যেন সপ্তর্ষিগণ সাতটি সমুদ্ররূপে অসময়ে মিলিত হইয়াছেন। তখন ধ্রুব তাঁহাদের সমীপে গমনপূর্বক করযোড়ে প্রণতি করিয়া, মধুর বাক্যে বলিতে লাগিলেন। ৮৪-৮৮।

ধ্রুব কহিলেন, হে মুনিশ্রেষ্ঠগণ! আপনারা আমাকে স্থনীতির গৰ্ভসমুত্ত এবং উত্তানপাদ নৃপতির তনয় বলিয়া জানুন। আমি মানসিক তাপে সম্ভাপিত হইয়া, একাকী এই নিবিড় বনমধ্যে প্রবেশ করিয়াছি, এক্ষণে আপনাদের চরণ-কমলই আমার একমাত্র ভরসা। আমি এ যাবৎকাল সুখসম্পদই ভোগ করিয়া আসিয়াছি, সুতরাং জগতের অণু কিছুই আমি অবগত নহি। ৮৯-৯০। সপ্তর্ষিগণ তেজস্বী, মধুরাকৃতি এবং মুহু ও গম্ভীরভাবী সেই বালককে দর্শন করিয়া, বারম্বার বিস্মিত হইলেন এবং তাঁহার নিকট আগমনকরতঃ, উপবিষ্ট হইয়া ধ্রুবকে উপবেশন করাইয়া বলিতে লাগিলেন যে, হে বালক! হে বিশাললোচন! হে মহারাজ-কুমার! আমরা ভাবিয়াও তোমার দুঃখের কারণ কি তাহা বুঝিতে পারিলাম না। তোমার এই বালক বয়সে কোন প্রকার বিষয়-চিন্তারই সম্ভাবনা নাই, সুতরাং তোমার কোন প্রকার অপমানেরই বা সম্ভাবনা কি? তোমার গৃহে মাতা আছেন, শরীরও রোগহীন এবং তুমি সম্পন্নবংশে জন্মগ্রহণ করিয়াছ, এ সমস্ত ত আর দুঃখের কারণ নহে? যাহারা জগতে অভিলষিত বিষয় প্রাপ্ত না হয়, তাহাদেরই বৈরাগ্য উৎপন্ন হইয়া থাকে। তুমি সপ্তর্ষীপা বহুমতীর অধিপতি নৃপতি উত্তানপাদের তনয়, তোমার কোন্ অভিলষিত পদার্থ দুঃপ্রাপ্য ছিল? স্বাভাবিক বিভিন্ন প্রকৃতি লোকনিচয় মধ্যে যুবক, বৃদ্ধ বা শিশু কাহারই মনোগত ভাব জানা যায় না, সুতরাং তুমি তোমার দুঃখের কারণ ব্যক্ত কর। মর্ষর্ষিগণের এই সস্নেহবাক্য শ্রবণকরতঃ, শিশু হইয়াও উচ্চ-মনোরথ ধ্রুব বলিতে লাগিলেন। ৯১-৯৬।

ধ্রুব কহিলেন, হে মুনিশ্রেষ্ঠগণ! জননী আমাকে রাজ-সেবার জন্ত রাজ-সভায় প্রেরণ করিয়াছিলেন, আমি তথায় রাজার ক্রোড়ে আরোহণ করিতে ইচ্ছা করায়, আমার বিমাতা সুরুচি আমাকে ভৎসনা করিয়াছেন। তিনি উত্তমকে এবং আপনাকে উৎকৃষ্ট বলিয়া প্রশংসা করিয়াছেন এবং আমাকে ও আমার জননীকে দিকার প্রদান করিয়াছেন, ইহাই আমার নির্বেদের কারণ। সপ্তর্ষিগণ

বালকের এই বাক্য শ্রবণ করিয়া, পরস্পর পরস্পরের মুখাবলোকনকরতঃ বলিলেন যে, ইহা ক্ষত্রিয়তেজই বটে, এই বালকেরও ক্ষমাগুণ দেখিতেছি না, অনন্তর ঋষকে বলিলেন । ( ঋষিগণ কহিলেন ) আমরা তোমার কি উপকার করিব, তোমার মনের কি অভিপ্রায়, তাহা আমাদের নিকট প্রকাশ করিয়া বল । ৯৭-১০১ ।

ঋষ কহিলেন, আমি হইতে শ্রেষ্ঠ আমার ভ্রাতা উত্তম, আমার পিতৃদত্ত রাজ-সিংহাসন ভোগ করুন । যে পদ অগ্ৰাণ্য নৃপতিগণ কতৃক উপভুক্ত হয় নাই, যাহা সর্বাপেক্ষা উচ্চ, ইন্দ্রাদিদেবগণের পক্ষেও যে পদ অতিশয় দুর্লভ, কি প্রকারে সেই দুর্লভ পদ পাওয়া যায়, আমি বালক, সে সমস্ত কিছুই জানি না, আপনারা আমাকে সেই বিষয় উপদেশ করুন, আমি আপনাদিগের নিকট সাহায্যই প্রার্থনা করিতেছি । আমি পিতৃপ্রদত্ত বিষয় অভিলাষ করি না, যে পদ স্বীয় ভুজবলে অর্জন করিতে পারিব এবং যে পদ আমার পিতারও মনোরথ-পথের অতীত, আমি সেই পদ প্রার্থনা কবি । ১০২-১০৫ । যাহারা পিতৃসম্পত্তি ভোগ করে, তাহারা প্রায় সংসারে যশোভাগী হইতে পারে না । যাহারা জগতে পিতা হইতেও সমস্ত বিষয়ে অধিক্য প্রদর্শন করাইতে পারে, তাহাঁরাই মনুষ্যের মধ্যে শ্রেষ্ঠ । আর যাহারা পিতার অর্জিত যশঃ প্রভৃতি বিনষ্ট করে, সেই সমস্ত দুর্বৃত্ত ব্যক্তিগণের পক্ষে নিধনই শ্রেয়ঃ । ১০৬-১০৭ । সপ্তর্ষিগণ ঋষের এই প্রকার নীতিসম্মত বাক্য শ্রবণ করিয়া, প্রশংসা করিলেন, অনন্তর মরীচি প্রভৃতি যথাক্রমে বলিতে লাগিলেন । ১০৮ ।

মরীচি কহিলেন, তুমি যেরূপ পদের অভিলাষ করিতেছ, ভগবান্ অচ্যুতের পদসেবা ব্যতীত অন্য কোন উপায়ে সে পদ লাভ করিতে পারা যায় না, ইহা তোমাকে সত্য বলিলাম । ১০৯ ।

অত্রি কহিলেন, যে ব্যক্তি ভগবান্ গোবিন্দের চরণকমল-ধূলির রসাস্বাদন না করিয়াছে, সে ব্যক্তি, মনোরথপথের অতীত পদলাভ করিতে সমর্থ হয় না । ১১০ ।

অঙ্গিরা কহিলেন, ভগবান্ কমলাপতির, কমনীয় চরণ-পঙ্কজে যাহার মতি আছে, তাহাঁরাই সমস্ত সম্পদের উৎকৃষ্টপদ লাভ করিতে পারে । ১১১ ।

পুলস্ত্য কহিলেন, যাঁহাকে স্মরণ করিবামাত্র সমস্ত পাপ বিলীন হয়, হে ঋষ ! তিনিই সমস্ত অভিলাষ পূর্ণ করিয়া থাকেন । ১১২ ।

পুলহ কহিলেন, যাঁহাকে মহাভাগন, পরম-ব্রহ্ম বলিয়া কীৰ্ত্তন করিয়া থাকেন, যিনি প্রকৃতি ও পুরুষ হইতে অতিরিক্ত এবং যাঁহার মায়ায় এই

সমস্ত আবৃত রহিয়াছে, সেই ভগবান অচ্যুতই তোমার মনোভিলাষ পূর্ণ করিবেন । ১১৩ ।

ক্ৰতু কহিলেন, যিনি যজ্ঞপুরুষ, যিনি বিশ্বব্যাপক জনার্দন, যিনি কেবল বেদবেত্তা এবং যিনি আত্মরূপে এই সমস্ত জগতের মধ্যে অবস্থিত, তিনি সম্ভব হইয়া কি না প্রদান করিয়া থাকেন । ১১৪ ।

বশিষ্ঠ কহিলেন, হে নৃপতনয় ! ষাঁহার কটাক্ষে অষ্টবিধ সিদ্ধি প্রাপ্ত হওয়া যায়, সেই ভগবান্ হৃষীকেশ আরাধনা করিলে মুক্তি পর্য্যন্তও পাওয়া যাইতে পারে । ১১৫ ।

ঋষ কহিলেন, হে মুনিশ্রেষ্ঠগণ ! আপনারা বিষ্ণুর আরাধনার বিষয় যাহা বলিলেন, তৎসমুদয়ই সত্য, কিন্তু কি প্রকারে তাঁহার আরাধনা করিতে হইবে, তাহা আমাকে উপদেশ করুন । ১১৬ ।

মুনিগণ কহিলেন, যখন দাঁড়াইয়া থাকিবে, যখন গম্ভী গমন করিবে, যখন নিদ্রা যাইবে, যখন জাগরিত থাকিবে, যখন শয়ন করিবে বা উপবিষ্ট থাকিবে, সেই সমুদয় অবস্থাতেই সর্বদা ভগবান্ নারায়ণকে স্মরণ করিবে । বাহুদেবাক্ষক দ্বাদশাঙ্কর মন্ত্রের দ্বারা ভগবান্ চতুর্ভূজ বিষ্ণুকে জপ করিয়া, কোন্ ব্যক্তি সিদ্ধিলাভ করিতে না পারিয়াছে ? ১১৭-১১৮ । অতসীপুষ্পের ত্রায় ষাঁহার দেহপ্রভা এবং যিনি পীতবসনধারী, সকলের আত্মাস্বরূপ সেই ভগবান্ অচ্যুতকে, ঋণকালের জন্তও দর্শন করিয়া, এই পৃথিবীতে কোন্ ব্যক্তি সিদ্ধিলাভ না করিয়াছে ? ১১৯ । একমাত্র বাহুদেবকে জপ করিলেই, মানব নিঃসংশয়, পুত্র, কলত্র, মিত্র, রাজ্য, স্বর্গ ও অপবর্গ সমস্ত সম্পত্তিই লাভ করিতে পারে । ১২০ । যাহারা বাহুদেবকে জপ করিয়া থাকে, তাহারা পাপী হইলেও, কোনরূপ বিঘ্ন বা দারুণ মূর্ত্তি ষমদূতগণ তাহাদিগকে স্পর্শ করিতে পারে না । ১২১ । হে ঋষ ! তোমার পিতামহ বৈষ্ণব-প্রধান মহাত্মা মনুও রাজ্যের অভিলাষে এই মন্ত্র উপাসনা করিয়াছিলেন । তুমিও এই মন্ত্রে বাহুদেবের উপাসনা কর এবং ইহার প্রভাবে শীঘ্রই তোমার মনের অভি-লষিত পদ প্রাপ্ত হও । এইরূপ উপদেশ করিয়া, মহাত্মা মুনিশ্রেষ্ঠগণ অন্তর্হিত হইলেন এবং ঋষও তপস্বী করিতে গমন করিলেন । ১২২ ১২৪ ।

## বিংশ অধ্যায় ।



### ঋবোপাখ্যান ও ঋবের ভগবদর্শন ।

গণদ্বয় কহিলেন, হে দ্বিজ ! অনন্তর উত্তানপাদ তনয় ঋব সেই কানন হইতে নির্গত হইয়া যমুনাতটস্থিত অতি বিশাল ও মনোহর, মধুবনে উপস্থিত হইলেন । ১ । ঐহার স্মরণ করিলে জীবগণের সংসারতাপ দূরে যায়, সেই ভগবান্ হরির আত্মস্থান ও পরম পবিত্র সেই মধুবনে গমন করিলে পাপাত্মা ব্যক্তিও নিষ্পাপ হইতে পারে, ইহা নিঃসংশয়িত সত্য । ২ । ঋব, সেই মধুবনে গমন করত ধ্যানস্তিমিত লোচনে মনোমধ্যে বস্তুদেবস্বরূপ নিশ্চল নিরাময় পরমব্রহ্মদর্শনে তৎপর হইলেন । সেই অবস্থায় ঋবের নয়নে নিখিল সংসারই বাস্তুদেবময় প্রতীয়মান হইতে লাগিল । ঋব যে দিকে নেত্রপাত করেন সেই দিকেই হরিকে বিলোকন করিতে লাগিলেন । সূর্য্য, মরীচিতে ঋব হরিরূপ দেখিতে লাগিলেন । শৃগাল, মৃগ, সিংহ প্রভৃতি নিখিল বনজন্তুতেই তিনি হরির সত্তা বিলোকন করিতে লাগিলেন । সকল বন-ভূমিই ঋবের নেত্রে হরিময়ভাবে প্রতীয়মান হইতে লাগিল । ৩-৫ ।

জলে, শালুক ও কুসুমাদিরূপে ভগবান্ হরি বিচরমান রহিয়াছেন, রাজগণের মন্দুরা সমূহেও সেই হরি অশ্রুপে বিরাজমান রহিয়াছেন । ৬ । পাতালে হরি অনন্তরূপে বিরাজমান, আকাশেও তিনি অনন্তরূপী, হরি এক হইয়াও অনন্তরূপ-ভেদে অনন্তস্বরূপ প্রাপ্ত হইয়াছেন । যিনি সকল দেবগণের মধ্যে বিরাজমান অথচ দেবগণ ঐহাকে আশ্রয় করিয়া রহিয়াছেন, যিনি নিরাকার ও নির্লিপ্ত স্বভাব হইয়াও অবিভা প্রভাবেই সর্বভূতেরই অধিষ্ঠাতৃ ভাবে ব্যাপকস্বরূপে বিরাজমান । বিষ্ণুনাভিধেয় সর্বব্যাপক স্বভাব যে পরমেশ্বরের ব্যাপকার্থক “বিষ্ণু” এই ধাতুটী সার্থকতা লাভ করিয়াছে । ৭-৮ । যে পরমেশ্বর নিখিল ইন্দ্রিয়গণের অধিষ্ঠাতৃ স্ব নিবন্ধন জীবীকেশ এই নামে খ্যাত হইয়াছেন এবং যিনি সর্বত্রই অবস্থান করিতেছেন । ৯ । ঐহার ভক্তগণ মহাপ্রলয়কালেও বিনাশ প্রাপ্ত হন না, এবং এই কারণে যিনি অখিললোকে “অচ্যুত” নামে বিখ্যাত, যিনি এক, সর্বগত ও অব্যয় স্বরূপ । ১০ । যিনি স্বকীয় লীলা-প্রভাবে এই অখিলচরাচর বিশ্বকে ধারণ করিয়া রহিয়াছেন, এবং স্বকীয় রূপসম্পত্তি দ্বারা ইহাকে প্রতিপালন করিতেছেন, এই কারণ সংসারে যিনি “বিশ্বত্তর” বলিয়া কীৰ্ত্তিত হন । ১১ । সেই ভগবান্ বিষ্ণুর চরণ

ছাড়িয়া, ধ্রুবের নয়নদ্বয় আর কোন পদার্থই বিলোকন করিত না। শাস্ত্রেও কীর্তিত আছে-যে, যথানিয়মে পুণ্ডরীকাক্ষ ভগবান্ হরি ভিন্ন অন্য পদার্থই দ্রষ্টব্য নহে। ১২। ধ্রুবের কর্ণদ্বয়ও সেই সময়ে মুকুন্দ, গোবিন্দ, দামোদর, চতুর্ভুজ, এই সকল শব্দ ভিন্ন অপর শব্দ গ্রহণ করিতে বিরত হইল। ১৩। গোবিন্দচরণ-পূজা ভিন্ন অন্য সকল কৰ্ম্ম হইতে ধ্রুব বিরত হইলেন। তাঁহার হস্তদ্বয়ও শঙ্খ ও চক্রচিত্র ভিন্ন অন্য কৰ্ম্মে বিরত হইল। ১৪। তাঁহার হৃদয় অন্যান্য বিষয়ের চিন্তা সর্বথা পরিত্যাগ করিয়া, ত্রিবিধতাপ-বিনাশকারী সেই হরি-চরণদ্বয় চিন্তায় নিগম্য হইল, এবং ক্রমে ক্রমে সম্পূর্ণভাবে নিশ্চলতা প্রাপ্ত হইল। ১৫। সেই বিপুল তপস্বীকারী বিষ্ণুমাংশরণ ধ্রুবের চরণদ্বয়, হরি-প্রাঙ্গণ ছাড়িয়া অন্যত্র বিচরণ করিত না। ১৬। ভগবান্ হরির প্রসাদকারী এবং মহাসার তপস্চারী সেই ধ্রুবের বাণী গোবিন্দগুণ বর্ণনেই প্রমাণীকৃত হইত। ১৭। কমলাকান্ত হরির নামরূপ স্নানাসাদ পরিত্যাগ করিয়া, তাঁহার রসনা অন্যান্য রসে স্পৃগাবতী হইত না। দিবারাত্র কেবল হরিনামস্নানাসাদে তাহা সরসা ছিল। ১৮। শ্রীমুকুন্দের পাদ-পদ্মের গন্ধাভ্রাণে প্রমোদিত হৃদীয় ভ্রাণেন্দ্রিয় স্থিরতা লাভ করত, অন্যান্য গন্ধ গ্রহণে পরাজুখ হইল। রাজপুত্র ধ্রুবের অগ্নিদ্রিয় মধুরিপুর পাদপদ্মদ্বয়ের স্পর্শ লাভ করিয়া, এককালে সর্বপ্রকার স্পর্শ-সুখ লাভ করিল। ১৯-২০। শব্দাদি বিষয় সমূহের আধারস্বরূপ পরম সারভূত দামোদরকে লাভ করিয়া, সেই সময়ে ধ্রুবের কৃতার্থতা লাভ করিল। ২১। ধ্রুবের তপস্বীরূপ সূর্য্যের উদয় হওয়াতে চন্দ্র, সূর্য্য, গ্রহ ও অন্যান্য তারাগণের তেজ লুপ্ত হইল, কারণ সেই ধ্রুব-তপস্বীরূপ-সূর্য্য এক হইয়া, ত্রিজগৎ প্রদীপিত করিয়াছিল। ২২। সেই সময় ইন্দ্র, চন্দ্র, অগ্নি, বরুণ, সমীরণ, কুবের, যম ও নৈঋত-প্রমুখ দেবগণ নিজ নিজ পদের স্বৈর্য্যবিষয়ে শঙ্কিত হইলেন। ২৩। এবং অন্যান্য বৈমানিক ও বসু-প্রমুখ দেবগণও বিশেষ-রূপে শঙ্কিত হইলেন। তখন তাঁহারা সকলে ধ্রুব হইতে নিজ অধিকার নাশ শঙ্কায় অতিশয় ত্রস্ত হইলেন। ২৪। পৃথিবীতলে যে যে স্থলে ধ্রুব পাদ নিক্ষেপ করিতে লাগিলেন, সেই সেই স্থানেই অতিভারাক্রান্তা ধরিত্রী নত্ন হইতে লাগিল। ২৫। ইহা বড়ই আশ্চর্য্যের বিষয়! সরস জলসমূহও ধ্রুবের গাত্রসঙ্গে জড়্য পরিত্যাগ করিয়া, তাঁহার ভয়ে অন্যত্র সরিয়া যাইত। ২৬। এ জগতে যত প্রকার তেজঃ বিद्यমান আছে এবং যত প্রকার শিক্তরূপ ও গুণসমূহ দেদীপ্যমান আছে, ধ্রুবের তপস্বী সেই সকল একত্রীকৃত তেজোরশির ন্যায় দেদীপ্যমান ভাবে দৃষ্টি গোচর হইয়াছিল। ২৭।

অহো তপস্তার কি প্রভাব! বায়ুও অতি দূরদেশান্তরবর্তী সেই ঋবের পরিচর্য্যার নিমিত্ত, নিজগুণস্পর্শকে তাঁহার স্বগিজ্রিয় গোচর করিতে আরম্ভ করিলেন। ২৮। আকাশও ঋবের আরাধনা করিবার অভিপ্রায়ে, নিজগুণ অতি-মনোহর শব্দসমূহকে তাঁহার কর্ণগোচর করিতে আরম্ভ করিল। ২৯। যখন পূর্ব্বোক্ত পৃথিবী প্রভৃতি পঞ্চভূতই নিজ নিজ গুণসমূহের দ্বারা তাঁহার পরিচর্য্যা করিতে লাগিল, সে সময়ে তিনি সেই সকল পদার্থে উপেক্ষা করিয়া, তদপেক্ষা উৎকট তপস্তায় প্রবৃত্ত হইলেন। ৩০। কৌন্তভোস্তাসিতহৃদয় পীতকৌষেয় বস্ত্র শোভিত সেই ভগবান্ পুণ্ডরীকাক্ষের অনবরত ধ্যান করিতে করিতে রাজতনয় ঋব, নিখিল সংসারকে তেজোময় বিলোকন করিতে লাগিলেন। ৩১। ঋবের এবম্বিধ তপস্তার প্রভাব বিলোকন করিয়া, ইন্দ্র ভয়ে মহাচিন্তাভারগ্রস্ত হইলেন। তিনি ভাবিতে লাগিলেন যে, “এই ঋব যদি আমার পদ প্রার্থনা করেন, তবে তাহা নিশ্চয়ই প্রাপ্ত হইবেন। আমার অনুচর অঙ্গরোবর্গ উগ্রতপস্তাকারিগণের নিয়ম ভঙ্গ করিতে সমর্থ হইলেও, এই বালকে তাহাদের ক্ষমতা কুণ্ঠিত হইবে, কারণ তরুণ ব্যক্তিগণের উপরই তাহাদের অপ্রতিহত প্রভাব। হায়! এই বালকের নিয়ম ভঙ্গ করিবার জন্ত আমি কোন্ উপায় অবলম্বন করিব? তপস্বিগণের তপস্যাবিন্ধ উৎপাদন করিবার জন্ত কাম এবং ক্রোধ এই দুইটাই আমার প্রধান সাহায্যকারী, কিন্তু কাম বা ক্রোধ কেহই ত এই সংযমী বালকের তপোবিন্ধ করিতে সক্ষম হইবে না। একটা মাত্র উপায়ই এই বালকের তপোবিন্ধ করিতে সক্ষম হইবে, সেই উপায় আর কিছুই নহে, আমি এই ক্ষণেই অতি ভীষণাকৃতি ভূতযোনিগণকে ইহার তপস্যা ভঙ্গ করিবার জন্ত প্রেরণ করিব। নিশ্চয়ই এই ঋব বালকতা প্রযুক্ত ভূতগণ হইতে ভয় প্রাপ্ত হইয়া, তৎক্ষণাৎ তপস্যা পরিত্যাগ করিবে।” ইন্দ্র এই প্রকার নিশ্চয় করিয়া ঋবের তপস্যা ভঙ্গের জন্ত ভূতসমূহকে প্রেরণ করিলেন। ৩২-৩৬। তখন ভূতগণ নানা প্রকারে তাঁহাকে ভীত করিবার চেষ্টা করিল। কোন ভূত-যোনি হস্তপদাদি ভঙ্গুরের শ্রায় এবং উষ্ট্রের শ্রায় লম্বমান স্বক্কদেশ নির্মাণ করিয়া, বিকট দশনপ্রভায় দিগ্ভ্রম প্রজ্জ্বলিত করত, তাঁহার প্রতি ধাবমান হইল। ৩৭। ব্যাঘ্রের শ্রায় বিকট বদন কোন ভূত ভীষণ মুখব্যাধন করিয়া, বিকট গর্জন করিতে করিতে তাঁহার পশ্চাৎ ধাবমান হইল। ঐ ভূতের অশ্রাব্য অবয়ব হস্তীর শ্রায় অতি উচ্চতর। ৩৮। কোন ভূত, বিকট দংষ্ট্রী বিকাশপূর্ব্বক মাংস ও রুধির ভক্ষণ করিতে করিতে রোষসহকারে দৃষ্টি নিক্ষেপ করিয়া, অতি বেগে তাঁহার প্রতি ধাবমান হইল। ৩৯। কোন ভূত, অতি প্রকাণ্ড বৃষরূপ ধারণ করিয়া, শৃঙ্গাগ্র-



ভাগ দ্বারা অতি উচ্চ তটভূমি বিদারণ করত, খুয়াগ্রদ্বারা ভূমিকে বিদলন করিতে করিতে তাঁহার প্রতি ধাবিত হইল এবং বিকটভাবে গর্জ্জন করিতে লাগিল । ৪০ । বিম্বৃত ফণাগুলধারী ভীমদর্শন ও চঞ্চল জিহ্বাদ্বয়ে ভীষণ-সর্পরূপ ধারণ করিয়া কেহ বা সেই জ্বের সমীপে অতি ভয়ানক ভাবে গর্জ্জন করিতে লাগিল । ৪১ । মহিষাকৃতি কোন ভূত, শৃঙ্গাগ্রভাগ দ্বারা গিরিসমূহকে অগ্রভাগে নিক্ষেপ করত, লাস্কুল দ্বারা পৃথিবীকে বিভাঙিত করিয়া, দৌর্ধনিঃশ্বাসশব্দে দিক্‌সমূহকে কম্পিত করিতে করিতে অতি বেগে তাঁহার প্রতি ধাবমান হইল । ৪২ । কেহ বা, দাবানল-জ্বালাবলীতে প্রজ্বলিত খর্জুর বৃক্ষের ন্যায় ভয়ঙ্করদর্শন উরুদ্বয় ধারণ করত, মুখ-ব্যাদনপূর্বক তাঁহাকে ভীত করিবার চেষ্টা করিল । ৪৩ । কোন ভূত, অতি ক্লেশ ও দৌর্ধ উদর ধারণপূর্বক কেশাগ্র দ্বারা মেঘসমূহকে স্পর্শ করত, তাঁহাকে ভয় দেখাইবার চেষ্টা করিল । তাহার পিঙ্গলবর্ণ অতি ভীষণ নেত্রদ্বয় গাঢ়নিমগ্নভাবে দেদীপ্যমান ছিল । ৪৪ । ভগ্নমুখ কোন ভূতযোনি, বামহস্তে নর-কপাল ও দক্ষিণ-হস্তে কুপাণ ধারণপূর্বক অতি প্রচণ্ড ভাবে খড়্গ ঘুরাইতে ঘুরাইতে সেই বালকের প্রতি ধাবমান হইল । ৪৫ । দণ্ডধর যমের ন্যায় কোন ভূতযোনি-বিশেষ, শালবৃক্ষ উৎপাটন করিয়া গ্রহণ করত ভীষণ কিলকিলাধ্বনি করিতে করিতে সেই দিকে ধাবিত হইল । ৪৬ । অন্ধকার নিচয়ের আবাসস্থানের ন্যায় অতি কৃষ্ণবর্ণ ও কৃতান্ত গৃহের ন্যায় ব্যাভ্রাকার মুখ ধারণ করত কোন ভূত তাঁহার প্রতি ধাবমান হইল । ৪৭ । কেহ বা পেটকের রূপ ধারণ করিয়া, হৃদয় কম্পনকারী অতি দারুণ ধ্বংসকার শব্দে তাঁহার ভয় উৎপাদন করিতে চেষ্টা করিল । ৪৮ । কোন যক্ষিণী কাহারও রোরুদ্রমান শিশুকে আনিয়া, তাহার কোষ্ঠদেশ হইতে রুধির পান করিতে লাগিল এবং মুণালের ন্যায় অতি কোমল তদীয় অস্থিসমূহ চর্বণ করিতে আরম্ভ করিল । ৪৯ । এবং সেই যক্ষিণী বলিতে লাগিল যে, অরে জ্বব ! আমি বড়ই পিপাসিত হইয়া যেমন এই বালকের রুধির পান করিতেছি, এই প্রকার তোরও রুধির পান করিব । ৫০ । কোন প্রেতিনী চারিদিক হইতে তৃণ কাষ্ঠাদি আহরণ পূর্বক, সেই খানে বিছাইয়া অতি ভীষণ অগ্নি প্রজ্বলিত করিল এবং বাত্যা দ্বারা তাহা আরও বাক্ত করিয়া দিল । ৫১ । কোন ভূতযোনি-বিশেষ, অতি বিকটরূপ ধারণ পূর্বক প্রকাণ্ড প্রকাণ্ড বৃক্ষ ও গিরিসকল উৎপাটন করত, জ্ববে ভয় প্রদান করিবার নিমিত্ত গগনমার্গ অবরোধ করিয়া দণ্ডায়মান রহিল । ৫২ । কোন প্রোতনো জ্ব-জননী সুনীতির রূপ ধারণ করিয়া, দূর হইতে তাঁহাকে দর্শনপূর্বক অত্যন্ত দুঃখান্বিতভাবে বারম্বার বক্ষঃস্থল তাড়ন করিয়া রোদন করিতে লাগিল । ৫৩ ।

সেই স্তনীতিরূপধারিণী প্রেতিনী কারুণ্যপূর্ণ বাৎসল্য প্রকাশপূর্বক নানাবিধ মায়া-  
 পুরঃসর অতি দীনভাবে বলিতে লাগিল যে, “হে বৎস! এ জগতে তুমি ভিন্ন  
 আমার আর অণু কেহই রক্ষক নাই, এই দেখ হৃত্যু আমাকে আক্রমণ করিছে  
 ইচ্ছা করিতেছে। শরণাগত বৎসল ঋষ! গতাস্থ প্রায় হৃদয় জননীকে রক্ষা কর,  
 রক্ষা কর। বৎস ঋষ! তোমার অশ্রুধারা আতুর হইয়া আমি প্রতি গ্রাম, প্রতি  
 পুর, প্রতি পথ, প্রতি কানন, প্রতি আশ্রম এবং প্রতি গিরিতেই শ্রান্তভাবে পর্যটন  
 করিয়াছি। হে বৎস! যে দিনে তুমি তপস্কার জন্ত গৃহ হইতে নির্গত হইয়াছ,  
 সেই দিন হইতেই আমি তোমাকে দেখিবার জন্ত এইরূপ অবিশ্রান্তভাবে ভ্রমণ  
 করিতেছি। অয়ি বৎস! সপত্নীর সেই সকল দুর্বাক্যে তুমি যেমন দুঃখ পাইয়াছ,  
 আমিও তাহার বাক্যরূপ-আঘাত দ্বারা সেইরূপই মনঃপীড়া প্রাপ্ত হইয়াছি। বৎস!  
 আমার নিদ্রা নাই অথচ আমি জাগরণও করিতেছি না। ঋষ রে! তুমি ২৫ দিন  
 আমাকে ছাড়িয়া আসিয়াছ, সেই দিন হইতে আমার স্নান নাই, পান নাই, আমি  
 কেবল একমনে যোগিনীর স্তায় তোমাকেই চিন্তা করিতেছি। বৎস! আমার  
 দক্ষ-নয়নে নিদ্রা নাই, স্তবরাং সর্বদা আনন্দময় ভুবনমোহন তোমার বদন যে স্থানে  
 দেখিয়া প্রাণ জুড়াইব, বাছারে সে আশাও আমার নাই। বৎস! স্নান নাই বলিয়া  
 উদ্ভ্রাণিত অলকসমূহ আমার কর্ণবিবর রোধ করিয়াছে, সেই কারণে তোমার কণ্ঠ-  
 ধ্বনির স্তায় অতি মনোহর কোকিলের কল-কাকলাও আমার কর্ণে প্রবেশ করিতে  
 পারিতেছে না। আমার ভাগ্যে তোমার মধুরধ্বনিসদৃশ ধ্বনিও বিধাতা প্রবেশ  
 করাইতে বিমুখ। আমি অতি ক্রোধান্বিতা, তোমার আনন্দের সদৃশ মনোহর  
 উদায়মান পূর্ণচন্দ্রকে তাপ পাইবার ভয়ে বিলোকন করি নাই। হে ঋষ! তোমার  
 অদর্শন-তাপে অতি ক্ষুব্ধহৃদয়া আমি, তোমার অন্তঃসম্পর্ক-লাভে মধুর বায়ুকেও,  
 নানাস্থানে পর্যটন করিতে করিতেও আলিঙ্গন করিতে পাই নাই। ঋষরে! আমি  
 রাজপত্নী হইয়া তোমার জন্ত পাদচারে কোন্ দেশ, কোন্ সরিত এবং কোন্ শৈলই  
 বা লঙ্ঘন করি নাই? বৎস। ঋষহীন এই সংসার দোখয়া, আমার নয়ন অন্ধ  
 হইয়া গিয়াছে। পুত্র! এক্ষণে অন্ধের যষ্টিস্বরূপ হইয়া, হৃদয় অন্ধ জননীকে  
 রক্ষা কর। বৎস! এই অতি কোমল হৃদয় অঙ্গ সকলই বা কোথায়, আর এই  
 দুঃস্বপ্ন তপস্যাই বা কোথায়? বৎস! এই তপস্যা অতি কঠিন এবং কঠিনাঙ্গ  
 পুরুষগণেরই সাধ্য। বৎস! তুমি নিষ্পাপ শরীর, এই দুঃস্বপ্ন তপস্য দ্বারা  
 স্রোতের তনয় অপেক্ষা অধিকার কি লাভ করিবে বল? ঋষ! তোমার এই  
 সমস্ত সমবয়স্ক শিশুগণের সহিত পুত্রলিঙ্গ দ্বারা স্রোতাড়া করাই কষ্টব্য, এখন কি

তোমার এই বিষম তপস্যা করা উচিত ? এই প্রকার নানাবিধ ক্রীড়া দ্বারা বাল্যকাল অতিবাহিত করত কোমারবয়ঃ লাভ করিয়া, তোমায় সকল প্রকার বিদ্যায় পারদর্শী হইতে হইবে । বৎস ! তোমার চিন্তাশক্তি বড়ই প্রশংসনীয় । এইরূপে কোমার অতিক্রম করিয়া যখন তুমি যৌবন প্রাপ্ত হইবে, সেই সময় স্ত্রী, মাল্য ও চন্দনাদি নানাবিধ ভোগ্য দ্রব্যের উপভোগ করিবে । বৎস ! যৌবনকালে তোমার ইন্দ্রিয়ার্থ সমূহকে সফল করিতে হইবে, সেই সময়ে তুমি সংসারার্শমে প্রবেশ-পূর্বক অনেক ধর্ম্যবৎসল সদৃশগণালা পুত্রগণ উৎপাদন করত, কালক্রমে তাহাদের উপর রাজ্যলক্ষ্মী অর্পণ করিয়া, বৃদ্ধ বয়সে এইখানে আদিয়া তপস্যা করিও । মনে ভাবিয়া দেখ, এই বাল্যকাল হইতে বৃদ্ধকাল পর্য্যন্ত তপস্যা করিতে কত শ্রম-ভোগ করিতে হইবে ? বিবেচনা কর, পাদাস্থিগণ গোময়লগ্ন-অগ্নি কতকালে মস্তক পর্য্যন্ত গমন করিয়া থাকে ? বিপক্ষকর্তৃক যে জন পরাজিত, যাহার কুত্রাপি মান নাই অথবা যাহার রাজ্যলক্ষ্মী ভ্রষ্ট হইয়াছে, তাহারই তপস্যা করা উচিত, তোমার ত ইহার কিছুই হয় নাই, তবে তুমি কেন এই প্রকার তপস্যায় প্রবৃত্ত হইলে ? ৫৪—৭৩ ।

যাহার মান সংসারে হৃত হইয়াছে, সংসারে যাহার আদর নাই, তাহারই তপস্যা করা উচিত । ” ’ এবম্প্রকার বাক্য শ্রবণ করিয়া, ধ্রুব দীর্ঘ ও উষ্ণ নিঃশ্বাস পরিত্যাগপূর্বক পুনর্ব্বার হৃদয়ে হরির ধ্যান করিতে লাগিলেন । ৭৪ । এই প্রকার জননীরূপধারিণী সেই প্রেতিনীর বাক্যে প্রত্যাশ্রয় না দিয়া এবং ভূতভয় পরিত্যাগ করিয়া ধ্রুব পুনর্ব্বার নিবিষ্টহৃদয়ে হরির ধ্যানে নিমগ্ন হইলেন । ৭৫ । সেই সকল ভূতগণ নানা প্রকার ভীষণ বেশ পরিগ্রহ করিয়া, যখন নানারূপে ভয় প্রদর্শন করত, তাঁহার চারিপাশ্বে বিচরণ করিতে লাগিল, সেই সময় তাহারা ধ্রুবের নিকট দেখিতে পাইল যে, সুদর্শনচক্র ভ্রমণ করিতেছে । ভূতগণ ভীতভাবে দেখিতে লাগিল যে, সেই হরি-হস্তস্থিত সুদর্শনচক্রের তেজোরশ্মি চারিদিকে সূর্য্যের ন্যায় বিচিত্র মণ্ডলাকারে রাক্ষসগণ হইতে তাঁহাকে রক্ষা করিবার জন্ত দেদীপ্যমান রহিয়াছে । ৭৬—৭৭ ।

গোবিন্দার্পিত-হৃদয় এবং অতিশয় নিকম্পচেতা সেই ধ্রুবের রক্ষাকারী শিখামালাকুল প্রস্ফূরিত ও তীব্রপ্রতাপ সেই সুদর্শনচক্র বিলোকন করিয়া, ভূতগণও ভয়প্রাপ্ত হইল । তাহাদের বোধ হইল যেন, ধ্রুবের তপস্যা-তেজো-রশ্মির অক্ষুরস্বরূপ পৃথিবী ভেদ করিয়া উদয় প্রাপ্ত হইয়াছে । তখন তাহারা বার্ষ-মনোরথ হইয়া, ধ্রুবকে নিত্য ভাবিয়া নমস্কার করত যেমন আসিয়াছিল সেই-রূপেই প্রতিগমন করিল । ৭৮—৮০ ।

মুহূর্তঃ গর্জনকারী মেঘমালা আকাশে বায়ু-বিতাড়নে চাকল্যপ্রাপ্ত হইয়া, যে প্রকার ব্যাকুলভাবে বিদগ্ধ প্রাপ্ত হয়, সেই প্রকার ঋগবৈবর্তন তপস্যার সৈবর্ত-প্রভাবে ভূতগণও ব্যাকুল হইয়া অদৃশ্য হইল । ৮১ । হে বিজ ! অনন্তর দেবগণও ইন্দ্র অতিশয় ভয় প্রাপ্ত হইয়া, সকলে মন্ত্রণাপূর্বক ব্রহ্মার নিকটে শরণ-প্রার্থনায় গমন করিলেন । ৮২ । তৎপরে তাঁহারা প্রণামপূর্বক পিতামহের স্তুতি করিতে লাগিলেন । অনন্তর পিতামহ আগমন-কারণ জিজ্ঞাসা করিলে পর, তাঁহারা বাক্যের অবসর বুঝিয়া বিজ্ঞাপন করিলেন । ৮৩ । দেবগণ কহিলেন, হে বিধাতঃ ! উত্তানপাদ-তনয় অতি হেজস্বী ঋগ তপস্যার দ্বারা ত্রিলোকবাসী সকল জীবগণকে তাপিত করিতেছে । হে তাত ! ঋগবৈবর্তন কি অভিপ্রায় তাহা আমরা সম্যক্ প্রকারে জানিতে পারিতেছি না । এই সুমহাতপা ঋগ কাহার পদ হরণ করিতে ইচ্ছা করিতেছে, তাহা আমরা জানিতে ইচ্ছা করিতেছি । ৮৪-৮৫ । এই প্রকারে দেবগণ বিজ্ঞাপন করিলে পর, ব্রহ্মা ঈষৎ হাস্যপূর্বক, ঋগ হইতে ভীতমানস সকল দেবগণকে সম্বোধনপূর্বক বলিতে আরম্ভ করিলেন । ৮৬ ।

ব্রহ্মা কহিলেন, হে সুরগণ ! সেই ঋগবৈবর্তন অভিপ্রায়ী ঋগ হইতে তোমাদিগের কোন ভয়ের সম্ভাবনা নাই । তোমরা সকলে নিঃশঙ্ক-অন্তঃকরণে স্ব স্ব গৃহে প্রতিগমন কর, ঋগ তোমাদের মধ্যে কাহারও পদ প্রার্থনা করে না । ৮৭ । ভগবান্ বিষ্ণুর যে জন ভক্ত, তাহা হইতে কোন কালেও কাহারও ভয় করা কর্তব্য নহে, কারণ ইহা নিশ্চয়ই আছে যে, যাহারা বিষ্ণুভক্ত, তাঁহারা কখনও পরের পরিতাপ প্রদান করেন না । ৮৮ । সেই ঋগ দেবের বিষ্ণুর আরাধনা করিয়া, নিজের অভিপ্রেত পদ লাভ করত, তোমাদের সকলেরই পদকে স্থির করিবে । ৮৯ । ব্রহ্মার এবম্বিধ বাক্য শ্রবণ করিয়া, দেবগণ তাঁহাকে প্রণিপাত-করত, ঈষ্টান্তঃকরণে নিজ নিজ লোকে প্রত্যাবর্তন করিলেন । ৯০ ।

অনন্তর ঋগবৈবর্তন একাগ্রচিত্ততা ও অনন্তশরণতা সম্পূর্ণরূপে জানিতে পারিয়া, ভগবান্ গুরুত্বপূর্ণ তাঁহার নিকট আগমনপূর্বক বলিতে আরম্ভ করিলেন । ৯১ । শ্রীভগবান্ কহিলেন, হে সূত্রত মহাভাগ ধ্রুব ! আমি প্রসন্ন হইয়াছি, তুমি বর প্রার্থনা কর । হে বালক ! তুমি এই সূত্রতর তপস্যা হইতে বিরত হও, এই তপস্যায় তুমি বড়ই খিন্ন হইয়াছ । ৯২ । ভগবানের এই প্রকার বচনামৃত পান করিয়া, ধ্রুব নেত্রদ্বয় উন্মীলন করত, সম্মুখেই তাঁহাকে দেখিতে পাইলেন । ঋগ দেখিলেন যে, ইন্দ্রমণিজ্যোতিঃসমূহের আয় দেদীপ্যমান নবীন-প্রফুল্ল নীলোৎপলরাজিতে বিরাজিত পৃথিবী ও গগনের মধ্যপ্রদেশ একটা সুবিস্তৃত

সরোবরের জ্বায় শোভা পাইতেছে । তাহা দেখিয়া বোধ হইতেছে, যেন লক্ষ্মীদেবীর কটাক্ষসমূহ মূর্তিপরিগ্রহ করিয়া, নীলোৎপলরূপে বিরাজমান রহিয়াছে । ঐব “আরও দেখিলেন যে, সেই গগন ও পৃথিবীর মধ্যভাগে উদীয়মান নবীন কাদম্বিনী-মধ্যবর্তী বিদ্যুদ্দাম-সমান কাণ্ডিশোভিত পীতাম্বরধারী ভগবান্ মধুসূদন তাঁহার নয়নপথবর্তী হইয়া বিরাজমান রহিয়াছেন । তাঁহাকে দেখিয়া ঐবের বোধ হইল যেন, নভোমার্গস্বরূপ নিকষ-প্রস্তুত ( কষ্টিপাথর ) কাঞ্চনময় স্তম্ভেরেখায় অঙ্কিত রহিয়াছে । গগন যেমন চন্দ্রকলার উদয়ে শোভা পায়, ভগবান্ ও পীতবর্ণ বস্ত্রের দ্বারা তজ্জপ শোভা পাইতেছিলেন । এই প্রকার মনোহর লোকাভ্যন্তরূপধারী ভগবান্কে বিলোকন করিয়া, ঐব দণ্ডবদ্যাবে প্রণাম ও ভূমিতে বিলুণ্ঠন করত, পিতাকে দর্শন করিয়া, দুঃখিত বালক যেরূপ রোদন করিয়া থাকে, তজ্জপ রোদন করিতে লাগিলেন । ৯৩-৯১ । তৎপরে নারদ, সনন্দ, সনক ও সনৎকুমার প্রভৃতি অন্যান্য ঋষিগণ ও যোগিগণ কর্তৃক সংস্কৃত্যমান যোগিশ্রেষ্ঠ ভগবান্, কারুণ্য প্রযুক্ত সমুদিত বাষ্পানীরে স্বকীয় পুণ্ডরীক নেত্রদ্বয়কে সিক্ত করত, করদ্বয় ধারণপূর্বক ঐবকে ভূমি হইতে উঠাইলেন । ১০০-১০১ । সর্বদা সূদর্শনাদি চক্রধারণে অতি কঠিনতর করদ্বয় দ্বারা ভগবান্, ধূলিধূসরিত ঐবের অঙ্গসকল স্পর্শ করিলেন । সেই দেবদেবের করস্পর্শমাত্রেই ঐবের স্তম্ভসংস্কৃতময়ী বাণী প্রাভূত্ব হইল । তখন তিনি সেই বাণীর দ্বারা হরিকে স্তব করিতে প্রবৃত্ত হইলেন । ১০২-১০৩ ।

## একবিংশ অধ্যায় ।

—:~:—

ঐব-স্ততি ।

ঐব কহিলেন, হে দেব ! তুমি হিরণ্যগর্ভ, তুমিই আধ্যাত্মিক, আধিভৌতিক, আধিদৈবিক প্রপঞ্চসমূহের বিধানকর্তা, তুমিই হিরণ্যরেতা, তুমিই উৎকৃষ্ট বিজ্ঞান প্রদান করিয়া থাক । তুমিই হররূপে সমস্ত ভূতগণকে সংহার করিয়া থাক । তুমি মহাভূতসমূহের আত্মাস্বরূপ, তুমিই ভূতগণের অধিপতি । তুমিই প্রভূত ক্ষমতালী বিষ্ণুরূপে সমস্ত জগৎ প্রতিপালন করিতেছ । তুমি জীবগণের তৃষ্ণাহরণ করিয়া থাক, তুমিই কৃষ্ণ, তুমিই কুর্মরূপে জগত্তের ভাররাশি সহন

করিতেছ। তুমি দৈত্যসমূহরূপ মহারণের পক্ষে প্রবল দাবানলরূপ ধারণ করিয়া থাক। তুমি দৈত্যকুলরূপ বৃক্ষসমূহের ছেদনের কুঠারস্বরূপ। হে শার্ঙ্গপাণে ! আমি তোমাকে বারম্বার নমস্কার করি। ১-৪। হে দেব-গদাধর ! প্রবল-পরাক্রম দানবকুল সংহার করিবার জন্যই, তুমি স্রীয় হস্তে কৌমোদকী নামে গদা এবং নন্দক নামে খড়্গ ধারণ করিয়াছ। তুমিই শ্রীপতি, তুমিই চক্রধর, তুমিই বরাহরূপ ধারণ করিয়া পৃথিবীকে উদ্ধার করিয়াছ। তুমিই পরমাত্মা, তুমি কমলহস্ত এবং কমলার অতিশয় প্রিয়। তুমিই মৎস্যাদিরূপ ধারণ করিয়াছ, তোমারই বক্ষঃস্থলে কৌস্তভমণি শোভা পাইয়া থাকে। হে বেদাস্তবেচ্ছ ! হে শ্রীবৎসধারিন্ ! তোমাকে বারম্বার নমস্কার করি। তুমিই গুণ, তুমিই গুণী এবং তুমিই গুণবর্জিত। তোমার নাভি হইতেই এই ভুবনপদ্ম সমুদ্ভূত হইয়াছে, তুমিই পাক্জন্তু নামে শঙ্খ ধারণ করিয়া থাক, তুমিই দেবকীতনয়, হে বাহুদেব ! তোমাকে আমি নমস্কার করি। ৫-৯। তুমি প্রত্নাস্ত্র, তুমিই অনিরুদ্ধ, তুমিই কংসবিনাশন এবং তুমিই চানূর নামক দৈত্যের সংহারকর্তা, তোমাকে শত সহস্রবার নমস্কার। হে দামোদর ! হৃষীকেশ, গোবিন্দ, অচ্যুত, মাধব, উপেন্দ্র, কৈটভারাতে, অধোক্ষজ, এবং হে নারায়ণ ! তুমিই নরক ও পাপের হরণকর্তা। তুমিই বামনরূপে বলিকে ছলনা করিয়াছিলে, তুমিই হরি এবং তুমিই শৌরি। তুমি অনন্ত, তুমি অনন্তশয্যায় শয়িত, তুমিই রুক্ষিণীপতি, তুমিই রুক্ষি-প্রমথন, তুমিই চৈত্য়হস্তা, তুমি দানব ও দৈত্যগণের রিপু। হে যমুন্দ ! তুমিই পরমানন্দ-স্বরূপ, তুমিই গোপীগণের প্রিয়। হে দমুজেন্দ্রনিসূদন ! হে পুণ্ডরীকাক্ষ ! তোমাকে নমস্কার। ১০-১৬। হে রাবণারে ! তুমি বিভীষণের শরণদাতা, তুমিই অজস্বরূপ। হে রণাঙ্গন-বিচক্ষণ ! তুমিই জয়স্বরূপ। তুমিই ক্ষণ প্রভৃতি কালস্বরূপ। হে শার্ঙ্গিন্ ! তুমি এক হইয়াও নানারূপ। তুমি গদাধর, তুমি চক্রপাণি, তুমি দৈত্যচক্র-বিমর্দন, তুমিই বল, তুমিই বলভজ্র, তুমিই বলারাতি- (ইন্দ্রের) প্রিয়, তুমিই বলির যজ্ঞ বিনষ্ট করিয়াছ, তুমিই ভক্তগণের বর প্রদানকর্তা। হে রণপ্রিয় ! তুমিই হিরণ্যকশিপুর বক্ষঃস্থল বিদারণ করিয়া, প্রহ্লাদকে রক্ষা করিয়াছ। তুমিই ব্রহ্মণ্যদেব, তুমিই গো এবং ব্রাহ্মণসমূহের হিতকারী। তুমিই ধর্মরূপ, তুমিই সত্ত্বগুণস্বরূপ, তুমিই সহস্রশিরা, তুমিই পুরুষ, তুমিই শ্রেষ্ঠ, তুমিই সহস্রলোচন, তুমিই সহস্রচরণ, তুমিই সহস্রকিরণ, তুমিই সহস্রমূর্ত্তি। হে শ্রীকান্ত ! হে যজ্ঞপুরুষ ! আমি তোমাকে নমস্কার করি। ১৭-২২। তোমার স্বরূপ কেবল বেদবেচ্ছ, তুমি বেদপ্রিয়, তুমিই বেদ এবং তুমিই বেদ-

বস্ত্রা । তুমিই সৎপথের প্রবর্তক, তুমিই বৈকুণ্ঠস্বরূপ, তুমিই বৈকুণ্ঠবাসী, তুমিই  
 বিষ্ণুরশ্রবা, তুমি গরুড়গামী, তুমিই বিশ্বক্সেন এবং তুমিই জগন্ময় । হে জনার্দন !  
 তুমিই ত্রিবিক্রম, তুমি সত্য এবং তুমিই সত্যপ্রিয়, তুমি কেশব, তুমি মায়ী, তুমিই  
 ত্র্যক্ষগায়ী । তুমিই তপঃস্বরূপ, এবং তুমিই তপস্যার ফলদাতা, তুমিই স্বভাৱে,  
 তুমিই স্তব এবং তুমিই স্তুতিতে রত । তুমিই ঐশ্বর্যরূপ, তুমিই ঐশ্বর্যচ্যাব্যপ্রিয়,  
 তুমিই অশুভ, তুমিই শ্বেদজ, তুমিই জরায়ুজ এবং তুমিই উদ্ভিজ্জ । দেবগণের  
 মধ্যে তুমি ইন্দ্র, গ্রহগণের মধ্যে তুমি সূর্য্য, লোকনিচয়ের মধ্যে তুমি সত্যলোক,  
 সিন্ধুগণের মধ্যে তুমি ক্ষীরসমুদ্র, নদীসমূহের মধ্যে তুমি মন্দাকিনী, সর্বোবর  
 সকলের মধ্যে তুমি মানসসরোবর, শৈলগণ মধ্যে তুমি হিমালয়, ধেনুসমূহ মধ্যে  
 তুমি কামধেনু, ধাতুগণ মধ্যে তুমি স্রবর্ণ, প্রস্তরসমূহের মধ্যে তুমি স্ফটিক,  
 পুষ্পরাশি মধ্যে তুমি নীলোৎপল, বৃক্ষনিচয় মধ্যে তুমি তুলসীবৃক্ষ, পবিত্র শিলা-  
 সমূহ মধ্যে তুমি শালগ্রাম, মুক্তিক্ষেত্রসমূহ মধ্যে তুমি কাশী, তীর্থপংক্তি মধ্যে  
 তুমি প্রয়াগ, বর্ষসমূহ মধ্যে তুমি শ্বেতবর্ণ, দ্বিজগণ মধ্যে তুমি ত্র্যক্ষণ । হে প্রভো !  
 পক্ষিগণ মধ্যে তুমি গরুড়, ব্যবহার মধ্যে তুমি বাক্য, বেদসমূহের মধ্যে তুমি  
 উপনিষদ, মন্ত্ররাশি মধ্যে তুমি প্রণব, অক্ষরসমূহের মধ্যে তুমি “অ”কার, বস্ত্র-  
 সমূহের মধ্যে তুমি সোমরূপধারী । প্রতাপিগণ মধ্যে তুমি অগ্নি, ক্ষমশীলগণ  
 মধ্যে তুমি ক্ষমা, ব্যাপকপদার্থ মধ্যে তুমি আকাশ, আত্মগণ মধ্যে তুমি পরমাত্মা ।  
 হে দেব ! সর্বপ্রকার নিত্যকর্ম্ম মধ্যে তুমি সন্ধোপাসনা, ক্রতুসমূহের মধ্যে তুমি  
 অশ্বমেধ, দানসমূহের মধ্যে তুমি অভয়, লাভসমূহ মধ্যে তুমি পুত্রলাভ, ঋতুগণ  
 মধ্যে তুমি বসন্ত, যুগসমূহ মধ্যে তুমি সত্যযুগ, তিথিগণ মধ্যে তুমি অমাবস্যা ।  
 নক্ষত্রসমূহ মধ্যে তুমি পুষ্য, পর্ব্বগণ মধ্যে তুমি সংক্রান্তি, ষোড়শসমূহ মধ্যে তুমি  
 ব্যতীপাত, তৃণরাশি মধ্যে তুমি কুশ । হে প্রভো ! সমস্ত উদ্ভবের মধ্যে তুমি  
 নির্বাণরূপ । ২৩-৪০ । হে অজ ! সর্বপ্রকার বুদ্ধির মধ্যে তুমি ধর্ম্মবুদ্ধি,  
 পাদপসমূহের মধ্যে তুমি অশ্বখ, লতাগণ মধ্যে তুমি সোমবল্লী, পবিত্র সাধনসমূহের  
 মধ্যে তুমি প্রাণায়াম, সর্বপ্রকার লিঙ্গের মধ্যে তুমি সাধকের সর্বপ্রকার অভীষ্ট-  
 প্রদাতা শ্রীমান্ বিশ্বেশ্বর, মিত্রগণের মধ্যে তুমি কলত্র, সমস্ত বন্ধুর মধ্যে তুমি  
 ধর্ম্ম । হে নারায়ণ ! এই চরাচর বিশ্বে তোমা হইতে অতিরিক্ত আর কিছুই  
 নাই । তুমিই মাতা, তুমিই পিতা, তুমিই স্বজ্ঞাত, তুমিই মহাধন, তুমিই সৌখ্য-  
 সম্পত্তি, তুমিই আনন্দ এবং তুমিই জীবনের অধীশ্বর । ৪১-৪৪ । যে কথায় তোমার  
 নাম আছে, সেই কথাই যথার্থ কথা । যে মন তোমাতে অপিত হইয়াছে, সেই

মনই যথার্থ মন, যে কৰ্ম্ম কেবল তোমার জন্ম করা যায়, তাহাই যথার্থ কৰ্ম্ম । তোমাকে স্মরণ করার নামই তপস্যা । ধনিগণ তোমার উদ্দেশে যে সমস্ত ধন-ব্যয় করিয়া থাকেন, সেই সমস্তই তাঁহাদের বিশুদ্ধ ধন । হে জিহ্বা ! যে সময়ে তোমাকে পূজা করা যায়, সেই সময়ই সম্পূর্ণ সময় । যে পর্য্যন্ত তুমি হৃদয়ে অবস্থান কর, সেই পর্য্যন্তই জীবন শ্রেয়স্কর । তোমার পাদোদক পান করিলে, সমস্ত রোগ উপশম প্রাপ্ত হয় । হে গোবিন্দ ! একবার বাহুদেব-নাম কীৰ্ত্তন করিলে, বহুজন্মার্জিত উৎকট পাপরাশিও বিলয় প্রাপ্ত হয় । অহো ! মানব-গণের কি মহামোহ ! তাহাদের কি প্রমত্ততা ! তাহারা বাহুদেবকে অনাদর করিয়া অশ্রদ্ধা বৃথাশ্রম করিয়া থাকে । ৪৫-৪৯ । দামোদর নাম-কীৰ্ত্তনই একমাত্র মঙ্গলকর, তাহাই যথার্থ ধনোপার্জন এবং জীবনের প্রয়োজন । ভগবান্ অধোক্ষজ হইতে অতিরিক্ত কোন ধৰ্ম্ম নাই, নারায়ণ হইতে অতিরিক্ত কোন অর্থ নাই, কেশব হইতে অতিরিক্ত কোন কাম নাই এবং হরি ব্যতিরিক্ত কোন মোক্ষও নাই । ৫০-৫১ । বাহুদেবকে স্মরণ না করাই, পরমহানি ও পরম উপসর্গ এবং পরম অভাগ্য । পুত্র, মিত্র, কলত্র, অর্থ, রাজ্য, স্বর্গ ও অপবর্গ পর্য্যন্তের প্রদাতা হরির আরাধনায় কি কি কার্য্য-সাধন না হইয়া থাকে ? ৫২-৫৩ । ভগবদারাধনায় পাপরাশি বিনষ্ট হয়, ব্যাধিদমুহ ধ্বংস হয়, আধিনিচয় নিয়মিত হয়, ধৰ্ম্ম বিবাক্ত হয় এবং অতিশীঘ্র মনোরথ সিদ্ধি হইয়া থাকে । পাপিগণও যত্নপি প্রসঙ্গাধীন ভগবানের চরণ-পদ্মের সেবা করে, তাহাতেও তাহাদের মঙ্গল হয় । ভগবানের নাম উচ্চারণ করিলে, পাপিগণের মহাপাতক, উপপাতক প্রভৃতি সমস্ত পাপই বিনষ্ট হইয়া যায় । ৫৪-৫৬ । অগ্নি-কণা প্রমাদাধীন স্পৃষ্ট হইয়াও যেমন দহন করে, তদ্রূপ হরিনামও ওষ্ঠপুটে স্পৃষ্ট হইয়া সমস্ত পাপ হরণ করিয়া থাকে । যে ব্যক্তি, কমলাকান্তে চিত্ত-সংযত করিয়া, ক্ষণকালও অবস্থান করিতে পারে ; কমলা তাহার গৃহে অচলা হইয়া থাকেন । ৫৭-৫৮ । বিষ্ণুর পাদোদক পান করাই, পরম ধৰ্ম্ম এবং পরম তপ ও পরম তীর্থ । ৫৯ । হে যজ্ঞপুরুষ ! যে ব্যক্তি ভক্তিপূর্বক তোমার প্রসাদ গ্রহণ করে, সে ব্যক্তি পুরোডাশ যজ্ঞের ফল প্রাপ্ত হয় । শত্মধ্যে বিষ্ণুর পাদোদক রাখিয়া, সেই জলে যে ব্যক্তি স্নান করিয়াছে, সেই ব্যক্তিই যথার্থ অবভূত স্নান করিয়াছে এবং সেই ব্যক্তিই যথার্থ গঙ্গাজলে অবগাহন করিয়াছে । যে ব্যক্তি তুলসাদলের দ্বারা শালগ্রামশিলার পূজা করে, সে ব্যক্তি সুরলোকে পারিজাতকুন্ডলের মাল্যের দ্বারা পূজিত হইয়া থাকে । ব্রাহ্মণ, ক্ষত্রিয়, বৈশ্য, শূদ্র বা অন্ত কোন ব্যক্তিও



যদি বিষ্ণুভক্ত হয়, তবে সেই ব্যক্তিই সকলের শ্রেষ্ঠ । ৬০-৬৩ । যে ব্যক্তি ভগবানের শঙ্খচক্রাঙ্কিততনু, তুলসীমঞ্জরীবিশিষ্ট-মস্তক এবং গোপীচন্দনপরিণিপ্ত-দেহ দর্শন করিতে পারে, তাহার আর পাপ কোথায় ? যে ব্যক্তি প্রত্যহ দ্বারকাচক্রের সহিত দ্বাদশটি শালগ্রামশিলা পূজা করে, সে অস্ত্রে বৈকুণ্ঠে বাস করিতে পারে । যে গৃহে তুলসীবৃক্ষ পূজিত হয়, তথায় কোনকালে ষমদূত আগমন করে না । বাহার মুখে সর্বদা হরিনাম উচ্চারিত হয়, কপালে বাহার গোপীচন্দনের তিলক এবং বক্ষঃস্থলে বাহার তুলসীমালা, তাহাকে কখন ষমদূতগণ স্পর্শ করিতে পারে না । ৬৪-৬৭ । বাহার গৃহে গোপীচন্দন, তুলসী, শঙ্খ এবং চক্রের সহিত শালগ্রাম-শিলা অবস্থান করেন, তাহার পাপভয় কোথায় ? মানবের যে মুহূর্ত্ত, ক্ষণ, কাষ্ঠা বা যে নিমেষ বিষ্ণুর স্মরণ ব্যতিরেকে অতিবাহিত হয়, মানব সেই সমস্ত সময়েই ষমকর্তৃক প্রতারিত হইয়া থাকে । ৬৮-৬৯ । হায় ! কোথায় জ্বলন্ত অনলকণা সদৃশ দ্ব্যক্ষর হরিনাম, আর কোথায়ই বা তুলারশি-সদৃশ মহা পাপরাশি ! গোবিন্দ, পরমানন্দ, মুকুন্দ ও মধুসূদন ব্যতীত আমি আর কাহাকেও জানি না, আর কাহারও উপাসনা বা স্মরণও করি না । হরি বিনা আমি আর কাহাকেও প্রণাম করি না, কাহারও স্তব করি না, কাহাকেও দৈখিতে বা স্পর্শ করিতে পাই না, অথ কাহারও শরণ লই না এবং কাহারও নাম গান করি না । জলে, স্থলে, পাতালে, অনিলে, অনলে, অচলে, বিজ্ঞাধরে, সুরে, অসুরে, কিম্বরে, বানরে, নরে, তৃণে, স্ত্রীণে, পাষণে এবং তরু, গুল্ম, লতা প্রভৃতি সর্বত্রই তোমার শ্রীবৎসচিহ্নিত শ্যামলতনু অবলোকন করিতেছি । ৭০-৭৪ । হে দেব ! তুমি সকলের হৃদয়ে অবস্থানকরতঃ, সাক্ষীরূপে সমস্ত দেখিতেছ । আমি অন্তরে এবং বাহিরে সর্বব্যাপী তোমা ভিন্ন আর কিছুই জানি না । ৭৫ । গণঘয় কহিলেন, হে শিবশর্ম্মন ! এইরূপে ভগবানের স্তব করিয়া ঋব বিরত হইলেন, তখন প্রসন্নদৃষ্টি-ভগবান্ বিষ্ণু তাঁহাকে বলিতে লাগিলেন । ৭৬ ।

শ্রীভগবান্ কহিলেন, অগ্নি বিশাললোচন-ঋবমতে-বালক-ঋব । হে নিম্পাপ ! আমি তোমার মনোগত অভিলাষ জানিতে পারিতেছি । ৭৭ । অন্ন হইতে ভূতগণের উৎপত্তি হয়, সেই অন্ন বৃষ্টি হইতে উৎপন্ন হইয়া থাকে, সেই বৃষ্টিরও কারণ সূর্য্য, হে ঋব ! তুমি সেই সূর্য্যেরও আধার হও । যে সমস্ত জ্যোতির্মণ্ডল আকাশে নিয়ত পারভ্রমণ করিতেছে, তুমি সেই সমস্তের আধার হইবে । তুমি এই সমস্ত জ্যোতিষ্কচক্রের বন্ধনস্তম্ভরূপে অবস্থানকরত, বায়ুপাশে নিয়ন্ত্রিত এই সমস্ত জ্যোতির্মণ্ডলকে পরিভ্রমণ করাইয়া, প্রলয় পর্য্যন্ত অবস্থান করিবে । ৭৮-৮০ ।

আমি পূর্বকালে মহাদেবের আরাধনা করিয়া, এই পদ লাভ করিয়াছিলাম ।  
 এক্ষণে তোমার তপস্যায় সম্বৃদ্ধ হইয়া, তোমাকেই এই পদ প্রদান করিলাম । হে  
 ঋব ! কেহ চারিযুগ অবস্থান করিবেন, কেহ এক মন্বন্তর অবস্থান করিবেন, কিন্তু  
 তুমি এক কল্প পরিমিত কাল এই পাদ শাসন করিবে । ৮১-৮২ । হে ঋব !  
 মহাত্মা মনুও যে পদ প্রাপ্ত হন নাই, অশ্ব মানবের ত কথাই নাই, ইন্দ্রাদি  
 দেবগণেরও যাহা দুর্লভ ; আমি তোমাকে সেই পদ প্রদান করিলাম । এবং  
 তোমার স্তবে আমি বিশেষ সম্বৃদ্ধ হইয়াছি ; তজ্জন্ম তোমাকে আরও বর প্রদান  
 করিতেছি । তোমার জননী স্মৃতিও তোমার নিকটে অবস্থান করিবেন । ৮৩-৮৪ ।  
 যে মানব প্রত্যহ ত্রিকালীন তোমার কৃত এই স্তব পাঠ করিবে, তাহার সমস্ত  
 পাপ বিনষ্ট হইবে । আর লক্ষ্মী কখন তাহার গৃহ পরিত্যাগ করিবেন না, এবং  
 তাহার কদাপি মাতৃবিয়োগ ও বন্ধুকলহ হইবে না । ঋবকৃত এই পবিত্র স্তোত্র  
 মহাপাতকসমূহকে বিনষ্ট করিয়া থাকে । ইহা পাঠ করিলে ব্রহ্মহত্যাকারীও ব্রহ্মবধ  
 জন্ম পাপ হইতে মুক্তিলাভ করিতে পারে, তখন অশ্রদ্ধাপাপিগণের ত কথাই  
 নাই । এই স্তব পাঠ করিলে অতিশয় পুণ্যলাভ হয় এবং পরম ঐশ্বর্য প্রাপ্ত হওয়া  
 যায় । ইহাতে সমস্ত বিঘ্ন ও ব্যাধি বিনষ্ট হইয়া থাকে । যে পবিত্রাচিন্ত-ব্যক্তির  
 আমাতে অতিশয় ভক্তি আছে, আমার প্রীতিকর ঋবকৃত এই স্তব পাঠ করা তাহার  
 কর্তব্য । ৮৫-৮৬ । মানবগণ সমুদয় তীর্থে স্নান করিয়া যে ফললাভ করে, হে  
 ঋব ! ভক্তিপূর্বক এই স্তব পাঠ করিলে সেই ফললাভ করিতে পারে । হে  
 ঋব ! আমার প্রীতিকর অশ্রদ্ধা অনেক স্তোত্র আছে, কিন্তু সেই সকল স্তোত্র  
 তোমার কৃত স্তোত্রের ষোড়শ কলার এক কলাও নহে । মানব ভক্তিপূর্বক এই  
 স্তব শ্রবণ করিলে সমস্ত পাপ হইতে নিশ্চিন্ত হইয়া, পুণ্যভাগী হইতে পারে ।  
 হে ঋব ! তোমার কৃত এই স্তব পাঠ করিলে পুত্রহীন ব্যক্তির পুত্রলাভ হয়, ধন-  
 হীন ব্যক্তি ধনপ্রাপ্ত হয় এবং ভক্তিহীন জনও ভক্তিলাভ করিয়া থাকে । বহুতর  
 দান ও নানাবিধ ত্রুত করিয়া, মানব যে ফললাভ করিয়া থাকে ; এই স্তবের  
 প্রসাদেও তাদৃশ ফললাভ হইয়া থাকে । সমস্ত কার্য্য ও সমস্ত মঙ্গল পরিত্যাগ  
 করিয়াও সর্বকামপ্রদ এই স্তব পাঠ করা কর্তব্য । ৯০-৯৫ ।

শ্রীভগবান্ কহিলেন, হে ঋব ! অবধান সহকারে শ্রবণ কর, আমি তোমার  
 হিতকর বিষয় বলিতেছি ; যাহাতে তোমার এই পদ সম্যকরূপে স্থায়ী হইবে ।  
 আগার বারাণসীতে ষাইবার ইচ্ছা আছে, যথায় ভগবান্ বিবেকেশ্বর স্বয়ং জীবগণের  
 কর্ণে মহামন্ত্র উপদেশ করিয়া, আস্তমকালে প্রাণিগণকে কৰ্ম্মবন্ধন হইতে মুক্ত

প্রদান করিয়া থাকেন । ৯৬-৯৮ । সেই কাশীক্ষেত্রেই সর্বপ্রকার উপজীবদায়ী এই সংসার-দুঃখের একমাত্র নিবারণের উপায় । “ইহা স্নমণীয়, ইহা নহে” এই প্রকার বুদ্ধিই সেই দুঃখরূপ মহাতরুর বীজ । সেই বীজ কাশীরূপ অগ্নির দ্বারা দহ্য হইলে দুঃখের আর সম্ভাবনা কোথায় ? যেখানে যথার্থ প্রাপ্য বস্তু পাওয়া যায়, যেখানে পুনরায় শোকাকুল হইতে হয় না ; সেই আনন্দকানন কাশীই পরম সুখের আলয় । যে ব্যক্তি অমৃতের আধার মহাদেবের আনন্দকানন পরিত্যাগ করিয়া অশ্রুত বাস করে, তাহার আর সুখের সম্ভাবনা কোথায় ? কাশীক্ষেত্রে ভিক্ষাপাত্র হস্তে করিয়া, চণ্ডালের ঘারে ঘারে ভিক্ষার জঘ্ন ভ্রমণ করাও ভাল, কিন্তু অশ্রুত নিষ্কণ্টক রাজ্যভোগ কিছুই নহে । ৯৯-১০৩ । আমি প্রত্যহ বৈকুণ্ঠ হইতে ভগবৎ-পূজ্য মহাদেবকে আরাধনা করিবার জঘ্ন কাশীতে গমন করিয়া থাকি । আমাতে যে ত্রিভুবন রক্ষার উপযুক্ত শক্তি আছে, তাহার কারণ কেবল মহেশ্বর ; তিনিই আমাকে সুদর্শনচক্র প্রদান করিয়াছেন । পুরাকালে মহাদেব পদাঙ্গুষ্ঠের অগ্রভাগের রেখা হইতে এই চক্র সৃজন করিয়া, আমারও অবধ্য জালঙ্কার নামক দৈত্যকে বিনাশ করিয়াছিলেন । আমি নেত্রপদ্মের দ্বারা মহাদেবের আরাধনা করিয়া, তাঁহারই নিকট হইতে এই সুদর্শনচক্র প্রাপ্ত হইয়াছি । ভূতগণের বিদ্রাবণ সেই সুদর্শনচক্র তোমাকে রক্ষা করিবার জঘ্ন আমি প্রথমে প্রেরণ করিয়াছি ; তদনন্তর আমি তোমার নিকট আসিয়াছি । ১০৪-১০৮ । এক্ষণে আমি বিশেষ দর্শন করিতে কাশীতে গমন করিব, আজ তথায় কার্তিকী-বাত্রা, এই দিনে তথায় গমন করিলে বহুতর পুণ্যলাভ হইয়া থাকে । ১০৯ । কার্তিক মাসে চতুর্দশী তিথিতে উত্তরবাহিনী-গঙ্গায় স্নান করিয়া, যে ব্যক্তি বিশেষ দর্শন করে ; তাহার আর পুনর্জন্ম হয় না । ১১০ । এই কথা বলিয়া ভগবান্ বিষ্ণু ঋবের সহিত গরুড়-পৃষ্ঠে আরোহণকরত, ক্ষণমধ্যে বিশেষের রাজধানী বারাণসীতে উপস্থিত হইলেন এবং ঋবের মঙ্গল-কামনায় তাঁহাকে বলিতে লাগিলেন যে, হে ঋব । তুমি এই অবিস্মৃক্ত-ক্ষেত্রে শিবলিঙ্গ স্থাপন কর, তাহাতে তোমার ত্রৈলোক্য-স্থাপনের তুল্য অক্ষয় পুণ্য-লাভ হইবে । অশ্রুতস্থানে নিযুত সংখ্যক শিবলিঙ্গ স্থাপন করিলে যে পুণ্য হয়, এখানে একটীমাত্র শিবলিঙ্গ স্থাপনে সেই পুণ্যলাভ হইয়া থাকে । ১১১-১১৫ । এই কাশীক্ষেত্রে কালবশে ভগ্ন-দেবালয়সমূহের যে ব্যক্তি জীর্ণোদ্ধার করে, তাহার পুণ্য প্রলয়কালেও ক্ষয় হয় না । যে ব্যক্তি বিস্তৃশাঠ্য পরিত্যাগপূর্বক এখানে প্রোঙ্গাদ নিৰ্ম্মাণ করাইয়া দেয়, তাহার স্মেরুদানের ফললাভ হইয়া থাকে । ১১৬-১১৭ । যে ব্যক্তি এই স্থানে যথালব্ধি কুপ, বাপ্পী এবং ভড়াগ নিৰ্ম্মাণ করায়,

তাহার অশ্ব স্থান অপেক্ষা কোটীশুণ পুণ্যলাভ হইয়া থাকে । যে ব্যক্তি দেব-পূজার জন্য এই ক্ষেত্রে রমণীয় পুষ্পোচ্ছান নির্মাণ করাইয়া দেয়, তাহার প্রত্যেক পুষ্পে স্ববর্ণকুম্ভের অধিক ফললাভ হইয়া থাকে । ১১৮-১১৯ । এই স্থানে ত্রক্ষপুরী নির্মাণ করাইয়া, বর্ষভোগ্য অশনের সহিত সেই গৃহ যে ব্যক্তি ত্রাক্ষ-গকে দান করে, তাহার যে পুণ্য হয় ; তাহা শ্রবণ কর । সমুদ্রের জলরাশি শুষ্ক হইয়া যায় এবং পার্থিব ত্রসরেণুসমূহও ক্ষয়প্রাপ্ত হয়, কিন্তু শিবলোকনিবাসী সেই মহাত্মার পুণ্য কখন ক্ষয় হয় না । ১২০-১২১ । এই ক্ষেত্রে যে ব্যক্তি মঠ-নির্মাণ করাইয়া, জীবনোপায়ের সহিত সেই মঠ তপস্বিগণকে দান করে ; তাহারও পূর্বোক্ত ফললাভ লইয়া থাকে । এই কাশীক্ষেত্রে বহুতর পুণ্য অর্জন করিয়া, যে ব্যক্তি তাহা বিশ্বৈশ্বরে অর্পণ করে ; তাহাকে আর পুনরায় এই ঘোর সংসার-সাগরে আগমন করিতে হয় না । ১২২-১২৩ । লোকে আমাকে অনন্ত বলিয়া থাকে, কিন্তু আমিও কাশীর গুণসমূহের অন্ত পাই না । অতএব হে ঋব ! কাশীতে যত্নপূর্বক পুণ্য কর্মের অনুষ্ঠান করা কর্তব্য, এই স্থানে উপার্জিত পুণ্যসমূহের ফল অক্ষয় হইয়া থাকে । ১২৪-১২৫ ।

গণঘয় করিলেন, ঋবকে এইরূপ আদেশ করিয়া, ভগবান্ গরুড়ধ্বজ তথা হইতে গমন করিলেন । তদনন্তর ঋব বৈষ্ণনাথের নিকট শিবলিঙ্গ স্থাপন এবং বৃহৎ প্রাসাদ ও সন্মুখে কুণ্ড স্থাপনকরত, বিশ্বৈশ্বরের আরাধনায় কৃতকৃত্য হইয়া নিজ গৃহে গমন করিলেন । যে ব্যক্তি ঋবেশ্বরের অর্চনা করে এবং ঋবকুণ্ডে উদকক্রিয়া করে, সে ব্যক্তি সর্ববিধ ভোগসম্পন্ন হইয়া অন্তে ঋবলোকে বাস করিয়া থাকে । ১২৬-১২৮ । ঋবের এই উপাখ্যান যে ব্যক্তি পাঠ করে বা পাঠ করায়, সে ব্যক্তি অন্তে বিষ্ণুলোকে গমন করিয়া, বিষ্ণুর অতিশয় প্রিয় হয় । মানব যদি প্রসঙ্গাধীনও ঋবচরিত্র স্মরণ করে, তবে তাহার সমস্ত পাপ বিনষ্ট হয় এবং মহাপুণ্য লাভ হয় । ১২৯-১৩০ ।

## দ্বাবিংশ অধ্যায় ।



### কাশী-প্রশংসা ।

শিবশর্মা কহিলেন, হে গণদয় ! মহাপাতকরাশির বিনাশকারী এবং পুণ্যজনক  
ঋগ্বেদ এই আশ্চর্য্য উপাখ্যান শ্রবণ করিয়া আমি পরিতুষ্ট হইয়াছি । ১ ।

অগস্ত্য কহিলেন, শিবশর্মা এই কথা বলিতেছেন, এমত সময়ে সেই বিমান  
বায়ুবেগে স্বর্লোক হইতে পরম অদ্ভুত মহর্লোকে ষাইয়া উপস্থিত হইল । ২ ।  
তখন শিবশর্মা তেজঃসমূহের দ্বারা সমাবৃত সেই লোক দর্শনকরত, বিষ্ণুগণদ্বয়কে  
জিজ্ঞাসা করিলেন, সম্মুখে অতি মনোহর ইহা কোন্ লোক ? তখন গণদয় বলিতে  
লাগিলেন যে, হে মহামতে ! শ্রবণ কর, ইহা স্বর্লোক হইতেও অতি অদ্ভুত সেই  
মহর্লোক । ৩-৪ । তপস্তা দ্বারা বিধৃতকল্মষ এবং কল্মাষ মহাত্মাগণ এই স্থানে বাস  
করিয়া থাকেন । বিষ্ণুর স্মরণে ষাঁহাদের ক্লেশরাশি ক্ষয় হইয়াছে এবং মহাযোগ-  
বলে ষাঁহারা সমস্ত জগৎ তেজোময় দর্শন করিয়াছেন ; সেই সমস্ত দেবশ্রেষ্ঠগণও  
এই লোকে বাস করেন । ( অগস্ত্য কহিলেন ) হে প্রিয়ে ! বিষ্ণুগণদ্বয় এই  
সমস্ত বিষয় বলিতেছেন, ইত্যবসরে ক্ষণকাল মধ্যে সেই বিমান তাঁহাদিগকে জন-  
লোকে লইয়া উপস্থিত করিল । যে স্থানে সনন্দন প্রভৃতি ব্রহ্মার মানসপুত্রগণ  
বাস করেন, তাঁহারা সকলেই যোগিশ্রেষ্ঠ এবং উর্দ্ধরেতা । এবং অগ্ণ্য যোগিগণ  
ষাঁহাদের ব্রহ্মচর্য্য স্থলিত হয় নাই ও ষাঁহারা সর্বপ্রকার দ্বন্দ্ব হইতে নির্ম্মুক্ত ও  
নির্ম্মলচিত্ত ; সেই মহাত্মাগণও এই জনলোকে বাস করিয়া থাকেন । ৫-৯ ।  
অনন্তর তাঁহারা সেই বিমানে আরুঢ় হইয়া, জনলোকের পর তপলোক দর্শন করি-  
লেন । যে স্থানে দাহবর্জিত বৈরাগদেবগণ অবস্থান করেন । ষাঁহাদের মন বাসু-  
দেবে শাস্ত আছে, ষাঁহারা বাসুদেবেই সমস্ত ক্রিয়া অর্পণ করেন এবং কামনারহিত  
হইয়া তপস্তা দ্বারা কেবল ভগবান গোবিন্দের সন্তোষ-সাধন করেন ; সেই সমস্ত  
জিতেন্দ্রিয় মহাত্মাগণও এই তপোলোকে আসিয়া বাস করিয়া থাকেন । ১০-১২ ।  
ষাঁহারা নীলোজ্জ্বলিত, ষাঁহারা দন্তোন্মূলিক, ষাঁহারা অশ্মকুট এবং ষাঁহারা শীর্ণপর্ণ  
ভক্ষণ করিয়া থাকেন, সেই সমস্ত মুনিগণ এই তপোলোকে বাস করেন । ১৩ ।  
ষাঁহারা গ্রীষ্মকালে পঞ্চাগ্নিসেবা করেন, বর্ষাকালে স্থণ্ডিলে শয়ন করেন এবং পৌষ  
ও মাঘ মাসে জলে অবস্থানকরত রাত্রিষাপন করেন, যে সমস্ত তপস্বীগণ অতিশয়

পিপাসিত হইয়াও কুশের অগ্রভাগে যে জল অবস্থান করে, কেবল তাহাই পান করিয়া থাকেন । যাঁহারা ক্ষুধায় অতিশয় কাতর হইয়াও কেবল বায়ু ভক্ষণ করিয়া থাকেন । যাঁহারা কেবল পাদাস্ত্র ভর করিয়া পৃথিবীতে দণ্ডায়মান থাকেন, যাঁহারা উৰ্দ্ধবাহু, যাঁহারা এক দৃষ্টিতে সূর্যের প্রতি চাহিয়া থাকেন, যাঁহারা একপদে দণ্ডায়মান হইয়া, স্থাণুর আয় নিশ্চল ভাবে অবস্থান করেন । যাঁহারা সমস্ত দিন কুস্তক করিয়া অবস্থান করেন, যাঁহারা একমাস ব্যাপিয়া কুস্তক করিয়া অবস্থান করেন । যাঁহারা মাসোপবাস-ব্রত করেন, যাঁহারা চাতুৰ্ম্মাস্য ব্রত করেন, যাঁহারা এক ঋতু অন্তর জলপান করেন, যাঁহারা ছয় মাস উপবাস করেন, যাঁহারা এক বৎসর অন্তর চক্ষুর নিমেষপাত করেন । যাঁহারা কেবল মেঘনিপতিত বারি পান করেন, তপশ্চা করিতে করিতে যাঁহাদের দেহ স্থাণুর আয় নিশ্চল হইয়া, মৃগগণের কণ্ডুয়নের স্থান হইয়াছে । যাঁহাদের জটামধ্যে পক্ষিগণ নীড় প্রস্তুত করিয়াছে, যাঁহাদের দেহ বন্মীকময় হইয়াছে, যাঁহাদের দেহের অস্থিচিয় কেবল স্নায়ুর দ্বারা আবদ্ধ রহিয়াছে, যাঁহাদের দেহ লতাসমূহে বেষ্টিত হইয়া গিয়াছে, যাঁহাদের দেহে শস্ত-সমূহ নির্গত হইয়াছে, কঠোর তপশ্চায় যাঁহাদিগের এইরূপ অবস্থা হইয়াছে ; সেই সমস্ত তপোধনগণ ব্রহ্মার আয় দীৰ্ঘজীবন লাভ করত, অকুতোভয়ে এই তপোলোকে বাস করিয়া থাকেন । ১৪-২১ । শিবশৰ্ম্মা গণদ্বয়ের মুখে এই সমস্ত কথা শ্রবণ করিতেছেন ইতিমধ্যে মহোজ্জ্বল সত্যলোক তাঁহার নেত্রপথে পতিত হইল । তখন বিষুৱ গণদ্বয়, শিবশৰ্ম্মার সহিত সহর বিমান হইতে অবরোহণ করত, ব্রহ্মার নিকট উপস্থিত হইয়া, তাঁহাকে প্রণাম করিলেন । ব্রহ্মা তাঁহাদিগকে আশীৰ্ব্বাদ করত বলিতে লাগিলেন । ২২-২৩ ।

ব্রহ্মা কহিলেন, হে গণদ্বয় ! এই ব্রাহ্মণ শিবশৰ্ম্মা বেদ ও বেদাঙ্গসমূহে অতিশয় পারদর্শী, স্মৃত্যুক্ত আচারসমূহে অত্যন্ত নিপুণ এবং পাপকৰ্ম্মসমূহের অতিশয় প্রতিকূল । ( অনন্তর ব্রহ্মা শিবশৰ্ম্মাকে বলিলেন ) হে মহাপ্রাজ্ঞ শিবশৰ্ম্মন ! আমি তোমাকে ভালরূপে অবগত আছি । হে বৎস ! তুমি স্ত্রীতীর্থে প্রাণ পরিত্যাগ করিয়া ভালই করিয়াছ । ২৪-২৫ । তুমি যে এই সমস্ত দর্শন করিয়া আসিলে, এ সমুদয়ই সত্ত্বরন্থর । আমি দৈনন্দিন প্রজয়ের অনন্তর পুনঃ পুনঃ এই সমস্ত সৃজন করিতেছি । ২৬ । ভগবান্ মহেশ্বর বৈরাজ্যলোক পর্য্যন্ত সংহার করেন, মশকভুল্য মানবগণ সম্বন্ধে ১ কথাই নাই । কৰ্ম্মভূমি বলিয়া বিখ্যাত সেই প্রসিদ্ধ ভারতবর্ষে জরায়ুজ, অণুজ, স্বেদজ এবং উদ্ভিজ্জ এই চতুর্বিধ প্রাণিসমূহের মধ্যে মানবগণের একটী মাত্র মহদগুণ দেখিতে পাওয়া

যায় এই যে, তাহারা মনের সহিত চপল ইন্দ্রিয়সমূহকে বিজয় করত, সমস্ত  
 পুণ্যরাশির পরম শত্রু লোভ পরিত্যাগপূর্বক, ধর্ম ও অর্থের অপহরণকর্তা এবং  
 বার্কাক্যসম্পাদক কামকে বিচারপূর্বক বিজয় করিয়া, ধৈর্য্য-সহকারে, যশঃ,  
 লক্ষ্মী ও শরীরের অপহর্তা এবং তামসীগতির নেতা ক্রোধকে জয় করিয়া,  
 একমাত্র প্রমাদের নিলয় ও সম্পদের নিবর্তক মদকে পরিত্যাগপূর্বক, সর্বত্র  
 লম্বুতার হেতু অহঙ্কার ত্যাগ করত এবং স্বজনসমূহেও দোষারোপণ করিতে  
 স্বত্বশীল ও মহাত্ম্যোহের আরোপক মতিঘাতী এবং অন্ধ-তামিস্র নামক নরকের  
 দর্শক মোহ পরিত্যাগ করিয়া, ঞ্জতি, স্মৃতি ও পুরাণে উক্ত এবং মহাজনগণ  
 কর্তৃক সেবিত ধর্মরূপ সোপান আরোহণে এই সমস্ত স্থানে অনায়াসে আগমন  
 করিয়া থাকে । ২৭-৩৫ । হে বিজ ! সমস্ত দেবগণই কস্মভূমির অভিলাষ করিয়া  
 থাকেন, যেহেতু তাঁহারা সকলেই সেই কস্মভূমিতে অর্জিত পুণ্যরাশির ফলেই  
 স্বর্গ প্রভৃতি লোকসমূহে আগমন করত, ভোগভাগী হইয়া থাকেন । ৩৬ ।  
 হে বিপ্র ! আর্য্যাবর্তের তুল্য দেশ, কাশীর তুল্য পুরী এবং বিশ্বেশ্বরের তুল্য  
 শিবলিঙ্গ, ব্রহ্মাণ্ডের মধ্যে কোন স্থানেই নাই । নানাবিধ স্বর্গ আছে, যেখানে  
 ছুঃখমাত্র নাই এবং যেখানে পুণ্যশীলগণ সর্বপ্রকার সমৃদ্ধি সম্পন্ন হইয়া বাস  
 করিতেছেন । ব্রহ্মাণ্ড মধ্যে স্বর্গলোক হইতে অধিক রমণীয় আর কোন স্থান  
 নাই, সকলেই তপস্বী, দান ও ব্রতাদি করিয়া স্বর্গের জন্মই ব্রত করিয়া  
 থাকে । ৩৭-৩৯ । সেই স্বর্গ হইতে অধিক রমণীয় পাতালভূমি, এই কথা স্বয়ং  
 নারদ পাতাল হইতে সমাগত হইয়া, দেবগণের মধ্যে ব্যক্ত করিয়াছেন । যে  
 পাতালে আহ্লাদজনক শুভ্র মণিসমূহ প্রভা বিস্তার করিয়া, নাগসমূহের অঙ্গের  
 আভরণরূপ শোভা পাইয়া থাকে ; সেই পাতালের তুল্য স্থান আর কৈ ? ইত্যন্ততঃ  
 দৈত্য ও দানবগণের কন্যাগণ কর্তৃক স্ত্রিশোভিত সেই পাতালে কোন্ বিমুক্ত  
 পুরুষেরও প্রীতি না জন্মিয়া থাকে ? ৪০-৪২ । তথায় দিবসে সূর্য্যরশ্মি কেবল  
 প্রভা বিতরণ করিয়া থাকে কিন্তু আতপ বিতরণ করে না, এবং রাত্রিকালে  
 চন্দ্ররশ্মি কেবল জ্যোৎস্না প্রকাশ করিয়া থাকে কিন্তু শীত-কিরণ বিতরণ করে  
 না । যে স্থানে কাল গত হইলেও দমুজগণ তাহা জ্ঞানিতে পারে না । যেখানে  
 রমণীয় বন, নদী, উৎকৃষ্ট জলাশয়, সম্পূর্ণ কলাবিজ্ঞা, পুংস্কাকিলালাপ, পবিত্র বস্ত্র,  
 অতি রমণীয় ভূষণ, গন্ধ প্রভৃতি নানাবিধ অনুলেপন, ঞ্জতিহারী বীণা, বেণু ও  
 মৃদঙ্গাদির ধ্বনি এবং হাটকেশ নামে সর্বপ্রকার কামদ শিবলিঙ্গ এই সমস্ত এবং  
 অগ্ন্যান্ত নানাবিধ রমণীয় ভোগসমূহ পাতালবাসী দানব, দৈত্য ও উরমুগসহ কর্তৃক

ভুক্ত হইয়া থাকে । ৪৩-৪৭ । হে বিজ ! ইলাবৃত নামক বৰ্ষ পাতাল লোকসমূহ হইতেও রম্য, এই ইলাবৃত স্তম্ভের পৰ্ব্বতের চারিদিক আশ্রয় করিয়া অবস্থিত । ৪৮ । হে বিজ ! পুণ্যাগ্নাগণ এই ইলাবৃতবৰ্ষে সৰ্ব্বপ্রকারে ভোগ্য পদার্থের উপভোগ করত, অবস্থান করেন এবং জ্বীগণ এই স্থানে সৰ্ব্বদা নব ঘোবনে ভূষিত থাকেন । ৪৯ । এই ইলাবৃতকে ভোগভূমি বলা যায়, ইহা অশ্রুত-কৃত পুণ্যকর্মের বিনিময়ে অর্জিত হইয়া থাকে । তোমার শ্রায় ষাঁহারা তীর্থে প্রাণ পরিত্যাগ করিয়া থাকেন, তাহারা এই ইলাবৃত নানা প্রকার ভোগলাভ করিতে পারেন । ৫০ । ষাঁহারা সত্যবাদী, ষাঁহারা পুত্র, কলত্র প্রভৃতি রাখিয়া প্রাণ পরিত্যাগ করেন এবং ষাঁহারা পরোপকার করিবার জন্ত সুখ, আয়ু ও ধন-সমূহকে ক্ষয় করিয়া থাকেন ; তাঁহারা এই ভোগভূমিতে নানা প্রকার উপভোগ করিতে পারেন । ৫১ । যদিও সমুদ্রের অন্তরে অন্তরে অনেক দ্বীপ বর্তমান আছে, কিন্তু এই জগতীতলে জম্বুদ্বীপের শ্রায় মনোহর অশ্রুত কোন দ্বীপ বর্তমান নাই । ৫২ । সেই জম্বুদ্বীপের মধ্যেও নয়টি বৰ্ষ বিজ্ঞমান আছে, সেই নয়টি বৰ্ষের মধ্যে আবার ভারতবর্ষই সৰ্ব্বাপেক্ষা শ্রেষ্ঠ, কারণ এই ভারতবর্ষ কস্মভূমি বলিয়া খ্যাত এবং ইহা দেবগণেরও দুর্লভ । ৫৩ । কিস্পুক্ৰম প্রভৃতি অশ্রুত যে নয়টি বৰ্ষ জম্বুদ্বীপের মধ্যে বর্তমান আছে, সেই সকল কেবলমাত্র ভোগভূমি । ঐ সকল বৰ্ষ দেবগণেরই ভোগ্য, এই সকল স্থানে স্বর্গ হইতে আগমন করিয়া, দেবগণ নানাপ্রকার ক্রীড়া করিয়া থাকেন । ৫৪ ।

এই ভারতবর্ষ নয়সহস্র যোজন বিস্তৃত এবং ইহা স্তম্ভের দক্ষিণভাগে অবস্থিত । ৫৫ । ভারতবর্ষের মধ্যেও হিমালয় ও বিষ্ণুপৰ্ব্বতের মধ্যভাগে অবস্থিত ভূভাগই পরম পুণ্যপ্রদ, তন্মধ্যে গঙ্গা ও যমুনার মধ্য ভূভাগই পরম উৎকৃষ্ট ও সেই ভূভাগকে অশ্রুতবদী বলা যায় । ৫৬ । কুরুক্ষেত্রই ভারতবর্ষের মধ্যে সৰ্ব্ব প্রকার ক্ষেত্র হইতে শ্রেষ্ঠ, সেই কুরুক্ষেত্র অপেক্ষাও নৈমিষারণ্য নামক স্থান পরম স্বর্গ-সাধন । ৫৭ । নিখিল ক্রিতিমণ্ডলে নৈমিষারণ্য এবং অশ্রুত সৰ্ব্বপ্রকার তীর্থ হইতেও তীর্থরাজ প্রয়াগ শ্রেষ্ঠ বলিয়া খ্যাত । ৫৮ । তীর্থরাজ নামে বিখ্যাত প্রয়াগক্ষেত্র স্বর্গ, মোক্ষ, এবং সৰ্ব্বপ্রকার অভিলাষানুরূপ ফল প্রদান করিতে সমর্থ । ৫৯ । হে বিজ ! পূর্বকালে কোন দিবস আমি তুলাযন্ত্রের এক দিকে সকল যজ্ঞ এবং এক দিকে সেই পরম রমণীয় কামনাপূরক তীর্থরাজকে সন্নিবেশিত করত, তোলন করিয়াছিলাম কিন্তু দক্ষিণাদির সহিত বর্তমান নিখিল যজ্ঞ হইতেও সেই তীর্থভার অধিক, ইহা আমি সেই ক্ষণে প্রত্যক্ষ করিয়াছি এবং ইহা অবলোকন



করিয়া হরি, হর এবং অগ্ন্যাগ্ন সকল দেবগণই ঐ তীর্থরাজের “প্রয়াগ” (যাগসমূহ হইতেও প্রকৃষ্ট) এই নাম প্রদান করিয়াছেন। ৬০-৬১। যে তীর্থরাজ প্রয়াগের নাম মাত্র গ্রহণ করিলেও স্মরণকারীর দেহে কদাচিৎ কোন পাপ অবস্থান করিতে পারে না; সেই প্রয়াগের অধিক আর কি বর্ণন করা যাইতে পারে? ৬২। পাপ হইতে পরিত্রাণকারী জগতে অনেক তীর্থই বিद्यমান আছে বটে কিন্তু তাঁহার পাপ হইতে পরিশুদ্ধি ভিন্ন অগ্নি কোন ফল প্রদান করিতে সমর্থ নহেন, কিন্তু এই প্রয়াগতীর্থ পাপ-পরিশুদ্ধি দ্বারা স্বর্গাদি দুর্লভফলও প্রদান করিয়া থাকেন। ৬৩। সহস্র জন্মান্তরেও যে সকল পাপ অর্জিত হয় এবং যে সকল পাপ অনন্ত ত্রুত, তপঃ, দান ও জপসমূহের দ্বারা ও বিনাশ প্রাপ্ত হয় না; সেই সকল পাপও তীর্থ-রাজ প্রয়াগ গমনোচ্ছত তাদৃশ পাপীজনের শরীরে ভয়ে বাতাহত বৃক্ষের স্থায় অতি-শয় কম্পমান হইতে থাকে। ৬৪-৬৫। অনন্তর যখন সেই ব্যক্তি অর্দ্ধপথ অতিক্রমণ করত, নিজ চিত্তকে প্রয়াগ গমনের জন্ত আরও দৃঢ় করেন, সেই কালেই সেই সকল পাপ সেই ব্যক্তির শরীর হইতে পদাস্তর পলায়নের চেষ্টা করিয়া থাকে। অনন্তর যদি অতিশয় শুভাদৃষ্টবশে সেই ব্যক্তি তীর্থরাজ প্রয়াগের দর্শনে সমর্থ হয়, তাহা হইলে সেই দর্শনক্ষণেই সূর্য্যোদয়ে অন্ধকার সমূহের স্থায় তাহার শরীর হইতে পাপসমূহ সহর দূরে পলায়ন করে। ৬৬-৬৭। স্বক্, মাংস প্রভৃতি সপ্ত-ধাতুময় দেহে যত প্রকার পাপ বর্তমান থাকিতে পারে, সেই সকল পাপ, বাস্তবিক জীবগণের কেশসমূহেই অবস্থিতি করে, এই কারণে এই প্রয়াগক্ষেত্রে কেশবপন করিলে নিরাশ্রয় পাপগণ জীবদেহ ছাড়িয়া প্রস্থান করে। ৬৮। এই প্রকারে কেশ বপন করিয়া নিষ্পাপ হইলে পরে, এই প্রয়াগক্ষেত্রে মনুষ্যের গজা-বমুনাসঙ্গমে স্নান করা বিধেয়। প্রয়াগক্ষেত্রে গজাবমুনাসঙ্গমে যাহা অভিলাষ করিয়া স্নান করা যায়, তাহা নিশ্চয়ই লাভ করা যায়। ৬৯। এই প্রকারে বিধিপূর্ব্বক প্রয়াগে স্নান করিলে বিপুল পুণ্যরাশি লাভ করিয়া, তাহার ফলে নানা প্রকার পবিত্র ভোগ উপভোগ করত সেই অর্জিত পুণ্যবলেই অস্ত্রে নিষ্পাপ হইয়া, মোক্ষ পর্যান্ত লাভ করিতে সমর্থ হয়। ৭০। যে ব্যক্তি অগ্ন্যাগ্ন সর্ব প্রকার কাম পরিত্যাগ করিয়া, কেবল মোক্ষের অভিলাষে গজাবমুনাসঙ্গমে স্নান করেন; তিনি সর্বকামপ্রদ তীর্থরাজ প্রসাদাৎ মোক্ষফলও লাভ করিতে পারেন, ইহা নিঃসংশয়। ৭১। ভারত্যা মহাবর্ষে তীর্থরাজ প্রয়াগ ছাড়িয়া, যে ব্যক্তি অগ্নি কোন স্থান হইতে অভিলষিত কামনা করেন; নিশ্চয়ই তাঁহার সেই কামনা সম্যক্ প্রকারে সিদ্ধ হয় না। ৭২। হে ষিজ। আমি সত্যলোক এবং প্রয়াগে কোন ভেদই

দেখিতে পাই না, সেই প্রয়াগক্ষেত্রে যাঁহারা শুভকর্ম করেন ; তাঁহারা দেহান্তে আমার এই লোকে বাস করিতে পারেন। ৭৩। পৃথিবীমণ্ডলে যাঁহারা তীর্থসেবা করিতে অভিলাষী, তাঁহারা যেন এই তীর্থরাজ প্রয়াগ ছাড়িয়া, অন্য কোন তীর্থের সেবা করেন না। ৭৪। হে বিপ্রেন্দ্র ! ভূপতি এবং ইতর কিঙ্করে যেমন প্রভেদ, সেই প্রকারে তীর্থরাজ প্রয়াগ এবং অন্যান্য যাবতীয় তীর্থের অন্তর, ইহা নিশ্চয় জানিও। ৭৫। যে কোন প্রকারে যদি কোন ব্যক্তি এই তীর্থরাজ প্রয়াগক্ষেত্রে প্রাণ পরিত্যাগ করে, তাহার অপঘাত মৃত্যুদোষ হয় না, প্রত্যুত সে ব্যক্তি মরণান্তে অতীপ্সিত ফল লাভ করিতে পারে। ৭৬। হে দ্বিজ ! যে ভাগ্যবান জীবের অস্থিতিকরও অদৃষ্টবশে এই প্রয়াগক্ষেত্রে অবস্থান করে, সেই ব্যক্তির কোন জন্মেও দুঃখলেশ বিद्यমান থাকে না। ৭৭। ব্রহ্মহত্যাदि দুরপনয় পাপসমূহ হইতে যে ব্যক্তি মুক্তি লাভ করিতে ইচ্ছা করে, সে ব্যক্তি ব্রাহ্মগণের বাক্যানুসারে যেন বিধিবৎ তীর্থরাজ প্রয়াগেরই সেবা করে ; তাহাতেই সে ব্যক্তি পাপ হইতে মুক্তি লাভ করিতে পারে, ইহা নিঃসংশয়। ৭৮। হে বিপ্রেন্দ্র শিবশর্ম্মন ! আর অধিক কি বলিব, যে ব্যক্তি মহতী উন্নতি প্রার্থনা করে, তাহাকে সর্বথা এই সিদ্ধাসিত তীর্থের ( প্রয়াগের ) উপাসনা করা কর্তব্য, কারণ জগতীতলে এই প্রকার প্রকৃষ্ট তীর্থ আর নাই। ৭৯। তীর্থরাজ প্রয়াগ এবং নিখিল ভূমণ্ডলে অন্যান্য যত কিছু তীর্থ আছে, সর্বাপেক্ষা অবিমুক্তপুরী বারাগনী অনায়াসে মুক্তিদায়িনী এই কারণে ঐ তীর্থ সর্বাপেক্ষা শ্রেষ্ঠ। ৮০। অবিমুক্তক্ষেত্র প্রয়াগ হইতেও রমণীয় এ বিষয়ে কোন সংশয়ই নাই, কারণ সেই বারাগনীক্ষেত্রে স্বয়ং বিশ্বনাথ, সাক্ষাৎ বিরাজমান রহিয়াছেন। ৮১। সাক্ষাৎ বিশ্বেশ্বরাদিষ্ঠিত অবিমুক্ত মহাক্ষেত্র হইতে অধিক রমণীয় স্থান ব্রহ্মাণ্ড মধ্যে অন্য কুত্রাপিও বর্তমান নাই। ৮২। এই গন্ধ-ক্রোশ-পরিমিত অবিমুক্তক্ষেত্র ব্রহ্মাণ্ডগোলক মধ্যে অবস্থিত হইলেও ইহা ব্রহ্মাণ্ডের অন্তর্গত বলিয়া গণনীয় নহে। ৮৩। প্রলয়কালে একাকার সমুদ্রও যেমন ক্রমে ক্রমে বৃদ্ধি প্রাপ্ত হইতে থাকে, ভগবান্ বিশ্বনাথ, সেই প্রকারে স্বকীয় ত্রিশূলাগ্র দ্বারা অবিমুক্ত ক্ষেত্রকে উর্দ্ধে উঠাইয়া থাকেন। ৮৪। হে দ্বিজ ! অবিমুক্তক্ষেত্র মহাদেবের ত্রিশূলাগ্র ভাগে শূণ্ণে অবস্থান করিতেছে। ঐ ক্ষেত্র বাস্তবিক ভূমিতে অবস্থিত নহে, মুঢ়বুদ্ধি ব্যক্তি ইহা দেখিতে পায় না ; জ্ঞানিগণ ইহা প্রত্যক্ষ করিতেছেন। ৮৫। এই কাশীতে সর্বদাই সত্যযুগ বর্তমান রহিয়াছে এবং এই কাশীক্ষেত্রে সর্বকালেই মহোৎসব বিद्यমান। বিশ্বনাথের পবিত্র আশ্রম অবিমুক্ত ক্ষেত্রে কখনও গ্রহগণের অন্ত অথবা উদয় জন্ম কোন প্রকার দোষ উপস্থিত হয়

না। ৮৬। কাশীপুরীতে সর্বদাই উত্তরায়ণকাল, সর্বকালেই সেই স্থলে মহোদয় হইয়া থাকে। সেই বিশেষ্বরাধিষ্ঠিত পুরীতে সর্বদাই সর্ব প্রকার মঙ্গল বিद्यমান রহিয়াছে। ৮৭। ভূমিতলে যেমন সহস্র নারী বিद्यমান রহিয়াছে, সেইরূপ কাশীও একটা সাধারণ নগরীমাত্র ইহা বিবেচনা করিও না ; কারণ কাশীপুরী অনির্বচনীয়রূপা এবং সর্বপ্রকারে অলৌকিকী। ৮৮। হে বিপ্রেন্দ্র ! আমি চতুর্দশ ভুবন সৃষ্টি করিয়াছি বটে, কিন্তু এই কাশীপুরীকে স্বয়ং বিশেষ্বর প্রভু সৃজন করিয়াছেন। ৮৯। পুরাকালে যম বহুকাল ব্যাপিয়া সূক্ষ্মচর তপস্বী করত ত্রৈলোক্যের সকল জীবগণের উপর আধিপত্য লাভ করিয়াছেন, কিন্তু বারাণসী-পুরীতে তাঁহার কোন আধিপত্য নাই। ৯০। নিখিল চরাচরবাসী জীবগণের কৃত শুভাশুভ সকল কর্মই চিত্রগুপ্ত অবগত আছেন, কিন্তু কাশীবাসীগণের কৃত শুভাশুভ কর্মের বিষয় জানিবার ক্ষমতা তাঁহার নাই। ৯১। হে বিজ্ঞোত্তম ! কাশীপুরীতে যমদূতগণের প্রবেশ করিবার ক্ষমতা নাই, মহাদেবের অনুচরগণই বারাণসীপুরীর রক্ষা করিতেছে। ৯২। সেই কাশীপুরীতে যাহারা দেহত্যাগ করে, স্বয়ং বিশ্বনাথ তাহাদের স্তানোপদেশ করিয়া থাকেন। কাশীপুরীতে যাহারা পাপ করে, প্রাণাস্ত হইলে স্বয়ং কালভৈরব, তাহাদের শাস্তি প্রদান করিয়া থাকেন। যমরাজের সেই সকল লোকের উপরও কোন আধিপত্য থাকে না। ৯৩। সেই কাশীপুরীতে পাপ করা কখনই উচিত নহে, কারণ পাপীগণ সেই স্থানে দারুণ রুদ্রযাতনা ভোগ করিয়া থাকে। অহো ! রুদ্রপিশাচই নরক-যন্ত্রণা হইতেও সূত্রঃসহ। ৯৪। “পাপই কর্তব্য” এই প্রকার মতি যদি হয়, তবে কাশী ছাড়িয়া অন্যত্র পাপ করা কর্তব্য, কারণ পাপ করিবার জন্য বিপুল পৃথিবী পড়িয়া রহিয়াছে। ৯৫। অতিশয় কামাতুর হইলেও জীবগণ যেমন আপনার জননীকে পরিত্যাগ করিয়া থাকে, তদ্রূপ অতিশয় পাপী ব্যক্তিরও মুক্তির অভিলাষে একমাত্র কাশী পরিত্যাগ করিয়া, অন্যত্র পাপ করাই কর্তব্য। ৯৬। যাহারা পরনিন্দা করে, যাহারা পরদার অভিলাষী, তাহাদের কাশীতে থাকা উচিত নহে ; কারণ কোথায় সেই পবিত্র কাশী, আর কোথায়ই বা সেই ঘৃণিত পাপকার্য্য ? যাহারা প্রত্যহ প্রতিগ্রহ করিয়া, ধনের অভিলাষ করে, এবং যাহারা বর্ণনাপূর্বক পরধন গ্রহণ করে, সেই সমস্ত মানবগণেরও কাশীতে বাস করা উচিত নহে। কাশীতে সর্বদা পরপীড়কের কর্ম পরিত্যাগ করিবে। যদি কোন দুরাত্মা এখানে আসিয়াও পরকে পীড়া প্রদান করে, তবে তাহার কাশীবাসে কি ফল হইল ? ৯৭-৯৯। যাহারা মহাদেবকে পরিত্যাগপূর্বক অন্য দেবতাকে ভক্তি করে, তাহাদের কোন প্রকারেই মহা-

দেবের রাজধানীতে বাস করা উচিত নহে। ১০০। হে বিপ্র! যে সমস্ত মানব অর্থার্থী বা কামার্থী তাহাদের অবিমুক্তক্ষেত্রে বাস করা উচিত নহে, যেহেতু সেই ক্ষেত্র কেবল মুক্তির জন্য। যাহারা শিবনিন্দাপরায়ণ, যাহারা বেদনিন্দুক এবং যাহারা বেদাচারবহিষ্ঠৃত, তাহাদেরও বারাণসীতে বাস করা উচিত নহে। যাহারা পরজ্যোহী, যাহারা পর সম্পদ দেখিয়া ঈর্ষা করে এবং যাহারা পরকে ক্লেশ প্রদান করে, তাহাদের পক্ষেও কাশীবাসে কোন ফল নাই। যে সমস্ত দুর্বুদ্ধি জীবগণ মনোমধ্যেও কাশীর জন্য আনন্দিত না হয়, মুক্তির বাস্তাও তাহাদের অতি দূরে অবস্থান করিয়া থাকে। এই ভূতল মধ্যে কোন স্থানেই জ্ঞান ব্যতিরেকে মোক্ষ হয় না। হে দ্বিজশ্রেষ্ঠ! চান্দ্রায়ণ প্রভৃতি ত্রতরাশি, শ্রদ্ধার সহিত দেশ, কাল ও পাত্রভেদে তুলাপুরুষ প্রভৃতি দান, যম, ব্রহ্মচর্যাদি নিয়ম, পূজা, শরীরশোষণপূর্বক কঠোর তপস্যা, গুরুদত্ত মহামন্ত্র জপ, বেদাধ্যয়ন, অগ্নিহোত্রাদি যজ্ঞসেবা, গুরুসেবা এবং নানাবিধ তীর্থযাত্রা করিলেও সেই জ্ঞান প্রাপ্ত হওয়া যায় না। ১০১-১০৯। যোগ ব্যতিরেকে জ্ঞান উৎপন্ন হয় না, যথার্থ তত্ত্বের অর্থানুশীলনের নামই যোগ। গুরু কর্তৃক উপদিষ্ট পথের অনুসরণ ও সর্বদা অভ্যাসবশেই সেই যোগ সাধিত হইয়া থাকে। সুদূরশ্রবণ প্রভৃতি নানা প্রকার বিঘ্ন সেই যোগের বিরোধ, স্মৃতরাং যোগাভ্যাসপূর্বক এক জন্মে কেহই জ্ঞান লাভ করিতে সমর্থ হয় না। হে সূত্রত! তপস্যা, জপ ও যোগ ব্যতিরেকেও এক জন্মই কাশীতে মুক্তি লাভ হইয়া থাকে। হে দ্বিজশ্রেষ্ঠ! তুমিও পবিত্র চিন্তে কাশীতে যে পুণ্য অর্জন করিয়াছ, উত্তরকালে তোমার সেই পুণ্যেরও মহাফল রহিয়াছে। ১১০-১১৩। গণদ্বয়ের সমক্ষে শিবশর্ম্মাকে এই সমস্ত বলিয়া, ব্রহ্মা নিরস্ত হইলেন। মহামনা শিবশর্ম্মাও এই সমস্ত শ্রবণ করিয়া অতিশয় আনন্দিত হইলেন। ১১৪।

## ত্রয়োবিংশ অধ্যায়।

—\*—

### চতুর্ভূজাভিষেক-কথন।

শিবশর্ম্মা কহিলেন, হে সত্যলোকেশ্বর! সর্বলোকের প্রপিতামহ বিধে। আমি আপনার নিকট কোন বিষয় জানিতে ইচ্ছা করি, যদি কোন ভয় না থাকে; তাহা হইলে সে বিষয় আপনার সমীপে নিবেদন করি। ১।

ব্রহ্মা কহিলেন, হে শিবশৰ্ম্মন ! তুমি যাহা জানিতে ইচ্ছুক তোমার মনোগত সেই বিষয়টি আমার অবিজ্ঞাত নহে, তুমি নির্বাণ মুক্তির বিষয় জানিতে ইচ্ছা করিয়াছ, এই বিষ্ণুগণদ্বয় তোমার নিকট তাহা কীর্তন করিবেন। এ সংসারে এই বিষ্ণুগণদ্বয়ের কোন পদার্থই অজ্ঞাত নাই, ইহঁারা ব্রহ্মাণ্ডের সকল বার্তাই বিদিত আছেন। ২-৩। এই কথা বলিয়া ব্রহ্মা তাঁহাদের যথেষ্ট সৎকার করত বিদায় প্রদান করিলেন। তাঁহারাও লোকশ্রুতি ব্রহ্মাকে নমস্কারপূর্বক হৃষ্টান্তঃকরণে নিজ ঘানে আরোহণ করিয়া, বিষ্ণুলোক লক্ষ্য করত প্রস্থান করিলেন। অনন্তর গমন করিতে করিতে পথিমধ্যে শিবশৰ্ম্মা পুনর্বীর বিষ্ণুগণদ্বয়কে জিজ্ঞাসা করিলেন। ৪-৫। শিবশৰ্ম্মা কহিলেন, হে গণদ্বয় ! আমরা কতদূর আসিয়াছি এবং আর আমাদের কতদূরই বা যাইতে হইবে ? হে তদ্রদ্বয় ! আমি অন্যান্য বিষয়ে আরও কিছু জিজ্ঞাসা করিতেছি, আপনারা প্রসন্নচিত্তে তাহা কীর্তন করুন। ৬। কাঞ্চী, অবন্তী, দ্বারবতী, কাশী, অযোধ্যা, মায়াপুরী ও মথুরা এই সাতটি পুরীই মোক্ষ প্রদানকারিণী, ইহা পুরাণে দেখিয়াছি। এইক্ষণে শুনিতেছি যে, ভগবান্ বিশ্বশ্রুতি আর ছয় পুরীকে ছাড়িয়া কাশীপুরীতেই কেবল মুক্তি স্থাপন করিয়াছেন, তবে কি সম্প্রতি আমার মুক্তি হইবে না ? ৭-৮। এই সকল বিষয়ের যথাযথ উত্তর আপনারা আমার নিকটে প্রদান করুন। শিবশৰ্ম্মার এবস্থিধ বাক্য শ্রবণ করিয়া, গণদ্বয় আদরপূর্বক বলিতে আরম্ভ করিলেন। ৯। গণদ্বয় কহিলেন, হে অনঘ ! তুমি যাহা জিজ্ঞাসা করিয়াছ তাহার যথার্থ উত্তর প্রদান করিতেছি। ভগবান্ বিষ্ণুর অনুগ্রহে আমরা ভূত, ভবিষ্যৎ ও বর্তমান সকলই অবগত আছি। ১০। হে বিপ্র ! সূর্য্য ও চন্দ্রের কিরণে যে পর্য্যাস্ত উদ্ভাসিত হয়, সমুদ্র, গিরি ও কানন-বেষ্টিত সেই স্থানকে পৃথিবী বলা যায়, উপরিভাগে তাবৎ পরিমাণ দৈর্ঘ্য ও বর্তুলাকারমিত অবকাশকে আকাশ কহা যায়। ভূমি হতে লক্ষ যোজন উপরে সূর্য্য অবস্থান করেন। ১১-১২। হে শিবশৰ্ম্মন ! সূর্য্য হইতে লক্ষ যোজন উপরিভাগে চন্দ্র অবস্থান করেন। চন্দ্র হইতে লক্ষ যোজন উপরে নক্ষত্রমণ্ডল অবস্থিত। ১৩। হে সৌম্য ! নক্ষত্রমণ্ডল হইতে দ্বিলক্ষযোজন উপরিভাগে বুধগ্রহ বিরাজমান, বুধ হইতে দ্বিলক্ষযোজন উপরে শুক্র, শুক্র হইতে দ্বিলক্ষযোজন উপরিভাগে মঙ্গলগ্রহ বিরাজমান রহিয়াছেন। ১৪। মঙ্গল হইতে দ্বিলক্ষযোজন উপরে বৃহস্পতি, বৃহস্পতি হইতে দ্বিলক্ষযোজন উপরিভাগে শনৈশ্চর বিরাজমান রহিয়াছেন। ১৫। শনৈশ্চর হইতে লক্ষযোজন উপরে সপ্তর্ষিমণ্ডল অবস্থান করিতেছেন। সপ্তর্ষিমণ্ডল হইতে লক্ষ-

যোজন উপরে প্রব অবস্থিত । ১৬ । ধরণীতলে পাদচারে যে বস্তুর উপর গমন করা যায়, তাহাকে ভূলোক বলা যায় । সমুদ্র, দ্বীপ ও কানন এ সকলকেও ভূলোক বলা যায় । ভূলোক হইতে সূর্য্য পর্য্যন্ত ভুবলোক বলিয়া কীৰ্ত্তিত । হে বিপ্র ! আদিত্য হইতে প্রবলোক পর্য্যন্ত স্বর্লোক বলা যায় । ১৭-১৮ । ক্ষিতি হইতে এককোটি যোজন উর্দ্ধে মহর্লোক । ভূলোক হইতে দুই কোটি যোজন উর্দ্ধে জনলোক অবস্থান করিতেছে, ইহা পুরাণশাস্ত্রজ্ঞ জনগণ কীৰ্ত্তন করিয়া থাকেন । ১৯ । ভূতল হইতে চারিকোটি যোজন উর্দ্ধে তপোলোক অবস্থিত । ক্ষিতি হইতে অষ্টকোটি যোজন উর্দ্ধে সত্যলোক রহিয়াছে, ইহা শাস্ত্রে কথিত হয় । ২০ । যে স্থানে সকল জীবের অভয়দাতা ভগবান্ শ্রীপতি সাক্ষাৎ বিরাজমান আছেন, সেই বৈকুণ্ঠলোক সত্যলোকের উপরিভাগে, ভূতল হইতে ষোড়শকোটি যোজন উর্দ্ধে বিরাজমান । সেই বৈকুণ্ঠ হইতে ষোড়শগুণ উর্দ্ধে শিবলোক কৈলাস অবস্থিত, সেই কৈলাসে পার্বতীর সহিত মহাদেব, গণেশ, কার্ত্তিকেয় ও নন্দি প্রভৃতি পারিষদগণে বেষ্টিত হইয়া বিরাজমান রহিয়াছেন । সেই ভগবান্ বিশ্বেশ্বরের স্থিতি প্রযুক্ত কৈলাস সর্বস্বরূপ বলিয়া কীৰ্ত্তিত হইয়া থাকে । ২১-২৩ । নিজ লীলাবশে নানা প্রকার মূর্ত্তিধারী সেই অদ্বিতীয় স্বরূপ ভগবান্ বিশ্বেশ্বরের ক্রীড়ার্থেই এই জগৎ সৃষ্ট এবং এই সংসার সেই বিশ্বেশ্বর নামে খ্যাত পরম ব্রহ্মের আভ্যাকারী । ২৪ । সেই বিশ্বনাথ সকলেরই শাসক, কিন্তু তাঁহার শাসক কেহ নাই । তিনি স্বয়ং ভূতগণকে সৃষ্টি করিতেছেন, পালন করিতেছেন, আবার প্রলয়কালে বিনাশও করিতেছেন । ২৫ । সেই বিশ্বনাথ অদ্বিতীয় এবং সর্বজ্ঞ ইহা শাস্ত্রে উক্ত হইয়া থাকে । তিনি নিজের ইচ্ছাতেই সর্ব প্রকার উদ্ভব করিয়া থাকেন । এ সংসার মধ্যে তাঁহার প্রবর্তকও কেহ নাই, নিবর্তকও কেহ নাই । যিনি সাক্ষাৎ অমূর্ত্ত পরমব্রহ্ম অথচ যিনি ঐশ্বর্য্যকীৰ্ত্তিত সগুণ সমূর্ত্ত ব্রহ্মা, যিনি সর্বব্যাপী, নিত্য, সত্য এবং সর্বথা দ্বৈতবিবর্জিত । ২৭ । যিনি সকল কারণ হইতে পরাৎপর ও সর্ব হইতে উৎকৃষ্টরূপ ব্রহ্মস্বরূপ যে পরমেশ্বরের আনন্দই সাক্ষাৎ স্বরূপ, ইহা ঐশ্বর্য্যসমূহ কীৰ্ত্তন করিয়া থাকেন । ২৮ । বেদচতুষ্টয়, বিষ্ণু ও ব্রহ্মা পর্য্যন্ত যাঁহার বাস্তবিক তত্ত্ব অবগত নহেন, যিনি বাক্য ও মনের অগোচর । ২৯ । যিনি স্বকীয় তত্ত্ব আপনিই অবগত আছেন, যিনি সর্বোৎকৃষ্ট জ্যোতিঃস্বরূপ এবং সকলেরই হৃদয়ে অবস্থান করিতেছেন । যিনি যোগিগম্য, যাঁহার কোন নাম নাই অথচ যিনি কেবল প্রমাণমাত্র-গোচর । ৩০ । যিনি নানা রূপ অথচ যাঁহার কোন রূপ নাই, যিনি সর্বগত হইয়াও জীবগণের ইন্দ্রিয়গোচর নহেন, যিনি অনন্ত অথচ যিনি মহাকালরূপী, যিনি

সকল বিষয়ের বেত্তা এবং সর্ব প্রকার ক্রিয়াবর্জিত । ৩১ । সেই ভগবান্ মহেশ্বরের স্বরূপ এই প্রকারে কীৰ্ত্তিত হইয়া থাকে যে, অর্দ্ধচন্দ্র তাঁহার ললাটভূষণ, তাঁহার গলদেশ তমালসদৃশ নীলবর্ণ ও ললাটদেশে তৃতীয় নেত্র অতিশয় বিকাশ প্রাপ্ত হইতেছে। ৩২ । তাঁহার বামার্দ্ধ স্ত্রী মূর্তিতে শোভা পাইতেছে, অনন্ত নাগ তাঁহার হস্তে ভূষণরূপে বিরাজমান, মন্দাকিনীর তরঙ্গ নিবহের সম্পর্কে তাঁহার জটাঙ্গুট সর্বদা প্রক্ষালিত । ৩৩ । কামদেবের শরীর দাহে সজ্জাতভস্মরাজির সম্পর্কে সর্বদা ধূলি-ধূসরীকৃত অবয়বসমূহে তিনি সর্বদা উজ্জ্বল রহিয়াছেন । অতি মনোহর গাত্রসমূহে প্রকাণ্ড প্রকাণ্ড সর্পবিভূষণ ধারণ করিয়া, তিনি বিরাজমান রহিয়াছেন । ৩৪ । সুবিশাল বুধরাজরূপ রথে তাঁহার গতি, অজগব নামক ধনু সর্বদাই তাঁহার হস্তে দেদীপ্যমান, গজচর্ম্মই তাঁহার উত্তরীয় বস্ত্র এবং তিনি পঞ্চবদন । ৩৫ । মহামৃত্যুর ও ভয়দায়ী গণসমূহে তিনি সর্বদা পরিবেষ্টিত, শরণাগত অধিগণকে তিনি ত্রাণ করিয়া থাকেন এবং তিনি ভক্তজনের নির্বাণ-প্রদাতা । মনোরথপথ হইতেও তিনি অতীত এবং সর্বদা তিনি প্রাণিগণকে বর প্রদানে উচ্চত রহিয়াছেন । ৩৬ । হে বিজ ! পরাবর রুদ্ররূপে সকল জগৎ ব্যাপিয়া অবস্থানকারী অপরিমেয়স্বরূপ ভগবান্ মহেশ্বরের এই প্রকার স্বরূপ পুরাণাদিতে পরিকীৰ্ত্তিত আছে । ৩৭ ।

বাস্তবিক নিরাকার হইলেও মায়াবশে সাকার সেই শিবই জীবগণের ভুক্তি অথবা মুক্তির একমাত্র কারণ, মহাদেব ভিন্ন মোক্ষ প্রদান করিতে আর কাহারও সামর্থ্য নাই । ৩৮ । সেই অনাখ্যেয়স্বরূপ ভগবান্ দৃশ্যাদৃশ্যরূপী জনার্দন, এই অখিল চরাচর বিশ্বকে মহাদেবের অধীন করিয়া রাখিয়াছেন । এই প্রকার মৃড়ানী-পতি মহেশ্বরও এই নিখিল জগৎকে ভগবান্ বিষ্ণুর অধীন করিয়া, নিত্য নিজ অভিপ্রায়ানুরূপ লীলা করিতেছেন । ৩৯-৪০ । শিবও যেমন বিষ্ণুও সেই প্রকার । যিনি বিষ্ণু, তিনিই শিব, শিব ও বিষ্ণুর অল্পমাত্রও ভেদ নাই । ৪১ । পূর্বকালে মহাদেব এক দিবস নিজের সিংহাসন সদৃশ একখানি বিচিত্র সিংহাসন নির্মাণ করিয়া, তাহার উপর বিষ্ণুকে উপবেশন করাইয়া, তদুপরি বিচিত্র খেতছত্র প্রদান করিলেন । সেই অতি শুভ্রবর্ণ কোটি শলাকায়ুক্ত এবং স্বয়ং বিশ্বকর্ম্মার নির্ম্মিত ঐ ছত্রের দণ্ড রত্নময় ও স্থূল মুক্তারাজি বিরাজিত এবং তাহার উপরিভাগে বিচিত্র কলশ বিরাজমান ছিল । রত্নময় সেই শুভ্রছত্রটি সহস্রযোজন পর্য্যন্ত বিস্তৃত ছিল, সেই ছত্রের উভয় ভাগেই পটুসূত্রময় বিচিত্র চামর সকল শোভা পাইতেছিল । অনন্তর মহাদেব, ব্রহ্মাদি দেবগণ, বিদ্যাধর, উরগ, গন্ধর্ব্ব ও সিদ্ধচারণগণ প্রভৃতিকে আহ্বান করিলেন এবং তাঁহাদের সমক্ষে রাজ্যাভিষেকযোগ্য সর্বোষধি প্রভৃতি

দ্রব্য, প্রত্যক্ষ তীর্থজলপূরিত মনোহর পঞ্চকুস্ত, সিদ্ধাক্ত, দুর্বা ও স্বয়ং উপস্থিত মন্ত্র-সমূহের দ্বারা তাঁহাকে নিজেই উত্তমরূপে সজ্জিত করিয়া, আবক্ষমুকুট অতি রমণীয়-কান্তি বিম্বকে ত্রক্ষাণ্ডমণ্ডপের ঈশ্বরপদে অভিষেক করিলেন। সেই অভিষেক কালে তিথি ও লগ্ন শুভ ছিল, এবং চন্দ্র ও তারাবলম্বিত ছিলেন। অভিষেক কালে বিষ্ণুর শোভা আরও শতগুণ বর্দ্ধিত হইল। সেই সময় ভগবান্ মহেশ্বর দেব, ঋষি, সিদ্ধ ও উরগগণ হইতে প্রত্যেকের ষোড়শ ষোড়শটি করিয়া কণ্ঠা আনয়ন করিলেন, তাহারা সকলে মহানন্দে মঙ্গলগীত করিতে লাগিল। সেই সময় আকাশাজনে বিভাধরগণ বীণা, মৃদঙ্গ, অজ, ভেরী, ডমরু, ডিণ্ডিম, ঝর্ঝর, আনক ও কাংস্ততাল প্রভৃতি বাস্তনিকের ধ্বনিতে দিগ্ভ্রমল পরিপূরিত করিল এবং ত্রাক্ষণগণের মুখ হইতে নিঃসৃত পবিত্র বেদধ্বনিতে গগন পরিপূর্ণ হইল। ৪২-৫১। মহেশ্বর এই প্রকারে বিষ্ণুকে ত্রক্ষাণ্ডমণ্ডপের আধিপত্যে অভিষেক করিয়া, তাঁহাকে অনন্ত সাধারণ নিজ ঐশ্বর্য্যসমূহ বিতরণ করিলেন। অনন্তর দেবেশ মহাদেব প্রমথগণের সহিত ভগবান্ বিষ্ণুর নানাবিধ স্তব করিতে লাগিলেন। তৎপরে লোককর্ত্তা ত্রক্ষাকে তিনি বলিলেন যে “হে ত্রক্ষন্! বিষ্ণু আমারও বন্দনীয়, অতএব তুমিও ইহাকে নমস্কার কর”। ত্রক্ষাকে এবম্প্রকার আদেশ করিয়া ভগবান্ ভবানীপতি গুরুভ্রমজ বিষ্ণুকে স্বয়ং প্রণাম করিলেন। ৫২-৫৪। অনন্তর গণাধিপগণ, ত্রক্ষা, মরুদগণ, সনকাদি যোগিগণ, সিদ্ধগণ, দেবর্ষিগণ, বিভাধর, গন্ধর্ব্ব, যক্ষ, রাক্ষস, অম্বর, গুহ্যক, চারণ ও ভূতগণ এবং শেযাদি বায়ুকি ও তক্ষক, নাগগণ, পক্ষিগণ, কিল্লরগণ এবং সর্ব্বপ্রকার স্থাবর ও জঙ্গমগণ সকলে জয় জয় রব করত, বারম্বার “নমস্কার নমস্কার” এই প্রকার শব্দ করত তাঁহাকে নমস্কার করিতে লাগিলেন। অনন্তর মহেশ্বর দেবগণের সমক্ষে বক্ষ্যমান বাক্যসমূহের দ্বারা, পরম তেজের দ্বারা বিভূষিত হরিকে স্তব করিতে লাগিলেন। ৫৫-৫৮।

মহাদেব কহিলেন, হে বিষ্ণো! তুমি সর্ব্বভূতের কর্ত্তা, পাতা ও হর্ত্তা, তুমিই সর্ব্বজগতের পূজ্য এবং তুমিই ত্রিজগতের ঈশ্বর। ৫৯। তুমি ধর্ম্ম, অর্থ ও কামের প্রদাতা, দুর্গয়কারীদিগের শাসনকর্ত্তা এবং সংগ্রামে আমারও অজেয় হইবে, অস্ত্রের ত কথাই নাই। ৬০। হে বিষ্ণো! ইচ্ছাশক্তি, ক্রিয়াশক্তি ও জ্ঞানশক্তি এই ত্রিবিধশক্তি আমি তোমাকে প্রদান করিতেছি, তুমি গ্রহণ কর। ৬১। হে হরে! যাহারা তোমার প্রতি ঘ্বেষ করিবে, আমি যত্ন সহকারে তাহাদের শাস্তি প্রদান করিব। হে বিষ্ণো! তোমার ভক্তগণকে আমি নির্বাণ প্রদান করিব। ৬২। যে মান্নার প্রভাব সুরাসুরগণও বিদিত নছেন, এক বাহার প্রভাবে



সকলেই অবিদিত-তত্ত্বতা-প্রযুক্ত মুঢ়ের শ্রায় অবস্থান করিবে, সেই মায়াকেও তুমি গ্রহণ কর। ৬৩ । তুমি আমার বাম-বাহু-স্বরূপ এবং ত্রক্ষা আমার দক্ষিণ-বাহু-স্বরূপ, কিন্তু তথাপি তুমি এই বিধাতার পালক এবং জনক হইবে। ৬৪ ।

এই প্রকারে হরিকে বৈকুণ্ঠেশ্বরত্ব প্রদান করিয়া, পার্বতীপতি মহেশ্বর স্বয়ং কৈলাসপর্বতে প্রমথগণের সহিত লীলা করিতেছেন। ৬৫ । সেই সময় হইতে ভগবান্ শার্ঙ্গপাণি দানবাস্তক গদাধর হরি এই অখিল ত্রৈলোক্য পালন করিতেছেন। ৬৬ ।

হে বিপ্র ! এই তোমার নিকট লোকসমূহের পরিস্থিতি সম্যকপ্রকারে কীর্তন করিলাম, এইক্ষণে তোমার নির্বাণের কারণ কীর্তন করিতে প্রবৃত্ত হইব। ৬৭ । এই পবিত্র আখ্যানটী যে ব্যক্তি ভক্তিসহকারে শ্রবণ করিবে, সে অশেষ স্বলোক প্রাপ্ত হইয়া, পরে কাশীতে নির্বাণপদবী লাভ করিতে পারিবে। ৬৮ । যজ্ঞোৎসবে, বিবাহে, অখিল মঙ্গলকার্য্যে, রাজ্যাভিষেক সময়ে, দেবস্থাপন কৰ্ম্মে, সর্বপ্রকার অধিকার প্রদান ও গৃহপ্রবেশকালে কার্য্যাসিদ্ধির জন্ত এই উপাখ্যানভাগটী পাঠ করা কর্তব্য । এই আখ্যানটী পাঠ করিলে, অপুত্রব্যক্তি পুত্রলাভ করিতে পারে, নিধন ব্যক্তি ধনবান্ হয়, রোগী পীড়া হইতে মুক্তিলাভ করে এবং বন্ধ ব্যক্তিও বন্ধন হইতে মুক্তিলাভ করিতে সমর্থ হয়। ৬৯-৭১ । অমঙ্গলসমূহের বিনাশক এবং হরি ও হরের প্রাতিকর এই উপাখ্যানটী মঙ্গলপ্রার্থী জনের সর্বদা পাঠ করা কর্তব্য। ৭২ ।

## চতুর্বিংশ অধ্যায় ।



### শিবশর্ম্মার নির্বাণপ্রাপ্তি ।

গগনয় কহিলেন, হে শিবশর্ম্মন ! তোমার ভাবী পুণ্যকলবৃত্তান্ত শ্রবণ কর । তুমি এই বিষ্মুলোকে ত্রক্ষার বর্ষপরিমিত কাল অঙ্গরাগণে পরিবেষ্টিত হইয়া, নানাপ্রকার বিষয় ভোগ করত, স্তুতীর্থ মৃত হইয়া যে পুণ্য অর্জন করিয়াছ, তাহার অবশিষ্ট পুণ্যকলে নন্দিবর্দ্ধন নামক নগরে রাজা হইয়া জন্মগ্রহণ করিবে এবং তথায় বল ও বাহনসমূহের দ্বারা সম্রাট, রমণীয় সুবর্ণ ভূষণে বিভূষিত এবং

প্রত্যহ ইষ্টাপূর্ত প্রভৃতি ধর্মসমূহের অনুষ্ঠানকারী হৃষ্টপুষ্ট পণ্ডিতমণ্ডলী কত্বক সংসেবিত, সর্বদা শস্যসমূহে পরিপূর্ণ ও উর্বরা ক্ষেত্রনিচয়ে পরিব্যাপ্ত, উত্তম দেশ, উত্তম প্রজা, নানাবিধ তৃণ, বহুতর গো-ধন এবং নানা দেবালয়সমূহের দ্বারা সুশোভিত নিকটক রাজ্য লাভ করিবে। যে রাজ্যের গ্রামসমূহ সুন্দর যূপকাষ্ঠ<sup>১</sup> এবং বহুতর ঐশ্বর্য্যে পরিপূর্ণ, যথায় কৃত্রিম উদ্যানসমূহ নানাবিধ সুগন্ধি পুষ্পসমূহে পরিপূর্ণ এবং যাহার ভূমিসমূহ পদ্মপরিপূর্ণ সরোবরনিচয়ে পরিবেষ্টিত, যথায় নদীসমূহের জল অতি উৎকৃষ্ট, অথচ যেখানে জনসমূহ দস্ত বিবর্জিত। যথায় কুলসমূহই কুলীন কিন্তু অত্যায়াজিত ধনসমূহ কুলীন<sup>২</sup> নহে। যেখানে নারীগণেই বিভ্রম<sup>৩</sup> কিন্তু পণ্ডিত জনে নহে। যেখানে কৃষ্ণপক্ষে রাত্রিই তমোযুক্ত<sup>৪</sup> কিন্তু মানবগণ নহে। যেখানে স্ত্রীগণই রজোযুক্ত<sup>৫</sup>, কিন্তু ধর্মশীল মানবগণ নহে। ১-১০। যেখানে মানবগণের মনই অনঙ্গ<sup>৬</sup> কিন্তু ভোজন নহে। যেখানে রথই অনয়<sup>৭</sup> কিন্তু রাজপুরুষ নহে। যে রাজ্যে পরশু, কুদাল, বালব্যজন এবং ছত্রসমূহই দণ্ড, কিন্তু ক্রোধ বা অপরাধ জন্ম নহে। যেখানে আক্ষিক<sup>৮</sup> সমূহ ভিন্ন অশ্রুত পরিদেবন<sup>৯</sup> নাই এবং যেখানে আক্ষিকগণই পাশকপাণি<sup>১০</sup>। যে রাজ্যে জলেতেই জড়তা এবং স্ত্রীগণের মধ্যদেশই দুর্বল। যেখানে সীমাস্ত্রীণীগণই কঠোর হৃদয় কিন্তু মানবগণ নহে। যেখানে ওষধিতেই কুষ্ঠ<sup>১১</sup> যোগ আছে কিন্তু মানবগণে নহে। যেখানে রক্তসমূহই বেধ<sup>১২</sup> কিন্তু অশ্রুত নহে এবং মূর্তিকরসমূহেই শূল<sup>১৩</sup> কিন্তু অশ্রু কাহাতেও নহে। ১১-১৫। যেখানে সাহসিকভাব হইতেই কম্প উৎপন্ন হয় কিন্তু ভয়াদি হইতে নহে। যে রাজ্যে সংস্কার<sup>১৪</sup> কাম হইতেই উৎপন্ন হয়, কিন্তু অশ্রু কোন কারণে নহে। যেখানে পাপেরই দারিদ্ৰ (অভাব) কিন্তু ধনাদির নহে। যেখানে সর্বদা পাপই দুর্লভ কিন্তু অশ্রু কোন বস্তু নহে। যে রাজ্যে হস্তীসমূহ ব্যতীত অশ্রু কেহ প্রমত্ত নহে। জলাশয়ে তরঙ্গঘয়ের যুদ্ধ

- |                                       |  |
|---------------------------------------|--|
| ১। যজ্ঞীয় কাষ্ঠবিশেষ।                | ২। পৃথিবীতে লীন, পক্ষান্তরে সংকুলবান্। |
| ৩। কামভাব, পক্ষান্তরে অজ্ঞান।         | ৪। অন্ধকার, পক্ষান্তরে তমোভাগ।         |
| ৫। ঋতুকালীন শোণিত, পক্ষান্তরে রজোগুণ। | ৬। গর্ভরহিত, পক্ষান্তরে অগ্ন-বিরহিত।   |
| ৭। লৌহরহিত, পক্ষান্তরে নীতিরহিত।      | ৮। অক্ষকীড়াকারী।                      |
| ৯। দূতক্রীড়া এবং প্রলাপবাক্য।        | ১০। অক্ষহস্ত এবং রজ্জ্ববদ্ধহস্ত।       |
| ১১। ওষধিবিশেষ, পক্ষান্তরে কুষ্ঠরোগ।   | ১২। হিঙ্গু, পক্ষান্তরে তাড়ন।          |
| ১৩। ধোদকাস্ত্র, পক্ষান্তরে রোগবিশেষ।  | ১৪। কামজনিত কোভ, পক্ষান্তরে সন্তাপ     |

ব্যতীত যেখানে আর কাহাতেও যুদ্ধ হয় না। যেখানে গজসমূহেই দান<sup>১৫</sup> হানি কিন্তু মানবে নহে এবং যেখানে ক্ষমগণেই কণ্টক দেখিতে পাওয়া যায়। যেখানে জনসমূহেই বিহার<sup>১৬</sup> কিন্তু কাহারও বন্ধঃস্থলে নহে। যেখানে বাণেতেই গুণ-বিল্লম্ব এবং পুস্তকেই সুদৃঢ় বন্ধোক্তি। যেখানে সম্যাসীজনেই স্নেহত্যাগ<sup>১৭</sup> এবং দণ্ডবার্তা কিন্তু অশ্রুত নহে। যেখানে চাপেতেই মার্গণ<sup>১৮</sup> এবং ত্রাস্কারিগণই ভিক্ষুক। যেখানে ক্ষপণকগণই মল ধারণ করিয়া থাকে এবং যে রাজ্যে মধুভ্রত-সমূহই প্রায়শঃ চঞ্চল বৃত্তি হইয়া থাকে। ১৬-২১। এতাদৃশ গুণরাশি-বিভূষিত সেই দেশে, তুমি শৌর্য্যাদি গুণসমূহে অলঙ্কৃত হইয়া, রাজধর্ম্ম অনুসারে প্রজা-পালন করিবে এবং তুমি অতিশয় রূপবান্ ও ঔদার্য্যগুণযুক্ত হইবে। অতিশয় সৌন্দর্য্যবিশিষ্ট দশ হাজার নারী তোমার রাজ্ঞী হইবে এবং তাঁহাদের গর্ভে তোমার তিন শত পুত্র হইবে। তোমার নাম বৃদ্ধকাল হইবে ও তুমি অতিশয় তেজস্বী হইবে এবং শত্রুগণকে পরাজিত করিয়া অনেক যুদ্ধে জয়ী হইবে। এবং বহু অর্থ বিতরণ করত, যাচকগণকে পরিভূণ্ড করিবে ও বহুতরুণে পরিপূর্ণ হইবে। পূর্ণচন্দ্রের স্যায় তোমার দেহপ্রভা হইবে এবং বহুবিধ যজ্ঞের অনুষ্ঠানের অন্তে অবভূত স্নানে তোমার কেশসমূহ ক্রিম্ব থাকিবে ও তুমি রাজগণের শ্রেষ্ঠ হইবে। তুমি প্রজাপালনসম্পন্ন হইয়া, কোষসম্বিত ধনরাশির দ্বারা ত্র্যাক্ষগণকে পরিভূণ্ড করিবে এবং হৃদয় মধ্যে সর্ব্বদা গোবিন্দের পদারবিন্দ ধ্যান করত বামুদেবকথালোপেই দিব্যরাত্রি অতিবাহিত করিবে। ২২-২৭।

হে বিজ্ঞ ! কোন সময়ে তোমার অদৃষ্টগুণে বারাগণী হইতে কতকগুলি যাত্রী রাজসভায় সমাগত হইয়া, তোমাকে এইরূপে আশীর্ব্বাদ করিবেন যে, “সমস্ত জগতের গুরু দেবদেব কাশীপতি শ্রীমান বিশ্বেশ্বর তোমার কুমতি অপময়ন করুন, তিনি স্মরণ মাত্রেও মুক্তি প্রদান করিয়া থাকেন, সেই কাশীনাথ তোমাকে নির্ম্মল জ্ঞান উপদেশ করুন, যে পুণ্যফলে তুমি এই নিষ্কণ্টক রাজ্য প্রাপ্ত হইয়াছ, সেই পুণ্যের অবশিষ্ট ফলে তোমার বিশ্বনাথে মতি হউক। যাঁহার কৃপায়, অম্ব, বস্তু, পুত্র, স্ত্রী, বহুতর ঐশ্বর্য্য, স্বর্গ এবং মোক্ষপ্রাপ্ত হওয়া যায়, সেই বিশ্বনাথ তোমার প্রতি প্রসন্ন হউন, যাঁহার নাম শ্রবণ করিবামাত্র মহাপাতকসমূহ বিলয়-প্রাপ্ত হয়, সেই বিশ্বনাথ তোমার হৃদয়ে অবস্থান করুন”। ২৮-৩৪। তুমি যখন

১৫। মদজল পরিত্যাগ, পক্ষান্তরে দানের অভাব। ১৬। ক্রীড়া, পক্ষান্তরে হার (কণ্ঠভূষণ) শূন্য।

১৭। মমতা-পরিত্যাগ এবং তৈলাদি ত্যাগ।

১৮। বাণ, পক্ষান্তরে প্রার্থনা।

বুদ্ধকাল নৃপতিরূপে এই সমস্ত আশীর্বাক্য শ্রবণ করিয়া, আমাদের কথিত এই বৃত্তান্ত স্মরণ করিবে, তখন তোমার দেহ রোমাঞ্চিত হইয়া উঠিবে। তুমি কোন প্রকারে আকার গোপন করত যাত্রীগণকে বহুতর ধন প্রদান করিয়া বিদায় করিবে। অনন্তর উত্তম সময় দেখিয়া পুত্রগণে রাজ্যভার প্রদান করত, অনঙ্গলেখা নান্নী রাজ্যতীর সহিত তুমি কাশীতে গমন করিবে। এবং তথায় বহুতর অর্থদান করত, অর্থিজনকে সন্তুষ্ট করিয়া; নিজের নামে নির্বাণের কারণ শিবলিঙ্গ স্থাপন করিবে ও তথায় উচ্চ প্রাসাদ নির্মাণ করাইয়া, তাহার উপর বিধিযুক্ত কলসারোপণাদি করিবে এবং তাহার সম্মুখে এক উৎকৃষ্ট কুপ নির্মাণ করাইবে। এবং তথায় মণি, মাণিক্য, পীতবসন, হস্তী, অশ্ব, গো, মহাধ্বজ-পতাকা, ছত্র, চামর, দর্পণ এবং নানাবিধ দেবোপকরণ দান করিয়া, নিরালম্বভাবে ব্রত, উপবাস, নিয়ম প্রভৃতির দ্বারা শরীর ক্ষয় করিতে থাকিবে। এক দিবস মধ্যাহ্নকালে তথায় তুমি একটী তপোধন দেখিতে পাইবে। ৩৫-৪১। সেই তপোধনের দেহ অতিশয় জীর্ণ, মস্তকে পিঙ্গলবর্ণ জটাভার, তিনি দেখিতে সাংক্ষাৎ ধর্ম্মস্বরূপ এবং সমস্ত জনমনোহর। তুমি তাঁহাকে একটী ষষ্টির উপর সমস্ত দেহভার বিন্যাস করিয়া শিবমন্দির হইতে নির্গত হইয়া, রঙ্গমণ্ডপ মধ্যে আগমন করিতে দেখিতে পাইবে। ৪২-৪৩। তিনি তোমার নিকট আগমন করত, উপবিষ্ট হইয়া তোমাকে এইরূপ জিজ্ঞাসা করিবেন। তুমি কে? এখানে কি নিমিত্ত অবস্থান করিতেছ? (তোমার স্ত্রীকে উদ্দেশ্য করিয়া) তোমার নিকট এই দ্বিতীয় ব্যক্তিই বা কে? কে এই প্রাসাদ নির্মাণ করাইয়া দিয়াছে? এবং এই লিঙ্গেরই বা কি নাম? আমি বার্কাক্যনিবন্ধন প্রায় কিছুই জানি না, তুমি যদি অবগত থাক, তাহা হইলে বল। ৪৪-৪৫। তুমি সেই বুদ্ধ তপস্বী কর্তৃক এই প্রকারে জিজ্ঞাসিত হইয়া বলিবে যে, “আমি বুদ্ধকাল নামে দক্ষিণদেশী একজন রাজা, এই সহধর্ম্মিণীর সহিত এখানে আগমন করিয়াছি, এবং এই লিঙ্গেরই ধ্যান করিতেছি, আমার অণু কোন অভিলাষ নাই। হে জটিল! স্বয়ং মহাদেবই এই প্রাসাদ নির্মাণ করাইয়াছেন, এই লিঙ্গের ষথার্থ কি নাম, আমি তাহা বিশেষরূপে অবগত নহি”। ৪৬-৪৮। তখন তোমার এতাদৃশ বাক্য শ্রবণ করিয়া, সেই জটাদর বলিবেন যে, “তুমি এই লিঙ্গের নাম জাননা ইহা সত্যই বলিয়াছ, আমি সর্ব্বদাই তোমাকে নিশ্চল ভাবে এই স্থানে উপবিষ্ট থাকিতে দেখিয়া থাকি। যে ব্যক্তি এই প্রাসাদ নির্মাণ করাইয়াছে তাহা অবশ্যই শ্রবণ করিয়া থাকিবে, অতএব যদি ষথার্থ জান, তাহা হইলে আমাকে বল”। তুমি তাঁহার এই বাক্য শ্রবণ করিয়া পুনরায় তাঁহাকে বলিবে যে, “মহাদেবই কর্তা এবং তিনিই

কারয়িতা, ইহা কি আমি মিথ্যা বলিতেছি ? অথবা হে বিভো ! হে তপস্বিন্ ! এই সমস্ত কথায়ই বা আগার প্রয়োজন কি ?” এই কথা বলিয়া তুমি মৌন অবলম্বন করিলে পরে, পুনরায় সেই বৃদ্ধ তাপস বলিবেন যে, আমি পিপাসিত হইয়াছি, আমাকে শীঘ্র জল আনিয়া দেও । অনন্তর তুমি সেই কূপ হইতে জল আনয়ন করত তাঁহাকে পান করাইবে । সেই জল পান করিবা মাত্র সেই বৃদ্ধ তপোধন, পূর্ণচন্দ্রের স্থায় সৌন্দর্য্যলাভ করিয়া, তারুণ্য প্রাপ্ত হইবেন । সর্প যেমন ফণা উন্মুক্ত করত পুনরায় তারুণ্য লাভ করে, তদ্রূপ বৃদ্ধেরও তারুণ্যতা দর্শনে তুমি আশ্চর্য্যান্বিত হইয়া, তাঁহাকে জিজ্ঞাসা করিবে যে, “হে ভগবন্ ! ইহা কোন্ মহিমা, যাহাতে আপনি বার্কক্য পরিত্যাগ করিয়া এই ক্ষণেই পুনরায় তারুণ্য লাভ করিলেন ? হে তপোধন ! যদি আপনার অবকাশ থাকে, তবে অনুগ্রহ পূর্বক আমাকে ইহা বলুন” । ৪৯-৫৭ ।

তপোধন কহিলেন, হে রাজন্ বৃদ্ধকাল ! হে মহামতে ! আমি তোমাকে এবং তোমার এই পতিব্রতা সহধর্ম্মিণীকে বিশেষ রূপে জানি । তোমার এই সহধর্ম্মিণী এই জন্মের পূর্বজন্মে তুর্বহু নামক বেদজ্ঞ ব্রাহ্মণের কন্যা ছিলেন । তুর্বহু, মহাত্মা নৈঋতের সহিত ইহাঁর বিবাহ দিয়াছিলেন, কিন্তু মহাত্মা নৈঋত অপ্রাপ্ত ঘোবনাবস্থাতেই নিধন প্রাপ্ত হন । অনন্তর ইনি শুভাচারে বৈধব্য-ব্রতপালন করত অবন্তীপুরীতে যুত হন । সেই পুণ্যফলে ইনি এ জন্মে পাণ্ড্য নৃপতির কন্যা হইয়া জন্ম গ্রহণ করেন, এবং তুমি ইহাঁর পাণিগ্রহণ কর । ইনি সর্বদা পতিব্রতে রত এবং এখানে পর্য্যন্ত তোমার সহিত আগমন করিয়াছেন, ইহাতে ইনি পরম মুক্তিলাভ করিবেন । ৫৮-৬২ । হে নৃপ ! অযোধ্যা, অবন্তী, মথুরা, দ্বারবতী, কাশী কিম্বা মায়াপুরীতে যাহাদের মৃত্যু হয়, তাহারা অতিশয় পাতকী হইলেও, স্বর্গাদি ভোগ করত পুনরায় কাশীতে আগমন করিয়া মুক্তি লাভ করিয়া থাকে । ৬৩-৬৪ । হে নৃপ ! আমি তোমাকেও জানি, তুমি পূর্বজন্মে শিবশর্ম্মা নামে মাদুর ব্রাহ্মণ ছিলে, এবং মায়াপুরীতে দেহত্যাগ করিয়াছিলে ; সেই পুণ্যফলে বৈকুণ্ঠলোকে গমন করত নানাবিধ মনোহর ভোগনিচয় করিয়া, সেই পুণ্যের অবশিষ্ট ফলে নন্দিবর্দ্ধন নামক গ্রামে বৃদ্ধকাল নামে নৃপতি হইয়া জন্মগ্রহণ করিয়াছ । আর সেই পুণ্যেরই অবশিষ্ট ফলে এই কাশীক্ষেত্রে আগমন করিয়াছ এবং উৎকৃষ্ট মুক্তিলাভ করিবে । ৬৫-৬৭ । হে রাজেন্দ্র ! আরও একটি বিষয় শ্রবণ কর, তুমি যে বলিলে “এই প্রাসাদের কর্তা এবং কারয়িতা মহাদেবই” এ কথা যথার্থ । আপনার স্মৃত কখনই আত্মমুখে খ্যাপন করা উচিত নহে । “আমি করিয়াছি”

এই কথা বলিবামাত্র পুণ্যক্ষয় হয়, অতএব পুণ্য করিয়া তাহা গুপ্তধনের আয় গোপন করিয়া রাখা উচিত। কীর্ত্তন করিলে ভ্রম্মে যুতাহতি প্রদানের আয় তাহা ব্যর্থ হয়। ৬৮-৭০। হে অনঘ! তুমি নিশ্চয়ই বিশ্বনাথের প্রেরণায় এই প্রাসাদ নির্মাণ করাইয়া কৃতকৃত্য হইয়াছ, ইহা আমি জানিতেছি। ৭১। হে মহীপতে! তুমি এই লিঙ্গের নাম বুদ্ধকালেশ্বর বলিয়া জান, ইহা অনাদি সিদ্ধলিঙ্গ, তুমি ইহার নিমিত্ত কারণমাত্র। ৭২। এই বুদ্ধকালেশ্বর লিঙ্গের দর্শন, স্পর্শন, পূজা, নাম-শ্রবণ এবং ইহাকে প্রণাম করিলে অভিলষিত পদার্থ প্রাপ্ত হওয়া যায়। আর কালোদকনামে এই কুপ, জরা ও ব্যাধিসমূহ বিনাশ করিয়া থাকে। ইহার জল-পান করিলে সংসারে পুনরায় মাতৃহৃৎ পান করিতে হয় না। যে মানব এই কূপের জলে স্নান ও তাহার দ্বারা এই শিবলিঙ্গ পূজা করে, সে এক বৎসরে মনোভিলষিত সিদ্ধি প্রাপ্ত হইয়া থাকে। ৭৩-৭৫। এই জল পান ও স্পর্শ করিলে, কুষ্ঠ, বিস্ফোট, রংঘা, বিচর্চিকা, অগ্নিমান্দ্য, শূল, মেহ, গ্রহণী, মূত্রকৃচ্ছ্র, প্রভৃতি রোগ হয় না। যাহাদের ভৌতিক কিস্মা বিষমজ্বর হয়, তাহারা এই কূপের জল পান করিলে শীঘ্র আরোগ্য লাভ করে। ৭৬-৭৮। তোমার সম্মুখেই এই জল পান করিয়া, আমি ক্ষণমধ্যে জরা হইতে বিমুক্ত হইয়া নবীন দেহ লাভ করিলাম। ৭৯। বুদ্ধকালেশ্বর মহাদেবের সেবা করিলে, দরিদ্রতা, উপসর্গ, রোগ, পাপ কিস্মা পাপ-জনিত ফলভোগ করিতে হয় না। বারাণসীতে যাহারা সিদ্ধির অভিলাষ করিবে, তাহাদের যত্ন-সহকারে কৃষ্ণিবাসের উত্তরদিকে অবস্থিত বুদ্ধকালেশ্বর লিঙ্গ দর্শন করা কর্ত্তব্য। এই কথা বলিয়া সেই তপোধন তোমাকে ও অনঙ্গলেখাকে হস্তে ধারণকরত, সেই লিঙ্গমধ্যে অন্তর্হিত হইবেন। মহাকাল, মহাকাল, মহাকাল, এই নাম কীর্ত্তন করিলে, বহুবিধ পাপ হইতে মুক্ত হওয়া যায়, ইহাতে কোন সন্দেহ নাই। (গগনয় কহিলেন) তুমি বৈকুণ্ঠনগরে বিষু-দর্শনের অনন্তর বহুবিধ স্নান, ভোগ করিয়া পরে, এইরূপে মুক্তি লাভ করিবে। গগনয়ের মুখে শিবশর্ম্মা এই রূপ স্বীয় ভাবী বৃত্তান্ত শ্রবণে অতিশয় আনন্দিত হইলেন এবং সম্মুখে বৈকুণ্ঠলোক দর্শন করিলেন। ৮০-৮৫।

অগস্ত্য কহিলেন, হে লোপামুদ্রে! ব্রাহ্মণশ্রেষ্ঠ সেই শিবশর্ম্মা, মায়াপুরীতে প্রাণত্যাগজনিত পুণ্যফলে, বৈকুণ্ঠে মনোহর ভোগনিচয় ভোগ করিয়া, তথা হইতে নন্দিবর্দ্ধন নগরে জন্মগ্রহণ করত পৃথিবীর যাবতীয় স্নানভোগ করিয়া, স্নান পুত্র উৎপাদন করত, তাহাদের হস্তে রাজ্যভার অর্পণপূর্ব্বক বারাণসীতে আগমন করিয়া, বিশ্বেশ্বরের আরাধনায় নির্বাণপদ লাভ করিয়াছেন। ৮৬-৮৮। বিপ্রবর শিবশর্ম্মার

এই পবিত্র আখ্যান শ্রবণ করিলে, মানব পাপ হইতে নিৰ্ম্মুক্ত হইয়া পরম জ্ঞান-লাভ করিয়া থাকে । ৮৯ ।

## পঞ্চবিংশ অধ্যায় ।

—:~:—

### স্কন্দ ও অগস্ত্যের দর্শন ।

বেদব্যাস কহিলেন, হে সূত ! শ্রবণ কর, আমি অগস্ত্যের বৃত্তান্ত বলিতেছি ; যাহা শ্রবণ করিলে, মানব পাপ হইতে নিৰ্ম্মুক্ত হইয়া জ্ঞানভাজন হইতে পারে । ১ । অগস্ত্য পত্নীর সহিত ত্রীপর্বতকে প্রদক্ষিণ করিয়া, অতি রমণীয় ও বিস্তৃত স্কন্দ-বন দেখিতে পাইলেন । সেই বন, সমস্ত ঋতুর কুসুমসমূহ এবং নানাবিধ ফলশালী পাদপসমূহে পরিপূর্ণ । বহুতর কন্দমূল ও উত্তম বহুলবিশিষ্ট মহীৰুহগণ-কর্তৃক সেই বনভূমি পরিপূর্ণ । তথায় ব্যাস প্রভৃতি হিংস্র জন্তুগণ নাই, সেই বন ভূমি, নদী ও পল্লীসমূহে আবৃত । স্বচ্ছজলসম্পন্ন গভীর জলাশয়সমূহ তাহার শোভা সম্পাদন করিতেছে, বোধ হয় যেন, এই ভূমিই সমস্ত পৃথিবীর সারভূত । সেই বনमध्ये বহুতর পক্ষী কলরব করিতেছে ও বহু মুনিজন তথায় বাস করিয়া আছেন, দেখিয়াই বোধ হয় যেন, ইহা তপস্তার সঙ্কেতস্থান ও সম্পদের আলায় । ২-৫ । তথায় সুমেরুর আয় প্রভাশালী লোহিত নামে এক পর্বত আছে, সেই পর্বতে সুন্দর গুহা, প্রস্রবণ, শিখরনিচয় শোভা পাইতেছে । নানা প্রকার আশ্চর্য্য পদার্থ-বিশিষ্ট কৈলাস পর্বতের একটি খণ্ড যেন, তপস্তা করিবার জন্ত এই বনमध्ये সমাগত হইয়া, লোহিত পর্বতরূপে বিরাজিত রহিয়াছে । ৬-৭ । মহাতপা মুনি-শ্রেষ্ঠ অগস্ত্য তথায় সাক্ষাৎ ষড়াননকে দর্শন করিয়া, লোপামুদ্রার সহিত ভূমিতে দণ্ডবদভাবে প্রণাম করত, করষোড়ে ঐতু্যুক্ত সূক্তনিচয় ও নিজকৃত স্তুতির দ্বারা পার্বতীনন্দনকে স্তব করিতে লাগিলেন । ৮-৯ ।

অগস্ত্য কহিলেন, হে দেববৃন্দবন্দ্য ! আপনার চরণকমলে নমস্কার করি । সুধার আকরস্বরূপ আপনাকে নমস্কার, ষড়াননরূপধারী আপনাকে নমস্কার, আপনিই ব্রহ্মানন্দ সমুদ্ভবের কারণ, আপনি প্রণত ব্যক্তিগণের পীড়া হরণ করিয়া থাকেন, আপনিই সমস্ত মনোরথ প্রদান করিয়া থাকেন । যাহারা পরকে

প্রভারণা করে, আপনিই তাহাদের মনোরথসমূহ খণ্ডন করিয়া থাকেন, আপনিই প্রবল-পরাক্রান্ত তারকাস্বরকে বধ করিয়াছেন, আপনিই মূর্ত ও অমূর্তস্বরূপ, আপনি সহস্রমূর্তি, আপনিই গুণ ও গুণ্যস্বরূপ, আপনিই পরাংপর, আপনি অপার পার, আপনিই পরাপর এবং আপনিই শিখিবাহন, আমি আপনাকে নমস্কার করি। আপনিই ব্রহ্মবিদগণের শ্রেষ্ঠ, আপনিই দিগম্বর, আপনিই অম্বরসংস্থিত, আপনি হিরণ্যবর্ণ, আপনি হিরণ্যবাহু, আপনি হিরণ্য এবং আপনিই হিরণ্যরেতা, আপনি তপঃস্বরূপ, আপনিই তপোধন এবং আপনি তপস্তার ফল প্রদান করিয়া থাকেন, আপনি সর্বদাই কুমাররূপ, আপনি কামজ্যেতা, আপনিই সমস্ত ঐশ্বর্যকে তৃণবোধ করিয়া বৈরাগ্যসম্পন্ন হইয়াছেন, আপনি শরজন্মা, হে বিভো ! আপনার দস্তপংক্তি প্রভাতকালীন সূর্য্যের আয় অরুণবর্ণ, আপনিই বালস্বরূপ, আপনার পরাক্রম অপরিমিত, আপনিই বায়ুতুর এবং আপনি অনাতুর, হে প্রভো ! সকাম ব্যক্তিগণের তপস্তার ফলপ্রদান কর্তীগণের মধ্যে আপনিই শ্রেষ্ঠ, আপনিই গণপতি ও আপনিই গণস্বরূপ, আপনি জন্ম ও জরা প্রভৃতি হইতে বিমুক্ত, আপনিই বিশাখ, আপনিই শক্তিহস্ত, আপনি সকলের নাথ মহাদেবের কুমার, আপনিই ক্রৌঞ্চারি, আপনিই তারকাস্বরনাশক, হে স্বাহেয় ! হে গাঙ্গেয় ! হে কার্তিকেয় ! হে শৈবেয় ! আপনাকে বারম্বার নমস্কার। এইরূপে স্তব করিয়া, অগস্ত্যমুনি দুই তিনবার প্রদক্ষিণ করিলে, কার্তিকেয় তাঁহাকে সম্মুখে উপবেশন করিতে বলিলেন, তখন মুনিশ্রেষ্ঠ অগস্ত্য পত্নীর সহিত উপবেশন করিলেন। ১০—১৮।

কার্তিকেয় কহিলেন, হে দেবগণের সাহায্যকারী মুনিবর অগস্ত্য ! তোমার কুশল ত ? তুমি এখানে আগমন করিয়াছ, ইহা এবং বিদ্যাপর্ব্বতের উন্নতির বিষয় আমি অবগত আছি। যে ক্ষেত্রে মরণকালে মহাদেব জীবগণকে মুক্তি প্রদান করিয়া থাকেন, ত্রিলোচন কর্তৃক পরিরক্ষিত সেই মহাক্ষেত্র কাশীতে সমস্ত মঙ্গল ত ? হে মুনে ! ভূলোক, ভুবলোক, স্বলোক, পাতাল কিম্বা কোন উর্দ্ধলোকে আমি আর তাদৃশ ক্ষেত্র দর্শন করি নাই। আমি এই একস্থানে অবস্থান করত, সেই ক্ষেত্রপ্রাপ্তির জন্য বহুতর তপস্তা করিতেছি, কিন্তু হে মুনে ! অতাপি আমার মনোরথ সফল হইল না। বহুতর পুণ্য, দান, তপস্যা, জপ এবং বহুবিধ যজ্ঞের দ্বারাও সে ক্ষেত্র লাভ করা যায় না, একমাত্র মহাদেবের অনুগ্রহেই তাহা লাভ হয়। ১৯-২৩। হে মুনে ! ঈশ্বরের অনুগ্রহাধীনই সেই দুর্লভ কাশীবাস সুলভ হইয়া থাকে, কোটি কোটি পুণ্যের দ্বারাও তাহা সুলভ



নহে। ২৪। কাশী বিধাতার সৃষ্টি হইতে অতিরিক্ত, যেহেতু, স্বয়ং ঈশ্বরও সেই ক্ষেত্রের গুণবর্ণনা করিতে অসমর্থ। অহো! বুদ্ধির কি দুর্বলতা! অহো! কি অভাগ্য, অহো! মোহের কি মাহাত্ম্য যে, লোকে সেই কাশীর সেবা করে না। শরীর প্রতিক্ষণই জীর্ণ হইতেছে, তাহার সহিত ইন্দ্রিয়গণও প্রতিক্ষণ জীর্ণ হইয়া আসিতেছে, এবং ব্যাধ যেমন মৃগকে লক্ষ্য করিয়া থাকে, তদ্রূপ মৃত্যু প্রতিক্ষণই আয়ুর প্রতি লক্ষ্য করিয়া রহিয়াছে। অতএব সম্পদসমূহও বিপদসঙ্কুল শরীরকে অনিত্য এবং আয়ুকে চপলার ন্যায় চঞ্চল জানিয়া কাশীকে আশ্রয় করিবে। ২৫-২৮। যে পর্য্যন্ত আয়ুর শেষ না হয়, সে পর্য্যন্ত কাশী পরিত্যাগ করিবে না। কাল, এককলাও গণন করিতে বিস্মৃত হয় না। জরাকাল উপস্থিত হইলে, ব্যাধিসমূহ অতিশয় পীড়া প্রদান করিয়া থাকে, তখনও দেহের নানা প্রকার ব্যাপারে জীবগণ প্রবৃত্ত হয় কিন্তু তথাপি কাশীর অভিলাষ করে না। ২৯-৩০। অর্থ ব্যতিরেকেও তীর্থস্থান, জপ ও পরোপকারজনক বাক্যের দ্বারা ধর্ম অর্জিত হইয়া থাকে এবং অর্থার্জননের উপায় না করিলেও ধর্ম হইতে আপনিই অর্থ অর্জিত হয়, তাহাতে সন্দেহ নাই, অতএব অর্থচিন্তা পরিত্যাগপূর্বক কেবল ধর্মই অর্জন করা উচিত। ৩১-৩২। ধর্ম হইতে অর্থ, অর্থ হইতে কাম এবং কাম হইতে সর্ব-প্রকার সুখের উদয় হইয়া থাকে, ধর্মেতে স্বর্গও স্থলভ হয়, কিন্তু এক কাশীই দুর্লভ। ৩৩। বিশেষর সমস্ত শাস্ত্রার্থ নিশ্চয় করিয়া, সাধনত্রয়কেই নির্বাণের কারণ বলিয়া উল্লেখ করিয়াছেন। ৩৪। তন্মধ্যে প্রথমসাধন পাশুপত-যোগ, দ্বিতীয় প্রয়াগ, তৃতীয় অনায়াস-মুক্তিপ্রদ-অবিমুক্তক্ষেত্র। ৩৫। আর ত্রিশৈল, হিমশৈল প্রভৃতি পর্বতগণ, পুরুষোত্তমক্ষেত্র প্রভৃতি নানা দেবস্থান, ত্রিদণ্ডধারণ, সর্বকর্ষসন্ন্যাস, নানা প্রকার তপস্যা ও ব্রত, যম, নিয়ম, সাগরসঙ্গম, বহুতর পুণ্যারণ্য, মানস ও ভৌমতীর্থসমূহ, ধারাতীর্থ, রেণুকা প্রভৃতি স্থান, নানা পীঠস্থান, বেদাধ্যয়ন, মন্ত্রসমূহের জপ, অগ্নিতে হবন, বহুবিধ দান, নানা যজ্ঞ, দেবোপাসনা, ত্রিরাত্র, পঞ্চরাত্র, সাধ্যাযোগ প্রভৃতি তত্ত্বসেবা, এ সমস্তও মুক্তির কারণ এবং বিষ্ণুর আরাধনাও মুক্তির প্রতি শ্রেষ্ঠ কারণ, আর সপ্তবিধপুরীও মুক্তির প্রতি কারণ, তাহাতে কোন সন্দেহ নাই। ৩৬-৪১। কিন্তু এ সমস্তই কাশীপ্রাপ্তির উপায়, জন্তুগণ কাশীপ্রাপ্ত হইয়াই মুক্তিলাভ করিয়া থাকে, অশ্ব কুত্রাপিও তাহারা মুক্ত হয় না, এই জন্তই সেই কাশীক্ষেত্র অতিশয় পবিত্র। এবং সমস্ত ব্রহ্মাণ্ডের ভিতর সেই ক্ষেত্রই বিশেষরের সর্ববদা প্রিয়, এই জন্তই আমি সেই ক্ষেত্রের কুশল জিজ্ঞাসা করিতেছি। হে সুব্রত! এস, তুমি আমাকে


তোমার দেহস্পর্শ প্রদান কর। আমি এখানে আসিয়া, কাশী হইতে সমাগত বায়ুর ও স্পর্শ অভিলାষ করিয়া থাকি, তুমি ত সেই স্থান হইতে আগমন করিতেছ। যাহারা নিয়তেন্দ্রিয় হইয়া, ত্রিরাত্রও কাশীতে বাস করে, তাহাদেরও চরণরেণু স্পর্শ করিলে পবিত্র হওয়া যায়। তুমি ত সেখানে বাস করিয়াছিলে, তথায় বসিয়া বহুতরপুণ্য অর্জন করিয়াছ, উত্তরবাহিনী গঙ্গারজলে স্নাননিবন্ধন তোমার জটাসমূহ পিঙ্গলবর্ণ হইয়াছে, সেই কাশীক্ষেত্রে তোমার প্রতিষ্ঠিত অগস্ত্যেশ্বরের নিকট যে কুণ্ড আছে, তাহার জল পান করিয়াও তাহাতে স্নান করত, উদক-ক্রিয়া করিয়া, শ্রদ্ধা-পূর্বক শ্রাদ্ধবিধানে পিতৃগণের পিণ্ড প্রদান করিলে, জীব কৃতকৃত্য হয় এবং বারাণসীর ফললাভ করে। কার্ত্তিকেয় এই কথা বলিয়া, অগস্ত্যের সমস্ত গাত্র স্পর্শ করত, অমৃত সরোবরে স্নানের শ্রায় সুখ লাভ করিলেন এবং “জয় বিশেষ” এই কথা বলিয়া নেত্রদ্বয় মুদ্রিত করিয়া কিছুক্ষণ স্থাপুর শ্রায় নিশ্চলভাবে চিন্তা করিতে লাগিলেন। ৪২-৫১। অনন্তর স্কন্দ, ধ্যান পরিত্যাগ করত নিম্নলি মনে প্রসন্নবদনে অবস্থিত হইলে, অগস্ত্য মুনি তাঁহাকে জিজ্ঞাসা করিলেন। ৫২।

অগস্ত্য কহিলেন, হে ভগবন্ ষড়ানন! পুরাকালে মহাদেব পার্বতীর নিকট বারাণসীর মে মহিমা কীৰ্ত্তন করিয়াছিলেন, আপনি মাতার ক্রোড়ে থাকিয়া সে সমস্ত যেরূপ শ্রবণ করিয়াছেন, সে সমুদয় আমার নিকট কীৰ্ত্তন করুন, কারণ সেই বারাণসী আমার অতিশয় রুচিকর। ৫৩-৫৪

স্কন্দ কহিলেন, হে মৈত্রাবরুণে! পুরাকালে আমার মাতার নিকট অবিমুক্ত-ক্ষেত্রে সম্বন্ধে ভগবান্ যাহা বলিয়াছিলেন এবং মাতার ক্রোড়ে অবস্থান করত, আমি স্থিরচিত্তে যে সমস্ত শ্রবণ করিয়াছিলাম, কাশীর সেই সকল মহাত্ম্য আমি বলিতেছি, শ্রবণ কর। অবিমুক্তক্ষেত্রে গুহ্য হইতে গুহ্যতর, তথায় সর্ববদা সিদ্ধি এবং স্বয়ং মহেশ্বর অবস্থান করেন। সেই ক্ষেত্রে ভুলোকে সম্বন্ধ নহে, তাহা অস্তুরীক্ষেই অবস্থিত, অযোগিগণ তাহা দেখিতে পান না কিন্তু যোগিগণ তাহা দর্শন করিয়া থাকেন। হে বিপ্র! যে ব্যক্তি তথায় বাস করে, সে ত্রিকালীন ভোজন করিলেও; বায়ুভোজীর তুল্য হয়। যে ব্যক্তি এক নিমেষ পরিমিতকাল ব্যাপিয়াও সেই অবিমুক্ত ক্ষেত্রে ভক্তিমান্ হয়, সে ব্যক্তি মহৎ তপস্কার ফল লাভ করে। ৫৫-৬০। যে ব্যক্তি জিতেন্দ্রিয় হইয়া লঘু আহার করত, একমাস কাল সেই ক্ষেত্রে বাস করে, তাহার সমস্ত ব্রতানুষ্ঠানের ফললাভ হইয়া থাকে। যে ব্যক্তি ক্রোধ ও ইন্দ্রিয়গণকে জয় করিয়া, পরধনে স্বীয় দেহ পুষ্টি না করিয়া; পরায় পরিত্যাগ করত, পরাপবাদ রহিত ও কিঞ্চিদানপরায়ণ হইয়া সম্বৎসরকাল

তথায় বাস করে, অমৃত স্থানে সহস্র বৎসর ব্যাপিয়া মহাতপস্তা করিলে যে ফল হয়, তাহার সেই ফল লাভ হইয়া থাকে । ৬১-৬৩ । যে ব্যক্তি সেই ক্ষেত্রের মাহাত্ম্য অবগত হইয়া, জরা ও মৃত্যুভয় পরিত্যাগ করত যাবজ্জীবন তথায় বাস করে, সে ব্যক্তি উৎকৃষ্ট গতি লাভ করিয়া থাকে । অমৃত যোগবলে শতজন্মেও যে গতি লাভ করা যায় না, কাশীতে মহাদেবের কৃপায় অনায়াসে সেই গতি প্রাপ্ত হওয়া যায় । ব্রহ্মহত্যাকারীও যদি দৈবাৎ বারাণসীতে গমন করে, তাহা হইলে সেই ক্ষেত্রের মাহাত্ম্যবলে তাহার ব্রহ্মহত্যাজনিত পাপ নিবৃত্তি পায় । ৬৪-৬৬ । এবং সে ব্যক্তি যদি যাবজ্জীবন তথায় বাস করে, তাহা হইলে তাহার ব্রহ্মহত্যার ত কথাই নাই, প্রকৃতিও নিবৃত্ত হইয়া থাকে । যে ব্যক্তি অনন্তচেতা হইয়া, সেই ক্ষেত্র পরিত্যাগ না করে ; সে ব্যক্তি জরা, মৃত্যু এবং দুঃসহ গর্ভবাস পরিত্যাগ করে । বুদ্ধিমান মানব যদি জগতে পুনর্ব্বার আসিতে ইচ্ছা না করে, তবে সে দেবর্ষিগণনিষেবিত-অবিমুক্তক্ষেত্রের সেবা করিবে । ৬৭-৬৯ । এবং কখনও সংসার-ভয়মোচন-অবিমুক্তক্ষেত্র পরিত্যাগ করিবে না, কারণ দেবদেব বিশ্বনাথকে প্রাপ্ত হইয়া সে ব্যক্তির আর জন্মগ্রহণ করিতে হয় না । কাশীতে সহস্র পাপ করিয়া, রুদ্রপিণ্ড হইয়া থাকাও ভাল, কিন্তু শতযজ্ঞের দ্বারা প্রাপ্য স্বর্গও কিছুই নহে । অন্তিমকালে মানবগণ যখন বাত দ্বারা মর্শ্মে ব্যথা পাইতে থাকে, তখন তাহাদের স্মৃতি বিলুপ্ত হইয়া আসে, কিন্তু অবিমুক্তক্ষেত্রে জীবন পরিত্যাগ কালে স্বয়ং বিশ্বেশ্বর তাহাদের কর্ণে তারকমন্ত্র উপদেশ দেন, তাহাতে তাহারা ব্রহ্মময়তা লাভ করিয়া থাকে । এই সমস্ত জাগতিক পদার্থ অনিত্য এবং পাপময় জানিয়া, মানব সংসারভয়নাশন-অবিমুক্তক্ষেত্র আশ্রয় করিবে । যে ব্যক্তি নানা প্রকার বিঘ্নের দ্বারা ব্যথিত হইয়াও কাশী পরিত্যাগ না করে, সে ব্যক্তি নৈঃশ্রেয়সী মুক্তিসম্পদ লাভ করত, দুঃখের অন্ত প্রাপ্ত হইয়া থাকে । ৭০-৭৫ । যে কাশী পাপসমূহকে বিনষ্ট করেন, যিনি পুণ্যরাশি প্রদান করেন, এবং যিনি ভোগ ও মোক্ষ প্রদান করিয়া থাকেন, কোন্ বিজ্ঞব্যক্তি অন্তিমকালে সেই কাশীকে আশ্রয় না করিয়া থাকেন ? মেধাবী মানব এই সমস্ত জানিয়া কখনই অবিমুক্তক্ষেত্র পরিত্যাগ করিবে না, কারণ অবিমুক্তের প্রসাদে মুক্তি পাওয়া যায় । আমি ছয়টি মুখের দ্বারা অবিমুক্তক্ষেত্রের মাহাত্ম্য কি প্রকারে বর্ণন করিব, সহস্রবদনও কাশীর মহিমা বর্ণন করিতে সমর্থ হন না । ৭৬-৭৮ ।

## ষড়্বিংশ অধ্যায় ।



## মণিকর্ণিকাখ্যান-কথন ।

অগস্ত্য কহিলেন, হে ভগবন্ স্কন্দ ! আমার প্রতি আপনার যদি বিশেষ প্রগমতা হইয়া থাকে, তাহা হইলে আমার হৃদয়ে যে বিষয়টি বহুদিন হইতে অজ্ঞাত রহিয়াছে ; আপনি তাহা কীৰ্ত্তন করুন । ১ । হে ভগবন্ ! এই অবিমুক্তক্ষেত্র ভূমণ্ডলে কোন্ সময় হইতে প্রকৃষ্টরূপে বিখ্যাত হইয়াছে, এই অবিমুক্তক্ষেত্র কি কারণে বা মোক্ষপ্রদ হইয়াছে । ২ । এই কাশীপুরীতে মণিকর্ণিকাই বা কি নিমিত্ত সকল সংসার-মধ্যে পূজনীয়া, হে প্রভো ! যখন অমরনদী-গঙ্গা ভূমণ্ডলে আগমন করেন নাই, তখনই বা মণিকর্ণিকাতে কি ছিল ? ৩ । সেই অবিমুক্তক্ষেত্র কি কারণেই বা “বারাণসী” “কাশী” ও “রুদ্রানাস” এই সকল নাম প্রাপ্ত হইয়াছে ? ৪ । হে প্রভো ! শিখিবজ্জ ! অবিমুক্তক্ষেত্র কি কারণেই বা “মহাশ্মশান” বলিয়া বিখ্যাত, এই সকল বিষয় শুনিলার জন্ত আমার বহুকাল হইতে অভিলাষ রহিয়াছে, হে প্রভো ! আমার সন্দেহ দূর করুন । ৫ ।

স্কন্দ কহিলেন, হে কুম্ভযোনে ! তুমি যে সমস্ত অতুলনীয় প্রশংসামূহ করিয়াছ, পূর্বকালে কোন দিবস জননী অম্বিকা পিতা মহাদেবের নিকট এই সকল কথাই জিজ্ঞাসা করিয়াছিলেন, তদনন্তর সর্বজ্ঞ দেবদেব মহাদেব, জগন্মাতা অম্বিকার নিকট যে সকল প্রত্যুত্তর প্রদান করেন, তৎকালে আমি সেই সকল বিষয় শ্রবণ করিয়াছিলাম, এইক্ষণে তোমার নিকট সেই সকল যথাশ্রুত-বিষয় কীৰ্ত্তন করিতেছি, তুমি অবধানপর হও । ৬—৭ ।

মহাপ্রলয়কালে সর্বপ্রকার স্বাবর ও জঙ্গমপদার্থ নষ্ট হইলে পর, ঘন অন্ধকার সর্বব্যাপকভাবে অবস্থিত ছিল । সেই সময় গগনে সূর্য্য, চন্দ্র ও অগ্ন্যাগ্ন গ্রহ এবং তারকারাজি কিছুই বিद्यমান ছিল না । অহোরাত্র, অগ্নি ও ভূতল প্রভৃতির কোন পদার্থই তৎকালে বর্তমান ছিল না । সেই সময় প্রধান ( প্রকৃতি ) ব্যক্ত-ভাব পরিহার করিয়াছিল, এমন কি সেইকালে গগন পর্য্যন্তের অব্যক্তপ্রকৃতিতে লয় হইয়াছিল । কেবলমাত্র আত্মস্বরূপ জ্যোতিই সেইকালে দেদীপ্যমান ছিল । সেই মহাপ্রলয়কালে পরমাত্মপ্রতিবিশ্বাশ্রয় বুদ্ধিতত্ত্বের প্রকৃতিতে বিলয়প্রযুক্ত দ্রষ্টৃ, শ্রোতৃ প্রভৃতি জগদ্বর্ণসমূহ বিद्यমান ছিল না । শব্দ, স্পর্শ, রূপ, রস

ও গন্ধ এই পঞ্চগুণেরও সত্তা সেইকালে বিলুপ্ত ছিল, দিক্‌সমূহও সেইকালে অব্যক্তভাবে ধারণ করিয়াছিল। ৮—১০ ।

এই প্রকারে সকল পদার্থই নিরন্তর গভীর অন্ধকারময় হওয়ার পর, বেদসমূহে যাঁহার অদ্বিতীয়স্বরূপ প্রতিপাদিত হইয়াছে, যিনি মনের গোচর নহেন, বাক্যও যাঁহার পরিচয় প্রদান করিতে অসমর্থ, যাঁহার নাম বা রূপ নাই, যিনি স্থূল বা কৃশ নহেন, যাঁহার হ্রস্বতা বা দীর্ঘতা নাই, লঘুত্ব বা গুরুত্ব গুণ যাঁহাতে নাই, যিনি সর্বকালেই বুদ্ধি ও ক্ষয়বিবৰ্জিত, বেদও, পুনঃপুনঃ চকিতের ন্যায় যাঁহার স্বরূপ প্রকাশ করিয়া থাকে, যিনি সাক্ষাৎ সত্য, জ্ঞান ও অনন্তস্বরূপ, যাঁহার জ্যোতিঃ পরম আনন্দময়, যিনি অপ্রমেয়, যাঁহার কোন আধার নাই, যিনি বিকাররহিত ও নিরাকার, যিনি নিগুণ, যোগীগণই যাঁহাকে জানিতে পারে। যিনি সর্বব্যাপী, একমাত্র কারণস্বরূপ এবং নির্বিকল্প, যাঁহার কোন প্রকার আরম্ভ নাই, যিনি মায়ারহিত সূতরাং সর্বপ্রকার উপদ্রবশূণ্য। মায়াবশে সমুদিত যে ভগবান, নানা প্রকার পার্থিব নামাদি দ্বারা বিকল্পিত হইয়া থাকেন। সেই অপ্রমেয়স্বরূপ অদ্বিতীয় জ্ঞানময় পরমব্রহ্মের, দ্বিতীয় ইচ্ছাশক্তি উৎপন্ন হইল। অনন্তর সর্বপ্রকার মূর্তি-বিরহিত সেই সনাতন ব্রহ্ম, নিজ লীলাপ্রভাবেই স্বকীয় একটী দ্বিতীয় মূর্তি কল্পনা করিলেন। ১১-১৭ ।

সেই দ্বিতীয়মূর্তি, সর্বপ্রকার ঐশ্বর্য্যগুণেযুক্ত, তাহাতে সর্ববিষয়ক জ্ঞান বিরাজমান, সেই মূর্তি সর্বগামিনী, সর্বস্বরূপা, সর্বদর্শনকারিণী ও সর্বনির্মাণ-কর্ত্তা। ১৮ । সেই মূর্তি সর্বজীবগণেরই বন্দনীয় এবং নিখিল পদার্থকে সংস্কৃত করিয়া থাকেন। এই শুদ্ধস্বরূপা ঐশ্বরীমূর্তি নির্মাণ করিয়া, সেই সর্বগত অব্যয় পরমব্রহ্ম অন্তর্ধান করিলেন। ১৯ । হে পার্শ্বতি ! আমিই সেই অমূর্ত্ত পরমব্রহ্মের দ্বিতীয় ঐশ্বর-মূর্ত্তি। হে শিবে ! আমাকেই পণ্ডিতগণ নরীন ও প্রাচীন ব্রহ্ম বলিয়া কীৰ্ত্তন করিয়া থাকেন। অনন্তর অদ্বিতীয়স্বরূপ আমি, বিহার করিবার অভিলাষে নিজের শরীর হইতে সীম শরীরের অব্যাঘাতে প্রকৃতিকে সৃজন করিলাম। ২০-২২ । পণ্ডিতগণ, সেই প্রকৃতিকে “প্রধান, মায়ী, গুণবতী, পরা, বুদ্ধিত্বের জননী ও বিকারবজ্জিতা” এই সকল নামে নির্দেশ করিয়া থাকেন। ২৩ । কালস্বরূপী আদিপুরুষ আমি সেই শক্তির সমকালেই সেই পবিত্র অবিমুক্ত-ক্ষেত্র নির্মাণ করিয়াছি। ২৪ ।

স্বন্দ্র কহিলেন, হে অগস্ত্য ! মহাদেবকথিতা সেই শক্তিকে প্রকৃতি বলা যায় ও সেই আদিপুরুষই পরম ঐশ্বর। হে কুম্ভযোনে ! সেই প্রকৃতি ও পুরুষ,

পরমাম্বদগুরুপ সেই কাশীক্ষেত্রে নিজ লীলায় বিচরণ কবিয়া থাকেন । হে মুনে ! এই পঞ্চকোশ পরিমাণ কাশীক্ষেত্র সেই প্রকৃতি ও পুরুষের পাদতল হইতে নির্মিত, প্রলয়কালেও সেই পুরীকে তাঁগরা পরিত্যাগ করেন না, এই কারণে তাহার “অবিমুক্ত” এই নাম হইয়াছে । ২৫-২৭ । যে সময় ভূমণ্ডল ছিল না এবং যখন জল পর্য্যাপ্ত ও উৎপন্ন হয় নাই, সেই সময় ভগবান্ নিজের বিহারাভিলাষে সেই পবিত্রক্ষেত্র নিৰ্ম্মাণ করিয়াছেন, সেই কাল হইতে এই ক্ষেত্র “অবিমুক্ত” নামে অভিহিত হইয়াছে । হে কুন্তযোনে ! এই পরম পবিত্র অবিমুক্তক্ষেত্র-রহস্য কোন ব্যক্তি অজ্ঞাবধি জানেন না । হে বিপ্র ! চর্য্যচক্ষুঃ ( অর্থাৎ প্রত্যক্ষবাদী ) নাস্তিকের নিকট এই রহস্য প্রকাশ করা উচিত নহে । শ্রদ্ধালু, বিনীত, ত্রিকাল-জ্ঞানচক্ষুঃ, শাস্ত্র, শিবভক্ত ব্যক্তির নিকট এই রহস্য প্রকাশ করা উচিত, অবিমুক্তক্ষেত্র মহাদেব ও পার্শ্বতীর পরম-সুখাস্পদ রমণীয় পর্য্যাক্ষস্বরূপ । ২৮-৩১ । যে সকল মুঢ়গণ, মহাদেব ও পার্শ্বতীর অভাবকেও কল্পনা করিয়া থাকে, তাহারা এই নিৰ্ব্বাণ-কারণ পবিত্রক্ষেত্রের বিনাশ কল্পনা করিয়া থাকে । ৩২ । বিশ্বনাথ-মহেশ্বরের অৰ্চনা না করিয়া এবং মোক্ষভূমি কাশীতে গমন না করিয়া, যোগাদি অনেক উপায়জ্ঞ ব্যক্তিও নিৰ্ব্বাণ লাভ করিতে সমর্থ হন না । ৩৩ । এই ক্ষেত্র আনন্দদায়ী বলিয়াই পুরাকালে পুবারি ইহার নাম “আনন্দকানন” রাখিয়া, অনন্তর অবিমুক্ত এই নাম রাখিয়াছেন । ৩৪ । সেই আনন্দকানন কাশীক্ষেত্রে ইত্যন্ততঃ যে সকল শিবলিঙ্গ দৃষ্ট হইয়া থাকে, সে সকলই আনন্দকানন ক্ষেত্রে আনন্দময়-কন্দবীজ সমূহের অক্ষুরস্বরূপ, ইহা জানিবে । ৩৫ । হে কুন্তযোনে ! কাশীপুরী এই প্রকারে অবিমুক্ত নামে বিখ্যাত হইয়াছে । হে মুনে ! সম্প্রতি গণিকর্ণিকা যে প্রকারে উৎপন্ন হইয়াছে, তাহা কীৰ্ত্তন করিতেছি, তুমি শ্রবণ কর । ৩৬ ।

হে কলশোদ্ভব ! পুরাকালে সেই অবিমুক্তক্ষেত্রে বিহারকারী ভগবান্ মহেশ্বর ও ভগবতী মহামায়ার এই ইচ্ছা উৎপন্ন হইল যে, “অপর একজন পুরুষ সৃজন করা কৰ্ত্তব্য, কারণ সেই সৃষ্টপুরুষের উপর সমস্ত সংসারের ভার নিক্ষেপ করিয়া, আমরা স্বচ্ছন্দভাবে বিহার করিতে সমর্থ হইব, এবং কেবল এই কাশীক্ষেত্রে পরিত্যক্তপ্রাণ জীবসমূহের নিৰ্ব্বাণপদ প্রদান করিতে থাকিব । ৩৭-৩৮ । এমন এক পুরুষকে সৃজন করা যাক্, যিনি সকল সৃজন করিতে পারিবেন এবং তাহা পালন করিতেও সক্ষম হইবেন । সেই সর্বৈশ্বর্য্যসম্পন্ন এক পুরুষ সকল জীব হইতে শ্রেষ্ঠ এবং অণুকালে কাহারও সাহায্য ব্যতিরেকে সংহার করিতে সক্ষম হইবেন । ৩৯ । সেই সৃষ্টপুরুষের প্রসাদে আমরা ভ্রমোণ-

রূপ কুন্তীরাদিতে পরিপূর্ণ, রজোগুণরূপ বিক্রম-লতায় ব্যাপ্ত এবং সহগুণরূপ রত্নময় ও চিত্তারূপ প্রচণ্ড তরঙ্গমালায় আন্দোলিত চিত্তস্বরূপ-সমুদ্রকে স্থস্থির করিয়া, এই আনন্দকাননে পরমস্থখে অবস্থান করিতে পারিব। বিক্ষিপ্তচেতা, চিন্তাতুর ব্যক্তির স্থখ হইবার সম্ভাবনা কি ?” ৪০-৪১। জগজ্জননী সর্ব-চৈতন্যরূপিনী মহামায়ার সহিত জগৎপিতা পরমেশ্বর ধূর্জট এই প্রকার পরামর্শ করিয়া, স্বকীয় বাম অঙ্গের উপর সুধামোচনকারিণী দৃষ্টি নিক্ষেপ করিলেন। তখন সেই অঙ্গ হইতে পরমশাস্তাকৃতি এক ত্রৈলোক্যসুন্দর পুরুষ উৎপন্ন হইলেন। ৪২-৪৩। সেই সহগুণাতিশয়শালী পুরুষ অতিশয় শাস্তমূর্ধি, তাঁহার গাঙ্গীর্য্যো সমুদ্র পর্য্যন্তও পরাজিত। হে মনে! সেই পুরুষ অতিশয় ক্ষমাশীল, এ সংসারে কাহারও সহিত তাঁহার তুলনা দিতে পারা যায় না। ৪৪। সেই পুরুষের কান্তি ইন্দ্রনীলমণির আয় নীলবর্ণ, তিনি অতি শ্রীমান্, তাঁহার নেত্র পুণ্ডরীকের আয় উভয় ও মনোহর এবং তাঁহার পরিধেয় বস্ত্রদ্বয় সুবর্ণের আয় মনোহর উজ্জ্বল পীতবর্ণ। ৪৫। সেই পুরুষের বাহুদ্বয় অতি বিশাল, প্রচণ্ড ও প্রকাশশীল। তাঁহার নাভিরূপ হৃদমধ্যে একটি পরম সুগন্ধময় ও বিকসিত অরবিন্দ বিরাজমান ছিল। ৪৬। তিনি নিখিল-গুণের একমাত্র আভাসস্থল ও সকল কলার একমাত্র নিধিস্বরূপ। সেই পুরুষ অদ্বিতীয় এবং সকল বস্তু হইতে পরম উৎকৃষ্ট, এই কারণে তিনি একমাত্র পুরুষোত্তমদের অভিধেয়। ৪৭।

তদন্তে মহামহিম-বিভূষিত সেই মহাপুরুষকে বিলোকন করিয়া, ভগবন্ মহাদেব কহিলেন যে, হে অচ্যুত! তুমি মহাবিশু হও। ৪৮। বেদচতুর্ক্য তোমার নিঃশ্বাস হইতে আবির্ভূত হইবে, সেই সকল বেদ হইতেই তুমি সকল বিষয় জানিতে পারিবে। হে মহাবিশ্বো! বেদপ্রদর্শিত পথ অবলম্বন করিয়া, তুমি যথোচিত বিধান করিও। ৪৯। সেই বুদ্ধিতত্ত্বস্বরূপ পুরুষকে এবম্প্রকার আদেশ করিয়া, ভগবান্ মহেশ্বর মহেশ্বরীর সহিত আনন্দকানন মধ্যে প্রবেশ করিলেন। ৫০।

অনন্তর মহাদেবের সেই নির্দেশ স্বীয় মস্তকে নিধান করত, ভগবান্ বিষ্ণু ঋণকাল ধ্যানপর হইয়া, তপস্যায় মনোনিবেশ করিলেন। ৫১। তদনন্তর তিনি সেইস্থলে স্বীয় চক্রে দ্বারা এক রমণীয় পুষ্করিণী খনন করিয়া, নিজগাত্রোদ্ভব স্নেহ-সলিলসমূহ দ্বারা তাহা পরিপূরিত করিলেন। ৫২। সেই চক্রপুষ্করিণীর তীরে বিষ্ণু পঞ্চাশৎ সহস্র বৎসর ব্যাপিয়া, স্থাপুর আয় নিশ্চলভাবে অতি উগ্র তপস্যা করিলেন। ৫৩। তদনন্তর, তপস্যার প্রভাবে জাজ্বল্যমানাকৃতি নিমীলিত-নেত্র ভগবান্ বিষ্ণুকে বিলোকনপূর্বক, প্রসন্নাত্মা ভবানীপতি ভবানীর সহিত

সেই স্থলে উপস্থিত হইয়া, বারম্বার স্বীয় মস্তক আন্দোলন করত, তাঁহাকে কহিলেন যে, “হে বিষ্ণো ! তোমার কি মহতী তপস্তা ! এবং চিত্তেরই বা কি আশ্চর্য্য ধৈর্য্য ! তোমাকে দেখিয়া, আমার বোধ হইতেছে যেন, কাষ্ঠরহিত বহ্নি নিরন্তর দীপ্তি পাইতেছে । হে মহাবিষ্ণো ! আর তপস্তায় প্রয়োজন কি ? হে সন্তম ! তুমি বর প্রার্থনা কর” । ৫৪-৫৬ । মহাদেবের এবস্থিধ বাক্য শ্রবণপূর্ব্বক, ভগবান্ বিষ্ণু স্বকীয় নেত্রগন্ধ উন্মীলিত করিয়া উত্থান করিলেন । ৫৭ ।

শ্রীবিষ্ণু কহিলেন, হে দেবেশ ! দেবদেব ! মহেশ্বর ! আমার প্রতি যদি আপনি প্রসন্ন হইয়া থাকেন, তবে আমাকে এই বর প্রদান করুন যেন, আমি সর্ব্বদাই ভবানীর সহিত আপনার দর্শন করিতে সমর্থ হই । ৫৮ । হে ভগবন্ ! হে শশিশেখর ! আমি যাহাতে সকলস্থলেই সর্ব্বকর্ম্মের অগ্রভাগে বিচরণকারী আপনাকে দর্শন করিতে পারি, তাহাই আমার বর, অথ বর আমি প্রার্থনা করি না । হে ভগবন্ ! তদীয় চরণপদ্মের মধুপানে উৎসুক মদীয় চিত্তরূপ ভ্রমর সর্ব্ব-প্রকার ভ্রান্তি ( ভ্রম অথচ ভ্রমণ ) পরিত্যাগ করিয়া যেন, সর্ব্বথা নিশ্চলতা লাভ করে । ৫৯-৬০ ।

শ্রীশিব কহিলেন, হে হৃষীকেশ ! জনাৰ্দ্দিন ! তুমি যাহা প্রার্থনা করিলে তাহা পূর্ণ হউক, আমি তোমাকে ইহা ছাড়া আর যে সকল বর প্রদান করিতেছি, হে সূত্রত ! তুমি তাহা শ্রবণ কর । ৬১ । হে বিষ্ণো ! তোমার এই মহতী তপস্তার আতিশয্য বিলোকন করিয়া, আমি বিশ্বাস-সহকারে যে মস্তক আন্দোলন করিয়া-ছিলাম, তাহাতে আমার কর্ণ হইতে বিচিত্র মণিসমূহের দ্বারা খচিত মণিকর্ণিকা নামে কর্ণভূষণ এই স্থানে পতিত হইয়াছে, এই কারণে এই স্থান “মণিকর্ণিকা” নামে বিখ্যাত হইবে । ৬২-৬৩ । হে শম্ভু-চক্র-গদা-ধারিন্ বিষ্ণো ! তুমি স্বকীয় চক্রের দ্বারা খনন করিয়াছ বলিয়া, এই শুভতীর্থ প্রথম হইতে চক্রপুষ্করিণী নামে বিখ্যাত হইয়াছে, এক্ষণে আবার মদীয় মণিকর্ণিকা এইস্থলে পতিত হওয়াতে, ইহা এখন হইতে লোকে “মণিকর্ণিকা” নামে বিখ্যাত হইবে । ৬৪-৬৫ ।

শ্রীবিষ্ণু কহিলেন, হে পার্ব্বতীপ্রিয় ! এই মদীয় তপঃক্ষেত্র আপনার মুক্তাময়-কুণ্ডলপতনপ্রযুক্ত অথ হইতে জগতে তীর্থগণ হইতে শ্রেষ্ঠ এবং মুক্তিপ্রদ হউক । ৬৬ । সেই অনাত্মের জ্যোতিঃস্বরূপ ঈশ্বর, যে কারণে এই ক্ষেত্রে শোভা পাইয়া থাকেন, হে বিভো ! সেই হেতু ইহার, “কালী” এই নাম সংসারে প্রথিত হউক । ৬৭ । হে দেব ! হে জগতের ত্রাণকারি-শিব ! আমি পরোপকারের জন্তই আরও একটী বর প্রার্থনা করিতেছি, আপনি অবিচারিতভাবেই সেই



বরদী প্রদান করুন। ৬৮। আত্রিকস্তম্ব পর্য্যন্ত জরায়ুজ, অশুজ, শ্বেদজ ও উন্তিষ্ক এই চারি প্রকার ভূতগ্রামের মধ্যে যাহা কিছু জন্তু বলিয়া অভিহিত হয়, তাহা সমস্তই যেন এই ক্ষেত্রে প্রাণত্যাগ করিতে পারিলে মোক্ষ প্রাপ্ত হয়। ৬৯। হে শস্তো! এই মণিকর্ণিকা নামক পরম পবিত্র তীর্থে যে কোন মহাপ্রাজ্ঞ ব্যক্তি, বিপদকে বিপুল ও সম্পত্তিকে অতি ক্ষণস্থায়ী জ্ঞানে, যদি সন্ধ্যা, স্নান, জপ, হোম, উত্তমরূপে বেদাধ্যয়ন, তর্পণ, পিণ্ডদান, দেবগণের পূজা, গো, ভূমি, তিল, স্বর্ণ, দীপসমূহ, অন্ন ও উৎকৃষ্ট ভূষণ এবং কন্যাদান অথবা অনেক বাজপেয়াদি যজ্ঞ, ত্রতোৎসর্গ, বৃষোৎসর্গ ও লিঙ্গাদি স্থাপন প্রভৃতি কোন পুণ্যকর্ম্য করেন, তাহা হইলে সেই কর্ম্মের ফলে যেন; তাঁহার পুনরাবুত্তিরহিত মোক্ষপদবী লাভ হয়। হে জগদীশ্বর! পূর্ব্বোক্ত কর্ম্ম ভিন্ন আর আর যাহা কিছু পুণ্য কর্ম্ম আছে, কেবল প্রায়োপবেশন ও জল-প্রবেশাদি দ্বারা জীবন ত্যাগ ব্যতিরেকে তাহার কোনটীও করিলে যেন, সেই কর্ম্মকর্ত্তা মোক্ষলাভ করিতে সমর্থ হইয়েন। যে কর্ম্ম করিয়া আর অনুতাপ করা যায় না এবং যাহা স্মীয় মুখে পরের নিকট প্রকাশ করা যায় না, হে ঈশ! আপনার অনুগ্রহে সেই সকল পুণ্যকর্ম্ম এই স্থানে করিলে যেন অক্ষয় ফল প্রসব করে। হে সদাশিব! জীবগণের এই ক্ষেত্রে কৃত ভূত ও ভবিষ্যৎ ও বর্ত্তমান যত কিছু পুণ্য কর্ম্ম, তাহা আপনার কৃপায় অক্ষয়ই প্রাপ্ত হউক। হে প্রভো! আপনার প্রসাদে এই ক্ষেত্রটী জীবগণের শুভসমূহের উদয়কারী হউক। ৭০-৭৭। হে সদাশিব! সংসারে যে প্রকার আপনি ভিন্ন অথ কোন পদার্থ অধিক মঙ্গলপ্রদাতা নাই, সেই প্রকার এই আনন্দকানন-মুক্তিক্ষেত্র হইতে আর কোন স্থানই অধিক শুভপ্রদ না হয়। ৭৮। হে দেব! এই আনন্দকাননে সাংখ্য, যোগ, আত্মদাক্ষ্যংকার, ব্রত, তপস্যা ও দান প্রভৃতি সৎকর্ম্মের সাহায্য ব্যতিরেকে অনায়াসে মোক্ষলাভ হউক। ৭৯। হে প্রভো! এই পঞ্চকোশী কাশীতে মৃত, শশক, মশক, পতঙ্গ, তুরঙ্গ, সর্প প্রভৃতি অজ্ঞান জীবগণও যেন মুক্তলাভ করিতে পারে। ৮০।

এই কাশীর নাম পর্য্যন্তও গ্রহণ করিলে জীবগণের যেন সর্ব্ব প্রকার পাপ দূর হয়। ৮১। হে প্রভো! এই স্থানে যেন সর্ব্বদা সত্যযুগ ও উত্তরায়ণ বিম্বমান থাকে ও কাশীবাসী সজ্জনগণের যেন সর্ব্বদা মহান্ উদয় লাভ হয়। ৮২। হে ত্রিনয়ন! সদাশিব! ঐশ্বর্য্যেতে যাহা কিছু পবিত্র বলিয়া উক্ত হইয়াছে, এই কাশী যেন সেই সকল পদার্থ হইতে অধিক পবিত্র বলিয়া গণ্য হয়। ৮৩। হে শস্তো! চারিবেদ সম্পূর্ণ অধ্যয়ন করিলে যে পুণ্য হয়, কাশীতে কেবলমাত্র লক্ষ গায়ত্রী

জপ করিলে যেন সেই পুণ্য লাভ হয় । ৮৪ । অষ্টাঙ্গ-যোগ অভ্যাস করিলে ষাট্শ পুণ্য লাভ হয়, কেবল মাত্র পবিত্র ভাবে কাশীবাস করিলে যেন, জীবগণের ততোধিক পুণ্য লাভ হয় । ৮৫ । কৃচ্ছ্রচান্দ্রায়ণাদিত্রত করিলে যে পুণ্য সমুপার্জিত হইয়া থাকে, এই আনন্দকাননে একটা মাত্র উপবাস করিলে যেন সেই পুণ্য লাভ হয় । ৮৬ । অগ্ন্য স্থানে শতবর্ষ ব্যাপিয়া তপস্বী করিলে, যে পুণ্য লাভ করিতে পারা যায় ; এই কাশীক্ষেত্রে একবর্ষকাল ভূমিশয়নমাত্র নিয়ম পালন করিলে যেন সেই পুণ্য লাভ হয় । ৮৭ । অগ্ন্যস্থানে জন্মাবধি মৌনব্রতী থাকিলে যে ফললাভ হয়, এই কাশীতে এক পক্ষকাল সত্যবাক্য বলিলে যেন সেই ফল লাভ হয় । ৮৮ । অগ্ন্যত্র সর্ববন্দানে যে পুণ্য পরিকীর্তিত আছে, এই কাশীতে সহস্র ভ্রাম্মণ ভোজন করাইলে যেন সেই পুণ্যের অযুতগুণ অধিক পুণ্য লাভ হয় । ৮৯ । সকল মুক্তি-ক্ষেত্রের সেবা করিলে যে ফল কীর্তিত হইয়াছে, পঞ্চরাত্র মণিকর্ণিকায় বিধিমত বাস করিলে যেন সেই পুণ্য লাভ হয় । শুভপ্রদ প্রয়াগতীর্থে স্নান করিলে যে পুণ্য অর্জিত হয়, শ্রদ্ধাসহকারে একবার মাত্র কাশী দর্শন করিলে জীবগণের যেন সেই পুণ্য লাভ হয় । অশ্বমেধ ও রাজসূয় যজ্ঞ করিলে যে পুণ্য লাভ হইয়া থাকে, এই কাশীতে ত্রিরাত্র বাস করিলেই সংযতচিত্ত-জীবগণ যেন সেই পুণ্যলাভ করিতে পারে । ৯০-৯২ । অগ্ন্যত্র তুলাপুরুষদানে যে শুভাদৃষ্ট অর্জিত হইয়া থাকে, শ্রদ্ধাগহকারে কাশী দর্শন করিলেই জীবগণের যেন সেই পুণ্যলাভ হয় । ৯৩ ।

শ্রীবিষ্ণুর এই প্রকার বর প্রার্থনা শ্রবণ করিয়া, দেবদেব উমাপতি প্রসন্ন হৃদয়ে কহিলেন, হে মধুসূদন ! তুমি যাহা প্রার্থনা করিলে তাহাই সকল হইবে । ৯৪ ।

অনন্তর পুনর্ব্বার শ্রীমহাদেব কহিলেন, হে মহাবাহো ! জগতের উৎপত্তি ও বিনাশকারিণী বিষ্ণো ! আমি যাহা বলিতেছি, তুমি তাহা শ্রবণ কর । তুমি যথা-বিধানে বেদোক্ত প্রকারে জগতের সৃষ্টি কর । এবং ধর্ম্মানুসারে সাক্ষাৎ পিতার আয় সর্ববৃত্তের প্রতিপালক হও । যাহারা ধর্ম্মের বিদ্বৎকারী, সেই সকল পাপাত্মা-গণকে তুমি বিনাশ করিও । ৯৫-৯৬ । হে বিষ্ণো ! যাহারা অধর্ম্মপথে অবস্থান করিবে, তুমি তাহাদের সংহারের নিমিত্ত মাত্র হইবে, কারণ তাহারা নিজকর্ম্মফলেই এক প্রকার মৃত হইবে । ৯৭ । যে প্রকার শস্ত্রসমূহ পরিপক্ব হইলে আপনা হইতেই স্বীয় বৃন্ত হইতে পতিত হইয়া থাকে, সেই প্রকার সেই সকল পরিণত পাপ জীবগণ আপনা হইতেই পতিত হইবে । ৯৮ । হে হরে ! যে সকল জীবগণ নিজ তপোবলে গর্ব্বিত হইয়া, তোমার অবমাননা করিবে ; আমি স্বয়ং তাহাদের সংহার

করিব । ১৯ । যাহারা মহাপাতকী কিম্বা যাহারা উপপাতকী, তাহারাও এই কাশীক্ষেত্রে আগমন মাত্রে সর্ব প্রকার পাপ হইতে মুক্তিলাভ করিবে । ১০০ । এই পঞ্চক্ৰোশ পরিমিত বারাগসীপুরী আমার অতিশয় প্রিয়ক্ষেত্র, এ স্থলে আমারই আঞ্জা কার্য্যকারিণী হইবে, অন্ম কাহারও এস্থানে শাসন করিবার ক্ষমতা থাকিবে না । ১০১ ।

স্কন্দ কহিলেন, মহাদেব পার্বতীর নিকট আরও বলিয়াছিলেন যে, “হে শুভ-লোচনে পার্বতি ! আমি পূর্বে এই প্রকারে বিষ্ণুকে বর প্রদানপূর্বক পুনর্ব্বার সেই অত্যাগ্ন তেজঃ সমূহের দ্বারা প্রস্রুতকান্তি ও ত্রৈলোক্যের বিভ্রমকারী সেই বিষ্ণুকে কহিয়াছিলাম যে, হে বিষ্ণে ! অবিমুক্ত ক্ষেত্রনিবাসী পাপী জীবগণের উপর অন্ম কাহারও শাসন করিবার ক্ষমতা থাকিবে না, আমিই তাহাদের শাস্তি প্রদান করিব । ১০২-১০৩ । যদি কোন ব্যক্তি, শতযোজন দূর হইতেও এই অবিমুক্ত ক্ষেত্রকে হৃদয়ে স্মরণ করে, তাহা হইলে সে ব্যক্তি যদি অতি পাপাত্মাও হয়, তথাপিও তাহার পাপরাশি তাহাকে অভিভব করিতে সমর্থ হইবে না । ১০৪ । অতিদূরস্থিত কোন ব্যক্তি যদি মৃত্যুকালে আমার অতিশয় প্রিয় এই অবিমুক্ত ক্ষেত্রকে স্মরণ করিতে পারে, তাহা হইলে সেই ব্যক্তি প্রাণপরিত্যাগান্তে সর্বপ্রকার পাপ হইতে মুক্তিলাভ করত, বহুবিধ স্বর্গস্থ ভোগ করিতে পারিবে । এবং সেই কাশী স্মরণ জন্ম পুণ্যের প্রভাবে স্বর্গভোগের পর ; সেই ব্যক্তি পুনরায় পৃথিবীতে জন্মগ্রহণ পূর্বক একেশ্বর রাজা হইয়া নানা প্রকারে সুখ উপভোগ করত, বৃদ্ধ বয়সে অবিমুক্তক্ষেত্রে আগমন পূর্বক প্রাণান্তে নির্বাণপদবী পর্য্যন্ত লাভ করিতে পারিবে । ১০৫-১০৭ । যদি কোন মনুষ্য বহুকাল বাহ্যেন্দ্রিয় এবং চিত্তকে সংযত করত, এই কাশীক্ষেত্রে বাস করিয়া দৈববশে অন্ম কোন স্থানে মৃত্যুমুখে নিপতিত হয় ; তবে সেই ব্যক্তিও কাশীবাস-পুণ্যপ্রভাবে স্বর্গে বহুবিধ ভোগ উপভোগ করত, অবশিষ্ট পুণ্য মর্ত্তলোকে সম্রাট হইয়া ; বৃদ্ধাবস্থায় কাশীতে আগমন পূর্বক প্রাণত্যাগ করত, মোক্ষপদবী লাভ করিতে পারিবে” । ১০৮-১০৯ । হে বিষ্ণে ! শুভাশুভ কর্ম্মের বিনাশক্ষম-বারাগসীবাস, দুই অথবা তিন জন মহাভাগ্যশালী মহাত্মাকেই নির্বাণপদবী প্রদান করিতে পারে, কারণ কাশীক্ষেত্রে অশ্লিষ্যধর্ম্মভাবে বাস করিতে কয়জন পুরুষ সমর্থ হইবে ? । ১১০ ।

( কার্ত্তিকেয় কহিলেন, শ্রীশঙ্করের এবম্বিধ বাক্য শ্রবণান্তে বিষ্ণু পুনর্ব্বার জিজ্ঞাসা করিলেন ) বিষ্ণু কহিলেন, হে দেবেশ্বর ! যে জন এই অবিমুক্তক্ষেত্র যথার্থ-

রূপে জানে না এবং এই সকল বিষয়ে সম্পূর্ণ অবিশ্বাসী, সে জন কাশীক্ষেত্রে মৃত হয় ; তবে মরণানন্তর তাহার কি প্রকার গতি হইবে ? । ১১১ ।

মহাদেব কহিলেন, হে সূত্রত ! শ্রদ্ধা-বিরহিত অজ্ঞানী মনুষ্য অগ্নি স্থলে অতি মহান্ পাপসমূহ করিয়া, যদি এই কাশীক্ষেত্রে প্রাণ পরিত্যাগ করে ; তবে তাহার মরণান্তে যে গতি হয়, আমি তাহা কীর্তন করিতেছি, তুমি শ্রবণ কর । ১১২-১১৩ । অজ্ঞান এবং অবিশ্বাসী মনুষ্য, যখন পঞ্চক্রোশীতে প্রবেশ করিতে প্রবৃত্ত হয়, সেই সময় তাহার পাপসমূহ কাশীর বাহিরে অবস্থান করে, তাহাদের কাশীর অভ্যন্তরে প্রবেশ করিবার সামর্থ্য থাকে না । ১১৪ । অনন্তর কাশীর বাহিরে তদীয় পাপগণ তাহাকে পরিত্যাগপূর্বক অবস্থান করিলে পর, সেই ব্যক্তি সীমাপ্রদেশে বিচরণকারী সকল প্রমথগণের সম্মুখে প্রবেশ করিলে, মুহূর্ত্তমাত্রেই সর্বপ্রকার পাপ হইতে মুক্তি লাভ করে । অনন্তর সে যদি মণিকর্ণিকায় স্নান করে, তাহা হইলে তাহার অনন্ত পুণ্য লাভ হয় । ১১৫-১১৬ । সর্বপ্রকার তীর্থে স্নান করিলে যে পুণ্যলাভ হয়, একমাত্র মণিকর্ণিকায় একবার মাত্র মজ্জন-স্নান করিলে সেই পুণ্য সম্যকপ্রকারে লাভ করা যায় । ১১৭ । মৃত্তিকা, গোময় ও কুশাদি এবং স্বশাখোক্ত বারুণমন্ত্র, দূর্বা, অপামার্গ প্রভৃতি পদার্থের দ্বারা শ্রদ্ধা-সহকারে এই মণিকর্ণিকায় স্নান ও সর্বপ্রকার দান করিলে যে পুণ্যলাভ হয় ; সেই পুণ্য লাভ করিতে পারা যায় । ১১৮-১১৯ । যে ব্যক্তি অশ্রদ্ধায় ও যথাবিধানে মণিকর্ণিকায় স্নান করে, তাহারও স্বর্গ-প্রাপ্তির পুণ্যলাভ হয় । ১২০ । সেই মণিকর্ণিকায় শ্রদ্ধাসহকারে যথোক্তবিধানে স্নান করিয়া, তিল, কুশ ও যব প্রভৃতির দ্বারা দেব ও পিতৃতর্পণ করিলে পর, মনুষ্য সর্ব প্রকার যজ্ঞের ফল লাভ করিতে পারে । ১২১ । শ্রদ্ধাবান্ ও যথাবিধানে কৃতস্নান মনুষ্য, সেই মণিকর্ণিকায় তর্পণাদি করিয়া, দেবগণের পূজাপূর্বক যদি অভ্যষ্ট-মন্ত্র জপ করে ; তাহা হইলে তাহার সর্বমন্ত্র জপের ফললাভ হয় । ১২২ । এইপ্রকারে মণিকর্ণিকায় স্নানপূর্বক সংযতেন্দ্রিয় ব্যক্তি মোনা হইয়া, বিশ্বেশ্বর দর্শন করিলে পর ; তাহার সর্ব প্রকার ত্রুতের ফললাভ হয় । ১২৩ । স্নান, দেবপূজা, জপ, মল-মূত্রপরিত্যাগ, দণ্ডধারণ ও হোম প্রভৃতি কার্য্যে মৌন অবলম্বন করা কঠব্য । ১২৪ ।

অনন্তর কৃতস্নান ব্যক্তি বিবিধ উপচার-দ্রব্যের দ্বারা যথাবিধানে বিশ্বেশ্বরের অর্চনা করিলে পর, যাবজ্জীবন শিবপূজা করিলে যে ফল ; তাহারও সেই ফললাভ হয় । ১২৫ । এবম্প্রকারে বিশ্বেশ্বরের পূজান্তে সেই ব্যক্তি যদি নিজ ন্যায়োপার্জিত অন্নও খন অবিমুক্তক্ষেত্রে কোন সৎপাত্রকে প্রদান করে, তাহা হইলে তাহার আর কোন

জন্মেই দারিদ্র্য হয় না । ১২৬ । বিবিধ ধন অর্জন করিয়াও যে মুঢ় ব্যক্তি তাহা অবি-  
মুক্তক্ষেত্রে প্রদান না করে, তাহা হইলে সেই ব্যক্তি নিশ্চয়ই নিধন প্রাপ্ত হয় এবং অণু  
জন্মে তাহাকে কেবল শোক করিতে হয় । ১২৭ । এজগতে যাহা কিছু গো, গজ, অশ্ব  
ও অগ্ন্যাগ্ন্য স্তবর্ণাদি রত্ন আছে, বিধাতা সে সকলই অবিমুক্তবাসী জীবগণের সুখের  
নিমিত্তই সৃষ্টি করিয়াছেন । যে ব্যক্তি বিশ্বেশ্বরের প্রাসাদ-লাভেচ্ছায়া ত্যাগানুসারে  
কাশীক্ষেত্রে ধন অথবা নিধন ( মুত্থা ) অর্জন করে, সেই ব্যক্তিই ধন্য ও সেই  
ধর্ম্মজ্ঞ । ১২৮-১২৯ । লিঙ্গরূপধারী যে বিশ্বেশ্বরদেব কাশীপুরীতে সাক্ষাৎ বিরাজ-  
মান রহিয়াছেন, তিনিই আমার মঙ্গলময়স্বরূপ । ১৩০ । পঞ্চকোশী পরিমিত সেই  
অবিমুক্তপুরীকে মহৎক্ষেত্রে বলিয়া জানিবে এবং সেইখানে বিশ্বেশ্বর নামক যে  
শিবলিঙ্গ বর্তমান আছেন, তিনিও সাক্ষাৎ জ্যোতির্লিঙ্গস্বরূপ । ১৩১ । সূর্য্যমণ্ডল  
এক এবং একস্থানে অবস্থিত হইলেও, যেমন সকল স্থান হইতেই সকল লোকে  
তাঁহাকে সমভাবে বিলোকন করিয়া থাকে, তদ্রূপ সেই বিশ্বেশ্বরাভিধ শিবলিঙ্গ  
একত্রস্থিত হইলেও সর্বত্র সমভাবে বিরাজমান রহিয়াছেন । ১৩২ । নানা জন্মে  
নির্ব্বিপন্নভাবে বহুকাল জিতেন্দ্রিয়তার সহিত অনন্ত যোগাভ্যাস করিয়া, যোগিগণ  
যে ফললাভ করিতে পারেন ; কাশীতে প্রাণ পরিত্যাগান্তে সাধারণ জীবও সেই  
গতি লাভ করিয়া থাকে । ১৩৩ । বহুকাল জিতেন্দ্রিয়ভাবে সর্বপ্রকার তপস্বী  
করিলে যে ফললাভ হয়, এই কাশীক্ষেত্রে একরাত্রি বাস করিলে সেই ফল লাভ  
করিতে পারা যায় । ১৩৪ । যে ব্যক্তি কাশীক্ষেত্রের মহিমা অবগত নহে কিম্বা যে  
ব্যক্তি সর্বপ্রকার শ্রদ্ধা-বিরহিত, সেও যদি যথাকালে কাশীক্ষেত্রে প্রবেশ করে ;  
তাহা হইলে সর্বপ্রকার পাপ হইতে মুক্তিলাভ করিতে এবং অন্তে নির্ব্বাণ  
পর্য্যন্তও লাভ করিতে পারিবে । ১৩৫ । সর্বপ্রকার ভয়ঙ্কর পাপ করিয়াও কোন  
ব্যক্তি যদি কাশীক্ষেত্রে সময়ক্রমে ভাগ্যবশে উপস্থিত হইতে পারে, তাহা হইলে  
সেই ব্যক্তি সকল প্রকার পাপ হইতে মুক্তি লাভ করিয়া, অন্তে বিশ্বেশ্বরের প্রাসাদ-  
লাভ পূর্ব্বক মোক্ষ পর্য্যন্তও লাভ করিতে পারে । ১৩৬ । আমার অনুগ্রহ ব্যতি-  
রেকে কোন্ ব্যক্তি কাশী লাভ করিতে পারে ? সূর্য্য ভিন্ন এ জগতে আর কে  
বা “দিনকর” এইনামে কীর্তিত হইতে পারে ? । ১৩৭ । কাশীতে আগমন না  
করিয়া, কোন্ ব্যক্তি নিবন্তর আনন্দভোগ করিতে পারে ? কারণ, ত্র্যাদি দেব-  
গণও সর্বদা প্রাকৃত গুণময় পাশে বদ্ধ হইয়া রহিয়াছেন । ১৩৮ । স্বকৃত শুভাশুভ  
কর্ম্মের দ্বারা অতি দৃঢ়তর ত্রিগুণময় চতুর্বিংশতি প্রকার পাশের দ্বারা কণ্ঠদেশে  
বদ্ধ জীবগণ, কাশীতে না আসিয়া কি মোক্ষলাভ করিতে পারিবে ? । ১৩৯ । যোগে

নানা প্রকার বিঘ্ন আছে, তপস্যাও অনন্ত ক্লেশসাধ্য, আবার তপস্যা এবং যোগ হইতে ভ্রষ্ট হইলে পুনর্ব্বার গর্ভ-যজ্ঞণা ভোগ করিতে হয়, কিন্তু কাশীতে নানাবিধ পাপ করিয়াও মনুষ্য যদি কাশীতে মৃত্যু লাভ করিতে পারে, তাহা হইলে, সেই ব্যক্তি রুদ্রপিশাচত্ব লাভ করিয়াও মুক্তিপদে বঞ্চিত হয় না এবং তাহার আর গর্ভ-যজ্ঞণাও ভোগ করিতে হয় না । ১৪০-১৪১ । কাশীতে দূরদৃষ্টবশে যাহারা নানাবিধ পাপ করিয়া থাকে, প্রাণ পরিত্যাগ করিলে তাহাদের উপরও যমের অধিকার থাকে না, স্ততরাং তাহাদের নরকেও পতন হয় না ; কারণ, আমিই তাহাদের একমাত্র শাসক । ১৪২ । শরীর সর্বদা বিঘ্নসঙ্কুল এবং গর্ভ-যজ্ঞণা অতি কঠোর, এই সকল বিষয় চিন্তাপূর্ব্বক লোকের সমুদ্র-রাজ্য পরিত্যাগ করিয়াও নিরন্তর কাশীর সেবা করা উচিত । ১৪৩ । “যমদূতগণ অতর্কিত ভাবে আগমন করিয়া, কোন্ সময় পাশের দ্বারা বন্ধন পূর্ব্বক বধ করিবে, তাহার স্থিরতা নাই” এই সকল চিন্তা করিয়া, সত্বরই কাশীর আশ্রয় গ্রহণ করিবে । ১৪৪ । যেখানে পাপসমূহ হইতে ভয় নাই বা যম হইতেও জীবগণ যেখানে ভীত নহে ও যেখানে মৃত্যু হইলে আর গর্ভ-যজ্ঞণা ভোগ করিতে হয় না, সেই কাশীকে কোন্ ব্যক্তি না আশ্রয় করে ? । ১৪৫ । অত, কল্যা বা পরশ্ব একদিন মরণ অবশ্যই হইবে, যাবৎকাল পর্য্যন্ত সেই মৃত্যু না হয় ; সেই সময়ের মধ্যে অত সর্বপ্রকার কৰ্ম্ম পরিত্যাগ করত, কাশী আশ্রয় করা কর্তব্য । ১৪৬ । জীবগণের মরণ হইলে আবার জন্মগ্রহণ করিতে হয় এবং জন্মান্তে পুনর্ব্বার মৃত্যু লাভ করিতে হয়, কিন্তু যেখানে মরণ হইলে আর পুনর্জন্ম হয় না, সেই কাশীকেই সর্বপ্রকারে বুধগণ অবলম্বন করিবেন । ১৪৭ । “আমার পুত্র, আমার স্ত্রী, আমার বিষয়” এই সকল নানাবিধ মায়া পরিত্যাগ করিয়া, পণ্ডিতগণের সংসারনাশিনী এই কাশীপুরীর আশ্রয় লওয়া কর্তব্য । ১৪৮ ।

স্কন্দ কহিলেন, “আমার সবে যৌবনকাল, এক্ষণে মরণের কোন সম্ভাবনা নাই” চিন্তে এই প্রকার নিশ্চয় করা কর্তব্য নহে এবং সর্বদাই দূর হইতে যমমহিষের ঘণ্টাধ্বনি শ্রবণ করিয়া ভীত হওয়া উচিত । এবং যুবাবস্থাতেই বার্কক্যকালের শ্রমসমূহ অনুভব না করিয়াই, সামর্থ্য থাকিতে থাকিতে জীর্ণ পর্ণকুটীরের স্থায় অতি তুচ্ছ প্রাসাদাদি পরিত্যাগ করত পটুমতি বাস্তির সর্বদাস্তঃকরণে মহাদেবের পুরীতে গমন করা কর্তব্য । ১৪৯ ।

ব্যাস কহিলেন, হে সূত ! ভগবান্ স্কন্দ, অগস্ত্যের নিকট এই পাপনাশ-কারিণী কাশাকথা কীৰ্ত্তন করিয়া, পুনর্ব্বার কাশাবিষয়িণী অত কথ্য বলিতে আরম্ভ করিলেন । ১৫০ ।

## সপ্তবিংশ অধ্যায় ।



গঙ্গা মহিমা-বর্ণন ও দশহরা স্তোত্র ।

স্কন্দ কহিলেন, সেই ক্ষেত্রের নাম বারাণসী এবং আনন্দকানন কেন হইল, তদ্বিষয়ে দেবদেব ধেরূপ বলিয়াছিলেন ; আমি তাহা কহিতেছি । ১ ।

ঈশ্বর কহিলেন, হে ত্রৈলোক্য-সুন্দর ! মহাবাহো বিষ্ণো ! অবিমুক্তক্ষেত্র যেরূপে “বারাণসী” এই নাম প্রাপ্ত হইয়াছে, তাহা শ্রবণ করুন । সূর্য্যবংশে সমুৎপন্ন, পরম ধার্মিক ও মহাতেজস্বী ভগীরথ নামক রাজা কপিলের ক্রোধান্নির দ্বারা স্বীয় পূর্বপুরুষ সগর নৃপতির তনয়গণের দন্ধবৃত্তান্ত শ্রবণ করিয়া, তাঁহাদের উদ্ধারের নিমিত্ত গঙ্গার আরাধনা করিতে ইচ্ছা করত তপস্যায় কৃতনিশ্চয় হইয়া, অমাত্যের উপর রাজ্যভার হস্ত করত, পর্বতশ্রেষ্ঠ হিমালয়ে গমন করিলেন । ২-৫ । হে বিষ্ণো ! যাহারা ব্রহ্মশাপায়িতে দন্ধ হয় এবং যাহারা মহাদুর্গতিগ্রস্ত, গঙ্গা ব্যতীত আর কে তাহাদিগকে উদ্ধার করিয়া স্বর্গে লইতে পারে ? সেই মঙ্গলময়ী জলরূপা গঙ্গা আমারই মূর্তি । তিনিই সমস্ত ব্রহ্মাণ্ডের আধারভূতা পরমাপ্রকৃতি, তিনিই শুদ্ধবিদ্যাস্বরূপা, তিনিই ত্রিশক্তিরূপিণী ও করুণাময়ী, তিনিই আনন্দামৃত-রূপা এবং শুদ্ধধর্ম্মস্বরূপিণী । সমস্ত বিশ্বের রক্ষার জন্ত, ব্রহ্মাস্বরূপিণী এই ঐশ্বাহকে, আমি অবলীলাক্রমে ধারণ করিতেছি । ৬-৯ । হে বিষ্ণো ! ত্রৈলোক্য মধ্যে যে সমস্ত তীর্থ, যে সমস্ত পুণ্যক্ষেত্র, যে সমস্ত ধর্ম্ম আছে, তৎসমুদয় এবং দক্ষিণার সহিত সমস্ত যজ্ঞ, তপঃসমূহ, সান্ন-চতুর্বিধ-বেদ, তুমি, আমি, ব্রহ্মা, সমস্ত দেবগণ, সর্বপ্রকার পুরুষার্থ এবং বিবিধশক্তি, ইহারা সকলেই সূক্ষ্মরূপে গঙ্গাতে অবস্থিত আছেন । ১০-১২ । যে ব্যক্তি গঙ্গাস্নান করে, সে সমস্ত তীর্থ স্নানের, সমস্ত যজ্ঞানুষ্ঠানের এবং সমস্ত ব্রত উদযাপনের ফল লাভ করিয়া থাকে, এবং তাহার সমস্ত তপস্যার, সর্বপ্রকার দানের ও সমস্ত যোগ ও নিয়মের ফল লাভ হয় । যে ব্যক্তি গঙ্গাস্নায়ী, সেই ব্যক্তি সমস্ত বর্ণাশ্রম, সমস্ত বেদবিদ, এবং সমস্ত শাস্ত্রপারদর্শীগণ অপেক্ষাও শ্রেষ্ঠ । বহুবিধ মানসিক, বাচিক ও কায়িক দোষসমূহের দ্বারা দূষিত ব্যক্তিও, গঙ্গার দর্শন মাত্রে পবিত্রতা লাভ করে, ইহাতে কোন সন্দেহ নাই । ১৩-১৬ । সত্যযুগে সর্বত্রই তীর্থ, ত্রেতাযুগে পুষ্করই একমাত্র তীর্থ, দ্বাপরযুগে কুরুক্ষেত্রই একমাত্র তীর্থ এবং কলিযুগে গঙ্গাই

একমাত্র তীর্থ। হে হরে! জন্মান্তরের অভ্যাস ও বাসনাবশত এবং আমার পরম অনুরোধবলে গঙ্গাটীরে বাস হইয়া থাকে। ১৭-১৮। সত্যযুগে একমাত্র ধ্যানই মোক্ষের হেতু, ত্রেতাযুগে ধ্যান ও তপস্যা মুক্তির হেতু, দ্বাপরে ধ্যান, তপস্যা ও যজ্ঞ মুক্তির হেতু এবং কলিযুগে একমাত্র গঙ্গাই মুক্তির কারণ। যে ব্যক্তি দেহ-পতন পর্য্যন্ত গঙ্গাভীর পরিত্যাগ না করে, সেই ব্যক্তিই বেদান্ত-বিদ, সেই যোগী এবং সেই সদাশ্রদ্ধাচর্য্যত্ৰতা। ১৯-২০। কলিকালে মানব-গণের চিত্ত কলুষিত ও তাহাদের ক্রিয়াসমূহ বিধিহীন হইবে ও তাহারা পরব্রহ্মে অভিলাষী হইবে, তখন তাহাদের গঙ্গা বিনা আর কোন উপায় থাকিবে না। “গঙ্গা গঙ্গা” এই নাম জপ করিলে, অলক্ষ্মা, কালকর্ণী, দুঃস্বপ্ন ও দুষ্টিস্তা প্রভৃতি আশ্রয় করিতে পারে না। হে বিষ্ণো! সর্ববদা সমস্ত জগতের হিত-কারিণী গঙ্গা, সমস্ত জীবগণকে ইহ ও পরকালে ভাবানুরূপ ফল প্রদান করিয়া থাকেন। ২১-২৩। হে হরে! যজ্ঞ, দান, তপঃ, যোগ, জপ, যম ও নিয়ম, ইহারা কলিকালে গঙ্গাস্নানের সহস্রাংশের একাংশেরও তুল্য নহে। অষ্টাঙ্গ-যোগ, তপস্যা ও যজ্ঞসমূহে প্রয়োজন কি? একমাত্র গঙ্গাবাসই ব্রহ্মজ্ঞানের কারণ। হে গোবিন্দ! মানব যদি গঙ্গা হইতে দূরে অবস্থিত হইয়াও, ভক্তির সহিত গঙ্গার মাহাত্ম্য অবগত হয়, তবে সে ব্যক্তি অযোগ্য হইলেও, গঙ্গা তাহার প্রতি প্রসন্ন হইয়া থাকেন। ২৪-২৬। শ্রদ্ধাই পরম সূক্ষ্মধর্ম, শ্রদ্ধাই পরমজ্ঞান, শ্রদ্ধাই পরম তপস্যা, শ্রদ্ধাই স্বর্গ এবং শ্রদ্ধাই মোক্ষ, একমাত্র শ্রদ্ধাতেই গঙ্গা প্রসন্ন হইয়া থাকেন। অজ্ঞান, রাগ ও লোভাদির দ্বারা সম্মূঢ়চিত্ত ব্যক্তিগণের ধর্মের প্রতি, বিশেষতঃ গঙ্গার প্রতি শ্রদ্ধা উৎপন্ন হয় না। ২৭-২৮। বহিঃস্থ জল যেমন নারিকেলের মধ্যে অবস্থান করে, তদ্রূপ ব্রহ্মাণ্ডের বাহিরে অবস্থিত পরমব্রহ্মরূপ জল, জাহ্নবীরূপে ব্রহ্মাণ্ডের মধ্যে অবস্থান করিতেছেন। গঙ্গালাভ হইতে অতিরিক্ত কোন লাভ আর কুত্রাপি নাই, অতএব গঙ্গারই উপাসনা করিবে, গঙ্গাই পরমপুরুষ-স্বরূপ। ২৯-৩০। হে হরে! সমস্ত বিষয়ে সমর্থ, পণ্ডিত, গুণী এবং দানশীল হইয়াও যদি সে ব্যক্তি গঙ্গাস্নানবিহীন হয়, তবে তাহার জন্ম নিরর্থক। কলিকালে যে ব্যক্তি গঙ্গাকে ভজনা না করে, তাহার কুল, বিত্তা, যজ্ঞ, তপস্যা এবং দান সমস্তই বৃথা। বিধিপূর্বক গঙ্গাজলে স্নান ও পূজন করিলে যে ফল লাভ হয়, গুণবৎপাত্র পূজা করিলেও তাদৃশ ফল প্রাপ্ত হওয়া যায় না। এই গঙ্গা আমার তেজোয়িগর্ভা এবং আমার বীৰ্য্যসমুদ্ভূতা, ইনি সমস্ত দোষকে দম্ব এবং সমস্ত পাপকে বিনষ্ট করিয়া থাকেন। বজ্রাহত পর্বত যেমন



শতধা বিদীর্ণ হয়, তদ্রূপ গঙ্গার স্মরণমাত্রেই পাপরাশি শতধা বিদীর্ণ হইয়া থাকে । ৩১-৩৫ । যে ব্যক্তি গঙ্গাস্নান করিতে গমন করে এবং যে ব্যক্তি তাহাতে অনুমোদন করে, এই উভয়েরই সমান ফল লাভ হইয়া থাকে, ইহার কারণ একমাত্র ভক্তি । যে ব্যক্তি গমন, অবস্থিতি, জপ, ধ্যান, ভোজন, জাগরণ, শয়ন এবং কথা কহিবার সময়েও সর্বদাই গঙ্গাকে স্মরণ করে, সে ব্যক্তি ত্রিবিধ বন্ধন হইতে মুক্তি লাভ করিয়া থাকে । ৩৬-৩৭ । যে ব্যক্তি পিতৃগণের উদ্দেশে মধু, স্নাত, গুড় ও তিলমিশ্রিত-পায়স গঙ্গাজলে নিক্ষেপ করে, হে হরে ! তাহার পিতৃগণ তাহাতে শতবর্ষ পর্য্যন্ত তৃপ্তি লাভ করিয়া থাকেন । এবং তাঁহারা পরিতৃপ্ত হইয়া, তাঁহার বিবিধ মনোভিলাষ পূর্ণ করিয়া থাকেন । ৩৮-৩৯ । যেমন এক শিবলিঙ্গ পূজা করিলেই সমস্ত দেবতার পূজা করা হয়, তদ্রূপ কেবল গঙ্গাস্নান করিলেই সমস্ত তীর্থে স্নান করা হয় । যে ব্যক্তি নিত্য গঙ্গাস্নান করিয়া শিবলিঙ্গ পূজা করে, সে ব্যক্তি এক জন্মেই মুক্তিলাভ করিয়া থাকে । অগ্নিহোত্র, অশ্বাশ্ব বজ্র, ত্রুত, দান ও বহুতর তপস্যাপ্রাপ্ত, গঙ্গাতে শিবপূজার কোটি অংশের একাংশেরও সমান নহে । যখন মানব গঙ্গাগমনে কৃতনিশ্চয় হইয়া শ্রাদ্ধাদি করত গৃহে অবস্থান করে, তখন তাহার শুদ্ধ গঙ্গাগমনসঙ্কল্পেই তাহার পূর্বপুরুষগণ আনন্দিত হন । এবং তাহার পাপসমূহ “হায় ! আমরা কোথায় যাইব” এই ভাবিয়া রোদন করত, লোভ ও মোহাদির সহিত এইরূপ মন্তব্য করে যে, “এ ব্যক্তি যাহাতে গঙ্গায় যাইতে না পারে, আমরা তদনুরূপ বিঘ্ন আচরণ করি, যাহাতে এ ব্যক্তি গঙ্গায় যাইয়া, আমাদের উচ্ছেদ-সাধন করিতে না পারে” । ৪০-৪৫ । যখন কোন ব্যক্তি গঙ্গাস্নানের জন্ত গৃহ হইতে নির্গত হয়, তখন পদে পদে তাহার পাপসমূহ নিরাশ হইয়া, তাহার দেহ হইতে পলায়ন করে । হে হরে ! পূর্বজন্মের স্মৃতিবলে লোভাদি পরিত্যাগ করত, নানা প্রকার বিঘ্ন হইতে উত্তীর্ণ হইয়া, পুণ্যবান্ ব্যক্তিই গঙ্গাপ্রাপ্ত হইয়া থাকে । ৪৬-৪৭ । কোনরূপ অমুষজাধীন কিস্মা মূল্য লইয়া, বাণিজ্য বা সেবার জন্ত কিস্মা কামাসক্ত হইয়াও মানব যদি গঙ্গায় গমন-করত স্নান করে, তাহা হইলে সেও দেহান্তে স্বর্গলাভ করিয়া থাকে । অনিচ্ছা-পূর্বক স্পর্শ করিলেও অগ্নি যেমন দাহ করিয়া থাকে, তদ্রূপ অনিচ্ছাতেও গঙ্গা-স্নান করিলে পাপসমূহ বিলয়প্রাপ্ত হইয়া থাকে । ৪৮-৪৯ । যে পর্য্যন্ত গঙ্গার সেবা না করা হয়, সেই পর্য্যন্তই জীব সংসারে ভ্রমণ করিতে থাকে । গঙ্গার সেবা করিলে জীব আর সংসারের ক্লেশ প্রাপ্ত হয় না । যে ব্যক্তি নিঃসংশয় হইয়া, গঙ্গাজলে স্নান করে, তাহার দেহ মনুষ্যচর্ম্মে আবৃত থাকিলেও, সে ব্যক্তি

দেবতার তুল্য হয়, তাহাতে কোন সন্দেহ নাই। ৫০-৫১। যে ব্যক্তি গঙ্গাস্নানের জন্ত যাত্রা করিয়া পথিমধ্যে মৃত হয়, তাহারও নিঃসংশয় সম্পূর্ণ গঙ্গাস্নানের ফল লাভ হইয়া থাকে; যাহারা গঙ্গার মাহাত্ম্য শ্রবণ বা পাঠ করে, তাহারও অশেষ পাপ হইতে মুক্তি লাভ করে, তাহার সন্দেহ নাই। হে বিষ্ণো! যাহারা দুর্ভিক্ষ, দুর্ভাগ্য, হেতুবাদী, বহুসংশয়ী এবং মহামোহগ্রস্ত, তাহারাই গঙ্গাকে সামান্য নদীর স্থায় দর্শন করিয়া থাকে। জন্মান্তরকৃত দান, তপস্যা, নিয়ম এবং ব্রতাদির বলে, ইহজন্মে মানবগণের গঙ্গাতে ভক্তি হইয়া থাকে। যাহাদের গঙ্গাতে ভক্তি আছে, ব্রহ্মা তাহাদের জন্ম স্বর্গ প্রভৃতি স্থানে রমণীয় হর্ম্য ও ভোগনিচয় সৃষ্টি করিয়া রাখিয়াছেন। ৫২-৫৬। বহুতর সিদ্ধি ও সিদ্ধিলিপ, নানাবিধ স্পর্শলিপ, রত্ন-খচিত প্রাসাদনিচয় এবং চিন্তামণি মণিসমূহ, কলির ভয়ে গঙ্গার জলমধ্যে অবস্থান করিয়া থাকেন, অতএব কলিকালে ইচ্ছাসিদ্ধিপ্রদায়িনী গঙ্গার সেবা করা উচিত। সূর্য্যোদয়ে তমঃসমূহ, বজ্রপাতভয়ে পর্বতগণ, গরুড়ভয়ে সর্পগণ, বাতাহত মেঘমালা, তব্জ্ঞানে মোহ এবং সিংহদর্শনে যুগগণ যেমন পলায়ন করে, তদ্রূপ গঙ্গাদর্শনে সমস্ত পাপরাশি দূরে পলায়ন করিয়া থাকে। দিব্যৌষধে যেমন রোগসমূহ, লোভে যেমন গুণরাশি, হৃদমজ্জনে যেমন গ্রাস্তজনিত সন্তাপ এবং অগ্নিকণায় যেমন তুলারাশি বিনষ্ট হয়, তদ্রূপ গঙ্গাজল স্পর্শ করিলে, দোষসমূহ তৎক্ষণাৎ বিনষ্ট হইয়া থাকে। ৫৭-৬২। ক্রোধে যেমন তপস্যা, কামে যেমন বুদ্ধি, অত্যায়ে যেমন সম্পদ, অভিমানে যেমন বিদ্যা এবং দম্ভ, কুটিলতা ও মায়াতে যেমন ধর্ম্ম বিনষ্ট হয়, তদ্রূপ গঙ্গাদর্শনে সমস্ত পাপ বিনষ্ট হয়। বিদ্যা-সম্প্রাপ্তের স্থায় চঞ্চল মনুষ্যজীবন লাভ করিয়া, যে ব্যক্তি গঙ্গার সেবা করে; সেই বুদ্ধিমান। যাহারা নিষ্পাপ ব্যক্তি, তাহারাই গঙ্গাকে সহস্র সূর্য্যতুল্য পরম জ্যোতিঃস্বরূপ দর্শন করিয়া থাকেন। আর যাহাদের নয়ন পাপের দ্বারা উপহৃত, সেই সমস্ত নাস্তিকগণই গঙ্গাকে সাধারণ জলে পূর্ণ, সাধারণ নদীর স্থায় দর্শন করে। ৬৩-৬৭। সংসারমোচক আমিই জনগণের প্রতি দয়া করিয়া, গঙ্গার তরঙ্গরূপ স্বর্গের সোপান নির্মাণ করিয়া দিয়াছি। জাহুবীর তটে সমস্তকালই শুভ, সমস্ত দেশই পবিত্র এবং সকলেই দানের যোগ্যপাত্র। যজ্ঞসমূহের মধ্যে অশ্বমেধ, পর্বতগণের মধ্যে যেমন হিমালয়, ব্রতসমূহের মধ্যে যেমন সত্য, দান-সমূহের মধ্যে যেমন অভয়, তপঃসমূহের মধ্যে যেমন শ্রীণায়াম, মন্ত্রগণের মধ্যে যেমন প্রণব, ধর্ম্মরাশির মধ্যে যেমন অহিংসা, কাম্যের মধ্যে যেমন লক্ষ্মী, বিদ্যা-সমূহের মধ্যে যেমন আত্মবিদ্যা, ত্রীণের মধ্যে যেমন গৌরী এবং হে পুঙ্ক-

ষোড়শম্ । সমস্ত দেবগণের মধ্যে যেমন তুমি, এবং সর্বপ্রকার পাত্রগণमध्ये শিব-  
 ভক্তি যেমন শ্রেষ্ঠ, তদ্রূপ সমস্ত তীর্থের মধ্যে গঙ্গাই শ্রেষ্ঠ তীর্থ । ৬৮-৭৩ । হে  
 হরে । যে মহামতি ব্যক্তি তোমাতে ও আমাতে ভেদ জ্ঞান করে না, সেই  
 ব্যক্তিই শিবভক্ত ও মহাপাশুপত । এই পুণ্যবাহিনী গঙ্গা, পাপরূপ ধূলিরাশির  
 পক্ষে প্রবল বাতাস্বরূপ, পাপরূপ বৃক্ষনিচয়ের পক্ষে কুঠারস্বরূপ এবং পাপরূপ-  
 বনের পক্ষে দাবানলস্বরূপ । ৭৪-৭৫ । পিতৃগণ সবদা এইরূপ চর্চা করিয়া থাকেন  
 যে, “আমাদের কুলে এমন কি কেহ জন্ম গ্রহণ করিবে, যে গঙ্গান্নায়ী হইবে এবং  
 বিধিপূর্বক গঙ্গাজলে স্নান করিয়া, শ্রদ্ধাসহকারে দেবতা ও ঋষিগণকে তর্পিত করত,  
 দীন ও দুঃখিত আমাদিগকে জলাঞ্জলি প্রদান করিবে । আমাদের বংশে কি এমন  
 পুরুষ জন্ম গ্রহণ করিবে, যে মহাদেব ও বিষ্ণুকে সমরূপে দর্শন করিবে, ভক্তি  
 সহকারে তাঁহাদের মন্দির নিৰ্ম্মাণ করাইবে এবং স্বহস্তে সেই স্থান পরিষ্কার  
 করিবে” । ৭৬-৭৮ । জাব সকাম, অকাম বা তিৰ্য্যগ্‌যোনি হউক, সে যদি গঙ্গায়  
 মৃত হয়, তাহা হইলে তাহাকে নরক দর্শন করিতে হয় না । যাহারা গঙ্গাতীরে অবস্থান  
 করিয়া, গঙ্গাকে শ্রেষ্ঠ না মানিয়া অন্য তীর্থের প্রশংসা করেন, তাহাদিগকে নরক-  
 গামী হইতে হয় । ৭৯-৮০ । যে নরাদম আমার, তোমার এবং গঙ্গার প্রতি দ্বেষ  
 করে, যে স্ত্রী পূর্ব পুরুষগণের সহিত নরকগামী হয় । ষষ্টি সহস্র গণ সবদা  
 গঙ্গাকে রক্ষা করিয়া থাকে, এবং ভক্তহান ও পাপী ব্যক্তিগণের গঙ্গাবাসে বিঘ্ন উৎ-  
 পাদন করে । তাহারা কাম, ক্রোধ, মোহ, লোভ প্রভৃতি নির্ণিত শরসমূহের দ্বারা  
 পাপীগণের মনকে বিদ্ধ করিয়া, তাহাদের গঙ্গাতীরাতীরে অপনয়ন করে । ৮১-৮৩ ।  
 যে ব্যক্তি গঙ্গাকে আশ্রয় করে, সেই ব্যক্তিই মুনি, সেই পণ্ডিত এবং সেই পুরুষার্থ-  
 চতুর্ফল কৃতকৃত্যতা লাভ করে । গঙ্গান্নায়ী ব্যক্তি অশ্বমেধের ফল লাভ করে এবং  
 পিতৃগণের তর্পণ করিলে, নরকাণব হইতে তাহাদিগের উদ্ধার হইয়া থাকে । যে  
 পুণ্যাত্মা ব্যক্তি নিরন্তর একমাস কাল গঙ্গায় স্নান করেন, যে পর্য্যন্ত ইন্দ্র থাকিবেন,  
 সেই পর্য্যন্ত তিনি পূর্ব পুরুষগণের সহিত ইন্দ্রলোকে বাস করিয়া থাকেন । যে  
 পুণ্যশীল নর নিরন্তর এক বৎসর কাল গঙ্গায় স্নান করেন, তিনি দেহান্তে বিষ্ণুলোকে  
 গমন করত, সুখে অবস্থান করেন । ৮৪-৮৭ । যে মানব যাবজ্জীবন প্রত্যহ গঙ্গায়  
 স্নান করেন, তিনি জীবমুক্ত এবং দেহান্তেও মুক্তিলাভ করিয়া থাকেন । গঙ্গায়  
 তিথি ও নক্ষত্রাদি নিমিত্তের অপেক্ষা করিবে না ; গঙ্গাতে স্নান করিলেই সঞ্চিত-  
 পাপ বিনাশ হয় । যে ব্যক্তি সুখসেব্য ভাগীরথাতীর আশ্রয় না করে, সে পণ্ডিত  
 হইলেও মূর্থ এবং শক্তিযুক্ত হইলেও শক্তিহীন । ৮৮-৯০ । যদি গঙ্গার ধ্রু সেবা না

করিল, তবে নীরোগ-জীবন, বহুতর সম্পত্তি এবং নির্মল-বুদ্ধিতেই বা কি প্রয়োজন ? যে ব্যক্তি গঙ্গা প্রতিমার মন্দির নির্মাণ করায়, সেই ইহলোকে বহুতর ভোগ উপভোগ করিয়া, মরণান্তে গঙ্গার সালোক্য প্রাপ্ত হয়। ৯১-৯২। বাহারা ধনের দ্বারা কথককে পরিতুষ্ট করত, প্রত্যহ আদরপূর্বক গঙ্গার মাহাত্ম্য শ্রবণ করে, তাহাদের গঙ্গাস্নানের ফল লাভ হইয়া থাকে। পিতৃগণকে উদ্দেশ্য করিয়া, যে ব্যক্তি গঙ্গাজলের দ্বারায় শিবলিঙ্গকে স্নান করায়, তাহার পিতৃগণ মহানরকস্থিত হইলেও তাহাতে তৃপ্তি লাভ করিয়া থাকেন। অষ্টবার মন্ত্র জপ ও বস্ত্রপূত স্নগন্ধি গঙ্গাজলের দ্বারা স্নান, স্নতস্নান অপেক্ষা অধিক, ইহা পণ্ডিতগণ বলিয়া থাকেন। যে ব্যক্তি সাদ্ধ দ্বাদশপল পরিমিত তাম্রপাত্রস্থিত গঙ্গাজলের সহিত অমৃত্রব্য মিশ্রিত অর্ঘ্য সূর্য্যকে প্রদান করে, সে দেহান্তে স্বীয় পিতৃগণের সহিত অতি তেজস্বী বিমানে আরোহণ করিয়া, সূর্য্যালোকে গমন করে। জল, দুগ্ধ, কুশাগ্র, স্নত, মধু, গব্যাদি, রক্তকরবীর-পুষ্প ও রক্তচন্দন ইহার নাম অমৃত্র-অর্ঘ্য এবং ইহা সূর্য্যের অতিশয় তৃপ্তিকর। হে বিষ্ণো ! ইহার মধ্যে অণু জল অপেক্ষা গঙ্গা জল হইলে কোটিগুণ ফল লাভ হইয়া থাকে। যে বুদ্ধিমান ব্যক্তি স্বীয় শক্তি অনুসারে গঙ্গাতীরে দেবালয় নির্মাণ করায়, অথবা দেবালয় প্রতিষ্ঠা অপেক্ষা, তাহার কোটিগুণ ফল লাভ হয় ৯৩-১০০। স্থানান্তরে অশ্বখ, বট ও আম্রাদি বৃক্ষ রোপণ এবং কূপ, বাপী, তড়াগ, প্রপা ও সত্রাদি প্রতিষ্ঠা করিলে যে ফল প্রাপ্ত হওয়া যায়, শুদ্ধ গঙ্গার দর্শনেই সেই ফল লাভ হইয়া থাকে। দেবতার উদ্দেশে পুষ্পোচ্ছাদনাদি নির্মাণ করাইলে যে পুণ্য হয় গঙ্গাজল স্পর্শ করিলে ততোধিক পুণ্য লাভ হয়। কন্যাদান, গোদান ও অন্নদানে যে পুণ্য, গঙ্গার জল-গন্ধুষ পান করিলে তাহা হইতে শতগুণ অধিক পুণ্য লাভ হয়। হে জনার্দন ! সহস্র চান্দ্রায়ণ-ব্রতানুষ্ঠানে যে পুণ্য হয়, গঙ্গাজল পান করিলে তাহা হইতে অধিক পুণ্য লাভ হইয়া থাকে। ১০১-১০৪। হে হরে ! ভক্তিপূর্বক গঙ্গাস্নানের ফল আর কি বলিব ? তাহাতে অক্ষয় স্বর্গবাস অথবা নির্ব্বাণ হয়। যে মানব, প্রত্যহ গঙ্গার পাছুকাণ্ডয় অর্চনা করে, সে ব্যক্তি, আয়ু, পুণ্য, ধন, পুত্র, স্বর্গ ও মোক্ষ প্রাপ্ত হয়। ১০৫-১০৬। হে হরে ! গঙ্গার সমান কলিকল্পঘনাশন তীর্থ আর নাই এবং অবিমুক্তের তুল্য মুক্তিপ্রদ ক্ষেত্রও আর নাই। সিংহকে দর্শন করিয়া মৃগগণ যেমন পলায়ন করে, তজ্জপ গঙ্গাস্নানরত মানবকে দর্শন করত, যমকিঙ্করগণ দশদিকে পলায়ন করিয়া থাকে। ১০৭-১০৮। বাহারা গঙ্গাতীরে বাস ও গঙ্গার সেবা করেন, তাহাদিগকে পূজা করিলে অশ্বমেধ যজ্ঞের ফল লাভ হয়। গঙ্গাতীরে ভক্তি-সহকারে

গো, ভূমি ও সুবর্ণদান করিলে, মানব আর দুঃখময় সংসারে জন্ম গ্রহণ করে না । গঙ্গাতীরে বস্ত্রদান করিলে দীর্ঘ-জীবন লাভ করা যায় । পুস্তক দান করিলে জ্ঞান-লাভ হয়, অন্ন দান করিলে সম্পত্তি লাভ হয় এবং কণ্ঠা দান করিলে কীর্তিলাভ হয়। ১০৯-১১১ । হে হরে ! অশ্ব স্থানে যে সমস্ত কৰ্ম্ম, ত্রত, দান, জপ ও তপস্যা করা যায়, সেই সমস্ত গঙ্গাতীরে করিলে কোটিগুণ ফল প্রাপ্ত হওয়া যায় । হে বিষ্ণো ! গঙ্গাতীরে যথাবিধি ধেনু দান করিলে, ধেনুর গাত্রে যত লোম থাকে, মানব তাবৎপরিমিত যুগ সৰ্ব্ব প্রকার সমৃদ্ধি-সম্পন্ন হইয়া থাকে । ১১২-১১৩ । গঙ্গাতীরে কামধেনু প্রদান করিলে, মানব নানা প্রকার দিব্যভোগযুক্ত হইয়া আমার লোকে বাস করিয়া থাকে । এবং বান্ধব, সুহৃদ ও পিতৃগণের সহিত সর্ববয়সে ভূষিত হইয়া, দেবগণেরও অলভ্য ভোগসমূহ ভোগ করত, পশ্চাৎ রত্নকাঞ্চন-সম্পন্ন, শীল ও বিদ্যাসমম্বিত এবং ধনধান্যসমাকুল কূলে জন্ম গ্রহণ করে । ১১৪-১১৬ । এবং তথায় পুত্রপৌত্রগণে বেষ্টিত হইয়া, বহুতর সম্পত্তি ভোগ করত পূর্বজন্ম-বাসনা-বশে পুনরায় কাশীতে উত্তরবাহিনী গঙ্গা প্রাপ্ত হইয়া, বিশ্বেশ্বরের আরাধনা করত দেহান্তে মুক্তিলাভ করিয়া থাকে । ১১৭-১১৮ । যাহারা গঙ্গাতীরে ভক্তি-সহকারে স্বল্পমাত্রও ভূমি দান করে, তাহাদের পুণ্যফল শ্রবণ কর । সেই ভূমিতে যাবতীয় ত্রসরেণু আছে, তাবৎপরিমিত যুগ, মহেন্দ্র, চন্দ্র প্রভৃতি লোকসমূহে মনোভিলষিত ভোগরাশি ভোগ করত সপ্তদ্বীপের অধিপতি ও মহাধর্ম্মপরায়ণ হইয়া ; নরকস্থ পিতৃ-গণকে স্বর্গে আনয়ন এবং স্বর্গস্থিত পিতৃগণকে মোচন করত, অবশেষে জ্ঞানরূপে অসির দ্বারা পাঞ্চভৌতিক অবিচ্ছাদকে ছেদ করিয়া ; পরম বৈরাগ্য-সম্পন্ন হইয়া, উত্তম যোগ অথবা অবিমুক্তক্ষেত্র প্রাপ্ত হইয়া, পরমব্রহ্মস্বরূপ লাভ করে । ১১৯-১২৩ । ভাগীরথীতীরে যে ব্যক্তি ত্রাঙ্কণকে অশীতি রতি সুবর্ণ দান করে, সে ব্যক্তি সুবর্ণ ও রত্নখচিত শুভবিমানে আরোহণ করত, সমস্ত ঐশ্বর্য্যযুক্ত ও সমস্ত লোক কর্তৃক পূজিত হইয়া, প্রলয়কাল পর্য্যন্ত ত্রিজগৎমধ্যবর্তী লোকসমূহে নানাবিধ মনোহর বিষয় ভোগ করত, জম্বুদ্বীপের প্রতাপশালী একমাত্র অধীশ্বর হইয়া অস্ত্রে কাশীতে দেহত্যাগ করত, নির্বাপদ লাভ করিয়া থাকে । ১২৪-১২৭ । জন্মনক্ষত্রে ভক্তি পূর্বক গঙ্গাস্নান করিলে, ক্ষণমধ্যে জন্মাবধি সঞ্চিত পাপসমূহ হইতে মুক্ত হওয়া যায় । বৈশাখ, কার্ত্তিক ও মাঘমাসে গঙ্গাস্নান অতিশয় দুর্লভ । অমাবস্যা গঙ্গাস্নানে শতগুণ ও সংক্রান্তিতে সহস্রগুণ ফল লাভ হয় । ১২৮-১২৯ । চন্দ্র ও সূর্য্যগ্রহণ-কালীন গঙ্গাস্নানে লক্ষগুণ, ব্যতীপাতে অনন্ত, বিষুব সংক্রান্তিতে অযুতগুণ এবং অয়নঘয়ে নিযুতগুণ ফল লাভ হইয়া থাকে । ১৩০ । সোমবারে চন্দ্রগ্রহণ ও রবিবারে

সূর্য্যগ্রহণ হইলে চূড়ামণি যোগ হয়, তাহাতে গঙ্গাস্নান করিলে অনন্ত ফললাভ হয় ।  
 হে বিষ্ণো ! সেই যোগে গঙ্গাতীরে স্নান, দান, জপ ও হোম যাহা কিছু করা যায়,  
 সেই সমুদয়ই অক্ষয় ফল প্রদান করিয়া থাকে । ১৩১-১৩২ । শ্রদ্ধা ও ভক্তিসহ-  
 কারে বিধিপূর্ব্বক গঙ্গাস্নান করিলে, ব্রহ্মহত্যাকারীও বিশুদ্ধ হইতে পারে, অশু  
 পাতকীর ত কথাই নাই । গঙ্গাতীরে কৃগি, কীট, পতঙ্গ প্রভৃতি যাহা মৃত হয় এবং  
 কূল হইতে যে সকল বৃক্ষ পতিত হয়, তাহারাও উৎকৃষ্ট গতি লাভ করিয়া থাকে ।  
 ১৩৩-১৩৪ । জ্যৈষ্ঠমাস শুক্লপক্ষ হস্তানক্ষত্রযুক্ত দশমী তিথিতে, মানবগণ ভক্তি  
 ভাবে গঙ্গাস্নান করিয়া, গঙ্গাতীরে নিশাজাগরণ করিবে এবং দশবিধ পুষ্পাদির দ্বারা  
 দশবার বিধি অনুসারে গঙ্গার পূজা করিবে ও প্রস্থতি পরিমাণ সাজাতিল দশবার  
 গঙ্গায় নিক্ষেপ করিবে এবং বিংশত্যক্ষর গঙ্গামন্ত্র উচ্চারণপূর্ব্বক গুড়মিশ্রিত শক্তুর  
 দশটি পিণ্ড প্রদান করিবে ও ঐ বিংশত্যক্ষর মন্ত্রের দ্বারাই পূজা, জপ ও হোম  
 প্রভৃতি নিষ্পন্ন করিবে । ১৩৫-১৪০ । এবং শক্ত্যানুসারে স্বর্ণ বা রৌপ্যময় গঙ্গা-  
 মূর্ত্তি নির্মাণ করাইয়া, বস্ত্রাচ্ছাদিত পূর্ণ-কুন্তের উপর স্থাপন করত, মূর্ত্তি প্রতিষ্ঠা  
 করিয়া গঙ্গামৃত বিশোধিত সেই মূর্ত্তির পূজা করিবে, এবং অর্চনা-কালে গঙ্গাকে  
 এইরূপে ধ্যান করিবেঃ—তিনি নদী-নদ-নিষেবিতা, ত্রিনেত্র ও চতুর্ভুজা, তাঁহার  
 দেহ অতিশয় সুন্দর, তিনি চারিহস্তে পূর্ণকুন্ত, শ্বেতপদ্ম, বর ও অভয় মুদ্রা ধারণ  
 করিয়া আছেন । অমৃত চন্দ্রের স্থায় তাঁহার দেহ-প্রভা, তিনি চামর সমূহের দ্বারা  
 বীজ্যমান ও শ্বেতচ্ছত্রে বিশোভিতা । তিনি স্রুধা দ্বারা ভূপৃষ্ঠ প্লাবিত করিতেছেন  
 ও দিব্য গন্ধ লেপন করিয়াছেন । ত্রিভুবনবাসী তাঁহার পদ পূজা করিতেছে এবং  
 দেবধিগণ তাঁহার স্তব করিতেছেন । হে বিষ্ণো ! এই প্রকার ধ্যান করত,  
 উপচারসমূহের দ্বারা গঙ্গার পূজা করিয়া, সেই প্রতিমার সম্মুখে আমাকে, তোমাকে,  
 ব্রহ্মাকে, সূর্য্যকে হিমালয়কে এবং ভগীরথকে পূজা করিবে । অনন্তর সমাদর-  
 পূর্ব্বক দশটি ব্রাহ্মণকে চন্দন ও অক্ষত মিশ্রিত দশপ্রস্থ পরিমিত তিল দান  
 করিবে । ১৪১-১৪৭ । চারিপলে এক কুড়ব হয়, চারি কুড়বে এক প্রস্থ হয়,  
 চারিপ্রস্থে এক আঢ়ক হয় এবং চারি আঢ়কে এক জোণ হয়, যাহা পরিমাণে এই  
 রূপ মান হইয়া থাকে । ১৪৮ । অনন্তর যথাশক্তি স্বর্ণ, রৌপ্য বা তাত্ত্বের দ্বারা  
 নির্মিত মৎস্য, কচ্ছপ, মণ্ডুক, মকর, হংস, কারণ্ডব, বক, চক্রবাক, টিট্টি ও সারস  
 প্রভৃতি জলচরজন্তু ও পক্ষিগণের প্রতিকৃতি গঙ্গাপুষ্পের দ্বারা পূজা করিয়া, সেই  
 সমস্ত গঙ্গাজলে নিক্ষেপ করিবে । বিদ্রুশাঠ্য না করিয়া যে ব্যক্তি উপবাস করত  
 বিধিপূর্ব্বক এইরূপ অনুষ্ঠান করে, সে ব্যক্তি দশ-জন্মার্জ্জিত, অদন্ত বস্তুর গ্রহণ,

অবৈধ হিংসা, ও পরদার সেবারূপ তিন প্রকার শাস্ত্রীক পাপ, পারুষ্য, অনৃত, পৈশুন্ম ও অসম্বন্ধ-প্রলাপরূপ চারি প্রকার বাচিক পাপ এবং পরজন্মে অভিধান, মনে মনে পরের অনিষ্টচিন্তা ও বিতথাভিনিবেশরূপ তিন প্রকার মানসিক পাপ, এই দশবিধ পাপ হইতে মুক্তিলাভ করিয়া থাকে । ১৪৯-১৫৪ । এবং সেই ব্যক্তি উদ্ধতন দশপুরুষ ও অধস্তন দশপুরুষকে উদ্ধার করে । ১৫৫ । অনন্তর একাদ্যুক্ত হইয়া গঙ্গার সম্মুখে এই স্তব পাঠ করিবে :—হে গঙ্গে ! মঙ্গলদায়িনী শিবাস্বরূপিনী তোমাকে নমস্কার, ব্রহ্মমূর্তি ও বিষ্ণুরূপিনী তোমাকে নমস্কার, রুদ্ররূপিনী ও শাকরীস্বরূপিনী তোমাকে নমস্কার, ভৈষজ্যমূর্তি ও সর্বদেবস্বরূপিনী তোমাকে নমস্কার, সকলের সমস্ত ব্যাধির ভিষক্শ্রষ্ঠস্বরূপিনী তোমাকে নমস্কার, স্বাবর ও জন্মসম্ভূত বিষহরণকারিণী তোমাকে নমস্কার, সংসারবিঘ্নাশিনী ও জীবনস্বরূপিনী তোমাকে নমস্কার, ত্রিবিধতাপহরণকারিণী ও প্রাণেশীস্বরূপিনী তোমাকে নমস্কার, শাস্ত্রিকারিণী ও পবিত্রমূর্তি তোমাকে নমস্কার, সকলের শুদ্ধ-কারিণী ও পাপের অরিস্বরূপিনী তোমাকে নমস্কার, ভুক্তিমুক্তি ও ভদ্রদায়িনী প্রদায়িনী তোমাকে নমস্কার, ভোগোপ-ভোগদায়িনী ও ভোগবতীস্বরূপিনী তোমাকে নমস্কার, মন্দাকিনী ও স্রগপ্রদারূপিনী তোমাকে নমস্কার, ত্রিপথা ও ত্রৈলোক্যের ভূষণস্বরূপিনী তোমাকে নমস্কার, ত্রিশূলসংস্থা ও ক্ষমাবতীরূপিনী তোমাকে নমস্কার, ত্রিলতাশন সংস্থা ও তেজোবতীস্বরূপিনী তোমাকে নমস্কার, নন্দা, লিঙ্গধারিণী ও সুধাধারস্বরূপিনী তোমাকে নমস্কার, বিশ্বমুখী ও রেবতীরূপিনী তোমাকে নমস্কার, লোকধাত্রী ও বৃহতীস্বরূপিনী তোমাকে নমস্কার, বিশ্বমিত্রা ও নন্দিনীরূপিনী তোমাকে নমস্কার, পৃথিবী, শিবামৃতা ও স্রব্ধারূপিনী তোমাকে নমস্কার, পরাপরশতাত্যা ও তারাস্বরূপিনী তোমাকে নমস্কার, পাশ-জালচ্ছেদনকারিণী ও অভিন্নাস্বরূপিনী তোমাকে নমস্কার, শাস্তা, বরিষ্ঠা ও বরদাস্বরূপিনী তোমাকে নমস্কার, উগ্র, সূৰ্য্যজঙ্ঘী ও সঞ্জীবনীস্বরূপিনী তোমাকে নমস্কার, ব্রহ্মী, ব্রহ্মদা ও দুরিতহারিণীরূপিনী তোমাকে নমস্কার, প্রণতাক্তিহারিণী ও জগজ্জননারূপিনী তোমাকে নমস্কার, সর্বাপৎপ্রতিপক্ষা ও মঙ্গলস্বরূপিনী তোমাকে নমস্কার, শরণাগত দীনজনের দুঃখত্রাণপরায়ণ ও সকলের দুঃখহরণকারিণী নারায়ণীস্বরূপিনী তোমাকে নমস্কার, নির্লেপা, দুর্গহস্তী ও দক্ষারূপিনী তোমাকে নমস্কার, হে নির্বাণদায়িনি গঙ্গে ! পরাপররূপিনী তোমাকে নমস্কার, হে গঙ্গে ! তুমি আমার সম্মুখে পৃষ্ঠে এবং পার্শ্বদ্বয়ে অবস্থান কর এবং তোমাতে আমার স্থিতি হউক । ১৫৬-১৭০ । হে গঙ্গে ! তুমিই আদিত্য, তুমিই অস্তে এবং তুমিই মধ্য । হে শিবে ! তুমিই সমস্ত, তুমিই মূল প্রকৃতি, তুমিই

পরম-পুরুষ । হে গঙ্গে ! তুমিই পরহাত্মা এবং তুমিই শিব, হে শিবে ! তোমাকে নমস্কার । ১৭৪ । যে ব্যক্তি শ্রদ্ধাসহকারে এই স্তোত্র পাঠ বা শ্রবণ করে, সে ব্যক্তি কায়িক, বাচিক ও মানসিক দশবিধ পাপ হইতে মুক্ত হয় । এবং এই স্তব পাঠ বা শ্রবণ করিলে, রোগী রোগ হইতে, বিপন্ন ব্যক্তি বিপদ হইতে, বন্ধব্যক্তি বন্ধন হইতে এবং ভীত ব্যক্তি ভয় হইতে মুক্ত হয় । ১৭৫-১৭৬ । এবং সর্বপ্রকার অভিলষিত পদার্থ প্রাপ্ত হয় ও মরণান্তে দিব্যবিমানে অবস্থান করত, দিব্যস্বামীগণ কর্তৃক উপবীজিত হইয়া স্বর্গে গমন করে । ১৭৭ । এই স্তব লিখিয়া গৃহে রাখিলে বা ধারণ করিলে, অগ্নি, চৌর বা সর্পাদির ভয় থাকে না । জৈষ্ঠমাসে শুক্লপক্ষের দশমী হস্তানক্ষত্র ও বুধবারযুক্ত হইলে ত্রিবিধ পাপ হরণ করিয়া থাকে । সেই দশমীতে যন্ত্র-সহকারে গঙ্গাপূজা করত, গঙ্গাজলে দাঁড়াইয়া যে ব্যক্তি এই স্তব পাঠ পাঠ করে, সে ব্যক্তি দরিদ্র ও অক্ষম হইলেও, পূর্বোক্ত প্রকারে গঙ্গাপূজা করিলে যে ফল হয়, সেই ফল প্রাপ্ত হইয়া থাকে । ১৭৮-১৮১ । যিনি গৌরী, তিনিই গঙ্গা, হুতরাং গৌরী পূজার যে বিধি, গঙ্গাপূজার তাহাই । হে বিষ্ণো ! যেমন আমি, সেই রূপ তুমি, এবং যেমন তুমি, সেই রূপ উমা এবং যেমন উমা, সেই রূপ গঙ্গা, এই চারিরূপে কোন ভেদ নাই । যে ব্যক্তি, বিষ্ণু ও রুদ্রের এবং শ্রী ও গৌরীর এবং গৌরী ও গঙ্গার ভেদ জ্ঞান করে, সে অতিশয় মূর্থ । ১৮২—১৮৪ ।

## অষ্টাবিংশ অধ্যায় ।



### গঙ্গা-মহিমা ।

উমা কহিলেন, হে নাথ ! হে ত্রিকালজ্ঞ ! আমার সন্দেহ অপনয়নের জন্য আমি কিছু জিজ্ঞাসা করিতেছি, যদি আপনার ক্রেশ না হয়, তাহা হইলে তাহার উত্তর প্রদান করুন । যে সময়ে বিষ্ণু, চক্রপুষ্করিণীর তটে তপস্তা করিয়াছিলেন, তখন রাজা ভগীরথ এবং ভাগীরথাহ বা কোথায় ছিলেন ? ১—২ ।

শিব কহিলেন, হে বিশালান্ধি ! এ বিষয়ে সন্দেহ করা উচিত নহে, কারণ ঐশ্বর্য, স্মৃতি এবং পুরাণে ভূত, ভবিষ্যৎ ও বর্তমান ত্রিকালের কথাই বর্ণিত হইয়া



থাকে, অতএব এ বিষয়ে তুমি ব্যর্থ সন্দেহ করিও না । মহাদেব এই কথা বলিয়া পুনরায় গঙ্গামাহাত্ম্য বলিতে আরম্ভ করিলেন । ৩—৪ ।

অগস্ত্য কহিলেন, হে পার্বতী-নন্দন ! দেবদেব মহাদেব পুনরায় গঙ্গার মহিমা বিষ্ণুর নিকট কিরূপ বর্ণন করিয়াছিলেন, তাহা বলুন । ৫ ।

স্কন্দ কহিলেন, হে মুনে মৈত্রাবরুণে ! দেবদেব মহাদেব গঙ্গার মাহাত্ম্য যাহা কীর্তন করিয়াছিলেন, আমি তাহা বলিতেছি শ্রবণ কর । ৬ । যে ব্যক্তি গঙ্গায় আগমন করিয়া, পিতৃগণের উদ্দেশে তিলোদকের সহিত পিণ্ডদান করে, তাহার পিতৃগণ সংসার-সমুদ্র হইতে উদ্ধার লাভ করেন এবং তাঁহাদের শ্রাদ্ধকৰ্ম্মে মানব যত তিল প্রদান করে, তাবৎ পরিণিত সহস্র বর্ষ তাঁহারা স্বর্গে বাস করিয়া থাকেন । ৭-৮ । দেবতা এবং পিতৃগণ সর্বদা গঙ্গাতে অবস্থান করেন, এই নিবন্ধন গঙ্গায় দেব বা পিতৃকার্য্য করিবার সময় তাঁহাদের আবাহন ও বিসর্জন করিতে হয় না । পিতৃবংশে, মাতৃবংশে, গুরুবংশে, স্বশুরবংশে এবং বান্ধববংশে জন্ম গ্রহণ করিয়া যাহারা মৃত হইয়াছে, যাহারা অজাতদম্ভাবস্থাতেই মরিয়াছে, যাহারা গর্ভেই মৃত হইয়াছে, যাহারা অগ্নি, বিদ্যুৎ বা চোর কর্তৃক নিহত হইয়াছে, যাহারা ব্যাঘ্র বা অগ্নি হিংস্র জন্তু কর্তৃক নিহত হইয়াছে, যাহারা উদ্বন্ধনে প্রাণত্যাগ করিয়াছে, যাহারা পতিত হইয়া মরিয়াছে, যাহারা আত্মঘাতা হইয়া, যাহারা আত্মবিক্রয়ো হইয়া, যাহারা অযাজ্যযাজন করিয়া, যাহারা রসবিক্রয়ো হইয়া, যাহারা পাপরোগবিশিষ্ট হইয়া, যাহারা অগ্নিদ, যাহারা গরদ এবং যাহারা গোঘ্ন হইয়া মৃত হইয়াছে, যাহারা অসিপত্রবন নরকে ও যাহারা কুস্তাপাক নরকে গমন করিয়াছে এবং যাহারা রৌরব, অন্ধতামিস্র ও কালসূত্র নামক নরকে গমন করিয়াছে, যাহারা স্বকৰ্ম্মদোষে জাত্যন্তর-সহস্রে ভ্রমণ করিতেছে, যাহারা পক্ষি ও মৃগাদি হইয়া জন্মিয়াছে, যাহারা কাট, বৃক্ষ বা লতা-দি-যোনি প্রাপ্ত হইয়াছে, যাহারা পশু পক্ষ্যাদির মধ্যে নিকৃষ্টযোনি প্রাপ্ত হইয়াছে, ভয়ঙ্কর যমদূতগণ কর্তৃক যাহারা যমলোকে নীত হইয়াছে, যাহারা অবান্ধব, যাহারা বান্ধব, যাহারা অগ্নি জন্মে বান্ধব ছিল, যাহারা অজাতনামা, স্বগোত্রে উৎপন্ন হইয়া যাহারা অপুত্রক হইয়া মৃত হইয়াছে, যাহারা বিষ-ভক্ষণে মরিয়াছে, যাহারা শৃঙ্গিকর্তৃক নিহত হইয়াছে, যাহারা কৃতঘ্ন ছিল, যাহারা গুরুহত্যা করিয়াছিল, যাহারা মিত্রদোহ করিয়াছিল, যাহারা স্ত্রী ও বালক হত্যা করিয়াছিল, যাহারা বিশ্বাসাতক ছিল, যাহারা অসত্য ও হিংসায় রত ছিল, যাহার সর্বদা পাপে রত ছিল, যাহারা অশ্ব বিক্রয় করিয়াছিল, যাহারা পরের দ্রব্য হরণ করিয়াছিল, যাহারা অনাথ ও কুপণাবস্থাপন্ন এবং মনুষ্য জীবন

লাভ করিতে অক্ষয়, মনুষ্য বিধিপূর্বক যদি জাহ্নবীর জলে তাহাদের তর্পণ করে, তবে তাহারাও স্বর্গে গমন করিয়া থাকে, এবং যাহারা স্বর্গে আছেন, তাহারা মুক্তিলাভ করেন। ৯-২১। এই সমস্ত মন্ত্র উচ্চারণপূর্বক, যে ব্যক্তি পিতৃ-তর্পণ, শ্রাদ্ধ ও পিণ্ডদান করে, তাহাকেই বিধিজ্ঞ বলা যায়। ত্রৈলোক্য মধ্যে যে সমস্ত কামপ্রদ তীর্থ আছেন, সেই সমস্ত, কাশীতে উত্তরবাহিনী গঙ্গার সেবা করিয়া থাকেন। হে বিষ্ণো! গঙ্গা সর্বাপেক্ষা পবিত্র এবং ব্রহ্মহত্যাজনিত পাপ অপহরণ করিয়া থাকেন। বিশেষতঃ, কাশীতে উত্তরবাহিনী গঙ্গার স্নান পবিত্র ও পাপনাশিনী আর কিছুই নাই। দেবর্ষি এবং পিতৃগণ সর্বদা এই কথা বলিয়া থাকেন যে, “কাশীতে উত্তর-বাহিনী গঙ্গা কি আমাদের নয়ন গোচর হইবেন? যাহার জলে সন্তপ্ত হইয়া, আমরা তাপত্রয় হইতে বিমুক্ত হইয়া; মহাদেবের প্রসাদে মুক্তিলাভ করিতে সমর্থ হইব”। হে হরে! গঙ্গাই সর্বপ্রকারে মুক্তির কারণ বলিয়া নির্ণীত হইয়াছেন, বিশেষতঃ অবিমুক্তক্ষেত্রে; কারণ, তথায় আমি সর্বদা অবস্থান করিয়া থাকি। কলিযুগকে ঘোরতর জানিয়া গঙ্গাভক্তি অতিশয় গুপ্তভাবে অবস্থান করিতেছেন। মুঢ় মানবগণ তজ্জন্মই মুক্তির কারণ গঙ্গাকে জানিতে পারে না। ২২-২৮। বহুতর জন্ম নানাবিধ ঘোনিতে ভ্রমণ করিয়াও, কোন্ ব্যক্তি গঙ্গাসেবা ব্যতিরেকে নিবৃত্তি লাভ করিতে পারে? হে বিষ্ণো! পাপসমূহের দ্বারা বিক্ষিপ্তচিত্ত ও ভবরোগী অল্পবুদ্ধি মানবগণের পক্ষে গঙ্গাই একমাত্র উৎকৃষ্ট ভেষজ। হে হরে! যে ব্যক্তি গঙ্গাতীরে, ভগ্ন ও বিদীর্ণ স্থানের সংস্কার করে, সে চিরকাল আমার লোকে অক্ষয় স্মৃতিভোগ করিয়া থাকে। ২৯-৩১। যে ব্যক্তি নিজের জন্ম বা অণ্ডের জন্ম গঙ্গায় গমনের উদ্দেশ্য করিয়া, পরে গমন না করে; সে ব্যক্তি স্বীয় পিতৃগণের সহিত নিরয়গামী হয়। হে হরে! গঙ্গাজলের দ্বারা যাহাদের সমস্ত কৃত্য নির্বাহ হয়, সেই সমস্ত মানবগণ ভূমিতে অবস্থিত হইলেও দেবগণের তুল্য। যে ব্যক্তি বহুতর পাপ করিয়াও বৃদ্ধাবস্থায় গঙ্গার সেবা করে, সেও উৎকৃষ্ট গতি লাভ করিয়া থাকে। গঙ্গার জলমধ্যে যতকাল মানবের অস্থি অবস্থান করে, সে ততকাল স্বর্গভোগ করিয়া থাকে। ৩২-৩৫।

বিষ্ণু কহিলেন, হে দেব দেব! হে জগন্নাথ! হে জগতের হিতকারক! হে প্রভো! পবিত্র গঙ্গাজলে যত্বেপি অপঘাতে মৃত দুর্ভাগ ও দুরাত্মা ব্যক্তির অস্থি দৈবাৎ পতিত হয়, তাহা হইলে তাহার কীরূপ সদৃশ্য লাভ হয়, তাহা বলুন। ৩৬-৩৭।

মহেশ্বর কহিলেন, হে বিষ্ণো! আমি এ সম্বন্ধে বাহীক নামক ব্রাহ্মণের পুরাবৃত্ত বলিতেছি, তুমি অবহিত হইয়া শ্রবণ কর। পুরাকালে কলিঙ্গদেশে বাহীক নামে এক ব্রাহ্মণ ছিল। স্নান, সন্ধ্যা ও বেদাঙ্কর বিবর্জিত সেই ব্যক্তি, নামে মাত্র যজ্ঞোপবীত ধারণ করিয়াছিল। সেই ব্রাহ্মণ লবণ বিক্রয় করিত। কোবিন্দী নামে এক নবীনবয়স্কা বিধবা তাহার উপপত্নী ছিল। সেই ব্রাহ্মণ কোন সময় দুর্ভিক্ষে অতিশয় প্রপীড়িত হইয়া, অম্মাভাবে সেই কোবিন্দীর সহিত দেশ-ত্যাগ করত দেশান্তরে গমন করিতে লাগিল। পথিমধ্যে দণ্ডকারণ্যে নরমাংস-প্রিয় ব্যাঘ্রকর্তৃক সেই ক্ষুধাতুর ব্রাহ্মণ নিহত হইল। তখন সেই ব্রাহ্মণের বামপদ গ্রহণ করত, এক গৃধ্রপক্ষী আকাশে উড্ডান হইল। সেই সময়ে মাংসাগ্নী আর একটা গৃধ্র আসিয়া আকাশ পথে সেই মাংসের জন্ত সেই গৃধ্রের সহিত যুদ্ধ করিতে লাগিল। আমিষগ্রহণাভিলাষে যখন সেই গৃধ্রবয় পরস্পর জয়ের জন্ত ঘোরতর যুদ্ধে প্রবৃত্ত হইল, তখন হঠাৎ ব্যাঘ্রকর্তৃক ব্যাপাদিত সেই বাহীকের পাদশূলক, গৃধ্রের চকুপুট হইতে গঙ্গাগর্ভে নিপতিত হইল। ৩৮-৪৫। যে সময়ে সেই ব্রাহ্মণ ব্যাঘ্র কর্তৃক নিহত হয়, সেই সময়েই যমদূতগণ ক্রুর মূর্তিতে আগমন করত, তাহার সুক্ষ্মদেহ দৃঢ়রূপে রজ্জুদ্বারা বদ্ধ করিয়া, মর্ষভেদী অন্ত্রের দ্বারা প্রহার করিতে করিতে যমরাজের নিকট লইয়া যায়। তাহাদের কঠোর প্রহারে তাহার মুখ দিয়া অবিরত রুধির বমন হইতে লাগিল। অনন্তর যমের নিকট উপস্থিত হইলে পর, যম চিত্রগুপ্তকে জিজ্ঞাসা করেন যে, এই ব্রাহ্মণের ধর্ম ও অধর্মের পরিমাণ বিচার করিয়া শীঘ্র বল। যমকর্তৃক এইরূপ জিজ্ঞাসিত হইয়া, সর্বদা জীবগণের সমস্ত কর্মের জ্ঞাতা বিচিত্রবুদ্ধি চিত্রগুপ্ত, যমকে সেই দুর্বৃত্ত ব্রাহ্মণের জন্মদিন হইতে অশুভ কর্ম সমুদয় বলিতে লাগিলেন। ৪৬-৫০।

চিত্রগুপ্ত কহিলেন, ইহার জন্মের পূর্বে কেহই গর্ভাধানাদি কর্ম করে নাই, এবং ইহার জ্ঞানহীন পিতা ইহার জাতকর্মও করে নাই। গর্ভের পাপ বিনাশের হেতু ও সমস্ত জীবনের সুখদায়ক একাদশদিনে নামকরণও ইহার বিধিপূর্বক হয় নাই। যাহার দ্বারা সর্বত্র বিখ্যাত হওয়া যায়, ইহার মন্দবুদ্ধি পিতা, চতুর্থমাসে সেই নিষ্ক্রমণক্রিয়াও করে নাই। ইহার জনক শুভ তিথি ও শুভ দিনে, ষষ্ঠমাসে যে অন্নপ্রাশন করিলে বিদেশগমন রহিত হয়; তাহাও করে নাই। যে কর্ম করিলে সর্বদা মিষ্ট দ্রব্য ভোজন করে, ইহার পিতা কুলরীতি অনুসারে, ইহার সে চূড়াকরণও করে নাই। ৫১-৫৫। যে কর্ম করিলে, কেশসমূহ স্নিগ্ধ ও কুশুমবর্ষী হয়, এবং কর্ণবয় সুবর্ণের দ্বারা ভূষিত ও সৎকথা শ্রবণের উপযোগী

হয়, ইহার পিতা শুভ সময়ে ইহার সে কর্ণবেধও করে নাই। ব্রহ্মচর্য্য বৃদ্ধি ও ব্রহ্মগ্রহণের হেতু মৌলীবন্ধনও ইহার অষ্টম বর্ষ অতীত হইলে হইয়াছিল। যে কর্ম্মের অনন্তর শ্রেষ্ঠ গার্হস্থ্য আশ্রম প্রাপ্ত হওয়া যায়, ইহার পিতা ইহার সেই মৌল্যমোক্ষণের বার্তাও করে নাই। এবং কোন প্রকারে সেই ব্যক্তিচারিণী কোবিন্দীর সহিত এই পরদারাপহারী পাপাত্মার বিবাহ হইয়াছিল। ৫৬-৫৯। এই দুর্বৃত্ত, পঞ্চম বৎসর বয়ঃক্রম হইতে পরের দ্রব্য অপহরণ করিয়া, নিজের উদর পূরণ করিত। এ ব্যক্তি যখন রুগাতে (স্থানবিশেষ) বাস করিত, তখন এক বার্ষিকী একটি গো ইহার লবণ ভক্ষণ করিয়াছিল, তাহাতে এই পাপাত্মা দৃঢ়তর দণ্ডাঘাতে সেই গোকে হত্যা করিয়াছিল। এই ব্যক্তি অনেকবার জননীকে পদাঘাত করিয়াছিল এবং কখন পিতার বাক্য প্রতিপালন করে নাই। অনেকবার এ ব্যক্তি কলহ করিয়া বিষপান করিয়াছিল এবং উদর বিদারণ করিয়া বহুতর জনকে এ ব্যক্তি ক্লেশ প্রদান করিত। এই দুর্বৃদ্ধি ক্রীড়াতেও কলহ করিয়া, অনেক বার ধূস্তর, করবীর প্রভৃতি উপবিষদমূহ পান করিয়াছিল। এ ব্যক্তি অগ্নিতে দগ্ধ হইয়াছিল। হিংস্র জন্তুর কবলে নিপতিত হইয়াছিল এবং অনেক বার শৃঙ্গীকর্তৃক শৃঙ্গের অগ্রভাগ দ্বারা বিদ্ধ হইয়াছিল। এই পাপাত্মা সর্পকর্তৃক অনেক বার দন্ট হইয়াছিল এবং শিষ্ট-সমাজে অতিশয় নিন্দিত ছিল। এই পাপিষ্ঠ কাষ্ঠ, ইষ্টক ও লোষ্ট্রের দ্বারা সাধুগণের নানারূপ অনিষ্ট করিত। সাধুগণ সর্বদা যে উত্তমাস্ত্রের পূজা করিয়া থাকেন, এই দুরাত্মা বারম্বার সেই মস্তক আশ্ফালন করিত। এই মূর্খ, ব্রাহ্মণ হইয়াও গায়ত্রী পর্য্যন্ত জানিত না এবং ইচ্ছাপূর্ব্বক অনেক মৎস্য, মাংস আহার করিয়াছিল। এ ব্যক্তি কেবল আপনার জন্ত অনেক বার পায়স পাক করিয়াছিল এবং লাফা, লবণ, মাংস, দুগ্ধ, দধি, ঘৃত, বিষ, লোহ, অস্ত্র, দাসী, গো, গম্ব, কেশ ও চর্ম্ম প্রভৃতির বিক্রয়কর্তা ছিল। এই পাপাত্মা শূদ্রাঙ্গে শরীর পোষণ করিত এবং পর্ব্বদিনেও মৈথুন করিত। এই দুরাত্মা দৈব ও পৈত্রকর্ম্মে পরাশ্রুত ছিল। ইহার দ্বারা শত শত পক্ষী ও মৃগ নিহত হইয়াছে এবং এই কঠোরহৃদয় দুরাত্মা, অকারণ বহুতর বৃক্ষচ্ছেদন করিত। এবং সর্বদা আপন বন্ধুজনেরও উদ্বেগ উৎপাদন করিত। সর্বদা অসত্য বলিত এবং সর্বদা হিংসাপরায়ণ ছিল। ৬০-৭৩। এই পাষণ্ড কখন কাহাকেও কিছুই দান করে নাই, কেবল শিশ্নোদরপরায়ণ ছিল। হে রবিজ! ইহার বিষয় অধিক আর কি বলিব, এ ব্যক্তি সাক্ষাৎ মূর্ত্তিমান্ পাতক। ইহাকে রোরব, অন্ধতামিশ্র, কুস্তীপাক, অতিরোরব, কালসূত্র, কৃমিস্তক, পূয়শোণিতকর্দম, অসিপত্রবন, যন্ত্রপীড়

সুদংশুক, অধোমুখ, পৃতিগন্ধ, বিষ্ঠাগর্ভ, অভোজন, সূচীভেদ, সংদংশ, লালাপ এবং ক্ষুরধারক নামক প্রত্যেক নরকে এক এক কল্প অবস্থান করান উচিত । ধর্ম্মরাজ চিত্রগুপ্তের মুখ হইতে এই সমস্ত শ্রবণ করিয়া, সেই দুরাচারকে ভৎসনা করত, দূতগণকে ক্রক্ষেপের দ্বারা বাহীককে নরকে লইয়া যাইবার জন্ত আজ্ঞা করিলেন । তাঁহার আজ্ঞা প্রাপ্তিমাত্র দূতগণ, সেই বাহীককে দৃঢ়রূপে বন্ধনকরত, যেখানে সর্বদা পাপীগণের উচ্চ ক্রন্দনধ্বনি শ্রুত হইতেছে ; সেই নরকে লইয়া গেল । ৭৪-৭৯ ।

ঈশ্বর কহিলেন, বাহীক যখন ঘোরতর যাতনাসমূহমধ্যে অবস্থিত হইল, সেই সময়েই গৃধ্রের মুখ হইতে সেই ব্রাহ্মণের পদ, নিম্নলি গঙ্গাজলে নিপতিত হইল । হে হরে ! তৎক্ষণাৎ সুরলোক হইতে ঘণ্টা নিনাদিত ও দিব্যস্ত্রীশতসঙ্খ্যন এক দিব্যরথ বাহিকের নিকট উপস্থিত হইল । তখন সেই ব্রাহ্মণ গঙ্গায় অস্থিপতন-নিবন্ধন দিব্যবেশ ধারণ করত, সেই বিমানে আরোহণ করিয়া এবং দিব্যগন্ধে অনুলিপ্ত হইয়া, অঙ্গরাগণ কর্তৃক চামরসমূহের দ্বারা বীজিত হইতে হইতে স্বর্গলোকে গমন করিল । ৮০-৮৩ ।

স্কন্দ কহিলেন, হে কুম্ভজ ! এই বস্তুশক্তিবিশিষ্ট অতি অদ্ভুত । সদাশিবের কোন পরমাশক্তিই জলরূপে বিরাজ করিতেছেন । জগতের উদ্ধারের জন্ত, করুণারূপ অমৃতপূর্ণ-দেবদেব-মহাদেব এই গঙ্গাকে সৃষ্টি করিয়াছেন । জগতে যেমন অগাধ বহুতর জলপূর্ণ নদী আছে, এই ভাগীরথীকে সাধুগণ যেন, তৎসমুদয়ের সমান বলিয়া গণনা না করেন । হে মune ! শ্রুত্যাঙ্করসমূহ নিম্পীড়ন করিয়া, করুণা প্রযুক্ত দেবাদিদেব গঙ্গাধর, সেই অঙ্কর নিঃসৃত রসসমূহের দ্বারাই এই গঙ্গাকে নিৰ্ম্মাণ করিয়াছেন । ৮৪-৮৭ । সমস্ত জন্তুগণের উপর কৃপা করিয়া, ভগবান্ শঙ্কর যোগ এবং উপনিষদসমূহের সার আকর্ষণ করত, এই নদীশ্রেষ্ঠ গঙ্গাকে নিৰ্ম্মাণ করিয়াছেন । যে দেশে গঙ্গা নাই, সে দেশ চন্দ্রহীন রাত্রি ও পুষ্পহীন পাদপের তুল্য । হে হরে । যে দেশে এবং যে দিকে গঙ্গাজল নাই, সেই দেশ ও সেই দিক্ নীতিবিহীন সম্পদ এবং দক্ষিণাহীন যজ্ঞের তুল্য । ৮৮-৯০ । যেমন সূর্য্যবিহীন আকাশ, প্রদীপহীন গৃহ এবং বেদহীন ব্রাহ্মণ, গঙ্গাহীন দিক্-সমূহও তজ্জপ । যে ব্যক্তি দেহ-শুদ্ধির জন্ত সহস্র চান্দ্রায়ণ করে, আর যে ব্যক্তি গঙ্গাজল পান করে, এই উভয়ের মধ্যে গঙ্গাজলপায়ী ব্যক্তিই শ্রেষ্ঠ । যে ব্যক্তি শতসহস্র বৎসর একপদে অবস্থান করত তপস্যা করে, আর যে ব্যক্তি এক বৎসর গঙ্গাজল পান করে, এই উভয়ের মধ্যে গঙ্গাজলপায়ীই শ্রেষ্ঠ ।

হে হরে ! যে ব্যক্তি শতবৎসর ব্যাপিয়া অধোদিকে মস্তক করিয়া লম্বিত হইয়া তপস্যা করে, আর যে ব্যক্তি ভীষ্ম-জননীর তটস্থিত বালুকার উপর শয়ন করিয়া থাকে, এই উভয়ের মধ্যে বালুকাশায়ীই শ্রেষ্ঠ। কলিকালে পাপ ও তাপসমূহে সমুপ্ত জীবগণের গঙ্গা যেমন পাপ ও তাপ হরণ করে, তদ্রূপ আর কেহই নহে। গরুড়ের দর্শন মাত্রেই সর্পগণ যেমন বিষহীন হয়, তদ্রূপ গঙ্গাদর্শন মাত্রেই পাপ-সমূহ নিস্প্রভ হইয়া যায়। মস্তকে গঙ্গামৃত্তিকাধারী ব্যক্তিকে দেখিলে বোধ হয় সে যেন, তমোনাশের জ্ঞান সূর্য্যবিশ্ব ধারণ করিয়াছে। ব্যসনাভিভূত ও ধনহীন পাপাত্মাগণের গঙ্গাই একমাত্র গতি। গঙ্গা শ্রুত, অভিলষিত, দৃষ্ট, স্পৃষ্ট, পীত ও অবগাহিত হইয়া, মানবগণের পিতৃ ও মাতৃবংশকে তারণ করিয়া থাকেন। কীর্ত্তন, দর্শন, স্পর্শন, পান ও অবগাহন, ইহাদের মধ্যে উত্তরোত্তর এক একটীর অনুষ্ঠান করিলে দশগুণ পুণ্যলাভ হয় ও তৎসংখ্যক পাপনাশ হইয়া থাকে। লোকে গঙ্গা প্রাপ্ত হইয়া যে পুণ্যলাভ করে, পুত্র, বিত্ত বা অন্নবিধ সংকল্পের দ্বারা তাদৃশ পুণ্য প্রাপ্ত হয় না। ১১-১০১। যাহারা সমর্থ হইয়াও গঙ্গায় স্নান করে না, তাহারা জাত্যক্ষ, পঙ্গু এবং জীবিত হইয়াও মৃত। হে হরে ! গঙ্গার মাহাত্ম্য-ভাষিণী শ্রুতি শ্রবণ কর, যাহা শুনিলে মানব গঙ্গাকে আশ্রয় করিবে। যাহারা ইরাবতী, মধুমতী, পয়স্বিনী, অমৃতরূপা, উর্দ্ধস্বতী এবং ত্রিদিব-প্রসূতা গঙ্গাকে আশ্রয় করে, তাহারা স্বর্গে গমন করিয়া থাকে। যাহারা মনের সহিত সর্বপ্রকারে ঋষিগণকর্তৃকসেবিতা, বিষ্ণুপদী, পুরাতনী ও সুপুণ্যধারা গঙ্গার শরণাগত হয়, তাহারা ব্রহ্মলোকে গমন করিয়া থাকে। ১০২-১০৫। যিনি সমস্ত গুণোপপন্না জননীর আয় এই লোকসমূহকে সর্বদা স্বর্গে লইয়া যান, যাহারা ব্রহ্মপদের অভিলাষ করে, তাহাদের সর্বদাই সেই গঙ্গার উপাসনা করা উচিত। যে ব্যক্তি আত্মশুদ্ধি কামনা করিবে, সে ব্যক্তি দেবগণকর্তৃকসেবিতা, ইচ্ছাকারিণী, বিশ্বরূপা, ইরাবতী, গুহ-জননী, অমৃত এবং ব্রহ্মকাস্তা গঙ্গার সেবা করিবে। ১০৬-১০৭। ব্রহ্মচারী ব্যক্তি সমাহিত হইয়া গঙ্গাস্নান করিলে সমস্ত পাপ হইতে নিমুক্ত হইয়া, বাজপেয় যজ্ঞের ফল লাভ করে। অশুভ কৰ্ম্মসমূহের দ্বারা গ্রস্ত, মহার্গবে নিমজ্জমান এবং নরকগামী ব্যক্তিগণ, যদি গঙ্গার আশ্রয় গ্রহণ করে, তাহা হইলে গঙ্গা তাহাদিগকে উদ্ধার করিয়া থাকেন। সমস্ত লোকের মধ্যে ব্রহ্মলোক যেমন উত্তম, তদ্রূপ জাহ্নবীও নদীসমূহের মধ্যে শ্রেষ্ঠ। অগ্ন্যহানে সংকল্পপূর্ব্বক তিন বৎসর তপস্তা করিলে যে ফললাভ হয়, গঙ্গায় ভক্তিপূর্ব্বক অর্দ্ধদশ মাত্র তপস্তা করিলে সেই ফল প্রাপ্ত হওয়া যায়। রাত্রিকালে চন্দ্রোদয়

হইলে গঙ্গাতটে যে প্রীতিলাভ হয়, স্বর্গে অক্ষয় সুখভোগী ব্যক্তির তাদৃশ প্রীতি লাভ হয় না । জরা ও রোগসঙ্কুল-দেহ জাহ্নবী-জলে তৃণের স্থায় পরিত্যাগ-করত, অনায়াসে মনুষ্য স্বর্গে গমন করিতে পারে । যাঁহার বারিসমূহের দ্বারা প্লাবিত হইয়া, শশিমণ্ডল রাত্রিকালে অধিকতর শোভা ধারণ করে, যাঁহার জলে আপ্নত জীবের সমস্ত পাতক বিনষ্ট হয় এবং তৎক্ষণাৎ মহৎ শ্রেয়ঃলাভ হয়, যাঁহার জলে তর্পণ করিলে পিতৃগণের ত্রৈবার্ষিকী তৃপ্তিলাভ হয়, ক্ষিত্তিহ মানব, অধঃস্থ সরীসৃপ এবং স্বর্গস্থ দেবগণকে তারণ করেন বলিয়া, যাঁহার নাম “ত্রিপথগা” হইয়াছে । হে বিষ্ণো ! সেই গঙ্গাই তীর্থসমূহের মধ্যে শ্রেষ্ঠ-তীর্থ এবং নদী-সমূহের মধ্যে শ্রেষ্ঠ-নদী । গঙ্গা মহাপাতকীগণকেও স্বর্গ প্রদান করিয়া থাকেন । হে বিষ্ণো ! স্বর্গে, মর্ত্তে এবং অন্তরীক্ষে যাবতীয় তীর্থ আছে, তৎসমস্ত গঙ্গাতে অবস্থিত আছে । ১০৮-১১৯ । যে ব্যক্তি জ্ঞান-সহকারে গঙ্গাতে স্নাত হয়, সে স্বর্গে গমন করে এবং কখন নরক দর্শন করে না, কিন্তু আত্মঘাতী হইলে তাহার স্বর্গ হয় না । গঙ্গাই সমস্ত তীর্থ, গঙ্গাই তপোবন এবং গঙ্গাই সিদ্ধিক্ষেত্র, তাহাতে কোন সন্দেহ নাই । হে ঘটোত্তব ! যে স্থানে বৃক্ষগণ কামকলপ্রদাতা এবং মুক্তিকা স্রবর্ণময়ী, গঙ্গাস্নায়ী ব্যক্তিগণ সেই স্থানে বাস করেন । যে ব্যক্তি গঙ্গাতীরে বাস ও রত্নের দ্বারা অলঙ্কৃত করিয়া, পয়স্বিনী স্ত্রীলা ধেনু ব্রাহ্মণকে দান করে, হে মুনে ! সেই ধেনু ও তাহার বৎসের যত লোম থাকে, তাবৎ সহস্র বৎসর সেই ব্যক্তি স্বর্গস্থ ভোগ করে । ১২০-১২৪ ।

## উনত্রিংশ অধ্যায় ।

—\*—

গঙ্গার সহস্র নাম ।

অগস্ত্য কহিলেন, হে ষড়ানন ! গঙ্গাস্নান ব্যতিরেকে মানবগণের জন্ম নিরর্থক ; যাহারা অশক্ত, পঙ্গু, আলস্তযুক্ত এবং গঙ্গা হইতে দূরদেশে অবস্থিত, তাহাদের ত গঙ্গাস্নানের সম্ভাবনা নাই, সুতরাং যাহাতে তাহারা গঙ্গাস্নানের ফল-লাভ করিতে পারে, তাদৃশ কোন দান, ব্রত, মন্ত্র, স্তোত্র, জপ, তীর্থাভিষেক বা দেবভোপাসনারূপ উপায় যদি থাকে, তবে তাহা আমাকে বলুন । হে গঙ্গাগর্ভ-

সমুদ্ভব-স্কন্দ ! আপনার অপেক্ষা আর কোন ব্যক্তিই বিস্তৃতরূপে গঙ্গার মহিমা অবগত নহেন । ১-৫ ।

স্কন্দ কহিলেন, হে মুনে ! জগতে অনেক নদা আছে, বাহাদের জল পবিত্র । এবং অনেক তীর্থ আছে, যথায় অনেক জিতেন্দ্রিয় মহাত্মাগণ অবস্থান করিয়া থাকেন । সেই সমস্ত তীর্থ সাক্ষাৎ ফলপ্রদানকারী ও মহিমাশালী হইলেও, তাঁহারা গঙ্গার কোটি অংশের তুল্য নহেন । হে অগস্ত্য ! তুমি ইহার দ্বারাই গঙ্গার মহিমা অনুমান করিয়া লও, যে, স্বয়ং দেবদেব মহাদেব ইহাকে মস্তকে ধারণ করিয়া আছেন । মানবগণ অশ্রুতীর্থে স্নান করিবার সময়েও মনে মনে গঙ্গার চিন্তা করিয়া থাকে, কারণ গঙ্গা ব্যতীত আর কে পাপমোচন করিতে সমর্থ হয় ? হে মুনে ! যেমন দ্রাক্ষাফলের স্বাদ দ্রাক্ষাফলেই অবস্থিত, তদ্রূপ গঙ্গাস্নানেই, তাহার ফল পাওয়া যায় । তথাপি আরও একটা উপায় আছে, বাহার দ্বারা অবিকল গঙ্গাস্নানের ফলপ্রাপ্ত হওয়া যায় । সেই উপায়টী অতি গোপনীয় । শিবভক্ত, শান্ত, বিষুভক্ত, শ্রদ্ধালু, আস্তিক এবং যে ব্যক্তি গর্ভবাস হইতে মুক্ত হইতে ইচ্ছা করে, তাহাদের নিকট ভিন্ন, অশ্রুত কাহারও নিকট এই উপায়টী বলা উচিত নহে । গঙ্গার বক্ষ্যমাণ সহস্র-নামই সেই উপায় । এই সহস্র-নাম অতি শ্রেষ্ঠ ও গোপনীয়, ইহা মহাপাতকসমূহকে বিনষ্ট করে এবং মহামঙ্গলজনক ও মনোরথসিদ্ধির উপায় । এই সহস্র-নামে গঙ্গা এবং শিব অতিশয় প্রসন্ন হন এবং ইহা স্তবসমূহের মধ্যে অতি শ্রেষ্ঠ, ইহা বেদ ও উপনিষদের তুল্য জপ্য । মানব পবিত্র স্থানে উপবিষ্ট হইয়া, পবিত্রচিত্তে স্পষ্টাক্ষরে এই সহস্র-নাম পাঠ করিবে । ৬-১৬ ।

স্কন্দ কহিলেন, শ্রীগঙ্গাদেবীকে নমস্কার । প্রণবরূপিণী, অজরা, অতুলা, অনন্তা, অমৃতস্রবা, অত্যাধারা, অভয়া, অশোক, অলকনন্দা, অমৃতা, অমলা, অনাথবৎসলা, অমোঘা, অম্মুঘোনি, অমৃতপ্রদা, অব্যক্তলক্ষণা, অক্ষোভ্যা, অনবচ্ছিন্না, অপরা, অজিতা, অনাথনাথা, অভীকার্থসিদ্ধিদা, অনঙ্গবর্জিনী, অগ্নিমানি-  
গুণা, অধারা, অগ্রগণ্যা, অলীকহারিণী, অচিন্ত্যশক্তি, অনঘা, অমৃতরূপা, অঘহারিণী, অত্রিরাজহুতা, অর্চাজ্যোগসিদ্ধিপ্রদা, অচ্যুতা, অক্ষুরশক্তি, অমৃদা, অনন্ততীর্থা, অমৃতোদকা, অনন্তমহিমা, অপারা, অনন্তসৌখ্যপ্রদা, অম্লদা, অশেষ-  
দেবতামূর্তি, অঘোরা, অমৃতরূপিণী, অবিজ্ঞাজালশমনী, অপ্রতর্ক্যগতিপ্রদা, অশেষ-  
বিঘ্নহারিণী, অশেষগুণগুপ্তিতা, অজ্ঞানতিমিরজ্যোতিঃ, অনুগ্রহপরায়াণা, অভিরামা, অনবজাজী, অনন্তসারা, অকলঙ্কিনী, আরোগ্যদা, আনন্দবল্লী, আপন্নান্তিবিনাশিনী,



আশ্চর্য্যমূর্ত্তি, আয়ুষা, আঢ্যা, আভা, আপ্রা, আর্ধ্যসেবিতা, আপ্যায়িনী, আশ্রুবিছা,  
 আখ্যা, আনন্দা, আশ্বাসপ্রদায়িনী, আলম্বনী, আপদহারিণী, আনন্দামৃতবারিণী,  
 ইরাবতী, ইফ্দাত্তী, ইফ্দ্, ইফ্দ্পূর্ত্তফলপ্রদা, ইতিহাসশ্রুতীড্যার্থা, ইহামৃতশুভপ্রদা,  
 ইজ্যাশীলসমিজ্যোষ্ঠা, ইন্দ্রাদিপরিবন্দিতা, ইলালঙ্কারমালা, ইন্ধা, ইন্দিরারম্যমন্দিরা,  
 ইৎ, ইন্দ্রাদিসংসেব্যা, ঈশ্বরী, ঈশ্বরবল্লভা, ঈতিভীতিহরা, ঈড্যা, ঈড়নীয়-  
 চরিত্রভূৎ, উৎকৃষ্টশক্তি, উৎকৃষ্টা, উড়ুপমগুলচারিণী, উদিতাস্বরমার্গা, উত্সা,  
 উরগলোকবিহারিণী, উক্ষা, উর্বরা, উৎপলা, উৎকুস্তা, উপেন্দ্রচরণপ্রভা, উদয়ৎ-  
 পূর্ত্তিহেতু, উদারা, উৎসাহপ্রবন্ধিনী, উদেগদ্বী, উৎকণ্ঠমণী, উৎকণ্ঠশাস্ত্রতাপ্রিয়া,  
 উৎপত্তিস্থিতিসংহারকারিণী, উপরিচারিণী, উর্জ্জবহন্তা, উর্জ্জধরা, উর্জ্জাবতী,  
 উর্শ্বিমালিনী, উর্জ্জরেতঃপ্রিয়া, উর্জ্জাধা, উর্শ্বিলা, উর্জ্জগতিপ্রদা, ঋষিবৃন্দস্তুতা, ঋদ্ধি,  
 ঋগত্রয়বিনাশিনী, ঋতস্তুরা, ঋদ্ধিদাত্তী, ঋক্সরূপা, ঋজুপ্রিয়া, ঋক্ষমার্গবহা,  
 ঋক্ষার্চিঃ, ঋজুমার্গপ্রদর্শিনী, ঐধিতাখিলধর্ম্মার্থা, একা, একামৃতদায়িনী, এধনীয়-  
 স্তবাবা, এজ্যা, এজিতাশেষপাতকা, ঐশ্বর্য্যদা, ঐশ্বর্য্যরূপা, ঐতিহ্য, ঐন্দবীদ্রুতি,  
 ওজস্বিনী, ওষধিক্ষেত্র, ওজোদা, ওদনদায়িনী, ওষ্ঠামৃত, ওম্মত্যা, ( ভবরোগি-  
 গণের ) ওষধ, ওদার্য্যচক্ষু, ওপেন্দ্রী, ওগ্রী, ওমেয়রূপিণী, অম্বরাদবহা, অম্বষ্ঠা,  
 অম্বরমালা, অম্বুজেক্ষণা, অম্বিকা, অম্বুমহাযোনি, অম্বোদা, অম্বকহারিণী, অংশু-  
 মালা, অংশুমতী, অঙ্গীকৃতষড়াননা, অন্ধতামিস্রহস্তী, অন্ধু, অঞ্জনা, অঞ্জনাবতী,  
 কল্যাণকারিণী, কাম্যা, কমলোৎপলগন্ধিনী, কুমুদতী, কমলিনী, কান্তি, কল্পিত-  
 দায়িনী, কাক্ষ্যাক্ষী, কামধেনু, কীর্ত্বিকৃৎ, ক্রেশনাশিনী, ক্রতুশ্রেষ্ঠা, ক্রতুফলা,  
 কর্ম্মবন্ধবিভেদিনী, কমলাক্ষী, ক্রমহরা, কৃশামৃতপনদ্রুতিঃ, করুণাদ্রা, কল্যাণী,  
 কলিকল্মষনাশিনী, কামরূপা, ক্রিয়াশক্তি, কমলোৎপলমালিনী, কূটস্থ, করুণা,  
 কাস্তা, কুর্ম্মযানা, কলাবতী, কমলা, কল্পলতিকা, কালী, কলুষবৈরিণী, কমনীয়-  
 জলা, কাম্রা, কপদিস্থকপদগা, কালকূটপ্রশমণী, কদম্বকুম্মপ্রিয়া, কালিন্দী,  
 কেলিললিতা, কলকল্লোলমালিকা, ক্রান্তলোকত্রয়া, কণ্ডু, কণ্ডুতনয়বৎসলা, খড়্গিণী,  
 খড়্গধারাতা, খগা, খণ্ডেন্দুধারিণী, খেলগামিনী, খস্মা, খণ্ডেন্দুতিলকপ্রিয়া,  
 খেচরী, খেচরীবন্দ্যা, খ্যাতি, খ্যাতিপ্রদায়িনী, খণ্ডিতপ্রণতাঘোষ, খলবুদ্ধি-  
 বিনাশিনী, খাতৈনঃকন্দসন্দোহা, খড়্গখট্টাখিটিনী, খরসস্তাপশমণী, ( পীযুষ-  
 জলের ) খনি, গঙ্গা, গন্ধবতী, গৌরী, গন্ধর্ব্বনগরপ্রিয়া, গম্ভীরালী, গুণময়ী,  
 গতাস্তকা, গতিপ্রিয়া, গণনাধাম্বিকা, গীতা, গুণপত্মপরিষ্কৃতা, গান্ধারী, গর্ভশমণী,  
 গতিভ্রষ্ট-গতিপ্রদা, গৌতমী, গুহাবিছা, গো, গোপ্ত্রী, গগনগামিনী, গৌত্রপ্রবন্ধিনী,

গুণ্যা, গুণাতীতা, গুণাগ্রণী, গুহাশ্বিকা, গিরিস্বতা, গোবিন্দাজিষ্মমুদ্ভবা, গুণনীয়চরিত্রা, গায়ত্রী, গিরিশপ্রিয়া, গুচরূপা, গুণবতী, গুব্বী, গোরববন্ধিনী, গ্রহপীড়াহরা, গুন্ডা, গরম্বী, গানবৎসলা, ঘর্ম্মহন্ত্রী, স্মৃতবতী, স্মৃততুষ্টিপ্রদায়িনী, ঘণ্টারবপ্রিয়া, ঘোরারঘৌষবিধ্বংসকারিণী, ভ্রাণতুষ্টিকরী, ঘোষা, ঘনানন্দা, ঘনপ্রিয়া, ঘটুকা, ঘৃণিতজলা, ঘৃষ্টপাতকসম্ভূতি, ঘটকোটীপ্রপীতাপা, ঘটতিশেষমঙ্গলা, ঘৃণাবতী, ঘৃণনিধি, ঘস্মরা, ঘূকনাদিনী, ঘূস্মগাপিঞ্জরতমু, ঘর্ষরা, ঘর্ষরস্মনা, চন্দ্রিকা, চন্দ্রকান্তাসু, চঞ্চদাপা, চলত্যাতি, চিন্ময়ী, চিত্তরূপা, চন্দ্রায়ুতশতাননা, চাম্পেয়লোচনা, চারু, চার্ববঙ্গী, চারুগামিনী, চার্যা, চরিত্রনিলয়া, চিত্রকুৎ, চিত্ররূপিণী, চম্পু, চন্দনশুচ্যাসু, চর্চ্চনীয়া, চিরস্থিরা, চারুচম্পকমালাঢ্যা, চমিতাশেষতুষ্কতা, চিদাকাশবহা, চিস্ত্যা, চঞ্চচামরবীজিতা, চোরিতাশেষবুজিনা, চরিতাশেষমণ্ডলা, ছেদিতাখিলপাপোষা, ছদ্মস্বী, ছলহারিণী, ছমত্রিবিষ্টপতলা, ছোটীতাশেষবন্ধনা, ছুরিতামৃতধারৌষা, ছিন্নৈনাঃ, ছন্দগামিনী, ছত্রাকৃতমরালৌষা, ছটীকৃতনিজামৃত, জাহ্নবী, জ্যা, জগন্মাতা, জপ্যা, জজ্বালবাচিকা, জয়া, জনার্দনপ্রীতা, জুঘণীয়া, জগদ্ধিতা, জীবন, জীবনপ্রাণা, জগৎ, জ্যেষ্ঠা, জগন্ময়ী, জীবজীবাতুলতিকা, জন্মিজন্মনিবর্হিণী, জাড্যবিধ্বংসনকরী, জগদযোনি, জলাবিলা, জগদানন্দ, জননী, জলংজা, জলজ্জেক্ষণা, জনলোচনপীযুষা, জটাতটবিহারিণী, জয়ন্তী, জঞ্জপুকল্পী, জনিতজ্ঞানবিগ্রহা, ঝল্লরীবাঘকুশলা, ঝলজ্ঝালজলাবৃত্তা, ঝিণ্টীশবন্দ্যা, ঝঙ্কারকারিণী, ঝর্ঝরাবতী, টাকিতাশেষপাতালা, ( পাপরূপ পর্বতের বিদারণ ) টঙ্কিকা, টঙ্কারনৃত্যৎকল্লোলা, টীকনীয়মহাতটা, ডম্বরপ্রবহা, ডীনরাজহংসকুলাকুলা, ডমডমরুহস্তা, ডামরোক্তমহাণ্ডকা, ঢোকিতাশেষনির্ব্বাণা, ঢকানাদচলজ্জলা, ঢুণ্ডিবিঘ্নেশজননী, ঢগঢ্ঢুণ্ডিতপাতকা, তর্পণী, তীর্থতীর্থা, ত্রিপথা, ত্রিদশেশ্বরী, ত্রিলোকগোগুপ্তী, তোয়েণী, ত্রৈলোক্যপরিবন্দিতা, তাপত্রিতয়সংহত্রী, তেজোবলবিবর্দ্ধিনী, ত্রিলক্ষা, তারণী, তারা, তারাপতিকরাচিঁতা, ত্রৈলোক্যপাবনৌপুণ্যা, তুষ্টিদা, তুষ্টিরূপিণী, তৃষাছেত্রী, তীর্থমাতা, ত্রিবিক্রমপদোদ্ভবা, তপোময়ী, তপোরূপা তপস্তোমফলপ্রদা, ত্রৈলোক্যব্যাপিনী, তৃপ্তি, তৃপ্তিকুৎ, তব্ধরূপিণী, ত্রৈলোক্যসুন্দরী, তুর্ঘ্যা, তুর্ঘ্যাতিতপদপ্রদা, ত্রৈলোক্যলক্ষ্মী, ত্রিপদী, তথ্যা, তিমিরচান্দ্রিকা, তেজোগর্ভা, তপসারা, ত্রিপুরারিশিরোগৃহা, ত্রয়াস্বরূপিণী, তস্থা, তপনাস্রজভীতিশুৎ, তরি, তবণিজামিত্র, তর্পিতাশেষপূর্ব্বজা, তুলাবিরহিতা, তাত্রপাপতুলতনূনপাৎ, দারিদ্ৰ্য্যদমনী, দক্ষা, দুশ্প্রেক্ষা, দিব্যমণ্ডনা, দীক্ষাবতী, দুরাবাপ্যা, দ্রাক্ষামধুরবারিভূৎ, দর্শিতানেককুতুকা, দুষ্কদুর্জ্জয়দুঃখহৎ, দৈন্যহৎ, দুরিতস্বী, দানবারিপদাজ্জা, দংদশুকবিষম্বী, দারিতার্যৌষসম্ভূতি, দ্রুতা,

দেবক্রমচ্ছিন্না, দুৰ্ব্বারাবিঘাতিনী, দমগ্রাহা, দেবমাতা, দেবলোকপ্রদর্শিনী, দেবদেব-  
 প্রিয়া, দেবী, দিক্‌পালপদদায়িনী, দীর্ঘায়ুকারিণী, দীর্ঘা, দোক্ষী, দুষণবজ্জিতা, দুষ্কা-  
 শ্রুবাহিনী, দোহা, দিব্যা, দিব্যগতিপ্রদা, দ্যানদী, দীনশরণা, দেহিদেহনিবারিণী,  
 জ্যোতিসী, দাবহজ্জো, দিতপাতকসন্ততি, দূরদেশান্তরচরী, দুর্গমা, দেববল্লভা, দুর্ব্ভগ্নী,  
 দুর্বিগাহা, দয়াধারা, দয়াবতী, দুয়াসদা, দানশীলা, জ্যোতি, ক্রহিগন্ততা, দৈন্তদানব-  
 সংশুকিকর্ত্রী, দুর্ব্বুদ্ধিশারিণী, দানসারা, দয়াসারা, জ্যোতিমিবিগাহিনী, দৃষ্টাদৃষ্ট-  
 ফলপ্রাপ্তি, দেবতাবৃন্দবান্ধিতা, দীর্ঘব্রতা, দীর্ঘদৃষ্টি, দীপ্তহোয়া, দুর্জালভা, দণ্ডয়িত্রী,  
 দণ্ডনীতি, দুষ্টদণ্ডধারিত্তি, দুর্জোদরস্বী, দাবার্চিঃস্রবৎ, জ্যৈষ্ঠকশেবধি, দীনসস্তাপ-  
 শমনী, দাত্রী, দবধুৈবরিণী, দরিবিদারণপরা, দাস্তা, দাস্তজনপ্রিয়া, দারিতাজিততা,  
 দুর্গা, দুর্গারণ্যপ্রচারিণী, ধর্ম্মজবা, ধর্ম্মধুরা, ধেনু, ধীরা, ধৃতি, ধ্রুবা, ধেনুদানফল-  
 স্পর্শা, ধর্ম্মকামার্থমোক্ষদা, ধর্ম্মোর্ম্মিবাহিনী, ধূম্রা, ধাত্রী, ধাত্রীবিভূষণ, ধর্ম্মিণী,  
 ধর্ম্মশীলা, ধর্ম্মিকোটীকৃতাবনা, ধাতুপাপহরা, ধোয়া, ধাবনী, ধৃতকল্মষা, ধর্ম্মধারা,  
 ধর্ম্মসারা, ধনদা, ধনবন্ধিনী, ধর্ম্মাধর্ম্মগুণচ্ছেত্রী, ধন্তরকুসুমপ্রিয়া, ধর্ম্মেশী, ধর্ম্ম-  
 শাস্ত্রজ্ঞা, ধনধাত্তসমৃদ্ধিকৃৎ, ধর্ম্মলভ্যা, ধর্ম্মজলা, ধর্ম্মপ্রসবা, ধর্ম্মিণী, ধ্যানগম্যস্বরূপা,  
 ধরণী, ধাতুপূজিতা, ধূর, ধূর্জটিজটাসংস্থা, ধাত্তা, ধীঃ, ধারণাবতী, নন্দা, নির্বাণজননী,  
 নন্দিনী, মুম্বপাতকা, নিষিক্তবিস্মিন্‌চয়া, নিজানন্দপ্রকাশিনী, নভোজনচরী, নৃত্তি,  
 নম্যা, নারায়ণী, সূতা, নির্ম্মলা, নির্ম্মলাখ্যানা, ( তাপসমুহের ) নাশিনী, নিয়তা,  
 নিত্যসুখদা, নানাসচর্য্যমহানিধি, নদী, নদসরোমাতা, নায়িকা, নাকদীঘিকা, নষ্টো-  
 ক্তরণধীরা, নন্দনা, নন্দদাস্বিনী, নির্ণিক্তাশেষভুবনা, নিঃসজ্জা, নিরুপদ্রবা, নিরালম্বা,  
 নিম্প্রপঞ্চা, নির্ণাশিতমহামলা, নির্ম্মলজ্ঞানজননী, নিঃশেষপ্রাণিতাপহৎ, নিত্যোৎসবা  
 নিত্যতৃপ্তা, নমস্কার্যা, নিরঞ্জন, নিষ্ঠাবতী, নিরাতকা, নির্লেপা, নিশ্চলাজ্জিকা, নির-  
 বজ্জা, নিরীহা, নীললোহিতমূর্দ্ধগা নন্দভূজিগণস্তুত্যা, নাগা, নন্দা, মগাজ্জা, নিম্প্র-  
 ত্যাহা, নাকনদী, নিরয়ার্ণবদীর্ঘনো, পুণ্যপ্রদা, পুণ্যগর্ভা, পুণ্যা, পুণ্যতরঙ্গিণী, পৃথু,  
 পৃথুকলা, পূর্ণা, প্রণতাস্তিপ্রভঞ্জিনী, প্রাণদা, প্রাণজননী, প্রাণেশী, প্রাণরূপিণী,  
 পদ্মালয়া, পরাশক্তি, পুরজিৎপরমপ্রিয়া, পরা, পরফলপ্রাপ্তি, পাবনী, পয়স্বিনী,  
 পরনন্দা, প্রকৃষ্টার্থা, প্রতিষ্ঠা, পালনী, পরা, পুরাণগঠিতা, প্রীতা, প্রণবাক্করূপিণী,  
 পার্বতী, প্রেমসম্পন্ন, পশুপাশবিমোচিনী, পরমাজ্জস্বরূপা, পরব্রহ্মপ্রকাশিনী, পরমা-  
 নন্দনিম্পন্দা, প্রায়শ্চিত্তস্বরূপিণী, পানীয়রূপনির্ব্বাণা, পরিত্রাণপরায়াণা, পাপেক্ষনদ-  
 বজ্জালা, পাপারি, পাপনামমুৎ, পরমৈশ্বর্য্যজননী, প্রজ্ঞা, প্রাজ্ঞা, পরাপরা, প্রত্যক-  
 লক্ষ্মী, পদ্মাক্ষী, পরব্যোমায়ুতত্সবা, প্রসন্নরূপা, প্রণিধি, পূতা, প্রত্যকদেবতা,

পিনাকিপরমশ্রীতা, পরমেশ্বিকমণ্ডলু, পদ্মনাভপদাধীপ্রসূতা, পদ্মমালিনী, পরচ্ছিন্দা,  
 পুষ্টিকরী, পথ্যা, পুষ্টি, প্রভাবতী, পুনান, পীতগর্ভদ্বী, পাপকর্তনশিনী, ফলিনী;  
 ফলহস্তা, ফুলানুজবিলোচনা, ফালিতৈনোগহাক্ষেত্রা, ফণিলোকবিভূষণ, ফেণচ্ছল-  
 প্রমুগ্নৈনাঃ, ফুল্লকৈরবগন্ধিনী, ফেনিলাচ্ছানুধারাভা, ফুড়চ্ছাটিতপাতকা, ফণিত-  
 স্বাদুসলিলা, ফাণ্টপথ্যজলালিলা, বিশ্বমাতা, বিশ্বেশী, বিশ্বা, বিশ্বেশ্বরপ্রিয়া, ব্রহ্মণ্যা,  
 ব্রহ্মকৃৎ, ব্রাহ্মী, ব্রহ্মিষ্ঠা, বিমলোদকা, বিভাবরী, বিরজা, বিক্রান্তানেকবিষ্টপা,  
 বিশ্বমিত্র, বিষ্ণুপদী, বৈষ্ণবী, বৈষ্ণবপ্রিয়া, বিরূপাক্ষপ্রিয়করী, বিভূতি, বিশ্বতোমুখা,  
 বিপাশা, বৈবুধী, বেজা, বেদাক্ষররসস্রবা, বিজা, বেগবতী, বন্দ্যা, বৃংহণী, ব্রহ্মবা-  
 দিনী, বরদা, বিশ্রুষ্টি, বরিষ্ঠা, বিশোধনী, বিভাধরী, বিশোকা, বয়োবৃদ্ধনিষেবিতা,  
 বহুদকা, বলবতী, ব্যোমস্থা বিবুধপ্রিয়া, বাণী, বেদবতী, বিস্তা, ব্রহ্মবিজ্ঞাতরজ্জ্বী,  
 ব্রহ্মাণ্ডকোটিব্যাপ্তাসু, ব্রহ্মহত্যাপহারিণী, ব্রহ্মেশবিস্ময়রূপা, বুদ্ধি, বিভববন্ধিনী,  
 বিলাসীসুখদা, বৈশা, ব্যাপিণী, বৃষারণি, বৃষাক্ষমৌলিনিলয়া, বিপন্নার্তিপ্রভঞ্জিনী,  
 বিনীতা, বিনতা, ব্রহ্মতনয়া, বিনয়াস্থিতা, বিপদী, বাহুবকুশলা, বেণুশ্রুতিবিচক্ষণা,  
 বর্চস্করী, বলকরী, বলোন্মূলিতকল্যাণা, বিপাপা, বিগতাস্তকা, বিকল্পপরিবর্জিতা,  
 বৃষ্টিকর্তা, বৃষ্টিজলা, বিধি, বিচ্ছিন্নবন্ধনা, ব্রতরূপা, বিত্তরূপা, বহুবিন্দিবিনাশকৃৎ, বসু-  
 ধারা, বসুমতী, বিচিত্রাদ্রী, বিভাবসু, বিজয়া, বিশ্ববীজ, বামদেবী, বরপ্রদা, বৃষা-  
 শ্রিতা, বিষদ্রী, বিজ্ঞানোন্মুগ্ধশুমালিনী, ভব্যা, ভোগবতী, ভদ্রা, ভবানী, ভূতভাবিনী,  
 ভূতধাত্রী, ভয়হরা, ভক্তদারিদ্র্যঘাতিনী, ভক্তিমুক্তিপ্রদা, ভেশী, ভক্তস্বর্গাপদবর্গদা,  
 ভাগীরথী, ভানুমতী, ভাগ্যা, ভোগবতী, ভূতি, ভবপ্রিয়া, ভবষেষ্ঠী, ভূতিদা, ভূতি-  
 ভূষণা, ভাললোচনভাবজা, ভূতভাবভবৎপ্রভু, ভ্রান্তিজ্ঞানপ্রশমনী, ভিন্নব্রহ্মাণ্ড-  
 মণ্ডপা, ভূরিদা, ভক্তিহুল্লাস, ভাগ্যবদ্ধৃষ্টিগোচরী, ভঞ্জিতোপপ্লবকুলা, ভক্ষ্যভোজ্য-  
 স্তম্ভপ্রদা, ভিক্ষণীয়া, ভিক্ষুমাতা, ভাবা, ভাবস্বরূপিণী, মন্দাকিনী, মহানন্দা, মাতা,  
 মুক্তিরজ্জ্বী, মহোদয়া, মধুমতী, মহাপুণ্যা, মুদাকরী, মুনিম্বতা, মোহহন্ত্রী, মহা-  
 তীর্থা, মধুস্রবা, মাধবী, মানিনী, মাত্ৰা, মনোরথপথ্যতিগা, মোক্ষদা, মতিদা, মুখ্যা,  
 মহাভাগ্যজনাশ্রিতা, মহাবেগবতী, মেখ্যা, মহা, মহিমভূষণা, মহাপ্রভাবা, মহতী,  
 মীনচঞ্চললোচনা, মহাকারুণ্যসম্পূর্ণা, মহর্জি, মহোৎপলা, মুষ্টিমৎ, মুক্তিরমণী,  
 মণি-মণিক্যভূষণা, মুক্তাকলাপনেপথ্যা, মনোনয়ননন্দিনী, মহাপাতকরাশিনী, মহা-  
 দেবর্জিহারিণী, মহোন্মিগালিনী, মুক্তা, মহাদেবী, মনোময়ী, মহাপুণ্যোদয়প্রাপ্যা,  
 মায়ামিরচন্দ্রিকা, মহাবিজা, মহামায়া, মহামেধা, মহোষধ, মালাধরী, মহোপায়া,  
 মহোরগবিভূষণা, মহামোহপ্রশমী, মহামঙ্গলমঙ্গল, মার্ত্তণ্ডমণ্ডলচরী, মহালক্ষ্মী,

ও আশ্রমোক্ত পথের পথিক এবং কামক্রোধহীন জ্ঞানীব্যক্তি যে পুণ্য লাভ করে, এই স্তব পাঠ করিলে সেই পুণ্য লাভ হইয়া থাকে । অযুতসংখ্যক গায়ত্রী জপ করিলে যে পুণ্য অর্জিত হয়, এই স্তব একবার মাত্র পাঠ করিলে সেই পুণ্য লাভ করা যায় । ১৮৬-১৮৮ । কৃতী ব্যক্তি, বেদবিদ ব্রাহ্মণকে গোদান করিয়া যে পুণ্য লাভ করে, এই স্তব একবার পাঠ করিলেই সেই পুণ্য লাভ হয় । ১৮৯ । মানব যাবজ্জীবন গুরুসেবা করিয়া যে পুণ্য অর্জন করে, এক বৎসর ব্যাপিয়া ত্রিসন্ধ্যা এই স্তব পাঠ করিলে, সেই পুণ্য প্রাপ্ত হওয়া যায় । উপবাসপূর্বক স্বীয় শাখোক্ত বেদমন্ত্রসমূহ পাঠ করিলে যে পুণ্য হয়, ছয়মাস ত্রিসন্ধ্যা এই স্তব পাঠ করিলে সেই পুণ্য লাভ হয় । যে ব্যক্তি প্রত্যহ গঙ্গার এই সহস্রনাম-স্তোত্র পাঠ করে, সে মহাদেব বা বিষ্ণুর পরম ভক্ত হইয়া থাকে । যে ব্যক্তি নিরন্তর গঙ্গার সহস্রনাম কীর্তন করে, গঙ্গাদেবী সহচরীরূপে সর্বদা তাহার সমীপে অবস্থান করেন । ১৯০-১৯৩ । জাহ্নবীর স্তোত্র পাঠ করিলে মানব সর্বত্র পূজ্য ও বিজয়ী হয় এবং সর্বত্র সুখলাভ করিয়া থাকে । যে ব্যক্তি এই স্তব পাঠ করে, সেই ব্যক্তিকেই সদাচারী এবং সর্বদা পবিত্র রূপে জানা উচিত । এবং সেই ব্যক্তিই সমস্ত দেবগণের অর্চনা করিয়াছে, তাহাকে পরিতৃপ্ত করিলে গঙ্গা তৃপ্তা হন, ইহাতে সন্দেহ নাই, অতএব যত্নপূর্বক গঙ্গাভক্ত জনের অর্চনা করিবে । ১৯৪-১৯৬ । যে ব্যক্তি দম্ভবর্জিত হইয়া গঙ্গার এই উৎকৃষ্ট স্তব শ্রবণ বা পাঠ করে অথবা গঙ্গাভক্তগণকে শ্রবণ করায়, সে ব্যক্তি কায়িক, বাচিক এবং মানসিক ত্রিবিধ পাপ হইতে মুক্তি লাভ করিয়া, ক্ষণমধ্যে নিষ্পাপ এবং পিতৃ, দেব ও ঋষিগণের অতিশয় প্রিয় হয় এবং অস্ত্রে বিমানে আরোহণকরত, দিব্যাভরণে ভূষিত, দিব্যভোগ সমন্বিত এবং দিব্যস্ত্রীসমূহে পরিবৃত্ত হইয়া, দেবতার আয় নন্দনকানন প্রভৃতি স্থানে বিহার করিয়া থাকে । ১৯৭-২০০ । শ্রাদ্ধকালে যখন ব্রাহ্মণগণ ভোজন করেন, তখন ইহা পাঠ করিলে পিতৃগণ অতিশয় তৃপ্তিলাভ করেন এবং সেই ভোজ্যে যাবতীয় অন্ন ও জলকণা থাকে, তাবৎপরিমিত বৎসর তাঁহারা স্বর্গে সুখ ভোগ করিয়া থাকেন । ২০১-২০২ । গঙ্গাতে পিণ্ডদান করিলে পিতৃগণ যাদৃশ প্রীতিলাভ করেন, শ্রাদ্ধকালে এই স্তব পাঠ করিলেও তাঁহারা তাদৃশ প্রীতি লাভ করিয়া থাকেন । এই স্তব লিখিয়া গৃহে রাখিয়া যে ব্যক্তি পূজা করে, তাহার গৃহে পাপভয় থাকে না এবং সেই গৃহ সর্বদাই পবিত্র থাকে । হে অগস্ত্য ! এ বিষয়ে অধিক বলিবার প্রয়োজন নাই, তুমি আমার সংশয়রহিত বাক্য শ্রবণ কর ; ইহাতে সন্দেহ করা উচিত নহে, কারণ যে ব্যক্তি সন্দেহ করে

তাহার কোন ফল হয় না। মর্ত্যলোকে যে সমস্ত স্তোত্র ও মন্ত্রসমূহ আছে, তাহার কোনটীও গঙ্গার এই স্তোত্রের সমান নহে। যে ব্যক্তি যাবজ্জীবন এই স্তোত্র পাঠ করে, সে ব্যক্তি কীকটপ্রদেশে মৃত হইলেও আর গর্ভমধ্যে প্রবেশ করে না। ২০৩-২০৭। যে ব্যক্তি নিয়ম অবলম্বন করত প্রত্যহ এই উৎকৃষ্ট স্তোত্র পাঠ করে, সে অমৃত মৃত হইলেও গঙ্গাতীরে মৃত্যুর ফল প্রাপ্ত হয়। এই উৎকৃষ্ট স্তব পূর্ব মহাদেব স্বীয় ভক্ত বিষ্ণুকে বলিয়াছিলেন এবং আমি গঙ্গাস্নানের প্রতিনিধি এই স্তোত্র তোমার নিকট কীর্তন করিলাম। যে ব্যক্তির গঙ্গাস্নান করিতে বাসনা হইবে, সে ব্যক্তি এই স্তোত্র পাঠ করিবে। ২০৮-২১০।

## ত্রিংশ অধ্যায় ।



### বারাণসী-মহিমা ।

স্কন্দ কহিলেন, হে মহাভাগ অগস্ত্য! শ্রবণ কর, ব্রহ্মশাপ-দণ্ড স্বকীয় পিতামহগণের উদ্ধার অভিলাষে রাজর্ষিশ্রেষ্ঠ রাজা ভগীরথ, মহাদেবের আরাধনা করিয়া, অতি মহতী তপস্যার প্রভাবে ত্রিলোকের মঙ্গলকারিণী গঙ্গাদেবীকে ভূমণ্ডলে আনয়ন করেন। তিনি প্রথমেই মহাদেবের আনন্দকাননে হরির চক্র-পুষ্করিণী মণিকর্ণিকাতেই গঙ্গাকে আনয়ন করিলেন। দিলীপনন্দন ভগীরথ নির্বাণপদ প্রকাশ করেন বলিয়া, যে পুরী কাশী নামে বিখ্যাত হইয়াছেন, অবলীলাক্রমে মোক্ষবিতরণকারী সূক্ষ্মেত্র সেই আনন্দকাননে এই প্রকারে গঙ্গাদেবীকে আনয়ন করেন। ১-৫। হে মুনে! মহাদেব পূর্বকাল হইতেই কোন সময়েও যে ক্ষেত্রে পরিভ্রমণ করেন নাই এবং করিবেনও না, সেই অতি রমণীয় সুবর্ণময় অবিমুক্তক্ষেত্র যখন হীরক স্বরূপ গঙ্গাপ্রবাহের সহিত সম্মিলিত হইল, তখন তাহার শ্রেষ্ঠত্ব সম্বন্ধে অধিক আর কি বর্ণনা করা যাইতে পারে। ৬-৭। ইহার পর আবার মহাদেবের মণিময় শ্রবণ-ভূষণের সম্পর্কে সেই ক্ষেত্র অধিক-রূপে শ্রেষ্ঠ, ইহাতে আর সংশয় কি?

সেই মহাদেবের আবাসস্থান আনন্দকানন অবিমুক্তক্ষেত্রে মুক্তি, পূর্ব হইতেই প্রতিষ্ঠিত ছিল, তথাপি গঙ্গাদেবীর সম্পর্কে তাহা আরও বিশিষ্টতম হইল। যে

দিবস হইতে গঙ্গা সেই কাশীতে মণিকর্ণিকার সহিত মিলিত হইয়াছেন, সেই দিন হইতেই সেই অবিমুক্তক্ষেত্র দেবগণেরও দুর্লভ, ইহাতে কোন সন্দেহ নাই । মনুষ্য যদি নানাপ্রকার পাপ কর্ম্ম বা পুণ্য কর্ম্ম করিয়া কাশীতে দেহপাত করিতে পারে, তাহা হইলে সেই ব্যক্তি মরণক্ষণেই সেই সকল কর্ম্মের সমুৎক্ষেপকরত অমৃত-পদবী ( মোক্ষ ) লাভ করিতে সমর্থ হয় । সেই কাশীক্ষেত্রে বেদান্তবেত্তা পরম-ব্রহ্মের নিদিধ্যাসন ও সাংখ্যযোগ ব্যতিরেকে জীবগণ বিনায়াসে মরণান্তে মোক্ষ লাভ করিতে সমর্থ হয় । হে কুন্তযোনে ! সেই অবিমুক্তক্ষেত্রে দেহান্তেই সর্ববিধ শুভাশুভ কর্ম্মের নিমূলন হওয়ায়, জীব যোরতর অজ্ঞানী হইলেও, বিশ্বেশ্বরের প্রসাদে মোক্ষলাভ করিতে সমর্থ হয় । কাশীস্থিত জন, হেলায় বা শ্রদ্ধায় যথাকালে প্রাণ পরিত্যাগ করিলে, তারকব্রহ্ম-নামোপদেশ লাভকরত মোক্ষলাভ করিতে সমর্থ হয় । জীব যদি অনন্তজন্মোপার্জিত প্রাকৃত গুণময় রজ্জু দ্বারা বদ্ধ হয়, তথাপিও কাশীক্ষেত্রে প্রাণ পরিত্যাগ করিলে, অসিনদীরূপ খরতর করবাল সম্পর্কে তাহার গুণময় রজ্জু ছিন্ন হইয়া যায় ও সেই ব্যক্তি অনায়াসে মোক্ষলাভে সমর্থ হয় । এই কাশীক্ষেত্রে দেহত্যাগই দান, এই স্থানে দেহত্যাগই সর্বোৎকৃষ্ট তপস্তা । ৮-১৫ । নির্বারণরূপ পরম সুখের একমাত্র কারণ, কাশীতে দেহত্যাগই পরম যোগ বলিয়া কীর্তিত । অতি পাপাত্মাও কাশীতে উত্তরবাহিনী গঙ্গালাভ করিয়া, অবলীলায় অহংজ্ঞানের অযথা আশ্রয় শরীর পরিত্যাগপূর্বক অনায়াসে বিষ্ণুর সেই পরমপদ ( মোক্ষ ) প্রাপ্ত হইতে পারে । পূর্বকালে যম, ইন্দ্র ও অগ্নিপ্রমুখ দেবগণ, সকল ব্যক্তিকেই মুক্তিপথ লাভে সমুৎসুক বিলোকন করিয়া, সেই পুরীর রক্ষা করিতে বদ্ধপরিকর হন । সেই কালে তাঁহারা পাপীগণের অসম্মতির খণ্ডনকারিণী এবং দুষ্কৃৎসলের প্রবেশ প্রতিরোধিনী মহাসিরূপিণী অসি নদীকে অবিমুক্তক্ষেত্রের দক্ষিণভাগে নির্মাণ করিলেন । এবং কাশীর উত্তরভাগে ক্ষেত্রের বিঘ্ননিবারিণী ও অতি পাপীগণের অনায়াসে মোক্ষপ্রাপ্তি বাসনার প্রতিবন্ধ-কারিণী বরণা নাম্নী নদীকে নির্মাণ করিলেন । এইরূপে দেবগণ কাশীর উত্তর ও দক্ষিণ ভাগে অনায়াসে মুক্তি প্রদানের বিরোধকারিণী অসি ও বরণানাম্নী নদীদ্বয় নির্মাণ করিয়া পরম নিবৃত্তি লাভ করিলেন । ভগবান্ শশিশেখর, ক্ষেত্রের পশ্চাৎভাগ রক্ষা করিবার জন্ত দেহলী বিনায়ককে স্বয়ং আদেশ করিলেন । কৃপাবান্ বিশ্বেশ্বর স্বয়ং বাহাদিগকে প্রবেশের অনুমতি প্রদান করেন, অসি, বরণা এবং দেহলী বিনায়ক তাহাদিগকেই কাশীতে প্রবেশ করিতে দিয়া থাকেন । এই বিষয়ে একটি প্রাচীন ইতিহাস আছে, তাহা শ্রবণ করিলে কাশীভক্তি বৃদ্ধি পাইয়া

থাকে। হে কুন্তষোনে ! আমি সেই বিস্ময়জনক ইতিহাস কীৰ্ত্তন করিতেছি, শ্রবণ কর। ১৬-২৩।

স্কন্দ কহিলেন, পুরাকালে দক্ষিণ সমুদ্রের তটে সেতুবন্ধের সমীপে কোন জনপদে ধনঞ্জয় নামে এক বণিক বাস করিত। সেই ধনঞ্জয় অতিশয় মাতৃভক্ত ছিল। ২৪। ধনঞ্জয়, পুণ্যমার্গে থাকিয়া বহুতর ধন অর্জন করত, সর্বদা যাচক গণকে অভীষ্ট ধন প্রদানপূর্বক পরিতুষ্ট করিত। যাচকগণ স্বীয় অভীষ্টলাভে পরিতুষ্ট হইয়া, সর্বত্র তাহার যশোগান করিয়া বেড়াইত। ধনঞ্জয় অতিশয় কৃষ্ণ-সেবানিরত ছিল। ২৫। ধনঞ্জয় অনন্ত সম্পত্তিতে সমুন্নত হইলেও সর্বদা বিনয়ে অবনতকন্ডার থাকিত। সে অনন্ত গুণের আকর হইয়াও গুণিগণের নিকট আকার গোপন করিত ( অর্থাৎ নিজ গুণ কীৰ্ত্তন করিত না )। ২৬।

ধনঞ্জয়, রূপগুণশালিনী ভাৰ্য্যা পরিগ্রহ করিয়াছিল। তাহার মন কদাপি পরদারবিষয়ক চিন্তা করিত না। তাহারি সর্বপ্রকার কলায় ( নৃত্যবাগাদিতে ) পারদর্শিতা ছিল ও তাহার উত্তম সর্বথা কলঙ্করহিত ছিল। ২৭। হে মুনৈ ! সে বাণিজ্যবৃদ্ধি অবলম্বনকারী হইয়াও সর্বদা সত্য ব্যবহারের আদর করিত। সংসারে হীনবর্ণে জন্মগ্রহণ করিয়া ও সে নিত্য সুবর্ণ (ব্রাহ্মণ ) গণের বরণীয় ছিল। ২৮। কৃতী ধনঞ্জয়, সর্বদা সদাচারিত মার্গের অনুসরণ করিত এবং সুখকর নোকাষানা-দিতে তাহার যাতায়াত ছিল। মেধাবী দারিদ্র্যহীন হইলেও তাহার মতি সর্বদাই পাপদরিদ্রতায় যুক্ত থাকিত। ২৯।

এবম্প্রকার সদাচারপরায়ণ ধনঞ্জয়ের জরাতুরা ব্যাধিপীড়িত জননী কদাচিৎ কালবশে মৃত্যুমুখে পতিত হইল। ৩০। ধনঞ্জয়ের জননী পূর্বে মেঘচ্ছায়ার আয় অতি চঞ্চল যৌবনকাল প্রাপ্ত হইয়া, বর্ষাকালীন উভয়তটপ্লাবিনী প্রশস্তবক্ষা নদীর আয়, স্বকীয় বেগ সহ্য করিতে না পারিয়া অসংমার্গ অবলম্বন করত, নিজ পতিকে বঞ্চনা করিয়াছিল। ৩১। অচিরকালস্থায়ী যৌবন প্রাপ্ত হইয়া, যে নারী মোহ-বশত পতিকে বঞ্চনা করে, সে জীবনান্তে অক্ষয় নরক প্রাপ্ত হইয়া থাকে। ৩২। নারী যদি পাতিভ্রাতৃ-ধর্ম্য হইতে স্বলিত হয়, তাহা হইলে তাহার বহুতর পুণ্যশালী পতি স্বর্গগত হইলেও, সেই স্ত্রীর পাপে স্বর্গ হইতে পতিত হয়, এই কারণে কুল-স্রোতের সর্বথা স্বীয় স্বভাবকে অধর্ম্য হইতে রক্ষা করা উচিত। ৩৩। অসচ্চরিত্রা নারী বিষ্ণুগর্তনামক নরকে প্রলয়কাল পর্য্যন্ত পতিত থাকে, তদনন্তর গ্রামশুকরী হইয়া জন্মগ্রহণ করে। অনন্তর শূকরীজন্মাস্তে বৃক্ষেতে অধোমুখে উর্দ্ধপদে বিলম্বমানা স্বকীয় মলভক্ষণকারিণী বজ্রলী ( বাহুড় ) হইয়া, অথবা বৃক্ষকোটর-



বাসিনী দিবাক্র পোচকী হইয়া জন্মগ্রহণ করে । এই সকল অতি দুঃসহ ক্লেশরাশি চিন্তা করিয়া, কুলজ্ঞীগণের সুকৃতৈকভাজন নিজ শরীরকে আপাতস্থকর পরপুরুষ সংস্পর্শ হইতে সর্বপ্রকারে রক্ষা করা কর্তব্য । ৩৪-৩৬ । পতিব্রতা এই রক্তমাংসময় নিজ শরীর পতির একমাত্র অধীন করিয়া, উদীয়মান সূর্যের উদয় পর্য্যন্ত কি রোধ করেন নাই ? \* । ৩৭ । পাত্তিব্রত্যাপরায়ণা অত্রিপত্নী অনসূয়া, পতিভক্তি প্রভাবে সাক্ষাৎ বেদত্রয় স্বরূপ সোম, দত্তাত্রেয় ও দুর্বাসাকে গর্ভে ধারণ করিতে সমর্থ হইয়াছিলেন । ৩৮ । জ্ঞীগণ একমাত্র পাত্তিব্রতের প্রভাবে ইহলোকে অনন্ত কীর্তি, পরকালে স্বর্গে বাস ও লক্ষ্মীদেবীর সহিত সখীত্ব লাভ করিতে পারে । ৩৯ ।

সেই দুষ্চরিত্রা ধনঞ্জয়জননী, সনাতন পাত্তিব্রতা ধর্ম্ম পরিত্যাগপূর্ব্বক সচ্ছন্দ-চারিণী হইয়াছিল, স্ততরাং দেহান্তে সে নরকে গমন করিল । ৪০ । হে মূনে ! এতাদৃশ দুর্ব্বৃত্তার সম্ভান হইয়াও ধনঞ্জয় নিজ সৌভাগ্যবলে কোন শিবভক্তিমান যোগীর সংসর্গ লাভ করত তপোবলে তাদৃশ ধর্ম্মপরায়ণ হইয়াছিল । ৪১ ।

জননীর মৃত্যু হইলে পর, ধর্ম্মাত্মা মাতৃভক্তিপরায়ণ ধনঞ্জয় জননীর অস্থিসমূহ গ্রহণ করিয়া, কাশীতে গঙ্গায় নিক্ষেপ করিবার জন্ম সেতুবন্ধরামেশ্বর হইতে উত্তর দেশ গমনোপযোগী পদ্মা অবলম্বন করিল । ৪২ । পঞ্চগব্যের দ্বারা সেই অস্থি সমূহকে শোধনান্তে পঞ্চামৃতের দ্বারা পুনর্ব্বার শুদ্ধ করত, কপূর ও কুঙ্কুমাদি লিপ্ত করিয়া, নানাবিধ পুষ্পের দ্বারা পূজা করত প্রথমে গোড়ীয় বস্ত্রের দ্বারা বেফন-পূর্ব্বক অনন্তর পুনর্ব্বার ক্রমে ক্রমে পটবস্ত্র, সুরস বস্ত্র, মঞ্জিষ্ঠা বস্ত্র ও নেপাল দেশীয় কম্বলের দ্বারা সুন্দররূপে বেফন করত, বিশুদ্ধ মৃত্তিকা দ্বারা তদুপরি লেপ প্রদানপূর্ব্বক একটী তাম্রময় কোটার মধ্যে সেই সকল অস্থি সুন্দররূপে রক্ষা করিয়া গ্রহণ করত, বণিক্ ধনঞ্জয় পূর্ব্বোদ্দিষ্ট পথ অতিবাহন করিতে লাগিল । ৪৩-৪৪ । পথিমধ্যে সে কোন হোনজাতিকে স্পর্শ করিত না । সর্ব্বদা পবিত্রভাবে অবস্থান করিত এবং রাত্রিকালে ভূমিতে শয়ন করিয়া থাকিত । এই সকল অনভ্যন্ত

\* পূর্ব্বকালে কোন পতিব্রতার পতির প্রতি কোন ঋষি এই প্রকার শাপ প্রদান করেন যে, “এই ব্যক্তি সূর্যোদয় হইলে মৃত্যুমুখে পতিত হইবে” পতির প্রতি প্রদত্ত এই দারুণ শাপবাক্য শ্রবণ করিয়া, তৎক্ষণাৎ পতিব্রতা কহিলেন যে, “আমি যদি পতিব্রতা হই, তাহাহইলে যেন আর সূর্যোদয় না হয়” অনন্তর বাস্তবিক নির্দিষ্ট সময়ে সূর্যোদয় হইল না তৎপরে বাহা হইল, তৎসমুদয় মার্কণ্ডের পুরাণোক্ত আছে । অমুবাদক ॥

মুক্তিকা-শয়নাদি করায়, একদিবস তাহার অতিশয় জ্বররোগ উপস্থিত হইল। সেই কালে একাকী দ্রব্যাদি বহন করিয়া পথচলন বড়ই ক্লেশপ্রদ হওয়াতে, সে উচিত বেতন প্রদানপূর্বক, একজন ভারবাহীকে সঙ্গে করিয়া লইল। হে কুন্তযোনে! এই রূপ কোন প্রকারে সেই ধনঞ্জয় কাশীতে উপস্থিত হইল। ৪৫-৪৭। অনন্তর কাশীতে গমন পূর্বক ধনঞ্জয় নিজ দ্রব্যাদি রক্ষা করিবার জন্ত সেই ভারবাহীকে রক্ষা করিয়া আবশ্যকীয় ভোজ্য দ্রব্যাদি ক্রয় করিবার জন্ত আপণে গমন করিল। ৪৮। এদিকে ভারবাহী নির্জ্ঞান স্থান প্রাপ্ত হইয়া, তাহার সকল দ্রব্যাদি অন্বেষণপূর্বক সেই অস্থিপূর্ণ তাত্রাধারটী “মহামূল্য কোন দ্রব্য ইহার ভিতর আছে” এই ভাবিয়া, গ্রহণ করত নিজগৃহে প্রস্থান করিল। ৪৯।

অনন্তর বাসস্থানে আগমনপূর্বক ধনঞ্জয় তাহাকে না দেখিতে পাইয়া, অতি হ্রাস্বিতভাবে দ্রব্যাদি অন্বেষণপূর্বক তাহার মধ্যে সেই তাত্রাধারটী দেখিতে পাইল না। তখন সে হাহাকার করত, নিজ হৃদয় তাড়নাপূর্বক বহুকণ ধরিয়া অতি ব্যাকুলভাবে রোদন করিতে লাগিল। অনন্তর বহুকণ রোদনান্তে ইতস্ততঃ নিরীক্ষণ করিয়া, সেই ভারবাহীর অন্বেষণার্থে তদীয় গৃহাভিমুখে প্রস্থান করিল। ৫০-৫১। ধনঞ্জয় জাহ্নবী-স্নান ও জগৎপতি কাশীনাথকে দর্শন না করিয়াই, অবিলম্বিত-গতিতে যথাকালে সেই ভারবাহীর গৃহে উপস্থিত হইল। ৫২। এদিকে ভারবাহী ও কাশী হইতে প্রস্থানপূর্বক নিবিড় অরণ্যানী মধ্যে প্রবেশ করত, সেই তাত্রাধার উন্মোচন করিয়া, তাহার মধ্যে কতকগুলি অস্থি বিলোকন করত, বিস্ময়চিত্তে তথা হইতে স্বীয় গৃহে প্রস্থান করিল। ৫৩। অনন্তর তৃষায় শুকতালু বনিক, সেই ভারবাহীর গৃহে উপস্থিত হইয়া একটী ভগ্ন স্তম্ভমধ্যে সেই তাত্রাধারস্থ চেল-বস্ত্রখণ্ড বিলোকন করত কথঞ্চিৎ আশাবিত্ত হইয়া, তদীয় পত্নীকে মৃদুভাবে জিজ্ঞাসা করিল যে, “অরে! তুই সত্য কথা বল, তোর কোন ভয় নাই, আমি আরও ধন প্রদান করিব। তোর স্বামী কোথায় গিয়াছে, আমার জননীর অস্থিগুলি প্রত্যর্পণ কর। অস্থিগুলি প্রদান করিলে আমি নিশ্চয়ই তোকে ধন প্রদানই করিব। তোদের কোন প্রকার দুঃখ প্রদান করিব না। ৫৪-৫৬। আর তোর পতি লোভবশতঃ না জানিয়া, আমার জননীর অস্থিপূর্ণ পাত্রটী হরণ করিয়াছে, তাহার ইহাতে কিছুই দোষ নাই, আমার জননীর তাদৃশ কর্মের ফলেই ইহা ঘটিয়াছে। ৪৭। অথবা আমার জননীর কোন দোষ নাই, আমিই তাহার হতভাগ্য পুত্র জন্মিয়াছি। অরে শবরপত্নি! পুত্রের জননীর উদ্দেশে যে কর্ম করা উচিত, আমার ভাগ্যে নিশ্চয়ই তাহা নাই। ৫৮। আমি যথাসামর্থ্য মাতৃকার্য্য করিবার জন্ত উত্তোগ করিয়াছিলাম

যটে, কিন্তু আমার মন্দভাগ্য প্রযুক্ত তাহা সিদ্ধ হইল না । তোর পতি নির্ভয়ে সেই অস্থিগুলি দেখাইয়া দিবার জন্ত আমার অনুগমন করুক, তাহার ভীত হইবার কোন কারণ নাই । ৫৯ । সে আসিয়া শীঘ্র আমাকে সেই অস্থি সকল দেখাইয়া দিক, আমি তাহাকে অনেক ধন প্রদান করিব । বণিকের এবম্বিধ বাক্য শ্রবণ করিয়া, সেই ভারবাহপত্নী নিজ পতিকে আহ্বান করিল । ৬০ । অনন্তর সেই বনেচর লজ্জায় মস্তক অবনত করিয়া, তথায় আগমনপূর্বক ধনঞ্জয়কে সকল বৃত্তান্ত নিবেদন করত, তাহাকে সঙ্গে লইয়া সেই কানন মধ্যে প্রবেশ করিল । ৬১ ।

হে মুনে ! সেই বনেচর ভারবাহী অদৃষ্টবশে সেই স্থানটী বিস্মৃত হইয়াছিল । সে আস্ত-চিহ্নে সেই বনের নানা স্থানে ভ্রমণ করিতে লাগিল । অনন্তর সেই বনেচর এ অরণ্য হইতে সে অরণ্যে, আবার সেই অরণ্য হইতে অশ্রু অরণ্যে ভ্রমণ করিতে লাগিল । এইরূপ বন হইতে বনান্তরে ভ্রমণ করিতে করিতে সেই বনেচরও খিন্ন হইল । অনন্তর সে অরণ্যানী মধ্যে সেই বণিককে পরিত্যাগপূর্বক নিজ পত্নীতে প্রস্থান করিল । ৬২-৬৩ । সেই বণিকশ্রেষ্ঠ ধনঞ্জয় এইরূপে তিন দিবস সেই বনমধ্যে ভ্রমণ করত, অবশেষে ক্ষুধায় পীড়িত এবং পিপাসায় শুষ্ককণ্ঠ হইয়া, স্নানমুখে হাহাকারধ্বনি করিতে করিতে পুনর্ববার কাশীতে প্রত্যাগমন করিল । ৬৪ । অনন্তর বণিক, লোকমুখে জননীর পরপুরুষগামিতা শ্রবণ করিয়া, গয়া ও প্রয়াগ তীর্থ করত, নিজ দেশে প্রত্যাবর্তন করিল । ৬৫ ।

হে অগস্ত্য ! সেই দুষ্টচারিণীর অস্থিসমূহ কাশীতে প্রবেশ লাভ করিয়াও বিশ্বেশ্বরের আজ্ঞা ব্যতিরেকে পুনর্ববার কাশী হইতে তৎক্ষণাৎ বহিঃপ্রক্ষিপ্ত হইয়াছিল । এই প্রকার ধর্ম্মবুদ্ধি বশতঃ যদি পাপী বিশ্বেশ্বরের আজ্ঞা ব্যতিরেকে প্রবেশ করে, তাহা হইলে সে ক্ষেত্রফল প্রাপ্ত হয় না এবং তৎক্ষণাৎ ক্ষেত্র হইতে বাহিরে নিক্ষেপিত হয় । এই সকল কারণে ইহাই নিশ্চিত জানা যাইতেছে যে, একমাত্র বিশ্বেশ্বরের আজ্ঞাই এই কাশীবাসের কারণ । এই কাশীর রক্ষা করিবার জন্ত অসি ও বরুণা নামে নদীদ্বয় নির্মিত হইয়াছে । হে মুনে ! সেই দিন হইতেই এই কাশী, বরুণা ও অসির সঙ্গম লাভ করিয়া, “বারাণসী” নামে বিখ্যাত হইয়াছে । ৬৬ ৬৭ ।

এই সংসারে বারাণসী দিব্যকরুণাস্বরূপিণী, কারণ এই কাশীক্ষেত্রে জীবগণ দেহত্যাগপূর্বক অনায়াসে বিশ্বনাথাত্মক পরম তেজঃ সাক্ষাৎকার লাভ করত, তাহাতেই বিলীন হইয়া অনায়াসেই কৈবলাখ্য পরমপদবী প্রাপ্ত হইতে পারে । ৭০ ।

বারাণসী সর্বদাই এই প্রকার উপদেশ প্রদান করিয়া থাকেন যে, হে জীব ! তুমি অনেকবার এ জগতে জন্মগ্রহণ করিয়াছ এবং অনেক তীর্থস্থানাদি করিয়াও যত্নশ্রম করিয়াছ কিন্তু কিছুতেই পরম শান্তিলাভ করিতে সমর্থ হও নাই। তুমি যদি আমাকে আশ্রয় করিয়া দেহত্যাগ করিতে পার, তাহা হইলে অমৃতপদবী লাভে মহাদেবের লাভ করিতে সমর্থ হইবে। ৭১-৭২। অমৃত তীর্থসলিলে দেহ ত্যাগ করিলে ব্রাহ্মণই দেবাদিপদবী লাভ করিতে সমর্থ হয়, কিন্তু এই কালীতে সেই রূপ হয় না, কারণ এই স্থানে দেহত্যাগ করিলে চণ্ডালও পুনরাবৃত্তি-রহিত মোক্ষ-পদবী প্রাপ্ত হইতে পারে, ব্রাহ্মণের ত কথাই নাই। ৭৩। সেই এই কালীপুরা সংসাররূপ পারাবারের পারস্বরূপা এবং জাগ্রত, স্বপ্ন এবং সুষুপ্তি লক্ষণপূর্ণ-বিনাশকারিণী এই কালীপুরাতে অবস্থিত সেই অদ্বিতীয়স্বরূপ ভগবান্ বিশ্বনাথ, কালীনিবাসি-জনগণের পরম পুরুষাৰ্পসিদ্ধি নিজ অভিলাষানুসারে বিতরণ করিয়া থাকেন। ৭৪। মনুষ্য অনন্ত তীর্থ অবগাহন করিয়া, তাহার ফলে কলুষিত-শরীর পরিত্যাগপূর্বক দেব-শবীর লাভ করিয়া থাকে, কিন্তু এই বারাণসীক্ষেত্রের কোন স্থানে প্রাণ পরিত্যাগ করিলে, জীব সামান্য দেহ পরিত্যাগপূর্বক কামনানুসারে সামুজ্যলক্ষণে মুক্তিস্বরূপ মহাদেবমূর্তি পরিগ্রহ করিয়া থাকে। ৭৫। প্রাণিগণের ত্রিবিধ-তাপবিনাশকারিণী এই বারাণসী, জীব ও ব্রহ্মের একতা বিভাবনরূপ যোগ ব্যতিরেকেও, অযোগিগণের দেহাশ্বে, সেই পরম পবিত্র তারকব্রহ্মনাম কর্ণে উপদেশ করত, সেই পরমব্রহ্মের সাক্ষাৎকার প্রদান করিয়া থাকেন। সেই ব্রহ্মে সাক্ষাৎকার হইলে জীবগণের আর সংসারে আগিতে হয় না। ৭৬। বাক্য ও মনের অগোচর সেই ব্রহ্মসাক্ষ্যপাভিলাষী কোন ব্যক্তি, যদি ধর্ম, অর্থ, কাম ও মোক্ষের কারণস্বরূপা, সূত্রাং ইচ্ছদায়িনী নিজ তনুকে বারাণসীতে পরিত্যাগ না করিয়াও, হর্ষ লাভ করিয়া থাকে, তাহা হইলে তাহার কি গুরুতর ভ্রম ! কারণ তাহার ইচ্ছালাভ ও দূরের কথা, সকল প্রকার অভীষ্ট লাভের মূলহেতুস্বরূপ এই দেহ পর্য্যন্তও তাহাকে হারাইতে হয়। ৭৭। অহো ! বাহারা কালী পরিত্যাগ করিয়া, অমৃত দেহ ত্যাগ করে, তাহারা সেই কপাললোচন অর্দ্ধনারীশ্বরমূর্তি ভগবান্ মহাদেব কর্তৃক নিশ্চয়ই বঞ্চিত হয়, কারণ তিনি তাহাদের পুণ্যভাজন দেহ প্রদান করিয়াও পুনর্জন্মরহিত সেই অপবর্গপদ প্রদান করেন না। ৭৮। এই বারাণসীতে সর্বপ্রকার গুণ, সকল সময়েই প্রকাশ পাইতেছে, অধিক আর কি বর্ণন করিব। এই বারাণসীস্থিত সকল দেহধারীই মহাদেবের ভূত্যাভাব প্রযুক্ত মহাদেবের প্রভাবে গলদেশে গরল ধারণ করেন এবং ললাটে তৃতীয় নেত্র ধারণ

করেন এবং তাঁহারা সকলেই বামাজ্জ অর্দ্ধগৌরীমূর্ত্তির দ্বারা বিভূষিত হইয়া, ইহলোকে সাক্ষাৎ মহাদেবের স্মায় বিচরণ করেন এবং দেহান্তে বিদেহ-কৈবল্য প্রাপ্ত হইয়া থাকেন । ৭৯ । সেই কাশীক্ষেত্র স্থপ্তিকাল হইতেই পরম সুখদ আনন্দকানন, তৎপরে আবার সেই স্থানে চক্রসরসী মণিকর্ণিকা, তৎপরে আবার স্বর্ণদী গঙ্গা আসিয়া মিলিত হইয়াছেন, তাহার উপর আবার সেই স্থান সাক্ষাৎ বিশ্বনাথের আবাস নিকেতন, স্তত্রাং বিবেচনা করিয়া দেখ, এখানে মূর্ত্তির কোন্ কারণটী বিদ্যমান নাই । ৮০ । এই বারাণসী অসি ও বরণানাম্নী নদীদ্বয়ের সঙ্গমে অতিশয় গৌরববতী হইয়াছেন, তাহাতে আবার সুরধুনীর বিমল প্রবাহসম্পর্কে ইহার শোভা আরও বর্দ্ধিত হইয়াছে । প্রলয়কালেও স্থিরবিশ্রাম ভূমি এবং অমল-মোক্ষ প্রদান করিতে এই কাশীই সমর্থ । হায় ! এতাদৃশ কাশীভূমিকে পরিত্যাগ করিয়া মুঢ়গণ কি কারণে অন্ত্র গমন করে । ৮১ । হায় ! জীবগণ কি গর্ভবাস যন্ত্রণা বিস্মৃত হইয়াছে ? অথবা তাহারা যমদুতগণের মারণ ও তাড়ন প্রভৃতি বিস্মৃত হইয়াছে ? কারণ তাহারা মহাদেবের অনুগ্রহলভ্য কাশী-পুরাকে প্রাপ্ত হইয়াও করস্থ মূর্ত্তি পরিত্যাগপূর্ব্বক মুঢ়ের স্মায় অন্ত্র গমন করে । ৮২ । অন্ত্রাত্ত তীর্থসমূহ, পান, অবগাহন, পূজাবিধান ও তনুত্যাগাদি ব্যাপারে তৎক্ষণাৎ পাপ বিনাশ করিয়া থাকে এবং যদি মঙ্গল প্রদান করে, তাহা হইলে স্বর্গ পর্য্যন্ত প্রদান করিতে সমর্থ হয়, কিন্তু বারাণসী একেবারে শুভাশুভ কর্ম্মের মূলকারণ দেহবিনাশপূর্ব্বক পরম কৈবল্যপদবী প্রদান করিয়া থাকেন । ৮৩ । কাশীপুরীর পরিসরে জীবগণ দেহ পরিত্যাগ করত অপূর্ব্ব মূর্ত্তি পরিগ্রহ করিয়া থাকে । এই মূর্ত্তির ভালদেশে তৃতীয় নেত্র দীপ্যমান এবং গলদেশে নীলপ্রভা বিদ্যমান থাকে এবং ঐ শরীরের বামভাগ অর্দ্ধনারী-মূর্ত্তিতে যুক্ত থাকে । মৃত্যুকালে পরিজনকে অবস্প্রকার দুঃখ-সমুদ্রে ভাসাইয়াও আনন্দে বিনায়াসে পূর্ব্বোক্ত প্রকার শিবমূর্ত্তি ধারণ করিয়া থাকে । ৮৪ । যে ব্যক্তি মণিকর্ণিকার প্রভাব অবগত হইয়া, অশুচি পুয়গন্ধি এই বিনশ্বর মানবদেহ সেইস্থলে পরিত্যাগ করিয়া থাকে, সে ব্যক্তি দেহত্যাগান্তেই আত্মজ্ঞানরূপ পরম পবিত্র জ্যোতির সহিত মিলিত হইয়া, কল্প কল্পান্তরে তাহা হইতে পার্থক্য লাভ করে না । ৮৫ । বাহাদের মানসেন্দ্রিয় রাগাদিদোষসমূহে পূরিত এবং বাহারা অতুলনীয় এবং দিব্যপ্রভাব-শালিনী এই বারাণসী পুরীকে অন্ত্রাত্ত তীর্থের স্মায় বিবেচনা করিয়া থাকে, তাহারা অতি পাপাত্মা, তাহাদের সহিত আলাপ পর্য্যন্ত করাও কর্তব্য নহে । অরে মুঢ় জন ! তুমি মহাদেবের প্রিয়-রাজধানী এই বারাণসীকে পরিত্যাগপূর্ব্বক দিগ্-

দিগন্তরে কেন ধাবিত হইতেছ ? হায় ! তুমি অজ্ঞাড্যানুলভা মোক্ষলক্ষ্মী পর্য্যন্ত হস্তে প্রাপ্ত হইয়াও কি কারণে তুচ্ছ চঞ্চলস্বভাবা লক্ষ্মীর কামনা করিতেছ ? ৮৭ । এ জগতে যে ব্যক্তির উত্তম আছে, তাহার বিছা, অশ্ব, ধন, গৃহ, গজ, ভৃত্য, মালা, চন্দন এবং নিতাস্ত রমণীয় বনিতা, অধিক কি স্বর্গ পর্য্যন্তও অলভ্য নহে । কিন্তু শলভ প্রভৃতি সামান্য জীবও যেখানে মুক্তিলাভ করিতে পারে, সেই বারাণসীপুরী সর্বথা জীবগণের পক্ষে দুর্লভ । বিশ্বনাথের কৃপা ব্যতিরেকে কেহই কাশীলাভ করিতে পারে না । ৮৮ । পূর্বকালে বিধাতা তুলনা জানিবার জন্ম বৈকুণ্ঠপ্রমুখ প্রধান প্রধান লোকসমূহকে একদিকে এবং অশ্বদিকে এই কাশীপুরীকে তুলাযন্ত্রে তোলন করিয়াছিলেন কিন্তু সেই সকল বৈকুণ্ঠপ্রমুখ স্থান লঘুনিবন্ধন উপরিভাগে গমন করিয়াছিল এবং অতি গুরুপ্রযুক্ত এই বারাণসী অধঃপ্রদেশে আগমন করিয়াছে । এই কাশীপুরী ধর্ম, অর্থ, কাম ও মোক্ষের একমাত্র কারণ । ৮৯ । ভগবান্ বিশ্বেশ্বর ঐহাকে এই কাশীপুরীতে নিবাস করিতে দেন, সেই ব্যক্তি মনুষ্য অথবা অশ্ব জন্ত হইলেও তাহাকে অধিতীয় রুদ্রজ্ঞানে পূজা করা কর্তব্য । এবং কাশীবাসী জন নানা প্রকার উপসর্গ ও স্বভাবজাত দুঃখভার মুক্ত হইলেও দেহান্তে সর্বপ্রকার কর্ম্ম ক্ষয় করিয়া পরম মোক্ষপদবী লাভ করিতে সমর্থ হয় । ৯০ । মোহান্ন জীবগণ, ভগ্ন কাংশুপাত্রের ন্যায় অতি অকিঞ্চিৎকরবিনাশি জন্ম ও মরণরূপ ক্রেশের আবাসস্থল এই শরীর, কাশীতে পরিভ্রমণ করিয়া, তদ্বিনিময়ে বিনাশদেহরহিত তেজোময় পরমানন্দনিকেতন শরীর পরিগ্রহে কেন যত্নবান্ হয় না । ৯১ । যে কাশীতে দেহত্যাগ করিতে পারিলে স্বয়ং ভগবান্ বিশ্বনাথ, কর্ণে তারক-ব্রহ্ম নাম উপদেশপূর্বক জীবের আত্যন্তিক নিরুত্তি প্রদান করেন, জনগণের সর্বপ্রকার দুঃখধ্বংসকারিণী সেই কাশীপুরী সংসারে বিদ্যমান থাকিলেও মূঢ় মনুষ্যগণ, বিনাশকারণ ধনাদি নাশের একমাত্র হেতু ও অতি মহান্ বিপত্তার প্রাপ্ত হইয়া, কি কারণে শোকাতুর হয় ? ৯২ । অশ্বত্থ বানপ্রস্থাদি আশ্রম আশ্রয়পূর্বক আহার করিয়া যাহারা দিনযাপন করে, তাহাদের অপেক্ষা যাহারা কাশীবাস মাত্র করিয়া দিবসে দুইবার বা তিনবার ভোজন করে, তাহারাও অনেকাংশে শ্রেষ্ঠ । অশ্বত্থস্থিত জিতেন্দ্রিয় ব্যক্তি অপেক্ষা, কাশীবাসী স্বেচ্ছাচারী মনুষ্যও শ্রেষ্ঠ, কারণ বানপ্রস্থ অথবা জিতেন্দ্রিয় মুক্তির কারণ নহে, কিন্তু অসদাচারপূর্বকও কাশীবাস মুক্তির অধিতীয় হেতু বলিয়া পরিগণিত । অহো ! সাধারণ পুণ্যাত্মা-জীব হইতে কাশীবাসী পাপীগণেরও কি বৈলক্ষ্য্য ! ৯৩ । কাশীতে দেহ পরিত্যাগের পর পুণ্যশীলগণেরও যে অবস্থা হয়,

পাপীগণেরও সেই অবস্থা হয় ; কারণ উভয়েই মোক্ষরূপ অবিশিষ্ট ফলের সমান অধিকারী হয় । উষ্ম ভূমিতে বীজ যেমন অকুরিত হয় না, সেইরূপ তাহাদের সকলেরই কর্মজনিত বীজ সকলও মহাদেবের নেত্র সমুখিত অগ্নিতে দগ্ধলাভ বাসনাময় ভূমিতে অকুরাবস্থা করিতে সমর্থ হয় না । ৯৪ ।

কাশীতে শশক, মশক, বক, কলবিক, বৃক, জম্বুক, তুরগ, সর্প, বানর অথবা নরগণের মধ্যে যাহারই দেহপাত হয়, সেই জীব মোক্ষপদ লাভ করিতে সমর্থ হয় । ৯৫ । ( কান্তিকৈয় কহিলেন, মহাদেব পার্বতীর নিকট পূর্বে এই প্রকার কাশীমাহাত্ম্য কীর্ত্তন করেন ) হে গিরীশ্রকণ্ঠে ! এই কাশীক্ষেত্রে যাহারা সর্বদা বাস করে, তাহারা সকলেই পৃথিবীস্থিত অতি সৌম্যদর্শন, রুদ্রাক্ষমালারূপ ফণীন্দ্রভূষণ ও ত্রিপুরস্বরূপ অর্কচন্দ্রধারী মদীয় পারিষদরূপে গণনীয় হইয়া থাকে । ৯৬ । হে গিরিজ়ে ! এই কাশীতে জলচর, স্থলচর, মৎস্য, জম্বুক প্রভৃতি যে সকল জীব বাস করে, তাহারা সকলেই জীবিতাবস্থায় রুদ্রদেহ ধারণ করত, অন্তঃকালে আমার কুপায় আমার সাযুজ্যলক্ষণ মোক্ষলাভ করিতে সমর্থ হয় । ৯৭ । হে দেবি ! এই সংসারে বর্ষবাণ নামক যে রুদ্রগণ স্বর্গে অবস্থান করিতেছেন, বাতবাণ নামক যে রুদ্রগণ অন্তরীক্ষে অবস্থান করিতেছেন এবং অন্নবাণ নামক যে রুদ্রগণ পৃথিবীতে বিরাজমান রহিয়াছেন, হে প্রিয়ে ! পূর্বাদি প্রত্যেক দিকে দশ দশ করিয়া সংখ্যাত যে রুদ্রগণ অবস্থিৎ আছেন এবং বেদবাদিগণ উচ্ছৃঙ্খিত যে রুদ্রগণের বর্ণন করিয়া থাকেন এবং যে সকল অসংখ্যাত রুদ্রগণ পাতালদেশে সর্বদা অবস্থান করিতেছেন, তাহাদের সকলের অপেক্ষা কাশীতে রুদ্ররূপী যে জীবগণ বাস করিতেছেন, তাহারাই শ্রেষ্ঠ, ইহাতে সন্দেহ নাই । ৯৮-১০০ । কান্তিকৈয় কহিলেন, হে কুন্তযোনে ! এই কারণে সেই অবিমুক্তক্ষেত্র “রুদ্রাবাস” বলিয়া পরিকীর্ত্তিত হইয়া থাকে এবং এই কারণে কাশীস্থিত ব্রাহ্মণ ক্ষত্রিয়াদি বর্ণচতুষ্টয় এবং বর্ণাশ্রম হইতে ইতর অন্যান্য জন্তুগণকে শ্রদ্ধাসহকারে ঈশ্বর-বুদ্ধিতে অর্চনা করিলে, মনুষ্য সকল রুদ্র পূজার ফল লাভ করিতে সমর্থ হয় । ১০১ । হে মুনে ! সর্বার্থব্যাপ্যাতা পণ্ডিতগণ “শ্ম” শব্দের শবরূপ অর্থ এবং “শান” শব্দে শয়নরূপ অর্থ করিয়া থাকেন, সুতরাং শ্মশান শব্দের অর্থ শবসমূহের শয়ন স্থান । প্রলয় কালেও মহাভূতগণ শবরূপে এই কাশীতে শয়ন করিয়া থাকেন, এই কারণে এই কাশীকে “মহাশ্মশান” বলা যায় । হে মুনে ! কাশীকে মহাশ্মশান বলা যায় কেন, তাহা তোমার নিকট প্রকাশ করিলাম । ১০২-১০৪ । সংসারের প্রলয়কাল উপস্থিত হইলে, এই অবিমুক্তক্ষেত্রে প্রথমেই ভূমি জলমধ্যে

বিলয় প্রাপ্ত হয়, অনন্তর জলসমূহও তেজোরশির ভীষণ অভ্যন্তরে লীন হয়, এবং সেই অগ্নিময় অনন্ত তেজোরশি বায়ুতে বিলয় প্রাপ্ত হয়, অনন্তর বায়ুও আকাশে বিলীন হইয়া যায়। তদন্তে আকাশও অহঙ্কারতত্ত্বে বিলীন হয়, ঘোড়শ বিকার সংযুক্ত সেই অহঙ্কারতত্ত্বও তদনন্তর বুদ্ধিসংজ্ঞক মহত্তত্ত্বে বিলীন হইয়া যায়, তদন্তে সেই মহত্তত্ত্ব প্রকৃতিমধ্যে বিলয় প্রাপ্ত হয়, তৎপরে সেই গুণত্রয়ময়ী প্রকৃতি, সেই নিগুণ পুরুষে বিলীন হইয়া বর্তমান থাকে। সেই পুরুষই পঞ্চবিংশতিতম তত্ত্ব, তিনিই জীব, এবং এই দেহরূপ গৃহের তিনিই একমাত্র অধীশ্বর। ১০৫-১০৮।

হে মূনে! ইহাকেই প্রাকৃত প্রলয় বলা যায়। এই সময়ে ব্রহ্মা, রুদ্র অথবা বিষ্ণু কেহই বিद्यমান থাকেন না। অনন্তর কালমূর্ত্তি পরমেশ্বর, সেই জীবাত্মাকেও আত্মরূপে তিরোহিত করেন। সেই মহাকালমূর্ত্তি পরমেশ্বরকেই পণ্ডিতগণ মহাবিষ্ণু বলিয়া থাকেন, আবার তাঁহাকেই মহাদেব বলা যায়। সেই কালস্বরূপ পরমেশ্বর আদি ও অন্ত বর্জিত, তিনিই শিব, তিনিই ত্রীপতি অথচ তিনিই পার্বতীপতি। ১০৯। দৈনন্দিন প্রলয়কালে প্রলয়কালীন বিনষ্ট বহু জীবগণের অস্থিতিকররূপ অলঙ্কারধারী ভগবান্ মহেশ্বর, ত্রিশূলাগ্রভাগে নিজ বিহারপুরী কানীকে স্থাপন করত, রক্ষা করিয়া থাকেন। এই কারণে কানীতে কালকাল নাই, কারণ কালিকাল অন্ত হইলে তৎকালীন সংসারের প্রলয়কেই দৈনন্দিন প্রলয় কহা যায়, সেই কালেও কানীর প্রলয় সম্ভাবনা নাই, সুতরাং এখানে কলিকালেরও প্রভাব নাই। ১১০।

স্কন্দ কহিলেন, হে বিজ্ঞ! এই প্রকারে পূর্বকালে পিতা মহাদেব, জননী পার্বতী ও মহাবিষ্ণুর নিকট কানীকে যথাক্রমে বারাণসী, কানী, রুদ্রাবাস, মহাশ্মশান, আনন্দকানন প্রভৃতি নামে কীৰ্ত্তন করিয়াছিলেন। পিতা মহাদেব, জননী পার্বতীর নিকট কানীকে যে ভাবে কীৰ্ত্তন করিয়াছিলেন, আমি জননীর ক্রোড়ে থাকিয়া তাহা শ্রবণ করিয়াছিলাম, এক্ষণে তোমার নিকট তত্তৎ সমুদয় যথাশ্রুত মহৎ কানীরহস্ত কীৰ্ত্তন করিলাম। মহাপাতকনাশক এই পবিত্র অধ্যায়টী পাঠপূর্বক ব্রাহ্মণগণকে যথাবিধানে শ্রবণ করাইলে মনুষ্য শিবলোকে সম্মান লাভ করিতে পারে। হে কলশজ! ইহার পর আর কানী বিষয়ে কি জানিতে ইচ্ছা কর, কানী-কথা কীৰ্ত্তন করিলে আমারও অতিশয় আনন্দ লাভ হয়। ১১১—১১৪।



## একত্রিংশ অধ্যায় ।

—\*—

### কালভৈরব-প্রাদুর্ভাব ।

অগস্ত্য কহিলেন, হে সর্বজ্ঞ ! হে স্বন্দিততারক ! হে হৃদয়ানন্দ স্বন্দ ! আমি বারাণসীর কথা শ্রবণ করিয়া পরিতৃপ্তি লাভ করি নাই, অতএব আমার প্রতি যদি আপনার অনুগ্রহ থাকে এবং আমি যদি শ্রবণের যোগ্য হই, তাহা হইলে, ভৈরবের কথা কীর্তন করুন । কাশীতে ভৈরব নামে অবস্থিত দেব কে ? তাঁহার রূপ এবং কৰ্ম্মই বা কি প্রকার ? এবং নাম সমূহই বা কি ? কি প্রকারেই বা আরাধনা করিলে তিনি সাধকগণের সিদ্ধি প্রদান করেন এবং কোন্ সময়েই বা আরাধনা করিলে সেই ভৈরব শীঘ্র ফল প্রদান করিয়া থাকেন ? । ১—৪ ।

স্বন্দ কহিলেন, হে মহাভাগ ! বারাণসীতে তোমার বাদৃশ প্রেম দেখিতেছি, বোধ করি তুচ্ছপ আর কাহারও নাই, তজ্জগুই আমি বিশেষ রূপে, মহাপাতক-নাশন ভৈরবের প্রাদুর্ভাব বৃত্তান্ত বর্ণন করিতেছি, যাহা শ্রবণ করিলে নির্বিঘ্নে কাশীবাসের ফল প্রাপ্ত হওয়া যায় । ৫-৬ । পাণিঘয়ের দ্বারা সমস্ত ব্রহ্মাণ্ডকে দৃঢ়-রূপে নিষ্পাড়ন করত, পক্ষ রমাল ফলের স্থায় তাহাকে বারম্বার চোষণ পূর্বক তাহার রসপানে উন্মত্তের স্থায় হইয়া তাণ্ডবলীলায় নৃত্যকারী মহাভৈরব, বিঘ্ন হইতে ত্রিভুবনস্থ জীব নিচয়কে রক্ষা করুন । ( অথবা করঘর সদৃশ নির্ভয় অনুভব ও নিত্য জ্ঞানের দ্বারা, মায়ার সহিত ব্রহ্মাণ্ডকে দৃঢ়রূপে সঙ্কুচিত করত, মনন ও নিদিধ্যাসনের দ্বারা তাহার ক্ষরণতা সম্পাদন করিয়া, তাহাকে নিঃশেষ রূপে বিলয় করত, সর্বসংহারী ও কুযোগিগণের ভীতিপ্রদ পরমাত্মা, পকাত্মরস সদৃশ সেই প্রসিদ্ধ ব্রহ্মানন্দানুভব রসে নিমগ্ন হইয়া বিঘ্ন হইতে ত্রিভুবনস্থিত জীব নিচয়কে রক্ষা করুন ) । ৭ । হে কুস্তম্বোনে ! বিষু চতুর্ভুজ এবং ব্রহ্মা চতুর্মুখ হইয়াও মহেশ্বরের মহিমা অবগত হইতে পারেন নাই । হে ভূদেব ! ইহাতে কোন আশ্চর্য্যের বিষয় নাই, কারণ সেই মহেশ্বরের মায়ী দুরতিক্রমণীয়া, সেই মায়ার দ্বারা সকলেই মোহিত, স্তুতরাং কেহই সেই মায়াকে অতিক্রম করিয়া, মায়াতীত সেই মন্ত্ৰেশ্বরকে জানিতে সমর্থ হয় না । ৮-৯ । সেই পরমেশ্বরই যদি জানাইয়া দেন, তবেই ব্রহ্মাদি দেবগণ আত্মাকে জানিতে পারেন, নতুবা তাঁহারাও স্বইচ্ছায় আত্মাকে জানিতে পারেন না । সেই স্বাত্মারাম পরমেশ্বর সর্বগামী হইলেও, কেহ

তঁাহাকে দেখিতে পায় না । এবং মূঢ় ব্যক্তিগণ, মন ও বাক্যের অতীত সেই পরমেশ্বরকে সামান্য দেবতার স্থায় জ্ঞান করিয়া থাকে । ১০-১১ । হে বিপ্র ! পুরাকালে স্কুমেরুশৃঙ্গে মহর্ষিগণ, লোকেশ ত্রক্ষাকে জিজ্ঞাসা করিয়াছিলেন যে, একমাত্র কোন্ তত্ত্ব অব্যয়, তাহা বলুন । লোক-পিতামহ ত্রক্ষা, মহেশের মায়ায় মুগ্ধ হইয়া, পরম তত্ত্ব না জানিয়া, আপনাকেই শ্রেষ্ঠরূপে কীর্তন কবিত্তে লাগিলেন । ( ত্রক্ষা কহিলেন ) আমি জগদ্যোনি, আমি বিধাতা, আমি স্বয়ম্ভু আমিই ঈশ্বর, আমিই অনাদি ব্রহ্মস্বরূপ । আমার অর্চনা না করিয়া, কেহই মুক্তির লাভ করিতে পারে না । আমিই জগতের একমাত্র সৃষ্টি ও প্রলয়কর্তা । হে সুরশ্রেষ্ঠগণ ! আমা হইতে শ্রেষ্ঠ আর কেহই নহে । ১২-১৫ । ত্রক্ষার এই সমস্ত বাক্য শ্রবণ করিয়া, নারায়ণের অংশে উৎপন্ন ক্রতু ( যজ্ঞের অধিষ্ঠাতৃ দেবতা ) হাশ্ব করত, রৌষকষায়িত-লোচনে ত্রক্ষাকে বলিতে লাগিলেন যে, পরম তত্ত্ব না জানিয়া তুমি ইহা কি বলিতেছ, যোগযুক্ত ব্যক্তি এতাদৃশ অজ্ঞান উচিত নহে । আমিই লোকসমূহের কর্তা, যজ্ঞ ও পরম নারায়ণ স্বরূপ, হে বিধে ! আমাকে অনাদর করিয়া জগতের জীবন অসম্ভব । আমি পরম জ্যোতিঃ, আমিই পুরাণগতি এবং আমাকর্তৃক প্রেরিত হইয়াই তুমি এই সমস্ত সৃষ্টি করিতেছ । ১৬-১৯ । ত্রক্ষা ও বিষ্ণু জয়াভিলাষে পরস্পর বিরোধী হইয়া, প্রমাণজ্ঞ চারি বেদকে জিজ্ঞাসা করিলেন । ২০ ।

বিধি ও ক্রতু বলিলেন, হে বেদগণ ! আপনারা সর্বত্রই প্রমাণরূপে প্রতিষ্ঠা লাভ করিয়াছেন, তাহার সন্দেহ নাই, অতএব আপনারা কোন্ পদার্থকে যথার্থ তত্ত্বরূপে অবগত হইয়াছেন, তাহা বলুন । ২১ ।

ঋতিগণ কহিলেন, হে সৃষ্টিস্থিতিকর-দেবদয় ! যদি আমরা আপনাদের মাগ্ন হই ( অর্থাৎ আপনারা যদি আমাদের বাক্য মানেন ) তাহা হইলে, আপনাদের সন্দেহের অপনয়নকারী প্রমাণ আমরা বলিতেছি । ঋতিগণের বাক্য শ্রবণ করিয়া ত্রক্ষা ও বিষ্ণু তঁাহাদিগকে বলিলেন যে, আপনারা যাহা বলিবেন, তাহাই আমাদের প্রমাণ, অতএব যথার্থ তত্ত্ব কি, তাহা বলুন । ( তখন চারি বেদ যথাক্রমে বলিতে আরম্ভ করিলেন ) । ২২-২৩ ।

ঋখেদ কহিলেন, নিখিল ভূতগণ যঁাহাতে অবস্থান করিতেছে, যঁাহা হইতে এই সমস্ত উৎপন্ন হইতেছে এবং মহাত্মাগণ যঁাহাকে “পর” বলিয়া কীর্তন করিয়া থাকেন সেই একমাত্র রুদ্রই যথার্থ তত্ত্ব । ২৪ ।

যজুর্বেদ কহিলেন, যে ঈশ যজ্ঞসমূহ ও যোগে দ্বারা অর্চিত হইয়া থাকেন

এবং ষাঁহার দ্বারা আমরা প্রমাণ রূপে লোকে পরিগৃহীত হইয়াছি, সেই একমাত্র সর্বদক্ষী শিবই যথার্থ তত্ত্ব । ২৫ ।

সামবেদ কহিলেন, ষাঁহার দ্বারা এই জগৎ পরিভ্রমণ করিতেছে, যিনি যোগিগণ কর্তৃক বিচিন্তিত হইয়া থাকেন এবং ষাঁহার দীপ্তিতে এই বিশ্ব প্রকাশ পাইতেছে, সেই একমাত্র ত্র্যম্বকই পরম তত্ত্ব । ২৬ ।

অথর্ববেদ কহিলেন, ভক্তিশীল মানবগণ, দেবেশকে দর্শন করিয়া থাকেন, সেই একমাত্র কৈবল্যরূপী দুঃখতস্কর শঙ্করকেই, মহাত্মাগণ পরম তত্ত্বরূপে কীর্তন করিয়া থাকেন । ( স্কন্দ কহিলেন ) হে মুনে ! শ্রুতিগণের এবম্বিধ বাক্য শ্রবণ করিয়া, অজ্ঞানান্ধকারে সমাচ্ছন্ন ক্রতু ও বিধি ঈষৎ হান্স করত বলিলেন যে, শাস্ত্রান্ধক্রেত্রে ধূলিধূসর হইয়া সতত দিগম্বররূপে শিবের সহিত ক্রীড়ারত, কুৎসিতবেশ, জটাধারী, বুসবাহন, অহিভূষণ এবং সঙ্গবর্জিত ; সেই প্রমথনাথ কেমন করিয়া পরমব্রহ্ম লাভ করিলেন ? তাঁহাদের এই বাক্য শ্রবণ করিয়া প্রণবস্বরূপ সনাতন, অমূর্ত হইয়াও মূর্তিমান রূপে হান্স করত তাঁহাদিগকে বলিতে লাগিলেন । ২৭-৩১ ।

প্রণব কহিলেন, লীলাবিগ্রহধারি রুদ্ররূপী ভগবান্ হর, আত্ম হইতে অতিরিক্ত শক্তির সহিত কখন লীলা করেন না । এই ভগবান্ মহেশ্বর স্বয়ং জ্যোতিঃস্বরূপ এবং সনাতন । এই আনন্দরূপা শিবা তাঁহারই শক্তি, ইনি তাঁহা হইতে অতিরিক্ত কোন আগন্তুক শক্তি নহেন । ৩২-৩৩ । প্রণব এইরূপ বলিলেও, ত্রীকটেরই মায়াবিন্দন, ক্রতু ও ব্রহ্মার অজ্ঞান দূর হইল না । তখন তাঁহাদের মধ্যস্থলে স্বীয় তেজের দ্বারা পৃথিবী ও স্বর্গের মধ্যবর্তী স্থান উদ্ভাসিত করিয়া, জ্যোতির্গুণমধ্যস্থ এক জ্যোতির্শ্রয় পুরুষ আবির্ভূত হইলেন । তাঁহার দর্শনে কোপ প্রযুক্ত ব্রহ্মার পঞ্চম মন্তুক জ্বলিয়া উঠিল । তখন ব্রহ্মা, “আমাদের উভয়ের মধ্যস্থলে, এই পুরুষাকৃতি তেজ কে” এইরূপ ভাবনাবিশিষ্ট হইয়াই, সকলের সৃষ্টিকর্তা ত্রিশূলহস্ত ভাল-লোচন, সর্প ও চন্দ্রভূষণ মহাদেবকে দর্শন করত, তাঁহাকে বলিতে লাগিলেন, হে চন্দ্রশেখর ! আমি তোমাকে জানি, তুমি আমার ভালস্থল হইতে উৎপন্ন হইয়াছিলে এবং পূর্বে তুমি রোদন করিয়াছিলে এই জন্ত আমি তোমাকে “রুদ্র” বলিয়া অভিহিত করিয়াছিলাম, অতএব হে পুত্র ! তুমি আমার শরণাগত হও, আমি তোমাকে রক্ষা করিব । ৩৪-৪০ । মহেশ্বর, প্রজাপতির এই গর্বিত-বাক্য শ্রবণ করত, স্বীয় কোপ হইতে একটা ভৈরবাকৃতি পুরুষ সৃজন করিয়া, তাহাকে বলিতে লাগিলেন যে, হে কালভৈরব ! তুমি এই ব্রহ্মাকে শাসন কর । আর তুমি যেহেতুক কালের দ্বারা দীপ্তি পাইতেছ, তজ্জন্ত “কালরাজ” নামে বিখ্যাত হইবে । এবং তুমি বিশ্বকে

ভরণ করিতে সমর্থ, এই জন্ত তোমার নাম “ভৈরব” হইবে। কালও তোমাকে ভয় করিবে, তজ্জন্ত তোমার নাম “কালভৈরব” হইবে। তুমি রুক্ষ হইয়া চুষ্ট-গগকে মর্দন করিবে, তজ্জন্ত তোমার সর্বত্র “আমর্দক” নামে বিখ্যাতি হইবে। আর যেহেতুক তত্তৎক্ষণেই ভক্তগণের পাগসমূহকে ভক্ষণ করিবে, এই জন্ত তোমার “পাপভক্ষণ” এই নামও হইবে এবং সর্বাপেক্ষা শ্রেষ্ঠ আমার যে কাশীপুরী আছে, হে কালরাজ ! তুমি তথায় সর্বদা আধিপত্য করিবে। সেই খানে যাহারা পাপকর্ম করিবে, তুমি তাহাদের শাসন করিবে, কারণ সেই ক্ষেত্রে লোকে যে শুভাশুভ কর্ম করে, চিত্রগুপ্ত তাহা লিখেন না। ৪১-৪৭। কালভৈরব, মহাদেবের নিকট এই সমস্ত বর লাভ করত, তৎক্ষণাৎ বাম হস্তের কনিষ্ঠাঙ্গুলির নখের অগ্রভাগ দ্বারা, ব্রহ্মার মস্তক ছেদন করিলেন। যে অঙ্গ অপরাধ করে, সেই অঙ্গেরই শাসন করিতে হয়; এই জন্ত ব্রহ্মা যে অঙ্গের দ্বারা নিন্দা করিয়াছেন, কালভৈরব, তাঁহার সেই পঞ্চম-মস্তকই ছেদন করিলেন। তখন ক্রতুরূপী বিষ্ণু শঙ্করের স্তব করিতে লাগিলেন এবং ব্রহ্মাও অতিশয় ভীত হইয়া, শতরুদ্রী জপ করিতে লাগিলেন। ৪৮-৫০। তখন প্রণতবৎসল মহাদেব প্রীত হইয়া, ব্রহ্মা ও বিষ্ণুকে আশ্বাস প্রদান করত, স্বীয় মূর্ত্যাস্তর সেই ভৈরবকে বলিলেন যে, এই ক্রতুরূপী বিষ্ণু ও এই প্রজাপতি ব্রহ্মা, ইঁহার উভয়েই তোমার মাননীয়। হে নীললোহিত ! তুমি ব্রহ্মার এই কপাল ধারণ করিয়া থাক এবং ব্রহ্মহত্যা অপনয়নের জন্ত, কাপালিক-ব্রত অবলম্বনপূর্বক লোকনিচয়ে স্বীয় ব্রত দর্শন করাইয়া, সতত ভিক্ষা করিয়া বিচরণ কর। মহাদেব এই কথা বলিয়া ব্রহ্মহত্যা নামে একটি কন্যা উৎপাদন করিলেন। সেই কন্যা রক্তবর্ণা, রক্তবস্ত্রধারিণী, রক্তগন্ধে অশ্লিষ্টা ও রক্তমালাশোভিনী, তাঁহার বদন দন্তসমূহ অতি ভীষণ, জিহ্বা লকলক করিতেছে, অস্তরীক্ষ দেশে সেই কন্যার একটি পাদ এবং তিনি বহুতর রুধির পান করিতেছেন, তাঁহার হস্তে ত্রয় করক শোভা পাইতেছে এবং তিনি ভীষণ রবে গর্জন করিতেছেন ও ভৈরবকে ভয় দেখাইতেছেন। ৫১-৫৬। মহাদেব এই প্রকার কন্যাকে উৎপাদন করিয়া তাঁহাকে বলিলেন যে, হে ভীষণে ! এই কালভৈরব যে পর্যন্ত দিব্য বারাগসী পুরীতে গমন না করেন, তাবৎকাল তুমি ইঁহার অনুগমন কর। একমাত্র বারাগসী ব্যতীত অন্য সকল স্থানেই তুমি প্রবেশ করিতে পারিবে। মহাদেব, সেই কন্যাকে এই রূপ আদেশ করিয়া, অন্তর্হিত হইলেন। সেই ব্রহ্মহত্যার সংসর্গে কালরাজ ভৈরব কৃষ্ণবর্ণ হইলেন এবং মহাদেবের বাক্যে কাপালিক-ব্রত ধারণ করিয়া, কপালহস্তে ত্রিভুবনে ভ্রমণ করিতে লাগিলেন। সত্যলোক বা বৈকুণ্ঠ কিম্বা মহেশ্বাদি পুরী

সমুদ্রেতেও সেই স্নদারূপ ব্রহ্মহত্যা কালভৈরবকে পরিত্যাগ করিল না। কালরাজ ও ত্রিজগতের পতি, উগ্রতন্ত্রী ও ত্রিজগতীর ঈশ্বর হইয়াও বহুতর তীর্থপর্যটন করিয়াও সেই ব্রহ্মহত্যা হইতে মুক্তি লাভ করিতে পারিলেন না। হে কলশ-সম্বব! ইহার দ্বারাই তুমি, ব্রহ্মহত্যানিশিনী কাশীর মহিমা অনুমান করিয়া লও। ৫৭-৬৩। ত্রিভুবন মধ্যে বহুতর তীর্থ আছে, কিন্তু সে সমস্ত কাশীর ষোড়শাংশের একাংশেরও তুল্য নহে। যে পর্য্যন্ত পাপরূপ অচলের অশনিস্বরূপ কাশীর নাম স্মৃতিগোচর না হয়, সেই পর্য্যন্তই ব্রহ্মহত্যা প্রভৃতি পাপসমূহ গর্জন করিয়া থাকে। ৬৪-৬৫। অনন্তর কাপালিকব্রতধারী সেই দেব কালভৈরব, প্রমথগণের সহিত ত্রিভুবন পর্য্যটন করত, নারায়ণের আলয়ে গিয়া উপস্থিত হইলেন। গরুড়-ধ্বজ, ত্রিনেত্র মহাকালরূপী সর্পকুণ্ডলধারী ও ভীষণাকৃতি মহাদেবের অংশসমূহ সেই ভৈরবকে আসিতে দেখিয়া, ভূমিতে দণ্ডবদ্রাবে প্রণাম করিলেন এবং অগ্ন্যস্ত্র দেব-গণ, মুনিগণ ও দেবপত্নীগণ চতুর্দিকে তাঁহাকে প্রণাম করিতে লাগিলেন। কমলা-পতি প্রণত হইয়াই মস্তকে অঞ্জলি বদ্ধ করত, বহুতর স্তুতি-বাক্যের দ্বারা সেই ভৈরবের স্তব করিয়া, লক্ষ্মীকে বলিতে লাগিলেন যে, হে প্রিয়ে! হে কমলনয়নে! হে সুভগে! হে অনঘে! দেখ, তুমি ধন্য এবং আমিও ধন্য, হে স্ত্রোত্রাণি! যে হেতুক আমরা উভয়েই ত্রিজগতের পতিকে দর্শন করিতেছি। ইনিই ধাতা, বিধাতা এবং লোকসমূহের প্রভু ও ঈশ্বর। ইনিই অনাদি, শরণ, শাস্ত্র, পর ও পরাত্মরূপে নির্ণীত। ইনিই সর্ববজ্র, সর্বযোগীশ্বর, সর্বভূতের একমাত্র নায়ক, সর্বভূতের অন্তরাত্মা এবং সকলের সর্বদা সর্ব প্রকার অভীষ্ট পদার্থের প্রদান-কর্ত্তা। যোগিগণ নিস্তম্ভ, শাস্ত্র ও ধ্যানপরায়ণ হইয়া যঁহাকে অন্তরে দর্শন করিয়া থাকেন, অথচ এই তিনি আমাদের সম্মুখে আগমন করিতেছেন, দর্শন কর। সংযত-চিত্ত বেদতত্ত্বজ্ঞ যোগিগণ যঁহাকে জানিয়া থাকেন, সেই এই সর্বব্যাপী মহেশ্বর অরূপ হইয়াও অস্ত্র রূপ ধারণ করত, আমাদের নিকট আগমন করিতেছেন। অহো! পরমাত্মস্বরূপ মহাদেবের লীলা বিচিত্র! যঁহার নাম কীর্তন করিলে জীবগণ নির্বাণ মুক্তিলাভ করে, তিনি স্বয়ং দেহ ধারণ করিয়াছেন। যঁহাকে দর্শন করিলে মানব আর পৃথিবীতে জন্ম গ্রহণ করে না, সেই ভগবান্ শশিভূষণ ত্র্যম্বক এই আগমন করিতেছেন, পদ্মপত্রের স্নায় আয়ত আমার লোচনবয় ধন্য হইল। ৬৬-৬৭। দেবগণের দেবত্বপদকে দিক্। তাঁহারা এখানে শঙ্করকে দর্শন করিয়াও, বাহাতে সমস্ত দুঃখের শেষ হয়, সেই নির্বাণ পদ লাভ করিতে পারিলেন না। দেবলোকে দেবত্ব হইতে অশুভ আর কিছুই নাই। যে দেবত্ব নিবন্ধন

আমরা সমস্ত দেবের অধীশ্বরকে দর্শন করিয়াও মুক্তিলাভ করিতে পারিতেছি না। ৭৮-৭৯। আনন্দে পুলকিত শরীর হ্রস্বীকেশ লক্ষ্মীকে এই সমস্ত কথা বলিয়া মহাভৈরবকে প্রণাম করিয়া বলিতে লাগিলেন যে, হে সর্বপাপহর! হে অব্যয়! হে বিভো! আপনি সর্বজ্ঞ ও জগতের বিধাতা হইয়াও, এ কিরূপ আচরণ করিতেছেন! হে দেবেশ-মহামতে-ত্রিলোচন! ইহা কেবল আপনার লীলা মাত্র, হে স্মরাসক্ত-বিরূপাক্ষ! আপনার এ প্রকার আচরণ করিবার কারণ কি? হে ভগবন্! আপনি পরমা শক্তির পালক হইয়াও কি নিমিত্ত ভিক্ষা করিয়া বেড়াইছেন? হে ত্রৈলোক্যরাজ্যপ্রদ-জগন্নাথ! এই সমস্ত বিষয়ে আমার অতিশয় সন্দেহ হইতেছে। ৮০-৮৩। বিষ্ণুকর্তৃক এইরূপ অভিহিত হইয়া, মহাদেব তাঁহাকে বলিলেন যে, হে বিষ্ণো! অঙ্গুলির নখের দ্বারা ব্রহ্মার মস্তক ছেদন করিয়াছি, সেই পাপের প্রায়শ্চিত্তের জন্ত এই শুভ ব্রত ধারণ করিয়াছি। ৮৪-৮৫। মহাদেব এই কথা বলিলে পুণ্ডরীকলোচন-বিষ্ণু, মস্তক নত করত কিঞ্চিৎ হাস্য করিয়া, পুনরায় তাঁহাকে বলিতে লাগিলেন যে, হে ত্রিভুবনের অধীশ্বর! আপনার যজ্ঞপ ইচ্ছা, আপনি তদনুরূপ লীলা করুন, কিন্তু হে মহাদেব! আমাকে মায়ায় আচ্ছন্ন করিবেন না। হে ঈশ! আপনার অমুজ্জাবলে আমি নাভিকমল হইতে কল্পে কল্পে কোটি কোটি ব্রহ্মা সৃষ্টি করিতেছি। হে বিভো! অজ্ঞানি-ব্যক্তিগণের দুরতিক্রমণীয়া এই মায়া আপনি পরিত্যাগ করুন। হে দেব! শিবাপতে! আমরা আপনার মায়ায় মোহিত হইয়া, আপনার এই আচরণসমূহকে সত্যবোধ করিতেছি। ৮৬-৮৯। হে হর! সংহার কাল উপস্থিত হইলে, আপনি যখন, সমস্ত দেবতা, মুনি ও বর্ণাশ্রমবিশিষ্ট লোকনিচয়কে সংহার করিবেন, তখন আপনার ব্রহ্মহত্যা প্রভৃতি পাপ কোথায় থাকিবে? হে শস্তো! আপনি কাহারও অধীন নহেন, এই জন্ত যেমন ইচ্ছা আপনি তজ্জপ লীলা করিয়া থাকেন। ৯০-৯১। কত অতীত ব্রহ্মার অস্থির মালা আপনার গলদেশে শোভা পাইতেছে। হে অনঘ! এই সমস্ত অস্থি ধারণ-কালীন আপনার ব্রহ্মহত্যা কোথায় ছিল? ৯২। কঠোর পাপ কর্ম করিয়াও যে ব্যক্তি, জগতের 'আধার'রূপ আপনাকে ভক্তিভাবে স্মরণ করে, তাহারও সমস্ত পাপ বিলীন হইয়া থাকে, হে ভব! সূর্যের সন্নিধানে অন্ধকার যেমন অবস্থান করিতে পারে না, তজ্জপ আপনার ভক্তের নিকটও পাপসমূহ অবস্থান করিতে না পারিয়া বিলয় প্রাপ্ত হইয়া থাকে। ৯৩। যে পুণ্যাত্মা ব্যক্তি আপনার চরণকমল-দ্বয়ের চিন্তা করে, তাহার ব্রহ্মহত্যা প্রভৃতি পাপও ক্ষয় হয়। হে জগৎপতে! যে পুরুষের বাক্য আপনার নামে অনুরক্ত থাকে,

তাহার পাপরাশি পৰ্বত সদৃশ হইলেও, তাহাকে ক্লেশ প্রদান করিতে পারে না । রজ এবং তমোগুণের দ্বারা বর্জিত ও পরিতাপদায়ক পাপ কোথায়, আর জনগণের জীবনোন্মুখ ও ভবরোগহারী আপনার মঙ্গলময় শিবনামই বা কোথায় ? যদি কখনও মানবের ওষ্ঠপুট হইতে, অন্ধকরিপু, শিব, শঙ্কর, চন্দ্রশেখর প্রভৃতি নাম বারম্বার উচ্চারিত হয়, তাহাতে তাহার আর সংসারে জন্ম হয় না । ৯৪-৯৮ । অতএব হে পরাত্মন ! হে পরমধাম ! হে স্বেচ্ছাবিধৃতবিগ্রহ ! এই সমুদয়ই আপনার কুতূহল মাত্র, হে ঈশ ! নতুবা ঈশ্বরের পরাধীনতা কোথায় ? হে দেবেশ ! আজ আমি ধন্য হইলাম, যে অক্ষয় ও জগন্মূল পরমেশ্বরকে যোগিগণেও দর্শন করিতে পারেন না, সেই পরমাত্মাস্বরূপ আপনাকে আমি দর্শন করিতেছি । অতঃ আমার পরম লাভ, অতঃ আমার পরম মঙ্গল । আপনার দৃষ্টিক্রপ অমৃতে পরিতৃপ্ত হইয়া, আজ আমি বৈকুণ্ঠ প্রভৃতিকে তৃণের গ্রায় তুচ্ছ বোধ করিতেছি । ৯৯-১০১ । বিষ্ণু এই-রূপ বলিতেছেন, ইত্যবসরে, পবিত্রস্বভাবা লক্ষ্মী, মহাদেবের পাত্রে মনোরথবতী নামে ভিক্ষা প্রদান করিলেন । তখন মহাদেবও ভিক্ষার জন্ম আনন্দে তথা হইতে নির্গত হইলেন । জনার্দন, ব্রহ্মহত্যাকে কালভৈরবের অনুগমন করিতে দেখিয়া, তাঁহাকে ডাকিয়া বলিতেছেন যে, হে ব্রহ্মহত্যে ! তুমি ত্রিশূলীকে পরিত্যাগ কর । ১০২—১০৩ ।

ব্রহ্মহত্যা কহিলেন, আমিও এই ছলে বৃষধ্বজের সেবা করিয়া আপনাকে পবিত্র করিব, ইহাতে আমার পুনর্জন্ম হইবে না । এই বলিয়া বিষ্ণুকর্তৃক অনুরুদ্ধ হইয়াও, ব্রহ্মহত্যা কালভৈরবের পার্শ্ব পরিত্যাগ করিলেন না । অনন্তর শম্ভু সহস্রাবদনে বিষ্ণুকে বলিলেন যে, হে বহুমানদ গোবিন্দ ! তোমার বাক্যানুতপানে আমি পরিতৃপ্ত হইয়াছি, অতএব হে অনঘ ! আমি বরপ্রদান করিতে ইচ্ছা করিতেছি, তুমি বর প্রার্থনা কর । ১০৪-১০৬ । ভিক্ষুকগণ ভিক্ষা করিতে গিয়া সৎকার লাভ করিলে তাহাতে যেমন বিগতশ্রম হইয়া আনন্দ লাভ করিয়া থাকে, প্রভুতত্তর পবিত্র দ্রব্য ভিক্ষা পাইলেও, তাহারা তাদৃশ আনন্দিত হয় না । ১০৭ ।

মহাবিষ্ণু কহিলেন, আমার এই বরই যথেষ্ট যে, আমি দেবগণের অধীশ্বর ও মনোরথ পথের অতীত দেবদেব আপনাকে দর্শন করিতেছি । হে হর ! সাধুগণের পক্ষে আপনার দর্শন, বিনা মেঘে সুধাবৃষ্টি, বিনা আগ্রাসে মহোৎসব এবং ষড়্ধ বিনা নিখিলাভের তুল্য । অতএব হে দেব ! আপনার চরণ যুগলের সহিত আমার যেন কখন বিয়োগ উপস্থিত না হয়, ইহাই আমার প্রার্থনীয় ; আমি অন্য কিছুই প্রার্থনা করি না । ১০৮-১১০ ।

শ্রীকৃষ্ণর कहिलेन, हे महामते अनन्त । तूमि बाह्य प्रार्थना करिले, ताहाई हईवे एवं तूमि समस्त देवगणेर वरदाता हईवे । निम्नूके এইरूप वर प्रदान करिया, कालभैरव, ब्रह्मा ও ইন্দ্রাদি लोकसमूहे विचरण करत, विमुक्तिर जननी वाराणसीनाम्नी पुरीते गमन करिलेन । १११-११२ । ब्रह्मादि देवगणेर विपद्-सङ्कल पदसमूह, যে কাশীতে অবস্থিত জীবগণের পদের ষোড়শ কলার এক কলার তুল্য নহে । বারাণসীবাসী জটী, মুণ্ডী বা দিগম্বরও ভাল, কিন্তু অশুভ রাজ্যেশ্বর হইয়া থাকিও ভাল নহে । ১১৩-১১৪ । বারাণসীতে থাকিয়া ভিক্ষা করাও ভাল কিন্তু অশুভ লক্ষপতি হওয়াও ভাল নহে, কারণ অশুভ যে ব্যক্তি লক্ষপতি হইয়া আছে, তাহার পুনর্ব্বার জন্মগ্রহণ করিতে হইবে, কিন্তু যে ব্যক্তি কাশীতে ভিক্ষা করিয়াও অবস্থান করিতেছে, সে দেহান্তে আর গর্ভবন্ত্রণা ভোগ করিবে না । ১১৫ । বারাণসীতে ভিক্ষুকগণকে যদি আমলক পরিমিতও ভিক্ষা প্রদান করা যায়, তাহাও তুলনা করিলে, সুমেরু অপেক্ষা অধিক বোধ হয় । যে ব্যক্তি কাশীতে দুর্দশাগ্রস্ত গৃহস্থকে বৎসরের ভোগ্য ভোজন প্রদান করে, সে ব্যক্তি যত বৎসরের ভোজন প্রদান করে, তৎপরিমিতযুগ স্বর্গবাস করিয়া থাকে । ১১৬-১১৭ । বারাণসীতে উপায়হীন ব্যক্তিকে যে, সম্বৎসরের ভোগ্য প্রদান করে, সেই মানবশ্রেষ্ঠ কখন ক্ষুধা বা তৃষ্ণায় দুঃখ প্রাপ্ত হয় না । বারাণসীতে বাস করিলে যে পুণ্য লাভ হয়, কোন ব্যক্তিকে তথায় বাস করাইলেও, তদনুরূপ পুণ্যলাভ হইয়া থাকে । যে কাশীর নাম করিলে ব্রহ্মহত্যা প্রভৃতি পাপসমূহ পাপিজনকে পরিত্যাগ করে, তাহার সহিত এ জগতে সেই কাশীর তুলনা হইতে পারে ? ১১৮-১২০ । কালভৈরব ভীষণাকৃতিতে সেই কাশীক্ষেত্রে প্রবেশ করিবামাত্র, ব্রহ্মহত্যা হাহাকার করত, পাতালে প্রবেশ করিলেন । এবং ব্রহ্মার কপাল ভৈরবের হস্ত হইতে নিপাত্ত হইল । তাহা দেখিয়া কালভৈরব সকলের সমক্ষে আনন্দে নৃত্য করিতে লাগিলেন । ১২১-১২২ । কালভৈরব বহুতর তীর্থ পর্য্যটন করিয়াছেন কিন্তু কোন স্থানেই সেই কপাল তাঁহার হস্ত হইতে বিমুক্ত হয় নাই, কিন্তু কি আশ্চর্য্য ! কাশীতে আগমন মাত্র তাঁহার হস্ত হইতে সেই কপাল নিপাত্ত হইয়া গেল । মহাদেবের যে ব্রহ্মহত্যা, অশু কোন স্থানে অপগত হয় নাই ; কাশীতে সেই ব্রহ্মহত্যা ক্ষণমধ্যে বিনষ্ট হইল, সুতরাং কাশী কেন না দুর্লভ হইবে ? ১২৩-১২৪ । এই জন্মই কাশীকে পূজা ও প্রদক্ষিণ করা কর্তব্য । জীব যদি বাবজীবন “বারাণসী ও কাশী” এই মহামন্ত্র জপ করে, তাহা হইলে তাহার আর জন্মগ্রহণ করিতে হয় না । যে ব্যক্তি দূরদেশে অবস্থিত



হইয়াও, মৃত্যুকালে অবিমুক্তক্ষেত্র স্মরণ করত মৃত হয়, তাহারও পুনর্জন্ম হয় না । যাহার চিত্ত সর্বদা আনন্দকাননস্থ ভৈরবকে স্মরণ করে, সে ব্যক্তি সেই ক্ষেত্রের নাম শ্রবণ করিলেই, তাহার আর জন্ম হয় না । ১২৫-১২৮ । যে ব্যক্তি নিয়ত-মানসে সর্বদা ঋজ্রাবাসে বাস করে, সে মহৎপাপ আচরণ করিলেও, কালে মুক্তিলাভ করিয়া থাকে । যে ব্যক্তি মহাশ্মশানে গমন করত দৈবাধীন মৃত হয়, তাহাকে আর কখন শ্মশানে শয়ন করিতে হয় না । যে সমস্ত মানব কাশীক্ষেত্রস্থ কপালমোচনের স্মরণ করে, তাহাদিগের ইহজন্মের ও জন্মান্তরের পাতক শীঘ্র বিনষ্ট হয় । ১২৯-১৩১ । মানব কাশীতে আগমনপূর্বক যথাবিধি স্নান করত, দেবতা ও পিতৃলোকের তর্পণ করিয়া, ব্রহ্মহত্যা ইহতে মুক্তিলাভ করিয়া থাকে । দেহাদি সমস্ত অনিত্য জানিয়া, যাহারা কাশীতে বাস করে, শঙ্কর তাহাদিগকে মৃত্যুকালে সেই পরম জ্ঞান প্রদান করিয়া থাকেন । হে বিপ্র ! এই কাশীপুরী সাক্ষাৎ মহাদেবের শরীর এবং ইহা অনির্বাচ্য ও পরমানন্দরূপা এবং যাহারা শিবভক্ত নহে, তাহাদের গর্ভে দুস্ত্রাপণীয়া । ১৩২-১৩৪ । ইহার তত্ত্ব আমি অবগত আছি এবং শিবভক্তিপরায়ণ ব্যক্তিও ইহার তত্ত্ব অবগত আছেন । যোগিগণ যোগবলে যে মুক্তিলাভ করিয়া থাকেন, জীবগণ এই কাশীতে অনায়াসে তাদৃশ মুক্তিলাভ করিয়া থাকে । এই কাশী পরম স্থান, এই পুরী পরমানন্দ স্বরূপিণী এবং এই কাশীই পরমজ্ঞান, অতএব মুমুক্শুব্যক্তিগণ, এই কাশীর সেবা করিবেন । যে মুঢ় ব্যক্তি, কাশীতে বাস করিয়াও, শিবভক্তগণের বিরুদ্ধাচরণ করে বা কাশীর নিন্দা করে, তাহার কাশীতে বা অন্ত্র কোনরূপ গতিলাভ হয় না । ১৩৫-১৩৭ । অনন্তর কালভৈরব কপালমোচন তীর্থকে সম্মুখে রাখিয়া, ভক্তগণের পাপসমূহ ধ্বংস করিবার জন্ত, সেই স্থানেই অবস্থান করিলেন । যে ব্যক্তি কালভৈরবের সেবা করে, সে শতপ্রকার পাপ করিলেও, তাহাতে তাহার কোন ভয় থাকে না । ১৩৮-১৩৯ । এই কালভৈরব, পাপসমূহ ও ইষ্টগণের মনোরথসমূহ সর্বপ্রকারে মর্দন করেন, এই জন্ত ইহার একটি নাম আমর্দক, এবং কাশীবাসিজনগণের কলি ও কাল নিবারণ করেন, তজ্জন্ত ইনি কালভৈরব নামে বিখ্যাত হইয়াছেন । ইহার ভক্তগণের নিকট, সুদারুণ ষমদুঃখ সর্বদা ভীত হয়, এই জন্ত ইহার নাম ভৈরব । অগ্রহায়ণ মাসের কৃষ্ণাষ্টমী তিথিতে উপবাস করত কালভৈরবের নিকট রাত্রিজাগরণ করিলে, মহাপাপ ইহতে মুক্ত হওয়া যায় । ১৪০-১৪৩ । মমুষ্যবুদ্ধিতে যে সমস্ত অশুভ কর্ম করা যায়, কালভৈরব দর্শনে সে সমস্ত বিলয় প্রাপ্ত হয় । জীবগণ অনেক জন্মে যে সমস্ত পাপ

করে, কালভৈরব দর্শন করিলে, সে সমস্ত পাপ শীঘ্র বিনষ্ট হইয়া থাকে । মানবগণ, অগ্রহায়ণ মাসের কৃষ্ণাষ্টমী তিথিতে, বহুতর উপকরণের দ্বারা কালভৈরবের পূজা করিলে, বার্ষিক-বিলম্ব সকল দূর করিতে পারে । ১৪৪-১৪৬ । রবি ও মঙ্গলবারে, অষ্টমী এবং চতুর্দশী তিথিতে কালভৈরবের যাত্রা করিলে পাপ হইতে মুক্তিলাভ করা যায় । যে ব্যক্তি, কাশীক্ষেত্রবাসী কালভৈরবভক্তগণের বিদ্য আচরণ করে, সেই মৃত অতিশয় দুর্গতি প্রাপ্ত হইয়া থাকে । ১৪৭-১৪৮ । কাশীতে বাহারা বিশেষরকম ভক্ত কিন্তু কালভৈরবকে ভক্তি করে না, তাহারা পদে পদে বিঘ্নসমূহে জড়িত হইয়া থাকে । মানব কালোদকতীর্থে স্নান করিয়া, তথায় তর্পণ করত কালরাজকে দর্শন করিলে, পিতৃগণকে উদ্ধার করিতে পারে । প্রত্যহ আটবার করিয়া পাপভক্ষণকে প্রদক্ষিণ করিলে মানব, মানসিক, বাচিক ও কায়িক পাপসমূহে লিপ্ত হয় না । ১৪৯-১৫১ । সাধক ব্যক্তি সেই আমর্দকপীঠে, ছয়মাস কাল স্থায়ী অভীষ্ট দেবতার চিন্তা করিলে, ভৈরবের আজ্ঞায় সে সিদ্ধিলাভ করিয়া থাকে । বারাগসীতে বাস করিয়া, যে ব্যক্তি কালভৈরবকে অর্চনা না করে, শুরূপক্ষের চন্দ্রের আয় তাহার পাপ দিন দিন বর্দ্ধিত হইয়া থাকে । মানব নানাবিধ উপহারের দ্বারা কালভৈরবের পূজা করিয়া, যে যে বিষয় কামনা করে, তাহার সেই সেই কামনা সিদ্ধ হইয়া থাকে । যে ব্যক্তি কাশীতে থাকিয়া প্রতি চতুর্দশী, অষ্টমী ও মঙ্গলবার কালভৈরবের পূজা না করে, কৃষ্ণপক্ষের চন্দ্রের আয় তাহার পুণ্য দিন দিন ক্ষয়প্রাপ্ত হয় । ১৫২-১৫৫ । ভৈরবের উৎপত্তি ও ব্রহ্মহত্যার অপনোদক এই পবিত্র অধ্যায় শ্রবণ করিলে, সর্বপ্রকার পাপ হইতে মুক্তিলাভ করা যায় । এবং যে ব্যক্তি বন্ধনাগারে অবস্থিত ও পরম বিপদগ্রস্ত, সেও এই ভৈরবের প্রাতুর্ভাব শ্রবণ করিলে, সঙ্কট হইতে মুক্ত হইয়া থাকে । ১৫৬-১৫৭ ।

## দ্বাত্রিংশ অধ্যায় ।



### দণ্ডপাণি-প্রাতুর্ভাব ।

অগস্ত্য কহিলেন, হে ময়ূরবাহন । এক্ষণে হরিকেশের উৎপত্তি বিবরণ কীর্তন করুন । সেই হরিকেশ কে ? কাহার পুত্র, কিরূপ তপস্বী করিয়াছিলেন

এবং কল্পেই বা দেবদেবের প্রিয় হইয়াছিলেন ? আর দণ্ডনায়কই বা কি প্রকারে কাশীবাসিজনের নিকট বিখ্যাতি লাভ করিয়াছেন এবং সেই মহামতি কল্পে “অন্নদহ” লাভ করিয়াছেন এবং সম্ভ্রম ও বিভ্রম নামে গণদ্বয়, যাঁহারা কাশীক্ষেত্রের শত্রুগণের সর্বদা ভ্রাস্তি উৎপন্ন করিয়া দেন, সেই দুই গণদ্বয়ই বা কল্পে সেই দণ্ডপাণির অমুগত হইলেন ? এই সমস্ত বিষয় আমি শ্রবণ করিতে ইচ্ছা করিতেছি, অনুগ্রহপূর্বক কীর্তন করুন । ১-৪ ।

স্কন্দ কহিলেন, হে বিপ্র ! হে কুন্তসম্ভব ! তুমি উত্তম কথাই জিজ্ঞাসা করিয়াছ, এই দণ্ডপাণির বৃত্তান্ত কাশীবাসিজনগণের বিশেষ হিতকর, ইহা শ্রবণ করিলে বিশেষ্বরের কৃপায় কাশীবাসের ফল প্রাপ্ত হওয়া যায় । ৫-৬ । পুরাকালে গন্ধমাদন পর্বতে স্কৃতিশালী রত্নভদ্র নামে একজন পরম ধার্মিক ষক্ষ বাস করিতেন । সেই ব্যক্তি পূর্ণভদ্রনামক পুত্র প্রাপ্ত হইয়া, পূর্ণমনোরথ হইয়াছিলেন । তিনি বহুতর বিষয় ভোগ করত, জিতেন্দ্রিয় হইয়া বৃদ্ধ বয়সে শাস্তবযোগবলে পাণ্ডিবেদেহ পরিত্যাগ করিয়া, পরম শাস্তি লাভ করিয়াছিলেন । তাঁহার যুত্মার পর, তাঁহার ষক্ষস্বী পুত্র পূর্ণভদ্র, স্কৃতোপার্জিত বিভবসমূহের দ্বারা সাংসারিক বিষয় ভোগ সম্পন্ন হইলেও, যাহা স্বর্গের সাধন, গৃহস্থাত্মার অবলম্বন পিতৃগণের পরম হিতকর, সংসার-সমুপ্ত জীবের পক্ষে অমৃতশীতল স্বরূপ, এবং বহুব্রহ্মসাগরে নিপতিত জনের পোতস্বরূপ, সেই অপত্য-রত্ন ব্যতিরেকে তাঁহার মনোভিলাষসমূহ পরিপূর্ণ হইয়াও, অপূর্ণ অবস্থায় রহিল । তখন তিনি স্বীয় সুসজ্জিত গৃহকেও বালকের কোমল আলাপ বিরহিত, সূতরাং অমঙ্গলময় । এবং দরিত্রের হৃদয়, জীর্ণ অরণ্য এবং নির্জজন প্রান্তরের স্থায় দর্শন করত, অনপত্যতানিবন্ধন অতিশয় খেদযুক্ত হইলেন । ৭-১৪ । হে ষটোদ্ভব ! অনন্তর তিনি স্বীয় পত্নীসমূহের মধ্যে শ্রেষ্ঠা কনককুণ্ডলানামী ষক্ষীগীকে আহ্বান করিয়া তাঁহাকে বলিতে লাগিলেন যে, হে কাস্তে-কনক কুণ্ডলে ! এই আমাদের সুখদ স্ট্রীলিকা, যাহা দেখিতে দর্পণের স্থায় স্বচ্ছ, মুক্তাসমূহের দ্বারা গবাক্ষ সকল শোভিত রহিয়াছে, চন্দ্রকাস্ত-শিলাসমূহে যাহার প্রাঙ্গণ নির্মিত হইয়াছে, যাহার অট্টালকনিচয় পদ্মরাগ এবং ইস্ত্রীলমণিসমূহের দীপ্তিতে উদ্ভাসিত, বিক্রম নির্মিত স্তম্ভসমূহ, যাহার শোভা সম্পাদন করিতেছে, যাহার ভিত্তিসমূহ স্ফটিকের দ্বারা নির্মিত হইয়াছে, যাহার উপরে পতাকাসমূহ উড়িতেছে, যাহা মণি ও মাণিক্যসমূহে বিরাজিত রহিয়াছে, নিরন্তর যাহা কৃষ্ণাঙ্কুর ও নানাবিধ ধূপের গন্ধে আমোদিত রহিয়াছে, যাহাতে অমূল্য আসন ও সুন্দর পর্য্যঙ্কনিচয় শোভা পাইতেছে, রম্য অর্গলযুক্ত কপাটসমূহ

যাহার শোভা বিস্তার করিতেছে, যাহার মণ্ডপসমূহ বস্ত্রের দ্বারা আচ্ছাদিত রহিয়াছে, যাহার মধ্যে রমণীয় রতিশালা শোভা পাইতেছে, যাহা বাজিরাজিতে বিরাজিত, শত শত দাস দাসীতে যাহা পরিপূর্ণ রহিয়াছে, সর্বদা বাহাতে কিঙ্কিণীনাদ শ্রবণগোচর হইতেছে, নূপুরের ধ্বনিতে উৎকর্ষ-চিত্ত মন্মথগণের কেকারবে যাহা পরিপূর্ণ, বাহাতে পারাবতকুল কুজন করিতেছে, সর্বদা যাহার মধ্যে শুক ও সারীগণ মধুর ধ্বনি করিতেছে, যাহার ইতস্ততঃ মরালমিথুন ক্রীড়া করিয়া বেড়াইতেছে, চকোরপক্ষীগণ যাহার শোভা সম্পাদন করিতেছে, মালাগন্ধে সমাহৃত মধুকরগণের মধুর গুঞ্জে সর্বদা যাহা আকুলিত হইতেছে, যেখানে কপূর, যুগমদ প্রভৃতির আমোদে আমোদিত সমীরণ, সর্বদা সঞ্চারিত হইতেছে, যে স্থানে ক্রীড়ার্থ-নির্ম্মিত মৰ্কট সমূহের দন্তের অগ্রভাগে মাণিক্যময় দাড়িমমুহ শোভা পাইতেছে, যেখানে শুকপক্ষীগণ দাড়িম্বীজ ভ্রমে চঞ্চুপুটের দ্বারা মুক্তানিচয় গ্রহণ করিতেছে এবং যাহা ধনধান্যে পরিপূর্ণ হইয়া লক্ষ্মী আলয়ের ত্রায় শোভা বিস্তার করিতেছে, পদ্মগন্ধে আমোদিত সেই মনোহর হর্য্যাপ্ত আমার সুখকর বোধ হইতেছে না। হে প্রিয়ে! তোমার গর্ভ লক্ষণ ব্যতিরেকে আমি কি প্রকারে পুত্র মুখ দর্শন করিতে পারিব ? ১৫-২৫। যত্বপি ইহার কোন উপায় তোমার বিদিত থাকে, তবে তাহা বল। হায় পুত্রহীন মনুষ্যের জীবনে দিচ্! একমাত্র পুত্র না থাকা নিবন্ধন, আমার এই জীব্যপরিপূর্ণ গৃহ শূন্য বলিয়া বোধ হইতেছে। হে প্রিয়তমে! পুত্র ব্যতিরেকে আমাদের এই গৃহের সৌন্দর্য্যকে দিচ্, এই অর্থসমূহকে দিচ্ এবং আমাদের জীবনকেও দিচ্। ২৬-২৭। পতিব্রতা কনককুণ্ডলা পতিকে এইরূপ বিলাপ করিতে দেখিয়া, অন্তরে দীর্ঘনিঃশ্বাস পরিত্যাগ করত, তাঁহাকে বলিতে লাগিলেন। ২৮।

কনককুণ্ডলা কহিলেন, হে নাথ! আপনি সমস্ত জানিয়াও কি জন্ম খিন্ন হইতেছেন? এই পুত্রলাভের যাহা উপায় তাহা বলিতেছি, আপনি শ্রবণ করুন। এই চরাচরমধ্যে উত্তমশীল মানবগণের পক্ষে কোন্ পদার্থ দুর্লভ! যাহারা পরমেশ্বরে মনোনিবেশ করেন, তাঁহাদের মনোরথ সমূহ সম্বন্ধেই পরিপূর্ণ হইয়া থাকে। হে কান্ত! কাপুরুষগণই দৈবকে হেতুরূপে নির্দেশ করিয়া থাকে, কিন্তু দৈব পূর্ব-জন্মের স্রোপার্জিত কর্ম ভিন্ন আর কিছুই নহে। অতএব পুরুষকারপূর্বক সেই সমস্ত কর্মের শান্তির জন্ম, সমস্ত কারণের কারণ ঈশ্বরের শরণ লওয়া উচিত। ২৯-৩২। মহাদেবে ভক্তি থাকিলে অপত্য, ধন, স্ত্রী, অলঙ্কার, অট্টালিকা, অশ্ব, গজ, সুখ, সুর্গ এবং মোক্ষও অনায়াসেই লাভ করিতে পারা যায়। হে প্রিয়ে! যে

ব্যক্তি মহাদেবে ভক্তি করে, তাহার সমস্ত মনোরথ সিদ্ধ হয় এবং অগ্নিমা প্রভৃতি অর্ধবিধ সিদ্ধ তাহার গৃহদ্বারে অবস্থান করিয়া থাকে, ইহাতে কোন সন্দেহ নাই । ৩৩-৩৪ । সমস্ত বিশ্বের অন্তরাঙ্গা ভগবান্ না রায়ণও শ্রীকৃষ্ণের সেবা করিয়া, চরাচরের রক্ষাকর্তা হইয়াছেন । শম্ভুই ব্রহ্মাকে সৃষ্টিকর্তা করিয়াছেন, ইন্দ্রাদি দেবগণ ও মহাদেবেরই কৃপায়\* লোকপাল হইয়াছেন । ৩৫-৩৬ । অনপত্য শিলাদমুনি ও মহাদেবের অনুগ্রহে মৃত্যুঞ্জয় পুত্র লাভ করিয়াছিলেন † । খেতকেতু কালপাশে বদ্ধ হইয়া ও মহাদেবের অনুগ্রহে জীবন লাভ করিয়াছিলেন + । ৩৭ । উপমন্যু নামে কোন ব্যক্তি মহাদেবের প্রসাদে ক্ষীর সমুদ্রের আধিপত্য লাভ করিতে সমর্থ হইয়াছিলেন । অন্ধক নামক অমুরাধিপতিও তাঁহার কৃপায় গাণপত্য পদের প্রথম ভূজীপদ পর্য্যন্ত লাভ করিতে পারিয়াছিলেন । ৩৮ । দধীচি, শম্ভুসেবা করিয়া যুদ্ধে বাহুদেবকে জয় করেন । দক্ষ, মহেশ্বরের পূজা করিয়া প্রজাপতিহ লাভে সমর্থ হইয়াছিলেন । ৩৯ । বাক্য ও বাহার পরিচয় দিতে অসমর্থ এবং বাহা মনোরথ পথের অতীত, মহাদেব, সম্যক্ প্রকারে দৃষ্টি হইলে, সেই পরম মোক্ষ পদবী পর্য্যন্ত ও অনায়াসে প্রদান করিয়া থাকেন । ৪০ । সকল দেহীগণেরই সর্বাবীর্ষ্য-প্রদাতা মহেশ্বরের আরাধনা না করিলে কোন ব্যক্তি, কোন স্থলেও কোন প্রকার অর্থাধি লাভ করিতে সমর্থ হয় না, ইহা নিশ্চয় । ৪১ । হে প্রিয় ! তুমি যদি সকল জীবের হিতকারী শুভ পুত্রলাভ বাসনা করিয়া থাক, তবে কায়মনোবাক্যে সেই শঙ্করের শরণ গ্রহণ কর । ৪২ ।

গীতজ্ঞ ষষ্করাজ শুভব্রত, পত্নীর এবং প্রকার বাক্য শ্রবণপূর্বক গীতবিশ্ভার দ্বারায় মহাদেবের আরাধনা করত, কতিপয় দিবসের মধ্যেই মহাদেব নাদেশ্বরের

\* শালঙ্কায়নের পুত্র শিলাদ নামক ঋষি বহুকাল তপস্তা করেন, তাঁহার তপস্যার ভুট্ট ইন্দ্র, তাঁহার নিকট উপস্থিত হইয়া বলিলেন যে, তুমি বর প্রার্থনা কর, তদন্তর তিনি মৃত্যুরহিত ও স্নাত্ত এক পুত্র প্রার্থনা করেন, তদন্তরে ইন্দ্র, তাঁহাকে বলেন যে, আমি তোমাকে যোনিজ স্তত্রাং মৃত্যু সংযুক্ত পুত্র প্রদান করিতে পারি, অল্প প্রকার পুত্র প্রদানের সামর্থ্য আমার নাই, কারণ ঐহারা অযোনিজ তাঁহাদিগেরও মৃত্যুহস্তে নিস্তার নাই, তবে মহাদেব অনুগ্রহ করিলে তোমার এই মনোভিলাষ পূর্ণ হইতে পারে, তদন্তর শিলাদ তপস্তা দ্বারা মহাদেবকে সন্তুষ্ট করিয়া, নন্দিকেশ্বর নামক মৃত্যুহীন পুত্র লাভ করিয়াছিলেন, ইহার বিস্তৃত বিবরণ লিঙ্গপুরাণে দ্রষ্টব্য । অম্ববাদক ।

† খেতকেতু নামে কোন মুনি অন্তকালে মহাদেবের আরাধনা করিয়া কালহস্ত হইতে রক্ষা পাইয়াছিলেন । ইহারও বিস্তৃত বিবরণ লিঙ্গপুরাণে আছে । অম্ববাদক ।

প্রসাদে স্বীয় পত্নীর অভিলাষানুরূপ ফললাভ করিতে সমর্থ হইয়া, পূর্ণমনোরথ হইয়াছিলেন। নাদেশ্বরের অর্চনা করিয়া কোন্ ব্যক্তি কোন্ অভিলষিত পদার্থ প্রাপ্ত না হইয়াছেন? এই কারণে সমুদায়গণের কায়মনোবাক্যে নাদেশ্বরের উপাসনা করা উচিত। ৪৩-৪৫। হে বিজ্ঞ! অনন্তর গর্ভবতী তদীয় পত্নী যথাকালে একটি পুত্র প্রসব করিলেন। পূর্ণতদ্র সেই পুত্রের “হরিকেশ” এই নাম প্রদান করিলেন। ৪৬। সেই পুত্রের মুখচন্দ্র নিরাক্ষণে অতিশয় হৃষ্টাণ্ডকরণ পূর্ণতদ্র, নানাবিধ বস্ত্রালঙ্কার প্রভৃতি প্রদান করিলেন, পুত্রের জননী কনককুণ্ডলাও সেই সময়ে অপরিমিত আনন্দ লাভ করিলেন। ৪৭। অতি প্রিয়দর্শন পূর্ণচন্দ্রানন সেই বালকটায় শুক্লপঙ্কের চন্দ্রমার আয় প্রতিদিনই বুদ্ধিপ্রাপ্ত হইতে লাগিলেন। ৪৮। বালক হরিকেশ, অষ্টবর্ষ বয়ঃক্রম হইতে অতিশয় শিবভক্তিপরায়ণ হইলেন, এবং প্রতিদিনই তাঁহার হৃদয়ে এই ভাবটী বদ্ধ হইতে লাগিল যে, এ জগতে মহাদেবই এক সর্বেশ্বর। ৪৯। হরিকেশ ধূলাখেলার সময়ও ধূলা দ্বারায় মহাদেব-নিজ নিৰ্ম্মাণপূর্ব্বক হরিশর্ষণ কোমল তৃণসমূহের দ্বারা অতি কোতুকভাবে পূজা করিতেন। ৫০। হরিকেশ নিজের সকল মিত্রগণকেই পৃথক্ পৃথক্ “চন্দ্রশেখর, ভূতেশ, যুতাজয়, যুড়, ঈশ্বর, ধূজ্জটি, খণ্ডপরশু, যুড়ানীশ, ত্রিলোচন, ভর্গ, শম্ভু, পশুপতি, পিনাকী, উগ্র, শঙ্কর, ত্রীকণ্ঠ, নালকণ্ঠ, ঈশ, স্মরারি পার্ব্বতী-পতি, কপালী, ভালনয়ন, শূলপাণি, মহেশ্বর, অজিনাস্বর, দিগন্ত, গঙ্গাবিচ্ছিন্নকেশ, বিরূপাক্ষ, অহিভুষণ” ইত্যাদি নামের দ্বারা আহ্বান করিতেন। তাঁহার কর্ণদ্বয় মহাদেব নাম ভিন্ন অত্র কোন শব্দ শ্রবণ করিত না। ৫১-৫৫। মহাদেব মন্দিরের প্রাঙ্গণ হইতে তাঁহার পদদ্বয় অত্র গমন করিত না, মহাদেবমূর্ত্তি ভিন্ন অত্র কোন বস্তু দর্শন করিতে তাঁহার নয়নদ্বয় সর্বদা পরাশ্রয় থাকিত। ৫৬। হরনাম-রূপ অমৃতময় অক্ষর সেবনেই তাঁহার রসনা তৃপ্ত অনুভব করিত। তাঁহার জ্ঞান, মহাদেবের চরণ সরোজের স্নগন্ধ ভিন্ন অত্র কোন গন্ধ গ্রহণ করিত না। ৫৭। তাঁহার হস্তদ্বয় সর্বদা মহাদেবের কোতুক কন্ঠেই ব্যাপ্ত হইত। তাহার মন মহাদেব ভিন্ন অত্র বিষয় চিন্তা করিত না। তিনি যাহা পান করিতেন, তাহা পূর্ব্ব মহাদেবকে প্রদান করিতেন। ৫৮। যতপ্রকার আহাৰ্য্য দ্রব্য সকলই মহাদেবের উদ্দেশে উৎসর্গ করিয়া, তদনন্তর আহাৰ্য্য করিতেন। সেই হরিকেশ, সকল স্থলে মহাদেব ভিন্ন অন্য কোন পদার্থই বিলোকন করিতেন না। ৫৯। গমনকালে, গানকালে, শয়নে, স্বপনে, উপবেশনে বা জলপানকালে, তিনি সেই ত্রিনয়ন শিবকে বিলোকন করিতেন। তাঁহার হৃদয় তৎকালে অন্য কোন ভাব

গ্রহণ করিত না । তিনি সর্বদাই জগৎ শিবময় বিলোকন করিতেন । ৬০ ।

সেই বালক হরিকেশ, রাত্রিকালে যখন নিদ্রাগত হইতেন, প্রায় সেই সময়েও, “হে ত্রিলোচন ! ক্ষণকাল প্রতীক্ষা করুন, আমিও আপনার নিকট বাইতেছি”, এই প্রকার বহুবিধ তন্ময়ভাবছোতক বাক্য উচ্চারণ করত, হঠাৎ জাগরিত হইতেন । ৬১ । পিতা পূর্ণভদ্র, নিজপুত্র হরিকেশের মহাদেব-বিষয়ে এই স্পষ্ট চেষ্টা বিলোকন করিয়া, তাঁহাকে শিক্ষা দিতে লাগিলেন যে, “হে পুত্র ! তুমি গৃহকর্মে নিরত হও । এই দেখ, এই অশ্বশ্রেষ্ঠগণ ও অশ্বশিশুগণ সকলই তোমার । এই সকল বিচিত্র বিচিত্র নানাবিধ বসন, নানাজাতীয় বিশুদ্ধ আকরোদ্ভব অনেক রত্ন, এই স্বর্ণ ও রজতাদি বহুধন, এই সকল অনন্ত গোধন, এই সকল মহাই বহুসংখ্য রোপ্য ও কাংশুময় পাত্রসমূহ, এই সকল নানাদেশোদ্ভব বহুমূল্য দ্রব্য, এই সকল বিচিত্র চামর, এই অনেক প্রকার গন্ধদ্রব্য, এই সকল অন্যান্য বহুবিধ সুখজনক দ্রব্য এবং এই অপরিমিত ধান্যরাশি, এই সকল বস্ত্র বাহা চারিধারে সজ্জিত দেখিতে পাইতেছ, ইহা সকলই তোমার । হে পুত্র ! তুমি সর্বপ্রকার অর্থোপার্জন, বিদ্যাশিক্ষা করিতে যত্নবান্ হও । ধূলিধূসরিত শরীর দরিদ্রগণের স্থায় সর্বদা মুক্তিকা ও অপরিষ্কৃত স্থানাদি সেবন পরিত্যাগ কর । সকল প্রকার বিদ্যা অভ্যাসপূর্বক পরম শোভার উপভোগ করত, অনন্তর যখন বার্কক্য উপস্থিত হইবে, সেই সময় ভক্তিয়োগের উপাসনা করিও” । পিতার নিকট অনেকবার এইরূপ শিক্ষাবাক্য শ্রবণ করিয়াও, বালক হরিকেশ, তাঁহার বাক্যে অবজ্ঞা প্রকাশ করিল । একদিন এই প্রকার পিতার বাক্য অবজ্ঞা করাতে, তিনি অতিশয় ক্রোধে পরুষদৃষ্টি হইয়াছেন দেখিয়া, বালক উন্নতধী হরিকেশ ভীতভাবে গৃহ হইতে প্রস্থান করিলেন । ৬২-৭০ ।

গৃহ হইতে নির্গমনপূর্বক হরিকেশ বহুদূর পর্য্যন্ত গমন করত, দিগ্ভ্রাস্ত হইয়া, অতিশয় চিন্তা করিতে লাগিলেন । তিনি ভাবিতে লাগিলেন যে, “হায় মূঢ়বুদ্ধি প্রযুক্ত কেন আমি গৃহত্যাগ করিলাম । আমি এক্ষণে কোথায় বাই, হে শম্ভো ! আমি কোথায় বাইলে মঙ্গল লাভ করিতে পারিব ? আমি পিতার পরিত্যক্ত পুত্র, হায় ! আমি কি করিব কিছুই বুঝিয়া উঠিতে পারিতেছি না । পূর্বকালে আমার পিতার ক্রোড়ে থাকিয়া, তাঁহার সহিত আলাপকারী কোন সাধুর এই বাক্য শ্রবণ করিয়াছিলাম যে, মাতা ও পিতা বাহাকে পরিত্যাগ করিয়াছে, নিজ বন্ধুগণও বাহাকে পরিত্যাগ করিয়াছে ও বাহাদের কোন প্রকার গতি নাই, একমাত্র বারণনীই তাহাদের গতি । বাহারা সংসারের ভয়ে ভীত, বাহার

কৰ্ম্মরূপ বন্ধনের দ্বারা বন্ধ এবং যাহাদের কোন প্রকার গতি নাই, একমাত্র বারাগনী তাহাদের গতি । যাহারা যোগপথ হইতে ভ্রষ্ট, যাহারা তপস্তা ও দানাদি সংক্রিয়াপরিবর্জিত, স্তুরাং তাহারা অশুভ্র উপায় হীন হইলেও, বারাগনী তাহাদের সর্বপ্রকার গতি প্রদান করিয়া থাকেন । যাহারা জরাণ্মিড়িত বা যাহারা ব্যাধিগ্রস্ত, যাহাদের অশু কোন গতি নাই, বারাগনীই তাহাদের গতি । যাহারা প্রতি পদে বিপদরাশির দ্বারা অহর্নিশি আক্রান্ত, তাহাদেরও এই বারাগনী গতি । যাহারা পাপরাশির দ্বারা সমাক্রান্ত, যাহারা দারিদ্র্য নিবন্ধন সংসারে ঘোর পরাজিত, সেই সকল সর্বপ্রকার গতিহীন জীবগণের বারাগনীই একমাত্র গতি । বন্ধুজনগণের মধ্যে যাহাদের পদে পদে অপমান ভোগ করিতে হয়, মহাদেবের আনন্দকানন বারাগনীই একমাত্র তাহাদের আনন্দ প্রদান করিতে সমর্থ । যে সকল বিশেষ্যরামু-গৃহীত মহাত্মা ব্যক্তিগণ, কাশীতে বাস করত, কাশীর প্রতি বিশিষ্ট ভক্তি করিয়া থাকেন ; তাহারা সর্বদাই আনন্দপ্রদ উদয় লাভ করিতে সমর্থ হন । যে স্থানে বিশেষ্যরূপ বস্তুর সম্পর্কে কৰ্ম্মবিজ্ঞ সকল দক্ষ হইয়া যায়, সেই মহাশ্মশান কাশীক্ষেত্র সকল গতিহীন ব্যক্তির গতি” । ৭১-৮৩ ।

হরিকেশ এই প্রকার চিন্তাপূর্বক বারাগনীপুরীতে প্রস্থান করিলেন । যে অবিমুক্তক্ষেত্রে জীবগণ পার্থিব-শরীর পরিভ্যাগপূর্বক মহাদেবের প্রসাদে পুনর্ব্বার শরীরসম্বন্ধ পরিগ্রহ করেন না, সেই আনন্দবনে প্রবেশ করিয়া, হরিকেশ তপস্তায় প্রবৃত্ত হইলেন । ৮৪-৮৫ ।

অনন্তর বহুকাল অতীত হইলে পর, একদিবস মহাদেব স্বীয় আনন্দকাননে প্রবেশপূর্বক পার্বতীকে নিজ আনন্দকাননের শোভা দেখাইতে লাগিলেন । সেই আনন্দকাননে মন্দারবৃক্ষ অনন্ত কুসুমরাশির দ্বারা অনন্তগন্ধ প্রদান করিতেছিল । চতুর্দিকে সুন্দর কোবিদার বৃক্ষনিবহ অতি শোভা পাইতেছিল । চম্পক ও চূত বৃক্ষের রমণীয়তায় ঐ আনন্দকানন পূর্ণ ছিল, তাহার চারিদিকে অনন্ত মল্লিকারাজি বিকশিত ছিল ও মালতী নিকরের বিকাশে অতি মনোহর হইয়াছিল । বিকশিত করবীর বৃক্ষরাজি অতিশয় শোভা পাইতেছিল । কেতকীবন পূর্ণভাবে বিকশিত ছিল এবং নবোদগত কুসুমরাজিাবরাজিত কুরুবকসমূহ সেই আনন্দকাননে পরম শোভা পাইতেছিল । ৮৬-৮৮ । বিকাশশালী বিচাকিলের ( বৃক্ষবিশেষের ) আমোদে ঐ আনন্দকানন আমোদিত ছিল । তথায় অশোকপল্লব সকল অতিশয় বিলাস-প্রাপ্ত হইতেছিল এবং নবপ্রস্ফুটিত মল্লিকার পরিমললোভে সমাগত মধুকর-নিকরের মনোহর গুঞ্জন তাহা পরম সুখ প্রদান করিতেছিল । ৮৯ । পুন্নাগ বৃক্ষ-



সমূহ বিকশিত হওয়াতে, তাহার গন্ধসমূহে আনন্দকানন আমোদিত হইতেছিল । এবং অতিস্বচ্ছ পাটল পুষ্পের গন্ধে আনন্দকাননের চারিদিক পবিত্র গন্ধে পূর্ণ হইতোছিল । ৯০ । সেই আনন্দকাননস্থ কোন কোন ভূমি বিলম্বমান ভ্রমরমালার অবস্থানে, মালাবিশিষ্টের ন্যায় শোভিত ছিল । সেই আনন্দকানন চঞ্চল চন্দন-শাখাগ্রে রমমান কোকিলকুলের কলধ্বনিতে বিরাজিত ছিল । ৯১ । অতি বিশাল কালাগুরু বৃক্ষশাখায় বসিয়া, প্রমত্ত উত্তম জাতীয় বিহঙ্গমগণ তথায় সুন্দর গান করিতেছিল । এবং নাগকেশরশাখাস্থিত শালভঞ্জিকা ( কৃত্রিম ক্রীড়াপুতলিকা ) দ্বারা সেই আনন্দকানন শোভিত ছিল । ৯২ । সেই আনন্দকাননে সুমেরুর ন্যায় উন্নত রুদ্রাক্ষবৃক্ষনিকরের ছায়ায় বসিয়া, কিন্নরগণ ক্রোড়া কারতোছিল এবং অন্যান্য স্থানে বসিয়া কিন্নরমিথুনগণ মনোহর গান করিতেছিল এবং কিংশুকশাখায় বসিয়া, শুকপক্ষা অতি মৃষ্টি স্বর বর্ষণ করিতেছিল । ৯৩ । কদম্ববৃক্ষের উপর ভৃঙ্গমিথুন মনোহর গুঞ্জন করিতেছিল । সুবর্ণ অপেক্ষা উজ্জ্বলবর্ণ কর্ণিকার-কুসুম-নিকরে আনন্দকানন বিরাজমান ছিল । ৯৪ । তথায় সপ্তচ্ছদের আমোদে দিগন্তর আমোদিত হইতেছিল । কোথায়ও শ্রেণীবদ্ধ খর্জুররাজি বিরাজমান ছিল এবং নারিকেল তরুসমূহের ছায়াকলিত নারঙ্গনিকরের রক্ততা পরম শোভা পাইতেছিল । ৯৫ । জম্বীরবৃক্ষনিকর ফলযুক্ত ছিল এবং মধুরপুষ্পাস্থিত মধুকরমালায় আনন্দকানন শব্দায়মান হইতেছিল । শাল্মলীবৃক্ষগণের অতি বিশাল ছায়াদ্বারা আনন্দকানন পরম স্নিগ্ধ ছিল এবং পিচুমন্দবৃক্ষনিকরে পরিপূর্ণ ছিল । ৯৬ । মধুর-গন্ধযুক্ত দমনবৃক্ষসমূহে আনন্দকানন আচ্ছন্ন ছিল এবং পিণ্ডীতকবন সকল তথায় বিরাজিত ছিল । সেই আনন্দকাননে লবলা-পল্লবের আন্দোলনকারী মন্দ মারুত ধারে ধারে বহিতেছিল । ৯৭ । শবরবধূগণের নৃত্যকালীন গীতধ্বনির অমুকরণকারী ঝিল্লীগণের মনোহর নিনাদে সেই আনন্দকানন শব্দায়মান হইতেছিল । এবং সেই স্থলে কোথায়ও বা সরোবর পার্শ্বস্থিত ক্রীড়াকারী শূকরগণ বিলাস করিতেছিল । ৯৮ ।

সেইস্থলে হংসীর কণ্ঠনালাস্থিত মৃণালখণ্ডের প্রতি আসক্ত হংসনিকর শোভা পাইতেছিল । এবং শোকরহিত কোকমিথুনগণের ক্রীড়াকালীন অব্যক্ত মধুর-ধ্বনিতে আনন্দকানন ধ্বনিত হইতেছিল । ৯৯ । আনন্দকাননের চারিদিকেই বকশাবকগণ বিচরণ করিতেছিল । সারস-জাগণের সহিত সারস পক্ষীগণ ইতস্ততঃ ক্রীড়া করিতেছিল । প্রমত্ত মধুরগণের মধুর কেকাধ্বনিতে পরিপূর্ণ সেই বন, কপিঞ্জল নামক পক্ষিগণের দ্বারা ব্যাপ্ত ছিল । ১০০ ।

জীবজীব নামক পক্ষীগণ সেই আনন্দকাননের মূর্তিমান প্রাণের আয় ক্রীড়া করিতেছিল। কারুণ্যবপক্ষীগণ তথায় মনোহর ধ্বনি করিতেছিল। দীর্ঘিকার শীতল বারিস্রাত মন্দ মারুতের সঞ্চারে সেই কানন, অতিশয় সুখদায়ক ভাব ধারণ করিয়াছিল। ১০১। বায়ুতরে ঈষৎ আন্দোলিত কহলার-কুসুম নিকরের পরাগ সমূহে সেই বন পিজলাভা ধারণ করিতেছিল। বিকসিত শতদল সেই আনন্দকাননের হান্তশোভিত মুখের আয় শোভা পাইতেছিল। নীল ইন্দীবর তাহার নয়নের আয় বিরাজমান ছিল। ১০২। উচ্চ কৃষ্ণবর্ণ তমাল বৃক্ষরাজি সেই আনন্দকাননে করবীর আয় শোভা পাইতেছিল। প্রস্ফুটিত দাড়িম্বফল তাহার দন্তের আয় বিরাজমান ছিল। ভ্রমর শ্রেণীই তাহার ক্রান্তানাভিষিক্ত ছিল। শুকগণের নাসাই তাহার নাসিকার আয় শোভা পাইতেছিল। ১০৩। বিশাল গভীর কুপদ্ময়ই তাহার শ্রবণেন্দ্রিয়ের আয় শোভা পাইতেছিল। দূর্ব্বা সমূহরূপ শ্মশ্রুরাজিতে আনন্দকানন পরম শোভা পাইতেছিল। কমলগন্ধযুক্ত বায়ুই তাহার নিশ্বাসরূপে প্রতীত হইতেছিল। বিম্বফলই তাহার ওষ্ঠ ও অধরের সাম্য বহন করিতেছিল। ১০৪। শুভ্র পদ্মপত্র নিবহই তথায় বসন শোভা সম্পাদন করিতেছিল। কর্ণিকার বৃক্ষরাজি তাহার ভূষণরূপে প্রতীয়মান হইতেছিল। কমনীয় শুক্তি নামক বৃক্ষ বিশেষ দ্বারা তাহার কণ্ঠশোভা প্রকাশিত হইতেছিল। শঙ্কর নামক বৃক্ষ সমুদয় তাহার স্বক্শশোভা বহন করিতেছিল। ১০৫। চন্দনবৃক্ষ সংসক্ত শরীর বৃহৎ সর্প শ্রেষ্ঠরূপ বাহুদণ্ডে সেই আনন্দকানন পরম শোভা পাইতেছিল। অশোক পল্লবসমূহ তাহার অঙ্গুলীর আয় বিরাজমান ছিল। বিকসিত কেতকী পুষ্প সমূহই তাহার নখশোভা বহন করিতেছিল। ১০৬। বিলসমান সিংহই তাহার বক্ষঃকাণ্ডি বহন করিতেছিল। এবং গণ্ডুশৈল তাহার উদরবৎ প্রতীয়মান হইতেছিল। সুন্দর জলভূমি তাহার নাভি শোভা ধারণ করিতেছিল। বৃহত্তরুরূপ জজ্বাঘয়ে আনন্দকানন পরম শোভা পাইতেছিল। ১০৭। স্থলপ্রদেশ তাহার ললাট ও পদ্মনিবহ চরণরূপে শোভা পাইতেছিল। বিচরণশীল মাতঙ্গ রূপেই সেই আনন্দকানন ভ্রমণ সুখ অনুভব করিতেছিল। বিলসমান কদলীবনের পত্ররাজি তাহার চীনাংশুকের আয় শোভা বহন করিতেছিল। ১০৮। চতুর্দিকে প্রস্ফুটিত বহুবিধ কুসুম শ্রেণী তার মাল্যশোভা বিতরণ করিতেছিল। সেই আনন্দকানন কণ্টকহীন বৃক্ষসমূহে আচ্ছন্ন ছিল এবং মহিষ ও অগ্নাস্ত্র স্বাপদগণে পরিবেষ্টিত ছিল। ১০৯। চন্দ্ৰকাস্ত-শিলাসমূহে কৃষ্ণবর্ণ মৃগসমূহ শয়ন করিয়া থাকিতে বোধ হইতেছিল ঘেন, কলঙ্কযুক্ত চন্দ্র তথায় নিভূতে বাস করিতেছেন। তরুতলে বিকীর্ণ কুসুমরাজির দ্বারা ঐ

আনন্দকানন আকাশের নক্ষত্র মালার শোভা হরণ করিতেছিল। মহাদেব, দেবীকে এই প্রকার পরম রমণীয় ক্রুড়াবনভূমি দেখাইতে দেখাইতে তাহার মখে প্রবেশ করিলেন। ১১০।

মহাদেব কহিলেন, হে সর্ববৃন্দরি দেবি ! তুমি সর্বদা যেরূপ আমার প্রিয়তমা, সেইরূপ এই আনন্দকাননও আমার অতি প্রিয়। ১১১। হে দেবি ! এই আনন্দকাননে মৃত প্রাণীগণের শরীর আমার অনুগ্রহে অমৃতত্ব লাভ করিয়া থাকে। হে দেবি ! সেই মৃতজীবগণের আর সংসারে আসিতে হয় না। ১১২। এই বারাগনীতে যে জীবগণ দেহ ত্যাগ করে, আমার আশ্রয় প্রভাবে তাহাদের কৰ্ম্মবীজ সকল মহাশ্মশানে, জ্বলিত অগ্নির দ্বারা দগ্ধ হইয়া যায়। ১১৩। হে গিরীশ্রাজে ! মহাশ্মশানে যাহারা মহানিদ্রা প্রাপ্ত হয়, তাহারা আর কখনও গর্ভশয্যায় নিদ্রা যায় না। ১১৪। ব্রহ্মজ্ঞানময় প্রয়াগক্ষেত্রেও ব্রহ্মজ্ঞানের অভাবে প্রাণীগণ কদাচ মুক্তি লাভ করিতে সমর্থ হয় না। ১১৫।

আমি, কাশীক্ষেত্রে দেহ ত্যাগ হইবা মাত্র জীবগণের মোক্ষজনক ব্রহ্মজ্ঞানের উপদেশ প্রদান করিয়া থাকি, তাহারাও তৎক্ষণাৎ মুক্তি লাভ করিয়া থাকে। ১১৬। কাশীমৃত জীবগণের প্রতি যাহারা নিন্দাবাক্য প্রয়োগ করে, তাহারা অনন্ত পাপ লাভ করে। আর যাহারা স্তুতি করে, তাহারা পুণ্য লাভ করে এবং আমার কৃপায় পরে কাশীপ্রাপ্ত হইয়া, দেহান্তে মুক্তি লাভ করিতে পারে। ১১৭। হে দেবি কলিকালে প্রাণীগণের ইন্দ্রিয় স্বভাবতঃ চঞ্চল থাকে, সুতরাং ব্রহ্মজ্ঞানের সম্ভাবনা কি ? এই কারণে আমি কাশীতে অনুগ্রহপূর্বক তাহাদের ব্রহ্মজ্ঞান প্রদান করিয়া থাকি। ১১৮। যোগীগণও ঐশ্বর্য্যমদে মোহিত হইয়া, যোগ হইতে ভ্রংশ লাভ করত, পতিত হয় কিন্তু কাশীতে যাহাদের দেহপাত হয়, তাহারা পুনর্ব্বার আর সংসারে পতিত হয় না। ১১৯। এক জন্মে অনন্ত যোগেও মনুষ্য ব্রহ্মজ্ঞান লাভ করিতে সমর্থ হয় না, কিন্তু কাশীতে শরীরত্যাগরূপ যোগে একমাত্র জন্মেই জীব ব্রহ্মজ্ঞান লাভ করিতে সমর্থ হয়। ১২০।

হে গিরিজ্যে ! আমার কৃপায় জীব যে প্রকার অনায়াসে এই অবিমুক্ত মহাক্ষেত্রে কাশীতে মুক্তিপদের অধিকারী হয়, সেই রূপ অল্প কোন ক্ষেত্রেই মুক্তি লাভের সম্ভাবনা নাই। ১২১। বহুজন্ম যোগাভ্যাস করিয়াও, যোগীগণ মুক্তি লাভ করিতে সমর্থ হন কি নহেন এবিষয়ে স্থিরতা নাই, কিন্তু এই কাশীতে একজন্মে বিনা যোগে কেবল মাত্র দেহ ত্যাগ করিতে পারিলেই, মোক্ষ লাভ করিতে পারা যায়। ১২২। কলিকালে যোগ বা তপস্যা কিছুই সিদ্ধ হয় না। যে মনুষ্য কলি-

কালে স্বীয় আয়োপার্জিত ধন প্রদান করিতে পারে, সেই সিদ্ধি লাভ করিতে পারে। ১২৩। ব্রত, তপস্যা, যজ্ঞ, জপ, দেবপূজা এ সকল কিছুই কলিকালে সিদ্ধ হয় না, একমাত্র দানই কলিকালে মুক্তির হেতু, কারণ দানের ফলে কাশী প্রাপ্ত হওয়া যায়। ১২৪। কলিকালে বিশ্বেশ্বরই এক মাত্র দেব এবং বারাণসীই একমাত্র মোক্ষপুরী। কলিতে ভগীরথ-আনীত গঙ্গাই সর্বাপেক্ষা পুণ্যসরিৎ এবং কলিতে সকল প্রকার ধর্মের মধ্যে দান ধর্মই শ্রেষ্ঠ। ১২৫। কাশীস্থিত উত্তবাহিনী গঙ্গা এবং মদীয় বিশ্বেশ্বরাস্থ্য লিঙ্গ এই দুইটাই একমাত্র মুক্তির কারণ। কলিকালে এক মাত্র দান ধর্মের প্রভাবে এই মুক্তিকারণ দুইটিকে লাভ করা যায়। ১২৬। পুণ্যবান অথবা পাণী, আমার পবিত্র ক্ষেত্র সেবা করিলে, তুল্য মুক্তি লাভ করিতে সমর্থ হইয়া থাকে। হে দেবেশি! এ বিষয়ে সংশয় করা কর্তব্য নহে। ১২৭। অবিমুক্তক্ষেত্রের মাহাত্ম্যে জন্মান্তরশতের অর্জিত পুণ্য বা পাপ, কাশীস্থিত ব্যক্তিগণের উপর স্বীয় ক্ষমতা প্রকাশ করিতে সমর্থ হয় না। ১২৮। হে দেবেশি! এই সকল কারণে মুমুক্ষু-ব্যক্তিগণ নানা প্রকার ব্যাধি ও উপসর্গ প্রভৃতি দ্বারা পীড়িত হইলেও, তাহাদের অবিমুক্তক্ষেত্র পরিত্যাগ করা কর্তব্য নহে। ১২৯। যাহারা ক্ষেত্রসংগ্রাসপূর্বক এই কাশীতে বাস করিয়া থাকেন, তাঁহারা জীবন্মুক্ত, হে দেবি! আমি স্বয়ং তাহাদের সর্বপ্রকার বিঘ্ন দূর করিয়া থাকি। ১৩০। হে দেবি! কাশীবাসে আমার যে প্রকার অমুরাগ আছে, যোগীগণের হৃদাকাশে, কৈলাসে অথবা মন্দর-পর্বতে বাস করিতে আমার তাদৃশ অমুরাগ নাই। ১৩১। যাহারা কাশীতে বাস করে, তাঁহারা মদীয় গর্ভেই বাস করিয়া থাকে। আমি তাহাদিগকে নিশ্চয়ই মুক্তি প্রদান করিয়া থাকি; কারণ আমার এইরূপ প্রতিজ্ঞা আছে যে, আমার গর্ভে যাহারা বাস করিবে, তাহাদের পুনরায় গর্ভবজ্রণা ভোগ করিতে হইবে না। ১৩২। হে দেবি! প্রলয়কালে আমি কালস্বরূপ ধারণপূর্বক, ভাসলী প্রকৃতিকে সহায় করিয়া, এই পরিদৃশ্যমান চরাচর বিশ্বকে গ্রাস করিয়া থাকি, কিন্তু কাশীকে সর্বপ্রকার যত্নে রক্ষা করিয়া থাকি। ১৩৩। হে দেবি! আমার দুইটি অতিশয় আনন্দপাত্র বিদ্যমান আছে, হে তপোধনে! গৌরি! তাহার মধ্যে তুমি এক এবং দ্বিতীয় আনন্দকানন কাশী। ১৩৪।

কাশী ব্যতিরেকে আমার স্থান নাই, কাশী ব্যতিরেকে আমার আসক্তি নাই, হে দেবি! কাশী ব্যতিরেকে নির্বাণের সম্ভাবনাও নাই, ইহা ভোমায় সত্য সত্য বলিতেছি। ১৩৫। এই ব্রহ্মাণ্ডগোলকের মধ্যে কাশীতে যে প্রকারে অনায়াসে

মুক্তিলাভ হইতে পারে, এইরূপ বিদ্যা যত্নে অমৃত অমৃত্যু যোগসাধনেও মুক্তিলাভ করিতে পারা যায় না । ১৩৬ ।

দেবীকে এই প্রকার বলিতে বলিতে মহাদেব, সেই বনমধ্যে তপস্থান্নিত হরিকেশকে বিলোকন করিলেন । মহাদেব দেখিলেন যে, অশোক বৃক্ষের মূলদেশে তিনি তপস্থায় নিমগ্ন রহিয়াছেন । ১৩৭ । তাঁহার অস্থিসঞ্চয় শুষ্ক স্নায়ুসমূহে কথঞ্চিৎ বদ্ধ রহিয়াছে । হরিকেশ স্থাপুর আয় নিশ্চলশরীর । বন্যীক কীটসমূহ তাঁহার শিরা সকল হইতে রক্তসমূহ পান করিয়া, তাহা রক্তহীন করিয়াছে । ১৩৮ । তাঁহার অস্থিচয় মাংসহীন হইয়া নিশ্চল স্ফটিকোপলের আয় প্রতীয়মান হইতেছে । তাহা হইতে শঙ্খ, কুম্ভ, ইন্দু, তুহিন ও মহাশঙ্খের শোভা প্রতীতি হইতেছে । তাঁহার প্রাণবায়ু কেবল অবশিষ্ট আয়ুর বলেই পরিরক্ষিত হইতেছে । নিশ্বাস প্রশ্বাসের দ্বারাই তাঁহার জীবনস্বা অবগত হওয়া যাইতেছে । নিমেষ ও উন্মেষের সঞ্চার দ্বারা তিনি জন্তুগণকে দোষারোপক করিয়াছেন ( অর্থাৎ ব্যাঘ্রাদি জন্তুগণ তাঁহাকে ব্যাধ বলিয়াই বোধ করিতেছে ) তাঁহার পিঙ্গলবর্ণ তারকায়ুক্ত নেত্রদ্বয় হইতে নির্গত রশ্মিজালে দিম্বুখ প্রদীপিত হইয়াছে । তাঁহার তপোগ্নিরূপ দাবানল সংস্পর্শে স্নান কাননভূমি তাঁহার দৃষ্টিস্থল-বর্ষণে সিক্ত হইয়া, নানাবিধ বৃক্ষরাজিতে শোভিত হইতেছে । ১৩৯-১৪২ । তাঁহাকে দেখিয়া বোধ হইতেছে যেন সাক্ষাৎ তপস্থা, নরাকৃতি ধারণ করত নিরাকারভাবে অতুল ভক্তিসহকারে তপস্থা করিতেছেন, দলে দলে হরিণ-শিশুগণ তাঁহার চতুর্দিকে ভ্রমণ করিতেছে, ভীষণাস্ত সিংহগণ চতুর্দিকে অবস্থিত হইয়া, তাঁহাকে রক্ষা করিতেছে । ১৪৩-১৭৪ । তাঁহাকে তাদৃশ ভাবে তপস্থা করিতে দেখিয়া দেবী পার্বতী, মহেশ্বরকে বলিলেন যে, হে ঈশ ! ঐ নিজভক্ত তপস্বিকে আপনি বর প্রদানে কৃতার্থ করুন । উহার চিত্ত আপনাতেই অর্পিত রহিয়াছে, উহার জীবন আপনারই অধীন । আপনার পরিচর্যা ভিন্ন উহার আর কোন কর্ম নাই, উহার দেহ কঠোর তপস্থায় শুষ্ক হইয়া গিয়াছে । এক্ষণে আপনি বর প্রদানপূর্বক আপনার আশ্রিত ঐ যক্ষের উপর কৃপা প্রদর্শন করুন । ১৪৫-১৪৬ । অনন্তর মহেশ্বর পার্বতীর সহিত নন্দীর হস্ত অবলম্বন করত, বৃষ হইতে অবরোহণ করিয়া, দয়াদ্রি হৃদয়ে সমাধিতে সঙ্কোচিত-নেত্রপত্র সেই যক্ষকে স্পর্শ করিলেন । তাঁহার স্পর্শে সেই যক্ষ নেত্র উন্মীলন করত, সম্মুখে সহস্র সূর্য্যের আয় তেজঃসম্পন্ন ত্রিলোচনকে দর্শন করত, আনন্দে আকুল হইয়া গদগদস্বরে বলিতে লাগিলেন । ১৪৭-১৪৮ । হে ঈশ ! হে শঙ্কর ! হে গিরিজেশ ! হে শঙ্কর ! হে ত্রিশূলপাণে ! আপনি জয়যুক্ত হউন । হে শশি-

শেখর ! হে কুপালো ! আপনার পাণিপঙ্কজস্পর্শে আমার দেহলতা অমৃতময় হইয়াছে । ১৪৯ । মহেশ্বর, যক্ষের এইরূপ কোমল বাণী শ্রবণ করিয়া, সেই তপোনিধি ধীর স্বীয় ভক্তকে আনন্দ বরসমূহ প্রদান করিতে লাগিলেন । (মহেশ্বর কহিলেন) হে যক্ষ ! আমার অত্যন্ত প্রিয় এই ক্ষেত্রের তুমি দণ্ডধর হও এবং অস্ত্রাবধি তুমি এই কাশীস্থ দুর্ভগণের শাসক ও শিষ্টগণের পালক হইয়া স্থিরভাবে অবস্থান কর । ১৫০-১৫১ । তুমি আজ হইতে “দণ্ডপাণি” নামে প্রসিদ্ধ হইয়া, আমার আজ্ঞায় উৎকট গণসমূহকে শাসন কর, আর সন্ত্রম ও উদ্ভ্রম নামে এই গণদ্বয় সর্বদা তোমার অনুগামী হইয়া থাকিবে । তুমি কাশীবাসী জনগণের গলে সুনীলরেখা, হস্তে সর্পবলয়, ভালে লোচন, পরিধানে কুন্তিবাস, বামাঙ্গে বামনয়না, মস্তকে পিজল-বর্ণ জটা, সর্বাঙ্গে বিভূতি, কপালে চন্দ্রকলা এবং বাহনार्থ রূষ প্রদান করত, অস্ত্রিমকালীন বেশ নিৰ্ম্মাণ করিয়া দিবে । ১৫২-১৫৪ । কাশীবাসী জনগণের তুমি অন্নদাতা, প্রাণদাতা এবং তুমিই জ্ঞানদাতা হইবে এবং তুমিই আমার মুখনিঃসৃত স্তম্ভর উপদেশ বলে, তাহাদের মোক্ষদাতা হইয়া, তাহাদিগের সদগতি বিধান করিবে । তুমি পাণীগণকে বিষসমূহের দ্বারা পীড়ন করত, তাহাদের আশ্রি উৎপাদন করাইয়া, তাহাদিগকে ক্ষেত্র হইতে বাহির করিয়া দিবে এবং দুরন্তিত ভক্তগণকে ক্ষণমধ্যে কাশীতে আনয়ন করত, তাহাদিগকে মুক্ত করাইবে । ১৫৫-১৫৬ । হে যক্ষরাট্ট ! তোমার অধীন এই ক্ষেত্রমধ্যে, তোমার আরাধনা না করিয়া কেহই মুক্তি লাভ করিতে সমর্থ হইবে না, অতএব যে ব্যক্তি আমার ভক্ত হইবে, সে অগ্রে তোমার পূজা করিয়া, পরে আমার পূজা করিবে । আমার এই পুরীমধ্যে তুমিই অধ্যক্ষরূপে বাসের আজ্ঞা প্রদান করিবে এবং তুমিই দণ্ডনায়ক হইয়া, কাশীর শত্রু দুর্ভাগ্যগণের দণ্ড বিধান করত, আনন্দিত-চিত্তে সর্বদা কাশীপুরীকে রক্ষা কর । ১৫৭-১৫৮ । হে পূর্ণ-ভদ্র-মৃত ! হে দণ্ডনায়ক ! হে ত্র্যক্ষ ! হে যক্ষ ! হে হরিকেশ ! হে পিজল ! হে কাশীবাসি জনগণের অন্ন, জ্ঞান ও মোক্ষপ্রদ ! তুমি গণশ্রেষ্ঠ হও । আমার ভক্ত হইয়াও যে জন তোমাকে ভক্তি না করিবে, সে কাশীতে বাস করিতে পারিবে না ; অতএব হে দণ্ডপাণে ! গণসমূহ দেবগণ ও মানব সমূহের মধ্যে তুমিই প্রথম পূজনীয় হও । যে পুণ্যাগ্না, জ্ঞানোদভীর্ষে স্নান করিয়া তোমার আরাধনা করিবে, সেই ব্যক্তি আমার অতুল অনুগ্রহবলে কৃতকৃত্যতা লাভ করিবে । হে দণ্ডপাণে ! তুমি দুর্ভগণের দণ্ডবিধান এবং ভক্তগণকে অভয় প্রদান করত, আমার সম্মুখে এই দক্ষিণদিকে অবস্থান কর । ১৫৯-১৬২ ।

স্বপ্ন কহিলেন, হে বিপ্র ! মহেশ্বর, দণ্ডপাণিকে এই সমস্ত বর প্রদান করত, বুঝে আরোহণ করিয়া আনন্দকাননে প্রবেশ করিলেন । হে কুন্তোন্তব ! তদবধি যক্ষরাট্ দণ্ডনায়ক, মহাদেবের আদেশে ক্রমে সম্যকরূপে বারাণসীপুরীর শাসন করিতেছেন । ১৬৩-১৬৪ । আমি কাশীতে বাসকালীন সেই দণ্ডপাণির মৰ্যাদা রক্ষা করি নাই, এই জ্ঞাত হাঁহারই কোপে এখানে আসিয়া বাস করিতেছি । ১৬৫ । হে মুনৈ ! তুমি এতাদৃশ বশী হইয়াও যে, কাশীক্ষেত্র পরিত্যাগ করিয়া আসিয়াছ, ইহার কারণ, সেই দণ্ডপাণিরই প্রতিকূলতা হইবে, ইহাই আমি আশঙ্কা করিতেছি । হে দ্বিজ ! হরিকেশ যদি কাহারও কোনরূপ বিরুদ্ধাচরণ করিতে দেখেন, তাহা হইলে, তাহার আর কাশীতে অবস্থানই বা কোথায় ? এবং সুখই বা কোথায় ? কাশীতে দণ্ডপাণির আরাধনা না করিয়া কোন ব্যক্তি সুখলাভ করিতে পারে ? আমি কাশীতে প্রবেশ করিব এই অভিলাষে দূরে অবস্থান করিয়াও, সেই দণ্ডপাণিকে ভজনা করিতেছি । ১৬৬-১৬৮ । “হে রত্নভদ্রাসজোদ্ধৃত পূর্ণভদ্রসুত । হে উত্তম হে যক্ষ আমার মোক্ষ প্রাপ্তির জন্ত নির্বিঘ্নে কাশীবাস বিধান করুন । হে মহামতে দণ্ডপাণে । ধন্য সেই যক্ষ পূর্ণভদ্র এবং ধন্য সেই যক্ষিণী কাঞ্চনকুণ্ডলা ; ষাঁহাদের সম্বন্ধ হইয়া আপনি সমুদ্ভূত হইয়াছেন । হে যক্ষপতে ! আপনি জয়যুক্ত হউন, হে ধীর পিজললোচন ! আপনি জয়যুক্ত হউন, হে পিজজটাভার ! আপনি জয়যুক্ত হউন, হে দণ্ডমহাস্বধ ! আপনি জয়যুক্ত হউন হে অনিমুক্ত-মহাক্ষেত্র-সূত্রধার ! হে উগ্রতাপস ! হে দণ্ডনায়ক ! হে ভীমাস্য ! হে বিশ্বেশ্বরপ্রিয় ! আপনি জয়যুক্ত হউন, হে সৌম্য-জনের সৌম্য-বদন ! হে ভীষণ-জনের ভয়ানক ! হে ক্ষেত্রপাপিগণের কাল ! হে মহাকাল-মহাপ্রিয় ! যে প্রাণদ ! হে যক্ষেন্দ্র ! হে কাশীবাসিজনগণের অন্ন ও মুক্তিপ্রদ ! হে মহারত্নরশ্মিচয়চর্চিতবিগ্রহ ! হে অভক্তগণের মহাপ্রসাদপ্রদজনক ! হে অভক্তগণের মহোদ্ভাস্তিপ্রদায়ক ! হে ভক্তগণের সম্ভ্রান্ত ও উদ্ভাস্তির নাশক ! হে প্রাস্ত নেপথ্যচতুর ! হে জ্ঞাননিধিপ্রদ ! আপনি জয়যুক্ত হউন । হে গৌরীপদাজ্জালে ! হে মোক্ষক্ষণবিক্ষণ ! আপনি জয়যুক্ত হউন” । ১৬৯-১৭৬ । ( স্বপ্ন কহিলেন ) হে মৈত্রাবরুণে ! আমি প্রত্যহ ত্রিকালীন, বারাণসীপ্রাপ্তির কারণ এই পবিত্র যক্ষরাজ্যটক-স্তোত্র পাঠ করিয়া থাকি । বুদ্ধিমান ব্যক্তি শ্রদ্ধা সহকারে এই দণ্ডপাণ্যটক পাঠ করিলে কখন বিঘ্নের দ্বারা আক্রান্ত হয় না এবং কাশীবাসের কললাভ করিতে পারে । ১৭৭-১৭৮ । যে ব্যক্তি দণ্ডপাণির প্রাচুর্য্যব-বৃত্তান্ত শ্রবণ করে এবং এই দণ্ডপাণ্যটক-স্তোত্র পাঠ করে, সে অমৃত হইলেও, জন্মান্তরে কাশী লাভ করিয়া থাকে । ১৭৯ । দণ্ডপাণির সমুদ্ভব নামক এই পবিত্র

অধ্যায় পাঠ করিলে বা পাঠ করাইলে, কখন বিদ্বের দ্বারা অভিভূত হইতে হয় না। ১৮০ ।

## ত্রয়স্ত্রিংশ অধ্যায় ।

—\*—

### জ্ঞানবাণী বর্ণন ।

অগস্ত্য কহিলেন, হে স্বন্দ ! এক্ষণে জ্ঞানোদতীর্থের ( জ্ঞানবাণীর ) মাহাত্ম্য বর্ণন করুন, কারণ দেবগণও সেই জ্ঞানবাণীর বহুতর প্রশংসা করিয়া থাকেন । ১ ।

স্বন্দ কহিলেন, হে মহাপ্রাজ্ঞ ষষ্ঠোক্তব ! যাহা শ্রবণ করিলে পাপ বিলীন হয়, আমি জ্ঞানবাণীর সেই উৎপত্তি-বিবরণ বর্ণন করিতেছি, শ্রবণ কর । ২ । হে মুনে ! পুরাকালে সত্যযুগে এই অনাদিসিদ্ধ সংসারে যখন মেঘসমূহ জল বর্ষণ করিত না, নদী সকল প্রবর্তিত হয় নাই, স্নান বা পান প্রভৃতি কশ্মে জলের অভীলাষ ছিল না, যখন ক্ষীর ও লবণ সমুদ্রেই জল দেখা যাইত এবং যখন পৃথিবীর কোন কোন স্থানে মনুষ্য সঞ্চার আরম্ভ হইয়াছে, সেই সময় পূর্ব ও উত্তরদিকের মধ্যস্থিত দিকের অধিপতি ক্লদ্রগণের অগ্ৰতম ঈশান, স্বেচ্ছাধীন ইত্যন্ততঃ ভ্রমণ করিতে করিতে কান্ধিতে আসিয়া উপস্থিত হইলেন । যে কান্ধী নির্বাণ-লক্ষ্মীর ক্ষেত্রস্বরূপ ও পরমানন্দ কানন, যে মহাশ্মশান সর্ব প্রকার বীজ সমূহের পক্ষে উষ্মভূমি, যে কান্ধী মহামোহে মূগ্ধ জীবগণের প্রতিরোধক, যাহা সংসার সাগরে আবর্তে নিপতিত জন্তুগণের তরন্তক-(বেলা) স্বরূপ, যাহা সংসারে বারম্বার গমনাগমনে পরিত্রাস্ত জীবগণের বিশ্রামগুপ, যাহা অনেক জন্মসঞ্চিত কৰ্ম্মসূত্রছেদনের ক্ষুর স্বরূপ, যাহা সচ্চিদানন্দের নিলয় ও পরব্রহ্মরসায়ন এবং সূক্ষ্মসমূহের জনক ও মোক্ষপ্রদ । জটিল ঈশান, হস্তস্থিত ত্রিশূলের বিমল রশ্মিজালে ব্যাপ্ত হইয়া, সেই কান্ধীক্ষেত্রে প্রবেশ করত মহালিঙ্গ দর্শন করিলেন । সেই শিবলিঙ্গ চতুর্দিকে জ্যোতির্ময়ী মালা-সমূহের দ্বারা বেষ্টিত । দেবতা, ঋষি, গণ, সিদ্ধ ও ষোগিগণ নিরন্তর তাঁহার পূজা করিতেছেন, গন্ধর্ব্বগণ তাঁহার নাম গান করিতেছেন, চারণগণ তাঁহার স্তুতি করিতেছেন, অঙ্গরাগণ নৃত্যের দ্বারা তাঁহার বহুতর সেবা করিতেছেন, নাগকণ্ঠাগণ ষপি-



ময় শ্রাদ্ধীপ সমূহের দ্বারা তাঁহার নীরাঙ্গনা ( আরতি ) করিতেছেন । বিদ্যার্থী ও কিল্লরীগণ ত্রিকালীন তাঁহার বেষণভূষা নির্মাণ করিয়া দিতেছেন এবং দেবকণ্ঠাগণ চামররাজির দ্বারা তাঁহাকে ব্যঞ্জন করিতেছেন । ৩-১৫ । সেই লিঙ্গ দর্শন করিয়া ঈশানের ইচ্ছা হইল যে, আমি ঘটপূর্ণ শীতল জলের দ্বারা এই মহালিঙ্গকে স্নান করাইব । তখন তিনি ত্রিশূলের দ্বারা সেই মহালিঙ্গের দক্ষিণদিকস্থ ভূমি প্রচণ্ড-বেগে খনন করত, এক কুণ্ড নির্মাণ করিলেন । হে মুনে ! তখন সেই কুণ্ড হইতে, পৃথিবীর পরিমাণ হইতে দশগুণ অধিক জল নির্গত হইতে লাগিল এবং সেই জলে এই বস্তু আবৃত হইয়া পড়িল । ১৬-১৮ । তখন রুদ্রমূর্ত্তি ঈশান, শীতল, জাড্যরহিত এবং পাপধ্বংসকারী ও অগ্ন্য দেহধারী কর্তৃক অস্পৃষ্ট, সাধুগণের মনের আয় স্বচ্ছ, আকাশমার্গের আয় নির্মল, জ্যোৎস্নার আয় সমুজ্জ্বল, শব্দনামের আয় পাবন, পীষ্ম তুল্য সুস্বাদু, গাভীর গলদেশের আয় সুখস্পর্শ, নিম্পাপ ব্যক্তির বুদ্ধির আয় গম্ভীর, পাপিগণের সুখের আয় তরল, পদ্ম সুগন্ধি ও পাটলপুষ্পগন্ধি, দর্শকসমূহের নয়ন ও মনোহারী, অজ্ঞান তাপসস্তপ্ত প্রাণিগণের প্রাণের এক মাত্র রক্ষণকারী, পঞ্চামৃতের দ্বারা স্নানাপেক্ষা অধিক ফলপ্রদ, শ্রদ্ধাপূর্বক স্পর্শকারী ব্যক্তিগণের হৃদয়ে লিঙ্গত্রিতয়ের জনক, অজ্ঞানবিনাশী, জ্ঞানপ্রদ, উমার স্পর্শ-জনিত সুখ হইতেও বিশেষরূপে অধিকতর স্পর্শসুখকারী এবং মহামহা অবভূথ স্নান হইতেও অধিক শুদ্ধিবিধায়ক—সেই জলের দ্বারা সহস্রবার-কলস পরিপূর্ণ করত, হৃষ্টচিত্তে সহস্রবার সেই মহালিঙ্গকে স্নান করাইলেন । ১৯-২৬ । অনন্তর বিশ্ব-লোচন বিশ্বাত্মা ভগবান্ বিশেষ, প্রসন্ন হইয়া সেই রুদ্র রূপী ঈশানকে বলিতে লাগিলেন যে, হে সূত্রত ঈশান ! তোমার এই কণ্ঠের দ্বারা আমি প্রসন্ন হইয়াছি । তুমি যে কার্য্য করিয়াছ, ইহা অতি মহৎ ও আমার অতিশয় প্রীতিকর, এবং অত্যা-বধি এই কার্য্য আর কেহই করে নাই, অতএব হে জটিল ! হে ঈশান ! হে তপো-ধন ! হে মহোত্তমপরায়ণ ! তুমি বর প্রার্থনা কর, অথ তোমাকে আমার কিছুই অদেয় নাই । ২৭-২৯ ।

ঈশান কহিলেন, হে দেবেশ । যদি আপনি আমার প্রতি প্রসন্ন হইয়া থাকেন এবং আমিও যদি বরদানের যোগ্য পাত্র হই, তাহা হইলে, হে শঙ্কর ! এই অনুপম তীর্থ আপনার নামেই বিখ্যাত হউক । ৩০ ।

বিশ্বেশ্বর কহিলেন, ত্রিণোকীমধ্যে যাবতীয় তীর্থ আছে, তৎসমূহের মধ্যে ইহাই পরম শিবতীর্থ হইবে । বাঁহারা শিবশব্দের অর্থ চিন্তা করেন, তাঁহারা শিব-শব্দের অর্থ “জ্ঞান” বলিয়া থাকেন, সেই জ্ঞানই আমার মহিমায় এই স্থানে

জলরূপে দ্রবীভূত হইয়াছে, এই জন্ত এই তীর্থে “জ্ঞানোদ” নামে ত্রিলোকে বিখ্যাত হইবে। ইহা স্পর্শ করিলেই সমস্ত পাপ হইতে মুক্ত হওয়া যায়। জ্ঞানোদ-তীর্থে স্পর্শ করিলে অশ্বমেধের ফল লাভ হয়। স্পর্শ এবং আচমন করিলে অশ্বমেধ ও রাজসূয়যজ্ঞের ফল প্রাপ্ত হওয়া যায়। ৩১-৩৪। ফল্গুতীর্থে মানব স্নান করত, পিতৃলোকের তর্পণ করিয়া যে ফল প্রাপ্ত হইয়া থাকে, এই জ্ঞানোদ-তীর্থে শ্রাদ্ধ করিলেও সেই ফল লাভ করে। গুরুবার পুষ্যা নক্ষত্রযুক্ত সিংহাষ্টমী তিথিতে যদি ব্যতীপাত-যোগ হয়, তবে সেই দিনে এই তীর্থে শ্রাদ্ধ করিলে, তাহাতে গয়া হইতে কোটিগুণ অধিক ফল হয়। ৩৫-৩৬। পুষ্কর তীর্থে পিতৃগণের তর্পণ করিয়া যে পুণ্য প্রাপ্ত হওয়া যায়, এই তীর্থে তিলের দ্বারা তর্পণ করিলে, তাহা হইতে কোটিগুণ অধিক ফল প্রাপ্ত হওয়া যায়। সূর্যগ্রহণকালীন কুরুক্ষেত্রে রামহুদে পিণ্ডদান করিলে যে ফল প্রাপ্ত হওয়া যায়, জ্ঞানোদ-তীর্থে প্রত্যহ সেই ফল লাভ হইয়া থাকে। বাহাদের পুত্রগণ এই জ্ঞানতীর্থে পিণ্ডপ্রদান করে, তাহারা প্রলয়-কাল পর্যন্ত শিবলোকে বাস করিয়া থাকে। মানব ঋষ্টমী এবং চতুর্দশীতে উপবাস করিয়া প্রাতঃকালে এই তীর্থে স্নান ও এই জল পান করিলে, সে ব্যক্তির অন্তর শিবময় হয়। ৩৭-৪০। যে ব্যক্তি একাদশীতে উপবাস করিয়া, ইহার তিন গাণ্ডুষ মাত্র জল পান করে, নিঃসংশয় তাহার হৃদয়ে তিনটি শিবলিঙ্গ উৎপন্ন হয়। বিশেষতঃ সোমবারে যে ব্যক্তি এই ঈশানতীর্থে স্নান ও পিতৃ, ঋষি ও দেবগণের তর্পণ এবং যথাশক্তি দান করত, বহুতর উপহারের দ্বারা বিশ্বনাথের পূজা করে, সেই মানব কৃতকৃত্য হইয়া থাকে। ৪১-৪৩। সন্ধ্যার উপাসনাকাল অতিক্রম করিলে যে পাপ হয়, এই জ্ঞানোদতীর্থে সন্ধ্যোপাসনা করিয়া ত্রাক্ষণ, তৎক্ষণাৎ সেই পাপ হইতে মুক্তিলাভ করত জ্ঞানবান হইয়া থাকে। ইহার নাম শিবতীর্থ, ইহাই শুভজ্ঞানতীর্থ, ইহারই নাম তারকতীর্থ এবং ইহাই নিশ্চয় মোক্ষতীর্থ। এই তীর্থ স্মরণ করিলেও পাপসমূহ নষ্ট হইয়া থাকে। ইহার দর্শন, স্পর্শন, ইহাতে স্নান এবং ইহার জল পান করিলে চতুর্বিধ ফল প্রাপ্ত হওয়া যায়। ৪৪-৪৬। এই শিবতীর্থের জল দর্শন করিবামাত্রই ডাকিনী, শাকিনী, ভূত, প্রেত, বেতাল, রাক্ষস, গ্রহ, কুস্মাণ্ড, কোটিঙ্গ, ( প্রেতবিশেষ ) কালকর্ণী, শিশুগ্রহ, জ্বর, অপস্মার, বিস্ফোট প্রভৃতি সমুদয়ই শান্ত হইয়া থাকে। ৪৭-৪৮। যে স্থায়ী ব্যক্তি জ্ঞানোদ-তীর্থের জলের দ্বারা শিবলিঙ্গকে স্নান করায়, সর্বতীর্থের জলের দ্বারা স্নান করাইলে যে ফল লাভ হয়, তাহারও সেই ফল লাভ হইয়া থাকে। জ্ঞানস্বরূপ আমিই এখানে দ্রবমুক্তি হইয়া, জীবগণের জড়তা বিনাশ এবং জ্ঞানোপদেশ

করিতেছি । ৪৯-৫০ । ভগবান্ বিশেষ্বর এই সমস্ত বর প্রদান করত, সেই তীর্থ-  
মধ্যে অন্তর্হিত হইলেন এবং সেই ত্রিশূলধারী ঈশানও আপনাকে কৃতকৃত্য বোধ  
করিলেন । অনন্তর সেই জটিল ঈশান, সেই তীর্থের জল পান করিয়া, পরম  
জ্ঞানলাভ করত সুখী হইলেন । ৫১-৫২ ।

কন্দ কহিলেন, হে কলশোদ্ভব ! এই জ্ঞানবাপীতে পূর্বের একটা অপূর্ব ঘটনা  
হইয়াছিল, তাহার বিষয় বর্ণন করিতেছি, শ্রবণ কর । ৫৩ । পুরাকালে কাশীক্ষেত্রে  
হরিশ্বামী নামে বিখ্যাত কোন ব্রাহ্মণ বাস করিতেন । তাঁহার পৃথিবীতে অতুলনীয়  
রূপসম্পন্ন এক কন্যা জন্মিয়াছিল । ভূতলে সেই কন্যাসদৃশ শীলসম্পন্ন আর  
কোন কামিনী ছিল না । সেই ব্রাহ্মণতনয়া কলসমূহে অতিশয় নিপুণ ছিলেন ।  
তাঁহার কণ্ঠস্বরে কোকিল স্বরও পরাভূত হইত । মনুষ্য, দেবতা, কিম্বর, বিত্ৰাধর,  
নাগ, গন্ধর্ব্ব বা অসুর গণের মধ্যেও তাঁহার সদৃশ কোন কন্যা ছিল না । ৫৪-৫৬ ।  
সেই কন্যা, সমস্ত সৌন্দর্য্যের আধার ও সমস্ত লক্ষণের আকর ছিলেন । অন্ধকার  
যেন সূর্য্যের ভয়ে তাঁহার কেশমধ্যে আশ্রয় গ্রহণ করিয়াছিল । চন্দ্র যেন  
অমাবস্তার ভয়ে সেই কন্যার মুখমণ্ডলের শরণ লইয়াছিলেন, তিনি সূর্য্যভয়ে ভীত  
হইয়া দিবসেও সেই আশ্রয় পরিত্যাগ করিতেন না । গণ্ডপত্ররূপ লতার অভ্যন্তরে  
সেই কন্যার ক্রম্বয়, ভ্রমররাজির ন্যায় উর্দ্ধ ও অধোগামিনী গতিবিশেষের অভ্যাস-  
ভাজন ছিল । তাঁহার সুন্দর নয়ন সমীপে বিচরণশীল খঞ্জনদ্বয় সর্ব্বদাই নিজ  
ইচ্ছায় শারদীয় প্রীতি লাভ করিত । সেই সুদন্তীর দন্তপংক্তিরূপ পত্রনিকরে  
কামদেব যাদৃশী কাঞ্চনী রেখা নির্মাণ করিয়াছিলেন, চন্দ্রেও তাদৃশ রেখা  
কোথায় ? প্রবালের সুন্দর ছায়ায় জয় করিতে সমর্থ তাঁহার শুভ ওষ্ঠদ্বয়  
দেখিয়া বোধ হইত যেন, মদন-মহীপতির হস্ত্যাস্থিত যাবতীয় রত্নরাজি এই  
ওষ্ঠদ্বয়ের মধ্যে নিহিত রহিয়াছে । ৫৭-৬২ । সেই কন্যার কণ্ঠদেশে রেখাত্রয়চ্ছলে  
কন্দর্প যেন শপথ করিয়া বলিতেছে যে, স্বর্গে, মর্ত্তে বা পাতালে কুত্রাপিও  
ত্রীগণের এতাদৃশ সুন্দর রেখা নাই । তাঁহার স্তনদ্বয় দেখিয়া বোধ হইত যেন,  
কন্দর্পরাজের অমূল্য রত্নসমূহে পরিপূর্ণ কোষযুক্ত বজ্রগৃহদ্বয় ( তাঁবু ) শোভা  
পাইতেছে । ৬৩-৬৪ । সেই নতকর দেহস্থ অদৃশ্য কামস্থানের পরিচয়ের জন্ম,  
বিধাতা যেন রোমাবলীরূপ ষষ্টি রক্ষা করিয়াছিলেন । তাঁহার নাভিগুহা প্রাপ্ত  
হইয়া যেন কন্দর্প অনঙ্গ লাভ করিয়াছে এবং পুনরায় সেই অঙ্গসমূহ প্রাপ্ত  
হইবার জন্ম কঠোর তপস্তা করিতেছে । ৬৫-৬৬ । গুরুরূপ তাঁহার নিতম্বের  
দ্বারা মন্থথবিষয়ক দীক্ষার নিমিত্ত কোন্ কোন যুবাযুৱক স্ব স্ব নেত্রের আধীন্য

প্রাপ্ত না হইয়াছিল ? সেই কণ্ঠার স্বরূপ উরুস্তম্ভের দ্বারা কোন্ মূনির নির্মল মনও স্তম্ভিত না হইত ? হে মূনে ! সেই যুগলোচনার পাদাঙ্গুষ্ঠ-নখের জ্যোতির প্রভায় কাহার বিবেকজনিত প্রভাও বিনষ্ট না হইত ? ৬৭-৬৯ । সেই কণ্ঠা প্রতিদিন জ্ঞানবাণীতে স্নান করত, অনন্তচিত্তে শিবমন্দিরে সম্মার্জন প্রভৃতি কৰ্ম করিতেন । কণ্ঠাতে যুবাগণের মনোমুগ, বালুকাদি প্রদেশে প্রতিবিম্বিত সেই কণ্ঠার পদরেখারূপ তৃণাকুর পরিত্যাগ করত, অশ্রু কোন স্থানে বিচরণ করিত না । ৭০-৭১ । যুবকগণের নেত্রসমূহরূপ অলিমালা, সেই কণ্ঠার বদন-কমল পরিত্যাগ করিয়া, স্বগন্ধ পুষ্পযুক্ত অশ্রু কোন লতারাজি সেবন করিত না । ৭২ । সেই কণ্ঠা, স্নলোচনা হইয়াও কখন কাহারও বদন নিরীক্ষণ করিতেন না এবং সেই বালা সূত্রবা হইয়াও, কখন কাহারও বাক্য শ্রবণ করিতেন না । শীলসম্পন্না সূশীলানাম্নী সেই কণ্ঠা, তাঁহার বিরহে আতুর রূপবান্ পুরুষগণকর্তৃক প্রার্থিত হইয়াও, তাহাদের সহিত বিবাহবন্ধনে অভিলাষিণী হন নাই । অনেক যুবক তাঁহার পিতাকে বহুতর ধন প্রদান করত, তাঁহাকে বিবাহ করিবার জন্ত প্রার্থনা করিয়াছিল, কিন্তু তাঁহার পিতা কোন প্রকারেই তাঁহাকে তাহাদের হস্তে প্রদান করিতে পারেন নাই ; তাহার কারণ, সেই সূশীলা প্রত্যহ জ্ঞানোদভীর্ষের সেবা-নিবন্ধন অন্তরে এবং বাহিরে সমস্ত জগৎই শিবময় দর্শন করিতেন । ৭৩-৭৬ । কোন সময়ে রাত্রিতে সেই সূশীলা গৃহাঙ্গনে শয়ন করিয়া আছেন এমন সময়ে, কোন বিজ্ঞাধর তাঁহার রূপলাবণ্যে মোহিত হইয়া, তাঁহাকে হরণ করত আকাশ-মার্গ অবলম্বনে মলয়পর্বতে লইয়া যাইতেছে, ইতিমধ্যে তথায় বিদ্যাম্বালী নামে এক ভয়ঙ্কর রাক্ষস উপস্থিত হইল । ঐ রাক্ষসের কুণ্ডল কপালের দ্বারা রচিত, তাহার সমস্ত শরীর বসা ও রুধিরে পরিলিপ্ত, বদন অশ্রুশীল, লোচনবয় পিঙ্গলবর্ণ, (সেই রাক্ষস আসিয়া বলিল) । ৭৭-৭৯ ।

রাক্ষস কহিল, রে বিজ্ঞাধরকুমার ! অশ্রু তুমি আমার সম্মুখে পড়িয়াছ, আজ আমি এই কণ্ঠার সহিত তোমাকে ধমালয়ে প্রেরণ করিতেছি । ৮০ ।

রাক্ষসের এবভূত বাক্য শ্রবণে সূশীলা, ব্যাঘ্রাঘ্রাতা 'হরিণীর' ন্যায় অতিশয় ভীত হইয়া, কদলীদলের ন্যায় বারম্বার কাঁপিতে লাগিলেন । অনন্তর রাক্ষস ত্রিশূলের দ্বারা সেই বিজ্ঞাধরকে আঘাত করিল । তখন মধুরাকৃতি ও মহাবল সেই বিজ্ঞাধরকুমার, সেই ভীষণ ত্রিশূলাঘাতে বক্ষঃস্থলে আহত হইয়া, সেই রাক্ষসকে বজ্রসদৃশ মুষ্টির দ্বারা আঘাত করিলেন । নরমাংস ও বসাসমূহে উন্মত্ত সেই রাক্ষস, তাঁহার মুষ্টিপ্রধারে চূর্ণদেহ হইয়া, বজ্রাহত মহীধরের ন্যায় ভূমিতে

নিপতিত হইয়া মৃত্যুলাভ করিল এবং সেই বিদ্যাদরতনয়ও ত্রিশূলের আঘাতে বিকল হইয়া, ঘূর্ণিতলোচনে গদগদস্বরে “হে প্রিয়ে ! আমি বুঝা তোমাকে হরণ করিয়া আনিলাম, হে সুশ্” এই অর্দ্ধোক্ত কথা বলিতে বলিতেই সুশীলাকে স্মরণ করত, তাঁহার সম্মুখেই প্রাণ পরিত্যাগ করিলেন। ৮১-৮৭। সুশীলাও কখন কোন পুরুষের স্পর্শজনিত সুখ লাভ করেন নাই, এই প্রথমমাত্র তিনি বিদ্যাদরতনয়ের স্পর্শ-সুখ বোধ করিয়াছেন, সুতরাং তাঁহাকেই পতিবোধে, তাঁহার মৃত্যুতে আপনার জীবনও অগ্নিসাৎ করিলেন। জ্ঞানবাণীর জলপাননিবন্ধন সুশীলার দেহমধ্যে তিনটি শিবলিঙ্গ অবস্থান করিতেন, সুতরাং তাঁহার নিকটে মৃত্যুনিবন্ধন সেই রাক্ষস, দিব্যশরীর লাভ করিয়া স্বর্গে গমন করিল। রণে পরিত্যক্তজীবন সেই বিদ্যাদরতনয়ও, অস্তিমকালে প্রিয়াকে স্মরণ করত, মলয়কেতুর ঔরসে পুনরায় জন্মগ্রহণ করিলেন। ৮৮-৯০। সুশীলাও সেই বিদ্যাদরতনয়ের বিরহে তাঁহাকেই চিন্তা করত, প্রাণ পরিত্যাগ করিয়াছিলেন, সুতরাং তিনিও কর্ণাটদেশে জন্মগ্রহণ করিলেন। কালক্রমে মলয়কেতুর অনঙ্গের আয় রূপবান সেই পুত্র মাল্যকেতু, কলাবতী নাম্নী সেই কন্যাকে বিবাহ করিলেন। ৯১-৯২। সেই কলাবতী জন্মান্তরের সংস্কারবলে শিবলিঙ্গের অর্চনায় রত থাকিয়া, চন্দন প্রভৃতি পরিত্যাগ করত, বহুমানপূর্বক ভিক্ষাধারণেই প্রীতিবোধ করিতেন এবং স্বভাবসুন্দরী সেই রমণী মুক্তা, বৈদূর্য্য, মাণিক্য ও পুষ্পরাগ প্রভৃতি ধারণ করা অপেক্ষা রুদ্রাঙ্ক-ধারণই শ্রেষ্ঠ বলিয়া বোধ করিতেন। ৯৩-৯৪। পতিব্রতা কলাবতী, মাল্যকেতুকে পতিরূপে প্রাপ্ত হইয়া, তাঁহার সহবাসে নানাবিধ উৎকৃষ্ট বিষয়ভোগসহকারে তিনটি অপত্য লাভ করিয়াছিলেন। একদা উত্তরদেশস্থ একজন চিত্রকর, নরেশ্বর মাল্যকেতুর নিকট আগমন করত, তাঁহাকে একখানি বিচিত্র চিত্রপট প্রদান করিল। রাজা মাল্যকেতু, সেই চিত্রপটখানি স্বীয় মহিষী কলাবতীকে সমর্পণ করিলেন ! কলাবতী সেই রমণীয় চিত্রপট দর্শনে অতিশয় আনন্দ লাভ করিলেন এবং বারম্বার চিত্রাংকিত স্বীয় প্রাণদেবতা বিখনাথকে দর্শন করিতে করিতে সমাধিস্থ ষোণিনীর আয় আপনাকেও বিস্মৃত হইলেন। অনন্তর ক্ষণমধ্যে নেত্র উন্মীলন করত, চিত্রপট দর্শন করিতে করিতে তর্জ্জনীর অগ্রভাগ দ্বারা আপনাকেই বুঝাইতে লাগিলেন যে, এই সম্মুখে লোলার্কের নিকট সুরম্য অসিসঙ্গম দেখা যাইতেছে, আদিকেশবের পদতলে এই সরিৎশ্রেষ্ঠা বরণা দেখা যাইতেছে। ৯৫-১০০। স্বর্গেতেও দেবগণ, সর্বদা যে উত্তরবাহিনীর জলস্পর্শ অভিলাষ করিয়া থাকেন, এই সেই সুরভরঙ্গিণী উত্তরদিকে প্রবাহিত হইতেছেন। যে মোক্ষলক্ষ্মী

বেদান্তশাস্ত্রে অলক্ষ্য বলিয়া পরিপুষ্টিত হইয়া থাকেন এবং যিনি মুক্তি প্রদান করেন, এই সেই শ্রীমতী মণিকর্ণিকা দৃষ্টিগোচর হইতেছেন । যে স্থানে মরণই মঙ্গল, যে স্থানে গমন করিলে জীবন সফল হয়, এবং যে স্থানে স্বর্গও তৃণের ন্যায় বোধ হইয়া থাকে, এই সেই শ্রীমতী মণিকর্ণিকা দৃষ্টিগোচর হইতেছেন । ১০১-১০৩ । যে স্থানে মরণের ইচ্ছায়, সমস্ত সম্পত্তি দান করত, স্নকৃতী-ব্যক্তি কন্দ-মূলমাত্র ভোজন করত অবস্থান করেন, এই সেই মণিকর্ণিকা । ১০৪ । যে স্থানে গঙ্গাধর হর, স্বীয় ললাটস্থিত বাল-চন্দ্রের দ্বারা মার্গ প্রদর্শন করাইয়া, মৃত ব্যক্তি-গণকে দুর্ব্বার সংসারপারে লইয়া যান, যে স্থানে মানবগণ মৃত হইয়াও, মহেশ্বরের কৃপায় অমৃতত্ব লাভ করে, করুণাসাগর মহেশ্বরের উপদেশে যেখানে সংসারের সারমার্গও অতি স্থূলত, অনেক জন্মার্জিত প্রভূত পুণ্যবলে মানবগণ, যে স্থানে ভবতাপহারী ভবকে উপদেষ্টারূপে প্রাপ্ত হইয়া থাকে, এবং মহাত্মাগণ ক্ষেত্র-সন্ন্যাস গ্রহণ করত, যে স্থানের বলে কৃতান্তকে তৃণতুল্য বোধ করিয়া থাকেন, এই সেই মণিকর্ণিকা । ১০৫-১০৯ । রাজষিষ্ঠেষ্ঠ মহাত্মা হরিশ্চন্দ্র, নিজ দেহকে তৃণবোধ করত, যে স্থানে স্ত্রীর সহিত আপনাকে বিক্রয় করিয়াছিলেন, এই সেই পবিত্রভূমি মণিকর্ণিকা । বৈকুণ্ঠনিবাসীজনগণও যে স্থানের সিকতাময় স্থানকে কোমল-শয্যাবোধে অভিলাষ করিয়া থাকেন, এই সেই মণিকর্ণিকা । ১১০-১১১ । জীবগণ অনেক জন্মজনিত কৰ্ম্মসূত্র-বন্ধন ছেদন করত, যে স্থানে মুক্তিলাভ করিয়া থাকে, এই সেই শ্রীমতী মণিকর্ণিকা । সত্যলোকে অবস্থিত জীবগণও যে স্থানে দীর্ঘনিদ্রার ( মুক্তির ) জগ্ন নিরন্তর প্রার্থনা করিয়া থাকেন, এই সেই মণিকর্ণিকা । ১১২-১১৩ । এই সেই কুলস্তুভ, যে স্থানে অবস্থিত হইয়া শ্রীমান্ কালভৈরব কঠোর যাতনা প্রদান করত, কাশীক্ষেত্রে পাপকারী মানবগণকে শাসন করিয়া থাকেন । অগ্ন্যস্থানেকৃত পাপ, কাশীসন্দর্শনে বিনষ্ট হয়, কিন্তু কাশীতে পাপ করিলে এইরূপ দারুণ যাতনা ভোগ করিতে হয় । ১১৪-১১৫ । এই সেই পবিত্র কপালমোচন-তীর্থ, যে স্থানে ভৈরবের হস্ত হইতে ত্রক্ষার কপাল পতিত হইয়াছিল । যে স্থানে স্নান করিয়া মানবগণ ত্রিবিধ ঋণ হইতে মুক্তিলাভ করে, জীবগণের বিশুদ্ধিজনক এই সেই ঋণমোচন-তীর্থ । যে স্থানে প্রণবাক্য পরম-ত্রক্ষা নিত্য প্রকাশ পাইয়া থাকেন, পঞ্চায়তনযুক্ত সেই অদ্ভুত অঙ্কারেশ্বর এই বিরাজিত রহিয়াছেন, যে স্থানে অকার, উকার, মকার, নাদ এবং বিন্দু এই পঞ্চায়তক ত্রক্ষা নিত্যই প্রকাশ পাইয়া থাকেন । ১১৬-১১৯ । এই সেই রমণীয় মন্তোদারী-তীর্থ, বাহাতে স্নান করিলে মানব আর জননীর জঠরে প্রবেশ করে

না । এই ভগবান্ ত্রিলোচন, যিনি কৃপায়ুক্ত হইয়া দেশান্তরস্থিত নিজ ভক্ত-জনকেও, ত্রিলোচনস্থ প্রদান করিয়া থাকেন । ১২০-১২১ । এই দেব কামেশ্বর, যিনি সাধুগণের কামনা পূরণ করিয়া থাকেন, ইহারই নিকট দুর্বাসামুনিও স্বীয় মহোচ্চ কামনা লাভ করিয়াছিলেন । ভক্তগণের কামনা পরিপূর্ণ করিবার জন্ত মহেশ্বর স্বয়ং এই লিঙ্গমধ্যে লীন হইয়াছিলেন, সেই হেতু এই দেবদেব শূলীর “স্বর্লীন” এই নাম হইয়াছে । ১২২-১২৩ । বারাগসীতে যে ভগবান্ মহাদেব, ক্ষেত্রাভিমানী বলিয়া পুরাণে পরিপঠিত হইয়া থাকেন, এই তাঁহার অদ্ভুত প্রাসাদ চিত্রিত রহিয়াছে । এই দেব স্কন্দেশ্বর, মানব শ্রদ্ধায়ুক্ত হইয়া ঐহাকে দর্শন করিলে, আজন্ম ব্রহ্মচর্য্য-ব্রতের ফল লাভ করিয়া থাকে । ১২৪-১২৫ । এই সর্বসিদ্ধিপ্রদায়ক বিনায়কেশ্বর, ঐহার সেবা করিলে মানবগণের সমস্ত বিঘ্ন বিনষ্ট হইয়া থাকে । এই সাক্ষাৎ মূর্তিময়ী বারাগসীদেবী, ঐহাকে দর্শন করিলে মানব-গণকে পুনরায় জন্মগ্রহণ করিতে হয় না । ১২৬-১২৭ । এই পার্বতীশ্বরলিঙ্গের বৃহৎ মন্দির, যেখানে ভগবান্ মহেশ্বর গৌরীর সহিত নিয়ত অবস্থান করিয়া থাকেন । এই মহাপাতকনাশক শ্রীমান্ ভৃঙ্গীশ্বর, ঐহার সেবা করিয়া ভৃঙ্গী জীবমুক্ত হইয়াছিলেন ! এই চতুর্বেদধর চতুর্বেদেশ্বর, ঐহার দর্শনে ব্রাহ্মণ বেদাধ্যয়নের ফল লাভ করিয়া থাকে । ১২৮-১৩০ । এই যজ্ঞসমূহকর্তৃক সংস্থাপিত ষজ্জেশ্বর নামক শিবলিঙ্গ, ঐহার অর্চনা করিলে মানব, সমস্ত ষজ্জের ফল লাভ করিয়া থাকে । এই অষ্টাদশাঙ্গুল পরিমিত পুরাণেশ্বর নামক শিবলিঙ্গ, ঐহাকে দর্শন করিলে, মানব অষ্টাদশ বিভার আধার হইয়া থাকে । ১৩১-১৩২ । এই স্মৃতিগণকর্তৃক প্রতিষ্ঠিত ধর্ম্মশাস্ত্রেশ্বর, ঐহাকে দর্শন করিলে স্মৃতিশাস্ত্রাধ্যয়ন জন্ত পুণ্য লাভ হইয়া থাকে । ১৩৩ । এই সর্বজাড্যবিনাশকারী সারস্বত-শিবলিঙ্গ । এই সত্যোবিশুদ্ধিজনক সর্ববীর্থেশ্বর শিবলিঙ্গ । ১৩৪ । এই ভগবান্ শৈলেশ্বরের অদ্ভুত মণ্ডপ, বাহা সর্বপ্রকার রত্নসমূহে পরম শোভাধারণ করিয়া রহিয়াছে । এই মনোহর সপ্তসাগরসংস্কৃত শিবলিঙ্গ, ঐহাকে দর্শন করিলে সপ্তসমুদ্রে স্নানের ফললাভ হয় । ১৩৫-১৩৬ । এই মল্লজাপ্যের ফলপ্রদ শ্রীমান্ মল্লেশ্বর, যিনি সত্যযুগে সপ্তকোটি মহামল্লগণ কর্তৃক স্থাপিত হইয়াছিলেন । এই ত্রিপুরেশ্বর-লিঙ্গের সম্মুখে এই মহৎকুণ্ড পরিদৃষ্ট হইতেছে, বাহা ত্রিপুরারির অতিশয় প্রিয় এবং ত্রিপুরস্থ জনসমূহকর্তৃক খনিত হইয়াছিল । সহস্রভুজকর্তৃক পূজিত এই বাণেশ্বরলিঙ্গ, যিনি বিভূজ-বাণের সহস্রভুজের হেতু । ১৩৭-১৩৯ । এই বৈরোচনেশ্বর, প্রহ্লাদকেশবের পুরোভাগে এই বলিকেশব, এই নারদকেশব,

আদিকেশবের পূর্বভাগে এই আদিত্যকেশব, এই ভীষ্মকেশব, এই দস্তাত্রেয়েশ্বর, দস্তাত্রেয়েশ্বরের পূর্বভাগে এই আদিগদাধর, এই ভৃগুকেশব, এই বামনকেশব, এই উভয়ে নর ও নারায়ণ, এই যজ্ঞবাহকেশব, এই বিদারনারসিংহ, এই গোপীগোবিন্দ । লক্ষ্মীনৃসিংহের এই রত্নকেতন-প্রাসাদ পরিদৃষ্ট হইতেছে, যে লক্ষ্মীনৃসিংহের কৃপায় প্রজ্ঞাদ ঐশ্বর্য-পদ লাভ করিয়াছিলেন । ১৪০-১৪৪ । মানবগণের অখর্ব-সিক্তিপ্রদ এই খর্ববিনায়ক, পুরাকালে শেষকর্তৃক সংস্থাপিত এই শেষমাধব, যাঁহার ভক্তগণ সম্বর্ত্ত নামক বহিষ্কারাও দক্ষ হন না । এই ভগবান্ শঙ্খমাধব, শঙ্খাসুরকে বিনাশ করিয়া এইস্থানে অবস্থিত রহিয়াছেন । ১৪৫-১৪৬ । এই পরব্রহ্মরসায়নস্বরূপ সারস্বতশ্রোতঃ, যেখানে মহানদী সরস্বতীর সহিত গঙ্গার সঙ্গম হইয়াছে, যেখানে স্নান করিলে মানবগণ আর ভূতলে জন্ম-গ্রহণ করে না । এই সাক্ষাৎ লক্ষ্মীপতি শ্রীমান্ বিন্দুমাধব, মানব শ্রদ্ধাদহকারে যাঁহার সেবা করিলে, আর গর্ভবাস করে না এবং কদাপি দারিদ্র্য ও ব্যাধিসমূহ-কর্তৃক অভিভূত হয় না, যে ব্যক্তি বিন্দুমাধবের ভক্ত, যমও তাঁহাকে নমস্কার করিয়া থাকেন, যিনি প্রণবস্বরূপ, অদ্বিতীয়, নাদবিন্দুস্বরূপ এবং অমূর্ত্ত পরব্রহ্ম, তিনিই এই বিন্দুমাধব । ১৪৭-১৫১ । পঞ্চব্রহ্মাত্মনামক এই পঞ্চনদ তীর্থ, যেখানে স্নান করিলে, আর পাক্‌ভৌতিক শরীর পরিগ্রহ করিতে হয় না । এই সেই মঙ্গলাগোরী, যাঁহার কৃপায় মানব ইহ ও পরাকালে পরম মঙ্গল প্রাপ্ত হইয়া থাকে । এই তমঃসমূহের অপনয়নকারী ময়-খাদিত্য নামক রক্ষিমালী । ১৫২-১৫৩ । দিব্যতেজঃপ্রদ গভস্তীশ নামে এই দিব্য লিঙ্গ, পুরাকালে মার্কণ্ডেয় এই স্থানে স্বীয় নামে আয়ুপ্রদ শিবলিঙ্গ স্থাপনপূর্বক মহৎ তপস্তা করিয়াছিলেন । ত্রৈলোক্যবিশ্রুত এই কিরণেশ্বর নামক শিবলিঙ্গ, যাঁহাকে একবার প্রণাম করিলে সূর্যালোক প্রাপ্তি হইয়া থাকে । এই ধৌতপাণেশ্বর নামক লিঙ্গ, ইনি সমস্ত পাতক বিনাশ করিয়া থাকেন । ১৫৪-১৫৬ । এই ভক্তগণের নির্বাণের কারণ নির্বাণনরসিংহ । এই মহামণিবিভূষিত মণিপ্রদীপ নামে নাগ, যাঁহার অর্চনা করিলে, মানব কদাপি নাগকর্তৃক পরিভূত হয় না । এই মহর্ষি কপিল কর্তৃক প্রতিষ্ঠিত কপিলেশ্বর মহাদেব, ইহাকে দর্শন করিলে বানরগণও মুক্তিলাভ করিয়া থাকে, মানবগণের ত কথাই নাই । ১৫৭-১৫৯ । এই প্রিয়ব্রতেশ্বর নামক শিবলিঙ্গ বিরাজ করিতেছেন, যাঁহার অর্চনা করিলে জীবগণ সমস্ত জন্তু-গণের প্রিয় হইয়া থাকে । এই শ্রীমান্ কালরাজের মণিমাণিক্যানির্মিত সুন্দর মন্দির শোভা পাইতেছে, যিনি ক্ষেত্র বিঘ্নকারী পাপাত্মাগণকে শত শত বাতনা



প্রদান করত, পাপভক্ষণরূপে পাপ হইতে স্বীয় ভক্তগণকে রক্ষা করিয়া থাকেন । এই রমণীয় মন্দাকিনী, কাশীক্ষেত্রে তপস্যা করিবার জন্ত আগমন করিয়া, কাশী-বাসের সুখলাভ করত, স্বর্গের অভিলাষ ত্যাগপূর্বক এই স্থানেই অবস্থান করিতে-ছেন, এই মন্দাকিনীতে স্নান করিয়া পিতৃগণের তর্পণ করত, বিধিপূর্বক শ্রাদ্ধ করিলে দুষ্কৃতকারী মানবকেও নরক দর্শন করিতে হয় না । ১৬০-১৬৪ । কাশীতে যে সমস্ত শিবলিঙ্গ আছে, তাঁহাদের সকলের মধ্যে রত্নভূত এই রত্নেশ্বর নামে শিব-লিঙ্গ বিরাজিত রহিয়াছেন, এই রত্নেশ্বরের প্রসাদে কোন্ ভক্তজন বহুতর রত্নভোগ-পূর্বক পুরুষার্থমহারত্ন নির্বাণ লাভ না করিয়াছে ? এই কৃন্তিবাসেশ্বরের বৃহৎ প্রসাদ দৃষ্টিগোচর হইতেছে, মানব দূর হইতে যে প্রাসাদ নিরীক্ষণ করিয়াই কৃন্তি-বাস-পদ লাভ করিয়া থাকে । এই কৃন্তিবাসেশ্বরই সমস্ত শিবলিঙ্গের মস্তকস্থানীয়, ওঙ্কারেশ্বর শিখাস্বরূপ, ত্রিলোচনেশ্বরই লোচনত্রয়, গোকর্ণেশ্বর ও ভারভূতেশ্বরই কর্ণদ্বয়, বিশ্বেশ্বর ও অবিমুক্তেশ্বর এই উভয় দক্ষিণ করদ্বয়, ধর্মেশ্বর ও মণিকর্ণি-কেশ্বর এই উভয় বাম করদ্বয়, কালেশ্বর কপর্দীশ্বর এই উভয় অতি নির্ম্মল চরণদ্বয়, জ্যেষ্ঠেশ্বর নিতম্ব, মধ্যমেশ্বর নাভি, মহাদেব কপর্দ, ত্র্যম্বকেশ্বর শিরোভূষা, চন্দ্রেশ্বর হৃদয়, বীরেশ্বর আত্মা, কেদারেশ্বর লিঙ্গ, এবং শুক্রেশ্বরকে শুক্রস্বরূপে মহাত্মাগণ অবগত হইয়াছেন, এবং অগ্ন্যাগ্নি কোটি কোটি যে সমস্ত শিবলিঙ্গ আছেন, তাঁহারা, নখ, লোম ও শরীরের ভূষণস্বরূপ । এতন্মধ্যে দক্ষিণ হস্তদ্বয় স্বরূপ এই যে বিশ্বেশ্বর ও অবিমুক্তেশ্বর ইহঁরা উভয়ে, মোহসাগরে নিপতিত জন্তুগণকে অভয় প্রদানপূর্বক নিত্য নির্বাণ প্রদান করিয়া থাকেন । এই ভগবতী দুর্গা, এই পিতৃ-লিঙ্গ । ১৬৫-১৭৪ । এই চিত্রঘণ্টেশ্বরী, এই ঘণ্টাকর্ণহৃদ, এই সেই ললিতাগৌরী, এই সেই অদ্ভুত বিশালাক্ষী, এই আশাবিনায়ক, এই অদ্ভুত ধর্ম্যকূপ, যে স্থানে পিণ্ডদান করিলে মানব পিতৃগণকে ব্রহ্মপদ প্রাপ্ত করায় । ১৭৫-১৭৬ । এই বিশ্ব-জননী বিশ্বভূজাদেবী, সর্বদা ত্রৈলোক্যবন্দিতা এই সেই বন্দীদেবী, ইনি শৃঙ্খলাবদ্ধ জনগণকেও পাশ হইতে মুক্ত করিয়া থাকেন । এই ত্রৈলোক্যবন্দিত দশাশ্বমেধ-তীর্থ, যে স্থানে তিনটি মাত্র আহুতি প্রদান করিলেই মানব অগ্নিহোত্র-যজ্ঞের ফল লাভ করিয়া থাকে, এই সর্ববীর্ধোত্তম প্রয়াগস্রোতঃ, এই অশোকাত্ম তীর্থ, এই গঙ্গাকেশব, এই ত্রৈলোক্যমোক্ষদার এবং এই স্বর্গদ্বার । ১৭৭-১৮০ ।

## চতুস্ত্রিংশ অধ্যায় ।

—\*—

জ্ঞানবাণী-প্রশংসা ।

স্কন্দ कहিলেন, হে ঘটোদ্ভব ! সেই তম্বজী, সেই চিত্রপাটে স্বর্গদ্বারের পুরো-  
 ভাগে পুনরায় শ্রীমতী মণিকর্ণিকাকে সন্দর্শন করিলেন । ১ । যে স্থানে ভগবান্  
 শঙ্কর, সংসাররূপ সর্প কর্তৃক সন্দর্ষট জীবগণকে দক্ষিণহস্তদ্বারা দক্ষিণকর্ণ স্পর্শ  
 করত, ব্রহ্মজ্ঞান উপদেশ করিয়া থাকেন । কাপিল বা সাংখ্যযোগ, অথবা বহুতর  
 ত্রৈলোক্য দ্বারা যে গতি লাভ করা যায় না, এই মোক্ষভূমি মণিকর্ণিকা, মানবগণকে  
 অনায়াসে সেই গতি প্রদান করিয়া থাকেন । ২-৩ । বৈকুণ্ঠে, বিষ্ণুভবনে, বিষ্ণু-  
 ভক্তিপরায়ণ ব্যক্তিগণ, মুক্তির জন্ম সর্বদা শ্রীমতী মণিকর্ণিকার ধ্যান করিয়া  
 থাকেন । ব্রাহ্মণশ্রেষ্ঠগণ, বাবজীবন অগ্নিহোত্র-যজ্ঞ করিয়াও অস্তিমকালে মুক্তির  
 জন্ম যাঁহাকে আশ্রয় করিয়া থাকেন ; এই সেই শ্রীমতী মণিকর্ণিকা । ৪-৫ ।  
 ব্রাহ্মণগণ, বেদাধ্যয়নপূর্বক বিধিবৎ ব্রহ্মযজ্ঞে রত হইয়া, মুক্তির জন্ম ভূতলে  
 যাঁহাকে আশ্রয় করেন ; এই সেই শ্রীমতী মণিকর্ণিকা । নৃপতিশ্রেষ্ঠগণও,  
 পর্যাগু দক্ষিণার সহিত বহুতর যজ্ঞের অনুষ্ঠান করিয়া, মুক্তির জন্ম অস্তিমকালে  
 মণিকর্ণিকাকে আশ্রয় করিয়া থাকেন ৬-৭ । সত্তত পতিব্রতপরায়ণ সীমস্তিনীগণও,  
 মুক্তির জন্ম পতির অনুগামিনী হইয়া, অস্তিমকালে মণিকর্ণিকার আশ্রয় গ্রহণ  
 করিয়া থাকেন । বৈশ্যগণও শ্রায়মার্গে অর্থ উপার্জন করত, সেই সমস্ত অর্থ সৎ-  
 পাত্রে অর্পণপূর্বক, অস্তিমকালে মণিকর্ণিকাকে আশ্রয় করিয়া থাকেন । শ্রায়মার্গ-  
 গামী সৎশূদ্রগণও, নির্বাণপ্রাপ্তির জন্ম পুত্র, কলত্র প্রভৃতি পরিত্যাগ করিয়া,  
 মণিকর্ণিকাকে আশ্রয় করিয়া থাকেন । ৮-১০ । যাঁহারা ইন্দ্রিয়সমূহকে জয় করত,  
 বাবজীবন ব্রহ্মচর্য্য-ত্রৈলোক্যের অনুষ্ঠান করেন, তাঁহারাও মুক্তির জন্ম অস্তিমকালে শ্রীমতী  
 মণিকর্ণিকার আশ্রয় গ্রহণ করিয়া থাকেন । পঞ্চযজ্ঞনিরত গৃহস্থশ্রমবাসিগণ, অতিথি-  
 সমূহকে পরিতৃপ্ত করিয়াও অস্তিমকালে এই মণিকর্ণিকাকে পরিত্যাগ করেন না ।  
 ১১-১২ । বিজিতেন্দ্রিয়, বানপ্রস্থশ্রমবাসিগণ, নির্বাণের সাধন অবগত হইয়াও,  
 অস্তিমকালে মণিকর্ণিকার উপাসনা করিয়া থাকেন । বহুতর শাস্ত্রবাক্যে মণিকর্ণিকা  
 ব্যতীত মুক্তির অন্ম কোন সাধন নাই, ইহা অবগত হইয়া মোক্ষাভিলাষী, একদণ্ড-  
 মতাবলম্বিগণ ও মণিকর্ণিকার সেবা করিয়া থাকেন । ১৩-১৪ । ত্রিদণ্ডিগণও সত্তত

মন বাক্য এবং শরীরকে দণ্ডিত করিয়াও মুক্তির লাভের জন্য মণিকর্ণিকাকে আশ্রয় করিয়া থাকেন । একদণ্ডত্ৰতশীলগণ ও সমস্ত কৰ্ম্ম পরিত্যাগপূর্ব্বক মনকে নিগৃহীত করিয়াও মুক্তির জন্য মণিকর্ণিকার শরণ লইয়া থাকেন । ১৫-১৬ । শিখী, মুণ্ডী, জটী, কোপীনধারী বা দিগম্বর, ইহাদের মধ্যে কোন ব্যক্তি মুমুক্শু হইয়া মুক্তিদায়িনী মণিকর্ণিকার সেবা না করিয়া থাকেন । যাহারা তপস্তা করিতে অশক্ত, যাহারা দান করিতে অসমর্থ এবং যাহারা যোগাভ্যাসবিহীন, এই মণিকর্ণিকা তাহাদিগকেও মুক্তি প্রদান করিয়া থাকেন । ১৭-১৮ । হে মুনে ! মুক্তির বহুতর উপায় আছে, কিন্তু মণিকর্ণিকা যেমন অনায়াসে নির্ব্বাণ প্রদান করেন, তদ্রূপ আর কোন উপায়ই অনায়াসে মুক্তি দান করিতে পারে না । যে ব্যক্তি অনশন-ত্ৰতধারী এবং যে ব্যক্তি ত্রিসন্ধ্যাহারী মণিকর্ণিকা, এই উভয়কেই অমৃতকালে সমান মুক্তি প্রদান করিয়া থাকেন । ১৯-২০ । এক জন যথাবিধি পাশুপত-ত্ৰত আচরণ করে এবং একজন কেবল মণিকর্ণিকাকে নিরন্তর অন্তরে স্মরণ করে, মণিকর্ণিকায় দেহ পতন হইলে, এই উভয়েরই সমান গতি হইয়া থাকে ; অতএব সমস্ত সাধন পরিত্যাগ পূর্ব্বক, কেবল মণিকর্ণিকার সেবা করা কর্তব্য । ২১-২২ । মণিকর্ণিকায় অবগাহন করত, যাহারা স্বর্গদ্বারে প্রবেশ করে, বিধূতপাপ সেই সমস্ত ব্যক্তির পক্ষে কখনও স্বর্গ দূরে অবস্থান করে না । স্বর্গদ্বার, স্বর্গভূমি, আর এই মণিকর্ণিকা মোক্ষভূমি, সূতরাং স্বর্গ এবং অপবর্গ, এই স্থান ভিন্ন, উপরে কিম্বা নাচে অবস্থিত নহে । ২৩-২৪ । যাহারা মণিকর্ণিকায় অবগাহন করত, বহুতর দান করিয়া, স্বর্গদ্বারে প্রবেশ করিয়া থাকে, তাহারা কখন নরকে গমন করে না । পণ্ডিতগণ স্বর্গ ও অপবর্গের এইরূপ অর্থ নির্দ্ধারণ করিয়াছে :—স্বর্গস্থ এবং অপবর্গ মহাস্থ । মণিকর্ণিকায় উপবিষ্ট সাধুজনের চিন্তে বাদৃশ স্থ উৎপন্ন হইয়া থাকে, স্বর্গের সিংহাসনে সমাসীন শতক্রতুর তাদৃশ স্থ কোথায় ? সংযতচিত্ত ব্যক্তিগণের সমাধি অবস্থায় যে মহাস্থ লাভ হইয়া থাকে, মণিকর্ণিকায় সেই মহাস্থ সহজেই উৎপন্ন হইয়া থাকে । ২৫-২৬ । স্বর্গদ্বারের পূর্ব্বভাগে এবং সুরতরঙ্গিণীর পশ্চিমভাগে অবস্থিত মণিকর্ণিকা সৌন্দর্য্য এবং ঐশ্বর্য্যের একমাত্র আশ্রয় । সূর্য্যের কিরণস্পর্শে যাবৎ পরিমিত বালুকাকণা ভাসিত হইয়া থাকে, সৃষ্টিকাল হইতে একাল পর্য্যন্ত তাবৎ পরিমিত ত্রক্ষা বিলয় প্রাপ্ত হইয়াছেন, কিন্তু এই মণিকর্ণিকার কিছুই ধ্বংস হয় নাই । ২৭-৩০ । মণিকর্ণিকার চতুর্দিকে এত তীর্থ আছে যে, তথায় তিলমাত্র ভূমিও তীর্থবিহীন নাই । যে বংশের কোন ব্যক্তি, মণিকর্ণিকায় দেহত্যাগ করিয়া মুক্ত হইয়াছেন, সেই বংশে সমুৎপন্ন ব্যক্তিগণ, মণিকর্ণিকার প্রভাবে দেবগণের মা

হইয়া থাকেন। ৩১-৩২। যে ব্যক্তি মণিকর্ণিকায় পিতৃগণকে পরিতৃপ্ত করে, তাহার উদ্ধতন সাত পুরুষ এবং অধস্তন সাত পুরুষ উদ্ধার হইয়া থাকে। গঙ্গার মধ্যস্থল, হরিশ্চন্দ্রমণ্ডপ, গঙ্গাকেশব এবং স্বর্গদ্বারের মধ্যস্থিত সমস্ত স্থানই মণিকর্ণিকা। ৩৩-৩৪। ত্রিভুবনও এই স্থানের ধূলিকণার তুল্য নহে, কারণ ত্রিলোকস্থ সকল ব্যক্তিই এইস্থান পাইবার জন্য যত্ন করিয়া থাকেন। ৩৫। কলাবতী এইরূপে বারম্বার সেই চিত্রপট দর্শন করিতে করিতে বিশেষরূপে দক্ষিণদিকে অবস্থিত জ্ঞানবাণী দেখিতে পাইলেন। ৩৬। দণ্ডনায়ক, সেই জ্ঞানবাণীর জল, দুর্বৃত্তগণ হইতে রক্ষা করিতেছেন এবং সুভ্রম ও বিভ্রম নামক গণদ্বয়, সর্বদা তাহাদিগের গুরুতর ভ্রান্তি উৎপাদন করিয়া দিতেছেন। ৩৭। পুরাণসমূহে মহাদেবের যে অষ্টমূর্ত্তির বিষয় উল্লিখিত আছে, এই জ্ঞানদায়িনী জ্ঞানবাণী সেই অষ্টমূর্ত্তির অশ্রুতম জলময়ী মূর্ত্তি। ৩৮। কলাবতী জ্ঞানবাণীকে দর্শন করিয়া, অতিশয় আনন্দিত হইলেন, সেই আনন্দজাত-রোমাঞ্চে তাঁহার শরীর কণ্টকিত হইল। ৩৯। সেইকালে সাত্বিক ভাবের উদয়ে তাঁহার অঙ্গ সকল কম্পিত হইতে লাগিল, ললাটফলক হইতে বিন্দু বিন্দু স্বেদ নির্গত হইতে লাগিল। এবং তদীয় নেত্রদ্বয় হর্ষসংজাত অশ্রু-নিবহে পরিপূর্ণ হইয়া গেল। ৪০। গাত্রলতিকা স্তম্ভিত হইল, মুখ বিবর্ণতা ধারণ করিল এবং তাঁহার কণ্ঠস্বর জড়িত হইয়া আসিল, তখন তাঁহার হস্ত হইতে চিত্রফলক পড়িয়া গেল। ক্ষণকাল তিনি আত্মবিস্মৃত হইয়া, “তিনি কে এবং কোথায়ই বা আছেন” তাহা জানিতে পারিলেন না। কেবল স্রুশ্রুতি-দশায় পরমাত্মার স্থায় নিশ্চলভাবে অবস্থিত রহিলেন। ৪১-৪২। তাঁহার এবস্তৃত দশা সন্দর্শনে পরিচারিকাগণ ব্যস্তভাবে “কি কি, একি” এই বলিয়া পরস্পর পরস্পরকে জিজ্ঞাসা করিতে লাগিল। পরে সেই সমস্ত চতুরা সখীগণ, তাঁহাকে তাদৃশ অবস্থাস্থিত দর্শন করিয়া, তাঁহার শরীরে সাত্বিকভাবসমূহ নিরীক্ষণ করত, পরস্পর বলিতে লাগিল যে, এই চিত্রপটে ইনি জন্মান্তরের কোন প্রিয়বস্তু দর্শন করত, এই স্মৃতিমূচ্ছা প্রাপ্ত হইয়াছেন, নতুবা এই সুন্দর চিত্রপট দর্শন করিতে করিতে অকস্মাৎ কেন মুচ্ছিত হইয়া পড়িলেন। এইরূপে সখীগণ তাঁহার মোহের কারণ নির্ধারণ করিয়া, অনাকুলভাবে নানাবিধ উপচারের দ্বারা তাঁহার পরিচর্যা করিতে আরম্ভ করিল। ৪৩-৪৭। কেহ কদলীদলের দ্বারা ব্যজন করিতে লাগিল, কেহ পদ্মিনীবলয়ের দ্বারা তাঁহাকে অলঙ্কৃত করিল, কেহ তাঁহার দেহে সুগন্ধি চন্দন লেপন করিল, কেহ অশোকপত্রের দ্বারা তাঁহার শোকাপনয়নের চেষ্টা করিল, কেহ ধারামণ্ডপস্থিত ধারাবন্ত্রনির্গত জলকণার দ্বারা তাঁহার ইন্দ্ৰবিরহম্পিত

তমূলভাকে সিক্ত করিতে লাগিল । ৪৮-৫০ । কেহ জলার্দ্ৰ বস্ত্রের দ্বারা তাঁহার শরীরকে আচ্ছাদিত করিল, কেহ কপূরমিশ্রিত লেপের দ্বারা তাঁহার দেহ লিপ্ত করিতে লাগিল । কেহ তাঁহার জন্ম পদ্মিনীদলসমূহের দ্বারা কোমল শয্যা প্রস্তুত করিয়া দিল । কেহ তাঁহার স্তনমণ্ডল হইতে হীরার আভরণ উন্মোচন করিয়া, তথায় মুক্তার হার বিস্তার করিল । কোন চন্দ্রমুখী, শীতলজলশ্রবণনিবন্ধন অতিশয় শীতল চন্দ্রকান্তশিলাতলে সেই তৃষ্ণীকে স্নান করাইতে লাগিল । পরিচারিকা-গণকে এইরূপে পরিচর্যা করিতে দেখিয়া, বুদ্ধিশরীরিণী নামে বুদ্ধিমতী কোন সখী, অতি দুঃখিতভাবে তাহাদিগকে বলিতে লাগিল যে, ইহঁর তাপশাস্তির জন্ম আমি একটা উৎকৃষ্ট ঔষধ জানি । ৫১-৫৫ । তোমরা সত্বর এই উপচারসমূহ এ স্থান হইতে অপসৃত কর এবং দেখ, আমি এইক্ষণেই ইহঁকে তাপ হইতে মুক্ত করিতেছি । ইনি এই চিত্রপট দর্শন করিয়াই বিহ্বল হইয়া পড়িয়াছেন, এই চিত্রে নিশ্চয়ই ইহঁর কোন প্রিয় স্থান আছে, সুতরাং এই চিত্রপটের দ্বারাই ইহঁর পরিতাপ দূর হইবে । পরিচারিকাগণ বুদ্ধিশরীরিণীর এই বাক্য শ্রবণ করিয়া, কলাবতীর সম্মুখে সেই চিত্রপট লইয়া গিয়া বলিল যে, হে দেবি ! আপনি এই চিত্রপট সন্দর্শন করুন, যাহাতে আপনার আনন্দদায়িনী কোন অতীষ্ট দেবতা অবস্থান করিতেছেন । ৫৬-৫৯ । কলাবতী ইষ্টদেবতার নাম শ্রবণে এবং সম্মুখে চিত্রপট দর্শনে তৎক্ষণাৎ যেন সুধাসিক্ত হইয়া, মুচ্ছাবস্থা হইতে, বর্ষা-জলসেক্রে তাপবিশুদ্ধ ওষধির ন্যায় পুনরায় উথিত হইলেন । অনন্তর তিনি পুনরায় জ্ঞানবাণীকে দর্শন করিতে লাগিলেন, এবং সেই জ্ঞানবাণী চিত্রগতা হইলেও তাঁহাকে স্পর্শ করিয়া, পূর্বজন্মে তাঁহার ষাদৃশ জ্ঞান ছিল, তাদৃশ জ্ঞান লাভ করিলেন এবং মনে মনে জ্ঞানবাণীর অন্তত মাহাত্ম্যের বিষয় বিচার করিয়া বলিলেন যে, কি আশ্চর্য্য ! এই জ্ঞানবাণীর চিত্র স্পর্শ করিয়াও আমি জন্মান্তরের জ্ঞান লাভ করিলাম ! অনন্তর কলাবতী জ্বটাস্তঃকরণে সখীগণকে জ্ঞানবাণীর প্রভাবজনিত স্বীয় পূর্বজন্মের বৃত্তান্ত বলিতে লাগিলেন । ৬০-৬৪ ।

কলাবতী কহিলেন, আমি পূর্বজন্মে ব্রাহ্মণের কন্যা ছিলাম । ৬৫ । কাশীতে বিশ্বেশ্বরের নিকটে জ্ঞানবাণীর তীরে সর্বদা ক্রীড়া করিতাম, আমার পিতার নাম হরিশ্যামী ও জননীর নাম প্রিয়ম্বদা ছিল । ৬৬ । সেই জন্মে আমার নাম সুশীলা ছিল, সেই সময় একদিন নিশীথকালে গৃহাঙ্গন হইতে এক বিত্যাধর আমাকে হরণ করিয়া প্রস্থান করেন, প্রস্থান করিবার সময় মলয়পর্বতের নিকট একজন রাক্ষসের সহিত সেই বিত্যাধরের ঘোরতর যুদ্ধ উপস্থিত হয় । সেই যুদ্ধে উভয়ের নিদারুণ

আঘাতে সেই রাক্ষস ও বিজ্ঞাধর উভয়েরই প্রাণ বহির্গত হইল। আশ্চর্যের বিষয়, রাক্ষস দেহ ত্যাগ করিয়াই এক দিব্য শরীর ধারণ করিল এবং সেই বিজ্ঞাধরতনয়ও পরে মলয়কে হুর ঔরসে জন্মগ্রহণ করিলেন এবং আমিও তৎকালে সেই বিজ্ঞাধর তনয়ের শোকে দেহ পরিত্যাগপূর্বক কর্ণাটদেশাধিপতির কন্যা হইয়া জন্মগ্রহণ করিয়াছি। ৬৭-৬৯। জ্ঞানবাণীর চিত্রদর্শনে ক্ষণকালের মধ্যে এই সকল পূর্বজন্মবৃত্তান্ত আমার স্মৃতিপথে উদ্ভূত হইল। ৭০।

কলাবতীর এবস্থিধ বাক্য শ্রবণ করিয়া, বুদ্ধিশরীরিণী নান্নী সেই সখী এবং অন্যান্য পরিচারিকাবর্গ অতিশয় হর্ষপ্রাপ্ত হইল এবং তাহারা সকলে, সেই পুণ্য-স্বভাবা কলাবতীকে প্রণাম করত বলিতে লাগিল যে, কোন্ পুণ্যের বলে সেই জ্ঞানবাণীর দর্শন লাভ করিতে পারা যায়? অহো! সেই জ্ঞানবাণীর কি প্রভাব! যাহারা মনুষ্যজন্ম লাভ করিয়াও জ্ঞানবাণী দর্শন করে না, তাহাদের জন্মকে ধিক্। হে কলাবতি! আপনাকে নমস্কার, আপনি আমাদের অভিলাষটী পূরণ করুন, হে দেবি! আপনি মহারাজের নিকট প্রার্থনা করিয়া, আমাদের কাশীতে লইয়া চলুন এবং আমাদের জন্ম সকল করুন। ৭১-৭৩। হে দেবি কলাবতি! আমরা সকলেই অশ্রু হইতে এই প্রতিজ্ঞা করিলাম যে, যে কোন প্রকারে কাশীতে জ্ঞানবাণী দর্শন করিয়া, পরজন্মে অনন্ত সুখ উপভোগ করিব। ৭৪। সেই পবিত্র তীর্থের সর্ব্বথাই “জ্ঞানবাণী” এই নামই হওয়া উচিত, কারণ এই জ্ঞানবাণীর চিত্র দর্শনেই আপনার পূর্বজন্মের সকল জ্ঞান উপস্থিত হইয়াছে। ৭৫। কলাবতী, তাঁহাদের বাক্য প্রতিপালনে সম্মত হইলেন। অনন্তর যথাসময়ে পতির নিকট বর্ত্তমানা সেই কলাবতী, অতি সজ্জভাবে স্বীয় পতি রাজার নিকট এই প্রকার বলিতে প্রবৃত্ত হইলেন। ৭৬। কলাবতী কহিলেন, হে জীবিতেশ্বর! এ জগতে সকল বস্তু হইতে আপনিই আমার প্রিয়তম, মহারাজ! আপনাকে পত্নিরূপে লাভ করিয়া আমি সর্ব্বপ্রকার মনোরথ লাভ করিতে পারিয়াছি। ৭৭। আর্ধ্যপুত্র! এক্ষণে আমি বিবেচনা করিয়া দেখিলাম যে, একটা মনোরথ, আমার অত্যাশিও পরিপূর্ণ হয় নাই, হে প্রিয়! সেই বিষয়টী সম্পাদিত হইলে আপনারও মহৎ হিত হইবে, তাহার সন্দেহ নাই। ৭৮। হে জীবিতেশ! অধীনতানিবন্ধন লোকের সকল অভিপ্রায়ই অনায়াসে লাভ হইয়া থাকে, অভ্যস্ত কিম্বা আপনার সকল প্রকার মনোরথই সিদ্ধপ্রায় রহিয়াছে, কারণ আপনি কাহারও অধীন নহেন। ৭৯। হে প্রাণেশ্বর! বহুতর বাক্যে কি কল হইবে, আমার প্রাণে যদি আপনার প্রয়োজন থাকে, তাহা হইলে আপনাকে সর্গীর এই

অভিলাষটী পূরণ করিতে হইবে, যদি আমার এই অভিলাষটী পূরণ না করেন, তাহা হইলে নিশ্চয়ই আমি প্রাণ পরিত্যাগ করিব। ৮০ ।

প্রাণাপেক্ষা গরীয়সী কলাবতীর এবস্থিধ বাক্য শ্রবণ করিয়া রাজা, আপনার ও তাহার হিতকর বাক্য বলিতে প্রবৃত্ত হইলেন। ৮১ । রাজা কহিলেন, হে ভামিনি ! হে প্রিয়ে ! এ জগতে আমি এমন কিছুই দেখি না ; যাহা তোমাকে অদেয়। তুমি স্বকীয় শীল ও কলাদিগুণে আমার প্রাণ পর্যাস্ত ও ক্রয় করিয়া রাখিয়াছ। ৮২ । হে কলাবতি ! তোমার কি অভিলাষ হইয়াছে, তাহা বল, ইহা নিশ্চয়ই জান যে, তোমার অভিলাষ পূর্ণই হইয়াছে। তোমার শ্রায় সাধ্বী-গণের এ জগতে কিছুই অপ্রাপ্য নাই। ৮৩ । তোমার আমার সম্বন্ধে পরস্পরের মধ্যে প্রার্থনার পাত্রই বা কে ? কোন পদার্থই বা প্রার্থনীয় এবং কেই বা প্রার্থনা করিতে পারে ? তোমার এবং আমার ব্যবহার অশ্রান্ত সাধারণ লোকের সদৃশ ত নহে। ৮৪ । হে ভামিনি ! আমার রাজ্য, কোষ, বল, দুর্গ ও অন্যান্য যাহা কিছু আছে, তাহা সকলই তোমার ; বাস্তবিক সে সকল তোমারই, আমার কেবল নামে প্রভুতা আছে। ৮৫ । হে জীবিতেশ্বর ! সেই প্রভুতা তোমায় ছাড়া আর অন্যত্রই কলিত হয়। আমি বাস্তবিক তোমার প্রভু নহি, কারণ মদীয় জীবনই তোমার অধীন। হে মানিনি ! তোমার বাক্যে আমি রাজ্যকেও ত্বণের ন্যায় পরিত্যাগ করিতে প্রস্তুত আছি। ৮৬ । রাজা মালাকেতুর এবস্থিধ প্রিয়বাক্য শ্রবণ করিয়া, সেই কলাবতী মৃদুমনোহর গম্ভীরভাবে পুনর্ব্বার পতিকে বলিতে লাগিলেন। ৮৭ । কলাবতী কহিলেন, হে নাথ ! পূর্বকালে প্রজাপতি ব্রহ্মা, নানাবিধ প্রজা সৃষ্টিপূর্বক তাহাদের মঙ্গলকামনায় পুরুষার্থ চতুষ্টয় ( ধর্ম্ম, অর্থ, কাম ও মোক্ষ ) সৃজন করেন। ৮৮ । সেই পুরুষার্থহীন মনুষ্যজন্ম জলবুদ্বুদের ন্যায় বৃথা বলিয়াই জানা উচিত, এই কারণে এই পুরুষার্থচতুষ্টয়ের মধ্যে অন্ততঃ কোন একটীও ইহ এবং পরকালে সুখের নিমিত্ত মনুষ্যের সাধন করা উচিত। ৮৯ । যেখানে স্বামী ও স্ত্রীর পরস্পর আনুকূল্য থাকে, সেইখানে ধর্ম্ম, অর্থ ও কাম বৃদ্ধি পাইয়া থাকে ; পুরাবিদগণ, এই প্রকার যাহা কীর্ত্তন করিয়াছেন, তাহা সর্ব্বথা মান্য। ৯০ । হে নাথ ! এই গৃহে আমার শ্রায় আপনার শত দাসী বিভ্রমান রহিয়াছে, কিন্তু আমার ভাগ্যবলে, আমার প্রতিই আপনার প্রেম দৃষ্ট হইয়া থাকে। ৯১ । যে স্ত্রী আপনার গৃহে দাস্তবৃত্তি করে, তাহারও ভোগ অতুলনীয়। যে স্ত্রী আপনার স্পৃহনীয়-অঙ্কে অবস্থান করিতে পারে, তাহার ভোগবিষয়ে আর কি অধিক বলা বাইতে পারে। তাহার উপর আমি আমার অনন্ত সম্পত্তি লাভ

করিয়াছি এবং আপনি আমার অধীনতাকে ক্লেশকর বিবেচনা করেন না ; ভাবিয়া দেখুন, এ জগতে আমি হইতে কোন জ্ঞী সুখিনী ? ৯২। পশুতগণ বাগাদি-ক্রিয়া করিবার জন্ত অর্থ সংগ্রহ করিয়া থাকেন। তাঁহারা তপস্তার জন্ত বিঘ্নহীন জীবন ও সম্ভান লাভের জন্ত জ্ঞী পরিগ্রহ করেন। ৯৩। বিশেষত্বের অনুগ্রহে আপনার এ একল পদার্থই বিদ্যমান রহিয়াছে, এক্ষণে আমার অভিলাষটী বস্ত্রপি সত্যই আপনি পূরণ করেন, তাহা হইলে আমি এইক্ষণে তাহা বলিতেছি। ৯৪। হে প্রিয় ! আমাকে সত্ত্বর বিশেষত্বপূরী বারাণসীতে প্রেরণ করুন, আমার প্রাণ পূর্ব হইতেই সেই স্থানে গমন করিয়াছে, এক্ষণে শরীরমাত্রই অবশিষ্ট রহিয়াছে। ৯৫।

মাল্যকেতু, কলাবতীর এই প্রকার পরিস্ফুট বাক্য শ্রবণ করিয়া, ক্ষণকাল হৃদয়ে বিচার পূর্বক তাঁহাকে এই কথা বলিতে প্রবৃত্ত হইলেন।

মাল্যকেতু কহিলেন, অগ্নি প্রিয়ে কলাবতি ! যদি একান্তই তুমি বারাণসীতে গমন করিতে কৃতসঙ্কল্পা হইয়াছ, তাহা হইলে তোমার বিহনে এই চঞ্চল রাজ্যলক্ষ্মী লইয়া আমার কি ফল হইবে ? ৯৬-৯৭। হে প্রিয়ে ! পশুতগণ রাজ্যকে রাজ্য বলিয়াই কীর্তন করেন না। তাঁহারা প্রিয়তমা সহধর্মিনীকেই রাজ্যলক্ষ্মী বলিয়া থাকেন। এই সপ্তাঙ্গসম্পন্ন রাজ্য, তোমার বিরহে তৃণবৎ প্রতীয়মান হইবে। ৯৮। আমি রাজ্য শত্রুহীন করিয়াছি। নিরন্তর নানাবিধ ভোগ উপভোগ করিয়া, আমার ইন্দ্রিয় নিবহ ও কৃতার্থ হইয়াছে, হে প্রিয়ে ! স্বৈর্য্য ও বশেষ্ট পরিমাণে শিক্ষিত হইয়াছে। ৯৯। আমার অনেক সম্ভান ও জন্মিয়াছে, এক্ষণে আমার আর এ রাজ্যে কি কর্তব্য আছে ? অতএব, আমরা দুই জনেই অবশ্য সেই বারাণসী পুরাণ্ডে গমন করিব। ১০০।

কৃতনিশ্চয় মাল্যকেতু, এই প্রকারে প্রিয়তমা কলাবতীকে প্রবোধ দান পূর্বক, দৈবজ্ঞগণকে আহ্বান করত উত্তম দিন নির্ণয় করিয়া, প্রকৃত বর্গকে বহুবিধ সন্মান করত পুত্রের প্রতি রাজ্যভার অর্পণ পূর্বক তাহার নিকট হইতে কিঞ্চিৎ রত্নাদি গ্রহণ করিয়া, রাজ্য হইতে কাশী অভিমুখে দ্বীর সহিত প্রস্থান করিলেন। ১০১-১০২। অনন্তর যথা সময়ে সত্রীক নরেশ্বর, কাশীতে উপস্থিত হইয়া সেই বিশেষত্বপূরী বিলোকন করত, পুলকাক্ষিত শরীর হইলেন এবং স্বকীয় আত্মাকে ভবানুধির পারগত বলিয়া বিবেচনা করিতে লাগিলেন। ১০৩। পূর্ব জন্মের সংস্কার প্রভাবে রাজ্য কলাবতী অন্তের সাহায্য ব্যতিরেকেই, নিকটবর্তী গ্রাম হইতে সমাগত ব্যক্তির দ্বায় বিনা আয়োগেই সকল অবগত হইয়া ইচ্ছানুরূপ বিচরণ



করিতে সমর্থ হইলেন । ১০৪-১০৫ । রাজ্ঞী কলাবতী ভর্তার সহিত মণিকর্ণিকায় স্নান করিয়া, বহুতর ধন প্রদান পূর্বক নানাবিধ রত্ন সমূহের দ্বারা বিশ্বেশ্বরের অর্চনা করিলেন । অনন্তর তাহারা সেই স্থলে নানাবিধ রত্ন, গজ, অশ্ব, গাভী, বিচিত্র বস্ত্র, নানাপ্রকার পূজার দ্রব্য, সুবর্ণ ও রৌপ্যময় কলস প্রভৃতি বহুতর সৎ ধন সমূহ প্রদান করিলেন । তদনন্তর রাজা, বিশ্বেশ্বর লিঙ্গের সায়ংকালীন পূজা সমাপন পূর্বক নৃত্যগীত ও বাজ্য প্রভৃতির দ্বারা রাত্রি জাগরণ করিলেন । তৎপরে রজনী প্রভাত হইলে, উত্থান পূর্বক শৌচাদি ক্রিয়া সমাপন করিয়া, রাজ্ঞী কলাবতী কর্তৃক প্রদর্শিত মার্গ অবলম্বন পূর্বক রাজা, জ্ঞানবাগীতে উপস্থিত হইলেন । অনন্তর রাজা, মহিষী কলাবতীর সহিত সেই স্থানে অতি ক্রীড়াকরণে স্নান করিলেন এবং শ্রদ্ধা সহকারে পূর্বপুরুষগণের তর্পণ ও পিণ্ড প্রদান করিলেন । ১০৬-১১১ । তদনন্তর রাজা, সংপাত্রগণকে অনেক সুবর্ণ ও রৌপ্যাদি প্রদান করত দীন, অনাথ, অন্ধ ও কৃপণগণকে বহুতর রত্ন প্রদানে পরিতুষ্ট করিয়া, তৎপরে পারণ করিলেন । রাজ্ঞী কলাবতী, নানাবিধ মহার্নব রত্নের দ্বারা জ্ঞানবাগীর সোপান পরম্পরা নিৰ্ম্মাণ করাইয়া দিলেন । তদনন্তর প্রথমে একদিন অন্তর আহার, তৎপরে তিনদিন উপবাসান্তে একদিন আহার, তৎপরে ক্রমে ক্রমে ছয়দিন উপবাসান্তে একদিন আহার, পরে সাত দিন অন্তর, তৎপরে একপক্ষ অন্তর ও তদন্তে একমাস অন্তর একদিন আহার করত, নানাবিধ ভ্রত, কৃচ্ছ্রচান্দ্রায়ণ প্রভৃতি ভ্রত ও পতিশুশ্রূষা দ্বারা, অনেক কালকে ক্ষণবৎ অতিবাহিত করিলেন । এই প্রকারে সেই পুণ্যবতী কলাবতী, স্বীয় পতির সহিত জীবনের শেষকাল পর্য্যন্ত নানাবিধ সৎকর্মে অতিবাহিত করিলেন । ১১২-১১৬ ।

অনন্তর একদিবস তাঁহারা দুইজনে প্রাতঃকালে জ্ঞানবাগীতে স্নান করত, উপবেশন করিয়া আছেন এমন সময়ে একজন জটধারী আগমন করিয়া, তাঁহাদের হস্তে একটু বিভূতি অর্পণ করিলেন । ১১৭ । অনন্তর সেই প্রসন্নবদন জটধারী, তাঁহাদিগকে আশীর্ব্বাদ বাক্য সমূহের দ্বারা অভিনন্দ পূর্বক বলিতে লাগিলেন যে, তোমরা গাত্রোত্থান কর, এবং অস্ত্র তোমরা উত্তমরূপে বেশভূষা কর । এই স্থানে এই ক্ষণেই তোমাদের তারকোদয় ( ব্রহ্মসাক্ষাৎকার, মুক্তি ) লাভ হইবে । সেই জটধারী তাঁহাদের সম্মুখে যেমন এই কথা বলিলেন, সেই সময়েই সকল লোকগণের সম্মুখেই শঙ্কায়মান কিঙ্কণীজাল মণ্ডিত এক বিমান উপস্থিত হইল এবং সেই বিমান হইতে সাক্ষাৎ চন্দ্রশেখর অবতীর্ণ হইয়া, তাঁহাদের কর্ণমূলে কি এক অমরীকচনীঃরঃ উপদেশ করিলেন, তৎক্ষণাৎ তাঁহারা সেই অমরীকচনীঃরঃ

অপরিমেয়, জ্যোতিঃস্বরূপে লীন হইয়া গেলেন । ভগবান্ চন্দ্রশেখরও নভোমার্গ অবলম্বন পূর্বক স্বীয় ধামে প্রত্যাগমন করিলেন ।

স্কন্দ কহিলেন, হে মুনে কুন্তযোনে ! সেই দিন হইতেই এই জ্ঞানবাপী সর্ব প্রকার তীর্থ হইতে বৈলক্ষণ্য লাভ করিয়াছে । হে মুনে ! এ জগতে ষত তীর্থ আছে, সর্ব প্রকার তীর্থাপেক্ষা এই জ্ঞানবাপী প্রত্যক্ষ জ্ঞানপ্রদা । এই জ্ঞানবাপী সর্বজ্ঞানময়ী ও সর্বলিঙ্গময়ী এবং সর্বশুভ প্রদায়িনী । এই জ্ঞানদায়িনী জ্ঞানবাপী সাক্ষাৎ শিবময়ী মূর্ত্তি, এ জগতে সত্ত্বঃপবিত্রতাকারী অনেক তীর্থগণ বর্ত্তমান আছে বটে, পরন্তু তাহার মধ্যে কোনটিই জ্ঞানবাপীর ষোড়শ ভাগের এক ভাগ স্বরূপও নহে । যে ব্যক্তি সমাহিত-চিত্তে এই জ্ঞানবাপীর সমুৎপত্তি বৃত্তান্ত শ্রবণ করিবে, তাহার মৃত্যুকালেও জ্ঞানভ্রংশ হয় না । এই মহাখ্যান পরম পবিত্র ও মহাপাতক-নাশন, এবং এই আখ্যানটি মহাদেব ও পার্বতীর পরম আনন্দবর্দ্ধন । যে ব্যক্তি জ্ঞানবাপীর এই পবিত্র ইতিহাসটী শ্রদ্ধাসহকারে পাঠ করে বা পাঠ করায়, সে ব্যক্তি স্বর্গেও সম্মান লাভ করিতে সমর্থ হয় । ১১৮—১২৭ ।

## পঞ্চত্রিংশ অধ্যায় ।

—:~:—

সদাচার কথন ।

অগস্ত্য কহিলেন, হে স্কন্দ ! অবিমুক্ত ক্ষেত্রই নির্বাণের কারণ এবং উহাই পুণ্যক্ষেত্র নিচয়ের মধ্যে শ্রেষ্ঠ ক্ষেত্র, মঙ্গল সমূহের মধ্যে পরম মঙ্গল, আশান সমূহের মধ্যে পরম আশান, পাঠ সমূহের মধ্যে পরম উষর, ধর্ম্মাভিলাষি ব্যক্তিগণের পরম ধর্ম্মকর, অর্থার্থিগণের পরমার্থ-প্রকাশক, কামীজনের কাম-জনন এবং মুমুকু ব্যক্তিগণের মোক্ষপ্রদ । যে যে স্থানে এই অবিমুক্তের নাম শ্রবণ করা যায়, সেই সেই স্থানেই ইহা পরম অমৃতরূপে বর্ণিত হইয়াছে । ১-৪ । হে গৌরীহৃদয়নন্দন ! এই ক্ষেত্রের একদেশবর্ত্তিনী জ্ঞানবাপীর এই উৎকৃষ্ট আখ্যান শ্রবণ করিয়া, আমার বোধ হইতেছে যে, কাশীক্ষেত্র বিকাশিনী অনুরূপা ভূমিও অতি মহৎ এবং সিদ্ধি বিধায়িনী, ইহার কোন স্থলই ব্যর্থ নাই । ৫-৬ । অশ্বিল ভূমণ্ডলে কতই তীর্থ আছে, কিন্তু তুলনায়, কাশীক্ষেত্রের রত্নোমাত্রেরও সমতা সেই সমস্তে কোথায় ?

এই জগতে কতই নদী প্রবাহিত হইতেছে, কিন্তু তাহাদের কাহাতেও, কাশীতে অবস্থিত উত্তরবাহিনী গঙ্গার সমতা দেখা যায় না । ৭-৮ । হে ষড়ানন ! পৃথিবীতে কতই মোক্ষক্ষেত্র আছে, কিন্তু আমি বোধকরি, সে সমস্ত কাশীর কোটি অংশের একাংশও নহে । যে স্থানে গঙ্গা, বিশ্বেশ্বর এবং কাশী অবস্থান করিতেছেন, সেই স্থানে জীবগণ অনায়াসে মুক্তি লাভ করিবে, তাহার আর আশ্চর্য্য কি ? । ৯-১০ । মানবগণ, বিশেষতঃ কলিকালে চঞ্চলেন্দ্রিয় মানবগণ, কি প্রকারে, এই ত্রয়ীকে লাভ করিতে পারে ? কারণ কলিকালে মানবগণের তাদৃশ তপস্শা, যোগ, ব্রত বা দান কোথায় ? সুতরাং তাহাদের কি প্রকারে মুক্তি হইবে ? । ১১-১২ । হে ষড়ানন ! আপনি বলিলেন যে, কাশীতে তপস্শা, যোগ, ব্রত বা দান ব্যতিরেকেও মুক্তি হইয়া থাকে । কি কি আচার অনুষ্ঠান করিলে কাশী প্রাপ্ত হওয়া যায়, তাহা বলুন । আমার বোধ হয়, সদাচার ব্যতিরেকে কখন মনোরথ সিদ্ধ হয় না ; কারণ, আচারই পরম ধর্ম্ম এবং আচারই পরম তপঃ, আচার হইতেই আয়ুবুদ্ধি হইয়া থাকে এবং আচারেতেই পাপক্ষয় হয় । ১৩-১৫ । অতএব হে ষড়ানন ! দেবদেব মহাদেব আচার সম্বন্ধে আপনার সম্মুখে যেরূপ বলিয়াছিলেন, আপনি তদনুরূপ আচারই প্রথমতঃ কীর্তন করুন । ১৬ ।

স্বপ্ন কহিলেন, হে মিত্রাবরুণনন্দন ! আমি সাধুগণের 'সেই হিতকর সদাচার কীর্তন করিতেছি, মানব প্রত্যহ যাহা আচরণ করিলে সমস্ত কামনা লাভ করিতে পারে । স্বাবর হইতে কৃমিগণ অধিক ধার্ম্মিক, কৃমি হইতে জলজ জীবগণ, জলজ জীব হইতে পক্ষিগণ, পক্ষী হইতে পশুগণ, পশু হইতে মানবগণ এবং মানব হইতে দেবগণ অধিক ধার্ম্মিক । ১৭-১৮ । ইহাদের মধ্যে প্রথম নির্দিষ্ট হইতে উত্তরোত্তর নির্দিষ্টগণ সহস্র অংশে ভাগ্যশালী । যে পর্য্যন্ত মুক্তি না হয়, সে পর্য্যন্ত ইহারা সকলেই সংসারে একই ভাবে যাতায়াত করিয়া থাকে । চতুর্বিধ ভূতগণের মধ্যে, প্রাণীগণই শ্রেষ্ঠ । হে মুনী ! প্রাণীগণের মধ্যেও যাহারা বুদ্ধিজীবী, তাহারাশ্রেষ্ঠ । বুদ্ধিজীবী প্রাণীগণের মধ্যে মানবগণই শ্রেষ্ঠ, সেই মানবগণের মধ্যে আবার জ্ঞানগণই শ্রেষ্ঠ । জ্ঞানগণের মধ্যে যাহারা বিদ্বান্, তাঁহারাশ্রেষ্ঠ । সেই বিদ্বান্গণের মধ্যে আবার যাহারা কৃতধী (যাঁহাদের বুদ্ধি নিশ্চয়াজ্ঞিকা) তাঁহারাশ্রেষ্ঠ । ১৯-২১ । কৃতধীগণের মধ্যে আবার যাহারা ক্রিয়ার অনুষ্ঠাতা, তাঁহারাশ্রেষ্ঠ এবং অনুষ্ঠাতৃগণ মধ্যে যাহারা ব্রহ্মতৎপর, তাঁহারাশ্রেষ্ঠ । ত্রিভুবন মধ্যে তাঁহাদের কেহ অর্চনীয় নাই । ২২ । তাঁহাদের মধ্যে তপ এবং বিদ্যার অবিশেষ নিবন্ধন, তাঁহারাশ্রেষ্ঠ পরম্পর পরম্পরের অর্চক, যে হেতুক, জ্ঞান সর্ব-

ভূতেশ্বররূপে ব্রাহ্মণকে সৃষ্টি করিয়াছেন, তন্নিবন্ধন ব্রাহ্মণই জগৎস্থিত সমস্ত পদার্থের অধিকারী। যে ব্যক্তি সদাচারী সেই ব্যক্তি ভিন্ন, আচার হীন ব্যক্তি কখন সমস্তের অধিকারী হইতে পারে না। সুতরাং ব্রাহ্মণের সর্বদা সদাচারী হওয়া উচিত। ২৩-২৪। হে মনে! পণ্ডিতগণ বিদ্যেয ও আসক্তি রহিত ভাবে যাগর অনুষ্ঠান করেন, সেই সদাচারকে ধর্মমূল বলিয়া, বিদ্বজন সমূহ স্বীকার করিয়া থাকেন। ২৫। ঐহারা লক্ষণ সমূহে পরিতাক্ত হইয়া, অসুয়ারহিত চিন্তে ব্রাহ্মা সহকারে সদাচার নিরত থাকেন, তাঁহারা শতবর্ষব্যাপি পরমাযুঃ লাভ করিতে সমর্থ হন। ২৬। শ্রুতি ও স্মৃতি সমূহে পরিকীর্ণিত স্ব স্ব অবশ্য কর্তব্য কর্ম সমূহে, নিরালস্য ভাবে ধর্মমূল সদাচারকে সর্বদাই সেবন করা কর্তব্য। ২৭। যে পুরুষ অসদাচারনিরত, সেই ব্যক্তি লোকে নিন্দাভাজন হয়, সর্বদা রোগ নিবহে জ্বালাতন থাকে। এবং সে অজ্ঞাযুঃ লাভ করে। ২৮। পরাধীন কর্মকে সর্বদা পরিত্যাগ করিবে এবং সর্বদাই স্বাধীন কর্মের অনুষ্ঠান করিবে, কারণ পরের অধীনতা বড়ই ক্লেশপ্রদ, স্বাধীন ব্যক্তি সর্বদাই সুখভোগ করিতে পারে। ২৯। যে কর্মের অনুষ্ঠান করিলে অন্তরাগ্না প্রসন্ন হয়, সেই কর্মই অনুষ্ঠেয়, ইহার বিপরীত কর্ম কখনই করিবে না। ৩০।

যম ও নিয়ম, এই দুইটি পদার্থ ধর্মের সর্বস্বস্বরূপ, এই কারণে ধর্মোচ্চ ব্যক্তির সর্বদাই যম ও নিয়ম সমূহে যত্ন করা কর্তব্য। ৩১। সত্য, ক্ষমা, সরলতা, ধ্যান ও অনুশংসতা, অহিংসা, দম, প্রসন্নতা, মাধুর্য ও যুততা এই দশটি পদার্থকে যম কহা যায়। ৩২। শৌচ, স্নান, তপস্বা, দান, মৌন, যজ্ঞ, অধ্যয়ন, ব্রত, উপবাস ও কামেন্দ্রিয় নিগ্রহ, এই দশবিধ নিয়ম। ৩৩। যিনি কাম, ক্রোধ, মদ, মাৎসর্য ও লোভ এই ছয়টি শত্রুকে জয় করিতে সমর্থ, তিনিই সর্বত্র বিজয়ী। ৩৪। যে প্রকার বন্দীকশূজ ক্রমে ক্রমেই সঞ্চিত হয়, তদ্রূপ ক্রমে ক্রমে ধর্ম সঞ্চয় করা কর্তব্য। পরের পীড়া না করিয়া, এই প্রকারে পরকালের একমাত্র সহায় ধর্মকে সঞ্চয় করিবে। ৩৫। এ সংসারে জীবগণের ধর্মই একমাত্র সহায় হয়। করী, ভুরগ, সেনা, পিতা, মাতা, ভ্রাতা, পুত্র, স্ত্রী ও বন্ধু প্রভৃতি কেহই বাস্তবিক সহায়তা করিতে পারেন না। ৩৬। প্রাণী একাকী জন্মগ্রহণ করে এবং অন্তে একাই মৃত্যুমুখে পতিত হয়। জীব, নিজকৃত শুভকর্ম বা অশুভ কর্মের ফল, একাকী ভোগ করিয়া থাকে, অপরে শত চেষ্ঠাতেও তাহার সাহায্য করিতে পারে না। ৩৭। দেহ, জীবশৃঙ্গ হইলে বান্ধবগণ সেই মৃতদেহ পৃথিবীতে অকিঞ্চন কাষ্ঠখণ্ড বা লোষ্ট্রের দ্বার পরিত্যাগপূর্বক বিমুখভাবে প্রস্থান করে, কিন্তু একমাত্র

ধর্ম্মই সেই মৃত ব্যক্তির অনুগমন করিয়া থাকে । ৩৮ । কৃতী মমুষ্যই ইহকাল এবং পরকালে একমাত্র সহায় ধর্ম্মকে, সঞ্চয় করিয়া থাকেন । জীবগণ ধর্ম্মরূপ মিত্রকে লাভ করিয়া দুস্তর অজ্ঞান-সমুদ্র পার হইতে পারেন । ৩৯ । সুধীজন, সর্বদা উত্তমোত্তম পুরুষগণের সহিত ঘনিষ্ঠতা করিবে, এবং অধম পুরুষগণের সম্পর্ক পরিত্যাগপূর্বক, স্বীয় কুলকে পবিত্র করিবে । ৪০ । ব্রাহ্মণ, যদি উত্তম পুরুষগণের সহিত ঘনিষ্ঠতা করেন ও অধমগণকে পরিত্যাগ করেন, তাহা হইলে তিনি শ্রেষ্ঠত্ব লাভ করিতে পারেন ; অন্যথাচরণ করিলে তিনি ক্রমে শূদ্রত্ব লাভ করিয়া থাকেন । ৪১ ।

অধ্যয়নবিবর্জিত, সদাচারপরাঙ্কুশ, অলস ও অনবধানপর ব্রাহ্মণকেই মৃত্যু, আয়ত্ত করিতে সমর্থ হয় । ৪২ । এই সকল কারণে ব্রাহ্মণ, সর্বদাই সদাচারের সেবা করিবে । তীর্থগণও সর্বদা সদাচারপরায়ণ ব্যক্তিগণের সমাগম প্রার্থনা করিয়া থাকেন । ৪৩ । রজনীর অস্ত্রে প্রায় দুই দণ্ডকে ব্রাহ্মমূর্ত্ত বলা যায় । প্রাজ্ঞগণ, সর্বকালেই সেই ব্রাহ্মমূর্ত্তে শয্যা ত্যাগ করিয়া, আপনার মঙ্গল চিন্তা করিবেন । ৪৪ । শয্যা পরিত্যাগ করিয়া প্রথমেই গণপতির স্মরণপূর্বক তৎপরে অশ্বিকার সহিত মহাদেবের স্মরণ করিবেন, তদনন্তর ক্রমে লক্ষ্মীর সহিত নারায়ণ ও ব্রহ্মাণীর সহিত ব্রহ্মাকে স্মরণ করিবে । ৪৫ । তদন্তে ইন্দ্রাদি সকল দেবগণ, বসিষ্ঠাদি মুনিগণ, গঙ্গা আদি নদীগণ, ত্রীপর্বতাদি অখিল পর্বতগণ, ক্ষীরোদাদি সমুদ্রগণ, মানসাদি সরোবরসমূহ, নন্দনাদি বননিকর, কামধেনু প্রভৃতি ধেনুগণ, কল্পক্রম প্রভৃতি বৃক্ষগণ, স্তবর্ণপ্রমুখ ধাতুগণ, উর্ব্বশী প্রভৃতি দিব্যস্ত্রীগণ, গরুড়াদি পক্ষীগণ, অনন্তপ্রমুখ নাগগণ, ঐরাবত প্রভৃতি গজসমূহ, উচৈঃশ্রবা আদি অশ্বনিকর, কোস্তভ প্রভৃতি শুভকর মণিনিবহ, অরুন্ধতীপ্রমুখ পতিত্ৰতাবধূগণ, নৈমিষাদি অরণ্যানিবহ এবং কাশীপুরীপ্রমুখ পুরীগণকে যথাক্রমে স্মরণ করিবে । ৪৬-৫০ । তদন্তে বিশ্বেশ্বর প্রভৃতি লিঙ্গসমূহ, ঋক্ প্রভৃতি বেদচতুষ্টয়, গায়ত্রী-প্রমুখ মন্ত্রনিচয়, সনকাদি যোগিগণ, প্রণবাদি মহাবীজ, নারদাদি বৈষ্ণবসমূহ, বাণ প্রভৃতি শিবভক্তগণ, প্রহ্লাদ প্রভৃতি ভক্তগণ, দধীচি প্রভৃতি মুনিগণ, হরিশ্চন্দ্র প্রভৃতি নৃপতিগণকে স্মরণ করত, সর্ববর্তীর্থোত্তম জননীরচরণপঙ্কজ ধ্যান করিয়া প্রসন্ন-চিত্তে পিতা এবং গুরুকে অন্তরে চিন্তা করিবে । তদনন্তর মলত্যাগ করিবার জগ, গ্রাম হইতে শত ধনুঃ পরিমিত দূরে এবং নগর হইতে তাহার চারিগুণ দূরে নৈশ্চার্ত দিকে গমন করিবে । তথায় তৃণরাশির দ্বারা ভূমি আচ্ছাদন এবং বস্ত্রের দ্বারা মস্তক আবৃত করিয়া, কর্ণে যজ্ঞোপবীত বন্ধ করত, সৌন হইয়া,

দিবসে এবং সন্ধ্যাষয়ে উত্তর মুখ এবং রাত্রিকালে দক্ষিণ মুখ হইয়া, মলমূত্র  
বিসর্জ্ঞন করিবে। ৫১-৫৬। দণ্ডায়মান হইয়া মলমূত্র পরিত্যাগ করিবে না।  
বিপ্রা, গো, বহ্নি ও অনিলের সম্মুখীন হইয়া এবং জলে, ফালকৃষ্ণ ভূমিতে, পথে  
ও সেবাভূমিতে মলমূত্র বিসর্জ্ঞন করিবে না। ৫৭। মল পরিত্যাগ করিয়া তাহা  
দর্শন করিবে না এবং সেই সময় জ্যোতিষ্চক্র ও নিম্নল নভোমণ্ডল দর্শন করিবে  
না। অনন্তর বাম হস্তে শিখা ধারণ করত, সেই স্থান হইতে সাবধানে উত্থান  
করিবে। অনন্তর কীট ও কর্কর রহিত মৃত্তিকা গ্রহণ করিয়া, জলের দ্বারা সেই  
মৃত্তিকা, গুহে একবার, পায়ুতে পাঁচবার, বামকরে দশবার, হস্তদ্বয়ে সাত বার,  
উভয় পদে এক এক বার এবং পাণিষয়ে পুনরায় তিন বার লেপন করিয়া, জলের  
দ্বারা ধোত করিবে। গৃহী মলগন্ধ ও মৃত্তিকালেপক্ষয় পর্য্যন্ত এই ভাবে শৌচক্রিয়া  
করিবে। মৃত্তিকা গ্রহণ কালে কদাপি মুষিক বা নকুল কর্তৃক উৎখাত এবং পরের  
শৌচোচ্ছিষ্ট মৃত্তিকা গ্রহণ করিবে না। ৫৮-৬১। ব্রহ্মচারী, গৃহীর দ্বিগুণ  
শৌচক্রিয়া করিবে এবং বানপ্রস্থাত্রমী, ব্রহ্মচারীর দ্বিগুণ ও সন্ন্যাসী ব্যক্তি,  
বানপ্রস্থাত্রমীর দ্বিগুণ শৌচক্রিয়া করিবে। এই প্রকার শৌচক্রিয়া দিবসের জন্ত  
বিহিত হইয়াছে। রাত্রিতে ইহার অর্ধেক করিবে, পীড়িতাবস্থায় ইহার অর্ধেক  
করিবে, চৌরাদিভীতিসঙ্কুলপথে তাহারও অর্ধেক শৌচক্রিয়া করিবে, যোষিদ্গণের  
সেই শৌচক্রিয়ার অর্ধেক বিহিত হইয়াছে। মানব যখন স্নান শরীরে থাকিবে  
তখন যেন যথোক্ত শৌচের ন্যূনতা না করে। ৬২-৬৩। যে ব্যক্তির চিত্তের ভাব  
দূষিত, সে ব্যক্তি সমস্ত নদীর জল, মৃত্তিকা রাশি ও গোময়সমূহের দ্বারা সর্বদাঙ্গ  
শৌচ করিলেও শুদ্ধ হইতে পারে না। শৌচ কর্ম্মে আমলকীফল পরিমাণে  
মৃত্তিকা গ্রহণ করিতে হইবে। সমস্ত আছতির এবং চান্দ্রায়ণত্রিতে গ্রাসের  
পরিমাণও এই প্রকার। ৬৪-৬৫। অনন্তর তুষ, অঙ্গার, অশ্বি ও ভস্মরহিত  
পবিত্র ভূমিভাগে, পূর্বাস্থ কিম্বা উত্তরাস্থ হইয়া, উত্তম রূপে উপবেশন করত  
ব্রাহ্মণ, ব্রাহ্মণীর্থের দ্বারা অশুষ্ক, অক্ষণ, হৃদয়ে গমন করে এমত পরিমিত এবং  
দৃষ্টিপূত জলের দ্বারা আচমন করিবে। ৬৬-৬৭। কণ্ঠিয়গণ, কণ্ঠগামি এবং  
বৈশ্যগণ তালুগামি জলের দ্বারা আচমনে শুদ্ধি লাভ করিয়া থাকে এবং স্ত্রী ও  
শূত্র, মুখে জলস্পর্শ করিলেই শুদ্ধ হইয়া থাকে। জলমধ্যে মস্তক ও কণ্ঠ শুদ্ধ-  
বস্ত্রে আবৃত করিয়া বা মুক্ত শিখ হইয়া এবং পাদদ্বয় ধোত না করিয়া যে ব্যক্তি  
আচমন করে, তাহার শুদ্ধি হয় না। ৬৮-৬৯। তিনবার জল পান করিয়া বক্ষ্যমাণ  
নিরম্নে ইন্দ্রিয়গণকে বিশোধিত করিবে। দক্ষিণ হস্তের অঙ্গুষ্ঠমূলের দ্বারা দুইবার

ওষ্ঠ ও অধর স্পর্শ করিবে, অনন্তর তর্জ্জনী, মধ্যমা ও অনামিকা, এই তিনটি অঙ্গুলির দ্বারা পুনরায় মুখ স্পর্শ করিবে। তর্জ্জনী ও অঙ্গুষ্ঠের অগ্রভাগ দ্বারা দুইবার নাসিকারন্ধ্র স্পর্শ করিবে। তৎপরে অঙ্গুষ্ঠ ও অনামিকার অগ্রভাগ দ্বারা দুইবার চক্ষুর্দ্বয় ও কর্ণবয় স্পর্শ করিবে। অনন্তর কনিষ্ঠা ও অঙ্গুষ্ঠযোগে নাভিরন্ধ্র স্পর্শ করিবে। ৭০-৭২। অনন্তর হস্ততলের দ্বারা হৃদয় স্পর্শ করিয়া, সমস্ত অঙ্গুলীর দ্বারা মস্তক স্পর্শ করিবে, পরে অঙ্গুলী সমূহের অগ্রভাগ দ্বারা দক্ষিণ ও বামন্ধ্র স্পর্শ করিবে, সর্বত্র স্পর্শ কালীন হস্ত সজল রাখিতে হইবে। রথোপসর্পণ, স্নান, ভোজন ও জলপান করিয়া এবং শুভ কর্মের প্রারম্ভে একবার আচমন করত পুনরায় আচমন করিবে। ৭৩-৭৪। শয়ন হইতে উত্থান করিয়া, রাত্রিবাস ত্যাগ করত পবিত্র বস্ত্রান্তর পরিধান করিয়া, কোন অমঙ্গল পদার্থ দর্শন করিয়া এবং প্রেমদাধীন অপবিত্র দ্রব্য স্পর্শ করিয়া, দুইবার আচমন করিলে শুদ্ধ হওয়া যায়। এইরূপে আচমন করিয়া, মুখশোধনের জন্য দন্তধাবন করিবে, দন্ত-ধাবন না করিয়া, আচমন করিলেও শুদ্ধ হওয়া যায় না। ৭৫-৭৬। প্রতিপদ, অমাবস্তা, ষষ্ঠী এবং নবমী তিথিতে ও রবিবারে দস্তে কাষ্ঠসংযোগ করিলে সপ্ত-পুরুষ দন্ধ হইয়া থাকেন, অতএব ঐ সমস্ত দিনে কাষ্ঠের দ্বারা দন্তধাবন করিবে না। ঐ সমস্ত নিষিদ্ধ দিনে বা যখন দন্তকাষ্ঠ পাওয়া না যাইবে, তখন মুখের পরিশুদ্ধির জন্য দ্বাদশগণ্ডুষ জল দিয়া মুখ ধৌত করিবে। ৭৭-৭৮। কনিষ্ঠাঙ্গুলীর অগ্রভাগের শ্যায় স্থূল, সঙ্ক ( ছালের সহিত বর্তমান ) নিত্রাণ এবং ঋজু ও সার্ক দ্বাদশাঙ্গুল পরিমিত দন্তকাষ্ঠ গ্রহণ করিবে। ত্র্যক্ষণ ভিন্ন অন্যান্য বর্ণে সার্ক দ্বাদশাঙ্গুল পরিমাণের স্থানে যথাক্রমে এক এক অঙ্গুলী কম পরিমাণ গ্রহণ করিবে। আত্ম, আত্মাতক, আমলকী, কঙ্কোল, খদির, শমী, অপামার্গ, খজুরী, শেলু, শ্রীপর্না, পীলু, নারঙ্গ, কষায়, কটুকটক, এবং ক্ষীরবৃক্ষ হইতে দন্তকাষ্ঠ গ্রহণ করিবে। এবং কাষ্ঠের দ্বারা চাপাকৃতি জিহ্বোন্মেষনিকা নির্মাণ করিয়া লইবে, তাহার দ্বারা জিহ্বা পরিষ্কার করিবে। ৭৯-৮২। “অন্ন ভক্ষণের নিমিত্ত নির্মলতা প্রাপ্ত হইয়া, স্থির পংক্তিতে দৃঢ় হও, যে হেতুক রাজা চন্দ্র বনস্পতিতে প্রতিগত হইয়া, আমার মুখ মার্জ্জন করত কীর্তি ও ভাগ্যের দ্বারা তাহা বিশোধিত করিবেন। হে বনস্পতে! তুমি আমারিগকে আয়ুঃ, বল, বশ, তেজঃ, প্রজা, পশু, বসু, ব্রহ্মপ্রজা ও মেধা প্রদান কর”। এই দুইটি মন্ত্র পাঠ করিয়া যে ব্যক্তি দন্তধাবন করে, বনস্পতিগত সোম প্রত্যহ, তাহার উপর প্রসন্ন হইয়া থাকেন। ৮৩-৮৫। মুখ পর্য়ুষিত থাকিলে মামব-অশুচি থাকে, তন্নিবন্ধন বিশুদ্ধ হইবার জন্য বস্ত্র সহকারে প্রত্যহ দন্তধাবন

করিবে। উপবাসেও দস্তধাবন, অঞ্জন, গন্ধ, অলঙ্কার, সযন্ত্র, মালা ও অশ্রান্ত অনুলেপন দূষিত নহে। ৮৬-৮৭। এইরূপে দস্তধাবন করিয়া, বিশুদ্ধ তীর্থে প্রাতঃ-স্নান করত প্রাতঃসন্ধ্যা করিবে। দিব্যরাত্রি নয়টি ছিত্তের দ্বারা মলশ্রাবী এই মলিন-দেহ প্রাতঃস্নানে বিশুদ্ধ হইয়া থাকে। প্রাতঃস্নান, মানবগণের উৎসাহ, মেধা, সৌভাগ্য, রূপ সম্পদের প্রবর্তক এবং মনপ্রগল্ভতার হেতু, এই জন্ত মহাত্মা-গণ প্রাতঃস্নানের প্রশংসা করিয়া থাকেন। ৮৮-৯০। মানব, নিত্যর অধীন হইয়া স্নেহ, লাল্য প্রভৃতির দ্বারা আশ্রিত হইয়া থাকে; প্রাতঃস্নান করিলে সে ব্যক্তি, মন্ত্র, স্তোত্র এবং জপাদিতে অধিকারী হয়। ৯১। অরুণোদয়কালীন স্নান, প্রকৃতি-ব্রতের সমান, এবং উহাতে মহাপাপ বিনষ্ট হয়। প্রাতঃস্নান মানবগণের পাপ, অলঙ্ঘ্য, ঘানি, অশুচি এবং দুঃস্বপ্ন বিনাশ করে এবং তুষ্টি ও পুষ্টি প্রদান করিয়া থাকে। ৯২-৯৩। প্রাতঃস্নায়ী ব্যক্তিকে কখন দোষসমূহে আক্রমণ করিতে পারে না। প্রাতঃস্নানে দূর্ঘট ও অদূর্ঘট উভয়বিধ ফলই লাভ হইয়া থাকে, অতএব মানব অবশ্য প্রাতঃস্নান অন্তর্ধান করিবে। ৯৪।

হে কলসোত্তম! আমি প্রসঙ্গাধীন স্নানের বিধি বলিতেছি, কারণ বিধিপূর্বক স্নান, সাধারণ স্নান অপেক্ষা শতগুণ শ্রেষ্ঠ বলিয়া পণ্ডিতগণ কীর্তন করিয়া থাকেন। ৯৫। বিশুদ্ধ মৃত্তিকা, কুশ, তিল ও গোময় গ্রহণ করত, পবিত্র স্থানে অবস্থান করিয়া স্নান করিতে হইবে। প্রথমতঃ কুশ গ্রহণ ও শিখাবদ্ধ করত “বরুণরাজ সূর্য্যাপন্থা অতি বিস্তীর্ণ করিয়াছেন” ইত্যাদি মন্ত্র উচ্চারণপূর্বক জল আবর্তিত করিয়া, জলমধ্যে প্রবেশ করিবে। ৯৬-৯৭। তদনন্তর “হে বরুণ! তোমার বে সমস্ত যজ্ঞীয় পাণ বিতত আছে” ইত্যাদি মন্ত্রের দ্বারা জলের আমন্ত্রণ করিয়া, “জল ও ওষধিসমূহ, আমাদের সৎমিত্ররূপে অবস্থিত হউক” ইত্যাদি মন্ত্র উচ্চারণপূর্বক জলাঞ্জলি প্রদান করত, “জল ও ওষধিগণ, আমার শত্রুর দুর্ঘট মিত্ররূপে অবস্থান করুক” ইত্যাদি মন্ত্র শত্রুর উদ্দেশে পাঠ করিবে। ৯৮। তদনন্তর “বিষ্ণু এই জগৎ ব্যাপিয়া রহিয়াছেন” ইত্যাদি মন্ত্র উচ্চারণপূর্বক একবার মৃত্তিকা দ্বারা মস্তক আলিত করিয়া, দুইবার মৃত্তিকা দ্বারা নাভির উপরি-ভাগ, তিনবার মৃত্তিকার দ্বারা নাভির অধোভাগ এবং ছয়বার মৃত্তিকার দ্বারা পাদদ্বয় বিশোধিত করিবে। অনন্তর “জল আমাদের বিমিত্র করুন” ইত্যাদি মন্ত্র পাঠপূর্বক প্রবাহাভিমুখ হইয়া মজ্জন করিবে। ৯৯-১০০। অনন্তর, “আমি পবিত্র হইয়া উঠিতেছি” ইত্যাদি মন্ত্র পাঠ করত উন্নয়ন করিয়া, “আমাদের পুত্র ও পৌত্রগণের হিংসা করিও না” ইত্যাদি মন্ত্র পাঠ করিয়া, সর্ব্বাঙ্গে গোময় লেপন



করিবে। অনন্তর “হে বরুণ ! আমার এই আত্মাকে আপনি এইক্ষণেই স্মৃখী করুন” ইত্যাদি মন্ত্র এবং “তোমার নিকট আমি প্রার্থনা করিতেছি” ইত্যাদি “হে অগ্নে ! তুমি আমাদিগকে জানিয়া, বরুণদেবের ক্রোধ অপনয়ন কর” ইত্যাদি, “হে বরুণরাজ ! যে যে স্থানে আমরা ভীত হই” ইত্যাদি, “হে বরুণরাজ ! আমরা শপথ করিতেছি” ইত্যাদি, “হে, অবভৃথ !” ইত্যাদি এবং “অন্ধৈবতা” ইত্যাদি মন্ত্রসমূহের দ্বারা অভিষেক করিয়া, প্রণব উচ্চারণ করত অভিষেক করিবে। তদনন্তর মহাব্যাহতি, তদনন্তর গায়ত্রী এবং তদনন্তর “যে হেতুক জলসমূহ” ইত্যাদি মন্ত্রত্রয়ের দ্বারা অভিষেক করিবে। ১০১-১০৫। এবং “হে জলসমূহ ! এই পশুসংজ্ঞাপন জন্তু পাপ অপনয়ন কর” ইত্যাদি, “হবির সহিত এই জলসমূহ” ইত্যাদি, “হে জলরূপিণী দেবীগণ !” ইত্যাদি, “মধুমতী বিশিষ্টাঙ্গরসবতী” ইত্যাদি, “কার্ত্তময় পান্ডুকার দ্বারা যেমন ক্লেশ হইতে পুরুষ মুক্ত হয়” ইত্যাদি, “জল সমূহ আমাদিগের অভিষেকের জন্তু” ইত্যাদি, “দেবনাদিগুণ সংযুক্ত বৃষ্টিরূপ জল নিক্ষেপ কর” ইত্যাদি, “এই বায়ু জলের সার” ইত্যাদি এবং “আমাকে পবিত্র করুন” ইত্যাদি মন্ত্রসমূহের দ্বারা অভিষেক করিয়া, অঘমর্ষণ মন্ত্র জপ করত “ক্রপদাদি” জপ করিবে। অনন্তর বিধিপূর্বক প্রাণায়াম করিয়া, তিনবার প্রণব জপ করিয়া বিয়ুকে স্মরণ করিবে। এইরূপে স্নান করিয়া, বস্ত্র নিষ্পীড়ন করত ধৌতবস্ত্র ও উত্তরীয় পরিধান করিবে। তদনন্তর আচমন করত প্রাতঃসন্ধ্যা করিবে। যে ব্যক্তি, বিশেষতঃ যে ত্র্যাক্ষণ, সন্ধ্যার উপাসনা না করে, সে জীবিতাবস্থায় শূদ্রতুল্য এবং মৃত্যুর পর নিশ্চয়ই কুকুর হইয়া থাকে। সন্ধ্যাহীন ব্যক্তি, সত্তত অশুচি ও সমস্ত কর্মের অযোগ্য হইয়া থাকে এবং সে ব্যক্তি যে সমস্ত ক্রিয়া করে, তাহার ফলভাগী হয় না। প্রথমতঃ পূর্বাশ্ত হইয়া প্রণব স্মরণপূর্বক কুশাসন বিস্তীর্ণ করত, “চতুস্ত্রিঃ” ইত্যাদি মন্ত্র পাঠ করিয়া, তদুপরি পূর্বাশ্ত বা উত্তরাশ্ত হইয়া উপবেশন পূর্বক, বদ্ধচূড় হইয়া দক্ষিণদিক্ দিয়া জলধারা প্রদানে অভ্যাস করত, অনন্তচিন্তে প্রাণায়াম করিবে। ১০৬-১১৪। “আপোজ্যোতিঃ” ইত্যাদির সহিত সপ্তব্যাহতি ও প্রণবযুক্ত গায়ত্রী তিনবার জপ করত, পূরক, কুন্তক ও রেচক করিবে, ইহাই প্রাণায়াম। ত্র্যাক্ষণ, ইন্দ্রিয় ও চিত্ত সংযম করিয়া প্রাণায়াম করিলে, তৎক্ষণাৎ অহোরাত্রকৃত পাপ হইতে মুক্ত হইয়া থাকে। ১১৫-১১৬। যে ব্যক্তি, মনঃসংযম করিয়া দশ কিম্বা ষাটবার প্রাণায়াম করে, তাহার মহৎ তপস্যার ফল লাভ হইয়া থাকে। একমাসকাল প্রত্যহ ষোড়শটী করিয়া প্রাণায়াম করিলে, অশ্রদ্ধত্যাগনিভ পাপ হইতে মুক্ত হওয়া যায়। ১১৭-১১৮।

অগ্নিসংযোগে যেমন পার্থিব ধাতুসমূহের মল দধ্ব হইয়া যায়, তদ্রূপ প্রাণায়ামের দ্বারা ইন্দ্রিয়কৃত দোষসমূহ দধ্ব হইয়া থাকে। বিধিপূর্বক একটা ব্রাহ্মণকে ভোজন করাইলে, যে ফল লাভ হয়, শ্রদ্ধাসহকারে দ্বাদশটা প্রাণায়াম করিলে সেই ফল লাভ হইয়া থাকে। ১১৯-১২০। বেদাদি সমস্ত শাস্ত্র প্রণবেই প্রতিষ্ঠিত রহিয়াছে, অতএব ব্রাহ্মণ সতত সেই বেদাদি-প্রণব অভ্যাস করিবে। যে ব্যক্তি সতত প্রণবভ্যাস করে, তাহার সপ্তবাহুতি ও ত্রিপদা গায়ত্রীতে কখনও ভয় উৎপন্ন হয় না। হে কলসোত্তব! প্রণবই পরম ব্রহ্ম, প্রাণায়ামই পরম তপস্যা এবং গায়ত্রীর অতিরিক্ত কোন পবিত্রকর মন্ত্র আর নাই। ১২১-১২৩। রাত্রিকালে ক্রিয়া, বাক্য ও মনের দ্বারা যে পাপ কৃত হয়, প্রাতঃসন্ধ্যায় প্রাণায়ামের দ্বারা সেই পাপ বিনষ্ট হইয়া থাকে। এবং দিবসে ক্রিয়া, বাক্য ও মনের দ্বারা যে পাপ করা যায়, সায়াংসন্ধ্যায় প্রাণায়ামের দ্বারা সেই পাপ বিনষ্ট হইয়া যায়। সূর্য্যদর্শন পর্য্যন্ত দণ্ডায়মান হইয়া সাবিত্রী জপ করত প্রাতঃ সন্ধ্যা করিবে এবং সম্যকরূপে নক্ষত্রদর্শন পর্য্যন্ত উপবিষ্ট হইয়া, সবিত্রী জপ করত সায়াংসন্ধ্যা করিবে। ১২৪-১২৬। দণ্ডায়মান হইয়া প্রাতঃ সন্ধ্যাজপ করিলে নিশাকৃত পাপ বিনষ্ট হয় এবং উপবিষ্ট হইয়া সায়াংসন্ধ্যাজপ করিলে দিবাকৃত পাপ বিনষ্ট হইয়া থাকে। যে প্রাতঃ ও সায়াং সন্ধ্যা না করে, তাহাকে শৃঙ্গের স্তায় দ্বিজগণের সমস্ত কার্য্য হইতে বাহির করিয়া দিবে। নির্জনে জলসমীপে গমন করিয়া, নিত্যকর্ম্মের অনুষ্ঠান করিবে এবং সমাহিত-চিত্তে গায়ত্রী জপ করিবে, যে হেতুক, গৃহের বাহিরে সন্ধ্যোপসনা করিলে, তাহা গৃহের উপাসনা অপেক্ষা শতগুণ শ্রেষ্ঠ হইয়া থাকে। ১২৭-১২৯। ত্রিবেদী হইয়াও যে ব্যক্তি, সমস্ত দ্রব্য ভোজন ও সমস্ত পদার্থ বিক্রয় করে, তাহার অপেক্ষা যে ব্যক্তি, জিতেন্দ্রিয় হইয়া কেবল গায়ত্রী জপ করে, সে অধিক মাননীয়। সূর্য্য ষাঁহার দেবতা, অগ্নি ষাঁহার মুখ, যিনি ত্রিপদ, বিশ্বামিত্র ষাঁহার ঋষি এবং অনুষ্টিপ্ ষাঁহার ছন্দঃ; সেই গায়ত্রী সর্ব্বাপেক্ষাই শ্রেষ্ঠ। প্রাতঃকালে, “লোহিতবর্ণা, ব্রহ্মদৈবতা, হংসাকৃতা, অষ্টবর্ষা, রক্তবর্ণ-মালামুলেপনা, ঋক্‌স্বরূপা, অভয়দা, অক্ষমালাবিভূষিতা, মহর্ষিব্যাস কর্তৃক স্তুয়মানা এবং অনুষ্টিপ্‌ছন্দোযুক্তা” গায়ত্রীকে ধ্যান করিবে। প্রাতঃকালে গায়ত্রীর এইরূপ ধ্যান করিলে নিশাকৃত পাপ বিনষ্ট হইয়া থাকে। ১৩০-১৩৪। অনন্তর “সূর্য্যশচ” ইত্যাদি মন্ত্রের দ্বারা আচমন করিবে এবং “আপোহিষ্টা” ইত্যাদি মন্ত্রত্রয়ের দ্বারা মার্জ্জন করিবে। মার্জ্জনকালীন ভূমিতে, মস্তকে, আকাশে। আকাশে, ভূমিতে, মস্তকে। মস্তকে, আকাশে, ভূমিতে নয়বার জমক্কেপ করিবে।

এখানে মার্জ্জনস্ত ব্যক্তিগণ, ভূমি শব্দে চরণ এবং আকাশ শব্দে হৃদয়কে নির্দেশ করিয়া থাকেন । ১৩৫-১৩৭ । বারুণ স্নান হইতে আগ্নেয়-স্নান শ্রেষ্ঠ, আগ্নেয়-স্নান হইতে বায়ব্য-স্নান শ্রেষ্ঠ, বায়ব্য-স্নান হইতে ঐন্দ্র-স্নান শ্রেষ্ঠ, ঐন্দ্র-স্নান হইতে মন্ত্র-স্নান শ্রেষ্ঠ এবং মন্ত্র-স্নান হইতেও ব্রাহ্ম-স্নান শ্রেষ্ঠ । \* যে ব্যক্তি ব্রাহ্ম-স্নানে স্নাত হয়, সে ব্যক্তি বাহিরে ও অন্তরে পবিত্র হয় এবং দেবপূজা প্রভৃতি সমস্ত ক্রিয়ার অধিকারী হইয়া থাকে । ১৩৮-১৩৯ । কৈবর্তগণ দিবারাত্রি জলে স্নান করিয়া যেমন পবিত্র হইতে পারে না, তদ্রূপ যাহার চিত্তের তাব দূষিত, সে ব্যক্তি শতবার স্নান করিলেও বিশুদ্ধ হইতে পারে না । যাহাদিগের অন্তঃকরণ বিশুদ্ধ, তাহারাই বিভূতিলেপনে পবিত্র হইতে পারে, নতুবা ভস্মধূসরিত রাসভগণ কখন পবিত্র বলিয়া কীৰ্ত্তিত হইতে পারে না । ১৪০-১৪১ । এ জগতে যাহার চিত্ত নির্মল, সেই ব্যক্তিই সর্বভীর্থে স্নাত, সর্বপ্রকার মলবর্জিত এবং যজ্ঞশতের কলোপভোক্তা । হে মুনে ! চিত্ত কি প্রকারে নির্মল হয়, তাহা শ্রবণ কর । একমাত্র বিশ্বনাথ যদি প্রসন্ন হন, তাহা হইলেই চিত্ত নির্মল হইয়া থাকে । অতএব চিত্তের বিশুদ্ধিতার জন্ম কাশীনাথের আশ্রয় গ্রহণ করিবে ; তাঁহার আশ্রয়ে মানসিক মলসমূহ নিয়ত ক্ষয়প্রাপ্ত হইয়া থাকে । ১৪২-১৪৪ । বিশ্বেশ্বরের অনুগ্রহে মনের মল ক্ষয় হইলে, মানব এই দেহ পরিত্যাগ করিয়া, মুক্তিলাভ করিতে পারে । মানবগণের একমাত্র সদাচারই, সেই বিশ্বেশ্বরের অনুগ্রহ লাভের প্রতি কারণ, অতএব মানব, শ্রুতি ও স্মৃতিতে উক্ত সদাচার সমূহের অনুষ্ঠান করিবে । ১৪৫-১৪৬ । অনন্তর “দ্রুপদাদি” জপ করিয়া বিধিভক্ত ব্যক্তি, “ঋতঞ্চ” ইত্যাদি মন্ত্রের দ্বারা অঘমর্ষণ করিবে । যে ব্যক্তি জলে নিমগ্ন থাকিয়া, তিনবার অঘমর্ষণ জপ করে, অশ্বমেধের অন্তে অবভূথ-স্নানে যে ফল লাভ হয়, তাহার সেই ফললাভ হইয়া থাকে । ১৪৭-১৪৮ । যে ব্যক্তি জলে অথবা স্থলে অঘমর্ষণ জপ করে, সূর্যোদয় হইলে যেমন অঙ্ককাররাশি বিলয় প্রাপ্ত হয়, তদ্রূপ তাহার পাপসমূহ বিলয় প্রাপ্ত হইয়া থাকে । অনন্তর “অনুশ্চরসি” ইত্যাদি মন্ত্রের দ্বারা আচমন করিবে । কোন কোন আচার্য্য, শাখাভেদে এই মন্ত্রের দ্বারা আচমন ব্যবস্থা করিয়া

\* জলের দ্বারা স্নানের নাম বারুণ-স্নান । অগ্নিহোত্রের বিভূতির দ্বারা স্নানের নাম আগ্নেয়-স্নান । বায়ুর দ্বারা নীরমান গোক্ষুরোখিত রজঃ সমূহের দ্বারা স্নানের নাম বায়ব্য-স্নান । মেঘবিনা ঐরাবতের করোজ্জ্বলিত বারি দ্বারা স্নানের নাম ঐন্দ্র-স্নান । মূল মন্ত্র কিম্বা বৈদিক মন্ত্রের দ্বারা স্নানের নাম মন্ত্র-স্নান এবং সপ্তপ নির্ভর্ণভেদে হরিহরের চিত্তেমের নাম ব্রাহ্ম-স্নান । পণ্ডিতগণ, এই ব্রাহ্ম-স্নানকেই মানস-স্নান বলিয়া কীৰ্ত্তন করিয়া থাকেন । অনুবাদক ॥

থাকেন । ১৪৯-১৫০ । অনন্তর সপ্রণব মহাবাহুতি পূর্বক গায়ত্রী উচ্চারণ করিয়া, তিনবার জলাঞ্জলি প্রদান করিবে । সেই জলাঞ্জলির নাম বজ্রোদক, তাহার দ্বারা সূর্যের শত্রু মন্দেহ নামে রাক্ষসগণ, বজ্রাহত শৈলের দ্বারা বিনষ্ট হইয়া থাকে । ১৫১-১৫৩ । দ্বিজগণের মধ্যে যে ব্যক্তি, সূর্যের সাহায্যার্থ মন্দেহ নামক রাক্ষস-গণের নাশের জন্য জলাঞ্জলিত্রয় প্রদান না করে, সে ব্যক্তি মন্দেহ প্রাপ্ত হইয়া থাকে । যে পর্য্যন্ত সূর্য্য দৃষ্টিগোচর না হন ; প্রাতঃকালে সেই পর্য্যন্ত দণ্ডায়মান হইয়া, গায়ত্রী জপ করিবে । এবং যে পর্য্যন্ত নক্ষত্র না দেখা যায় ; সায়ংকালে উপবিষ্ট হইয়া, সেই পর্য্যন্ত গায়ত্রী জপ করিবে । নিম্নহিতকাঙ্ক্ষী দ্বিজ, কখন সন্ধ্যার কাল লোপ করিবে না, হুতরাং সূর্যের অর্দ্ধোদয় ও অর্দ্ধাস্তসময়ে বজ্রোদক প্রদান করিবে । ১৫৪-১৫৬ । সন্ধ্যার কাল অতীত করিয়া, বিধিপূর্বক সন্ধ্যা করিলেও তাহা বক্ষ্যাত্মী-মৈথুনের দ্বারা বিফল হইয়া থাকে । দ্বিজগণ কর্তৃক বাম হস্তে জল লইয়া যে সন্ধ্যা আচরিত হয়, তাহার নাম “বৃষলী” তাহার দ্বারা রাক্ষসগণই হর্ষপ্রাপ্ত হইয়া থাকে । ১৫৭-১৫৮ । সূর্য্যোপস্থানে, “উদয়স্তিঃ” ইত্যাদি, “উদুত্যাং” ইত্যাদি, “চিত্রং দেবানাং” ইত্যাদি এবং “তচ্চক্ষুঃ” ইত্যাদি মন্ত্রগণ, সিদ্ধি প্রদান করিয়া থাকেন । সূর্য্যোপস্থানে, সহস্রবার, শতবার, কিস্বা দশবার গায়ত্রী জপ করিবে, তন্মধ্যে সহস্রবার জপই শ্রেষ্ঠ, শতবার জপ মধ্যম এবং দশবার জপ অধম বলিয়া পরিগণিত হইয়াছে । যে ত্রাক্ষণ, এই ত্রিবিধ জপের অগ্ন্যুত্তম প্রকার জপ করে, সে পাপসমূহের দ্বারা লিপ্ত হয় না । ১৫৯-১৬১ । অনন্তর, “বিভ্রাড্” ইত্যাদি অনুবাক বা পুরুষসূক্ত, কিস্বা শিবসঙ্কল্প অথবা ত্রাক্ষণমণ্ডল জপ করিবে । এই সমস্ত উপস্থানমন্ত্র সূর্যের অতিশয় প্রীতিকর । অনন্তর রক্তচন্দন মিশ্রিত জল, অক্ষত কুম্ভ ও কুশের দ্বারা বেদোক্ত বা আগমোক্ত মন্ত্র উচ্চারণপূর্বক সূর্যকে অর্ঘ্য প্রদান করিবে । যে ব্যক্তি সূর্যের অর্চনা করে, তাহার দ্বারা ত্রৈলোক্য অর্চিত হইয়া থাকে । ১৬২-১৬৪ । সূর্য্যদেব অর্চিত হইয়া, অর্চকগণকে পুত্র, পশু, ধন এবং আয়ুঃ প্রদান করিয়া থাকেন এবং তাহাদের ব্যাধিসমূহ শাস্তি করেন ও সমস্ত অভিলাষ পূর্ণ করিয়া দেন । এই আদিত্যদেবই রুদ্র, ইনিই বিষ্ণু এবং ইনিই হিরণ্যগর্ভ, এই দিবাকরই ত্রয়ীরূপ । সূর্যের পরিতোষে, ত্রাক্ষা, বিষ্ণু, মহেশ্বর, ইন্দ্রাদিদেবগণ, মরীচিপ্রভৃতি মহর্ষিগণ, মন্বাদি মানবগণ এবং সোমপাদি পিতামহগণ, পরিতোষ লাভ করিয়া থাকেন । ১৬৫-১৬৮ । এইরূপে সূর্যের অর্চনা করিয়া, তর্পণ করিতে আরম্ভ করিবে । দ্বিজগণ দক্ষিণ হস্তের দ্বারা নয়টি বা সাতটি কিস্বা পাঁচটি, সাত্র সমূল অচ্ছিন্ন এবং

গৰ্ভস্থ্য দৰ্ভ পরিগ্রহ করত, বামহস্তসংলগ্ন দক্ষিণ হস্তের দ্বারা, ষড়্‌বিনায়ক, ত্র্যম্বকাদি নিখিল দেবগণ এবং মরীচ্যাদি মুনিগণকে উদ্দেশ্য করিয়া চন্দন, অগুরু ও কস্তুরী এবং গন্ধকুসুমযুক্ত পবিত্র জলের দ্বারা “তৃপ্যন্তু” ইহা উচ্চারণপূর্বক তর্পণ করিবে । ১৬৯-১৭১ । অনন্তর ষজ্জোপবীত কণ্ঠে লম্বিত করিয়া, দুই হস্তের অঙ্গুষ্ঠদ্বয়ের মধ্যে দৰ্ভসমূহ ধারণ করত, সনকাদি মনুষ্যাগণের উদ্দেশ্যে যবমিশ্রিত জলের দ্বারা তর্পণ করিবে । তদনন্তর প্রাচীনাবীতী হইয়া, দ্বিগুণ দৰ্ভ ও তিল-মিশ্রিত জলের দ্বারা কব্যাবার, নল প্রভৃতি ও দিব্যপিতৃগণের উদ্দেশ্যে তর্পণ করিবে । ১৭২-১৭৩ । ত্রয়োভিলাষী ব্রাহ্মণ, রবিবার, শুক্রবার ত্রয়োদশী, সপ্তমী, নিশাকাল ও সন্ধ্যায় তিলের দ্বারা তর্পণ করিবে না ; যত্বপি করে, তবে শুক্লতিলের দ্বারা করিবে । অনন্তর চতুর্দশ যমের নাম উচ্চারণ করিয়া তর্পণ করিবে । তদনন্তর বাগ্‌বত হইয়া, সব্য জামু পাতিত করত, স্বীয় গোত্র উচ্চারণ পূর্বক পিতৃতীর্থের দ্বারা পিতৃগণের তর্পণ করিবে । ১৭৪-১৭৬ । দেবগণের তর্পণে প্রত্যেককে এক এক অঞ্জলি জল প্রদান করিবে । সনকাদি ঋষিগণকে দুই দুই অঞ্জলি, পিতৃগণকে তিন তিন অঞ্জলি এবং স্ত্রীগণকে এক এক অঞ্জলি জল প্রদান করিবে । অঙ্গুলীর অগ্রভাগে দৈবতীর্থ এবং অঙ্গুলীর মূলে ঋষিতীর্থ, অঙ্গুষ্ঠের মূলে ব্রাহ্মতীর্থ, পাণিমধ্যে প্রজাপতিতীর্থ এবং অঙ্গুষ্ঠ ও প্রদেশিনীমধ্যে পিতৃতীর্থ নির্দিষ্ট হইয়া থাকে । “উদীরতা” ইত্যাদি, “অঙ্গিরস” ইত্যাদি, “আয়ান্তন” ইত্যাদি, “উজ্জংবহন্তি” ইত্যাদি, “পিতৃভ্যঃ স্বধায়িত্যঃ” ইত্যাদি, “যেতেহ” ইত্যাদি, “মধুবাভা” ইত্যাদি তিনটী, এই নয়টী মন্ত্র এবং “নমোবঃ-পিতর” ইত্যাদি মন্ত্র পাঠ করিয়া পিতৃতর্পণ করিবে । অনন্তর “আত্রাক্তস্তম্পর্ষ্যন্তু” ইত্যাদি মন্ত্র পাঠ করত, ভূমিতে বস্ত্র নিষ্পীড়নোদক নিক্ষেপ করিবে । ১৭৭-১৮৪ । তর্পণের অনন্তর অগ্নিকার্য্য ( হোম ) করিয়া, বেদাভ্যাস করিবে । সেই বেদাভ্যাস পাঁচ প্রকার, প্রথম বেদস্বীকার, দ্বিতীয় তাহার অর্থবিচার, তৃতীয় অভ্যাস, চতুর্থ জপ এবং পঞ্চম শিষ্যাগণকে শিক্ষাপ্রদান । অনন্তর লঙ্ক-অর্থের প্রতিপালন এবং ঔলঙ্ক অর্থের লাভের ক্ষমতা দাতার নিকট গমন করিবে, এবং নিজ গুরুকে বৃত্তি করিবে । হে দ্বিজশ্রেষ্ঠ ! এই দ্বিজগণের প্রাতঃকৃত্য কথিত হইল । ১৮৫-১৮৭ । যাহারা প্রাতঃস্নান করিতে অসমর্থ, তাহারা প্রাতঃকালে উদ্বিগ্ন হইয়া, আবশ্যক কৰ্ম্ম সমাপনানন্তর শৌচাচমন করিয়া দস্তধাবন করত, সমস্ত শরীর বিশোধনপূর্বক প্রাতঃসন্ধ্যা করিবে । অনন্তর বেদ অভ্যাস করিয়া, মেধাবী ও শুচি শিষ্যসমূহকে নানাবিধ শাস্ত্র অধ্যয়ন করাইবে । অনন্তর ষোগক্ষেমাদি সিদ্ধির জন্ত ইন্দ্ৰের

শরণ লইবে। পরে মধ্যাহ্নকালে পূর্বোক্ত বিধি অনুসারে স্নান করিয়া, মধ্যাহ্ন-সন্ধ্যা করিবে। ১৮৮-১৯১। মধ্যাহ্নসন্ধ্যার সময় গায়ত্রীকে এইরূপে ধ্যান করিবে,—“নবর্ষোবনের দ্বারা তাঁহার অঙ্গসমূহ বিকাশশীল, তাঁহার রূপ বিশুদ্ধ স্ফটিকের স্থায় নিশ্চল, তিনি ত্রিষ্টুপ্ছন্দসমায়ুক্ত। ও রুদ্রদৈবতা, কশ্যপাশ্বিনী-সমায়ুক্ত, যজুর্বেদস্বরূপিণী ও প্রণবাত্মকা এবং বৃষভোপরিসমাকৃতা এবং তাঁহার করে তন্তুগণের জন্ত অভয়-মুদ্রা প্রকাশ পাইতেছে”। ১৯২-১৯৩। অনন্তর দেবপূজা করিয়া, নিত্যবিধির অনুষ্ঠান করিবে। পঞ্চাঙ্গিকে প্রস্ফলিত করিয়া বৈশ্বদেব করিবে। ১৯৪। শিশ্বী, কোদ্রব, মাষ, কলায়, চণক, তৈলপক, লবণ-সম্বন্ধি সমস্ত দিক্কাম, তুবরী, মসুর, স্থূলকলায়, বর্বটী এবং ভুক্তশেষ ও পর্য়ুষিত দ্রব্য সমস্ত বৈশ্বদেবে পরিত্যাগ করিবে। প্রথমতঃ কুশহস্তে আচমন করিয়া প্রাণায়াম করিবে। “পূষ্ঠোদিবি” ইত্যাদি মন্ত্রের দ্বারা পর্য়ুষণ (অভ্যুক্ষণ বা জলের দ্বারা অগ্নিবেষ্টন) করিবে। পরে প্রদক্ষিণ ও পর্য়ুষণ করত কুশা বিস্তীর্ণ করিয়া, “এষোহদেব” ইত্যাদি মন্ত্রের দ্বারা স্তনস্পৃশ করিবে। অনন্তর সাজ্যপুষ্প ও অক্ষতের দ্বারা বৈশ্বানরের পূজা করিয়া, “ভূরাদি” তিনটি আহুতি প্রদান করিবে। ব্রাহ্মণ, ভূঃ প্রভৃতি তিনটি একত্রে উচ্চারণ করিয়া, অতিরিক্ত একটি আহুতি প্রদান করিবে। অনন্তর “দেব কৃতস্ত” ইত্যাদি মন্ত্রের দ্বারা ছয়টি আহুতি প্রদান করিবে। ১৯৫-২০০। তদনন্তর মৌনভাবে যমকে একটি আহুতি দিবে। তৎপরে দুইবার স্টিষ্টিকৃৎহোম করিবে এবং বিশ্বদেবগণকে আহুতি প্রদান করিবে। অনন্তর ভূমিতে উত্তরভাগে ভূতগণের উদ্দেশে বলি প্রদান করিবে। তদনন্তর প্রাচীনাবীতী হইয়া, তাহার দক্ষিণ ভাগে পিতৃগণের উদ্দেশে বলি প্রদান করিবে। তৎপরে ঈশাণ কোণে যক্ষের উদ্দেশে নির্ণেজনোদকায় প্রদান করিবে, তদন্তরে ব্রহ্মাদি দেবগণের উদ্দেশে বলি প্রদান করিবে। তদনন্তর নিবীতী হইয়া, সনকাদি ঋষিগণের উদ্দেশে এবং অপসব্যাবান্ হইয়া, পিতৃগণের উদ্দেশে বলি প্রদান করিবে। ষোড়শ গ্রাসে এক হস্ত হয়, চারিগ্রাসে পুঙ্কল হয়, গ্রাসমাত্র তিন্ধা গৃহস্থগণের স্কৃতপ্রদা হইয়া থাকে। পথিক, ক্ষীণবৃদ্ধি, গুরুপোষক, বিজ্ঞার্থী, যতি এবং ব্রহ্মচারী এই ছয়জন ধর্ম্মভিক্ষুক। পথিক ও ঋতিপারগামি ব্যক্তিই যথার্থ অতিথি। ব্রহ্মলোকাভিলাষী গৃহস্থগণের এই দুইজন মান্য। চণ্ডাল ও কুকুরকেও অন্ন প্রদান করিলে, তাহা নিষ্ফল হয় না। ২০১-২০৭। কেহ অন্নার্থী হইয়া আগমন করিলে, পাত্রাপাত্র বিবেচনা না করিয়া অন্নদান করা উচিত। পতিতব্যক্তি, চণ্ডাল ও পাণরোগগ্রস্ত ব্যক্তিদিগকে বাঙ্গীর

বাহিরে অন্ন দিবে এবং কুক্কর, কাক ও কুমিগণের জন্ত বাহিরে অন্ন ছড়াইয়া দিবে । “ঐন্দ্র, বারুণ, বায়ব্য, সৌম্য ও নৈঋতি যে সমস্ত কাক আছে, আমার দ্বারা ভূমিতে প্রদত্ত এই অন্ন তাহারা গ্রহণ করুক । বৈবস্বতকূলে সমুৎপন্ন, শ্যাম ও সবল নামে যে কুক্করদ্বয় আছে, আমি তাহাদিগকে পিণ্ডদান করিতেছি, তাহারা আমার অহিংসক হউক । দেব, মনুষ্য, পশু, রাক্ষস, যক্ষ, উরগ, খগ, দৈত্য, সিদ্ধ, পিশাচ, প্রেত, ভূত, দানব, তৃণ, তরু, কুমি ও কীট প্রভৃতি বাহারা কর্মসূত্রে আবদ্ধ ও বুদ্ধিস্কিত হইয়া, আমার প্রদত্ত অন্ন অভিলাষ করে, আমি তাহাদিগকে ভূমিতে অন্ন প্রদান করিতেছি ; ইহার দ্বারা তাহারা পরিতৃপ্ত হউক” এই বলিয়া ভূতবলি প্রদান করত গোদোহন মাত্র কাল অতিথির আগমন প্রতীক্ষা করিয়া, ভোজনগৃহে প্রবেশ করিবেন । ২০৮-২১৪ বায়সবলি প্রদান না করিয়াই নিত্যশ্রাদ্ধ আচরণ করিবে । নিত্য শ্রাদ্ধে বাহার সামর্থ্য না থাকে, সেই দরিদ্রব্যক্তি, নিজের ভোজ্য অন্ন হইতে কিঞ্চিৎ পরিমাণ অন্ন গ্রহণ পূর্বক যথোক্ত বলি প্রদান করিবে । নিত্যশ্রাদ্ধে দেবপক্ষের আবশ্যকতা নাই এবং তাহাতে অন্যান্য শ্রাদ্ধের স্থায় বিশেষ বিশেষ নিয়মেরও আবশ্যকতা নাই । ২১৫-২১৬ । এই নিত্যশ্রাদ্ধ দক্ষিণারহিত, ইহাতে দাতা বা ভোক্তার প্রয়োজন নাই । স্নানমতি অনাতুর ব্যক্তি এই প্রকারে পিতৃযজ্ঞের বিধান পূর্বক, প্রশস্ত আসনে উপবেশন করত শিশুগণে পরিবৃত হইয়া শোভন গন্ধ ও মালা ধারণ পূর্বক, শুচিবস্ত্র পরিধান করিয়া, প্রশস্ত অস্ত্রংকরণে আহার করিবে । ২১৭-২১৮ । পূর্ববাস্ত্র অথবা উত্তরাস্ত্র হইয়া, পিতৃগণের উদ্দেশে প্রদত্ত অন্নের অবশিষ্ট অন্ন ভোজন করিবে । ২১৯ । আপোশন বিধান দ্বারা অন্নের উপরি ও অধোভাগে সম্যক্ প্রকারে অনন্নই সম্পাদন পূর্বক, ত্রাস্ত্রাণের ভোজন করিতে হইবে । ২২০ । আপোশন বিধি যথাঃ—প্রথমে ভূমিপতি, তৎপরে ভুবন-পতি ও অনন্তর ভূতপতিকে এক এক গ্রাস অন্ন ভূমিতে প্রদান করিবে । ২২১ । প্রথমে একবার আচমন করিয়া, জঠররূপ কুণ্ডের অগ্নিতে প্রাণাদি পঞ্চবায়ুকে পাঁচ-বার অন্নোচ্ছ্বাস প্রদান করিবে । এই সময় হস্তে কুশা রাখা উচিত এবং চিত্তের প্রসন্নতা আবশ্যক । ২২২ । যে ব্যক্তি কুশহস্তে ভোজন করে, তাহার অন্নে কেশ ও কীটাদিপাতজন্ত দোষ থাকে না ; এই কারণে কুশহস্তে ভোজন করা কর্তব্য । ২২৩ । যাবৎকাল রুচি থাকে, তাবৎ অন্ন ভোজন করিবে এবং আহারকালে অন্নের গুণাগুণ ব্যাখ্যা করিবে না । যাবৎকাল অন্নের গুণ অথবা দোষ কীর্তন না করা যায়, তাবৎকাল পিতৃলোক সেই অন্ন ভোজন করিয়া থাকেন ২২৪ । এই

কারণে যে ব্যক্তি মৌনী হইয়া আহার করে, সে কেবল অমৃতই আহার করে । তদনন্তর দুগ্ধ, তক্র অথবা অণ্ড কোন পানীয় দ্রব্য আহার পূর্বক “অমৃতাপিধানমসি” এই মন্ত্র উচ্চারণ করত, একগণ্ড জল পান পূর্বক পীতশেষ সেই জল ভূমিতে নিক্ষেপ করিবে । ২২৫-২২৬ । সেই পীতাবশেষ জল ভূমিতে নিক্ষেপ করিবার মন্ত্র যথা :—ঐহারা অনন্ত বৎসর রৌরব নামক নরকে বাস করেন এবং ঐহারা অপ্রক্ষালিতহস্ত-মণ্ডুযোর দক্ষিণহস্তের অঙ্গুষ্ঠ মূল হইতে জল ইচ্ছা করেন, মৎপরি-  
তাক্ত এই জল তাঁহাদের অক্ষয় হউক । ২২৭-২২৮ । মেধাবী জন, পুনর্ব্বার আচমন পূর্বক পবিত্র হইয়া, হস্তে জল গ্রহণ পূর্বক এই মন্ত্রটি উচ্চারণ করিবে “যে পুরুষ অঙ্গুষ্ঠমাত্র পরিমিত এবং যিনি অঙ্গুষ্ঠকে আশ্রয় করিয়া বিত্তমান রহিয়া-  
ছেন, সকল জগতের অধীশ্বর বিশ্বভূক্ত সেই ঐশ্বর প্রসন্ন হউন” । ২২৯-২৩০ । এই প্রকারে অন্ন আহার করত হস্তদ্বয় ও পাদদ্বয় ধোত করিয়া, ভুক্তাঙ্গ সমূহের পরিপাকের নিমিত্ত বক্ষ্যমাণ মন্ত্রসমূহ উচ্চারণ করিবে যথা :—“পবনকর্তৃক প্রেরিত মদীয় জঠরাগ্নি, আমার খাতুসকলের পরিপুষ্টি সাধনের জন্ত আকাশ কর্তৃক প্রদত্ত অবকাশ লাভ পূর্বক ভুক্ত পদার্থ সকলকে জীর্ণ করুন, তাহাতে আমার সুখ হউক । এই ভুক্ত অন্ন, প্রাণ, অপান, সমান, উদান ও ব্যান নামক শরীরগত বায়ুগণের পরিপুষ্টি সাধন করুন ; এবং তাহাতে আমার অপ্রতিহত সুখলাভ হউক । সমুদ্র, বাড়বাগ্নি, আদিত্য ও আদিত্যনন্দন ইহারা সকলে মদুস্ত অন্ন সকলকে জীর্ণ করুন” । ২৩১-২৩৪ । তদনন্তর মুখশুদ্ধি করিয়া, পুরাণ শ্রবণাদির দ্বারা অবশিষ্ট দিন অতিবাহিত করত, সায়ংকালে সন্ধ্যা বন্দনা আরম্ভ করিবে । ২৩৫ । গৃহে সন্ধ্যা করিলে যে ফল লাভ হয়, গোষ্ঠে সন্ধ্যা করিলে, তাহা অপেক্ষা দশগুণ অধিক ফল লাভ করা যায় ; নদীতীরে তদপেক্ষা আরও দশগুণ ফল কীৰ্ত্তিত হয় । এবং নদীসঙ্গমে সন্ধ্যা করিলে, তদপেক্ষা শতগুণ অধিক ফল লাভ করিতে পারা যায়, কিন্তু শিবলিঙ্গ সমীপে সন্ধ্যার ফল অনন্তগুণ বলিয়া কীৰ্ত্তিত হয় । ২৩৬ । বহিঃপ্রদেশে সন্ধ্যার উপাসনা করিলে, দিবাকৃত মৈথুন জন্ত পাপ ও মিথ্যাবাক্য ব্যবহার জন্ত পাপ এবং মত্তগন্ধ আশ্রাণ জন্ত পাপ বিনষ্ট হয় । ২৩৭ । সায়ংকালে সন্ধ্যাকে এই প্রকারে ধ্যান করিবে যথা :—তিনি সরস্বতী এবং সামবেদ স্বরূপা, বসিষ্ঠ নামক ঋষিকর্তৃক অনুযুক্তা, তাঁহার বর্ণ অতি কৃষ্ণ এবং পরিধানেও কৃষ্ণবস্ত্র, তাঁহার বোবন, ঐষৎ অলিত হইয়াছে তিনি গরুড়বাহনা ও বিষ্ণুদেবতা, তিনি জগতের সর্বপ্রকার বিঘ্নবিনাশ করিয়া থাকেন এবং জগতী নামক, হৃন্দের সহিত যুক্তা ও পরম একাক্ষরূপা” । ২৩৮-২৩৯ । সুধীব্যক্তি, “অগ্নিষ্ট”



ইত্যাদি মন্ত্রের দ্বারা আচমন করিয়া, পশ্চিমদিকে মুখ করত, বাবৎকাল নক্ষত্র দর্শন না হয়, তাবৎকাল পর্য্যন্ত জপ করিবে । ২৪০ । সায়াংকালে যদি কোন অতিথি গৃহে উপস্থিত হন, তবে তাঁহাকে মধুর বাক্য, ও জল প্রদানের দ্বারা সম্মান পূর্ব্বক আহ্বাদ করাইবে । সুধী ব্যক্তি, এই প্রকারে রজনীর প্রথম প্রহর অতিবাহিত করিয়া, অনন্তর শয্যায় গমন করিবে । ২৪১ । এই প্রকারে দিবসকর্ম্ম ও বেদাধ্যয়নাদিকর্ম্মের সময় অতিবাহিত করিয়া, এক প্রহর রাত্রের পর এক কাষ্ঠনির্ম্মিত শয্যার উপর বাইয়া, অনতিদৃষ্ট ভাবে শয়ন করিবে । ২৪২ । এই আমি অতি সংক্ষেপে তোমার নিকট নিত্যকর্ম্ম বিধান সকল কীৰ্ত্তন করিলাম । এই সকল কর্ম্মের অনুষ্ঠান করিলে ত্রাস্কাণ, কখনও অবসাদ প্রাপ্ত হয় না । ২৪৩ ।

## ষট্‌ত্রিংশ অধ্যায় ।



### সদাচার নিরূপণ ।

কন্দ কহিলেন, হে কুন্তজ ! আমি পুনরায় সদাচারসম্বন্ধে আরও কিছু বিশেষ বলিতেছি, যাহা শ্রবণ করিয়া বুদ্ধিমান ব্যক্তি অজ্ঞানাত্মকাবে প্রবেশ করে না । ত্রাস্কাণ, ক্ষত্রিয় ও বৈশ্য, এই তিন বর্ণকে বিজাতি কহা যায় । তন্মধ্যে ত্রাস্কাণগণ জন্ম মাত্রই বিজাতিত্ব লাভ করিয়া থাকেন এবং অগ্নি দুই বর্ণের উপনয়নের অনন্তর, তাহারা বিজাতি বলিয়া গণ্য হইয়া থাকে । ১-২ । এই তিন বর্ণের গর্ভাধান হইতে শ্মশানান্ত বৈদিক ক্রিয়াসমূহ বিধান হইয়াছে । সুধীব্যক্তি, মূলা ও মঘা নক্ষত্র ত্যাগ করিয়া, ঋতুকালে গর্ভাধান করিবে । অনন্তর গর্ভস্পন্দনের পূর্ব্ব পুংসবন করিতে হইবে । অনন্তর বর্ষ বা অষ্টম মাস গর্ভে সীমস্তোময়ন করিতে হইবে । অনন্তর পুত্র উৎপন্ন হইলে, জাতকর্ম্ম করিবে । একাদশ দিবসে নামকরণ করিবে । চতুর্থমাসে গৃহ হইতে নিষ্ক্রামণ করিবে । অনন্তর বালক ছয়মাসের হইলে, তাহার অন্নপ্রাশন দিবে । এক বৎসর পূর্ণ হইলে, অথবা স্বীয় কুলপ্রথামত বালকের চূড়া-কর্ম্ম করিবে । ৩-৫ । এই সমস্ত ক্রিয়া করিলে, বীজ এবং গর্ভজনিত পাপ বিনষ্ট হইয়া যায় । ত্রীণের এই সমস্ত ক্রিয়া অমলক করিবে । কেবল তাহাদের

বিবাহ মন্ত্র পূর্বক হইয়া থাকে। সপ্তম বা অষ্টম বর্ষে ব্রাহ্মণের উপনয়ন প্রদান করিবে এবং ক্ষত্রিয়ের ও বৈশ্যের যথাক্রমে একাদশ ও দ্বাদশ বর্ষে কিম্বা স্ব স্ব কুল-প্রচলিত সময়ে উপনয়ন প্রদান করিবে। ৬-৭। ব্রাহ্মতেজ বৃদ্ধির অভিলাষী বিপ্র, পঞ্চম বর্ষে এবং বলার্থী ক্ষত্রিয় ও ধনার্থী বৈশ্য যথাক্রমে ষষ্ঠ ও অষ্টম বর্ষে উপনীত হইয়া থাকে। গুরু, শিষ্যের উপনয়ন সংস্কার করিয়া, তাহাকে মহাব্যাহতি পূর্বক বেদাধ্যয়ন করাইবেন এবং শৌচাচারে নিযুক্ত করিবেন। ৮-৯। পূর্বোক্ত নিয়মানুসারে শৌচ ও আচমন করিয়া, দন্ত ও জিহ্বাদির মল বিশোধন পূর্বক “অশ্বদৈবত” মন্ত্র সমূহের দ্বারা স্নান করত, প্রাণায়াম পূর্বক সন্ধ্যাঘয়ে সূর্যের উপস্থান করিয়া, অগ্নিকার্য্য সম্পাদন করত “অমুক গোত্র আমি, অমুক (নিজ নাম) আপনাকে অভিবাদন করি” এই বলিয়া ব্রাহ্মণদিগকে অভিবাদন করিবে। ১০-১২। যে ব্যক্তি, ব্রাহ্মণগণকে অভিবাদন ও বৃদ্ধগণের সেবা করে, প্রত্যহ তাহার আয়ু, যশ, বল, ও বুদ্ধি বৃদ্ধি পাইতে থাকে। গুরু কর্তৃক আহূত হইয়া, বিদ্যাধ্যয়ন করিবে এবং প্রত্যহ যাহা পাইবে, তাহা তাঁহাকে নিবেদন করিবে। কায়মনোবাক্যে সর্বদা তাঁহার হিত আচারণ করিবে। যাহার সাধু, আপ্তজ্ঞান বা বিদ্বদ্ভা, শক্ত, কৃতজ্ঞ, শুচি, অদ্রোহক এবং অনসূয়ক তাহাদিগকে ধর্ম্মত অধ্যয়ন করান উচিত এবং তাহাদিগের নিকট কোন প্রকার অর্থের আশা করা উচিত নহে। ব্রাহ্মচারী হইয়া দধি, মেখলা, উপবীত ও অজিন ধারণ করিবে এবং নিজ উদর পূর্ত্তির জন্য অনিন্দিত ব্রাহ্মণের গৃহে ভিক্ষাচরণ করিবে। ১৩-১৬। ব্রাহ্মণগণ, “ভবতি ভিক্ষাং দেহি” ইহা বলিয়া, ক্ষত্রিয়গণ “ভিক্ষাং ভবতি দেহি” ইহা বলিয়া, এবং বৈশ্যগণ “ভিক্ষাং দেহি ভবতি” ইহা বলিয়া, ভিক্ষা প্রার্থনা করিবে। গুরু-কর্তৃক অনুজ্ঞাত হইয়া, মৌনাবলম্বন পূর্বক অন্নকে কুৎসিত বোধ না করিয়া, তাহা ভক্ষণ করিবে। এক স্বামিক অন্ন ভোজন করিবে না, কিন্তু শ্রাদ্ধ বা আপদ-কালে একজনের অন্ন ভোজন করা মাইতে পারে। গুরুতর ভোজন পীড়াজনক এবং উহা অনাস্থ্য, অস্বর্গ্য, অপুণ্য ও লোকবিঘ্নিষ্ট; অতএব অতিরিক্ত ভোজন পরিত্যাগ করিবে। ১৭-১৯। ব্রাহ্মণ, কদাচ দিবসে দুইবার ভোজন করিবে না। ব্রাহ্মণ, অগ্নিহোত্রবিধানবেত্তা হইয়া, প্রাতঃ ও সাংকালে ভোজন করিবে। মধু, মাংস, প্রাণিহিংসা, ভাস্করাবলোকন, অজ্ঞান, স্ত্রী, পর্য্যুষিত ও উচ্ছিষ্ট অন্ন এবং লোকনিন্দা পরিত্যাগ করিবে। ২০-২১। ব্রাহ্মণের ষোড়শ বর্ষ পর্য্যন্ত, ক্ষত্রিয়ের দ্বাবিংশ বর্ষ পর্য্যন্ত এবং বৈশ্যগণের চতুর্বিংশ বর্ষ পর্য্যন্ত উপনয়নের কাল থাকে। এই সময়ের মধ্যে ইহাদিগের উপনয়ন প্রদান না করিলে ইহাদিগের সংস্কার-

যোগ্যতা থাকে না এবং ইহার ধর্মবর্জিত হইয়া, পতিত হয়। তখন ত্রাত্যস্তোম-  
যজ্ঞ করিয়া ইহাদিগের উপনয়ন প্রদান করিতে হয়। ২২-২৩। ষাণ্মদের উপনয়-  
নের কাল অতিক্রান্ত হইয়া, পাতিত্য সম্পাদিত হইয়াছে; তাহাদের সংসর্গ করিবে  
না। ত্রাক্ষণ উপনীত হইয়া, এণ নামক যুগ বিশেষের চর্ম্ম, ক্ষত্রিয় রুক্ষ নামক  
যুগ বিশেষের চর্ম্ম এবং বৈশ্য ছাগচর্ম্ম ব্যবহার করিবে। এবং ইহার তিনজনে  
ষথাক্রমে শাণ, ক্লেম ও মেঘরোমনির্ম্মিত বস্ত্র পরিধান করিবে। ত্রাক্ষণের মেখলা  
মৌলী, ক্ষত্রিয়ের মৌবর্ষী এবং বৈশ্যের শণতন্তুনির্ম্মিত; এবং এই মেখলা ত্রিযুৎ  
( সগান সূত্রত্রয়যুক্ত ) করিতে হয়। ২৪-২৫। যদি মুঞ্জা-তৃণ না পাওয়া যায়,  
তাহা হইলে কুশ, অশ্মাস্তক অথবা বজ্র নামক তৃণ বিশেষের দ্বারা ত্রাক্ষণের মেখলা  
নির্ম্মাণ করিতে হইবে, ঐ মেখলাতে এক, তিন অথবা পাঁচটি গ্রাঙ্ঘি দিতে হইবে।  
ত্রাক্ষণ, ক্ষত্রিয় ও বৈশ্যের ষথাক্রমে, কার্পাস, শণ ও অজলোম দ্বারা উপবীত  
নির্ম্মাণ করিবে। সেই উপবীতে প্রত্যেক সূত্রে তিনগাছি করিয়া সূত্র থাকিবে।  
আয়ুর্য়জ্ঞি বিষয়ে অভিলাষ থাকিলে, তিনগাছি হইতেও অধিক সূত্রে নির্ম্মাণ করা  
যায়। ২৬-২৭। ত্রাক্ষণের বিদ্র ও পলাশের দণ্ড বিহিত। ক্ষত্রিয়ের ঞ্চত্রোধ ও  
খদিরের দণ্ড বিহিত। বৈশ্যের গুড়ফল ও উদ্ভূতর দণ্ডই প্রশস্ত। ২৮। ত্রাক্ষণের  
মস্তক প্রমাণ উচ্চ, ক্ষত্রিয়ের ললাট পর্য্যন্ত ও বৈশ্যের নাসা পর্য্যন্ত দীর্ঘদণ্ড গ্রহণ  
করিতে হয়। ঐ দণ্ডের কোন অংশ অগ্নিদূষিত হইবে না এবং উত্তম স্বকযুক্ত  
হইবে। ২৯। ত্রাক্ষারী, অগ্নি প্রদক্ষিণ ও সূর্যোপস্থান করিয়া, দণ্ড, অজীন ও  
উপবীতে শোভিত হইয়া, ভিক্ষা করিতে বহির্গত হইবে। ৩০। ভিক্ষাসম্বন্ধে বিশেষ  
নিয়ম এই যে প্রথমে মাতার নিকটেই ভিক্ষা গ্রহণ করিবে, তদভাবে মাতৃষসা,  
তদভাবে পিতৃষসার নিকটে ভিক্ষা করিবে। ইহাঁদের মধ্যে যদি কেহই বর্ত্তমান  
না থাকেন, তাহা হইলে, যে স্ত্রী ভিক্ষা বিষয়ে অবমান না করে, তাহারই নিকটে  
প্রথমে ভিক্ষা গ্রহণ করিবে। ৩১। বেদোক্ত ত্রাক্ষার্য্যকালীন, ত্রৈতের ( গুরুসেবা  
প্রভৃতির ) অনুষ্ঠান পূর্ব্বক ষত কাল বেদপাঠ সমাপ্ত না হয়, ততদিন এই প্রকার  
ত্রাক্ষার্য্য পালন করিতে হইবে; তদন্তে বেদ পাঠ সমাপ্ত হইলে পর, বিধিস্থান  
পূর্ব্বক গৃহস্থাত্মমে প্রবেশ করিবে। ৩২।

ত্রাক্ষারী, পূর্ব্বোক্ত আচারসমূহ প্রতিপালন পূর্ব্বক বেদপাঠান্তেও যদি গুরু-  
শুশ্রূষায় রত হইয়া, দেহপাত পর্য্যন্ত গুরুগৃহে বাস করেন; তাহা হইলে তাঁহাকে  
নৈষ্ঠিক বলা যায়, তাঁহাকে আর গৃহস্থাত্মমে প্রবেশ করিতে হয় না। যিনি একবার  
গৃহস্থাত্মম গ্রহণ করিয়া আবার ত্রাক্ষার্য্য অবলম্বন করেন, তিনি গৃহস্থও নহেন

এবং যতিও নহেন । তিনি সর্বধর্ম-বিবর্জিত ও সর্বাশ্রম পরিত্যক্ত, সুতরাং অতি নিন্দনীয় । দ্বিজ, ক্ষণকালও অনাশ্রমী হইয়া থাকিবে না, কারণ আশ্রম পরিত্যাগ পূর্বক অবস্থানকারী, প্রায়শ্চিত্তার্থ হয় । ৩৩-৩৫ । আশ্রমভ্রষ্ট ব্যক্তি, যদি জপ, হোম, ত্রত, দান, স্বাধ্যায় পিতৃতর্পণাদি করে, তথাপিও সেই ব্যক্তি ঐ সকল কর্মের ফল প্রাপ্ত হয় না । ৩৬ । মেখলা, অজিন ও দণ্ড, এই তিনটি ব্রহ্মচারীর চিহ্ন । বেদ ও যজ্ঞাদিই গৃহীর চিহ্ন । নখ ও লোম এই দুইটি বাণ-প্রস্থানশ্রমীর চিহ্ন এবং ত্রিদণ্ড ধারণাদি সম্রাটের লক্ষণ । যে ব্যক্তি এই সকল লক্ষণশূন্য অর্থাৎ আশ্রমভ্রষ্ট, সেই ব্যক্তি সর্বথা প্রায়শ্চিত্তার্থ । ৩৭-৩৮ । উপবীত, কমণ্ডলু, দণ্ড ও অজিন যদি পুরাতনহনিবন্ধন অব্যবহার্য্যপ্রায় হয়, তাহা হইলে জলে নিক্ষেপ পূর্বক পুনর্ব্বার সেই সেই দ্রব্য নূতন মল্লোচ্চারণ পূর্বক গ্রহণ করিবে । ৩৯ । ষোড়শবর্ষ বয়ঃক্রমে ব্রাহ্মণের কেশান্ত সংস্কার করিবে । ক্ষত্রিয়ের ও বৈশ্যের যথাক্রমে দ্বাবিংশ ও চতুর্বিংশবৎসর বয়ঃক্রমে, ঐ কেশান্ত-সংস্কার বিহিত হইয়াছে । ঐ কেশান্ত-সংস্কার করার পর, গার্হস্থ লাভ করিবার যোগ্যতা হয় । ৪০ । তপস্যা, যজ্ঞ, ত্রত ও অন্যান্য সর্বপ্রকার দানাদি শুভকর্ম্ম অপেক্ষা এক ঋতিই ব্রাহ্মণগণের নৈশ্রেয়সী-সম্পত্তির অধিতীয় কারণ । ৪১ । বেদপাঠের আরম্ভে ও অবসানে সকল সময়েই প্রণব যোগ করিবে, প্রণবরহিত বেদপাঠ করিলে কোন ফলোদয় হয় না । ৪২ । প্রণবাদি তিন মহাব্যাহতিযুক্ত ত্রিপদা গায়ত্রীই বেদের মুখস্বরূপে কীর্তিত হইয়া থাকেন । ৪৩ । যে ব্যক্তি একমাস নিয়মসহকারে প্রতিদিন এই গায়ত্রীকে কিঞ্চিদধিক তিনসহস্রবার জপ করিতে পারে, সে মহাপাপ হইতে মুক্তি লাভ করিতে পারে । যে ব্যক্তি এক বৎসরের অধিক কাল ব্যাপিয়া প্রতিদিন জপ করে, সে অতি বিশুদ্ধাত্মা এবং সর্বপ্রকার উপাধিহীন হইয়া, পরমব্রহ্ম সাক্ষাৎকার লাভ করিতে পারে । ৪৪-৪৫ । ব্রহ্মা, ত্রিবর্ণাত্মক প্রণব, মহাব্যাহতি ও গায়ত্রীর পাদত্রয়কে তিন বেদ হইতে সাক্ষাৎ দোহন করিয়া প্রকাশ করিয়াছেন । ৪৬ । বিপ্র, এই প্রণবরূপ অক্ষর ও ব্যাহতিপূর্ব্বিক পাদত্রয়াত্মিকা গায়ত্রীকে সায়ংকালে ও প্রাতঃকালে সন্ধ্যোপাসনা-সময়ে জপ করিলে সমস্ত বেদপাঠের ফল লাভ করিতে পারে । ৪৭ । বিধিপূর্ব্বক যজ্ঞ হইতে, বিধিপূর্ব্বক জপ দশগুণ ফল প্রদান করে ; সুতরাং বিহিত যজ্ঞ হইতেও জপযজ্ঞ দশগুণ বলিয়া কীর্তিত হইয়া থাকে । ৪৮ । পূর্ব্বোক্তপ্রকার জপ হইতে অস্পষ্ট জপ, শতগুণ ফল প্রদান করে কিন্তু মানস-জপ সহস্রগুণ পর্য্যন্ত ফল প্রদান করিতে সমর্থ হয় । ৪৯ । যে ব্রাহ্মণ, শক্তি অনুসারে বেদত্রয়,

বেদক্স বা এক বেদও যথাবিধি অধ্যয়ন করিতে পারে, সে স্ববর্ণপূর্ণ ধরণী দানের ফল লাভ করিতে সমর্থ হয় । ৫০ ।

ব্রাহ্মণ তপশ্চা করিবার জন্ত সর্বদা বেদাভ্যাস করিবে, বেদাভ্যাসই ব্রাহ্মণ-গণের পরম তপঃ বলিয়া পরিকীৰ্ত্তিত হইয়া থাকে । ৫১ । যে ব্রাহ্মণ, বেদাধ্যয়ন পরিত্যাগ করিয়া অন্য কোন শাস্ত্রপাঠে ইচ্ছা করে, নিশ্চয়ই সে ব্যক্তি পয়স্বিনী ধেনুকে পরিত্যাগ পূর্বক গ্রাম্যশুকরীকে দোহন করিতে ইচ্ছা করে । ৫২ ।

যিনি, শিষ্যের উপনয়ন প্রদান করিয়া, তাহাকে কল্ল ও রহস্যের সহিত বেদ অধ্যয়ন করান, তাঁহাকে আচার্য্য বলা যায় । ৫৩ । যিনি, বেতন গ্রহণপূর্বক বেদের একাংশ অথবা বেদাঙ্গ সকল পাঠ করাইয়া থাকেন, পণ্ডিতগণ তাঁহাকে উপাধ্যায় বলিয়া থাকেন । ৫৪ । যিনি বিধি অনুসারে গর্ভাধানাদিসংস্কার করিয়া থাকেন ও অন্নদ্বারা সম্বন্ধিত করেন, সেই পিতাকে গুরু বলা যায় । ৫৫ । যিনি, যে ব্যক্তির নিকট বরণ লাভ করিয়া, অগ্ন্যাধান, পাকযজ্ঞ ও অগ্নিস্টোম প্রভৃতি যজ্ঞ সম্পাদন করেন, তিনি সেই ব্যক্তির ঋষিক্ বলিয়া পরিকীৰ্ত্তিত হয়েন । ৫৬ । আচার্য্য, উপাধ্যায় হইতে দশগুণ মাণ্ড, পিতা আচার্য্য হইতে শতগুণ মাণ্ড এবং পিতা হইতে মাতা সহস্রগুণে মাননীয় । ৫৭ । ব্রাহ্মণগণের মধ্যে যিনি জ্ঞানী, তিনি শ্রেষ্ঠরূপে মাননীয় । ক্ষত্রিয়গণের মধ্যে বীৰ্য্যবানকেই জ্যেষ্ঠ বলিয়া জানিবে । বৈশ্যগণের মধ্যে যে ব্যক্তি, অধিক ধন-ধাণ্ডাশালী তিনিই জ্যেষ্ঠ, শূদ্রগণের মধ্যে বয়সেই জ্যেষ্ঠতা হইয়া থাকে । ৫৮ । যে প্রকার কাষ্ঠময় হস্তী এবং যে প্রকার চৰ্ম্মময় মৃগ, কেবল নামমাত্রই ধারণ করে, কোন কার্য্যেই লাগে না, সেইরূপ অধ্যয়নবিবৰ্জিত ব্রাহ্মণও নামমাত্রের ব্রাহ্মণ, তাহার দ্বারা কোন ফলই সাধিত হয় না । ৫৯ । ব্রাহ্মচারী, যদি অকামে ও স্বপ্রাবস্থায় রতঃক্ষরণ করে, তাহা হইলে তাহার স্নান করিয়া সূর্য্যোপাসনান্তে, “পুনর্মাং” ইত্যাদি মন্ত্র জপ করিতে হইবে । ৬০ । যাহারা স্বধর্ম্মনিরত এবং বেদপাঠ ও যজ্ঞাদি কর্ম্মে সর্বদা আসক্ত, তাঁহাদেরই গৃহে, প্রযত ব্রাহ্মচারী প্রতিদিন ভিক্ষা গ্রহণ করিবেন । ৬১ । ব্রাহ্মচারী, যদি স্নান থাকিয়াও ভিক্ষাচরণ ও অগ্নিতে আহুতি প্রদান না করেন, তাহা হইলে তাঁহাকে গপ্তরাত্র প্রায়শ্চিত্ত করিতে হইবে । ৬২ । গুরুর সম্মুখে অবস্থান কালে শিষ্যের চপলতা পরিত্যাগ করিতে হয়, এবং অসমক্ষে বিশেষণহীন গুরুর নাম মুখে আনিবে না (অর্থাৎ আচার্য্যাদি বিশেষণের সহিত তাঁহার নাম কীৰ্ত্তন করিবে) । ৬৩ । যেস্থলে গুরুর বাস্তবিক বিদ্যমান দোষ-সমূহ কীৰ্ত্তিত হয় অথবা যেখানে মিথ্যা দোষারোপ পূর্বক গুরুরিন্দা প্রবর্তিত

হয়, শিষ্যের তত্ত্বৎস্থানে কর্ণ আচ্ছাদন করা উচিত অথবা সেই স্থান হইতে প্রস্থান করা কর্তব্য। ৬৪। গুরুর দোষ কীৰ্ত্তন করিলে গর্দভ হইতে হয়, এবং গুরুর নিন্দা করিলে কুকুর হইয়া জন্মিতে হয়। যে গুরুর প্রতি মাৎসর্য্য প্রকাশ করে, সে ক্ষুদ্র কীটবোনিতে জন্মগ্রহণ করে। যে ব্যক্তি, গুরুর আহ্বারের অগ্রে আহ্বার করে, সেই ব্যক্তি কৃমি হয়। ৬৫। যুবা-গুণ ও দোষের জ্ঞাতা ব্রহ্মচারী, যুবতী সতী গুরুপত্নীর পাদগ্রহণ পূর্ব্বক নমস্কার করিবেন না। স্ত্রীগণের স্বভাব প্রায়ই চঞ্চল; পুরুষগণও প্রায়ই স্ত্রীবিষয়ে বিশ্বাস পূর্ব্বক অশ্লিতস্বভাব হইয়া থাকেন; এই সকল কারণে পণ্ডিতগণ কখনই স্ত্রীগণকে বিশ্বাস করেন না। ৬৬-৬৭। স্ত্রীগণ, পণ্ডিত অথবা অপণ্ডিত ব্যক্তিকে বলপূর্ব্বক সূত্রবদ্ধ পক্ষীর স্থায় নিজবশে আনয়ন করিয়া থাকে, ইহা স্ত্রীগণের স্বভাবসিদ্ধ গুণ। ৬৮। জননী, ভগিনী অথবা দুহিতার সহিত এক স্থানে নির্জনে অবস্থান করিবে না, কারণ অতি বলবান্ ইন্দ্রিয়সমূহ, পণ্ডিত ব্যক্তিগণকেও প্রমত্ত করিয়া থাকে। ৬৯। যে প্রকার অতি যত্নের সহিত খনন করিলে ভূমি হইতে জল লাভ করিতে পারা যায়, সেই প্রকার অনন্ত সেবা করিয়া গুরুর নিকট হইতে বিজ্ঞা-রত্ন লাভ করিতে হয়। ৭০। ব্রহ্মচারী সূর্য্যোদয় অথবা সূর্যাস্তকালে প্রমাদপ্রযুক্ত যদি শয়ন করিয়া থাকে, তাহা হইলে তাহার সমস্ত দিন উপবাসী থাকিয়া গায়ত্রী জপ করিতে হয়। ৭১। সন্তানের জন্ম ও লালন-পালনে জননী ও পিতা যে ক্লেশ সহ্য করিয়া থাকেন, শতবর্ষ সেবাবারো সেই ক্লেশের প্রতিদান হয় না। ৭২। এই সকল কারণে পিতা, মাতা ও আচার্য্যের অতি আগ্রহ সহকারে সেবা করা কর্তব্য; এই তিন জনকে পরিতুষ্ট করিতে পারিলে, সকল প্রকার তপস্তার ফল লাভ হয়। তাঁহাদের আজ্ঞা অতিক্রম পূর্ব্বক কোন কার্য্য আরম্ভ করিলে, তাহা নিশ্চয়ই সিদ্ধ হয় না। এই তিন জনের শুশ্রূষাই পরম তপস্থা বলিয়া কীৰ্ত্তিত হইয়াছে। ৭৩-৭৪। এই তিন জনের সেবা করিতে পারিলে, তিন লোককে জয় করিতে পারা যায়। ইহাদের তোষ উৎপাদন করিতে পারিলে স্ত্রীজন, স্বর্গে দেবতার স্থায় শোভা পাইয়া থাকেন। ৭৫। মাতৃভক্তিতে ভুলোক, পিতৃভক্তিতে ভুবলোক এবং আচার্য্যভক্তিতে স্বর্লোক জয় করিতে পারা যায়। ৭৬। শুশ্রূষা দ্বারা এই তিন জনের সন্তোষ উৎপাদন করিতে পারিলেই মনুষ্যের চতুর্বর্গ ফল লাভ হয়। ইহাদের সেবা ভিন্ন আর যত কিছু ধর্ম্ম আছে, সে সকলকেই উপধর্ম্ম বলা যায়। ৭৭।

বিজ্ঞাতিগণ, অশ্লিত ব্রহ্মচর্যাশ্রম প্রতিপালন করত বেদত্রয়, বেদ ছয় বা একটা বেদ ও সাধ অধ্যয়ন করিয়া, পরে গৃহস্থাত্ম্যে প্রবেশ করিবেন। ৭৮।

ভগবান্ বিশেষ্বরের অমুগ্রহ প্রভাবেই অশ্বনিত ব্রহ্মচর্য্য প্রতিপালন করিতে পারা যায় । বিশেষ্বরের অমুগ্রহ ব্যতিরেকে কিছুতেই কাশী লাভ হইতে পারে না ।

৭৯। কাশী প্রাপ্তিতেই জীবগণের ব্রহ্মজ্ঞান লাভ হয়, ব্রহ্মজ্ঞান বিনা নির্ব্বাণের সম্ভাবনা নাই । বুদ্ধিজীবী ব্যক্তিগণ, একমাত্র নির্ব্বাণ সম্পদ লাভ করিবার জন্তই সদাচার প্রতিপালনে যত্ববান হন । ৮০। গৃহস্থাত্মমে যাদৃশ নিয়মিত ভাবে সদাচার প্রতিপালন করিতে হয়, অশ্রাণ্ড আশ্রম সমূহে তাদৃশ ভাবে করিতে হয় না ; এই কারণে সর্ব্ব প্রকার বিদ্যাশিক্ষা করিয়া, তৎপরে গৃহস্থাত্মম আশ্রয় করা কর্তব্য । ৮১। পত্নী যদি বশবর্ত্তিনী হয়, তাহা হইলে গৃহস্থাত্মমের সঙ্গে আর কোন আশ্রমই তুলনা লাভ করিতে পারে না ; কারণ স্বামী ও স্ত্রীর যদি পরস্পর অমুকূলতা থাকে, তাহা হইলে এই গৃহস্থাত্মমে ত্রিবর্গ সাধিত হয় । ৮২। যদি কলত্রে অমুকূলতা থাকে, তাহা হইলে স্বর্গেতেই বা কি প্রয়োজন ? এবং সংসারে স্ত্রী যদি প্রতিকূলা হয়, তাহা হইলে স্বতন্ত্র নরকভোগই বা কেন ? । ৮৩। সুখের জন্তই গৃহস্থাত্মম, এবং গৃহস্থাত্মম সুখের এক মাত্র কারণ অমুকূলদয়িতা । আবার সেই ভাৰ্য্যা যদি সম্যক্ প্রকারে বিনয়শালিনী হয়, তাহা হইলে গৃহস্থাত্মমে ধর্ম্ম, অর্থ ও কাম করতলগত হইয়া থাকে, ইহাতে আর সংশয় কি ? । ৮৪। মন্দবুদ্ধিগণই স্ত্রীলোকের জলৌকার সহিত উপমা দিয়া থাকে ; কিন্তু বিচার করিয়া দেখিলে, জলৌকা এবং প্রেমদাগণের পরস্পর অতিশয় বিসদৃশতাই প্রকাশ পাইয়া থাকে ; কারণ অল্পপ্রাণী জলৌকা কেবল মাত্র শরীর হইতে রুধির শোষণ করিয়া থাকে, কিন্তু স্ত্রীগণ পুরুষগণের হৃদয়, ধন, বল, ও সুখপর্ধ্যন্ত সকলই হরণ করিয়া থাকে । ৮৫—৮৬ ।

স্ত্রী যদি গৃহকর্ম্মকুশলা, তনয়াবতী, সাধবী ও শ্রিয়বাক্য প্রতিপালিকা হয়, তাহা হইলে তাহাকে স্ত্রীরূপধারিণী লক্ষ্মী বলিয়াই জানা উচিত । ৮৭। ত্রুত এবং বেদ পাঠ সমাপন পূর্ব্বক গুরুর আজ্ঞামুসারে বিহিত স্নান করিয়া, সাধুলক্ষণসম্পন্ন সর্বা কন্যাকে বিবাহ করিবেন । ৮৮। যে কন্যা পিতৃগোত্রজাতা নহে এবং মাতার অসপিণ্ডা, দ্বিজাতিগণের ঐদৃশ কন্যা, ধর্ম্মবুদ্ধির জন্ত বিবাহ ক্রিয়ার উপযুক্ত বলিয়া কীর্ত্তিত হইয়াছে । ৮৯। ক্ষয়, অপস্মার ও শিত্রিরোগবিশিষ্ট কুল হইতে উৎপন্ন কন্যাকে বিবাহ করিবে না । ৯০। রোগরহিতা ভ্রাতৃমতী ও নিজের অপেক্ষা অল্প-বয়স্কা, মনোহরবদনা ও মৃদুভাষিণী কুমারীকে দ্বিজগণ ভাৰ্য্যারূপে গ্রহণ করিবেন । ৯১। পর্ব্বত, নক্ষত্র, বৃক্ষ, নদী, সর্প, পক্ষী ও দাসীস্বজ্ঞাপক নামযুক্ত কন্যাকে বিবাহ করিবে না । এই সকল নাম পুণ্ড্রিত্যাগ করিয়া, সৌম্যানামযুক্ত কন্যাকে

বিবাহ করিবে। ৯২। অতিরিক্তাক্রী বা হীনাক্রী বা অতি দীর্ঘাক্রী কিম্বা অতি কৃশাক্রী কণ্ঠকে বিবাহ করিবে না। লোমরহিতা, অভিলোমযুক্তা এবং কঠিন ও স্থূল কেশযুক্তা কণ্ঠকে বিবাহ করিবে না। ৯৩। মোহ প্রযুক্ত কখনও কুল-হীনা কণ্ঠকে বিবাহ করিবে না। হীনকূলে বিবাহ করিলে সজ্জনগণেরও সম্মানসমূহ হীনস্বভাব হইয়া থাকে। ৯৪। প্রথমে কণ্ঠার লক্ষণ সকল পরীক্ষা করিয়া, পরে বিবাহ করিবে; কারণ স্থূলক্ষণসম্পন্ন ও সদাচারনিরতা পত্নী, পতির আয়ুঃবৃদ্ধি করিয়া থাকে। ৯৫। হে কলসোদ্ভব! তোমার নিকটে ব্রহ্ম-চারীগণের সদাচার সম্যক্ প্রকারে কীৰ্ত্তন করিলাম, এইক্ষণে প্রসঙ্গ ক্রমে স্ত্রীলক্ষণ সকল কীৰ্ত্তন করিতেছি। ৯৬।

## সপ্তত্রিংশ অধ্যায় ।

—:—

### স্ত্রীলক্ষণ বর্ণন ।

স্বন্দ কহিলেন, গৃহস্থব্যক্তির স্ত্রী যদি লক্ষণাবিতা হয়, তাহা হইলেই গৃহী সর্বদা সুখী হইতে পারে; অতএব সুখ-সমৃদ্ধির জন্য বিবাহের পূর্বে স্ত্রীর লক্ষণ সমূহ পরীক্ষা করিবে। ১। বৃষণগ বলিয়া থাকেন যে শরীর, আবর্ত্ত, গন্ধ, ছায়া, সম্ব, স্বর, গতি এবং বর্ণ, এই আট প্রকার লক্ষণ প্রধান। ২। হে মূনে! পাদ হইতে মস্তক পর্য্যন্ত যে সমস্ত শুভাশুভ লক্ষণ আছে, তৎসমুদয় আমি ক্রমশঃ বলিতেছি, শ্রবণ কর। ৩। পাদতল, পাদরেখা, পাদাঙ্গুষ্ঠ ও অন্ত্যঙ্গ অঙ্গুলী, পাদনখ, পাদপৃষ্ঠ, গুল্ফঘর, পাশ্বিঘর, জঙ্ঘাঘর, রোমসমূহ, জামুঘর, উরুঘর, কটিঘর, নিতম্ব, শ্লিষ্কঘর, জঘন, বস্তি, নাভি, কুক্ষিঘর, পার্শ্বঘর, উদর, মধ্য, বলিত্রয়, রোমপংক্তি, হৃদয়, বক্ষস্থল, বক্ষোজঘর, চুচুকঘর, জত্র, শঙ্ক, অংশ, কক্ষঘর, ভুজঘর, মণিবন্ধ, করঘর, পাণিপৃষ্ঠ, পাণিতল, রেখা, অঙ্গুষ্ঠ, অঙ্গুলী, নখ, পৃষ্ঠি, ক্রুকাটিকা, কণ্ঠ, চিবুক, হনুঘর, কপোলঘর, বস্ত্র, অধর, ওষ্ঠ, দন্ত, জিহ্বা, দণ্ডিকা, তালু, ক্ষুত, চক্ষুঘর, পক্ষ্ম, ক্র, কর্ণ, ভাল, মৌলি, সীমন্ত এবং কেশ, এই বড়দিক বহুতম অবয়বযুক্ত। নারীই শুভাশুভ অঙ্গলক্ষণসমূহের উত্তম আকর। ৪-৯। স্ত্রীলোকের পাদতল, স্নিগ্ধ, মাংসল, কোমল, স্নয়, স্বৈরহিত, উষ্ণ এবং অরুণবর্ণ



হইলে, তাহা বহু ভোগের পরিচায়ক হইয়া থাকে । এবং রুক্ষ, বিবর্ণ, কঠোর এবং বালুকায় গমন করিলেও বাহার প্রতিবিশ্ব খণ্ডিত হইয়া যায়, জীলোকের এতাদৃশ পাদতল হইলে সে দুঃখভাগিনী হইয়া থাকে । ১০-১১ । যে জ্ঞীর পাদতল চক্র, শঙ্খ, স্বস্তিক, পদ্ম, ধ্বজ, মীন এবং আতপত্র চিহ্নের দ্বারা অঙ্কিত থাকে, সে রাজপত্নী হয় । পাদতলে মধ্যমাজুলীর মূল পর্য্যন্ত যদি উর্দ্ধরেখা থাকে, তাহা হইলে তাহা অখণ্ড ভোগের সাধন হইয়া থাকে । এবং পাদতলে মুষিক, সর্প, এবং কাক-চিহ্ন থাকিলে দুঃখিনী এবং দরিদ্রা হইতে হয় । ১২-১৩ । পাদাজুষ্ঠ উন্নত, মাংসল এবং বর্ন্তুল হইলে, তাহা অতুল ভোগের সাধক এবং বক্র, হ্রস্ব ও চিপটি হইলে তাহা স্তম্ভ ও মৌভাগ্যের নাশক হইয়া থাকে । পাদাজুষ্ঠ দীর্ঘ ও বিপুল হইলে দুর্ভগা ও বিধবা হইয়া থাকে । কোমল, ঘনাবৃত্ত ও সমুন্নত অঙ্গুলি-সমূহই প্রশস্ত । অঙ্গুলি সমস্ত দীর্ঘ হইলে কুলটা এবং কৃশ হইলে অভিশয় দরিদ্রা হইয়া থাকে । এবং সেই সমস্ত হ্রস্ব হইলে আয়ু অল্প হয় ও কুটিল হইলে কুটিল ব্যবহারিণী হইয়া থাকে । অঙ্গুলি সমস্ত চিপটি হইলে দাসী ও বিরল হইলে দরিদ্রা হইতে হয় । যে জ্ঞীর পাদাজুলিসমূহ পরস্পর সমাকৃষ্ট, সে বহুতর পতি বিমাশ করিয়া পরপ্রেষ্যা হইয়া থাকে । যে জ্ঞীর, পথে গমনকালীন ভূমি হইতে ধূলি উষ্মিত হয়, সেই পাংশুলা জ্ঞী কুলত্রয়বিনাশিনী । যে জ্ঞীর গমনকালীন পাদের কনিষ্ঠাঙ্গুলি ভূমি স্পর্শ করে না, সেই জ্ঞী পতিকে নিহত করিয়া বিতীয় পতি গ্রহণ করে । বাহার অনামিকা ভূমিস্পর্শ করে না, সেই জ্ঞী দুইটা পতিকে হত্যা করে এবং বাহার মধ্যমা ভূমিস্পর্শ করে না, সেই জ্ঞী তিনটা পতিকে বিনাশ করে । যে জ্ঞীর অনামিকা ও মধ্যমা হীন হয় বা দুই অঙ্গুলি বাহার ন্যূন হয়, সে পতিহীনা হইয়া থাকে । ১৪-২১ । বাহার প্রদেশিনী অঙ্গুষ্ঠের সহিত সম্বদ্ধ থাকে, সেই জ্ঞী কণ্ঠকাবস্থাতেই কুলটা হইয়া থাকে । স্নিগ্ধ, সমুন্নত, তাম্রবর্ণ ও বৃন্ত পাদনখনিচয় মঙ্গলকর হইয়া থাকে । যে জ্ঞীর পাদপৃষ্ঠ সমুন্নত, শ্বেদহীন, মন্থণ, মৃদু, মাংসল এবং শিরায়ুক্ত নহে, সে রাজপত্নী হইয়া থাকে । ২২-২৪ । পাদপৃষ্ঠ মধ্যস্থলে নত্র হইলে দরিদ্রা হয় এবং শিরাল হইলে সর্বদা অধবগামিনী হইয়া থাকে । পাদপৃষ্ঠ রোমযুক্ত হইলে দাসী হইতে হয় এবং উহা মাংসহীন হইলে দুর্ভগা হইয়া থাকে । গুল্কবয়, অশিরাল, স্তবর্ন্তুল ও গুড় হইলে মঙ্গলকর হয় এবং উহা নিম্ন, শিথিল ও অগুড় হইলে দুর্ভাগ্যের সূচক হইয়া থাকে । ২৫-২৬ । জীলোকের পার্শ্বদ্বয় সমান হইলে শুভকর হয় এবং স্থূল হইলে দুঃখ প্রদান করিয়া থাকে । বাহার পার্শ্বদ্বয় উন্নত, সে কুলটা হয় ও বাহার পার্শ্বদ্বয় দীর্ঘ

সে দুঃখিনী হইয়া থাকে। বাহার অজ্ঞানদয় রোমরহিত, সম, স্নিগ্ধ, শিরাহীন, মনোহর এবং ক্রমশঃ বর্জ্য, সে রাজপত্নী হইয়া থাকে। ২৭-২৮। যে স্ত্রীর রোমকূপসমূহ এক একটা রোমাবৃত, সে রাজপত্নী হইয়া থাকে। বাহার রোমকূপসমূহ দুই দুইটা রোমাবৃত, সে সূখভাগিনী হইয়া থাকে এবং বাহার রোমকূপসমূহ তিন তিনটা রোমের দ্বারা আবৃত, সে বিধবা ও দুঃখভাগিনী হইয়া থাকে। বৃন্ত ও মাংসল জাম্বুদয় প্রশস্ত। বাহার জাম্বু-নির্মাংস, সে স্বৈরচারিণী হইয়া থাকে এবং বাহার জাম্বু বিল্লখ, সে দরিদ্রা হইয়া থাকে। ২৯-৩০। বাহার উরুদ্বয় শিরাহীন, করভাকার, মন্থণ, ঘন, সুবৃত্ত এবং রোমরহিত, সে রাজপত্নী হয়। বাহার উরুদ্বয় রোমযুক্ত, সে বিধবা হয়। বাহার উরুদ্বয় চিপটি, সে দুর্ভগা হয়। বাহার উরুদ্বয় শিরাল, সে মহাদুঃখ প্রাপ্ত হয় এবং বাহার উরুদ্বয় কঠিন, সে দরিদ্রা হইয়া থাকে। ২১-৩২। স্ত্রীগণের সমুদ্রত নিতম্বযুক্ত চতুরঙ্গ এবং চতুর্বিংশতি অঙ্গুলিপরিমিত কটি প্রশস্ত এবং উহা বিনত, চিপটি, দীর্ঘ এবং নির্মাংস হইলে দুঃখপ্রদ হইয়া থাকে। নারীর কটি হ্রস্ব ও রোমযুক্ত হইলে সে দুঃখিনী ও বিধবা হইয়া থাকে। ৩৩-৩৪। স্ত্রীলোকের নিতম্ব উন্নত, মাংসল এবং স্থূল হইলে মহা ভোগদায়ক হইয়া থাকে এবং ইহার বিপরীত হইলে তাহা দুঃখপ্রদ হইয়া থাকে। স্নিগ্ধদয়, কপিঞ্চ ফলের ম্যায় বৃন্ত, মৃদুল, মাংসল, ঘন এবং বলি-বিরহিত হইলে রতি-সৌখ্যবর্দ্ধক হইয়া থাকে। ৩৫-৩৬। \* \* \*

\* \* \* \* \* ৩৭—৪৩। \* \* \* \* \*

\* \* \* \* \* \* \* \* \* \*

বিপুল, অল্প উন্নত এবং কোমল বস্তিই প্রশস্ত এবং উহা রোমশ, শিরাল ও রেখাক্ত হইলে দুঃখ প্রদান করিয়া থাকে। গস্তীর ও দক্ষিণাবর্ত নাভি, সূখ ও সম্পদের চোতক এবং উহা বামাবর্ত, উচ্চ এবং বাহ্যগ্রস্থি হইলে অশুভ ফল প্রদান করিয়া থাকে। ৪৪-৪৫। যে নারীর কুক্ষি পৃথু, সে সূখী হয় এবং অনেক ভনয় প্রসব করে। ভেকের উদরের ম্যায় বাহার কুক্ষি, সে ক্ষিতীশ পুত্র প্রসব করিয়া থাকে। আর বাহার কুক্ষি উন্নত সে বক্ষ্যা হয়; বাহার কুক্ষি বলিযুক্ত সে প্রত্নজিতা হয় এবং বাহার কুক্ষি আবর্তযুক্ত, সে দাসী হইয়া থাকে। ৪৬-৪৭।

\* এই কয়টা শ্লোকের অনুবাদ অতি ত্রীড়াব্যঞ্জক ও তাদৃশ উপযোগী নহে; এই কারণে পরিত্যক্ত হইল। বাহার এই বিষয় অধিক জানিতে ইচ্ছা করেন, তাঁহারা সামুদ্রিক গ্রন্থে স্ত্রীলক্ষণ অনুসন্ধান করিলে বিশেষ অবগত হইতে পারিবেন। প্রকাশক।

স্ত্রীলোকের পার্শ্বদেশ সম, মাংসল, ময়্যাস্থি ও কোমল হইলে, সৌভাগ্য এবং সুখ লাভ হইয়া থাকে এবং যাহার পার্শ্বদ্বয় দৃশ্যশিরা, উন্নত ও রোমযুক্ত হয়, সে অনপত্য ও দুঃখভাগিনী হইয়া থাকে । ৪৮-৪৯ । যাহার উদর তুচ্ছ, শিরাহীন ও মৃদুষ্ক, সে ভোগাঢ্য হয় এবং বহুতর মিষ্টান্ন সেবন করে, এবং উহা কুন্ত, কুম্ভাণ্ড, মৃদঙ্গ ও যবাকার হইলে সেই উদর কিছুতেই পূর্ণ হয় না ও দরিদ্র হইতে হয় । ৫০-৫১ । যাহার উদর অতিশয় বিশাল, সে অনপত্য ও দুর্ভগা হয় ; যাহার হৃদয় লম্বমান, সে শিশুর ও দেবরকে বিনষ্ট করে । মধ্যদেশ কৃশ হইলে সৌভাগ্যবতী হয় এবং তাহা ত্রিবলীযুক্ত হইলে বিশেষ সৌভাগ্য লাভ হইয়া থাকে । রোমাবলী ঋজু ও সূক্ষ্ম হইলে বিশেষ সুখ প্রাপ্ত হওয়া যায় । ৫২-৫৩ । স্ত্রীগণের রোমাবলী, কণিলবর্ণ, কুটিল, স্থূল এবং বিচ্ছিন্ন হইলে চৌর্য্য, দৌর্ভাগ্য ও বৈধব্য বিধান করিয়া থাকে । যাহার হৃদয় রোমহীন, সম এবং নিম্নস্থবিরহিত, সে ঐশ্বর্য্যবতী ও পতিপ্রেমভাগিনী হয় ও বিধবা হয় না । ৫৪-৫৫ । যাহার হৃদয় বিস্তীর্ণ, সে অতিশয় নির্দয় ও পুরুষান্তরগামিনী হইয়া থাকে । যে নারীর হৃদয়ে অধিক রোম নির্গত হয়, সে নিশ্চয়ই পতিঘাতিনী হইয়া থাকে । অষ্টাদশ অঙ্গুলি-পরিমিত, পীবর ও উন্নত বক্ষঃস্থলই সুখজনক এবং উহা রোমশ, বিষম ও পৃথু হইলে দুঃখদায়ক হইয়া থাকে । ৫৬-৫৭ । ঘন, বৃন্ত, দৃঢ়, পীন ও সম স্তনদ্বয়ই প্রশস্ত এবং উহা স্থলাগ্র, বিরল ও শুষ্ক হইলে দুঃখপ্রদ হইয়া থাকে । যাহার স্তন দক্ষিণে উন্নত হয়, সে পুত্রবতী ও স্ত্রীগণের মধ্যে শ্রেষ্ঠা হয় এবং যাহার স্তন বামে উন্নত হয়, সে সৌভাগ্যসুন্দরী কন্যা প্রসব করিয়া থাকে । ৫৮-৫৯ । স্তনদ্বয় অরঘটস্থিত ( ঘটীযজ্ঞস্থ ) ঘটীতুল্য হইলে দুঃখীলতার পরিচায়ক হইয়া থাকে এবং উহা পীবরাস্ত, সাস্তুরাল ও স্থুলোপাস্ত হইলে দুঃখ ভোগ করিতে হয় । যাহার স্তনমূল স্থূল ও ক্রমশঃ কৃশ হইয়া আসিয়াছে ও যাহার অগ্রভাগ তীক্ষ্ণভাবে অবস্থিত রহিয়াছে, সেই নারী প্রথমতঃ সুখভাগিনী হইয়া, পশ্চাৎ অতিশয় দুঃখ ভোগ করিয়া থাকে । ৬০-৬১ । স্তদৃঢ়, শ্যামবর্ণ ও সুবর্তুল চুচুকাবয়বই প্রশস্ত এবং উহা অন্তর্মগ্ন দীর্ঘ ও কৃশ হইলে, অতিশয় ক্লেশ পাইতে হয় । জক্রদ্বয় পীবর হইলে বহুতর ধন-ধাত্র ভোগ হইয়া থাকে এবং উহা শ্ৰুতাস্থি, বিষম ও নিম্ন হইলে, দুঃখিনী হইতে হয় । ৬২-৬৩ । স্বকৃদ্বয় অবক, অনত, অদীর্ঘ ও অকৃশ হইলে শুভকর হয় এবং উহা বক্র, স্থূল ও রোমযুক্ত হইলে বৈধব্য ও দাসীহের কারণ হইয়া থাকে । নিগুঢ়াস্থি, অস্ত্রাগ্র ও স্তনসংহত অংশদ্বয় শুভকর এবং উহার অগ্রভাগ উচ্চ হইলে বৈধব্য ও নিশ্চাংস হইলে অতিশয় দুঃখ প্রদান করিয়া

থাকে । ৬৪ ৬৫ । কক্ষদ্বয়, সূক্ষ্মরোমবিশিষ্ট, তুঙ্গ, স্নিগ্ধ ও মাংসল হইলে, শুভকর হইয়া থাকে এবং উহা গম্ভীর, শিরাল, স্নেদযুক্ত ও মেদুর হইলে দুঃখজনক হয় । হস্তদ্বয়, গূঢ়াঙ্গি, গূঢ়গ্রন্থি, কোমল, বিশিরা, রোমহীন ও সরল হইলে শুভকর হয় এবং উহা স্থূলরোমযুক্ত ও হ্রস্ব হইলে বৈধব্য ও দুর্ভাগ্যের সূচক হইয়া থাকে । নারীগণের হস্তের শিরাসমূহ প্রকাশিত থাকিলে, তাহাতে বহু ক্লেশ ভোগ হয় । ৬৬-৬৮ । মৃগাক্ষীগণের হস্ত (গণিবন্ধ হইতে অগ্র পর্য্যন্ত) পদ্মমুকুলাকার ও সম্মুখাঙ্গুলি হইলে, তাহা বহুতর ভোগের সাধন হইয়া থাকে । হস্ততল কোমল, মধোম্নত, রক্তবর্ণ, অরন্ধ্র এবং প্রশস্ত ও স্নগ্নরেখাযুক্ত হইলে শুভকর হয় । হস্ততল বলরেখাযুক্ত হইলে বিধবা হইতে হয় ; রেখাহীন হইলে দরিদ্র হইতে হয় এবং শিরাযুক্ত হইলে ভিক্ষুক হইতে হয় । ৬৯-৭১ । পাণিপৃষ্ঠ, রোম ও শিরাহীন এবং সমুন্নত হইলে শুভকর হয় এবং উহা শিরা ও রোমযুক্ত এবং নিম্নাংস হইলে বৈধব্যের হেতু হইয়া থাকে । কররেখা রক্তবর্ণ, ব্যক্ত, গম্ভীর, স্নিগ্ধ, বর্তুল ও পূর্ণ হইলে, শুভ ফল প্রাপ্ত হওয়া যায় । ৭২-৭৩ । স্ত্রীলোকের বামহস্ততলে মংস্ত্রাকার রেখা থাকিলে, সে ভাগ্যবতী হয় ; স্বস্তিক-রেখা থাকিলে ধনশালিনী হয় এবং পদ্মাকার রেখা থাকিলে সে রাজপত্নী হইয়া, রাজমাতা হয় । রাজচক্রবর্তীর মহিষীর পাণিতলে প্রদক্ষিণ স্বস্তিকরেখা দেখা গিয়া থাকে । হস্তে শঙ্খ, আতপত্র এবং কন্ঠাকার রেখানিচয় নৃপমাতৃত্বের সূচক হইয়া থাকে । ৭৪-৭৫ । হস্তে তুলা ও মীনাকৃতি রেখা থাকিলে, সে বণিকের পত্নী হয় । স্ত্রীলোকের হস্তে গজ, বাজি, বৃষ, প্রাসাদ এবং বজ্রাকার রেখা থাকিলে, সে তীর্থকর—(যে বহুতর তীর্থ ভ্রমণ করে) পুত্র প্রসব করিয়া থাকে । বাহ্যর হস্তে শকট ও লাজলাকৃতি রেখা থাকে, সে কৃষীবলের পত্নী হইয়া থাকে । ৭৬-৭৭ । বাহ্যর হস্তে চামর, অকুশ ও কোদণ্ড রেখা থাকে, সে রাজপত্নী হয় । যে স্ত্রীর অঙ্গুষ্ঠমূল হইতে নির্গত হইয়া, একটা রেখা কনিষ্ঠার মূল পর্য্যন্ত স্পর্শ করে, সেই স্ত্রী পতিঘাতিনী হয় ; অতএব বিজ্ঞ ব্যক্তি দূর হইতেই তাহাকে পরিত্যাগ করিবে । বাহ্যর হস্তে ত্রিশূল, অসি, গদা, শক্তি এবং ছন্দুভির আয় রেখা থাকে, সে পৃথিবীতে দানের দ্বারা বহুতর কীৰ্ত্তি অর্জন করিয়া থাকে । স্ত্রীলোকের হস্তে কক্ক, জম্বুক, মণ্ডুক, বৃক, বৃশ্চিক, সর্প, রাসভ, উষ্ট্র ও বিড়ালাকৃতি রেখা থাকিলে, সে সমস্ত অতিশয় দুঃখপ্রদ হইয়া থাকে । ৭৮-৮০ । সরল, বৃত্ত, বৃত্তনখ এবং কোমল অঙ্গুষ্ঠ হইলে, তাহা শুভকর হইয়া থাকে এবং শোভন পর্ব্বযুক্ত, দীর্ঘ, বৃত্ত এবং ক্রমশঃ কুশ অঙ্গুলিনিচয় শুভ ফল প্রদান করিয়া থাকে এবং

উহারা চিপিট, সঙ্কুচিত, রুক্ষ এবং পৃষ্ঠে রোমযুক্ত হইলে অশুভকর হয় । ৮১-৮২ ।  
 অঙ্গুলিসমূহ অতিশয় হ্রস্ব, কৃশ, বক্র এবং বিরল হইলে বহুতর রোগের হেতু  
 হইয়া থাকে । অঙ্গুলিনিচয় বহু পর্ববযুক্ত হইলে অতিশয় দুঃখ ভোগ করিতে  
 হয় । নখসমূহ অরুণবর্ণ, সশিখ এবং তুঙ্গ হইলে অশুভকর হয় এবং নিম্ন, বিবর্ণ,  
 শুষ্ক্যভ ও পীতবর্ণ হইলে দরিদ্রতার হেতু হইয়া থাকে । ৮৩-৮৪ । যে সমস্ত  
 জ্বর নখসমূহে শ্বেতবর্ণ বিন্দু থাকে, তাহারা প্রায় সৈরিগী হইয়া থাকে এবং পুরুষ-  
 গণেরও এইরূপ নখ থাকিলে তাহারা দুঃখী হইয়া থাকে । ৮৫ । পৃষ্ঠের বংশদণ্ড  
 অন্তর্নিমগ্ন ও মাংসল হইলে শুভকর হয় এবং উহা রোমযুক্ত হইলে বৈধব্যের  
 হেতু হইয়া থাকে । পৃষ্ঠদেশ ভগ্ন, বিনত এবং শিরায়ুক্ত হইলে দুঃখভাগিনী হইতে  
 হয় । কৃকাটিকা সরল, সমাংস ও সমুন্নত হইলে শুভকর হয় এবং শুষ্ক, শিরায়ুক্ত,  
 রোমাঢ্য, বিশাল এবং কুটিল হইলে অশুভকর হইয়া থাকে । মাংসল, বর্ন্তুল  
 এবং চতুরঙ্গুলিপরিমিত কণ্ঠদেশ প্রশস্ত । ৮৬-৮৮ । রেখাত্রয়াক্রিতা, অব্যক্তাশ্রি  
 এবং স্রংহত গ্রীবাই প্রশস্ত এবং উহা মাংসহীন, চিপিট, দীর্ঘ ও সঙ্কুচিত হইলে  
 অশুভকর হইয়া থাকে । যাহার গ্রীবা অতিশয় স্থূল, সে বিধবা হয় । যাহার  
 গ্রীবা বক্র, সে কিঙ্করী হয় । যাহার গ্রীবা চিপিট সে বন্ধা হয় এবং যাহার গ্রীবা  
 হ্রস্ব সে পুত্র প্রসব করে না । ৮৯-৯০ । বৃন্ত, পীন, সুকোমল এবং অঙ্গুলিদ্বয়-  
 পরিমিত চিবুকই প্রশস্ত এবং উগ্ৰ স্থূল, দ্বিধাবিভক্ত, আয়ত এবং রোমযুক্ত হইলে  
 দুঃখপ্রদ হইয়া থাকে । হনু, চিবুকের সহিত সংলগ্ন, নির্লোম ও সূচন হইলে  
 শুভকর হয় এবং বক্র, স্থূল, কৃশ, হ্রস্ব এবং রোগশ হইলে অশুভকর হইয়া  
 থাকে । ৯১-৯২ । কপোলদ্বয় বৃন্ত, পীন ও সমুন্নত হইলে শুভকর, হইয়া থাকে  
 এবং উহা রোমযুক্ত, পুরুষ, নিম্ন ও নির্যাস হইলে অশুভকর হইয়া থাকে ।  
 ভাগ্যবতী জ্বরীলোকগণের বদনই সম, সমাংস, সূক্ষ্ম, সূক্ষ্মযুক্ত, বর্ন্তুল এবং  
 পিতৃবদনানুকারী হইয়া থাকে । ৯৩-৯৪ । যাহার অধর, পাটলবর্ণ, বর্ন্তুল, স্নিগ্ধ  
 এবং মধ্যস্থলে রেখা বিভূষিত, সে নৃপতিপত্নী হইয়া থাকে এবং উহা কৃশ, প্রলম্ব,  
 ক্ষুণ্ণিত এবং রুক্ষ হইলে দুর্ভাগ্যের সূচক হয় । জ্বরীলোকের অধরোষ্ঠ শ্যাব ও  
 স্থূল হইলে সে বিধবা ও অতিশয় কলহকারিণী হইয়া থাকে । ৯৫-৯৬ । উত্তরোষ্ঠ  
 মন্থণ, মধ্যে কিঞ্চিৎ উন্নত এবং রোমরহিত হইলে উত্তমভোগপ্রদ হইয়া থাকে  
 এবং ইহার বিপরীত হইলে বিপরীত ফল প্রদান করে । দন্তসমূহ গোছকের ন্যায়  
 শ্বেতবর্ণ, স্নিগ্ধ, দ্বাত্রিংশপরিমিত, উপরনীচে সমানভাবে অবস্থিত এবং অল্প উন্নত  
 হইলে শুভকর হয় এবং পীতবর্ণ, শ্যাব, স্থূল, দীর্ঘ, দ্বিপাক্তি, শুষ্ক্যাকার ও বিরল

হইলে তাহা দুঃখ ও দুর্ভাগ্যের কারণ হইয়া থাকে । ৯৭-৯৯ । নিম্নপংক্তিতে অধিক দস্ত থাকিলে, সে নিশ্চয় মাতাকে ভক্ষণ করে এবং বিকট দস্ত থাকিলে পতিহীন হয় ও দস্তসমূহ বিরল হইলে নারী কুলটা হইয়া থাকে । শোণ ও অসিতবর্ণ এবং কোমল জিহ্বায় অভিষ্ট মিষ্টদ্রব্য ভোগ হইয়া থাকে এবং উহা মধ্যস্থলে সন্ধীর্ণ ও পুরোভাগে বিস্তীর্ণ হইলে বহুতর দুঃখ ভোগ করিতে হয় । ১০০-১০১ । যাহার জিহ্বা সিতবর্ণ, জলে তাহার মৃত্যু হয় । যাহার জিহ্বা শ্যামবর্ণ, সে অত্যন্ত কলহপ্রিয় হয় । যাহার জিহ্বা মাংসল, সে দরিদ্র হয় ; যাহার জিহ্বা লম্বিত, সে অভক্ষ্য ভক্ষণ করিয়া থাকে এবং যাহার রসনা বিশাল, সে অতিশয় প্রমাদভাজন হয় । স্নিগ্ধ, কোকনদতুল্য এবং কোমল তালুই প্রশস্ত । তালু সিতবর্ণ হইলে বৈধব্য, পীতবর্ণ হইলে প্রব্রজ্যা, কৃষ্ণবর্ণ হইলে অপত্যবিয়োগ সহ্য করিতে হয় এবং উহা রুক্ষ হইলে বহুকুটুম্বিনী হইয়া থাকে । ১০২-১০৪ । কণ্ঠঘণ্টা অস্থূল, স্তব্ধ, ক্রমভীক্ষ, স্থলোহিত ও অপ্রলম্ব হইলে শুভকর হয় এবং উহা স্থূল ও কৃষ্ণবর্ণ হইলে দুঃখ প্রদান করিয়া থাকে । যে হাশ্বে দস্তনিচয় অলক্ষিত হয়, যাহাতে লোচনদ্বয় নিম্নলিত থাকে এবং যাহাতে কপোলদ্বয় কিঞ্চিৎ ফুল্ল হয়, রমণীগণের তাদৃশ হাশ্বই প্রশংসনীয় । ১০৫-১০৬ । সমবৃন্ত ও সমপুট এবং স্নগ্ধচ্ছিন্নবিশিষ্ট নাসিকা শুভকর এবং উহা স্থলাগ্র, মধ্যান্ন এবং সমম্নত হইলে, অশুভকর হইয়া থাকে । নাসিকার অগ্রভাগ আকৃষ্ট ও অরুণবর্ণ হইলে বৈধব্য-ক্লেশ ভোগ করিতে হয় । নাসিকা চিপটি ও হ্রস্ব হইলে পরপ্রেষ্যা হয় এবং উহা দীর্ঘ হইলে কলহপ্রিয় হইতে হয় । ১০৭-১০৮ । যে নারীর ক্ষুত (হাঁচি) সজোরে ও এককালীন তিন চারটা হয়, সে দীর্ঘায়ু হইয়া থাকে । মধ্য রক্তবর্ণ, কৃষ্ণবর্ণ তারকাযুক্ত, গোক্ষীরের ন্যায় বিশদ, স্নিগ্ধ এবং কৃষ্ণবর্ণ পদ্মযুক্ত লোচনদ্বয় শুভকর হইয়া থাকে । যে উন্নতাক্ষী সে অন্নাযু হয় । যাহার চক্ষু বৃন্ত, সে কুলটা হইয়া থাকে । যাহার চক্ষু গাভির ন্যায় পিঙ্গ, সে অতিশয় কামুকী হয় । যে পারাবতাক্ষী, সে দুঃশীলা হয় । যে রক্তাক্ষী, সে পতিঘাতিনী হয় ; যে কোটরাক্ষী, সে অতিশয় দুর্ভা হয়, যে গজনেত্রী, সে মঙ্গলভাগিনী হয় না । ১০৯-১১২ । যাহার বামচক্ষু কাণ হয়, সে পুংশলী হইয়া থাকে এবং যাহার দক্ষিণ চক্ষু কাণ হয়, সে বন্ধ্যা হইয়া থাকে । যাহার লোচন গধুর ন্যায় পিঙ্গলবর্ণ, সে ধন-ধাত্ত-শালিনী হইয়া থাকে । পক্ষমসমূহ সুঘন, স্নিগ্ধ, কৃষ্ণবর্ণ ও সূক্ষ্ম হইলে ভাগ্যবতী হয় এবং উহার কপিলবর্ণ, বিরল এবং স্থূল হইলে ক্লেশপ্রদ হইয়া থাকে । ১১৩-

১১৪। সুবৰ্ণল, স্নিগ্ধ, কৃষ্ণবর্ণ, অসংহত, মৃদু রোমযুক্ত এবং চাপাকৃতি ক্রদ্বয়ই প্রশস্ত এবং খররোমযুক্ত, বিকীর্ণ, মিলিত এবং পিঙ্গলবর্ণ ক্রদ্বয় অমঙ্গলকর হইয়া থাকে। ১১৫-১১৬। লম্ব এবং শুভাবৰ্ণ কর্ণদ্বয়ই সুখকর ও শুভপ্রদ হইয়া থাকে এবং উহা শঙ্কুলীরহিত, শিরায়ুক্ত, কুটিল ও কৃশ হইলে দুঃখপ্রদান করিয়া থাকে। শিরাবিহীন, নির্লোম, অর্দ্ধচন্দ্রাকৃতি, অনিষ্ট এবং অঙ্গুলিত্রয়পরিমিত ভালদেশ সৌভাগ্য এবং আরোগ্যের কারণ হইয়া থাকে। ১১৭-১১৮। ললাটে স্বস্তিক-রেখা থাকিলে রাজ্য-সম্পদ লাভ হইয়া থাকে। যাহার মস্তক প্রলম্ব, সে নিশ্চয় দেবরঘাভিনী হয় এবং উহা রোমশ, শিরাল ও উন্নত হইলে রোগিণী হইয়া থাকে। ১১৯-১২০। সরল সীমন্তদেশই প্রশস্ত এবং সমুন্নত গজকুম্ভাকার ও সুবৃত্ত মৌলি সৌভাগ্য ও ঐশ্বর্যের জ্ঞাপক হইয়া থাকে। যাহার মস্তক স্থূল, সে বিধবা হয়, যাহার মস্তক দীর্ঘ সে বেথুা হইয়া থাকে এবং যাহার মস্তক বিশাল সে হতভাগিনী হইয়া থাকে। ১২১-১২২। কেশগমুহ অলিকুলের ত্রায় কৃষ্ণবর্ণ, সূক্ষ্ম, স্নিগ্ধ, কোমল ও উহাদের অগ্রভাগ কিঞ্চিৎ আকুঞ্চিত হইলে শুভকর হয় এবং উহার পুরুষ, ক্ষুটিতগ্র, বিরল, পিঙ্গলবর্ণ, লঘু ও রুক্ষ হইলে দুঃখ, দারিদ্র্য এবং বন্ধের কারণ হইয়া থাকে। ১২৩-১২৪। স্ত্রীলোকের ক্রদ্বয়ের মধ্যস্থলে মশকরেখা থাকিলে, তাহা রাজ্যের সূচক হয়। বাম কপোলে শোণবর্ণ মশক-রেখা থাকিলে, তাহাতে বহুতর মিফান ভোগ হইয়া থাকে। যাহার হৃদয়ে তিলক কিম্বা পদ্ম, বজ্র, অঙ্কুশ, ধ্বজ বা ত্রিশূলাদি-চিহ্ন থাকে, সে সৌভাগ্যবতী হয়। যাহার দক্ষিণ স্তনে শোণবর্ণ তিলক বা পদ্মাদি-চিহ্ন থাকে, সে চারিটা কন্যা এবং তিনটা তনয় প্রসব করে। যাহার বাম স্তনে তিলক বা পদ্মাদি চিহ্ন থাকে, সে একটা তনয় প্রসব করিয়া বিধবা হয়। যাহার গুহের দক্ষিণ ভাগে তিলক থাকে সে ক্ষিতি-পতির পত্নী হয় ও ক্ষিতিপতনয় প্রসব করিয়া থাকে। যে রাজমহিষী হয়, তাহারই নাসিকার অগ্রভাগে শোণবর্ণ মশক-চিহ্ন পরিদৃষ্ট হইয়া থাকে। ১২৫-১২৬। যাহার নাসিকার অগ্রভাগে কৃষ্ণবর্ণ মশক-চিহ্ন থাকে, সে পতিঘাভিনী ও পুরুষাস্তুর-চারিণী হইয়া থাকে। নাভির নিম্নে তিলক, মশক ও পদ্মাত্মক চিহ্ন থাকিলে, সে সমস্ত শুভকর হইয়া থাকে। গুল্ফদেশে মশক বা তিলক-চিহ্ন থাকিলে, তাহা দরিদ্রতার কারণ হয়। কর, কর্ণ, কপোল ও বামকণ্ঠে তিলক, মশক বা পদ্মাত্মক চিহ্ন থাকিলে নারী প্রথমগর্ভেই পুত্র প্রসব করিয়া থাকে। যাহার ভালদেশে ত্রিশূল-চিহ্ন থাকে, সে বহুতর স্ত্রীর উপর আধিপত্য লাভ করে। যে স্ত্রী নিজাবব্ধায় দম্ভসজ্জ্বর্ণ করে বা প্রলাপ বাক্য প্রয়োগ করে, সে সুলক্ষণাক্রান্ত

হইলেও তাহাকে বিবাহ করা উচিত নহে। হস্তের রোমসমূহ প্রদক্ষিণাবর্ত হইলে শুভকর হয় এবং বামাবর্ত হইলে অশুভকর হইয়া থাকে। ১৩০-১৩৪। নাভি, কর্ণ ও বক্ষঃস্থল দক্ষিণাবর্ত হইলে শুভকর হইয়া থাকে। পৃষ্ঠবংশের দক্ষিণে দক্ষিণাবর্ত থাকিলে সুখ প্রাপ্ত হইয়া থাকে। বাহ্যর পৃষ্ঠের মধ্যস্থল নাভির ঞায় বর্ত্তলাকার, সে দীর্ঘায়ু ও পুত্রবতী হইয়া থাকে \* \* \*

\* \* \* \* \*


। ১৩৫-১৩৭। পৃষ্ঠাবর্ত্তদ্বয় যদি উদর পর্য্যন্ত বিস্তৃত হয়, তাহা হইলে শুভকর হয় না, পরন্তু, সেই একটা আবর্ত্তের বলে পতিঘাতিনী হইয়া, অন্ত্রটির বলে পুংশলী হইতে হয়। দক্ষিণাবর্ত্ত কর্ণগামী হইলে দুঃখ ও বৈধব্যের কারণ হয়। বাহ্যর সীমস্তে কিম্বা ললাটে দক্ষিণাবর্ত্ত থাকিবে, তাহাকে দূর হইতেই যত্নসহকারে পরিত্যাগ করিবে। ১৩৮-১৩৯। বাহ্যর কৃকাটিকার মধ্যস্থলে বামাবর্ত্ত বা দক্ষিণাবর্ত্ত রোমরাজি থাকে, সে সম্বৎসরের মধ্যে পতিকে বিনষ্ট করে। ১৪০। বাহ্যর মস্তকে একটা এবং বামভাগে দুইটা বামাবর্ত্ত হয়, সে দশদিনের মধ্যেই পতি-ঘাতিনী হয় ; অতএব বুদ্ধিমান ব্যক্তি দূর হইতেই তাহাকে পরিত্যাগ করিবে। বাহ্যর কটিতে আবর্ত্ত থাকে, সে কুলটা হয় ; বাহ্যর নাভিতে আবর্ত্ত থাকে, সে পতিব্রতা হয় এবং বাহ্যর পৃষ্ঠের আবর্ত্ত থাকে সে ভর্ত্ত্বরী অথবা কুলটা হইয়া থাকে। ১৪১-১৪২।

স্বন্দ কহিলেন, যে স্ত্রী সুলক্ষণা হইয়া দুঃশীলা হয়, সে কুলক্ষণশিরোমণিরূপে গণ্য হইয়া থাকে এবং যে স্ত্রী কুলক্ষণসমূহে আক্রান্ত হইয়াও সাক্ষী হয়, সেই স্ত্রী সমস্ত সুলক্ষণের আধাররূপে পরিগণিত হইয়া থাকে। বিশেষ্বরের অনুগ্রহে, সুলক্ষণাক্রান্তা, সূচরিত্রা, স্বাধীনা ও পতিব্রতা স্ত্রী লাভ হইয়া থাকে। ১৪৩-১৪৪। যে সমস্ত স্ত্রী পূর্ব্বজন্মে নানাবিধ অলঙ্কার সমূহের দ্বারা সুবাসিনীগণকে অলঙ্কৃত করিয়াছে, তাহারাই ইহজন্মে সুরূপা হইয়া থাকে। বাহ্যর পূর্ব্বজন্মে কোন পুণ্য তীর্থে স্নান বা দেহ পরিত্যাগ করিয়াছে, তাহারাই ইহজন্মে স্নন্দরী ও সুলক্ষণা হইয়া থাকে। ১৪৫-১৪৬। বাহ্যর পূর্ব্বজন্মে জগন্মাতা অম্বিকার অর্চনা করিয়াছে, তাহারাই স্নন্দর চরিত্রযুক্ত ও স্বাধীনভর্তৃকা হইয়া থাকে। স্বাধীনভর্তৃকা ও স্নশীলা যুগলোচনাগণ, সুলক্ষণের ফলে এই স্থানেই স্বর্গ ও অপবর্গ-সুখ লাভ করিয়া থাকে। ১৪৭-১৪৮। প্রেমদাগণ, স্বীয় শোভনচরিত্র এবং সুলক্ষণসমূহের গুণে স্বল্পায়ু পতিকেও দীর্ঘ জীবন প্রদান করিয়া থাকে। অতএব বিচক্ষণ ব্যক্তি, প্রথমেই লক্ষণমূহ পরীক্ষা করিয়া, দুর্লক্ষণাক্রান্ত স্ত্রীকে পরিত্যাগ পূর্ব্বক, সুলক্ষণ



যুক্ত স্ত্রীকেই বিবাহ করিবে। ১৪৯-১৫০। হে ঘটোদ্ভব! আমি গৃহস্থগণের সুখের জন্য স্ত্রীলক্ষণসমূহ কীর্তন করিলাম; এক্ষণে বিবাহের কয় প্রকার ভেদ, তাহাও বলিতেছি, শ্রবণ কর। ১৫১।

## অষ্টত্রিংশ অধ্যায় ।



সদাচার প্রসঙ্গে বিবাহাদি কথন ।

স্কন্দ কহিলেন, কলসোদ্ভব। ব্রাহ্ম, দৈব, আৰ্য, প্রাজাপত্য আশ্বর, গান্ধর্ব, রাক্ষস ও পৈশাচ এই অষ্টপ্রকার বিবাহ পরিকল্পিত আছে। ১। বরকে আমন্ত্রণ পূর্বক, বিধিপূর্বক অলঙ্কৃত প্রদান কন্যাকে করিলে তাহাকে ব্রাহ্ম-বিবাহ বলা গিয়া থাকে; এই প্রকার বিধি অনুসারে প্রদত্তা কন্যার পুত্র জন্মিলে, সেই পুত্র, এক বিংশতি পুরুষ পর্য্যন্ত পবিত্র করে। ২। যজ্ঞ-কৰ্ম্মনিরত ঋত্বিককে বিনা আহ্বানাদিতে কন্যা প্রদান করিলে তাহাকে দৈব-বিবাহ বলা যায়; এই দৈববিধি অনুসারে বিবাহিতা কন্যার পুত্র, চতুর্দশ পুরুষ পর্য্যন্ত পবিত্র করিয়া থাকে। বরের নিকট ধেনুদ্বয়গ্রহণ করিয়া কন্যা প্রদত্ত হইলে, তাহাকে আৰ্য-বিবাহ বলা যায়; আৰ্যবিধি অনুসারে বিবাহিত কন্যার পুত্র ছয় পুরুষ পর্য্যন্ত পবিত্র করিয়া থাকে। ৩। বর যদি নিজে প্রার্থনা করে, তবে তাহাকে “এই কন্যা ও তুমি পরস্পর মিলিত হইয়া ধৰ্ম্ম আচরণ কর” এই প্রকার আদেশ পূর্বক কন্যা দান করিলে তাহাকে প্রাজাপত্যবিধি বলা যায়; এই প্রাজাপত্যবিধি অনুসারে বিবাহিত কন্যার পুত্র ও ছয় পুরুষ পর্য্যন্ত পবিত্র করিয়া থাকে। ৪। এই চারি প্রকার বিবাহই ব্রাহ্মগণের ধৰ্ম্মাই, ইহা ধৰ্ম্মশাস্ত্রে কথিত হয়। খনাদি দ্বারা কন্যা ক্রয় পূর্বক বিবাহের নাম আশ্বর-বিবাহ। বর ও কন্যার পরস্পর অনুরাগে গোপনে যে বিবাহ হয়, তাহাকে গান্ধর্ব-বিবাহ বলা যায়। ৫। বলপূর্বক কন্যা হরণ করিয়া যে বিবাহ করা যায়, তাহাকে রাক্ষস-বিবাহ বলা যায়; এই রাক্ষস-বিবাহ সজ্জনগণের নিন্দনীয়। কোন ছলপূর্বক কন্যা হরণ করিয়া বিবাহ করার নাম পৈশাচ-বিবাহ, এই বিবাহ সমাজে বড়ই নিন্দনীয়। ৬। ক্ষত্রিয় এবং বৈশ্যগণ সম্বন্ধে প্রায়ই আশ্বর, গান্ধর্ব ও রাক্ষস-বিবাহ বিহিত হইয়া থাকে, কিন্তু এই অতি পাপকারী অষ্টম পৈশাচ-বিবাহ,

পাপিষ্ঠগণের মধ্যেই সম্ভবপর হইয়া থাকে। ৭। ব্রাহ্মণের সহিত বিবাহ কালে ব্রাহ্মণকন্যা, পতির হস্ত ধারণ করিবে, ক্ষত্রিয়কন্যা একটা বাণ গ্রহণ করিবে, বৈশ্যকন্যা প্রতীদ ও শূদ্রকন্যা বস্ত্রাঞ্চল ধারণ করিবে। অসবর্ণ বিবাহ স্থলেই এই প্রকার বিধি কীর্তিত হইয়াছে, কিন্তু সবর্ণ বিবাহস্থলে সকল জাতীয় কন্যারই নিজ নিজ পতির গ্রহণ করিতে হইবে। ৮-৯। ধর্ম্মানুযায়ী বিবাহের ফলে শতবর্ষজীবী ও ধার্ম্মিক সন্তানগণই উৎপন্ন হইয়া থাকে। এবং উক্তরূপ ধর্ম্মবিগর্হিত বিবাহ করিলে ক্ষীণায়ু, অল্পভাগ্য ও দরিদ্র সন্তান উৎপন্ন হয়। ১০। ঋতুকালে নিজ পত্নীতে গমনই গৃহীগণের পরম ধর্ম্ম, কিন্তু স্ত্রীগণের অভিলাষানুসারে পর্ব্বদিন পরিত্যাগ পূর্ব্বক; মৈথুন করিলে কোন অহিত সম্ভাবনা নাই। ১১। দিব্যভাগে মৈথুন করিলে পরমায়ুঃ ক্ষয় হইয়া থাকে; বুদ্ধিমান্ মনুষ্য, শ্রাদ্ধের দিন এবং সকল পর্ব্বদিন পরিত্যাগ পূর্ব্বক স্বদারসঙ্গ করিবেন। ১২। পর্ব্বদিনে এবং শ্রাদ্ধাহে মৈথুন করিলে পুরুষ, স্ত্রী ধর্ম্ম হইতে স্থলিত হয়। ১৩। যে ব্যক্তি ঋতুকালেই গমন করে এবং স্বদারনিরত হয়, সে ব্যক্তি গৃহাশ্রমে থাকিলেও ব্রহ্মচারীস্বরূপ, তাহাতে কোন সন্দেহ নাই। ১৪। ষোড়শ রাত্রি পর্য্যন্ত স্ত্রীগণের ঋতু প্রবৃত্ত থাকে, ইহার চারি রাত্রিই গমনানর্হ; যুগ্ম রাত্রিতে গমন করিলে সন্তান জন্মে এবং অযুগ্ম রাত্রিতে গমন করিলে কন্যা জন্ম গ্রহণ করে। ১৫। চন্দ্রগ্রহণ, মঘা, পৌষ ও পুরুষনামক নক্ষত্রযুক্ত সময় পরিত্যাগ পূর্ব্বক পবিত্র হইয়া, নিজ পত্নীতে গমন করিবে। এই প্রকার গমনই পত্নী, ধর্ম্ম ও অর্থ সাধক পুত্র প্রসব করিয়া থাকে। ১৬। পূর্ব্ব আর্ষ-বিবাহ প্রকরণে যে ধেমুদ্রয় গ্রহণ উল্লিখিত হইয়াছে তাহাও প্রশস্ত নহে, কারণ কন্যাশুদ্ধ, অল্প হইলে ও তাহা সম্পূর্ণ কন্যাবিক্রয়পাপের হেতু হইয়া থাকে। ১৭। যে ব্যক্তি অপত্যবিক্রয় করে, সে এক কল্প পর্য্যন্ত বিট্‌কুমি-ভোজন নামক নরকে বাস করিয়া থাকে; এই কারণে পিতার, কন্যাসম্বন্ধি ধন অল্প ও ভোগ করা উচিত নহে। ১৮। যে সকল বান্ধবগণ, মোহপ্রযুক্ত জ্ঞানহনের দ্বারা জীবিকা নির্বাহ করে, তাহারাই যে কেবল নরকে গমন করে এমত নহে, তাহাদের পূর্ব্বপুরুষগণও নরকে নিপতিত হয়। ১৯। যে সংসারে স্ত্রী, স্বামীর অনুরাগিণী এবং পতি নিজ স্ত্রীর প্রতি পরিতুষ্ট, সে সংসারে নিশ্চয়ই নরায়ণের সহিত মহালক্ষ্মী বাস করিয়া থাকেন। ২০। বাণিজ্য, রাজসেবা বেদা-নধ্যাপন, কুবিবাহ এবং ক্রিয়ালোপ এই কয়টি পদার্থই ব্রাহ্মণ কুলের পতনের কারণ বলিয়া পরিগণিত হইয়া থাকে। ২১। বৈবাহিক অগ্নিতেই প্রতিদিন ব্রাহ্মণ, গৃহ্যকর্ম্ম, পঞ্চষষ্ঠ ক্রিয়া ও দৈনন্দিন পাকক্রিয়া সম্পাদন করিবেন। ২২।

উদ্বল-মুঘল, পেষণী ( যাঁতা ) চুল্লী, জলকুন্ড ও সম্ভার্জুনী এই পাঁচটি দ্রব্যই গৃহস্থের প্রতিদিন বীজাদি হিংসার একমাত্র কারণ রইয়া থাকে । এই পাঁচ প্রকার হিংসাজন্য পাপের প্রায়শ্চিত্তের নিমিত্তই গৃহস্থের পঞ্চযজ্ঞ বিহিত হইয়াছে ; এই পঞ্চযজ্ঞ কেবল পাপনাশকারী এমনত নহে, ইহা করিলে গৃহী পরম শ্রেয়ঃ লাভ করিতে পারেন । ২৩-২৪ । অধ্যাপনকে ত্র্যক্ষযজ্ঞ বলা যায়, তর্পণ, পিতৃযজ্ঞ ; হোম, দৈবযজ্ঞ ; বলি, ভূতযজ্ঞ ও অতিথি পূজাকে নরযজ্ঞ বলিয়া জানিবে । ২৫ । পিতৃলোকের পরমপ্ৰীতির উদ্দেশে গৃহস্থের ফল, মূল, দুগ্ধ, জল ও অন্নের দ্বারা প্রতিদিন শ্রাদ্ধ করা কর্তব্য । ২৬ । বিধিপূর্বক সৎপাত্রে গোদান করিলে যে পুণ্য লাভ হয়, গৃহাগত ভিক্ষুককে সৎকার পূর্বক ভিক্ষা দান করিলে তাদৃশ পুণ্য লাভ হইয়া থাকে । ২৭ । তপস্যা ও বিচাররূপ সমিৎপ্রদীপিত ব্রাহ্মণের মুখরূপ অগ্নিতে হৃত অন্নাদি, দাতাগণকে অতি দুস্তর পাপ সমুদ্র ও নানাপ্রকার বিষ হইতে রক্ষা করিয়া থাকে । ২৮ । কাহার গৃহে অতিথি ভগ্ন মনোরথ হইয়া, যদি প্রত্যা-বর্তন করে, তাহা হইলে সেই গৃহী ক্ষণকালমধ্যেই স্বকৃত নিখিল পুণ্য হইতে বঞ্চিত হয় । ২৯ । গৃহী, অভ্যাগত ব্যক্তির পরিতুষ্টির জন্ম মধুর বাক্য, শয্যার্থ ভূমি, আসন ও পাণ্ড-জল প্রদান করিবে । ৩০ । যে গৃহস্থ, পরপাকে জীবিকা নির্বাহ করে সে ব্যক্তি, পরের পশুতা প্রাপ্ত হইয়া থাকে । কারণ যে জন পরান্নপুষ্ক-শরীর, তাহার কৃত সকল পুণ্যই অন্নপ্রদাতা হরণ করিয়া থাকে । ৩১ । সূর্যাস্ত-কালে যদি অতিথি উপস্থিত হয়, তাহা হইলে তাহাকে বিধিপূর্বক যত্ন সহকারে সৎকার করিবে, কারণ অসৎকৃত অতিথি প্রতিগমনকালে গৃহস্থকে অনন্ত পাপ প্রদান করিয়া গমন করিয়া থাকে । ৩২ । অতিথিকে ভোজন করাইয়া, অবশিষ্ট অন্নভোজনকারী গৃহস্থ, আয়ুঃ ও ধনভাগী হয় ; অতিথিকে প্রত্যাখ্যান পূর্বক অন্ন আহার করিলে গৃহাশ্রমী পাপভাগী হয় । ৩৩ । বৈশ্বদেববলি সমাপ্ত হইলে বা আদিত্য অন্তগত হইলে অভ্যাগত ব্যক্তিকেই অতিথি বলা যায় । পূর্বকালেই আগত বা পূর্বপরিচিত অভ্যাগত ব্যক্তিকে অতিথি বলা যায় না । ৩৪ । গৃহস্থ, যখন ভূতগণকে বলি প্রদানের জন্ম হস্তে অন্ন গ্রহণ করে, সেই সময় যদি অন্য অতিথি উপস্থিত হয়, তাহা হইলে বলি প্রদান না করিয়াই অতিথিকে সামর্থ্যানু-সারে অন্ন প্রদান করিবে । ৩৫ । বালক, স্রবাসিনী, গর্ভিণী ও রোগাতুর পরিবার-বর্গকে অতিথির প্রথমেই ভোজন করিতে দিবে, ইহাতে অন্য কোন বিচার করিবে না । ৩৬ । পিতৃ, দেব ও মনুষ্যগণকে অন্ন প্রদানান্তে ভোজন করিলে ভোজনের অমৃত ফল প্রাপ্ত হওয়া যায় । যে উদর পরায়ণ ব্যক্তি, কেবল নিজের আহারের জন্ম

অন্ন পাক করে, সে কেবল পাপমাত্র ভোজন করিয়া থাকে । ৩৭ । মধ্যাহ্নকালীন, বৈশ্বদেববলি, গৃহস্থ নিজেই সম্পাদন করিবে ; কিন্তু সায়াংকালের বৈশ্বদেববলি গৃহস্থপত্নী, মন্ত্র ব্যতিরেকে সিদ্ধান্ত দ্বারা সম্পাদন করিবে । ৩৮ । গৃহস্থাশ্রমে ইহার নামই সায়াংকালীন বৈশ্বদেববলি বলা যায় ; এই প্রকার প্রযত্ন সহকারে প্রাতঃকালীন ও মধ্যাহ্নকালীন বৈশ্বদেববলি নিষ্পাদিত হইয়া থাকে । ৩৯ । যাহারা বৈশ্বদেববলি প্রদান করে না বা যাহারা অতিথি সেবায় পরাভ্রুত, সেই সকল অধীত-বেদ, দ্বিজাতি গৃহস্থগণকেও শূদ্র বলিয়াই জানা উচিত । ৪০ । যে দ্বিজাধমগণ বৈশ্বদেববলি প্রদান না করিয়া আহার করে, ইহলোকে তাহারা অন্নহীন হয় ও পরজন্মে অধম কাকযোনি প্রাপ্ত হইয়া থাকে । ৪১ । গৃহস্থ, আলম্ব্যশূন্য হইয়া বেদোদিত নিজ অবশ্যকর্তব্য কর্ম সম্পাদন করিবে, কারণ সেই সকল কর্ম যথা শক্তি সম্পাদন করিতে পারিলে, অস্তে উৎকৃষ্ট গতি লাভ করিতে পারা যায় । ৪২ । যষ্টী ও অফমী তিথিতে সর্বকালেই তৈল ও মাংসে পাপ বাস করিয়া থাকে, এই প্রকার পঞ্চদশী ও চতুর্দশী তিথিতে স্ত্রীজননেন্দ্রিয় ও ক্ষুরে পাপ বাস করিয়া থাকে ; এই কারণে সেই সেই তিথিতে এই সকল দ্রব্য ব্যবহার করিবে না । ৪৩ । উদয়কালীন বা অন্তকালীন এবং গগনমধ্যগত সূর্য্য বিলোকন করিবে না । রাহগ্রাস্ত অথবা জলে প্রতিবিম্বিত সূর্য্য দর্শন করিবে না । ৪৪ । জলে আপনার প্রতিবিম্ব দেখিবে না, বৃষ্টির সময় দৌড়িবে না, বৎসবন্ধনরজ্জু লঙ্ঘন করিবে না এবং উলঙ্গ হইয়া জলমধ্যে প্রবেশ করিবে না । ৪৫ । দেবতায়ন, ব্রাহ্মণ, ধেমু, মধু, মুস্তিকা, স্নত, জাতিবৃদ্ধ, বয়োবৃদ্ধ, বিছারবৃদ্ধ, তপস্বী, অশ্বথ-বৃক্ষ, চৈত্য-বৃক্ষ (চতুষ্পথ মধ্যস্থ বৃক্ষ) গুরু, জলপূর্ণ ঘট, সিদ্ধান্ত, দধি, সর্ষপ, এই সকল পদার্থকে গমনকালে প্রদক্ষিণ পূর্বক দর্শন করিয়া যাওয়া কর্তব্য । ৪৬-৪৭ । রজস্বলা স্ত্রীতে গমন করিবে না, স্ত্রীর সহিত একত্রে ভোজন করিবে না, একরাসা হইয়া ভোজন করিবে না, এবং উৎকট আসনে উপবেশন পূর্বক আহার করিবে না । ৪৮ । তেজস্বামী ব্রাহ্মণ, কখন আহারনিরতা স্ত্রীকে অবলোকন করিবে না । পিতৃগণ ও দেবগণকে তৃপ্ত না করিয়া, কখনও কোন নূতন অন্ন ভোজন করিবে না । ৪৯ । যিনি দীর্ঘকাল জীবিত থাকিতে ইচ্ছা করেন, তিনিও লড্ডুকাদি পক্কান্ন ও মাংস, পিতৃগণের শ্রাদ্ধ না করিয়া ভোজন করিবেন না ; গোচরণস্থানে, বস্ত্রীক বা ভাস্কর উপর কখনও মূত্রত্যাগ করিবে না । ৫০ । প্রাণিযুক্ত গর্ত্তসমূহে প্রস্রাব করিবে না, দণ্ডায়মান থাকিয়া বা গমন করিতে করিতে প্রস্রাব করিবে না । গো, বিপ্র, সূর্য্য, বায়ু, অগ্নি, চন্দ্র, নক্ষত্র, নদীদি ও গুরু এই সকলের মধ্যে কোন একটা

পদার্থ বিলোকন করিতে করিতে মল-মূত্র পরিত্যাগ করিবে না । লোষ্ট্র, কাষ্ঠ বা তৃণাদির দ্বারা পৃথিবী আচ্ছাদন পূর্বক বস্ত্রের দ্বারা মস্তক আবৃত করিয়া, মৌনাবলম্বন পূর্বক বিষ্ঠা ও মূত্র পরিত্যাগ করিবে । কিন্তু রাত্রিকালে বা দিবসে, বৃক্ষাদির ছায়ায় বা অন্ধকারে যথা অভিরুচি যে কোন দিকে মুখ করিয়া, মল মূত্র পরিত্যাগ করিবে ; ভয় বা প্রাণসঙ্কট উপস্থিত হইলে যথা অভিরুচি মলাদি পরিত্যাগ করিবে । মুখের দ্বারা অগ্নি উদ্বোধন করিবে না, এবং উলঙ্গ জীলোক দর্শন করিবে না । ৫১—৫৪ ।

অগ্নিতে পাদদ্বয় তাপিত করিবে না এবং তাহাতে অপবিত্র কোন বস্তু নিক্ষেপ করিবে না, প্রাণিহিংসা করিবে না, প্রাতঃকাল ও সন্ধ্যাকালে ভোজন করিবে না । ৫৫ । সন্ধ্যাকালে শয়ন করিবে না এবং কোন কালেই পশ্চিম বা উত্তরদিকে মস্তক করিয়া শয়ন করিবে না । জলে মূত্র বা নিষ্ঠীবন পরিত্যাগ করিবে না, এই সকল নিষিদ্ধ আচরণে আয়ুঃক্ষয় হইয়া থাকে । ৫৬ । ভক্ষণকারী গাভীকে কিছু বলিবে না, কাহাকেও অঙ্গুলি দ্বারা ইন্দ্রধনুঃ দেখাইবে না, কোন শূন্য গৃহে একাকী শয়ন করিবে না এবং নিদ্রিত জ্যেষ্ঠ ব্যক্তির নিদ্রাভঙ্গ করিবে না । ৫৭ । একাকী পথ গমন করিবে না, অঞ্জলি করিয়া জল পান করিবে না, দিবা অথবা রাত্রিতে উদ্ধৃত-সার দধি ভক্ষণ করিবে না । ৫৮ । ঋতুমতী নারীকে অভিবাদন করিবে না, রাত্রিকালে পূর্ণ-আহার করিবে না, গীত-বাছাদিতে আসক্ত হইবে না, কাংশুপাত্রে পাদধোত করিবে না । ৫৯ । যে মুঢ়ব্যক্তি, নিজে শ্রাদ্ধ করিয়া, পরকীয়শ্রাদ্ধে ভোজন করে, সে ব্যক্তি পাপভাগী হইবে এবং তাহার সহিত দাতাও শ্রাদ্ধফলে বঞ্চিত হইবে । ৬০ । অশ্ম পরিহিত বস্ত্র পরিধান করিবে না, অশ্মের ব্যবহৃত পাছুকা ব্যবহার করিবে না, ভয় পাত্রে আহার করিবে না, অগ্নি প্রভৃতির দ্বারা দূষিত স্থানে উপবেশন করিবে না । ৬১ । যে ব্যক্তি, দীর্ঘজীবন প্রার্থনা করে, তাহার গো-পৃষ্ঠে আরোহণ, শ্মশান-ধূমসেবা, নদী-সম্ভরণ, নবীন রৌদ্র ও দিবা নিদ্রা পরিত্যাগ করা উচিত । ৬২ । স্নান করিয়া গাত্রবস্ত্র বা হস্তের দ্বারা গাত্র মার্জ্জনা করিবে না, পথমধ্যে কেশাদি পরিত্যাগ করিবে না, করদ্বয় অথবা মস্তক কম্পিত করিবে না এবং চরণের দ্বারা আসন আকর্ষণ করিবে না । ৬৩ । দন্তের দ্বারা কখনও লোম বা নখ উৎপাটন করিবে না, নখের দ্বারা নখ ও ত্বণের চ্ছেদ করিবে না । ৬৪ । যে কৰ্ম্ম উত্তর কালে শুভপ্রদ নহে, তাহা পরিত্যাগ করিবে । সম্মুখ দ্বারা পরিত্যাগ করিয়া, ব্যবহৃত প্রবেশ মার্গের দ্বারা নিজের এবং পরের বাটীতে প্রবেশ করিবে না । ৬৫ । অক্ষত্রীড়া করিবে না, ধর্ম্মন্ন ব্যক্তি ও রোগীগণের সহিত

একত্রে অবস্থান করিবে না । কখনও উলঙ্গাবস্থায় শয়ন করিবে না, এবং এক হস্তে রাখিয়া অপর হস্তের দ্বারা কোন পদার্থ ভোজন করিবে না । ৬৬ । আত্মপাদ, আত্মকর এবং আত্মমুখ হইয়া ভোজন করিলে দীর্ঘজীবন লাভ করিতে পারা যায় । আত্মপাদে নিদ্রা যাইবে না এবং উচ্ছিন্নমুখে গৃহ হইতে কোথায়ও গমন করিবে না । ৬৭ । ব্রাহ্মণ, শয্যায় উপবেশন করিয়া, আহার, পান বা জপ করিবে না, পাছুকাবন্ধ-পাদ হইয়া আচমন করিবে না এবং ভৃঙ্গারের নলনির্গত জলধারা পান করিবে না । ৬৮ । সুখাভিলাষী ব্যক্তি, সায়াংকালে কেবলতিলনির্মিত পদার্থ ভোজন করিবে না । বিষ্ঠা ও মূত্র দর্শন করিবে না এবং উচ্ছিন্ন হস্তে মস্তক স্পর্শ করিবে না । ৬৯ । তুষ, অঙ্গার, ভস্ম, কেশ বা কপালখণ্ডে অধিষ্ঠান করিবে না, পতিত-গণের সহিত সম্পর্ক, পতনেরই কারণ হইয়া থাকে । ৭০ । শূদ্রকে কখনও বৈদিক-মন্ত্র শ্রবণ করাইবে না, এই প্রকার করিলে ব্রাহ্মণ ব্রাহ্মণ্য হইতে অলিত হয় এবং শূদ্রও ধর্মভ্রষ্ট হয় । ৭১ । শূদ্রগণকে বেদোক্ত ধর্মের উপদেশ করিলে নিজেরই মঙ্গলের হানি হয়, দ্বিজাতির শুশ্রূষাই শূদ্রগণের পরম ধর্ম বলিয়া কীর্তিত হইয়াছে । ৭২ । করদ্বয় দ্বারা মস্তক কণ্ঠ্যন করা শুভকর নহে, এই প্রকার করদ্বয়ে তাড়ন বা আক্রোশ কিম্বা কেশ উন্মোচনও শুভপ্রদ নহে । ৭৩ । শাস্ত্রবিগর্হিতাচারী লোক নৃপতির নিকট প্রতিগ্রহ করিলে, ব্রাহ্মণ সপরিবারে একবিংশতি নরকে গমন করিয়া থাকে । ৭৪ । অকালে মেঘগর্জ্জন বা বর্ষাকালে ধূলিসৃষ্টি হইলে, রাত্রিতে মহাবাতশব্দ শ্রুত হইলে অধ্যয়ন পরিত্যাগ করিবে । ৭৫ । উল্কাপাত, ভূমিকম্প, দিগদাহ, মধ্যরাত্রি, প্রাতঃকাল ও সায়াংকাল, শূদ্রের সমীপে, রাজার অশৌচ এবং সূর্য ও চন্দ্রগ্রহণ এই সকল কালে অনধ্যায় হইয়া থাকে । ৭৬ । স্নানাবস্থা, অমৃতকা ও চতুর্দশীতে অধ্যয়ন করিবে না, শ্রাদ্ধে আহার করিয়াও অধ্যয়ন করিবে না । ছয় দণ্ডকাল প্রতিপদ থাকিলে, সেই দিনে অধ্যয়ন করিবে না, হস্তী অথবা উষ্ট্র যদি পাঠকালে গুরু-শিষ্যের মধ্য দিয়া চলিয়া যায়, তাহা হইলে অধ্যয়ন পরিত্যাগ করিবে । ৭৭ । গর্দভ, উষ্ট্র ও শৃগাল চীৎকার করিলে, তৎকালে পাঠ বন্ধ করিবে, বহুলোক মিলিয়া যখন রোদন করে, সেই সময়েও পাঠ বন্ধ করিবে । উপাকর্ষ ও বিস্মৃত পরিত্যাগ কালে, কুৎসিত বস্ত্র, বুদ্ধোপরি বা জলমধ্যে অধ্যয়ন করিবে না । ৭৮ । আরণ্যক অধ্যয়নান্তে, বাণশব্দ বা সামগানশব্দ শ্রুত হইলে অনধ্যায় হয়, এই সকল অনধ্যায়কালে বিজ, কখনও অধ্যয়ন করিবে না । ৭৯ । ভেক, মুষিক, কুক্কুর, সর্প ও নকুল প্রভৃতির দ্বারা যখন কোন বিষ উপস্থাপিত হয়, তৎকালেও অধ্যয়ন পরিত্যাগ করিবে । চতুর্দশী,

অষ্টমী, পূর্ণিমা ও অমাবাস্তা তিথিতে ব্রহ্মচর্য্য অবলম্বন করিবে ( অর্থাৎ সংযতে-  
 দ্রিয় হইবে ) । ৮০ । শত্রুর সেবা ও পরদারগমন আয়ুক্ষয়কর, এই জন্ম যত্ন  
 সহকারে এই দুইটী পরিত্যাগ করিবে । ৮১ । পুরুষ, পূর্বসম্পদহীন হইলেও  
 আত্মাবগাননা করিবে না, কারণ যাহারা সর্বদা উত্তমপরায়ণ, তাহাদের সম্পদ  
 বিচ্ছা দুর্লভ নহে । ৮২ । হে কুন্তযোনে ! প্রিয় ও সত্য বাক্যই বলিবে কদাচ  
 অপ্রিয় সত্য বাক্য বলিবে না, কিন্তু ইহা বলিয়া যে মিথ্যা প্রিয়বাক্য ব্যবহার  
 করিবে তাহাও নহে ; কোন প্রকার মিথ্যা বাক্য ব্যবহার করিবে না, ইহাই সনা-  
 তন-ধর্ম্ম । ৮৩ । নিত্য প্রিয়বাক্যই বলিবে এবং প্রিয়-চিন্তা করিবে । ভদ্র  
 ব্যক্তিগণের সহিত সর্বদা সংসর্গ করিবে ; অভদ্রগণের সহিত কদাচ সম্পর্ক রাখিবে  
 না । ৮৪ । রূপ, বৃত্ত ও কুলহীন ব্যক্তিগণকে, সূখী ব্যক্তি, কখনও নিন্দা করিবে  
 না । অপবিত্র অবস্থায় চন্দ্র, সূর্য্য বা জ্যোতির্মণ্ডল নিরীক্ষণ করিবে না । ৮৫ ।  
 বাক্য, জিহ্বা ও মনের বেগকে প্রতিরোধ করিবে । উৎকোচ, দ্যুত, দৌত্য অথবা  
 পীড়িত জনের সম্বন্ধী অর্থ গ্রহণ করিবে না । ৮৬ । উচ্ছ্রিত-পাণির দ্বারা গো,  
 ব্রাহ্মণ ও অগ্নিকে স্পর্শ করিবে না ; কোন কারণ না থাকিলে স্নান ব্যক্তি নখ  
 অথবা অন্ত্রাণ্ড ইন্দ্রিয় পুনঃপুনঃ স্পর্শ করিবে না । ৮৭ । গৃহ-লোম সকলও  
 স্পর্শ করিবে না, কারণ ঐ সকল স্পর্শ করিলে অপবিত্র হইতে হয় । পাদধৌত  
 জল, মূত্র এবং উচ্ছ্রিত অন্ন ও জল স্পর্শ করিবে না । ৮৮ । নিষ্ঠীবন ও শ্লেষ্মাকে  
 গৃহের বাহিরেই ত্যাগ করিবে । দ্বিজাতিগণ, দিবারাত্রি ঋতি-জপ, সদাচার-নিষেধণ  
 ও পরের অত্যাচারের বুদ্ধিতে ব্যাপৃত থাকিয়া কেবল নিজ পূর্বজন্মসমূহের বৃত্তান্তই  
 স্মরণ করিতে চেষ্টা করিবে । ৮৯ । বৃদ্ধগণকে যত্নের সহিত সেবা করিবে এবং  
 তাহাদিগকে নিজের আসনে বসাইয়া সম্মান করিবে ; তাহাদের প্রতিগমনকালে  
 বিনয়ানুভাবে পশ্চাৎ পশ্চাৎ গমন করিবে । ৯০ ।

বেদ, ব্রাহ্মণ, দেবতা, রাজা, সাধুব্যক্তি, তপস্বী ও পতিব্রতাস্ত্রীর কদাচও  
 নিন্দা করিবেন না । ৯১ । মনুষ্যের স্তুতি করিবে না, কখন আত্মাবমাননা করিবে  
 না ; উৎসাহী মনুষ্যের উৎসাহ প্রতিরোধ করিবে না, পরমর্ষ্য ব্যথিত করিবে  
 না । ৯২ । অধর্ম্ম আচরণ করিলে প্রাণী, প্রথমে বুদ্ধিপ্রাপ্ত হয়, শত্রুসমূহকেও  
 জয় করিতে পারে ও নানা প্রকার মঙ্গলও প্রাপ্ত হয়, কিন্তু শেষে তাহার পীতন  
 অবশ্যসম্ভাবী । ৯৩ । পরনির্ভরিত জলাশয়ে স্নানকালে তাহা হইতে পঞ্চ মৃৎপিণ্ড  
 উঠাইয়া, পরে তাহাতে স্নান করিবে । যদি পাঁচটা মৃৎপিণ্ড উদ্ধার না করিয়াই  
 পর জলাশয়ে স্নান করে, তাহা হইলে স্নানকারী জলাশয় প্রতিষ্ঠাতার পাপসমূহের

চতুর্থাংশের একাংশভাগী হয় । ৯৪ । উপযুক্ত দেশে ও উপযুক্ত সময়ে সৎপাত্র লাভ করিয়া, তাহাকে যদি স্বল্পও দান করা যায়, তাহা হইলে সেই অল্প দানও অনন্ত ফল প্রদান করিতে সমর্থ হয় । ৯৫ । যে ভূমিপ্রদান করে, সে মণ্ডলাধীশ হয় ; অন্নপ্রদানকারী জনগণ সর্বত্রই সুখলাভ করিতে সমর্থ হয় । যে জল প্রদান করে, সে সর্বদা পরিতৃপ্ত থাকে ; রোপ্য প্রদান করিলে পরজন্মে পরম রূপবান্ হয় । ৯৬ । প্রদীপপ্রদাতা, বিমল নেত্র লাভ করে ; গো-প্রদানকারী সূর্যালোকে গমন করিতে পারে ; সুবর্ণ দান করিলে দীর্ঘজীবন লাভ করিতে পারা যায় ; তিল-প্রদাতা সুসুস্থান লাভ করিতে সমর্থ হয় । ৯৭ । গৃহপ্রদান করিলে উৎকৃষ্ট সৌধের ঐশ্বর্য হওয়া যায় ; বস্ত্রপ্রদাতা চন্দ্রলোকে গমন করিয়া থাকে । অশ্বপ্রদ ব্যক্তি উত্তম উত্তম যান লাভ করিতে পারে ; বৃষভপ্রদাতা ঐশ্বর্য লাভ করিতে সমর্থ হয় । ৯৮ । শিবিকা প্রদান করিলে সুন্দরী ভাৰ্য্যা লাভ করিতে পারা যায় এবং সুন্দর পর্য্যাক্ষ প্রদান করিলে সুন্দরী স্ত্রীলাভ হয় ; সামর্থ্যবান্ জন, যদি অভয়প্রদ হয়, তাহা হইলে সে সর্বদা ধাত্তরাশির দ্বারা সমৃদ্ধ হয় । ৯৯ । যে ব্যক্তি ব্রহ্ম, ( অর্থাৎ বেদজ্ঞান ) প্রদান করে, সে সর্বপ্রদ বলিয়া পরিকীৰ্ত্তিত ; ব্রহ্মপ্রদ ব্যক্তি ব্রহ্মলোকেও মাননীয় হয় । যে ব্যক্তি কোন প্রকার উপায় দ্বারা ব্রহ্ম প্রদান করাইয়া থাকে, সে ব্যক্তিও ব্রহ্মলোকে সম্মান লাভ করিতে সমর্থ হয় । ১০০ ।

শ্রদ্ধাসহকারে দান ও প্রতিগ্রহ করিলে দাতা ও গৃহীতা উভয়েই স্বর্গে গমন করিয়া থাকে, কিন্তু অশ্রদ্ধায় দান বা প্রতিগ্রহ করিলে উভয়েই অধোগামী হয় । ১০১ । মিথ্যাবাক্যে যজ্ঞ ক্ষরিত হয় ; গর্বিত জনের তপস্তা ক্ষয় প্রাপ্ত হয় ; দানপূর্বক তাহা কীৰ্ত্তন করিলে দানফল বিনষ্ট হয় ; ব্রাহ্মণের নিন্দা করিলে আয়ুঃ ক্ষয় হয় । ১০২ । গন্ধ, পুষ্প, কুশ, শয্যা, শাক, মাংস, দুগ্ধ, দধি, মণি, মৎস্য, গৃহ ও ধাত্ত এই সকল পদার্থ অযত্নোপনত হইলে অবশ্য গ্রহণ করিবে । ১০৩ । মধু, উদক, ফল, কাষ্ঠ, অভয়-দক্ষিণা, এই সকল পদার্থ নিকৃষ্ট জাতি হইতেও গ্রহণ করিবে । ১০৪ । শূদ্রগণের মধ্যে স্থলবিশেষে দাস, নাপিত, গোপাল, কুলমিত্র ও অর্দ্ধহালিক ব্যক্তির ও অত্যন্ত ভক্তের প্রদত্ত ভোজ্যাদ্রব্য গ্রহণপূর্বক আহার করা যাইতে পারে । ১০৫ ।

এই প্রকারে দেব, পিতৃলোক ও ঋষিগণের ঋণ হইতে মুক্তি লাভ করিয়া, তনয়ের প্রতি গৃহভার অর্পণ পূর্বক ঔদাসীন্য় পরিগ্রহ করিবে । ১০৬ । বার্ককে গৃহেতেও জ্ঞানভ্যাস করা যাইতে পারে অথবা গৃহ পরিত্যাগ পূর্বক তাত্ত্বিক ব্যক্তির



কাশীকে আশ্রয় করাই কর্তব্যকর্ম । এক সম্যকপ্রকার জ্ঞানবলেই মুক্তি হয় অথবা কাশীতে শরীর ত্যাগ করিতে পারিলেই মুক্তি হয় ; এই দুইটা ভিন্ন মুক্তির অন্য কোন কারণান্তর বিद्यমান নাই । ১০৭ । এক জন্মে পুরুষগণের সম্যকপ্রকার আত্মজ্ঞানের সম্ভাবনা কোথায় ? কিন্তু বারাণসীতে শরীরত্যাগমাত্রেই মুক্তি নিশ্চিত রহিয়াছে । ১০৮ । অথ হউক, কল্যা হউক বা শতবর্ষ পরে হউক না কেন, এই দেহ বিনষ্ট হইবে, ইহাতে কোন সংশয় নাই এবং দেহান্তে পুনর্ব্বার দেহধারণও অবশ্যসম্ভাবী । কিন্তু কাশীতে এই নশ্বর-দেহ পরিত্যাগ করিতে পারিলে জীব অমৃতপদবী প্রাপ্ত হয়, তাহার আর সংসারে আসিতে হয় না । ১০৯ । কেবল সদাচারনিরত ব্যক্তিই সেই কাশীকে লাভ করিতে সমর্থ হয়, এই কারণে পণ্ডিত ব্যক্তি অন্তঃকরণেও সদাচার বিলজ্বন করিবে না । ১১০ ।

অগস্ত্য, এই প্রকার বাক্য সকল শ্রবণ করিয়া, পুনর্ব্বার কার্ত্তিকেয়কে কহিলেন যে, “হে ভগবন কার্ত্তিকেয় ! সদাচারের দ্বারা যে কাশীকে লাভ করিতে পারা যায়, সেই কাশীর বিষয় আপনি আগার নিকট বারম্বার কীর্ত্তন করুন । ১১১ । হে স্কন্দ ! আমি জিজ্ঞাসা করিতেছি, বারাণসীতে কোন্ কোন্ শিবলিঙ্গ সকল জ্ঞান প্রদান করিয়া থাকেন ; আপনি ইহার সম্যকপ্রকার উত্তর প্রদান করুন । ১১২ । কাশীবিরহে আমার প্রীতি নাই, কাশীবিদ্যা আমার কোন পদার্থেই আসক্তি নাই । হে ষড়ানন ! কাশীর বিরহে আমি চিত্র-পুস্তলিকার স্থায় নিশ্চেষ্ট হইয়া পড়িয়াছি । ১১৩ । আমি নিদ্রিত নহি অথচ যে জাগরিত আছি, তাহাও নহে ; কাশীর বিরহে আমি অন্নাহার করি না, অথচ কি বলিব আমি জল পর্য্যাস্তও পান করি না । আপনার মুখ হইতে নির্গত ‘কাশী’ এই অক্ষররূপ অমৃত পান করিয়া, আমি জীবিত রহিয়াছি” । ১১৪ ।

মৈত্রাবরুণিকর্তৃক কথিত এবম্বিধ বাক্য শ্রবণ করিয়া, কার্ত্তিকেয় পুনর্ব্বার অবিমুক্তক্ষেত্রের মাহাত্ম্য কীর্ত্তন করিতে প্রবৃত্ত হইলেন । ১১৫ ।

## উনচত্বারিংশ অধ্যায় ।

—\*—

### অবিমুক্তেশ্বর বর্ণন ।

ক্ষম্ম কহিলেন, হে মহাভাগ অগস্ত্য ! মুক্তিক্ষেত্র-অবিমুক্তবিষয়ক পবিত্র কথা শ্রবণ কর । যিনি নিম্প্রপঞ্চ, নিরাত্মক, নির্বিবকল্প, নিরাকার, অব্যক্ত, স্থূল ও সূক্ষ্ম পরব্রহ্ম বলিয়া কীর্তিত হইয়া থাকেন, সেই সর্বব্যাপী পরমাত্মা, জীব-গণকে মুক্তি প্রদান করিবার জন্ত অশ্রুত না থাকিয়া, সেই স্থানেই অবস্থান করত জীবগণকে কেন মুক্ত করিয়া থাকেন তাহা বলিতেছি, শ্রবণ কর । অশ্রুতস্থানে কেহ যত্নপূর্ণ মহৎ যোগানুষ্ঠান করে বা নিক্ষেপ হইয়া মহাদান করে কিম্বা বহুতর কঠোর তপস্যা করে, তবেই মহাদেব তাহাকে মুক্ত করিয়া থাকেন ; কিন্তু কাশীতে মুক্তি প্রদান করিবার জন্ত তিনি কাহারও মহৎ যোগানুষ্ঠান বা মহাদান কিম্বা কঠোর তপস্যার অপেক্ষা করেন না । কারণ কাহারও মহান্ উপসর্গ উপস্থিত হইলে তিনি তাহাকে কাশী হইতে বিমুক্ত করেন না । ১-৬ । 'এইস্থানে বাস করার নামই মহাযোগ ; এখানে অবস্থান করিয়া নিয়ম পূর্বক বিশেষরূপে পত্র, পুষ্প, ফল ও জল প্রভৃতি যাহা ভক্তিপূর্বক দেওয়া যায়, তাহারই নাম মহাদান । কাশীক্ষেত্রে গঙ্গার পবিত্র জলে স্নান করত মুক্তিমণ্ডপে আগমন পূর্বক ক্ষণকাল বিশ্রাম করার নামই মহতী তপস্যা । কাশীক্ষেত্রে ভিক্ষুককে আদর পূর্বক ভিক্ষা দান করিলে যে পুণ্য লাভ হয়, তুল্যপুরুষ দান সেই ভিক্ষার ষোড়শাংশের একাংশেরও তুল্য নহে । ৭-৯ । বিশেষরূপের দক্ষিণদিকে অবস্থিত থাকিয়া হৃদয়ে তাঁহাকে চিন্তা করত ক্ষণকাল নেত্রদ্বয় নিম্নীলিত করিয়া অবস্থান করাই উত্তম যোগ । ১০ । ক্ষুধা ও তাপ প্রভৃতি গ্রাহ্য না করিয়া, ইন্দ্রিয় সমূহের চাক্ষু্য নিবারণ করত কাশীক্ষেত্রে বাস করাই কঠোর তপস্যা । ১১ । অশ্রুতস্থানে মাসে মাসে চান্দ্রায়ণ-ব্রত করিলে যে ফল লাভ হয়, কাশীতে চতুর্দশী তিথিতে নস্ত্র-ভোজন করিলে সেই ফল প্রাপ্ত হওয়া যায় । অশ্রুতস্থানে মাসোপবাস-ব্রত করিলে যে ফল প্রাপ্ত হওয়া যায়, কাশীতে শ্রদ্ধাপূর্বক একটীমাত্র উপবাস করিলে সেই ফল লাভ হইয়া থাকে । ১২-১৩ । অশ্রুতস্থানে চাতুর্মাস্য-ব্রত করিলে যে ফল প্রাপ্ত হওয়া যায়, কাশীতে একাদশীর উপবাস করিলে সেই ফল লাভ হইয়া থাকে । অশ্রুতস্থানে ছয়মাস অন্ন ত্যাগ করিলে যে ফল প্রাপ্ত হওয়া যায়, কাশীতে

শিবরাত্রির উপবাস করিলে সেই ফল লাভ হইয়া থাকে । ১৪-১৫ । অগ্ন্যস্থানে ত্রতশীল হইয়া এক বৎসর উপবাস করিলে যে ফল প্রাপ্ত হওয়া যায়, হে মুনে ! কাশীতে ত্রিরাত্রমাত্র উপবাস করিলে অবিকল সেই ফল লাভ হইয়া থাকে । অগ্ন্যস্থানে মাসে মাসে কুশাগ্রস্থিত জল পান করিলে সেই ফল প্রাপ্ত হওয়া যায়, কাশীতে উত্তরবাহিনীর জল এক গণ্ডুমাত্র পান করিলে সেই ফল লাভ হইয়া থাকে । ১৬-১৭ । যে স্থানে মুমূষু জীবগণের কর্ণে স্বয়ং মহাদেব ব্রহ্মজ্ঞান উপদেশ করেন, সেই কাশীক্ষেত্রের অনন্ত মহিমা বর্ণন করিতে কে সমর্থ হইবে ? শস্তু তথায় ত্রিয়মাণ জীবগণের কর্ণে সেই পরম অক্ষর উপদেশ করেন, যাহা শ্রবণ করিয়া জীবগণ মৃত হইয়াও অমৃতত্ব লাভ করিয়া থাকে । হে অগস্ত্য ! স্বয়ং শঙ্করও কোন সময়ে মন্দর পর্বতে অবস্থিত হইয়া, তোমারই শ্রায় বারম্বার কাশীকে স্মরণ করত কাশীপ্রাপ্তির জন্য বিশেষ দুঃখ পাইয়াছিলেন । ১৮-২০ ।

অগস্ত্য কহিলেন, হে প্রভো ! স্বর্কার্যনিপুণ কঠোরহৃদয়, দেবগণই আমাকে কাশী পরিত্যাগ করাইয়াছেন, কিন্তু স্বয়ং মহেশ্বর কি নিমিত্ত কাশী পরিত্যাগ করিয়াছিলেন ? দেবদেব পিনাকীও কি আমার শ্রায় পরাধীন ? নতুবা কেন তিনি নির্বাণভূমি কাশীক্ষেত্র পরিত্যাগ করিলেন ? ২১-২২ ।

স্কন্দ কহিলেন, হে মিত্রাবরুণতনয় ! মহেশ্বর যে প্রকারে ব্রহ্মার প্রার্থনায় কাশী পরিত্যাগ করিয়াছিলেন, তাহা বলিতেছি । হে মুনে ! তুমি যেমন দেবগণ-কর্তৃক পরোপকারের জন্য প্রার্থিত হইয়াছিলে, তদ্রূপ ভগবান্ রুদ্রও বিধাতাকর্তৃক প্রার্থিত হইয়াছিলেন । ২৩-২৪ ।

অগস্ত্য কহিলেন, হে ষড়ানন ! কৃপানিধি ভগবান্ রুদ্র, বিধাতা কর্তৃক কি প্রকারে এবং কি নিমিত্ত প্রার্থিত হইয়াছিলেন, তাহা কীর্তন করুন । ২৫ ।

স্কন্দ কহিলেন, পুরাকালে স্বায়ম্ভুবমন্মথস্তরে পান্ডকল্পে, সমস্ত ভূতগণের হৃদয়-কম্পনকারিণী অতিশয় অনাবৃষ্টি হইয়াছিল । ষষ্টি বৎসরব্যাপী সেই অনাবৃষ্টিতে নিখিল প্রাণিনিচয় উপদ্রুত হইয়া, কেহ সমুদ্রতীরে, কেহ গিরিজোপাশ্রিতে, কেহ বা মহানিন্ম পর্বতপ্রান্তভূমিতে মুনিগণের বৃষ্টি অবলম্বন পূর্বক অবস্থান করিতে লাগিল । পৃথিবী, গ্রাম ও নগর শূণ্য হইয়া ক্রমশঃ মহারণ্যে পরিণত হইল । নগর ও পুর সমূহে মাংসাদিগণ ও গগনস্পর্শি শুষ্ক বৃক্ষ নিচয় মাত্র পরিদৃষ্ট হইতে লাগিল । ২৬-২৯ । ইত্যন্ততঃ চোরগণ ও মহাচোরগণ কর্তৃক লুণ্ঠিত হইতে লাগিল; প্রাণরক্ষি প্রাণিগণ কেবল মাংসের দ্বারা জীবন ধারণ করিতে লাগিল । তখন সর্বত্রই অরাজকতা সমুপস্থিত হইল এবং তাহাতে জীবগণ সর্বদা অত্যন্ত অনিষ্ট ভয়ে ব্যাকুল

হইয়া উঠিল । সেই সময় সৃষ্টিকর্তা বিধাতার সৃষ্টি-সম্বন্ধে সমস্ত যত্নই ব্যর্থ হইতে লাগিল । ৩০-৩১ । প্রজাক্ষয় দর্শন করিয়া বিধাতা অতিশয় চিন্তাশ্রিত হইলেন, এবং যজ্ঞাদি ক্রিয়াসমূহ, প্রজাসমূহের ক্ষয়-নিবন্ধন ক্রমশঃ ক্ষীণ হইতে লাগিল । যজ্ঞাদি ক্রিয়াসমূহের ক্ষয়ে যজ্ঞভুক্ত দেবগণও সংক্ষীণ হইতে লাগিলেন । তদনন্তর বিধাতা চিন্তা করিতে করিতে অবিমুক্তক্ষেত্রে আগমন করিয়া, তপস্তায় নিশ্চলেন্দ্রিয় মনুবংশপ্রভব বীর সাক্ষাৎ ক্ষাত্রধর্ম্মস্বরূপ ও পরপূরঞ্জয় রাজর্ষিশ্রেষ্ঠ রিপুঞ্জয়কে দর্শন করিলেন । ত্রক্ষা তাঁহার নিকট উপস্থিত হইয়া বহু সম্মান পূর্বক তাঁহাকে বলিতে লাগিলেন যে, “হে মহামতে রিপুঞ্জয় ! তুমি এই সমাগরা পৃথিবীকে পালন কর । নাগরাজ বাসুকি, তোমাকে বিবাহের জ্ঞাত্য অনঙ্গমোহিনী নাস্ত্রী শীলসম্পন্না নাগকন্যা প্রদান করিবেন । ৩২-৭৭ । এবং হে মহারাজ ! দেবগণও আপনার প্রজাপালনে সন্তুষ্ট হইয়া, স্বর্গ হইতে আপনাকে বহুতর রত্ন ও কুসুমরাশি প্রদান করিবেন, তজ্জ্ঞাত্য তুমি দিবোদাসনামে বিখ্যাত হইবে । হে নৃপতে ! আমার বরে তুমি দিব্য সামর্থ্য লাভ কর । ত্রক্ষার বাক্য শ্রবণ করিয়া রাজর্ষি-সপ্তম রিপুঞ্জয়, ত্রক্ষার বহুতর স্তুতিপূর্বক তাঁহাকে এই বাক্য বলিলেন । ৩৮-৪০ ।

রাজা কহিলেন, হে মহাপ্রাজ্ঞ পিতামহ ! এই জনাকীর্ণ ভূমণ্ডলে অগ্ন্যন্ত বহুতর নৃপতি আছেন ; তাঁহাদিগকে পরিত্যাগ করিয়া আপনি আমাকে কেন এ প্রকার আজ্ঞা করিতেছেন ? ৪১ ।

ত্রক্ষা কহিলেন, তুমি রাজ্যপালন করিলে দেবগণ বারিবর্ষণ করিবেন । কোন গাপিষ্ঠ রাজা হইলে তাঁহারা বারিবর্ষণ করিবেন না । ৪২ ।

রাজা কহিলেন, হে ত্রিলোকীসৃষ্টিক্রম মহামাণ্ড পিতামহ ! আমি আপনার আজ্ঞা মহাপ্রসাদের ন্যায় মস্তকে গ্রহণ করিলাম, কিন্তু আমি কিছু নিবেদন করিতে ইচ্ছা করিতেছি ; আপনি যদি আমার জ্ঞাত্য তাহা করেন, তাহা হইলেই আমি পৃথিবীতে নিকণ্টকে রাজ্য করিতে পারি । ৪৩-৪৪ ।

ত্রক্ষা কহিলেন, হে রাজন ! তোমার বাহা মনোগত ভাব, তাহা শীঘ্র ব্যক্ত কর এবং তাহা সিদ্ধ হইয়াছে বলিয়াই জান । হে মহাবাহো ! তোমাকে অদেয় কিছুই নাই । ৪৫ ।

রাজা কহিলেন, হে সর্বলোকপিতামহ ! আমি যদি পৃথিবীনাথ হই, তবে দেবগণ পৃথিবী পরিত্যাগ করত স্বর্গেতে অবস্থান করুন । দেবগণ স্বর্গে এবং আমি পৃথিবীতে থাকিলে, প্রজাসমূহ শত্রুহীন-রাজ্য নিবন্ধন সুখ লাভ করিতে পারিবে । ৪৬-৪৭ । ( ত্রক্ষা কহিলেন ) ত্রক্ষা তথাস্তু বলিয়া তথা হইতে অন্তহিত

হইলে, দিবোদাস রাজা হইয়া পটহ দ্বারা ঘোষণা করিলেন যে, “দেবগণ স্বর্গে গমন করুন, নাগগণও নাগলোকে গমন করুন, আমার রাজ্যে মনুষ্যগণ সুখী হউক এবং দেবগণও সুস্থ হউন” । ৪৮-৪৯ । এদিকে ব্রহ্মা তথা হইতে বিশ্বনাথের নিকট আগমন করিয়া, তাঁহাকে প্রণাম করত এই সমস্ত বৃত্তান্ত বলিবার উপক্রম করিতেছেন, ইতিমধ্যে ভগবান্ বিশ্বেশ্বর তাঁহাকে বলিলেন যে, “হে লোকপতে ! কুশদ্বীপ হইতে মন্দর পর্বত সমাগত হইয়া এইস্থানে দুষ্কর তপস্যা করিতেছে; আইস আমরা তাহাকে বর প্রদান করিতে যাই” । এই বলিয়া পার্বতীপতি, নন্দী ও ভৃঙ্গীকে সঙ্গে লইয়া বুধে আরোহণ করত যথায় মন্দর তপস্যা করিতেছে, তথায় উপস্থিত হইয়া বলিলেন যে, “হে ধরোত্তম ! উঠ, উঠ, তোমার কল্যাণ হউক এবং তুমি বর প্রার্থনা কর” । মন্দর এই বাক্য শ্রবণ করিয়া, ভূমিতে দণ্ডবৎ হইয়া দেবদেব মহেশ্বর ত্রিলোচনকে প্রণতি পূর্বক বলিতে লাগিলেন যে, “হে লীলাবিগ্রহধারিন্ ! হে শম্ভো ! হে প্রণতৈকরূপানিধে ! আপনি সর্বজ্ঞ হইয়াও কি আমার মনোভিলাষ জানিতে পারিতেছেন না ? হে শরণাগত-পালক ! হে সর্ববৃত্তান্তকোবিদ ! হে সর্বহৃদয়ানন্দ ! হে শম্ভো ! হে সর্বগ ! হে সর্বকৃৎ ! হে প্রণতার্ত্তিহরণ ! অতিশয় হীনাবস্থা ও যাচক এবং স্ভাবতঃ পাষণময় আমাকে আপনি যদি বর প্রদান করিতেছেন, তবে আমার ইচ্ছা এই যে, আমি অবিমুক্তক্ষেত্রের সমান হইব । আপনি সগণে উমার সহিত আমার শিখরে বাস করিয়া, অল্প হইতে কুশদ্বীপে অবস্থান করুন ; ইহাই আমার অভিলষণীয় বর” । ৫০-৫৯ । ভগবান্ শম্ভু মন্দরের এই সমস্ত বাক্য শ্রবণ করিয়া, যেমন ক্షিৎ চিন্তা করিতেছেন, ইতিমধ্যে ব্রহ্মা অবসর বুঝিয়া, তাঁহার সম্মুখে গমন পূর্বক তাঁহাকে প্রণাম করিয়া করঘোড়ে বলিতে লাগিলেন । ৬০ ।

“ব্রহ্মা কহিলেন, হে বিশেষ ! হে জগন্নাথ ! আপনিই প্রসন্ন হইয়া আমাকে চারি প্রকার সৃষ্টি করিবার জন্ম নিযুক্ত করিয়াছেন । আপনার আজ্ঞায় আমিও বহুযত্নে সেই চতুর্বিধ সৃষ্টি করিয়াছি ; কিন্তু পৃথিবীতে সৃষ্টিবর্ষব্যাপিনী অনারুপ্তিতে সেই সৃষ্টি প্রজাহীনা হইয়া বিনষ্ট হইতেছিল । ৬১-৬২ । এবং অরাজকতা নিবন্ধন জগতের অতিশয় দুঃখবস্থা হইতেছিল ; এইজন্ম আমি মনুষ্যশোষণ রাজর্ষি রিপুঞ্জয়কে প্রজাপালন করিবার জন্ম এই ধরা-রাজ্যে অভিষিক্ত করিয়াছি । এবং সেই মহাতপা ও মহাবীৰ্য্য নৃপতিও প্রতিজ্ঞা করিয়াছেন যে, “যদি দেবগণ ও নাগগণ মর্ত্যধাম পরিত্যাগ পূর্বক স্বর্গে ও পাতালে গমন করেন, তাহা হইলে আমি আপনার আদেশমত রাজ্য পালন করিব” আমিও তাহাই হইবে বলিয়া

তাঁহার নিকট প্রতিশ্রুত হইয়াছি। এক্ষণে আপনি আমার সেই বাক্য প্রমাণীকৃত করুন। হে কৃপানিধে! আপনি মন্দরকে বর প্রদান করিতেছেন, অতএব রিপুঞ্জয় নৃপতির প্রজাগণকে রক্ষা করিবার জন্ত এইক্ষণেই মন্দর পর্বতের এই মনোরথ পূর্ণ করুন। আমার দুইদণ্ড কালমাত্র শতক্রতুও রাজ্য করিয়া থাকেন, সুতরাং নিমেষাধিক কালস্থায়ী মানবগণেরত গণনাই নাই, অতএব আপনি কৃপা করিয়া স্বল্প কালের জন্ত মন্দর পর্বতে গমন করিয়া তাহাকে কৃতার্থ ও আমার বাক্য গত্য করুন। দেবদেব মহেশ্বর মন্দরপর্বতের গুহা সমূহকে সুন্দর বাসস্থান বিবেচনা করিয়া, বিধির গৌরব রক্ষা করত তাঁহার বাক্য স্বীকার করিলেন। ৬৩-৬৯। জম্বুদ্বীপে কাশী যেমন সর্বদা নির্বাপন-পদ প্রদান করিয়া থাকেন, কুশদ্বীপে মন্দরপর্বতও বহুদিন তদ্রূপ ছিল। মহাদেব কাশী পরিত্যাগ করিয়া যাইবার সময়, ত্রক্ষরও অন্ততাসারে ক্ষেত্রকে রক্ষা করিবার জন্ত সাধকগণের সর্বপ্রকার-সিক্তিপ্রদ ও মৃতজীবগণের মুক্তিপ্রদ, নিজ মুর্ত্তিময়, একটা শিবলিঙ্গ প্রতিষ্ঠা করিয়া যান। ৭০-৭২। দেবদেব মহাদেব স্বয়ং মন্দর পর্বতে গমন করিয়াও কাশীক্ষেত্রে লিঙ্গরূপে অবস্থিত হইয়া, সেই ক্ষেত্রকে আপনার সংসর্গ হইতে বিমুক্ত করেন নাই; এই জন্তই সেই ক্ষেত্রের “অবিমুক্ত” এই নাম হইয়াছে। পূর্বে এই ক্ষেত্র আনন্দকানন নামে বিখ্যাত ছিল এবং মহাদেব কর্তৃক লিঙ্গস্থাপনাবধি ইহা জগতে অবিমুক্তক্ষেত্র বলিয়া প্রথিত হইয়াছে। ৭৩-৭৪। দেবদেব কর্তৃক প্রতিষ্ঠিত শিবলিঙ্গ এবং কাশীক্ষেত্র, এই উভয়েরই নাম অবিমুক্ত; এই উভয়কেই প্রাপ্ত হইয়া, আর গর্ভে প্রবেশ করিতে হয় না। অবিমুক্তক্ষেত্রে, অবিমুক্তেশ্বর লিঙ্গ দর্শন করিলে, সমস্ত কস্ম-বন্ধন হইতে বিমুক্ত হওয়া যায়। সমস্ত জগৎ বিশেষ্বরের পূজা করিয়া থাকে; বিশ্বকর্ত্তা সেই বিশেষ্বর স্বয়ং মুক্তিপ্রদায়ক অবিমুক্তেশ্বরলিঙ্গের অর্চনা করেন। পুরাকালে কেহই কাহারও লিঙ্গ স্থাপন করিত না এবং লিঙ্গের আকৃতি কি প্রকার, তাহাও কেহই জানিত না। ৭৫-৭৮। মহাদেব কর্তৃক প্রতিষ্ঠিত অবিমুক্তেশ্বরের আকৃতি দর্শন করিয়া পরে ত্রক্ষা ও বিষু প্রভৃতি দেবগণ এবং বসিষ্ঠ প্রভৃতি মহাষিগণ লিঙ্গ প্রতিষ্ঠা করিয়াছেন। এই অবিমুক্তেশ্বরই সকলের আদিলিঙ্গ; ইহার পরে অগ্ন্যাগ্ন লিঙ্গসমূহ ভূমণ্ডলে প্রতিষ্ঠাপিত হইয়াছেন। মানব যদি অবিমুক্তেশ্বরের নামমাত্র গ্রহণ করে, তবে সে তৎক্ষণাৎ পাপ হইতে বিমুক্ত হয়, ইহাতে কোন সন্দেহ নাই। ৭৯-৮১। দূরে অবস্থিত হইয়াও যে ব্যক্তি অবিমুক্তেশ্বরকে স্মরণ করে, সে ব্যক্তি দুই জন্মের সঞ্চিত পাপসমূহ হইতে তৎক্ষণাৎ বিমুক্ত লাভ করিয়া থাকে। অবিমুক্তক্ষেত্রে

অবিমুক্তেশ্বরকে দর্শন করিয়া, তৎক্ষণাৎ ত্রিজন্মজনিত পাপসমূহ হইতে বিমুক্ত হইয়া পুণ্যময় হইয়া যায় । ৮২-৮৩ । পাঁচ জন্মে অজ্ঞান বশতঃ যে সমস্ত পাপ-কর্ম করা যায়, অবিমুক্তেশ্বরকে স্পর্শ করিলে, নিশ্চয়ই সেই সমস্ত পাপ ক্ষয় প্রাপ্ত হয় । মানব, মহালিঙ্গ অবিমুক্তেশ্বরের অর্চনা করিয়া কৃতকৃত্য হয়, এবং পুনরায় তাহাকে জন্মগ্রহণ করিতে হয় না । ৮৪-৮৫ । অবিমুক্ত-ক্ষেত্রে যে ব্যক্তি অবিমুক্তেশ্বরকে যথাশক্তি আরাধনা ও প্রণাম করে এবং যথামতি তাঁহার স্তব করে, সে ব্যক্তি সকলেরই পূজ্য, নমস্যা ও স্তবযোগ্য হইয়া থাকে । কাশীক্ষেত্রে মুক্তিলাভের জন্ম যজ্ঞপূর্বক স্বয়ং বিশ্বেশ্বর কর্তৃক অর্চিত এই অবিমুক্তেশ্বরের আরাধনা করা উচিত । পুণ্যায়তনসমূহে বহুতর লিঙ্গ আছেন, তাঁহারা সকলেই মাঘী চতুর্দশীতে এই অবিমুক্তেশ্বরকে দর্শন করিতে আগমন করিয়া থাকেন । ৮৬-৮৮ । মাঘ মাসের কৃষ্ণপক্ষের চতুর্দশীতে অবিমুক্তেশ্বরের নিকট রাত্রিজাগরণ করিলে, বিগতনিজ-বোগিগণের হ্রায উৎকৃষ্ট গতিলাভ হইয়া থাকে । নানাস্থানস্থিত লিঙ্গসমূহ চতুর্বর্গ ফলদাতা হইয়াও মাঘ মাসের কৃষ্ণচতুর্দশীতে অবিমুক্তেশ্বরের উপাসনা করিয়া থাকেন । ৮৯-৯০ । মানব যদি অবিমুক্তেশ্বরের ভক্তিরূপ বজ্রধারী হয়, তাহা হইলে সে কি আর পাপরূপ পর্বত হইতে ভীত হয় ? অহো ! কোথায় চতুর্বর্গ ফলদাতা মহালিঙ্গ অবিমুক্তেশ্বর, আর তাঁহার নামস্মরণমাত্র বিলম্বী পাপিগণের পাপরূপ ক্ষুদ্র শৈলই বা কোথায় !!! যাহারা অবিমুক্ত-ক্ষেত্রে বিশ্বেশ্বর কর্তৃক সংস্থাপিত অবিমুক্তেশ্বর নাগক অশুভম শিবলিঙ্গ দর্শন করে নাই, তাহারা অত্যন্ত মুঢ় । ৯১-৯৩ । যে ব্যক্তি অবিমুক্তেশ্বর দর্শন করেন, তাঁহাকে দেখিলে স্বয়ং দশুধর যমও দূর হইতে করযোড়ে প্রণতি করিয়া থাকেন । ধন্য তাহার সেই নেত্রদ্বয়; যাহার দ্বারা সে ব্যক্তি অবিমুক্তেশ্বরকে দর্শন করিয়াছে এবং ধন্য তাহার সেই করদ্বয়, যাহার দ্বারা সে অবিমুক্তেশ্বরকে স্পর্শ করিয়াছে । ৯৪-৯৫ । যে ব্যক্তি সংযত ও শুচি হইয়া ত্রিগম্ভ্যা অবিমুক্তেশ্বরকে জপ করে, সে ব্যক্তি দূরদেশান্তরে মৃত হইলেও কাশী-মৃত্যুর ফল লাভ করিয়া থাকে । যে ব্যক্তি ষাত্তাকালীন অবিমুক্তেশ্বরকে দর্শন করিয়া গ্রামান্তরে গমন করে, সে ব্যক্তি ঝটিতি তথায় কার্য্য সিদ্ধ করিয়া নির্বিঘ্নে গৃহে প্রত্যাগমন করিয়া থাকে । ৯৬-৯৭ ।

## চত্বারিংশ অধ্যায় ।

—:~:—

### গৃহস্থ-ধর্ম-কথন ।

স্কন্দ कहিলেন, আমি তোমার নিকট এই অবিমুক্তেশ্বরের মাহাত্ম্য কীর্তন করিলাম, এক্ষণে আর কি তুমি শ্রবণ করিতে ইচ্ছা করিতেছ তাহা বল, আমি তাহা কীর্তন করিতেছি । ১ ।

অগস্ত্য कहিলেন, হে ষড়ানন ! অবিমুক্তেশ্বরের মাহাত্ম্য শ্রবণ করিতে করিতে আমার কর্ণদ্বয় কৃতার্থ হইয়াছে, কিন্তু আমি এখনও পরিতৃপ্ত হই নাই, এক্ষণে অবিমুক্তেশ্বর-লিঙ্গ ও অবিমুক্ত-ক্ষেত্র এই উভয়ের প্রাপ্তির কি উপায় তাহা বলুন । ২-৩ ।

স্কন্দ कहিলেন, হে মহামতে কুস্তজ ! যে প্রকারে মোক্ষপ্রদ এই অবিমুক্ত-ক্ষেত্র ও অবিমুক্তেশ্বর মহালিঙ্গকে পাওয়া যায়, তাহা বলিতেছি, শ্রবণ কর । হে বিপ্র ! পুণ্যবলেই অভীষ্টার্থ সিদ্ধি হইয়া থাকে এবং সেই পুণ্যও বেদপ্রতিপাত্ত পন্থার সেবা করিলে প্রাপ্ত হওয়া যায় । হে মুনৈ ! যে কলি ও কাল হিঙ্গ্র পাইলেই জীবগণকে বিনষ্ট করে ; ঐতিমার্গগামী পুরুষের সংস্পর্শে সেই কলি ও কাল উভয়েই বিনষ্ট হইয়া থাকে । ৪-৬ । নিষিদ্ধ কর্মের অনুষ্ঠান ও বিহিত কর্মের অকরণনিবন্ধন হিঙ্গ্র পাইয়া, কলি ও কাল ভ্রাক্ষণকে নষ্ট করিয়া থাকে । অতএব প্রথমতঃ আমি তোমার নিকট নিষিদ্ধ আচরণ কীর্তন করিতেছি, মানব দূর হইতে সেই সমস্ত পরিত্যাগ করিলে, তাহাকে নরকগামী হইতে হয় না । ৭-৮ । পলাণ্ডু ( প্যাজ ), গ্রাম্যশুকর, শ্লেষ্মাতক ফল, লশুন, গৃঞ্জন ( গাজর ), গোপ্পীয়ুষ, তণ্ডুলীয় ( বিষ্ঠাতে উৎপন্ন দ্রব্য ) ছত্রাক, ছেদনপ্রভব বৃক্ষ-নির্ধাস, দেবতা বা পিতৃগণের উদ্দেশে অদত্ত পায়স, পিষ্টক ও শকুলী ( তৈলপকবিশেষ ) এবং মাংস ভক্ষণ করিবে না । বৎসহীন গাভীর দুগ্ধ, যে সমস্ত পশুর খুর ষোড়া, তাহাদের দুগ্ধ এবং উষ্ট্র ও মেষের দুগ্ধ পান করিবে না । রাত্রিকালে দধি ভোজন করিবে না এবং দিবসে নবোদ্ধৃত নবনীত ভক্ষণ করিবে না । ৯-১১ । টিট্টিভ ( পক্ষিবিশেষ ) কলবিদ্ধ ( চড়াই পক্ষী ) হংস, চক্রবাক, জলকুকুট, বক, মাংসাশী পক্ষীসমূহ, সারস, কুকুট, শূক, জালপাদ ( হংসবিশেষ ) খঞ্জন এবং যে পক্ষী ডুবদিয়া মৎস্য ভক্ষণ করে, তাহা ভক্ষণ করিবে না । যে ব্যক্তি মৎস্য



ভক্ষণ করে, সে প্রকারান্তরে সর্বপ্রকার মাংসই ভক্ষণ করিয়া থাকে ; সুতরাং সর্বদা মৎস্য ভক্ষণ ত্যাগ করিবে । ১২-১৩ । কেবল দেবগণ ও পিতৃগণকে নিবেদন করিয়া পাঠীন ( বোয়াল মৎস্য ) ও রোহিত মৎস্য ভক্ষণ করা যাইতে পারে । যাহারা মাংসাশী, তাহারা শশক, শল্লক, কচ্ছপ, গোধা এবং শিষ্টপৰম্পরা ভক্ষ্য বলিয়া প্রচলিত মৃগ ও কপিঞ্জল পক্ষি প্রভৃতির মাংস ভক্ষণ করিবে । যাহারা দীর্ঘজীবনকামনা এবং স্বর্গকামনা করিবে তাহারা যত্ন সহকারে মাংস পরিত্যাগ করিবে । ১৪-১৫ । যজ্ঞের জন্ত যে পশুহিংসা করা যায়, তাহাতে কোন পাপ হয় না ; এতদ্ভিন্ন হিংসামাত্রেই পাপ হইয়া থাকে । পশুঘাত ও একেবারে স্নেহবর্জিত মাংস ভোজন করিবে না । ১৬ । প্রাণাত্যয়ে, যজ্ঞে, ত্রাঙ্কে, ভেষজে ও ত্রাঙ্কণের ইচ্ছায় লোভী না হইয়া মাংস ভোজন করিলে দোষভাগী হইতে হয় না । যাহারা লোভ বশতঃ মাংস ভোজন করে, তাহাদের ষাট্শ পাপ হয়, মৃগয়া করিয়া মাংসভোজীর তাট্শ পাপ হয় না । ১৭-১৮ । যজ্ঞের জন্ত ত্রাঙ্কা, পশু, ক্ষম, মৃগ ও ওষধি সমূহকে সৃষ্টি করিয়াছেন, সুতরাং যজ্ঞেতে পশুবধ করিলে ত্রাঙ্কণ হিংসাকারী হয় না এবং পশুরও সদৃশতা লাভ হইয়া থাকে । পিতৃকর্ম, দেবকর্ম, যজ্ঞ ও মধুপর্কের জন্ত যে হিংসা, তাহা হিংসা বলিয়া পরিগণিত হয় না, কিন্তু এতদতিরিক্ত হিংসা করিলে তাহাতে পাপী হইতে হয় । ১৯-২০ । যে মুঢ় ব্যক্তি নিজদেহ পুষ্টি করিবার জন্ত পশুহিংসা করে, সেই দুরাচারের ইহ ও পরকালে কুত্ৰাপি সুখ হয় না । যে ব্যক্তি মাংস ভোজন করে, যে ব্যক্তি তাহাতে অশুমোদন করে, যে ব্যক্তি মাংস সংস্কার করে, যে ব্যক্তি ক্রয় করে, যে ব্যক্তি বিক্রয় করে, যে ব্যক্তি হিংসা করে, যে ব্যক্তি পশু আহরণ করে এবং যে ব্যক্তি হিংসা করায়, সেই আট জনই হিংসক বলিয়া পরিগণিত হইয়া থাকে । ২১-২২ । যে ব্যক্তি শতবৎসর ব্যাপিয়া প্রত্যেক বর্ষে এক একটা অশ্বমেধ যজ্ঞ করে এবং যে ব্যক্তি মাংস ভক্ষণ করে না, এই উভয়ের মধ্যে শেষোক্ত ব্যক্তিই শ্রেষ্ঠরূপে পরিগণিত হয় । সুখাভিলাষী ব্যক্তিগণ আপনাকে যে ভাবে দেখিবেন, পরকেও তাঁহাদের সেই ভাবে দেখা উচিত ; কারণ আপনার সুখ ও দুঃখ যে রূপ, পরের সুখ দুঃখও ঠিক তদ্রূপই হইয়া থাকে । ২৩-২৪ । পরকে যে সমস্ত সুখ বা দুঃখ প্রদান করা যায়, পশ্চাৎ সেই আপনাকেই ভোগ করিতে হইয়া থাকে । ক্রেশ ব্যতিরেকে অর্থ উপার্জন হয় না, অর্থ ব্যতিরেকে কোন সংক্রিয়া করা যায় না, সংকর্ম ব্যতিরেকে ধর্ম হয় না, ধর্মহীন ব্যক্তির সুখের সম্ভাবনা কোথায় ? সকলেই সুখের ইচ্ছা করিয়া থাকে, সেই সুখ ধর্ম হইতে প্রাপ্ত

হওয়া যায়, অতএব চাতুর্বির্ণেরই যতপূর্বক ধর্ম অর্জন করা উচিত । ২৫-২৭ ।  
 আয়োপার্জিত অর্থের দ্বারায় পারলৌকিক ক্রিয়া করা উচিত, এবং তাদৃশ  
 অর্থই যথাকালে শ্রদ্ধা সহকারে বিধিপূর্বক সংপাত্রে দান করা উচিত । যে ব্যক্তি  
 অবিধিপূর্বক এবং অসংপাত্রে দান করে, তাহার দান বার্থ হয় এবং তাহার পর-  
 কালও নষ্ট হইয়া থাকে । ২৮-২৯ । মৃত ব্যক্তির সংকারের জন্ত, কুটুম্বভরণের  
 জন্ত এবং এক জনকে ঋণ হইতে মুক্ত করিবার জন্ত যে অর্থ দান করা যায়, ইহ-  
 কালে এবং পরকালে তাহার অক্ষয় ফল হইয়া থাকে । যে ব্যক্তি নিজ অর্থব্যয়ে  
 পিতৃ-মাতৃহীন বালকের উপনয়ন প্রদান করে, তাহার অনন্ত ফল লাভ হয় । ৩০-  
 ৩১ । একজন ব্রাহ্মণকে বৃত্তি প্রদান করত প্রতিপালন করিলে যে ফল লাভ হয়,  
 মানব বহুতর অগ্নিহোত্র ও অগ্নিস্টোমাদি যজ্ঞের দ্বারা সে ফল প্রাপ্ত হইতে পারে  
 না । যে ব্যক্তি অর্থব্যয় করিয়া দরিদ্র ব্রাহ্মণের বিবাহ প্রদান করে, সে ইহলোকে  
 সুখভাগী হইয়া দেহান্তে স্বর্গে গমন করিয়া থাকে । ৩২-৩৩ । যে কন্যা, বিবাহের  
 পূর্বের পিতৃগৃহে রজস্বলা হয়, সেই কন্যার “বৃষলী” এই সংজ্ঞা হয় এবং তাহার  
 পিতাকে ক্রণহত্যার পাপে লিপ্ত হইতে হয় । অজ্ঞান বশতঃ যে ব্যক্তি সেই  
 কন্যার পাণিগ্রহণ করে, তাহাকে বৃষলীপতি কহা যায় । সেই ব্যক্তির সহিত এক  
 পংক্তিতে ভোজন বা তাহার সহিত সম্ভাষণ করা উচিত নহে । ৩৪-৩৫ । কন্যা ও  
 বরের দোষাদির অনুসন্ধান লইয়া, পরে উভয়ের বিবাহ-সম্বন্ধ স্থির করা উচিত ;  
 নতুবা পিতাকে (পিতা উপলক্ষণ মাত্র অর্থাৎ সম্বন্ধ-কর্তাকে) দোষভাগী হইতে হয় ।  
 জ্ঞীগণ সর্বদাই পবিত্র ; ইহারা কিছুতেই দূষিত হয় না, মাসে মাসে ঋতুকালীন  
 রজঃ তাহাদের দ্রুত সমূহকে অপনয়ন করিয়া থাকে । ৩৬-৩৭ । জ্ঞীলোকসমূহ  
 প্রথম বয়সে সুরগণ, সোম, গন্ধর্ব্ব এবং অগ্নি কর্তৃক ভুক্ত হইয়া, পশ্চাৎ মানবগণ  
 কর্তৃক ভুক্ত হইয়া থাকে । ভোগকালে সোম ইহাদিগকে শৌচ প্রদান করেন ;  
 অগ্নি সর্বমেধ্যতা প্রদান করেন ; গন্ধর্ব্বগণ কল্যাণী-বাণী প্রদান করেন ;  
 এই নিমিত্ত জ্ঞীগণ সর্বদাই পবিত্র থাকে এবং কিছুতেই তাহারা  
 দূষিত হইতে পারে না । ৩৮-৩৯ । অগ্নি, রজঃকালে কন্যাকে ভোগ  
 করিয়া থাকেন । লোম নির্গত হইলে চন্দ্র তাহাকে ভোগ করেন এবং  
 স্তনোদগমন হইলে গন্ধর্ব্বগণ ভোগ করেন, অতএব এই সমস্ত হইবার পূর্ব্বেই  
 কন্যার বিবাহ প্রদান করা উচিত । দৃশ্যরোমা কন্যা পুত্রঘাতিনী হয় ; উদগতস্তনা  
 কন্যা কুলঘ্নী হয়, এবং দৃষ্টরজা কন্যা পিতৃঘাতিনী হইয়া থাকে, সুতরাং এই সমস্ত  
 কন্যাকে বিবাহ করা উচিত নহে । ৪০-৪১ । যে ব্যক্তি কন্যাদানের ফল অভিলাষ

করে, সে অনগ্রিকা (সোমাদি কর্তৃক অভুক্তা) কন্যাকে দান করিবে। অগ্রথা দাতা ফলভাগী হইতে পারে না এবং প্রতিগ্রহকারীও অধঃপতিত হইয়া থাকে। সোমাদি কর্তৃক অভুক্তা কন্যাকে দান করিলেই দাতা কন্যাদানের ফলভাগী হয়। দেব ভুক্তা কন্যা দান করিলে, দাতা স্বর্গে গমন করিতে পারে না। ৪২-৪৩। শয্যা, আসন, যান, কুণপ (খড়্গনির্মিত পাত্র) স্ত্রীলোকের মুখ, কুশ এবং যজ্ঞপাত্র সমূহকে পণ্ডিতগণ কোন অবস্থাতেই দূষিত বোধ করেন না। গোদোহন সময়ে গোবৎসের মুখ পবিত্র ; ফলপাতনকালে কাকাদিপক্ষীগণের চঞ্চুপুট পবিত্র ; রতিপ্রয়োগসময়ে নারীগণ পবিত্র এবং মৃগয়াব্যাপারে কুক্কুরও পবিত্র হইয়া থাকে। ৪৪-৪৫। অজ ও অশ্বের মুখ পবিত্র ; গোরুর পৃষ্ঠদেশ পবিত্র ; ব্রাহ্মণের পাদদেশ পবিত্র এবং স্ত্রীগণের সমস্ত অঙ্গই পবিত্র। দয়িতাস্ত্রী, কাহারও দ্বারা বলপূর্বক উপভুক্তা বা চৌরাদি কর্তৃক অপহৃত হইলেও তাহাকে ত্যাগ করা উচিত নহে, কারণ কুত্রাপি তাহাদের পরিত্যাগ বিধান হয় নাই। ৪৬-৪৭। অন্নরসের দ্বারা তাত্ত্বের শুদ্ধি হয়, ভস্মের দ্বারা কাংসের শুদ্ধি হয় ; রজঃ দ্বারা নারীগণের শুদ্ধি হয় এবং বেগের দ্বারা নদী সমূহের শুদ্ধি হইয়া থাকে। ৪৮। যে স্ত্রী মনেতেও পুরুষান্তরের চিন্তা করে না, সে ইহকালে কীর্ত্তিভাক্ত হইয়া দেহান্তে উমার সহিত মিলিত হইয়া সুখভোগ করিয়া থাকে। পিতা, পিতামহ, ভ্রাতা, সকুল্য (জ্ঞাতি) এবং জননী, ইহঁরাই স্বস্থ অবস্থায় পূর্ব পূর্বের অভাবে যথাক্রমে পরপর ব্যক্তি, কন্যা দান করিতে পারেন। ৪৯-৫০। ইহঁরা যতপি কন্যাকে যথাকালে পাত্রে অর্পণ না করেন, তাহা হইলে মাসে মাসে প্রত্যেক ঋতুতে ইহঁদিগকে জগহত্যা-পাপে লিপ্ত হইতে হয়। দানকর্ত্তার অভাবে কন্যা স্বয়ং স্বয়ম্বর করিতে পারে। হতাধিকার, মলিনা, পিণ্ডমাত্রোপজীবিনী ও তিরস্কৃত করিয়া ব্যভিচারিণী স্ত্রীকে শয্যার বাহিরে অবস্থান করাইবে। স্ত্রী ব্যভিচারিণী হইলে ঋতুকালে তাহার শুদ্ধি হইয়া থাকে। স্ত্রী যদি পরপুরুষসংসর্গে গর্ভবতী হয়, তাহা হইলে তাহাকে পরিত্যাগ করিবে এবং সে যদি গর্ভ বা ভর্তৃঘাতিনী বা মহাপাতকযুক্ত হয়, তবে তাহাকে পরিত্যাগ করিবে। ৫১-৫৩। শূদ্র, শূদ্রাকেই বিবাহ করিতে পারে। ক্ষত্রিয়, ক্ষত্রিয়া, বৈশ্যা ও শূদ্রাকে বিবাহ করিতে পারে। বৈশ্য, বৈশ্যা ও শূদ্রাকে বিবাহ করিতে পারে ; এবং ব্রাহ্মণ, ব্রাহ্মণী, ক্ষত্রিয়া, বৈশ্যা ও শূদ্রাকে বিবাহ করিতে পারে। কিন্তু ব্রাহ্মণ, শূদ্রার সহিত সংসর্গ করিলে অধোগতি প্রাপ্ত হয় এবং শূদ্রার গর্ভে পুত্র উৎপন্ন করিলে, তাহার ব্রাহ্মণ্য বিনষ্ট হইয়া যায়। ৫৪-৫৫। ব্রাহ্মণ যদি কোন প্রকারে শূদ্রাকে বিবাহ করে, তাহা হইলে দেবগণ,

পিতৃগণ বা অতিথিগণ তাহার প্রদত্ত অন্ন গ্রহণ করেন না এবং সে স্বর্গে গমন করিতে পারেন না। আত্মীয় স্ত্রীগণ যে গৃহে অপ্রতিপূজিত হইয়া শাপ প্রদান করেন, অভিচার-নিহতের ন্যায় সেই গৃহ পশাদির সহিত নিশ্চয় ধ্বংস প্রাপ্ত হয়। ৫৬-৫৭। অতএব কুশলাভিলাষী ব্যক্তিগণ, সতত ভূষণ ও আচ্ছাদনাদির দ্বারা সুবাসিনীগণকে পরিতুষ্ট করিবে। যে গৃহে নারীগণ ভূষণাদির দ্বারা পরিতুষ্ট থাকে, সেই গৃহে দেবগণ বিরাজমান থাকেন এবং তথায় সমস্ত ক্রিয়াই সফল হইয়া থাকে। ৫৮-৫৯। যে গৃহে স্ত্রী, পতির দ্বারা পরিতুষ্ট হয় এবং পতি স্ত্রীর দ্বারা পরিতুষ্ট হয়, সেই গৃহে পদে পদে মঙ্গল হইয়া থাকে। অহত, হত, প্রহত, প্রাশিত এবং ত্রাস্কৃত এই পঞ্চবিধ যজ্ঞ শুভকর হইয়া থাকে। জপের নাম অহত, হোমের নাম হত, ভূতবলির নাম প্রহত, পিতৃগণের পরিতৃপ্তির নাম প্রাশিত এবং ত্রাস্কণ মেবার নাম ত্রাস্কৃত। ৬০-৬২। ত্রাস্কণ এই পঞ্চযজ্ঞের অমুষ্ঠান করিলে কখনও অবসন্ন হয় না। এই পঞ্চযজ্ঞের অমুষ্ঠান না করিলে পঞ্চসূনা নামক পাপে লিপ্ত হইতে হয়। সমাগম সময়ে, ত্রাস্কণকে কুশল, ক্ষত্রিয়কে অনাময়, বৈশ্যকে সুখ ও শূদ্রকে সন্তোষ জিজ্ঞাসা করিবে। ৬৩-৬৪। বালক যে পর্য্যন্ত অষ্টমবর্ষবয়স্ক হইয়া উপনীত না হয়, তাবৎ তাহার ভক্ষ্যভক্ষ্য-ভোজন নিবন্ধন দোষ হয় না। পোষ্যবর্গকে প্রতিপালন করিলে ইহকাল ও পরকালে শুভ ফল প্রাপ্ত হওয়া যায় এবং তাহাদিগকে প্রতিপালন না করিলে প্রত্যাণয়ভাগী হইতে হয়; অতএব যত্নসহকারে তাহাদিগকে প্রতিপালন করা উচিত। ৬৫-৬৬। মাতা, পিতা, গুরু, পত্নী, অপত্য, আশ্রিত, অভ্যাগত, অতিথি এবং অগ্নি, এই নয়টি পোষ্যবর্গ। যে বহু পরিজন লইয়া বাস করে, সেই পুরুষই যথার্থ জীবন ধারণ করে; আর যে কেবল আপনার উদরভরণ করে, তাহাকে জীবন্ত বলা যায়। ৬৭-৬৮। যে ব্যক্তি স্বীয় উন্নতি কামনা করে, তাহার দান, অনাথ ও বিশিষ্টব্যক্তি সমূহকে যথাশক্তি দান করা উচিত। যাহারা পূর্বজন্মে কোন প্রকার দান করে নাই, তাহারাই পরভাগ্যোপজীবী হইয়া জীবন ধারণ করিয়া থাকে। বিভাগ, সদাচার, দয়া ও ক্ষমায়ুক্ত এবং দেবতাতিথিভক্ত গৃহস্থ-ব্যক্তিই ধার্মিক বলিয়া পরিগণিত হইয়া থাকে। ৬৯-৭০। যে ত্রাস্কণ রাত্রির মধ্যম যামদয়ে নিদ্রা যায় এবং ছতাবশিষ্ট হবিঃ ভোজন করে, সে কখনও অবসন্ন হয় না। অভ্যাগতব্যক্তির প্রতি গৃহস্থের সর্বদা এই নয়টি ব্যবহার করা উচিত। যথা “মধুর বাক্যে কুশল প্রদান, সৌম্য-বাক্যে প্রয়োগ, স্বীয় চক্ষুঃ, মন ও বদনের সৌম্যতা, অভ্যুত্থান, স্নেহপূর্বক স্বাগত-প্রদান, উপাসনা (পাদ-সম্বাহনাদি) এবং অনুগমন,” এই নয়টি গৃহস্থের উন্নতির

হেতু । এবং যথাশক্তি আসন, পাদশৌচ, ভোজন, স্থান, শয্যা, তৃণ, জল, অভ্যাঙ্গ ও দীপ এই নয়টি পদার্থ ; অভ্যাগত জনকে প্রদান করিলে গৃহস্থ ব্যক্তি সিদ্ধিলাভ করিয়া থাকে । গৃহস্থ ব্যক্তি পৈশুশ্চ, পরদারসেবা, দ্রোহ, ক্রোধ, মিথ্যাকথন, অপ্রিয় বাকা, ঘেষ, দস্ত এবং মায়া এই নয়টি গর্হিত কৰ্ম্ম পরিত্যাগ করিবে ; কারণ ইহারা স্বর্গের অর্গলস্বরূপ । গৃহস্থ ব্যক্তির প্রতিদিন স্নান, সন্ধ্যা, জপ, হোম, বেদাধ্যয়ন, দেবতাপূজা, বৈশ্বদেব, পিতৃতর্পণ এবং অতিথিসেবা, এই নয়টি আবশ্যকীয় কৰ্ম্ম করা উচিত । হে যুনে । এ সংসারে যে নয়টি বিষয় গোপন করা উচিত তাহা বলিতেছি, শ্রবণ কর । ৭১-৭৮ । জন্মনক্ষত্র, মৈথুন, মঙ্গ, গৃহচ্ছিত্র, বঞ্চনা, আয়ু, ধন, অপমান এবং স্ত্রী, এই নয়টিকে কোন প্রকারেই কাহারও নিকট প্রকাশ করিবে না । নির্জ্ঞানকৃত পাপ, অকুৎসিতবৃত্তি, প্রায়োগা, ঋণ-পরিশোধ, বংশ-মর্যাদা, ক্রয়, বিক্রয়, কন্যাদান ও গুণোৎকর্ষ এই নয়টি প্রকাশ করিবে । ইহার অতিরিক্ত অশ্রু কোন বিষয় কখন কাহারও নিকট প্রকাশ করা উচিত নহে । ৭৯-৮০ । সৎপাত্র, মিত্র, বিনোদ, দীন অনাথ, উপকারী, মাতা, পিতা ও গুরু, এই নয়জনকে যে বক্ষ্যমাণ নয়টি বস্তু প্রদান করা যায়, তাহা অক্ষয় হইয়া থাকে এবং বাচাল, স্ততিপাঠক, তস্কর, কুবৈজ্ঞ, বঞ্চক, ধুর্ভ, শঠ, মল্ল ও তোষামোদকারী, এই নয়জন ব্যক্তিকে দান করিলে, তাহা নিষ্ফল হইয়া থাকে । ৮১-৮২ । আগৎকালেও বক্ষ্যমাণ নয়টি পদার্থ কাহাকেও কোন প্রকারে প্রদান করিবে না :—যথা বংশ থাকিতে সর্বস্ব, দারা, শরণাগত ব্যক্তি, ঋাস, ( নিহিত পরজব্য ) বন্ধকদ্রব্য, কুলবৃত্তি, নিষ্ক্রেপ ( বহুকালের জন্ম নিহিত পরজব্য ), স্ত্রীধন, এবং পুত্র । যে ব্যক্তি এই সমস্ত দান করে, সেই মুঢ়াত্মা প্রায়শ্চিত্তের দ্বারা বিশুদ্ধ হইয়া থাকে । ৮৩-৮৪ । এই নয়টির নবক সংজ্ঞা, ইহাতে শ্রেয়োলাভ হইয়া থাকে । সমস্ত জনের স্বর্গপ্রদ আরও একটি নবক বলিতেছি :—যথা সত্য, শৌচ, অহিংসা, ক্ষমা, দান, দয়া, দম, অস্তেয়, এবং ইন্দ্রিয়নিগ্রহ, ইহারা স্বর্গের সাধন হইয়া থাকে । ৮৫-৮৬ । গৃহস্থ ব্যক্তি, স্বর্গ-মার্গের প্রদীপক ও সাধুগণের অভিমত এবং পুণ্যজনক এই নবতি অভ্যাস করিলে, কদাপি অবসন্ন হয় না । বাহার জিহ্বা, ভাষ্যা, তনয়, ভ্রাতা, মিত্র, দাস এবং আশ্রিতজন বিনয়ী হয়, সে সর্বত্র গৌরব লাভ করিয়া থাকে । ৮৭-৮৮ । মণ্ডপান, দুর্জনের সহিত সংসর্গ, পতির সহিত বিরহ, পর্যটন, অশ্লের গৃহে বাস এবং শয়ন, এই ছয়টি নারীগণের দোষকর হইয়া থাকে । যে ব্যক্তি অল্পমূল্যে খাদ্য ক্রয় করিয়া, বহুমূল্যে তাহা বিক্রয় করে, তাহাকে “বান্ধুধিক” कहा যায় ; তাহার অন্ন ভোজন করিবে

না। ৮৯-৯০। পিতৃগণ, অগ্রে মাহিষিক, মধ্যে বুযলীপতি ও অশ্বে বার্ষিক্যককে দর্শন করিলে, নিরাশ হইয়া ফিরিয়া যান। যে নারী ব্যক্তিজারিণী, তাহাকে মহিষী কহা যায়; যে ব্যক্তি সেই দুষ্ঠা নারীকে ভজনা করে, তাহাকে মাহিষিক বলা যায়। ৯১-৯২। যে নারী স্বীয় পতিকে পরিত্যাগ করিয়া অন্য পুরুষে অভিলাষিণী হয়, তাহাকেই বুযলী কহা যায়; শূদ্রীকে বুযলী বলা যায় না। ৯৩। যে পর্য্যন্ত অন্ন উষ্ণ থাকে, যে পর্য্যন্ত মৌনভাবে ভোজন করা যায় এবং যে পর্য্যন্ত ইবিগুণ সমূহ উক্ত না হয়, সেই পর্য্যন্ত পিতৃগণ ভোজন করিয়া থাকেন। বিত্তা ও বিনয়-সম্পন্ন শ্রোত্রিয় ব্রাহ্মণ গৃহে সমাগত হইলে, “আমরা উত্তম গতি লাভ করিব” এই আশায় গৃহীর অন্নাদি আনন্দযুক্ত হইয়া জীড়া করিতে থাকে। ৯৪-৯৫। শৌচ-ব্রত ও আচারভ্রষ্ট, এবং বেদবিবর্জিত ব্রাহ্মণে দীয়মান অন্ন “আমি কি দুষ্কর্ম্মই করিয়াছি” এই ভাবিয়া রোদন করিয়া থাকে। যাহার অন্ন কোষ্ঠগত হইয়া বেদাভ্যাসের দ্বারা জীর্ণ হয়, সে ব্যক্তি অন্নদাতা ও নিজের উদ্ধৃতন দশ পুরুষ ও অশস্তন দশ পুরুষকে উদ্ধার করিয়া থাকে। ৯৬-৯৭। জীর্ণগণের বপন (কেশমুগুন) করিবে না। গোপালন-বৃদ্ধি অবলম্বন করিবে না; রাত্রিকালে গোষ্ঠে বাস এবং বেদপাঠ করিবে না। সধবা জীলোকের মন্তক মুগুন আবশ্যক হইলে, তাহার সমুদয় কেশ একত্র করিয়া দুই অঙ্গুলি পরিমাণ কেশের অগ্রভাগ ছেদন করিবে, ইহাতেই তাহাদের মুগুন হইবে। ৯৮-৯৯। রাজা বা রাজপুত্র কিস্বা বহুশ্রুত ব্রাহ্মণ হইলে, তাহাদিগকে মুগুন না করাইয়াই প্রায়শ্চিত্তের বিধান দিবে। ১০০। প্রায়শ্চিত্তকালে যদি কোন ব্যক্তি মুগুন না করিতে ইচ্ছা করে, তাহা হইলে তাহাকে দ্বিগুণ প্রায়শ্চিত্ত করিতে হইবে; এবং বেদপারগ ব্রাহ্মণকে দ্বিগুণ দক্ষিণা প্রদান করিতে হইবে। ১০১। যে ব্যক্তি বিবাহাগ্নি গ্রহণ না করিয়া, গৃহস্থ বলিয়া অভিমান করে, তাহার অন্ন ভোজন করিবে না; কারণ তাদৃশ ব্যক্তির পাক, শাস্ত্রে বুঝা বলিয়া নির্দিষ্ট হইয়া থাকে। জ্যেষ্ঠভ্রাতা অবিবাহিত থাকিতে যে ব্যক্তি বিবাহ ও অগ্নিহোত্র গ্রহণ করে, তাহাকে পরিবেত্তা ও তাহার জ্যেষ্ঠ ভ্রাতাকে পরিবিত্তি কহা যায়। ১০২-১০৩। পরিবিত্তি, পরিবেত্তা, তাহার পত্নী, কন্যাদাতা ও পুরোহিত এই পাঁচ জনই নরকে গমন করে। জ্যেষ্ঠভ্রাতা যদি স্ত্রীব, দেশান্তরস্থ, মুক, প্রব্রজিত, জড়, কুজ, খর্ব্ব, বা পতিত হয় তাহা হইলে, পরিবেদনে কোন দোষ হয় না। ১০৪-১০৫। বেদের ষতগুলি অক্ষর অর্থ উপার্জ্জননের জন্ত নিয়োগ করা যায়, বেদবিক্রয়কারীর তাবৎপরিমিত অগ্নহত্যা-পাপ হইয়া থাকে। যে ব্যক্তি সম্যাসগ্রহণ করিয়া মৈথুন আচরণ করে, সে ষষ্টি-

সহস্র বৎসর বিষ্ঠাতে কুমি হইয়া বাস করে। ১০৬-১০৭। শূদ্রের অন্ন, শূদ্রের সহিত সম্পর্ক, শূদ্রের সহিত একাশন এবং শূদ্র হইতে কোনরূপ বিচ্ছাগ্রহণ, তেজস্বী ব্যক্তিকেও নিরয়গামী করিয়া থাকে। ১০৮। যে অজ্ঞ ব্রাহ্মণগণ, শূদ্রের নিকট হইতে চক্ষু প্রভৃতি আহরণ করিয়া পাক করে, তাহারা ব্রহ্মতেজ বর্জিত হইয়া নরকে গমন করিয়া থাকে। কেবল হস্তদ্বারাদন্ত, মধু, ফণিত, শাক, দুগ্ধ, লবণ এবং ঘৃত ভোজন করিলে একদিন উপবাস করিতে হয়। ১০৯-১১০। হস্তদন্ত স্নেহদ্রব্য, লবণ এবং ব্যঞ্জনাদি, দাতার ফলোপদায়ক হয় না এবং তৎসমূহের ভোক্তা পাপ ভোজন করিয়া থাকে। লৌহময় পাত্রে অন্ন প্রদান করিলে, ভোক্তার পক্ষে সেই অন্ন পুরীষতুল্য হয় এবং দাতাও নরকগামী হয়। ১১১-১১২। তর্জ্বনী অঙ্গুলীর দ্বারা দন্তধাবন, প্রত্যক্ষ লবণ ও মৃত্তিকাক্রম, গো-মাংসভক্ষণ-তুল্য হইয়া থাকে। হস্তদন্ত জল, পায়স, ভৈক্ষ, ঘৃত এবং লবণ গ্রহণ করিলে, গো-মাংসভক্ষণতুল্য হয়। ১১৩-১১৪। মূর্থ ব্যক্তি সম্মুখে এবং গুণাশ্রিত দূরে থাকিলেও গুণাশ্রিত ব্যক্তিকেই দান করা উচিত; কারণ বেদবিবর্জিত ব্রাহ্মণে ব্রাহ্মণাভিক্রম দোষ হয় না; জগতেও দেখা যায় যে, কেহ জ্বলন্ত অনল পরিত্যাগ করিয়া ভস্মেতে আলতি প্রদান করে না। ১১৫-১১৬। যে ব্যক্তি সম্মুখে বেদপাঠী ব্রাহ্মণকে পরিত্যাগ করিয়া অন্য ব্রাহ্মণকে দান প্রদান করে বা ভোজন করায়, সে নিজ সপ্তকুল দগ্ধ করিয়া থাকে। গোরক্ষক, বাণিজ্যব্যবসায়ী, কারুজীবী, নটবৃত্তি, প্রেয্য এবং বার্ক্শ্বিক ব্রাহ্মণগণের প্রতি শূদ্রতুল্য ব্যবহার করিবে। ১১৭-১১৮। দেব-দ্রব্যগ্রহণ, ব্রহ্মস্বাপহরণ ও ব্রাহ্মণের অপমান করিলে শীঘ্রই বংশ নষ্ট হইয়া থাকে। গো, অগ্নি ও ব্রাহ্মণবিষয়ে যে ব্যক্তি “দিওনা” এই কথা বলে, সে তির্ঘ্যগ্‌যোনি ভোগ করিয়া চণ্ডাল হইয়া জন্মগ্রহণ করে। ১১৯ ১২০। বাক্যের দ্বারা যাহা স্বীকার করিয়া, কার্যতঃ সম্পাদন না করা যায়, তাহা ইহ ও পরকালে ধর্ম্মসঙ্গত ঋণস্বরূপ হইয়া থাকে। প্রত্যহ বিষসানী ও অমৃতভোজী হইবে; যজ্ঞশেষের নাম অমৃত ও ভুক্তশেষের নাম বিষস। ১২১-১২২। বাহার বাম অংশ হইতে উত্তরায় বস্ত্র পরিভ্রষ্ট হইয়া নাভিদেলে ব্যবস্থিত হয়, তাহাকে একবাসা কহা যায়; তাদৃশ ব্যক্তির দৈব ও পিত্র-কর্মে অধিকার থাকে না। ব্রাহ্মণ স্নানানন্তর জলের দ্বারা যে পিতৃতর্পণ করে, তাহাতেই সে, সমস্ত পিতৃযজ্ঞ ক্রিয়ার ফল প্রাপ্ত হইয়া থাকে। ১২৩-১২৪। যে ব্যক্তি ভোজনোত্তর হস্ত-ক্ষালনের অনন্তর গণ্ডুষজল পান করে, সে ব্যক্তি দৈব, পৈত্রেয় ও আপনাকে উপহত করিয়া থাকে। গণ্য (অনেকের দ্বারা একত্র পক-অন্ন) বেশ্যার অন্ন, গ্রাম-

যাজকের অন্ন এবং স্ত্রীগণের সৌমস্তোময়নাদিতে অন্ন ভোজন করিয়া চান্দ্রায়ণ করিবে। ১২৫-১২৬। পক্ষ বা মাসমধ্যে যাহার গৃহে ব্রাহ্মণ ভোজন করে না, তাহার অন্ন ভোজন করিয়া চান্দ্রায়ণ-ব্রত করিবে। বাস্তিক, দীক্ষিত, যতি, ব্রহ্মচারী এবং ষাণ্মতী ঋত্বিকগণের অশৌচ হয় না। ১২৭-১২৮। অজীর্ণ হইলে, বমন করিলে, ক্ষৌর-কর্ম্ম করিলে, মৈথুন করিলে, দ্রুঃস্বপ্ন দর্শন করিলে এবং দুর্জ্ঞানকে স্পর্শ করিলে স্নান করিতে হয়। চৈতর্য্যক্ষ, চিতা, যূপ, শিবনিষ্ঠালা-ভোজী ও বেদবিক্রয়ীকে স্পর্শ করিলে, বস্ত্রের সহিত জলে অবগাহন করিবে। ১২৯-১৩০। অগ্নিশালায়, গোষ্ঠে, দেবতা ও ব্রাহ্মণের সম্মুখানে, অধ্যয়ন সময়ে এবং ভোজন ও পান-সময়ে পাত্রকা ব্যবহার করিবে না। খলক্ষেত্রগত খাত্ত, কূপ বা বাপীস্থিত জল এবং গোষ্ঠস্থ দুগ্ধ, অগ্রাহ্যের নিকট হইতেও গ্রহণ করিতে পারা যায়। ১৩১-১৩২। বস্ত্রাদির দ্বারা মস্তক বেষ্টিত করিয়া বা দক্ষিণামুখ হইয়া কিস্বা পাত্রকা পরিয়া যাহা ভক্ষণ করা যায়, রাক্ষসগণ তাহা ভোজন করিয়া থাকে। মণ্ডল না করিয়া অন্ন আহার করিলে, ক্রুরকর্ম্মশীল যাতুধান ও পিশাচ প্রভৃতি সেই অন্নের রস হরণ করিয়া থাকে। ১৩৩-১৩৪। ব্রহ্মাদি দেবগণ ও বসিষ্ঠ প্রভৃতি মহর্ষিগণের মণ্ডলই উপজীব্য, সূতরাং মণ্ডল অবশ্য করা উচিত। ব্রাহ্মণ চতুরস্র, ক্ষত্রিয় ত্র্যস্র, বৈশ্য বর্ধূল মণ্ডল করিবে এবং শূদ্র অভ্যুক্ষণমাত্র করিবে। ১৩৫-১৩৬। উৎসঙ্গে, পাণিতে, কর্পটে, আসনে এবং শয্যায় ভোজন করিতে নাই এবং মলপীড়িত হইয়াও ভোজন করিবে না। ধর্ম্মশাস্ত্ররূপ রথে আরুঢ় এবং বেদস্বরূপ খড়্গধারী ব্রাহ্মণগণ, ক্রীড়াচ্ছলেও যাহা বলেন, তাহাও পরমধর্ম্ম। ১৩৭-১৩৮। ধর্ম্মাভিলাষীজন রাত্রিকালে লাজ ও দধিমুক্ত ভক্ষ্য ভোজন করিবে না। যত্বপি উহা ভক্ষণ করে, তাহা হইলে ধর্ম্মহানি এবং ব্যাধিকর্ভূক পীড়িত হইতে হয়। ব্রাহ্মণ কেবল হস্তদ্বারা ফণিত, দুগ্ধ, জল, লবণ, মধু এবং কাঞ্জিক প্রদান করিলে, চান্দ্রায়ণ-ব্রত করিবে। ১৩৯-১৪০। যে ধর্ম্মবিদ্ ব্যক্তি গন্ধ, অভরণ ও মাল্য প্রদান করে, সে যে যে স্থানে গমন করে, সেই সেই স্থানেই স্নগন্ধ ভোগ করে এবং সর্বদা হুর্দ্দ থাকে। দূর হইতে নীলীবস্ত্র পরিত্যাগ করিবে, কিন্তু স্ত্রীগণের সহিত ক্রীড়াকালীন শয্যায় উহা ব্যবহার করা যাইতে পারে। ১৪১-১৪২। নীলীর পালন, উহার বিক্রয় বা নীলী ক্রয়-বিক্রয়ের দ্বারা জীবন ধারণ করিলে, ব্রাহ্মণ অপবিত্র হয়, এবং কৃচ্ছ্র-চান্দ্রায়ণ করিলে পুনরায় পবিত্র হইয়া থাকে। যে ব্যক্তি নীলীবস্ত্র পরিধান করে, সে মহাজ্ঞানী হইলেও তৎকৃত স্নান, দান, তপস্বী, হোম, বেদাধ্যয়ন এবং পিতৃতর্পণ




প্রভৃতি সমস্ত কৰ্মই ব্যর্থ হইয়া থাকে । ১৪৩-১৪৪ । ব্রাহ্মণ স্বীয় অঙ্গে নীলীবস্ত্র ধারণ করিলে, সেই বস্ত্রে ষত তন্তু থাকে, সে নিশ্চয়ই তৎসম্মান্য নরকে বাস করে । নীলীবস্ত্র পরিধান করিলে, দিব্যরাত্র উপবাস করিয়া পঞ্চগব্যের দ্বারা শুদ্ধ হইতে পারা যায় । ১৪৫-১৪৬ । নীলীবস্ত্র পরিধান করিয়া অন্ন প্রদান করিলে, ভোক্তার পক্ষে সেই অন্ন বিষ্ঠাতুল্য হয় এবং দাতা নরকে গমন করে । ব্রাহ্মণের অন্ন অমৃততুল্য, ক্ষত্রিয়ের অন্ন দুগ্ধতুল্য, বৈশ্যের অন্ন অন্নসমান এবং শূদ্রের অন্ন রুধির তুল্য জানিবে । ১৪৭-১৪৮ । ব্রাহ্মণের অন্ন বৈশ্বদেব, হোম, দেবার্চন, জপ এবং বেদমন্ত্র সমূহের দ্বারা সংস্কৃত হইয়া থাকে এই জন্ত উহা অমৃত সমান । শ্রাব্য ব্যবহারে প্রজাপালনের দ্বারা ক্ষত্রিয়ের অন্ন অর্জিত হইয়া থাকে এই জন্ত উহা দুগ্ধ তুল্য । ১৪৯-১৫০ । এক গ্রহর কালমাত্র আবদ্ধ বৃষের দ্বারা লাজলাদি-বিধানে বৈশ্যের অন্ন অর্জিত হয় এই জন্ত উহা সূসংস্কৃত অন্ন, এবং অজ্ঞানান্নকারে সমা-চ্ছন্ন ও মত্তপানরত শূদ্রের অন্ন বেদমন্ত্র বিবর্জিত বলিয়া উহা রুধিরসমান । ১৫১-১৫২ । মানব, স্বল্প বিষয়ের জন্ত কখনও বৃথা শপথ করিবে না ; কারণ বৃথা শপথ করিলে ইহ ও পরকালে ইফনাশ হইয়া থাকে । স্ত্রীলোকের নিকটে, বিবাহে, গোভূক্তে, ধনক্ষয়ে এবং ব্রাহ্মণের অভ্যুপপত্তিতে শপথ করিলে পাপ হয় না । ১৫৩-১৫৪ । ব্রাহ্মণকে সত্যের দ্বারা শপথ করাইবে । ক্ষত্রিয়কে বাহন ও আয়ুধের দ্বারা, বৈশ্যকে গো, বীজ ও কাঞ্চনের দ্বারা এবং শূদ্রকে সমস্ত পাতকের শপথ করাইবে । শূদ্রকে শপথ করাইবার সময় অগ্নিস্পর্শ করাইবে বা জলে নিমগ্ন করাইবে অথবা তাহার পুত্রাদির মস্তক স্পর্শ করাইবে । ১৫৫-১৫৬ । বস্তৃতঃ যমকে যম কহা যায় না, কিন্তু আত্মাকেই যম বলা যায় ; যাহার আত্মা সংযত হইয়াছে, যম তাহার কি করিতে পারে ? । তীক্ষ্ণ খড়্গ, সর্প বা নিত্য-সংক্রুদ্ধ শত্রু ও অসংযত আত্মার ন্যায় দুরতিক্রমণীয় নহে । ১৫৭-১৫৮ । ক্ষমাশীল ব্যক্তিগণের একটা মাত্রও দোষ হইলে, তাহাকে লোকে অক্ষম বলিয়া বিবেচনা করিয়া থাকে । শকশাস্ত্রাভিরত বা রমণীয় গৃহপ্রিয় বা ভোজনচ্ছাদন-তৎপর কিম্বা বিত্তগ্রাহী ব্যক্তির মোক্ষ হয় না । কিন্তু উহারা যদি একান্তশীল, সর্বেন্দ্রিয় শ্রীতি-নিবর্তক, স্বাধ্যায় ও যোগবলে বিগত-মানস ও অহিংসক হয়, তাহা হইলে মুক্তি-লাভ করিতে পারে । মানবগণের একান্তশীলতাই বা কোথায়, তাহাদের ইন্দ্রিয় শ্রীতির নিবৃত্তিই বা কোথায়, তাহাদের যোগই বা কোথায় এবং দেবতাপূজাই বা কোথায় ? (অর্থাৎ কিছুই নাই) । সূতরাং কাশী ব্যতিরেকে সহজে মুক্তির সম্ভাবনা নাই । বিশ্বেশ্বরের সেবা করাই যোগ, বিশ্বেশ্বরের পুরীতে বাস করাই তপস্তা

এবং উত্তরবাহিনী নদীতে স্নান করার নামই ব্রত, দান, যম এবং নিয়ম ।  
১৫৯—১৬৩ ।

স্কন্দ कहিলেন, যে গৃহস্থ ব্যক্তি আয়মার্গে অর্থ উপার্জন করে এবং যে তত্ত্ব-জ্ঞাননিষ্ঠ ও অতিথিপ্রিয়, শ্রাদ্ধকারী এবং সত্যবাদী, সেই ব্যক্তিই এখানে মুক্তিলাভ করিয়া থাকে । বিশেষতঃ গৃহস্থ ব্যক্তি, দীন, অন্ধ ও কৃপণ প্রভৃতি যাচকগণকে অন্ন প্রদান এবং গৃহোক্ত কর্মসমূহ সম্পাদন করিয়াই শ্রেয়োলাভ করিয়া থাকে । ১৬৪-১৬৫ । যাহারা এইরূপ আচরণ করে, কাশীনাথ তাহাদের উপর প্রসন্ন হইয়া থাকেন এবং বিশ্বনাথের প্রসাদে কাশী তাহার মুক্তিদায়িনী হয় । এইরূপে যে ব্যক্তি কাশীর সেবা করে, সে সমস্ত তীর্থে স্নানাত, সমস্ত যজ্ঞে দীক্ষিত এবং সর্ববিধ দান প্রদাতারূপে গণ্য হইয়া থাকে । ১৬৬—১৬৭ ।

## একচত্বারিংশ অধ্যায় ।



### যোগ-কথন ।

স্কন্দ कहিলেন, এই প্রকার সদাচার সকল প্রতিপালন করত গৃহে অবস্থান করিয়া গৃহস্থ যখন দেখিবেন যে, তাঁহার দেহ-মাংস লোল হইয়াছে, মস্তক পরিপক্ব-কেশে শুভ্রবর্ণ হইয়াছে, সেই সময় তিনি তৃতীয় ( বানপ্রস্থ ) আশ্রম অবলম্বন করিবেন । ১ । পুত্রের পুত্র বিলোকনান্তে গ্রাম্যাহার সকল পরিত্যাগ করত উপযুক্ত পুত্রের হস্তে পত্নীর রক্ষণাবেক্ষণের ভার বিতাস করিয়া অথবা তাহাকে সঙ্গে লইয়া গৃহস্থ বনবাস আশ্রয় করিবেন । ২ । এই সময় চর্ম্মচীর পরিধান করিবেন ও স্বকীয় হোমীয় অগ্নির রক্ষা করিবেন । বানপ্রস্থী, মূনিজনোচিত অম্নেই জীবনযাত্রা নির্বাহ করিবেন, এই সময়ে মস্তকে জটাভার বহন করিতে হয় এবং সায়াং ও প্রভাতকালে স্নান করিতে হয় । বানপ্রস্থাত্মম্ন অবলম্বন পূর্বক আর নখ, লোম বা শ্মশ্রু পরিত্যাগ করিবেন না । ৩ । শাক, মূল বা ফলের দ্বারাও পঞ্চযজ্ঞের অনুষ্ঠানে বিরত হইবেন না এবং জল, মূল ও ফলাদির দ্বারা সমাগত ভিক্ষুক বা অতিথিকে সম্মানিত করিবেন । ৪ । বানপ্রস্থাত্মম্নী কাহারও নিকট কিছু গ্রহণ করিবেন না, কাহাকেও কোন বস্তু সংকল্প পূর্বক দানও করিবেন না ।

সর্বদা দাস্ত, স্বাধ্যায়তৎপর থাকিবেন, এবং বিধি অনুসারে স্বকীয় বৈবাহিক অগ্নিতে প্রতিদিন আহুতি প্রদান করিবেন। ৫। নিজের আহুত ফলমূলাদির দ্বারাই হবনীয় স্নাতের কার্য সম্পাদন করিবেন; এবং স্বয়ংকৃত লবণ, ফলোদ্ভব স্নেহ-দ্রব্যই ভক্ষণ করিবেন। ৬। বানপ্রস্থাশ্রমী সর্বপ্রকার মাংসহার হইতে নিবৃত্ত হইবেন এবং পূর্বসংকীর্ণ শাক-মূল-ফলাদিও সম্বৎসরান্তে আশ্বিন মাসে পরিত্যাগ করিবেন। গ্রাম্য ফল, মূল এবং কর্ষণজাত অন্ন ব্যবহার করিবেন না। দন্তোলুখলিক বা অশ্মকুট্টী হইয়াই দিনষাপন করিবেন। প্রতি দিনের অন্ন প্রতিদিন সঞ্চয় করিবেন কিম্বা একমাসোপযোগী অন্ন পূর্ব হইতেই সঞ্চয় করিয়া রাখিবেন। কেহ বা স্বকীয় সামর্থ্যানুসারে ভাবী তিন মাস কিম্বা ছয়মাসের উপযোগী ফল-মূলাদি পূর্ব হইতেই সঞ্চয় করিবেন। ৭-৯। রাত্রিতে আহার, এক দিন অন্তর আহার, তিন দিনান্তে আহার, চান্দ্রায়ণ-ত্রয় অথবা পক্ষান্তে বা মাসান্তে ভোজন করিবেন। ১০। অথবা বৈখানস-বৃত্তি অবলম্বন পূর্বক শাক, ফল বা মূল আহার করিয়া দীর্ঘ তপস্তার দ্বারা নিজ দেহকে শুষ্ক করিবেন; এবং পিতৃলোক ও দেবলোকের তৃপ্তি উৎপাদন করিবেন। ১১। শ্রৌত-অগ্নি সাজ করিয়া বিচরণ করিবেন, কোন স্থানে নির্দিষ্টরূপে বাসস্থান নির্মাণ করিবেন না; প্রাণঘাতী নির্বাহের জন্ত বনবাসী তপস্বীগণের নিকট ভিক্ষা করিবেন। ১২। অথবা বনবাস করিয়া কেবল মাত্র আহারকালে গ্রামে গমন পূর্বক অষ্টগ্রাস মাত্র অন্ন ভিক্ষাপূর্বক গ্রহণ করিয়া তাহাই ভোজন করিবেন। বানপ্রস্থাশ্রমী এই প্রকারে আশ্রম-ধর্ম সমূহ প্রতিপালন করিতে পারিলে তিনি ত্রয়লোকেও পূজা লাভ করিতে সমর্থ হন। ১৩।

এই প্রকারে জীবনের তৃতীয় ভাগ বনে অতিবাহন পূর্বক আয়ুর চতুর্থ ভাগের আরম্ভেই সর্বপ্রকার সজ পরিত্যাগ করিয়া প্রব্রজ্যা গ্রহণ করিবেন। ১৪। দেব, পিতৃ ও মনুষ্যাগণের ঋণশোধ না করিয়া সমস্ত উৎপাদন না করিয়া কিম্বা বস্ত্র-সমূহ না করিয়া, যে ব্যক্তি জ্ঞানেচ্ছায় প্রব্রজ্যা অবলম্বন করে, সে নিশ্চয়ই অধোগতি লাভ করে। ১৫। যে ব্যক্তির দ্বারা প্রাণিগণের স্বল্পমাত্রও ভয় উৎপন্ন হয় না, সমস্ত প্রাণিগণই সর্বদা তাঁহাকে অভয় প্রদান করিয়া থাকে। ১৬। অগ্নি ও গৃহ পরিত্যাগ পূর্বক আত্মজ্ঞান সিদ্ধির জন্ত একাকী অসহায় অবস্থায় সতত বিচরণ করিবেন। কেবল অন্নের জন্ত গ্রামগণ্ডে প্রবেশ করিবেন। ষতি, কখন জীবন বা মৃত্যুর কামনা করিবেন না। ভৃত্য যেমন প্রভুর আজ্ঞা অপেক্ষা করিয়া থাকে, তদ্রূপ কালমাত্রের প্রতীক্ষা করিয়া থাকিবেন। ১৭-১৮। মুক্তির অভি-

লাঘী হইয়া সর্বত্র সমতারহিত ও সর্বত্র সমদর্শী হইবেন এবং বৃক্ষমূলে বাস করিবেন । ধ্যান, শোচ, ভিক্ষা এবং সর্বদা নির্জ্ঞানসেবা এই চারি প্রকার কর্ম ব্যতীত যতিগণের আর পঞ্চম কর্ম কিছুই নাই । ১৯-২০ । বৎসরের মধ্যে চাতুর্মাশে যতি কোন স্থানে কখনই গমন করিবেন না, কারণ ঐ সময়ে যাতায়াত করিলে তাহাতে বহুতর বীজাকুর ও জীবগণের হিংসা হয় । গমন করিবার সময় জন্তুগণকে পরিহার করিয়া পাদ নিষ্ক্রেপ করিবেন । বস্ত্রশোধিত জল পান করিবেন, অনুদ্বৈগকর বাক্য ব্যবহার করিবেন এবং কখন কিছুতেই ক্রুদ্ধ হইবেন না । ২১-২২ । কাহারও অপেক্ষা না করিয়া নিরাশ্রয়, অধ্যাত্মনিরত ও আত্মমাত্র সহায় হইয়া সর্বদা অবস্থান করিবেন এবং নখ ও কেশ ছেদন করিবেন না ও জিতেন্দ্রিয় হইবেন । কুস্তুস্তরঙ্গিত বস্ত্র পরিধান ও দণ্ড ধারণ করিবেন, এবং খ্যাতির অভিলাষহীন হইয়া ভিক্ষা করত ভোজন করিবেন । ২৩-২৪ । অলাব, দারু, মুস্তিকা ও বেণুর দ্বারা নির্মিত পাত্র ব্যবহার করিবেন । ভিক্ষুক ব্যক্তি কদাচ তৈজস পাত্র গ্রহণ করিবেন না । যতি, যদি এক কপর্দকও গ্রহণ করেন, তাহা হইলে তাহাতে দিন দিন ভাঁহার সহস্র গো-বধের পাপ হয় ; ইহা শ্রুতিতে উক্ত হইয়াছে । যদি কদাপিও কামুক হইয়া হৃদয়ে প্রেমদাকে ধারণ করেন, তাহা হইলে দুই কোটি ব্রহ্মকল পরিমিত কাল কুন্তীপাক নামক নরকে বাস করিবেন । দিব্যরাত্রির মধ্যে একবারমাত্র ভিক্ষা করিবেন, তাহাতেও অধিক পাইবার আশা রাখিবেন না । গৃহস্থের গৃহ যখন পাকধূমরহিত, সন্ন্যাস ও জলদজ্ঞার হীন হইবে এবং সমস্ত পরিজনের আহারান্তে শরাবাদি বাহিরে নিষ্ক্রেপ করিবে, যতি, প্রত্যহ সেই সময় ভিক্ষা করিবেন । ২৫-২৮ । যতি হইয়া যিনি অল্প আহার ও নির্জ্ঞানে অবস্থান করেন এবং রাগদ্বৈষ বর্জিত হইয়া ইন্দ্রিয়সমূহকে বিষয় হইতে নিবৃত্ত করেন, তিনিই মোক্ষভাগী হইয়া থাকেন । ২৯ । যাহার আশ্রমে যতি মুহূর্তমাত্র বিশ্রাম করেন, সে ব্যক্তি কৃতকৃত্যতা লাভ করিয়া থাকে । গৃহস্থ ব্যক্তি, আজীবন যে পাপ সঞ্চয় করে, যতি তাহার গৃহে একরাত্রি বাস করিলে তাহার সেই সমস্ত পাপ বিনষ্ট হইয়া যায় । ৩০-৩১ । যে কোন আশ্রমবাসীরই শরীরের বার্দ্ধক্য, অসহ্য রোগবল্লণা, শরীর পরিত্যাগ, পুনরায় গর্ভপ্রবেশ, গর্ভে দারুণ ক্লেশ, নানাবিধ যোনিতে নিবাস, প্রিয়জনের সহিত বিয়োগ, অপ্রিয়জনের সহিত মিলন, অর্থনিবন্ধন নানা প্রকার দুঃখ, নরকবাস, নরকে নানা প্রকার যন্ত্রণা মানবগণের কর্মদোষ জন্ত নানা প্রকার গতি ও শরীরের অনিত্যতা প্রভৃতি ক্লেশসমূহ পর্যা-লোচনা করিয়া এবং একমাত্র পরমাত্মাকেই নিত্য জানিয়া সর্বথা মুক্তির জন্ত

যত্ন করা উচিত । ৩২-৩৫ । যে সমস্ত ষতি ভিক্ষাপাত্র পরিত্যাগ করিয়া করপাত্রী বলিয়া বিখ্যাত হন, তাঁহাদের দিন দিন শতগুণ পুণ্য লাভ হইয়া থাকে । পণ্ডিত ব্যক্তি, এইরূপে চতুর্বিধ আশ্রমের সেবা করিয়া দ্বন্দ্বরহিত ও সঙ্গত্যাগী হইয়া নির্বাণপদ লাভ করিয়া থাকেন । ৩৬-৩৭ । কুবুদ্ধি মানবগণের অসংযত আত্মা কেবল বন্ধেরই কারণ হয়, কিন্তু বুদ্ধিমান ব্যক্তি কর্তৃক সংযত হইয়া সেই আত্মাই নির্বাণ-পদ প্রদান করিয়া থাকেন । শ্রুতি, স্মৃতি, পুরাণ, উপনিষদ, সূত্র, ভাষ্য এবং অষ্টাশ্রয় বাহ্য কিছু বেদামুখায়ো বাক্য আছে, সেই সমস্তের বিজ্ঞান, ব্রহ্মচর্যা, তপস্যা, দম, শ্রদ্ধা, উপবাস এবং স্বতন্ত্রতা ইহারা আত্মজ্ঞানের প্রতিকারণ । একমাত্র আত্মাই সমস্ত আশ্রমবাসির জিজ্ঞাস্তা, এবং সেই আত্মাই তাহাদের শ্রোতব্য, মন্তব্য ও যত্ন সহকারে দ্রষ্টব্য । ৩৮-৪১ । আত্মজ্ঞান হইতেই মুক্তি হইয়া থাকে, যোগ ব্যতিরেকে আত্মজ্ঞান হয় না ; সেই যোগও বহুকালে অভ্যাস-বলে সিদ্ধ হইয়া থাকে । অরণ্য আশ্রয় করিলেই যোগ সিদ্ধ হয় না এবং নানাবিধ শাস্ত্রচিন্তা, দান, ত্রত, তপস্যা, যজ্ঞ, পদ্মাদি নানা প্রকার আসন, নাসাগ্রদর্শন, শৌচ, মৌন বা বহুতর মন্ত্রের আরাধনায়ও যোগ সিদ্ধ হয় না । ৪২-৪৪ । কেবল অধ্যবসায়, সর্বদা অন্তর্ধান, একান্ত দৃঢ়তা ও বারম্বার অবৈতৃষ্ণ্যানিবন্ধনই যোগ সিদ্ধি হইয়া থাকে । যে ব্যক্তি আত্মার সহিত আপনাকে অভিন্ন বোধ করিয়া আত্মাতেই পরিতৃপ্তি লাভ করত সতত আত্মাতেই ক্রীড়া করিয়া থাকেন, তাঁহারই অদূরে যোগসিদ্ধি অবস্থান করে । এই সংসারে যে ব্যক্তি আত্মা হইতে অতিরিক্ত কোন প্রকার বস্তুস্তর দর্শন না করেন, আত্মজ্ঞানী সেই যোগিশ্রেষ্ঠই ব্রহ্মপদ লাভ করিয়া থাকেন । ৪৫-৪৭ । পণ্ডিতগণ, আত্মার সহিত মনের সংযোগকেই যোগ বলিয়া থাকেন ; কেহ কেহ প্রাণ ও অপান বায়ুর মিলনকে ( কুস্তককে ) যোগ বলিয়া উল্লেখ করেন । অপণ্ডিত ব্যক্তিগণ, বিষয় ও ইন্দ্রিয়ের সংযোগকেই যোগ বলিয়া থাকে ; এই সমস্ত বিষয়াসক্তচিত্ত ব্যক্তিগণের পক্ষে মুক্তি অনেক দূরে অবস্থিত । ৪৮-৪৯ । যে পর্য্যন্ত দুর্নিবার্য চিন্তাবৃত্তি নিবৃত্ত না হয়, তাবৎ যোগের নিকটবর্তিনী কিম্বদন্তীরও সম্ভাবনা কোথায় ? যে ব্যক্তি মানসিকবৃত্তি সমূহ রোধ করিয়া মনকে ক্ষেত্রজ্ঞ পরমাত্মার সহিত মিলিত করেন, সেই ব্যক্তিই মুক্তিলাভ করিয়া থাকেন এবং তাঁহারই নাম যোগী । ৫০-৫১ । স্বভাবতঃ বহির্মুখ ইন্দ্রিয়সমূহকে অন্তর্মুখ করিয়া তাহাদিগকে মনেতে লীন করিবে ; তৎপরে সেই মনকে জীবাশ্রায় লীন করিবে, অনন্তর সর্বপ্রকার ভাব হইতে নিৰ্ম্মুক্ত সেই ক্ষেত্রজ্ঞ জীবকে পরব্রহ্মে লীন করিবে ; ইহারই নাম ধ্যান এবং ইহাই যোগ ;

এতদ্ব্যতিরিক্ত অন্ত্যর্থাভিধায়ী শাস্ত্রনিচয় কেবল বাগাড়ম্বরমাত্রে পর্য্যবসিত । ৫২-৫৩ । সমস্ত লোক যাহা নাই বলিয়া জানে, পরমাত্মার সহিত জীবের ঐক্য আছে ইহা বলিতে গেলে লোকবিরুদ্ধ অর্থ কখন করা হয় ; সুতরাং তাহা লোকের হৃদয়ে সহসা স্থান প্রাপ্ত হয় না । সেই ব্রহ্মকে কেবল পুণ্যবলেই নিজের জ্ঞাত হইতে পারা যায় । অবিবাহিতা নারী যেমন অন্ত্যগ্ন স্ত্রীগণ কর্তৃক ভর্তৃসঙ্গজনিত সুখ কি প্রকার তাহা অভিজিত হইয়াও বস্তুতঃ সেই সুখ কিরূপ তাহা অনুভব করিতে পারে না ; তদ্রূপ যে সেই পরব্রহ্মে আত্মসংযোগ না করিয়াছে, সে কখনই সেই পরমাত্মাকে জানিতে পারে না । এবং জন্মাবধি অন্ধ ব্যক্তির বক্তিকাজ্ঞানের আশ্রয় সেই পরমাত্মা অযোগিগণের চিরদিনই অজ্ঞাত থাকেন । ৫৪-৫৫ । সর্বদা যোগাভ্যাসনিরত ব্যক্তির সেই পরমাত্মা বিজ্ঞেয় হইয়া থাকেন ; কারণ অতিশয় সূক্ষ্মত্বনিবন্ধন সেই পরব্রহ্মসনাতনকে হঠাৎ কোন প্রকারে লক্ষ্য করা যায় না । বাতাহত জলের আশ্রয় মানবচিত্ত সততই চঞ্চল ; সুতরাং চিত্তকে কিছুতেই বিশ্বাস করিবে না । ৫৬-৫৭ । চঞ্চল চিত্তকে স্থির করিবার নিমিত্ত প্রাণবায়ুর নিরোধ করিতে হইবে । বায়ু নিরোধের নিমিত্ত ষড়ঙ্গযোগ অভ্যাস করিবে । আসন, প্রাণায়াম, প্রত্যাহার, ধারণা, ধ্যান এবং সমাধি এই ছয়টি যোগের অঙ্গ । জগতে যত প্রকার জীবযোনি আছে, তত প্রকার আসন হইয়া থাকে । মেট্রের উপরিভাগে বাম পাদের গুল্ফ বিঘ্নস্ত করিয়া তদুপরি দক্ষিণ পাদের গুল্ফ নিবিষ্ট করত উপবেশনের নাম দ্বিপাদাসন ; এই আসন যোগিগণের যোগসিদ্ধিপ্রদ হইয়া থাকে এবং নিত্য ইহা অভ্যাস করিলে শরীর দৃঢ় হয় । ৫৮-৬১ । যোগী বাম উরুর উপর দক্ষিণচরণ ও দক্ষিণ উরুর উপর বামচরণ বিঘ্নস্ত করিয়া উপবেশন করিবে, এই আসনের নাম পদ্মাসন । ৬২ । পদ্মাসনে উপবিষ্ট থাকিয়া পশ্চাৎভাগ দিয়া কর-ঘয়ের দ্বারা উভয় পদের অঙ্গুষ্ঠ ধারণ করিলে বন্ধপদ্মাসন হইয়া থাকে ; এই আসন অভ্যাস করিলে শরীর দৃঢ় হয় । অথবা যোগীর যে আসনে উপবেশনে সুখ বোধ হইবে, স্বস্তিকাদি আসন নিচয়ের মধ্যে সেই কোন একটি আসনে আবদ্ধ হইয়া যোগী যোগ অভ্যাস করিবেন । ৬৩-৬৪ । জল বা অগ্নির সন্নিহিতে, জীর্ণ অরণ্য বা গোষ্ঠে, দংশ বা মশকাকীর্ণ স্থানে, গ্রামস্থ পূজ্য বৃক্ষমূলে, প্রাঙ্গণ ভূমিতে, কেশ, ভস্ম, তুষ, অঙ্গার বা অগ্নি প্রভৃতির দ্বারা দূষিত স্থানে এবং পুতি-গন্ধময় বা বহুজনাকীর্ণ স্থানে বসিয়া যোগ অভ্যাস করিবে না । ৬৫-৬৬ । যে স্থান সর্ব প্রকার বাধারহিত এবং যে স্থানে সমস্ত ইন্দ্রিয় স্থখে অবস্থিত হইবে, মনঃ-প্রসন্নতাজনক, মাল্য ও ধূপ প্রভৃতির গন্ধে আয়োদিত তাদৃশ স্থানে, গুরুতর

আহার না করিয়া বা ক্ষুধার্ত না থাকিয়া মল ও মুত্রের বেগ রোধ না করত, যোগী যোগ অভ্যাস করিবেন । পথশ্রান্ত বা চিন্তাপীড়িত অবস্থায় যোগাভ্যাস করিবে না । ৬৭-৬৮ । চরণদ্বয় উরুদ্বয়ের উপরে উত্তানভাবে অবস্থাপিত করিয়া সব্য উরুর উপর বাম কর বিস্তার করত অপর হস্ত উন্নত করিয়া বক্ষঃস্থলের সহিত বদন সংযোগ করিয়া চক্ষুদ্বয় মুদ্রিত করত সৰ্ব্বসংস্থ হইয়া দন্তে দন্ত স্পর্শ না করাইয়া, জিহ্বাকে তালুতে নিশ্চল রাখিয়া সংবৃত্তান্ত হইয়া স্থনিশ্চল ভাবে ইন্দ্রিয় সমূহকে সংযত করিয়া অনতি নিম্ন বা অনতি উচ্চ আসনে উপবিষ্ট থাকিয়া, উত্তম, মধ্যম ও লঘুভেদে প্রাণায়াম অভ্যাস করিবে । ৬৯-৭১ । অনিল যখন চঞ্চল থাকে তখন সমস্তই চঞ্চল হয় ; এবং উহা যখন নিশ্চল হয়, তখন সমস্তই নিশ্চল হইয়া যায় ; সুতরাং বায়ু রোধ করিলে যোগী স্থাপুর ন্যায় নিশ্চলতা প্রাপ্ত হইয়া থাকেন । যে পর্য্যন্ত প্রাণবায়ু দেহে অবস্থান করে, সেই পর্য্যন্তই লোকে জীবিত বলিয়া থাকে, দেহ হইতে প্রাণবায়ু নির্গত হইলেই মরণ হয় ; অতএব যত্নসহকারে প্রাণবায়ুকে শরীরের মধ্যে নিরুদ্ধ করিবে । যে পর্য্যন্ত শরীরমধ্যে প্রাণবায়ু আবদ্ধ থাকে, যে পর্য্যন্ত চিত্ত বাহ্য বিষয় হইতে পৃথক্ হইয়া স্থিরভাবে অবস্থান করে এবং যে পর্য্যন্ত দৃষ্টি জ্বরয়ের মধ্যস্থলে সন্নিবিষ্ট থাকে, সে পর্য্যন্ত কাল হইতে ভয়ের সম্ভাবনা কোথায় ? ৭২-৭৪ । কালভয়েই ত্রুষ্ণা সতত প্রাণায়াম করিয়া থাকেন । যোগিগণ সম্যকরূপে প্রাণায়াম করিয়াই সিদ্ধি লাভ করিয়াছেন । দ্বাদশ মাত্রা পরিমিত প্রাণায়ামের নাম লঘু প্রাণায়াম ; হ্রস্ব অক্ষরকে মাত্রা কহা যায়, চতুর্বিংশ মাত্রা পরিমিত প্রাণায়ামকে মধ্যম এবং ষট্‌ত্রিংশ মাত্রা পরিমিত প্রাণায়ামকে উত্তম কহা যায় । ৭৫-৭৬ । এই প্রাণায়াম শ্বেদ, কম্প ও বিষাদ উৎপন্ন করিয়া থাকে । লঘু প্রাণায়ামে শ্বেদ উৎপন্ন হয়, তাহাই ক্রমশঃ অভ্যাস করিতে করিতে তাহার দ্বারা শ্বেদ জয় হইয়া থাকে । মধ্যম প্রাণায়ামে কম্প উৎপন্ন হয়, তাহারই অভ্যাসবলে সেই কম্প জয় হইয়া থাকে এবং উত্তম প্রাণায়ামে বিষাদ উৎপন্ন হইয়া, তাহারই অভ্যাসবলে বিনষ্ট হইয়া থাকে । এইরূপে যোগীর প্রাণ ক্রমশঃ নিশ্চল হইলে তিনি সিদ্ধি লাভ করেন । তখন যোগী যে স্থানে গমন করিতে ইচ্ছা করেন, সেই প্রাণবায়ু তৎক্ষণাৎ তাঁহাকে সেই স্থানে লইয়া যায় । ৭৭-৭৮ । হঠাৎ এই প্রাণবায়ুকে রোধ করিলে ইহা রোমকূপ সমূহ দিয়া নির্গত হইয়া থাকে এবং দেহকে বিদীর্ণ করিয়া ফেলে ও কুষ্ঠরোগ উৎপাদন করে ; অতএব বশ্যহস্তীর ন্যায় ক্রমশঃ ইহাকে বশে আনিতে হয় । বশ্যহস্তী বা সিংহ যেমন ক্রমশঃ যুদ্ধ হইয়া, শাসকের আজ্ঞা লঙ্ঘন না

করিয়া তাহা প্রতিপালন করে, তদ্রূপ প্রাণবায়ু ক্রমশঃ যোগবলে নিরুদ্ধ হইয়া যোগীর আন্তর অনুবর্তী হইয়া থাকে । ৭৯-৮১ । এই বায়ু ইউ। ও পিঙ্গলানামী নাড়ীদ্বয়ের মধ্যদিয়া ষট্‌ত্রিংশদ্বল পর্য্যন্ত বাহিরে প্রায়গ করিয়া থাকে ; এই জন্ত এই বায়ুর নাম “প্রাণ” । যখন সমস্ত নাড়ীচক্র অনাকুলভাবে বিশুদ্ধতা লাভ করে, তখনই যোগী প্রাণবায়ুর নিরোধে সমর্থ হন । ৮২-৮৩ । প্রথমতঃ আসনসিদ্ধ হইয়া চন্দ্রদৈবত নাড়ীর ( ইড়ার ) দ্বারা বায়ু পূরণ করিবে, অনন্তর সূর্য্যদৈবত নাড়ীর ( পিঙ্গলার ) দ্বারা সেই বায়ুকে রেচন করিবে, ইহারই নাম প্রাণায়াম । যোগী চন্দ্রবীজ সমন্বিত গলিতাম্বুতথারার শি চিন্তা করত কুম্ভকাথ্য প্রাণায়ামের দ্বারা তৎক্ষণেই বিশুদ্ধ সুখ লাভ করিয়া থাকেন । ৮৪-৮৫ । সূর্য্যদৈবত নাড়ীর দ্বারা বায়ুকে আকর্ষণ করত জঠরগুহা পরিপূর্ণ করিয়া, ক্রমশঃ কুম্ভক পূর্ব্বক অনন্তর চন্দ্র নাড়ীর দ্বারা বায়ুকে রেচন করিবে । জ্বলদগ্নিরাশিতুল্য সূর্য্যকে জ্বদয়ে চিন্তা করত এই যাম্যাম্য প্রাণায়ামের দ্বারা যোগিশ্রেষ্ঠ, সুখভাগী হইয়া থাকেন । ৮৬-৮৭ । এইরূপে তিন মাস প্রাণায়াম অভ্যাস করিলে যোগীর নাড়ীচক্র সমূহ বিশুদ্ধ হয় এবং তাঁহার প্রাণবায়ু সিদ্ধ হইয়া থাকে । নাড়ীচক্র সমস্ত বিশুদ্ধ হইলে, ইচ্ছানুসারে প্রাণ ধারণ করিতে পারা যায়, এবং জঠরানল প্রদীপ্ত, নাদধ্বনির অভিব্যক্তি ও আরোগ্য লাভ হইয়া থাকে । ৮৮-৮৯ । দেহগত বায়ুর নাম প্রাণ ; সেই প্রাণঘটিত যে এক শ্বাসময়ী মাত্রা, তাহাকেই প্রাণায়াম কহা যায় । অধম প্রাণায়ামে শরীর হইতে ঘর্ম্ম নির্গত হইতে থাকে, মধ্যম প্রাণায়ামে শরীরে কম্প হয় এবং বন্ধপদ্মাসন হইয়া উত্তম প্রাণায়াম সিদ্ধ করিতে পারিলে, দেহ ভূমি হইতে উর্দ্ধে উন্মিত হইয়া থাকে । ৯০-৯১ । প্রাণায়ামের দ্বারা শারীরিক দোষ সমূহ বিনষ্ট হইয়া যায় । ধারণা বলে মন ধীরতা অবলম্বন করে ; ধ্যানবলে ঈশ্বরের সাক্ষাৎকার লাভ হইয়া থাকে, সমাধিবলে শুভাশুভ কর্ম্মনির্ম্মুক্ত হইয়া মুক্তি লাভ করিতে পারা যায় এবং আসন বলে শরীর দৃঢ় হইয়া থাকে ; এই ছয়টাই যোগের অঙ্গ । ৯২-৯৩ । ষাট্‌দশটি প্রাণায়ামে একটী প্রত্যাহার হয়, ষাট্‌দশটি প্রত্যাহারে একটী ধারণা হয়, ষাট্‌দশটি ধারণায় একটী ধ্যান হয় ; এই ধ্যানকালেই ঈশ্বরের দর্শন লাভ হয় এবং ষাট্‌দশটি ধ্যানে সমাধি হইয়া থাকে । সমাধির উত্তরকালে অনন্ত ও স্বপ্রকাশ জ্যোতিঃ পরিদৃষ্ট হইয়া থাকে ; সেই জ্যোতিঃ দর্শন হইলেই সমস্ত ক্রিয়াকাণ্ড ও সংসারে ব্যাভ্যাস নিবৃত্ত হইয়া যায় । ৯৪-৯৬ । প্রাণবায়ু যখন আকাশমার্গে অবস্থিত হয়, তখন ঘণ্টা প্রভৃতি নানাবিধ বাতের ধ্বনি শ্রবণগোচর হইয়া থাকে ; তদনন্তরেই



সিদ্ধি লাভ হয় । ৯৭ । যথাবিধি প্রাণামের অমুষ্ঠানে সর্ব প্রকার ব্যাধি বিনষ্ট হইয়া থাকে এবং অবিধিপূর্বক উহা অভ্যাস করিলে সর্ব প্রকার ব্যাধিই উৎপন্ন হইতে পারে । ৯৮ । প্রাণবায়ুর ব্যতিক্রম হইলে, হিকা, শ্বাস, কাস, এবং মস্তকে, কর্ণে ও নেত্রে বেদনা প্রভৃতি নান প্রকার পীড়া উৎপন্ন হইয়া থাকে । অতএব পরিমাণরূপে বায়ু পরিত্যাগ, পরিমাণ রূপে বায়ুর পূরণ ও পরিমাণরূপে বায়ুকে আবদ্ধ করিতে পারিলেই যোগী সিদ্ধি লাভ করিয়া থাকেন । ৯৯-১০০ । বিষয় সমূহে যথেষ্ট সঞ্চরণশীল ইন্দ্রিয় সমূহকে বিষয় হইতে প্রত্যাহত করার নামই প্রত্যাহার । কুর্ম যেমন স্বীয় অঙ্গ সমূহকে প্রত্যাহত করে, তদ্রূপ যে ব্যক্তি প্রত্যাহারবিধানের সাহায্যে স্বীয় ইন্দ্রিয়নিচয়কে বিষয় হইতে প্রত্যাহত করেন ; তিনি নিষ্পাপ হইয়া থাকেন । ১০১-১০২ । চন্দ্রমা তালুদেশে অবস্থান করত অধোমুখে স্নান বর্ষণ করিয়া থাকেন এবং সূর্য্য নাভিদেশে অবস্থিত হইয়া উর্দ্ধমুখে সেই অমৃত গ্রাস করিয়া থাকেন । এমত কার্য্য করিতে হইবে, যাহাতে নাভির সহিত সূর্য্যকে উর্দ্ধে ও তালুর সহিত চন্দ্রমাকে নিম্নে স্থাপিত করিয়া সেই স্নানভাগী হইতে পারা যায় ; বিপরীতাত্ম্য সেই কার্য্য কেবল যোগাভ্যাসবলেই সিদ্ধ হইয়া থাকে । ১০৩-১০৪ । প্রাণায়ামবিধানজ্ঞ যোগী কাকচঞ্চুতুল্য স্বীয় মুখের দ্বারা ধীরে ধীরে অত্যন্ত শীতল প্রাণবায়ুকে আকর্ষণ করিয়া দেহ লাভ করিতে পারেন । উর্দ্ধমুখ তালুবিবরে রসনা অবস্থাপিত করিয়া অমৃত পান করত ছয় মাসের মধ্যেই দেহ লাভ করিতে পারা যায় ; তাহার কোন সন্দেহ নাই । ১০৫-১০৬ । যে যোগী, স্থিরভাবে জিহ্বাকে উর্দ্ধমুখ করিয়া অমৃত পান করিতে পারেন, তিনি এক পক্ষ মধ্যেই মৃত্যুকে জয় করিতে পারেন ; তাহাতে সন্দেহ নাই । জিহ্বার অগ্র-ভাগ দ্বারা জিহ্বার মূল ভাগস্থ ছিদ্র স্পর্শ করিয়া স্নানময়ী দেবীকে চিন্তা করিলে ছয় মাসের মধ্যে কবি হইতে পারা যায় । ১০৭-১০৮ । যে যোগীর দেহ অমৃতের দ্বারা পরিপূর্ণ হয়, দুই তিন বর্ষ মধ্যেই তিনি উর্দ্ধরেতা ও অনিমাди অষ্টবিধ ঐশ্বর্য্য সম্পন্ন হইয়া থাকেন । সতত যে যোগীর দেহ অমৃতে পরিপূর্ণ থাকে, তক্ষক দংশন করিলে ও তাঁহার দেহে বিষ লক্ষারিত হইতে পারে না । ১০৯-১১০ । আসনসিদ্ধ, প্রাণায়াম সংযুক্ত ও প্রত্যাহারসম্পন্ন হইয়া যোগী ধারণা অভ্যাস করিবেন । মনকে স্থির করিয়া পৃথক্ পৃথক্ ভাবে পঞ্চভূতের ধারণাকেই ধারণা বলা গিয়া থাকে । ১১১-১১২ । হৃদয়मध्ये হরিতালনিভা, লকারযুক্তা, ত্রৈলোক্য চতুষ্কোণ ভূমিকে চিন্তা করিবে ; ইহার নাম ক্ষিত্যধারণা । কণ্ঠে অর্দ্ধচন্দ্র সমিভ, বিষু দৈবত, বকার সংযুক্ত, কুন্দের ঞ্চায় শুভ্রবর্ণ, অমৃতত্বের ধ্যান করিয়া, অমৃত জয়

করিতে পারা যায় । ১১৩-১১৪ । তালুস্থিত, বর্ষাকালীন দৃশ্যমান ইন্দ্রগোপ নামক কীট বিশেষের আয় রক্তবর্ণ, রকারযুক্ত, রুদ্রদৈবত তেজ চিন্তা করিলে, বহ্নিকে জয় করিতে পারা যায় । ক্রমধো, অঙ্কনসন্নিভ, বৃত্ত, যকারযুক্ত, ঈশদৈবত, বায়ু-তত্ত্বের চিন্তা করিলে, বায়ুকে জয় করিতে পারা যায় । ১১৫-১১৬ । মরীচিবারি সদৃশ, ব্রহ্মরক্ষুস্থিত, সদাশিব সংযুক্ত, শাস্ত্র, হকারযুক্ত, আকাশতত্ত্ব চিন্তা করত, তথায় পঞ্চ ঘটিকা পরিমিতকাল প্রাণবায়ুকে নিরুদ্ধ করিয়া রাখিলে যে ধারণা হয়, তাহা মোক্ষের কপটস্বরূপ বিঘ্নরাশিকে বিপাটন করিতে অতিশয় পটু হইয়া থাকে । ভূতগণের ধারণা, স্তম্ভনী, প্লাবনী, দহনী, ভ্রামণী এবং শমনী এই পাঁচ নামে অভিহিত হইয়া থাকে । ১১৭-১১৮ । “ঐধ্য” ধাতুর অর্থ চিন্তা, যথার্থ তত্ত্ব চিন্তের স্থিরতার নামই চিন্তা ; সুতরাং সেই ঐধ্য ধাতুনিম্পন্ন ধ্যানশব্দে তাদৃশ চিন্তাই উক্ত হইয়া থাকে । সগুণ এবং নিগুণভেদে সেই চিন্তাও দুই প্রকার । বর্ণভেদে চিন্তার নামই সগুণচিন্তা এবং কেবল চিন্তার নামই নিগুণ চিন্তা ; সমস্ত চিন্তাকে সগুণ এবং মস্তবজ্জিত চিন্তাকে নিগুণ চিন্তা বলিয়া জানিবে । ১১৯-১২০ । সুখে আসনে সমাসীন হইয়া চিন্তকে অন্তরে ও চক্ষুকে বাহিরে অবস্থাপিত করিয়া শরীরের সমতা সম্পাদনের নাম ধ্যানমুদ্রা ; ইহা অতিশয় সিদ্ধিপ্রদ । স্থিরাসন যোগী একটা ধ্যান করিয়া যে পুণ্য লাভ করিতে পারেন, অশ্বমেধ বা রাজসূয় যজ্ঞ করিয়া সে ফল লাভ করা যায় না । ১২১-১২২ । যে পর্য্যন্ত কর্ণাদিতে শব্দাদি তন্মাত্রা অবস্থান করে, সেই পর্য্যন্তই ধ্যানাবস্থা থাকে ; তদনন্তর সমাধি অবস্থা লাভ হইয়া থাকে । পাঁচদণ্ড পরিমিত কাল চিন্তের স্থিরতার নাম ধারণা ; যষ্ঠিনাড়ী পরিমিত কাল চিন্তের স্থিরতার নাম ধ্যান এবং দ্বাদশদিন চিন্তের স্থিরতাকে যোগশাস্ত্রে সমাধি বলিয়া থাকে । ১২৩-১২৪ । জল ও সৈন্ধব যোগ করিলে যেমন একাকার হইয়া যায়, তদ্রূপ আত্মা ও মনের ঐক্যকে সমাধি বলা গিয়া থাকে । যখন প্রাণ সংক্ষীণ হইয়া আইসে এবং মনও বিলীন হইয়া যায়, সেই সময় চিন্তের যে সমরসতা তাহাকেই সমাধি কহা যায় । ১২৫-১২৬ । যে অবস্থায় জীবাত্মা ও পরমাত্মার সমতা হইয়া মনের সমস্ত সঙ্কল্প বিলীন হইয়া যায় সেই অবস্থাকেই যোগিগণ সমাধি বলিয়া নির্দেশ করিয়া থাকেন । সমাধিস্থ যোগী স্থায়ী দেহে শীত, গ্রীষ্ম এবং সুখ বা দুঃখ কিছু জানিতে পারেন না । ১২৭-১২৮ । এবং কালের দ্বারা কলিত হন না, কৰ্ম্ম সমূহের দ্বারা লিপ্ত হন না বা শস্ত্র কিন্মা অস্ত্রের আঘাতেও ব্যথিত হন না । পরিমিত আহার ও বিহারশীল, কৰ্ম্ম সমূহে পরিমিত চেষ্টাশীল এবং পরিমিত নিদ্রা ও অবরোধশীল যোগীই তত্ত্ব দর্শন করিতে সমর্থ হইয়া থাকেন । ১২৯-১৩০ । হেতু ও

দৃষ্টান্তরহিত এবং বাক্য ও মনের অগোচর, বিজ্ঞান ও আনন্দস্বরূপ ব্রহ্মকেই ব্রহ্মবিদ-  
গণ তত্ত্ব বলিয়া জ্ঞানেন। যোগী ষড়ঙ্গযোগের অভ্যাস বলে নিরালস্য, নিরাতঙ্ক  
এবং নিরাময় সেই পরব্রহ্মে লীন হইয়া থাকেন। যেমন স্নাত্তমধ্যে স্নাত নিষ্কিপ্ত  
করিলে তাহা স্নাতের সহিত মিলিয়া যায়, এবং ক্ষীর মধ্যে ক্ষীর নিষ্কিপ্ত  
করিলে তাহা তন্ময়ই হইয়া যায়, তদ্রূপ যোগীও সেই পরব্রহ্মে লীন হইয়া  
তন্ময়তা প্রাপ্ত হইয়া থাকেন। ১৩১-১৩৩। বিভূতি প্রভৃতি শুদ্ধ দ্রব্যের দ্বারা শরীর  
মর্দন করিবে; অত্যন্ত উষ্ণদ্রব্য ও লবণ ভোজন করিবে না, সর্বদা ক্ষীরভোজী  
হইবে এবং জিতেন্দ্রিয় হইয়া কাম, ক্রোধ ও মৎসর প্রভৃতি পরিত্যাগ পূর্বক  
পূর্বোক্ত প্রকারে যোগাভ্যাস করিয়া এক বৎসরেই যোগী হইতে পারিবে। ১৩৪-  
১৩৫। যে যোগী, মহামুদ্রা, নভোমুদ্রা উড্ডীয়মান জলধর এবং মূলবন্ধ পরিজ্ঞাত  
হন, তিনিই যোগসিদ্ধি লাভ করিতে সমর্থ হইয়া থাকেন। নাড়ীচক্রের বিশোধন,  
ইড়া ও পিঙ্গলার সংঘটন, এবং সমাক্রম্যে রস সমূহের শোষণকেই মহামুদ্রা বলা  
যায়। ১৩৬-১৩৭। বামপাদে দ্বারা শিশ্নু আগীড়ন করত বক্ষঃস্থলে চিবুক সং-  
স্থাপন করিয়া, দুই হস্তের দ্বারা প্রস্থত (লম্বিত) দক্ষিণ পাদ ধারণ পূর্বক প্রাণ-  
বায়ুর দ্বারা উদর পূর্ণ করত পশ্চাৎ সেই বায়ু রেচন করিবে, ইহারই নাম মহামুদ্রা;  
ইহা অভ্যাস করিলে সমস্ত পাতক বিনষ্ট হইয়া যায়। ১৩৮-১৩৯। প্রথমত  
ইড়াতে এইরূপে প্রাণায়াম অভ্যাস করিয়া, পরে পিঙ্গলাতে অভ্যাস করিবে; এই  
রূপে বখন পূরক, কুস্তক ও রেচকে উভয়ের সন্ধ্যা তুল্য হইবে, তখন মুদ্রা বিস-  
জ্ঞান করিবে। এই মুদ্রা অভ্যাস হইলে যোগীর পথ্যাপথ্যের কোন নিয়ম না  
থাকিলেও ক্ষতি হয় না। তখন বিকারের হেতুভূত রস সমূহ ও নীরস পদার্থের  
তুল্য হয়, এবং সেই অবস্থায় যোগী কঠোর বিষ পান করিয়াও অমৃতের স্থায় তাহা  
জীর্ণ করিয়া থাকেন। ১৪০-১৪১। যে ব্যক্তি মহামুদ্রা অভ্যাস করে, তাহার ক্ষয়,  
কুষ্ঠ, অর্শ, গুল্ম এবং অজীর্ণ প্রভৃতি রোগ থাকিলে, সেই সমস্ত রোগ বিনষ্ট হইয়া  
যায়। জিহ্বাকে বিপরীত গামিনী করিয়া কপাল কুহরে প্রবেশ করাইয়া ক্রম্বয়ের  
মধ্যে দৃষ্টি বিস্থাপন করিয়া অবস্থানের নাম খেচরীমুদ্রা। এই খেচরীমুদ্রা অভ্যাস  
করিলে, শর সমূহের আঘাতে কদাপি পীড়া প্রাপ্তি হয় না এবং কৰ্ম্মদ্বারা লিপ্ত বা  
কাল কর্তৃক বাধিত হয় না ১৪২-১৪৪। এই মুদ্রার অভ্যাস কালে চিত্ত ও জিহ্বা  
থে (শূন্যে) বিচরণ করিয়া থাকে, এই জ্ঞান ইহার নাম খেচরীমুদ্রা; যোগিগণ  
সাদরে ইহার সেবা করিয়া থাকেন। যে পর্য্যন্ত দেহ মধ্যে বিন্দু অবস্থান করে  
সে পর্য্যন্ত যুত্যাভয় থাকে না এবং যে পর্য্যন্ত এই খেচরী মুদ্রা অভ্যাস করা যায়,

সে পর্য্যন্ত দেহ হইতে বিন্দু নির্গত হয় না । ১৪৫-১৪৬ । মহাপ্রাণ দিবারাত্র উড্ডীন করিয়া থাকেন, এই নিমিত্ত সেই মহাপ্রাণে যে বন্ধ তাহাকে উড্ডীয়ান বলা যায় । হস্ত দ্বয়ের অগ্রভাগ দ্বারা প্রসারিত পাদদ্বয়ের মধ্যভাগ, জঠরে ও নাভির উর্দ্ধদেশে অবস্থাপিত করিলে উড্ডীয়ান-বন্ধ হইয়া থাকে ; এই বন্ধ অভ্যাস করিলে মৃত্যুভয় থাকে ন । ১৪৭-১৪৮ । যে বন্ধবলে নাড়ী সমূহ অধোগামী জলরাশিকে কণ্ঠস্থলে ধারণ করিয়া রাখে, তাহারই নাম জলন্ধর-বন্ধ ; ইহাতে সর্ব প্রকার দুঃখ বিনষ্ট হইয়া থাকে । কণ্ঠ সঙ্কোচলক্ষণ জলন্ধর-বন্ধ অভ্যাস করিলে ললাটস্থ চন্দ্রমণ্ডল হইতে বিচ্যুত অমৃত আর জঠরাগ্নিতে নিপতিত হয় না এবং শরীরস্থ বায়ুও প্রকুপিত হইতে পারে না । ১৪৯-১৫০ । পাশ্চিভাগের দ্বারা উপস্থ আগীড়ন করত পায়ুকে সঙ্কুচিত করিয়া অপানবায়ুকে উর্দ্ধে আকর্ষণ করিয়া, প্রাণ-বায়ুর সহিত মিলিত করিলে মূলবন্ধ হইয়া থাকে । এই বন্ধবলে প্রাণ ও অপান-বায়ুর ঐক্য সম্পাদন করিলে মূত্র ও পুরীষ ক্ষয় হইয়া যায় এবং সতত এই মূলবন্ধ অভ্যাস করিলে বৃদ্ধ ও অল্পকাল মধ্যে যুবাবস্থা দৃঢ় হইতে পারে । ১৫১-১৫২ । প্রাণ ও অপান বায়ুর বশবর্তী হইয়াই জীব, দক্ষিণ ও বামমার্গের দ্বারা ( ইড়া ও পিঙ্গলার দ্বারা ) চঞ্চল ভাবে উর্দ্ধ ও অধোভাগে গমন করিয়া স্থিতিলাভ করিতে সমর্থ হয় না । রজ্জ্বতে আবদ্ধ পক্ষী যেমন উড়িয়া যাইলেও আকৃষ্ট হইয়া পুনরায় আগমন করে, তদ্রূপ সর্বাদিগুণ সমূহে আবদ্ধ জীব ও প্রাণায়ামের দ্বারা দেহ মধ্যে আকৃষ্ট হইয়া অবস্থান করিয়া থাকে । অপানবায়ু প্রাণবায়ুকে আকর্ষণ করে এবং প্রাণ অপানকে আকর্ষণ করিয়া থাকে । যোগী, উর্দ্ধ ও অধঃস্থিত বায়ুদ্বয়কে ঐক্য করিয়া জীবের স্থিরতা সম্পাদন করিতে পারেন । জীব, পুরুষবীজ হকারের দ্বারা বাহিরে নির্গত হয় এবং প্রকৃতিবীজ সকারের দ্বারা পুনরায় দেহ মধ্যে প্রবিষ্ট হয় ; এইরূপে জীব নিরন্তর “হংস” এই মন্ত্র জপ করিতেছে । ১৫৩-১৫৬ । দিবারাত্র ব্যাপিয়া জীব, ষট্ শতাধিক একবিংশতি সহস্রবার এই মন্ত্র জপ করিয়া থাকে । এই মন্ত্রের নাম অজপা গায়ত্রী, ইহা যোগিগণের মোক্ষদায়িনী ; এবং ইহার সঙ্কল্প মাত্রেই মানব পাপ হইতে মুক্ত হইয়া থাকে । ১৫৭-১৫৮ । যোগীকে যোগ হইতে বিচ্যুত করিবার জ্ঞাত তাঁহার বক্ষ্যমাণ এই সমস্ত বিদ্রূপ উপস্থিত হইয়া থাকে :— অত্যন্ত দূরগত বার্তা শ্রুতিগোচর হয়, দূরস্থিত পদার্থ সম্মুখে পরিদৃষ্ট হয়, নিমেষাঙ্ক-কালের মধ্যে শতযোজন দূরে গমন করিবার শক্তি হয়, কদাপিও যে শাস্ত্রের বিষয় চিন্তা করা যায় নাই ; সেই সমস্ত শাস্ত্র কণ্ঠগত হয় । অতিশয় ধারণাশক্তি হয়, গুরুতার লঘু হইয়া যায় শরীর ক্ষণে কৃশ, ক্ষণে স্থূল, ক্ষণে অল্প ও ক্ষণে মহান্

হয় । পরদেহে প্রবেশ করিবার সামর্থ্য হয় ; তির্য্যক্ জাতিগণের ভাষা বোধ হয় । শরীরে দিব্যগন্ধ হয়, দিব্যবাণী ব্যবহারের শক্তি হয় এবং বপুঃ ধারণ করিয়া দেব-কন্যাগণ কর্তৃক যোগী প্রার্থিত হইয়া থাকেন । এই সমস্ত বিদ্বৎ যোগসিদ্ধির সূচক হইয়া থাকে । ১৫৯-১৬৩ । যোগীর মন এই সমস্ত বিশ্বের দ্বারা আকৃষ্ট না হইলেই উত্তরকালে ব্রহ্মাদিদেবগণের দুর্লভ সেই পরমপদ ( মুক্তি ) লাভ হইয়া থাকে । যে পদ লাভ করিয়া পুনরায় সংসারে আগমন করিতে হয় না এবং যে পদ প্রাপ্ত হইলে কোন শোক পাইতে হয় না ; হে কলশোদ্ভব ! ষড়ঙ্গযোগবলে সেই পদ লাভ হইয়া থাকে । ১৬৪-১৬৫ । কিন্তু একজন্মে এই প্রকার যোগ সিদ্ধি লাভ করা দুর্ঘট এবং যোগসিদ্ধি ব্যতিরেকেইবা কি প্রকারে মুক্তি লাভ হইতে পারে ? হে কুন্তজ ! কাশীতে তনুভ্যাগ কিম্বা এতাদৃশ যোগানুষ্ঠান, এই দুইটী মাত্রই নির্বাণ প্রাপ্তির উপায় । মানবগণের ইন্দ্রিয় সমূহ অতিশয় চঞ্চল । তাহাদের চিত্তের বৃত্তিসমূহ কলিকালে অতিশয় মলিন এবং পরমায়ু ও অতি অল্প, সুতরাং তাহাদের এতাদৃশ কঠিন যোগানুষ্ঠানের সম্ভাবনা কোথায় ? এই নিবন্ধনই করুণা-সাগর বিশেষ্বর জীবগণের মুক্তিপ্রদরূপে কাশীতে অবস্থান করিতেছেন । ১৬৬-১৬৯ । কাশীতে জীবগণ যেরূপ স্থলভে মুক্তিলাভ করিতে পারে, অন্য স্থানে যোগাদির অনুষ্ঠানে তাদৃশ স্থলভে মুক্তিলাভ করা যায় না । ১৭০ । কাশীতে দেহ-সংযোগেই সম্পূর্ণ যোগ বলিয়া উদাহৃত হইয়া থাকে ; এই যোগবলেই সত্ত্ব মুক্তি লাভ হইয়া থাকে, অন্য যোগের অনুষ্ঠানে সত্ত্ব মুক্তি লাভ করা কঠিন । বিশেষ্বর, বিশালাক্ষী, উত্তরবাহিনী গঙ্গা, কালভৈরব, চুণ্ডিরাজ এবং দণ্ডপাণি, ইহাই যোগের ছয়টি অঙ্গ । কাশীক্ষেত্রে যে ব্যক্তি সতত এই ষড়ঙ্গযোগের সেবা করে, সে দীর্ঘ যোগনিদ্রা লাভ করিয়া মুক্তিভাগী হইয়া থাকে । ১৭১-১৭৩ । ওঙ্কারেশ্বর, কৃতিবাসেশ্বর, কেদারেশ্বর, ত্রিবিষ্টপেশ্বর, বীরেশ্বর এবং বিশেষ্বর এই ছয়টিও যোগের অঙ্গবিধ অঙ্গ । অসি ও বরণাসঙ্গম, জ্ঞানবাণী, মণিকর্ণিকা, ব্রহ্মহৃদ এবং ধর্ম্মকূপ এই ছয়টিও সেই যোগের অঙ্গবিধ অঙ্গ । ১৭৪-১৭৫ । হে নরোত্তম ! বারাণসীতে এই ষড়ঙ্গের সেবা করিলেও জীব পুনরায় জননী জর্ঠরে প্রবেশ করে না । উত্তরবাহিনী গঙ্গাতে স্নানই মহামুদ্রা, ইহাতেই সমস্ত পাতক বিনষ্ট হইয়া যায় এবং এই মুদ্রার অভ্যাস-বলেই মুক্তি লাভ হইয়া থাকে । ১৭৬-১৭৭ । কাশীর পথসমূহে সঞ্চরণের নামই খেচরীমুদ্রা ; এই খেচরীমুদ্রার অভ্যাসে নিশ্চয়ই খেচরত্ব ( দেবত্ব ) লাভ হইয়া থাকে । নানাদেশ হইতে উড্ডীন হইয়া বারাণসীতে গমনের নামই উড্ডীয়ানবন্ধ ; ইহাতেই মুক্তিলাভ হইয়া থাকে । বিশেষ্বরের স্নানজ জল মস্তকে ধারণের নামই

জলন্ধরবন্ধ ; ইহা সমস্ত দেবগণেরও দুর্লভ । ১৭৮-১৮০ । সুধীব্যক্তি শত প্রকার বিদ্যের দ্বারা আকুল হইয়াও কাশীকে যে পরিত্যাগ করেন না, তাহাই মূলবন্ধ নামে অভিহিত হয় ; এই বন্ধবলেই দুঃখ সমূহের মূল বিনষ্ট হইয়া থাকে । হে মূনে ! জীবগণের মুক্তির জন্য শত্ৰু কর্তৃক ভাষিত মুদ্রা ও ষড়্ভেদ সহিত এই দুই প্রকার যোগ তোমাকে বলিলাম । ১৮১-১৮২ । মানবের যে পর্য্যন্ত ইন্দ্রিয়গণের বৈকল্য উপস্থিত না হয়, যে পর্য্যন্ত ব্যাধি আসিয়া তাহাকে আক্রমণ না করে এবং যে পর্য্যন্ত মৃত্যুর বিলম্ব থাকে, তাৎকাল যোগে রত থাকা উচিত । এই দুই প্রকার যোগের মধ্যে কাশীযোগই উত্তম, এই যোগ অভ্যাস করিলে অনায়াসেই জীব ও ব্রহ্মের ঐক্যরূপ পরম যোগ লাভ করিতে পারা যায় । ১৮৩-১৮৪ । মৃত্যুর হেতুভূত ও আধি-ব্যাধিসহায়িনী জরার দ্বারা মৃত্যুকে নিকটস্থ জানিয়া কাশীনাথকে আশ্রয় করিবে । কাশীনাথকে আশ্রয় করিলে মানবগণের আর কালভয় কোথায় ? কারণ, কাল ক্রুদ্ধ হইয়া জীবনকে হরণ করিবেন, তাহাও কাশীতে মন্ত্র-লেরই বিষয় ; কৃতী ব্যক্তি অতিথি-অর্চনার কালে যেমন অতিথির প্রতীক্ষা করিয়া থাকেন, তদ্রূপ ভাগ্যবান ব্যক্তি কাশীতে মৃত্যুর আগমন প্রতীক্ষা করিয়া থাকেন । ১৮৫-১৮৭ । কলি, কাল এবং কৃতকর্ম এই তিনটাই কণ্টক বলিয়া কীর্তিত হইয়া থাকে ; আনন্দকানন নিবাসী জীবগণের উপর এই তিনটিরই প্রভূতা থাকে না । ১৮৮ । অল্প স্থানেও কাল, অত্যর্কিত ভাবে আগমন করিয়া নিশ্চয়ই গ্রাস করিবে, যে ব্যক্তির কাল হইতে ভীত না হইবার ইচ্ছা হইবে ; সে কাশীর আশ্রয় গ্রহণ করিবে । ১৮৯ ।

## দ্বিচত্রিংশ অধ্যায় ।



### মৃত্যুর লক্ষণ কখন ।

অগস্ত্য কহিলেন, হে হরনন্দন ! কি প্রকারে মৃত্যুকে নিকটবর্তী বলিয়া জানা যায়, তাহার কতকগুলি লক্ষণ আমাকে বলুন । ১ ।

কন্দ কহিলেন, হে মূনে ! প্রাণিগণের মৃত্যু সন্নিবিষ্ট হইলে যে সমস্ত চিহ্ন

পরিলক্ষিত হইয়া থাকে ; আমি তাহা বলিতেছি শ্রবণ কর । যে ব্যক্তির দক্ষিণ নাসাপুটে দিবারাত্র নিশ্বাস বহে, তাহার অথগু আয়ুঃ থাকিলেও সে ব্যক্তি তিন বৎসরের অধিক কাল বাঁচে না । ২-৩ । দুই দিন বা তিন দিন দিবা রাত্র দক্ষিণ নাড়ী দিয়া যাহার নিশ্বাস বহিতে থাকে, তাহার এক বৎসর মাত্র জীবনকাল পরিগণিত হইয়া থাকে । দশদিন নিরন্তর যাহার নাসাপুটদ্বয়ে বায়ু প্রবাহিত হয় এবং মধ্যেই উৎক্রান্তি হয়, সে তিনদিনমাত্র জীবিত থাকে । ৪-৫ । নিঃশ্বাসবায়ু নাসাপুট পরিত্যাগ করিয়া যাহার মুখ হইতে প্রবাহিত হয়, সে দুই-দিনের মধ্যেই পৃথিমধ্যে মৃত্যু লাভ করিয়া থাকে । যে কালে মৃত্যু অকস্মাৎ হয়, মৃত্যু হইতে ভীত ব্যক্তির সেই কালকে বিশেষরূপে চিন্তা করা উচিত । যখন সূর্য্য সপ্তমরাশিস্থ এবং চন্দ্র জন্মনক্ষত্রস্থ হন, এবং যে সময়ে দক্ষিণনাসাপুটে নিঃশ্বাস বহন করে, সূর্য্যাদিষ্ঠিত সেই কালকে বিশেষরূপে লক্ষ্য করা উচিত । ৬-৮ । সেই কালে যে ব্যক্তি, অকস্মাৎ কৃষ্ণ ও পিঙ্গল বর্ণ পুরুষকে দর্শন করে এবং তৎক্ষণাৎ আবার তাহাকে অন্তরূপ দর্শন করে, সে দুইবৎসরমাত্র বাঁচিয়া থাকে । যাহার বীজ, মল, ক্ষুত এবং মূত্র এককালীন নিপতিত হয়, সে এক বৎসরমাত্র বাঁচিয়া থাকে । ৯-১০ । যে ব্যক্তি আকাশে ইত্যন্ততঃ সঞ্চরণশীল ইন্দ্রনীরলিভ নাগবৃন্দ দেখিতে পায়, সে ছয় মাসও জীবিত থাকে না । যে ব্যক্তি মুখে বারি লইয়া দিবাকরের দিকে পৃষ্ঠ রাখিয়া নির্মূল আকাশে ফুৎকার প্রদান করত ইন্দ্রচাপ-দর্শন করিতে না পায়, সে ছয়মাসের মধ্যেই মৃত্যুমুখে নিপতিত হয় । যাহার মৃত্যু সম্বন্ধে হইয়াছে, সে অরুদ্রতী, ধ্রুব, বিষ্ণুপদ ও মাতৃমণ্ডল দর্শন করিতে সমর্থ হয় না । জিহ্বার নাম অরুদ্রতী, নাসিকার অগ্রভাগের নাম ধ্রুব, ক্রমধ্যে বিষ্ণুপদ এবং নেত্রদ্বয়ের মধ্যভাগকে মাতৃমণ্ডল কহা যায় । ১১-১৪ । যে ব্যক্তি নীলাদি বর্ণ ও কটু ও অন্ন প্রভৃতি রস সমূহকে যোগাদিবাতিরেকে অগ্ৰথা রূপে অবগত হয়, সে ছয় মাসের মধ্যে মৃত্যুগ্রাসে পতিত হয় । যাহার ছয় মাসের মধ্যেই মৃত্যু হইবে, তাহার কণ্ঠ, ওষ্ঠ, জিহ্বা, দন্ত এবং তালু সতত শুষ্ক হইয়া থাকে এবং উহার বিবর্ণ হইয়া যায় । ১৫-১৬ । যে ব্যক্তির রেতঃ, হস্তের অঙ্গুলী এবং নেত্রের কোণ নীলবর্ণ হইয়া যায়, সে ছয় মাসের মধ্যেই যমপুরীতে গমন করে । মৈথুনসময়ে এবং তাহার পরক্ষণে যে ব্যক্তি হাঁচিয়া থাকে সে পাঁচ মাসের মধ্যেই যমালয়ে গমন করিয়া থাকে । ১৭-১৮ । বর্ণত্রয়বিশিষ্ট সরট ( কুকলাস ) যাহার মস্তকে দ্রুত আরোহণ করিয়া চলিয়া যায়, ছয় মাসেই তাহার আয়ুঃ ক্ষয় হইয়া যায় । যে ব্যক্তির স্নানের অনন্তরই হৃদয়, চরণবয় ও করবয়

শুষ্ক হইয়া যায়, সে তিনমাসমাত্র জীবনধারণ করে। ১৯-২০। ধূলি বা কন্দমে-  
 বাহার পাদের চিহ্ন খণ্ডিতাকৃতি হইয়া পতিত হয়, সে পাঁচ মাসের অধিক বাঁচে  
 না। দেহ নিশ্চল থাকিলেও বাহার দেহের ছায়া চঞ্চল হয়, চতুর্থমাসে যমদূতগণ  
 তাহাকে বন্ধন করিয়া লইয়া যায়। ২১-২২। যে ব্যক্তি, নিশ্চল দর্পণাদিতে স্বীয়  
 প্রতিবিম্বে মস্তক দেখিতে পায় না, সে এক মাসের মধ্যেই মৃত্যুগ্রাসে নিপতিত  
 হয়। বুদ্ধির বিভ্রম, বাণীশ্রলন, আকাশে দৃষ্টিপাত করিলেই ইন্দ্রচাপ দর্শন,  
 রাত্রিকালে চন্দ্রদ্বয় ও দিবাতে সূর্য্যদ্বয় দর্শন, দিবাতে তারকা ও রাত্রিতে তারকাহীন  
 গগনমণ্ডল দর্শন, এককালীন চতুর্দিকে ইন্দ্রচাপমণ্ডল ও বৃক্ষোপরি বা পর্ব্বতাগ্রে  
 গন্ধর্ব্বনগরালয় দর্শন এবং দিবাতে পিশাচনৃত্য সন্দর্শন, এই সমস্ত শীঘ্র মৃত্যুর  
 সূচক হইয়া থাকে। ২৩-২৬। এই সমস্ত চিহ্নের মধ্যে যদি একটা চিহ্নও লক্ষিত  
 হয়, তাহা হইলে মাসমধ্যেই মৃত্যু নিশ্চয় হইবে। যে ব্যক্তি অঙ্গুলির দ্বারা কর্ণ  
 রুদ্ধ করিয়া কোন প্রকার শব্দ শ্রবণ করিতে না পায় এবং স্থূল হইয়াও হঠাৎ  
 ক্রূশ, এবং ক্রূশ হইয়াও হঠাৎ স্থূল হয়, সে এক মাসের মধ্যেই মৃত্যুমুখে নিপতিত  
 হয়। ২৭-২৮। যে ব্যক্তি স্বপ্নে পিশাচ, গম্বর, কাক, ভূত, প্রেত, কুকুর, গৃধ,  
 শৃগাল, খর, শূকর, রাসভ, উষ্ট্র, বানর, শ্চোনপক্ষী, অশ্বতর বা বক কর্তৃক পৃষ্ঠে  
 আরোপিত করিয়া নীত বা ভক্ষিত হয়, সে ব্যক্তি এক বৎসর পরেই যমলোকে  
 গমন করিয়া থাকে। ২৯-৩১। যে ব্যক্তি স্বপ্নে স্বীয় শোণবর্ণ শরীরকে গন্ধ,  
 পুষ্প বা বস্ত্রের দ্বারা ভূষিত দর্শন করে, সে আট মাসকালমাত্র জীবিত থাকে।  
 যে ব্যক্তি স্বপ্নে ধূলিরাশিতে, বস্ত্রীকরাশিতে কিম্বা যূপদণ্ডে আরোহণ করে, সে  
 ছয় মাসের মধ্যেই মৃত হয়। যে ব্যক্তি স্বপ্নে আপনাকে রাসভারূঢ়, তৈলাভ্যস্ত,  
 মুণ্ডিত বা যমালয়ে ন্যায়মান দর্শন করে এবং স্বীয় মৃত পূর্ব্বপুরুষগণকে ও স্বীয়  
 মস্তক কিম্বা তনুতে তৃণ বা কাষ্ঠরাশি দর্শন করে, সে ছয় মাসের মধ্যেই মৃত্যুলাভ  
 করে। ৩২-৩৫। যে ব্যক্তি, সম্মুখে লৌহদণ্ডধর, কৃষ্ণবর্ণ, কৃষ্ণবসনাবৃত পুরুষ  
 দর্শন করে, সে তিন মাসের মধ্যেই মৃত হয়। স্বপ্নে কৃষ্ণবর্ণা কুমারী বাহুপাশের  
 দ্বারা বাহাকে বন্ধন করে, সে এক মাসের মধ্যেই শমনভবন সন্দর্শন করিয়া  
 থাকে। ৩৬-৩৭। স্বপ্নেতে যে ব্যক্তি বানরে আরূঢ় হইয়া পূর্ব্বদিকে গমন করে,  
 সে পাঁচ দিনের মধ্যেই যমালয়ে গমন করে। কৃপণ যদি হঠাৎ বদাশ্র (দাতা)  
 হয় এবং বদাশ্র ব্যক্তি যদি হঠাৎ কৃপণ হয় এবং অশ্রু প্রকারেও যদি স্বভাব হঠাৎ  
 বিকৃতি প্রাপ্ত হয়, তাহা হইলে শীঘ্রই মৃত্যু হইয়া থাকে। ৩৮-৩৯। এই সমস্ত  
 এবং অন্যান্য বহুতর কালচিহ্ন আছে, সেই সমস্ত পরিজ্ঞাত হইয়া, মানব যোগাভ্যাস



অথবা কাশীকে আশ্রয় করিবে। হে মূনে ! গর্ভের অবরোধক কাশীপতি যুত্য়ঙ্গর ব্যতিরিক্ত, কালকে বধনা করিবার অশ্রু উপায় আমি জানি না। মানব যে পর্য্যন্ত বিশেষের শরণ না লয়, সেই পর্য্যন্ত তাহার জন্ম পাপসমূহ ও যমরাজ গর্জ্জন করিয়া থাকেন। ৪০-৪২। কাশীক্ষেত্রে বাস, উত্তরবাহিনী গঙ্গার জলপান এবং বিশেষের লিঙ্গকে স্পর্শ করিয়া জগতে কোন্ ব্যক্তি সকলের পূজনীয় না হয় ? যে কাশীতে অন্তিমকালে শিব স্মরণ জীবগণের কর্ণে মল্লোপদেশ করিয়া থাকেন, তথায় কাল, জীবগণের কি করিতে পারে ? ৪৩-৪৪। বাল্য ও কৌমার অবস্থা যেমন অল্পদিনেই চলিয়া যায়, তদ্রূপ যৌবন এবং বার্কিক্যও অল্পদিনেই গমন করিয়া থাকে। অতএব যে পর্য্যন্ত জরা আক্রমণ না করে এবং ইন্দ্রিয়গণ বিকলতা প্রাপ্ত না হয়, তাহারই মধ্যে পণ্ডিতব্যক্তি অকিঞ্চিৎ বিষয়সমূহ পরিত্যাগ করিয়া কাশীকে আশ্রয় করিবেন। ৪৫-৪৬। হে কলশোদ্ভব ! অশ্রু কালচিহ্ন পড়িয়া থাকুক, জরাই কালের প্রথম চিহ্ন, সেই জরাকেও কেহই ভয় করে না, ইহা অতি আশ্চর্যের বিষয়। যে ব্যক্তি জরার দ্বারা পরাভূত হয়, সে ব্যক্তি, তারুণ্য-হীন খনশূন্য ব্যক্তির স্থায় সকলের দ্বারাই পরাভূত হইয়া থাকে। যে ব্যক্তি জরার দ্বারা আক্রান্ত হয়, পুত্রগণ তাহার বাক্য প্রতিপালন করে না, পত্নী তাহার প্রেম পর্য্যন্ত পরিত্যাগ করে এবং বান্ধবগণ তাহাকে আর গ্রাহ্য করে না। জরাতুর ব্যক্তিকে দর্শন করিয়া প্রণয়িনী কামিনীও পরস্ত্রীর স্থায় শঙ্কিতা হইয়া পরাশ্রয়ী হইয়া থাকে। ৪৭-৫০। জরার তুল্য ব্যাধি বা দুঃখ আর কিছুই নাই ; জরা মানবগণকে অপমানিত করে এবং জরাই তাহাদিগকে যুত্য়গ্রাসে নিপাতিত করিয়া থাকে। কাশীবাসে যেমন অল্পকালমধ্যে কালকে জয় করিতে পারা যায়, তপস্তা বা যোগবলে তাদৃশ অল্পসময়মধ্যে কালকে জয় করিতে পারা যায় না। ৫১-৫২। বহুতর যজ্ঞ, দান, ত্রুত ও জপাদিজনিত পুণ্যরাশি ব্যতিরেকে কোন্ ব্যক্তি কাশী-প্রাপ্ত হইতে সমর্থ হয় ? কাশীপ্রাপ্তিই যোগ, কাশীপ্রাপ্তিই জপ, কাশীপ্রাপ্তিই দান এবং কাশীপ্রাপ্তিই শিবৈকতা। বারাগসীকে যদি আশ্রয় করিতে পারে, তাহা হইলে তাহার নিকট কলিই বা কে, কালিই বা কে, জরাই বা কে, দুষ্কৃতই বা কি, রোগই বা কে এবং বিদ্বই বা কাহার ? ( অর্থাৎ কেহই তাহার কিছুই করিতে পারে না )। ৫৩-৫৫। যাহারা কাশীকে আশ্রয় না করে, কলি তাহাদিগকেই ক্রেশ প্রদান করিয়া থাকে ; কাল তাহাদিগকেই গ্রাস করিয়া থাকে এবং পাপরাশি তাহাদিগকেই ক্রেশপ্রদান করিতে সমর্থ হয়। ৫৬। যাহারা কাশীর আশ্রয় গ্রহণ এবং বিশেষের অর্চনা করে, তাহারা অন্তিমকালে তারকজ্ঞান লাভ করিয়া কৰ্ম্মপাশ

হইতে মুক্ত হইয়া থাকে। ৫৭। কাশীতে নিধন প্রাপ্ত হইয়া যাদৃশ অক্ষয় সুখ লাভ হইয়া থাকে, ধনী মানবগণ কদাপিও তাদৃশ সুখপ্রাপ্ত হয় না। ৫৮। কাশীতে যে ব্যক্তি যথাবিধি অবস্থিতি করেন, সেই ব্যক্তি শ্রেষ্ঠ কিন্তু স্বর্গপদে সমাসীন ব্যক্তিও শ্রেষ্ঠ নহেন; কারণ, কাশীবাসী ব্যক্তি দুঃখের অবসান লাভ করেন, কিন্তু স্বর্গবাসী ব্যক্তিকে সুখের অবসান লাভ করিতে হইয়া থাকে। ৫৯। ভগবান্ মহেশ্বরও দিবোদাস নৃপতি কর্তৃক প্রতিপালিত। কাশী ব্যতিরেকে, মন্দর পর্বতের মনোরম গুহাতে অবস্থান করিয়াও প্রীতি লাভ করিতে পারেন নাই। ৬০।

## ত্রিচত্রিংশ অধ্যায়।

—:~:—

### দিবোদাস নৃপতির প্রতাপ-বর্ণন।

অগস্ত্য কহিলেন, হে স্কন্দ! ভগবান্ ত্রিলোচন কি প্রকারে দিবোদাস নৃপতিকে কাশী ত্যাগ করাইয়াছিলেন এবং কি প্রকারেই বা মন্দরপর্বত হইতে পুনরায় কাশীতে আগমন করিয়াছিলেন, তাহা কীর্তন করুন। ১।

স্কন্দ কহিলেন, দেবদেব মহেশ্বর ব্রহ্মার বাক্য প্রতিপালনের জন্ত মন্দর-পর্বতের তপস্যায় সমুদ্র হইয়া, কাশী পরিত্যাগ করত যথাকালে মন্দরপর্বতে গমন করিলেন এবং তাঁহার সহিত সমস্ত দেবগণও তথায় উপস্থিত হইলেন; ভগবান্ বিষ্ণুও বৈষ্ণবক্ষেত্রিচয় পরিত্যাগ করিয়া পৃথিবী হইতে যে স্থানে দেবদেব পার্বতীপতি বিরাজিত রহিয়াছেন, সেই মন্দরপর্বতে গমন করিলেন। গণেশও গাণপত্য স্থানসমূহ পরিত্যাগ করত তথায় গমন করিলেন এবং আমিও তথায় উপস্থিত হইলাম। ২-৫। সূর্য্যও সৌরক্ষেত্রিচয় পরিত্যাগ করত তথায় গমন করিলেন এবং অন্যান্য দেবগণও পৃথিবীতে আপন আপন স্থান ত্যাগ করিয়া মন্দর পর্বতে গমন করিলেন। এইরূপে সমস্ত দেবগণ পৃথিবী হইতে গমন করিলে, প্রতাপাশ্রিত পৃথিবীর অধিপতি দিবোদাস নিম্নে রাজ্য করিতে লাগিলেন। ৬-৭। মহামতি দিবোদাস বারাণসীকে রাজধানী করিয়া ধর্ম্মানুসারে প্রজা-গণকে পালন করত, দিন দিন বর্দ্ধিত হইতে লাগিলেন। দুই ব্যক্তিগণের হৃদয় ও নেত্রে তিনি সূর্য্যের আয় প্রতাপ বিতরণ করিতে লাগিলেন এবং স্কন্দগণের

মানসে ও আত্মীয়জনসমূহে তিনি চন্দ্রের ন্যায় সৌম্যরূপে প্রতীয়মান হইতে লাগিলেন । ৮-৯ । অথগু ইন্দ্রধনুতুল্য কোদণ্ডটঙ্কার করত সেই নৃপতি, রণক্ষেত্রে পলায়মান শত্রুসৈন্যরূপ বলাহকগণ কতৃক বারম্বার পরিদৃষ্ট হইতেন । অদণ্ডনীয় ব্যক্তিগণকে সংকৃত এবং দণ্ডনীয় ব্যক্তিগণকে দণ্ডিত করত, ধর্ম্মাধর্ম্মবিবেচক সেই নৃপতি, ধর্ম্মরাজের ন্যায় প্রতীয়মান হইয়াছিলেন । সেই নৃপতি, ধনঞ্জয়ের ন্যায় বহুবীর শত্রুরূপ অরণ্যনিচয় দম্ব করিয়াছিলেন ; এবং পাশীর ( বক্রণের ) ন্যায় বিদূরে অবস্থান করিয়াও বৈরিচক্রকে বন্ধন করিয়াছিলেন । ১০-১২ । রিপুস্বরূপ রাক্ষসগণের বর্দ্ধক ( ছেদক পক্ষাস্তুরে বুদ্ধিকারক ) সেই নৃপতি, পুণ্য-জনগণের ( ধার্ম্মিকগণের পক্ষাস্তুরে রাক্ষসগণের ) অধীশ্বর হইয়াছিলেন । জগৎ-প্রাণনতৎপর সেই নৃপতি, জগৎপ্রাণ ( সমীরণ ) সদৃশ ছিলেন । সমস্ত সাধুগণের ধনপ্রদাতা সেই নৃপতি, রাজরাজ ( কুবের ) তুল্য ছিলেন এবং রণক্ষেত্রে রিপুগণ তাঁহাকে রুদ্রমূর্ত্তি দর্শন করিত । ১৩-১৪ । তপস্ত্যাবলে সেই নৃপতি, সমস্ত দেব-গণেরই রূপধারণ করিয়াছিলেন ; এইজন্ত যাবদীয় দেবগণ তাঁহাকে স্তব ও ভজনা করিতেন । দেবগণও তাঁহার মহিমা অবগত হইতেন না ; এবং তিনি বস্তুতে বস্তুগণ হইতেও অধিক ছিলেন । গ্রহগণ অনিষ্ট করিলে তিনি তাহাদের সহিত সংগ্রাম করত, তাহাদিগকে নিবৃন্ত করিতেন এবং তিনি অশ্বিনীকুমার হইতেও অধিক রূপবান ছিলেন । ১৫-১৬ । তিনি মরুদগণকে গণনা না করিয়া তৃষিত জনসমূহকে গুণের দ্বারা পরিতৃপ্ত করিয়া সমস্ত বিদ্বাদ্বারজনমধ্যেও সর্ব্ব বিদ্বাদ্বার-রূপে বিরাজিত থাকিতেন । তিনি স্বকীয় গীতবিদ্যার দ্বারা গন্ধর্ব্বগণের গর্ব্ব খর্ব্ব করিয়াছিলেন । যক্ষ ও রাক্ষসগণ সতত স্বর্গতুল্য তাঁহার দুর্গ রক্ষা করিত । ১৭-১৮ । নাগগণ, নাগতুল্য বলবান্ সেই নৃপতির কখন কোন অনিষ্ট করিত না এবং দম্বজগণ সেই মনুজাকার নৃপতিকে সতত সেবা করিত । গুহ্যকগণ ( দেবযোনি বিশেষ ) গুহ্যচর হইয়া, সতত সেই নৃপতিকে বেষ্টিত করিয়া থাকিত এবং অম্বরগণ, “আপনার রাজ্যে দেবগণ থাকিতে পারেন না সুতরাং আমরা স্বস্ব বিভবানুসারে সতত আপনার সেবা করিব” বলিয়া তাঁহাকে স্তব করিত । ১৯-২০ । আশুগ ( বায়ু ) পাবমান পথে ( অশ্বগতি শিক্ষাশাস্ত্রে বা আকাশ-পথে ) অবস্থিত হইয়া, তাঁহার অশ্বগণকে আশুগামিহ শিক্ষা করাইত এবং সেই নৃপতির পর্ব্বত অপেক্ষা স্থূলদেহ পার্ব্বত্য হস্তিসমূহকে অজস্র দানশীল ( মদস্রাবি, পক্ষে দাতা, ) দর্শন করিয়া অম্বান্ন সকলেও দানশীল হইয়াছিল । ২১-২২ । সভাস্থলে সেই নৃপতির পৃণ্ডিতগণ এবং রণক্ষেত্রে বোদ্ধগণ কোন ব্যক্তি কতৃক কদাপিও শাস্ত্র

বা শস্ত্রের দ্বারা পরাজিত হয় নাই। সেই নৃপতির রাজ্যস্থ প্রজা, বিপদাঘাত ও পরকর্তৃক দ্বেষ্য রূপে কখন দৃষ্টিগোচর হয় নাই। স্বর্গেও দেবগণের মধ্যে এক জন মাত্র কলানিধি আছেন, কিন্তু সেই নৃপতির রাজ্যে সমস্ত জনই কলার আধার ছিলেন। ২৩-২৫। স্বর্গেতে একজন মাত্র কামদেব আছেন, তিনিও আবার অনঙ্গ (অঙ্গ-বর্জিত) কিন্তু সেই নৃপতির রাজ্যে সমস্ত অঙ্গ ও উপাঙ্গের সহিত বহুতর কামই বিরাজিত ছিলেন। তাঁহার রাজ্যে কেহ গোত্রভিৎ (কুলঘ্ন) আছে বলিয়া কেহ কখন শ্রবণ করে নাই; কিন্তু স্বর্গবাসীগণের অধীশ্বরও গোত্রভিৎ বলিয়া কীর্তিত হইয়া থাকেন। ২৬-২৭। স্বর্গেতেও নিশানাথ পক্ষে পক্ষে ক্ষয় প্রাপ্ত হইয়া থাকেন, কিন্তু সেই নৃপতির রাজ্যে কেহ ক্ষয়ী বলিয়া শ্রুত হয় নাই। স্বর্গেতে নব গ্রহ আছেন কিন্তু তাঁহার রাজ্যে কোন গ্রহই ছিল না। স্বর্লোকে একজনই হিরণ্যগর্ভ বিরাজমান থাকেন, কিন্তু তাঁহার রাজ্যে সমস্ত পূরবাসীর ভবনই হিরণ্যগর্ভ (সুবর্ণপূর্ণ) ছিল। ২৮-৩০। স্বর্লোকে একমাত্র অংশুমান সপ্তাশ্ব নামে বিখ্যাত আছেন, কিন্তু তাঁহার পুর, সদংশুক ও বহবশ্ব বলিয়া বিখ্যাত ছিল। স্বর্গভূমি যেমন অম্বরাসমূহে মণ্ডিত, তদ্রূপ সেই নৃপতির পুরীও অম্বরাস-গণে শোভিত ছিল। বৈকুণ্ঠে একমাত্র পদ্মা আছেন কিন্তু তাঁহার রাজ্যে শত শত পদ্মাকর বিরাজমান ছিল। ৩১-৩২। সেই নৃপতির রাষ্ট্রসমূহ ঐতি (অনাবৃষ্টি প্রভৃতি) হীন ছিল এবং কোন গ্রামই রাজপুরুষ হীন ছিল না। স্বর্গে একমাত্র অলকাপতি ধনদ নামে বিখ্যাত আছেন কিন্তু তাঁহার রাজ্যে গৃহে গৃহে ধনদগণ বিরাজ করিতেন। দিবোদাস নৃপতির এইভাবে রাজ্য করিতে করিতে আট অযুতবর্ষ একদিনের ন্যায় গত হইল। অনন্তর দেবগণ, ধর্ম্মমার্গানুসারী সেই নৃপতির অপকার করিবার অভিলাষে বৃহস্পতির সহিত মন্ত্রণা করিতে লাগিলেন। ৩৩-৩৫। হে মূনে! আপনার ন্যায় ধর্ম্মশীল ব্যক্তিগণকেই দেবগণ নানাবিধ বিপদে নিক্ষেপ করিয়া থাকেন। দেখ এই ধরাপতি দিবোদাস বহুতর দুষ্কর যজ্ঞের দ্বারা যজ্ঞভুক দেবগণকে পরিতুষ্ট করিয়াছেন, তথাপি তাঁহারা ইহঁার স্নহদ্ হইলেন না। দেবগণের স্বভাবই এই যে, তাঁহারা পরের উৎকর্ষ সঙ্ঘ করিতে পারেন না; নতুবা বলি, বাণ এবং দধীচি প্রভৃতি, দেবগণের কি অপরাধ করিয়া-ছিলেন? ৩৬-৩৮। ধর্ম্মেরও পদে পদে বিঘ্ন হইয়া থাকে, তথাপি ধার্ম্মিক ব্যক্তিগণ নিজ ধর্ম্ম পরিত্যাগ করেন না। অধর্ম্মাচারী ব্যক্তিগণ প্রথমতঃ ধন, ধাত্ত ও সমৃদ্ধিতে বুদ্ধি পাইয়া থাকে; কিন্তু সেই অধর্ম্মেই অন্তকালে সমূলে বিনষ্ট হইয়া অধোগতি লাভ করে। ৩৯-৪০। রিপুঞ্জয় নৃপতি, নিজ পুত্রনির্ব্বিশেষে প্রজা

পালন করিয়াছিলেন, সুতরাং রাজ্যপালনে তিনি স্বল্পমাত্রাও অধর্ম্য করেন নাই। ৪১। দেবগণ, ষাড়্‌গুণ্যবেদি, ত্রিশক্তিমান, ধর্ম্য, অর্থ, কাম ও মোক্ষের উপায়বেত্তা সেই নৃপতির কোনই ছিত্র পাইলেন না। বিপ্রভীকার করিতে সমুদ্রত দেবগণ, সেই নৃপতির অপকার করিতে কিছুমাত্র শঙ্কিত হইলেন না। ৪২-৪৩। সেই নৃপতির রাজ্যস্থ যাবদীয় পুরুষই একপত্নী-ব্রতশীল ও যাবদীয় মহিলাই পতিব্রতা ছিলেন। তাঁহার রাজ্যে কোন ব্রাহ্মণই মূর্থ, কোন ক্ষত্রিয়ই বলহীন ও কোন বৈশ্যই অর্থোপার্জনোপায়ে অনভিজ্ঞ ছিল না, এবং শূদ্রগণ অনন্যবৃত্তি হইয়া দ্বিজগণের শুশ্রূষায় রত থাকিত। তাঁহার রাজ্যে ব্রহ্মচারীগণ, অশ্বলিত ব্রহ্মচর্য্যে গুরুকুলের অধীন হইয়া বেদাধ্যয়নে তৎপর থাকিতেন। ৪৪-৪৭। গৃহস্থগণ, আতিথ্যধর্ম্মে প্রবণ, ধর্ম্মশাস্ত্রে বিচক্ষণ এবং সতত সংকল্পানুষ্ঠানতৎপর ছিলেন। সেই নৃপতির রাজ্যে তৃতীয়াশ্রমীগণ, বনবাসবৃত্তিতে কৃতাদর ও গ্রামবার্ত্তাসমূহে নিম্পৃহ হইয়া সতত বেদমার্গে নিরত থাকিতেন এবং যতিগণ, সমস্ত সঙ্গ পরিত্যাগ পূর্ব্বক নিম্পরিগ্রহ হইয়া, বাক্য, মন ও শরীরের দণ্ড বিধান করত নিম্পৃহভাবে অবস্থান করিতেন। ৪৮-৫০। এবং অন্যান্য অনুলোমজাত ব্যক্তিগণও পরম্পরা পরিদৃষ্ট আপন আগন কুলমার্গ পরিত্যাগ করিত না। তাঁহার রাজ্যে কোন ব্যক্তিই পুত্রহীন, ধনহীন, অবুদ্ধসেবী বা অকালমৃত্যুভোগী ছিল না। ৫১-৫২। তাঁহার রাজ্যমধ্যে কেহ চঞ্চলসভাব, বাচাল, বঞ্চক, হিংসক, পাষণ্ড, ভণ্ড, রণ্ড, বা শৌণ্ডিক ছিল না। রাজ্যমধ্যে সর্ব্বত্রই বেদধ্বনি, পদেপদে শাস্ত্রালাপ, সর্ব্বত্রই সদালাপ ও মঙ্গলগীতি হইত। এবং সতত বীণা, বেণু, মৃদঙ্গ প্রভৃতি বাছনিচয়ের মধুর শব্দ শ্রুতিগোচর হইত। যজ্ঞেতে সোমপান ব্যতিরিক্ত তাঁহার রাজ্যে আর কোন পানগোষ্ঠী শ্রুতিগোচর হয় নাই। ৫৩-৫৫। এবং তাঁহার রাজ্যমধ্যে পুরোডাশ-যজ্ঞ ব্যতিরিক্ত আর কোন কালে কেহ মাংস ভোজন করিত না। তাঁহার রাজ্যে কেহ ছুরোদরী, অধমর্ণ বা তস্কর ছিল না। পিতার পদসেবা, দেবপূজা, উপবাস, ব্রত, তীর্থ, এই সমস্তই প্রজাগণের কর্তব্য কর্ম্ম ছিল। স্ত্রীগণের স্বামীপদসেবা ও স্বামীর বাক্য প্রতিপালন ভিন্ন অন্য কর্ম্ম ছিল না। মানবগণ, স্বীয় অগ্রজের পূজায় সতত তৎপর থাকিত। ভৃত্যগণ, আনন্দিত চিত্তে প্রভুর পদবন্দনা করিত। হীনবর্ণব্যক্তি কর্তৃক উৎকৃষ্টবর্ণ ব্যক্তিগণ গুণগৌরব-সহকারে বর্ণিত হইত। সকলেই কাশী ও কাশীস্থ দেবগণের অর্চনা করিত। সকলেই ভক্তিসহকারে বিদ্বানগণের সৎকার করিত, এবং বিদ্বান্গণ তপস্বীগণের, তপস্বীগণ জিতেন্দ্রিয়গণের, জিতেন্দ্রিয়গণ জ্ঞানীগণের, এবং জ্ঞানীগণ শিবভক্ত-

গণের পূজা করিতেন । দিবারাত্র ত্রাঙ্কণগণের মুখাগ্নিতে মন্ত্রপূত, মহার্হ, বিধিযুক্ত ও সুসংস্কৃত ঘৃত হবন হইত । ৫৬-৬২ । তাঁহার রাজ্যে অনেকেই বহুতর দ্রব্যের সহিত বাপী, কূপ, তড়াগ ও আরাম-নিচয় প্রতিষ্ঠা করিয়াছিলেন । তাঁহার রাজ্যস্থ সমস্ত জাতিই হৃষ্টপুষ্ট ছিল এবং ব্যাধ ও পশুঘাতক ব্যতিরিক্ত সকলেরই ক্রিয়া অনিন্দনীয় ছিল । ৬৩-৬৪ । দেবগণ, অনিমিষনেত্রে বহুতর অনুসন্ধান করিয়াও তাদৃশ গুণশালী ও পবিত্রকর্ম্মা সেই নৃপতির কোনও ছিত্র দর্শন পাইলেন না । অনন্তর দেবগুরু বৃহস্পতি অপকার করিতে সমুৎসুক দেবগণকে, সেই ধর্ম্মিষ্ঠ, বরিষ্ঠ ও মন্ত্রবিৎ নৃপতির বিষয় বলিতে লাগিলেন । ৬৫-৬৬ ।

বৃহস্পতি কহিলেন মন্ত্র, বিগ্রহ, শ্রয়াণ অবস্থান, সংশ্রয় এবং ভেদ সেই নৃপতি যেমন জানেন, তদ্রূপ আর কেহই জানে না । সাম, দান, দণ্ড ও ভেদের মধ্যে আমি একমাত্র ভেদ ভিন্ন আর কোন উপায় দেখিতেছি না ; কিন্তু তপোবল সম্বিত সেই নৃপতির উপর তাহাও সিদ্ধ হইবে কি না বলিতে পারি না । ৬৭-৬৮ । যদিও সেই নৃপতি পৃথিবী হইতে সমস্ত দেবগণকে নির্বাসিত করিয়াছেন, তথাপি, তথায় দেবগণের পক্ষপাতী অনেকেই এখনও অবস্থান করিতেছেন । যাঁহাদিগকে বিনা, একনিমিষ মাত্র কালও সেই নৃপতির এবং আমাদেরও স্মৃতি অতিবাহিত হয় না, তাঁহারা সকলেই মান্ত হইয়া অন্তঃকর ও বহিঃকররূপে সর্বদা তথায় অবস্থান করিতেছেন । তাঁহারা সকলে এখানে আগমন করিলেই, তোমাদের মনোভিলাষ সিদ্ধ হইতে পারে । ৬৯-৭১ । দেবগণ, বৃহস্পতির এই সমস্ত বাক্য শ্রবণ করত, ইহার অর্থ পরিজ্ঞাত হইয়া বৃহস্পতিকে অভিবাদন পূর্বক কহিলেন যে, এইরূপই হইবে । অনন্তর ইন্দ্রপুরঃস্বিত অনলকে আহ্বান করত বহুমান পূর্বক মধুরবাক্যে বলিতে লাগিলেন যে, হে হব্যবাহন ! আপনার যে মূর্ত্তি পৃথিবীতে প্রতিষ্ঠিত আছে, আপনি সত্ত্বর সেই মূর্ত্তিকে সেই নৃপতির রাজ্য হইতে অপসৃত করুন । আপনি নার সেই মূর্ত্তি পৃথিবী হইতে স্থানান্তরিত হইলে প্রজাগণের অগ্নি বিনষ্ট হইবে ; তাহা হইলে তাহারা হব্যকব্যাক্রিয়াহীন হইয়া রাজার উপর বিরক্ত হইবে । রাজ্য-গক্ষে কাম্যধেনুস্বরূপ প্রজাগণ বিরক্ত হইলে বহুকষ্টে অর্জিত রাজশব্দও অপদার্থ (ব্যর্থ) হইয়া যাইবে ; প্রজাগণের রঞ্জননিবন্ধন সেই নৃপতি রাজা বলিয়া যে প্রসিদ্ধি লাভ করিয়াছেন, প্রজারঞ্জন বিনষ্ট হইলেই, তাহা এবং তাঁহার রাজ্যও বিনাশ প্রাপ্ত হইবে । ৭২-৭৭ । কারণ প্রজাসমূহ বিরক্ত হইয়া যদি রাজাকে পরিত্যাগ করে, তাহা হইলে সেই রাজা ; কোষ, দুর্গ ও বলসম্পন্ন হইলেও নদীকূলে অবস্থিত বৃক্ষের স্তায় শীঘ্রই বিনষ্ট হইয়া যায় । মহাপতির ত্রিবর্গসাধনের

প্রধান হেতুই প্রজা; সেই প্রজা ক্ষীণ হইলে, নৃপতির ত্রিবর্গও আপনিই ক্ষয়প্রাপ্ত হইয়া থাকে । ৭৮-৭৯ । ত্রিবর্গ ক্ষয় হইলে, ইহলোকে ও পরলোকে দুর্গতি লাভ করিতে হয় । ৮০ । অগ্নি, ইন্দ্রের এই বাক্য শ্রবণ করিয়া স্বরায় পৃথিবী হইতে যোগবলে স্থায়ী মূর্ত্তিকে আকর্ষণ করিলেন । অগ্নি, ইন্দ্রের অনুরোধে আহবনীয়, গার্হপত্য দক্ষিণাগ্নিরূপ ত্রিবিধ মূর্ত্তির উপসংহার করিয়াও ক্রান্ত হইলেন না ; অধিকন্তু তিনি স্থায়ী দাহিকাশক্তির সহিত জঠরাগ্নিকেও আকর্ষণ করিয়া লইলেন । ৮১-৮২ । এইরূপে অগ্নি স্বর্লোক গমন করিলে, মধ্যাহ্নকালে দিবোদাস নৃপতি, মধ্যাহ্নকালীন উপাসনা সাজ করিয়া, ভোজনালয়ে প্রবেশ করিলেন । তখন পাচক-গণ, বারম্বার কাঁপিতে কাঁপিতে নৃপতি ক্ষুধার্ত্ত হইলেও তাঁহাকে নিবেদন করিতে লাগিল । ৮৩-৮৪ ।

পাচকগণ কহিল, হে সূর্য্যাধিক তেজঃশালিন্ ! হে নৃপতে ! হে প্রতাপবিজিত-নল ! হে রণপণ্ডিত ! যদি আমাদের আপন অভয় প্রদান করেন, তাহা হইলে এই সময়ে বলিবার অবসর না হইলেও আমরা করজোড়ে আপনার নিকট কিছু নিবেদন করি । ( ক্ষুদ্র কহিলেন ) অনন্তর প্রশস্তবদন নৃপতি ক্রবিক্ষেপের দ্বারা তাহাদিগকে বলিতে আদেশ করিলে ; তাহারা বিনীতবদনে বলিতে লাগিল যে, হে রাজন্ ! আপনার প্রতাপভয়ে ভীত হইয়া অথবা অন্ত কোন গতিকে আপনার মহিমানভিজ্ঞ অনল পাকশালাদি পরিত্যাগ করিয়া কোথায় গমন করিয়াছেন তাহা আমরা জানি না । ৮৫-৮৮ । অগ্নি না থাকিলে কি প্রকারে পাক ক্রিয়া নির্বাহ হয় ? তথাপি আমরা সূর্য্যতাপে কিছু অন্ন পাক করিয়াছি আপনি অনুমতি করিলে তাহাই আনয়ন করি, এবং বোধ করি সে পাক অতি উত্তমই হইয়াছে । ৮৯-৯০ । মহাসম্রাট ও মহামতি নরপতি পাচকগণের এবম্বূত বাক্য শ্রবণ করিয়া ভাবিলেন যে, ইহা নিশ্চয়ই দেবগণের কার্য্য, অনন্তর তিনি ক্ষণকাল স্থির ভাবে চিন্তা করিয়া তপোবলে দেখিলেন যে, অগ্নি কেবল তাঁহার পাকশালা ও জঠরগুহা পরিত্যাগ করিয়া যান নাই ; তিনি একেবারে পৃথিবী পরিত্যাগ করত স্বর্গধামে গমন করিয়াছেন । ভাঃ ! অগ্নি গমন করিলেন, ইহাতে আমাদের আর কি হানি ? আমি ত আর অগ্নির বলে এই সমস্ত রাজ্য অর্জ্জন করি নাই ; ব্রহ্মাই ইহা আমাদের গৌরবের সহিত প্রদান করিয়াছেন বরং বিবেচনা করিয়া দেখিলে, অগ্নির গমনে দেবগণেরই হানি হইয়াছে । নৃপতি যখন এইরূপ চিন্তা করিতেছেন, তখন তাঁহার পুরদ্বারে জানপদসমূহের সহিত পুরবাসীগণ আসিয়া উপস্থিত হইল । অনন্তর দ্বারপাল আসিয়া নৃপতির আজ্ঞা গ্রহণ করত তাহাদিগকে পুরমধ্যে প্রবেশ

কৰাইল । ৯১-৯৬ । পুৰবাসীগণ ৰাজ্যৰ সম্মুখে স্বস্বসামৰ্থ্যানুৰূপ উপহাৰ বন্ধ কৰত  
 তাঁহাকে যথাযোগ্য অভিবাদন কৰিতে লাগিল । ৰাজা কাহাৰও সহিত মধুৰবাক্যে  
 সম্ভাষণ কৰিলেন, কাহাৰও প্ৰতি সহৰ্ষদৃষ্টিক্ষেপ কৰিলেন, কাহাকেও হস্ত-সঞ্চালন  
 দ্বাৰা সমাদাৰ কৰিলেন । অনন্তৰ ৰাজ্যৰ আদেশে গৌৰ ও জনপদবাসী জনগণ  
 বহুমূল্য আসনে উপবেশন কৰিল । তখন নৃপতি তাহাদেৱ মুখৰ আকাৰ দৰ্শনে  
 তাহাদেৱ মনোগত ভাব জানিতে পাৰিয়া বলিলেন যে, হে পুৰবাসীগণ ! তোমরা  
 ভীত হইও না । ৯৭-১০০ । যদিচ দেবগণ আমাৰ অপকাৰ কৰিবাৰ জন্ম পৃথিৱী  
 হইতে অনলকে লইয়া গিয়াছেন, তথাপি ইহাতেই আমি তাঁহাদেৱ নিকট পৰাভূত  
 হইব না । হে পুৰবাসীগণ ! আমি পূৰ্বেই এসম্বন্ধে কিছু কৰিব, আমাৰ একৰূপ  
 অভিলাষ ছিল, তাহা আমি প্ৰায় উপেক্ষাই কৰিয়াছিলাম ; অনেক দিন পৰে  
 দেবগণ আবার তাহা স্মৰণ কৰিয়া দিলেন । ১০১-১০২ । অনল গমন কৰিয়াছেন  
 ভালই হইয়াছে, বায়ুও এস্থান হইতে প্ৰস্থান কৰুন, চন্দ্ৰ ও  
 সূৰ্য্যেৰ সহিত বৰুণ ও পৃথিৱী হইতে অবিলম্বে প্ৰস্থান কৰুন,  
 আমি তপোবলে ইন্দু হইয়া জানপদ সমূহেৰ হৰ্ষেৰ জন্ম শস্ত্ৰসমূহ  
 উৎপন্ন কৰিব । আমি তপোযোগবলে আপনাকে বহিৰূপে ত্ৰিধা বিভক্ত  
 কৰিয়া পাক, যজ্ঞ ও দাহক্ৰিয়া নিশ্চয় কৰিব । ১০৩-১০৫ । আমি অন্তৰ্বহিষ্কৃত  
 বায়ুরূপ ধারণ কৰিয়া সকলেৰ অন্তঃকৰণেৰ বৃত্তি পৰিষ্কাৰত হইব, এবং আমিই  
 সমস্ত জীবেৰ জীবনৰূপিণী জলময়ী মূৰ্ত্তি ধারণ কৰিয়া প্ৰজাগণেৰ জীবন ৰক্ষা  
 কৰিব, এই সমস্ত জড় পদাৰ্থেৰ আমাৰ ৰাজ্যে প্ৰয়োজন নাই । ১০৬-১০৭ । যখন  
 চন্দ্ৰ বা সূৰ্য্য ৰাহুগ্ৰস্ত হন, তখন তাঁহাদেৰ বিনা আমাৰ কি জগতে জীবনধাৰণ কৰি  
 না ? ক্ষয়ী এবং কলঙ্কী নিশানাথ জগতে নাই বা থাকিলেন, আমিই চান্দ্রমসী  
 আকৃতি ধারণ কৰিয়া প্ৰজাগণকে আহ্লাদিত কৰিব । আমাদেৰ বংশেৰ মূলভূত  
 তপনদেব আমাৰ মাননীয়, তিনিই কেবল এস্থানে থাকুন এবং সুখে যাতায়াত  
 কৰুন । কাৰণ তিনিই একমাত্ৰ জগতেৰ আত্মভূত, বিশেষত আমাদেৰ কুলদেবতা,  
 তিনি কাহাৰও অপকাৰ কৰিতে জানেন না ; ইহাই-তাঁহাৰ এক মাত্ৰ ব্ৰত ।  
 পুৰবাসীগণ প্ৰতিপুটেৰ দ্বাৰা নৱপতিৰ এই সমস্ত বাক্য সুধাৱস পান কৰিয়া  
 দুঃখনিৰ্ম্মুক্ত চিত্ত হইয়া প্ৰসন্নবদনে নৃপতিকে অভিবাদন কৰত নিজ নিজ ভবনে  
 গমন কৰিল । দিবোদাস নৃপতিও তপোবলে সেই সমস্ত মূৰ্ত্তি ধারণ কৰিয়া অগ্নি  
 প্ৰভৃতি হইতে অধিক তেজোময় হইয়া দেবগণেৰ হৃদয়ে শল্যস্বৰূপ হইয়া উঠিলেন,  
 হয় ! ত্ৰিজগতে তপস্তাৰ অসাধ্য কি আছে ? ১০৮—১১৩ ।



## চতুশ্চব্বারিংশ অধ্যায় ।

—\*—

### যোগিণী-প্রয়াণ ।

স্কন্দ কহিলেন, মন্দর পর্বতের গুহামধ্যস্থিত অত্যাঙ্কল কাশ্টিময় রত্নরাজির অসাধারণ রশ্মিনিকরে সমুদ্ভাসিত, অনন্তস্বরগণনিষেবিত, অতি সমুচ্চ মন্দিরে বিরাজমান দেবদেব ; অর্দ্ধচন্দ্রভাসিতভালদেশে মহেশ্বর, কাশী বিরহে কোন প্রকারেই শান্তিলাভ করিতে পারিলেন না, কাশীবিয়োগজ্বরে তিনি সর্বদা ব্যাকুলিত হইতে লাগিলেন । ১-২ । বিরানলের তীব্র সন্তাপ হইতে নিষ্কৃতি লাভের জ্ঞাত্তিনি সর্বদাই শরীরে চন্দনপঙ্ক লেপন করিতে লাগিলেন ; কিন্তু সেই সাদ্রীকৃত অর্দ্ধচন্দ্রন তাঁহার শরীর তাপে ধূলির ন্যায় শুষ্ক হইতে লাগিল । ৩ । বিরহানল-শাস্তির নিমিত্ত মহেশ্বর অতি শীতল ও কোমল পদ্মিনীমৃণালদল নিজ হস্তে কঙ্কণের ন্যায় ধারণ করিলেন, কিন্তু তাহাতে তাঁহার তাপ শান্ত না হইয়া বরং উত্তরোত্তর বৃদ্ধি পাইতে লাগিল ; ইহা দেখিয়া খেদপূর্বক সেই সকল মৃণালনিবহকে “ইহা মৃণাল নয় কিন্তু সর্প” এই বলিয়া যে আক্ষেপ করিতে লাগিলেন তাহাতে বাস্তবিক সেই মৃণালনিচয় সর্পরূপ ধারণ করত অধুনা ও তাঁহার হস্তে সর্প কঙ্কণরূপে দেদীপ্যমান রহিয়াছে আহা ! ঈশ্বরের ইচ্ছার কি প্রভাব ! ৪ । দেবগণ দুঃখসমুদ্রে মগ্নন করিয়া, অতি কোমল ও শীতল পূর্ণচন্দ্র উত্তোলন করিয়াছিলেন ; কাশীবিরহ-কাতর মহাদেবের সন্তপ্ত ভালদেশ আশ্রয় করিয়া সেই পূর্ণচন্দ্র কঠোর উত্তাপে সঙ্কুচিত শরীর হইয়া এখনও কলামাত্রেরই অবশিষ্ট রহিয়াছে । ৫ । কাশীবিরহবিধুর মহেশ্বর তাপশাস্তির জ্ঞাত্তি মস্তকে জটাসমূহরূপ নিকুঞ্জের মধ্যে যে সুরধুনী ধারণ করিয়াছিলেন ; অতাপিও তাঁহাকে আশঙ্কাক্রমে পরিত্যাগ করিতে পারিতেছেন না । ৬ । সেই দুঃখ ও অতি মহান্ বারাগসী বিরহের বশীভূত হইয়া মহেশ্বর স্বকীয় তাদৃশ বিয়োগ-ব্যথাকে সর্বদাই একরূপ প্রচ্ছন্নভাবে রাখিতেন যে, তাঁহার সভাগত দেবগণ ও তাঁহার প্রকৃত অবস্থা অবগত হইতে পারিতেন । ৭ । ইহা বড়ই বিস্ময়-জনক যে, ত্রিজগৎপতি মহাদেব, কাশী বিয়োগকালে নিজেরই মূর্ত্তি বিশেষ সন্তাপময় অগ্নির দ্বারা নিজেই বিশেষরূপ ক্লেশ প্রাপ্ত হইতেছিলেন । ৮ । যে কলানিধির কলাধারা মহাদেব নিজ ভালদেশে অলঙ্কৃত করেন ; সেই চন্দ্রই সেই মহাদেবকে

তাপ প্রদান করিতে লাগিল, হায় ! আশ্রিত বিধুর এই ব্যবহার কি বিপরীত ! ১০ ।  
 ষাঁহার গলদেশে সর্বদা অবস্থিত গরল অল্পমাত্রও তাপ প্রদানে সমর্থ হয় না সেই  
 নীলকণ্ঠ, কাশী বিরহে শিরঃস্থিত সুধাংশুর তুষারময় রশ্মির সম্পর্কে ও অত্যন্ত তাপ  
 উৎপন্ন করিতে লাগিলেন ; আহা ! কাশী বিরহের কি অনির্বচনীয়তা ! ১০ ।  
 সর্বদা শরীরস্থিত সর্পগণের বিস্তৃত ফণামণ্ডলের বিষময় নিঃশ্বাস সম্পর্কেও ষাঁহার  
 অমুমাত্রও ক্লেশ উৎপন্ন হয় না সেই অনির্বচ্যবিভব দেবদেব মহেশ্বর কাশীবিরহ-  
 কালে তাপ শাস্তির নিমিত্ত হৃদয় নিহিত সাদ্রীকৃত হরিচন্দনপঙ্কসম্পর্কেও সন্তাপ  
 অনুভব করিতে লাগিলেন । ১১ । সংসারে ষত প্রকার ভ্রম আছে ; ষাঁহার কৃপা  
 কটাক্ষে সেই সকল প্রকার ভ্রম বিলয় প্রাপ্ত হয়, আশ্চর্য্যের বিষয় তৎকালে সেই  
 মহাদেবও বিরহ তাপ শাস্তির নিমিত্ত পরিধৃতকোমলপুষ্পমালাতে সর্পভ্রম করিতে  
 লাগিলেন । ১২ । ষাঁহার স্মরণ মাত্রই জীবগণের ত্রিবিধ তাপ ক্ষয় হয়, সেই  
 জগদীশ্বর ও কাশীবিরহে সন্তপ্তহৃদয়ে একাকী নির্জন স্থানে বসিয়া প্রলাপীর  
 ন্যায় অশ্রুট এই সকল বাক্য উচ্চারণ করিতেন যে “হায় ! আমার এই গভীর  
 সন্তাপ কাশী হইতে সমাগত বায়ু কখন শান্ত করিবে, কারণ ইহাযে হিমরাশির মধ্যেও  
 অবগাহন করিলে শান্ত হইবার নহে । দক্ষালয়ে দাক্ষায়নীর দেহ ত্যাগ নিবন্ধন  
 আমার যে তীব্রতাপ উৎপন্ন হইয়াছিল, জীবনের সঞ্জীবনোষধিকৃপা হিমাদ্রি তনয়া  
 যদি জন্মগ্রহণ না করিতেন তাহা হইলে ঐ তাপ কোন প্রকারেই শান্ত হইত না ;  
 কিন্তু দাক্ষায়নী শরীর ত্যাগ করিলেও আমার হৃদয় এতাদৃশ দুঃখিত হয় নাই, যে  
 প্রকার অবিমুক্তক্ষেত্র বিরহ জন্ম মহাসন্তাপে ইহা তীব্রতর ব্যথিত হইয়াছে ।  
 অগ্নি ! কাশী ! আমার এমন দিন কখন উপস্থিত হইবে ; যে দিন আমি তোমার  
 অঙ্গসঙ্গমজনিত সুখসমুদ্রে নিমগ্ন হইয়া এই তীব্র সন্তাপে দক্ষ প্রায় স্থায়ী অঙ্গ-  
 নিচয়কে শীতল করিতে পারিব ? হে জীবগণের নিখিলপাপবিনাশকারিণি ! হে  
 কাশী ! তোমার বিরহজাত অগ্নি, চন্দ্রকলা হইতে উৎপন্ন অমৃত কিরণেও প্রতি  
 নিয়ত ঘৃতসম্পর্কে বর্দ্ধমান বহির ন্যায় বৃদ্ধি প্রাপ্ত হইতেছে, ইহা বড়ই নিস্বয়-  
 জনক ! পূর্বে দাক্ষায়নীর বিরহজাত তীব্র সন্তাপ হিমাদ্রিতনয়ারূপ সঞ্জীবনোষধ  
 লাতে বিলয় প্রাপ্ত হইয়াছিল, কিন্তু এই কাশী বিরহজাত সন্তাপ সত্ত্বর কাশীদর্শন  
 ভিন্ন অন্য কোন উপায়েই শান্ত হইবার নহে” । ১৩-১৯ ।

বিবুধগণসম্মিথানে কোন প্রকারে কাশী বিরহ সন্তাপ গোপন করিয়া, নির্জন  
 স্থান আশ্রয় পূর্বক মহেশ্বর মনে মনে যখন এই সকল বিষয়ের আন্দোলন করিতে  
 লাগিলেন ; সেই সময় এই সকল অণুর অবিদিত হইলেও নিখিল জনের সাক্ষি-

স্বরূপিণী জগদম্বিকা, মনে মনে অবগত হইলেন যে, প্রিয়তম নিশ্চয়ই কাহারও বিরহে কাতর হইয়াছেন । ২০ । দেবদেব, স্বীয় বিরহাবস্থা একরূপ ভাবে গোপন করিয়াছিলেন যে, শরীরাক্ষরূপিণী দেবী হিমাদ্রিতনয়া কোনরূপে বিয়োগ নিবন্ধন তাঁহার আন্তরিক ব্যথা জানিয়াও এই বিয়োগের প্রকৃত কারণ কি তাহা নিশ্চিতরূপে অবগত হইতে পারিলেন না, সেই সময় তিনি একদিন নানা মনোহর বাক্যে তাঁহার পরিতোষ উৎপাদন করিয়া জিজ্ঞাসা করিলেন । ২১ ।

শ্রীপার্বতী কহিলেন, হে দেবদেব ! হে প্রভো ! আপনার অধীন সকল পদার্থই বিচ্যমান রহিয়াছে, আপনার বিভূতি, ব্রহ্মাদিদেবগণের ঐশ্বর্যদায়িনী, সকলপ্রকার বিপদের বিনাশকারিণী ও নিখিলপ্রাণিনিবহের রক্ষাবিধায়িনী । হে প্রভো ! সর্বশক্তিমান হইয়াও আপনি কাহার বিরহে একরূপ কাতর হইয়াছেন ? । ২২ । হে দেব ! আপনি যদি ক্ষণকাল অবলোকন না করেন, তাহা হইলে সমুদয় জগৎ অতিশোচনীয় প্রলয় প্রাপ্ত হয়, হে নাথ ! সৃষ্টি ও স্থিতিক্ষম ব্রহ্মা, বিষ্ণু প্রভৃতি দেবগণও যদি আপনার সেবকরূপে পরিগণিত না হন, তাহা হইলে তাঁহারাও নিজ নিজ ঐশ্বর্য হইতে ক্ষণকালেই বিচ্যুত হইবেন । ২৩ । হে ত্রিনয়ন ! ইন্দ্র, দিবাকর বা অগ্নি এই তিন পদার্থ হইতেও আপনার পরিতাপের সম্ভাবনা নাই, কারণ এ তিনটী বস্তু ত্রিনেত্র রূপে সর্বদাই আপনার শরীরে অবস্থান করিতেছে । হে প্রভো ! অনন্তজলময়ী গঙ্গা আপনার জটামধ্যে বিরাজমানা ; তথাপি আপনার এ অচিন্তনীয় উৎপাত কোথা হইতে উপস্থিত হইল ? ২৪ । হে নীলকণ্ঠ ! যতপিও আপনার ভূজদেশে সর্বদাই ভূজগনিবহ বর্তমান রহিয়াছে ; তথাপিও তাহারা আপনার শরীরে, বিষ সংক্রান্ত করিতে সমর্থ নহে । হে বামদেব ! আপনার বামভাগে আমি সর্বদাই মনের সহিত পরিচর্য্যায় নিযুক্ত রহিয়াছি । অতএব হে দেব ! সম্ভাপের কোন কারণ না থাকিলেও আপনি কেন এই প্রকার অসহ্য তাপ বহন করিতেছেন ; তাহা কি আমাকে প্রকাশ করিবেন ? ২৫ ।

সংসারের আদিকারণেরও কারণস্বরূপিণী ভগবতীকর্তৃক এইপ্রকার মঙ্গলময় বাক্যসমূহ অভিহিত হইলে পরে ভগবান্ মহেশ্বরও এই প্রকারে বলিতে আরম্ভ করিলেন । ২৬ ।

শ্রীমহেশ্বর কহিলেন, হে কাশি ! অষ্টমূর্তিতে অষ্টবিধ প্রমাণস্বরূপ জগৎ কারণ মহাদেবও তোমার বিরহে হতমনা হইয়াছেন, এ কথা অষ্ট পার্বতীও অবগত হইতে পারিয়াছেন, আহা ! তোমার বিরহের কি মহীয়সী উদ্গাদকতা ! ২৭ ।

মন্দরপর্বতীয় তত্ত্বকাননসমুত্ত লতাগণও যাঁহার বালসখীর ন্যায় আচরণ করিত, সেই পার্বতী, মহাদেবের বাক্যেই তাঁহার বারাগসী বিয়োগজন্য গভীর তাপ অনুভব করিতে পারিয়া, স্বয়ংই কাশীবিশয়ক প্রস্তাব করিতে প্রবৃত্ত হইলেন । ২৮ ।

শ্রীপার্বতী কহিলেন, হে শশিশেখর ! যে সময় সমুদ্রনিবহের জলরাশি উচ্ছলিত ভাবে আকাশতল পর্য্যন্ত ব্যাপিয়া অবস্থান করে, সেই সর্বসংহারী প্রলয়-কালেও যে কাশী মৃণালদণ্ডোপরিস্থ কুবলয়শোভাকে বিড়ম্বিত করিয়া, আপনার ত্রিশূলাগ্রভাগে বিরাজমানা থাকেন, আমরা সত্ত্বরই সেই অবিস্মৃক্তক্ষেত্র কাশীতে গমন করিতে পারিব । ২৯ । হে ধূর্জটে ! এই পর্বতশ্রেষ্ঠ মন্দরের ভূমি অতি সুন্দর হইলেও ইহাতে আমার চিন্তা সে প্রকার সুখলাভ করিতে সমর্থ হইতেছে না ; যে প্রকার পৃথিবীস্থ হইয়াও পৃথিবীমধ্যে অপরিগণিতা সকল পুরীগণের নীৰ্ব্বাহনীয়। সেই বারাগসীতে সুখলাভ করিতে সমর্থ হইত । ৩০ । যেখানে কলিকাল হইতে ভয় নাই, যেখানে মৃত্যু হইলে আর সংসারে আসিতে হয় না ও যেখানে পাপ হইতেও জীবের কোনরূপ ভয়ের সম্ভাবনা নাই, হে প্রভো ! সেই সর্বরমণীয় কাশীপুরী কোন্ দিন আমাদের নয়নাগতি হইবে ? ৩১ । হে প্রভো ! এই মলয়পর্বতে আমাদের সম্মুখে প্রতিপদে কি সর্বসমৃদ্ধিময় ভূমি অবস্থিত নাই ? কিন্তু হে শিব ! আমি আপনার নামে শপথ করিয়া বলিতেছি যে কাশী-সদৃশ সর্বগুণশালিনী কোন পুরীই আমার নয়নগোচর হয় নাই । ৩২ । হে পুরারে ! হে সংসারভয়হারিন্ ! অনন্তবিস্ময়রসের জন্মভূমির ন্যায় শতসংখ্যক পুরী কি ত্রিভুবনে বিদ্যমান নাই ? কিন্তু আপনার পুরী বারাগসীর একাংশের সহিত তুলনা করিতে গেলে, তাহারা সকলেই তৃণের ন্যায় হেয় হইয়া যায় । ৩৩ । কাশীবিরহজাত তীব্র জ্বর আমাকে যে প্রকার পীড়া প্রদান করিতেছে ; আপনাকে কখনই তাদৃশ পীড়িত করিতেছে না, হে শ্রিয় ! আমার এই তীব্রতাপ শাস্তির দুইটামাত্র উপায় দেখিতে পাইতেছি, এক সেই হৃদয়হারিণী বারাগসীপুরী, অথবা আমার জন্মভূমি সেই হিমালয় । ৩৪ । হে প্রভো ! সমস্ত সম্ভাপের একমাত্র বিনাশকারিণী সর্বশাস্তিপ্রদায়িনী কাশীভূমিকে লাভ করিয়া পূর্বে আমার জন্ম-ভূমিবিরহজাত তীব্রসম্ভাপও শাস্ত হইয়াছিল ; কিন্তু এখানে কাশী পরিত্যাগ করিয়া আমার দুইটা বিরহ যন্ত্রণা এককালেই সমুপস্থিত হইয়াছে । ৩৫ । এ সংসারে অশু কুত্রাপিও কোন ব্যক্তি, কোন কালে মুক্তিসম্পদের সাক্ষাৎকার লাভ করিতে সমর্থ হয় নাই, কিন্তু সর্বগ্রন্থপ্রদায়িনী কাশী, সাক্ষাৎ মুক্তিমতী-

মুক্তিলক্ষ্মীরূপে দেদোপ্যমানা রহিয়াছেন । ৩৬ । অশ্রু যত স্থান আছে ; কুত্ৰাপিও ইন্দ্রিয়চাক্ষু্যবিরহিত ত্র্যক্ষসমাধানরূপসমাধি প্রভৃতি, অনন্ত যজ্ঞ অথবা ত্র্যক্ষজ্ঞানেও তাদৃশ সুখ ও মুক্তিলাভ হয় না ; যেপ্রকার কাশীতে কেবল শরীরমাত্র পরিত্যাগে অনায়াসে মুক্তিলাভ করিতে পারা যায় । ৩৭ । বারাণসীপুরীতে সম্পদবিহীন অতি দরিদ্র ব্যক্তিও যে অশ্লভ সুখভোগে সমর্থ হয়, স্বর্গে অথবা অতি সুন্দর রসাতলে অবস্থিত জীবগণেরও তাদৃশ সুখের সম্ভাবনা নাই, ক্ষণভঙ্গুর দুঃখবহুল মর্ত্যভূমিতে সুখবিষয়িনী কথাও হইতে পারে না । ৩৮ । হে ত্রিশূলিন্ ! মোক্ষলক্ষ্মীকর্তৃক সর্বদা নিষেবিত আপনার পবিত্র অবিমুক্ত ক্ষেত্রের কথা কোন মনুষ্য যদি একবারও স্মরণ করে তাহা হইলে সে তৎক্ষণাৎ ষড়ঙ্গযোগের ফলভোগ করিতে সমর্থ হয় । ৩৯ । হে শিব ! বারাণসীতে প্রবেশপূর্বক ক্ষণকাল যে জীব আপনাতে মনঃস্থির করিতে পারে ; তাহার যাদৃশী শরীরবিষয়িনী সিক্তি লাভ হইয়া থাকে, অশ্রুত সম্যক্ প্রকারে ষড়ঙ্গযোগের অনুষ্ঠান করিলেও জীবনিবহের তাদৃশী শরীরসিক্তির সম্ভাবনা নাই, ইহা নিঃসংশয় । ৪০ । কাশীতে বুদ্ধিবৈভববিবৰ্জিত তিৰ্য্যাক্জন্ম লাভ করাও শ্রেষ্ঠ, কিন্তু বারাণসীদর্শনরূপমহাপুণ্যের অনুষ্ঠানহীন অতএব নিষ্ফল মনুষ্যজন্মও শ্রেষ্ঠ নহে, কারণ এবশ্বিধ মনুষ্যজন্ম জলবুদ্বুদের ন্যায় ক্ষণিক ও নিতান্ত নিষ্ফল । ৪১ । সেই নেত্রদ্বয়ই সার্থক ; যাহা কাশীদর্শনে সমর্থ হইয়াছে, সেই শরীরই কৃতার্থ ; যাহা কাশীতে নিবাস করিতে পারিয়াছে, যে মন কাশীকে আশ্রয় করিয়াছে ; সেই মনই সার্থক এবং যে মুখ কাশীর সান্নিধ্য লাভ করিতে পারিয়াছে সেই মুখই সার্থক । ৪২ । মণিকর্ণিকাভূমিকে প্রণাম করিবার কালে মনুষ্যের ললাটদেশসংলগ্ন কাশীর সেই পবিত্র রজঃই শ্রেষ্ঠ, কারণ ঐ শশিপ্রভার তুল্য সমুজ্জ্বল রজঃ দেবগণেরও বহুমাননীয়, পবিত্র রজঃ ও তমোগুণের বিনাশকারী । ৪৩ । যে মণিকর্ণিকায় দেহত্যাগ কালে শ্রবণেন্দ্রিয়, পরম-ত্র্যক্ষরূপ রসায়নের একমাত্র আধারস্বরূপ হইয়া থাকে, সেই মণিকর্ণিকার সহিত দেবলোক, সত্যলোক, বা নাগলোকও সাদৃশ্য লাভ করিতে সমর্থ হয় না । ৪৪ । সেই মণিকর্ণিকাস্থলী মহাতেজোরশির আধারভূতা, কারণ সেইস্থলে গমন করিলেই জীবগণের তমোরশি সূদূরে পলায়ন করে । অনন্তজন্মের তপস্তার দ্বারা অৰ্জ্জিত সেই মণিকর্ণিকাকে সূর্যা, অগ্নি বা ইন্দুর রশ্মিসমূহও পরাভব করিতে সমর্থ হয় না । ৪৫ । আমার বোধ হয় যেন, সেই মণিকর্ণিকাভূমি নির্বারণপদের ভদ্রপীঠ অথবা মোক্ষলক্ষ্মীর অতিমৃদুল শয্যা কিম্বা আনন্দময়কন্দনিবহের জন্ম-ভূমি । ৪৬ । যে মণিকর্ণিকায় দেহপাতরূপ পরমমহোৎসবের অভিলাষী জীবগণ,

উজ্জ্বলদ্যুতি তত্রস্থিত বালুকারাশির দ্বারা, অতীত মুক্ত জীবগণের সংখ্যা করিয়া থাকে, সেই মণিকর্ণিকার শোভা কি অনির্বচনীয় ! ৪৭ ।

স্বন্দ্র কহিলেন, হে মূনে । জননী পার্বতী এই প্রকারে বারাণসীপুরীর বর্ণনা করিয়া ; পুনরায় কাশীপ্রাপ্তির জন্ম মহাদেবকে বিজ্ঞাপন করিতে প্রবৃত্ত হইলেন । ৪৮ ।

শ্রীপার্বতী কহিলেন, হে প্রমথনাথ ! হে সর্বেশ ! হে নিত্যস্বাধীনবৃত্তে ! হে বরপ্রদ ! হে প্রভো ! আমি যাহাতে পুনর্ব্বার আনন্দবনে যাইতে সমর্থ হই তাহার বিধান করুন । ৪৯ । সুধামাধুর্য্যতিরস্কারিণী কাশীস্তুতিবিধায়িনী মনোহারিণী এই বাণী শ্রবণপূর্ব্বক মহাদেব, অতি আনন্দে পার্বতীকে প্রত্যুত্তর করিতে প্রবৃত্ত হইলেন । ৫০ ।

শ্রীমহাদেব কহিলেন, অগ্নি প্রিয়তমে গৌরি ! তোমার বাক্যসুধা পান করিয়া আমি অতিশয় তৃপ্তি লাভ করিতে পারিয়াছি । এই ক্ষণেই আমি কাশীতে যাইবার জন্য উদ্যোগ করিতেছি । ৫১ । হে দেবি ! আমার মহৎ একটা ত্রুটি আছে যে, অন্যব্যক্তি কৰ্ত্তৃক উপভুক্ত কোন বস্তুই আমি উপভোগ করিব না, ইহা তুমিই সম্পূর্ণরূপে অবগত আছ । ৫২ । ত্রাস্তার বরপ্রভাবে দিবোদাস মহীপতি, এক্ষণেও ধর্ম্মের সহিত সেই পুরীকে পালন করিতেছে ; সে ব্যক্তির অধীনে আর আমি কাশী যাইতে পারিতেছি না, অতএব এক্ষণে কাশী যাইবার জন্য কোন্ উপায় অবলম্বিত হইতে পারে ? ৫৩ । ধর্ম্মিষ্ঠ ও প্রজাপালনতৎপর সেই রাজা দিবোদাসকে কোন্ উপায়ে কাশী হইতে বিযুক্ত করা যাইতে পারে ? ৫৪ । অধর্ম্মপরায়ণ হইলেই কাশীনিবাসে বিষলাভ করিতে হয়, কিন্তু ধর্ম্মপরায়ণ হইলে কাহাকেও কাশী হইতে বহিষ্কৃত করিতে পারা যায় না । এক্ষণে এমন কোন্ ব্যক্তিকে কাশীতে প্রেরণ করি ; যে ব্যক্তি দিবোদাসকে ধর্ম্ম হইতে স্খলিত করত কাশী হইতে নিকাশিত করিতে সমর্থ হইবে । ৫৫ ।

হে প্রিয়তমে ! ধর্ম্মমার্গামুসারীগণের বলপূর্ব্বক বিঘ্ন উৎপাদন করিলে তাহাদিগের কিছুই হয় না ; প্রত্যুত বিঘ্নকর্ত্তাকেই অনিষ্টভাগী হইতে হয় । ৫৬ । হে প্রিয়ে শিবে ! কোন ছিদ্র না পাইলে আমি তাহাকে, কাশী হইতে নিকাশিত করিতে পারিতেছি না, কারণ ধার্ম্মিকশ্রেষ্ঠগণকে আমি সর্ব্বদাই রক্ষা করিয়া থাকি ; তাহাদিগকে বিনা দোষে কোন প্রকারেই উৎসাদন করিতে পারি না । ৫৭ । এই সংসারে যে ব্যক্তি সর্ব্বপ্রকারে স্বকীয় ধর্ম্মের অনুষ্ঠান করিয়া থাকে ; তাহাকে জরা আক্রমণ করিতে পারে না, মৃত্যু তাহার বিনাশে অসমর্থ এবং কোন প্রকার ব্যাধিও তাহাকে দুঃখ দিতে সমর্থ নহে । ৫৮ ।

মহাদেব এই সমস্ত ব্যস্ত করিতে করিতে পুরোভাগে মহাকাৰ্য্যের সাধনক্ষম অতিপ্রৌঢ় যোগিনীগণকে দেখিতে পাইলেন । ৫৯ । হে মহামুনে ! অনন্তর দেবী গিরিজার সহিত পরামর্শ করিয়া দেবদেব হর, যোগিনীগণকে আহ্বানপূর্বক এই প্রকার আদেশ করিলেন যে, “হে যোগিনীগণ ! তোমরা সত্ত্বর যেখানে রাজা দিবোদাস ধর্ম্মানুসারে প্রজাপালন করিতেছে ; সেই বারাণসী পুরীতে গমনপূর্বক যে প্রকারে সেই রাজা দিবোদাস স্বধর্ম্ম-বিচ্যুত হইয়া কাশী হইতে বহিষ্কৃত হইতে পারে, সেই উপায় সত্ত্বর অবলম্বন কর, এই কার্য্য তোমাদিগের অসাধ্য নহে, কারণ তোমরা সকলেই যোগবলে মায়াক্রপী । হে যোগিনীগণ ! যেপ্রকারে আমি পুনর্ব্বার বারাণসীপুরীকে নবীনভাবে নিৰ্ম্মাণপূর্বক তাহাতে গমন করিতে পারি, তোমরা তাহার বিধান কর” । ৬০-৬৩ ।

ভগবান্ মহেশ্বরের এবম্বিধ প্রসাদ প্রাপ্ত হইয়া তাহা মন্তকে ধারণপূর্বক যোগিনীগণ মহাদেবকে প্রণাম করত সেই স্থান হইতে প্রস্থান করিলেন । ৬৪ । সেই যোগিনীগণ অতি হর্ষসহকারে পরস্পর আলাপ করিতে করিতে নভোমার্গ অবলম্বন করত মন হইতে অধিকবেগে বারাণসী অভিমুখে গমন করিতে লাগিলেন । ৬৫ । পথে যাইতে যাইতে যোগিনীগণ এই প্রকারে আলাপ করিতে লাগিলেন যে, অত্ৰ আমরা কৃতার্থ হইলাম ; কারণ দেবদেব মহাদেব স্বয়ং অনুগ্রহ করিয়া আমাদের আনন্দকাননে প্রেরণ করিয়াছেন । ৬৬ । অত্ৰ আমাদের অতি দুর্লভ দুইটি মহালাভ হইল ; একটি মহাদেবের সাক্ষাৎ অনুগ্রহ, দ্বিতীয়টি বারাণসীদর্শন । ৬৭ । এই প্রকারে প্রমুদিতহৃদয় যোগিনীগণ, মন্দরাদ্রিকূঞ্জ হইতে বহির্গত হইয়া আকাশমার্গে অতিদ্রুততর গতি অবলম্বনপূর্বক, অচিরাত্ দূর হইতে ত্রিনেত্রনগরী বারাণসী দেখিতে পাইলেন । ৬৮ ।

## পঞ্চচত্বারিংশ অধ্যায় ।



কাশীতে চতুঃষষ্ঠি যোগিনীর আগমন ।

স্বন্দ্র হইলেন, অনন্তর সেই যোগিনীস্বন্দ্র দূর হইতে নেত্র প্রসারণ করিয়া কাশী সন্দর্শন করত আপনাদের নেত্রের বিস্তৃততার প্রশংসা করিতে লাগিলেন । ১ ।

কাশীস্থ দিব্য-প্ৰাসাদসমূহৰ উপৰ উড্ডীয়মান পতাকানিচয় সন্দৰ্শনে তাঁহাদেৱ  
বোধ হইল যেন, উহা দূৰ হইতে পান্থগণকে সাদৰে আহ্বান কৰিতেছে এবং  
প্ৰাসাদস্থিত রত্ননিচয়ের সুবিমল জ্যোতিতে সুনীল গগনতলও নিশ্চলরূপ পরিদৃষ্ট  
হইতেছে। ২-৩। অনন্তর যোগিনীগণ মায়ার দ্বারা স্বস্ব দেবমুক্তি তিরোহিত  
করিয়া ধূর্ত বেশ ধারণ করত কাশীতে প্ৰবেশ করিলেন। কেহ যোগিনীৰ, কেহ  
তপস্বিনীৰ, কেহ সৈৱিক্তীৰ বেশ ধারণ করিলেন এবং কেহ বা মাসোপবাসত্ৰতিনী  
হইলেন, কেহ মালিনী সাজিলেন, কেহ বা নাপিতপত্নীৰ বেশ ধারণ করিলেন,  
কেহ সূতিকৰ্ম্মে দক্ষা, কেহ বা ভৈষজ্যানিপুণা, কেহ বা ক্ৰয়বিক্ৰয়চতুৰা বৈষ্ণাৱ  
বেশ ধরিলেন, কেহ ব্যালগ্ৰাহিনীৰ বেশ ধরিলেন, কেহ ধাত্ৰী, কেহ বা দাসী  
হইলেন, কেহ নৰ্ত্তকীৰ বেশ ধারণ করিলেন, কেহ গায়িকা হইলেন, কেহ বা  
বেণুবাজে কুশলা সাজিলেন, কেহ বা উৎকৃষ্ট বীণা ধারণ করিলেন, কেহ মৃদঙ্গ-  
বাদনজ্ঞা হইলেন, কেহ বশীকরণ কৰ্ম্মে পটু সাজিলেন, কেহ মুক্তামালাগ্ৰথিকা  
হইলেন, কেহ গন্ধবিভাগবিধিজ্ঞা, কেহ বা কলাবিদ্যায় দক্ষা হইলেন, কেহ  
আলাপোল্লাসকুশলা, কেহ বা ভিক্ষুকী সাজিলেন, কেহ রজ্জুমাৰ্গে বংশাধিরোহণে  
নিপুণা সাজিলেন, কেহ ছিন্নবস্ত্ৰধাৰিণী হইয়া পথিমধ্যে কাঁতুলেৰ স্মায় ব্যবহাৰ  
কৰিতে লাগিলেন, কেহ বা অপুত্ৰগণেৰ পুত্ৰদা হইয়া তথায় অবস্থান কৰিতে  
লাগিলেন, কেহ গণকপত্নীৰূপে লোকেৰ হস্ত ও পদেৰ রেখা দেখিয়া শুভাশুভ  
লক্ষণ বলিতে লাগিলেন, কেহ চিত্ৰকাৰ্য্যনিপুণা সাজিয়া জনগণেৰ মন হরণ কৰিতে  
লাগিলেন, কেহ বশীকরণমন্ত্ৰজ্ঞা সাজিয়া তথায় বিচরণ কৰিতে লাগিলেন, কেহ  
শুটিকাসিদ্ধিদা, কেহ বা অঞ্জনসিদ্ধিদা সাজিলেন, কেহ ধাতুপৰীক্ষায় বিদক্ষা, কেহ  
বা পাতুকাসিদ্ধিদা হইলেন, কেহ অগ্নিস্তম্ভন, কেহ জলস্তম্ভন এবং বাক্যস্তম্ভন  
শিক্ষায় নিপুণা হইলেন, কেহ খেচৰাৱ, কেহ বা অদৃশ্য প্ৰদান কৰিতে লাগিলেন,  
কেহ আকৰ্ষণ বিদ্যা কেহ বা উচ্চাটন বিদ্যা প্ৰদান কৰিতে লাগিলেন, কেহ বা  
আপনাৰ শৰীৰলাবণ্যে যুবাগণেৰ চিত্তবিমোহিনী হইলেন, কেহ চিন্তিতাৰ্থপ্ৰদা  
কেহ বা জ্যোতিষশাস্ত্ৰে পণ্ডিতা সাজিলেন, এইৰূপ নানাবিধ বেশ ও ভাষাৰ দ্বাৰা  
বহুমূৰ্ত্তি ধারণ কৰত যোগিনীগণ প্ৰত্যেক পুৰবাসীৰ গৃহে ভ্ৰমণ কৰিতে লাগিলেন।  
এই ভাবে এক বৎসৰ পৰ্য্যন্ত ভ্ৰমণ কৰিয়াও তাঁহাৰা দিবোদাস নৃপতিৰ বিম্ব  
কৰিবাৰ উপযোগী কোন ছিত্ৰ পাইলেন না, তখন ব্যৰ্থমনোৱৰ্থ হইয়া সকলে পৰামৰ্শ  
কৰত মন্দৰপৰ্বতে গমন না কৰিয়া কাশীতেই অবস্থান কৰিতে লাগিলেন। ৪-১৯।  
সভায় ক্ৰিয়াদক্ষ বলিয়া সম্মানিত কোন ব্যক্তিই বা প্ৰভুৰ কাৰ্য্য সম্পাদন না



করিয়া প্রভুসন্নিধানে অক্ষতশরীরে অবস্থান করিতে সমর্থ হয় ? হে মুনে ! যোগিনীগণ আর একটি চিন্তা করিয়াছিলেন যে, প্রভু ব্যতিরেকেও আমরা জীবন ধারণ করিতে পারিব, কিন্তু কাশী ছাড়িয়া আমাদের জীবন ধারণ কঠিন । ভৃত্য, নিজের সাধু হইলে প্রভু রুষ্ট হইয়া তাহার জীবিকামাত্র উচ্ছেদ করিতে পারেন ; কিন্তু কাশী করত্র্যষ্ট হইলে পুরুষার্থচতুষ্টয় বিনষ্ট হইয়া যাইবে এই ভাবিয়া, হে মুনে ! যোগিনীগণ সেই দিন অবধি আজ পর্য্যন্ত কাশী পরিত্যাগ না করত ত্রিভুবন সঞ্চারিণী হইয়াও কাশীতেই অবস্থান করিতেছেন । ২০-২৩ । যে দুর্ন্যতি একবার কাশীকে প্রাপ্ত হইয়া তাহা উপেক্ষা করে, বাস্তবিকই তাহার ধর্ম, অর্থ, কাম ও মোক্ষ উচ্ছেদ হয় । কোন্ দুর্ন্যতি মোক্ষনিক্ষেপকলসী শ্রীমতী কাশীকে প্রাপ্ত হইয়া স্থানান্তরে গমনের অভিলাষ করে ? ঈশ্বর আমাদের প্রতি বিমুখ হইলেও আমরা কাশী সন্দর্শন করিয়াছি, সেই পুণ্যবলে ঈশ্বর আমাদের প্রতিকূল হইবেন ইহাতেই, হে মুনে ! আমরা উভয়েই কৃতকৃত্য হইয়াছি । ২৪-২৬ । কতিপয় দিবসের মধ্যেই সর্ব্বজ্ঞ ভগবান্ ত্রিলোচনও কাশীতে আগমন করিবেন, যে হেতু কাশী ব্যতিরেকে অশ্রুস্থানে তাঁহার প্রীতি নাই । এই কাশী ভগবান্ শস্তুরই কোন অদ্ভুত শক্তিবিশেষ, ইহাকে কেহই দেখিতে পায় না, কেবল মহেশ্বরই ইহার পরমস্বথ অনুভব করিতে পারেন । ২৭-২৮ । যোগিনীগণ মনে মনে এইরূপ নিশ্চয় করিয়া কোন মায়াবিশেষে আবৃত হইয়া শস্তুর আনন্দকাননেই বাস করিতে লাগিলেন । ২৯ ।

য্যাস কহিলেন, অগস্ত্য মুনি এই সমস্ত শ্রবণ করিয়া পুনরায় ষড়াননকে জিজ্ঞাসা করিলেন যে, হে প্রভো ! সেই যোগিনীসমূহের কি নাম, কাশীক্ষেত্রে তাঁহাদের আরাধনায় কি ফল প্রাপ্ত হওয়া যায় এবং কোন্ পর্ব্বদিনে কি প্রকারে তাঁহাদের পূজা করা উচিত তাহা বলুন । ৩০-৩১ । পার্বতীনন্দন স্বন্দ অগস্ত্যের এই প্রশ্ন শ্রবণ করিয়া বলিলেন যে, হে মুনে ! বলিতেছি ; তুমি অবহিত হইয়া শ্রবণ কর । ৩২ ।

স্বন্দ কহিলেন, হে ষটোদ্ভব ! আমি যোগিনীগণের নাম কীর্তন করিতেছি ; যাহা শ্রবণে ক্ষণমধ্যে পাপসমূহ বিলীন হইয়া থাকে । ৩৩ । গজাননা, সিংহমুখী, গৃধ্রাস্তা, কাকতুণ্ডিকা, উষ্ট্রগ্রীবা, হয়গ্রাবা, বরাহী, শরভাননা, উলূকিকা, শিবান্না, ময়ূরী, বিকটাননা, অষ্টবক্রা, কোটরাক্ষী, কুজা, বিকটলোচনা, শুকোদরী, লোলজিহ্বা, শব্দংষ্ট্রী, বানরাননা, রুক্ষাক্ষী, কেকরাক্ষী, বৃহত্তুণ্ডা, সুরাপ্রিয়া, কপালহস্তা, রক্তাক্ষী, শুকী, শেনী, কপোতিকা, পাশহস্তা, দণ্ডহস্তা, প্রচণ্ডা, চণ্ড-

বিক্রমা, শিশুম্বী, পাপহস্তী, কালী, রুধিরপায়িনী, বসাদারা, গর্ভভক্ষা, শবহস্তা  
অম্বালিনী, স্থলকেশী, বৃহৎকৃষ্ণী, সর্পাস্তা, প্রেতবাহনা, ব্রহ্মশূককরা, ক্রোধী, মৃগ-  
লীলা, বৃষাননা, ব্যাস্তাস্তা, ধূমনিংখাসা, ব্যোমৈকচরণা, উর্দ্ধদৃক্, তাপনো, শোষণী  
দৃষ্টি, কোটরী, স্থল নাসিকা, বিদ্যাপ্রভা, বলাকাস্তা, মার্জ্জারী, কটপূতনা, অট্টাট্ট-  
হাসা, কামাক্ষী, মৃগাক্ষী, মৃগলোচনা । এই চতুঃষষ্টি নাম যে ব্যক্তি প্রত্যহ ত্রিসন্ধ্যা  
জপ করে ; তাহার দুইবাধা শাস্তি হয় । যে ব্যক্তি এই সকল নাম পাঠ করে ;  
ডাকিনী, শাকিনী, কুম্ভাণ্ড বা রাক্ষসগণ তাহাকে কোন রূপ পীড়া প্রদান করিতে  
পারে না ৩৪-৪৩ । এই সমস্ত নাম, শিশুগণের শাস্তিকারক, গর্ভশাস্তিকর এবং  
রণে, রাজকূলে ও বিবাদে জয় প্রদান করিয়া থাকে । যে ব্যক্তি যোগিনীপীঠের  
সেবা করে, সে অভীষ্ট সিদ্ধি লাভ করে । যোগিনীপীঠে মন্ত্রাস্তর জপ করিলেও  
সিদ্ধি লাভ করিতে পারা যায় । ৪৪ ৪৫ । বলি, পূজা, উপহার, ধূপ ও দীপ  
সমর্পণ করিলে যোগিনীগণ সত্ত্বর প্রসন্ন হইয়া মনোরথ সকল পূর্ণ করিয়া থাকেন ।  
শরৎকালে বিধিপূর্বক যোগিনীপীঠে মহাপূজা করিয়া স্নাত্তহোম করিলে মহতী সিদ্ধি  
লাভ করিতে পারা যায় । ৪৬-৪৭ । আশ্বিন মাসের শুক্ল পক্ষের শুভ প্রতিপদ  
হইতে আরম্ভ করিয়া নবমী পর্য্যন্ত যোগিনীগণের পূজা করিলে অভীষ্ট অর্থ লাভ  
হইয়া থাকে । নব কৃষ্ণপক্ষের চতুর্দশী তিথিতে উপবাসী থাকিয়া যোগিনী পীঠে  
রাত্রি জাগরণ করিলে মহতী সিদ্ধিলাভ করিয়া থাকে । ৪৮-৪৯ । মানব ভক্তি  
সহকারে প্রত্যেক নামের আদিত্তে প্রণব যুক্ত করিয়া, নামের অন্তে চতুর্থী বিভক্তি  
প্রয়োগ পূর্বক নিশাকালে প্রত্যেক মন্ত্রে সূক্ষ্মবদরী ফল প্রমাণ স্নাত যুক্ত গুগ্গুলুর  
দ্বারা হোম করিলে মনোভীষ্ট লাভ করিয়া থাকে । ৫০-৫১ । চৈত্রমাসের কৃষ্ণ-  
পক্ষের প্রতিপদে পুণ্যকুঞ্জের ক্ষেত্রবিশ্ব শাস্তির জন্ত চতুঃষষ্টিযোগিনীর যাত্রা  
করা উচিত, যে ব্যক্তি অবজ্ঞাপূর্বক বৎসরান্তে ঐ দিনে চতুঃষষ্টিযোগিনীর যাত্রা না  
করে, যোগিনীগণ সেই কাশীবাসির বিশ্ব সম্পাদন করিয়া থাকেন, যোগিনীগণ  
মণিকর্ণিকাকে সম্মুখে রাখিয়া কাশীতে অবস্থিতি করিতেছেন, তাঁহাদিগকে নমস্কার  
করিলে মানব বিশ্বের দ্বারা পীড়িত হয় না । ৫২-৫৩ ।

## ষট্চত্বারিংশ অধ্যায় ।

—:~:—

লোলার্ক বর্ণন ।

স্কন্দ কহিলে, হে ঘটোম্বব ! যোগিনীবৃন্দ কাশীতে গমন করিলে দেবদেব মহেশ্বর, কাশীর বার্তা জানিবার ইচ্ছায় পুনরায় তথায় সূর্য্যকে প্রেরণ করিতে প্রবৃত্ত হইলেন । ১ ॥

দেবদেব কহিলেন, হে সপ্তাশ্ব ! তুমি শীঘ্র শুভ বারণসীধামে যেখানে ধর্ম্ম মূর্ত্তি দিবোদাস মহাপতি রাজ্য করিতেছেন, তথায় গমন কর । সেই নৃপতির অধর্ম্মে যাহাতে সেই ক্ষেত্র উচ্ছিন্ন হইয়া যায়, ত্রায় তাহা কর, কিন্তু সেই নৃপতির অবমাননা করিও না । ২-৩ । কারণ যে ব্যক্তি ধর্ম্মমার্গনিরত, তাহার যাহা অবমাননা করা যায় নিশ্চয়ই সে সমস্ত নিজেরই অবমাননা হয় এবং তাহাতে গুরুতর পাপ হইয়া থাকে । তোমার বুদ্ধিবলে যদি কোন প্রকারে সেই মহাপতি স্বধর্ম্মচ্যুত হন, তাহা হইলে তুমি দুঃসহ কিরণ জালে সেই নগরীকে উত্তাপিত করিবে । ৪-৫ । কাম, ক্রোধ, লোভ, মোহ, মৎসর ও অহঙ্কার ইহাদের কাহারও সেই নৃপতির উপর প্রেরণ নাই, সূত্রাং স্বয়ং কালও তাঁহাকে জয় করিতে অসমর্থ । ৬ । হে রবে ! যে পর্য্যন্ত মতি ও মন ধর্ম্মে স্থির থাকে সে পর্য্যন্ত বিপদকাল উপস্থিত হইলে ও মানবগণের বিঘ্ন কোথায় ? হে ত্রয় ! এ জগতে তুমি সকলেরই চেষ্টিত অবগত আছ ; অতএব হে জগচ্চক্ষুঃ ! তুমি কার্য্যসিদ্ধির জন্ত সত্বর গমন কর । ৭-৮ । ( স্কন্দ কহিলেন ) সূর্য্য, দেবদেবের এই আজ্ঞা গ্রহণ করিয়া, নভোমার্গ-গামিনী নিজের আর একটি মূর্ত্তি কল্পনা করিয়া দিবাত্রা ব্যাপিয়া কাশীর অভিমুখে গমন করিতে লাগিলেন । গমনকালীন কাশীসন্দর্শনলালসায় সূর্য্যের মন অতিশয় ব্যাকুল হইতে লাগিল, তাহাতে তিনি স্বয়ং সহস্রপদ হইয়াও বহুপদতা লাভ করিতে ইচ্ছা করিয়াছিলেন । ৯-১০ । কাশী সন্দর্শনাভিলাষে নিরন্তরগমনশীল সেই সূর্য্যের “হংস” \* এই নামটী সেই সময় সার্থক হইয়াছিল । ১১ । অনন্তর অন্ত-বহিষ্চর রবি কাশীক্ষেত্রে গমন করিয়া, সেই নৃপতির স্বল্পমাত্রও অধর্ম্ম দেখিতে

\* সর্ষদা যিনি গমন করেন, তাঁহাকে হংস কহা যায় ; সূর্য্যের একটি নাম হংস ।  
অম্বাবক ।

পাইলেন না । তিনি এক বৎসরকাল নানা রূপে কাশীতে বাস করিয়াও কিছুতেই সেই ধার্মিক নৃপতির কোন প্রকার ছিত্র পাইলেন না । ১২-১৩ । কোন দিবস সূর্য্য অতিথির বেশ ধারণ করিয়া দুর্লভ পদার্থ প্রার্থনার অভিলাষে ইতস্ততঃ ভ্রমণ করিতেন, কিন্তু সেই নৃপতির রাজ্যে কোন পদার্থই দুর্লভ দেখিতে পাইতেন না, কোন দিন যাচকের বেশ ধারণ করিতেন কোন দিন বহুদাতা হইতেন, কখন দীনবেশে, কখন বা গণকবেশে বিচরণ করিতেন, কোন সময়ে লোক মধ্যে বেদবহিষ্ঠৃত ক্রিয়া প্রতিপাদন করিতেন, কোন সময়ে নাস্তিকের বেশে প্রত্যক্ষ দৃষ্ট বস্তু মাত্র প্রতিপন্ন করিতেন, কোন সময়ে জটাধারী হইতেন কখন বা দিগম্বর রূপে বিচরণ করিতেন । কোন সময়ে বিষবিদ্যানিপুণ জাদুলিক সাজিতেন, কখন সমস্ত পাষণ্ড-ধর্ম্মের স্রাতা কখন বা ব্রহ্মবাদী হইতেন, কোন সময়ে ঐন্দ্রজালিক সাজিয়া জননিচয়কে মোহিত করিতেন, কোন সময়ে দৃষ্টান্ত উল্লেখ পূর্ব্বক নানাবিধ ত্রুতপদেশ ও কথাচ্ছলে পতিব্রতা স্ত্রীগণের চিত্তসাগরকে ক্ষুব্ধ করিবার চেষ্টা করিতেন, কোন সময়ে কাপালিক সাজিতেন ; কখন বা ব্রাহ্মণের বেশ ধারণ করিতেন, কখন ব্রহ্মজ্ঞানী কখন ধাতুবাদী, কখন রাজপুত্র, কখন বৈশ্য কখন বা শূদ্র সাজিতেন, কখন গৃহীবেশে, কখন ব্রাহ্মারীবেশে কখন বা বনচরবেশে বিচরণ করিতেন, কখন যতি, কখন সর্ববিদ্যা নিপুণ এবং কখন বা সর্বজ্ঞ সাজিয়া জনসমূহকে মোহিত করিতেন । ১৪-২২ । গ্রহেশ্বর সূর্য্য এই প্রকার নানা রূপে কাশীক্ষেত্রে বিচরণ করিয়াও কোন সময়েই কোন ব্যক্তির কোন রূপ ছিত্র দেখিতে পাইলেন না । তখন তিনি চিন্তা-ব্লিত হইয়া আপনাকে নিন্দা করিতে লাগিলেন । পরশ্রেষ্টাতাকে ধিক্ ! যাহাতে কোন দিনই যশোলাভ হয় না । ২৩—২৪ ।

সূর্য্য কহিলেন, যদি আমি এক্ষণে মন্দের পর্ব্বতে গমন করি ; তাহা হইলে মহেশ্বর সামান্য ভূত্যের আয় আমার উপর তৎক্ষণাৎ ব্রূদ্ধ হইবেন, কারণ আমি কাশীতে আসিয়া তাঁহার কার্য্যের কিছুই করিতে পারিলাম না, তাঁহার কোপ ও স্বীকার করিয়া যদি তথায় গমন করি ; তাহা হইলেও তাঁহার সম্মুখে মুঢ় ভূত্যের আয় কি প্রকারেই বা অবস্থান করিব ? ২৫-২৬ । তাঁহার সেই অপমান ও স্বীকার করিয়া যদি কোন রূপে তথায় গমন করি ; তাহা হইলে ভগবান্ ত্রিলোচন যদি ক্রোধভরে আমার প্রতি দৃষ্টি নিক্ষেপ করেন, তবেত আমাকে তখন বিষপানই করিতে হইবে, হরকোপানলে যদি পতঙ্গের আয় দৃষ্ট হই ; তাহা হইলে স্বয়ং নিধাতা ও তখন আমাকে রক্ষা করিতে পারিবেন না । ২৭-২৮ । অতএব আমি এই ক্ষেত্র কখনই পরিত্যাগ করিব না, ক্ষেত্র সম্মাস গ্রহণ পূর্ব্বক এই বারাগসীতেই

আশ্রম নির্মাণ করিয়া অবস্থান করি। মহাদেবের নিকট তাঁহার কার্য্য বৃত্তান্ত নিবেদন না করিয়া এস্থানে অবস্থান করিলে যে পাপ হইবে, কাশী অবশ্যই সে পাপ হইতে আমাকে নিষ্কৃতি দান করিবেন। অন্ত্যাত্ম গুরু, লঘু বাবদীয় পাপই কাশীক্ষেত্রে প্রবেশ করিলেই ক্ষয় হইয়া যায়। আমি কিছু বুদ্ধি পূর্বক এ পাপ উপার্জিত করিতেছি না, মহাদেবই আজ্ঞা করিয়াছেন যে স্বধর্ম্ম রক্ষা করিবে। এই বিনশ্বর দেহেতে যে ব্যক্তি ধর্ম্ম রক্ষা করিতে পারেন, তাঁহার দ্বারা ত্রৈলোক্য রক্ষিত হয়, কাম ও অর্থের সুরক্ষাবিধানে কি প্রয়োজন? যদি কামই রক্ষণীয় হইবে, তাহা হইলে বহুতর প্রাণীর স্মৃৎকারী সেই, কাম, কামারিকর্তৃক কেন ক্ষণমধ্যে অনন্ততা প্রাপ্ত হইল? অর্থও যদি রক্ষণীয় হইত তবে মহারাজ হরিশ্চন্দ্র কেন বিশ্বামিত্র হইতে স্বীয় অর্থ রক্ষা করেন নাই? ২৯-৩৫। কিন্তু দটীচিপ্রমুখ ভ্রাক্ষণ শ্রেষ্ঠগণ এবং শিবি প্রভৃতি নৃপতিগণ শরীরব্যয় করিয়াও ধর্ম্ম রক্ষা করিয়াছেন। কাশীর সেবাজনিত সেই ধর্ম্মই আমাকে মহেশ্বরের ক্রোধ হইতে রক্ষা করিবে ইহাতে সংশয় নাই। ৩৬-৩৭। দুষ্প্রাপ্য কাশীক্ষেত্র লাভ করিয়া কোন ব্যক্তি তাহা পবিত্র্যাগ করে? কোন সচেতন ব্যক্তি করস্বরত্ন পরিত্যাগ করিয়া কাচগ্রহণ করিতে অভিলাষী হয়? যে ব্যক্তি বারাগসী পরিত্যাগ করিয়া অন্ত্র গমনের অভিলাষ করে, সে ব্যক্তি অমূল্য নিধির উপর পদাঘাত করিয়া ভিক্ষার দ্বারা অর্থ অভিলাষ করিয়া থাকে। ৩৮-৩৯। প্রতিজ্ঞায়েই এ জগতে পুত্র, মিত্র, কলত্র, ক্ষেত্র, এবং ধন প্রাপ্ত হওয়া যায়, কেবল একমাত্র কাশীই পাওয়া যায় না। যে ব্যক্তি ত্রৈলোক্যোদ্ধরণক্ষমা কাশী লাভ করিতে পারে; সে ত্রৈলোক্যের ঐশ্বর্য্যরাশির দ্বারা ও দুষ্প্রাপ্য মহাস্মৃৎ লাভ করিয়া থাকে। ৪০-৪১। মহাদেব ক্রম্ট হইয়া আমার তেজেরই হানি করিবেন কিন্তু আমি কাশীতে থাকিলে আত্মজ্ঞান জনিত বিমল তেজ লাভ করিতে পারিব। যে পর্য্যন্ত কাশী জনিত তেজঃ প্রকাশ না পায়, তাবৎ পর্য্যন্তই খতোতসদৃশ অন্ত্যাত্ম তেজঃ সমূহ দীপ্তি পাইয়া থাকে। ৪২-৪৩। কাশীর প্রভাবজ্ঞ ও তমঃসমূহের অপনয়নকারী সূর্য্য এই সমস্ত চিন্তা করত আপনাকে দ্বাদশ রূপে বিভক্ত করিয়া কাশীতেই অবস্থিতি করিলেন। কাশীপুরেতে লোলার্ক, উত্তরার্ক সান্বাদিত্য, দ্রুপদাদিত্য, মম্বুখাদিত্য, খেখোন্ধাদিত্য, বৃদ্ধাদিত্য, কেশবাদিত্য, বিমলাদিত্য, গন্ধাদিত্য এবং দ্বাদশাদিত্য এই দ্বাদশাদিত্য সর্বদা পাণীগণ হইতে ক্ষেত্রকে রক্ষা করিয়া থাকেন। ৪৪-৪৭। কাশীসন্দর্শনে সূর্য্যের মন অতিশয় লোল হইয়াছিল এইজন্য কাশীতে সেই সূর্য্যের লোলার্ক এই নাম হইয়াছে। দক্ষিণদিকে অগ্নিসঙ্গমের নিকট লোলার্ক অবস্থিত আছেন, তিনি সর্বদা কাশীবাসি জনের মঙ্গল

করিয়া থাকেন । ৪৮-৪৯ অগ্রহায়ণ মাসের রবিবারে ষষ্ঠী বা সপ্তমী তিথিতে লোলা-  
 র্কের বার্ষিকী যাত্রা করিলে, মানব পাপ হইতে বিমুক্ত হয় । মানব সম্বৎসরাবধি  
 যে সমস্ত পাপ কর্ম করে, ষষ্ঠী যুক্ত রবিবারে লোলার্কদর্শন করিলে তৎক্ষণাৎ সেই  
 সমস্ত পাপ হইতে মুক্ত লাভ করে । মানব অসিসঙ্গমে স্নান করত তথায় বিধি  
 পূর্বক পিতৃ ও দেবগণের তর্পণ এবং শ্রাদ্ধ করিলে পিতৃঋণ হইতে মুক্ত হয় ।  
 লোলার্ক সঙ্গমে স্নান, দান, হোম ও দেবতর্চনা প্রভৃতি যাহা কিছু সংকর্ষ করা  
 যায় ; তাহা অনন্ত ফলের নিমিত্ত কাল্পিত হইয়া থাকে । ৫০-৫৩ । সূর্য্যগ্রহণ  
 কালীন লোলার্ক যাহা কিছু দানাদি ক্রিয়া করা যায় তাহাতে কুরুক্ষেত্রে সূর্য্যগ্রহণ  
 কালীন দানাদি অপেক্ষা দশগুণ অধিক পুণ্যলাভ হইয়া থাকে, মাঘমাসের শুক্ল-  
 পক্ষের সপ্তমী তিথিতে গঙ্গা ও অসির সঙ্গমস্থলে লোলার্ক স্নান করিলে মানব  
 সপ্তজন্মকৃত পাপরাশি হইতে তৎক্ষণাৎ মুক্তি লাভ করিয়া থাকে । ৫৪-৫৫ । যে  
 শুচিব্যক্তি প্রতি রবিবারে লোলার্ক সন্দর্শন করে, তাঁহার ইহলোকে কোন প্রকার  
 দুঃখ হয় না । যে ব্যক্তি প্রতিরবিবারে লোলার্কদর্শন ও তাঁহার পাদোদক সেবা  
 করে ; তাহার কখন কোন রূপ দুঃখ, দক্ষণামা, (রোগবিশেষ) ও বিচর্চিকা হয় না  
 । ৫৬-৫৭ । যে ব্যক্তি বারাণসীতে বাস করিয়া ও লোলার্কের সেবা না করে ;  
 সে নিরন্তর ক্ষুধা ও ব্যাধিসম্ভূত ক্লেশনিচয়ে পীড়িত হইয়া থাকে । লোলার্ক কাশীস্থ  
 ষাণ্মতী তীর্থের মন্তক স্বরূপ, সেই লোলার্কের জলের দ্বারা প্লাবিত অগ্ন্যাদি তীর্থ  
 নিচয় তাহার অঙ্গ সমূহ স্বরূপ । ৫৮-৫৯ । পৃথিবীস্থ অগ্ন্যাদি সমুদয় তীর্থই অসিসঙ্গম  
 তীর্থের ঘোড়শকলার এককলার ও তুল্য নহে । ৬০ । সমস্ত তীর্থে স্নান করিলে  
 যে ফল লাভ হয় ; গঙ্গা ও অসির সঙ্গম স্থলে স্নান করিলে মানব অবিকল সেই ফল  
 লাভ করিয়া থাকে । হে মুনে ! ইহা অর্থবাদ ও নহে, স্তুতি বাদ ও নহে, ইহা ষাণ্মতী  
 বাক্য, সাধুগণের আদরসহকারে এই বাক্যের উপর শ্রদ্ধা করা উচিত । ৬১-৬২ । যে  
 স্থানে সাক্ষাৎ বিশ্বেশ্বর ও স্বর্গতরঙ্গিণী বিদ্যমান রহিয়াছেন, সেই স্থানে কেবল  
 আত্মাভিমাত্রী তর্কিকগণই এই সমস্ত বাক্যকে মিথ্যা বলিয়া কল্পনা করিয়া থাকে ।  
 কুতর্কবলে দর্পিত যে সমস্ত মুঢ়ব্যক্তি কাশীর এই সমস্ত শাক্যকে অর্থবাদ বলিয়া  
 কল্পনা করে ; তাহারা যুগে যুগে বিষ্ঠার কীট হইয়া জন্ম গ্রহণ করে । হে মুনে !  
 ত্রৈলোক্যমণ্ডপ ও অপূর্ব মহিমায় কাশীর তুল্য নহে । ৬৩-৬৫ । যাহারা নাস্তিক,  
 যাহারা বেদবহির্ভূত আচরণ করে, যাহারা কেবল শিম্বোদরপরায়ণ, এবং যাহারা  
 অন্ত্যজাতি, তাহাদের সম্মুখে কাশীর কথা বর্ণন করিবে না । লোলার্কের কিরণের  
 দ্বারা সন্তপ্ত এবং অসিধারাকর্ষক বিখ্যাত মহামলনিচয়, কাশীর দক্ষিণদিকে প্রবেশ

করিতে পারে না । মানব লোলার্কের মহিমা শ্রবণ করিলে দুঃখসাগর সংসারের মধ্যে কোন প্রকারে দুঃখ প্রাপ্ত হয় না । ৬৬-৬৮ ।

## সপ্তচত্বারিংশ অধ্যায় ।

—\*—

### উত্তরার্ক বর্ণন ।

স্কন্দ কহিলেন বারাগমীর উত্তরদিকে, অর্কনামক একটি কুণ্ড বর্তমান আছে সেই কুণ্ডে উত্তরার্কনামক সূর্য্য অধিষ্ঠিত রহিয়াছেন । ১ । সেই উত্তরার্কনামক মহাতেজাঃ সূর্য্য, দুঃখসমূহকে বিদূরিত করত সাধুগণের আত্যন্তিক তৃপ্তি উৎপাদন পূর্ব্বক সর্ব্বদা কাশীকে রক্ষা করিতেছেন । ২ । এই সূর্য্যাসম্বন্ধে যে অতীত ইতিহাস আছে, হে সূত্রত অগস্ত্য ! তাহা আমি কীর্ত্তন করিতেছি তুমি অবধান তৎপর হও । পূর্ব্বকালে আত্রেয়বংশজ শুভব্রত নামক কোন ব্রাহ্মণ কাশীতে বর্তমান ছিলেন, সেই শুভব্রত যে প্রকার শুভাচারনিরত ছিলেন তাঁহার অতি-মনোহারিণী শুভব্রতানাম্নী পত্নীও তদনুরূপ ধর্ম্মপরায়ণা ছিলেন । ৩—৪ । শুভব্রতপত্নী পতির শুশ্রূষা ও করণীয়গৃহকর্ম্মসমূহে সর্ব্বদাই ব্যাপ্তা থাকিতেন । সেই ব্রাহ্মণীগর্ভে শুভব্রতের ঔরসে, মূলানক্ষত্রের প্রথমপাদে ও কেন্দ্রস্থিতবৃহস্পতি-মিত কালে এক সর্ব্বলক্ষণসম্পন্ন কন্যা জন্মগ্রহণ করিল । সেই কন্যা শুক্লপক্ষীয়-চন্দ্রমার স্থায় পিতৃগৃহে প্রতিদিন অল্পে অল্পে বৃদ্ধি পাইতে লাগিল । ৫-৬ । কাল-ক্রমে প্রাপ্তবয়স্কা সেই রূপবতী ও জনকজননীর প্রিয়কারিণী কন্যা গৃহকর্ম্মনিবহে সাতিশয় নিপুণতা লাভ করিতে লাগিল । ৭ । সেই কন্যা পিতৃমন্দিরে যেমন দিন দিন বৃদ্ধি পাইতে লাগিল তাহার জনক ও জননী সেইরূপ অতি মহান্ চিন্তাসাগরে নিমগ্ন হইতে লাগিলেন ; তাঁহার সর্ব্বদাই ভাবিতেন যে এই পরমরমণীয়া সুলক্ষণা নাম্নী কন্যাকে আমি কোথায় বিবাহ দিব এবং এই প্রকার দিব্য কন্যার যোগ্য পাত্রই কোথায় পাইতে পারিব । ৮-৯ । কুল, বয়ঃক্রম, শীল, বিত্তা ও অর্থযুক্ত কোন্ অশুরূপ বরকে লাভ করিয়া মদীয় কন্যা সুখভাগিনী হইতে পারিবে ? ১০ ।

এই প্রকার চিন্তায় সর্ব্বদা আগন্তি প্রযুক্ত শুভব্রত, একদিন অতিদারুণভাবে আক্রান্ত হইলেন । জীবগণের চিন্তানামক যে স্বর তাহা ঐষথ প্রয়োগে শাস্ত হয়

না। সেই কন্ঠার মূলানামক নক্ষত্রে জন্ম প্রযুক্তদোষ ও এই প্রকার দারুণ চিন্তা-  
জ্বরে অভিভূত হইয়া সেই ব্রাহ্মণ, অর্থ, গৃহ ও পরিবার, সকলই পরিত্যাগ পূর্বক  
পঞ্চস্থপ্রাপ্ত হইলেন। ১১-১২। শুভব্রতের দেহান্ত হইলে পর সেই কন্ঠার জননীও  
তাহাকে পরিত্যাগ পূর্বক স্বীয়পতির অনুগমন করিলেন। ১৩।

পতিব্রতা স্ত্রীর ইহাই পরমধর্ম্য যে, পতি জীবিত হউন বা মৃত হউন, স্ত্রী, কোন  
অবস্থাতেও তাহা হইতে বিযুক্ত থাকিবে না। অপত্য, পিতা, মাতা বা অপর কোন  
বান্ধবই স্ত্রীকে রক্ষা করিতে পারে না, এক মাত্র পতিচরণসেবাই পতিব্রতাস্ত্রীকে সকল  
প্রকার আপদ হইতে রক্ষা করিয়া থাকে। ১৪-১৫। অনন্তর শুভব্রতের সুলক্ষণা  
নাম্নী সেই কন্ঠা, অতি দুঃখসহকারে মৃত জনক ও জননীর ঐক্যদৈহিক ক্রিয়া সমা-  
পন পূর্বক অতিশোকে কোন প্রকারে দশদিন অতিবাহিত করত অবশেষে আপনাকে  
দরিদ্রা ও অনাথা বিলোকন করিয়া মহতী চিন্তায় নিমগ্ন হইলেন ও ভাবিতে  
লাগিলেন যে, আমি পিতা ও মাতার অভাবে একাকিনী হইয়া এই দুস্তর সংসার-  
সমুদ্রে কি প্রকারে পারলাভে সমর্থ হইব। কারণ স্ত্রীজন্মগ্রহণে সর্বপ্রকার  
অভিভব লাভ করিতে হয়। আমার জনক বা জননী আমাকে কোনও পাত্রে অর্পণ  
করিয়া যান নাই, সুতরাং তাঁহাদিগের অদৃশ্য হইয়া আমি কি প্রকারে আপনার  
ইচ্ছানুসারে কোন পাত্রকে বরমালা অর্পণ করিব। যদি বা কাহাকেও বিবাহ করি;  
কিন্তু সেই বিবাহিত ব্যক্তি যদি গুণবান্ বা সৎকুলোদ্ভব না হয় কিন্সা আমার মনের  
সহিত তাহার হৃদয়ের একতা না হয়, তাহা হইলে সেই বিবাহিত ব্যক্তিকে লইয়া  
আমি কি করিব? এই প্রকারে সর্বদা মহাচিন্তানিরতা, সর্বগুণান্বিতা সেই  
সুলক্ষণা, প্রতিদিন বহুতর যুবজনের দ্বারা প্রার্থিত হইয়া ও নিজ হৃদয়ের মধ্যে  
কাহাকেও প্রবেশ করিতে দিলেন না। ১৬—২১।

অসময়ে পিতা ও মাতার মৃত্যুদর্শনে শোকাকুল। সুলক্ষণা জনক ও জননীর  
তাদৃশ বাৎসল্য স্মরণপূর্বক সর্বদাই এইপ্রকারে সংসারের নিন্দাপূর্বক আপনাকে  
নিন্দা করিতেন যে, হায়! যাঁহারা আমাকে জন্ম প্রদান করিলেন, আমাকে  
প্রতিপালন করিলেন, সেই আমার মাননীয় পিতা ও মাতা আমাকে পরিত্যাগ  
পূর্বক কোথায় গমন করিলেন, হায়! সংসারে জীবের অনিত্যতায় দ্বিধা থাকুক।  
আমার সম্মুখে আমার জনক ও জননীর দেহ যে প্রকার অবস্থা প্রাপ্ত হইয়াছে,  
আমার এই বিনশ্বর দেহ এই ক্ষণেই সেই অবস্থা প্রাপ্ত হইতে পারে, অতএব  
আমি এই ভূচ্ছ বিষয়ভোগ উপেক্ষা করিয়া এই বিনশ্বর দেহের বিনিময়ে অবিনশ্বর  
ধর্ম্মসম্পাদ অর্জন করিতে প্রবৃত্ত হইব। জিতেন্দিয়া ও বশীকৃতহৃদয়া সেই বাল্য



স্বলক্ষণা এই প্রকার মনে মনে নিশ্চয় করিয়া দৃঢ় ব্রহ্মচর্য্য ধারণপূর্ব্বক উত্তরার্ক-  
নামক সূর্য্যের নিকট অতি স্থিরমানসে উগ্র তপস্যা করিতে প্রবৃত্ত হইলেন । ২২-২৫ ।  
স্বলক্ষণা এইপ্রকার উগ্রতপস্যায় প্রবৃত্ত হইলে পর প্রতিদিন এক ক্ষীণকায়া  
ছাগী সেইখানে আগমনপূর্ব্বক স্থিরভাবে তাঁহার অগ্রভাগে দাঁড়াইয়া থাকিত । ২৬ ।  
সেই ছাগী নিকট হইতে যৎকিঞ্চিৎ তৃণপর্ণাদি ভক্ষণ করিয়া সায়াংকালে সেই  
অর্ককুণ্ড হইতে জলপানপূর্ব্বক, পুনরায় নিজ পালকের গৃহে গমন করিত, আবার  
প্রাতঃকালে আসিয়া সেইপ্রকার স্বলক্ষণার নিকটে স্থিরভাবে প্রায় সমস্তদিন  
অবস্থান করিত । ২৭ । এই প্রকার অবস্থায় পাঁচ কিস্বা ছয় বৎসর অত্যন্ত হওয়ার  
পর একদিবস মহাদেব, পার্ব্বতীর সহিত স্বেচ্ছাবিচরণে প্রবৃত্ত হইয়া সেইস্থানে  
উপস্থিত হইলেন । ভগবান্ মহেশ্বর সেইস্থানে আগমন করিয়া তপস্যায় কুশাস্ত্রী,  
শ্মাধুর শ্যায় নিশ্চলশরীরী, উত্তরার্কের নিকট অতিউগ্রতপস্তানিরতা সেই স্বলক্ষণাকে  
অবলোকন করিলেন । ২৮-২৯ । অনন্তর অতিকরুণহৃদয়া দেবী পার্ব্বতী মহাদেবকে  
এই প্রকার প্রার্থনা করিলেন যে, হে প্রভো ! বান্ধবহীন এই সুমধ্যমা স্বলক্ষণাকে  
বরপ্রদানপূর্ব্বক অনুগৃহীতা করুন । ৩০ । অনন্তর পার্ব্বতীর এবম্বিধ বাক্য  
শ্রবণ করিয়া কৃপানিধি মহেশ্বর সমাধিনিমীলিতাক্ষী সেই স্বলক্ষণাকে বর-  
প্রদানেচ্ছায় কহিলেন যে “হে সূত্রতে স্বলক্ষণে ! আমি প্রসন্ন হইয়াছি তুমি বর  
গ্রহণ কর, দীর্ঘ তপস্যায় তুমি বড়ই খেদ প্রাপ্ত হইয়াছ, তোমার কোন্ পদার্থে  
অভিলাষ আছে” ? ৩১-৩২ । শঙ্করের একপ্রকার সুখণীযুষবর্ষিণী ও মহাসন্তোপ-  
হারিণী বাণী শ্রবণ করিয়া স্বলক্ষণা নেত্র উন্মালন করিলেন । ৩৩ । নেত্র উন্মাল-  
নাস্তে অগ্রভাগেই প্রত্যক্ষ বরদানোন্মুখ ত্রিলোচনকে ও তাহার বামভাগস্থ দেবী  
পার্ব্বতীকে অবলোকন করিয়া স্বলক্ষণা কৃতান্তলিভাবে নমস্কার করিলেন । ৩৪ ।  
“এক্ষণে কি বর প্রার্থনা করিব” এইপ্রকার চিন্তা করিতে করিতে স্বলক্ষণা পুরো-  
বর্ত্তিনী সেই বরাকী ছাগীকে বিলোকন করিলেন এবং এই প্রকার চিন্তা করিলেন  
যে, এই সংসারে আত্মপ্রয়োজনসিদ্ধির নিমিত্ত কোন ব্যক্তি জীবন ধারণ করিতেছে  
না ? কিন্তু যে ব্যক্তি পরের উপকারের জন্ত জীবন ধারণ করিয়া থাকে, তাহারই  
জীবন সার্থক বলিয়া গণনীয় । এই বরাকী ছাগকন্ডা আমার তপস্যার সাক্ষিস্বরূপে  
বহুকাল সেবা করিয়াছে, অতএব আমি ইহার জন্তই জগৎপতির নিকট বর প্রার্থনা  
করিব । ৩৫-৩৭ । এই প্রকার মনে মনে পরামর্শ করিয়া স্বলক্ষণা ত্রিলোচনকে  
কহিল যে “হে কৃপানিধে মহাদেব ! যদি আপনি আমাকে বর প্রদান করিতে  
অভিলাষী হইয়া থাকেন ; তাহা হইলে প্রথমে এই অতিহীন ছাগশাবীকে অনু-

গৃহীত করুন। আমার সেবাপরায়ণা এই ছাগমূতা পশুত্বনিবন্ধন স্বয়ং কোনরূপে কোন কথা কহিতে জানে না। ৩৮-৩৯। পরোপকারশালিনী সুলক্ষণার বাণী শ্রবণ করিয়া প্রণতগণের পীড়াহারী মহেশ্বর; তাহার উপর অতিশয় পরিতুষ্ট হইয়া পার্বতীকে কহিলেন যে, হে দেবি! গিরীন্দ্রজে। সাধুগণের পরোপকার-নিরতা বুদ্ধি এই প্রকার মহত্বযুক্তাই হয়, ইহা তুমি দর্শন কর। সংসারের মধ্যে তাহারাই ধন্য এবং তাহারাই সকল ধর্মের আশ্রয়স্বরূপ, যাহারা সর্বদা সর্বভাবে পরের উপকারের জন্ত চেষ্টা করিয়া থাকে। আর আর সকল বস্তু সক্ষয় করিলে কোনটীও চিরকাল অবস্থান করে না; কিন্তু হে প্রিয়ে! পরোপকাররূপ মহৎ পুণ্য সূচিরকাল বর্তমান থাকে। হে প্রিয়ে এই সুলক্ষণা সর্বপ্রকারে ধন্য এবং অনুগ্রহের স্বেচছা পাত্রী, হে দেবি! এইক্ষণে সুলক্ষণাকে এবং ছাগীকে কোন্ বর প্রদান করা যাইবে তাহা তুমি বল। ৪০-৪৪। পার্বতী কহিলেন, হে সকল-সৃষ্টিকর্তাগণেরও কর্তৃত্ব! হে সর্বজ্ঞ! হে প্রণতার্হিহারিন্। এই শুভোচ্চম-পরায়ণা সুলক্ষণা আমার সখীরূপে পরিগণিতা হউক, কর্পূরতিলকা, গন্ধধারা, অশোকা, বিশোকা, মলয়গন্ধিনী, চন্দননিখাদা, মৃগমদোন্তমা, কোকিলালাপা, মধুরভাষিনী, গজপত্নি, অমুক্তজা, দৃগল্লজিতজা, কৃতমনোরথা, ও গানচিহ্ন-হরা সখীগণ সর্বদা যেমন আমার অভীষ্ট সাধনে আনন্দ প্রদান করে এবং আমি তাহাদের যেমন ভালবাসি, এই সুলক্ষণাও তাহাদের স্থায় আমার প্রীতির পাত্রী হউক। এই সুলক্ষণা আবালা ব্রহ্মচারিণী এই কারণ এই মর্ত্যশরীরেই সুলক্ষণা দিব্যভূষণ, দিব্যবস্ত্র, দিব্যগন্ধ, দিব্যমালা ও দিব্যজ্ঞান দ্বারা বিভূষিতা হইয়া সর্বদা আমার নিকটে বর্তমান থাকুক, এবং এই ছাগী কাশীরাজের কন্যারূপে জন্মগ্রহণ করিয়া এই স্থানে নানাবিধ বিষয়ভোগপূর্বক যেন অন্তকালে অত্যাশ্রম মুক্তি-পদবী লাভ করিতে সমর্থ হয়। হে প্রভো বিশেষ্বর! এই ছাগী, পৌষমাসের রবিবারে, শীতজন্ত পীড়া উপেক্ষা করিয়া, সূর্যোদয়ের পূর্বে এই অর্ককুণ্ডে স্নান করিয়াছে; এই পুণ্যে ও আপনার বরদানের প্রভাবে, এই ছাগী শুভলোচনা রাজপুত্রী হইয়া জন্মগ্রহণ করুক। হে প্রভো! অতঃপর এই অর্ককুণ্ড বর্করো-কুণ্ডনামে সংসারে অভিহিত হউক। এবং এই ছাগীর প্রতিমা অতঃপর সংসারে জনগণের পূজনীয়া হউক। হে প্রভো! পৌষমাসে রবিবারে কাশীকলপ্রার্থী ব্যক্তিগণের প্রণতভাবে এই অর্ককুণ্ডে উত্তরার্কদেবের যাত্রা অবশ্য কর্তব্য। ৪৫-৫৭।

বিশ্বব্যাপী প্রভু মহেশ্বর, পার্বতীর কথানুসারে বরপ্রদান করিয়া অশ্বের স্তম্ভকর্তৃত্বাৎ নিজ অধিষ্ঠানমন্দিরে পার্বতীর সহিত প্রবেশ করিলেন। ৫৮।

স্কন্দ কহিলেন, হে বিজ ! হে মহাভাগ ! এই তোমার নিকট লোলার্ক ও উত্তরার্কের মাহাত্ম্য কীৰ্ত্তন করিলাম, এক্ষণে সাম্বাদিত্যের ইতিহাস বলিতেছি শ্রবণ কর। ৫৯। হে অগস্ত্য ! লোলার্ক এবং উত্তরার্কের এই পবিত্র উপাখ্যান শ্রবণ করিলে, জনগণ ব্যাধিহারা পীড়িত হয় না এবং দারিদ্র্যও তাহাদিগকে আক্রমণ করিতে সমর্থ হয় না। ৬০।

## অষ্টচত্বারিংশ অধ্যায় ।

— \* —

সাম্বাদিত্য মাহাত্ম্য-কথন ।

স্কন্দ কহিলেন, হে মৈত্রাবরুণে ! শ্রবণ কর, পূর্বে পৃথিবীর ভারহরণার্থে দানবগণবধের নিমিত্ত অগ্নির স্নায় অতিপ্রতাপশালী স্বয়ং ভগবান্ বাসুদেব, যদুকুলে দেবকীর গর্ভে বাসুদেবের ঔরসে পৃথিবীতে অবতীর্ণ হইয়াছিলেন। ১-২। সূর্য্যের স্নায় অতিতেজস্বী সেই ভগবান্ বাসুদেবের অশীতিলক্ষসংখ্যক পুত্র জন্মগ্রহণ করেন, তাঁহাদের স্নায় সূশীল বালক সর্গেও দুর্লভ, হে কুন্তুষোনে ! তাঁহাদের মধ্যে সকলেই অতি মনোহর রূপসম্পন্ন ও অতি বীৰ্য্যবলান্বিত ছিলেন এবং তাঁহারা সকলেই শুভলক্ষণসম্পন্ন ও বহুবিধশাস্ত্রতত্ত্বজ্ঞ ছিলেন। ৩-৪। একদিন ব্রহ্মার পুত্র তপোনিধি, বহুলকোপীন্দ্রধারী, কৃষ্ণচর্ম্মাস্বরশোভা, গৃহীতব্রহ্মদণ্ড, মুঞ্জানিশ্চিতকটিসূত্রধারী, বক্ষঃস্থলস্থিততুলসীমালালঙ্কৃতশরীর, গোপীচন্দ্রনচর্চিতদেহ, অতীর্ঘতপস্যায় কৃশাঙ্গ, মুর্ত্তিমান্ অগ্নির স্নায় জাহ্নবান্, অশ্বরবিহারী দেবর্ষি নারদ, সেই সকল বাসুদেবতনয়গণকে বিলোকন করিতে ; বিশ্বকর্্ম্মার কোশলময়ণিল্লের ফলস্বরূপা স্বর্গপুরীর সৌন্দর্য্যহারিণী ধারকাপুরীতে আগমন করিলেন। ৫-৮।

সেই দেবর্ষিনারদকে বিলোকন করিয়া যাদবনন্দনগণ, বিনয়ানন্দনকঙ্করে মস্তকে অঞ্জলিবদ্ধ করত অতিবিনীতভাবে নমস্কার করিলেন। ৯। তাঁহাদের মধ্যে সর্ব্বাপেক্ষা শরীরসৌন্দর্য্যে অতিগর্বিত সাম্ব ; নারদের রূপসম্পাদকে উপহাস-পূর্ব্বক তাঁহাকে নমস্কার করিলেন না। ১০। মহামুনি নারদ, সাম্বের সেই অভিপ্রায় অবগত হইয়া মৌনভাবে ধীরে ধীরে কৃষ্ণমন্দিরে প্রবেশ করিলেন। ১১।

নারদ আগমন করিতেছেন দেখিয়া, ভগবান্ বাহুদেব আঁত আদরের সহিত প্রত্যাগমনপূর্বক তাঁহাকে মধুপর্ক প্রদানদ্বারা পূজা করত আসনে উপবেশন করাইলেন । ১২ । অনন্তর নারদ, বাহুদেবের সহিত নানাবিধ বিচিত্র কথালপ-পূর্বক যখন দেখিলেন যে ভগবান্ নির্জ্ঞনস্থিত হইয়াছেন, সেই সময় তাঁহার কর্ণে সান্বের চেষ্টা এইপ্রকার বিজ্ঞাপন করিলেন যে “হে যশোদানন্দবর্দ্ধন ! সান্বের এপ্রকার চরিত্রে এবং তাহার রূপসম্পদে জ্ঞীগণের বিলক্ষণ পাতিত্ৰত্যাশ্বলনের সম্ভাবনীয় আভাস পাওয়া যাইতেছে, কিন্তু প্রায় তাহা অসম্ভাব্য বলাই উচিত, অথবা এবিষয়ে আশ্চর্য্যই বা কি ? কারণ জ্ঞীগণের পক্ষে অসম্ভব কি ? মুষ্ণাকীগণ ; কুল, শীল, বিদ্যা বা ধন কাহারও অপেক্ষা রাখে না, তাহারা কামবিমোহিত হইয়া কেবল রূপমাত্রের অপেক্ষা করিয়া থাকে । ত্রিভুবনস্থিত সকল যুবকগণের মধ্যে সাম্ব সর্বাপেক্ষা অধিক রূপবান্ ! স্বভাবচঞ্চলাক্ষী জ্ঞীগণেরও চিন্তবৃত্তি অতি-চঞ্চলা । হে প্রভো ! আপনি নিশ্চয় ইহা অবগত নহেন যে, আপনার প্রধান আটটি মহিষী ব্যতিরিক্ত আর সকল যাদবকুলনারীগণই এই সান্বের প্রতি কামাসক্ত । ১৩-১৭ । জ্ঞীগণের চঞ্চল স্বভাব ও দেবর্ষি নারদের এবশ্বিধ বাক্যে, সর্বজ্ঞ ভগবান্ এ বিষয়টি সত্য বলিয়াই মানিয়া লইলেন । ১৮ । যাবৎকালপর্য্যন্ত নির্জ্ঞনস্থানে কোন প্রণয়াকাজক্ষীর সহিত একত্র অধিবাস না হয়, তাবৎকাল পর্য্যন্তই জ্ঞীগণের ধৈর্য্য ও চিন্তের বিবেচনাশক্তি বিद्यমান থাকে । ১৯ । ভগবান্ কৃষ্ণ, মনে মনে এই প্রকার বিবেচনাপূর্বক বিবেকরূপ সেতুর দ্বারা ক্রোধরূপ-নদীর বেগকে প্রতিরোধ করিয়া নারদকে বিদায় প্রদান করিলেন । ২০ । দেবর্ষি নারদ গমন করিলে পর ভগবান্ বিশেষ আগ্রহসহকারে অনুসন্ধান করিয়াও সান্বের কোনরূপ দোষ দেখিতে পাইলেন না । ২১ । এইরূপে কিছুকাল গত হইলে পর দেবর্ষি নারদ, পুনরায় আগমন করিয়া যখন জানিতে পারিলেন যে, ভগবান্ বাহুদেব লীলাবতী যাদববধূগণের মধ্যে ক্রৌড়ায় ব্যাপ্ত আছেন, তখন তিনি বাহিরে ক্রৌড়াভ্যুপার সাম্বকে আহ্বানপূর্বক, তাঁহাকে এই কথা বলিলেন যে “হে সাম্ব ! তুমি এইক্ষণেই একবার কৃষ্ণসমীপে গমন কর । ২২-২৩ । সাম্বও তৎকালে চিন্তা করিতে লাগিলেন যে, আমি যাই কি না যাই ; কারণ জ্ঞীমণ্ডল-বেষ্টিত নির্জ্ঞনস্থিত পিতার নিকট যাওয়া কিপ্রকারে হইতে পারে, আবার ত্র্যঙ্গচারী দেবর্ষির বাক্য শ্রবণ করিয়াও কিরূপে না যাইব । এই দেবর্ষির সমুদয় অবয়বই প্রজ্জ্বলিত অঙ্গারের জ্বায় অতি প্রদীপ্তভাবে লক্ষিত হইতেছে, পূর্বের কোন দিন এই জ্বাষি উপস্থিত হন ; সেই সময় সকল যদুকুমারগণ ইহাকে প্রণাম করিয়াছিল,

কিন্তু আমি তাহা না করাতে একে পূৰ্ব্ব হইতেই ইহা নিকট অপরাধী আছি, এখন যদি এই মহামুনির বাক্য শুনিয়াও আমি পিতৃমন্দিরে না যাই ; তাহা হইলেই আমার এই বিশেষরূপ অপরাধদ্বয় নিবীক্ষণ করিয়া নিশ্চয়ই আমার প্রতি স্তবিসম অত্যাধিক আচরণ করিবেন । আমার প্রতি এক্ষণে পিতার সম্ভাব্যমান কোপও শ্লাঘা বলিয়াই জানিতে হইবে । কিন্তু এই ব্রাহ্মণের কোপে পড়িলে কোনমতেই আমার উদ্ধারের সম্ভাবনা নাই, কারণ শাস্ত্রে এইপ্রকার শূনা গিয়া থাকে যে “ব্রহ্মকোপাগ্নি-দক্ষকুলে আর কখনই অন্ধুরের সম্ভাবনা থাকে না ; কিন্তু অপরের কোপরূপ অগ্নিতে দক্ষ হইলেও দাবানলদক্ষ বনের আয় তাহাতে পুনর্ব্বার অন্ধুরের সম্ভাবনা করা যাইতে পারে” । এই প্রকার চিন্তা করিতে করিতে সান্থ ; অবশেষে নিজ পিতার মন্দিরে প্রবেশ করিলেন ।

শঙ্কিতচেতা সান্থ, গৃহমধ্যে প্রবেশ করিয়া স্ত্রীমণ্ডলপরিবেষ্টিত ভগবান্কে প্রণাম করিয়া যেমন নারদাগমনবার্তা বিজ্ঞাপন করিতে যাইবেন ; ইতিমধ্যেই দেবর্ষিনারদ স্বকীয় কার্য্যাদিক্রির উদ্দেশে সান্থের পশ্চাতেই সেই বাসুদেবের মন্দির-মধ্যে প্রবেশ করিলেন । ২৪-৩০ । কৃষ্ণও দেবর্ষিকে মন্দিরমধ্যে প্রবেশ করিতে দেখিয়া সসম্ভ্রমে পীতকৌশেয়বস্ত্র যথাস্থানে সম্ভিবেশ করিতে করিতে গাত্রোত্থান করিলেন, এদিকে দেবকীসুহৃৎ ভগবান্ জনার্দনকে তাদৃশ ভাবে উঠিতে দেখিয়া কৃষ্ণপত্নীগণ সকলেই অতি বিলজ্জিতভাবে স্বস্ব বস্ত্র পরিধান করিতে লাগিলেন । অনন্তর ভগবান্ বাসুদেব, অতি সমাদরপূর্ব্বক মহামুনিকে হস্তে ধারণ করত স্বকীয় মহাইশ্বর্য্য উপবেশন করাইলেন দেখিয়া সান্থও অবনতমস্তকে সেই মন্দির হইতে নির্গত হইয়া স্বীয় ক্রীড়াস্থানে প্রতিগমন করিলেন । কৃষ্ণলীলায় দ্রবীভূতাবয়ব সেই সকল কৃষ্ণপত্নীগণের সান্থদর্শনে তাদৃশ বিলজ্জিত ভাব বিলোকন করিয়া, মহামুনি নারদ ভগবান্কে কহিলেন যে, হে ভগবন্ ! আপনি বিলোকন করুন, আমি পূর্ব্বের সান্থসম্বন্ধে যে সকল কথা বলিয়াছি তাহা সত্য কিনা ? এই দেখুন না কেন, সান্থের এতাদৃশ লোকবিমোহন অলৌকিক রূপ দর্শন করিয়া এই যাদব-বর্ধগণ সকলেই জননীবিরুদ্ধ লজ্জিতভাব অবলম্বন করিয়াছেন । ভগবান্ কৃষ্ণ, দেবর্ষি নারদের এবশ্বিধ বাক্য শ্রবণ করিয়া সহসাই সান্থকে আহ্বান করিয়া অতিকোপে শাপ প্রদান করিলেন, কিন্তু বাস্তবিক এবিষয়ে সান্থের কোন অপরাধ ছিল না ; কারণ তিনি তৎকালে সেইসকল কৃষ্ণপত্নীগণকে স্নায়জননী জাঘবতীর আয়ই বিলোকন করিয়াছিলেন । ৩১-৩৬ । ভগবান্ সান্থকে এইপ্রকার শাপ প্রদান করিলেন যে, রে সান্থ ! তোমার রূপ বিলোকন করিয়া এই সকল স্বদীয়

জননীগণ ঘেকারণ স্থলিতভাব প্রাপ্ত হইয়াছে, এই কারণে তোমার অসময়ে আগমনজন্তু দুষ্কর্মের ফলে তুমি এইক্ষণেই কুষ্ঠরোগাক্রান্ত হও । ৩৭ । এই প্রকার দারুণ শাপবাক্য শ্রবণ করিয়া মহাব্যাধিভয়ে কম্পমানশরীরে সাধ, স্বীয় পাপশাস্তির জন্তু নানাপ্রকারে ভগবানের স্তুতি করিতে আরম্ভ করিলেন । ৩৮ । কৃষ্ণও নিজপুত্র সান্বকে বাস্তবিক নিরপরাধী জানিয়া তাহার কুষ্ঠরোগ হইতে মুক্তি লাভ করিবার জন্তু তাহাকে কহিলেন যে, হে বৎস । তুমি বিশ্বেশ্বরপুরী বারাণসীতে গমন কর, সেইস্থানে সূর্য্যের বিহিতরূপে উপাসনা করিয়া তুমি শাপ হইতে মুক্তিলাভ করিতে পারিবে, বারাণসী ভিন্ন অথ কোন স্থানেই মহাপাপ হইতে মুক্তি লাভ করিতে পারা যায় না । যে কাশীতে সাক্ষাৎ বিশ্বেশ্বর ও সেই স্বর্গজ্ঞা প্রতিনিয়ত-কাল শোভা পাইতেছেন, সেই বারাণসীতে ; মুনিগণও যে সকল পাপের নিকৃতির উপায় জানেন না, সেই সকল পাপ ও অনায়াসে বিনাশ প্রাপ্ত হয়, কেবল মাত্র স্বকৃত পাপ হইতেই যে, বারাণসীতে নিস্তার পাওয়া যায় তাহা নহে ; সেই কাশীতে বিশ্বেশ্বরের আচ্ছা প্রভাবে জীবগণ, প্রকৃতি-কার্য্য পাপরূপ সংসার হইতেও মুক্তি লাভ করিতে পারে ও করিতেছে । পুরাকালে ভগবান্ পুরারি, পরিত্যক্তদেহ জীবগণের বিমুক্তির জন্তু কৃপাপরবশ হইয়া সেই অবিমুক্তক্ষেত্র নির্মাণ করিয়াছেন । সেই স্থানে দেহত্যাগ করিতে পারিলে জীবের আর সংসারে প্রত্যাবর্ত্তন করিতে হয় না । হে সাধ । মহাদেবের সেই আনন্দবনেই তুমি পাপ হইতে নিকৃতি লাভ করিতে পারিবে, অতএব সত্বর তুমি সেই স্থানে গমন কর ; অথ কুত্রাপি তোমার এই পাপ শাস্তি হইবার সম্ভাবনা নাই । ৩৯—৪৪ ।

সর্ব প্রকার শুভাশুভ কর্ম হইতে বিমুক্তচেষ্টে, কৃত্যকৃত্য নারদ ও কৃষ্ণের আচ্ছা গ্রহণ পূর্ব্বক আকাশমার্গ অবলম্বন করত প্রস্থান করিলেন । ৪৫ । অনন্তর সান্বও বারাণসীতে আগমন করিয়া একটী কুণ্ড নির্মাণ পূর্ব্বক ভগবান্ সূর্য্যের আরাধনা করত সম্পূর্ণরূপে নিজ শাপ হইতে বিমুক্তি লাভ করিলেন । ৪৬ । সেই দিন হইতে সাধকর্তৃক আরাধিত, বারাণসীস্থ সাধাদিত্য নামক সূর্য্যবিগ্রহ, সমস্ত তন্ত্রগণকে বাধাবিপত্তিরহিত সর্ব প্রকার সম্পদ প্রদান করিয়া আসিতেছেন । ৪৭ । রবিবারে অরুণোদয়কালে সাধকুণ্ডে স্নানান্তে ভক্তিতাবে সাধাদিত্যের পূজা করিলে মনুষ্য কখনও ব্যাধিহারা অভিভূত হয় না । ৪৮ । সাধাদিত্যের সেবা করিলে নারী কখনও বৈধব্য প্রাপ্ত হয় না । এবং ইহার উপাসনার প্রভাবে বক্ষ্যা স্ত্রীও বিশুদ্ধ ও রূপগুণসম্বিত পুত্র লাভ করিতে পারে । ৪৯ । হে বিজ্ঞ । মাঘমাসে রবিবারে শুক্লপক্ষের সপ্তমী তিথিতে একটী শুভকর রবিপর্ব (সূর্য্যগ্রহণ) তুল্য মহাপর্বদিন

শাস্ত্রে সমাখ্যাত হইয়াছে । সেই পর্বদিবসে অরুণোদয়কালে সাধুকুণ্ডে স্নান করত সাধাদিত্যের পূজা করিলে অতি উৎকট মহারোগ হইতে বিমুক্তি লাভ করিতে পারা যায় ও তাহাতে বিপুল ধর্মসম্পদও লাভ করা যায় । ৫০-৫১ । কুরুক্ষেত্রে সূর্য্য-গ্রহণসময়ে পুণ্যজলাশয়ে স্নান করিলে যে পুণ্য অর্জিত হয়, মাঘমাসে সপ্তমী তিথিতে কানীক্ষেত্রে সাধুকুণ্ডে স্নান করিলেও তাদৃশ পুণ্য অর্জিত হয় । ৫২ । মাঘমাসের রবিবারে সেই সাধুকুণ্ডের বাৎসরিক যাত্রা হইয়া থাকে ; সেই যাত্রাদিনে বিধানানুসারে সাধুকুণ্ডে স্নান করিয়া অশোক পুষ্পসমূহের দ্বারা সাধাদিত্যের পূজা করিলে মনুষ্য কখনও কোন প্রকার শোকে অভিভূত হয় না এবং তৎক্ষণেই সধৎ-সরকৃত পাপ হইতে সম্পূর্ণভাবে বিমুক্তি লাভ করিতে পারে । ৫৩—৫৪ ।

বিশ্বেশ্বরের পশ্চিমদিকে মহাত্মা সাধ, সম্যক্ প্রকারে অতি শুভপ্রদ আদিত্য-মূর্ত্তির উপাসনা করিয়াছিলেন । ৫৫ । হে অগস্ত্য ! আমি তোমার নিকট ভবিষ্যৎ এই সূর্য্যমূর্ত্তির বিষয় কীর্ত্তন করিলাম ; সেই মূর্ত্তির উপাসনা, নমস্কার ও আটবার প্রদক্ষিণ করিলে, মনুষ্য নিষ্পাপ হইয়া সমগ্র কানীবাসের ফললাভ করিতে পারিবে । হে মহামতে ! সাধাদিত্যের মাহাত্ম্য তোমার নিকট কীর্ত্তন করিলাম ; এই উপা-খ্যানটী শ্রবণ করিলে মনুষ্যকে আর যমলোক দর্শন করিতে হয় না । হে অনব ! এইক্ষণে আমি তোমার নিকট দ্রৌপদাদিত্যের বিষয় কীর্ত্তন করিব ; এই দ্রৌপদাদিত্যের সম্যক্ প্রকার উপাসনা করিলে ভক্তগণ সর্ব্ব প্রকার সিদ্ধি লাভ করিতে সমর্থ হয় । ৫৬—৫৮ ।

## একোনপঞ্চাশত্তম অধ্যায় ।

—:~:—

দ্রৌপদাদিত্য ও ময়ূখাদিত্য-বর্ণন ।

সূত কহিলেন, হে মুনে পারাশর্য্য ! স্কন্দ যখন অগস্ত্যকে এই সমস্ত কথা বলিয়াছেন ; তখন দ্রুপদ-নন্দিনী কোথায় ছিলেন ? ১ ।

ব্যাগ কহিলেন, হে সূত ! পুরাণশাস্ত্র ত্রিকালের ঘটনাকেই বর্ণনা করিয়া থাকেন ; সুতরাং এবিষয়ে তোমার সন্দেহ করা উচিত নহে, কারণ পুরাণশাস্ত্রের অগোচর কিছুই নাই । ২ ।

স্কন্দ কহিলেন, হে মুনে ! শ্রবণ কর ; পুরাকালে জগতের হিতকর দেবদেব পঞ্চাননই স্বয়ং পঞ্চরূপে বিভক্ত হইয়া পৃথিবীতে আবিস্কৃত হইয়াছিলেন এবং জগদ্ধাত্রী উমাও পরমাত্মন্দরীরূপে যজ্ঞশীল নৃপতির বহুকুণ্ড হইতে উৎপন্ন হইয়া ছিলেন । ৩-৪ । পাণ্ডু নৃপতির পাঁচটি তনয়ই, সাক্ষাৎ রুদ্রের তেজ ধারণ করত দুর্ভাগ্যকে সংহার করিবার জন্য সর্গ হইতে পৃথিবীতে শরীর পরিগ্রহ করিয়াছিলেন । দুর্ভাগ্যবাস্তবিকগণের শাসনকর্ত্তা ও সদ্ভূত ব্যক্তিগণের স্তিতিকারক ভগবান নারায়ণও সেই পঞ্চপাণ্ডবের সাহায্য করিবার জন্য কৃষ্ণরূপে আবিস্কৃত হইয়াছিলেন । ৫-৬ । প্রতাপাশ্রিত সেই পাণ্ডুতনয়গণ পৃথক্‌পৃথক্‌রূপে যথাসময়ে সম্পদের উদয় ও বিপদের অনুদয় লাভ করিয়াছিলেন । কোন সময়ে সেই মহাবীরগণ, জ্ঞাতি কর্ত্তক প্রতিপাদিত মহতী বিপত্তি প্রাপ্ত হইয়া বনবাদী হইয়াছিলেন ; সেই সময়ে তাঁহাদের পত্নী ধর্ম্মজ্ঞা পাঞ্চালী পতিগণের বিপত্তিতে ব্যথিতা হইয়া সূর্য্যের আরাধনা করিয়াছিলেন । ৭-৯ । দ্রুপদনন্দিনীর আরাধনায় সন্তুষ্ট হইয়া সূর্য্য তাঁহাকে দর্ব্বী ( হাতা ) ও পিধানের সহিত অক্ষয় স্থালিকা প্রদান করিয়াছিলেন এবং প্রসন্ন হৃদয়ে সেই পবিত্রচিত্তা দ্রৌপদীকে বলিয়াছিলেন যে, :—“হে মহাভাগে ! যে পর্য্যন্ত তোমার ভোজন না হইবে, তাবৎ যত ব্যক্তি অমার্ত্তী হইয়া আগমন করিবে, তাহাদের সকলেরই এই স্থানীসমুত্ত অম্মে পরিতৃপ্তি লাভ হইবে । ইহা ইচ্ছাধীন ভোজ্য সামগ্রী প্রদান করিবে কিন্তু তোমার আহারের পর এই রসবৎ দ্রব্যপরিপূর্ণ স্থানী শূন্য হইয়া যাইবে” । হে মুনে ! কাশীতে সূর্য্যের নিকট পাঞ্চালী এইরূপ বর প্রাপ্ত হইয়া, তাঁহারই নিকট তিনি আরও একটি বর লাভ করিয়াছিলেন । ১০—১৪ ।

সূর্য্য কহিয়াছিলেন, বিশ্বেশ্বরের দক্ষিণভাগে তোমার সম্মুখে অবস্থিত আমাকে যে ব্যক্তি আরাধনা করিবে, তাহার ক্ষুধাজনিত পীড়া বিনষ্ট হইবে । হে পতিব্রতে ! ভগবান্ বিশ্বেশ্বর আমার উপর সন্তুষ্ট হইয়া, আমাকে যে একটি বর প্রদান করিয়াছেন, তাহাও তোমাকে বলিতেছি শ্রবণ কর । ১৫-১৬ । ( বিশ্বেশ্বর কহিয়াছেন ) “হে রবে ! যে ব্যক্তি প্রথমে তোমার পূজা করিয়া পরে আমাকে দর্শন করিবে, তুমি নিজ করসমূহের দ্বারা তাহার দুঃখতিমির অপনয়ন করিও” হে ধর্ম্মপ্রিয়ে ! বিশ্বেশ্বরের এই বর লাভ করিয়া, তদবধি আমি কাশীস্থ জন্তুগণের পাপরাশি নাশ করিতেছি । যে সমস্ত মানব, এই স্থানে আমাকে ভজনা করিবে, আমি তাহাদের অভিলষিত বিষয় প্রদান করিব । ১৭-১৯ । এবং বিশ্বেশ্বরের দক্ষিণভাগে দণ্ডপাণির নিকটে আমার সমীপে অবস্থিত তোমার এই মূর্ত্তিকে শ্রদ্ধা সহকারে যে নর



বা নারী পূজা করিবে, তাহাদের কদাপিও প্রিয়জনের বিরহ জনিত ক্লেশ উৎপন্ন হইবে না এবং হে ধর্ম্মপ্রিয়ে! হে অনঘে! কাশীতে তোমাকে দর্শন করিলে কাহারও ব্যাধিজনিত, ক্ষুধাজন্ম বা তৃষ্ণাসম্ভূত ক্লেশ উৎপন্ন হইবে না । ২০-২২ ।

সাধুগণের সর্ব্ব প্রকার অভিলষিত-বিষয়-প্রদানকারী সূর্য্যদেব, পাঞ্চালীকে এইরূপ বর প্রদান করিয়া শম্ভুব আরাধনায় নিযুক্ত হন এবং দ্রৌপদীও যুধিষ্ঠিরের নিকট গমন করেন । দ্রৌপদী কর্তৃক আরাধিত আদিত্যদেবের এই উপাখ্যান যে ব্যক্তি ভক্তি সহকারে শ্রবণ করিবে, তাহার পাপ ক্ষয় হইয়া যাইবে । ২৩—২৪ ।

স্কন্দ কহিলেন, হে ঘটোদ্ভব ! এই আমি সংক্ষেপতঃ দ্রৌপদাদিত্যের মাহাত্ম্য কীৰ্ত্তন করিলাম, এক্ষণে ময়ুখাদিত্যের মাহাত্ম্য শ্রবণ কর । ২৫ । পুরাকালে ভগবান্ সহস্ররশ্মি, ত্রিলোকবিখ্যাত পঞ্চনদ-তীরে গভস্তীশ্বর নামে এক শিবলিঙ্গ ও ভক্তগণের মঙ্গলদায়িনী মঙ্গলাগোরী নামে ভগবতীর এক প্রতিমা প্রতিষ্ঠা করত সূদারুণ তপস্তা করিয়াছিলেন । ২৬-২৮ । হে মুনে! দিব্যপরিমাণে লক্ষ বৎসর ব্যাপিয়া শশিশেখর মহাদেবকে আরাধনা করিতে করিতে স্বভাবতই ত্রিভুবনকে তাপিত করিতে সক্ষম তপনদেব, তপস্তাতেজে অধিকতর তেজস্বী হইয়া উঠিলেন । তখন ত্রৈলোক্য দহন করিতে সমর্থ সেই কিরণ সমূহে স্বর্গ ও মর্ত্তের মধ্যভাগ ব্যাপ্ত হইয়া পড়িল । দেবগণ, পতঙ্গতেজে পতঙ্গের ন্যায় দগ্ধ হইয়া যাইবার ভয়ে আকাশ-মার্গে গমনাগমন পরিত্যাগ করিলেন । কদম্ব পুষ্পের ঘেমন কেবল কলিকাগুলিই পরিদৃষ্ট হয় তদ্রূপ চতুর্দিকেই কেবল সূর্য্যের কিরণ নিচয়ই পরিদৃষ্ট হইতে লাগিল । সেই সময় তেজোরশি ও তপোরশি সেই তপন দেবের ভয়ে ত্রিভুবন কম্পিত হইতে লাগিল । ২৯-৩৩ । “সূর্য্যই সমস্ত জগতের আত্মা বলিয়া বেদে কীৰ্ত্তিত হইয়া থাকেন ; তিনিই যখন আমাদের তাপ প্রদান করিতে লাগিলেন, তখন এ জগতে কে আর আমাদের রক্ষা করিবে ? এই সূর্য্যই জগচ্চক্ষু এবং এই ভাস্করই জগদাত্মা, যে হেতুক প্রতিদিন প্রাতঃকালে ইনিই মৃতপ্রায় জগৎকে প্রবোধিত করিয়া থাকেন । ৩৪-৩৫ । ইনিই প্রতিদিন উদিত হইয়া স্বকীয় কররাশি প্রসারিত করত অন্ধকারকূপে নিপতিত প্রাণিসমূহকে উদ্ধার করিয়া থাকেন । ইনিই উদিত হইলে আমরা উদয় লাভ করি এবং ইনিই অস্তমিত হইলে আমরাও অস্তমিত হইয়া থাকি, অতএব আমাদের উদয়ের ও অশুদয়ের একমাত্র কারণই রবি” । ৩৬-৩৭ । লোক সমূহ এইরূপে আক্ষেপ করিতেছে দেখিয়া, বিশ্বত্রাতা বিশ্বেশ্বর, সূর্য্যকে বর প্রদান করিতে গমন করিলেন । ভগবান্ শম্ভু, ময়ুখমালীকে স্থনিশ্চল ও সমাধি-বিশ্বভাজ্য সন্দর্শন করত তাঁহার তপস্তায় বিস্মিত হইলেন । অনন্তর প্রণতাক্তিহর

শ্রীকৃষ্ণ, প্রসন্নচিত্তে কহিলেন যে হে তেজোনিধে সূর্য্য ! আর তপস্কার প্রয়োজন নাই, বর প্রার্থনা কর । সূর্য্য, ইন্দ্রিয়গণের বৃত্তি রোধ করত সমাধিতে নিমগ্ন ছিলেন ; স্মৃতরাং মহাদেব দুই তিনবার উক্তরূপ বলিলেও সেই বাক্য বধিরের আয় তাঁহার কর্ণে স্থান প্রাপ্ত হইল না । ৩৮-৪১ । তখন মহাদেব তাঁহাকে কাষ্ঠ স্বরূপ জানিতে পারিয়া কঠোর তপস্কারজনিত সম্ভ্রাপক্ষে অমৃতবর্ষী পাণিহলের দ্বারা তাঁহাকে স্পর্শ করিলেন । তখন প্রাতঃকালে সূর্য্যের কিরণে পদ্মিনী যেমন মুকুলিত হয়, তদ্রূপ মহাদেবের করস্পর্শে বিশ্বলোচন সূর্য্যদেবও নয়ন উন্মীলন করিলেন । ৪২-৪৩ । এবং অনারুণি নিবন্ধন বিশুদ্ধ তৃণ যেমন মেঘবর্ষণে উল্লাসিত হয়, তদ্রূপ মহাদেবের করস্পর্শে তিনিও বিগত তাপ হইয়া উল্লাসিত হইলেন । তখন সূর্য্য, সম্মুখে ত্রিলোচনকে অবলোকন করিয়া দগ্ধবৎ প্রণাম করত তাঁহাকে স্তব করিতে লাগিলেন । ৪৪—৪৫ ।

রবি কহিলেন, হে দেবদেব ! হে জগৎপতে ! হে বিভো ! হে ভর্গ ! হে-ভীম ! হে ভব ! হে চন্দ্রভূষণ ! হে ভূতনাথ ! হে ভবভোতিহারক ! হে বাঙ্কিত-প্রদ ! হে চন্দ্রচূড় ! হে মুড় ! হে ধৃগ্জটে ! হে হর ! হে ত্র্যক্ষ ! হে দক্ষযজ্ঞ-বিশ্বংসন ! হে শাস্ত ! হে শাস্ত ! হে শিবাপতে ! হে শিব ! হে নীললোহিত ! হে সমীহিতার্থদ ! হে ত্রিলোচন ! হে বিরূপলোচন ! হে ব্যোমকেশ ! হে পশু-পাশনাশন ! হে বামদেব ! হে শিতিকৃষ্ণ ! হে শূলভৃৎ ! হে চন্দ্রশেখর ! হে-কগীন্দ্রভূষণ ! হে কামকৃৎ ! হে পশুপতে ! হে মহেশ্বর ! হে ত্র্যক্ষ ! হে ত্রিপুর-সূদন ! হে ঈশ্বর ! হে ত্রাণকৃৎ ! হে ত্রিনয়ন ! হে ত্রয়োময় ! হে কালকূটদলন ! হে অন্ত্যকাস্তক ! হে শর্ব্বরীরহিত ! হে শর্ব্ব ! হে সর্ব্বগ ! হে স্বর্গমার্গ ! হে-সুখদ ! হে অপবর্গদ ! হে অক্ষকাস্তররিপো ! হে কপর্দভৃৎ ! হে শঙ্কর ! হে উগ্র ! হে গিরিজাপতে ! হে পতে ! হে বিশ্বনাথ ! হে বিধিবিষ্মুসংস্তুত ! হে-বেদবেত্ত ! হে বিদিতাখিলেজিত ! হে বিশ্বরূপ ! হে পর ! হে রূপবর্জ্জিত ! হে ব্রহ্মান ! হে জিহ্মারহিত ! হে অমৃতপ্রদ ! হে বাহ্মনোবিষয়দূর ! হে দূরগ ! আমি বারবার আপনাকে প্রণাম করিতেছি । সূর্য্যদেব, মহাদেবকে প্রদক্ষিণ করত এইরূপ স্তব করিয়া হৃষ্টাস্তঃকরণে শিববামাঙ্কিহাবিনী গৌরীকে স্তব করিতে আরম্ভ করিলেন । ৪৬-৫৪ ।

রবি কহিলেন, হে দেবি ! যে প্রণতিপ্রবোণ ব্যক্তি, আপনার চরণাস্থজরেণুর দ্বারা শুভ্রীকৃত ভালস্থল বহন করে, চক্ষের চারুলেখা জন্মান্তরেও সেই ব্যক্তির ভালদেশ শোভিত করিয়া থাকে । হে শ্রীমঙ্গলে ! হে সকলমঙ্গলজন্মভূমে ! হে


সকল কল্মষতুল্যবহু ! হে সকলদানবদর্পহস্তি ! আপনি এই বিশ্বকে রক্ষা করুন । হে বিশ্বেশ্বর ! আপনিই বিশ্বজনের কত্রী ও পালয়িত্রী এবং আপনিই প্রলয়কালে তাহাদিগকে সংহার করিয়া থাকেন । আপনার নামকীর্তনরূপ পবিত্র স্রোতস্বিনী, পাতকরূপ কুলবৃক্ষনিচয়কে হরণ করিয়া থাকে । ৫৫-৫৭ । হে মাতর্ভবানি ! হে ভব-ভীরুঃখ হারিণি ! জগতে আপনি ভিন্ন আর কেহই শরণ্য নাই । যে সমস্ত ব্যক্তির উপর আপনার শুভদৃষ্টি পাত হয়, জগতে তাঁহারাই ধন্য এবং তাঁহারাই মাননীয় হইয়া থাকেন । প্রণতজ্ঞনের মোক্ষলক্ষ্মীস্বরূপা ও কাশীপুরোতে অবস্থিতা সহজপ্রকাশরূপিণী আপনাকে যাঁহারার স্মরণ করেন, বিশুদ্ধমতি ও নির্বাপনরক্ষণের বিচক্ষণপাত্রভূত সেই সমস্ত ব্যক্তিকে স্বয়ং স্মরণের স্মরণ করিয়া থাকেন । ৫৮-৫৯ । হে মাতঃ ! আপনার বিমল চরণযুগল বাহার হৃদয়ে অবস্থান করে, তাহার সমস্ত ভুবনই করগত হয় । হে মঙ্গলগৌরি ! যে ব্যক্তি সতত আপনার নাম জপ করে, অষ্টবিধ সিদ্ধি তাহার গৃহ পরিত্যাগ করে না । হে দেবি ! আপনিই বেদজননী ও প্রণবরূপিণী, আপনিই দ্বিজাতিগণের কামধেনুস্বরূপা গায়ত্রী, আপনিই ব্যাহতিত্রয়, আপনিই সকল কৰ্ম্মসিদ্ধির জন্ম দেবগণের তৃপ্তির হেতু স্বাহা ; এবং আপনিই পিতৃগণের পরিতৃপ্তজনক স্বধাস্বরূপিণী । আপনি মহাদেবের অঙ্কে গৌরীরূপে, বিধাতার ক্রোড়ে সাবিত্রীরূপে, বিষ্ণুর অঙ্কে লক্ষ্মীরূপে এবং কাশীতে মোক্ষলক্ষ্মীরূপে অবস্থান করিতেছেন । হে মাতঃ মঙ্গলগৌরি ! আপনিই আমার শরণ্য । ৬০-৬২ । এই মঙ্গলাম্ভক নামক মহাস্তোত্রের দ্বারা সূর্য্যদেব স্মরণের শরীরার্দ্ধশোভিনী ভগবতীকে স্তব করিয়া, দেবী এবং দেবকে বারবার প্রণাম করত তাঁহাদের সম্মুখে মৌন হইয়া রহিলেন, তখন দেবদেব বলিতে লাগিলেন । ৬৩ ।

দেবদেব কহিলেন, হে মহামতে সূর্য্য । উঠ উঠ, আমি প্রসন্ন হইয়াছি, তুমি আমার নেত্রগ হইয়া এই চরাচর পরিদর্শন কর । হে সূর্য্য ! তুমি আমারই মুক্তি, তুমি সমস্ত তেজোরশি, সমস্ত কৰ্ম্মবিৎ, সর্ব্বজ্ঞ এবং সর্ব্বত্রগামী হও ; আর সমস্ত ভক্তজনের গর্ব্বপ্রকার দুঃখ নিবারণ কর । তুমি আমার চতুষ্টিনাম সংযুক্ত যে অষ্টক-স্তোত্রের দ্বারা স্তব করিয়াছ ; সেই স্তব পাঠ করিলে, মানব আমার ভক্তি লাভ করিবে এবং মঙ্গলাম্ভকনামে মঙ্গলাগৌরীর যে স্তব করিয়াছ, তাহার দ্বারা মঙ্গলাগৌরীর স্তব করিলে মানব মঙ্গল লাভ করিবে । এই চতুষ্টিনামাত্মক-স্তোত্র ও মঙ্গলাম্ভক-স্তোত্র অতি শ্রেষ্ঠ, পবিত্র ও সর্ব্বপাতকনাশন । মানব দূরদেশে অবস্থিত হইয়াও প্রত্যহ ত্রিসন্ধ্যাতে বিশুদ্ধচিত্তে এই স্তোত্র পাঠ করিলে

দুর্লভ কাশীলাভ করিতে পারে। মনুষ্য, প্রতাহ এই স্তোত্রদ্বয় পাঠ করিলে তাহার দৈনন্দিন পাপ ক্ষয় হইয়া যায়, ইহাতে সন্দেহ নাই এবং তাহার দেহে কদাপিও কোন পাপ অবস্থান করিতে পারে না। ৬৪-৭১। যে ব্যক্তি ত্রিকালীন এই শুভ স্তোত্রদ্বয় পাঠ করে, ক্ষণিকসৌভাগ্যপ্রদ অশ্রাণ বহুতর স্তোত্রে তাহার কি প্রয়োজন ? কাশীতে এই স্তোত্রদ্বয় নৈঃশ্রেয়সী লক্ষ্মী প্রদান করিয়া থাকে ; অতএব মোক্ষাভিলাষী ব্যক্তিগণ, অশ্রাণ স্তোত্রনিচয় পরিত্যাগ পূর্বক সর্বপ্রকার প্রযত্ন সহকারে এই স্তোত্রদ্বয় পাঠ করিবেন। এই সমস্ত চরাচরই আমাদের দুইজনের প্রপঞ্চ ; স্তব্রাং উভয়ের এই স্তোত্রদ্বয় পাঠ করিলে মানব নিস্প্রপঞ্চ হইতে পারে। এই স্তব পাঠ করিলে মানব, পুত্রপৌত্রবতী মহতী সমৃদ্ধি লাভ করত অশ্রু মোক্ষ লাভ করিয়া থাকে। হে গ্রহরাজ ! আরও একটা কথা শ্রবণ কর। তোমার দ্বারা প্রতিষ্ঠিত এই গভস্তীশ্বর নামক লিঙ্গের পূজা করিলে সর্বপ্রকার সিদ্ধি লাভ হইবে। চাম্পায়াম্বুজকান্তি গভস্তিমালার দ্বারা তুমি ভক্তি-সহকারে আমার এই লিঙ্গ পূজা করিয়াছ, এইজন্য এই লিঙ্গ “গভস্তীশ্বর” নামে বিখ্যাত হইবে। মানব, পঞ্চনদ-তীর্থে স্নান করিয়া গভস্তীশ্বরের পূজা করিলে, তাহার সমস্ত পাপ বিধূত হইয়া যায় এবং সে পুনরায় জননীজঠরে প্রবেশ করে না। এবং নারী বা নর, চৈত্রমাসের শুক্লাতৃতীয়াতে উপবাস করত বস্ত্র, আভরণ প্রভৃতি বহুতর উপচার সমূহের দ্বারা এই মঙ্গলাগোরীর পূজা করিয়া নিনীথে নৃত্যগীর্গাদি করত জাগরণ করিয়া, প্রাতঃকালে আচ্ছাদনাদির দ্বারা দ্বাদশটি কুমারী পূজা করিয়া, তাহাদিগকে পরমাম্মাদি ভোজন করাইয়া দক্ষিণা প্রদান করত অশ্রাণ ব্যক্তিগণকেও দক্ষিণা প্রদান করিয়া “জাত বেদস” ইত্যাদি মন্ত্র উচ্চারণ পূর্বক তিলমিশ্রিত ঘৃতের দ্বারা অষ্টোত্তর-শত আহুতি প্রদান করিয়া, সংসারী ব্রাহ্মণকে একটা গোমিথুন দক্ষিণা দান করত শ্রদ্ধাসহকারে বিজদম্পতীকে ভূষণসমূহের দ্বারা অলঙ্কৃত করিয়া, “মঙ্গলা ও ঈশ্বর প্রীত হউন” এই মন্ত্র উচ্চারণপূর্বক পরমাম্মাদি ভোজন করাইয়া পরদিন প্রাতঃকালে পারণ করে, সে কদাপি দুর্ভাগ্য বা দারিদ্র্য লাভ করে না। ৭২-৮৬। এবং কখনও তাহার সম্ভানোচ্ছেদ বা ভোগোচ্ছেদ হয় না। স্ত্রী, বৈধবাভাগিনী হয় না ও পুরুষ, স্ত্রীবিয়োগভাগী হয় না ; পাপসমূহ বিলীন হইয়া যায় এবং পুণ্যরাশি লাভ হইয়া থাকে। এই মঙ্গলা-ব্রত করিলে বক্ষ্যাও প্রসূতা হয় এবং এই ব্রত করিলে কখন কুরুপ হইতে হয় না। কুমারী, এই ব্রত করিলে রূপ ও গুণবান্ পতি লাভ করে ; কুমারও এই ব্রত করিলে উৎকৃষ্ট স্ত্রী লাভ করিয়া থাকে। জগতে অনেক ব্রত আছে ; যাহাদের

অনুষ্ঠানে বহুতর অর্থ ও কামনা লাভ হইয়া থাকে, কিন্তু সে সমস্ত ব্রত কখনই মঙ্গলা-ব্রতের তুল্য নহে। কাশীবাসী ব্যক্তিগণ, সমস্ত বিশ্বশাস্তির জন্ত চৈত্রমাসের শুক্লা তৃতীয়াতে ইহাঁর বার্ষিকী যাত্রা করিবে। হে ছামণে ! আরও একটি কথা তোমাকে বলিতেছি। তপস্বীকালীন তোমার ময়ূখনিচয়ই আকাশমার্গে পরিদৃষ্ট হইয়াছে, তোমার শরীর পরিদৃষ্ট হয় নাই ; এইজন্য তোমার নাম “ময়ূখাদিত্য” হইল। তোমাকে অর্চনা করিলে মানবগণের কোন ব্যাধি হইবে না এবং রবিবারে তোমাকে দর্শন করিলে কখন দারিদ্র্য হইবে না। মহাদেব, ময়ূখাদিত্যকে এইরূপ বহুতর বর প্রদান করিয়া সেই স্থানেই অন্তর্হিত হইলেন এবং সূর্য্যও তথায় অবস্থান করিলেন। দ্রৌপদাদিত্যের উপাখ্যানের সহিত ময়ূখাদিত্যের এই পবিত্র আখ্যান শ্রবণ করিলে, মানব কখন নিরয়গামী হয় না। ৮৭-৯৬।

## পঞ্চাশত্তম অধ্যায় ।



গরুড়েশ্বর ও খেখোল্লাদিত্য বর্ণন।

স্কন্দ কহিলেন, হে কলশোদ্ভব ! বারাণসীতে অগ্ন্যাগ্ন যে সকল সর্বপাপ-বিনাশন আদিত্যগণ বিद्यমান আছেন, আমি অতিশয় প্রীতিসহকারে তাঁহাদের বিষয় কীৰ্ত্তন করিতেছি, তুমি শ্রবণ কর। ১। ত্রিলোচনস্থানের উত্তরভাগে খেখোল্লা নামে যে ভগবান্ আদিত্য বিরাজমান আছেন ; তাঁহার উপাসনা করিলে সর্বপ্রকার ব্যাধি বিনষ্ট হয়। এইস্থানে ভগবান্ আদিত্যের “খেখোল্লা” এই নাম কেন হইল তাহা কীৰ্ত্তন করিতেছি, তুমি অবধানপর হও। পুরাকালে দক্ষ-প্রজাপতির কদ্রু ও বিনতানামে কন্যাদ্বয় মরোচিতনয় কণ্ঠপের পত্নী হন। হে মুনে ! এক দিবস তাঁহারা ক্রৌড়া করিতে করিতে পরস্পর এইরূপ কথোপকথন আরম্ভ করিলেন। ২-৪।

কদ্রু কহিলেন, হে বিনতে ! আকাশমণ্ডলে তোমার গতি অপ্রতিহত। আমি তোমাকে ঐ নভোমার্গবিচরণকারীগণেরই সম্ভবতঃ জ্ঞেয় একটি বিষয় জিজ্ঞাসা করি, তুমি যদি সেই বিষয়টী অবগত থাক তাহা হইলে আমার নিকট কীৰ্ত্তন কর। এই যে সবিতার রথে উচ্চৈঃশ্রবানামে অশ্ব আছে বলিয়া শুনা যায়,

হে শুভে ! তুমি কি বলিতে পার তাহার বর্ণ শ্যাম অথবা ধবল ? ৫-৬। হে বিনতে ! কোন পণবন্ধ পূর্বক তুমি এই সূর্যাস্থের ধাবল্য বা কৃষ্ণত্ববিষয়ে একটী নিশ্চিতপক্ষ অবলম্বন কর, আমিও সেই পণবন্ধে তাহার বিরুদ্ধপক্ষ অবলম্বন করি ; কারণ এইরূপ কোন প্রকার ক্রৌড়া না করিলে আর দিনও অতিবাহিত হয় না। হে কল্যাণি ! তোমার যে প্রকার অভিরুচি তদনুসারেই পণবন্ধ কর ; এই প্রকার ক্রৌড়া ব্যতিরেকে কাল অতিক্রম করা বড়ই দুঃসাধ্য। ৭।

বিনতা কহিলেন, হে ভগিনি ! এ বিষয়ে আর পণ করিবার প্রয়োজন কি ? আমি বিনাপণেই বলিতে স্বীকৃত আছি। এই বিষয়ে আমার পরাজয় হইলেই বা তোমার কি প্রীতিলাভ হইবে অথবা আমার জয়লাভ হইলেই বা আমার কি অধিক কি সুখলাভ হইবে ? এই সকল বিষয় বিবেচনা করিয়া স্নেহাভিলাষী ব্যক্তিগণের মধ্যে পরস্পর কোন প্রকার পণ করা উচিত নহে ; কারণ এই প্রকার পণানস্তুর একের বিজয় হইলে অন্তের নিশ্চয়ই ক্রোধ উৎপন্ন হইবে। ৮-৯। কদ্ৰু কহিলেন, হে ভগিনি বিনতে ! ইহা সামান্য ক্রৌড়ামাত্র, ইহাতে কোন প্রকার ক্রোধের কারণ বিद्यমান নাই ; ইহা ক্রৌড়া-ব্যবহারমাত্র যে, ক্রৌড়া করিতে হইলে কোন প্রকার পণের উল্লেখ করা কর্তব্য। ১০। বিনতা কহিলেন, হে ভগিনি ! তোমার যাহাতে অভিরুচি হয়, সেই প্রকারই পণবন্ধ কর। বিনতার এবম্বিধ বাক্য শ্রবণ করিয়া কুটিলমানসা কদ্ৰু বলিলেন, এইস্থলে এই প্রকার পণবন্ধ করা গেল যে, যে এই ক্রৌড়াতে পরাজয় প্রাপ্ত হইবে, সে পরাজয়কারিণীর দাসী হইয়া অবস্থান করিবে। এই পণে আমাদের সহচারিণী এই সখীগণ সাক্ষীরূপে পরিগণিত হইল। ১১-১২। সর্পিণী কদ্ৰু ও পক্ষিণী বিনতা, এই প্রকার পণে বন্ধ হইলে পর কদ্ৰু কহিলেন, আমি বলিতেছি যে সূর্যাস্থ কর্তব্য বর্ণ ; বিনতা কহিলেন, আমি বলিতেছি উচৈঃশ্রবা শ্বেতবর্ণ। এই প্রকার বলিয়া পরস্পর ইহার মধ্যে কাহার কথা সত্য ইহার পরীক্ষার্থ কোন নির্দিষ্ট সময়ে কোন সমুচ্চ স্থানে গমন করত “ইহা উভয়কেই বিলোকন করিতে হইবে” এই প্রকার নিশ্চয় করিয়া তাঁহারা উভয়ে স্বপ্ন ভবনে প্রত্যাবর্তন করিলেন। বিনতা স্বভবনে প্রস্থান করিলে পর কদ্ৰু নিজ সম্ভান সর্পগণকে আহ্বান করিয়া এই প্রকার আদেশ করিলেন যে, হে পুত্রগণ ! তোমরা আমার বচনানুসারে সুরাসুরগণ কর্তৃক মথ্যমান ও মন্মর পর্বতক্ষুদ্র ক্ষীরসমুদ্র হইতে উত্তীর্ণ সূর্যাস্থ উচৈঃশ্রবা অশ্বের নিকট গমন কর। দেখ ইহা নিশ্চয়ই আছে যে, কার্য্যমাত্রের উপাদান কারণের গুণপ্রাপ্ত হয়, সুতরাং শুভ্রবর্ণ ক্ষীরসমুদ্রজাত উচৈঃশ্রবা নিশ্চয়ই শুভ্রবর্ণ। হে পুত্রগণ !

তোমরা তথায় গমনপূর্বক সেই শ্বেতবর্ণ অশ্বকে কৃষ্ণবর্ণ করিয়া ফেল । তাহার পুচ্ছদেশে অবস্থান করত, তোমরা তাহার কৃষ্ণবর্ণ কুণ্ডলের ন্যায় শোভাপ্রাপ্ত হও । এই প্রকার তোমাদের বিষফুৎকার দ্বারা সেই অশ্বের গাত্রে যত রোম আছে, তাহা সকলই কৃষ্ণবর্ণ করিয়া দাও । ১৩-১৮ । অতি কুৎসিতাকার কচ্ছপ-সন্তানগণ, জননীর এতাদৃশ বাক্য শ্রবণ করিয়া, সকলেই জননীকে আমন্ত্রণ পূর্বক বলিতে আবস্থ করিল । ১৯ । নাগগণ কহিল, হে জননি ! আমরা সকলেই ক্রীড়ানিরত ছিলাম, পরে আপনার আহ্বানে “কোন প্রকার উত্তম খাত্ত, জননী আমাদিগকে দিবার জন্ত ডাকিতেছেন” এই ভাবিয়া আপনার নিকট ক্রীড়া পরিত্যাগ করত উপস্থিত হইয়াছি । ২০ । পরন্তু মিষ্টান্ন পাইবার কথা দূরে থাক্, আপনি বিষ হইতেও অধিক কটুবাক্য বলিলেন ; কারণ ইহা মন্ত্র বা ঔষধে উপশমিত হয় না । ২১ । হে জননি ! আমরা যাহা কখন ভাবি নাই বা ভাবিবও না ; তাহাই আপনার বাক্যপ্রসাদে আমাদের হইতে চলিল ; অতএব হে মাতঃ ! আপনি কোন প্রকার খাত্তদ্রব্য দিতে পারেন ত আমরা গ্রহণ করিতে প্রস্তুত আছি, কিন্তু আপনার এবং বিধ আদেশ আমরা প্রতিপালন করিতে পরাস্থ । সেই ক্রুরমতি সর্পগণ, এই প্রকার জননীর আদেশ প্রত্যাখ্যান করিল । ২২ ।

স্কন্দ কহিলেন, হে অগস্ত্য ! গন্যান্য যাহারাও এই প্রকার কুটিলমতি, পর-রক্ষ প্রবেশী, ক্রুরহৃদয় ও কর্ণরহিত হয় ; তাহারাও এবম্প্রকার জনক বা জননীর আজ্ঞা উল্লঙ্ঘন করিয়া, তাঁহাদিগকে লজ্জা প্রদান করিয়া থাকে । ২৩ । যে সকল দুরহঙ্কারীগণ, জনক বা জননীর বাক্য প্রতিপালন না করে, তাহারা অতি অশুভ লাভ করিয়া অল্প কালের মধ্যেই বিলয় প্রাপ্ত হইয়া থাকে । ২৪ । স্বকীয় বাক্যের উলঙ্ঘনকারী সূতরাং অতিশয় অপরাধী নাগগণকে, সেই সময় অতিক্রুদ্ধা কচ্ছপ এই শাপ প্রদান করিলেন যে, “অরে ! আমার বাক্য উল্লঙ্ঘন পাপে তোরা গরুড়ের ভক্ষ্য হইবি ও সর্পিণীগণ জাতমাত্র স্বীয় সন্ততিবর্গকে ভক্ষণ করিবে” । ২৫-২৬ । জননীর এবম্প্রকার শাপানলে ভীত হইয়া প্রায় সকল সর্পই পাতালে প্রস্থান করিল এবং কোন কোন দুই এক জন সর্প, জননী-শাপ হইতে জীবন রক্ষা করিবার আশায় তদীয় বাক্য প্রতিপালনার্থ প্রবৃত্ত হইল । ২৭ । তখন সেই সকল অবশিষ্ট মহাবুদ্ধি সর্পগণ, আকাশমার্গে, উঠেঃশ্রবার পক্ষ আশ্রয় গ্রহণপূর্বক স্বকীয় ফুৎকার বিনিঃসৃত তীব্র বিষজ্বালা দ্বারা সেই অশ্বের অঙ্গ কর্ত্তর বর্ণ করিয়া ফেলিল । মাতার বাক্য প্রতিপালনজন্য ধর্ম্মের প্রভাবে সেই সকল সর্পগণ সূর্য্যের প্রখর কিরণেও দক্ষ হইল না । ২৮-২৯ ।

তদনন্তর কক্ষ, বিনতার পৃষ্ঠদেশে আরোহণ পূর্বক গগণমার্গ অলঙ্কৃত করত, অভ্যুক্ষে আরোহণ করিয়া অনন্তরশ্মিময় দিনকরমণ্ডল অবলোকন করিতে প্রবৃত্ত হইলেন। ৩০। এই প্রকার উর্দ্ধে গমন করিতে করিতে সূর্য্যের প্রথর কিরণজালে তাপিতহৃদয়া কক্ষ বিনতাকে কহিলেন যে, হে বিনতে! তুমি নিরপেক্ষ ভাবে এখান হইতে গমন কর; কারণ তপনের তাপকারী কিরণনিবহে আমার দেহ অতিশয় তাপিত হইতেছে, এ প্রকারে অপেক্ষিত গতিতে আমার উপরে যাওয়া বড়ই ক্লেশকর হইতেছে, অথচ তুমি সাপেক্ষভাবে উর্দ্ধমুখে উপরে উঠিতেছ; হে বিনতে! তুমি স্বভাবে পতঙ্গী আর এই সহস্ররশ্মিও স্বভাবত পতঙ্গ, স্ততরাং তোমার উর্দ্ধগমনে তাপজন্ম কোন প্রকার বাধার সম্ভাবনা নাই। এই সূর্য্য আকাশরূপ সরোবরে হংসস্বরূপ, আর তুমিও হংসগামিনী; কাষেকাষেই চণ্ড-রশ্মির প্রতাপাগ্নি তোমাকে পীড়িত করিতেছে না। কক্ষের এবস্থিধ বাক্যে প্রতি-নিবৃত্ত না হইয়া, বিনতা যখন আরও উর্দ্ধে উঠিতে লাগিলেন, তখন ব্যাকুলমতি কক্ষ পুনর্ব্বার কাতর ভাবে বলিতে লাগিলেন যে, হে ভগিনি! আমাকে রক্ষা কর, রক্ষা কর, চল আমরা আকাশমার্গ ছাড়িয়া নীচে অবতরণ করি। হে বিনতে! আমি তোমার নিকট এত বিনয় করিতেছি তথাপি তুমি আমাকে কেন রক্ষা করিতেছ না। আমি তোমার দাসী হইয়া তোমার উচ্ছিষ্ট ভক্ষণ ও তোমার পাদোদক পান করিয়া যাবজ্জীবন অতিবাহিত করিব। এই প্রকার গদ্গদভাষিণী কক্ষ, “হে সখি! আমার উপর নিশ্চয় উদ্ধা পতিত হইতেছে” এই প্রকার বলিতে গিয়া, ভয়ে জাড্যপ্রযুক্ত “খখোন্ধ পড়িতেছে,” এই প্রকার বলিয়া ফেলিলেন এবং তৎক্ষণাৎ বিনতার পক্ষপুটের উপরে মুচ্ছিত হইয়া পড়িলেন। সম্ভ্রান্তচিত্তা কক্ষ, সেই সময় খখোন্ধ এই কথাটী উচ্চারণ করিয়াছিলেন, বলিয়া আদিত্যের “খখোন্ধ” এই নাম প্রদান করিয়া বিনতা তাঁহাকে বহু স্তুতি করিলেন। অনন্তর বিনতার স্তুতিতে প্রসন্ন হইয়া দিবাকর কিয়ৎকালের জন্ত স্থায়ী উষ্ণ কিরণের সঙ্কোচ করিয়া গমন করিতে আরম্ভ করিলে পর, বিনতা ও কক্ষ সূর্য্যের রথে বদ্ধ সেই অশ্বশ্রেষ্ঠের বর্ণ বিচিত্র কৃষ্ণাভাযুক্ত ইহা বিলোকন করিতে পাইলেন। ৩১-৪০। দূর হইতেই সূর্য্যশ্ব অবলোকন করিতে পাইয়া, সত্যবাদিনী ভুবনমায়া বিনতা তাপোপহতনেত্রা কক্ষকে সম্বোধন করিয়া কহিলেন, হে কক্ষো! হে ভদ্রে! এ পণে তোমারই জয় হইয়াছে, কারণ এই উচ্চৈঃশ্রবানামক অশ্ব, লশাঙ্ক-কিরণের দ্বারা ধবল বর্ণ হইয়াও অস্ত্র আমার অদৃষ্টগুণে কৃষ্ণবর্ণের দ্বারা লঙ্ঘিত হইতেছে। হে ভগিনি উরগি! সর্ব্বথা ভাগ্যই বলবৎ, দেখ কি আশ্চর্য্যের বিষয় এই যে জয়-



পরাজয় সম্বন্ধে কদাপি ক্রুর ব্যক্তি জয় লাভ করে এবং অক্রুরও পরাজিত হইয়া থাকে । বিনয়ের আধাররূপিণী বিনতা, কক্ষকে এই প্রকার বলিয়া আকাশ হইতে প্রত্যাবর্তন করত নিজ আবাস লাভ পূর্বক যথারীতিতে কক্ষর দাসীত্ব স্বীকার করিলেন । ৪১-৪৪ । এই প্রকার দাসীভাবে কিয়দ্বিবস অতিবাহনের পর কোন এক দিবস অশ্রুপূর্ণলোচনা মলিনাকান্তি দীনা ও দীর্ঘ নিশ্বাসবতী বিনতা স্বীয় তনয় গরুড় কর্তৃক দৃষ্ট হইলেন । ৪৫ । গরুড় কহিলেন, হে মাতঃ ! প্রতিদিনই প্রাতঃকালে আপনি কোথায় গমন করিয়া থাকেন এবং কোথায়ই বা সমস্ত দিন অতিবাহিত করত সায়ংকালে প্রত্যাবর্তন করেন, এবং আসিবার কালে কান্তি, কেন এত মলিন হয় এবং আপনার হৃদয়ই বা কেন এরূপ দীনভাবাপন্ন থাকে । আপনি ক্লীবতনয়া অথবা পতিবিমানিতা নারীর আয় সর্বদাই এরূপ দীর্ঘ নিশ্বাসই কেন পরিত্যাগ করিয়া থাকেন ? হে জননি ! আপনি কেন এ প্রকার দুঃখ ভোগ করিতেছেন ? তাহা সত্ত্বর প্রকাশ করুন । কালের ভয় প্রদানকারী আমার আয় সম্ভান জীবিত থাকিতে আপনার অশ্রুবর্ষণের কারণ কি ? হে মাতঃ ! সূচরিত্রা নারীগণ কখনই দীর্ঘ অমঙ্গল ভোগ করেন না । সেই সকল পুত্রগণকে ধিক্ থাকুক ; যাহারা জীবিত থাকিতে তাহাদের জননী দুঃখ বহন করিয়া থাকেন । সেই জননীর বক্ষা হওয়াই ভাল ; পুত্রেরা যাহাঁর নিজ মনোরথ সফল করিতে পারে না । ৪৬-৫০ ।

মাতৃভক্তিসমম্বিত পুত্র গরুড়ের এবম্বিধ তেজঃসমম্বিত বাক্য শ্রবণ করিয়া বিনতা কহিলেন, হে বালক গরুড় ! আমি ক্রুরহৃদয়া কক্ষর দাসী হইয়া কালষাপন করিতেছি, প্রতিদিন কক্ষ ও তাহার পুত্রগণকে আমি নিজ পৃষ্ঠে বহন করিয়া থাকি । ৫১-৫২ । প্রতিদিনই তাহার পুত্রগণও তাহাকে পৃষ্ঠে ধারণপূর্বক আমি কখন মন্দের পর্বতে, কখনও বা মলয় পর্বতে, কখনও বা সমুদ্র সকলের অন্তরীপনিবহে বিচরণ করিয়া থাকি । সেই সকল সূক্ষ্মদ কক্ষসম্ভানগণ আমাকে যেখানে যেখানে বাইতে আজ্ঞা প্রদান করে, আমিও দীনহৃদয়ে কাতরভাবে সেই সেই স্থানে তাহাদিগকে পৃষ্ঠে বহন করিয়া লইয়া যাই । ৫৩-৫৪ । গরুড় কহিলেন, হে অনঘে ! মাতঃ ! আপনি কশ্যপের পত্নীও দক্ষ প্রজাপতির তনয়া, তথাপি আপনার এ প্রকার দাসীত্ব করিতে হয় কেন ? গরুড়ের এবম্বিধ বাক্য শ্রবণে বিনতা, সূর্য্যাস্তদর্শন হইতে নিজের পগাশুযায়ি এবম্বিধ দাসীত্ব হওয়া বিবরণ সম্যক প্রকারে তাঁহার নিকট ব্যক্ত করিলে পর গরুড় তাঁহাকে কহিলেন যে, হে মাতঃ ! আপনি সত্ত্বর সেই স্থানে গমন করিয়া সেই সকল দুর্বৃত্ত কক্ষপুত্রগণকে এই বাক্য জিজ্ঞাসা

করিয়া আসুন যে, এই জগতে যে পদার্থ তোমাদের অত্যন্ত দুর্লভ ও যাহাতে তোমাদের অতিশয় রুচি হয়, তাহা তোমরা প্রার্থনা কর। আমার দাসীত্বের বিনিময়ে আমি তোমাদের তাহা প্রদান করিব, ইহাতে তোমরা আমার দাসীত্ব মোচন করিবে কি না ? ৫৫-৫৮। গরুড়ের এবস্থিধ বাক্য শ্রবণে বিনতা তৎক্ষণাৎ ক্রুদ্ধ ও তাহার সম্মুখগণের নিকট গমন করিয়া এই সকল বিষয় বিজ্ঞাপন করিলে পর, সপর্ণগ একত্র পরামর্শ করিয়া হৃষ্ট মানসে তাঁহাকে কহিল যে, যদি তোমার মাতৃ-দাস্ত্র হইতে বিমুক্ত হইবার অভিলাষ হইয়া থাকে, তাহা হইলে আমাদিগকে স্বর্গের স্রুধা আনিয়া দেও, তাহা হইলে আমরা তোমার দাসীত্ব বিমোচন করিয়া দিব। অন্তথা ঘেরূপ ভাবে আছ তাহাই থাক। ৫৯-৬০। বিনতা তাহাদিগের বাক্যেই সম্মতি জ্ঞাপনান্তে ক্রুদ্ধকে জিজ্ঞাসা করিয়া নিজ আবাসে প্রত্যাগমন পূর্বক সংহৃষ্টমানস স্বীয় তনয় গরুড়কে সকল কথা বিজ্ঞাপন করিলেন। ৬১। জননী বাক্য শ্রবণান্তে নাগাস্তক গরুড়, চিন্তাবাকুলা স্বীয় জননীকে কহিলেন যে, মাতঃ! আমি স্রুধা আনয়ন করিয়াছি বলিয়াই আপনি অবগত হউন; আপনি আমাকে আহাৰ্য্য প্রদান করুন, আমি এখনই অমৃত লইয়া আসিতেছি। ৬২। গরুড়ের এই বাক্য শ্রবণ পূর্বক রোমাঞ্চিতশরীরে বিনতা কহিলেন, হে স্রুপর্ণ! তোমার মঙ্গল হউক, তুমি সমুদ্রতীরে গমন কর, সেই স্থানে মৎস্যঘাতী বহু নিষাদগণ বর্তমান রহিয়াছে; সেই সকল দুর্বৃত্তগণকে তুমি ভক্ষণ কর। যে সকল দুর্বৃত্তগণ পরকীয় প্রাণ হনন করিয়া নিজ প্রাণ পোষণ করে, তাহাদিগকে সর্ব প্রকারে শাসন করা কর্তব্য; কারণ তাহাদের শাসনে পরম মঙ্গল লাভ করিতে পারা যায়। ৬৩-৬৫। হে স্রুপর্ণ! যাহারা বহু জীবের হিংসা করে, তাহাদিগকে বিনাশ করিলে স্বর্গ লাভ হয়; কারণ অনন্ত হিংসাকারীর বিনাশে অনন্ত জীব, মৃত্যুর হস্ত হইতে পরিত্রাণ পাইয়া থাকে। ৬৬। হে পুত্র! সেই সকল নিষাদগণের মধ্যে যদি কোন ব্রাহ্মণ থাকেন, তাহা হইলে তাঁহাকে সর্বতোভাবে রক্ষা করিবে; যেন তাঁহাকে ভক্ষণ করিও না। ৬৭।

গরুড় কহিলেন, হে মাতঃ! নিষাদগণের মধ্যে যদি কোন ব্রাহ্মণ বাস করেন, তাহা হইলে তাঁহাকে ভক্ষণ করা হইবে না আপনি ইহা বলিলেন বটে। কিন্তু হে জননি! আমি কি প্রকারে নিষাদগণমধ্যবর্তী ব্রাহ্মণকে জানিতে পারিব। ৬৮।

বিনতা কহিলেন, হে পুত্রক! যাহার গলদেশে ষষ্ঠসূত্র, যাহার উত্তরীয়-বস্ত্র সূনির্মল, যিনি সর্বদাই ধৌত অধোবস্ত্র ধারণ করেন, যাহার ললাটদেশে তিলক-

লাঞ্ছিত, যিনি হস্তদ্বয়ে কুশ ধারণ করেন, বাঁহার নীবী ( কটিসূত্র ) কুশময়ী ও মস্তকে গ্রন্থিবদ্ধশিখা, তাঁহাকেই তুমি ব্রাহ্মণ বলিয়া জানিও । যে ব্যক্তি ঋক্, যজুঃ অথবা সামবেদের একটী ঋচা উচ্চারণ করেন এবং যিনি কেবল গায়ত্রী-মাত্র মন্ত্রের উপাসনা করেন ; অথ্য কিছুই জানেন না, তাঁহাকে ব্রাহ্মণ বলিয়া জানিও । ৬৯—৭১ ।

গরুড় কহিলেন, হে জননি ! যে ব্রাহ্মণ সর্বদা পাপাচার নিরত নিষাদগণের মধ্যে বাস করেন, তাহার ত এই সকল ব্রাহ্মণহুজাপক একটীও চিহ্ন থাকিবার সম্ভাবনা নাই, অতএব হে মাতঃ ! ব্রাহ্মণহুজাপক এমত একটী লক্ষণাস্তর নির্দেশ করুন ; যাহা তাদৃশ ব্রাহ্মণেও সম্ভবপর হয় । আমি সেই লক্ষণ দেখিয়া ব্রাহ্মণ কণ্ঠগত হইলেও তাঁহাকে পরিত্যাগ করিতে সমর্থ হইব । ৭২-৭৩ । গরুড়ের এব-  
প্রকার বাক্য শ্রবণে বিনতা কহিলেন হে পুত্রক ! যে ব্যক্তি তোমার কণ্ঠগত হইয়া প্রজ্বলিত খদিরাজ্বারের স্নায় তদীয় কণ্ঠ দাহ করিবেন, হে বৎস ! তাঁহাকে ব্রাহ্মণ জানিয়া স্তূরে পরিত্যাগ করিবে । ব্রাহ্মণ জাত্যাচার বিরহিত হইলেও তাঁহাকে বিনাশ করা উচিত নহে ; কারণ ব্রাহ্মণজাতিমাত্রকেও হিংসা করিলে হিংসাকারীর দেশ, বংশ, সম্পৎ ও শরীর কালক্রমে ধ্বংস প্রাপ্ত হয় । ৭৪-৭৫ ।

শ্রীমান্ গরুড়, জননীর এবম্বিধ বাক্য শ্রবণ করিয়া তাঁহার পাদদ্বয়ে প্রণাম পূর্বক তাঁহার নিকট হইতে আশীর্বাদ গ্রহণ করত আকাশ-পথ অবলম্বনে দ্রুত-গতিতে প্রস্থান করিলেন । ৭৬ । কিয়ৎকালের মধ্যে পক্ষিশ্রেষ্ঠ গরুড় দূর হইতেই সেই সকল মৎস্যজীবী নিষাদগণকে বিলোকন পূর্বক, পক্ষদ্বয় কম্পিত করত তদুৎথাপিত রজোরাশির দ্বারা গগনমণ্ডল ও ধরণী সমাচ্ছাদিত এবং দ্বিধ্বমণ্ডল অন্ধকার করিয়া সমুদ্রতীরে উপবেশন করিলেন । গরুড় উপবেশনান্তে স্বীয় মহা-কন্দরসম্মিত বদন ব্যাদান করিলেন । ৭৭-৭৮ । তাঁহার তাদৃশ পক্ষোৎথাপিত ধূলি-রাশি দ্বারা দ্বিধ্বমণ্ডল সমাচ্ছন্ন ও প্রচণ্ড বাত্যাবিস্ফোভিত হইয়াছে বিলোকন করিয়া, নিষাদগণ ব্যাকুলহৃদয়ে ইতস্ততঃ প্রস্থান করিতে লাগিল । তখন সেই সকল নিষাদবর্গ তাঁহার কণ্ঠদেশকেই সুবিস্তৃত পলায়ন-বজ্র ভাবিয়া তাহার মধ্যে প্রবেশ করিতে আরম্ভ করিলে পর, তাহাদের মধ্যে নিবাসকারী কোন আচারবিহীন ব্রাহ্মণ তাঁহার কণ্ঠে প্রবেশ করিল । তাহার প্রবেশ কালে গরুড়ের কণ্ঠ বহিস্পর্শ জন্ম দাহ সদৃশ দাহব্যথাগ্ধুল হইল । অনন্তর গরুড় পূর্ব প্রবিষ্ট নিষাদগণকে স্বকীয় উদর-গহবরে স্থান প্রদান পূর্বক সংস্পর্শ গাত্রেই কণ্ঠদাহকারী সেই ব্যক্তিকে ব্রাহ্মণ বলিয়া অবগত হইলেন এবং তৎক্ষণেই মাতৃবাক্য স্মরণ করিয়া সন্তয়ে তাহাকে

উদগারণ করিয়া ফেলিলেন। ৭৯-৮১। অনন্তর সেই উদগীর্ণ মনুষ্যকে বিলোকন করিয়া পক্ষিশ্রেষ্ঠ গরুড় কহিলেন, যে মদীয়কণ্ঠদাহকৃৎ! তুমি কোন্ জাতিতে পরিচিত, ইহা সত্য করিয়া বল। সেই সময় গরুড় কর্তৃক পৃষ্ঠ হইয়া ব্রাহ্মণ তাঁহার নিকটে কহিলেন যে আমি ব্রাহ্মণ, নিজ জাতিমাত্রকেই উপজীবিকাস্বরূপ করিয়া আমি নিষাদনিবহের মধ্যে বাস করিতেছি। ৮২-৮৩। তদনন্তর পক্ষিশ্রেষ্ঠ গরুড়, সেই ব্রাহ্মণকে দূরে নিক্ষেপ করত, সেই সকল মৎস্যজীবীগণকে ভক্ষণ করিয়া প্রলয়কালীন ভীষণ বায়ুর ঞ্চায় তীব্রবেগে নভোমার্গ বিক্ষোভিত করিতে লাগিলেন। ৮৪। তৎকালে স্বকীয় তেজোরশির দ্বারা দ্বিদ্ধমণ্ডলাচ্ছাদনকারী, অতিতীক্ষ্ণ তেজঃশালী, দাবানল প্রদীপ্ত সুবিশাল পর্বতের ঞ্চায় আকৃতিধারী ও স্বর্গাভিমুখে ধাবমান সেই গরুড়কে বিলোকন করিয়া দেবগণ অতিশয় ভীত হইলেন। ৮৫। সেই সময় সকল দেবগণই নিজ নিজ বল ও অস্ত্র সজ্জিত করত, বিচিত্র বিচিত্র বর্ষা ধারণ পূর্বক স্ব স্ব বাহনে ঝরিতগতিতে আরোহণ করিয়া যুদ্ধের নিমিত্ত সজ্জিত হইলেন এবং সেই অচিস্ত্যচরিত্র বিশালকায় পক্ষিশ্রেষ্ঠ গরুড়কে স্বর্গের অভিমুখে অত্যন্ত বেগে ধাবিত হইতে দেখিয়া, সকলেই মনে মনে এই প্রকার তর্ক করিতে লাগিলেন যে, এই বক্রগতি প্রদীপ্তপদার্থ কখনই সূর্য্য, অগ্নি, অথবা বিদ্যুৎ হইতে পারে না অথচ ইহা সবেগে এদিকে আগমন করিতেছে, ইহা কি? দৈত্যগণের ত ঐদৃশ প্রভা সম্ভবপর নহে; ইহা দানবগণেরও আকৃতি হইতে পারে না। এ কোন্ ব্যক্তি, আমাদের হংকম্পপ্রদ ভীতি উৎপাদন করিতেছে। ৮৬-৮৮।

দেবগণ যখন এই প্রকার বিতর্ক করিতেছেন, সেই সময় পক্ষিরাজ মহাবল গরুড়, একবার স্বকীয় পক্ষদ্বয় কম্পিত করিলেন। সেই পক্ষ কম্পন-সম্ভাত বায়ুবেগে সশস্ত্র স বাহন দেবগণ বিভাড়িত হইয়া বাতাহত তৃণ-পত্রাদির ঞ্চায় কোন্ দিকে বিলীন হইয়া গেলেন তাহার কোন সন্ধান রহিল না। ৮৯-৯০। অনন্তর দেবগণ ইতস্ততঃ পলায়ন করিলে পর গরুড়, অব্বেষণ পূর্বক যেখানে অমৃত আছে তথায় গমন পূর্বক দেখিলেন যে, অমৃত রক্ষীগণ নানাবিধ অস্ত্র-শস্ত্রে ভূষিত রহিয়াছে। সেই সময় তিনি তাহাদিগকে পরাজিত করিয়া দেখিলেন, অমৃত-ভাণ্ডের উপরিভাগে একটী কর্তরীষস্র বিद्यমান রহিয়াছে। ৯১-৯২। গরুড় দেখিলেন সেই চক্র, মনঃ ও পবনের তুল্য বেগে ভ্রমণ করিতেছে এবং তাহাতে যদি একটী মশক মাত্রও পতিত হয় তাহা হইলে, সেও তৎক্ষণাৎ খণ্ড খণ্ড হইয়া যায়। অনন্তর পক্ষীস্র গরুড়, সেই চক্রের সমীপে উপবেশন পূর্বক মনে মনে বিচার করিতে লাগিলেন যে, এক্ষণে আমি কোন্ উপায় অবলম্বন করিব। এই চক্রকে ত স্পর্শ

করাই অশকা ব্যাপার, কারণ বাত্যাও ইহার নিকটে যাইতে অসমর্থ; হয় ! কোন উপায়ই ত দেখিতেছি না, অহো ! আমার সকল উত্তমই ব্যর্থ হইল। এই স্থলে বলের দ্বারা কোন ফলের সম্ভাবনা নাই বা কোন প্রকার পৌরুষও কার্য্যকারী হইবে না। অহো ! দেবগণের অমৃতরক্ষণে কি মহান্ প্রযত্ন। যদি আমার দেবদেব শঙ্করে নিশ্চল ও অনন্যপর ভক্তি থাকে, তবে সেই কৃপাসাগর মহেশ্বর আমাকে মহাবুদ্ধি দ্বারা যুক্ত করিবেনই। যদি স্বামী শঙ্কর হইতেও আমার মাতৃ-চরণে অধিক ভক্তি থাকে, তাহা হইলে তাঁহার প্রসাদে আমার বুদ্ধি নিশ্চয়ই অমৃত-হরণে সক্ষম হইবে, তাহার সন্দেহ নাই। সেই বিশ্বগত ভগবান্ বিশ্বেশ্বর ইহা নিশ্চয়ই অবগত আছেন যে, আমার এই উত্তম কখনই স্বার্থসম্পাদনের জন্ম নহে। আমি কেবল জননীর দাসীত্ব মোচন করিতে অমৃতের জন্ম এই প্রযত্ন করিতেছি। জরাতুর বা অন্য ভীষণব্যাদিসঙ্কুল পিতা, মাতা, অতি শিশু সন্ততি ও সাধ্বী স্ত্রীর প্রতিপালনের জন্ম কোন প্রকার অসদুপায় অবলম্বন করিলেও পুরুষ দোষভাগী হয় না। ৯৩-১০০। এই সমস্ত চিন্তা করিতে করিতে সেই মহাত্মার একটি উপায় উদ্ভাবিত হইল। তিনি স্বীয় শরীরকে পরমাণু হইতেও সূক্ষ্ম করিলেন। তখন পরমাণুর সহস্র ভাগের তুল্য সেই অদ্ভুতরূপ পরিগ্রহ করিয়া, স্বদেহের লঘুতা প্রযুক্ত সেই কর্ত্তরী-যন্ত্রের নিম্নে প্রবেশ করত ভীত হইয়া, বক্রভাবে স্বীয় দেহ রক্ষা পূর্বক সহস্র মূল উৎপাটন করত অমৃত গ্রহণ করিয়া আকাশমার্গে গমন করিতে লাগিলেন। তখন “অমৃত হরণ করিয়া লইয়া গেল” এই বলিয়া দেবগণ চীৎকার করিতে করিতে বৈকুণ্ঠনাথের নিকট গমন করত তাঁহাকে বলিলেন যে—“হে চক্রিন্ ! আমাদিগকে পরাজিত করিয়া আমাদের জীবনস্বরূপ অমৃত হরণ করিয়া লইয়া যাইতেছে”। হরি, দেবগণের এই বাক্য শ্রবণ করিয়া তাঁহাদিগকে অভয় প্রদান পূর্বক স্বরাশ্রিত হইয়া গরুড়ের সহিত যুদ্ধ করিতে গমন করিলেন। পুরাকালে শুশ্রু ও দেবীর যুদ্ধের ত্রায় চতুঃষষ্ঠিদণ্ড ব্যাপিয়া গরুড়ের সহিত তাঁহার ভীষণ যুদ্ধ হইলে, সেই যুদ্ধে গরুড়ের বলই অধিক প্রকাশ পাইল। তখন ভগবান্ বিষ্ণু, গরুড়ের প্রতি প্রসন্ন হইয়া তাঁহাকে বহিলেন যে, হে খগেশ্বর ! হে জিতদেববৃন্দ ! তোমার কুশল হউক, তুমি বর প্রার্থনা কর। বিষ্ণুর এই বাক্য শ্রবণ করিয়া গরুড় হাস্য করত বিশ্বরূপ জনার্দনকে বলিলেন যে, আমিই আপনার উপর প্রসন্ন হইয়াছি, আপনিই আমার নিকট দুইটি বর প্রার্থনা করুন। ১০১-১০৯। তখন বিষ্ণু, সহর্ষে গরুড়কে বহিলেন যে, হে মহোদার ! আমি প্রার্থনা করিতেছি আমাকে দুইটি বর প্রদান কর। বিষ্ণুর এই কথা শুনিয়া পক্ষিরাজ বহিলেন যে, বিলম্বে প্রয়োজন

নাই; আপনার প্রার্থনীয় বরদ্বয় কি তাহা বলুন, আমি তাহা প্রদান করিতেছি। কারণ অলঙ্ক পদার্থের লাভ এবং দ্যুতাদিতে বিজয় লাভ হইলে বুদ্ধিমান ব্যক্তি কোন না কোন সৎপাত্রের লাভ বা জয় প্রদান করিয়া থাকেন। ১১০—১১২।

শ্রীবিষ্ণু কহিলেন, হে পক্ষীন্দ্র! তুমি অতিশয় বলশালী, তুমি আমার বাহন হও; ইহাই আমার প্রথম বর। হে কাশ্যপ! আমার দ্বিতীয় বর কি তাহা শ্রবণ কর। সর্পগণকে তুমি অমৃত দেখাইয়া মাত্র নিজ জননীর দাসীত্ব মোচন কর, কিন্তু তাহারা যাহাতে অমৃত পান করিতে না পায়, সত্তর তাহার বিধান কর এবং অমৃত দেবগণকে প্রদান কর; ইহাই আমার দ্বিতীয় বর। বিষ্ণুর এতাদৃশ প্রার্থনায় সম্মতি প্রদান করিয়া পক্ষিরাজ স্বর্গ হইতে নির্গত হইলেন। ১১৩—১১৫। অনন্তর গুরুড় ঋণমধ্যে নাগগণের সম্মুখে অমৃতভাণ্ড রক্ষা করিয়া মাতার দাসীত্ব মোচন করিলেন। অনন্তর সর্পগণ যখন অমৃত পান করিতে উৎসুক হইল, তখন মহামতি গুরুড় তাহাদিগকে কহিলেন যে, হে নাগগণ! আপনাদের পবিত্র হইয়া এই সুধা পান করা উচিত; নতুবা স্নানাদিবিজ্জিত অশুচি ব্যক্তি কর্তৃক স্পৃষ্ট হইলে, দেবগণ কর্তৃক পরিরক্ষিত এই সুধা অদৃশ্য হইয়া যাইবে। অশুচি ব্যক্তি কর্তৃক সামান্য ভক্ষ্য দ্রব্যও স্পৃষ্ট হইলে, দেবগণ সেই ভোজ্য দ্রব্যের রস হরণ করিয়া লন; তাহাতে সেই দ্রব্য নীরস হইয়া থাকে। এই কথা বলিয়া গুরুড় সর্পগণের আদেশ ক্রমে কুশাসনে অমৃতভাণ্ড রক্ষা করিয়া স্বীয় জননীর সহিত তথা হইতে প্রস্থান করিলেন। এদিকে সর্পগণ স্নান করিতে গমন করিল ইত্যবসরে ভগবান্ বিষ্ণু, সেই অমৃত হরণ করিয়া দেবগণকে প্রদান করিলেন। সর্পগণ স্নান করিয়া আসিয়া অমৃতপাত্র দেখিতে না পাইয়া “হায়, আমরা প্রতারণিত হইলাম, অমৃত লইয়া গিয়াছে” এই বলিয়া আক্ষেপ করিতে লাগিল। ১১৬—১২২। এবং সুধাস্পর্শাভিলাষে দর্ভসমূহ লেহন করিতে লাগিল; তাহাতে তাহাদের অমৃত পাওয়া দূরে থাকুক, কেবল সকলের জিহ্বা দ্বিখণ্ড হইয়া গেল। ১২৩। যাহারা অন্তায় প্রাপ্ত পদার্থ ভোগ করিতে ইচ্ছা করে, তাহাদের তাহা পরিপাক হয় না অথবা তাহারা তাহা ভোগই করিতে পায় না, দেখ, গুরুড় ন্যায়মার্গে অবস্থান করত অতি দুর্লভ সুধা লাভ করিলেন, কিন্তু সর্পগণ অন্তায়পূর্বক তাহা প্রাপ্ত হইয়াছিল, এ জন্য তাহারা দেখিবা মাত্র উহা ঋণমধ্যেই অদৃশ্য হইয়া গেল। ১২৪—১২৫।


বিনতা দাসীত্ব হইতে বিমুক্ত হইয়া গুরুড়কে কহিলেন যে, হে পুত্র! দাসীত্বস্তি অবলম্বন নিবন্ধন আমার যে পাতক উৎপন্ন হইয়াছে, সেই পাপ শাস্তির জন্ত আমি কাশীতে গমন করিব। পুনর্জন্মবিনাশিনী কাশী যে পর্য্যন্ত হৃদয়ে অবস্থিত না

হন, সেই পর্য্যন্তই পাপ সমূহ জন্মিত হইয়া থাকে । যে কাশীতে বিশ্বেশ্বরের অনু-  
গ্রহবলে গৰ্ভবাস পর্য্যন্তও বিলীন হইয়া থাকে, সেই কাশীকে স্মরণ করিবারাত্র  
পাপ বিনষ্ট হয় ; ইহাতে আর বিচিত্রতা কি ! কারণ তথায় চন্দ্রচূড় বিশ্বেশ্বর,  
ভারকমজ্জবলে অনায়াসেই জীবগণকে দুস্তর সংসার-সাগর হইতে উদ্ধার করিয়া  
থাকেন । বিশ্বেশ্বরের অনুগ্রহবলে যাঁহাদের নিখিল কৰ্ম্মবন্ধন ছিন্ন হইয়া যায়,  
তাঁহারা ব্যতীত অশ্রু কাহারও কাশীর প্রতি ভক্তি উৎপন্ন হয় না । ১২৬-১৩০ ।  
বিশ্বেশ্বরের অনুগ্রহে সমস্ত কৰ্ম্মবন্ধন হইতে বিচ্ছিন্ন হইয়া যাঁহাদের মনোবৃত্তি  
কাশীর প্রতি আসক্ত হইয়াছে, তাঁহারাই যথার্থ মনুষ্যপদবাচ্য ; অপরাপর সকলে  
মনুষ্যরূপী পশুবিশেষ । যাঁহারা বারাণসীকে প্রাপ্ত হইয়াছেন, তাঁহারাই কালকে  
জয় করিয়াছেন, তাঁহাদেরই পাপরাশি বিনষ্ট হইয়াছে এবং তাঁহারাই আর কখন  
জননীর গর্ভে অবস্থান করেন না । ১৩১-১৩২ । কল্যাণের ভাজন ও দেবগণেরও  
দুর্লভ মনুষ্যজন্ম, কাশীদর্শন ব্যতিরেকে ব্যর্থ অভিবাহিত করা উচিত নহে । পরমা-  
নন্দপ্রদ অবিমুক্তক্ষেত্র দর্শন করিতে পারিলে, কাল বা কলির ভয় কোথায় এবং  
অনেকবিধ কৰ্ম্মের ফলভোগই বা কোথায় ? যাঁহারা গৰ্ভবাসনিবারিণী বরণা ও  
অসির সেবা না করে, তাঁহারাই বারম্বার গর্ভে বাগ করিয়া থাকে । ১৩৩-১৩৫  
বিনতার এই বাক্য শ্রবণ করিয়া গুরুড় তাঁহাকে প্রণাম করত কহিলেন যে, আমিও  
মহাদেব কর্তৃক অর্চিত কাশীপুরী দর্শন করিতে যাইব । অনন্তর পক্ষীন্দ্র মাতৃ-আজ্ঞা  
প্রাপ্ত হইয়া মাতার সহিত ক্ষণমধ্যে মোক্ষনিষ্ক্রেপভূমি বারাণসীতে গমন করিলেন ।  
১৩৬-১৩৭ । এবং তথায় পক্ষীন্দ্র, শিবলিঙ্গ প্রতিষ্ঠা করিয়া এবং বিনতা খেখোল  
নামে আদিত্য-মূর্ত্তি স্থাপিত করিয়া কঠোর তপস্তা করিতে লাগিলেন । কাশীক্ষেত্রে  
শঙ্কর ও ভাস্কর উভয়েই তাঁহাদের তপস্যায় সন্তুষ্ট হইয়াছিলেন । গুরুড় কর্তৃক  
প্রতিষ্ঠিত শিবলিঙ্গ হইতে ভগবান্ উমাপতি আবির্ভূত হইয়া, গুরুড়কে বহুতর  
দুর্লভ বর প্রদান করিয়াছিলেন । ( মহাদেব কহিয়াছিলেন ) হে খগেন্দ্র ! তুমি  
আমার অভিশয় ভক্ত এজ্ঞ্য তুমি জ্ঞান লাভ করিবে । দেবগণও যাহা জানিতে  
পারেন না, তুমি অনায়াসেই আমার সেই রহস্য অবগত হইবে । তোমার দ্বারা  
প্রতিষ্ঠিত এই গুরুডেশ্বর নামক শিবলিঙ্গকে দর্শন, স্পর্শন ও পূজা করিলে মানবগণ  
পরম জ্ঞান লাভ করিবে । হে পক্ষীন্দ্র ! সম্প্রতি আর একটা তোমার হিতকর  
বাক্য বলিতেছি, শ্রবণ কর । এই আমিই সেই বিষ্ণু, তাঁহাতে এবং আমাতে  
তোমার যেন কোনরূপ ভেদদৃষ্টি না হয় । হে পক্ষীন্দ্র ! ইহাতে তুমি দৈত্যেন্দ্র-  
বলহারী সেই বিষ্ণুর বাহন হইয়া সকলের পূজনীয় হইবে । ভগবান্ শঙ্কু স্বীয়

ভক্ত গরুড়কে এইরূপ বর প্রদান করিয়া সেই লিঙ্গমধ্যেই অস্থিরিত হইলেন এবং গরুড়ও বিষ্ণুর নিকট গমন করিলেন ও তাঁহার বাহন হইয়া জগতে পূজনীয় হইলেন । ১৩৮—১৪৬ ।

এদিকে কাশীবাসী জনসমূহের অনেকবিধ পাপক্ষয়কারী মহাদেবেরই মূর্ত্যাস্তর খেৎস্ক নামক আদিত্য বিনতাকে কঠোর তপস্তা করিতে দেখিয়া, তাঁহাকে শিবজ্ঞান-সম্বিত ও পাপহারী বর প্রদান করিয়া “বিনতাদিত্য” নামে বিখ্যাত হইলেন । এইরূপে খেৎস্কাদিত্য কাশীবাসীর বিশ্বরাশি হরণ করিতে লাগিলেন । তাঁহাকে দর্শন করিলেই সমস্ত পাপ হইতে মুক্ত হওয়া যায় । কাশীতে পৈশঙ্গিলতীর্থে ( পিলি-পিলাতীর্থে ) খেৎস্কাদিত্য দর্শন করিলে মানব অভিলষিত বিষয় লাভ করে এবং ক্ষণমধ্যে রোগ হইতে নিৰ্ম্মুক্ত হইয়া থাকে । ১৪৭—১৫১ ।

## একপঞ্চাশত্তম অধ্যায় ।



অরুণাদিত্য, বুদ্ধাদিত্য, কেশবাদিত্য, বিমলাদিত্য,  
গঙ্গাদিত্য এবং যমাদিত্য-বর্ণন ।

অগস্ত্য কহিলেন, হে পার্বতীহৃদয়ানন্দ ! হে সর্ববজ্রাভব ! হে প্রভো ! আমি কিছু জিজ্ঞাসা করিতে অভিলষ করিতেছি, আপনি তাহার উত্তর প্রদান করুন । ১ । দক্ষপ্রজাপতির কন্যা, কশ্যাপপত্নী এবং গরুড়ের জননী সেই সাধবী বিনতা, কি নিবন্ধন দাসীত্ব লাভ করিয়াছিলেন ? ২ ।

স্কন্দ কহিলেন, হে মহামতে ! সেই তপস্বিনী বিনতা, যে জন্ম দাসীত্ব প্রাপ্ত হইয়াছিলেন ; তাহা বলিতেছি শ্রবণ কর । পুরাকালে মহর্ষি কশ্যপের ঔরসে কক্ষ, শত পুত্র প্রসব করিয়াছিলেন এবং বিনতাও উলুক, অরুণ ও গরুড় এই তিনটী তনয় প্রসব করিয়াছিলেন । ৩-৪ । হে মুনে ! বিনতার সেই তিনটী তনয়ের মধ্যে কৌশিক ( উলুক ) পক্ষিগণের মধ্যে শ্রেষ্ঠত্ব নিবন্ধন রাজ্য প্রাপ্ত হইলেও তাহার কোন গুণ নাই বলিয়া, সকলে মিলিয়া তাহাকে রাজ্যচ্যুত করিয়াছিল এবং “এ ব্যক্তি ক্রুরাঙ্গ, দিবাক্ষ এবং বক্রনখ ; এই জন্ম সর্বদা সকলের অতিশয় উদ্বেগজনক” । এইরূপে পক্ষিগণ তাহার নিন্দা করত অত্যাপিও অত্যা কাহাকে



ও রাজ্যপদে অভিষিক্ত না করিয়া, স্বেচ্ছাধীন বিচরণ করিতেছে । ৫-৭ । তৎকালে কৌশিকের এতাদৃশ অবস্থা দর্শন করিয়া বিনতা, পুত্রদর্শনলালসায় মধ্যম অণ্ডটী ভঙ্গ করিলেন । সহস্র বৎসর পূর্ণ হইলে যাহা প্রস্ফুটিত হইত ; বিনতা ঔৎসুক্য-নিবন্ধন অক্ষণত বৎসরেই সেই অণ্ড শিদির্ণ করিলেন । তখন অণ্ডস্থ শিশুর উরুর উপরিভাগস্থ সমস্ত অঙ্গমাত্র নিষ্পন্ন হইয়াছিল । ৮-১০ । অণ্ড বিদীর্ণ হইবামাত্র অর্দ্ধনিষ্পন্নদেহ সেই শিশু তাহা হইতে নিগত হইয়াই, ক্রোধে মুখশ্রী অরুণিত করিয়া মাতাকে শাপ প্রদান করিল যে, “হে জননি ! আপনি সপত্নীতনয়গণকে তাহাদের মাতার ক্রোড়ে স্বচ্ছন্দে ক্রীড়া করিতে দেখিয়া, ঈর্ষাবশতঃ এই অণ্ড দ্বিখণ্ড করিয়াছেন, তাহাতেই আমার দেহের অবয়ব সমূহ পুষ্ট হইতে পারিল না ; এই জন্ত হে বিহঙ্গমে ! আমি আপনাকে শাপ প্রদান করিতেছি যে, আপনি সেই সপত্নী পুত্রগণের দাসী হইয়া থাকিবেন” । ১১-১৩ । বিনতা পুত্রের এই শাপ-বাক্য শ্রবণে ভয়ে কম্পিতা হইয়া কহিলেন যে, “হে বৎস অনুরো ! কিসে তোমার জননীর শাপ বিমোচন হইবে ; তাহা বল । ১৪ ।

অনুরূ কহিলেন, হে মাতঃ ! আমাকে যেমন অপুষ্টাবস্থায় অণ্ড হইতে বাহির করিয়াছেন, তদ্রূপ অপূর্ণাবস্থায় এই তৃতীয় অণ্ড বিদীর্ণ করিবেন না ; তাহা হইলে ইহাতে যে সম্ভাবন হইবে, সেই আপনার দাসীত্ব মোচন করিবে । এই বলিয়া অরুণ আকাশমার্গে উৎপতিত হইয়া, যে স্থানে বিশ্বেশ্বর পঙ্গুজনকেও শুভগতি প্রদান করিয়া থাকেন ; সেই আনন্দকাননে গমন করিলেন । ১৫-১৬ । হে মুন্যে ! এই তোমাকে বিনতার দাসীত্বের কারণ বলিলাম ; এক্ষণে প্রসঙ্গাধীন অরুণাদিত্যের উপাখ্যান বলিতেছি শ্রবণ কর । উরুহীন বলিয়া তাঁহার নাম “অনুরূ” এবং ক্রোধে মুখশ্রী অরুণবর্ণ হইয়াছিল বলিয়া তাঁহার নাম “অরুণ” হইয়াছিল, সেই বিনতানন্দন বারগসীতে তপস্বী করিয়া সূর্য্যের আরাধনা করিয়াছিলেন এবং সূর্য্যও তাঁহারই নামে ( অরুণাদিত্য নামে ) বিখ্যাত হইয়াছিলেন ও তাঁহাকে বর প্রদান করিয়াছিলেন । ১৭—১৯ ॥

সূর্য্য কহিয়াছিলেন, হে বিনতানন্দন অনুরো ! জগতের হিতের জন্ত অন্ধকার-রাশি বিশ্বংস করত তুমি আমার রথে অবস্থান কর । আর বারগসীতে বিশ্বেশ্বরের উত্তরদিকে তোমার দ্বারা প্রতিষ্ঠিত এই মূর্ত্তির যাহারা আরাধনা করিবে ; তাহাদের ভয় কোথায় ? এই স্থানে অরুণাদিত্যনামে অবস্থিত আমাকে যে সমস্ত মানব অর্চনা করিবে, তাহাদের কোনরূপ দুঃখ, দায়িত্ব বা পাপ থাকিবে না এবং তাহারা কোম ব্যাধি বা উপসর্গের দ্বারা অভিভূত হইবে না । অরুণাদিত্যের সেবা করিলে

কেহই শোকাগ্নির দ্বারা দগ্ধ হইবে না । ২০-২৩ । সূর্য্য এই সমস্ত বলিয়া অরুণকে স্বীয় রথে আরোহণ করাইয়া লইলেন । সেই অবধি আজ পর্য্যন্তও প্রাতঃকালে সূর্য্যের রথে অরুণ সমুদিত হইয়া থাকেন । যে ব্যক্তি প্রতিদিন প্রাতঃকালে উজ্জ্বিত হইয়া সূর্য্যের সহিত অরুণকে নমস্কার করে, তাঁহার দুঃখভয় কোথায় ? যে ব্যক্তি অরুণাদিত্যের মাহাত্ম্য শ্রবণ করিবে, কোন কালেই তাহার কোনরূপ দুষ্কৃত সঞ্চিত হইবে না । ২৪—২৬ ।

স্কন্দ কহিলেন, হে মুন । এক্ষণে আমি বুদ্ধাদিত্যের মাহাত্ম্য কীর্ত্তন করিতেছি শ্রবণ কর ; যাহা শ্রবণকালেই মানব দুষ্কৃত হইতে মুক্তি লাভ করিয়া থাকে । পূর্ব্বকালে এই বারাগসীক্ষেত্রে বুদ্ধহারীত নামে এক মহাতপস্বী, তপস্তা সিদ্ধির জন্ত বিশালাক্ষীদেবীর দক্ষিণদিকে সূর্য্যের শুভদ ও শুভলক্ষণ মূর্ত্তি প্রতিষ্ঠা করিয়া, দৃঢ়তর ভক্তিগহকারে সূর্য্যের আরাধনা করিয়াছিলেন । ২৭-২৯ । তাঁহার তপস্তায় সম্ভূত হইয়া সূর্য্য তাঁহাকে বর প্রদান করিতে আসিয়া বলিলেন যে, “হে তপস্বিন্ ! বিলম্বে প্রয়োজন নাই, তুমি বর প্রার্থনা কর, আমি বর দান করিতেছি” । অনন্তর সেই তপস্বী কহিলেন যে, হে ভগবন্ ! আপনি যদি আমার প্রাতঃপ্রসন্ন হইয়া থাকেন, তাহা হইলে আমাকে এই বর প্রদান করুন যে, আমি পুনরায় যুবা হই । আমি বৃদ্ধ, আমার তপস্তা করিবার সামর্থ্য নাই, পুনরায় তারুণ্য লাভ করিয়া কঠোর তপস্তা করিব । কারণ তপস্তাই পরমধর্ম্ম, তপস্তাই পরমধন, তপস্যাই পরমকাম এবং তপস্যাই পরমমুক্তি । তপস্যা ব্যতিরেকে কিছুতেই ঐশ্বর্য্যসম্পদ লাভ হয় না । ধ্রুবপ্রভৃতি তপোবলেই মহৎপদ লাভ করিয়াছেন, অতএব আপনার বরে আমি যৌবন লাভ করিয়া ইহলোক ও পরলোকের হিতকর তপস্যার অনুষ্ঠান করিব । ৩০-৩৫ । যাহা প্রাণিগণকে সকলের বিরক্তির পাত্র করিয়া থাকে, সেই জরাকে দিচ্ । ইন্দ্রিয়নিচয় জরাক্রান্ত হইলে নিজ পত্নীও অধীনতা স্বীকার করে না । মৃত্যু হওয়াও ভাল, কিন্তু অতিশয় দুঃখপ্রদ জরা হওয়া উচিত নহে ; কারণ মৃত্যুজনিত দুঃখ অল্পক্ষণই ভোগ করিতে হয়, কিন্তু জরাজন্ম দুঃখ প্রতিক্ষণই ভোগ করিতে হইয়া থাকে । জিতেন্দ্রিয় মানবগণ দীর্ঘকাল তপস্যা করিবার জন্ত দীর্ঘ আয়ুঃ, দান করিবার জন্ত ধন, পুত্রের জন্ত, কলত্র এবং মুক্তির জন্ত সম্বন্ধি প্রার্থনা করিয়া থাকেন । ৩৬-৩৮ । বৃদ্ধের এই সমস্ত বাক্য শ্রবণ করিয়া ভগবান্ সূর্য্য, তৎক্ষণাৎ তাঁহার বার্কিক্য অপনয়ন পূর্ব্বক তাঁহাকে সুন্দর যৌবন প্রদান করিলেন । এইরূপে সেই বুদ্ধহারীত বারাগসীক্ষেত্রে সূর্য্যের বর-প্রভাবে যৌবন লাভ করিয়া, কঠোর তপস্যা করিয়াছিলেন । ৩৯-৪০ । বৃদ্ধ

তপস্বী হারীত কর্তৃক আরাধিত হইয়া সূর্য্যদেব তাঁহার বার্ক্য হরণ করিয়াছিলেন, এই জন্ত সূর্য্যের নাম “বৃদ্ধাদিত্য” হইয়াছে। ৪১। হে ঘটোদ্ভব! বারাণসীতে অনেক ব্যক্তি, জরা, দুর্গতি ও রোগহারী বৃদ্ধাদিত্যের আরাধনা করিয়া সিদ্ধিলাভ করিয়াছেন। রবিবারে বারাণসীতে বৃদ্ধাদিত্যকে নমস্কার করিলে মানব অভীষ্ট-সিদ্ধিলাভ করিয়া থাকে এবং কদাপি তাহার দুর্গতি হয় না। ৪২-৪৩।

স্কন্দ কহিলেন, হে মুনে! অতঃপর কেশবাদিত্যের বৃত্তান্ত শ্রবণ কর এবং কেশবকে প্রাপ্ত হইয়া সূর্য্য যেরূপে উৎকৃষ্ট জ্ঞান লাভ করিয়াছিলেন; তাহাও শ্রবণ কর। কোন সময়ে সূর্য্য আকাশমার্গে সঞ্চরণ করিতে করিতে দেখিতে পাইলেন যে, ভগবান্ আদিকেশব ভক্তিভাবে মহাদেবের লিঙ্গ পূজা করিতেছেন। ৪৪-৪৫। তখন সূর্য্যদেব কোঁতুলবশতঃ আকাশমার্গ হইতে অবতরণ করত আশ্চর্য্যাস্থিত হইয়া, নিঃশব্দ ও নিশ্চলভাবে হরির সম্মুখে কিছু জিজ্ঞাসা করিবার অবসর প্রতীক্ষা করিয়া রহিলেন। অনন্তর যখন দেখিলেন যে, হরি পূজা সাজ করিয়াছেন, তখন কৃতাজলি হইয়া তাঁহাকে প্রণাম করিলেন। তখন ভগবান্ হরি, বহুমান পুরঃসর সূর্য্যকে স্বাগত-প্রশ্ন করিয়া নিজের নিকটে উপবেশন করাইলেন। ৪৬-৪৮। সূর্য্য উপবিষ্ট হইয়া অবসর দেখিয়া হরির অনুজ্ঞা লাভ করত, তাঁহাকে পুনরায় প্রণাম করিয়া বলিতে লাগিলেন। ৪৯।

রবি কহিলেন, হে বিশ্বম্ভর! হে জগৎপতে! আপনিই সমস্ত জগতের অন্তরাঙ্গা, আপনা হইতেই এই সমস্ত আবির্ভূত হইতেছে এবং আপনাতেই বিলয় প্রাপ্ত হইতেছে। হে জগন্নিধে! আপনিই এই সমস্ত জগতের একমাত্র পালক, স্তূতরাং আপনিই জগৎপূজ্য, আপনার আবার পূজনীয় কে আছেন? এই আশ্চর্য্য বিষয় দেখিয়া আমি আপনার নিকট আগমন করিয়াছি। হে নাথ! আপনি সংসারের তাপহারী হইয়াও এ কি পূজা করিতেছেন? ৫০-৫২। ভগবান্ হৃষীকেশ, সহস্রাংশুর এই বাক্য শ্রবণ করিয়া, হস্তসঙ্কেতের দ্বারা তাঁহাকে উচ্চস্বরে এতাদৃশ বাক্য ব্যবহার করিতে নিষেধ করত বলিতে লাগিলেন। ৫৩।

শ্রীবিষ্ণু কহিলেন, যিনি নীলকণ্ঠ এবং উমাপতি, সর্বপ্রকার কারণের কারণ-ভূত সেই দেবদেব মহাদেবই এস্থানে একমাত্র পূজনীয়। যে মুঢ়ব্যক্তি এইস্থানে ত্রিলোচন ব্যতিরিক্ত অন্য দেবের পূজা করে, সে ব্যক্তি লোচনশালী হইলেও তাহাকে লোচনবর্জিত বলিয়া জানা উচিত। একমাত্র মৃত্যুঞ্জয়ই পূজনীয়; তিনিই জীবগণের জন্ম, মৃত্যু ও জরা হরণ করিয়া থাকেন। মৃত্যুঞ্জয়ের আরাধনা করিয়াই শ্বেতকেতু মৃত্যুকে জয় করিয়াছিলেন। ৫৪-৫৬। কালেরও কালস্বরূপ,

মহাকালকে আরাধনা করিয়াই ভূগ্নী কালকে জয় করিয়াছিলেন। মৃত্যুও শিলাদ-  
তনয়কে মৃত্যুঞ্জয়ের ভক্ত বলিয়াই পরিত্যাগ করিয়াছিলেন। যিনি অশ্লীলক্রমে  
একটিমাত্র বাণ নিক্ষেপ করিয়া ত্রিপুরাসুরকে পরাজিত করিয়াছিলেন; সেই  
ভূতনাথের অর্চনা করিলে জগতে কোন্ ব্যক্তি পূজ্যতম বলিয়া পরিগণিত না  
হন? ৫৭-৫৮। ত্রিভুবনবিজয়ী ও সমস্তের কারণ ত্রিনয়নের আরাধনাই পরম  
পুরুষার্থপ্রাপ্তির সাধন। হে সূর্য! সমস্তের সারভূত স্মরহরকে কে না আরাধনা  
করিয়া থাকে? যাহার অক্ষিপক্ষ সঙ্কুচিত হইলে সমস্ত জগৎ সঙ্কুচিত হয় এবং  
যাহার অক্ষিপক্ষ বিকসর হইলে সমস্ত জগৎ বিকসিত হয়; সেই ভগবান্ উমাপতি  
কাহার না পূজনীয়? মহাদেবের লিঙ্গ পূজা করিয়া মানব অবিলম্বে পুরুষার্থ  
চতুর্ফলকে লাভ করিয়া থাকে, ইহাতে কোন সন্দেহ নাই। ৫৯-৬১। এইস্থানে  
শিবলিঙ্গ পূজা করিয়া শতজন্মার্জিত পাপপুঞ্জ হইতে নিশ্চয়ই মুক্তিলাভ করা  
যায়। এইস্থানে শিবলিঙ্গ পূজা করিলে, পুত্র, কলত্র, ক্ষেত্র, স্বর্গ ও মোক্ষ পর্য্যন্ত  
কোন ফল প্রাপ্ত না হওয়া যায়? হে সহস্ররশ্মে! আমি একমাত্র শিবলিঙ্গ  
পূজা করিয়াই ত্রিভূনের ঐশ্বর্য্যাসম্পত্তি লাভ করিয়াছি; ইহা তোমাকে বারবার  
সত্য বলিতেছি। ৬২-৬৪। মহাদেবের লিঙ্গপূজাই পরমযোগ, পরমতপস্যা এবং  
পরমজ্ঞান। যে সমস্ত ব্যক্তি এইস্থানে একবারও মহাদেবের লিঙ্গ পূজা করিয়াছে,  
দুঃখভঞ্জন সংসারে তাহাদের আর দুঃখভয় কোথায়? ৬৫-৬৬। হে দিবাকর!  
যাহারা সমস্ত পরিত্যাগ করিয়া শিবলিঙ্গের শরণাগত হয়, পাপসমূহ তাহাদিগকে  
আর পীড়া প্রদান করিতে পারে না। হে ভাস্কর! মহেশ্বর যাহাদিগের সংসার-  
বন্ধন ছেদন করিতে ইচ্ছা করেন, তাহাদেরই শিবলিঙ্গ পূজায় মতি হইয়া থাকে।  
৬৭-৬৮। শিবলিঙ্গের আরাধনা ভিন্ন ত্রিভুবনে অপর কোন পুণ্য নাই। শিবলিঙ্গের  
স্নানজল মস্তকে ধারণ করিলে, সমস্ত তীর্থে অভিষেক করা হয়। অতএব হে  
অর্ক! তুমিও পরমতেজোময় সৌন্দর্য্য লাভ করিবার জন্ম মহেশ্বরের লিঙ্গ পূজা  
কর। ৬৯-৭০। সূর্য্য, বিষ্ণুর এই সমস্ত বাক্য শ্রবণ করিয়া, স্ফটিকময় শিবলিঙ্গ  
প্রতিষ্ঠা করত তদবধি আজ পর্য্যন্ত সেই লিঙ্গের পূজা করিয়া থাকেন। সেই  
সময়ে সূর্য্য, আদিকেশবকে গুরু করিয়া, অত্যাপিও তাঁহার উত্তরদিকে অবস্থান  
করিতেছেন। ৭১-৭২। এই নিমিত্ত ভক্তগণের অজ্ঞানাপহারী সেই সূর্য্য কালীতে  
“কেশবাদিত্য নামে বিখ্যাত হইয়াছেন। তিনি ভক্তজনকর্তৃক আরাধিত হইয়া,  
তাঁহাদের মনোভিলাষিত ফল প্রদান করিয়া থাকেন। ৭৩। বারাণসীতে কেশবা-  
দিত্যের আরাধনা করিয়া মানব উৎকৃষ্ট জ্ঞান লাভ করিয়া থাকে; যে জ্ঞানে

সে নির্বাণপদভাগী হয় । কাশীতে পাদোদক-তীর্থে স্নান প্রভৃতি সমস্ত উদকক্রিয়া করিয়া কেশবাদিত্যকে দর্শন করিলে জন্মাবধি সঞ্চিত পাপসমূহ হইতে নিষ্কৃতি লাভ হইয়া থাকে । ৭৪-৭৫ । হে অগস্ত্য ! রবিবারে রথসপ্তমী ( অচলাসপ্তমী ) হইলে, ঐদিনে উষাকালে মৌন হইয়া আদিকেশবের নিকট পাদোদক-তীর্থে স্নান করিয়া কেশবাদিত্য পূজা করিলে তৎক্ষণাৎ সপ্তজন্মার্জ্জিত পাপ হইতে মুক্ত হওয়া যায় । ৭৬-৭৭ । “সপ্ত জন্মে জন্মাবধি আমি যে সমস্ত পাপ করিয়াছি, মাকরীসপ্তমী আমার সেই সমস্ত পাপ, রোগ এবং শোক অপনয়ন করুন । এই জন্মে যে পাপ করিয়াছি, জন্মান্তরে যে সমস্ত পাপ করিয়াছি, মন, বাক্য ও শরীরের দ্বারা যে পাপ করিয়াছি এবং স্ত্রী বা অস্ত্রীত যে সমস্ত পাপ আমার আছে, হে সপ্ত-সপ্তিকে মাকরীসপ্তমী স্নাননিবন্ধন আমার এই সপ্তব্যাদিযুক্ত সপ্তবিধ পাপ অপনয়ন করুন” । এই তিনটি মন্ত্র পাঠপূর্বক মানব পাদোদক-তীর্থে স্নান করিয়া কেশবাদিত্যকে দর্শন করিলে তৎক্ষণাৎ নিষ্পাপ হইয়া থাকে । ৭৮-৮১ । মানব শ্রদ্ধা-সহকারে কেশবাদিত্যের মাহাত্ম্য শ্রবণ করিলে কখন পাপের দ্বারা লিপ্ত হয় না এবং শিবভক্তি লাভ করিয়া থাকে । ৮২ ।

স্কন্দ কহিলেন, হে মুনে ! অতঃপর বারাগমীতে হরিকেশবনে অবস্থিত বিমলাদিত্যের উৎকৃষ্ট উপাখ্যান শ্রবণ কর । পুরাকালে পর্বতপ্রদেশে বিমল-নামে একজন ক্ষত্রিয় বাস করিতেন । তিনি সৎপাখ্যলক্ষী হইলেও পূর্বজন্মার্জ্জিত কৰ্ম্মফলে কুষ্ঠরোগগ্রস্ত হইয়া, দারা, গৃহ, বহু প্রভৃতি পরিত্যাগ করত বারাগমীতে গমনপূর্বক সূর্য্যের আরাধনা করিয়াছিলেন । ৮৩-৮৫ । তিনি নিয়ত, করবীর, জপা, বন্ধুক, কিংশুক, রক্তোৎপল, অশোক প্রভৃতি শুভ পুষ্পনিচয়, পাটলা এবং চম্পক পুষ্পের বিচিত্র মালাগমুহ, কুঙ্কুম, অগুরু ও কর্পূর মিশ্রিত রক্তচন্দন, বাহাদের গন্ধে আকাশভল ব্যাপ্ত হইয়াছিল ; এতাদৃশ দেববিমোহন ধূপনিচয়, কর্পূরদীপ, বিবিধ নৈবেদ্য, ঘৃত, পায়স, বিধি-অনুসারে অর্ঘ্যদান ও সূর্য্যের স্তোত্র পাঠ প্রভৃতির দ্বারায় সূর্য্যের আরাধনা করিতেন । তাঁহার এতাদৃশ আরাধনায় সন্তুষ্ট হইয়া সূর্য্য তাঁহারকে বরপ্রদান করিতে আসিলেন এবং কহিলেন যে, হে অমলচেষ্টিত বিমল ! তুমি কি বর প্রার্থনা কর, তাহা বল এবং তোমার এই কুষ্ঠরোগ অপগত হউক ; তুমি অন্য বর প্রার্থনা কর । সূর্য্যের এই বাক্য শ্রবণ করিয়া আনন্দে রোমাঞ্চিত-দেহ বিমল ভূমিতে দণ্ডবৎ প্রণত হইয়া, ধীরে ধীরে সূর্য্যকে বলিতে লাগিলেন যে, হে জগচ্চক্ষুঃ ! হে অমেয়াত্মন ! হে মহাধ্বাস্ত-বিধূনন ! যদি আপনি আমার প্রতি প্রসন্ন হইয়া, আমাকে বর প্রদান করিতে

ইচ্ছা করিয়া থাকেন ; তাহা হইলে এই বর প্রদান করুন যে, যাহারা আপনার ভক্ত, তাহাদের কুলে যেন কুষ্ঠ বা অন্য কোন রোগ না হয় এবং আপনার ভক্তগণ যেন দরিদ্র কিম্বা সম্ভ্রাপযুক্ত না হয় । ৮৬-৯৪ ।

সূর্য্য কহিলেন, হে মহাপ্রাজ্ঞ ! তুমি যাহা প্রার্থনা করিলে তাহাই হইবে । আমি তোমাকে আরও একটী বরপ্রদান করিতেছি শ্রবণ কর । হে মহামতে ! তুমি কাশীক্ষেত্রে এই যে মূর্ত্তির পূজা করিয়াছ, আমি কোন কালেই এই মূর্ত্তির সান্নিধ্য পরিত্যাগ করিব না এবং এই মূর্ত্তি তোমারই নামে জগতে “বিমলাদিত্য” নামে বিখ্যাত হইবে এবং সর্ব্বদা ভক্তগণের অভীষ্ট বর প্রদান করিয়া, তাহাদের সর্ব্বপ্রকার ব্যাধিবিনাশিনী ও সর্ব্ববিধ পাপক্ষয়কারিণী হইবে । ৯৫-৯৭ । সূর্য্য এইরূপ বর প্রদান করিয়া, সেই মূর্ত্তিমধ্যেই অন্তর্হিত হইলেন এবং বিমলও নির্ম্মল-দেহ হইয়া স্বীয় ভবনে গমন করিলেন । এইরূপে বারাণসীতে শুভপ্রদ বিমলাদিত্য আবিভূত হইয়াছিলেন । বিমলাদিত্যের দর্শনমাত্রেই কুষ্ঠরোগ বিনষ্ট হইয়া যায় । যে ব্যক্তি এই বিমলাদিত্যের উপাখ্যান শ্রবণ করে, সে নিষ্পাপ হইয়া বিশুদ্ধতা লাভ করে এবং তাহার মনোমলসমূহ বিদূরিত হয় । ৯৮-১০০ ।

স্কন্দ কহিলেন, সেই কাশীক্ষেত্রে গঙ্গাদিত্যনামে আরও একটী আদিত্য-মূর্ত্তি বিশ্বেশ্বরের দক্ষিণভাগে অবস্থিত আছেন ; তাঁহাকে দর্শন করিবামাত্র মানব শুদ্ধিলাভ করিয়া থাকে । গঙ্গাদেবী যখন ভগীরথকে অগ্রে করিয়া আগমন করিয়াছিলেন, সেই সময়ে গঙ্গাকে স্তব করিবার জন্ম সূর্য্য সেইস্থানে অবস্থিতি করিয়াছিলেন এবং অতীর্ণ তিন গঙ্গাভক্তগণের বরপ্রদাতা হইয়া, গঙ্গাকে সম্মুখে করিয়া দিবানিধি সেই স্থানে থাকিয়া গঙ্গার স্তব করিতেছেন । বারাণসীতে গঙ্গাদিত্যের আরাধনা করিলে মানব কখন দুর্গতি বা রোগ ভোগ করে না । ১০১-১০৪ ।

স্কন্দ কহিলেন, হে মহাভাগ ! যাহা শ্রবণ করিলে কখন যমলোক দর্শন করিতে হয় না ; যমাদিত্যের সেই উৎপত্তি-বিবরণ শ্রবণ কর । হে মুন ! যমেশ্বরের পশ্চিম এবং বীরেশ্বরের পূর্ব্বদিকে অবস্থিত যমাদিত্যকে দর্শন করিলে মানব কখন যমলোক দর্শন করে না । ১০৫-১০৬ । চতুর্দশীযুক্ত মঙ্গলবারে যমতীর্থে স্নান করিয়া যমেশ্বরকে দর্শন করিলে, মানব সহস্রই সমস্ত পাপ হইতে মুক্ত হইয়া থাকে । ১০৭ । পুরাকালে ধর্ম্মরাজ যম, যম-তীর্থে স্নান করিয়া বহুতর তপস্বী করত ভক্তগণের সিদ্ধিপ্রদ “যমেশ্বর” নামে শিবলিঙ্গ এবং যমাদিত্য নামে আদিত্য-মূর্ত্তি প্রতিষ্ঠা করিয়াছিলেন । হে কুন্তজ ! যম কর্তৃক স্থাপিত হওয়ার জন্ম সেই

আদিত্য “যমাদিত্য” নামে বিখ্যাত হইয়াছেন । তিনি ভক্তগণের যম-যজ্ঞণা হরণ করিয়া থাকেন । যম-তীর্থে স্নান করিয়া, যমকর্তৃক প্রতিষ্ঠিত যমেশ্বর ও যমাদিত্য দর্শন করিলে, যমলোক দর্শন করিতে হয় না । ১০৮-১১০ । ভরগীনক্ষত্র ও চতুর্দশীযুক্ত মঙ্গলবাসরে যমতীর্থে তর্পণ ও পিণ্ডদান করিলে পিতৃগণের নিকট অন্ত্রী হওয়া যায় । মঙ্গলবার ভরগীনক্ষত্রযুক্ত চতুর্দশী যোগ হইলে নরকস্থ পিতৃগণ এইরূপ ইচ্ছা করিয়া থাকেন যে, “কাশীতে আমাদের কুলোৎপন্ন কোন মহামতি কি যম-তীর্থে স্নান করিয়া, আমাদের উদ্ধাবের জন্ত তিলের দ্বারা তর্পণ করিবে ? এই যোগকালীন কাশীক্ষেত্রে যম-তীর্থে যদি আমরা শ্রাদ্ধভাগী হই, তবে গয়াগমন এবং ভূরি দক্ষিণ শ্রাদ্ধেই বা প্রয়োজন কি” ? ১১১-১১৪ । যম-তীর্থে শ্রাদ্ধ করিয়া যমেশ্বরকে দর্শন এবং যমাদিত্যকে নমস্কার করিলে, পিতৃগণের জ্ঞান হইতে মুক্ত হওয়া যায় । ১১৫ ।

স্কন্দ কহিলেন, হে অগস্ত্য ! এই তোমাকে পাপনাশন দ্বাদশ আদিত্যের বিবরণ কীর্তন করিলাম ; এই সমস্ত শ্রবণ করিলে মানব কখন নিরয়গামী হয় না । হে মুনে ! কাশীক্ষেত্রে সূর্য্যদেবের ভক্তগণ কর্তৃক প্রতিষ্ঠিত গুহ্যকার্ক প্রভৃতি আরও অনেক আদিত্য আছেন । ১১৬-১১৭ । দ্বাদশাদিত্যসূচক এই অধ্যায়নিচয় শ্রবণ করিলে বা অগ্নিকে শ্রবণ করাইলে মানব কখন দুর্গতিগ্রস্ত হয় না । ১১৮ ।

## দ্বিপঞ্চাশত্তম অধ্যায় ।

—\*—

দশাশ্বমেধ-বর্ণন ।

স্কন্দ কহিলেন, হে মুনে ! সূর্য্যদেব ত্রিলোকমোহিনী কাশীতে গমন করিলে পরে, মন্দর পর্ব্বতস্থিত ভগবান্ মহেশ্বর পুনরায় চিন্তা করিতে লাগিলেন যে, যোগিনীগণও অস্ত্রাপি প্রত্যাবৃত্ত হইলেন না । সূর্য্যকে পাঠাইলাম, তিনিও আজ পর্য্যন্ত প্রত্যাগমন করিলেন না ; আশ্চর্য্যের বিষয় যে, আমার পক্ষেও কাশীতে গমন দুর্ঘট হইয়া উঠিয়াছে । কাশী, আমার চিন্তকেও চঞ্চল করিয়াছে অগ্ন্যাশ্ব দেবগণের চিন্ত তাঁহার জন্ত চঞ্চল হইবে, ইহা আর বিচিত্র কি ? ১-৩ । আমি

ত্রিভুবনবিজয়ী কন্দর্পকে নেত্রাগ্নির দ্বারা দগ্ধ করিয়াছি, কিন্তু কি আশ্চর্য্য ! কাশীবাসনা আমাকেও নিরন্তর তাপিত করিতেছে । কাশীর সংবাদ জানিবার জন্ত কাহাকেই বা এস্থান হইতে প্রেরণ করি ; চতুরাননের শ্যায় আর কেই বা কাশীর তত্ত্ব জানিতে নিপুণ হইবে ? ৪-৫ । মহাদেব এই চিন্তা করিয়া, ব্রহ্মাকে আহ্বান করত বহুমান পুরঃসর তাঁহাকে নিজ সমীপে উপবেশন করাইয়া বলিতে লাগিলেন যে, “হে কমলসম্ভব ! বহুদিন হইতে যোগিনীগণকে এবং তৎপরে ভাস্করকেও প্রেরণ করিয়াছি, কিন্তু আজ পর্য্যন্তও তাঁহারা কাশী হইতে প্রত্যাগমন করিলেন না ; অথচ হে লোকেশ ! চঞ্চলনয়না নারী যেমন প্রাকৃত জনের চিত্তকে উৎকণ্ঠিত করিয়া থাকে, তদ্রূপ সেই কাশীও আমার চিত্তকে ব্যাকুলিত করিতেছে । ৬-৮ । স্বপ্ন ও অস্বচ্ছ জলশালী ক্ষুদ্র সরোবরে নরু যেমন প্রীতি লাভ করে না, তদ্রূপ সুন্দর কন্দরশালী মন্দর পর্বতেও আমার চিত্ত প্রসন্ন হইতেছে না । কাশীবিরহ-জনিত সন্তাপ আমাকে যেরূপ ব্যথা প্রদান করিতেছে ; পূর্বের হলাহল ভক্ষণ করিয়াও আমি তাদৃশ সন্তাপ উপভোগ করি নাই । অহো ! শীতরশ্মি চন্দ্রমা আমার মস্তকে অবস্থিত হইয়াও স্বীয় সুধাময় কিরণ বর্ষণের দ্বারা আমার কাশী-বিরহজনিত সন্তাপকে শীতল করিতে পারেন নাই । ৯-১১ । . হে বিধে ! হে অর্ঘ্য-ধূর্য্য ! হে মহামতে ! তুমি সত্তর এস্থান হইতে কাশীতে গমন কর এবং আমার হিতের জন্ত যত্ন কর । ১২ । হে ব্রহ্মন্ ! তুমি আমার কাশীত্যাগের হেতু অবগত আছ । মূঢ় ব্যক্তিও কাশী পরিত্যাগ করিতে ইচ্ছা করে না । বাহারা কাশীর মহিমা অবগত আছে, তাহাদের ত কথাই নাই । হে ব্রহ্মন্ ! আমি নিজ মায়াবলে আজই কাশীতে কেন গমন করি না ? কিন্তু স্বধর্ম্মস্থ দিবোদাসকে আমি উল্লঙ্ঘন করিতে পারিতেছি না । ১৩-১৪ । হে বিধে ! যখন সমস্ত কার্য্যেরই তুমি বিধান কর্ত্তা, তখন “এই এই প্রকার করিতে হইবে” ইহা তোমাকে বলা নিরর্থকমাত্র । তুমি নিर्व্বিঘ্নে গমন কর, তোমার কাশীযাত্রা শুভ ফল প্রসব করুক” । মহাদেবের এই আজ্ঞা মস্তকে ধারণ করিয়া, ব্রহ্মা আনন্দে বারাণসীতে গমন করিলেন । ১৫-১৬ । ব্রহ্মা সত্তর বারাণসীতে উপস্থিত হইয়া, আপনাকে কৃতকৃত্য বোধ করিলেন এবং ভাবিতে লাগিলেন যে, “আজ কাশীতে আদিয়া আমার হংসধানের ফল লাভ হইল ; কারণ কাশী আসিতে পদে পদে বিঘ্ন উপস্থিত হইয়া থাকে । ১৭-১৮ । “দৃশি” ধাত্বর্থ, আমার নেত্র প্রাপ্ত হইয়া অত সার্থকতা লাভ করিল, যে হেতুক স্বয়ং সুরতরঙ্গিণী স্বীয় পবিত্র সলিলের দ্বারা নিরন্তর ষাঁহাকে সেচন করিয়া থাকেন এবং যথায় বৃক্ষরাশি হইতে জীবগণ পর্য্যন্ত সকলেই আনন্দময় সেই



আনন্দবাটিকা, স্পষ্টই আমার দৃষ্টিপথের পথিক হইতেছে । ১৯-২০ । অগ্নি স্থানে সজ্জাত ফলনিচয়ও কাশীতে প্রবেশমাত্রই আনন্দময় হইয়া থাকে । কাশী সর্বদাই আনন্দভূমি এবং কাশীতে মহেশ্বর সর্বদাই আনন্দ প্রদান করিয়া থাকেন ; এই নিবন্ধনই কাশীতে জীবগণ আনন্দরূপ হইয়া থাকে । যে চরণ বিশ্বনাথের নগরীতে বিচরণ করে ; কৃতি ব্যক্তির সেই চরণই জগতে বিচরণ করিতে জানে । যে কর্ণ একবারও কাশীর নাম শ্রবণ করিয়াছে, ঐতিমান্ ব্যক্তির সেই বহুশ্রুত কর্ণই এ জগতে শ্রবণ করিতে জানে । যে মন সমস্ত প্রমাণভূমি কাশীর চিন্তা করে ; এ জগতে মনস্বিগণের সেই মনই সমস্ত মনন করিয়া থাকে । ধূর্জটীর এই পরমধাম, যে বুদ্ধির বিষয় হইয়াছে ; বুদ্ধিমান্ ব্যক্তির সেই বুদ্ধিই এ জগতে সমস্ত বিষয় নিশ্চয় করিয়া থাকে । ২১-২৫ । বায়ু কর্তৃক আনীত হইয়া, কাশীক্ষেত্রে নিপতিত তৃণ এবং ধাতুও ভাল, কিন্তু কাশীদর্শনহীন মানবগণও কিছুই নহে । আমার পরাক্রম্য পরিমিত আয়ু আজ সফলতা লাভ করিল ; যে আয়ুর সত্ত্বা নিবন্ধন আজ আমি দুঃপ্রাপ্য কাশীপুরী প্রাপ্ত হইয়াছি । ২৬-২৭ । অহো ! আমার কি ধর্মসম্পত্তি ! অহো ! আমার কি ভাগ্যগৌরব , যাহার বলে আজ আমি সুচির-চিস্তিত কাশীকে দর্শন করিলাম । আজ আমার তপোবৃক্ষ, শিবভক্তি-বারি সিক্ত হইয়া, বৃহত্তর মনোরথ ফল প্রসব করিল । আমি অনেক প্রকার সৃষ্টি করিয়াছি, কিন্তু এই কাশীর সৃষ্টি অশ্রুবিধ, ইহা স্বয়ং মহাদেব নিৰ্ম্মাণ করিয়াছেন । ২৮-৩০ । ব্রহ্মা, বারাগনীপুরীদর্শনে এইরূপ হৃষ্টচিত্ত হইয়া, বৃদ্ধ ব্রাহ্মণের বেশে দিবোদাস নৃপতির নিকট গমন করিলেন এবং জলার্দ্ৰ অক্ষতযুক্ত হস্তে রাজাকে আশীর্বাদ করিলেন । অনন্তর দিবোদাস, ব্রহ্মাকে প্রণাম করিয়া আসন প্রদান করিলে, তিনি তদুপরি উপবেশন করিলেন । ৩১-৩২ । এইরূপে দিবোদাস নৃপতি কর্তৃক অভ্যুত্থান ও আসনাদির দ্বারা সম্মানিত ও জিজ্ঞাসিত হইয়া, ব্রাহ্মণবেশধারী ব্রহ্মা, স্বীয় আগমনের কারণ বলিতে আরম্ভ করিলেন । ৩৩ ।

ব্রাহ্মণ কহিলেন, হে ভূপাল ! আমি বহুকাল অবধি তোমার এই রাজ্যে বাস করিতেছি । তুমি আমাকে জান না কিন্তু হে শত্রুবিজয়িন্ ! আমি তোমাকে সর্ব-শেষ অবগত আছি । আমি অসংখ্য ভূপালগণকে দর্শন করিয়াছি ; যাহারা বহুতর সংগ্রামে বিজয় লাভ করিয়াছেন, বহুতর দক্ষিণা সহকারে মানাবিধ যজ্ঞের অশুষ্ঠান করিয়াছেন । যাহারা জিতেন্দ্রিয়, বিজিতষড়্‌বর্গ, স্থশীল, সম্বশালী, বিদ্যাপারদর্শী, রাজনীতিবিচক্ষণ, দয়া-দাক্ষিণ্যনিপুণ, সত্য-ব্রতপরায়ণ, ক্ষমাগুণে পৃথিবীতুল্য, গান্ধীর্ঘ্যে জিতসাগর, জিতক্রোধবেগ, শূর, নোম্য ও সৌন্দর্য্যের আকর । হে

রাজর্ষে ! এবশ্বিধ গুণশালী ও যশোধন নৃপতিগণমধ্যে দুই তিন ব্যক্তি ব্যতিরিক্ত তোমার আয় সঙ্গুণশালী নৃপতি আমার দৃষ্টিগোচর হয় নাই । ৩৪-৩৯ । হে নৃপতে ! তুমি যেমন প্রজা সমূহকে নিজ কুটুম্বরূপে জ্ঞান করিয়া থাক, ব্রাহ্মণ-গণকে দেবতা বলিয়া সন্মান কর এবং তুমি যেমন মহাতপঃসহায় ; তদ্রূপ অশ্ব কোন নৃপতিই নহেন । তুমি ধন্য, মাণ্ড এবং সঙ্গুণ সমূহের দ্বারা সাধুগণের পূজনীয়, হে দিবোদাস ! দেবগণও তোমার ভয়ে বিমার্গগামী হন না । ৪০-৪১ । হে নৃপ ! আমরা স্পৃহাহীন ব্রাহ্মণ, তোমাকে স্তব করায় আমাদের কোন প্রয়োজন নাই ; কিন্তু তোমার গুণ সমূহ আমাদের স্তবতঃই স্তব করাইতেছে । বাহা হউক এই সমস্ত প্রসঙ্গ এখন থাকুক, সম্প্রতি আমি যে জ্ঞান আগমন করিয়াছি, তাহারই প্রস্তাব করিতেছি । হে রাজন্ ! আমি যজ্ঞ করিতে ইচ্ছা করিতেছি, তাহাতে তোমার সাহায্য প্রার্থনা করি । ৪২-৪৩ । হে রাজন্ ! এই পৃথিবী তোমার স্থিতিতেই রাজস্বভী হইয়াছে এবং সর্বপ্রকার সমৃদ্ধিতে পূর্ণ রহিয়াছে । হে মহারাজ ! আমিও তোমার রাজ্যে আয়সাহায্যে মহাধন অর্জন করত বিলক্ষণ সুখে কালাতিপাত করিতেছি । ৪৪ । হে নৃপ ! তোমার এই রাজধানী বারানসী, এই কর্মভূমির মধ্যে সকল পুরী হইতে শ্রেষ্ঠ । হে মহারাজ ! কারণ তোমার এই রাজধানীতে যে কোন কর্ম করা যায়, প্রলয়কালেও তজ্জ্ঞান অদৃষ্টের ক্ষয় হয় না । ৪৫ । সুনীতিস্বরূপ সন্মার্গগামী জনগণ এই কাশীতে আয় দ্বারা উপার্জিত স্বীয় ধন সৎপাত্রে পরিত্যাগ করিবে, কারণ এই প্রকার না করিলে অশেষ কখনও শুভ ফল পাইবার সম্ভাবনা নাই । ৪৬ । হে ভূপতে ! ত্বদীয় রাজধানী এই কাশী-পুরীর প্রকৃষ্টরূপ মহাত্ম্য সর্বজ্ঞান প্রদাতা মহেশ্বর ব্যতীত অশ্ব কেহই অবগত নহেন । ৪৭ । হে মহারাজ ! আমি বিবেচনা করিতেছি এসংসারে তুমিই যথার্থ ধন্যতর, কারণ তুমি নিজ পূর্বজন্মান্বিত অনন্ত সূক্তের প্রভাবে ইহজন্মে বিশ্বনাথের দ্বিতীয় মুর্তির আয় এই কাশীনগরীকে প্রতিপালন করিতেছ । ৪৮ । এই কাশী ত্রিজগতের মধ্যে শ্রেষ্ঠা এবং ইহা বেদত্রয়ের সারস্বরূপে গণনীয় । হে রাজন্ ! মহর্ষিগণ ইহাও নিশ্চয় করিয়াছেন যে, এই কাশী ত্রিবর্গ ইহাতেও উৎকৃষ্ট-মোক্ষরূপ সারপদার্থদায়িনী সূতরাং সংসারে ইহার আয় আর কোন স্থানই নাই । ৪৯ । হে রাজন্ ! বিশ্বেশ্বরের নিতান্ত অমুগ্রাহেই তুমি এই কাশীপুরীকে প্রতিপালন করিতেছ, কারণ এই কাশীতে একজন ব্যক্তিকেও প্রতিপালন করিতে পারিলে ত্রিলোক রক্ষা করার ফল লাভ করিতে পারা যায় । ৫০ । হে অনশ্ব ! আমি তোমাকে অশ্ব একটা হিতকর বাক্য বলিতেছি, যদি তোমার ইহা কটিকর হয় তবে তাহার

সেবা করিলে যে সুখ লাভ হইয়া থাকে, সতালোকে বা বিষুৱলোকেও সে সুখ কোথায় ? হে মূনে ! ব্রহ্মা, বারাগদৌর এই সমস্ত গুণরাশির বিষয় বিবেচনা করিয়া, মন্দর পর্বতে প্রতিগমন করিলেন না । ৮০—৮২ ।

স্বন্দ কহিলেন, হে মিত্রাবরুণনন্দন ! কাশীক্ষেত্রস্থ সৰ্ব্বতীর্থশিরোমণিভূত দশাশ্বমেধের মাহাত্ম্য তোমাকে বলিতেছি । ৮৩ । তীর্থশ্রেষ্ঠ দশাশ্বমেধে স্নান, দান, জপ, হোম, বেদপাঠ, দেবপূজা, সঙ্কোপাসনা, তর্পণ এবং শ্রাদ্ধ প্রভৃতি যে সমস্ত সৎকর্ম্ম করা যায়, তৎসমুদায়ই অক্ষয় ফল প্রদান করিয়া থাকে । ৮৪-৮৫ । দশাশ্বমেধে স্নান করত দশাশ্বমেধেশ্বরকে দর্শন করিলে, মানব সমস্ত পাতক হইতে মুক্ত হইয়া থাকে । জ্যৈষ্ঠমাসের শুক্লপক্ষের প্রতিপদ তিথিতে দশাশ্বমেধে স্নান করিলে আজন্মকৃত পাপ হইতে নিষ্কৃতি লাভ করা যায় । ৮৬-৮৭ । জ্যৈষ্ঠমাসের শুক্লাদ্বিতীয়াতে রুদ্রসরোবরে স্নান করিলে তৎক্ষণাৎ জন্মদ্বয়-কৃতপাপ বিনষ্ট হইয়া থাকে । এইরূপ ঐ পক্ষের দশমী তিথি পর্য্যন্ত যে ব্যক্তি যথাক্রমে তথায় স্নান করে, সে তিথিসংখ্যাপরিমিত জন্মদগ্নিত পাপ হইতে নিষ্কৃতি লাভ করিয়া থাকে । ৮৮-৮৯ । দশজন্মার্জিত পাপসংহারিণী দশহরা তিথিতে যে ব্যক্তি দশাশ্বমেধ-তীর্থে স্নান করে, তাহাকে যম-যজ্ঞণা ভোগ করিতে হয় না । দশহরা তিথিতে দশাশ্বমেধ-শ্বরকে দর্শন করিলে, দশজন্মার্জিত পাপ হইতে বিমুক্তি লাভ করা যায়, ইহাতে কোন সন্দেহ নাই । ৯০-৯১ । যে ব্যক্তি দশহরা দিনে, দশাশ্বমেধে স্নান করিয়া ভক্তিপূর্বক দশাশ্বমেধেশ্বরের পূজা করে, তাহাকে আর গর্ভে প্রবেশ করিতে হয় না । জ্যৈষ্ঠ মাসের শুক্লপক্ষ ব্যাপিয়া যে ব্যক্তি প্রতিদিন রুদ্রসরোবরের বার্ষিক যাত্রা করে, সে কখন বিঘ্নের দ্বারা অভিভূত হয় না । ৯২-৯৩ । দশটি অশ্বমেধ-যজ্ঞের অস্ত্র অবভূথ স্নান করিলে যে ফল লাভ হয়, দশহরা তিথিতে দশাশ্বমেধে স্নান করিলে নিশ্চয়ই সেই ফল প্রাপ্তি হইয়া থাকে । গঙ্গার পশ্চিমতটে অবস্থিত দশ-হরেশ্বরকে নমস্কার করিলে মানব কখন দুর্দশাগ্রস্ত হয় না । ৯৪-৯৫ । কাশীতে যে স্থানকে অন্তর্গৃহের দক্ষিণদ্বার কহা যায়, সেই স্থানে অবস্থিত ব্রহ্মেশ্বরকে দর্শন করিলে, ব্রহ্মলোক প্রাপ্তি হইয়া থাকে । ৯৬ । এইরূপে মহাবুদ্ধি ব্রহ্মা, বিশ্বেশ্বরের আগমন পর্য্যন্ত কাশীতে ব্রাহ্মণবেশে অবস্থান করিতে লাগিলেন । দিবোদাস নৃপতিও, ক্রুতযজ্ঞ ও বুদ্ধব্রাহ্মণ-বেশধারী ব্রহ্মার জন্ম একটী ব্রহ্মশালা নির্মাণ করাইয়া দিলেন । ব্রহ্মা সেই স্থানে বেদধ্বনিতে গগনতল নিনাদিত করত অবস্থান করিতে লাগিলেন । ৯৭-৯৯ । হে দ্বিজ ! তোমার নিকট আমি এই মহাপাপ বিনাশন দশাশ্বমেধ-তীর্থের মহত্তর মহিমা কীর্তন করিলাম । মানব ব্রহ্মা সহকারে

এই অধ্যায় শ্রবণ করিলে বা শ্রবণ করাইলে ব্রহ্মলোকে গমন করিয়া থাকে । ১০৮—১০৯ ।

## ত্রিপঞ্চাশত্তম অধ্যায় ।

—:~:—

বারাগঙ্গী-বর্ণন ও কাশীতে গণ প্রেরণ ।

অগস্ত্য কহিলেন, হে ব্রহ্মবিশ্বম ! আপনি ব্রহ্মার এই যে উপাখ্যান কহিলেন; ইহা অতি অপূর্ব । ব্রহ্মা কাশীতে অবস্থান করিলে, পরে মহাদেব পুনরায় কি করিয়াছিলেন, তাহা বলুন । ১ ।

ঋন্দ কহিলেন, তে মহাভাগ অগস্ত্য ! শ্রবণ কর; ব্রহ্মা কাশীতে অবস্থিতি করিলে, পরে মহাদেব অতিশয় উদ্বিগ্নচিত্তে চিন্তা করিতে লাগিলেন যে, সেই কাশী-পুরী যেমন সাধারণের চিত্তকে বশীভূত করিতে সমর্থ, তাদৃশ অন্য কোন স্থান প্রায়শঃ আমার নেত্রগোচর হয় নাই । যে ব্যক্তি এখায় গমন করে, সেই সেই-স্থানে অবস্থিত হইয়া যায় । যোগিনীগণ কাশীতে গমন করিয়া আর আমার সহিত মিলিত হইলেন না । সহস্রকরও, কাশীতে গমন করিয়া অকিঞ্চিৎকরতা লাভ করিলেন । বিধি, বিধানদক্ষ হইয়াও আমার কার্য্যবিধানক্ষম হইলেন না । মহেশ্বর এইরূপ চিন্তা করিয়া, গণসমূহকে কাশীতে প্রেরণ করিবার জন্য আহ্বান করত কহিলেন যে, “তোমরা শীঘ্র বারাগঙ্গাপুরাতে গমন কর । তথায় যাইয়া যোগিনীগণ কি করিতেছেন, সূর্য্য কি করিতেছেন এবং বিধিই বা কি করিতেছেন; তাহা অবগত হও” । ২-৭ । মহেশ্বর এইরূপ আদেশ করিয়া, নামোচ্চারণ করত গণসমূহকে প্রেরণ করিতে লাগিলেন । (মহাদেব কহিলেন) হে শঙ্কর ! হে মহাকাল ! হে ষষ্ঠাকর্ণ ! হে মহোদর ! হে সোম ! হে নন্দি ! হে নন্দিবেণ ! হে কাল ! হে পিঙ্গল ! হে কুক্কট ! হে কুণ্ডোদর ! হে ময়ুরাক্ষ ! হে বাণ ! হে গোকর্ণ ! হে তারক ! হে তিলপর্ণ ! হে স্থূলকর্ণ ! হে দৃমিচণ্ড ! হে প্রভাময় ! হে স্ককেশ ! হে বিন্দতে ! হে ছাগ ! হে কপর্দি ! হে পিঙ্গলাক্ষ ! হে বীরভদ্র ! হে কিরাত ! হে চতুর্ভুজ ! হে নিকুন্ত ! হে পঞ্চাক্ষ ! হে ভারভূত ! হে ত্র্যাক্ষ ! হে ক্ষেমক !

হে লাক্ষ্মিন! হে বিরাধ! হে স্তম্ভ! হে আষাঢ়! স্কন্দ ও হেরম্ব যেমন আমার সন্তান, তোমরাও আমার তজ্জপ। আমার নিকট যেমন নৈগমেয়, শাখ ও বিশাখ এবং নন্দী ও ভৃঙ্গী, তোমরাও সকল তজ্জপই। তোমরা সকলে বিজ্ঞমান থাকিতেও আমি কাশীর, দিবোদাস নৃপতির, যোগিনীগণের, সূর্য্যের বা বিধির কোন সংবাদই জানিতে পারিতেছি না, অতএব তোমাদের মধ্যে কালেরও ভীতিপ্রদ শঙ্কুকর্ণ ও মহাকাল এই দুই জন বারাগণীর সংবাদ জানিবার জন্ত গমন কর এবং সত্ত্বর তথা হইতে প্রত্যাগমন করিও। ৮-১৫। মহেশ্বরের এই আজ্ঞা স্বীকার করিয়া, শঙ্কুকর্ণ ও মহাকাল বারাগণীতে গমন করিলেন এবং এই জগতে বিচক্ষণ ব্যক্তিও যেমন ঐন্দ্রজালিক মায়া দর্শনে ক্ষণমধ্যে মোহিত হন, তজ্জপ তাঁহারাও কাশীদর্শন করিয়া মহাদেবের বাক্য বিস্মৃত হইয়া ক্ষণমধ্যে মোহিত হইয়া পড়িলেন এবং “অহো! মোহের কি মাহাত্ম্য! অহো! ভাগ্যের কি বিপর্য্য! যাহাতে নির্বাণরাশি কাশীকে প্রাপ্ত হইয়াও অজ্ঞানী ব্যক্তিগণ অতত্র গমন করিয়া থাকে। মহাশীরিাদ-ভূমি কাশীকে লাভ করিয়া যাহারা তাহা পরিত্যাগ করে, মুক্তি তাহাদের করতলগত হইয়াও ভ্রষ্ট হইয়া যায়। যে স্থানে উষ্ণ জলের দ্বারা স্নান ও সমস্ত অবভূখ-স্নান হইতে শ্রেষ্ঠ বলিয়া পরিগণিত হইয়া থাকে, কে সেই কাশীকে পরিত্যাগ করে? যে স্থানে শিবলিঙ্গের মস্তকে একটি পুষ্পদানে দশটি সুবর্ণ-পুষ্পদানের পুণ্য হইয়া থাকে, কে সেই কাশীকে পরিত্যাগ করে? যে স্থানে শিবলিঙ্গের সম্মুখে একবার মাত্র দণ্ডবৎ প্রণাম করিলে তাহার নিকট ঐন্দ্র-পদ তুচ্ছ বলিয়া প্রতীত হয়, সেই কাশীকে কে পরিত্যাগ করিয়া থাকে? ১৬-২২। যে স্থানে একটিমাত্র ব্রাহ্মণকে ইচ্ছাধীন ভোজন করাইলে, বাজপেয়-ষজ্ঞ হইতেও অধিক পুণ্য লাভ হয়, সেই কাশীকে কে পরিত্যাগ করিয়া থাকে? যে স্থানে বিধি অনুসারে ব্রাহ্মণকে একটি মাত্র গো-দান করিলে অযুত গো-দানের পুণ্য লাভ হয়, কোন্ বুদ্ধিমান ব্যক্তি সেই কাশীকে পরিত্যাগ করিয়া থাকেন? যে স্থানে একটি মাত্র শিবলিঙ্গ প্রতিষ্ঠা করিলে অখিল ব্রহ্মাণ্ড প্রতিষ্ঠা করা হয়, সেই কাশীকে কে পরিত্যাগ করিয়া থাকে?”। ২৩-২৫। মনে এইরূপ নিশ্চয় করিয়া দুই জনে দুইটি পুণ্যদ শিবলিঙ্গ প্রতিষ্ঠা করিয়া তথায় অবস্থান করিতে লাগিলেন, অত্য়াপিও তাঁহারা কাশী পরিত্যাগ করিতে পারেন নাই। শঙ্কুকর্ণ নামক গণকর্তৃক প্রতিষ্ঠিত “শঙ্কুকর্ণ” নামক লিঙ্গকে দর্শন করিলে আর কখনই মাতৃগর্ভে প্রবেশ করিতে হয় না। বিবেশ্বরের নৈঋতীদিকে অবস্থিত শঙ্কুকর্ণেশ্বরকে দর্শন করিলে মানবকে আর এই ঘোর সংসার-সাগরে প্রবেশ করিতে হয় না। ২৬-২৮। এবং যে ব্যক্তি মহাকাল নামক গণকর্তৃক প্রতিষ্ঠিত

“মহাকালেশ্বর” নামক শিবলিঙ্গের পূজা, প্রণতি ও স্তুতি করে, তাহার আর কালভয় কোথায় ? ২৯ ।

স্বন্দ্র কহিলেন, শঙ্কর ও মহাকালের কাশী হইতে প্রত্যাবর্তনের বহুতর বিলম্ব হইলে, সর্বজ্ঞনাথ মহেশ্বর তাহাদের অবস্থা জানিতে পারিয়া অপর দুইজন গণকে কাশীতে প্রেরণ করিবার জন্ত কহিলেন যে, “হে মহামতে ঘণ্টাকর্ণ এবং মহোদর ! তোমরা এ দিকে আইস এবং কাশীর বৃন্তাস্ত জানিবার জন্ত সত্বর তথায় গমন কর” । ৩০-৩১ । হে অগস্ত্য ! মহেশ্বরের এই আদেশে সেই গণদ্বয়ও কাশীতে যাইয়া, সেই স্থানেই অবস্থান করিতে লাগিলেন এবং অত্থাপি তাঁহারা কাশী ত্যাগ করিয়া কোন স্থানে গমন করেন নাই । ঘণ্টাকর্ণ নামক গণশ্রেষ্ঠ তথায় বিধিপূর্বক “ঘণ্টাকর্ণেশ্বর” নামে একটি শিবলিঙ্গ প্রতিষ্ঠা ও সেই লিঙ্গকে স্নান করাইবার জন্ত একটি কুণ্ড নির্মাণ করত লিঙ্গের ধ্যাননিরত হইয়া, কাশীতেই অবস্থান করিতে লাগিলেন । ৩২-৩৪ । মহোদর নামক গণও তাহার পূর্বদিকে “মহোদরেশ্বর” নামে শিবলিঙ্গ প্রতিষ্ঠা করত শিবধ্যানপরায়ণ হইয়া অত্থাপি সেই স্থানেই অবস্থান করিতেছেন । হে কুন্তজ ! বারাগসীতে মহোদরেশ্বরকে দর্শন করিলে আর কোনকালে জননীর উত্তরগুহায় প্রবেশ করিতে হয় না । ৩৫-৩৬ । ঘণ্টাকর্ণ-হ্রদে স্নান ও বিশ্বেশ্বরকে দর্শন করিলে মানব যে স্থানেই মৃত হউক না কেন, তাহার কাশীমৃত্যুর ফল লাভ হইয়া থাকে । ঘণ্টাকর্ণ-তীর্থে বিধিপূর্বক শ্রাদ্ধ করিলে দুর্গতিগ্রস্ত পূর্বপুরুষগণকেও উদ্ধার করিতে পারা যায় । ৩৭-৩৮ । অত্থাপিও যে ব্যক্তি সেই কুণ্ডে নিমগ্ন হইয়া, ক্ষণকাল ধ্যানস্থ হইতে পারে, সে বিশ্বেশ্বরের মহাপূজার ঘণ্টাকর্ণি শ্রবণ করিয়া থাকে । পিতৃগণ বলিয়া থাকেন যে, “আমাদের বংশে কি এমত কোন ব্যক্তি জন্মগ্রহণ করিবে, যে ঘণ্টাকর্ণ-হ্রদের বিমল জলে আমাদের তিলোদক প্রদান করিবে” । হে ঘটোম্বব ! যাঁহারা ঘণ্টাকর্ণ-তীর্থে পিতৃগণকে তর্পিত করিয়াছেন, তাঁহাদের বংশোৎপন্ন বহুতর মুনিগণ কাশীতে ঘণ্টাকর্ণ-হ্রদে উদকক্রিয়া করিয়া পরম সিদ্ধিলাভ করিয়াছেন । ৩৯-৪১ ।

স্বন্দ্র কহিলেন, ঘণ্টাকর্ণ এবং মহোদর নামক গণদ্বয় কাশীতে গমন করিয়া আর প্রত্যাগত হইয়া না দেখিয়া, স্মরহর অতিশয় বিস্মিত হইয়া, বারম্বার মন্তক আন্দোলন করত পুনঃ পুনঃ অল্প হাস্ত পূর্বক মনে মনে বলিতে লাগিলেন যে, হে কাশি ! তুমি মহামোহনবিধা ইহা আমি জানি । ৪২-৪৩ । পুরাবিদগণ তোমাকে মহামোহহারিণী বলিয়া প্রশংসা করিয়া থাকেন, কিন্তু তুমি যে মহামোহন-

ভূমি ইহা তাঁহারা জানেন না । আমি যাহাকে প্রেরণ করিব, হে কাশী ! তুমি মোহনৌষধিরূপে তাহাকেই মোহিত করিবে, ইহা আমি সম্যক্রূপে অবগত আছি ; তথাপি আমার যাবদায় পরিজন আছে, আমি তাহাদের সকলকেই প্রেরণ করিব । এ জগতে জ্ঞানী ব্যক্তিগণ স্বয়ং সাধায়ত্ত্ব কর্ষে কখন উত্তমহীন হন না । বিচক্ষণ ব্যক্তির কোন কার্য্যেই উত্তমহীন হওয়া উচিত নহে ; বিধাতা প্রতিকূল থাকিলেও সতত উত্তম নিবন্ধন অনুকূল হইয়া থাকেন । গমনে কৃতোত্তম চন্দ্র এবং সূর্য্য, রাহু কর্ত্ত্বক গ্রন্থ হইয়াও গগনাজনে অত্যাধিক স্ব স্ব গতি পরিত্যাগ করেন না । ৪৪-৪৮ । বিধাতা, প্রতিকূলতা নিবন্ধন একদিকে বারখার কার্য্যের ব্যাঘাত করিয়া থাকেন, কিন্তু অতিশয় উত্তমে তিনিই আবার অনুকূল হইয়া কার্য্যসিদ্ধি করিয়া থাকেন । ৪৯ । দৈব, পূর্ব্বসঙ্কিত কৰ্ম্মভিন্ন আর কিছুই নহে ; সেই দৈবকে নিরাকরণ করিবার জন্ত বুদ্ধিমান ব্যক্তির স্বয়ং স্বত্ব করা উচিত । পাত্রনিহিত ভোজ্য কখন দৈববলে স্বয়ং মুখমধ্যে প্রবিষ্ট হয় না ; হস্ত ও মুখের উত্তমাদীনই তাহা জঠরে প্রবেশ করিয়া থাকে । ৫০-৫১ । “উত্তম, দৈবকেও জয় করে” । মহেশ্বর, এইরূপ সিদ্ধান্ত করিয়া, সোমনন্দী, নন্দিষেণ, কাল, পিঙ্গল ও কুঙ্কট নামক আরও পাঁচজন মহাবেগশালী গণকে কাশীতে প্রেরণ করিলেন । কাশীতে মৃত জীবগণ যেমন সংসারে প্রত্যাবৃত্ত হয় না, তদ্রূপ সেই পাঁচজন গণও অত্যাধিক কাশী হইতে প্রত্যাবৃত্ত হন নাই । তাঁহারা মহাদেবের সন্তোষের কামনায় নিজ নিজ নামে শিবলিঙ্গ প্রতিষ্ঠা করিয়া, বিশ্ব-নির্মাণ-ভূমি কাশীতেই অবস্থান করিতেছেন । ৫২-৫৪ । মানব ভক্তিসংহারে আনন্দবনে সোমনন্দীশ্বরকে দর্শন করিলে সোমলোকে পরম আনন্দ লাভ করিয়া থাকে । তাহারই উত্তরভাগে অবস্থিত নন্দিষেণেশ্বরকে দর্শন করিলে মানব আনন্দসেনা প্রাপ্ত হইয়া, ঋণকাল-মধ্যে মৃত্যুকে জয় করিয়া থাকে । ৫৫-৫৬ । গঙ্গার পশ্চিমোত্তর-ভাগে অবস্থিত “কালেশ্বর” নামক মহালিঙ্গকে প্রণাম করিলে কখনও কালপাশে বদ্ধ হইতে হয় না । কালেশ্বরের কিঞ্চিৎ উত্তরে অবস্থিত পিঙ্গলেশ্বরের পূজা করিলে পিঙ্গলেশ্বরের স্বরূপ জ্ঞান হয় ; তাহাতে সাধক তন্ময়তা লাভ করিয়া থাকে । ৫৭-৫৮ । যাহারা কুঙ্কটাকৃতি কুঙ্কটেশ্বরের প্রতি ভক্তিমান হয়, তাহাদিগকে আর গর্ভে প্রবেশ করিতে হয় না । ৫৯ ।

স্বন্দ্র হইলেন, হে মুন ! সোমনন্দী প্রভৃতি পাঁচটী গণই আনন্দকানন প্রাপ্ত হইয়া তথায় অবস্থিত হইলে মহেশ্বর বলিতে লাগিলেন যে, “সম্যক্ প্রকারে বিবেচনা করিয়া, দেখা যাইতেছে যে, এইরূপে আমারই কার্য্য সিদ্ধি হইতেছে,

এই উদ্দেশে আমার পরিজন সমূহ যাইয়া কাশীতে অবস্থান করুক । ৬৭-৬১ । মায়ী ও বীৰ্য্যপ্রধান প্রমথগণ, বারানগীতে প্রবিষ্ট হইলে আমারই তথায় প্রবেশ করা হইল, ইহাতে সন্দেহ নাই । যে যে আমার আত্মীয় আছে, আমি ক্রমে ক্রমে তাগদের সকলকেই তথায় প্রেরণ করিব ; সকলে তথায় গমন করিলে পরে আমিও যাইব” । ৬২-৬৩ । দেবদেব মহেশ্বর, এইরূপ নিশ্চয় করিয়া কুণ্ডোদর, ময়ূর, বাণ এবং গোকর্ণনামে আরও চারিটী গণকে তথায় প্রেরণ করিলেন । তাঁহারা মায়াবল আশ্রয় করিয়া, যথাকালে কাশীক্ষেত্রে প্রবেশ করত বহুতর উপায়ের দ্বারা নরপতি দিবোদাসের ভ্রান্তি উৎপাদনের চেষ্টা করিলেন । অবশেষে সর্বথা তদ্বিষয়ে অসমর্থ হইয়া, কাশীতেই অবস্থান করিতে লাগিলেন এবং “সহস্র অপরাধ সবেও কোন্ কর্ম করিলে ভগবান্ মহেশ্বর পরিতুষ্ট হন” ইহা চিন্তা করিয়া শিবলিঙ্গেরই আরাধনা করিতে লাগিলেন । ৬৪-৬৭ । এবং ভাবিলেন যে, এই কাশীক্ষেত্রে বিধিপূর্বক একমাত্র শিবলিঙ্গের আরাধনা করিলে, ভগবান্ ত্রিনয়ন শত অপরাধ মার্জ্জনা করিয়া মুক্তি প্রদান করিয়া থাকেন । একবারমাত্র বিধিপূর্বক শিবলিঙ্গের পূজা করিলে মহেশ্বর যেমন পরিতুষ্ট হন, বহুতর যজ্ঞ, দান, তপস্যা ও ত্রুতের দ্বারা তাঁহাকে তাদৃশ পরিতুষ্ট করিতে পারা যায় না । যিনি লিঙ্গার্চনের বিধিসমূহ অবগত আছেন এবং সর্বদা লিঙ্গার্চনে রত থাকেন, সেই মানব ত্রিনয়ন হইলেও তাঁহাকে সাক্ষাৎ ত্রিনয়ন বলিয়া জানা উচিত । ৬৮-৭০ । মানবগণ একবারমাত্র শিবলিঙ্গ পূজা করিয়া যে ফল লাভ করে, শত শত গো-দান বা স্তবর্ণদানেও সেই ফল প্রাপ্ত হওয়া যায় না । ৭১ । মনুষ্যগণ, প্রত্যহ শিবলিঙ্গ পূজা করিয়া যে ফল লাভ করিয়া থাকে, অশ্বমেধ প্রভৃতি যজ্ঞ-সমূহের দ্বারাও সে ফল লাভ হয় না । যে ব্যক্তি বিধিপূর্বক শিবলিঙ্গের স্নান করাইয়া, তিনবার সেই জল পান করে, শীঘ্রই তাহার ত্রিবিধ পাপ বিনষ্ট হইয়া যায় । ৭২-৭৩ । লিঙ্গস্পর্শ জলের দ্বারা যে ব্যক্তি স্বীয় মস্তকে অভিষেক করে, সেই পাপহীন ব্যক্তির গঙ্গাস্নানের ফল লাভ হইয়া থাকে । সমর্চিত শিবলিঙ্গ দর্শন করিয়া যে ব্যক্তি একবারও তাঁহাকে প্রণাম করে, সে ব্যক্তি এ জগতে পুনরায় দেহ ধারণ করিবে কি না, তদ্বিষয়ে সন্দেহ উৎপন্ন হইয়া থাকে । ৭৪-৭৫ । যে ব্যক্তি, ভক্তিসহকারে শিবলিঙ্গ প্রতিষ্ঠা করে, সে সপ্তজন্মকৃত পাপ হইতে মুক্তিলাভ করত বিশুদ্ধ হইয়া স্বর্গভাগী হইয়া থাকে, ইহাতে সন্দেহ নাই । গণসমূহ, মনে মনে এই সমস্ত বিচার করিয়া, মহাদেবের কোপশাস্তির জঘ্ন স্ব স্ব নামে মহাপাতকবিনাশন লিঙ্গসমূহ প্রতিষ্ঠা করিলেন । ৭৬-৭৭ । লোলার্কের



সন্নিকটে “কুণ্ডোদরেশ্বর” নামক শিবলিঙ্গকে দর্শন করিলে মানব সমস্ত পাতক হইতে নিম্মুক্ত হইয়া শিবলোকে গমন করিয়া থাকে । কুণ্ডোদরেশ্বর লিঙ্গের পশ্চিমে অগ্নি-সন্নিকটে অবস্থিত ময়ূরেশ্বরের পূজা করিলে পুনরায় গর্ভে প্রবেশ করিতে হয় না । ৭৮-৭৯ । ময়ূরেশ্বরের পশ্চিমদিকে “বাণেশ্বর” নামক মহালিঙ্গ প্রতিষ্ঠিত আছেন ; তাঁহাকে দর্শন করিবামাত্র সমস্ত পাতক হইতে মুক্ত হওয়া যায় । অমৃতগুহের পশ্চিমদ্বারে অবস্থিত “গোকর্ণেশ্বর” নামক মহালিঙ্গের পূজা করিলে, কাশীতে কোন প্রকার বিশ্বের দ্বারা অভিভূত হইতে হয় না । ৮০-৮১ । এবং যে ব্যক্তি গোকর্ণেশ্বরের ভক্ত, যে কোন স্থানে তাহার মূর্ত্য উপস্থিত হইলে ; তৎকালে তাহার জ্ঞানভ্রংশ হয় না । ৮২ ।

স্বন্দ্র কহিলেন, এই চারিটী গণেরও প্রত্যাগমন বিলম্ব দেখিয়া গণেশ্বর ত্রিলোচন সেই কাশীরই মহত্তর মহিমা বর্ণন করিতে লাগিলেন । ৮৩ । ( মহেশ্বর কহিলেন ) যাহার প্রভাবে এই অখিল বিশ্ব ভ্রমণ করিতেছে, বিষ্টেকমোহিনী কাশী নিশ্চয়ই মুক্তিমতী সেই বৈষ্ণবী মায়া । সকলেই সহোদর, দাদা, অপত্য, ক্ষেত্র, গৃহ ও ধন পরিত্যাগ করিয়া, নিধন পর্য্যন্ত অঙ্গীকার করত কাশীর উপাসনা করিয়া থাকে । ৮৪-৮৫ । যে কাশীতে মৃত্যু হইতে স্বপ্নমাত্রও ভয় নাই ; গণদমুহ তথায় অবস্থিত হইয়া, কেন আমাকে ভয় করিবে ? যথায় মরণই মঙ্গল, বিভূতিই অঙ্গভূষণ এবং কোপীনই বস্ত্র ; সেই কাশীর সহিত কাহার তুলনা হইতে পারে ? যথায় নির্বাণের মণী, মৃত্যুশয্যাশায়ী দরিদ্র, ধনী, ব্রাহ্মণ বা চণ্ডালকেও সমভাবে বরণ করিয়া থাকেন । ৮৬-৮৮ । ইন্দ্রাদি দেবগণও, যে কাশীতে মৃত, সূত্রাং নির্বাণপদভাগী জীবগণের, কোটি অংশের একাংশেরও তুল্য নহেন । যে কাশীতে ত্যক্তদেহ জীবকে ব্রহ্মা-বিষ্ণু প্রভৃতি দেবগণ, মস্তকবন্ধাঞ্জলি হইয়া অতি যত্ন সহকারে প্রণাম করিয়া থাকেন । ৮৯-৯০ । যে কাশীতে জীব, শব হইয়াও শুচিতা লাভ করিয়া থাকে এবং এইজন্তই আমি স্বয়ং সেই শবের কর্ণ স্পর্শ করিয়া থাকি । যে পুণ্যবান ব্যক্তি দুই তিনবার “কাশী কাশী” এই শব্দ উচ্চারণ করে, সেই ব্যক্তি সমস্ত পবিত্র-পদার্থ হইতেও অধিক পবিত্র হইয়া থাকে । ৯১-৯২ । যে ব্যক্তি হৃদয়ে কাশীকে ধ্যান করে এবং যে ব্যক্তি কাশীর সেবা করে, সেই সেই ব্যক্তি কর্তৃকই আমি সর্বদা ধ্যাত এবং সেবিত হইয়া থাকি । যে ব্যক্তি অনন্তচিত্তে কাশীর সেবা করে, আমি যত্ন সহকারে সর্বদা তাহাকে হৃদয়ে ধারণ করিয়া থাকি । ৯৩-৯৪ । যে ব্যক্তি স্বয়ং কাশীবাস করিতে অশক্ত হইয়া, অর্থের সাহায্য

করত অশ্রু এক ব্যক্তিকেও কাশীতে বাস করায়, সে ব্যক্তিও নিশ্চয়ই কাশীবাসের ফল লাভ করিয়া থাকে । যে সমস্ত ধীরগণ মৃত্যুকাল পর্য্যন্ত দৃঢ়তর বিশ্বাস সহকারে কাশীতে বাস করিয়া থাকেন, তাঁহারা জীবমুক্ত এবং তাঁহারা বন্দনীয় ও পূজনীয় । ৯৫-৯৬ । মহেশ্বর এইরূপে বারাণসীর গুণসমূহ কীৰ্ত্তন করিয়া অশ্রু কতকগুলি গণকে আহ্বান করত প্রীতিসহকারে তাঁহাদিগকে কাশীতে প্রেরণ করিতে লাগিলেন । ৯৭ । ( মহাদেব কহিলেন ) হে অতিসচ্ছমানস তারক ! তুমি এদিকে আইস এবং যথায় ধর্ম্মমূর্ত্তি দিবোদাস রাজ্য করিতেছেন, সেই শ্রেষ্ঠ পুরীতে গমন কর । ৯৮ । হে তিলপর্ণ ! হে শূলকর্ণ ! হে দূমিচণ্ড ! হে প্রভাময় ! হে সুকেশ ! হে বিন্দতে ! হে ছাগ ! হে কর্পর্দিন্ ! হে পিঙ্গলাক্ষ ! হে বীরভদ্র ! হে কিরাত ! হে চতুর্ম্মুখ ! হে নিকুন্ত ! হে পঞ্চাঙ্গ ! হে ভারভূত ! হে ত্র্যক্ষ ! হে ক্ষেমক ! হে লাক্ষলিন্ ! হে বিরাধ ! হে হুমুখ ! এবং হে আষাঢ় ! তোমরা সকলে পৃথক্ পৃথক্ ভাবে কাশীতে গমন কর । ( স্কন্দ কহিলেন ) মহেশ্বরের আজ্ঞাক্রমে মহাভাগ স্বামিভক্ত দৃঢ়ব্রত ও কার্য্যকুশল এই সমস্ত গণ কাশীক্ষেত্রে গমন পূর্ব্বক বহুতর মায়া বিস্তর করত বহুরূপ ধারণ করিয়া, অনিমিষনয়নে দিবোদাস নৃপতির ছিদ্রাঘেষণ করত অবস্থান করিতে লাগিলেন । ৯৯-১০২ । অনন্তর কোন প্রকারেই সেই নৃপতির কোনরূপ ছিদ্র না পাইয়া স্ব স্ব প্রতিষ্ঠা মলিন হইল দেখিয়া, “আঃ ! ইহা কি হইল” এই কথা বলিয়া আপনাদিগকে নিন্দা করিতে লাগিলেন । ১০৩ ।

গণসমূহ কহিতে লাগিলেন, আমরা এই স্থানে আসিয়া এক ব্যক্তিকেও বশীভূত করিতে পারিলাম না, অতএব প্রভুর্ত্তক বারম্বার সম্মানিত আমাদিগকে ধিক্ । ভগবান্ ত্রিলোচন, বহুতর সম্মান, বহুতর দানও অত্যন্ত সৌহার্দের দ্বারা আমাদিগের প্রতি বহুতর কৃপা প্রদর্শন করিয়াছেন, কিন্তু অবশেষে আমরা তাঁহার কার্য্য-বঞ্চক হইলাম ; অতএব আমাদিগকে ধিক্ ! ১০৪-১০৫ । হায় ! প্রভুর কার্য্যে অনবধান বশতঃ অতঃপর আমাদিগকে নিশ্চয়ই ঘোর অন্ধকারময় লোকে বাস করিতে হইবে । যাহারা প্রভুর কার্য্য সম্পাদন না করিয়া, অক্ষতেশ্রিয়বৃত্তি থাকিয়া জীবন ধারণ করে, তাহাদের পদে পদে দুর্গতি লাভ হইয়া থাকে । ১০৬-১০৭ । যে সমস্ত ভৃত্য, প্রভুর নিকট বহুতর সম্মাননা লাভ করিয়া তাঁহার কার্য্যে অহেলা করে, তাহাদের মনোরথ সমূহ নিষ্ফল হইয়া থাকে । যাহারা প্রভুর কার্য্য নিষ্পন্ন না করিয়া নির্লজ্জ হইয়া প্রভুর সম্মুখে মুখ প্রদর্শন করায়, এই পৃথিবী তাহাদের দ্বারা হীরাবতী হইয়া থাকেন । যাহারা স্বামিকার্য্য অবহেলা করে, তাহাদের দ্বারা পৃথিবীর যত ভার হয় ; পর্ব্বত, সমুদ্র ও বৃহৎ বৃহৎ বৃক্ষের দ্বারা পৃথিবীর তাদৃশ ভার

হয় না । ১০৮-১১০ । অহো ! আমরা অনিন্দিত পৌরাণিকী-গাথা শ্রবণ করিয়াছি, সেই জন্তই আমরা স্থিরচিত্তে এই বারাগসীতেই অবস্থিতি করিব । শুনিয়াছি যে, যাহাদের কোনরূপ পুণ্য সঞ্চয় নাই, যাহাদের ধন ও আয়ুঃ ক্ষীণ হইয়াছে ও যাহারা সমস্ত উপায়বিহীন, বারাগসীপুরীই তাহাদের একমাত্র গতি । ১১১-১১২ । যাহারা পাপভারে থিন্ন হইয়া সর্বদা অনুতাপ করিয়া থাকে, উদতগতি সেই সমস্ত ব্যক্তির বারাগসীপুরীই একমাত্র গতি । যাহারা স্বামিজুহু, যাহারা কৃতঘ্ন যাহারা বিশ্বাসঘাতক ; বারাগসীপুরী ব্যতিরেকে তাহাদের আর অন্য কোন গতি নাই । প্রমথগণ এইরূপ পৌরাণিক গাথার উপর নির্ভর করিয়া দিবোদাস নৃপতি কর্তৃক অবিস্ত্রাস্তস্বরূপ থাকিয়া কাশীতেই অবস্থান করিতে লাগিলেন । ১১৩-১১৫ । সেই নৃপতি দিবোদাস, বুদ্ধিমান হইয়াও মহাদেবের মহিমা বলে বিবিধাচারে বারাগসীতে অবস্থিত দেবগণকে জানিতে পারিলেন না, ইহাতে বিচিত্রতা কিছুই নাই ; কারণ যখন চিত্রগুপ্তও বারাগসীস্থিত জীবগণকে জানিতে পারেন না, তখন অগ্ন্যাগ্ন মর্ত্যবাদীর তাহাদিগকে জানিবার সম্ভাবনা কোথায় ? ধর্ম্মরাজও, অবচ্ছিন্ন-প্রভাব অপরিচ্ছিন্ন-তেজ ও কৃতলিঙ্গপ্রতিষ্ঠ জীবগণের অন্ত প্রাপ্ত হন না । ১১৬-১১৮ । হে মহামুনে ষটোদ্ভব ! এইরূপে সেই প্রমথগণ কাশীতেই অবস্থান করত শিবলিঙ্গের আরাধনা করিতে লাগিলেন এবং অত্যাপিও সেই স্তম্ভপ্রদা কাশীকে পরিত্যাগ করিতে পারেন নাই । হে মুনে ! তারক নামক গণশ্রেষ্ঠ, মানবগণের জ্ঞানপ্রদ “তারকেশ্বর” নামক শিবলিঙ্গ প্রতিষ্ঠা করিয়া অত্যাপি তাঁহারই পূজায় নিরত আছেন । ১১৯-১২০ । যে সমস্ত মানব তারকেশ্বরের ভক্ত হয়, তাহারা অনায়াসেই তারকজ্ঞান লাভ করিয়া থাকে । তিলপর্ণ নামক গণকর্তৃক প্রতিষ্ঠিত তিলপ্রমাণ “তিলপর্ণেশ্বর” নামক মহালিঙ্গ দর্শন করিলে পাপ হইতে মুক্ত হওয়া যায় । ১২১-১২২ । মানব “স্থলকর্ণেশ্বর” নামক শিবলিঙ্গের পূজা করিলে কখন দুর্গতিগ্রস্ত হয় না এবং উৎকৃষ্ট পুণ্য লাভ করিয়া থাকে । স্থলকর্ণেশ্বরের পশ্চিমে প্রভাময় “দৃমিচণ্ডেশ্বর” নামক শিবলিঙ্গের আরাধনা করিলে কখন পাপের দ্বারা অভিভূত হইতে হয় না । ১২৩-১২৪ । “প্রভামেশ্বর” নামক শিবলিঙ্গ দর্শন করিয়া অগ্ন্যস্থানে মৃত হইলেও জীব, প্রভাময় যানে আরোহণ করত শিবলোকে গমন করিয়া থাকে । হরিকেশবনে “সুকেশেশ্বর” নামক শিবলিঙ্গের পূজা করিলে, মানব আর পুনঃ পুনঃ ষাট্‌কৌশিক-দেহ ধারণ করে না । ১২৫-১২৬ । ভীমচণ্ডীর নিকটে “বিন্দভীশ্বর” নামক শিব-পূজা করিলে, মানব প্রচণ্ড পাপ হইতে মুক্ত হইয়া, শাস্ত মোক্ষ লাভ করিয়া থাকে । পিত্রীশ্বর নামক শিবলিঙ্গের সন্নিহিতে “ছাগেশ্বর” নামক

মহালিঙ্গকে দর্শন করিয়া কেহই আর পশুর ন্যায় প্রাকৃত পাপে লিপ্ত হয় না । ১২৭—১২৮ ॥

## চতুঃপঞ্চাশত্তম অধ্যায় ।



### পিশাচমোচন মাহাত্ম্য-কীর্তন ।

স্কন্দ কহিলেন, হে কুম্ভধোনে ! আমি অতঃপর কপদীশ নামক শিবলিঙ্গের মাহাত্ম্য কীর্তন করিতেছি, তুমি অবধানপর হও । ১ । পুরাকালে মহাদেবের অত্যন্ত প্রিয় অশুচর কপদীশ নামক গগনশ্রেষ্ঠ, পিত্রীশ নামক শিবলিঙ্গের উত্তরভাগে একটী লিঙ্গ স্থাপন করিয়া, বিমলোদক নামক একটী কুণ্ড খনন করেন ; সেই কুণ্ডের জলস্পর্শমাত্রেই মানব বিমল চিত্ত লাভ করিয়া থাকে । হে কলশসম্ভব ! এই সম্বন্ধে ত্রেতাযুগের এক পবিত্র ও শ্রবণকালে পাপবিনাশক্ষম এক ইতিহাস আছে, আমি তাহা কীর্তন করিতেছি, তুমি শ্রবণ কর । ২—৪ ।

পূর্বের পাশুপতশ্রেষ্ঠ বাল্মীকি নামক এক মুনি, কপদীশ নামক লিঙ্গের অর্চনা করত সুদুশ্চর তপস্তার আচরণে প্রবৃত্ত হইলেন । হেমন্তকাল অগ্রহায়ণ মাসে, একদিন সেই মুনি মধ্যাহ্নকালে সেই মহাতীর্থ বিমলোদক-কুণ্ডে স্নান করত, কপদীশ লিঙ্গের দক্ষিণভাগে মাধ্যাহ্নিক-ক্রিয়া সমাপনান্তে পদতল হইতে মস্তক পর্য্যন্ত ভাস্কর দ্বারা সমস্ত শরীর লিপ্ত করিয়া, মস্তকে উত্তমরূপে পাংশুশ্যাস পূর্বক মধ্যাহ্নকালীন সঙ্ক্যাস্বরগানস্তর পঞ্চাঙ্গর-মন্ত্র জপ করিতে করিতে অনন্ত-পর-চিন্তে মহাদেবের ধ্যান করিতে লাগিলেন । ৫-৮ । অনন্তর মনোমূরুপ জপান্তে বামাবর্তে সেই মহেশ্বরলিঙ্গকে শাস্ত্রীয় প্রমাণানুসারে প্রদক্ষিণ করত, “হুড়ুং হুড়ুং হুড়ুং” এই প্রকার সপ্রসব শব্দত্রয় উচ্চারণ করিয়া, ষড়্জ প্রভৃতি স্বরভেদ-সমম্বিত ভগবদগুণ গান পূর্বক বিপুল আনন্দে হস্ততালের সহিত নৃত্য ও চারণগণের নিয়মানুসারে বিচিত্র মণ্ডলাকার নৃত্যবিশেষ প্রভৃতির দ্বারা সেই লিঙ্গের অর্চনান্তে সেই মুনিশ্রেষ্ঠ বাল্মীকি, ক্ষণকাল সেই সরোবর-তীরে উপবেশন করিলেন । ৯-১১ । ক্ষণকাল সেই স্থানে উপবেশন করার পরই তিনি স্বীয় সম্মুখভাগে এক বিকটদর্শন রাক্ষসমুত্তি দেখিতে পাইলেন । সেই রাক্ষসের কপোলবয় শুষ্ক শাশ্বের ন্যায় কঠোর

দর্শন এবং নেত্রদ্বয় পিজলবর্ণ ও গাঢ়নিমগ্ন ; তাহার কেশাশ্র কৃষ্ণ ও বিদীর্ণপ্রায় এবং কায়্য অতীব লম্বমান । সেই ভয়ঙ্করাকৃতি রাক্ষসের শ্রাণদ্বয় অতি বিস্তৃত ও ওষ্ঠদ্বয় অতি শুষ্ক এবং তাহার শরীর সর্বস্থলের উন্নত ও অনন্ত মাংসপিণ্ডের দ্বারা ব্যাপ্ত । তাহার অতি বিশাল মস্তকে কেশনিচয় সরলভাবে উদ্ধগামী ; তাহার কর্ণদ্বয় অতি বিস্তৃত ও শ্মশ্রুশ্রনিকর গাঢ় পিঙ্গলাভাপ্রযুক্ত অতিশয় ভয়দায়ক । সেই নরাস্তক মূর্ত্তির অতিবিলম্বিনী জিহ্বা লক্ লক্ করিতেছিল ও কৃকাটিকা অতি বিকৃত ছিল । তাহার অস্থি জত্র সংমহান অতিস্থূল ও স্কন্ধদ্বয় অতি দীর্ঘ এবং দৃশ্যতর বড়ই ভয়জনক । তাহার বাহুমূলদ্বয় ঘোর গভীর, ভুজদ্বয় হ্রস্বাকার, হস্তাঙ্গুলি সকল অতি বিরলাকৃতি ও নখাবলি অতি নিম্ন ও গভীর । সেই রাক্ষসের ক্রোড় শুষ্ক পাংশুল ও উন্নক এবং তদীয় উদরত্বক পৃষ্ঠের সহিত সংলগ্ন ভাবে অবস্থিত । তদীয় নিতম্বদ্বয় প্রলম্বমান ও উরুদ্বয় অতি দীর্ঘ মাংসরহিত এবং জানুদ্বয়ের অস্থি ও পঙ্কর বিষম স্থূল । তাহার শরীর, অস্থিচর্ম্মাবশেষ ও শিরাজাল দ্বারা আবৃত এবং জজ্বাদ্বয় অতি দীর্ঘ ও স্থূল গুল্ফাশ্রি প্রযুক্ত অতি ভীষণাকার । দীর্ঘবক্র কৃশাঙ্গুলি অতি নিম্নতপাদ তদীয় শরীর, দীর্ঘ ও লম্বমান শিরাসমূহের অবস্থানে বড়ই ভীমদর্শন । ১২-২০ । সর্বপ্রাণিভাতিদায়ক মূর্ত্তিমান্ ভয়ানকরসের ন্যায় দাবানল দহক-দ্রুমসদৃশ ক্ষুধাকাতর অতিলোমশ ভীষণাকার চঞ্চলনেত্র হ্রৎকম্পকারী সেই বিকট রাক্ষসকে বিলোকন করিয়া, অতিদীনান বুদ্ধ তাপস বায়্মাকি, বিহিতধৈর্য্য সহকারে তাকে জিজ্ঞাসা করিলেন যে, অহে ! তুমি কে ? কোথা হইতে আসিতেছ ? তোমার এবম্প্রকার অবস্থাই বা কেন হইয়াছে ? হে রাক্ষস ! আমি অনুগ্রহ বুদ্ধিতেই তোমাকে এই সকল বিষয় জিজ্ঞাসা করিতেছি, তুমি নির্ভয়ে এই সকল কথার উত্তর প্রদান কর । আমাদিগের ন্যায় জিতেন্দ্রিয় তাপসগণের তোমার ন্যায় নিকৃষ্ট ব্যক্তি হইতে ঈষৎও ভয়ের সম্ভাবনা নাই, ইহা নিশ্চয় জানিও । কারণ আমরা শিব-নামসহস্র পাঠ করিয়া থাকি এবং সেই শিবনাম-সহস্র পাঠের ফলে আমাদিগের শরীর সর্বদা তাদৃশ জনের অভেদ বর্ষ দ্বারা আচ্ছাদিত রহিয়াছে । ২১-২৩ । কৃপালু তাপস বায়্মাকির এবম্বিধ বাক্য শ্রবণ করিয়া, সেই রাক্ষস কৃতাঞ্জলি ভাবে শ্রীতি পূর্বক তাঁহাকে এই প্রকার প্রত্যুত্তর প্রদান করিল যে, হে ভগবন্ তাপসোত্তম ! আপনার যতপি বাস্তবিক আমার প্রতি অনুগ্রহ থাকে, তাহা হইলে আমি আপনার নিকট নিজ বৃত্তান্ত কীৰ্ত্তন করিতেছি, আপনি কিয়ৎকাল ধৈর্য্যসহকারে তাহা শ্রবণ করুন । ২৫-২৬ । হে তাপস ! গোদাবরীতটে প্রতিষ্ঠান নামক এক জনপদ বিদ্যমান আছে । আমি পূর্ব-

জন্মে সেই দেশে বাস করিতাম এবং তীর্থে প্রতিগ্রহ করিতে আমার সবিশেষ আসক্তি ছিল। সেই তীর্থে প্রতিগ্রহরূপ পাপকর্মের ফলে আমি এতাদৃশ গতি লাভ করিয়াছি। এই অবস্থাতে জল ও বৃক্ষবিবর্জিত ভয়ানক মরুস্থলে বাস করিয়া আমাকে অনেক কাল অতিবাহিত করিতে হইয়াছে। সেই সময় আমি সর্বদাই ক্ষুধা, তৃষ্ণা, শীত ও গ্রীষ্মকে যে কি ক্লেশে সহ্য করিয়াছি তাহা বর্ণনার অতীত। সেই অনাবৃত ভূভাগে প্রবল বায়ুপ্রণোদিত বর্ষাকালীন মহামেঘ, যখন অবিরতধারে বারিবর্ষণ করিত ; সেই সময় আমাকে অনাবৃত মস্তকে অনাচ্ছাদিত শরীরে সেই দুঃস্বপ্ন বৃষ্টিপাত নিরালস্বনভাবে সহ্য করিতে হইয়াছে। যাহারা পর্বদিনে কিছু দান করে না ও তীর্থে প্রতিগ্রহ করে, তাহারা সকলেই মহাদুঃখদায়িনী এই পিশাচ-যোনি গ্রহণ করিয়া স্বীয় কর্মোচিত ফলভোগ করিয়া থাকে। ২৭-৩১। সেই মরুভূমিতে এই প্রকারে বহুকাল অতিবাহিত হইলে পর এক দিবস দেখিলাম, এক জন ব্রাহ্মণতনয় সেইখানে উপস্থিত হইয়াছে। সেই ব্রাহ্মণতনয়, সূর্যোদয়-কাল লাভ করিয়া ও সন্ধ্যা-বন্দনা করিত না এবং মূত্র ও পুরীষত্যাগান্তে শৌচ বা আচমন করিত না। ৩২-৩৩। মুক্তকচ্ছ, শৌচরহিত এবং সন্ধ্যাকর্মবিবর্জিত সেই ব্রাহ্মণ-তনয়কে বিলোকন করিয়া, আমি ভোগ-বাসনায় তাহার শরীরে প্রবেশ করিলাম। হে তাপস! আমার মন্দভাগ্য প্রযুক্ত সেই ব্রাহ্মণ কোন বণিকের সহিত অর্থ-লোভে এই বারাণসী পুরীতে প্রবিষ্ট হইয়াছে। এইক্ষণে সে বারাণসীর অন্তঃ-পুরীতে প্রবিষ্ট হইয়াছে। হে মুনিভূম! সে, যে সময়ে অন্তঃপুরীতে প্রবেশ করিল, আমাকে সেইক্ষণেই তাহার শরীরের যাবদীয় পাপের সহিত এই বাহিরে অবস্থান করিতে হইতেছে। হে তপোনিধে! মাদৃশ পিশাচযোনি-গণের ও সকল প্রকার পাতকগণের, মহাদেবের আজ্ঞা প্রভাবে বারাণসীপুরীর মধ্যে প্রবেশ করিবার ক্ষমতা নাই। ৩৪-৩৭। আজ পর্য্যন্ত তাহার সেই পাপগণ তাহার বহির্নির্গমের আশা প্রযুক্ত এই বারাণসীর প্রান্ত-সীমাতেই অবস্থান করিতেছে। শ্রমথগণের ভয়ে ইহাদের বারাণসীতে প্রবেশ করিবার সাহস হইতেছে না। “অথ, কল্যাণ না পরশ্ব সেই ব্রাহ্মণ, নিশ্চয় বারাণসী হইতে নির্গত হইবে” এই আশায় আমরা সকলে আজ পর্য্যন্ত এই আশাপাশ নিয়ন্ত্রিতাবস্থায় অবস্থান করিতেছি। হে তপোধন! অথও সে নির্গত হইতেছে না, আমাদের আশাও অত্যা-বধি আমাদেরই পরিভাগ করিতেছে না। এই প্রকার আশাবদ্ধ হইয়া আমরা নিরা-ধারভাবে বর্তমান আজ পর্য্যন্ত রহিয়াছি। হে তপস্বিন্! কিন্তু অথ এক বিচিত্র ব্যাপার উপস্থিত হইয়াছে, তাহা বলিতেছি শ্রবণ করুন। কারণ এই ব্যাপারটিকে ভাবি

কল্যাণের একমাত্র কারণ বলিয়া আমার বোধ হইতেছে। আমি প্রতিদিনই ক্ষুধায় কাতর হইয়', আহারলাভের প্রত্যাশায় এখান হইতে প্রয়াগ পর্য্যন্ত গমন করিয়া থাকি ; কিন্তু কোথায় কিছুই খাওয়াব লাভ করিতে পারি না। সকল দেশে প্রতি কাননেই ফলশালী বৃক্ষনিকর বিস্তারিত আছে। প্রতি ভূমিতে পদে পদে সচ্ছ জলপরিপূর্ণ জলাশয় সমূহও বর্তমান আছে এবং সকল প্রাণিগণের স্থলভ নানা প্রকার ভক্ষ্য ও পেয় দ্রব্য এই স্থানের মধ্যে পর্য্যাপ্তভাবে পাওয়া যায় বটে ; কিন্তু আমাদের এমতই হ্রস্বদৃষ্ট যে, এই সকল দ্রব্যনিচয় আমাদের নয়নগোচর হইবামাত্রই অতিদূরে সরিয়া যায়। হে মুনে ! অল্প দৈববলে আমি একজন কার্পটিকে দেখিতে পাইয়া, ক্ষুধায় পরিশীড়িত হইয়া তাহার নিকটে উপস্থিত হইলাম। “বল-পূর্বক ইহাকে ধরিয়া ভক্ষণ করিব” এই ভাবিয়া, হ্রস্ব সহকারে আমি যেমন তাহাকে ধরিতে যাইব, অমনি তাহার মুখপদ্ম হইতে সকল প্রকার বিদ্বহারিণী শিব-নামময়ী বাণী নির্গত হইল। ৩৮-৪৭। সেই শিবনাম স্মরণের প্রসাদে আমার পাপ মন্দীভূত হইল, তখন অনায়াসেই এই বারাগমীপুরীর মধ্যে প্রবেশ করিতে সমর্থ হইলাম। অনন্তর সেই কার্পটিকের সহিত আমি এই অন্তঃপুরীমধ্যে উপস্থিত হইয়াছি। এক্ষণে সেই কার্পটিক অন্তঃপুরীমধ্যে প্রবেশ করিয়াছে, আমি এই স্থানে অবস্থান করিতেছি। ৪৮-৫০। হে মুনে ! আপনাকে বিলোকন করিয়া আমি নিজ আত্মাকে বড়ই গৌরবান্বিত জ্ঞান করিতেছি। হে কৃপালো ! আপনি আমাকে এই সুদারুণ পিশাচযোনি হইতে রক্ষা করুন। ৫১।

এবম্প্রকার প্রেতবাক্য শ্রবণ করিয়া পরম কৃপাবান্ তপোধন বাম্মীকি মনে মনে এই প্রকার চিন্তা করিতে লাগিলেন যে, “হায় ! স্বার্থান্ধ উত্তমকারী মনুষ্য-গণকে ধিক্ থাকুক। পশু, পক্ষী ও মৃগাদিগণও আপন আপন উদর ভরণ করিয়া থাকে। এ জগতে যে ব্যক্তি পরের জন্ত উত্তম করিয়া থাকে সেই ধন্য, ইহাতে সন্দেহ নাই। ৫২-৫৩। আমার শরণাপন্ন পাপাতুর এই পিশাচকে আমি অল্প নিজ অর্জিত তপস্যার বলে প্রেতযোনি হইতে মুক্তি প্রদান করিব, ইহাতে কোন সংশয় নাই”। ৫৪। এই প্রকার বিবেচনা করিয়া সাধুশ্রেষ্ঠ সেই বাম্মীকি পিশাচকে কহিলেন, অরে পিশাচ ! তুমি স্বীয় পাপকর্যের জন্ত এই বিমলোদক-তীর্থে স্নান কর। হে পিশাচ ! এই তীর্থের প্রভাবে মহাদেব কপর্দীশ, ক্ষণ-কালের মধ্যে তোমার পাপ সকলকে বিনষ্ট করিবেন। ৫৫-৫৬। মুনির এবম্বিধ বাক্য শ্রবণ করিয়া সেই পিশাচ, প্রীতাত্মা হইয়া প্রসন্নচিত্ত সেই মুনিকে প্রণাম-পূর্বক কৃতজ্ঞলিপুটে কহিল যে, হে সন্তম ! এই জলাশয়ে পানীয়-গ্রহণ করিবার

সামর্থ্যও আমার নাই, স্নান করাত সুদূরপরাহত ; কারণ জলদেবতাগণ এই জলাশয়কে মাদৃশ দুষ্ট্যেয়ানি হইতে রক্ষা করিতেছেন । হে মুনে ! ইহার জল পান করাত দূরের কথা, ইহার জলস্পর্শ করি এ সামর্থ্যও আমার নাই । প্রেতের এবশ্বিধ বাক্য শ্রবণ করিয়া সেই মুনি অস্তঃকরণে বড়ই প্রীতি লাভ করিলেন । ৫৭-৫৯ । অনন্তর জগদুদ্ধারক্ষম মুনি, সেই পিশাচকে কহিলেন যে, অরে পিশাচ ! তুমি এই বিভূতি গ্রহণ কর এবং ইহা নিজ ললাটে ধারণ কর । হে প্রেত ! এই বিভূতির মাহাত্ম্য, কুত্ৰাপি কোন ব্যক্তি, কোন মহাপাতকীরও কোনপ্রকার বিদ্রব করিতে সমর্থ হয় না । বিভূতি দ্বারা খবলীকৃত ভাগস্থল বিলোকন করিলে যমকিঙ্করগণ পাশুপতাস্ত্রের ভয়ে পাপীর নিকট হইতেও সুদূরে পলায়ন করিয়া থাকে । পথিকগণ পথমধ্যবর্তী অস্থিধ্বজের দ্বারা অঙ্কিত জলাশয়কে বিলোকন করিয়া, দ্রুতভয়ে যেমন দূর হইতেই তাহাকে পরিত্যাগ করে ; সেই জীবগণের ললাট বিভূতির দ্বারা চিহ্নিত দেখিলে যমকিঙ্করগণও দূর হইতে তাহাকে পরিত্যাগ করে । শিবমন্ত্রের দ্বারা পবিত্রিত বিভূতির গন্ধ পর্য্যন্ত আশ্রাণ করিলে, আশ্রাণকারী মনুজশ্রেষ্ঠের নিকট, হিংস্র জন্তুগণ উপস্থিত হইতে পারে না । শিবমন্ত্র-পবিত্রিত ভস্ম, যে ব্যক্তি ভক্তিসহকারে ললাট, বক্ষঃস্থল ও বাহুমূলে ধারণ করে, হিংস্র জন্তুগণও তাহাকে হিংসা করিতে সমর্থ হয় না । ৬০-৬৫ । এই ভস্ম, ধারণকারী জীবকে সর্বপ্রকার প্রাণি হইতে সর্বদা রক্ষা করিয়া থাকে ও ঐশ্বর্য্য প্রদান করিয়া থাকে বলিয়া, ইহাকে “বিভূতি” বলা যায় । ৬৬ । ইহা ধারণকারীকে উদ্ভাসিত করে ও তাহার শত্রুকে তিরস্কার করিয়া থাকে বলিয়া, ইহার নাম “ভস্ম” কহা যায় । পাপস্র (পাপ) ক্ষয় করে বলিয়া, ইহাকে “পাপস্র” কহা যায় । পাপ সকল ক্ষারিত করে বলিয়া, ইহাকে “ক্ষার” বলা যায় । পণ্ডিতগণ ইহার নামসকলের এই প্রকারই ব্যাখ্যা করিয়া থাকেন । ৬৭ । এই বলিয়া সেই মুনি, ভস্মাধার হইতে বিভূতি গ্রহণ করত তাহা প্রেত-করে সমর্পণ করিলেন, পিশাচও তাহা লইয়া অতি আদরের সহিত নিজ ললাটে ধারণ করিল । ৬৮ । অনন্তর জলদেবতাগণ, সেই বিভূতিধারী পিশাচকে জলাবগাহনে প্রবৃত্ত হইতে দেখিয়া, বারণ করিলেন না । ৬৯ । সেই জলাশয়ে স্নান ও তদীয় জলপান করিয়া পিশাচ যেমন সেই জলাশয় হইতে নির্গত হইবে, সেই সময়ই তাহার পিশাচ-যোনি মুক্ত হইল ও সে দিব্য-দেহ লাভ করিল । ৭০ । তদনন্তর দিব্য মাল্য, অম্বর ও গন্ধাদি ধারণ করত দিব্যবিমানে আরোহণ পূর্বক স্বর্গীয় পথে গমন করিতে করিতে দিব্যমুর্তিধর সেই পিশাচ, সেই উপস্থীকে প্রণাম করিয়া অতি উন্নতস্থরে এই



কথা বলিতে লাগিল যে, “হে অনঘ ! হে ভগবন্ ! আপনি সেই কদর্য্য-যোনি হইতে আমাকে বিমুক্ত করিলেন, এই দেখুন আপনার অমুগ্রহফলে এই তীর্থবারি-স্পর্শে আমি এই দিব্যদেহ ধারণ করিতে পারিয়াছি । অত্ৰ হইতে এই তীর্থের “পিশাচমোচন” নাম হইল । হে মুনে ! ইহাতে স্নানমাত্রেই আমার ঞ্চায় সকল পিশাচই পিশাচত্ব হইতে বিমুক্তি লাভ করিবে । এই পিশাচমোচন-তীর্থে যে সকল মানবগণ, স্নান, সন্ধ্যা ও তর্পণ পূর্ব্বক পিতৃগণের উদ্দেশে পিণ্ড প্রদান করিবে, দৈবাৎ যদি তাহার পিতৃগণের মধ্যে কেহ পিশাচ-যোনিতে অবস্থান করে, তাহা হইলে সে ব্যক্তিও অনায়াসে স্বীয় পিশাচত্ব পরিত্যাগান্তে পরমগতি লাভ করিতে সমর্থ হইবে । হে তপোনিধে ! অত্ৰ শুক্লা চতুর্দশী ; অগ্রহায়ণ মাসের শুক্লা চতুর্দশী তিথিতে এই তীর্থে স্নানাদি করিলে, আমার ঞ্চায় অত্ৰ ব্যক্তিরও পিশাচত্ব খণ্ডিত হইবে । এই দিনে পিশাচমোচন-তীর্থে ষাধারা সাংবৎসরিক ষাত্রা করিবে, তাহারা সকলেই তীর্থ-প্রতিগ্রহজন্য পাপ হইতে সর্ব্বথা বিমুক্তি লাভ করিবে । পিশাচমোচন-তীর্থে স্নানান্তে “কপদর্দীশ” নামক শিবলিঙ্গের অর্চনা করিয়া কিছু অন্নাদি দান করিলে মানবের অত্ৰ কোন স্থানেই ভয় লাভ করিতে হয় না । অগ্রহায়ণ মাসের শুক্লা চতুর্দশী তিথিতে কপদর্দীশ্বরের নিকট এই তীর্থে স্নান করিয়া, পরে যদি মানবের কোন জঘন্য স্থানেও মৃত্যু হয়, তথাপিও তাহার কখন পিশাচ-যোনি লাভ হইবার সম্ভাবনা নাই । ৭১-৮০ । এই সকল কথা বলিয়া সেই মহাভাগ দিব্যপুরুষ, বারম্বার সেই তপোধনকে নমস্কার করিতে করিতে দিব্যপথের পথিক হইল । তপোধন বাস্মীকিও সেই মহাশচর্য্য বিলোকনান্তে অতীব আশ্চর্য্যকরে পূর্ব্বের ঞ্চায় কপদর্দীশলিঙ্গের অর্চনা করিতে লাগিলেন এবং স্বীয় আয়ুষ্কাল পূর্ণ হইলে পর কপদর্দীশ মহাদেবের প্রসাদে পরম নির্ব্বাণ-পদবী লাভ করিতে সমর্থ হইলেন । ৮১-৮২ । হে মহামুনে ! সেইদিন হইতেই এই সর্ব্বপাপবিনাশকর তীর্থ, জগতে “পিশাচমোচন” এই পরম খ্যাতি লাভ করিয়াছে । এই পিশাচমোচন-তীর্থে কোন শিবভক্ত যোগীকে ভোজন করাইলে, সম্যক্ প্রকারে কোটিসংখ্যক তাদৃশ যোগীকে ভোজন করাইবার ফল লাভ করা যায় । ৮৩-৮৪ । যে ব্যক্তি প্রযত্নচিন্তে এই পরম পবিত্র অধ্যায়টী শ্রবণ করিবে, সে কখনই কোন প্রকার ভূত, প্রেত বা পিশাচাদি কর্ত্তক অভিভূত হইবে না । ৮৫ । বালগ্রগাদি কর্ত্তক অভিভূত বালকদিগের দুঃস্থ ব্যাধি-প্রশমনকারী এই পবিত্র পিশাচমোচন উপাখ্যানটী, বালকদিগের হিতের ইচ্ছায় প্রযত্নের সহিত পাঠ করা কর্ত্তব্য । ৮৬ । হে কলশোদ্ভব ! দেশান্তরে ষাত্রা করিবার পূর্ব্ব মানব, যদি

এই পবিত্র উপাখ্যানটী শ্রবণ করিয়া স্বীয় গৃহ হইতে বহির্গত হয়, তাহা হইলে বিদেশে কোনপ্রকার চোর, ব্যাঘ্র বা পিশাচাদি হিংস্র জীব, তাহাকে কোনপ্রকার ক্লেশ দিতে সমর্থ হয় না । ৮৭ ।

## পঞ্চপঞ্চাশত্তম অধ্যায় ।



### কাশী-বর্ণন ও গণেশ প্রেরণ ।

স্কন্দ কহিলেন, হে কুম্ভযোনে ! অত্যাশ্চর্য যে সমস্ত গণ সেই কাশীক্ষেত্রে শিবলিঙ্গ প্রতিষ্ঠা করিয়াছিলেন, তাঁহাদিগের বিষয়ও বলিতেছি; শ্রবণ কর । কপদীশ্বরের উত্তরদিকে পিঙ্গল নামক গণ, “পিঙ্গলেশ্বর” নামে শিবলিঙ্গ প্রতিষ্ঠা করিয়াছিলেন ; সেই লিঙ্গকে দর্শন করিবামাত্র পাপসমূহ ক্ষয় হইয়া যায় । বীরভদ্রেশ্বর নামক গণ, “বীরভদ্রেশ্বর” নামে শিবলিঙ্গ প্রতিষ্ঠা করেন এবং তিনি অত্যাশ্চর্য মহাপ্রীতি সহকারে নিশ্চলভাবে সেই লিঙ্গের আরাধনা করিয়া থাকেন ; সেই লিঙ্গের দর্শনমাত্রেই বীরসিদ্ধি হইয়া থাকে । ১-৪ । অবিমুক্তেশ্বরের পশ্চাৎভাগে অবস্থিত বীরভদ্রেশ্বরের পূজা করিলে, মানব কদাপিও রণে পরাজিত হয় না । হে মুনো ! বীরভদ্র, স্বয়ং বীরমূর্তি ধারণ করিয়া অবিমুক্তক্ষেত্রনিবাসী জীবগণের বিঘ্ননিচয় সংহার করিয়া থাকেন । ৫-৬ । বীরভদ্রপত্নী ভদ্রকালী-দেবীর সহিত যে ব্যক্তি বীরভদ্রেশ্বরের পূজা করে, সে কাশীবাসের সম্পূর্ণ ফল লাভ করিয়া থাকে । কেদারেশ্বরের দক্ষিণদিকে কিরাত নামক গণকর্তৃক প্রতিষ্ঠিত “কিরাতেশ্বর” নামে শিবলিঙ্গ আছে ; তিনি ভক্তগণকে অভয় প্রদান করিয়া থাকেন । ৭-৮ । চতুর্মুখ নামক গণ, বুদ্ধকালেশ্বরের নিকট “চতুর্মুখেশ্বর” নামে শিবলিঙ্গ প্রতিষ্ঠা করিয়া, অত্যাশ্চর্য নিশ্চলভাবে তাঁহার আরাধনায় নিযুক্ত রহিয়াছেন । সেই চতুর্মুখেশ্বরের ভক্তগণ স্বর্গে সর্ববিধ ভোগসম্পন্ন হইয়া, স্মরণিচয় কর্তৃক চতুরাননের দ্বারা পূজিত হইয়া থাকেন । ৯-১০ । কুবেরেশ্বরের নিকটে নিকুম্ভ নামক গণকর্তৃক প্রতিষ্ঠিত নিকুম্ভেশ্বরকে দর্শন করিয়া গ্রামান্তরে গমন করিলে, তথায় কার্য্যসিদ্ধি হইয়া থাকে এবং অস্ত্রে শিবলোক প্রাপ্তি হয় । ১১ । বিশ্বনাথের দক্ষিণভাগে “পঞ্চাকেশ” নামক মহালিঙ্গের পূজা করিলে,

মানব জাতিস্বয়ং হইয়া থাকে । ভারভূত নামক গণকর্তৃক প্রতিষ্ঠিত ও অস্তগৃহের উত্তরদ্বারে অবস্থিত “ভারভূতেশ্বর” নামক শিবলিঙ্গের পূজা করিলে, শিবপুরে বাস করা যায় । ১২-১৩ । কাশীক্ষেত্রে যাহারা ভারভূতেশ্বরকে দর্শন না করে, তাহারা ফলহান বৃক্ষসমূহের আশ্রয় কেবল পৃথিবীর ভারমাত্র । ১৪ । হে কুম্ভজ ! ত্রিলোচনেশ্বরের পুরোভাগে ত্র্যক্ষনামক গণ, “ত্র্যাক্ষেশ্বর” নামে শিবলিঙ্গ প্রতিষ্ঠা করিয়া, অত্যাধি তাঁহার পূজা করিতেছেন । ১৫ । সেই শিবলিঙ্গের ভক্তগণ, দেহাবসানে ত্রিনয়ন হইয়া থাকে, ইহাতে কোন সন্দেহ নাই । ক্ষেমক নামক গণাধিপ, কাশীতে স্বয়ং মূর্তিধর হইয়া অত্যাধি নিশ্চলভাবে সর্বদা বিম্বনাথের চিস্তায় নিমগ্ন আছেন । ১৬-১৭ । বারাণসীতে যে ব্যক্তি “ক্ষেমক” নামক গণেশ্বরের পূজা করে, তাহার বিদ্র সমূহ বিলীন হইয়া যায় এবং পদে পদে মঞ্জল হইয়া থাকে । ১৮ । কোন ব্যক্তি দেশান্তরে গমন করিলে তাহার আগমন কামনায়, ক্ষেমক নামক গণের পূজা করা উচিত ; তাহাতে সে ব্যক্তি সহর কুশলের সহিত প্রত্যাবৃত্ত হইয়া থাকে । লাক্সলী নামক গণকর্তৃক প্রতিষ্ঠিত বিশ্বেশ্বরের উত্তরভাগে লাক্সলীশ্বরকে দর্শন করিলে মানব কখন রোগ ভোগ করে না এবং একবারমাত্র লাক্সলীশ্বরের পূজা করিলে, পাঁচটা লাক্সল দানের অবিকল সর্বসম্পৎকর ফল লাভ হইয়া থাকে । ১৯-২১ । বিরোধ নামক গণকর্তৃক প্রতিষ্ঠিত বিরোধেশ্বরের আরাধনা করিলে সর্বাপরাধযুক্ত ব্যক্তিও কোনস্থানে অপরাধী হয় না । কাশীবাসীগণ কতৃক দিন দিন যে অপরাধ কৃত হয়, বিরোধেশ্বরের পূজা করিলে সেই অপরাধ বিনষ্ট হইয়া থাকে । ২২-২৩ । দণ্ডপাণির নৈঋতদিকে বিরোধেশ্বরকে যজ্ঞ সহকারে প্রণতি করিলে, মানব সমস্ত অপরাধ হইতে মুক্তিলাভ করে, ইহাতে সন্দেহ নাই । ২৪ । স্রুমুখ নামক গণকর্তৃক প্রতিষ্ঠিত “স্রুমুখেশ্বর” নামক মহালিঙ্গকে দর্শন করিলে, মানব সমস্ত পাতক হইতে মুক্ত হইয়া থাকে । পিলিপীলা তীর্থে স্নান করিয়া স্রুমুখেশ্বরকে দর্শন করিলে, ধর্ম্মরাজকে সতত স্রুমুখ ভিন্ন কখন দ্রুমুখ দর্শন করিতে হয় না । মানব, ভক্তিসহকারে আষাঢ়ী পূর্ণিমাতে আষাঢ়ী নামক গণকর্তৃক প্রতিষ্ঠিত “আষাঢ়ীশ্বর” নামক শিবলিঙ্গ দর্শন করিলে সর্ব প্রকার পাপ হইতে মুক্তি লাভ করিয়া থাকে । ২৫-২৭ । আষাঢ়ী পূর্ণিমাতে ভারভূতেশ্বরের উত্তরদিকে অবস্থিত আষাঢ়ীশ্বরকে দর্শন করিলে, কোনরূপ পাপের দ্বারা পরিতপ্ত হইতে হয় না এবং আষাঢ় মাসের শুক্লাচতুর্দশী অথবা পূর্ণিমা তিথিতে আষাঢ়ীশ্বরের সাম্বৎসরিক যাত্রা করিলে, মানব নিম্পাপ হইয়া থাকে । ২৮-২৯ ।

স্বন্দ্র কহিলেন, হে মুনে! এই গণ সমূহও বারাণসীতে গমন করিয়া, বিশ্বেশ্বরের পরিতুষ্টির জন্ত স্ব স্ব নামে শিবপ্রতিষ্ঠা করত তথায় অবস্থিত হইলে, বিশ্বনাথ কাশীর সংবাদ জানিবার জন্ত ব্যাকুল হইয়া, পুনরায় চিন্তা করিতে লাগিলেন যে — “কোন হিতৈষী ব্যক্তিকেই বা প্রেরণ করিয়া আমি স্ত্রী হইব? যোগিনী-গণ, সূর্য, ব্রহ্মা এবং শঙ্কর প্রভৃতি গণনিচয় বারাণসী হইতে সিদ্ধগামিনী নদীর তীরে আর প্রত্যাবৃত্ত হইলেন না। ৩০-৩২। যাহারা কাশীতে প্রবিষ্ট হয়, তাহারা নিশ্চয়ই আমার উদরে প্রবেশ করিয়া থাকে, এই জন্তই প্রদীপ্ত অনল হইতে দ্রুত যেমন পুনরায় বহির্নিগত হয় না, তদ্রূপ তাহারাও আর কাশী হইতে বিনিগত হয় না। ৩৩। শিবলিঙ্গ-পূজানিরত যে সমস্ত মহাত্মাগণ কাশীতে বাস করিয়া থাকেন, তাহারা আমার জঙ্গম (গতিশীল) লিঙ্গ; তাহারা কোন সন্দেহ নাই। কাশীতে স্থাবর ও জঙ্গমরূপ যাহা কিছু চেতন ও অচেতন আছে, সে সমস্তই আমার লিঙ্গ; দুর্ব্বাক্তি ব্যক্তিগণই তাহাদের প্রতি দ্রোহ প্রকাশ করিয়া থাকে। ৩৪-৩৫। যাহাদের মুখে সর্বদা “বারাণসী” এই চারিটি অক্ষর উচ্চারিত হইয়া থাকে এবং যাহাদের কর্ণে সতত বিশ্বেশ্বরসম্বন্ধিণী কথা প্রবেশ করিয়া থাকে, সেই সমস্ত মহাত্মাই কাশীর শ্রেষ্ঠ লিঙ্গ; আমার তায় তাহাদিগেরও পূজা করা উচিত। ৩৬। যাহাদের মুখ হইতে “বারাণসী”, “কাশী”, “ব্রহ্মাবাস” এই সমস্ত শব্দ স্পষ্ট উচ্চারিত হয়, তাহাদের উপর যমের আধিপত্য থাকে না। যাহারা আনন্দ-কাননে থাকিয়া মনে মনে অন্য কোন নিরানন্দ স্থানে গমনের অভিলাষ করে, তাহারা কাশীতে থাকিয়াও নিরানন্দ ভোগ করে। মৃত্যু আজ বা বহুকাল পরে হইবে, সন্দেহ নাই অতএব যাহারা কলি এবং কালকে ভয় করে, তাহাদের কখন কাশী পরিত্যাগ করা উচিত নহে। ৩৭-৩৯। অবশ্যস্তাবী ভাবনিচয় পদে পদেই উপস্থিত হইয়া থাকে; তথাপি লোকে কোন বুদ্ধিতে লক্ষ্যের আবাসভূমি কাশী পরিত্যাগ করিয়া থাকে? ৪০। কাশীতে থাকিয়া যদি পদেপদে বহুতর বিপত্তি সহ্য করিতে হয়, তাহাও সহন করা উচিত; কিন্তু অন্যত্র নিকটক রাজ্য পাইলেও কাশী পরিত্যাগ করিয়া তথায় যাইবার অভিলাষও করা উচিত নহে। জগতে ঐশ্বর্যভোগজনিত সুখ অতি অল্পক্ষণের জন্তই প্রাপ্ত হওয়া যায়; কাশীতে ইহকাল ও পরকালে নিরন্তর সুখ ভোগ হইয়া থাকে। স্বয়ং বিশ্বনাথ আমি, মুক্তি-দায়িনী কাশী এবং সূধাতরঙ্গিণী গঙ্গা, এই তিনজন কি না প্রদান করিয়া থাকি? ৪১-৪৩। পঞ্চক্রোশ পরিমিত এই পুরী আমার তনু, ইহা অপরিমিত ঐশ্বর্যের আধার এবং ভক্তগণের নির্বাণের কারণ। সতত যাতায়াত করিয়া যাহারা

সংসারভারে নিপীড়িত হইতেছে, নিশ্চয়ই আমার কাশীপুরী সেই সমস্ত জীবগণের একমাত্র বিশ্রাম-স্থান । ৪৪-৩৫ । সংসার-পথগামী জীবগণের পক্ষে আমার এই কাশী মনোরথরূপ ফলনিচয়ে পরিপূর্ণ ও কল্পলতা সমূহের মণ্ডপস্বরূপ । এই কাশী নির্বাপনরাজকর্তব্যবর্তী বিশ্বেশের, শুলোচ্চদণ্ডে নিহিত, সর্বপ্রকার সম্ভাপহারী বিচিত্র ছত্রস্বরূপ । ৪৬-৪৭ । যে সমস্ত পুণ্যশীল ব্যক্তিগণ নিরন্তর সুখপ্রাপ্তির জন্ত অনায়াসে নির্বাপন-লক্ষ্মীর কামনা করেন, তাঁহাদের কখনও কাশী পরিত্যাগ করা উচিত নহে । আমার আনন্দবনে যাঁহারা নিরন্তর বনবাসী হইয়া থাকেন, তাঁহারা সুস্বাদু মোক্ষ-ফল লাভ করিয়া থাকেন । ৪৮-৪৯ । মমতা ও মোহরহিত আমাকেও যিনি মোহিত করিতেছেন, বিশ্ববিমোহিনী সেই কাশীকে কে না স্মরণ করিয়া থাকে ? ৫০ । যাঁহার “কাশী” “কাশী” এই মধুর নামও পরম আনন্দ প্রদান করিয়া থাকে, কোন্ পুণ্যবান্ ব্যক্তি সেই কাশীর নাম জপ না করিয়া থাকেন ? যাঁহারা নিরন্তর কাশীনাম-সুধা পান করিয়া থাকেন, তাঁহাদের পৃথিবী-ময়ই বস্তুনিচয় সুন্দর ধামস্বরূপ হইয়া থাকে । যাহারা কাশীনাম জপ করে, তাহারাই সর্বাত্মরূপী ও মমতারহিত আমার আত্মীয়স্থানীয় । ৫১-৫৩ । বারানসীর এই সমস্ত মহিমা জানিতে পারিয়াই যোগিনীগণ, সূর্য্য, ব্রহ্মা ও আমার গণসমূহ সেই স্থানেই অবস্থান করিতেছেন ; তথা হইতে না আসিবার আর কোন কারণ নাই । অত্যা সেই যোগিনীগণ, সেই সূর্য্য, সেই বিধাতা এবং আমারই সেই গণসমূহ আগাকে পরিত্যাগ করিয়া কেন তথায় অবস্থিতি করিবেন ? ৫৪-৫৫ । তাঁহারা তথায় আছেন ভালই হইয়াছে, কারণ তাঁহাদের মধ্যে এক ব্যক্তিও ত রাজ্যমধ্যে কালে ভেদ উৎপন্ন করিতে পারিবে । এবং আমারই মূর্ত্যাস্তর তাঁহারা যখন তথায় প্রবেশ করিয়াছেন, তখন যাহাতে আমার তথায় গমন হয়, তজ্জন্ত তাঁহারা অবশ্যই যত্ন করিবেন । আমার আর আর যে সমস্ত শ্রেষ্ঠ পরিজন আছেন, আমি তাঁহাদিগকেও তথায় প্রেরণ করি, তৎপরে নিজে গমন করিব” । ৫৬-৫৮ । মহেশ্বর এইরূপ নিশ্চয় করিয়া গণেশকে আহ্বান করত কহিলেন যে, “হে পুত্র ! তুমি এস্থান হইতে কাশীতে গমন কর এবং তথায় গণসমূহের সহিত অবস্থান করত নিবিব্ধে আমার কার্য্যসিদ্ধির জন্ত যত্ন কর এবং দিবোদাস নৃপতির বিদ্র আচরণ কর” । ৫৯-৬০ । মহেশ্বরের এতাদৃশ আজ্ঞা গ্রহণ করিয়া, স্থিতিজ্ঞ গণাধীশ মহাদেবের কার্য্যসিদ্ধির জন্ত সহর কাশীতে গমন করিতে প্রবৃত্ত হইলেন । ৬১ ।

## ষট্‌পঞ্চাশত্তম অধ্যায়



## গণেশ-মায়া কথন ।

স্কন্দ কহিলেন, অনন্তর মহাদেবের আশ্রিত মন্তকে ধারণ করত, তাহার কাশী-গমনের উপায় চিন্তা করিতে করিতে, গণপতি, মন্দরপর্বত হইতে প্রস্থান করিলেন । ১ । তিনি ব্রাহ্মণমূর্তি পরিগ্রহ করত, সুন্দর মাতুলিক গণকর্তৃক স্তুত হইয়া, সত্বরই বারাণসীতে প্রবিষ্ট হইলেন । তিনি বুদ্ধ নক্ষত্রপাঠকের (গণকের) বেশ ধারণ পূর্বক প্রাতি অন্তঃপুরমধ্যে প্রবেশ করত সকলের ভাগ্য-গণনা দ্বারা পৌরজনগণের প্রাতি উৎপাদন করত বারাণসীতে বিচরণ করিতে লাগিলেন । ২-৩ । গণপতি, রাত্রিকালে নিজেই পুরবাসী জনগণকে বিচিত্র বিচিত্র স্বপ্ন প্রদর্শন করাইয়া, প্রাতঃকালে তাহার গৃহে গমন করত সেই সকল স্বপ্নদর্শিত স্বপ্নের বলাবল এই প্রকারে কীর্তন করিতেন যে, অহে গৃহস্থগণ ! অত্ৰ রাত্রিতে স্বপ্নাবস্থায় যে সকল বিষয় অবলোকন করিয়াছ, আমি তোমাদের কৌতুকে-পতির নিমিত্ত তাহাই কীর্তন করিতেছি । কোন ব্যক্তিবিশেষকে লক্ষ্য করিয়া তিনি এই প্রকার কহিলেন যে, অহে ! বিগত রাত্রিতে চতুর্থ প্রহরের সময় তুমি স্বপ্নে দেখিয়াছ যে, “তুমি এক অতি গভীর মহাহ্রদে প্রায় মগ্ন হইতে হইতে কোনপ্রকারে তটে উপস্থিত হইয়াছ এবং সর্বদা সেই হ্রদের বারি নিবহের সম্পর্কে অতি পিচ্ছিল ও কুত্ৰাপি পক্ষময় তট-ভূমিতে অনেকবার তুমি, সেই স্বপ্নাবস্থায় মগ্ন হইয়াছ ও বহুব্লেসে পুনর্ববার কথঞ্চিৎ উঠিতে পারিয়াছ” অহো ! তোমার এই দুঃস্বপ্নের পরিণাম বড়ই ভয়প্রদ । ৪-৭ । অপর কাহাকেও বা তিনি এইরূপ বলিতেন যে, “অহে ! অত্ৰ স্বপ্নযোগে তুমি কাষায়বসনধারী যে মুণ্ডিতমুণ্ড পুরুষ বিলোকন করিয়াছ, সেই দর্শনে তোমার বিলক্ষণ বিপৎপাতের সম্ভাবনা আছে” । ৮ । কাহাকেও কহিলেন, “তুমি রাত্রিতে স্বপ্নাবস্থায় সূর্য্যগ্রহণ দর্শন করিয়াছ ও তদনন্তর ইন্দ্রধনুর্ঘর্ষ অবলোকন করিয়াছ” এই সকল দর্শন তোমার পক্ষে শুভকর নহে । ৯ । অত্ৰ স্বপ্ন বিলোকনকারী লোকগণকে আহ্বান করিয়া, প্রত্যেককে এই প্রকার পৃথক পৃথকভাবে বলিতে লাগিলেন যে, “অহে ! তুমি স্বপ্নাবস্থায় দেখিয়াছ যেন, পশ্চিমদিকে সূর্য্য উদিত হইয়া, নবীন চন্দ্রমাকে বলপূর্বক আকাশ হইতে ভূতলে পাতিত করিয়াছেন” ইহা নিতান্ত রাজ্যের

ভীতিসূচক । অপরকে বলিলেন যে, “কল্যা রাত্রিতে স্বপ্নকালে তুমি দেখিয়াছ যেন, দুইটি কেতু পরস্পর ভীষণ যুদ্ধ করিতেছে” ইহাও বড় শুভলক্ষণ নহে ; ইহা নিশ্চয় রাষ্ট্রভঙ্গের সূচক জানিও, “অহো ! মহামতে গৃহস্থ ! তুমি রাত্রিতে স্বপ্নে দেখিয়াছ যে, তোমার কেশ ও দশন বিশীর্ণ হইয়া গিয়াছে ও তোমাকে কোন ব্যক্তি দক্ষিণদিকে বলপূর্বক আকর্ষণ করিয়া লইয়া যাইতেছে” ইহা তোমার পক্ষে বিশেষরূপ হানিজনক, ইহাতে সন্দেহ নাই । “অহো ! তুমি যে রাত্রিশেষে দেখিয়াছ, তোমার কুটুন্সের প্রাসাদের উন্নত ধ্বজ ভগ্ন হইয়া পড়িয়াছে” ইহা রাজ্যক্ষয়ের চিহ্নস্বরূপ এবং ইহা দ্বারা বিশেষরূপ উৎপাতের সম্ভাবনা আছে । “অহো ! তুমি যে রাত্রিশেষে বিলোকন করিয়াছ যেন, এই নগরী ক্ষীরসমুদ্রের লহরীমালায় প্লাবিত হইয়া গিয়াছে” ইহাতে আমার নিশ্চয়ই বোধ হইতেছে যে, তিন অথবা চারি পক্ষের মধ্যে এই পুরবাসীগণের অতিশয় বিপৎপাত হইবে । “অহো ! তুমি নিশাকালে স্বপ্নাবস্থায় বিলোকন করিয়াছ যেন, একটা লক্ষ্মীর আয় স্তম্ভরী মহিলা, মুক্তকেশ ও বিবসনা হইয়া ভ্রমণ করিতেছে” ইহার ফল বড়ই বিষম । “অহো ! তুমি দেখিয়াছ যে, দেবালয়ের শৃঙ্গস্থিত কলশ ভূমিতে পতিত হইয়াছে” ইহা কতিপয় দিনের মধ্যেই রাজ্যভঙ্গের সূচনাকারী । “হে মহামতে ! তুমি যে স্বপ্নযোগে বিলোকন করিয়াছ, যেন বানরগণযুক্ত এক রথে আরোহণ করিয়া, তুমি দক্ষিণদিকে প্রস্থান করিতেছ” অহো ! ইহার ফল যে বিপৎ হইবে ; তাহা হইতে যদি আত্মরক্ষা করিতে চাহ, তবে এই ক্ষণেই এই নগরী পরিত্যাগ কর । “অহো ! পুরবাসিন্ ! তুমি রাত্রিতে স্বপ্নাবস্থায় বিলোকন করিয়াছ যে, এই নগরী রোরুদ্ভমান যুগযুগের দ্বারা চারিদিকে পরিবেষ্টিত হইয়াছে” ইহার ফল বড়ই বিষম ; এক মাসের মধ্যে তোমাদের এই রাজ্য পরিত্যাগ করিতে হইবে । অহো ! এই যে আতায়ী ( চিল ), যুক ( বক ) ও গৃধ্র প্রভৃতি পক্ষীগণ সর্বদাই উপরি-ভাগে বিচরণ করিতেছে, ইহারা এই পুরবাসী লোকসমূহের ভবিষ্যৎ মহাঅমঙ্গলের সূচনা করিয়া দিতেছে ; ইহা তোমরা স্থির জানিও । আমি দিব্য-নেত্রে তোমাদের এই সকল অশুভ ফল বিলোকন করিতেছি । ১০-১৯ । গণপতি, এই প্রকারে নানাবিধ স্বপ্ন ও উৎপাতসমূহ ইত্যন্তঃ পুরবাসিগণের নিকট কীৰ্ত্তন করত, তাহাদের ভয় উৎপাদন করিয়া অনেককেই সেই নগরী হইতে উচ্চাটিত করিলেন । ২০ । তিনি নগরমধ্যে উপবেশন করিয়া গ্রহগণ-সঞ্চার প্রদর্শন করিতে করিতে, কখনও বা কোন কোন লোককে কহিলেন যে, “অহো ! দেখ তোমার একই রাশিতে সূর্য্য, শুক্র ও মঙ্গল অবস্থান করিতেছে” ইহা তোমার পক্ষে শুভজনক

নহে । ২১ । কাহাকেও বা দেখাইতেন যে, “এই দেখ আকাশে ধূমকেতু সপ্তর্ষি-মণ্ডল ভেদ করিয়া পশ্চিমদিকে প্রস্থান করিয়াছে” ইহা রাজ্যবিনাশের একটা অশু-তম লক্ষণ বলিয়া জানিবে । ২২ । কাগাকেও দেখাইতেন যে, “অহে ! বিলোকন কর, বক্রপথস্থিত শনি মন্দগ্রহের সহিত যুক্ত হইয়া অতিচার প্রাপ্ত হইয়াছে” ইহা বড়ই অশুভজনক । ২৩ । “অহো কল্য যে ভূমিকম্প হইয়াছিল, তাহাতে আমার হৃদয়, ভাবি অমঙ্গলাশঙ্কায় এখনও কম্পিত হইতেছে” । ২৪ । এই যে একটা উল্কা, নির্ঘাতের সহিত উত্তরদিগ্ হইতে দক্ষিণদিকে গিয়া বিলীন হইয়াছে ; ইহাতে এক বিশিষ্ট উৎপাত হইবার সম্ভাবনা । এই মহাবায়ু ববেগে যে, চত্বরস্থিত মহা-মূলশালী চৈত্যবৃক্ষ সমুৎপাটিত হইয়াছে ; ইহাতে মহোৎপাতের সম্ভাবনা । এই সূর্য্যোদয়সময়ে প্রত্যহই যে, একটা শুষ্ক বৃক্ষের উপরিভাগে কাক বসিয়া বিসদৃশ ভাবে শব্দ করিতেছে, আমার বিবেচনায় ইহা বড়ই অমঙ্গলজনক । এই যে বিপনির মধ্যে অঘেষণকারীগণের সম্মুখ হইতে দুইটি অরণ্যচারী যুগ প্রবেশ করিয়াছে, ইহাতে বিশেষ অনিষ্টের সম্ভাবনা । এই যে শরৎকালেই আত্মবৃক্ষে মুকুল পরিদৃষ্ট হইয়াছে ; ইহাতে পুরবাসীগণের মহাকাল-ভয়ের সম্ভাবনা দেখিতেছি । ২৫—২৯ ।

এই প্রকার ভয় উৎপাদন করত, সেই কপট বিজ্ঞরূপী গণেশ, অনেক পৌর-বাসীগণকে কাশী পরিত্যাগ করাইলেন । ৩০ । এই প্রকারে বাহিরে লোকগণের হৃদয়ে ভীতি উৎপাদন করিয়া, পরে নিজ মায়াপ্রভাবে নৃপতির অন্তঃপুরমধ্যে প্রবেশ পূর্বক, স্ত্রীগণের দৃষ্টার্থ সকল ব্যাখ্যান করত তাহাদের হৃদয়ে নিতান্ত বিশ্বাস উৎপাদন করিতে লাগিলেন । ৩১ । অন্তঃপুরমধ্যে তিনি কোন স্ত্রীকে এইরূপ কহিতেন যে, “অগ্নি স্থলঙ্ঘনে । তোমার একশত পুত্র উৎপন্ন হইয়াছে বটে, কিন্তু তাহাদের মধ্যে একজন অথ গন্ধারোহণে গমন করিতে করিতে, বাহু-সেতুর উপর হইতে পতিত হইয়া পঞ্চস্থ লাভ করিয়াছে” । ৩২ । কাহাকে দেখিয়া কহিতেন যে, “এই কন্ডার গর্ভ হইয়াছে, ইহার একটা কন্ডা হইবে, এই নারীটি পূর্বের দুর্ভাগা ছিল কিন্তু এক্ষণে সুভাগা হইয়াছে” । ৩৩ । কখনও বা রাজাস্তঃপুর-মধ্যে প্রবিষ্ট হইয়া কোন রাজ্ঞীকে কহিতেন যে, এই রাজ্ঞীটি সকল রাজ্ঞীগণের মধ্যে নৃপতির সর্বাপেক্ষা প্রিয়তমা ; রাজা, স্বীয় বন্ধঃস্থল হইতে মুক্তমালা উন্মোচন করিয়া ইহাকে প্রদান করিয়াছেন । পাঁচ বা সাত দিন অতীত হইয়াছে, রাজা প্রসন্ন হইয়া ইহাকে স্ত্রীধনরূপে দুইখানি সমৃদ্ধিশালী গ্রাম প্রদান করিতে আদেশ করিয়াছেন । ৩৪—৩৫ ।



স্থলে প্রত্যুত্তর করা কর্তব্য নহে। আপনি ভাল কর্ম করিয়াছেন, এ প্রকার নির্জনে পরামর্শ জিজ্ঞাসা আপনার পক্ষেই শোভা পায়। আপনি আমাকে যে বিষয় জিজ্ঞাসা করিলেন, আমি ইহার উত্তর প্রদান করিতেছি ; এ বিষয়ে আপনি কোন প্রকার সংশয় করিবেন না। হে মহারাজ ! আমি আপনার মনোবিরক্তির কারণ অবগত আছি ; হে মহাবুদ্ধে রাজন্ ! আমি যথার্থ বাক্য বলিতেছি আপনি শ্রবণ করুন। হে দিবোদাস নরপতে ! আপনি বিক্রমী ও শূর, আর সর্বদা আপনার শুভাদৃষ্ট বিজ্ঞান রহিয়াছে। পুণ্য, ষশ ও বুদ্ধি দ্বারা সম্পন্ন হইয়া আপনি যেমন শোভা পাইতেছেন, আমার বিবেচনায় স্বর্গে ত্রিদশেশ্বর ইন্দ্রও এ প্রকার শোভা প্রাপ্ত হইতেছেন না। আমি বিবেচনা করি যে, আপনি বুদ্ধিতে বৃহস্পতি, প্রসাদে আপনি সুধাকর, তেজোরশিতে আপনি সূর্য, প্রতাপে আপনি অগ্নি, বলে আপনি বায়ু, আপনি শ্রীসমর্পণে কুবের, শাসনে আপনি রুদ্র, রণাঙ্গণে আপনি নীতি, দুর্ভেদগণের শাসনকারী আপনি পাশধারী বরুণ, নিয়মসমূহে আপনি সাক্ষাৎ ষম, ঐশ্বর্য্যে আপনি মহেন্দ্র, ক্ষমাতে আপনি পৃথিবী, মর্যাদায় আপনি সমুদ্র, মহত্ত্বে আপনি হিমালয়, রাজনীতিতে আপনি ভার্গব ও রাজ্যে আপনি সাক্ষাৎ মনুর সদৃশ। হে রাজন্ ! আপনি মেঘের ন্যায় সকলের সম্ভাপ হরণ করিয়া থাকেন, গজানামের ন্যায় আপনি পবিত্র আপনি সকল জন্তুগণকেই কাশীর ন্যায় সুগতি প্রদান করিতেছেন সংহারকালে আপনি রুদ্রের স্বরূপ, পালনে আপনি সাক্ষাৎ বিষ্ণুস্বরূপ; বিধির ন্যায় আপনি লোকের বিধানকর্ত্তা, আপনার মুখানুজ্ঞে সাক্ষাৎ সরস্বতী বাস করিতেছেন, আপনার পাণিপদ্মে কমলা বাস করিতেছেন, আপনার ক্রোধে হলহল বিজ্ঞান, আপনার বাক্যই অমৃত, আপনার ভুজদ্বয়ই অশ্বিনীকুমারদ্বয়। হে ভূপতে ! আপনার আর অধিক কি বর্ণনা করিব ? আপনি একাকীই সর্বদেবস্বরূপ। আপনার ভবিষ্যৎ বাহা শুভ, তাহা আমি সম্পূর্ণরূপেই জ্ঞাত আছি। হে ভূপ ! আজ হইতে আগামী অষ্টাদশ দিবসে, উত্তরদেশীয় কোন ব্রাহ্মণ, আপনার নিকট উপস্থিত হইয়া উপদেশ প্রদান করিবেন। হে রাজন্ ! সেই ব্রাহ্মণ আপনাকে বাহা উপদেশ করিবেন, আপনি অবিচারিতভাবে তাহা প্রতিপালন করিবেন ; হে মহামতে ! তাহা হইলে আপনার হৃদয়স্থিত সকল বিষয় সিদ্ধ হইবে, তাহাতে সন্দেহ নাই। ৬৩-৭৭।

দ্বিজশ্রেষ্ঠ, এই প্রকার রাজাকে উপদেশ প্রদান পূর্বক, রাজাকে জিজ্ঞাসানন্তর তদীয় অনুজ্ঞা গ্রহণ করত সজ্জ্বলচিত্তে নিজ আশ্রমে প্রত্যাবর্তন করিলেন ; রাজা দিবোদাসও অতিশয় বিস্ময়সাগরে মগ্ন হইলেন। ৭৮। অনন্তর গণেশ আত্মাকে কৃতকৃত্যজ্ঞানে সেই কাশীতে নানাপ্রকার মূর্ত্তি ধারণ করত বাস করিতে লাগি-

লেন । ৭৯। হে কুস্তম্বোনে ! দিবোদাস নৃপতির রাজ্যেরও প্রাকালে যেখানে গণপতির নিজ নিকেতন ছিল, এক্ষণে ত্রাঙ্কণরূপী গণপতি, নিজ অবস্থান দ্বারা সেই স্থানই শোভিত করিতে লাগিলেন । ৮০ ।

অনন্তর গণপতির কথামুসারে বিষ্ণু, উত্তরদিগ্ হইতে আগমন করিয়া স্বীয় আদেশামুসারে দিবোদাস নৃপতিকে কাশী হইতে বহিষ্কৃত করিলে পর, বিশ্বকর্মা আগমন করিয়া সেই কাশীকে নবীন করিয়া নিৰ্ম্মাণ করিলেন । অনন্তর দেবদেব মহাদেব যখন কাশীতে আগমন করেন, সেই সময় তিনি স্বয়ং গণপতিকে স্তুতি করিয়াছিলেন । ৮১—৮৩ ।

অগস্ত্য কহিলেন, হে ষড়ানন ! ভগবান্ দেবদেব, কি কি প্রকার গণপতির স্তুতি করিয়াছিলেন এবং গণপতিই বা কিরূপে আপনার বহুমূর্ত্তি প্রকটন করেন ? সেই গণনায়ক, কোন্ কোন্ নাম দ্বারা বিখ্যাত হইয়া কাশী পুরীতে অবস্থান করিতেছেন ; এই সকল বিষয় আপনি সংক্ষেপে আমার নিকট কীৰ্ত্তন করুন । ৮৪-৮৫ । অগস্ত্যের এবম্বিধ বাক্য শ্রবণ করিয়া কীৰ্ত্তিকেয়, অতি মনোহারিণী ও মজলদায়িনী গণপতিবিষয়িনী-কথা, যথাবৃত্ত কীৰ্ত্তন করিতে প্রবৃত্ত হইলেন । ৮৬ ।

## সপ্তপঞ্চাশত্তম অধ্যায় ।

—:•:—

### চুণ্ডি-বিনায়ক-প্রাচুর্য্যাব ।

স্বন্দ কহিলেন, হে মুনিসত্তম ! অনন্তর বিশ্বেশ্বর, বিশ্বেশ্বরী উমা ও আমাকে সঙ্গে লইয়া, বারাণসীপুরীতে প্রবেশ করিতে লাগিলেন । তাঁহার গমনকালীন নন্দা ও ভৃঙ্গী অগ্রে অগ্রে গমন করিতে লাগিলেন এবং মহাশাখ, বিশাখ, নৈগমেয়, একাদশরুদ্র ও দেবর্ষিগণ ও তাঁহার অনুগামী হইলেন । সনকাদি ঋষিগণ তাঁহার স্তব করিতে লাগিলেন ; সমস্ত আয়তনের অধীশ্বর দিক্‌পালগণ তাঁহাকে অভিনিন্দিত করিতে লাগিলেন । তীর্থসমূহ মূর্ত্তিমান্ হইয়া তাঁহাকে স্ব স্ব পবিত্র জল প্রদান করিল ; কিম্বদন্তি মজলময় গীত গান করিতে লাগিল । অঙ্গরাগণ নানা প্রকার নৃত্য করত তাঁহার পূজা করিতে লাগিল । আকাশমার্গে অনাহত বাতনিচয়, চতুর্দিকে তাঁহাকে অনুমোদিত করিতে লাগিল । ঋষিগণের বেদধ্বনিতে দিব্যধ্বনিকল

বধিরীকৃত হইয়া উঠিল । চারগনসমূহ তাঁহার স্তব করিতে লাগিল ; চতুর্দিকে বিমাননিচয় তাঁহাকে বেষ্টিত করিয়া চলিল । স্বর্গবধূগণ, মুষ্টিতে লাজ গ্রহণ করত, তাঁহার উপর তাহা বর্ষণ করিতে লাগিলেন ; তজ্জনিত আনন্দে মহেশ্বরের শরীর কণ্টকিত হইতে লাগিল । বিজ্ঞাধরীগণ তাঁহাকে মাল্যনিচয় প্রদান করিতে লাগিলেন । ষক্ষ, গুহ্যক, সিদ্ধ এবং খেচরগণ তাঁহার যশোগান করিতে লাগিলেন ; যুগ ও পক্ষীগণ পুরোবর্তী হইয়া কাশীপ্রবেশের শুভচিহ্ন জ্ঞাপন করিতে লাগিল । প্রহৃষ্টবদন কিন্নর ও কিন্নরীগণ তাঁহার গুণ গান করিতে লাগিল । বিষ্ণু, মহালক্ষ্মী, ব্রহ্মা, বিশ্বকর্মা ও গণেশ্বর তাঁহার আগমন মহোৎসব করিতে লাগিলেন এবং নাগ-কন্যাগণ তাঁহার আরতি করিতে লাগিলেন । মহেশ্বর এই সমস্ত লোক সমভি-  
বাহারে বারাণসীতে প্রবেশ করত দেবগণের সমক্ষে বৃষেন্দ্র হইতে অবরোহণ করিয়া, গণেশকে আলিঙ্গন করত বলিতে লাগিলেন যে, যে বারাণসী আমার দ্বারা অতীব দুঃপ্রাপ্য ছিল ; আমি যে, সেই শুভা বারাণসীকে প্রাপ্ত হইয়াছি, ইহা কেবল এই বালকের প্রসাদমাত্র । ১-১২ । ত্রিভুবন মধ্যে যে কার্য্য পিতারও অসাধ্য, সেই কার্য্য পুত্র অনায়াসেই সিদ্ধ করিয়া থাকে ; আমাতেই ইহার দৃষ্টান্ত দেখা যাইতেছে । এই বালক গজানন নিজবুদ্ধিবলে, যাহাতে আমি কাশীতে আগ-  
মন করিতে পারি, তাহারই অমুষ্ঠান করিয়াছে । আমিই যথার্থ পুত্রবান্ । এই বালক স্বীয় পুরুষকারবলে অনায়াসেই আমার বহুদিনসঞ্চিত মনোরথ পরিপূর্ণ করিয়াছে । ইন্দ্রাদি দেবগণ কর্তৃক সংজ্ঞত ভগবান্ ত্রিপুরারি, এইরূপ বলিয়া আনন্দে স্তম্ভিষ্ট বাণীর দ্বারা গজাননের স্তব করিতে আরম্ভ করিলেন । ১৩—১৭ ।

শ্রীকণ্ঠ কহিলেন, হে বিঘ্নকারিগণের শ্রেষ্ঠ ! হে ভক্তগণের বিশ্বের সংহারক ! হে বিঘ্নরহিত ! হে বিঘ্নশমন ! হে মহাবিশ্বৈকবিশ্বকৃৎ ! তুমি জয়যুক্ত হও । হে সমস্তগণের অধীশ্বর ! তুমিই গণসমূহের অগ্রণী । হে গণ-প্রণতশাস্ত্রাজ্ঞ ! হে গণনা-  
তীত সদগুণ ! হে সর্বগ ! হে সর্ববশ ! হে সমস্ত বুদ্ধির একমাত্র নিলয় ! হে সর্বমায়্যা প্রপঞ্চশ্চ ! হে সর্বকর্মাগ্র পূজিত ! হে সর্বমঙ্গল-  
মাজ্জল্য ! হে সর্বমঙ্গল ! তুমি জয়যুক্ত হও । হে অমঙ্গলোপশমন ! হে মহামঙ্গলহেতুক ! হে সৃষ্টিকারিগণের বন্দনীয় ! হে সৃষ্টিকৃত্তানত ! হে সংহতি-  
কৃৎস্তুত্যা ! হে সৎকর্ম্মসিদ্ধিদ । তুমি জয়যুক্ত হও ! হে সিদ্ধবন্দ্যপদাস্তোজ ! হে সিদ্ধিবিধায়ক ! হে সমস্ত সিদ্ধির একমাত্র নিলয় ! হে মহাসিদ্ধিসমৃদ্ধির সূচক ! হে অশেষগুণ ! হে নির্মাণগুণাতীত ! তুমিই গুণাগ্রণী ; তুমি জয়যুক্ত হও । হে পরিপূর্ণচরিত্র ! হে পরমার্থরূপ ! হে গুণবজ্জিত ! হে বলসমূহের অধীশ্বর !

হে বলারাত্রি-বলপ্রদ ! হে বলাকোজ্জ্বলদণ্ডাগ্র ! হে বাল ! হে অবলপরাক্রম ! হে অনন্ত মহিমার আধার ! হে ধরাধরবিদারণ ! হে দশানগ্র-প্রোত-দিঙ্নাগ ! হে নাগ বিভূষণ ! তুমি জয়যুক্ত হও । হে করুণাময় ! হে দিব্যমূর্ত্তে ! বাহারা তোমাকে প্রণতি করে, তাহারা সর্বপ্রকার পাপযুক্ত হইলেও মুক্তি লাভ করিয়া থাকে ; এবং ইহলোকে তুমি তাহাদের বিঘ্নসমূহ বিনাশ করত, অন্তে তাহাদিগকে স্বর্গ ও অপবর্গ পর্য্যন্ত প্রদান করিয়া থাক । হে বিঘ্নরাজ ! ক্ষতিভলে ক্ষণকালের জন্তও তুমি বাহাদের প্রতি কৃপা-কটাক্ষ নিক্ষেপ কর, তাহাদের পাপ সমূহ ক্ষয় হইয়া যায় এবং কমলা, সেই শ্রেষ্ঠ মানবগণের প্রতি কৃপাদৃষ্টি করিয়া থাকেন । হে প্রণত জনের বিঘ্ন-বিঘাত-কুশল ! হে দাক্ষায়ণী-হৃদয়-পঙ্কজতিগ্নারেশ্ব ! বাহারা তোমার স্তব করে, তাহারা এ জগতে প্রতিষ্ঠা লাভ করে ; ইহা কিছুই বিচিত্র নহে । কিন্তু ইহাই আশ্চর্য্য যে, তাহারাই এই স্থানে গণাধিপতি হইয়া থাকে । ১৮-২৮ । বাহারা সতত তোমার চরণ-পঙ্কজের ধ্যান করে, তাহারা এ জগতে পুত্র, প্রোত্র, ধন, ধাত্ত ও বহুতর সম্পদ ভোগ করিয়া থাকে । বাহারা তোমার চরণকমলের অনুরাগী ; তাহারা বহুভূত্য পরিবেষ্টিত হইয়া, ভূপালগণভোগ্য বিমলা-কমলাকে লাভ করিয়া থাকে । হে পরমকারণ ! তুমি কারণ সমূহেরও কারণ, বেদবিদ-গণের তুমিই একমাত্র বেত্ত ; হে মূলবাক্যের অবিষয় ! হে চরাচর-দিব্যমূর্ত্তে ! এ জগতে তুমিই একমাত্র অদ্বৈতীয় । ২৯-৩০ । হে চরাচর-সূত্রধার ! বেদ চতুষ্টয় এবং ত্রিহাদি দেবগণও তোমাকে বথার্থরূপে জানিতে পারেন না । একমাত্র তুমিই এই নিখিল বিশ্বের স্রষ্টি, স্থিতি ও সংহার করিতেছ । হে মনোবিষয় ! তোমাকে আর কি বলিয়া স্তব করিব ? তোমার ক্রোধ-দৃষ্টি-রূপ বাণ সমূহের দ্বারা নিহত ত্রিপুর, অন্ধক এবং জলন্ধর প্রভৃতি দৈত্যগণকে আমি বিনাশ করিয়া থাকি, নতুবা কাহার এমত শক্তি আছে যে, সে তোমা ব্যতিরেকে স্বল্পমাত্রও সিদ্ধিপ্রদ কার্য্য সাধন করিতে সমর্থ হয় ? ৩১-৩২ । “চুণ্টি” এই ধাতু জগতে অদ্বৈতগাথারূপেই প্রথিত আছে ; সমস্ত বিষয়ই তোমার অধেষিত ( বিদিত ), এইজন্তই তোমার নাম চুণ্টি । হে বিনায়ক ! হে চুণ্টিরাজ ! তোমার সন্তোষ ব্যতিরেকে কোন্ ব্যক্তি কাশীতে প্রবেশ করিতে পারে ? হে চুণ্টি ! কাশীবাসী যে জন প্রথমে তোমার পাদপদ্মে প্রণাম করিয়া, তৎপরে আমাকে প্রণতি করে, আমি অন্ত্যকালে সেই ব্যক্তিরই কর্ণে কিঞ্চিৎ উপদেশ প্রদান করিয়া থাকি ; বাহাতে তাহাকে আর পুনরায় সংসারে জন্মগ্রহণ করিতে না হয় । ৩৩-৩৪ । হে চুণ্টি ! প্রথমতঃ ধূলিধূসরিত-পদে সবস্ত্র মণিকর্ণিকায় স্নান

করত দেব, ঋষি, মানব ও পিতৃগণের তর্পণ করিয়া, জ্ঞানোদ-তীর্থজলে স্নান-পূর্বক ভক্তিসহকারে স্নগন্ধ মোদক, উৎকৃষ্ট ধূপ, নীপ ও মাল্য এবং স্নগন্ধ বহুল অনুলেপনের দ্বারা কাশীনগরীর ফলদানদক্ষ তোমাকে প্রীত করিয়া, তদনন্তর আমার স্তব করিলে, কোন্ ব্যক্তি সিদ্ধিলাভ না করে ? ৩৫-৩৬। হে চুণ্ডে ! তৎপরে ক্রমবর্জিত হইয়াও কাশীস্থ অশ্রাশ্র তীর্থ সমূহের যাত্রা করিয়া, তোমার করুণাকটাক্ষবলে মানব স্বকীয় হিতবিঘাতী উপসর্গ সমূহকে দূরীকৃত করিয়া, এই কাশীতে অবিকল ফললাভ করিয়া থাকে। ৩৭। হে চুণ্ডিবিনায়ক ! কাশীতে যে ব্যক্তি প্রত্যহ প্রাতঃকালে তোমাকে প্রণাম করে, তাহার বিঘ্নসমূহ বিনষ্ট হইয়া যায় এবং সেই ব্যক্তির ইহকালে এ জগতের কোন বস্তু বা পরকালেও কোন পদার্থ দুঃপ্রাপ্য থাকে না। যে ব্যক্তি তোমার নাম জপ করে, অণিমা প্রভৃতি অষ্টবিধ সিদ্ধি প্রতিক্ষণ সেই ব্যক্তিকে হৃদয়ে ধ্যান করিয়া থাকেন এবং সেই ব্যক্তি এ জগতে বহুতর দেবভোগ্য পদার্থ ভোগ করিয়া, অন্তিমে মোক্ষলক্ষ্মী লাভ করিয়া থাকে। ৩৮-৩৯। হে সর্বপ্রকার সিদ্ধিশ্রদ চুণ্ডিরাজ ! দূরে অবস্থিত হইয়াও যে ব্যক্তি নিরন্তর তোমার পাদপীঠের চিন্তা করে, সে ব্যক্তিও অবিকল কাশীবাসের ফল লাভ করিয়া থাকে ; আমার বাক্য কখন অন্তথা বা বার্থ্য্য নহে। হে মহাভাগ ! এই ক্ষেত্রের বিঘ্নসমূহ বিনাশ করিবার জন্ত তুমি নানারূপে এখানে অবস্থান করিতেছ ; তাহা আমি জানি। হে অনঘ ! যে যে স্থানে তোমার যে যে রূপ আছে, আমি তাহা বলিতেছি, এই দেবগণ শ্রবণ করুন। ৪০-৪২। প্রথমতঃ আমার অগ্ন দক্ষিণে তুমি চুণ্ডিরাজরূপে বিরাজমান থাকিয়া ভক্তগণকে অন্বেষণ করত তাহাদিগকে সমস্ত অভিলষিত পদার্থ প্রদান করিতেছ। হে গণেশ ! মঙ্গলবারযুক্ত চতুর্থী তিথিতে যে সমস্ত ব্যক্তি, স্নগন্ধ মোদকসমূহ এবং বিবিধপ্রকার গন্ধ ও মাল্যাদির দ্বারা তোমাকে পূজা করে, হে পুত্র ! আমি তাহাদিগকেই এই স্থানে আপনার গণ করিয়া থাকি। ৪৩-৪৪। হে চুণ্ডে ! প্রত্যেক চতুর্থীতে যে সমস্ত গাঢ়মতি ব্যক্তিগণ তোমাকে পূজা করেন, তাঁহারাই এজগতে যথার্থ কৃতী এবং হে গজানন ! সেই সমস্ত মহাত্মারাই সমস্ত আপদের মস্তকে বামপদের আঘাত করিয়া সম্যকপ্রকারে গজানন লাভ করিয়া থাকেন। হে চুণ্ডে ! মাঘ মাসের শুক্লপক্ষের চতুর্থী তিথিতে নক্তত্রত করিয়া যে সমস্ত ব্যক্তি তোমার অর্চনা করে, তাঁহার দেবগণেরও পূজনীয় হইয়া থাকেন। ৪৫-৪৬। মাঘ মাসের শুক্লাচতুর্থীতে তোমার বার্ষিকী যাত্রা করিয়া, শুক্লভিলের দ্বারা লাড়ু প্রস্তুত করত জ্ঞাতশীল ব্যক্তি তাহা ভোজন করিবে। হে

চুণ্টি! যাহারা কাশীক্ষেত্রে সিদ্ধি অভিলাষ করে, তাহাদের, তোমার প্রাতির উদ্দেশে যত্ন সহকারে উক্ত চতুর্থীতে সর্বপ্রকার বিঘ্নহারিণী তোমার বার্ষিকী যাত্রা অবশ্য করা উচিত। ৪৭-৪৮। যে ব্যক্তি নানাবিধ নৈবেদ্য ও তিলের লাড়ুর দ্বারা তোমার সেই বার্ষিকী যাত্রা না করিবে, সে আমার আজ্ঞাক্রমে বহুতর বিঘ্ন-সঙ্কুল হইয়া অবশ্য নিধন প্রাপ্ত হইবে। যে মন্থজ্ঞ ব্যক্তি, সেই চতুর্থীতে তিল-মিশ্রিত ঘূতের দ্বারা হোম করিবেন, তাঁহার মন্থ অনায়াসেই সিদ্ধ হইবে। ৪৯-৫০। হে গজানন! তোমার সম্মুখে যে ব্যক্তি, তোমার বৈদিক বা তান্ত্রিক মন্থ জপ করিবে, হে চুণ্টি! সেই মন্থ অবশ্যই সাধককে বাঞ্ছিত সিদ্ধি প্রদান করিবে। ৫১।

ঈশ্বর কহিলেন, সঘ্নুক্ষিণী যে জন, মৎকৃত এই স্তব পাঠ করিবে, বিঘ্নরাশি কখনই তাহাকে পীড়া প্রদান করিবে না। যে ব্যক্তি, চুণ্টিরাজগণেশের সন্মিলনে চুণ্টিরাজের এই স্তোত্র পাঠ করিবে, সর্বপ্রকার সিদ্ধি সর্বদা তাহার সাম্মিধ্য-ভজনা করিয়া থাকেন। ৫২-৫৩। মানব, নিয়তচিত্তে এই স্তব পাঠ করিলে, কখন মানসিক পাপের দ্বারাও অভিভূত হয় না। চুণ্টিরাজের স্তব পাঠ করিলে মানব পুত্র, কলত্র, ক্ষেত্র, সুন্দর অশ্ব, সুন্দর গৃহ, ধন ও ধাণ্য প্রাপ্ত হইয়া থাকে। ৫৪-৫৫। যাহারা মুক্তির অভিলাষ করেন, তাহাদের সতত যত্ন সহকারে সর্বসম্পৎকর নামক মন্থজ্ঞ এই স্তোত্র পাঠ করা উচিত। কোন কার্যো গমন করিবার সময় যে ব্যক্তি এই স্তোত্র পাঠ করে, সিদ্ধিনিচয় তাহার অগ্রে অগ্রে গমন করিয়া থাকেন। ৫৬-৫৭। এই ক্ষেত্ররক্ষার নিমিত্ত চুণ্টিরাজ যে যে স্থানে অবস্থিত করিয়াছেন, তাহাও বলিতেছি; এই দেবগণ শ্রবণ করুন। কাশীতে গঙ্গা ও অসিগঙ্গার নিকট “অর্কবিনায়ক” আছেন; তাহাকে দর্শন করিলে মানবের সর্বপ্রকার তাপ শাস্তি হইয়া যায়। ৫৮-৫৯। কাশীর দক্ষিণভাগে “দুর্গ” নামে গণেশ আছেন, তিনি সর্বপ্রকার দুর্গতি নাশ করিয়া থাকেন; মানব-গণের যত্ন সহকারে তাহার পূজা করা উচিত। ৬০। ভীমচণ্ডীশ্বরের নিকটে ক্ষেত্রের নৈঋতদিকে “ভীমচণ্ডীবিনায়ক” অবস্থান করিতেছেন; ইহাকে দর্শন করিলে মহাভয় হইতে মুক্তি লাভ করিতে পারা যায়। ৬১। ক্ষেত্রের পশ্চিম-ভাগে “দেহলীবিনায়ক” অবস্থিত করিতেছেন; ইনি স্বকীয় ভক্তগণের সর্বপ্রকার বিঘ্ন দূর করিয়া থাকেন, ইহা নিঃসংশয় জানিও। ৬২। ক্ষেত্রের বায়ুদিকে “উদ্গাধা” নামক গণপতি বর্তমান আছেন; ইনি ভক্তের অতি ভীষণ বিঘ্ন-সমূহকে বিনাশ করিয়া থাকেন। ৬৩। কাশীর উত্তরদিকে সর্বদাই “পাশপাণি” নামক গণপতি বিরাজমান আছেন; ইনি ভক্তিপূর্ণ কাশীনিবাসিগণের অনিষ্টকারী-

গণকে সর্বপ্রকারে বিনাশ করিয়া থাকেন । ৬৪ । গঙ্গা ও বরণার পবিত্র সঙ্গমস্থলে রম্যাকৃতি “খর্ববিনায়ক” অবস্থান করিতেছেন ; ইনি ভক্তগণের সর্বপ্রকার বিশিষ্টরূপ বিঘ্নরাশিকেও দূর করিয়া থাকেন । ৬৫ । কাশীর পূর্বভাগে ও যম-তীর্থের পশ্চিমাংশে সাধকগণের সত্ত্ব সিদ্ধিপ্রদানকারী পরমসিদ্ধ “সিদ্ধিবিনায়ক” বিরাজমান রহিয়াছেন । ৬৬ । বারাণসীর বাহ্যাবরণস্থিত এই আটটি বিনায়ক অভক্তগণকে কাশী হইতে বিতাড়িত করিয়া থাকেন এবং ভক্তগণের সর্বপ্রকার সিদ্ধি প্রদান করেন । ৬৭ ।

বারাণসীর দ্বিতীয় আবরণে অবস্থিতি করত যে সকল বিনায়কগণ ক্ষেত্র-রক্ষা করিতেছেন, আমি এইক্ষেণে তাঁহাদিগের নাম কীর্তন করিতেছি, শ্রবণ কর । ৬৮ ।

জাহ্নবীর পশ্চিমকূলে অর্কবিনায়কের উত্তরভাগে “লম্বোদর” নামক গণপতি বিद्यমান আছেন ; ইনি ভক্তগণের বিঘ্নকর্দম প্রক্ষালিত করিয়া থাকেন । ৬৯ । তাঁহার পশ্চিমদিকে এবং দুর্গবিনায়কের উত্তরাংশে “কূটদন্ত” নামক গণাধিপ, অতি উৎকট বিঘ্নসমূহের বিনাশ করত এই পবিত্র ক্ষেত্রটী সর্বদা রক্ষা করিতেছেন । ৭০ । ভীমচণ্ডগণপতির কিঞ্চিৎ ঈশানকোণে ক্ষেত্রের রক্ষাকারী “শালকটকট” নামক গণপতিকে ভক্তগণ ভক্তির সহিত পূজা করিবে । ৭১ । দেহলী-বিনায়কের পূর্বদিকে “কুশ্মাণ্ডাখ্য” বিনায়ককে মহোৎপাত সমূহের বিনাশার্থে সর্বদা ভক্তির সহিত পূজা করা কর্তব্য । ৭২ । উদগুণ্ডাখ্য গণপতির আগ্নেয়দিকে মহাপ্রসিদ্ধ “মুণ্ডবিনায়ক” অবস্থান করিতেছেন ; ইহাকে অতি ভক্তির সহিত পূজা করা উচিত । ৭৩ । সেই মুণ্ডবিনায়কের দেহ পাতাল পর্য্যন্ত ব্যাপী ; তাঁহার মুণ্ডমাত্রই কাশীতে দেখা যায়, এইজন্তই কাশীক্ষেত্রে তাঁহাকে লোকে মুণ্ডবিনায়ক বলিয়া থাকে । ৭৪ । পাশপাণিনামক গণপতির দক্ষিণভাগে “বিকটদ্বিজ” নামক গণেশের ভক্তি সহকারে অর্চনা করিলে মানব গাণপত্য-পদ লাভ করিতে সমর্থ হয় । ৭৫ । খর্ববাখ্য বিনায়কের নৈঋতভাগে “রাজপুত্র” নামক বিনায়ক বিরাজমান আছেন ; ইহার অর্চনা করিলে রাজ্যভ্রষ্ট রাজাও স্বকীয় রাজ্য লাভ করিতে সমর্থ হয় । ৭৬ । গঙ্গার পশ্চিমতটে রাজপুত্র গণেশের দক্ষিণভাগে “প্রণব” নামক গণপতিকে ভক্তি সহকারে প্রণাম করিলে মানব স্বর্গ লাভ করিতে পারে । ৭৭ । বারাণসীর দ্বিতীয় আবরণে এই আটটি বিনায়ক, কাশীবাসিগণের বিঘ্নরাশিকে অপহৃত করিয়া থাকেন । ৭৮ ।

অবিমুক্তক্ষেত্রের তৃতীয় আবরণে ক্ষেত্ররক্ষাকারী যে সকল গণপতি, সর্বদা

বাস করিতেছেন ; আমি এইক্ষণে তাঁহাদের নাম কীৰ্ত্তন করিতেছি, তুমি অবধানপর হও । ৭৯ ।

উত্তরবাহিনী জহ্নুতনয়ার পবিত্র রমণীয় তটে লম্বোদর নামক গণেশের উত্তরদিকে “বক্রতুণ্ড” নামক গণপতি, সর্বদাষ্ট কাশীবাসিগণের সর্বপ্রকার বিঘ্ন-রাশিকে হরণ করিতেছেন । ৮০ । কূটদণ্ড নামক গণপতির উত্তরদিকে “একদন্তক” নামক গণপতি, সর্বদাই বিঘ্নরাশি হইতে আনন্দকানন রক্ষা করিতেছেন । ৮১ । শালকটকট বিনায়কের ঐশানভাগে “ত্রিমুখ” নামক গণপতি বিরাজমান আছেন ; ইহাঁর মুখ, বানর, সিংহ ও হস্তীর আয় । ৮২ । কুশ্মাণ্ড নামক গণেশের পূর্বদিগ্ভাগে “পঞ্চাশ্র” নামক গণপতি বিরাজমান আছেন ; ইহাঁর রথে সিংহ যোজিত আছে ও ইনি সর্বদা নানাপ্রকার বিঘ্ন হইতে কাশীপুরীকে রক্ষা করিয়া থাকেন । ৮৩ । মুণ্ডবিনায়কের অগ্নিদিগ্ভাগে “হেরম্ব” নামক গণাধিপ বিরাজমান ; ইনি জননার আয় কাশীবাসিগণের সর্বপ্রকার অভীষ্ট পূরণ করিতেছেন । ৮৪ । দিকট দন্ত নামক গণাধিপের দক্ষিণদিগ্ভাগে সর্ববিঘ্ন-বিনাশক “বিঘ্নরাজ” নামক গণপতিকে বুদ্ধিমান মনুষ্যের সর্বদাই পূজা করা উচিত । ৮৫ । রাজপুত্র নামক বিনায়কের নৈঋত্য় দিগ্ভাগে অবস্থিত “বরদ” নামক গণপতি ভক্তি সহকারে অর্চিত হইয়া, ভক্তগণের অভীষ্ট বরপ্রদান করিয়া থাকেন । ৮৬ । প্রণব বিনায়কের দক্ষিণভাগে “মোদকপ্রিয়” নামক গণপতিকে গজার পশ্চিমতটে পিশঙ্গিল ভীর্থে পূজা করিলে অভীষ্ট লাভ করা যায় । ৮৭ ।

বারাণসীর চতুর্থ আবরণে ভক্তগণের বিঘ্নবিনাশকারী যে আটটি বিনায়ক বিদ্যমান রহিয়াছেন, পবিত্রচিন্তা ব্যক্তিগণের সর্বদাই তাঁহাদিগকে দর্শন করা উচিত । ৮৮ ।

বক্রতুণ্ড নামক গণপতির উত্তরদিকে জহ্নুতনয়ার পশ্চিমতীরে অবস্থিত “অভয়দ” নামক বিনায়ক বিরাজমান রহিয়াছেন ; ইনি কাশীবাসীগণের ভয় বিনাশ করিয়া থাকেন । ৮৯ । একদশন নামক বিনায়কের উত্তরদিকে “সিংহতুণ্ড” নামক গণপতি অবস্থিতি করত বারাণসীবাসিগণের বিঘ্নরূপ মন্তহস্তীগণকে বিনাশ করিতেছেন । ৯০ । ত্রিতুণ্ডবিনায়কের ঐশানদিগ্ভাগে অবস্থিত “কুণ্ঠিতাক্ষ” নামক গণপতি সর্বদা দুষ্কগণের বিষম দৃষ্টিপাত হইতে পরম পবিত্র মহাশ্মশানকে রক্ষা করিতেছেন । ৯১ । পঞ্চাশ্র বিনায়কের পূর্বদিগ্ভাগে অবস্থিত “ক্ষিপপ্রসাদন” নামক গণপতি, সর্বদা পুরার রক্ষার্থে নিযুক্ত আছেন ; ইহাঁর পূজা করিলে ভক্তগণের অভীষ্ট অচিরেই পূর্ণতা লাভ করিয়া থাকে । ৯২ । হেরম্ববিনায়কের বহ্নিদিগ্ভাগে



ভক্তগণের সাক্ষাৎচিস্তামণিস্বরূপ “চিস্তামণিবিনায়ক” বিজ্ঞমান রহিয়াছেন ; ইনি চিস্তামাত্রেরই ভক্তগণের অভিলাষ পূরণ করিয়া থাকেন । ৯৩ । বিঘ্নরাজ বিনায়কের দক্ষিণ দিগ্ভাগে “দন্তহস্ত” নামক গণপতি বিজ্ঞমান আছেন ; ইনি বারাগনীর স্রোহকারী মমুষ্যাগণের ভাগ্যে অনন্ত বিঘ্নসহস্র নির্দেশ করিয়া থাকেন । ৯৪ । বরদনামক গণেশের নৈঋতদিকে রাক্ষসগণ বেষ্টিত “পিচিগুল” নামক গণাধিপ, দিব্যরাত্রি পুরীকে রক্ষা করিতেছেন । ৯৫ । পিলপিলাতীর্থে মোদকপ্রিয় বিনায়কের দক্ষিণভাগে “উদ্দণ্ডমুণ্ড” নামক গণপতি দৃষ্ট হইয়া, ভক্তগণের কোন্ অভিলাষটী পূরণ না করিয়া থাকেন ? ৯৬ ।

বারাগনীর পঞ্চম আবরণে যে আটটী বিনায়ক, সর্বদা সাবধানে কাশীক্ষেত্রের রক্ষা করিতেছেন ; এইক্ষণে আমি তাঁহাদের নাম কীর্তন করিতেছি । ৯৭ । স্বর্গ-তরঙ্গিনীর পশ্চিমভারে অভয়প্রদ নামক বিনায়কের উত্তরদিকে অবস্থিত “স্থূলদন্ত” নামক গণপতি, ভক্ত মহাত্ম্যাগণের অতি মহতী সিদ্ধি পরম্পরা নির্দেশ করিয়া থাকেন । ৯৮ । সিংহতুণ্ড বিনায়কের উত্তরভাগে অবস্থিত “কলিপ্রিয়” নামক গণপতি, কাশীবাসীগণের স্রোহকারীগণকে সর্বদা পরম্পর তীব্র কলহে ব্যাপ্ত করিয়া থাকেন । ৯৯ । কুণিতাক্ষ বিনায়কের ঈশানদিগ্ভাগে “চতুর্দন্ত” নামক গণপতি বিরাজমান আছেন ; তাঁহার দর্শন করিলেই মানবগণের বিঘ্নরাশি নিজেই বিনাশ প্রাপ্ত হয় । ১০০ । দ্বিতুণ্ড নামক গণনায়ক, ইন্দ্রের প্রগাদে অগ্র ও পৃষ্ঠভাগে সমানরূপে শ্রীকে ধারণ করিয়া আছেন ; তাঁহাকে দর্শন করিলে মানবগণ সর্বতোমুখী ক্রীলাভ করিয়া থাকে । ১০১ । চিস্তামণিবিনায়কের অগ্নিকোণে “জ্যোষ্ঠ” নামে গণাধ্যক্ষ অবস্থিত আছেন ; আমার পুত্রগণের মধ্যে তিনিই জ্যোষ্ঠ । জ্যোষ্ঠতা লাভ করিবার জন্ত জ্যোষ্ঠ মাসের শুরু চতুর্দশী তিথিতে তাঁহার পূজা করা উচিত । দন্তহস্তের দক্ষিণদিকে “গজবিনায়ক” অবস্থিত আছেন ; ভক্তিপূর্বক তাঁহার পূজা করিলে গজসম্পদ লাভ হইয়া থাকে । ১০২-১০৪ । পিচিগুল নামক গণপতির দক্ষিণভাগে কালবিনায়ক অবস্থিত আছেন ; তাঁহার সেবা করিলে মানবগণের কালভয় থাকে না । উদ্দণ্ডমুণ্ড নামক গণপতির দক্ষিণদিকে অবস্থিত নাগেশবিনায়ককে দর্শন করিলে, নাগলোক প্রাপ্তি হইয়া থাকে । ১০৫-১০৬ । এক্ষণে ষষ্ঠাবরণস্থিত বিঘ্নবিনায়কগণ কথিত হইতেছেন ; তাঁহাদের নাম শ্রবণমাত্রেরই মানবগণের সিদ্ধিলাভ হইয়া থাকে । পূর্বদিকে “মণিকর্ণ” নামে গণপতি অবস্থান করিতেছেন ; তিনি বিঘ্ন সমূহের বিনাশ করিয়া থাকেন । বহ্নিকোণে “আশাবিনায়ক” অবস্থিত আছেন ; তিনি ভক্তগণের আশা পূর্ণ করিয়া থাকেন । দক্ষিণদিকে “সৃষ্টিগণেশ”

অবস্থিত আছেন ; তিনি সৃষ্টিসংহারের সূচনা করিয়া থাকেন । নৈঋতদিকে “বক্ষ-বিশ্লেষণ” নামক বিনায়ক অবস্থান করিতেছেন ; তিনি সর্বপ্রকার বিষ হরণ করিয়া থাকেন । পশ্চিমদিকে “গজকর্ণ” নামক গণপতি অবস্থান করিতেছেন ; তিনি সকলের মঙ্গল করিয়া থাকেন । বায়ুকোণে “চিত্রঘণ্ট” নামক গণপতি অবস্থান করত এই পুরীকে পালন করিতেছেন । উত্তরদিকে “স্থূলজঙ্ঘ” নামক গণপতি অবস্থিত আছেন ; তিনি শান্তিশীল মানবগণের পাপ শমন করিয়া থাকেন । ঈশান-কোণে “মঙ্গলবিনায়ক” অবস্থান করত আমার পুরী রক্ষা করিতেছেন । ১০৭-১১১ ।

ষম-ভীর্ষের উত্তরদিকে “মিত্রবিনায়ক” অবস্থিত আছেন । সপ্তমাবরণে যে সমস্ত বিনায়ক আছেন, এক্ষণে তাঁহাদিগের নাম কীর্ত্তন করিতেছি । মোদ প্রভৃতি পাঁচটা গণপতি, ষষ্ঠ জ্ঞানবিনায়ক এবং সপ্তম দ্বারবিশ্লেষণ ; ইহারা মহাদ্বারের পুরোভাগে বিচরণ করিয়া বেড়াইতেছেন । অষ্টম অবিমুক্তবিনায়ক, এই অবিমুক্তক্ষেত্রে প্রণতচিত্ত ব্যক্তিগণের সর্বপ্রকার ক্লেশকর কৰ্ম্মনিচয়কে হরণ করত অবস্থিত আছেন । ১১২-১১৪ ।

যে ব্যক্তি এই ষট্‌পঞ্চাশৎ গণপতির নাম স্মরণ করে, সে দূরদেশে অবস্থিত হইলেও মৃত্যুকালে জ্ঞান লাভ করিয়া থাকে । ১১৫ ।

যে পুণ্যাত্মা ব্যক্তি ষট্‌পঞ্চাশৎ গণপতির নাম কীর্ত্তনের সহিত চুণ্ডিরাজের পবিত্র স্তোত্র পাঠ করিবে, তাহার পদে পদে সিদ্ধিলাভ হইবে । যে কোন স্থানে এই গণেশ্বর সমূহকে স্মরণ করিলে, উৎকট বিপৎ সমুদ্র মধ্যে নিপতিত মনুষ্য রক্ষা পাইয়া থাকে । ১১৬-১১৭ ।

যে ব্যক্তি এই পবিত্র স্তোত্র ও এই সমস্ত গণপতির নাম শ্রবণ করে, সে ব্যক্তি কোন কালেই বিশ্বের দ্বারা আক্রান্ত হয় না এবং সমস্ত পাপ হইতে মুক্তি লাভ করে । ব্যবহারদক্ষ দেবদেব মহেশ্বর, এই সমস্ত বলিয়া মহানন্দ-চিত্তে ব্রহ্মাদি দেবগণ কর্তৃক অভিষিক্ত হইয়া, তাঁহাদিগকে বাঙ্খিত-অর্থ প্রদান পূর্বক সকলেরই ষথাযোগ্য সৎকার করত বিশ্বকর্ম্মার দ্বারা বিনির্ম্মিত রাজভবনে প্রবেশ করিলেন । ১১৮-১২০ ।

স্বন্দ্র কহিলেন, দেবদেব ভগবান্ মহেশ্বর কর্তৃক গণপতি এইরূপে সংস্কৃত হইয়াছিলেন এবং সেই বিশ্বরাজ কাশীতে এই সমস্ত নানা মূর্ত্তি পরিগ্রহ করিয়া ছিলেন । হে কুন্তজ ! চুণ্ডিরাজের এই সমস্ত নাম জপ করিলে মনুষ্য নিজ বাঙ্খিত-বিষয় প্রাপ্ত হইয়া থাকে । ১২১-১২২ ।

চুণ্ডিরাজ গণপতির আরও অনেক মূর্ত্তি-ভেদ আছে , সেই সমস্ত মূর্ত্তি ভক্তগণ কর্তৃক ভক্তি সহকারে অর্চিত হইয়া থাকে । ভগীরথগণপতি, হরিশ্চন্দ্রবিনায়ক, কপর্দবিনায়ক এবং বিশ্ববিনায়ক প্রভৃতি বহুতর মূর্ত্তি ভক্তগণ কর্তৃক প্রতিষ্ঠিত হইয়াছে ; তাঁহাদিগেরও অর্চনা

করিলে মানবগণের সর্বপ্রকার সম্পদ লাভ হইয়া থাকে । মানব ভক্তি সহকারে এই পবিত্র অধ্যায় শ্রবণ করিলে, সমস্ত বিষয় হইতে উত্তীর্ণ হইয়া বাঞ্ছিত-পদ লাভ করিয়া থাকে । ১২৩-১২৬ ।

## অষ্টপঞ্চাশত্তম অধ্যায় ।



বিষ্ণুগায়া ও দিবোদাস নৃপতির নির্বাণ প্রাপ্তি কথন ।

অগস্ত্য কহিলেন, হে ষড়ানন ! যখন অবিমুক্তক্ষেত্রে গণপতি এইপ্রকারে বহুতর বিলম্ব করিতেছিলেন, তৎকালে দেবদেব মহাদেব, মন্দর পর্বতে কি কৰ্ম্মের অমুষ্ঠানে প্রবৃত্ত হন ? ১ ।

স্কন্দ কহিলেন, হে অগস্ত্য ! আমি কাশীসম্বন্ধিনী অতি শুভময়ী কথা কীৰ্ত্তন করিতেছি ; এই কথা শ্রবণ করিলে জীবগণ সর্বপ্রকার পাপ হইতে বিমুক্তি লাভ করিতে পারে ; তুমি অবহিতচিত্তে ইহা শ্রবণ কর কর । ২ । ক্ষেত্রশ্রেষ্ঠ বারাগমী পুরীতে গণপতির অত্যন্ত বিলম্ব হইতেছে দেখিয়া, পূর্বের মহেশ্বর, নিকটস্থিত ভগবান্ বিষ্ণুর প্রতি আগ্রহ সহকারে দৃষ্টিনিক্ষেপ করত বহুমান পূর্বক তাঁহাকে কাশীষাত্রাসম্বন্ধে অনেক কথা উপদেশ করিয়া, অবসানে ইহাও কহিলেন যে, “হে বিষ্ণো ! দেখিও, যেমন অগাধ ব্যক্তি কাশীতে প্রস্থান করিয়া যে প্রকার আচরণ করিয়াছে, তুমি যেন তাহা করিও না” । ৩—৪ ।

শ্রীবিষ্ণু কহিলেন, হে মহেশ্বর ! প্রাণিগণের কর্তব্য ইহাই যে, তাহারা যেন নিজ বুদ্ধির বলাবল বুঝিয়া কৰ্ম্মে প্রবৃত্ত হয় ; তৎপরে তাহাদের কার্যসিদ্ধি, সে কেবল আপনার কৃপার উপরেই নির্ভর করে । প্রাণিগণের কি মাধ্য যে, তাহারা আপনার কৃপা ব্যতিরেকে কোন্ কৰ্ম্মের সিদ্ধি লাভ করিতে পারে ? কৰ্ম্মও অচেতন, প্রাণিগণও স্বতন্ত্র নহে ; হে প্রভো ! আপনি সেই কৰ্ম্মনিবহের সাক্ষী এবং প্রাণিগণেরও প্রবর্তক ; কিন্তু হে মহেশ্বর ! যাহারা আপনার শ্রীচরণের একমাত্র ভক্ত, তাহাদের সেই প্রকারই কৰ্ম্ম-বিষয়িণী বুদ্ধি উৎপন্ন হয় ; যাহা দেখিয়া আপনি পশ্চাৎ বলিয়া থাকেন যে, এ ব্যক্তি সম্যক্ অমুষ্ঠানই করিয়াছে । এ জগতে অল্প বা অধিক যাহা কিছু কৰ্ম্ম আছে, তাহা কেবল হে গিরিশ ! আপনার

পদানুস্মরণ পূর্বক অনুষ্ঠিত হইলেই সুসিদ্ধ হইয়া থাকে । হে প্রভো ! যে কার্য্য আপনার পদানুস্মরণ পূর্বক অনুষ্ঠিত হয় নাই, তাহা স্রবুন্ধি পূর্বক প্রযুক্ত ও স্তম্ভর সিদ্ধি লাভ করিলেও সম্ভবই বিনাশ প্রাপ্ত হয় ; ইহাতে কোন সন্দেহ নাই । হে ভগবন্ ! আপনার প্রেরণাতেই আমি অত এই কার্য্যে উত্তত হইতেছি । আপনার চরণের প্রতি আমাদের একান্ত ভক্তির প্রসাদেই বা সিদ্ধিলাভ করিবে, ইহাই আমাদের স্থিরবিশ্বাস । হে শিব ! নিজের বুদ্ধিবল ও পৌরুষের দ্বারা যে কার্য্য নিতান্ত অসাধ্য, আপনার পদানুস্মরণ পূর্বক সেই কার্য্যের অনুষ্ঠানে প্রবৃত্ত হইলে, তাহা সম্যক্ প্রকার সিদ্ধ হইয়া থাকে । হে বিভো ! হে ভব ! যাহারা আপনাকে প্রদক্ষিণ করিয়া কার্য্যার্থ গমন করিয়া থাকে, তাহাদের কার্য্য সকল সিদ্ধিযুক্ত হইয়া আপনার ভয়েতেই তাহাদের সম্মুখে আসিয়া থাকে । হে মহাদেব আপনার এ কার্য্যটি সিদ্ধি হইয়াছে জানিবেন ; কিন্তু এক্ষণে কাশীপ্রবেশের নিমিত্ত একটা শুভ সময় চিন্তনীয় । অথবা অবিমুক্তক্ষেত্র প্রাপ্তির জন্ম শুভাশুভ, চিন্তা করায় কি আবশ্যক ? যখনই কাশীতে উপস্থিত হওয়া যায়, সেই সময়ই অতি শুভ । ৫—১৪ ।

এই প্রকার কীর্ত্তন করিয়া লক্ষ্মীর সহিত বিষ্ণু, মহাদেবকে পুনঃ পুনঃ প্রণাম ও প্রদক্ষিণপূর্বক মন্দিরপর্বত হইতে, বারাণসীর উদ্দেশে প্রস্থান করিলেন । ১৫ । তদনন্তর বিষ্ণু, বারাণসীপুরীকে দূর হইতেই বিলোকন করিয়া, স্বকীয় “পুণ্ডরীক-নেত্র” এই নামের মার্কত্যা সম্পাদন করিতে সমর্থ হইলেন । ১৬ । তৎপরে তিনি কাশীর উত্তরভাগে পরমপবিত্র গঙ্গা ও বরগঙ্গার সঙ্গমস্থলে, সচ্ছন্দসে হস্ত-পাদ প্রক্ষালন করিয়া সবস্ত্রে স্নান করিলেন । যে দিন প্রথমেই কাশী আসিয়া ভগবান্ বিষ্ণু এইস্থানে পাদদ্বয় ক্ষালিত করেন, সেইদিন হইতে এই সঙ্গম-তীরের “পাদোদক” নাম বিখ্যাত হইয়াছে । ১৭-১৮ । যে জনগণ এই পাদোদক-তীরে স্নান করিবে, তাহাদের সপ্তজন্মার্জিত পাপ সেইক্ষণেই বিলয়প্রাপ্ত হইবে । সেই পাদোদক-তীরে মনুষ্য, তিলোদক প্রদান পূর্বক শ্রাদ্ধ করিলে, নিজ বংশীয় একবিংশতি পুরুষ পর্য্যন্ত উদ্ধার করিতে সমর্থ হয় । যে ব্যক্তি এই পাদোদক-তীরে স্নান বা ইহার জলপান কিম্বা ইহার জলদ্বারা পিতৃলোকের তর্পণ করিবে ; নরক, কখনও তাহাকে স্পর্শ করিতে পারিবে না । বিষ্ণুপাদোদক-তীরের জল একবারমাত্র পান করিলে, প্রাণিগণ আর কখনও জন্মান্তর পরিগ্রহ পূর্বক জননীর স্তন্য পান করে না । সচক্র শালগ্রামশিলাকে স্নান করাইয়া, সেই জলের সহিত এই বিষ্ণু-পাদোদকের জল পান করিলে, মনুষ্য নির্বাণপদবী লাভ করিতে সমর্থ

হয়। যে ব্যক্তি বিষ্ণু-পাদোদক-তীর্থের জল পান করিয়াছে, বহুকালের পুরাতন অনল্ল ফলপ্রদ স্থাতেই বা তাহার কি প্রয়োজন ? কাশীতে বিষ্ণু-পাদোদক-তীর্থের জল যে ব্যক্তির জঠরে প্রবেশ না করে, জলবৃদ্ধসম্মিত সেই ব্যক্তির জীবন বিফল। ১৯-২৬।

লক্ষ্মীদেবী ও গরুড়ের সহিত ভগবান্ গরুড়ধ্বজ, সেই তীর্থে নিত্যক্রিয়াদি সমাপন করত নিজের সেই সর্বব্যাপিনী মূর্তি সংহার করত, এক প্রস্তরময় সর্ব-সিক্তিপ্রদা মূর্তি নির্মাণ করিয়া, সর্বপ্রথমেই নিজে তাঁহাকে পূজা করিলেন। ২৭-২৮। সেই পরমেশ্বর-সম্বন্ধিনী শিলাময়ী আদিকেশবনাম্নী শ্রীমূর্তির উপাসনা করিলে মানবগণ, বৈকুণ্ঠকেও নিজের গৃহাঙ্গণের স্থায় অনায়াসলভ্য জ্ঞান করিয়া থাকে। ২৯। কাশীর সীমাপ্রদেশে শ্বেতদ্বীপ নামক যে স্থান আছে, আদিকেশব-মূর্তির সেবকগণ সেই শ্বেতদ্বীপে বাস করিয়া, বাস্তব শ্বেতদ্বীপবাসের সুখভোগ করিতে সমর্থ হয়। ৩০। সেই আদিকেশবের সম্মুখে ক্ষীরাক্ষি নামক অপর একটা তীর্থ বিद्यমান আছে ; সেই তীর্থে যে ব্যক্তি উদকক্রিয়া সম্পাদন করে, সে ক্ষীরাক্ষিতটে বাস করিতে সমর্থ হয়। ৩১। সেই স্থানে মনুষ্য, শ্রদ্ধা করিয়া শাস্ত্রোক্ত ভূষণসমূহে সন্মল্লিত পয়স্বিনা গাভী প্রদান করিলে, নিজ পিতৃগণকে ক্ষীরাক্ষির তটে বাস করাইতে সমর্থ হয়। ৩২। যে পবিত্রাত্মা মনুষ্য, সেই ক্ষীরাক্ষি-তীর্থে ভক্তি সহকারে একটীমাত্র ধেনু প্রদান করিতে পারে, তাহার বংশোদ্ভব একশত এক সংখ্যক পূর্বপুরুষগণ, পায়স-কর্দমময় ক্ষীরোদসমুদ্রের তীরে বাস করিতে সমর্থ হয়। ৩৩। যে ব্যক্তি শ্রদ্ধা সহকারে সেই তীর্থে বহুতর দক্ষিণার সহিত অনেক পয়স্বিনা ধেনু দান করিতে সমর্থ হয়, তাহার পিতৃপুরুষগণ, প্রত্যেকেই অনন্ত সুখময় শয্যাাদি ভোগ্য দ্রব্যের সহিত অনন্তকাল ক্ষীরোদসমুদ্র-তটে বাস করিতে পারে। ৩৪।

ক্ষীরোদের দক্ষিণভাগে শম্ব-তীর্থনামে এক অত্যাশ্চর্য্য তীর্থ আছে ; তাহাতে স্নানান্তে পিতৃগণের তর্পণ করিলে মনুষ্য বিষ্ণুলোকেও সন্মানভাগী হইয়া থাকে। ৩৫। তাহার দক্ষিণদিকে পিতৃগণের অতিদুর্লভ চক্রতীর্থ বর্তমান রহিয়াছে ; সেইখানে শ্রদ্ধা-বিধান করিলে, মনুজ, পিতৃগণ হইতে মুক্তিলাভ করিয়া থাকে। ৩৬। তাহারই নিকটে সকল প্রকার ব্যাধিবিনাশকারী গদা-তীর্থ বিद्यমান রহিয়াছে ; সেই তীর্থে স্নানাদি করিলে পিতৃগণকে উদ্ধার করিতে পারা যায় ও পাপনিবহ হইতে সম্পূর্ণরূপে মুক্তিলাভ করিতে পারা যায়। ৩৭। তাহারই অগ্রভাগে পদ্মতীর্থ ; সেইখানে যে নরশ্রেষ্ঠ স্নান করিয়া পিতৃগণের তর্পণ করে, সে ব্যক্তি

কখনও দরিদ্র হয় না । ৩৮ । সেই স্থানেই ত্রিভুবনবিশ্রুত মহালক্ষ্মী-তীর্থে বিদ্যমান আছে । সেই তীর্থে ত্রৈলোক্যের হর্ষদায়িনী মহালক্ষ্মী সাক্ষাৎ বর্তমান আছেন ; সেই মহালক্ষ্মী-তীর্থে স্নানান্তে বিহিত রত্ন-কাঞ্চনাদি ও পট্টবস্ত্র সকল ত্রাঙ্কণগণকে প্রদান করিলে মনুষ্য কখনও লক্ষ্মী কর্তৃক বিযুক্ত হয় না । ৩৯-৪০ ।

মহালক্ষ্মী-তীর্থে পূর্বোক্ত প্রকার দানাদি করিলে পর, মানব যেখানে যে কূলে উৎপন্ন হইবে, তথায়ই সর্বপ্রকার সমৃদ্ধি লাভ করিতে পারিবে এবং এই তীর্থের গৌরবে তাহার পিতৃপুরুষগণ সর্বদা শ্রীম্পন্ন হইবেন । ৪১ । সেই স্থানে মহালক্ষ্মীর একটি ত্রিভুবনবিশ্রুতা মূর্তি বিদ্যমান আছে । সেই মূর্তিকে ভক্তির সহিত প্রণাম করিলে, মনুষ্য কখনও রোগভোগ করে না । ৪২ । ভাদ্রমাসের কৃষ্ণাষ্টমী তিথিতে রাত্রি জাগরণ করিয়া, সেই মহালক্ষ্মীর পূজা করিতে পারিলে, ত্রতানুষ্ঠায়ী মনুষ্য সর্বপ্রকার ত্রতের ফল লাভ করিতে সমর্থ হয় । ৪৩ । তাহারই নিকটে গরুড়কেশবের সন্নিধানে একটি গরুড়-তীর্থ বর্তমান আছে ; সেই তীর্থে ভক্তি সহকারে স্নান করিলে পর, মনুষ্য আর সংসাররূপ সর্পকে বিলোকন করে না । ৪৪ । তাহার অগ্রভাগে মহাপাতকনাশন নারদ-তীর্থ আছে ; সেই তীর্থে নারদ, ব্রহ্মবিদ্যোপদেশ প্রাপ্ত হইয়াছিলেন । ৪৫ । সেই নারদ-তীর্থে সম্যকপ্রকার বিপি অনুসারে স্নান করিলে ; মানব, কেশবের নিকট হইতে ব্রহ্মবিদ্যা প্রাপ্ত হয় বলিয়া, তাহার নিকটস্থিত বিষ্ণু-বিগ্রহকে নারদকেশব বলা যায় । মনুষ্য ভক্তি-সহকারে দেব নারদকেশবের অর্চনা করিলে, আর কখনও তাহাকে জননীর ঋণের বিলোকন করিতে হয় না । ৪৬-৪৭ । তাহার অগ্রভাগে প্রহ্লাদ-তীর্থ ; এই তীর্থে প্রহ্লাদকেশবের মূর্তি বিরাজমান আছে । এই প্রহ্লাদ-তীর্থে স্নানান্তে শ্রাদ্ধাদি করিলে, মনুষ্য বিষ্ণুলোকেও সম্মান লাভ করিতে সমর্থ হয় । ৪৮ । প্রহ্লাদ-তীর্থের সন্নিধানে আশ্বরীষ নামক মহাতীর্থ বিদ্যমান আছে ; সেই তীর্থে উদকক্রিয়া করিলে, মানব সর্বপ্রকার পাপ হইতে মুক্তি লাভ করিতে পারে । ৪৯ । আদিকেশবের পূর্বভাগে বর্তমান আদিত্যকেশব, ভক্তিসহকারে পূজনীয় । সেই আদিত্যকেশবের দর্শনমাত্রেই মানব, মহাপাপ হইতে বিমুক্তি লাভ করিতে সমর্থ হয় । ৫০ । তাহার পার্শ্বেই দত্তাত্রেয়েশ্বর-তীর্থ ; সেই তীর্থের উপরেই আদি-গদাধরমূর্তি । দত্তাত্রেয়েশ্বর-তীর্থে পিতৃগণের তর্পণ করিলে, মানব জ্ঞানযোগ লাভ করিতে পারে । ৫১ । ভৃগুকেশবের পূর্বভাগে ভার্গব নামক পরমতীর্থ ; সেই ভার্গব-তীর্থে স্নান করিলে, মানব ভার্গবের শ্রায় সুবুদ্ধি লাভ করিতে সক্ষম

হয় । ৫২ । সেই স্থানেই বামনকেশবের পূর্বভাগে বামন-তীর্থ বিদ্যমান রহিয়াছে ; সেই বামনকেশবকে পূজা করিলে, মনুষ্য বামনদেবের নিকটে বাস করিতে সমর্থ হয় । ৫৩ । নরনারায়ণমূর্তির পুরোভাগে নরনারায়ণ নামক তীর্থ বিদ্যমান আছে ; সেই তীর্থে স্নান করিলে, মনুষ্য সাক্ষাৎ নারায়ণস্বরূপ হয় । ৫৪ । তাহার পুরোভাগে পাপনাশন যজ্ঞবারাহ নামক তীর্থ ; সেই তীর্থে মজ্জন করিলে রাক্ষস-যজ্ঞের ফল লাভ হয় । ৫৫ । সেই স্থানে বিদারনারসিংহ নামক নিম্নলি তীর্থ আছে ; তাহাতে স্নান করিলে শতজন্মার্জিত পাপ বিদীর্ণ হইয়া যায় । গোপী-গোবিন্দের সম্মুখে গোপীগোবিন্দ নামক তীর্থ আছে ; তাহাতে স্নান করত বিষ্ণুর পূজা করিলে বিষ্ণুর প্রিয়পাত্র হওয়া যায় । ৫৬-৫৭ । গোপীগোবিন্দের দক্ষিণ-ভাগে লক্ষ্মীনৃসিংহ নামক তীর্থ আছে ; তাহাতে স্নান করিলে কখনও লক্ষ্মীহীন হইতে হয় না । লক্ষ্মীনৃসিংহ-তীর্থের সম্মুখে শেষমাধবের সন্নিকটে শেষতীর্থ বিদ্যমান আছে ; তাহার জলে পিতৃগণের তর্পণ করিলে তাঁহাদের তৃপ্তির সীমা থাকে না । ৫৮-৫৯ । শেষতীর্থের দক্ষিণভাগে স্নানির্মল শঙ্খমাধব-তীর্থ আছে ; পাপাত্মা ব্যক্তিও তাহাতে স্নান করিলে নির্মল হইয়া থাকে । শঙ্খমাধব-তীর্থের সম্মুখে হয়গ্রীব নামক-পরম পবিত্র তীর্থ আছে ; তাহাতে স্নান করত হয়গ্রীব নামক কেশবের পূজা করিয়া তাঁহার সন্নিকটে পিণ্ডপ্রদান করিলে, মানব পূর্ব-পুরুষগণের সহিত হয়গ্রীবগন্ধ্বন্ধি শ্রীলাভ করিয়া মুক্ত হইয়া থাকে । ৬০-৬২ ।

স্কন্দ কহিলেন, হে কলশোদ্ভব ! আমি প্রসঙ্গাধীন এই কয়টিমাত্র তীর্থের নাম কীৰ্ত্তন করিলাম ; কাশীতে একতিলমাত্র ভূমিতেও বহুতর তীর্থ অবস্থিত আছে । আমি যে সমস্ত তীর্থ কীৰ্ত্তন করিলাম, তাহাদের নামমাত্র শ্রবণ করিলেও মানব নিষ্পাপ হইয়া থাকে । এক্ষণে শঙ্খচক্রগদাধর বৈকুণ্ঠনাথ কাশীতে বাহা করিয়াছিলেন, সেই প্রকৃত বিষয় তোমাকে বলিতেছি, শ্রবণ কর । ৬৩-৬৫ । অনন্তর ভগবান্ কেশব, সেই কৈশবীমূর্তিমধ্যে সমাবিষ্ট হইয়া, মহেশ্বরের কার্য্যে কৃতসঙ্কল্প হইয়া অংশাংশে তথা হইতে নির্গত হইলেন । ৬৬ ।

অগস্ত্য কহিলেন, হৈ ষড়ানন ! ভগবান্ চক্রপাণি কি নিবন্ধন অংশাংশে নির্গত হইলেন এবং বারাণসীপুরী প্রাপ্ত হইয়া তিনি কোথায়ই বা গমন করিলেন ? ৬৭ ।

স্কন্দ কহিলেন, হে মুন ! বিষ্ণু সমস্তাংশে কেন তথা হইতে নির্গত হইলেন না, তাহার কারণ বলিতেছি শ্রবণ কর । প্রাপ্ত ব্যক্তি, পুণ্যরাশিবলে বারাণসী-পুরী প্রাপ্ত হইয়া, মহালাভ হইলেও কদাপি তাহা পরিত্যাগ করিবেন না । এইজন্ত

ভগবান্ মুরারি কালীতে স্বীয় প্রতিকৃতি প্রতিষ্ঠা করিয়া, স্বপ্নাংশে তথা হইতে নিাত হইলেন । ৬৮-৭০ ।

কালীর কিঞ্চিৎ উত্তরভাগে গমন করিয়া দেবনারায়ণ, নিজের অবস্থিতির নিমিত্ত ধর্মক্ষেত্র নামক একটি সুন্দর স্থান নির্মাণ করিলেন । ৭১ । অনন্তর ভগবান্ ত্রীপতি, ত্রৈলোক্যমোহন অতিসুন্দর সৌগত—( বৌদ্ধ ) রূপ ধারণ করিলেন । ৭২ । লক্ষ্মীদেবীও সেই সময়ে পরম মনোহর পরিত্রাজিকারূপ ধারণ করিলেন ; তৎকালে মহালক্ষ্মীর সেই রূপ বিলোকন করিয়া সমস্ত লোকই সবিস্ময়ে চিত্তার্পিত পুতুলিকার সাদৃশ্য বহন করিয়াছিল । ৭৩ । বিশ্বের জননী জগদ্রক্ষাকারিণী হস্তাগ্রা বিশ্বস্তপুস্তকা লক্ষ্মীদেবীর পশ্চাতে গরুড়, শিষ্যের রূপ ধারণ করিয়া, লোকবিমোহন মনুষ্যশরীর পরিগ্রহ পূর্বক গমন করিতে লাগিলেন । ৭৪ । গরুড়, নিজহস্তেও একখানি পুস্তক ধারণ করত সর্বপদার্থেই অত্যুৎকট বৈরাগ্য প্রদর্শন করিয়া বাহ্যাকারে গুরুসেবাগর অত্যন্ত মহাপ্রাজ্ঞের লক্ষণ সকল প্রকাশ করিতে করিতে তাহাদের অনুগমন করিতে লাগিলেন । ৭৫ । এবং গমন করিতে করিতে তিনি, ধর্ম ও অর্থশাস্ত্রে কুশল, জ্ঞান-বিজ্ঞানশালী, শোভন স্বরেও সুস্পষ্ট অক্ষর সকল উচ্চারণ করত ধীরভাবে ব্যাখ্যাকারী, স্তম্ভন, উচ্চাটন, মারণ, আকর্ষণ, বশীকরণ প্রভৃতি কর্ম নিবহের জ্ঞাতা, ব্যাখ্যাসময়ে অতিমনোহর স্বরোচ্চারণে পশুপক্ষীগণেরও গাত্র রোমাঞ্চকারী, গীতধ্বনি শ্রবণে আকৃষ্টহৃদয় মৃগযুগ্ম কর্তৃক উপাশ্রয়িত, মহামোদভরাক্রান্ত পবনেরও চাকল্যহারী, পুষ্পবর্ষণচ্ছলে বৃক্ষগণ কর্তৃকও পূজ্যমান, পুণ্যকীর্তি নামধারী স্বীয় আচার্য্যবেশধারী ভগবান্ জনার্দনকে প্রসন্নচিত্তে সংসারমোচক মহানুযায়ী বৌদ্ধধর্মের পরম রহস্য সকলের প্রসঙ্গ করিতে লাগিলেন ।

গরুড়ের তাত্‌কালিক ধর্মবিষয়ক প্রশ্ন শ্রবণ করিয়া, সেই পুণ্যকীর্তিনামক বৌদ্ধ পরিত্রাজক-রূপধারী ভগবান্ বিনয়কীর্তি নামক বিনয়ভূষণ সেই শিষ্যকে সম্বোধন করিয়া স্বীয় ধর্ম ব্যাখ্যা করিতে প্রবৃত্ত হইলেন । ৭৬-৮১ । পুণ্যকীর্তি কহিলেন, হে বিনয়কীর্ত্তে মহামতে ! তুমি সনাতন ধর্মবিষয়ক যে সকল প্রশ্ন করিলে, আমি অশেষ প্রকারে সেই সকল বিষয়ের উত্তর প্রদান করিতেছি, তুমি শ্রবণ কর । ৮২ । এই সংসার অনাদি, ইহার কর্ত্তা কেহই নাই এই সংসার আপনাই প্রারুর্ভাব প্রাপ্ত হয় এবং আপনাই বিলীন হয় । ৮৩ । ব্রহ্মাদি স্তম্ভ পর্য্যন্ত যত শরীরপর্য্যবসায়ি জগৎ বস্তুমান আছে ; এক অদ্বিতীয় অত্মাই সে সকলের ঈশ্বর, ইহা হইতে অল্প কোন স্বতন্ত্র স্রষ্টার অস্তিত্ব নাই । ৮৪ । যে



প্রকারে আমাদের পুণ্যকীর্তি প্রভৃতি নাম তোমার জ্ঞাত আছে ; সেই বিশিষ্ট দেহীগণের ও ব্রহ্মা, বিষ্ণু, রুদ্র প্রভৃতি এক একটা নাম বিশেষ মাত্র, বাস্তবিক ইহারা কেহই আমাদের হইতে অলৌকিক শক্তিসম্পন্ন ঈশ্বর নহে । ৮৫ । আমাদের এই দেহ যেমন কালবশে বিলীন হইয়া যাইবে, সেই ব্রহ্মাদিদেবগণ হইতে মশক পর্য্যন্ত সকল প্রাণীগণেরই দেহ স্ব স্ব নির্দিষ্ট কালানুসারে বিলয় প্রাপ্ত হইবে, ইহাতে কোন সন্দেহ নাই জানিবে । ৮৬ । বিচার পূর্বক দেখিলে এই জীবগণের দেহে পরম্পর কোন প্রকার ন্যূনাধিক্য নাই, কারণ সকল শরীরেই আহার, নিদ্রা ও ভয় সমভাবেই বিद्यমান রহিয়াছে । ৮৭ । সকল দেহই স্বাস্থ্যরূপ পরিমিত আহার প্রাপ্ত হইয়া সমানভাবে তৃপ্তি প্রাপ্ত হইয়া থাকে, তাহাতে দেহ-ভেদে কিছুমাত্রও ইতর বিশেষ থাকে না । ৮৮ । অতিশয় তৃষ্ণার সময় সুন্দর পানীয় প্রাপ্ত হইয়া, আমরা যে প্রকার তৃষ্ণাক্ষয় জ্ঞাত আনন্দ লাভ করি, সেইরূপ সকল জীবই তৃষ্ণার সময় জল পাইলে সমান সুখই অনুভব করিয়া থাকে ; তাহাদের সুখ হইতে আমাদের সুখ অণুমাত্র পার্থক্য বহন করে না । ৮৯ । রূপলাবণ্যবতী অনন্ত নারী সংসারে বিद्यমান থাকিলেও সুরত সময়ে পুরুষের একই নারা উপযোগিনী হইয়া থাকে । ৯০ । জগতে অনন্তকোটি আরোহণোপ-যোগী সুন্দর অশ্ব বিद्यমান থাকিলেও আরোহণসময়ে পুরুষের একটা মাত্র অশ্বই প্রয়োজনসাধক হয় ; সেইরূপ এই জগতে আত্মার বহুতর আশ্রয়যোগ্য ভূতাদি বর্তমান থাকিলে, যে সময় যাদৃশ দেহ তাহার অবচ্ছেদক হয়, তদেহানুরূপ বিষয়ের ভোগই সেই আত্মার প্রিয় হইয়া থাকে । ৯১ । নিদ্রাকালে পর্য্যক্ষণায়ীর যে পরিমাণে সুখভোগ হইয়া থাকে, সেই সময়ে ভূমিশায়ী জীবেরও তৎপরিমাণেই সুখ প্রাপ্তি হয় । ৯২ । আমাদের যেমন মরণ ভয় হয়, সেই প্রকার ব্রহ্মা হইতে কোট পর্য্যন্ত সকল দেহধারীরই মৃত্যু হইতে ভয় উৎপন্ন হইয়া থাকে, ইহাতে কোন সন্দেহ নাই । ৯৩ । এই প্রকারে সর্বদুঃখিনিম্পন্ন বিচারে ইহাই স্থির হইতেছে যে, সকল প্রকার প্রাণীই সমান, স্তত্রাং এক্ষণে ইহা বুঝিয়া এই প্রকারই করা উচিত, যাহাতে কোন প্রকার প্রাণীর হিংসা না হয় । ৯৪ । জীবগণের প্রতি দয়া হইতে অধিক কোন ধর্ম্মই এই জগতীতলে বিद्यমান নাই ; এই কারণে মনুষ্যগণের সর্বদা সর্বপ্রকার প্রাণীর প্রতি দয়া করা উচিত । ৯৫ । একটা জীবকে রক্ষা করিলে ত্রৈলোক্য রক্ষা করিবার ফল প্রাপ্ত হওয়া যায় । এইরূপ একটা প্রাণীকে বিনষ্ট করিলে সংসার-বিনাশের পাতকভাঙ্গা হইতে হয় ; এই সকল কারণে বুদ্ধিমান্ মনুষ্য, জীবগণকে রক্ষা করিবে, কিন্তু কখনও বিনষ্ট করিবে না । ৯৬ ।

পূর্বতন পণ্ডিতগণ কহিয়া গিয়াছেন যে “অহিংসাই পরমধর্ম” এই কারণে যে পুরুষগণ নরক হইতে ভীত, তাঁহারা কখনও প্রাণিহিংসা করিবেন না । ১৭ । সচরাচর ত্রৈলোক্যে হিংসাসদৃশ গুরুতর পাপ বিद्यমান নাই । হিংসাকারী ভীষণ নরকে গমন করে, অহিংসক ব্যক্তি স্বর্গলাভ করিতে সমর্থ হয় । ১৮ । ধর্মশাস্ত্রে নানাবিধ দান কীর্ত্তিত হইয়াছে বটে, কিন্তু সেই অতি তুচ্ছ ফলবিশিষ্ট দাননিবহে কি প্রয়োজন ? কারণ সেই সকল দানের মধ্যে এমত কেহই নাই ; যাহা অভয়-দানের সদৃশ অক্ষয় ফল প্রদানে সমর্থ হয় । ১৯ । পরমর্ষিগণ এই সংসারে নানাবিধ বিচার করিয়া স্থির করিয়াছেন যে, ইহলোকে ও পরলোকে সুখের একমাত্র কারণ চারি প্রকার দানই হইতে পারে, সেই চারিপ্রকার দানের নাম করিতেছি, শ্রবণ কর । ভীত ব্যক্তিকে অভয় দান, পীড়িত প্রাণীগণকে ঔষধ দান, বিছাধিগণকে বিছাদান ও ক্ষুধাতুর জীবকে অন্নদান । ১০০-১০১ । যণি মন্ত্র ও ঔষধের প্রভাব অচিন্তনীয়, এই কারণে নানা প্রকার প্রয়োজনসিদ্ধির জন্ত এই সকল বিষয় শিক্ষা করা উচিত ; এই সকল উপায়ের দ্বারা বহু অর্থ উপার্জন করিয়া, কশ্মেন্দ্রিয়, জ্ঞানেন্দ্রিয়, মনঃ ও বুদ্ধির নিরন্তর পূজা করিবে ; নিরর্থক ইন্দ্রাদিদেবের উপাসনায় কি প্রয়োজন ? ১০২-১০৩ । বৌদ্ধশাস্ত্রে পঞ্চ কশ্মেন্দ্রিয়, পঞ্চ জ্ঞানেন্দ্রিয়, মনঃ ও বুদ্ধি এই দ্বাদশ প্রকার আয়তন কীর্ত্তিত হইয়া থাকে । ১০৪ । এই স্থলেই জীবগণের স্বর্গ ও নরকের ভোগ হইয়া থাকে ; সুখ স্বর্গ এবং দুঃখই নরক । ১০৫ । সুখভোগ করিতে করিতে দেহবিসর্জনের নামই পরমমোক্ষ ; ইহা ভিন্ন অন্য কোন প্রকার মোক্ষ আমরা স্বীকার করি না । ১০৬ । বাসনার সহিত পঞ্চবিধ ক্রেশের সমুচ্ছেদ হইলে পর, প্রকাশমান বিজ্ঞানের নামই যথার্থ মোক্ষ ; তত্ত্বজ্ঞানীগণ, এই প্রকার নিশ্চয় করিয়া থাকেন । ১০৭ । “সমস্ত ভূতগণকে হিংসা করিবে না” বেদবাদিগণ এই প্রামাণিক শ্রুতিই কীর্ত্তন করিয়া থাকেন । হিংসার প্রবর্ত্তিকা কোন শ্রুতিই প্রামাণিক নহে । “অগ্নিষোগীয় পশু হত্যা করিবে” ইত্যাদি যে সমস্ত শ্রুতি আছে, তাহা কেবল অসাধু ব্যক্তিগণের ভ্রান্তি উৎপাদনের জন্ত, বিজ্ঞাতা ব্যক্তিগণ তাহাকে প্রমাণ বলিয়া স্বীকার করেন না ; যেহেতুক তাহাতে পশুহিংসা বিহিত হইয়াছে । ১০৮-১০৯ । বৃক্ষচ্ছেদ এবং পশুহিংসা করত রুধিরময় কর্দম করিয়া এবং অনলে স্নাত ও তিল দধি করিয়া লোকে স্বর্গের অভিলাষ করে, ইহা অতি আশ্চর্য্যের বিষয় । পুণ্যকীর্ত্তি, এই প্রকারে ধর্মতত্ত্ব কীর্ত্তন করিতেছেন, পরম্পরায় ইহা শ্রবণ করিয়া পূরবাসীগণ তাঁহার নিকট আগমন করিতে লাগিল এবং সমস্ত বিছায় নিপুণ সেই বিজ্ঞানকৌমুদী কর্ত্তক

আকর্ষণবিজ্ঞাবলে সমাকৃষ্ট হইয়া পুরস্কাগণও তথায় আগমন করিতে লাগিল । তখন বিজ্ঞানকৌমুদী তাহাদের সম্মুখে দুর্মার্থপ্রত্যয়কর ও দেহসৌখ্যসাধন বৌদ্ধধর্ম সমূহ কীর্তন করিতে লাগিলেন । ১১০-১১৩ । বিজ্ঞানকৌমুদী কহিলেন, “শ্রুতি বলিয়া থাকেন যে, আনন্দই ত্র্যঙ্গের রূপ” ইহা যথার্থই স্বীকার করা উচিত ; লোকে নিরর্থক নানান্ন কল্পনা করিয়া থাকে । যে পর্য্যন্ত এই শরীর স্বচ্ছ থাকে, যে পর্য্যন্ত ইন্দ্রিয় সমূহ বিকল না হয় এবং যে পর্য্যন্ত জরা দূরে অবস্থান করে, সে পর্য্যন্ত কেবল সুখেরই চেষ্টা করা উচিত । বৃদ্ধাবস্থায় শরীর অন্তঃস্থ ও ইন্দ্রিয়-নিচয় বিকল হইলে আর সুখের সম্ভাবনা কোথায় ? এইজন্য জরা আক্রমণের পূর্বে, সুখাভিলাষী ব্যক্তিগণের শরীর পর্য্যন্ত ও অধিগণকে প্রদান করা উচিত । ১১৪-১১৬ । যে ব্যক্তির দ্বারা যাচকগণের মনোবৃত্তি পরিতৃপ্ত না হয়, সেই ব্যক্তিই জন্মগ্রহণ করিয়া পৃথিবীকে ভারগ্রস্ত করিয়া থাকে ; নতুবা সমুদ্র, পর্বত ও বৃক্ষাদির দ্বারা পৃথিবী ভারবতী হন না । এই দেহ স্বল্প দিনেই বিনষ্ট হইয়া যাইবে, এবং সঞ্চিত অর্থও ক্ষয় হইয়া যাইবে, এই সমস্ত বিবেচনা করত বিজ্ঞাতা পুরুষ কেবল দেহের সুখ-সাধন করিবেন । ১১৭-১১৮ । অশ্বিনে এই দেহ, কুক্কুর, কাক এবং কুমিগণের ভোজ্য হইবে বা ভক্ষ্য পরিণত হইবে, ইহাই বেদেতে কীর্তিত হইতেছে এবং ইহাই যথার্থ । লোকে নিরর্থক জাতিভেদ কল্পনা করিয়া থাকে ; সকলেই যখন মনুষ্য, তখন ইহাদের মধ্যে কোন্ ব্যক্তি অধম এবং কোন্ ব্যক্তিই বা উত্তম ? ১১৯-১২০ । বুদ্ধপুরুষগণ এই প্রকার বলিয়া গিয়াছেন যে, এই সৃষ্টি ত্রিঙ্গা হইতে প্রাভূর্ত হইয়াছে ; সেই ত্রিঙ্গার দক্ষ ও মরীচি নামক দুই পুত্র হয়, তন্মধ্যে মরীচিপুত্র কাশ্যপ, স্নলোচনা প্রভৃতি ত্রয়োদশটি দক্ষকন্যাকে ধর্ম্মমার্গে বিবাহ করিয়াছিলেন । এক্ষণে বিবেচনা করিয়া দেখ, পূর্বের নিজ সপিণ্ডের কন্যা বিবাহ করিতে কোন বাধা ছিল না, কিন্তু এইক্ষণে মনুষ্যগণের বুদ্ধি ও পরাক্রম কি অল্প ! কারণ তাহারা কতিপয় প্রবঞ্চকের কথায় প্রভারিত হইয়া, কেবল ভ্রমে বিচার করিয়া থাকে, “অমুক কন্যাকে বিবাহ করা উচিত, অমুক কন্যার সহিত বিবাহ-উচিত নহে” । বুদ্ধ পুরুষগণ কল্পনা করিয়াছেন যে, এই চাতুর্ভাব্য যথাক্রমে ত্রিঙ্গার মুখ, বাহু, উরু ও পাদ হইতে উৎপন্ন হইয়াছে ; কিন্তু বাস্তবিক ইহা কি প্রকারে সম্ভাবিত হইতে পারে ? কারণ, এক ব্যক্তির একই শরীর হইতে যদি সকলেই উৎপন্ন হইল, তবে তাহাদিগের মধ্যে কেন পরস্পর জাতিভেদ হইবে । এই সকল বিবেচনা করিয়া দেখিলে ইহাই নিশ্চয় হইবে যে, এই বর্ণাবগণবিবেক কখনই যুক্তিযুক্ত নহে ; সুতরাং সকল মনুষ্যকেই

তুলাজ্ঞান করিবে, কোন ব্যক্তিতেই ইতর বিশেষ জ্ঞান করিবে না । ১২১-১২৬ ।  
 বিজ্ঞানকৌমুদীর এবন্ধিধ বাণী শ্রবণ করিয়া পুরাঙ্গনাগণ পতিশুশ্রষণবিষয়িনী  
 উত্তমা মতি পরিত্যাগ করিল । এদিকে পুরুষগণও সেই ভিক্ষুকের সম্প্রদায় হইতে,  
 নানা প্রকার আকর্ষণী, বশীকরণী প্রভৃতি নিষ্ঠাশিক্ষা করত অনেক পৌরস্ত্রীতে  
 আসক্ত হইয়া তাহাদিগের সতীত্ব ও নিজের ধর্ম লোপ করিতে লাগিল । ১২৭-  
 ১২৮ । এইরূপ তাঁহার উপদেশে, অশুঃপুরচারিণী নারীগণ ও কুমারগণ সকলেই  
 ধর্মবিষয়ে মোহ প্রাপ্ত হইতে লাগিল । ১২৯ । সেই পারিত্রাজিকরূপধারিণী  
 লক্ষ্মী, বন্ধ্যা জ্রোগণেরও বন্ধ্যাহ হরণ করিতে লাগিলেন এবং নানাবিধ উপায়  
 নিবহের দ্বারা অসৌভাগ্যবতী জ্রোনিবহেরও সৌভাগ্য প্রদান করিতে আরম্ভ করি-  
 লেন । কাহাকেও তিনি নয়নের দিব্য অঞ্জন, কাহাকেও বা ঔষধ প্রদান করিয়া,  
 পুরবাসিগণের বিপদ দূর করিতে লাগিলেন । ১৩০-১৩১ । বিজ্ঞানকৌমুদী,  
 বশীকরণ মন্ত্রের দ্বারা অনেক পৌরবধূগণকে শিষ্য করিলেন এবং সেই সকল শিষ্য  
 পৌরবধূগণ, কেহ মন্ত্র জপ করিতে লাগিল, কেহ বা নানাবিধ যন্ত্র লিখিতে  
 প্রবৃত্ত হইল । ১৩২ । কেহবা কুণ্ডলিত অগ্নিতে নানাবিধ দ্রব্যের দ্বারা হবন  
 করিতে লাগিল । এই প্রকার যখন সকল পুরবাসিগণ নিজ ধর্ম হইতে পরাভূত  
 হইতে লাগিল, সেই কালে অধর্ম অতিশয় উল্লাস প্রাপ্ত হইল । ১৩৩ । এইরূপে  
 বারাগনীতে অধর্ম প্রবেশ করিলে পর, মনুজগণের অণিমাди সিদ্ধি ও নানা প্রকার  
 কৃষি সকল নিষ্ফল হইতে লাগিল । এবং ক্রমে ক্রমে সেই রাজা দিবোদাসেরও  
 সামর্থ্য লুপ্ত হইতে লাগিল । ১৩৪ । এদিকে চুণ্ডিরাজ-গণেশ দূরে অবস্থিত  
 হইয়াই রাজা রিপুঞ্জয় দিবোদাসের চিত্তকে রাজ্যব্যাপার হইতে বিরক্ত করিয়া  
 দিলেন । রাজা দিবোদাসও গণকরূপধারী গণপতির কথাগুসারে অষ্টাদশ দিনাবধি  
 গণনা করিত ; এই প্রকার চিন্তা করিতে লাগিলেন যে, “হায় । অষ্টাদশ দিন  
 উপস্থিত হইলে, কোন্ সময় আমার শুভাদৃষ্টের প্রভাবে, সেই ব্রাহ্মণ উপস্থিত  
 হইবেন ও আমাকে উপদেশ দান করিবেন ? ১৩৫-১৩৬ । এই প্রকার চিন্তাকুল  
 অবস্থায় অষ্টাদশ দিন উপস্থিত হইলে, সূর্য্যদেব যখন মধ্যগগনগত হইয়া প্রখর  
 করজালে সংসার তাপিত করিতে লাগিলেন, সেই সময় একজন ব্রাহ্মণশ্রেষ্ঠ,  
 রাজা দিবোদাসের দ্বারদেশে উপস্থিত হইলেন । ১৩৭ । সেই পুণ্যকীর্ত্তিরূপধারী  
 জনার্দনই পূর্ব্বোক্ত ব্রাহ্মণরূপ ধারণ করিয়া ধর্মক্ষেত্র হইতে সেই স্থানে উপস্থিত  
 হইয়াছিলেন । ১৩৮ । সেই ব্রাহ্মণের দুই পার্শ্বে দুই তিন জন পবিত্রব্যক্তি,  
 “জয় জীব” এই সকল আশীর্বাদ-বাক্য উচ্চারণ করিতেছিল, এবং তাঁহার দেহ

পাবকের ন্যায় দীপ্তিমান ছিল। ১৩৯। দূর হইতে সেই সমাগত বিপ্রকে নিলোকন করিয়া উৎকণ্ঠিতচিত্তে এই প্রকার চিন্তা করিতে লাগিলেন যে, “নিশ্চয়ই- এই জন আমার উপদেষ্টা সেই ব্রাহ্মণ হইবেন”। ১৪০। অনন্তর রাজা দিবোদাস, প্রত্যাভিগমন পূর্বক পুনঃ পুনঃ তাঁহাকে প্রণাম করত, স্বস্তিবাচন দ্বারা অন্তঃপুরে লইয়া গেলেন। ১৪১। তৎপরে বিগতশ্রম, সুস্থচিত্ত, প্রোক্ষাসিবদনারবিন্দ, সেই দ্বিজশ্রেষ্ঠকে মধুপর্কবিধান দ্বারা পূজা করত নানাবিধ সুরস খাওয়া দ্রব্য সমর্পণ পূর্বক, অতিথিক্রিয়া সমাপন করিয়া রাজা দিবোদাস, তদীয় চিত্তের সুস্থতা পরিজ্ঞানানন্তর জিজ্ঞাসা করিতে প্রবৃত্ত হইলেন। ১৪২-১৪৩।

রাজা কহিলেন, হে বিপ্রশ্রেষ্ঠ ! আমি রাজ্যভার বহন করিয়া এইক্ষণে বড়ই খেদ প্রাপ্ত হইয়াছি। এই রাজ্যবিষয়ক খেদ বাস্তবিক আমার বিষম বিরক্তির কারণ হইয়া উঠিয়াছে। আমি কি করিব, কোথায় যাইব এবং কি প্রকারেই নির্বৃতি লাভ করিব ? হে দ্বিজ ! এই সকল চিন্তা করিতে করিতে আমার দুইপক্ষ অতি-বাহিত হইয়া গিয়াছে। হে দ্বিজোত্তম ! বিপক্ষরহিত, অসীম সুখসমৃদ্ধিসম্পন্ন বিরূপাক্ষের ঐশ্বৰ্য্যের তুল্য রাজ্য আমি বিলক্ষণরূপে ভোগ করিয়াছি। আমি নিজের সামর্থ্যেই পৰ্জ্জল, অগ্নি ও বায়ুর সমতা লাভ করিয়াছি এবং নিজ ঔরস-পুত্রের ন্যায় প্রজাগণকে সমাক্রূপে প্রতিপালন করিয়াছি ; প্রতিদিনই অনন্ত ব্রাহ্মণগণকে আমি বিশেষরূপে তৃপ্ত করিয়াছি ; কিন্তু হে বিপ্রশ্রেষ্ঠ ! আমি একটী মাত্র অপরাধ এই করিয়াছি যে, নিজবলদর্পে সকল দেবগণকে তৃণের ন্যায় জ্ঞান করিয়া আসিতেছি ; কিন্তু আমি আপনার নিকট প্রতিজ্ঞা করিয়া বলিতেছি যে, ইহা কেবল প্রজার জন্মই আমি করিয়াছি অল্পমাত্রও নিজস্বার্থে লিপ্ত হইয়া আমার দ্বারা এ কৰ্ম্ম্য অনুষ্ঠিত হয় নাই। এইক্ষণে আমার অতি শুভাদৃষ্ট প্রযুক্ত আপনি এখানে উপস্থিত হইয়াছেন অতএব আপনাকে আমি গুরুত্ব বরণ করিলাম, আপনি আমার সহায় থাকিলে আমি যম হইতেও শঙ্কা পরিহার পূর্বক অনন্ত কাল পর্য্যন্ত এইরূপে রাজ্যভোগ করিতে সমর্থ হইব। আমার রাজ্যে কোথায়ও অকাল মৃত্যু নাই এবং কুত্ৰাপিও জরা, ব্যাধি বা দারিদ্র্য হইতেও কোন প্রকার ভয় নাই। আমার রাজ্যশাসনকালে কোন ব্যক্তিই ধর্ম্মপথ হইতে স্খলিত হয় নাই এবং আমার রাজ্যে সকল জনই ধর্ম্মোদয় লাভ করত অনন্ত সুখভোগ করিতেছে। আমার প্রজাগণ সকলেই সন্ধিভাবেমনী ও সন্মার্গগতি চতুর। অথবা হে দ্বিজশ্রেষ্ঠ ! কল্যাস্ত পর্য্যন্ত আয়ুঃ থাকিলেই বা কি এমন অধিক ফল লব্ধ হইবে ? আমার নিকট

এই সকল ভোগ্য বস্তু নিচয়ের ভোগ, চর্বিত চর্বণের স্থায় প্রকাশ পাইতেছে ;  
 হে বিজপুঙ্গব ! এই পিষ্টপেষণ তুল্য বহুদিনভুক্ত রাজ্যে আমার কি ফল ?  
 আমাকে আপনি এমত উপদেশ প্রদান করুন ; যাহার প্রভাবে আমার আর যেন  
 গর্ভবাগ-যন্ত্রণা ভোগ করিতে না হয় । অথবা আমি যখন আপনাকে লাভ করিতে  
 সমর্থ হইয়াছি তখন এই বিষয় চিন্তা করিতেছি কেন ? আপনি অজ্ঞ আমাকে  
 যাহাই বলিবেন, তাহাই করিতে প্রস্তুত আছি । আপনার দর্শনমাত্রেই অজ্ঞ জন-  
 গণেরও সকল মনোরথ সফল হইয়া থাকে এবং আমারও এক প্রকার সফল প্রায়ই  
 হইয়াছে । আমি বিলক্ষণ অবগত আছি যে, জগতে এমত কোন্ ব্যক্তি উৎপন্ন  
 হইয়াছেন , যিনি দেবতার সহিত বিরোধ করিয়া প্রণয়ন না হইয়াছেন ? দেব-  
 বিরোধী ত্রিপুর নামক অসুরগণ, ধর্ম্মের সহিত প্রজাপালন করিত এবং শিবভক্তি  
 পরায়ণও ছিল, তাহাদের নিজধর্ম্মে শ্রদ্ধা এবং সামর্থ্যও বিশেষরূপ ছিল ; কিন্তু  
 আশ্চর্য্যের বিষয় দেববিরোধের অশুভকারিতায় দেবদেব মহাদেব, পৃথিবীকে রথ,  
 হিমাচলকে ধনু, বেদচতুষ্টয়কে অশ্ব, বায়ুকিকে ঘোর্ব্বী, বিরিকিকে সারথি, নিম্নকে  
 বাণ, চন্দ্র ও সূর্য্যকে রথচক্র, প্রণবকে প্রতোদ, তারা ও গ্রহগণকে রথকীল,  
 সুরেরূকে ধ্বজদণ্ড, কল্পতরুকে পতাকা, নাগগণকে যোত্র, ছন্দ ও বেদাঙ্গগণকে  
 রথচক্র-রক্ষক, কালাগ্নি রুদ্রাশ্বাকে ভল্ল ও বায়ুকে পুঙ্খবরূপ করিয়া একটী মাত্র  
 বাণের দ্বারা অবলীলাক্রমে তাহাদিগকে ভস্মসাৎ করিয়াছিলেন । দেববিরোধী  
 বলি যজ্ঞকারীগণের শ্রেষ্ঠ হইলেও ভগবান্ নারায়ণ, কপট বামনমূর্ত্তি পরিগ্রহ  
 করিয়া তাঁহাকে ত্রিপাদ ভূমি গ্রহণচ্ছলে পাতালে প্রেরণ করিয়াছিলেন । প্রবল  
 পরাক্রমশালী বৃত্রাসুরও ইন্দ্রকর্তৃক হত হন । দেবগণ নিজের কার্য্য সাধনার্থে এবং  
 পূর্ব্বকালে কুশরূপ অস্ত্রের দ্বারা বিজিত যুদ্ধকারী হরির সহিত তাহার বৈরস্মরণ  
 পূর্ব্বক প্রতিশোধ বাসনায় দধাচি নামক ভ্রাক্ষণশ্রেষ্ঠকে বিনাশ করেন ; পুরাকালে  
 হরি মহাদেবভক্ত বাণাসুরের সহস্রবাহু যুদ্ধে ছেদন করেন ; কিন্তু বাস্তবিক সাধু-  
 শীল বাণাসুরের দেবদেব ভিন্ন আর কোন অপরাধই ছিল না । এই সকল কারণে  
 কোন প্রাণীরই দেবগণের সহিত বিরোধ করা উচিত নহে, ইহাতে কদাচিত্ ও  
 মঙ্গলের সম্ভাবনা নাই । কিন্তু আপনি ইহা জানিবেন, আমি কখন অসম্মার্গ অব-  
 লম্বন করি নাই ; এই কারণে আমি দেবগণ হইতে ঈশমাত্রও ভীতির সম্ভাবনা  
 রাখি না । সামান্য প্রাণীবর্গই বহুবিধ যজ্ঞ করিয়া ইন্দ্রাদি-দেবসারূপ্য লাভ  
 কবিয়াছে মাত্র, আমার ইন্দ্রাদি দেবগণ হইতে অধিক যজ্ঞ করায় তদপেক্ষা বহুতর  
 সামর্থ্য বিস্তারিত আছে । অথবা আমার দেবগণ হইতে আধিক্যই হউক বা ন্যূনতাই

হউক, এই সকল বিচারে আমার এইক্ষেণে কোন ফল নাই ; আমি আপনার দর্শনেই পরমসুখদায়িনী ইন্দ্রিয়গণের উপরতি প্রাপ্ত হইয়াছি, অতএব হে প্রভো ! এক্ষণে আপনি আগাকে সেই কৰ্ম্মনির্মূলযোগ্য উপদেশ প্রদান করুন ; যাহার প্রসাদে আমি পরম সুখ লাভ করিতে সমর্থ হইব । ১৪৪—১৭০ ।

স্কন্দ কহিলেন, গণেশের আবেশ প্রভাবে রাজার মুখ হইতে নির্গত এই সকল বাক্য শ্রবণ করিয়া, ত্রাঙ্কণবেশধারী নারায়ণ উত্তর করিতে প্রবৃত্ত হইলেন । ১৭১ ।

শ্রীবিষ্ণু কহিলেন, হে নৃপচূড়ামণে ! হে অনঘ ! হে রাজন্ দিবোদাস ! তোমাকে আমি অনন্ত সাধুবাদ প্রদান করিতেছি, কারণ আমি যাহা উপদেশ করিতে প্রবৃত্ত হইয়াছি, তুমি তাহা পূৰ্ব্ব হইতেই নিরূপণ করিতে সমর্থ হইয়াছ । পূৰ্ব্ব হইতেই তুমি নির্বৃত্তি লাভ করিয়াছ, এক্ষণে কেবল আমার সম্মান বৃদ্ধির জন্মই আমার নিকট উপদেশ গ্রহণ করিতে প্রবৃত্ত হইয়াছ । হে মহারাজ ! সূতপত্নী-রূপ সচ্ছ বারি নিবহের দ্বারা তোমার ইন্দ্রিয়পঙ্ক পূৰ্ব্ব হইতেই প্রক্ষালিত হইয়াছে । হে ভূপতে ! তুমি যাহা বলিয়াছ তাহা সকলই মথার্থ, কারণ হে মহামতে ! আমি স্বয়ং তোমার শক্তি ও বিরক্তি উভয়ই অবগত আছি । হে রাজন্ ! তোমার আয় অশ্রু কোন রাজাই পৃথিবীতে প্রাপ্তভূত হইবেন না । রাজ্য কি প্রকারে ভোগ করিতে হয় ইহা একমাত্র তুমিই অবগত আছ । হে রাজন্ ! এইক্ষেণে তোমার যে মোক্ষে মতি হইয়াছে ইহা বড়ই যুক্তিযুক্ত হইয়াছে । দেবগণের সহিত বিরোধ করিয়া তুমি তাহাদের কোন প্রকার অপকার কর নাই ; হে নৃপ ! তোমার রাজ্যে কিস্কিন্দ্রাত্তও অধর্ম্ম প্রবেশ করিতে সমর্থ হয় নাই । তুমি নিজ প্রজাগণকে সর্বদা ধর্ম্মপথে প্রবর্ত্তিত করিয়াছ, হে স্বধর্ম্মজ্ঞ ! সেই প্রবৃত্তিতে প্রজাগণ যে সকল কৰ্ম্মের অনুষ্ঠান করিয়াছে, তাহাতে সমস্ত দেবগণই তৃপ্তি লাভ করিয়াছেন । কিন্তু হে নৃপ ! তুমি যে বিশ্বনাথকে কাশী হইতে দূর করিয়াছ ; ইহাই তোমার একটা দোষ আমার নিকট প্রতিভাত হইতেছে । হে রাজজ্ঞেষ্ঠ ! এই অপরাধটিকে আমি অতি মহান্ বলিয়াই জানিতেছি ; এইক্ষেণে এই অপরাধ নিবন্ধন মহাপাপের শাস্তির জন্ম আমি তোমাকে একটা মহত্তর উপায় নির্দেশ করিয়া দিতেছি । দেহীর শরীরে যতসংখ্যক রোম বিদ্যমান আছে, তাবৎসংখ্যক অপরাধও একটীমাত্র শিবলিঙ্গ প্রতীকায় বিনাশ প্রাপ্ত হয় । এই বারাণসীপুরাতে ভক্তিসহকারে যে ব্যক্তি একটা লিঙ্গ প্রতিষ্ঠা করিয়া থাকে, সেই ব্যক্তি আত্মার সহিত জগৎ প্রতিষ্ঠার ফল লাভ করিতে সমর্থ হয় । কদাচিত্ রত্নাকরস্থিত রত্ন-

নিবহেরও গণনা সম্ভাবিত হইতে পারে, কিন্তু কাশীতে শিবলিঙ্গ প্রতিষ্ঠার পুণ্য-  
রাশিকে কখনও গণিয়া শেষ করা যায় না । এই কারণে তুমি সর্বপ্রকার প্রযত্নের  
সহিত একটি শিবলিঙ্গ প্রতিষ্ঠা কর ; সেই লিঙ্গ প্রতিষ্ঠার ফলে তোমার কৃতকৃত্যতা  
লাভ হইবে । এই কথা বলিয়া ব্রাহ্মণ, ক্ষণকাল নিশ্চলমানসে ধ্যান করত, হস্তের  
দ্বারা রাজা দিবোদাসকে স্পর্শপূর্বক পুনর্ববার বলিতে প্রবৃত্ত হইলেন ।  
১৭২—১৮৪ ।

শ্রীবিষ্ণু কহিলেন, হে প্রাজ্ঞসত্তম ভূমিপতে ! আমি জ্ঞানচক্ষুর দ্বারা আর  
একটি বিষয় অবলোকন করিয়া তোমাকে উপদেশ প্রদান করিতেছি, তুমি অবহিত-  
চিত্তে শ্রবণ কর । ১৮৫ । হে রাজন্ ! তুমি ধাত্ত, তুমি কৃত-কৃত্য এবং তুমি মহাত্মা-  
গণেরও মাননীয় হইলে ; এজগতে প্রাতঃকালে তোমার নাম কীর্তন করিলে জীব-  
গণ শুভফল লাভ করিতে সক্ষম হইবে । হে দিবোদাস ! তোমার আসক্তি-  
প্রযুক্ত আমরাও অত্ন ধাত্তর হইলাম । জগতে তাহারাই ধাত্তম ; যাহারা সর্বদা  
তোমার নাম কীর্তন করিবে ।

বিপ্ররূপধারী নারায়ণ, মুহুমূর্ত্তঃ মন্তকান্দোলনপূর্বক মন্দমন্দ হাস্য করিতে  
করিতে রোমাঞ্চিত-শরীরে আনন্দ-নির্ভয়মানসে এই সকল বাক্যই পুনঃপুনঃ উচ্চারণ  
করিতে লাগিলেন যে, অহো ! রাজা দিবোদাসের কি ভাগ্যোদয়, ইহঁার অন্তঃ-  
করণের কি প্রশংসনীয় নিশ্চলতা, কারণ নিখিল সংসারের একমাত্র ধোয় সেই  
ভগবান্ বিশ্বেশ্বর, সর্বদাই ইহঁাকে ধ্যান করিতেছেন । অহো ! ইহার উত্তরকালীন  
ফল কি বিস্ময়জনক ! যেহেতু আমরা যে বিষয় হইতে অতিদূরে বিত্তমান আছি,  
সেই সকল ঈঙ্গিত বিষয়, ইহঁার অতিশয় আয়ত্ত রহিয়াছে । এই প্রকার আলো-  
চনার পর রাজার বহুবিধ গুণকীর্তনান্তে সেই বিপ্রশ্রেষ্ঠ, সমাধিতে যে সকল বিষয়  
বিলোকন করিয়াছিলেন, তাহা প্রকাশ করিতে প্রবৃত্ত হইলেন । ১৮৬-১৯১ ।

ব্রাহ্মণ কহিলেন, হে রাজন্ ! স্বদীয় মনোরথরূপ মহাব্রহ্মটী অত্ন সফল হইল,  
দেখ এই শরীরেই তুমি পরমপদ লাভ করিতে সমর্থ হইবে । হে রাজন্ ! ভগবান্  
বিশ্বেশ্বর যেমত সর্বদা তোমাকে চিন্তা করিয়া থাকেন, তৎপাদধ্যান-নিরন্তর মাদৃশ  
ব্রাহ্মণগণকেও তিনি সে প্রকারে স্মরণ করেন না । হে নৃপতে ! অত্ন হইতে  
সপ্তম দিবসে, কৃতলিঙ্গ প্রতিষ্ঠা তোমাকে লইয়া যাইবার জন্ত এক দিব্য শাস্ত্রব বিমান  
উপস্থিত হইবে । হে রাজন্ ! কোন্ মহাপুণ্যের ফলে তোমার এ প্রকার ফল-  
লাভ হইল, তাহা তুমিই জান । কিন্তু আমরা বিবেচনা করিতেছি যে, একমাত্র  
কাশীবাসের ফলেই তোমার এই প্রশস্ত ফল লাভ হইতেছে । এই বারাগদীতে




অবাস্থিত একটি মাত্র জনকেও যে ব্যক্তি প্রতিপালন করে, সেই ব্যক্তিও জন্মান্তরে এই প্রকার গতি লাভ করিতে সমর্থ হয়। ১৯২-১৯৬। এই প্রকার বাক্য শ্রবণ করিয়া প্রতাপবান্ রাজর্ষি দিবোদাস, শ্রীতি সহকারে সেই শশিষ্য ব্রাহ্মণকে ষথাভিলষিত বস্তু প্রদান করিলেন। তৎপরে প্রসন্নচিত্ত সেই বিপ্র-শ্রেষ্ঠকে মুহুমূহুঃ প্রণাম পূর্বক রাজা দিবোদাস, হৃষ্টান্তঃকরণে বলিতে লাগিলেন যে, হে ভগবন্! আপনি আমাকে রক্ষা করিলেন। ১৯৭-১৯৮। পরিপূর্ণমনোরথ প্রহর্যক্চেতা ব্রাহ্মণও রাজাকে জিজ্ঞাসা করিয়া স্বীয় অভীষ্টতম দেশে প্রত্যাগমন করিলেন। ১৯৯। মায়া দ্বিজবেশধারী হরি, রাজপুত্রী হইতে নির্গত হইয়া চারিদিকেই পরম রমণীয় বারাগমীপুরীর অনির্বচনীয়তা বিলোকন করিতে করিতে এই প্রকার ভাবিতে লাগিলেন যে, “আমিও এই ক্ষেত্রে এক পরম পবিত্র স্থানে অবস্থান করিয়া, নিজ ভক্তগণকে বিশ্বেশ্বর-রূপায় পরম পবিত্রধামে লইয়া যাইব” এই প্রকার চিন্তা করিয়া ভগবান্ হরি, নিকটে পাঞ্চনদ হ্রদ বিলোকন করত সেই তীর্থে বিশ্রাম পূর্বক তাহার তীরেই সত্বর ভগবান্ বিশ্বেশ্বরের আগমন প্রতীক্ষায় অবস্থান করিতে লাগিলেন এবং রাজা দিবোদাসের বৃত্তান্ত জানাইবার জন্ত গুরুড়কে মহাদেবের নিকট প্রেরণ করিলেন। ২০০-২০৩। রাজেন্দ্র দিবোদাসও দ্বিজবরের বহুতর প্রশংসা করত, আমাতাগণবেষ্টিত মণ্ডলেশ্বর সমূহ, কোষ, অশ্ব ও হস্তী প্রভৃতি অধাঙ্কনিচয়, সর্বজ্যোষ্ঠ পুত্র সমরঞ্জয়ের সহিত পঞ্চশত পুত্র, পুরোহিত, প্রতিহারী, ঋত্বিকসমূহ, গণকব্রাহ্মণগণ, সামন্তনিচয়, রাজপুত্রগণ, পাচকগণ, চিকিৎসকসমূহ, নানাবিধ কার্য্যের জন্ত সমাগত বৈদেশিকগণ, স্ত্রীগণের সহিত স্বীয় মহিষী, বৃদ্ধ গোপালগণ এবং বালকগণ ও বিশিষ্ট প্রজাসমূহকে আহ্বান করিয়া আনন্দিত-চিত্তে করজোড়ে সেই ব্রাহ্মণের কথামুসারে আর সপ্তদিন মাত্র স্বীয় জীবন আছে, ইহা ব্যক্ত করিলেন। প্রকৃতিবর্গ নৃপতির এই বাক্য শুনিয়া অতিশয় আশ্চর্য্যাম্বিত হইল এবং তাহাদের বদন বিষন্ন হইয়া গেল, ইত্যবসরে মহাবুদ্ধি নৃপতি দিবোদাস রাজকুমার সমরঞ্জয়কে রাজভবনে লইয়া গিয়া, তাঁহার সহিত পরামর্শ করত সপরিজনে কাশী হইতে পূর্বদিকে গোমতীতীরে গমন করিলেন এবং তথায় সমরঞ্জয়কে রাজ্যে অভিষিক্ত করিয়া, পুর ও জনপদনিবাসী ব্যক্তিগণকে প্রসন্ন করত পুণ্যদেহে পুনরায় কাশীতে গমন করিলেন। ২০৪-২১০। সেই মেধাবী নৃপতি রিপুঞ্জয়, কাশীতে আগমন করিয়া গঙ্গার পশ্চিমতটে প্রাসাদ নির্মাণ করাইয়া, যুদ্ধক্ষেত্রে শত্রুগণকে মণিত করিয়া যাবদায় অর্থ উপার্জন করিয়াছিলেন; সেই সমুদয় অর্থের দ্বারা একটি শিবালয় প্রস্তুত করাইলেন।

ভূপালের ষাবদীয় সম্পত্তি সেইস্থলে বিনিয়োজিত হইয়াছিল বলিয়া, সেই শুভ স্থান “ভূপালশ্রী” নামে তাহার পর হইতে বিখ্যাত হইয়াছে । রিপুঞ্জয় নৃপতি, তথায় “দিবোদাসের” নামে শিবলিঙ্গ প্রতিষ্ঠা করিয়া আপনাকে কৃত-কৃত্য বোধ করিলেন । ২১১-২১৪ ।

অনন্তর একদিবস নৃপতি, বিধিপূর্বক সেই লিঙ্গের পূজা করত নমস্কার করিয়া ভূষ্টিপ্রদ দেবের স্তব পাঠ সমাপন করিয়াছেন ; এমত সময়ে গগনাজ্ঞ হইতে একখানি দিব্য বান বেগে তথায় আসিয়া উপস্থিত হইল । সেই বান, শূল ও খটাঙ্গপাণি পার্শ্বদ সমূহে পরিপূর্ণ । ২১৫-২১৬ । সেই সমস্ত শিব-পার্শ্বদেব ললাটস্থ নেত্রসমূহ হইতে আদিত্য ও অনল অপেক্ষা অধিক তেজঃ বিনির্গত হইতেছে । তাঁহাদের মস্তকে জটাভার, বিশুদ্ধ স্ফটিকের ত্রায় দীপ্তিশালী তাঁহাদের অঙ্গনিচয়ের প্রভায় গগন-প্রাঙ্গণ দীপ্তিমান হইয়াছে । বিভূতি ও সর্পফণাশ্চিৎ রত্ননিচয়ের জ্যোতিতে তাঁহাদের শরীর জ্যোতির্ময় হইয়াছে । সতত প্রকাশভয়ে ভীত তমোরশি, তাঁহাদের গ্রীবানিচয়েকে আশ্রয় করিয়াছে ( অর্থাৎ তাঁহাদের কণ্ঠদেশ নীলবর্ণ ) । শত শত রুদ্র-কন্যাগণ সেই বানের চতুর্দিকে দণ্ডায়মান হইয়া চামর-ব্যঞ্জন করিতেছে । অনন্তর পারিষদগণ, হৃষ্টচিত্তে দিব্য-মাল্য-গন্ধ-ভুকূল ও দিব্য অলঙ্কার দ্বারা নৃপতিকে ভূষিত করিলেন ; তখন সেই নৃপতির ভালদেশ তৃতীয় লোচনের দ্বারা বিভূষিত হইল, কণ্ঠদেশে নীলিমা প্রকাশিত হইল, সমস্ত শরীর স্ফটিকের ত্রায় শুভ্র আভা বিস্তার করিতে লাগিল, মস্তকে জটাভার লম্বিত হইল, ভূজচতুষ্টয় শরীরের শোভা সম্বৰ্দ্ধন করিল এবং তাহাতে সর্প সমূহ অলঙ্কারের স্থান অধিকার করিল, এবং ললাটে অর্দ্ধচন্দ্র সমুদিত হইয়া, সেই নৃপতিকে অপূর্ব শোভায় বিভূষিত করিল । শিব-পারিষদগণ, তাঁহাকে সেই বানে আরোহণ করাইয়া স্বর্গপ্রদেশে লইয়া গেলেন । ২১৭-২২২ । তদবধি সেই তীর্থ “ভূপালশ্রী” নামে বিখ্যাত হইয়াছে । সেই তীর্থে আত্মাদি ক্রিয়া, যথাক্রমে দান, ভক্তি সহকারে দিবোদাসেশ্বরের দর্শন ও তাঁহার পূজা এবং সেই নৃপতির আখ্যায়িকা শ্রবণ করিলে, মানব আর জননীগর্ভে প্রবেশ করে না । ১২৩-১২৪ । দিবোদাস নৃপতির এই পবিত্র আখ্যান পাঠ করিলে বা অশ্রুর দ্বারা পাঠ করাইলেও মানব পাপ হইতে মুক্তি লাভ করিয়া থাকে । যে ব্যক্তি দিবোদাস-নৃপতির এই শুভ আখ্যান শ্রবণ করিয়া সমরমধ্যে প্রবেশ করে, তাহার কখন শত্রু হইতে কোনরূপ ভীতি উৎপন্ন হয় না । দিবোদাস নৃপতির এই পবিত্র কথা, মহান্ উৎপাত সমূহকে নিবারণ করিয়া থাকে ; এই জন্ত সর্বপ্রকার, বিঘ্ন সমূহের

উপশাস্তির নিমিত্ত যত্নসহকারে ইহা পাঠ করা উচিত । যে স্থানে দিবোদাস নৃপতির পবিত্র ও সর্বপাপবিনাশিনী কথার প্রসঙ্গ হয়, তথায় অনাবৃষ্টি কিম্বা অকালমৃত্যুজন্ম কোন ভয় উপস্থিত হয় না । এই আখ্যান পাঠ করিলে বিষ্ণুর স্থায় শিবভক্তগণেরও মনোরথনিচয় পরিপূর্ণ হইয়া থাকে । ২২৫-২২৯ ।

## একোনষষ্টিতম অধ্যায় ।



পঞ্চনদোৎপত্তি কথন ।

অগস্ত্য কহিলেন, হে সর্বস্বত্ব হৃদয়ানন্দ ! হে গৌরীচুম্বিতমূৰ্দ্ধজ ! হে তারকা-  
স্তক ! হে ষড়্ বক্তৃ । হে সর্বজ্ঞাননিধে ! আপনি ত্রাণকর্তা । আপনিই লোক-  
সমূহের হিতকারী । আপনিই সর্বপ্রকার কন্দর্পকে জয় করত “কুমার” নামের  
সার্থকতা করিয়া জগতে মহত্ব বিস্তার করিয়াছেন ; অতএব হে মহাত্মন ! সর্বজ্ঞ-  
তনয় ! আপনাকে নমস্কার । ১-২ । কামের অধীন হইয়া মহাদেবকে অর্দ্ধনারীশ্বর  
মূর্ত্তি পরিগ্রহ করিতে দেখিয়া, যিনি কুমার হইয়াও কন্দর্পকে পরাজিত করিয়াছেন,  
সেই আপনাকে নমস্কার । হে স্বন্দ ! আপনি বলিলেন যে, ভগবান্ বিষ্ণু  
মায়াবলে ত্র্যক্ষণমূর্ত্তি ধারণ করিয়া কাশীতে অতি পবিত্র পঞ্চনদ-তীরে অবস্থিতি  
করিয়াছিলেন ; ভূলোক, ভুবলোক ও স্বলোকের মধ্যে কাশীই পরম পবিত্র তীর্থ,  
সেই কাশীতেও ভগবান্ বিষ্ণু, পঞ্চনদকে পরম পবিত্র তীর্থ বলিয়া জানিয়াছিলেন ।  
হে যম্মুখ ! সেই পঞ্চনদ-তীর্থ কোথা হইতে সম্ভূত হইয়াছিল ? কি নিবন্ধনই বা  
তাহা সমস্ত তীর্থ হইতে পরম পবিত্র ? এবং সমস্ত জগতের অন্তরাত্মা, সমস্ত  
জগতের কর্তা, পাতা ও হর্তা, নীরূপ অথচ রূপবান্, অব্যক্ত অথচ পূর্ণব্যক্ত,  
নিরাকার অথচ সাকার, প্রপঞ্চরহিত অথচ প্রপঞ্চস্বরূপ, অজন্মা অথচ অনেক  
জন্মশালী, নামরহিত অথচ স্ফুটনামধারী, নিরালম্ব অথচ নিখিল পদার্থের আলম্বন,  
নিগুণ অথচ গুণাশ্রয়, ইন্দ্রিয়শূণ্য অথচ ইন্দ্রিয়েশ্বর, পাদহীন অথচ সর্বত্রগ,  
সেই ভগবান্ সর্বব্যাপী জনার্দন, স্বকীয় রূপের উপসংহার করত, সর্বাত্মভাবে  
সেই পঞ্চনদ নামক তীর্থে অবস্থান করিতেছেন ? হে ষড়ানন ! আপনি মহাদেবের  
মুখ হইতে এ বিষয়ে বাহ্য শ্রবণ করিয়াছেন, তাহা আমার নিকট যথাযথরূপে  
কীৰ্ত্তন করুন । ৩-১১ ।

স্বন্দ্র কহিলেন, হে অগস্ত্য ! ভগবান্ মহেশ্বরকে নমস্কার পূর্বক সর্বপাপ-  
 বিনাশিনী ও সর্বপ্রকার মঙ্গলদায়িনী পঞ্চনদ-তীর্থবিষয়িনী কথা তোমার নিকট  
 কীর্তন করিতেছি, তুমি অবহিত-চিত্তে শ্রবণ কর। যে প্রকারে এই পঞ্চনদ-  
 তীর্থ, কাশীতে বিখ্যাতি লাভ করিয়াছে ও ইহার নাম গ্রহণ করিলে পাপ সকলই  
 বা কেন বিদূরিত হয়, তাগাই এই কথাতে বর্ণিত হইতেছে। তীর্থরাজ প্রয়াগ,  
 সাক্ষাৎ এই পরম পবিত্র পঞ্চনদ-তীর্থে স্বয়ং অবস্থান করিয়া থাকেন; জগতে  
 যত তীর্থ বিদ্যমান আছে, তাহারা সকলেই তীর্থরাজ প্রয়াগের বলেই নিজ-  
 তেজোঘারা অবগাহনাদিকারী জীবগণের পাপসমূহ বিনাশ করিতে সমর্থ হয়;  
 কারণ সকল তীর্থগণই প্রতিবৎসর মাঘমাসে মকরস্ব রবিতে, তীর্থরাজ প্রয়াগে  
 আগমন পূর্বক নিজ নিজ বর্ষমণ্ডিত মালিণ্য পরিহার করত বিশুদ্ধ হইয়া প্রাপ্ত হয়;  
 তীর্থরাজ প্রয়াগও সেই তীর্থগণ-পরিত্যক্ত মলসমূহকে পঞ্চনদ-তীর্থেই হরণ  
 করিতে সমর্থ হয়। তীর্থশ্রেষ্ঠ প্রয়াগ, একবর্ষ ব্যাপিয়া জীবগণ-প্রক্ষিপ্ত  
 যে পাপরাশি সঞ্চয় করিয়া থাকে, কার্তিকমাসে পঞ্চনদ-তীর্থে একবার মাত্র  
 মজ্জন করিয়া সেই সকল পাপ হইতে সে মুক্তিলাভ করিতে পারে। ১২-১৭।  
 হে মিত্রাবরুণনন্দন অগস্ত্য ! যেভাবে এই পঞ্চনদ-তীর্থে উৎপত্তি হইয়াছে,  
 আমি তাহা কীর্তন করিতেছি তুমি অবধানপর হও। পূর্বকালে ভৃগুবংশে  
 মুর্ত্তিমান দ্বিতীয় বেদের স্রায় সর্বজ্ঞানের আধার, বেদশিরা নামক একজন মহাত্মা  
 ব্রাহ্মণ প্রাদুভূত হন। সেই বেদশিরা নামক মহর্ষি, স্বায় উগ্র তপস্বীকালেই  
 কোন একদিন রূপলাবণ্যবতী শুচিনাম্নী অম্বরশ্রেষ্ঠাকে দেখিতে পাইলেন, সেই  
 পরমরূপবতী শুচিকে বিলোকন করিয়াই মুনির হৃদয় ঢঞ্চল হইল; এবং অতর্কিত-  
 ভাবে তাঁহার রেতঃ স্ফলিত হইল। ঋষি বেদশিরার এবম্বিধ ভাব বিলোকন করত  
 শাপভয়ে অতি কম্পিতাঙ্গী শুচি, দূর হইতেই নমস্কার পূর্বক তাঁহাকে কহিল যে,  
 হে মহোগ্রতপোনিধে ! এখানে আমি স্বল্পমাত্রও অপরাধ করি নাই, তথাপি  
 আমার, অজ্ঞাতসারে যদি কোন অপরাধ হইয়া থাকে, আপনি তাহা ক্ষমা করিবেন,  
 হে ক্ষমাধার ! তপস্বীগণ সাক্ষাৎ ক্ষমাস্বরূপ। হে সন্তম ! মুনিগণের মানস,  
 পদ্মগর্ভ হইতেও সুকোমল, কিন্তু স্ত্রীগণের হৃদয় স্বভাবতঃই কঠোর হইয়া  
 থাকে। ১৮-২৪। অম্বরী শুচির এই প্রকার বিনয়সম্পন্ন বাক্য শ্রবণ পূর্বক  
 মুনি বেদশিরা, বিবেকরূপ সেতুর দ্বারা ক্রোধনদীর বেগ প্রতিরোধ করত, প্রসন্ন-  
 চিত্তে কহিলেন যে, হে শুচি ! তোমার “শুচি” এই নামটী ষথার্থই বটে, এম্বলে  
 আমার বা তোমার অল্পমাত্রও ঘোষ বিদ্যমান নাই। হে সুন্দরি ! স্ত্রী অগ্নিস্বরূপা

ও পুরুষ নবনোততুল্য ; এই সকল কথা মুঢ়বুদ্ধিগণই বলিয়া থাকে, বাস্তবিক বিচার পূর্বক দেখিলে এই বাক্যের বিষম ব্যভিচার দৃষ্ট হইয়া থাকে । এই দেখ, নবনোত অগ্নির সংস্পর্শলাভেই স্নেহরূপ ধারণ করিয়া থাকে, কিন্তু পুরুষগণ দূর হইতেই দ্বীকরূপ বিলোকন করিয়াই স্নেহযুক্ত হইয়া থাকে ; সে যাহা হউক, হে শুচি-হৃদয়স্থিতে শুচে ! তুমি ভীত হইও না, তুমি অতর্কিত অবস্থাতেই এখানে আসিয়াছ, আমিও তাদৃশভাবে প্রস্থানিত হইয়াছি । অকামপ্রযুক্ত রেতঃস্থানে তাপসগণের তাদৃশ হানি হয় না ; যেমত মোহকারী শত্রুবিষয়ক ক্রোধ হইতে হানি হয়, অতি ক্লেশের দ্বারা যে তপস্তা অর্জজন করা যায়, তাহাও কোপ-বেগে ক্ষয় প্রাপ্ত হয় ; ইহাতে দৃষ্টান্ত এই যে, যেমন আকাশে মেঘসম্পর্কে সূর্য্য ও চন্দ্রের প্রকাশ ক্ষয়প্রাপ্ত হয়, সেই প্রকার । অনর্থকারী কোপ হইতে সদর্থসিদ্ধির সম্ভাবনা কোথায় ? আর খলজনের বুদ্ধিতে সাধুগণের বুদ্ধিই কি প্রকারে সম্ভাবিত হইতে পারে ? ক্রোধ যে সময় হৃদয়কে আক্রমণ করে, সে সময় কামের উৎপত্তি কি প্রকারে হইতে পারে ? চন্দ্রমা, রাহুচর্চক গ্রন্থ হইলে কোমুদীর অস্তিত্ব কি প্রকারে সম্ভবে ? যখন ক্রোধরূপ দাবানল প্রজ্বলিত হয়, সেই সময় শাস্তি-তরুর স্থিতি কিরূপে সম্ভাবিত হইতে পারে ? ইহা কি কেহ কখনও দেখিতে পারিয়াছে যে, সিংহের সকাশে করিশাবক স্তম্ভচিহ্নে বিচরণ করিতেছে ? এই সকল বিষয় বিবেচনা করত পণ্ডিতগণ ধর্ম্ম, অর্থ, কাম ও মোক্ষের অধিতীয় প্রতিরোধক ক্রোধকে সর্বপ্রকার প্রযত্নের সহিত পরিহার করিবেন । এক্ষণে হে কল্যাণি ! তোমাকে একটা কথা বলিতেছি তাহাতে অবধানপরা হও এবং এই বাক্যের অনুসারে তোমার অনুষ্ঠান করিতে হইবে । ইহা তুমি নিশ্চয়ই জান যে, আমাদের বীৰ্য্য অমোঘ ; এই কারণে আমার আদেশে তুমি এই বীৰ্য্য গ্রহণ কর, তোমার দর্শনে স্থলিত এই বীৰ্য্য, তোমার জঠরে ধৃত হইলে পর যথাকালে তোমার একটা মহাপবিত্রা কণ্ঠারত্ন প্রসূতা হইবে । ২৫-৩৭ । ঋষির এই প্রকার বাক্য শ্রবণে সেই অঙ্গরা যেন পুনর্জীবন লাভ করিয়া “ইহা আমার প্রতি আপনার মহান্ অনুগ্রহ” এই কথা বলিতে বলিতে প্রসন্নচিত্তে সেই মুনির স্থলিত বীৰ্য্য জঠরে ধারণ করিল । ৩৮ । অনন্তর নির্দিষ্ট কাল অতিবাহিত হইলে সেই দিব্যাজমা শুচি, অতীব নয়নানন্দদায়িনী রূপসম্পদের নিধিস্বরূপা একটা কণ্ঠারত্ন প্রসব করিল । ৩৯ । প্রসবানন্তর সেই কণ্ঠারত্নকে ঋষি বেদ-শিরার আশ্রমেই রাখিয়া অঙ্গরঃশ্রেষ্ঠা শুচি, নিজ অভিলষিত স্থানে প্রতিগমন করিল । ৪০ ।

ঋষি বেদশিরা, আশ্রমস্থিত হরিণীর স্তম্ভ দুয়ের দ্বারা সেই হরিণীক্ষণা কন্যাকে পরিপোষণ করিতে লাগিলেন । অনন্তর যথাকালে মুনি সেই কন্যার “ধৃতপাপা” এই সার্থক নামকরণ করিলেন ; বাস্তবিকও সেই কন্যার নাম স্মরণ করিবারাত্রই সর্ববিধ পাপ দূরে পলায়ন করে । ৪১-৫২ । ক্রমে তিনি সেই সর্বলক্ষণসম্পন্ন সর্বাপহৃৎসুন্দরী কন্যার প্রতি এতই স্নিগ্ধহৃদয় হইলেন যে, ক্ষণমাত্রও তাহাকে নিজ অঙ্গদেশ হইতে অবতারণিত করিতেন না । ৪৩ । রাত্রিতে বর্ধমানা চান্দ্রমসী-কলা বিলোকনে ক্ষীরসমুদ্র যেরূপ স্ফীত-হৃদয় হয়, সেইরূপ সেই পরম রমণীয় উপটায়-মানাঙ্গী কন্যারত্নকে বিলোকন করিয়া, সেই মূনির হৃদয় ও অপরিমিত আনন্দে স্ফীত হইতে লাগিল । ৪৪ । অনন্তর ধৃতপাপা যখন অষ্টমবর্ষীয়া হইয়াছেন, সেই সময় কোন দিন মুনীশ্বর বেদশিরা, “এই কন্যারত্নটী কোন যোগ্য পাত্রের অর্পণ করিব” এই প্রকার চিন্তা করিতে করিতে অবশেষ ধৃতপাপাকেই জিজ্ঞাসা করিতে প্রবৃত্ত হইলেন । ৪৫ ।

বেদশিরা কহিলেন, অয়ি মহাভাগে পুত্রি ধৃতপাপে ! আমি কোন্ বরের সহিত তোমার বিবাহ দিব ? তুমি নিজেই স্থায় অভিলষিত বরের নাম কর । ৪৬ । অতি স্নেহাৰ্দ্ধহৃদয় জনকের এতস্বিধ বাক্য শ্রবণ করত বিনতবদনা ধৃতপাপা এই প্রকারে প্রত্যুত্তর করিতে উচ্চত হইলেন । ৪৭ । ধৃতপাপা কহিলেন, হে পিতঃ ! যদি সুন্দর বরে আমাকে প্রদান করিতে আপনার বাস্তবিক ইচ্ছা হইয়া থাকে, তবে আমি যাঁহার কথা বলিতেছি তাঁহার সহিতই আমার বিবাহ দিন । ৪৮ । হে তাত ! আমি যে কথা বলিব তাহা আপনারও বিলক্ষণ রুচিকর হইবে, অতএব আপনি অবহিত হৃদয়ে আমার বাক্য শ্রবণ করুন । হে পিতঃ ! যিনি সকল পদার্থ হইতে পবিত্র, সকলে যাঁহাকে নমস্কার করে, সকল লোকেই যাঁহাকে প্রার্থনা করে, যাঁহার প্রসাদেই সকলে সুখ ভোগ করিতে সমর্থ হয়, কোন কালেই যাঁহার বিনাশ নাই, যিনি সর্ববিদাই বর্ধমান আছেন, বর্ধমান ও ভবিষ্যৎকালে যে ব্যক্তি, সকল প্রকার বিপদ হইতে এই ধরিত্রীকে রক্ষা করিয়া থাকেন, যাঁহার রূপায় সকল প্রকার মনো-ব্রথই সিদ্ধিলাভ করিতে সমর্থ হয়, যাঁহার সন্নিধানে থাকিলে প্রতিদিনই সৌভাগ্য বৃদ্ধি পাইয়া থাকে, নিরন্তর যাঁহার সেবা করিলে জীবের আর কোন ভয় থাকে না, যাঁহার নাম গ্রহণমাত্রই সকল বাধা দূর হয়, যাঁহাকে অবলম্বন করিয়া চতুর্দশ ভুবন অবস্থিতি করিতেছে, এই প্রকারে অনন্ত গুণের একমাত্রই যিনি আশ্রয়ভূত ; সেই বরকেই আমি নিজের পত্নীরূপে প্রার্থনা করি । আপনি নিজের ও আমার অনুপম সুখের জন্ত সেই বরের হস্তে আমাকে প্রদান করুন । ৪৯—৫৪ ।

কন্ঠার এবম্বিধ বাক্য শ্রবণ করিয়া পিতা বেদশিরা, বিপুল আনন্দ লাভ করত মনে মনে এই প্রকার চিন্তা করিতে লাগিলেন যে, “অহো! আমি ধন্য, আমার পূর্বপুরুষগণও ধন্য, কারণ তাঁহাদের কুলে ধৃতপাপা জন্মগ্রহণ করিয়াছে; ইহার ধৃতপাপা এই নামটী সার্থক বটে, তাগতে আমার কোন সন্দেহ নাই; নহিলে ইহার এ প্রকার ধ্রুব মতি হইবে কেন? কিন্তু এইক্ষেণে দেখা উচিত যে, এই সকল গুণগণ নিশ্চিত কোন পুরুষ বর্তমান আছেন; যিনি বাস্তবিক এই সকল গুণে সমলঙ্কৃত, পুণ্যাতিশয় ব্যতিরেকে তাঁহাকে লাভ করিতে পারে একরূপ সামর্থ্য কাহার আছে?” এই প্রকারে সমাহিত হৃদয়ে ধ্যান করত মুনিশ্রেষ্ঠ বেদশিরা, জ্ঞানচক্ষে কন্ঠার অভিলষিত বর বিলোকন করিয়া সেই ধন্য স্ত্রীভাগিনী কন্ঠাকে সম্বোধন-পূর্বক এই প্রকার প্রত্যুত্তর করিতে প্রবৃত্ত হইলেন। ৫৫-৫৮। পিতা কহিলেন, অয়ি বিচক্ষণে! তুমি যে সকল গুণ কীর্তন করিলে, এই সকল গুণের আধার বর একজন বিদ্যমান আছেন বটে ইহা স্থিরনিশ্চয়, কিন্তু সেই স্ত্রীভাগিনী বর, অনায়াস-লাভ্য নহেন; স্ত্রীতীর্থরূপ কোন বিপণিতে গিয়া স্ত্রীতপোরূপ পণ দ্বারা সেই বররূপ পণ্য স্রবাটিকে ক্রয় করিতে হইবে। ৫৯-৬০। তুমি ষাট্শ বরের প্রার্থনা করিতেছ; অনন্ত অর্থ, উৎকৃষ্ট কুল, বেদশাস্ত্রাধ্যয়ন, ঐশ্বর্য্য, বল, সুন্দর শরীর, অপ্রতিহত বুদ্ধি বা অপরিমিত পরাক্রম দ্বারা তাঁহাকে লাভ করা যায় না, কেবল মনঃশুদ্ধি ও মহা তপস্যায়ুক্ত দান, দম ও দয়াযুক্ত ইন্দ্রিয়জয়ের দ্বারাই সেই মহা-পুরুষকে লাভ করিতে পারা যায়, ইহা ভিন্ন এ জগতে এমন কোন উপায়ই বর্তমান নাই; যাহা দ্বারা তাট্শ লোকোত্তর পতি লাভ করিতে পারা যায়। ৬১-৬৩। এবম্বিধ বাক্য শ্রবণান্তে কন্ঠা ধৃতপাপা, পিতাকে ভক্তিভরে প্রণাম করত বিহিত নিশ্চয় সহকারে তপস্যার নিমিত্ত তদীয় অনুজ্ঞা যাক্ক্ষা করিলেন। ৬৪।

স্কন্দ কহিলেন, হে কুস্তযোনে! ধৃতপাপা, পিতার অনুজ্ঞা গ্রহণ করত সেই পরম পবিত্র অবিমুক্তক্ষেত্রে তপসিগণের অতি দুঃসাধ্য তপস্যা করিতে আরম্ভ করিলেন। অহো! সেই কোমলাঙ্গী বালিকাই বা কোথায়? আর কঠোর-শরীর সাধ্য অতি দুশ্চর সেই তপস্বাই বা কোথায়? হে অগস্ত্য! সেই বালিকার চিন্তের ধৈর্য্য কি অলৌকিক! তাহা বিবেচনা করিয়া দেখ। ৬৫ ৬৬। যখন প্রবল-বেগে বাত্যা বহিত ও তাহার সহিত মুহুমূর্ত্তি বিদ্যুৎপ্রভা প্রদীপিত অগণিত ধরাধর, অবিরত সম্পাতে বারিবর্ষণ করিত, সেই ভয়ঙ্কর সময়ে একাকিনী সেই বালিকা, অনন্তহৃদয়ে সমাধিপার অবস্থায় কত নিশাযাপন করিতেন তাহার ইয়ত্তা কে করিবে? অতি ভয়জনক মেঘধ্বনি শ্রবণে ও দিগন্তব্যাপিনী সৌদামিনীর দৃষ্টি

প্রতিঘাতী ভীতিকর বিকাশ দর্শনে এবং নিরবচ্ছিন্নধারা বর্ষার ভীম আঘাতে, সেই বালিকার হৃদয় অণুমাত্রও বিচলিত হইত না। অতি অন্ধকার রাত্রিতে মধ্যে মধ্যে বিকাশমানা সৌদামিনী, যেন তাঁহার তপস্বী-সৈরী পরীক্ষা করিবার জন্তই গগনমার্গে গতয়াত করিত। প্রচণ্ড নিদাঘকালে অনল সদৃশ সূর্য্যাতপের মধ্যবর্তিনী ধূতপাপা যেন পঞ্চাশির মধ্যে অবস্থান করিয়া তপস্বী করিতেন; সেই সময় ভীত তৃষ্ণা উপস্থিত হইলে তিনি স্বল্পমাত্রও জল পান করিতেন না। হেমন্তকালের দীর্ঘ রাত্রিসমূহেও তিনি রোমাঞ্চ-কণ্টকিত-কম্পমান শরীরে অবিকম্পিত হৃদয়ে তপস্বী নিরত থাকিতেন। শিশিরসময়ে রাত্রিকালে সরোবর মধ্যে সর্বাত্ম নিমগ্ন করিয়া মুখমাত্র নির্গত করত যে সময় একাগ্রচিত্তে তিনি তপস্বানিরতা থাকিতেন; তৎকালে তাঁহাকে বিলোকন করিয়া সারসগণ, মনে মনে ভাবিত, এই সরোবর মধ্যে এ নূতন পদ্মিনী কোথা হইতে আসিল। যে বসন্তকাল উপাগত হইলে অতি ধৈর্য্যশালী ব্যক্তিগণেরও চিত্ত বিষয়ে আসক্ত হইয়া পড়ে; সেই উন্মাদকর কালে ধূতপাপার চিত্ত সম্পূর্ণভাবে বিষয় হইতে পরাঙ্মুখতা অবলম্বন করিতে সমর্থ হইল। বসন্তকালে একাকিনী তরুণবয়স্কা ধূতপাপা, তপোবনে অবস্থান সময়েও কোকিল-কুলের মনোহর ধ্বনি শ্রবণ করিয়াও স্বকীয় হৃদয়কে চঞ্চল হইতে দিতেন না। শরৎকালে তপোনিরতা ধূতপাপা, বিকশিত বন্ধুজীব কুসুমনিকরে অধররাগ ও কলহংসকূলে নিজ কমনীয় গতি, গচ্ছিত দ্রব্যস্বরূপে বিস্থাপন করত একাগ্রহৃদয়ে সেই অভীষ্ট পুরুষের ধ্যাননিরতা থাকিতেন। ক্রমে তপস্বিনী ধূতপাপা সর্বপ্রকার ভোগসম্পর্ক পরিত্যাগ পূর্বক ক্ষুধা, তৃষ্ণা প্রভৃতির উদ্বোধ পরিহার করিবার জন্ত সর্পগণের বৃত্তি-(বাসু-আহার) মাত্র অবলম্বন করিলেন। শাণপ্রস্তরে ঘর্ষণ দ্বারা ক্ষীণ হইলেও মণি স্বেরূপ পূর্ব হইতে অধিক উজ্জ্বলতা ধারণ করে; সেই তপঃক্লেশ তদীয় শরীরও দিন দিন অধিকতর অনির্বচনীয় দিব্যকান্তি পরিপোষণ করিতে লাগিল। ৬৭-৭৮।

এবম্প্রকার দুষ্চর তপস্বানিরতা বিশুদ্ধহৃদয়া সেই বালিকে বিলোকন করিয়া বিধাতা, দয়াদ্র-হৃদয়ে নিকটে আগমন করত কহিলেন যে, অয়ি সূপ্রজ্ঞে! আমি প্রসন্ন হইয়াছি, তুমি বর প্রার্থনা কর। ৭৯। প্রসন্নহৃদয়া ধূতপাপা, হংসঘানো-পরিস্থিত চতুরাননকে বিলোকন করিয়া করবয়ে অঞ্জলি বন্ধ করত এই প্রকারে প্রতুষ্টর প্রদানে প্রবৃত্তা হইলেন। ৮০।

ধূতপাপা কহিলেন, হে বরপ্রদ পিতামহ! যদি আমাকে অভীষ্ট বর প্রদানার্থ আপনার প্রবৃত্তি হইয়া থাকে, তবে আমাকে এই বর প্রদান করুন; বাহাতে আমি



ষাবদীয় পদার্থ হইতে অধিক পবিত্রতা লাভ করিতে পারি । ৮১ । বিধাতা, পবিত্র হৃদয়া ধূতপাপার এবস্থিধ অতি বিশুদ্ধ অতিপ্রায় অবগত হইয়া পরিতুষ্ট হৃদয়ে তাহাকে স্বীয় অভিলাষ ব্যস্ত করিতে প্রবৃত্ত হইলেন । ৮২ । বিধাতা কহিলেন, অয়ি ধূতপাপে ! এ সংসারে যত কিছু পবিত্র বস্তু আছে ; আমার বর প্রভাবে তুমি সেই সকল বস্তু হইতে সমধিক পবিত্রতা লাভ করিতে সমর্থ হও । ৮৩ । হে কণ্ঠকে ! এই সংসারে, স্বর্গে, মর্ত্যে ও অন্তরীক্ষে উত্তরোত্তর পবিত্র সাক্ষিত্রিকোটি তীর্থ বিद्यমান আছে, সেই সকল তীর্থই তোমার শরীরস্থ প্রত্যেক লোমে আমার আজ্ঞায় অচ্ছ হইতে অবস্থিতি করিবে । অচ্ছ হইতে তুমি সংসারে সকল বস্তু হইতে অধিক পাবনী বলিয়া বিখ্যাত হইবে । ৮৪-৮৫ । এই প্রকার বর প্রদানান্তে ব্রহ্মা অন্তর্হিত হইলে পর, বিগতকল্মষা সেই বালা ধূতপাপা, নিজ পিতার কুটীরে প্রতিগমন করিলেন । ৮৬ ।

অনন্তর এক দিবস ধূতপাপা, স্বীয় পিতার কুটীর-প্রাঙ্গণে ক্রীড়া করিতেছেন দেখিয়া, তদীয় তপশ্চায় আকৃষ্ট হইয়া ধর্ম্ম তাঁহাকে বিবাহার্থে প্রার্থনা করিতে লাগিলেন । ধর্ম্ম কহিলেন, অয়ি বিপুলনিতম্বে বিশালাক্ষি ! হে কৃশোদরি ! অয়ি শুভাননে ভদ্রে ! আমি তোমার রূপ-সম্পত্তি বিলোকনে হৃতহৃদয় হইয়াছি, তুমি আমার বাসনা চরিতার্থ কর, অয়ি স্নুলোচনে ! তোমার লাভাশায় কাম আমাকে অতিশয় গীড়া প্রদান করিতেছে, আমি একমাত্র তোমারই দাস, ইহা জানিয়া আমার প্রার্থনা পূরণ কর ।

অজ্ঞাতনামা পরপুরুষ কর্তৃক নির্জ্ঞানে বারম্বার এইরূপ নির্লজ্জভাবে প্রার্থিত হইয়া স্নুলোচনা ধূতপাপা উত্তর করিলেন যে, অয়ি দুর্ম্মতে ! আমি স্বাধীনা নহি, আমাকে পাত্রে দান করিতে একমাত্র প্রভুতা আমার পিতার আছে, অতএব তুমি গিয়া তাঁহার নিকট প্রার্থনা কর । চিরদিন হইতে ইহা শুনা যাইতেছে যে, কণ্ঠাদান করিবার সামর্থ্য একমাত্র পিতারই আছে । ৮৭-৯০ । ধূতপাপার এবস্থিধ বাক্য শ্রবণে ধর্ম্ম, বিগতধৈর্য্য হইয়াও সেই ধৈর্য্যশালিনী কণ্ঠার নিকট নির্বন্ধাতিশয় প্রকাশ করিতে লাগিলেন ; অবশ্যস্কাবি গুরুতর অর্থের সামর্থ্যেই ধর্ম্মেরও তৎকালে এতাদৃশ মতি হইয়াছিল । ৯১ ।

ধর্ম্ম কহিলেন, হে স্নন্দরি ! আমি তোমার পিতার নিকট প্রার্থনা করিতে পারিব না, অয়ি স্নভগে ! গান্ধর্ব-বিবাহ দ্বারা তুমি মদীয় মনোরথ সফল কর, ইহাই আমার প্রার্থনা । ৯২ । পিতার কণ্ঠাদানজ্ঞা পুণ্যদানে অতিশয় আগ্রহপরা কুমারী ধূতপাপা পুনর্ব্বার ব্রাহ্মণরূপী সেই ধর্ম্মকে কহিলেন যে, অহে জড়মতে ! তুমি

আমার পিতার নিকট যাইতে হয় যাও, নহিলে আমার নিকট আর এবস্থিধ বাক্য ব্যয় কদাচিত্ করিও না। ধৃতপাপার এই প্রকার নিষেধবাক্য শ্রবণ করিয়াও কামাতুর ধর্ম্ম অতি নির্বিক্রম সহকারে পুনর্ব্বার প্রার্থনা করিতে প্রবৃত্ত হইলেন। ৯৫-৯৮। ধর্ম্মের বারম্বার এই প্রকার অবিনয় বাক্য শ্রবণে নিজ তপোবলের প্রভাবে বাল্য ধৃতপাপা, তাঁহাকে এইরূপ শাপ প্রদান করিলেন যে :—অরে জড়মতে ! তুমি নিতাস্তই জড়স্বভাব, অতএব এই জাদ্যদোষপ্রযুক্ত তুমি অচ্ছ হইতে জলাধার নদরূপে পরিণত হও। ৯৫। এই প্রকার শাপ শ্রবণে ধর্ম্মও অতি ক্রোধ সহকারে ধৃতপাপাকে শাপ প্রদান করিলেন যে :—অয়ি কঠোরহৃদয়ে দুর্ম্মতে ! তুমিও অচ্ছ হইতে শিলারূপে পরিণত হও। ৯৬।

স্কন্দ কহিলেন, হে মুনে ! পরম্পরের এবস্থিধ শাপ-প্রভাবে ধর্ম্ম, সেই অবিমুক্ত মহাক্ষেত্রে “ধর্ম্মনদ” নামে বিখ্যাত নদরূপে পরিণত হইলেন। ৯৭। এদিকে ব্রহ্মা ধৃতপাপাও পিতার নিকট গমন পূর্ব্বক নিজ শাপের বিষয় উল্লেখ করিলে পর, ঋষি বেদশিরা, ধ্যানযোগে সকল তত্ত্ব অবগত হইয়া কহ্যাকে কহিলেন যে, অয়ি পুত্রি ! তুমি ভীতা হইও না, আমি তোমার শুভোদয় করিতেছি, কিন্তু সেই ধর্ম্মের শাপও অশুখা হইবার নহে। অতএব তুমি অচ্ছ কোন প্রস্তর না হইয়া চন্দ্রকান্ত-শিলারূপে পরিণত হও। চন্দ্র উদিত হইলে তোমার শরীর জ্বলীভূত হইয়া জলরূপে পরিণত হইবে, অনন্তর তুমি নদীরূপ ধারণ করিয়া জগতে “ধৃতপাপা” এই নামে বিখ্যাতি লাভ করিবে। ৯৮-১০০। অয়ি কহ্যকে ! তুমি যাহাকে শাপ প্রদান করিয়াছ, তিনি সাক্ষাৎ ধর্ম্ম, তোমার শাপপ্রভাবে নদরূপে পরিণত হইয়াছেন ; তথাপি তিনিই তোমার ভর্ত্তা হইবেন, কারণ তুমি ষাট্শ গুণসম্পন্ন ভর্ত্তা প্রার্থনা করিয়াছিলে, তাদৃশ নিখিল গুণের একমাত্র আধার তিনি ভিন্ন আর কেহই বিद्यমান নাই। ১০১। পুত্রি ! আমার তপোবলে তোমাদিগের উভয়েরই প্রাকৃত ও জন্মময় এই দ্বিবিধ রূপ হইবে। ১০২। এই প্রকারে চন্দ্রকান্ত-শিলারূপে পরিণত কহ্য ধৃতপাপাকে আশ্বাস প্রদানপূর্ব্বক, পরম বুদ্ধিমান ঋষি বেদশিরা, তাঁহার প্রতি যথেষ্ট অনুগ্রহ করিলেন। ১০৩। হে মুনে ! সেই দিন হইতে ধর্ম্ম, কাশীক্ষেত্রে পরম পবিত্র সর্ব্বপাপহারী ধর্ম্মনদ নামে বিখ্যাত হ্রদরূপ ধারণ করত অবস্থিতি করিতেছেন। এবং ঋষিতনয়া ধৃতপাপাও নদীরূপ ধারণ পূর্ব্বক নিজউৎস্থিত বৃক্ষগণের সৃশ মানবগণের অশেষবিধ পাপরাশি হরণ করিতেছেন। ১০৪-১০৫। সেই ধৃতপাপার সহিত মিলিত ধর্ম্মনদ নামক তীর্থে গঙ্গা আসিবার অতি পূর্ব্বকালে ভগবান্ আদিত্য, অতি উগ্রতপস্শাচরণ করিয়া-

ছিলেন । ১০৬ । যে সময় সেই পবিত্র তীর্থে ভগবান্ আদিত্যদেব গভস্তীশ্বর মহাদেবের নিকট মঙ্গলাগৌরীর ধ্যানপর হইয়া উগ্র তপস্তা করিতে প্রবৃত্ত হন ; সেই সময় সেই মম্বুখাদিত্যের তপঃসম্ভ্রাত সুবিষহৃৎপ্রযুক্ত শরীরনির্গত কিরণ-রাশি হইতে মহান্ স্বেদরাশি প্রাদুর্ভূত হয় । তদনন্তর সেই কিরণরাশি-প্রাদুর্ভূত স্বেদনিবহ কিরণানান্নী এক পরম পবিত্র নদীরূপে প্রবাহিত হইল । ১০৭-১০৯ । পূর্বকথিত ধূতপাপা নান্নী নদীর সহিত মিলিত সেই কিরণানান্নী নদীতে স্নানমাত্রেই জীবগণের মহাপাপরূপ নিবিড় অন্ধকারনিকর বিধ্বংস প্রাপ্ত হয় । ১১০ । যাবদীয় তীর্থস্বরূপা যে ধূতপাপা সকল প্রকার পাপ দূর করিতে সমর্থ, তাঁহার সহিত প্রথমে ধর্ম্মনদ মিলিত হয় ; তদনন্তর যাহার নামমাত্র স্মরণেই মহামোহ বিনাশ প্রাপ্ত হয়, সেই কিরণানান্নী তরঙ্গিণী তথায় মিলিত হয় । এইরূপে সেই পরম পবিত্র মঙ্গলময় ধর্ম্মনদ-হৃদে সর্বপাপহারিণী মঙ্গলজবস্বরূপা ধূতপাপা ও কিরণা আসিয়া মিলিত হইয়াছেন । তৎপরে যথাকালে দিলীপপুত্র ভগীরথের আনীত ভাগীরথী, যমুনা ও সরস্বতী এই নদীত্রয় আসিয়া সম্মিলিত হইয়াছেন । এই পবিত্র ধর্ম্মনদ নামক হৃদে ধূতপাপা, কিরণা, পুণ্যতোয়া সরস্বতী, গঙ্গা ও যমুনা এই পাঁচটা নদী আসিয়া এই প্রকারে মিলিত হইয়াছেন ইহা পুরাণে কীর্তিত হইয়া থাকে । ১১১—১১৫ ।

এই সকল কারণ প্রযুক্ত এই তীর্থের “পঞ্চনদ” এই নামটী ত্রিভুবনে বিখ্যাত হইয়াছে । এই পঞ্চনদ-তীর্থে স্নান করিলে জীবের আর পাক্‌ভৌতিক দেহ গ্রহণ করিতে হয় না । মহাপাপবিধ্বংসকারী এই পঞ্চনদীর সঙ্গমে স্নানমাত্রে জীব, ত্র্যক্ষাণ্ডমণ্ডপ ভেদ করিয়া সেই পরম পুরুষার্থ মোক্ষ প্রাপ্তির যোগ্যতা লাভ করিতে পারে । এই কালীক্ষেত্রে প্রতিপদেই পরম পবিত্র জলাধার সকল বর্ত্তমান আছে বটে, কিন্তু তাহারা কেহই এই পঞ্চনদ-তীর্থের কোটিভাগের একভাগ বলিয়াও গণ্য হইতে পারে না । প্রয়াগতীর্থে মাঘমাস ব্যাপিয়া নিত্য স্নান করিলে যে কল লাভ হয়, কালীতে পঞ্চনদ-তীর্থে একবার মাত্র স্নান করিলে মনুষ্য সেই কল লাভ করিতে সমর্থ হয়, ইহাতে কোন সংশয় নাই । পঞ্চনদ-তীর্থে স্নানানন্তর পিতৃতর্পণ করত ভগবান্ বিন্দুমাধবকে দর্শন করিতে পারিলে মনুষ্য আর কখনও গর্ভবাস-যজ্ঞাণা ভোগ করে না । ১১৬-১২০ । পবিত্র পঞ্চনদ-তীর্থে তর্পণকালে পিতৃগণের উদ্দেশে যে কয়টা তিল প্রদান করা যায়, প্রদাতার পিতৃলোক, তাবৎ বর্ষ ব্যাপিয়া নিরবচ্ছিন্ন তৃপ্তি লাভ করিয়া থাকেন । এই পবিত্র মঙ্গলময় পঞ্চনদ-তীর্থে শ্রদ্ধা সহকারে শ্রাদ্ধ করিলে শ্রাদ্ধকর্ত্তার পিতৃ-পিতামহগণ নানায়োনিগত

হইলেও অবিলম্বেই মুক্তিলাভ করিতে সমর্থ হন। যমলোকে প্রতিদিবস শ্রীকৃষ্ণদেবের সন্নিধানে পিতৃগণ, কাশীস্থ পঞ্চনদ-তীর্থের উদ্দেশে এই গাথাটি গান করিয়া থাকেন যে :—“আমাদের বংশে এমত সম্ভান কবে জন্মগ্রহণ করিবে ; যে ব্যক্তি পঞ্চনদ-তীর্থের মহিমা অবগত হইয়া শ্রীকৃষ্ণবিধানানুসারে আমাদের শ্রীকৃষ্ণ করিবে, হায় ! সেই শ্রীকৃষ্ণের অখণ্ডনীয় প্রভাবে কোন্ দিবস আমরা মোক্ষ লাভ করিতে সমর্থ হইব”। ১২১-১২৫। সেই পঞ্চনদ-তীর্থে যৎকিঞ্চিৎ ধন প্রদানে যে পুণ্য অর্জিত হয়, কল্মাস্তেও তাহার ক্ষয়ের সম্ভাবনা নাই। একবর্ষকাল প্রতিদিন পঞ্চনদ-তীর্থে স্নান করিয়া যথাবিধানে মঙ্গলাগোবীর অর্চনা করিলে বক্ষ্যাত্তীও পুত্রলাভ করিতে পারে। বিশুদ্ধ বস্ত্রদ্বারা পরিশোধিত পাঞ্চনদ সলিল দ্বারা স্বীয় ইষ্টদেবতাকে স্নান করাইলে ভক্ত মানব, মহাকল লাভ করিতে সমর্থ হয়। অষ্টোত্তর শতসংখ্যক কলসপূর্ণ পঞ্চামৃতরাশির ফলের সহিত একবিন্দু পাঞ্চনদ সলিলের ফলের তুলনা করিলে, পাঞ্চনদ-বিন্দুপ্রদ ফলই আধিক্য লাভ করিয়া থাকে। পঞ্চগব্য-পানে যাদৃশী শুদ্ধি শাস্ত্রে কথিত হইয়াছে, শ্রীকৃষ্ণসহকারে একবিন্দু পঞ্চনদ-তীর্থের সলিল পান করিলে সেই শুদ্ধি লব্ধ হইয়া থাকে। রাজসূয় ও অশ্বমেধ যজ্ঞের অবতৃথ স্নানে যে ফল হয়, পঞ্চনদ-তীর্থের জলে স্নান করিলে তদপেক্ষা শতগুণ অধিক ফল লাভ করিতে পারা যায়। রাজসূয় ও অশ্বমেধ-যজ্ঞ, স্বর্গমাত্রেরই সাধন হইয়া থাকে, কিন্তু ব্রাহ্মমূর্ত্ত্বয়কাল ব্যাপিয়া পঞ্চনদ-তীর্থে মজ্জন করিলে মনুষ্য মোক্ষ পর্য্যন্ত লাভ করিতে সক্ষম হয়। ১২৬-১৩২। মহাত্মাগণ পঞ্চনদ-তীর্থের সলিল দ্বারা অভিষিক্ত হইয়া যে পরিমাণে আনন্দ লাভ করিয়া থাকেন, স্বর্গ-সাত্রাজ্যের অভিষেকেও তাঁহাদের তাবৎ পরিমাণে আনন্দ বোধ হয় না। ১৩৩। অশ্রুত বাস করিয়া দাসপ্রায় ভূপতি কোটীর উপর অপ্রতিহত প্রভুতা অপেক্ষা বারাগসীতে পঞ্চনদস্নায়ী মনুষ্যগণের দাসত্ব স্বীকারও সজ্জনগণের ইচ্ছা। ১৩৪। হে অগস্ত্য ! ইহা নিশ্চয় জানিও, কার্তিকমাসে যে ব্যক্তি পাপহারি পঞ্চনদ-তীর্থে স্নান করে নাই, সেই হতভাগ্য অষ্টাপি গর্ভে বাস করিতেছে ও ভবিষ্যৎকালেও তাহার গর্ভবাস-যন্ত্রণা হইতে নিষ্কৃতি নাই। ১৩৫। সত্যযুগে ধর্মনদ-তীর্থ, ত্রেতাযুগে ধৃতপাপক-তীর্থ, দ্বাপরে বিন্দুতীর্থ ও কলিতে পঞ্চনদ নামে এই তীর্থ বিখ্যাত হইয়াছে। সত্যকালে শতবর্ষ তপস্তা করিলে যে ফল লাভ করিতে পারা যায়, কার্তিক মাসে পঞ্চনদ-তীর্থে একবারমাত্র স্নান করিলে সেই ফলভাগী হইতে পারা যায়। অশ্রুত যাবজ্জীবন ইষ্টাপূর্ত্ত প্রভৃতি ধর্ম্ম-কর্ম্ম করিলে যে ফললাভ করা যায়, কার্তিক মাসে একবার ধর্মনদে স্নান করিলে মনুষ্য সেই

ফল লাভ করিতে সমর্থ হয় । ১৩৬-১৩৮ । জগতে ধৃতপাপ-তীর্থের সমান অণু কোন তীর্থ বিद्यমান নাই, কারণ এই তীর্থে একবারমাত্র স্নান করিতে পারিলে তিন জনের অর্জিত পাপ হইতে অনায়াসে মুক্তিলাভ করিতে পারা যায় । বিন্দু-তীর্থে একরত্তিকা পরিমাণ কাঞ্চন প্রদান করিলে মনুষ্য কখনও দারিদ্র্য ভোগ করে না এবং কোন কালেও স্তবর্ণ বিবর্জিত হয় না । ১৩৯ ১৪০ । এই বিন্দু-তীর্থে গো, ভূমি, তিল, স্তবর্ণ, অশ্ব, বস্ত্র, অন্ন, মালা ও বিভূষণ প্রভৃতি যাহা কিছু প্রদান করা যায় তাহার ফল অক্ষয় হইয়া থাকে । ১৪১ । এই পরম পবিত্র ধর্ম্মনদ-তীর্থে প্রদীপ্ত অগ্নিতে যথাবিধানে একটা মাত্র আহুতি প্রদানে শ্রদ্ধাবান্ মনুষ্য কোটি হোমের ফল লাভ করিতে সমর্থ হয় । ১৪২ । ধর্ম্ম, অর্থ, কাম ও মোক্ষের মঞ্জলময় আবাসভূত পঞ্চনদ-তীর্থের, অনন্ত মহিমা কোন ব্যক্তিই বর্ণন করিতে সমর্থ হয়েন না । ১৪৩ । এই পবিত্র পঞ্চনদ-তীর্থের ইতিহাস ভক্তি-সহকারে শ্রবণ করিলে বা শ্রবণ করাইলে মনুষ্য সর্বপ্রকার পাপ হইতে মুক্তিলাভ করত অশেষ বৈকুণ্ঠধামে সম্মান লাভ করিতে সক্ষম হইয়া থাকে । ১৪৪ ।

## ষষ্ঠিতম অধ্যায় ।

—\*—

বিন্দুমাধব-প্রাতুর্ভাব কথন ।

স্কন্দ কহিলেন, হে মিত্রাবরুণ-নন্দন ! এই পঞ্চনদের উৎপত্তি বিবরণ কথিত হইল, এক্ষণে মাধবের আবির্ভাব বৃত্তান্ত কীর্তন করিতেছি ; শ্রদ্ধাসহকারে মাধবের এই উৎপত্তি-বিবরণ শ্রবণ করিলে বুদ্ধিমান ব্যক্তি ক্ষণমধ্যে পাপসমূহ হইতে মুক্তি লাভ করে, আর কদাপিও শ্রীহীন হয় না এবং সত্তত ধর্ম্মযুক্ত হইয়া থাকে । ১-২ । গরুড়বাহন ভগবান্ উপেন্দ্র মন্দরপর্বত হইতে চন্দ্রশেখরের আজ্ঞা শ্রবণ করিয়া ক্ষণমধ্যে বারাগসী পুরীতে আগমন করত স্থায়ী মায়াবলে দিবোদাস নৃপতিকে কাশী হইতে দূর করিয়া, পাদোদক-তীর্থে কেশবস্বরূপে অবস্থান পূর্বক উত্তমরূপে কাশীন্দ্র অনুপম মহিমা বিচার করত পঞ্চনদ-তীর্থ দর্শন

\*করিয়া পরম আনন্দ লাভ করিলেন । ৩-৫ । অনন্তর পুণ্ডরীকাক্ষ ভগবান্ মাধব, প্রসন্নচিত্তে বলিতে লাগিলেন যে, “বৈকুণ্ঠের গুণনিচয় অগণনীয় হইলেও আমি তাহা গণনা করিয়াছি ; কাশীতে এই পঞ্চনদ-তীর্থে যে সমস্ত গুণ বিরাজমান রহিয়াছে, ক্ষীরসমুদ্রে সেই সমস্ত নির্মল গুণ কোথায় ? কাশীতে পাপনাশন এই পবিত্র পঞ্চনদ-তীর্থে যাদৃশ গুণগরিমা পর্য্যবেক্ষণ করিতেছি, শ্বেতদ্বীপেও তাদৃশ গুণগরিমার সাগরা কোথায় ? এই পঞ্চনদ-তীর্থের জলস্পর্শে আমার যাদৃশ হর্ষ উৎপন্ন হইতেছে, কোমুদীর স্পর্শও আমার তাদৃশ সুখকর হয় না । ৬-৯ । এই পঞ্চনদ-তীর্থস্পর্শে আমার যাদৃশ সুখোদয় হইতেছে, ক্ষীরাক্তিনয়া লক্ষ্মী আমার অঙ্গস্পৃষ্টা হইয়াও আমাকে তাদৃশ সুখ প্রদান করিতে পারেন না” । লক্ষ্মীপতি ভগবান্ বিষ্ণু, এইরূপে পঞ্চনদ-তীর্থের মহিমা খ্যাপন করত কাণীর বিবরণ জানাইবার জ্ঞাত্য গরুড়কে মহাদেবের নিকট প্রেরণ করিয়া, দিবোদাস নৃপতির গুণরাশি ও পঞ্চনদ-তীর্থের মহিমা বর্ণন করিতে করিতে প্রসন্নচিত্তে সুখাসনে সমুপবিষ্ট হইয়া তপঃপরায়ণ ক্ষীণশরীর একজন তপোধনকে দেখিতে পাইলেন । ১০-১৩ । সেই ঋষি, পুণ্ডরীকাক্ষ ভগবান্ অচ্যুতের নিকট আগমন করত দেখিলেন যে, ভগবান্ বনমালায় বিভূষিত হইয়া কমলাসনে বিরাজমান রহিয়াছেন । তাঁহার হস্ত চতুর্ফল, শঙ্খ, চক্র, গদা এবং পদ্ম শোভা পাইতেছে, কৌস্তভ মণির প্রভায় তাঁহার বক্ষঃস্থল উদ্ভাসিত রহিয়াছে, নীলপদ্মের আয় তাঁহার অঙ্গের প্রভা, গীতবর্ণ কৌশেয়-বস্ত্র পরিধানে অপূর্বভাব ধারণ করিয়াছে, তাহাতে তাঁহার আকৃতি অতি স্নিগ্ধ মধুরভাব ধারণ করিয়াছে, নাভিহ্রদে পদ্ম বিরাজমান রহিয়াছে, তাঁহার ওষ্ঠযুগ, সুন্দর পাটল পুষ্পের শোভা বিস্তার করিতেছে, তাঁহার দশননিচয় দাড়িম-বীজ তুল্য এবং কিরীটস্থ রত্ননিচয়ের প্রভায় গগনমার্গ দীপ্তিমান হইয়াছে । তখন অগ্নিশিঙ্গু নামক সেই ঋষি, সহর্ষে ক্রিত্তিতে মন্তক রাখিয়া, দেবরাজ ইন্দ্র যাঁহার পদবন্দনা করেন, সনকাদি ঋষিগণ নিরন্তর যাঁহার স্তব করিয়া থাকেন, নারদ প্রভৃতি দেবর্ষিগণ সতত যাঁহার মহিমা গান করেন, প্রহ্লাদ প্রভৃতি ভক্তগণের পবিত্র ভক্তিতে যাঁহার হৃদয় পরম আনন্দিত, যিনি শাস্ত্রধর্মুঃ ধারণ করিয়া দানবনিচয়কে দণ্ডিত করিয়াছেন, যিনি মধুকৈটভের হস্তা ও কংসের বিনাশকারক, উপনিষদ্ সমূহে পরিগীত যে কৈবল্য পরব্রহ্মকে বেদনিচয়ও জানিতে অসমর্থ এবং ব্রহ্মাদি দেবগণও যাঁহাকে নয়নগোচর করিতে পারেন না, ভক্তগণের ভক্তিনিবন্ধন পুরুষমূর্ত্তিতে পরিণত অচ্যুতরূপী সেই পরম-ব্রহ্মকে প্রণাম পূর্বক মন্তকবন্ধাজলি হইয়া, পরম ভক্তিসহকারে মার্কণ্ডেয়াদি

ঋষিগণ কর্তৃক নিষেবিত সেই পঞ্চনদ-তীর্থ সমীপে শিলাতলে সমাসীন বলি-বিধ্বংসী সেই অচ্যুতের স্তব করিতে লাগিলেন । ১৪-২৪ ।

অগ্নিবিন্দু কহিলেন, হে পুণ্ডরীকাক্ষ ! বাহ ও আভ্যন্তরিক শৌচ প্রদানকারী আপনাকে নমস্কার, আপনি সহস্রশীর্ষা পুরুষ, আপনি সহস্রলোচন ও সহস্রপাদ, আমি আপনাকে প্রণাম করিতেছি । ২৫-২৬ । হে জিষ্ণুদিস্ত্রবন্দিত ! হে বিষ্ণো ! সর্বপ্রকার ঘৃণ্য বিনিবারক ত্বদীয় পাদপদ্মে আসক্ত হৃদয় বাচস্পতির বাক্যনিচয়ও যাঁহাকে স্তব করিতে জানে না, এ জগতে কোন জন সেই আপনার স্তব করিতে সমর্থ হয় ? তথাপি আমি যে আপনার স্তব করিতেছি, ইহার প্রতি বলবতী ভক্তিরই কারণত । যে ভগবান্ ব্রহ্মাদি দেবগণেরও অগোচর, বাক্যাভীত সেই ঈশ্বর কিরূপে আমার স্তবের বিষয় হইবেন ? বাক্য যাঁহাকে বোধ করায় না, মন যাঁহাকে মনন করিতে অসমর্থ, বাক্যও মনের অতীত, সেই ভগবান্কে স্তব করিতে কে সমর্থ হয় ? ষড়ঙ্গপদ-ক্রমসহিত-বেদনিচয় যাঁহার নিঃশ্বাস প্রসূত, কোন ব্যক্তি সেই দেবের মহান্ মহিমা অবগত হইতে পারে ? ২৭-৩০ । সনকাদি ঋষিগণ মন, বুদ্ধি ও ইন্দ্রিয়নিচয় সংযত করত হৃদাকাশে চিন্তা করিয়াও যাঁহাকে যথার্থরূপে জানিতে পারেন না, আবাল-ব্রহ্মচারি নারদ প্রভৃতি মুনিশ্রেষ্ঠগণ নিরন্তর চরিত্র গান করিয়াও যাঁহাকে সম্যক্ অবগত হইতে পারেন না, হে চরাচর ! হে চরাচর-ভিন্ন ! সেই সূক্ষ্মরূপ, সূক্ষ্ম, অবায়, এক, আন্ত, ব্রহ্মাদি দেবগণের অগোচর, অজ্ঞেয়, অনন্তশক্তি, নিত্য, নিরাময়, অমূর্ত্ত এবং অচিন্ত্যমুষ্টি আপনাকে কে জানিতে পারে ? ৩১-৩৩ । হে মুরারে ! আপনার এক একটা নাম পাপি-গণের জন্মার্জিত-পাপনিচয়কে হরণ করে এবং তাহাদিগকে মহাযজ্ঞের মহাপদাঢ্য ফল প্রদান করিয়া থাকে । যুকুন্দ, মধুসূদন, মাধব, নারায়ণ, নরকার্ণবতারণ, দামোদর, মধুহা, চতুর্ভূজ বিশ্বস্তর, বিরজঃ এবং জনার্দন প্রভৃতি আপনার নাম যাহারা জপ করে, তাহাদের ইহজগতে পুনরায় জন্ম ও কৃতান্ত ভীতি কোথায় ? হে ত্রিবিক্রম ! মেঘমালার আয় রুচির বর্ণ ও পঙ্কজলোচন আপনাকে যাহারা হৃদয়ে চিন্তা করে, হে সৌদামিনী-বিলসিতাংশুকবীতমূর্ত্তে ! তাহারাও আপনার অচিন্ত্যরূপ-কাস্তিকে স্পর্শ করিয়া থাকে । ৩৪-৩৬ । হে শ্রীবৎসলাঞ্জন ! হে হরে ! হে অচ্যুত ! হে কৈটভারে ! হে গোবিন্দ ! হে গরুড়রথ ! হে কেশব ! হে চক্রপাণে ! হে লক্ষ্মীপতে ! হে দমুজসূদন ! হে শাস্ত্রপাণে ! আপনার ভক্ত-জনের কুত্ৰাপিও ভয় উপস্থিত হয় না । হে ভগবন্ ! যাহার সৌরভে মৃগমদের দিব্যগন্ধ বিদূরিত হয়, সেই তুলসী-প্রসূন নিচয়ের দ্বারা যাহারা আপনার পূজা করে,

স্বর্গে সমস্ত দেবগণ মন্দার-মালাসমূহের দ্বারা অতি বিমলস্বভাব সেই সমস্ত ব্যক্তিকে অর্চনা করিয়া থাকেন। ৩৭-৩৮। হে অজ্ঞানেত্র ! যাহাদের মুখে আপনার কামপ্রদ নাম, যাহাদের কর্ণযুগলে আপনার মধুরাক্ষর কথা এবং যাহাদের চিত্ত-ভিত্তিতে আপনার রূপ বিরাজমান থাকে, হে নীরুপ ! সেই সমস্ত পবিত্র ব্যক্তির পক্ষে ব্রহ্মপদও দুপ্রাপ্য নহে। হে শেষশায়িন্ ! হে শ্রীপতে ! এ জগতে যাহারা সতত আপনাকে ভজনা করে, হে স্বর্গাপবর্গ-সুখসমুদ্ভিদানদক্ষ ! স্বর্গে পিতৃপতি, ইন্দ্র এবং কুবের প্রভৃতি দেবগণ সর্বদাই সেই সমস্ত ব্যক্তির পূজা করিয়া থাকেন। হে পঙ্কজপাণে ! যে সমস্ত ব্যক্তি সতত আপনার স্তব করে, স্বর্গে সিদ্ধ, অমরা ও অমরগণ, সতত সেই সমস্ত ব্যক্তির স্তুতি করিয়া থাকেন। হে অখিলসিদ্ধি ! হে কমলায়তাক্ষ ! আপনি ব্যতিরেকে আর কে রমণীয় নির্বাণ-সম্পদ প্রদান করিয়া থাকে ? ৩৯-৪১। হে লীলাবিগ্রহধারিন্ ! হে ব্রহ্মার্চিত পাদপদ্ম ! আপনিই সময়ে এই সমস্ত বিশ্বের সৃজন, পালন ও সংহার করিতেছেন, হে পরম ! আপনিই বিশ্ব, আপনিই বিশ্বপতি এবং আপনিই বিশ্বের বীজ, অতএব আমি সতত আপনাকে প্রণাম করি। হে দমুজেন্দ্র-রিপো ! আপনিই স্তবকর্তা, আপনিই স্তুত্যা, আপনিই সমস্ত, যেহেতু আপনি ভিন্ন আর কেহই নাই, হে বিষ্ণো ! আপনি ভিন্ন আমি কিছুই জানি না, হে ভবারে ! আপনি সতত আমার সংসারজনিত তৃষ্ণা অপনয়ন করুন। ৪২-৪৩। ( স্বন্দ কহিলেন ) মহাতপা অগ্নিবিন্দু এইরূপে হৃষীকেশের স্তব করিয়া মৌনাবলম্বন করিলেন, তখন বরপ্রদ বিষ্ণু বরপ্রদানে প্রবৃত্ত হইলেন। ৪৪।

শ্রীবিষ্ণু কহিলেন, হে তপোনিধে মহাপ্রাজ্ঞ অগ্নিবিন্দো ! আমি প্রীত হইয়াছি ; তুমি বর প্রার্থনা কর, তোমাকে আমার অদেয় কিছুই নাই। ৪৫।

অগ্নিবিন্দু কহিলেন, হে বৈকুণ্ঠেশ ! হে জগৎপতে ! হে কমলাকান্ত ! আপনি যদি শ্রমগ্র হইয়া থাকেন, তাহা হইলে আমি যাহা প্রার্থনা করি, তাহা আমাকে প্রদান করুন। ৪৬। ( স্বন্দ কহিলেন ) অগ্নিবিন্দু এই কথা বলিলে ভগবান্ বিষ্ণু, ক্র-ভঙ্গীর দ্বারা তাঁহাকে তাঁহার প্রার্থনীয় বর প্রার্থনা করিতে অমুমতি করিলেন। তখন সেই তাপস প্রণাম করিয়া হৃষ্টাস্তঃকরণে কেশবের নিকট প্রার্থনা করিলেন, “হে ভগবন্ ! আপনি সর্বব্যাপী হইলেও সমস্ত জীবগণের বিশেষতঃ মোক্ষাভিলাষী ব্যক্তিগণের হিতের জন্ত এই পঞ্চনদ-তীরে অবস্থান করুন, এবং আপনার পদকমলে আমার অচলা ভক্তি প্রদান করুন। লক্ষ্মীপতি কোনরূপ বিচার না করিয়া আমাকে এই বর প্রদান করুন, আমি তাঁহার নিকট অশ্রু কোন



বর প্রার্থনা করি না” । লক্ষ্মীপতি মধুসূদন, অগ্নিবিন্দুর এই বরপ্রার্থনা শ্রবণ করত, প্রসন্ন হইয়া পরোপকারের জন্ত “তাহাই হউক” ইহা বলিয়া পুনরায় বলিতে লাগিলেন । ৪৭—৫০ ।

শ্রীবিষ্ণু কহিলেন, হে মুনিশ্রেষ্ঠ অগ্নিবিন্দো ! যাহাদের কাশীতে ভক্তি আছে, সেই সমস্ত ব্যক্তিকে মুক্তিমার্গ উপদেশ করত আমি নিশ্চয়ই এই স্থানে অবস্থান করিব । হে মুনে ! আমি আরও প্রসন্ন হইয়াছি, তুমি আরও বর প্রার্থনা কর, আমি তাহা প্রদান করিতেছি ; হে অগ্নিবিন্দো ! তুমি আমার অতিশয় ভক্ত, সর্বদা আমাতে তোমার দৃঢ় ভক্তি থাকুক । হে তপোনিধে ! পূর্ব হইতেই আমার এ স্থানে থাকিবার বাসনা ছিল, তাহার উপর আবার তুমি প্রার্থনা করিতেছ, অতএব আমি নিশ্চয়ই সর্বদা এই স্থানে অবস্থিতি করিব । ৫১-৫২ । জড়বুদ্ধি ব্যক্তিও কাশীলাভে যদি জ্ঞানবান হইতে পারে তাহা হইলে সে কি তাহা পরিত্যাগ করে ? অমূল্য মাণিক ত্যাগ করিয়া কোন্ ব্যক্তি কাচের অভিলাষ করিয়া থাকে ? এই স্থানে স্বল্পমাত্র শ্রমে কেবল শরীরমাত্র ব্যয় করিয়া যাদৃশ মুক্তিলাভ করা যায়, তাদৃশ মুক্তি আর কোথায় পাওয়া যায় ? প্রাজ্ঞ ব্যক্তিগণ, এই স্থানে জরাজীর্ণ পার্থিব-দেহ বিনিময় করিয়া ষড়্ভিধ বিকাররহিত কৈবল্য কি গ্রহণ করিবেন না ? কাশীতে শরীরমাত্র ত্যাগ করিলেই যেমন মোক্ষ লাভ হয়, অগ্নিতে বহুতর তপস্যা, দান বা বহুদক্ষিণ-যজ্ঞের দ্বারাও তাহা লাভ করা যায় না । সমাধিতে সংযত-চিত্ত যোগিগণও এক জন্মে মোক্ষ লাভ করিতে পারেন না, কিন্তু কাশীতে দেহপাত হইলেই জীব মুক্তি লাভ করিয়া থাকে । কাশীতে দেহপাতই মহাদান ; ইহাই মহাতপঃ এবং ইহাই শ্রেষ্ঠ ত্রুত । ৫৪-৫৯ । যে ব্যক্তি কাশীকে প্রাপ্ত হইয়া তাহা ত্যাগ না করেন ; এ জগতে তিনিই বিদ্বান, তিনিই জ্ঞেস্ত্রিয়, তিনিই পুণ্যবান এবং তিনিই ধন্য । হে মুনে ! এই কাশী যে পর্য্যন্ত থাকিবেন, আমিও তদবধি এই স্থানে অবস্থান করিব ; মহাদেবের ত্রিশুলোপরি অবস্থিত এই কাশীর প্রলয়কালেও বিনাশ নাই । ৬০-৬১ । (স্কন্দ কহিলেন) মহামুনি অগ্নিবিন্দু, বিষ্ণুর এই সমস্ত বাণী শ্রবণ করিয়া আনন্দে পুলকিত হইয়া বলিলেন, আমি অগ্নি বর প্রার্থনা করিতেছি, হে রমাপতে ! এই পঞ্চনদ তীরে আপনি আমার নামে অবস্থিত হইয়া সর্বদা ভক্ত বা অভক্ত জনগণকে মুক্তি উপদেশ করুন । আর যাহারা এই পঞ্চনদ-তীরে স্নান করিয়া দেশান্তরে যাইয়াও মৃত হইবে, আপনার তাহাদিগকেও মুক্তি প্রদান করিতে হইবে । এবং যে সমস্ত মানব পঞ্চনদ-তীরে স্নান করিয়া, আপনার অর্চনা করিবে, আপনাতে অচলা এবং

অন্তেষ্টে চঞ্চলারূপিণী হইলেও লক্ষ্মী যেন, সেই সমস্ত মানবকে কখন পরিত্যাগ না করেন। ৬২—৬৫।

শ্রীবিষ্ণু কহিলেন, হে মুনৈ! অগ্নিবিন্দো! তুমি যাহা প্রার্থনা করিলে তাহাই হইবে; তোমার নামের অর্দ্ধাংশ সংযুক্ত করিয়া, আমার ত্রৈলোক্যবিশ্রুত “বিন্দু-মাধব” এই নাম কাশীতে বিখ্যাত হইবে। এই পবিত্র পঞ্চনদ-তীরে যে সমস্ত পুণ্যশীল মানবগণ আমার পূজা করিবে, তাহাদের সংসার-ভীতি কোথায়? এই পঞ্চনদ-তীরে যাহারা আমাকে হৃদয়ে চিন্তা করিবে, বহু ও নির্বাণরূপিণী লক্ষ্মী সতত তাহাদের পার্শ্বে অবস্থান করিবেন। ৬৬-৬৯। যাহারা পঞ্চনদ-তীরে আগমন করিয়া ধনের দ্বারা ব্রাহ্মণগণকে পরিতৃপ্ত না করে; শীঘ্রই বিপত্তমান সেই সমস্ত মানবগণের ধনরাশি ক্রন্দন করিয়া থাকে। এই জগতে তাহারা ধন্য এবং তাহারাই কৃতকৃত্য; যাহারা আমার এই স্থানে আগমন করিয়া আমার উদ্দেশে ধনরাশি অর্পণ করিয়া থাকে। হে মুনিশ্রেষ্ঠ অগ্নিবিন্দো! সর্বপ্রকার পাতক বিনাশন এই তীর্থ তোমার নামে “বিন্দুতীর্থ” বলিয়া বিখ্যাত হইবে। ৭০-৭২। যে ব্যক্তি ব্রাহ্মচর্য্যব্রতপরায়ণ হইয়া কার্তিক মাসে সূর্য্যোদয়ের প্রাকালে এই বিন্দুতীর্থে স্নান করিবে, তাহার আর যমজ্ঞানত ভীতি কোথায়? মানব মোহপ্রযুক্ত সহস্র প্রকার পাপ করিয়াও কার্তিক মাসে যদি এই ধর্ম্মনদে স্নান করে, তাহা হইলে ক্ষণকাল মধ্যে নিম্পাপ হইয়া থাকে। ৭৩-৭৪। যদবধি এই দেহ সুস্থ থাকে এবং ইন্দ্রিয়-সমূহ বিকল না হয়, তাবৎ ব্রতসমূহের অনুষ্ঠান করা উচিত, কারণ ব্রতের অনুষ্ঠানই দেহের কল। এই অপবিত্র দেহ একতন্ত্র ব্রত, নস্ত্র ব্রত, অঘাতিত ব্রত এবং উপবাসের দ্বারা বিশুদ্ধ করা উচিত। ৭৫-৭৬। ব্রতধারণ করিলে অপবিত্র-দেহ পবিত্রতা লাভ করে, এই জন্ম প্রযত্নসহকারে কৃচ্ছ্রচাত্তায়াণ প্রভৃতি ব্রত-সমূহের অনুষ্ঠান করা উচিত। ব্রতচরণে দেহশুদ্ধি হইলে, সেই দেহে ধর্ম্ম নিশ্চলভাবে অবস্থিতি করিয়া থাকেন, এবং যেখানে ধর্ম্ম, সেইখানেই অর্থ, কাম ও নির্বাণ অবস্থান করেন। অতএব চতুর্বিধ ফলাভিলাষী মানবগণের সতত ধর্ম্মসাম্বলিকারক ব্রতসমূহের অনুষ্ঠান করা উচিত। ৭৭-৭৯। যদিচ মানব সর্বদা ব্রতানুষ্ঠান করিতে অসমর্থ হয়, তাহা হইলেও তাহাদের যত্ন সহকারে চাতুর্মান্দ্র-ব্রত করা উচিত। চাতুর্মান্দ্র-ব্রতশীল ব্যক্তি ভূমিতে শয়ন করিবে ও ব্রাহ্মচর্য্য অবলম্বন করিবে, কিছুমাত্র আহার করিবে না অথবা এক তন্ত্রাদি নিয়ম গ্রহণ করিবে, প্রত্যহ স্বীয় শক্তি অনুসারে দান করিবে, পুরাণশাস্ত্র শ্রবণ ও তদনুকূলে আচরণ করিবে, অথও দীপ প্রদান ও অতীত দেবতার পূজা করিবে,

ধর্মবৃদ্ধির জন্ত বহুতর অঙ্কুর ও বীজযুক্ত প্রদেশে গমনাগমন যত্নপূর্বক পরিত্যাগ করিবে। ৮০-৮৩। চাতুর্মাস্য-ব্রতশীল ব্যক্তি কখন সম্ভাষণের অযোগ্য ব্যক্তিগণের সহিত সম্ভাষণ করিবে না। সর্বদা মৌন অবলম্বন করিয়া থাকিবে, অথবা সত্য বাক্যমাত্র ব্যবহার করিবে। সর্বদা পবিত্র থাকিবে, অত্রতী ব্যক্তিকে স্পর্শ করিবে না এবং নিষ্পাব, ( খাণ্ডবিশেষ ) গসূর ও কোদ্রব ( রাজশিখী ) পরিবর্জন করিবে। প্রত্যহ যত্ন সহকারে দন্ত, কেশ ও বস্ত্রাদি শোধন করিবে। ব্রতশীল ব্যক্তি কখনও হৃদয়ে কোনরূপ অনিষ্ট চিন্তা করিবে না। দ্বাদশমাস ব্রতশীল ব্যক্তির যে ফল লাভ হয়, চাতুর্মাস্য-ব্রতধারী ব্যক্তিগণেরও অবিকল সেই ফল লাভ হইয়া থাকে। ৮৪-৮৭। চারিমাসও যাহার ব্রতানুষ্ঠানের সামর্থ্য নাই, সে ব্যক্তি কেবল কার্তিক মাসে ব্রত অবলম্বন করিবে, তাহাতেই তাহার সম্বৎসর-ব্রতের ফল লাভ হইবে। যে সমস্ত মৃঢ় ব্যক্তির, কার্তিক মাস বিনা-ব্রতে অতিবাহিত হয়, শূকরস্বরূপ সেই সমস্ত পাপিগণের পুণ্যের লেশমাত্রও নাই। পুণ্যবান্নর কার্তিক মাসে স্বীয় সামর্থ্যানুসারে কৃচ্ছ্র, অতিকৃচ্ছ্র বা প্রাজাপত্য-ব্রত অবলম্বন করিবে। ৮৮-৯০। কিস্বা একান্তর-ব্রত, ত্রিরাত্র-ব্রত, পঞ্চরাত্র-ব্রত, সপ্তরাত্র-ব্রত, পক্ষ-ব্রত বা মাসোপোষণ-ব্রত অবলম্বন করিবে; ব্রতশীল ব্যক্তি যেন বিনা ব্রতে কার্তিক মাস অতিবাহিত না করে। কার্তিক মাসে ব্রতী ব্যক্তি শাক, পয়ঃ, ফল বা যবান্ন আহার করিবে। ব্রতশীল ব্যক্তি কার্তিক মাসে নিত্য ও নৈমিত্তিক স্নান করিবে এবং মহাব্রতের ফলকামনায় ব্রহ্মচর্য্য অবলম্বন করিবে। ৯১-৯৪। যে ব্যক্তি ব্রহ্মচর্য্য অবলম্বন করিয়া বিশুদ্ধ-চিত্তে কার্তিক মাস অতিবাহিত করে, তাহার সম্বৎসর-ব্রহ্মচর্য্যের ফল লাভ হইয়া থাকে। যে ব্যক্তি শাক বা পয়ঃ আহার করিয়া কার্তিক মাস অতিবাহিত করে, তাহার অখণ্ড শরৎকাল ব্যাপিয়া তদাহারের ফল লাভ হইয়া থাকে। কার্তিক মাসে পত্রে ভোজন করিবে, যত্ন পূর্বক কাংশ্যপাত্র বর্জন করিবে। যে ব্রতশীল ব্যক্তি কাংশ্যপাত্রে ভোজন করে, তাহার ব্রতের ফল লাভ হয় না। কাংশ্যের নিয়মে স্নাতপূর্ণ কাংশ্যপাত্র দান করিবে। কার্তিক মাসে মধু সেবন করিবে না, তাহা সেবন করিলে অতি হীনগতি লাভ হয়; কার্তিকে মধুত্যাগ করিয়া স্নাত ও শর্করাযুক্ত পায়স প্রদান করিবে। কার্তিক মাসে তৈলমর্দন ও তৈলাহার পরিত্যাগ করিবে। ৯৫-১০০। হে অনঘ। কার্তিক মাসে তৈল মর্দন করিয়া স্নান করিলে নারকী হইতে হয়। কার্তিকে তৈল ত্যাগ করিয়া কাঞ্চনের সহিত দ্রোণপরিমিত তিল দান করিবে। 'কার্তিক মাসে মৎস্য ভোজন করিলে তৈম্বী ঘোনিতে অন্ত্রগ্রহণ করিতে

হয় এবং মাংস ভোজন করিলে পুণ্য ও শোণিতে কুমি হইয়া থাকিতে হয়। যে সমস্ত নৃপতিগণ নিয়ত মাংস আহার করিয়া থাকেন, তাঁহারাও কার্তিক মাসে তাহা পরিত্যাগ করিবেন। কার্তিক মাসে মৎস্য ও মাংস ত্যাগ করিয়া ব্রত অবলম্বন করিলে, মৎস্য-মাংস-ভক্ষণ-জনিত-পাপ বিদূরিত হইয়া থাকে। কার্তিকে মৎস্য মাংসের নিয়ম করিয়া মাষকলাই ও সুবর্ণের সহিত দশটি কুশ্মাণ্ড দান করিবে। ১০১-১০৪। যে ব্যক্তি কার্তিক মাসে মৌন হইয়া ভোজন করে, সে অমৃত ভোজন করিয়া থাকে ; কার্তিকে মৌনব্রতী ব্যক্তি সুবর্ণ ও তিলের সহিত সুন্দর ঘণ্টা প্রদান করিবে। যে ব্যক্তি কার্তিক মাসে লবণ পরিত্যাগ করিবে, তাহার সমস্ত রস পরিত্যাগের ফল লাভ হইবে ; উক্ত ব্রত করিয়া ব্রাহ্মণকে গো প্রদান করিবে। ব্রতী ব্যক্তি কার্তিকে ভূমিশষ্যা নিয়ম করিলে তাহাকে আর ভূমিস্পর্শ করিতে হয় না ; উক্ত ব্রত করিয়া উৎকৃষ্ট শয্যার সহিত পর্যাক্ষ দান করিবে। যে ব্যক্তি কার্তিক মাসে অখণ্ড স্বতের প্রদীপ প্রদান করে, সে ব্যক্তি মোহাক্ষকারে নিপতিত হইয়াও দুর্গতিগ্রস্ত হয় না। ১০৫-১০৮। কার্তিক মাসে যে ব্যক্তি রজনীতে দীপকৌমুদী করে, সে ব্যক্তি কখন তামিস্র ও অন্ধতামিস্র নামক নরক দর্শন করে না। কার্তিক মাসে দীপ প্রদান করিলে পাপাক্ষকার হইতে নিম্মুক্ত হইয়া, ক্রোধাক্ষকারিত মুখ, ভাস্করতনয় যমকে দর্শন করিতে হয় না। যে ব্যক্তি আমার সম্মুখে উজ্জ্বলবর্তিক প্রদীপ প্রদান করে, সে চরাচর ত্রিভুবন উত্তোতময় দর্শন করিয়া থাকে। ১০৯-১১১। কার্তিক মাসে যে ব্যক্তি পঞ্চামৃতপূর্ণ কলশের দ্বারা আমার স্নান করায়, সেই পুণ্যবান ক্ষীরসমুদ্র-তটে এককল্প পরিমিত কাল বাস করে। কার্তিক মাসে প্রতি রজনীতে আমার সম্মুখে ভক্তিপূর্বক প্রদীপের জ্যোৎস্না বিস্তার করিলে, জঠরাক্ষকারে প্রবেশ করিতে হয় না। যে ব্যক্তি কার্তিক মাসে আমার সম্মুখে স্বতের প্রদীপ প্রজ্জ্বলিত করে, মহামৃত্যুভয় সমুপস্থিত হইলেও তাহার বুদ্ধিভ্রংশ হয় না। ১১২-১১৪। কার্তিক মাসে যাহারা বিন্দুহীর্থে স্নান করিয়া ভক্তি সহকারে আমার যাত্রা করে, মুক্তি তাহাদের দূরে অবস্থান করেন না। “হে দামোদর ! হে দমুজেশ্বরনিসূদন ! কার্তিক মাসে ব্রত অবলম্বন করিয়া, আমি বিধিপূর্বক স্নান করত আপনাকে অর্ঘ্যপ্রদান করিতেছি, আপনি গ্রহণ করুন। হে কৃষ্ণ ! কার্তিক মাসে পাপ শোধন নৈমিত্তিক স্নানে আমার প্রদত্ত অর্ঘ্য আপনি রাধিকার সহিত গ্রহণ করুন।” এই মন্ত্রঘর পাঠ করিয়া যে ব্যক্তি শতপাত্রে সুবর্ণ, রত্ন, পুষ্প ও জল ঘটিত অর্ঘ্য আমাকে প্রদান করে ; সুন্দর পর্বদিনে শোভনপাত্রে সজ্জন করিয়া সুবর্ণপূর্ণ

পৃথিবী দান করিলে যে পুণ্য হয়, তাহার সেই পুণ্য লাভ হইয়া থাকে । ১১৫-১১৯ । আমার উত্থানকাদশীতে বিন্দুতীর্থে স্নান করিয়া রাত্রিকালে জাগরণ করত, সম্মুখে বহুতর দীপ প্রজ্জ্বালিত করিয়া শক্তি অনুসারে আমাকে অলঙ্কারে ভূষিত করত, পূর্ণিমা-তিথি পর্য্যন্ত নৃত্যগীত প্রভৃতি উৎসব ও পুরাণশাস্ত্র শ্রবণাদির দ্বারা মহামহোৎসব করিলে, এবং তাহাতে আমার প্রীতির উদ্দেশে বহুতর অন্ন প্রদান করিলে, মানব মহাপাতকযুক্ত হইলেও তাহাকে আর প্রমদার উদরে প্রবেশ করিতে হয় না । ১২০-১২২ । যে ব্যক্তি বিন্দুতীর্থে স্নান করিয়া বিন্দু-মাধব নামে আমাকে অর্চনা করে, সে নির্বাপন লাভ করিয়া থাকে । হে মুনে ! সত্যযুগে আমি আদিমাধব নামে পূজনীয়, ত্রেতায় আমি অনন্তমাধব নামে পরি-জ্ঞাত হইয়া, সাধকগণের সর্বপ্রকার সিদ্ধি প্রদান করিয়া থাকি ; দ্বাপরযুগে আমি শ্রীমাধব নামে আরাধিত হইয়া, ভক্তের পরমার্থমার্থ চরিতার্থ করিয়া থাকি, এবং কলিতে এই স্থানে আমি বিন্দুমাধব নামে পূজিত হইয়া, ভক্তের কলিজানিত মল অপনয়ন করি । কলিকালে কল্মষসম্পন্ন মানবগণ আমারই মায়াতে বিমোহিত, স্তবরাং ভেদবুদ্ধিপরায়ণ হইয়া আমাকে জানিতে পারে না । যাহারা আমার প্রতি ভক্তিসম্পন্ন হইয়া মহেশ্বরের প্রতি ঘ্বেষ প্রকাশ করে, তাহারা আমারই বিবেচনা ; সেই সমস্ত পাপিগণ পিশাচ-পদ লাভ করিয়া থাকে । এবং তাহারা পিশাচ-যোনি লাভ করিয়াও কালভৈরবের শাসনে ত্রিশ হাজার বৎসর দুঃখ-সাগরে বাস করিয়া, পরিণামে বিশ্বেশ্বরের অনুগ্রহে মোক্ষ লাভ করিয়া থাকে । ১২৩-১২৯ । অতএব পরমাত্মস্বরূপ বিশ্বনাথে ঘ্বেষবুদ্ধি করা উচিত নহে ; বিশ্ব-নাথে যাহাদের ঘ্বেষবুদ্ধি আছে, তাহাদের কোন প্রায়শ্চিত্ত নাই । যে সমস্ত অধম মানবগণ মনে মনেও মহেশ্বরের ঘ্বেষ করে, তাহারা অশু স্থানে মৃত হইয়া অন্ধতামিস্র নামক নরকে বাস করিয়া থাকে । ১৩০-১৩১ । যাহারা শিবনিন্দা-পরায়ণ, আর যাহারা পাশুপতনিন্দক, তাহারা আমার বিবেচনা ; তাহাদের নরকে বাস করিতে হয় । যাহারা বিশ্বেশ্বরের নিন্দক, তাহারা ষষ্ঠাক্রমে অষ্টা-বিংশতিকোটি নরকে এক এক কল্প বাস করিয়া থাকে । ১৩২-১৩৩ । হে মুনে ! বিশ্বেশ্বরের অনুগ্রহ লাভ করিয়াই আমি এই স্থানে মুক্তিপ্রদানে সমর্থ হইয়াছি, অতএব যাহারা আমার ভক্ত হইবে, তাহাদের নিরন্তর বিশেষ ভক্তিসহকারে বিশ্বেশ্বরের সেবা করা উচিত । হে মুনে ! এই বারাগদীকে পাশুপত-ভূমি বলিয়া জানিবে, এইজন্মই এইস্থানে মোক্ষার্থী জীবগণের পশুপতি-সেবা করা উচিত । ১৩৪-১৩৫ । কার্তিক মাসে স্বয়ং মহেশ্বর ও দেবতা সকল আত্মীয়বর্গের সহিত

এই পঞ্চনদ-তীর্থে স্নান করিয়া থাকেন । সমস্ত বেদ ও যজ্ঞনিচয়ের সহিত ব্রহ্মা, ব্রহ্মাণী প্রভৃতি মাতৃগণ এবং নদী সমূহের সহিত সপ্তসমুদ্র, কার্তিক মাসে এই ধূতপাপ-তীর্থে স্নান করিয়া থাকেন । ত্রিভুবন মধ্যে যাবদীয় সচেতন দেহধারা আছে, তাহারা সকলেই কার্তিক মাসে এই ধূতপাপ-তীর্থে স্নান করিতে আগমন করিয়া থাকে । ১৩৬-১৩৮ । তাহারা কার্তিক মাসে পঞ্চনদ-তীর্থে স্নান না করে, তাহাদের জন্ম কেবল জলবুদ্‌বুদ্‌দের ন্যায় বুঝা । হে মহামুনে অগ্নিবিন্দো ! এই আনন্দকানন অতি পবিত্র স্থান, আর এই পঞ্চনদ-তীর্থ ততোধিক পবিত্র এবং আমার সম্মিথি তাহা হইতেও পবিত্র জানিবে । হে মহাপ্রাজ্ঞ ! ইহার দ্বারাই তুমি সর্বতীর্থশ্রেষ্ঠ পঞ্চনদের মহিমা অবগত হও ; যাহা শ্রবণ করিয়া সমস্ত পাতক হইতে মুক্ত হইয়া পরম বিজ্ঞান লাভ করিতে পারা যায় । (স্বন্দ্র কহিলেন) সেই মহামুনি অগ্নিবিন্দু, বিষ্ণুর মুখনির্গত এই সমস্ত বাক্য শ্রবণ করিয়া, বিন্দু-মাধবকে পুনরায় প্রণাম করিয়া জিজ্ঞাসা করিলেন । ১৩৯-১৪৩ ।

অগ্নিবিন্দু কহিলেন, হে ভগবন্ বিন্দুমাধব ! হে জনার্দন ! কাশীতে আপনার কত প্রকার মূর্তি আছে এবং ভবিষ্যতেই বা আর কত মূর্তি হইবে ? ভক্তগণ যাহা পূজা করিয়া কৃতকৃত্য হইবে, তাহা আমি শ্রবণ করিতে ইচ্ছা করিতেছি, হে অচ্যুত ! তাহা আমাকে বলুন । ১৪৪—১৪৫ ।

## একষষ্ঠিতম অধ্যায় ।

—:—

বিন্দুমাধবাবির্ভাব ও মাধবাগ্নিবিন্দু-সংবাদ  
এবং বৈষ্ণব-তীর্থ-মাহাত্ম্য-কথন ।

অগস্ত্য কহিলেন, হে ষড়ানন ! পাপনাশন বিন্দুমাধবের উপাখ্যান ও পঞ্চনদের মাহাত্ম্যও শ্রবণ করিলাম, এক্ষণে অগ্নিবিন্দু, দৈত্যানিসূদন মাধবকে যাহা জিজ্ঞাসা করিলেন, ভগবান্ মধুরিপু, তাহার কি উত্তর প্রদান করিলেন, তাহা আমাকে বলুন । ১—২ ।

স্বন্দ্র কহিলেন, হে মহর্ষে অগস্ত্য ! মাধব, অগ্নিবিন্দু মুনিকে যাহা বলিয়া-  
ছিলেন, আমি সেই কথা বলিতেছি, তুমি শ্রবণ কর । ৩ ।

বিন্দুমধব কহিলেন, হে মহাপ্রাজ্ঞ অগ্নিবিন্দো ! প্রথমতঃ আমি পাদোদক-  
 তীর্থে আদিকেশবরূপে অবস্থান করত ভক্তগণকে মুক্তি প্রদান করিতেছি ;  
 অমৃতক্ষেত্র অবিমুক্তধামে আদিকেশবরূপী আমাকে যাহারা অর্চনা করে, তাহারা  
 সমস্ত দুঃখবিরহিত হইয়া নিশ্চয়ই অম্বৈ মোক্ষ লাভ করিয়া থাকে । ৪-৫ । আদি-  
 কেশব, সঙ্গমেশ্বর নামক শিবলিঙ্গ প্রতিষ্ঠা করত, সর্বদা সাধকগণের ভোগ ও  
 মোক্ষ প্রদানে নিরত আছেন ; তাহার প্রতিষ্ঠিত সেই শিবলিঙ্গদর্শন করিলে  
 মানবগণের পাপ বিনষ্ট হইয়া থাকে । পাদোদক-তীর্থের দক্ষিণদিকে শ্বেতদ্বীপ  
 নামক মহাতীর্থ বিরাজমান রহিয়াছে ; তথায় আমি জ্ঞানকেশব নামে অবস্থিত হইয়া  
 মানবগণকে জ্ঞান প্রদান করিয়া থাকি । ৬-৭ । জ্ঞানকেশবের সন্নিধানে শ্বেতদ্বীপ  
 নামক তীর্থে স্নান করত জ্ঞানকেশবের পূজা করিলে মনুষ্য কখন জ্ঞানভ্রষ্ট হয় না ।  
 তাক্ষ্য-তীর্থে আমি তাক্ষ্যকেশব নামে অবস্থিত আছি ; তথায় যে সমস্ত মানবশ্রেষ্ঠ  
 ভক্তিসহকারে আমার পূজা করে, তাহারা গরুড়ের ন্যায় সতত আমার প্রিয় হইয়া  
 থাকে । সেই স্থানেই নারদতীর্থে আমি নারদকেশব নামে অবস্থিতি করিতেছি,  
 যাহারা নারদতীর্থে স্নান করিয়া তথায় আমার পূজা করে, আমি তাহাদিগকে ব্রহ্ম-  
 বিদ্যা উপদেশ করিয়া থাকি । ৮-১০ । সেই স্থানেই প্রহ্লাদ-তীর্থে আমি প্রহ্লাদ-  
 কেশব নামে অবস্থিত আছি ; ভক্তগণ, মহাভক্তি-সমৃদ্ধির জন্ম তথায় আমার  
 অর্চনা করিবে । সেই স্থানেই অশ্বরীষ-তীর্থে আমি আদিত্যকেশব নামে অবস্থান  
 করত ক্ষণমধ্যে ভক্তগণের পাতকনিচয় ধ্বংস করিয়া থাকি । ১১-১২ । দত্তাত্রেয়-  
 শ্বর নামক মহাদেবের দক্ষিণে আমি গদাধর নামে অবস্থান করতঃ ভক্তগণের  
 সংসার-মল হরণ করিয়া থাকি । সেই স্থানেই ভার্গব-তীর্থে আমি ভৃগুকেশব নামে  
 অবস্থিতি করিয়া কাশীবাসী মানবগণের মনোরথনিচয় পূর্ণ করিয়া থাকি । ১৩-১৪ ।  
 মনোভিলষিতপ্রদ ও শুভ বামন নামক মহাতীর্থে বামনকেশব নামে অবস্থান করি-  
 তেছি, শুভাভিলাষী ব্যক্তিগণ তথায় আমার পূজা করিবে । নরনারায়ণ-তীর্থে  
 আমি নরনারায়ণ রূপে বিরাজিত আছি, যে সমস্ত ভক্তগণ তথায় আমার পূজা  
 করে, তাহারা নর নারায়ণের স্বরূপ প্রাপ্ত হইয়া থাকে । যজ্ঞবরাহ নামক তীর্থে  
 আমি যজ্ঞবরাহ নামে অবস্থিত আছি, যাহারা সমস্ত যজ্ঞের ফল কামনা করে,  
 তাহারা তথায় আমার পূজা করিবে । ১৫-১৭ । বিদারনরসিংহ নামক তীর্থে আমি  
 বিদারনরসিংহ নামে অবস্থান করত কাশীর বিদ্র বিদারণ করিয়া থাকি ; তীর্থের  
 উপদ্রব নিবারণের জন্ম মানবগণ তথায় আমার পূজা করিবে । গোপীগোবিন্দ-  
 তীর্থে আমি গোপীগোবিন্দ নামে অবস্থিত আছি, তথায় ভক্তিসহকারে আমার পূজা

করিলে মনুষ্যকে আর আমার মায়ায় মুগ্ধ হইতে হয় না । হে মূনে । লক্ষ্মী-  
নৃসিংহ নামক পবিত্র-তীর্থে আমি লক্ষ্মীনৃসিংহ নামে অবাস্থত থাকিয়া সতত ভক্ত-  
গণকে মোক্ষ-লক্ষ্মী প্রদান করিয়া থাকি । পাপহারী শেষতীর্থে আমি শেষমাধব  
নামে অবস্থান করত ভক্তগণের অশেষ প্রকার বিশেষ অভিলাষ নিচয় পূর্ণ করিয়া  
থাকি । ১৮-২১ । যে ব্যক্তি শঙ্খমাধব-তীর্থে স্নান করিয়া শঙ্খমাধব নামে অবস্থিত  
আমাকে শঙ্খোদকের দ্বারা স্নান করায়, সে শঙ্খনিধির পতিত লাভ করিয়া থাকে ।  
হয়গ্রাব নামক মহাতীর্থে হয়গ্রাবকেশব নামে অবস্থিত, আমাকে প্রণাম করিলে  
নিশ্চয়ই বিষ্ণুর সেই পরম-পদ প্রাপ্ত হওয়া যায় । ২২-২৩ । বুদ্ধকালেশ্বর মহা-  
দেবের পশ্চিমে আমি ভীষ্মকেশব নামে অবস্থিত আছি, তথায় ভক্তি সহকারে  
আমার সেবা করিলে আমি ভক্তগণের ভীষণ উপসর্গ সমূহ হরণ করিয়া থাকি ।  
লোলার্কের উত্তরভাগে আমি নির্বাণকেশব নামে অবস্থিত হইয়া, ভক্তগণের  
নির্বাণ সূচনা করত তাহাদের চিন্তের লোলতা অপনয়ন করিয়া থাকি । ২৪-২৫ ।  
কাশীক্ষেত্রে পূজনীয় ত্রিপুরাসুন্দরী দেবীর দক্ষিণদিকে ত্রিভুবনকেশব নামে বিখ্যাত  
আমাকে যে ব্যক্তি অর্চনা করে, সে পুনরায় গর্ভে প্রবেশ করে না । জ্ঞানবাপীর  
পুরোভাগে আমি জ্ঞানমাধব নামে অবস্থান করিতেছি, ভক্তি সহকারে তথায় আমার  
পূজা করিলে নিত্যজ্ঞান প্রাপ্ত হওয়া যায় । ২৬-২৭ । বিশালাক্ষী দেবীর সন্নিহিতে  
আমি শ্বেতমাধব নামে অবস্থিত আছি, তথায় যে ব্যক্তি ভক্তির সহিত আমার পূজা  
করে, তাহাকে আমি শ্বেতদীপেশ্বররূপে পরিণত করিয়া থাকি । ২৮ । প্রয়াগ-  
তীর্থে বিধিপূর্বক স্নান করিয়া যে ব্যক্তি, দশাশ্বমেধের উত্তরদিকে প্রয়াগমাধব  
নামে অবস্থিত আমাকে দর্শন করে, সে পাপ হইতে মুক্ত হইয়া থাকে । মাঘ মাসে  
প্রয়াগ-তীর্থে গমন করিলে মানবগণের যে ফল লাভ হয়, এই কাশীক্ষেত্রে আমার  
সম্মুখস্থিত প্রয়াগ-তীর্থে স্নান করিলে তাহাদের, তাহার দশগুণ ফল লাভ হইয়া  
থাকে । গঙ্গা ও যমুনার সঙ্গমে স্নানকারী জনের যে পুণ্য লাভ হয়, কাশীতে  
আমার সন্নিধিস্থ প্রয়াগ-তীর্থে স্নান করিলে দশগুণে সেই পুণ্য লাভ হইয়া থাকে ।  
২৯-৩১ । কুরুক্ষেত্রে সূর্য্যগ্রহণকালীন বহুতর দান-প্রদান কর্তার যে ফল হয়,  
কাশীতে এই স্থানে তাহার দশগুণ ফল লাভ করা যায় । যে স্থানে গঙ্গা উত্তর-  
বাহিনী এবং যমুনা পূর্ববাহিনী, সেই সঙ্গমস্থান প্রাপ্ত হইয়া মানব ব্রহ্মহত্যা হইতে  
মুক্ত হইয়া থাকে । ৩২-৩৩ । যে ব্যক্তি মহাফল কামনা করে, সে কাশীতে প্রয়াগ-  
তীর্থে কেশ মুণ্ডন ও ভক্তি সহকারে পিণ্ডদান এবং বহুতর দান করিবে ; প্রজা-  
পতিক্ষেত্রে যে সমস্ত গুণ আছে, মহাক্ষেত্রে অবিমুক্তধামে সেই সমস্ত গুণ অসম্ভা-



রূপে বিরাজমান রহিয়াছে । প্রয়াগ-তীর্থে ভক্তগণের কামপ্রদ প্রয়াগেশ্বর নামক মহালিঙ্গ বিরাজমান আছেন ; তাঁহার সান্নিধ্যনিবন্ধন সেই তীর্থেও কামপ্রদ বলিয়া কীর্তিত হইয়া থাকে । ৩৪-৩৬ । কাশীতে মাঘ মাসে সূর্য্য মকররাশিস্থ হইলে যে সমস্ত ব্যক্তি অরুণোদয়কালে প্রয়াগ-তীর্থে স্নান না করে, তাহাদের মুক্তির সম্ভাবনা কোথায় ? মাঘ মাসে সংঘত হইয়া যাহারা কাশীস্থ প্রয়াগ-তীর্থে স্নান করে, নিশ্চয়ই তাহাদের দশটি অশ্বমেধ-যজ্ঞজনিত ফল লাভ হইয়া থাকে । যাহারা মাঘ মাসে প্রয়াগ-তীর্থে স্নান করিয়া প্রত্যহ ভক্তিপূর্ব্বক প্রয়াগমাধব ও কামপ্রদ প্রয়াগেশ্বর মহালিঙ্গের পূজা করে, তাহারা এই জগতে ধন-ধান্য-সুতাদিসম্পন্ন হইয়া মনোরম বিষয় সমূহ ভোগে পরম আনন্দ লাভ করত অস্ত্রে মোক্ষ লাভ করিয়া থাকে । ৩৭-৪০ । পূর্ব্ব, পশ্চিম, উত্তর, দক্ষিণ, উর্দ্ধ এবং অধঃপ্রদেশে যাবদীয় তীর্থ আছেন, তাঁহারা সকলেই মাঘ মাসে প্রয়াগ-তীর্থে আগমন করিয়া থাকেন । হে মুনে ! কিন্তু কাশীস্থ তীর্থনিচয় কোন স্থানে গমন করেন না ; যদিও বান, তাহা হইলেও তদগৌই প্রত্যাবৃত্ত হইয়া থাকেন । কার্ত্তিক মাসে অনুত্তম তীর্থত্রয় প্রতিদিন প্রাতঃকালে আমার সন্নিকটে মহাপাপপ্রশমন ও মহাশ্রেয়ো-বিধায়ী এই পঞ্চনদ-তীর্থে আগমন করিয়া থাকেন । সমস্ত তীর্থই স্নান করিবার জন্ত প্রত্যহ মধ্যাহ্নকালে মুক্তিপ্রদা মণিকর্ণিকাতে গমন করিয়া থাকেন । ৪১-৪৫ । হে মুনে ! তীর্থত্রয়ের শ্রেষ্ঠতা ও কালবিশেষে তাহাদের প্রাধান্যরূপ কাশীর এই পরম রহস্য তোমাকে বলিলাম, আরও একটা গোপনীয় বিষয় বলিতেছি ; যে সে স্থানে তাহা বলা উচিত নহে, বিশেষতঃ অভক্তজনের নিকট তাহা সতত গোপন রাখিবে কিন্তু ভক্তজনের নিকট তাহা গোপন করিবে না । ৪৬-৪৭ । কাশীতে সমস্ত তীর্থ-গণই স্ব স্ব তেজে আপন আপন প্রাধান্য রক্ষা করিয়া মহাপাতক নিচয় ধ্বংস করিয়া থাকেন ; তথাপি বারাণসীর পরম রহস্য এই যে, এক মণিকর্ণিকাই সর্ব্বা-পেক্ষা শ্রেষ্ঠ । একমাত্র মণিকর্ণিকার বলেই তীর্থ নিচয় পাপনাশ করিবার জন্ত গর্জ্জন করিয়া থাকেন । কাশীস্থ তীর্থ নিচয় পাপিগণের বহুতর মহাপাতক ধ্বংস করিয়া প্রায়শ্চিত্ত করিবার অভিলাষে পর্ব্ব বা অপর্ব্বদিনে ও মধ্যাহ্নকালে মণিকর্ণিকায় গমন করেন এবং তাঁহারা প্রত্যহ নিয়ম সহকারে মণিকর্ণিকায় স্নান করিয়া নিৰ্ম্মলতা লাভ করিয়া থাকেন । ৪৮-৫২ । ভগবান্ বিশ্বেশ্বরও প্রতিদিন মধ্যাহ্ন-কালে উমার সহিত মণিকর্ণিকায় স্নান করিয়া থাকেন । হে মুনে ! আমিও প্রত্যহ মধ্যাহ্নকালে বৈকুণ্ঠ হইতে আগমন করিয়া লক্ষ্মীর সহিত পরম আনন্দে মণিকর্ণিকায় স্নান করিয়া থাকি । আমি যে, একবার মাত্র আমার নামগ্রহণকারীর পাপ

নিচয় হরণ করত “হরি” এই নাম সার্থক করিতেছি, তাহা কেবল মণিকর্ণিকারই বলে । সত্যলোক হইতেও প্রতিদিন হংসবাহন পিতামহ মাধ্যাহ্নিক-বিধির অনুষ্ঠানের জন্ত মণিকর্ণিকায় আগমন করিয়া থাকেন । ৫৩-৫৬ । স্বর্গ হইতেও ইন্দ্রাদি লোকপালগণ এবং মরীচি প্রভৃতি মহর্ষিগণ মাধ্যাহ্নিকালীন ক্রিয়ানুষ্ঠানের জন্ত মণিকর্ণিকায় আগমন করিয়া থাকেন । নাগলোক হইতেও শেষ ও বাহুকি প্রভৃতি নাগনিচয় মাধ্যাহ্নিকালে স্নান করিবার জন্ত মণিকর্ণিকায় আগমন করেন । ৫৭-৫৮ । অধিক কি বলিব ! সমস্ত চরাচরমধ্যে যাবদীয় সচেতন সত্ত্ব আছে, তৎসমুদয়ই মাধ্যাহ্নিকালে মণিকর্ণিকার বিমল জলে স্নান করিয়া থাকে । হে বিপ্র ! যাহা অস্পদাদিরও অসংখ্য ; মণিকর্ণিকার সেই মহৎ গুণরাশি কে বর্ণন করিতে পারে ? সেই সমস্ত তপোধনই অরণ্যে বসিয়া যথার্থ তপঃ সঞ্চয় করিয়া থাকেন ; যাহারা পরিনামে মুক্তিধাম মণিকর্ণিকা লাভ করেন, সেই সমস্ত মহাত্মাগণই যথার্থ বহুবিধ দান করিয়াছেন ; যাহারা অস্তিমকালে এই মণিকর্ণিকা লাভ করেন । নিশ্চয়ই সেই সমস্ত ব্যক্তি যথাবিধি ব্রতসমূহের উদ্ভাপন করিয়াছেন ; যাহারা অস্তিমকালে মণিকর্ণিকার এই পবিত্র ভূমিকে নিজের কোমল শয্যারূপে পরিণত করিয়া থাকেন । ৫৯-৬৩ । সেই সমস্ত ব্যক্তিই এ জগতে ধন্য এক সেই সমস্ত ব্যক্তিই যথার্থ ষষ্ঠসমূহে দীক্ষিত ; যাহারা পুণার্জিত লক্ষ্মী ত্যাগ করিয়া অস্তিমে মণিকর্ণিকা সন্দর্শন করেন এবং সেই সমস্ত মনুষ্যই ইচ্ছাপূর্ত্ত প্রভৃতি নানাবিধ ধর্ম্মানুষ্ঠান করিয়াছে ; যাহারা বৃদ্ধ বয়সে মণিকর্ণিকা লাভ করে । ৬৪-৬৫ । প্রাজ্ঞ ব্যক্তি মণিকর্ণিকায় সতত যত্নের সহিত রত্ন, দুকূল, কাঞ্চন, গজ এবং অশ্ব দান করিবে । হে মুনৈ ! মণিকর্ণিকায় মানব স্বল্পমাত্রও পুণ্যার্জিত দ্রব্য দান করিলে, তাহা অক্ষয় হইয়া থাকে । মণিকর্ণিকায় যে ব্যক্তি একবারও যথোক্তরূপে প্রণাম করে, তাহার উৎকৃষ্ট ষড়ঙ্গযোগের ফল লাভ হয় এবং যে ব্যক্তি তথায় একবারও গায়ত্রী জপ করে, তাহার অমৃত গায়ত্রী জপের ফল লাভ হইয়া থাকে । ৬৬-৬৯ । মণিকর্ণিকায় বসিয়া প্রাজ্ঞ ব্যক্তি যদি একেবারও আছতি প্রদান করে, তাহা হইলে সে ব্যক্তি অবিকল যাবজ্জীবন অগ্নিহোত্রের ফললাভ করিয়া থাকে । ( স্বন্দ্র কহিলেন ) মহাতপা অগ্নিবিন্দু, বিষ্ণুর এই সমস্ত বাক্য শ্রবণ করিয়া সাত্বিশয় ভক্তি সহকারে পুনরায় মাধবকে প্রণাম করত জিজ্ঞাসা করিলেন । ৭০-৭১ ।

অগ্নিবিন্দু কহিলেন, হে বিষ্ণো ! এই মণিকর্ণিকার পরিমাণ কতদূর, আপনি তাহা বলুন । আপনার অপেক্ষা তত্ত্ববেত্তা আর কেহই নাই । ৭২ ।

শ্রীবিষ্ণু কহিলেন, গঙ্গাকেশব, হরিশ্চন্দ্র-মণ্ডপ, গঙ্গার মাধ্যস্থল এবং স্বর্গধামের

মধ্যস্থিত স্থান মণিকর্ণিকা ; ইহা তোমাকে মণিকর্ণিকার স্থূল পরিমাণ বলিলাম, এক্ষণে সূক্ষ্ম পরিমাণ বলিতেছি । হরিশ্চন্দ্র-তীর্থের অগ্রে হরিশ্চন্দ্র বিনায়ক আছেন, আর সেই স্থলেই মণিকর্ণিকার উত্তরে সীমাবিনায়ক আছেন, মানব ভক্তি সহকারে মোদক ও নানা প্রকার উপচারের দ্বারা সেই সীমা বিনায়কের পূজা করিলে মণিকর্ণিকা লাভ করিতে পারে । হরিশ্চন্দ্র-মহাতীর্থে পিতৃগণের তর্পণ করিলে তাঁহারা শত বৎসর পরিতৃপ্ত থাকেন এবং বাঞ্ছিত ফল প্রদান করেন । মানব, শ্রদ্ধা সহকারে হরিশ্চন্দ্র-মহাতীর্থে স্নান করিয়া হরিশ্চন্দ্রেশ্বরকে প্রণতি করিলে কখন সত্য হইতে বিযুক্ত হয় না । তৎপরে পর্বতেশ্বরের সন্নিহিতে পর্বততীর্থে আছেন, তিনি মহাপাতকনাশন এবং মহামেষ্ণুর অধিষ্ঠান-ভূমি । সেই তীর্থে স্নান করিয়া পর্বতেশ্বরের পূজা করত শক্তি অনুসারে কিঞ্চিৎ দান করিলে মানব মেরুশিখরে বাস করিয়া, দিব্য ভোগ নিচয় উপভোগ করিয়া থাকে । পর্বতেশ্বরের দক্ষিণ দিকে কাম্বলান্থতর নামে তীর্থ আছেন, সেই তীর্থের পশ্চিমাংশে কাম্বলান্থতরেশ্বর নামে শিবলিঙ্গ আছেন, যে ব্যক্তি সেই তীর্থে স্নান করিয়া সেই পবিত্র লিঙ্গের পূজা করে, যে কেহ তাহার বংশে জন্ম গ্রহণ করিলে ; তাহার গীতম্ভ এবং ত্রীমান্ হইবে । সেই স্থলে সংসারনিবারিণী চক্রপুষ্করিণী আছেন, তথায় স্নান করিলে মানব আর গহন সংসার-চক্রে প্রবেশ করে না । চক্রপুষ্করিণীতীর্থ আমারই শ্রেষ্ঠ আবাস ভূমি । ৭৩-৮৩ । পরার্ক-সংখ্যা-পরিমিত বৎসর আমি সেই তীর্থে উৎকট তপস্বী করিয়াছিলাম এবং তথায় পরাত্মা বিশেষ্বর আমাকে দর্শন দিয়াছিলেন । সেই স্থানেই আমি অবিনাশি ও মহন্তর ঐশ্বর্য লাভ করিয়াছি এবং সেই চক্রপুষ্করিণী মণিকর্ণিকা বলিয়া বিখ্যাত হইয়াছে । সেই স্থলে মণিকর্ণিকা দ্রবরূপ পরিত্যাগ করিয়া ললনারূপে আমাকে প্রত্যক্ষ দর্শন দিয়াছিলেন । ৮৪-৮৬ । ভক্তগণের শুভপ্রদ মণিকর্ণিকার সেই রূপ আমি বর্ণনা করিতেছি ; ছয় মাস কাল ত্রিসন্ধ্যা ব্যাপিয়া যাহা ধ্যান করিলে মানব মণিকর্ণিকাকে প্রত্যক্ষ দর্শন করিতে পারে । সেই ললনা “চতুভূজা”, তিনি বিশালনেত্রা, এবং তাঁহার ভালদেশে তৃতীয় বিলোচন ক্ষুরিত হইতেছে, তিনি সর্বদা করপুট সঙ্গত করিয়া পশ্চিমাভিমুখী হইয়া আছেন, দক্ষিণ করে ইন্দ্রীবর-মাল্য ধারণ করিয়াছেন, এক হস্তে বর প্রদান করিতেছেন, এবং বাম হস্তে পবিত্র মাতুলুঙ্গ ফল শোভা পাইতেছে ; তিনি সতত দ্বাদশবার্ষিকী এবং কুমারীরূপিণী । ৮৭-৯০ । শুদ্ধক্ষটিকের আয় তাঁহার দেহ-কাস্তি, তাঁহার কেশসমূহ স্নিগ্ধ ও সুনীল বর্ণ, তাঁহার ওষ্ঠাধরের নিকট প্রবাল ও মাণিক্যের রমণীয়তাও পরাজিত হয়, তাঁহার মস্তকে আবদ্ধ কেশ-

কলাপমধ্যে প্রস্ফুটিত কেতকী-পুষ্প শোভা পাইতেছে, তাঁহার সমস্ত অঙ্গে মুক্তার আভরণ, তিনি শুভ্রবর্ণ বসন পরিধান করিয়া আছেন এবং উৎকৃষ্ট সৌন্দর্য্যময়ী পঙ্কজ-মালা তাঁহার হৃদয়ে লব্ধিত রহিয়াছে ।” মুমুক্শু ব্যক্তিগণ এইরূপে নিরন্তর নির্বাণ-লক্ষ্মীর নিলয় শ্রীমতি মণিকর্ণিকাকে ধ্যান করিবে । ভক্তগণের পক্ষে কল্প-বৃক্ষতুল্য মণিকর্ণিকার মন্ত্র ও বলিতেছি ; যাহা জপ করিলে মানবগণের অষ্টবিধ সিক্কিলাভ হইয়া থাকে । ৯১-৯৪ । প্রথমতঃ প্রণব, তৎপরে যথাক্রমে সরস্বতী-বীজ, ভুবনেশ্বরী বীজ, লক্ষ্মী বীজ, এবং কাম বীজ উচ্চারণ করিবে, তাহাতে “মণিকর্ণিকায়ৈ নমঃ” ইহা এবং অস্ত্রে প্রণব যোগ করিবে । সুরক্ষ্মের তুল্য সমস্ত স্মৃতি-সমুত্তিপ্রদ এই মন্ত্র জপ করিলে সাহিত্য ব্যক্তিগণ পরম পদ লাভ করিয়া থাকেন । ৯৫-৯৬ । মণিকর্ণিকার দ্বিতীয় মন্ত্র এই—প্রথমতঃ প্রণব উচ্চারণ করিয়া, মং মণিকর্ণিকাকে নমঃ, ইহার অস্ত্রেও প্রণব উচ্চারণ করিবে । যে সমস্ত পুরুষ মুক্তির অভিলাষ করেন, তাঁহারা “অনিশং” এই মন্ত্র জপ করিবেন । এবং পবিত্র হইয়া শ্রদ্ধাসহকারে শর্করা ও মধুর সহিত ঘৃতান্নত পদ্মনিচয়ের দ্বারা জপ সংখ্যার দশাংশ হোম করিবেন । ৯৭-৯৯ । তিনলক্ষ বার এই মন্ত্র জপ করিয়া মানব যদি দেশান্তরেও মৃত হয়, তাহা হইলেও এই মন্ত্রের প্রভাববলে সে ব্যক্তি মুক্তি লাভ করিয়া থাকে । ষত্বের সহিত পূর্বোক্ত ধ্যানের অনুরূপ মণিকর্ণিকার নবরত্ন সমন্বিত সূবর্ণের প্রতিমা প্রস্তুত করাইয়া পূজা করিবে । ১০০-১০১ । মোক্ষাভিলাষী ব্যক্তিগণ এইরূপ প্রতিমা নিৰ্ম্মাণ করাইয়া গৃহে রাখিয়া, তাহা প্রত্যহ পূজা করিবে, অথবা ষত্বেসহকারে প্রতিমা পূজা করিয়া মণিকর্ণিকায় নিক্ষেপ করিবে । সংসার-ভীরু ব্যক্তি কাশী হইতে স্থানান্তরে স্থিত হইলেও এই উৎকৃষ্ট উপায়ের অনুষ্ঠান করিবে । ১০২-১০৩ । মানব মণিকর্ণিকায় স্নান করিয়া মণিকর্ণিকেশ্বরকে দর্শন করিলে, তাহাকে আর জননীর জঠরে বাস করিতে হয় না । অন্তর্গৃহের পূর্বদ্বারে, পূর্বে আমিই মণিকর্ণিকেশ্বর শিবলিঙ্গ প্রতিষ্ঠা করিয়াছি, মোক্ষাভিলাষী ব্যক্তি সেই স্থানে তাঁহার অর্চনা করিবে । ১০৪-১০৫ । মণিকর্ণিকার পশ্চিমে পাশুপত-তীর্থ আছেন, তথায় উদক-ক্রিয়া করত মানব পাশুপতীশ্বরকে দর্শন করিবে । সেই স্থানে ভগবান্ পিনাকী আমার ও ব্রহ্মা প্রভৃতি দেবগণেরও মায়াপাশ বিমোচন পাশুপত-যোগ উপদেশ করিয়াছিলেন । অতাপিও জীবগণের পাশমোচনের জন্ত ভগবান্ পাশুপতি স্বয়ং লিঙ্গরূপ ধারণ করত তথায় বিরাজমান রহিয়াছেন । ১০৬-১০৮ । চৈত্র মাসের শুক্ল পক্ষের চতুর্দশী তিথিতে মানব বিশুদ্ধ-চিত্তে প্রযত্ন সহকারে তথায় যাত্রা করিবে এবং রাত্রিতে জাগরণ করিবে, সেই দিন উপাশ

করিয়া পশুপতাস্থরের পূজা করত পরদিন অমাবস্তায় পারণ কারলে মানব আর পশুপাশে আবদ্ধ হয় না। ১০৯-১১০। পশুপত-তীর্থের পর রুদ্রাবাস-তীর্থ, মানব তথায় স্নান করিয়া রুদ্রাবাসেশ্বর মহাদেবের পূজা করিবে। মণিকর্ণিকেশ্বরের দক্ষিণদিকে অবস্থিত রুদ্রাবাসেশ্বর মহাদেবের পূজা করিলে মানব রুদ্রাবাসে বাস করে, তাহার সন্দেহ নাই। ১১১-১১২। রুদ্রাবাস-তীর্থের দক্ষিণে বিশ্বতীর্থ আছেন, তথায় যাবদীয় তীর্থ নিচয় অধিষ্ঠিত আছেন, তথায় স্নান করিয়া মানব, ভক্তিপূর্বক বিশ্বনাথকে দর্শন করিবে, তৎপরে ভক্তিসহকারে বিশ্বাগৌরীর পূজা করিবে, তাহাতে সে ব্যক্তি বিশ্বময় হইয়া বিশ্বের পূজনীয় হইবে। ঐ তীর্থের পর মুক্তি তীর্থ আছেন, তথায় স্নান করিয়া মোক্ষেশ্বর মহাদেবের পূজা করিলে মানব নিঃসংশয় মোক্ষ লাভ করিয়া থাকে। ১১৩-১১৫। অবিমুক্তেশ্বরের পশ্চাদ্ভাগে অবস্থিত মোক্ষেশ্বরকে দর্শন করিলে মনুষ্যকে আর সংসারে গতায়ত করিতে হয় না। মুক্তি-তীর্থের অল্পদূরেই অবিমুক্তেশ্বর-তীর্থ, তথায় স্নান করিয়া অবিমুক্তেশ্বর মহাদেবের অর্চনা করিলে মানব সংসার-বন্ধন হইতে বিমুক্তিলাভ করিয়া থাকে। ১১৬-১১৭। সেই তীর্থের পরেই তারক তীর্থ, যে স্থানে স্বয়ং বিশ্বেশ্বর মৃত ব্যক্তির কর্ণে অমৃতস্বরূপ তারকব্রহ্ম উপদেশ করিয়া থাকেন। সেই তীর্থে স্নান করিয়া তারকেশ্বর মহাদেবকে দর্শন করিলে মানব নিজে সংসার-সাগর হইতে উত্তীর্ণ হইয়া স্বায় পিতৃগণকেও তারণ করিয়া থাকে। তারক-তীর্থের নিকটেই স্কন্দতীর্থ আছেন, তথায় স্নান করিয়া মানব ষড়াননকে দর্শন করিলে, তাহাকে আর ষাটকৌশিক-শরীর পরিগ্রহ করিতে হয় না। ১১৮-১২০। তারকেশ্বরের পূর্বদিকে অবস্থিত ষড়াননকে দর্শন করিলে, মানব কোমার-শরীর পরিগ্রহ পূর্বক ষড়ানন-লোকে বাস করিয়া থাকে। তৎপরে পবিত্র চুণ্ডিতীর্থ, তথায় স্নান করিয়া চুণ্ডিরাজ-গণেশের স্তুতি করিলে, মানব বিশ্বরাসির দ্বারা অভিভূত হয় না। চুণ্ডিতীর্থের দক্ষিণে অনুপম ভবানী তা বিরাজমান রহিয়াছে, তথায় স্নান করিয়া ভবানীকে পূজা করত বস্ত্র, রত্ন, ভূষণ, নানা প্রকার নৈবেদ্য, পুষ্প, ধূপ ও প্রদীপ নিচয়ের দ্বারা ভূতবানী ও মহেশ্বরের পূজা করিবে, কাশীতে যে ব্যক্তি শ্রদ্ধাসহকারে ভবানী ও শঙ্করের পূজা করে, তাহার দ্বারা সচরাচর ত্রিভুবন পূজিত হইয়া থাকে। ১২১-১২৫। চৈত্র মাসের শুক্ল পক্ষের অষ্টমী তিথিতে স্নানব্যক্তি ভবানীর মহাঘাত্রা করিবেন এবং একশত আটবার দেবীকে প্রদক্ষিণ করিবেন, তাহার পরেই, সমুদ্র, আশ্রম ও কাননের সহিত সপ্তদীপা বসুমতী প্রদক্ষিণ করা হইবে। মানবগণ তুষ্টি সহকারে প্রত্যহ তথায় আটবার প্রদক্ষিণ করিবে এবং যত্ন সহকারে সতত ভবানী ও শঙ্করকে

প্রণাম করিবে । ১২৬-১২৮ । ভবানী সতত ভক্তগণের কামনা পূর্ণ করেন এবং কাশীতে বাস করিতে দেন, এই জ্ঞান কাশীবাসীগণ সতত তাঁহার পূজা করিবেন । ভবানী সতত কাশীবাসি জনগণের মঙ্গল বিধান করিয়া থাকেন, এই জ্ঞান কাশীবাসি ব্যক্তিগণ সর্বদা তাঁহার সেবা করিবেন । মোক্ষাভিলাষী ভিক্ষুক সতত ভিক্ষা করিবেন, যে হেতুক ভবগেহিনী ভবানী স্বয়ং ভিক্ষা প্রদান করিয়া থাকেন । ১২৯—১৩১ । এই কাশীতে বিশ্বেশ্বর স্বয়ং গৃহস্থ, তাঁহার বামার্দ্ধভাগিনী ভবানী কাশীবাসিজননিচয়কে মোক্ষ ভিক্ষা প্রদান করিয়া থাকেন । কাশীবাসি-জনগণের যাহা কিছু দুঃপ্রাপ্য থাকে, ভবানী তাঁহাদের দ্বারা পূজিতা হইয়া সেই পদার্থ তাঁহাদের সুলভ করিয়া দেন । ১৩২-১৩৩ । চৈত্র মাসের মহাষ্টমীতে মানব ত্রুতী থাকিয়া রাত্রিতে জাগরণ করিবে এবং প্রাতঃকালে ভবানীর পূজা করিবে, তাহাতে সে ব্যক্তি বাঞ্ছিত ফল প্রাপ্ত হইবে । শুক্রেশ্বরের পশ্চিমদিকে অবস্থিত ভবানীকে যে ব্যক্তি দর্শন করে, তাহার মনোরথসমূহ সিদ্ধ হইয়া থাকে, ইহাতে কোন সন্দেহ নাই । সর্বদা কাশীতে বাস ও উত্তরবাহিনী গঙ্গাতে স্নান করিবে এবং সতত ভবানী ও শঙ্করের সেবা করিবে, তাহাতে ভোগ ও মোক্ষ উভয়ই লাভ হইবে । ১৩৪-১৩৬ । কাশীবাসী ব্যক্তিগণ সুখলাভের জ্ঞান গমন, অবস্থান, জাগরণ ও শয়ন প্রভৃতি সমস্ত সময়েই বক্ষ্যমাণ এই মন্ত্র জপ করিবেন । “হে মাতর্ভবানি ! আমি যেন আপনার চরণ-রজঃ হই, হে মাতর্ভবানি ! আমি যেন আপনার সেবকের মধ্যে শ্রেষ্ঠ হই, হে মাতর্ভবানি ! আমি যেন এ সংসারে পুনরায় উৎপন্ন না হই এবং নিয়ত আপনার সেবায় নিরত থাকি” । ১৩৭-১৩৮ । ভবানী-তীর্থের সন্নিকটেই ঈশান-তীর্থ আছেন, যে ব্যক্তি তথায় স্নান করিয়া ঈশানেশ্বরের পূজা করে, তাহাকে আর জন্মগ্রহণ করিতে হয় না । সেই স্থানেই সতত মানবগণের জ্ঞানপ্রদ জ্ঞানতীর্থ বিরাজমান আছেন ; সেই তীর্থে স্নান করিয়া জ্ঞানবাণী-সমীপস্থ জ্ঞানেশ্বর মহাদেবের দ্বারা পূজা করে, মৃত্যুকালেও তাহাদের জ্ঞানভ্রংশ হয় না । ১৩৯-১৪১ । সেই স্থানেই পরম সমৃদ্ধি-প্রকাশক শৈলাদি-তীর্থ আছেন, তথায় শ্রাদ্ধাদি ও শক্তি অনুসারে দান করিয়া, জ্ঞানবাণীর উত্তরে অবস্থিত শৈলাদীশ্বর মহাদেবকে দর্শন করিলে, মানব মহেশ্বরের অনুরূপ হইয়া থাকে, তাহার কোন সন্দেহ নাই । ১৪২-১৪৩ । নন্দি-তীর্থের দক্ষিণেই বিষ্ণু-তীর্থ, ইহা আমার পরম স্থান ; মানব তথায় পিণ্ড প্রদান করিলে পিতৃগণের নিকট অনূণী হইয়া থাকে । যে ব্যক্তি বিষ্ণু-তীর্থে স্নান করিয়া বিশ্বেশ্বরের দক্ষিণপার্শ্বে অবস্থিত আমাকে দর্শন করে, সে বিষ্ণুলোকে গমন করিয়া থাকে । ১৪৪-১৪৫ ।

যে ব্যক্তি শয়ন এবং উত্থান-একাদশীতে উপবাস করিয়া আমার মূর্তির সন্নিধানে থাকিয়া রাত্রিজাগরণ করত পরদিন প্রাতঃকালে ভক্তির সহিত আমার পূজাপূর্বক দ্বিজগণকে ভোজন করাইয়া গো, সুবর্ণ ও ভূমি প্রদান করে, তাহাকে আর এ জগতে জন্মগ্রহণ করিতে হয় না । বিস্তৃষ্টাচারহিত হইয়া বিষ্ণু-তীর্থে যে বুদ্ধিমান্ নর ত্রোদ্যাপন করেন, তিনিই আমার আজ্ঞায় সম্পূর্ণ ত্রতফল প্রাপ্ত হইয়া থাকেন । ১৪৬-১৪৮ । আমারই তীর্থের উত্তরদিকে শুভ পৈতামহ-তীর্থ বিরাজ করিতেছেন, তথায় শ্রাদ্ধবিধি অনুসারে পিতৃগণকে পরিতৃপ্ত করিয়া, ব্রহ্ম-নালের উপরে অবস্থিত পিতামহেশ্বর মহাদেবের ভক্তিসহকারে পূজা করিলে, মানব ব্রহ্মলোক প্রাপ্ত হইয়া থাকে । ১৪৯-১৫০ । ব্রহ্ম-তীর্থের সন্নিধানে যাহা কিছু শুভ বা অশুভ কৰ্ম্ম করা যায়, তাহা অক্ষয় হইয়া থাকে, এই জন্ম সেই স্থানে কেবল শুভকৰ্ম্মই করা উচিত । হে মুনিসত্তম ! এই স্থানে স্বপ্নমাত্রও শুভ বা অশুভকৰ্ম্ম করিলে প্রলয়কালেও তাহার বিনষ্ট হয় না । ১৫১-১৫২ । এই স্থান পৃথিবীর নাভিভূত বলিয়া এই তীর্থেকে নাভি-তীর্থ বলা যায় ; এই স্থান কেবল পৃথিবীর কেন, ব্রহ্মাণ্ড-গোলকেরও ইহা নাভিস্থানীয় । ইহাকেই মাণিকর্ণিকেয়ী নাভি কহা যায় ; সমস্ত ব্রহ্মাণ্ডগোলক ইহাতে উদ্ভিত ও লীন হইয়া থাকে । ১৫৩-১৫৪ । ব্রহ্মনাল-তীর্থ অতি শ্রেষ্ঠ বলিয়া ত্রিভুবনে বিখ্যাত, সেই তীর্থসঙ্গমে স্নান করিলে মানব কোটিজন্মার্জিত পাপ হইতে নিষ্কৃতি লাভ করিয়া থাকে । ব্রহ্মনালে যাহাদের অস্থিমাত্রও নিপতিত হয়, তাহারা কখনই ব্রহ্মাণ্ডমণ্ডপমধ্যে আর প্রবেশ করে না । ১৫৫-১৫৬ । ব্রহ্মনালের দক্ষিণে ভগীরথ-তীর্থ, মানব তথায় স্নান করিয়া ব্রহ্মহত্যা হইতে সম্যক্ প্রকারে মুক্তিলাভ করিয়া থাকে । স্বর্গদ্বারের সন্নিগটে ভগীরথীশ্বর মহাদেব দর্শন করিলে ব্রহ্মহত্যার পুরস্চরণ হইয়া থাকে । যাহার পূর্বপুরুষগণ অশুভ গতি লাভ করিয়াছে, সে ব্যক্তি যত্ন-পূর্বক ভগীরথ-তীর্থে সেই পিতৃগণকে তর্পিত করিবে । তথায় বিধিপূর্বক শ্রাদ্ধ করিয়া ব্রাহ্মণগণকে ভোজন করাইলে, পিতৃগণ ব্রহ্মলোকে গমন করিয়া থাকেন । ১৫৭-১৬০ । 'ভগীরথ-তীর্থের দক্ষিণভাগে খুরকর্ত্তরি নামক তীর্থ আছেন ; গোলোক হইতে গো-সমূহ তথায় আগমন করিয়া খুরের দ্বারা সেই ভূমি খনন করিয়াছিলেন, এই জন্ম ঐ তীর্থের "খুরকর্ত্তরি" এই নাম হইয়াছে, সেই তীর্থে স্নান করত পিতৃগণের পিণ্ড প্রদান ও তর্পণ করিয়া খুরকর্ত্তরীশ্বর মহাদেব দর্শন করিলে মানব গো-লোকে গমন করিয়া থাকে । আর সেই মহেশ্বরের পূজা করিলে কখন গোধন হইতে বিচ্যুত হয় না । ১৬১-১৬৩ । খুরকর্ত্তরি-তীর্থের

দক্ষিণে মার্কণ্ড-তীর্থে; পাপহারি সেই শ্রেষ্ঠ তীর্থে' শ্রাদ্ধাদি করিয়া মার্কণ্ডেশ্বর মহাদেবকে দর্শন করিলে মানব দীর্ঘায়ুঃ, ব্রহ্মতেজোবৃদ্ধি এবং বিমল কীর্তি লাভ করিয়া থাকে। তৎপরে বসিষ্ঠতীর্থ, মহাপাতকনাশন সেই শ্রেষ্ঠ তীর্থে পিতৃগণকে তর্পিত করত বসিষ্ঠেশ্বর মহাদেবকে দর্শন করিলে মানব ত্রিজন্মার্জিত পাপ হইতে মুক্ত হয় এবং ব্রহ্মতেজঃসমন্বিত হইয়া বসিষ্ঠলোকে বাস করিয়া থাকে। ১৬৪-১৬৭। সেই স্থানে জ্রীগণের গোভাগ্যবর্দ্ধন অরুন্ধতী-তীর্থ আছে, পতিব্রতা নারীগণ অবশ্য সেই তীর্থে স্নান করিবেন; সেই তীর্থে স্নান করিলে, অরুন্ধতীর মহিমাবলে জ্রীগণের ব্যভিচারজনিত দোষ ক্ষণমধ্যে বিলয় প্রাপ্ত হইয়া থাকে। মার্কণ্ডেশ্বরের পূর্বদিকে অবস্থিত বসিষ্ঠেশ্বরের পূজা করিলে মানব নিম্পাপী ও মহাপুণ্যশীল হইয়া থাকে। ১৬৮-১৭০। সেই স্থলে বসিষ্ঠ ও অরুন্ধতীর মূর্তি পূজা করিলে জ্রীলোক কখন বৈধব্য ভোগ করে না এবং পুরুষ কখন জ্রীবিয়োগভাগী হয় না। ১৭১। বসিষ্ঠ-তীর্থের দক্ষিণদিকে নর্মদা-তীর্থ আছে, সেই উৎকৃষ্ট তীর্থে মানব শ্রাদ্ধাদি করিয়া নর্মদেশ্বর মহাদেবকে দর্শন করত মহাদান প্রদান করিলে কখন লক্ষ্মীহীন হয় না। তৎপরে ত্রিসঙ্কোশ্বর মহাদেবের পূর্বভাগে-ত্রিসঙ্কা নামক তীর্থ; মানব সেই তীর্থে বিধিপূর্বক স্নান করত সন্ধ্যা করিলে, সন্ধ্যাকালতিপাতজনিত পাপে অভিভূত হয় না। ব্রাহ্মণ, শ্রদ্ধাসহকারে ত্রিকালীন তথায় সন্ধ্যা করিয়া ত্রিসঙ্কোশ্বর মহেশ্বরকে দর্শন করিলে বেদত্রয়-পাঠজ্ঞ ফল লাভ করিয়া থাকে। ১৭২-১৭৫। তৎপরে যোগিনী-তীর্থ। মানব তথায় স্নান করিয়া যোগিনী-দর্শন করিলে যোগসিদ্ধি লাভ করে। সেই স্থানে মহাপাপনাশন অগস্ত্য-তীর্থ আছে; যত্নপূর্বক সেই তীর্থে স্নান করিয়া অগস্ত্যেশ্বর মহাদেবকে দর্শন করত অগস্ত্য-কুণ্ডে পিতৃগণকে তর্পিত করিয়া অগস্ত্যের সহিত লোপামুদ্রাকে প্রণতি করিলে, মানব সর্বপাপবিনিমুক্ত এবং সর্বক্লেশ-বিবর্জিত হইয়া পূর্বপুরুষগণের সহিত শিবলোকে গমন করিয়া থাকে। ১৭৬-১৭৯। অগস্ত্য-তীর্থের দক্ষিণে অতিপাবন ও সর্বপাতকনাশন গঙ্গাকেশব নামক তীর্থ আছে, হে মনে। তথায় সেই তীর্থের নামেই আমার এক মূর্তি আছে; মনুষ্য শ্রদ্ধা সহকারে সেই মূর্তির পূজা করিলে, আমার লোকে বাস করিয়া থাকে। ১৮০-১৮১। সেই তীর্থে ষথাশক্তি দান করিয়া পিতৃগণের পিণ্ড-প্রদান করিলে, পিতৃগণের শতবৎসরব্যাপিনী তৃপ্তি হয়। মণিকর্ণিকার এই মহৎপরিমাণ কীর্তন করিলাম। সর্ববিশ্ববিনাশন সীমাবিনায়কের দক্ষিণ এবং বৈরোচনেশ্বরের পূর্বদিকে আমি বৈকুণ্ঠমাধব নামে অবস্থিত আছি, তথায় মানব ভক্তিসহকারে আমার



পূজা করিলে বৈকুণ্ঠে পূজার ফল-লাভ করিয়া থাকে । হে মুনে ! বীরেশ্বরের পশ্চিমদিকে আমি বীরমাধব নামে অবস্থিত আছি, মানব ত্রুতী হইয়া তথায় আমার পূজা করিলে ষমযাতনা ভোগ করে না । ১৮২-১৮৫ । কালভৈরবের নিকটে আমি কালমাধব নামে অবস্থিত আছি, তথায় যে ব্যক্তি ভক্তি-সহকারে আমার পূজা করে, কলি ও কাল তাহার কিছুই করিতে পারে না । অগ্রহায়ণ মাসের শুক্লেকাদশী তিথিতে, মানব উপবাস করত তথায় রাত্রিজাগরণ করিলে কখনও ষমকে সন্দর্শন করে না । ১৮৬-১৮৭ । পুলস্ত্যেশ্বর মহাদেবের দক্ষিণে আমি নির্বাণ-নরসিংহ নামে অবস্থিত আছি, ভক্তজন সেই মুক্তিকে প্রণাম করিলেও নির্বাণ লাভ করিয়া থাকে । ১৮৮ । হে মুনে ! ওঙ্কারেশ্বর মহাদেবের পূর্বাংশে আমি মহাবলনৃসিংহনামে অবস্থিত আছি, যে ব্যক্তি তথায় আমার পূজা করে, সে কখন মহাপরাক্রমশালী ষমদূতগণকে সন্দর্শন করে না । চণ্ডভৈরব মহাদেবের পূর্বভাগে আমি প্রচণ্ডনরসিংহ নামে অবস্থিত আছি, মানব মহাপাপ করিয়াও তথায় আমার পূজা করিলে নিষ্পাপ হইয়া থাকে । ১৮৯-১৯০ । দেহলী-বিনায়কের পূর্বদিকে আমি গিরিনৃসিংহ নামে অবস্থিত থাকিয়া ভক্তগণের পাপ বিনাশ করিয়া থাকি । পিতামহেশ্বর মহেশ্বরের পশ্চাদ্ভাগে আমি মহাভয়হর-নরসিংহনামে অবস্থিত আছি, হে মহামুনে ! তথায় থাকিয়া আমি ভক্তগণের ভয় হরণ করিয়া থাকি । কলেশ্বর মহাদেবের পশ্চিমে আমি অত্যাগ্র-নরসিংহ নামে অবস্থিত আছি, তথায় মানব শ্রদ্ধাপূর্বক আমার পূজা করিলে আমি তাহার অতি উৎকট পাপরাশিও ধ্বংস করিয়া থাকি । ১৯১-১৯৩ । জ্বালামুখীর সন্মিকটে আমি জ্বালামালী-নৃসিংহ নামে অবস্থান করিতেছি, তথায় মানব আনার পূজা করিলে, আমি তাহার পাপরূপ তৃণরাশিকে দক্ষ করিয়া থাকি । যে কঙ্কালভৈরব অবস্থিত থাকিয়া দক্ষতা সহকারে কাশী রক্ষা করিতেছেন, তথায় আমি কোলাহল-নৃসিংহ নামে অবস্থান করিতেছি ; আমার নাম উচ্চারণমাত্রেই পাপনিচয় কোলাহল করে বলিয়া, তথায় আমার “কোলাহল-নৃসিংহ” এই নাম হইয়াছে ; মানব ভক্তি-সহকারে তথায় আমার পূজা করিলে কখন উপসর্গের দ্বারা বিদ্রুত হয় না । ১৯৪-১৯৬ । নীলকণ্ঠেশ্বর মহাদেবের পশ্চাতে আমি বিটঙ্ক-নরসিংহ নামে অবস্থিত আছি, মানব শ্রদ্ধাসহকারে তথায় আমার পূজা করিলে নির্ভয়তা লাভ করিয়া থাকে । অনন্তেশ্বর মহাদেবের নিকট আমি অনন্তবামন নামে অবস্থিত আছি ; তথায় যে ব্যক্তি ভক্তি-সহকারে আমার পূজা করে, তাহার পাতকরাশি অনন্ত হইলেও আমি তাহা হরণ করিয়া থাকি । ভক্তগণের দধিভক্তপ্রদ হইয়া আমি

দধিমাধব নামে অবস্থিত আছি, আমার সেই নাম স্মরণ করিলেও মানব কখন দরিদ্র হয় না । ত্রিলোচনের উত্তরে আমি ত্রিবিক্রম নামে অবস্থিত আছি ; মানব ভক্তি সহকারে আমার পূজা করিলে আমি তাহাকে ধন-প্রদান ও তাহার পাপ হরণ করিয়া থাকি । ১৯৭-২০০ । বলিভদ্রেশ্বর মহাদেবের পূৰ্ব্বদিকে আমি বলিবামন নামে অবস্থিত আছি ; সেই স্থানে বলি আমাকে পূজা করিয়াছিল, ভক্তগণ তথায় আমার পূজা করিলে, আমি তাহাদের বলবৰ্দ্ধন করিয়া থাকি । আমি তাম্রদ্বীপ হইতে কাশীতে আগমন করিয়া ভবতীৰ্থের দক্ষিণে তাম্রবরাহ নামে অবস্থিতি করত ভক্তগণের বাঞ্ছিত অর্থ প্রদান করিতেছি । হে মুনৈ ! প্রয়াগেশ্বর মহাদেবের সন্নিহিতে আমি ধরণিবরাহ নামে অবস্থান করিতেছি ; মানব তথায় বরাহ-তীৰ্থে স্নান করিয়া বরাহরূপী আমাকে দর্শন করত বহুভাবে আমার পূজা করিলে আর যোনিসঙ্কটে প্রবেশ করে না এবং স্বপ্নমাত্রও অন্ন দান করিলে ধরাদানের ফল লাভ করিয়া থাকে । ২০১-২০৪ । মানব মহাকলুষমাগরে নিপতিত হইয়াও আমার ভক্তিরূপ উড়ুপ প্রাপ্ত হইয়া প্রলয়কালেও নিমগ্ন হয় না । আমি বরাহেশ্বর মহাদেবের নিকটে কোকাবরাহ নামে অবস্থান করিতেছি ; মানব তথায় আমার পূজা করিলে বাঞ্ছিত ফল প্রাপ্ত হইয়া থাকে । ২০৫-২০৬ । আমার পঞ্চশত নারায়ণমূৰ্ত্তি, একশত জলশবরীমূৰ্ত্তি, ত্রিশং কৰ্মমূৰ্ত্তি, বিংশতি মৎস্তমূৰ্ত্তি, অষ্টোত্তরশত গোপালমূৰ্ত্তি, সহস্র প্রকার বুদ্ধমূৰ্ত্তি, ত্রিশং পরশুরামমূৰ্ত্তি এবং একোত্তর শত রামমূৰ্ত্তি বিরাজমান আছে, আর মুক্তিমণ্ডপमध्ये আমি বিষ্ণুরূপে অবস্থান করিতেছি, হে মুনৈ ! বিশ্বনাথ প্রসন্ন হইয়া স্বয়ং তথায় আমাকে স্থাপিত করিয়াছেন । ২০৭-২০৯ । আর আমার ছয়নিযুত গণ, নারায়ণরূপে চক্র ও গদা ধারণ করিয়া চতুর্দিকে এই ক্ষেত্র রক্ষা করিতেছে । ( স্বন্দ কহিলেন ) অগ্নিবিন্দু এই সমস্ত শ্রবণ করত আনন্দে পুলকিত হইয়া পুনরায় বিষ্ণুকে বলিলেন যে, “হে প্রভো ! আপনার ভক্তগণের হিতের জন্ত এবং আমার সন্দেহ নিবৃত্তির জন্ত আপনার মূৰ্ত্তি কত প্রকার এবং কিরূপেই বা সেই সমস্ত মূৰ্ত্তি পরিজ্ঞাত হইতে পারা যায়, তাহা বলুন ।” তপোনিধি অগ্নিবিন্দুর এই বাক্য শ্রবণ করিয়া ভগবান্ বিষ্ণু, যথাক্রমে স্বায় কেশবা দি মূৰ্ত্তিভেদ কীৰ্ত্তন করিতে লাগিলেন । ২১০-২১৪ ।

শ্রীবিষ্ণু কহিলেন, হে মহাপ্রাজ্ঞ অগ্নিবিন্দো ! আমি তোমাকে বলিতেছি, শ্রবণ কর । সৃষ্টিক্রমে, আত্ম দক্ষিণ হস্ত হইতে শঙ্খ, চক্র, গদা ও পদ্মবিভূষিত ঘে মূৰ্ত্তি, তাহা আমার কৈশবীমূৰ্ত্তি বলিয়া জানিবে ; সেই মূৰ্ত্তি মনুষ্যকর্তৃক

পূজিতা হইয়া চিস্তিত অর্থ প্রদান করিয়া থাকে । যে মূর্তিতে আত্ম দক্ষিণ হস্ত হইতে যথাক্রমে শঙ্খ, পদ্ম, গদা এবং চক্র বিরাজিত আছে, তাহা আমার মধুসূদন-মূর্তি ; সেই মূর্তির পূজা করিলে মানবের শত্রুনিচয় নষ্ট হইয়া থাকে । ২১৫-২১৭ ।

যে মূর্তিতে আত্ম দক্ষিণ হস্ত হইতে যথাক্রমে শঙ্খ, পদ্ম, চক্র এবং গদা শোভিত হয়, তাহা আমার সঙ্কর্ষণমূর্তি ; সেই মূর্তির পূজা করিলে মনুষ্যকে আর কখন জন্মগ্রহণ করিতে হয় না । যে মূর্তিতে আত্ম দক্ষিণ হস্ত হইতে যথাক্রমে শঙ্খ, গদা, চক্র ও পদ্ম বিরাজিত আছে, তাহা আমার দামোদরমূর্তি ; সেই মূর্তি পূজিত হইয়া, ভক্তজনকে বহুতর বিত্ত, পুত্র, গোধন ও ধান্য প্রদান করিয়া থাকে । শঙ্খ, চক্র, পদ্ম এবং গদাবিভূষিত যে মূর্তি, তাহা আমার বামনমূর্তি ; সেই মূর্তি গৃহে রক্ষিত হইলেও মনুষ্য লক্ষ্মীবান্ হইয়া থাকে । ২১৮-২২০ ।

পাঞ্চজন্তু-শঙ্খ, গদা, পদ্ম ও বিচিত্রমূর্তি স্তূপদর্শন-চক্রযুগ্মশোভিত যে মূর্তি, তাহা আমার প্রহ্লাদমূর্তি ; মানব সেই মূর্তির পূজা করিলে বহুতর ধন প্রাপ্ত হইয়া থাকে । সৃষ্টিক্রমে উর্দ্ধ বামকর হইতে শঙ্খাদি ভূষাভেদে বিষ্ণু প্রভৃতি ছয়টি মূর্তি আছে ; যাহাদের নাম স্মরণমাত্রেই পাপরাশি বিলীন হইয়া যায় । শঙ্খ, চক্র, গদা ও পদ্মভূষিত মূর্তি বিষ্ণুমূর্তি ; মানবগণ সঙ্কলিলাভের জন্তু সেই মূর্তির পূজা করিবে । শঙ্খ, পদ্ম, গদা ও চক্রযুক্ত যে মূর্তি তাহা আমার মাধবমূর্তি ; মানব সেই মূর্তির পূজা করিলে পরম সমৃদ্ধি লাভ করিয়া থাকে । ২২১-২২৩ ।

শঙ্খ, পদ্ম, চক্র ও গদাবিভূষিত যে মূর্তি তাহা আমার অনিরুদ্ধ মূর্তি ; মানবগণ সিদ্ধিলাভের জন্তু আমার সেই মূর্তির পূজা করিবে । শঙ্খ, গদা, চক্র ও পদ্মবিশিষ্ট যে মূর্তি তাহা আমার পুরুষোত্তম-মূর্তি । শঙ্খ, চক্র, পদ্ম ও গদাবিভূষিত যে মূর্তি তাহা আমার অধোক্ষজ মূর্তি ; এই মূর্তিতে পূজিত হইয়া আমি ভক্তের ভবভয় হরণ করিয়া থাকি । শঙ্খ, গদা, পদ্ম ও চক্রভূষিত যে মূর্তি তাহা আমার জনার্দনমূর্তি । ২২৪-২২৫ ।

অধো বামকর হইতে শঙ্খাদি ধারণ ক্রমে আমার গোবিন্দ প্রভৃতি ছয়টি মূর্তি আছে ; তন্মধ্যে গোবিন্দ, হস্তে যথাক্রমে শঙ্খ, চক্র, গদা ও পদ্ম ধারণ করিয়া আছেন । ত্রিবিক্রমমূর্তি, শঙ্খ, পদ্ম, গদা ও চক্র ধারণ করিয়া আছেন ; যাহারা ঐশ্বর্য্য অভিলাষ করে, তাহারা আমার সেই মূর্তির পূজা করিবে । শ্রীধরমূর্তি, যথাক্রমে শঙ্খ, পদ্ম, চক্র এবং গদা-ধারণ করিয়া আছেন । হৃষীকেশমূর্তির হস্তে শঙ্খ, গদা, চক্র এবং পদ্ম বিরাজিত আছে । নৃসিংহমূর্তির হস্তে শঙ্খ, চক্র, পদ্ম এবং গদা আছে । অচ্যুতমূর্তির হস্তে যথাক্রমে শঙ্খ, গদা, পদ্ম ও চক্র বিরাজ করিতেছে । দক্ষিণাধঃকর হইতে যথাক্রমে শঙ্খাদিভেদে আমার বাহুদেব প্রভৃতি

ছয়টি মূর্তি আছে । ২২৬-২২৯ । বাহুদেবমূর্তিতে আমি শঙ্খ, চক্র, গদা এবং পদ্ম ধারণ করিয়া আছি । নারায়ণমূর্তিকে মানবগণ সতত শঙ্খ, পদ্ম, গদা ও চক্রধারীরূপে ধ্যান করিবে । হে মুনে ! পদ্মনাভকে শঙ্খ, পদ্ম, চক্র ও গদাধারী বলিয়া জানিবে । উপেন্দ্রকে সতত শঙ্খ, গদা, চক্র এবং পদ্মধারী বলিয়া জানিবে । হরিমূর্তির হস্তে যথাক্রমে শঙ্খ, চক্র, পদ্ম এবং গদা শোভা পাইয়া থাকে ; মানবগণ সেই মূর্তির পূজা করিলে তাহাদের পাপ বিনষ্ট হয় । কৃষ্ণমূর্তির হস্তে যথাক্রমে শঙ্খ, গদা, পদ্ম এবং চক্র বিরাজিত আছে । হে মহামুনে ! আমার নিজ মূর্তির এই সমস্ত ভেদ কীর্তন করিলাম, যাহা জানিলে মানব নিশ্চয়ই ভক্তি ও মুক্তি লাভ করিয়া থাকে । ২৩০-২৩৩ । ( স্কন্দ কহিলেন ) ভগবান্ গোবিন্দ অগ্নিবিন্দু মুনিকে এই সমস্ত বলিতেছেন ইত্যবসরে যিনি পক্ষবিক্ষেপের দ্বারা বিপক্ষপক্ষকে বিক্ষিপ্ত করেন, সেই পক্ষীন্দ্র গরুড় তথায় আসিয়া উপস্থিত হইলেন এবং ভগবান্কে প্রণতি করিয়া উল্লাস সহকারে মহেশ্বরের সত্ত্বর আগমনবার্তা কহিলেন । হৃষীকেশ এই বার্তা শ্রবণ করিয়া, উল্লাসে “মহেশ্বর কোথায় ?” এই কথা উচ্চারণ করিলেন, তখন গরুড় উত্তর করিলেন । ২৩৪—২৩৫ ।

গরুড় কহিলেন, “এই মহাবৃষভকেতন আগমন করিতেছেন, দর্শন করুন ; যাঁহার ধ্বজস্থ রত্ননিচয়ের কিরণে এই গগনমার্গ পরিব্যাপ্ত হইয়াছে।” ( স্কন্দ কহিলেন ) অনন্তর পুণ্ডরীকলোচন বিষ্ণু, ভগবান্ ত্রিলোচনের লোকনিচয়ের লোচনস্থিতিকে সফল করিতে সক্ষম বৃষভধ্বজ রথ দেখিতে পাইলেন ; কোটিমার্ভও কিরণের শ্রায় দ্ব্যতিশালী সেই বৃষভধ্বজের দ্ব্যতিতে দিগানন সমূহ প্রোতোভিত হইয়াছে, চতুর্দিকে বিমানিগণের বিমাননিচয়ে বেষ্টিত হইয়া সেই বৃষভধ্বজ-রথ গগনাজন ব্যাপ্ত করিয়াছে ; রথস্থ মহাবাহু নিচয়ের নিনাদ-নিবহে কন্দরসমূহ প্রতিধ্বনিত হইতেছে । বিভাধরোগণ কর্তৃক পরিক্ষিপ্ত পুষ্পাঞ্জলিরাশিতে স্নগন্ধি-বৃষভধ্বজ-রথের সুসৌরভে চতুর্দিক আমোদিত হইয়াছে । ভগবান্ শঙ্খচক্র-গদাধর মুক্তিপ্রদ বিষ্ণু, দূর হইতে প্রণতি করত আনন্দে পুলকিত হইয়া, অভ্যুত্থান করিবার ইচ্ছা করিলেন এবং অগ্নিবিন্দুকে কহিলেন :—“দক্ষিণ হস্তের দ্বারা তুমি এই সুদর্শন-চক্র স্পর্শ কর” অগ্নিবিন্দু ইহা শুনিয়া সুদর্শন-স্পর্শ করিবারাত্র হরির পরম অমুগ্রহে সুদর্শন লাভ করিলেন ( শোভন জ্ঞান লাভ করিলেন ) । ২৩৬—২৪২ ।

স্কন্দ কহিলেন, হে কলসজ ! অনন্তর সেই মুনি, বিন্দুমাধবের সেবা-নিবন্ধন জ্যোতির্ময় রূপ-ধারণ করিয়া জ্যোতির আকর কৌস্তভ-শোভিত বপুতে বিলীন

হইলেন । হে কলসোদ্ভব ! বিন্দুমাধবের চরণ-কমলে যাহাদের মানস ভ্রমর-বৃত্তি-পরিগ্রহ করে, তাহারা অগ্নিবিন্দুর সমানরূপতা লাভ করিয়া থাকে । ২৪৩-২৪৪ । কাশীতে সত্ত্ব বাস করিবে, সত্ত্ব বিন্দুমাধবকে দর্শন করিবে এবং এই উপাখ্যান শ্রবণ করিবে, তাহা হইলে নিশ্চয়ই জগতের গতিকে জয় করিতে পারিবে । পঞ্চনদের উৎপত্তি অতি পবিত্র, বিন্দুমাধবের কথাও অতি পবিত্র, এই সমস্ত এবং পুণ্য-বারাণসীতে বাস, পুণ্যশীল ব্যক্তিগণেরই সম্ভাবিত হইয়া থাকে । ১৪৫-২৪৬ । বিন্দুমাধবের সম্মুখে যে ব্যক্তি অগ্নিবিন্দুকৃত স্তোত্র পাঠ করিবে, সে সর্বপ্রকার ঐশ্বর্য্য ভোগ করিয়া, অন্তে মোক্ষলক্ষীর অধিপতি হইবে । শ্রাদ্ধসময়ে যখন ব্রাহ্মণগণ ভোজন করিবেন, তখন তাহাদের পরম তৃপ্তির জন্ম এই উৎকৃষ্ট উপাখ্যান পাঠ করিবে । পবিত্র পঞ্চনদ-তীরে পর্বদিনে বিশেষ যত্ন-সহকারে এই উপাখ্যান পাঠ করা উচিত, তাহাতে পুণ্যালক্ষ্মী বুদ্ধি হইয়া থাকে । ২৪৭-২৪৯ । যত্ন-সহকারে বিন্দুমাধবের উৎপত্তি-বিবরণ পাঠ করিবে এবং ভক্তি ও মুক্তিলাভের জন্ম পরম ভক্তি সহকারে ইহা শ্রবণ করিবে । হরিবাসরে রাত্রিজাগরণ করিয়া এই পবিত্র উপাখ্যান শ্রবণ করিলে, মানব বৈকুণ্ঠে বসতিলাভ করিতে পারে । ২৫০-২৫১ ।

## দ্বিষষ্টিতম অধ্যায় ।



মন্দরপর্বত হইতে বিষ্ণেশ্বরের কাশীতে আগমন ও

বৃষভধ্বজ মাহাত্ম্য কথন ।

অগস্ত্য কহিলেন, হে স্কন্দ ! আপনি যে বিন্দুমাধবাখ্যান কীর্তন করিলেন, তাহা অতীব আশ্চর্য্যজনক ; আপনার মুখোচ্চারিত কথা শ্রবণ করিয়া আমি তৃপ্তি লাভ করিতে পারিতেছি না, যতই শুনিতেছি উত্তরোত্তর শ্রবণেচ্ছা ততই বৃদ্ধিলাভ করিতেছি । এক্ষণে আপনার নিকট আমি ভগবান মহেশ্বরের কাশীসমাগমসম্বন্ধিনী কথা শ্রবণ করিতে অভিলাষী হইয়াছি ; হে ষড়ানন ! মহেশ্বর গরুড়ের নিকট দিবোদাসের তাৎকালিক ব্যবহার ও বিষ্ণুমায়াপ্রপঞ্চ শ্রবণ করত গরুড়ধ্বজকে কি কহিলেন ? মন্দরপর্বত হইতে মহাদেবের সহিত কাহারাই বা কাশীতে আগমন করেন ?

লজ্জাব্যাকুলনেত্র প্রজাপতি, কি প্রকারেই বা প্রথমে মহেশ্বরের সহিত সাক্ষাৎ করিলেন ? ভগবান্ মহেশ্বরই বা ত্র্যম্বকে তৎকালে কি কহিলেন ? মহাদেবের সাক্ষাতে ভগবান্ আদিত্য, কি প্রকার বাক্যে নিজদোষের ক্ষমা প্রার্থনা করিলেন ? যোগিনীগণই বা কি কহিলেন এবং লজ্জিত গণসমূহই বা কি বলিলেন ? হে কার্তিকেয় ! এই সকল বিষয় আমার নিকট কীর্তন করুন । ১—৫ ।

কলসসম্ভব ঋষি অগস্ত্যের এই প্রকার প্রশ্নবাক্য শ্রবণ করিয়া, পরমেশ্বরতনয় ভগবান্ ষড়ানন, ভক্তিভরে প্রশ্নতসিক্ধি মহাদেব ও ভবানীকে নমস্কার করত প্রত্যুত্তর করিতে প্রবৃত্ত হইলেন । ৬ ।

কার্তিকেয় কহিলেন, হে মুনো ! আমি সর্বপাতকনাশিনী নিখিলবিশ্ববিধ্বংসিনী ও সর্ববমললদায়িনী কথা কীর্তন করিতেছি, তুমি অবহিতচিত্তে শ্রবণ কর । ৭ । অনন্তর অনুররিপু ভগবান্ নারায়ণ, মহাদেবের আগমনবৃত্তান্ত অবগত হইয়া, পক্ষি-শ্রেষ্ঠ এবং মহেশ্বরের আগমনবার্তাহারী গরুড়কে আনন্দ-সহকারে বিহিত পারি-তোষিক প্রদান করিলেন । ৮ । এবং ত্র্যম্বকে অগ্রগামী করিয়া বারাণসীর সীমা-পর্যন্ত ভগবান্ মহেশ্বরের প্রত্যাদগমন করিলেন । তৎপরে যোগিনীগণ কর্তৃক অমু-গম্যমান ভগবান্ বিষু, সূর্য্য, গণসমূহ ও গণপতির সহিত মিলিত হইয়া কিয়ৎকাল তথায় প্রতীক্ষান্তরই দূর হইতেই দেবদেব-বৃষধ্বজকে বিলোকন করত সত্ত্বর নিজ-বাহন গরুড় হইতে অবতরণ পূর্বক প্রণাম করিলেন । ৯-১১ । বৃদ্ধ পিতামহও স্বীয় স্বক্কদেশ অতিশয় বিনত করিয়া, প্রণাম করিতে প্রবৃত্ত হইয়াছেন দেখিয়া স্বয়ং মহাদেবই নম্রভাবে অতিবিনয় সহকারে তাঁহাকে নিবারণ করিলেন । ১২ । অনন্তর ভগবান্ ত্র্যম্ব পাণিদ্বয় উত্তোলন দ্বারা স্বস্তিবাচন পূর্বক জলাদ্র অক্ষত-নিবহ প্রদর্শন করত রুদ্রসূক্তের দ্বারা অভিমন্ত্রণ করিলেন । ১৩ । গণপতি সত্ত্বর বিনতভাবে মহেশ্বরের পাদদ্বয়ে মস্তক বিলুপ্তি করিতে লাগিলেন, তখন দেবদেব মহেশ্বরও হর্ষ-সহকারে তাঁহাকে উত্তোলন-পূর্বক তদীয় মস্তকাস্রাণ করিলেন । এবং আলিঙ্গন-পূর্বক নিজ আসনেই উপবেশন করাইলেন । তদনন্তর নন্দি প্রভৃতি ভক্তিভরে মহাদেবকে প্রণাম করিতে লাগিলেন । ১৪-১৫ । তদন্তর যোগিনীগণও প্রণামপূর্বক অতিবিশুদ্ধস্বরে মঞ্জলগান করিতে লাগিলেন এবং ভগবান্ দিনকরও তাহাকে বিশিষ্ট-ভক্তি সহকারে নমস্কার করিলেন । ১৬ । অনন্তর ভগবান্ শশাঙ্ক-শেখর, বহুমানপুরঃসর গরুড়ধ্বজকে নিজ সিংহাসনের নিকটেই বামভাগে উপ-বেশন করাইলেন । ১৭ । তৎপর নিজের দক্ষিণভাগে আসন প্রদান পূর্বক, ত্র্যম্বকে উপবেশন করাইয়া ভগবান্ মহেশ্বর, শ্রীতিলগিত দৃষ্টিপাতদ্বারা প্রশ্নত-গণসমূহের

প্রীতি উৎপাদন করত শিরশ্চালন দ্বারা, নিকটস্থিত যোগিনীগণকে বিশিষ্টরূপে সম্মানিত করিলেন এবং করচালন দ্বারা “উপবেশন কর” এই আজ্ঞা প্রদান করত সূর্য্যদেবকে বিশেষ সম্ভৃতি করিলেন । ১৮-১৯ । তদনন্তর ভগবান্ ব্রহ্মা, করদ্বয়ে অঞ্জলি-বদ্ধ করত অতি দ্বিনীতভাবে প্রসন্নবদন মহেশ্বরকে সম্বোধন পূর্ব্বক বিজ্ঞাপন করিতে প্রবৃত্ত হইলেন । ২০ ।

ব্রহ্মা কহিলেন, হে ভগবন্ দেবদেবেশ গিরিজাপতে ! আমি বারাগসীতে আগমনপূর্ব্বক পুনর্ব্বার যে আপনার নিকট গমন করি নাই, আমার এই গুরু অপরাধটী আপনি ক্ষমা করুন । ২১ । হে চন্দ্রবিভূষণ ! কোন্ স্থবিরব্যক্তি, কোন কার্য্যে সামর্থ্যবান্ হইয়াও প্রসন্নক্রমে কানীতে উপস্থিত হইয়া পুনর্ব্বার তাহা পরিত্যাগ করিয়া যাইতে পারে ? ২২ । আরও আমি স্বরূপতঃ ব্রাহ্মণপ্রযুক্ত অপকার করিতেই সমর্থ নহি, অথবা অপকার করিতে সমর্থ হইলেই বা কোন্ ব্যক্তিই সহসা সেই মহাপুণ্যশীল রাজার অপকার করিতে পারে ? ২৩ । যতপি সকল কার্য্যেই আমার প্রভুতা আছে কিন্তু আমি তথাপি এই প্রকারই আজ্ঞা করিয়া থাকি যে, ধর্ম্মশীল ব্যক্তির প্রতি কাহারও বিনা দোষে কোন প্রকার অপকার প্রয়োগ করা উচিত নহে । ২৪ । জগতে এমন কোন্ ব্যক্তিই বা আছেন যে, তাদৃশ পুণ্যকর্মে অনলস কানীপালক দিবোদাসের উপর অল্পমাত্রও বিরুদ্ধবুদ্ধি করিতে পারেন । ২৫ । অতি বিশুদ্ধজ্ঞানাম্পদ ত্রীকণ্ঠ, ব্রহ্মার এবম্বিধ বাক্য শ্রবণ পূর্ব্বক, হে ব্রহ্মন্ ! “আমি সকলই অবগত আছি” এই বলিয়া হাসিতে হাসিতে তদীয় বাক্যের প্রত্যুত্তর করিতে প্রবৃত্ত হইলেন । ২৬ ।

মহেশ্বর কহিলেন, হে ব্রহ্মন্ ! প্রথম হইতেই তুমি নির্দোষ আছ, তাহার উপর আবার এই কানীক্ষেত্রে দশটী অশ্বমেধ করিয়াছ, হে প্রজাপতে ! ইহার উপরও আবার তুমি এক পরম-বিহিত আচরণ করিয়াছ ; কারণ তুমি আমার লিঙ্গ প্রতিষ্ঠা করিয়াছ । অতএব ভাবিয়া দেখ, এই সকল বিহিত কর্ম্ম করিয়াও তোমার হৃদয়ে কেন এত নিজ অপরাধ-সম্ভাবনা হইতেছে ; ইহা কি অপ্রকৃত ? যে ব্যক্তি, যে কোন স্থানেও আমার একটী লিঙ্গপ্রতিষ্ঠা করে, সে সকল প্রকার অপরাধের আধার হইলে সম্পূর্ণরূপে নিরপরাধ হয়, সহস্র অপরাধ থাকিলেও যে ব্যক্তি ব্রাহ্মণকে অপরাধী বলিয়া জ্ঞান করে, কতিপয় দিনের মধ্যেই তাহার ঐশ্বর্য্য বিনাশ প্রাপ্ত হয় । ২৭-৩০ । মহাদেব এই প্রকার হৃদয়হারী প্রত্যুত্তর করিলেন দেখিয়া, যোগিনীগণের প্রধান প্রমথগণ চারিদিকে পরস্পর, পরস্পরের আনন বিলোকন পূর্ব্বক হৃদয়ে অভূতপূর্ব্ব আনন্দ লাভ করিলেন । ৩১ । অনন্তর চরাচরবিজ্ঞাতা

সূর্য্যদেবও সমুচিত অবসর বিলোকন করত, প্রসন্নবদন পার্বতীপতিকে বিজ্ঞাপন করিতে প্রবৃত্ত হইলেন । ৩২ ।

সূর্য্যদেব কহিলেন, হে প্রভো ! আমি মন্দরপর্বত হইতে আগমন করত, যথাক্রমে নানাবিধ চন্দ্রবেশ-ধারণ করিয়াও সেই স্বধর্ম্মরক্ষক দিবোদাস নৃপতির রাজ্যচ্যুতিজনক কোন কার্য্যই করিতে সক্ষম হই নাই ; অনন্তর আপনার এখানে আগমন নিশ্চয়ই হইবে ইহা বিবেচনা করত তদবধি এই কাশীতেই অবস্থান করিতেছি ; হে প্রভো ! আপনার শুভাগমন প্রতীক্ষা করত নানাবিধ মূর্ত্তিতে নিজ আত্মা বিভক্ত করিয়া, আপনার আরাধনাতেই দিনযাপন করিতেছি । হে মহেশ্বর ! আপনার প্রতি ভক্তিরূপ বারিধারা সিন্ধু ও ভবদীয় ধ্যানপুষ্পিত মদীয় এই মনো-রথ-পাদপ, অল্প ভবদীয় চরণদর্শনে সফলতা লাভ করিল । ৩৩-৩৬ । ভাস্করের এই প্রকার সবিনয় বাক্য শ্রবণান্তে রবিলোচন ভগবান্ চন্দ্রশেখর উত্তর করিলেন যে, “হে দিবাকর ! তোমারও কোন অপরাধ নাই ; তুমি যে দিবোদাস নৃপতির সুরপ্রবেশরহিত এই রাজ্যে অবস্থিতি করিতে পারিয়াছ, ইহাতেই আমার কার্য্য তোমাকর্ত্তক সুন্দররূপে অশুষ্টি হইয়াছে, ইহা অবগত হও” । ৩৭-৩৮ । এই প্রকারে সূর্য্যদেবকে আশ্বস্ত করিয়া কৃপানিধি দেবদেব, ত্রীড়াবনতস্কন্ধ স্বীয়গগনিক-রকে আশ্বাস প্রদান করিয়া, লজ্জাতিশয়বিনতস্কন্ধা যোগিনীগণকে কৃপাদৃষ্টিপাত দ্বারা বিহিতরূপে সাস্তুনা প্রদান করিলেন । ৩৯-৪০ ।

অনন্তর ভগবান্ ত্রিলোচন, হরির প্রতি স্বীয় নেত্রত্রিতয় ব্যাপারিত করিলেন, তখন মহামনা হরিও সর্ববস্ত্র মহেশ্বরের সম্মুখে নিজের কোন অভিপ্রায় প্রকাশ করিলেন না । ৪১ । গরুড়ের নিকটে পূর্বেই গগপতি ও হরির কার্য্যকুশলতা অবগত হইয়া, মহাদেব তাঁহাদের উপর মনে অতিশয় প্রসন্ন ছিলেন, এক্ষণে তিনি বাক্যের দ্বারা আর তাঁহাদিগকে কোন বিষয় অবগত করাইলেন না । ৪২ । এই সময়ে গোলোকধাম হইতে সুমন্দা, সুমনা, সুশীলা, সুরভি ও কপিলানামে মহা-পাপধ্বংসিনী পঞ্চধেনু তথায় উপস্থিত হইলেন । মহেশ্বরের বাৎসল্যময় দৃষ্টিপাতে ঐ সকল স্বর্গীয় ধেনুর উৎসাহ হইতে অনিরতধারে দুগ্ধ ক্ষরিত হইতে লাগিল । ৪৩-৪৪ । অনন্তর তাহাদিগের পয়োধর হইতে একরূপ তীব্রভাবে সন্ততধারে দুগ্ধ ক্ষরিত হইতে লাগিল যে, তাগতে ক্ষণকালমধ্যে একটি স্রবুহৎ হ্রদ উৎপন্ন হইল । ৪৫ । শিবপার্ষদগণ দেখিতে লাগিলেন যে, সেই হ্রদ এত বিস্তৃতি লাভ করিল যে, তাহা দ্বিতীয় দুগ্ধসমুদ্রবৎ প্রত্যয়মান হইতে লাগিল । অনন্তর তাহাতে দেবেশ্বর মহাদেবের অধিষ্ঠান প্রযুক্ত একটা পরম পবিত্র তীর্থমধ্যে পরিগণিত হইল ।



অনন্তর মহেশ্বর সেই হ্রদের “কাপিল-তীর্থ” এই আখ্যা প্রদান করিলে পর, তাঁহার আজ্ঞায় সকল দেবগণ সেই কাপিলতীর্থে স্নান করিলেন । ৪৬-৪৭ । অনন্তর সেই তীর্থমধ্য হইতে দিব্যপিতামহগণ প্রাদুর্ভূত হইলেন, তখন দেবগণ তাঁহাদিগকে দেখিয়া অতিশয় হর্ষ সহকারে তর্পণ করিতে লাগিলেন । ৪৮ । অনন্তর অগ্নিস্বাস্তা, আজ্যপ, বর্হিষদ ও সোমপাদি পিতৃগণ অতিশয় তৃপ্তি-লাভ করিয়া মহাদেবকে বিজ্ঞাপন করিলেন যে, হে দেবদেব ! জগৎপতে ! হে ভক্তগণের অভয়প্রদ ! এই তীর্থে আপনার সন্নিধানে আমরা অক্ষয় তৃপ্তি-লাভ করিয়াছি, অতএব হে শস্ত্রো ! আপনি প্রসন্ন-হৃদয়ে আমাদের প্রদান করুন ।

দিব্যপিতৃগণের এই বাক্য শ্রবণপূর্বক সকল দেবগণের সমক্ষে ভগবান্ বৃষভধ্বজ, সকল পিতৃগণের পরম তৃপ্তিকর এইবাক্য বলিতে প্রবৃত্ত হইলেন । ৪৯—৫২ ।

শ্রীদেবদেব কহিলেন, হে মহাবাহো বিষ্ণো ! হে পিতামহ ! শ্রবণ কর, কপিলার দুষ্কপূর্ণ এই কাপিল-তীর্থে শ্রদ্ধাপূর্বক শ্রাদ্ধবিধি অনুসারে যাহারা পিণ্ড-প্রদান করিবে, মদাজ্ঞায় তাহাদের পিতৃপুরুষগণ পরম তৃপ্তিলাভ করিতে পারিবেন । আমি পিতৃগণের পরম তৃপ্তিকর আর একটি বিষয়ের উল্লেখ করিতেছি, অবহিত-চিত্তে শ্রবণ কর । অমাবস্তাযুক্ত সোমবাসরে এই কাপিল-তীর্থে শ্রাদ্ধ করিলে তাহার ফল অক্ষয় হয় । প্রলয়কাল উপস্থিত হইলে সমুদ্রের জলও ক্ষয় প্রাপ্ত হয়, কিন্তু এই কাপিল-তীর্থে অমাবস্তাগিলিত সোমবারে কৃতশ্রাদ্ধের ফল কোন কালেই ক্ষয় প্রাপ্ত হয় না । যদি অমাবস্তাযুক্ত সোমবারে এই কাপিল-তীর্থে শ্রাদ্ধ করিতে পারা যায়, তাহা হইলে গয়া বা পুষ্করে শ্রাদ্ধ করিবার আর কি প্রয়োজন আছে ? হে গদাধর ! হে পিতামহ ! তোমাদের যেখানে সাক্ষাৎ অবস্থিতি ও আমি যেখানে স্বমুর্ধিতে বিরাজমান, তথায় ফল্গুনদীর যে আবির্ভাব হইবে ইহাতে আর সংশয় কি আছে ? স্বর্গে, অন্তরীক্ষে ও ভূমিতে চতুর্দিকে ষত তীর্থ বর্তমান আছে, তাহার সকলেই অমাবস্তাযুক্ত সোমবারে এই কাপিল-তীর্থে অধিষ্ঠিত হইবে । কুরুক্ষেত্রে, নৈমিষারণ্যে ও গঙ্গাসাগরসঙ্গমে সূর্য্যগ্রহণকালে শ্রাদ্ধ করিলে যে ফল হয়, এই কাপিল-তীর্থে শ্রাদ্ধ করিলে সেই ফল লাভ করিতে পারা যায় । হে দিব্যপিতামহগণ ! এই তীর্থের যে সকল নাম, আমি তাহা কীর্ত্তন করিতেছি ; এই সকল নামোচ্চারণে তোমরা অতিশয় তৃপ্তিলাভ করিতে পারিবে । এই পুষ্করিণীর প্রথম নাম মধুশ্রবা, দ্বিতীয় কৃত্যকৃত্যা, তৃতীয় ক্ষীরনীরধি, চতুর্থ বৃষভধ্বজ-তার্থ, পঞ্চম পৈতামহ-তীর্থ, ষষ্ঠ গদাধর-তীর্থ, সপ্তম পিতৃ-তীর্থ, অষ্টম

কাপিলধারা, নবম সুধাখনি, দশম শিবগয়া । হে পিতামহগণ ! শ্রাদ্ধ বা তর্পণাদি না করিয়া এই দশটি নামমাত্রের উচ্চারণ করিলেই তোমাদের মহাতৃপ্তি লাভ হইবে । অমাবস্তা তিথিতে এই তীর্থে যাহারা পিতৃ-তৃপ্তিকামী হইয়া, শ্রাদ্ধানস্তর ত্রাক্ষণভোজন করাইবে, তাহাদের কৃতশ্রাদ্ধ অনন্ত ফল-প্রদান করিবে । এই তীর্থে পিতৃশ্রাদ্ধে যাহারা শুভময়ী কপিলা-গাভী প্রদান করিবে, তাহাদের পিতৃগণ সেই দানের প্রভাবে অনন্তদিবস ক্ষীরসমুদ্রের তটে বাস করিতে সমর্থ হইবে । এই কাপিল তীর্থে যাহারা বৃষোৎসর্গ করিবে, নিশ্চয় জানিবে তাহারা নিজ পিতৃ-পুরুষগণকে অশ্বমেধীয় ঘ্বতের দ্বারা তর্পিত করিতে সমর্থ হইবে । হে পিতামহগণ ! অমাবস্তায়ুক্ত সোমবারে এই তীর্থে শ্রাদ্ধ করিলে গয়াশ্রাদ্ধ হইতে অষ্টগুণ অধিক ফল লাভ হইয়া থাকে । যাহাদের গর্ভেই মৃত্যু হইয়াছে বা যাহারা দম্ব-নির্গত হইবার পূর্বেই মৃত হইয়াছে, এই কাপিল-তীর্থে শ্রাদ্ধে তাহাদের নিশ্চয়ই পরম তৃপ্তিলাভ হইবে । উপনয়ন বা বিবাহের পূর্বে যাহারা মৃত হইয়াছে, তাহাদের উদ্দেশে এইস্থানে পিণ্ডপ্রদান হইলে, তাহারা অক্ষয় তৃপ্তি লাভ করিতে সমর্থ হয় । যাহারা অগ্নিদাহে মৃত বা যাহাদের শবের অগ্নিক্রিয়া হয় নাই, সেই সকল প্রেতগণও এই তীর্থে পিণ্ডলাভ করত পরম তৃপ্তিলাভ করে । যাহাদের ঔর্দ্ধ-দৈহিক ক্রিয়া হয় নাই বা যাহারা ষোড়শশ্রাদ্ধবিবর্জিত, এই তীর্থে শ্রাদ্ধ করিলে তাহারাও অক্ষয় তৃপ্তিলাভ করিয়া থাকে । যাহারা অপুত্রক অবস্থায় মৃত বা যাহাদিগের উদকদানের পাত্র কেহই নাই, এই তীর্থে শ্রাদ্ধ করিলে তাহারা অক্ষয় তৃপ্তিলাভ করিতে পারে । চোর, বিদ্যুৎ বা জলাদিতে যাহাদিগের অপঘাত মৃত্যু হইয়াছে, তাহাদেরও এই তীর্থে শ্রাদ্ধ করিলে পরম তৃপ্তিলাভ হয় । যে সকল পাপাচারিগণের আত্মঘাত মৃত্যু হইয়াছে, তাহারা কাপিল-তীর্থের শ্রাদ্ধে তৃপ্তিলাভ করিতে সমর্থ হয় । পিতৃগোত্রে বা মাতৃগোত্রে অজ্ঞাতনাম যত পুরুষ মৃত হইয়া থাকে, কাপিলধারা-শ্রাদ্ধের দ্বারা তাহারা সকলেই অক্ষয় তৃপ্তিলাভ করিতে পারে । ত্রাক্ষণ, ক্ষত্রিয়, বৈশ্য ও শূত্রের মধ্যে মৃত যে কোন ব্যক্তির নামগ্রহণ পূর্বক এইস্থানে পিণ্ডপ্রদান করিলে, সে অক্ষয় তৃপ্তিলাভ করিতে পারে । যাহারা তির্য্যগ্যোনি লাভ করিয়া মৃত হইয়াছে বা যাহারা পিশাচ লাভ করিয়াছে, এই তীর্থে শ্রাদ্ধ করিলে তাহারা পরম গতিলাভ করিতে সক্ষম হয় । এই মনুষ্যালোকে যে সকল পিতৃগণ মর্ত্য্যোনি পরিগ্রহ পূর্বক স্বীয় কণ্ঠের অবশস্ত্রাবি দুঃখকলভোগ করিতেছে, তাহারাও কাপিলধার-তীর্থে শ্রাদ্ধের ফলে দিব্যজন্ম লাভ করিতে সমর্থ হয় । যে সকল পিতৃগণ স্বীয় পুণ্যফলে দেবলোকে

বাস করিতেছে, তাহারাও এই শ্রাকের ফলে অবিলম্বেই ত্রিলোক প্রাপ্ত হইবে। এই তীর্থ সত্যযুগে ক্ষীরময়, ত্রেতাতে মধুময়, দ্বাপরে স্নাতময় ও কলিতে জলময় হইবে ; যত্নপিও এই তীর্থ বারাগসীর সীমার বহির্গত, তথাপি আমার সন্নিধি-প্রযুক্ত ইহা বারাগসী হইতে শ্রেষ্ঠ বলিয়া গণনীয় হইবে। ৫৩-৮৪।

হে পিতামহগণ ! কাশীস্থিত ব্যক্তিগণ যে কারণে এই স্থানেই প্রথমে আমার ধ্বজ বিলোকন করিয়াছে, এইজন্ত আমি এই স্থানে বুধভধ্বজরূপে অবস্থান করিব। ৮৫। হে পিতামহগণ ! তোমাদিগের তুষ্টির জন্ত আমি এই স্থানে পিতামহ, গদাধর, সূর্য্য ও স্বায় পার্শ্বদগণের সহিত সর্বদা অবস্থান করিব। ৮৬।

মহাদেব যে কালে পিতৃগণকে এই প্রকার বরপ্রদান করিতেছেন, সেই সময় নন্দিকেশ্বর, নিকটে আগমনপূর্ব্বক প্রণাম করিয়া বিজ্ঞাপন করিতে প্রবৃত্ত হইলেন। ৮৭। নন্দিকেশ্বর কহিলেন, হে প্রভো ! আপনার বিজ্ঞয়োদয় হউক, অষ্টসিংহ ও অষ্ট বুধভযুক্ত পরম রমণীয় সেই রথ সজ্জিত হইয়াছে ; হে প্রভো ! যে রথে অষ্টহস্তী ও অষ্ট-অশ্ব বিরাজমান, যাহার অশ্বপ্রেরণীরজ্জুরূপে মনঃ ব্যবস্থিত আছে, গন্ধা ও যমুনা যাহার দণ্ডদ্বয়রূপে বিরাজমানা, যাহার প্রতিচক্রের অধিষ্ঠাত্রীদেবতা পবন, যাহার সায়ং ও প্রাতঃস্বয়ং-চক্র, পবিত্র চৌর্মণ্ডলই যাহার ছত্র, যাহার কৌল সকল তারা বলীময়, আহেয়গণ যাহার উপনায়ক, শ্রুতিই যাহার মার্গদর্শিনী, স্মৃতিই যাহার গুপ্তি, ( বরুথ ) যে যানের মুখ সাক্ষাৎ দক্ষিণা, যজ্ঞ-নিকর যাহার অভিরক্ষক, প্রণব যাহার আসন, গায়ত্রী যাহার পাদগীঠ, সাজ-ব্যাহ্তিগণ যাহার সোপানাবলি, সূর্য্য ও চন্দ্র সতত যাহার দ্বাররক্ষা করিতেছেন, অগ্নিই যাহার মকরাকার ভূগু, যাহার বরুথভূমি কৌমুদীময়ী, মহামেধ যাহার ধ্বজদণ্ড, সূর্য্যের প্রভা যাহার পতাকা, স্বয়ং বাগ্‌দেবতা যাহাতে লোলচামর ধারণ করিয়া রহিয়াছেন ; সেই মহারথ আপনার বিজয়যাত্রার অপেক্ষা করিতেছে।

স্কন্দ কহিলেন, নন্দিকেশ্বর এই প্রকার বিজ্ঞাপন করিলে পর, দেবদেব পিনাকপাণি, বিষ্ণুর হস্তধারণ পূর্ব্বক উত্থান করিলেন ; তৎকালে অষ্ট দেব-মাতৃগণ তাহার মঙ্গল-আরতি করিতে লাগিলেন। ৮৮-৯৬। তাঁহার উত্থানকালে চারণগণের মঙ্গলময় গীতধ্বনির সহিত তাড়্যমান দেববান্ধ-নিবহের ধীর-গস্তীরধ্বনি আকাশ ও পৃথিবীর মধ্যদেশ পরিপূরিত করিল। ৯৭। সেই দিগ্‌গুলব্যাপক সমুচ্চ দেববান্ধধ্বনিতেই আহূত হইয়া ত্রিলোকবাসি-নিখিলব্যক্তিগণ চারিদিক্ হইতে কাশী-অভিমুখে ধাবিত হইতে লাগিল। ৯৮। সেই সময়ে ত্রয়সিংহলকোটি

দেবতা, বিংশতিসহস্রকোটি গণ, নবকোটি চামুণ্ডা, এককোটি ভৈরবী, মদীয় অনুচর অষ্টকোটি ষড়ানন মহাবল শিখিবাহন কুমার নিবহ, দীপ্ত-পরশুপাণি বিশ্ববিনাশকারী ও গজানন, সপ্তকোটি সংখ্যক পিচিগুপ্ত নামক মহাবেগশালী গণনিবহ, ষড়শীতিসহস্র ব্রহ্মবাদি মুনিসমূহ ও তাবৎসংখ্যক গৃহমেধি-ঋষিগণ, পাতালতলবাসী তিনকোটি নাগ, শাস্ত্র শিবভক্ত দানব ও দৈত্য প্রত্যেকে দুইকোটি, অষ্টঅযুত গন্ধর্ব্ব, যক্ষ ও রাক্ষস অষ্টকোটি, দুইলক্ষ দশসহস্র বিজ্ঞাধরনিকর, ষষ্টিসহস্র দিব্য-অঙ্গরোগণ, অষ্টলক্ষ গো-মাতৃগণ, ছয়অযুত গরুড়বংশীয় পক্ষিগণ, নানারত্ন-নিবহের সহিত সপ্তসাগর, তিপ্লাব্ধসহস্র নদীগণ, অষ্টসহস্র পর্বত, তিনশত বনম্পতি এবং অষ্ট দিক্‌হস্তী অতি হর্ষ সহকারে তথায় উপস্থিত হইলেন । ৯৯-১০৭ । এই সকল লোক-নিবহে পরিবেষ্টিত শ্রীকৃষ্ণ, অতি হৃষ্টচিত্তে প্রাপ্ত রথে আরোহণ করত অতি রমণীয় কাশীপুরীতে প্রবেশ করিলেন ; প্রবেশকালে ভগবান্ ত্রিপুরারি, পার্বতীর সহিত অতি সম্মুখহৃদয়ে ইতস্ততঃ দৃষ্টিনিক্ষেপ পূর্বক সেই ত্রিলোকরমণীয় অদ্বিতীয় পুরীকে বিলোকন করিতে লাগিলেন । ১০৮-১০৯ ।

স্বন্দ্ব কহিলেন, কোটি জন্মেব পাপবিনাশক্ষম এই পবিত্র ইতিহাসটী পাঠ করিলে বা করাইলে মনুষ্য শিবসামুজ্য লাভ করিতে সক্ষম হয় । ১১০ । বিশেষতঃ শ্রাদ্ধকালে এই পবিত্র আখ্যানটী পাঠ করিলে সেই শ্রাদ্ধে পিতৃগণ অক্ষয় তৃপ্তি-লাভ করিতে পারেন । ১১১ । অপুত্র ব্যক্তি যদি ভক্তি-সহকারে একবর্ষকাল ব্যাপিয়া নিত্য এই বৃষভধ্বজমাহাত্ম্যটী পাঠ করে, তাহা হইলে অচিরেই সে পুত্রলাভ করিতে পারে । ১১২ । বিশ্বেশ্বরের কাশীপ্রবেশবিষয়িণী যে কথা আমি তোমার নিকট কীৰ্ত্তন করিলাম, ইহা হইতে লোক সকল যে পরমানন্দ লাভ করিতে সমর্থ হইবে, তাহাতে আর সন্দেহ কি ? ১১৩ । এই পবিত্র আখ্যানটী পাঠ করিয়া যে ব্যক্তি নূতন গৃহে প্রবেশ করিবে, সে সকলপ্রকার সৌভাগ্যভাগী হইবে, ইহাতে কোন সন্দেহ নাই । ১১৪ । এই উত্তম আখ্যানটী ত্রিলোক-বাসীরই আনন্দজনক, কারণ ইহা শ্রবণ করিবামাত্রই বিশ্বেশ্বর প্রসন্ন হইলেন । ১১৫ । এই আখ্যানটীতে মহাদেবের দুর্লভ কাশীলাভ বর্ণিত হইয়াছে, এই কারণে দুর্লভ-পদার্থলাভেচ্ছু ব্যক্তিগণের সর্বদাই ইহাকে পাঠ করা উচিত । ১১৬ ।

## ত্রিষষ্টিতম অধ্যায়

—\*—

জৈগীষব্য-সংবাদ ও জ্যেষ্ঠেশাখ্যান কথন ।

অগস্ত্য কহিলেন, হে তারকরিপো ! বহুমনোরথলক্ষ-নয়নানন্দদায়িনী কাশী-পুরীকে বিলোকন করিয়া পরে ভগবান্ মহেশ্বর কি করিলেন তাহা এইক্ষণে আপনি কীৰ্ত্তন করুন । ১ ।

স্কন্দ কহিলেন, হে লোপামুদ্রাপতে কুস্তম্বোনে ! ভগবান্ চন্দ্রচূড় কাশী-বিলোকন পূর্বক কি করিলেন, সেই সকল বিষয় আমি তোমার নিকট কীৰ্ত্তন করিতেছি । ২ ।

অনন্তর ভক্তবৎসল সর্বজ্ঞ প্রভু মহেশ্বর, বারাণসীতে প্রবেশপূর্বক প্রথমেই গুহামধ্যস্থিত জৈগীষব্য নামক ঋষিকে বিলোকন করিলেন । ৩ । বুধভবান মহেশ্বর ভগবতী গিরিজার সহিত যে দিন কাশী ছাড়িয়া মন্দর-পর্বতে গমন করেন সেই দিন হইতে মহাকৃতি জৈগীষব্য এই মহানিয়ম গ্রহণ করেন যে—“যে দিন আমি আবার ভগবান্ মহেশ্বরের পাদপদ্ম বিলোকন করিব, সেই দিনই আমি জলকণা পান করিব, ইহার পূর্বে আমি সকল দিনই উপবাস করিয়া থাকিব ।” কোন অনির্বচনীয় কারণে অথবা মহেশ্বরের অনুগ্রহে যোগী জৈগীষব্য পানাহার ত্যাগ করিয়াও সেই গুহামধ্যে তাদৃশ জীবদবস্থায় স্থিতি করিতেন । জৈগীষব্যের এই সকল ব্যাপার মহেশ্বর প্রমথনাথই জানিতেন, আর কোন ব্যক্তিই ইহা অবগত ছিল না, এই কারণে বিশ্বেশ্বর সর্ব প্রথমেই তাঁহার নিকটে গমন করিলেন । জ্যৈষ্ঠমাস সোমবাসর শুক্লা-চতুর্দশীতিথিযুক্ত অমুরাধানক্ষত্রে মহাদেব, জৈগীষব্যের গুহায় প্রবেশ করেন, এই কারণে সেই পর্বদিনে সকল মনুষ্যেরই সেইস্থানে যাত্রা করা উচিত । সেই দিবস হইতে কাশীর মধ্যে সেই পুণ্যস্থানটী সকল স্থান হইতে “জ্যেষ্ঠ” বলিয়া কীৰ্ত্তিত হইয়া থাকে ; সেই স্থানে তৎকালে জ্যেষ্ঠেশ্বর নামক লিঙ্গ আপনি প্রাদুর্ভূত হইলেন । ৪-১০ । সেই জ্যেষ্ঠেশ্বর-লিঙ্গের দর্শন-মাত্রে মনুষ্যগণের শতজন্মার্জিত পাপ, সূর্য্যোদয়ে অন্ধকাররাশির আয় বিনাশপ্রাপ্ত হয় । ১১ । মনুষ্য জ্যেষ্ঠবাপীতে স্নান করিয়া পিতৃগণের তর্পণান্তে জ্যেষ্ঠেশ্বর-লিঙ্গের দর্শন করিলে পুনরায় আর মাতৃগর্ভে প্রবেশ করে না । ১২ । সেই জ্যেষ্ঠেশ্বরের সমীপে সর্বসিদ্ধিপ্রদায়িনী জ্যেষ্ঠামৌরী স্বয়ং প্রাদুর্ভূত হইলেন । ১৩ ।

জ্যৈষ্ঠমাসের শুক্লাষ্টমী তিথিতে জ্যোষ্ঠাগৌরীর সমীপে মহোৎসব করিবে ও সর্ব-সম্পৎ-সিক্তির জন্ত রাত্রিতে জাগরণ করিবে । ১৪ । অতিশয় দুর্ভাগ্যবতী স্ত্রী, যদি জ্যেষ্ঠবাপীতে স্নান করিবা ভক্তিভরে জ্যোষ্ঠাগৌরীকে প্রণাম করে, তাহা হইলে সহস্রই সৌভাগ্য-লাভ করিতে পারে । ১৫ । সেই স্থানে মহাদেব, সর্ব-প্রথমেই কিয়ৎকাল নিবাস করিয়াছিলেন বলিয়া, সেই দিন হইতে তথায় নিবাসেশ-নামে এক পরমপবিত্র লিঙ্গ খ্যাতি লাভ করিয়াছেন । নিবাসেশ্বর লিঙ্গের অনুকম্পায় ভক্তের গৃহে নিত্য প্রতিপদেই সর্বসম্পৎ বিরাজমান থাকে । ১৬-১৭ । জ্যোতীর্ষের সমীপে মধু ও ঘৃতাদির দ্বারা যথাবিধানে শ্রাদ্ধ করিলে শ্রাদ্ধকর্তার পিতৃলোক পরম তৃপ্তিলাভ করিতে সমর্থ হইবেন । ১৮ । কাশীতে জ্যেষ্ঠ-তীর্থে মনুষ্য, স্বকীয় সামর্থ্যঅনুসারে দান করিয়া অস্ত্রে উৎকৃষ্ট স্বর্গাদিভোগপূর্বক পরমনির্ব্বাণ-পদবী লাভ করিতে সমর্থ হয় । ১৯ । মঙ্গলেশু ব্যক্তিগণের কাশীতে সর্বপ্রথমে জ্যোতীর্ষের পূজা করিতে হয়, তৎপরে জ্যোষ্ঠাগৌরীর অর্চনা করা কর্তব্য । ২০ ।

অনন্তর নন্দিকে আহ্বানপূর্বক ভগবান্ কৃপানিধি বিশেষর, সকল দেবগণের সমক্ষে এই প্রকার বলিতে প্রবৃত্ত হইলেন । ২১ ।

ঈশ্বর কহিলেন, হে নন্দিকেশ ! এই পরম রমণীয় গুহার মধ্যে তুমি প্রবেশ কর, ইহার অভ্যন্তরে আমার পরভক্ত জৈগীষব্য-তপোধন বাস করিতেছেন । ২২ । আমি যেদিন পরম রমণীয় মন্দর-পর্বতে প্রস্থান করি, সেইদিন হইতেই মুনি জৈগীষব্য, পানাহার পরিত্যাগকরত মহানিয়ম প্রতিপালন করিতেছেন । ইহার ত্বক্, অস্থি ও স্নায়ুসকল শুষ্ক হইয়াছে । আমার দর্শনার্থে দৃঢ়ব্রতপরায়ণ সেই মদন্ত জৈগীষব্যকে তুমি এই স্থানে লইয়া আইস । ২৩-২৪ । এই অমৃতময় লীলা-কমলটী গ্রহণ করত ইহার দ্বারা তুমি জৈগীষব্যের গাত্রসকল স্পর্শ কর । ২৬ ।

তদনন্তর মহাদেব-প্রদত্ত সেই লীলাকমল গ্রহণপূর্বক নন্দিকেশ্বর দেবদেবকে প্রণাম করিয়া, সেই গুহামধ্যে প্রবেশ করিলেন । ২৬ । তৎপরে নন্দী, ধারণা-দৃঢ়মানস তপোবহুপরিশুদ্ধ-শরীর জৈগীষব্যকে বিলোকন করত সেই লীলাকমল দ্বারা তদীয় অঙ্গ স্পর্শ করিলেন । ২৭ । গ্রীষ্মাস্ত্রে বৃষ্টির জল পাইলে কোটরস্থিত ভেক যেমন উল্লাসিত হয়, তদ্রূপ সেই লীলাকমলস্পর্শমাত্রেই যোগী জৈগীষব্য, অনির্ব্বচনীয় উল্লাস প্রাপ্ত হইলেন । ২৮ । অনন্তর নন্দী সহস্র সেই মুনিশ্রেষ্ঠকে আনয়ন করিয়া, দেবদেব মহেশ্বরের পাদপদ্ম সংস্পর্শপূর্বক প্রণাম করিলেন । ২৯ । অনন্তর গিরিজালিপিত্বামার্ক ভগবান্ শিশিশেখরকে সম্মুখে বিলোকন করিয়া ঋষি

জৈগীষব্য অতি সজ্জমসহকারে প্রণাম করিলেন । ৩০ । অনন্তর মুনিশ্রেষ্ঠ জৈগীষব্য দণ্ডবদভাবে ভূমিতে শরীর বিলুপ্তি করিয়া প্রণামকরত পরম ভক্তি-সহকারে বক্ষ্যমাণ প্রকারে স্তব করিতে আরম্ভ করিলেন । ৩১ ।

জৈগীষব্য কহিলেন, শান্ত শুভাত্মা সর্বভক্ত শিবকে নমস্কার করি, জগদানন্দ স্কন্দ ও পরমানন্দহেতুভূত মহেশ্বরকে নমস্কার করি । ৩২ । হে প্রভো ! রূপহীন অথচ সরূপ ও নানারূপধর আপনাকে নমস্কার, হে বিধি-বিষুস্তত ! হে বিরূপাক্ষ ! হে বিধে ! আপনাকে নমস্কার, হে স্থাবর-জঙ্গমরূপিন্ ! আপনাকে নমস্কার, হে সর্বাত্মন ! হে পরমাত্মন ! আপনাকে নমস্কার, হে ত্রৈলোক্যাকমনীয় ! হে কামাঙ্ক-দাহকারিন্ ! হে শেষবিশেষ ! হে শেষবলয়ধারিন্ ! আপনাকে নমস্কার । ৩৩-৩৫ । হে ত্রীকণ্ঠ ! হে বিষকণ্ঠ ! হে নারায়ণার্চিতপাদপদ্ম ! হে অপ্রতিহতশক্তে ! আপনাকে নমস্কার । হে শক্ত্যঙ্কশরীর ! হে বিদেহ ! হে স্তুদেহিন্ ! আপনাকে প্রণাম করিবাংমাত্রেই দেহিগণের আর দেহযন্ত্ৰণাভোগ করিতে হয় না, অতএব হে বিচিত্রমহিমন্ ! আপনাকে নমস্কার । হে কাল ! হে মহাকাল ! হে কালকূট-বিষভক্ষক ! হে সৰ্পভূষণভূষিত ! হে সৰ্পযজ্ঞোপবীতধারিন্ ! হে খণ্ডপরশো ! হে খণ্ডেন্দুধারিন্ ! হে খণ্ডিতাশেষদুঃখ ! হে খড়্গখেটকধারিন্ ! হে গীৰ্বাণগীত ! হে নাথ ! হে গজাকল্লোণমালিন্ ! হে গৌরাণ ! হে গিরোণ ! হে গিরিশ ! হে গুহাশায়িন্ ! হে চন্দ্রার্দ্ধভূষাধারিন্ ! হে চন্দ্র-সূর্য্যায়নত্র ! হে সর্ববনমন ! হে দিগম্বর ! আপনাকে নমস্কার, নমস্কার, নমস্কার । ৩৬-৪১ । হে জগদীশ ! হে জীর্ণ ! হে জরাজন্মহর ! হে জীব ! হে পাপহারিন্ ! আপনাকে নমস্কার । ৪২ । হে ডমরুপাণে ! হে ধনুর্ধারিন্ ! হে ত্রিনত্র ! হে জগন্মত্র ! আপনাকে নমস্কার, নমস্কার, নমস্কার । হে ত্রিশূলব্যগ্রহস্ত ! হে গজাধর ! হে ত্রিলোকাধিনাথ ! হে ত্রিবেদপাঠিত ! হে ত্রয়ীময় ! হে তুফ ! হে ভক্ততুষ্টিপ্রদ ! হে দীক্ষিত ! হে দেবদেব ! আপনাকে অসংখ্য প্রণিপাত করি । ৪৩-৪৫ । হে অশেষপাপবিদ্ভাবিন ! হে দীর্ঘদর্শিন্ ! হে দূর ! হে দুর্ভয় ! হে দোষদলনকারিন্ ! হে চন্দ্রকলাধারিন্ ! হে দোষাগম-পরিহারিন্ ! হে ধূক্ষটে ! হে ধুস্তুরকুসুমপ্রিয় ! আপনাকে নমস্কার । ৪৬-৪৭ । হে ধীর ! হে ধর্ম্ম ! হে ধর্ম্মপাল ! হে নীলগ্রীব ! হে নীললোহিত ! আপনাকে নমস্কার । ৪৮ । হে স্নানাম্ময়রণকারিগণের সর্বৈশ্বর্য্যসম্পাদক ! হে প্রমথনাথ ! হে পিনাকপাণে ! আপনাকে নমস্কার । ৪৯ । হে পশুপাণমোক্ষকারিন্ ! হে পশুপতে ! হে নামোচ্চারণকারিগণের পাপহারিন্ ! আপনাকে নমস্কার । ৫০ ।

হে পরাংপর ! হে পার ! হে পরাপরপার ! হে অপারচরিত্র ! হে সুপবিত্রকীর্তন !  
 আপনাকে নমস্কার । ৫১ । হে বামদেব ! হে বামার্দ্ধধারিন্ ! হে বৃষগামিন্ ! হে  
 ভর্গ ! হে ভীম ! হে ভীঃহর ! আপনাকে নমস্কার । ৫২ । হে ভব ! হে  
 ভবনাথ ! হে ভূতপতে ! হে মহাদেব ! হে মহঃপতে ! আপনাকে নমস্কার । ৫৩ ।  
 হে মৃড়ানীপতে ! হে মৃত্যুঞ্জয়াপতে ! হে যজ্ঞারে ! হে যক্ষরাজপতে ! আপনাকে  
 নমস্কার । ৫৪ । হে যাজ্ঞক ! হে যজ্ঞ ! হে যজ্ঞফলদায়িন্ ! হে রুদ্র ! হে  
 রুদ্রপতে ! হে কজ্রুদ্র ! হে রম ! আপনাকে নমস্কার । ৫৫ । হে শূলিন্ ! হে  
 শাস্ত্রতেশ ! হে শ্মশানাবনিচারিন্ ! হে শিবাশ্রিত্য ! হে সর্ব ! হে সর্বজ্ঞ !  
 আপনাকে নমস্কার । ৫৬ । হে হর ! হে ক্ষান্তিরূপ ! হে ক্ষেত্রজ্ঞ ! হে ক্ষমাকর !  
 হে ক্ষেম ! হে ক্ষিত্তিহারিন্ ! হে ক্ষীরগৌর ! আপনাকে নমস্কার । ৫৭ । হে অন্ধক-  
 রিপো ! হে আত্মসুরহিত ! হে ইড়াধার ! হে ঐশ ! হে উপেন্দ্রেন্দ্রস্বত !  
 আপনাকে নমস্কার । ৫৮ । হে উমাকান্ত ! হে উগ্র ! হে উর্দ্ধরেতঃ ! হে একরূপ !  
 হে এক ! হে মহদৈশ্বর্যরূপিন্ ! আপনাকে নমস্কার । ৫৯ । হে অনন্তকারিন্ !  
 হে অম্বিকাপতে ! আপনাকে নমস্কার । হে প্রভো ! আপনি প্রণব ও বষট্কার,  
 হে জগদীশ ! আপনি ভূঃ, ভুবঃ ও স্বঃস্বরূপ । হে উমাপতে ! এ সংসারে দৃশ্যা-  
 দৃশ্য যাহা কিছু আছে, আপনিই সেই সকলের স্বরূপ ! হে প্রভো ! আপনার  
 স্তুতির উপযোগী জ্ঞান আগার নাই । হে সর্বস্বরূপ ! আপনিই আপনার স্তুতি  
 করিতে পারেন । ৬০-৬১ । হে মহেশ্বর ! আপনি বাচ্য, বাচক ও বাক্যস্বরূপ,  
 আমি আপনা হইতে ভিন্ন কোন পদার্থকে সত্য বলিয়া জানি না, ও কাহারও স্তুতি  
 করি না । হে দেব ! আপনার চরণে কোটী কোটীবার নমস্কার । ৬২ । হে প্রভো !  
 হে গৌরাশ ! আমি আপনা হইতে ভিন্ন কাহাকেও নমস্কার করি না । হে শিব !  
 আমি অগ্নি কাহার নাম পর্য্যন্তও গ্রহণ করি না, আমি অগ্নের নাম গ্রহণে  
 মুক, অগ্নের কথা শ্রবণে বধির, অগ্নের অনুগমনে পঙ্গু ও অগ্নের দর্শনে অন্ধ হইয়া  
 থাকি ; হে ভবানীশ ! আপনিই অদ্বিতীয় সৎপদার্থ ও অদ্বিতীয় সংসার-শ্রষ্টা ।  
 ৬৩-৬৪ । হে প্রভো ! আপনিই জগৎপাতা ও জগৎপ্রলকারী । বাহারা শ্রষ্টা,  
 পাতা ও বিনাশকর্তার ভেদ কল্পনা করে, তাহার মুর্থ ; অতএব হে মহেশ্বর !  
 আমি বারম্বার এই সংসার-সাগরে মগ্ন হইয়াছি ও এখনও ঘোর নিমগ্ন আছি,  
 আপনি আমাকে উদ্ধার করুন । ( স্কন্দ কহিলেন ) মহামুনি জৈগীষব্য এই-  
 প্রকারে মহেশ্বরের স্তুতি করিয়া তাঁহার সম্মুখে তুষাভাব অবলম্বনকরত বৃক্ষের গ্নায়  
 নিশ্চলভাবে অবস্থিত রহিলেন ।



ভগবান্ চন্দ্রশেখর, জৈগীষব্য মুনির এবম্বিধ স্তুতি শ্রবণপূর্বক প্রসন্নহৃদয়ে তাঁহাকে বলিলেন যে, হে মুনে! আমি প্রসন্ন হইয়াছি তুমি বৎপ্রার্থনা কর। ৬১-৬৭। জৈগীষব্য কহিলেন, হে দূরপদপ্রদ! হে দেবেশ! হে ভগবন্ ভবানীপতে! আপনি যদি আমার প্রীত প্রসন্ন হইয়া থাকেন, তবে আমাকে বর প্রদান করুন, “যেন আমি কদাপিও আপনার চরণাম্বুজ হইতে দূরস্থিত না হই; হে নাথ! আর একটা বর আমি প্রার্থনা করিতেছি, আপনি অধিচারিতভাবে তাহা প্রদান করুন, হে ভগবন্। ইহাই আমার দ্বিতীয় বর যে, “আমি যে শিবলিঙ্গটী প্রার্থিতা করিয়াছি, আপনি সর্বদাই ইহাতে অধিষ্ঠান করিবেন। ৬৮-৬৯। ঈশ্বর কহিলেন, হে মহাভাগ জৈগীষব্য! তুমি স্বীয় অভীষিত যে বর প্রার্থনা করিলে, তাহা সম্যকপ্রকারে সফল হইল, আমি তোমাকে অন্য বর প্রদান করিতেছি যে, “আমি তোমাকে পরম নির্বাণসাধক যোগশাস্ত্র প্রদান করিলাম, ইহার প্রসাদে তুমি অল্প হইতে সকল যোগিগণের মধ্যে যোগাচার্য্য-পদবী লাভ কর। হে তপোধন। তুমি আমার অনুকম্পায় নিখিল যোগশাস্ত্রের রহস্য অবগত হইবে ও তাহার ফলে পরম নির্বাণ-লাভে সমর্থ হইবে। নন্দী, ভৃঙ্গী ও সোমনন্দী যেমন আমার ভক্ত বলিয়া পরিচিত, অল্প হইতে তুমিও সেই প্রকার মন্তুক্ত বলিয়া পরিকীৰ্ত্তিত হইবে। তোমার জরা ও মরণ হইবে না। হে তপোধন! এ সংসারে পাপক্ষয়-সাধন ও শ্রেয়ঃসাধন অনেক ভ্রত, অনন্ত নিয়ম, নানা প্রকার তপস্যা ও বহুবিধ দান শাস্ত্রে কীৰ্ত্তিত হইয়াছে বটে, কিন্তু তুমি যে নিয়মটী প্রতিপালন করিয়াছ, ইহার তুল্য উৎকৃষ্ট আর কিছুই নাই। হে জৈগীষব্য! আমার বিলোকনান্তে ভক্ষণকপ যে মহা-নিয়ম তুমি করিয়াছ, ইহাই পরম নিয়ম। হে মুনে! আমাকে না দেখিয়া ভক্ষণ করা আর পাপভক্ষণ করা এক বলিয়াই জানিবে। পত্র-পুষ্প-ফল দ্বারা আমার পূজন না করিয়া যে ব্যক্তি ভক্ষণ করিবে, সেই মূঢ় একবিংশতি-জন্মপর্য্যন্ত রক্তঃ ভক্ষণ করিবে, ইহা নিশ্চয় জানিবে। তুমি যে মহান্ নিয়মের অনুষ্ঠান করিয়াছ, যত কিছু যম, নিয়ম বর্তমান আছে তাহা স্বদীয় নিয়মশূষ্ঠানের ঘোড়াশাংশ বলিয়াও পরিগণিত হয় না। ৭০-৭৮। হে জৈগীষব্য! এই সকল কারণে তুমি সর্বদাই আমার চরণসমীপে বাস করিবে এবং বাসের ফলে পরম-নির্বাণ লক্ষ্মী লাভ করিতে পারিবে। ৭৯। কাশীতে এই যে জৈগীষব্যেশ্বর নামক মদীয় লিঙ্গ, ইহাকে অনেক পুণ্যে লাভ করিতে পারা যায়; যে ব্যক্তি তিনবর্ষ ব্যাপিয়া প্রতিদিন এই লিঙ্গের সেবা করিবে, সে যোগসিদ্ধি লাভ করিতে সমর্থ হইবে। ৮০। এই জৈগীষব্য-কুহাতে ছয়মাসকাল যোগাভ্যাসপরায়ণ হইলে মানব আমার অনুগ্রহে বাঞ্ছিত সিদ্ধি-

লাভ করিতে সমর্থ হয় । ৮১ । তোমার প্রতিষ্ঠিত এই লিঙ্গটী ভক্তগণের সর্বদাই প্রযত্নের সহিত পূজা করা উচিত । তোমার এই গৃহা বিলোকন করিয়া পরে এই লিঙ্গের দর্শন করা উচিত । ৮২ । এই জ্যোত্শ্বরক্ষেত্রে বর্তমান এই জৈগীষব্য-শ্বরের দর্শন, স্পর্শন ও পূজা করিলে মানব সর্ব প্রকার পাপ হইতে মুক্তিলাভ করিতে সক্ষম হয় । ৮৩ । এই জ্যোত্শ্বরক্ষেত্রে যে কয়টি শিবভক্ত যোগীকে ভোজন করান যায়, তাহাদের প্রত্যেক সংখ্যা কোটি সংখ্যায় পরিণত হইয়া, তৎ-পরিমিত যোগিগণকে ভোজন করাইবার ফল প্রদান করিয়া থাকে । ৮৪ । এই জৈগীষব্যশ্বর নামক লিঙ্গকে সর্বদাই গোপন করিয়া রাখিবে, বিশেষতঃ কলিকালে পাণ্ডাগণের কাছে কদাচিৎও ইহাকে প্রকাশ করা উচিত নহে । ৮৫ । হে তপোধন জৈগীষব্য ! তোমার প্রতিষ্ঠিত এই শিবলিঙ্গে আমি সর্বদা সন্নিহিত থাকিব এবং ইহাতে প্রতিষ্ঠিত থাকিয়াই ভক্ত সাধককে সম্যক্ প্রকারে যোগসিদ্ধি প্রদান করিব । ৮৬ । হে মহাভাগ জৈগীষব্য ! আমি তোমাকে আরও একটী রমণীয় বর প্রদান করিতেছি, শ্রবণ কর । তুমি ইতিপূর্বের আমার যে স্তোত্রটী পাঠ করিয়াছ, ইহা পরম-যোগসিদ্ধিকর, ইহা পাঠ করিলে মহাপাপসমূহ নষ্ট হয়, মহা-পুণ্যানিকর অজ্জিত হয়, মহাভাতিনিবহ প্রশমিত হয় এবং অগর প্রতি ভক্তিবুদ্ধি পাইয়া থাকে । এই স্তোত্রজপকারী পুরুষগণের কোন ক্রিয়াই অসাধ্য থাকে না । এই সকল কারণে শিবভক্ত সাধকগণের প্রযত্নসহকারে সর্বদা এই স্তোত্রটী পাঠ করা উচিত । ৮৭—৮৯ ।

বিকশিতনেত্র স্মরারি ভগবান মহেশ্বর, এই প্রকার বর প্রদান করিয়াই পুরোভাগে উপগত একত্রীভূত ক্ষেত্রবাসী ব্রাহ্মণগণকে দেখিতে লাগিলেন । ৯০ ।

স্বন্দ্র কহিলেন, এই অতুলনীয় আখ্যানটী প্রযত্নসহকারে শ্রবণ করিলে প্রাপ্ত ব্যক্তি পাপ হইতে মুক্তিলাভ করে ও কখনও কোন প্রকার ব্যাধি হইতে ক্লেশপ্রাপ্ত হয় না । ৯১ ।

## চতুঃষষ্টিতম অধ্যায় ।

—:—

বারাণসীক্ষেত্র-রহস্য কথন ।

অগস্ত্য কহিলেন, হে ষড়ানন । ব্রাহ্মণগণ মহেশ্বরকে দর্শন করিয়া কি বলিলেন তাহা এবং মহাপবিত্র ও মহাদেবের অতিপ্রিয় জ্যোতিঃস্থানে কোন্ কোন্ শিবলিঙ্গ আছেন, আর তথায় কি কি আশ্চর্য্য ঘটনা হইয়াছিল, তাহা বর্ণনা করুন । ১-২ ।

স্কন্দ কহিলেন, হে অগস্ত্য ! তুমি যাহা জিজ্ঞাসা করিতেছ, আমি তাহারই উত্তর প্রদান করিতেছি, শ্রবণ কর । যখন দেবদেব মহেশ্বর ব্রাহ্মণ অনুরোধে কাশীভাগকরত মন্দর-পর্বতে গমন করেন, তখন নিম্পাপী ব্রাহ্মণগণ নিরাশ্রয় হইয়া ক্ষেত্রসম্মাস অবলম্বনকরত মহাক্ষেত্রে প্রতিগ্রহ হইতে নিরত হইলেন এবং দণ্ডের অগ্রভাগ দ্বারা ভূমি খনন করিয়া যাহা কিছু কন্দ-মূলাদি পাইতেন, তাহার দ্বারাই জীবিকানির্ব্বাহ করিতে লাগিলেন । হে মুনে ! তাঁহারা খনন করিয়া দণ্ডখাত নামে একটা রমণীয় পুষ্করিণী নিৰ্ম্মাণ করিয়া তাহার চতুঃপার্শ্বে বহুতর শিবলিঙ্গ স্থাপিত করত যত্নসহকারে মহেশ্বরের আরাধনায় নিযুক্ত থাকিয়া কঠোর তপস্তা করিতে লাগিলেন । ৩-৬ । তাঁহারা সতত বিভূতি ও রুদ্রাক্ষ ধারণপূর্ব্বক মহেশ্বরের পূজায় নিরত থাকিয়া শতরুদ্রী পাঠকরত কাল অতিবাহিত করিতেন । ৭ । হে মুনে ! তপস্তায় ক্লশদেহ সেই ব্রাহ্মণগণ, দেবদেবের পুনরাগমন-বার্ত্তা শ্রবণ করিয়া আনন্দে অতিশয় স্নিগ্ধ হইলেন । অতি তপঃশালী পঞ্চসহস্র ব্রাহ্মণগণ, দণ্ডখাত-মহাভীর্থ হইতে দেবদেবকে দর্শন করিবার জন্ত আগমন করিলেন । ৮-৯ । মন্দাকিনী-ভীর্থ হইতে পাশুপতব্রতাবলম্বী শিবমাত্রাপরায়ণ অযুতসংখ্যক ব্রাহ্মণগণ আগমন করিলেন । হংস-ভীর্থ হইতে ত্রিশতাধিক অযুত-সংখ্যক, দুর্ব্বাসা-ভীর্থ হইতে বিশতাধিক সহস্র, মৎস্যোদরী ভীর্থ হইতে ছয়সহস্র, কপালমোচন-ভীর্থ হইতে সপ্তশত, ধ্বংসমোচন-ভীর্থ হইতে বিশতাধিক সহস্র, বৈতরণী-ভীর্থ হইতে পঞ্চসহস্র, পৃথুবাজ কর্তৃক পরিখনিত পৃথুদক-ভীর্থ হইতে ত্রয়োদশশত, মেনকা-কুণ্ড হইতে দুইশত, উর্ব্বশী-কুণ্ড হইতে দ্বিগতাধিক সহস্র, ঐরাবত-কুণ্ড হইতে তিনশত, গন্ধর্ব্ব-কুণ্ড হইতে সপ্তশত, অম্বরকুণ্ড হইতে

দুইশত, যুগ্মেশ-তীর্থ হইতে নবত্ৰ্যধিকতিনশত, ষষ্টিগীকুণ্ড হইতে ত্ৰিশত্ৰ্যধিক সহস্র, লক্ষ্মী-তীর্থ হইতে ষোড়শাধিক একশত, পিশাচ-মোচন-তীর্থ হইতে সপ্তসহস্র, পিতৃকুণ্ড হইতে এক শতেরও কিছু অধিক, ধ্রুব-তীর্থ হইতে ছয়শত এবং মানস-সরোবর হইতে পঞ্চশত, বাসুকি-হ্রদ হইতে দশসহস্র এবং জানকী-কুণ্ড হইতে অষ্টশত ব্রাহ্মণগণ আগমনকরত পরমানন্দদায়ী মহেশ্বরের নিকট উপস্থিত হইলেন । এবং গৌতম-কুণ্ড হইতে নবাধিক একশত, দুর্গতিসংহরণ-তীর্থ হইতে একাদশশত ব্রাহ্মণগণ দেবদেব উমাপতিকে দর্শন করিতে আগমন করিলেন । ১০-১৯ । হে ঘটোত্তব ! অসীমজন্ম হইতে আরম্ভ করিয়া সম্রমেশ্বর-মহাদেব পর্য্যন্ত গঙ্গাতীরবর্তী স্থানে যাবতীয় ব্রাহ্মণগণ বাস করিতেন, তাঁহারা সকলেই দেবদেবকে দেখিতে আসিলেন । গঙ্গাতীরবাসী এই সমস্ত ব্রাহ্মণগণের সংখ্যা অষ্টাদশ-সহস্র-পঞ্চশত-পঞ্চপঞ্চাশৎ । ব্রাহ্মণগণ সার্ক-দূর্বাক্ততহস্তে পুষ্প, ফল, সুগন্ধ, মাল্য প্রভৃতি লইয়া মুখে জয় উচ্চারণকরত মহেশ্বরকে বারম্বার প্রণতি করিয়া মঙ্গলসূক্তের দ্বারা স্তব করিতে লাগিলেন । মহেশ্বর, সেই সমস্ত ব্রাহ্মণগণকে অভয় প্রদান করিয়া সহর্ষে তাঁহাদের কুশল জিজ্ঞাসা করিলেন । তখন সেই ব্রাহ্মণগণ করজোড়ে বলিতে লাগিলেন যে, হে নাথ ! আপনার ক্ষেত্রে আমরা বাস করিতেছি, তাহাতেই সতত আমাদের কুশল, বিশেষতঃ আজ আপনাকে সাক্ষাৎ নয়নগোচর করিয়া আমরা আরও কুশললাভ করিয়াছি ; ঐতিহাসিকও যথার্থরূপে যাহার তত্ত্ব জানিতে পারেন না, আপনিই তিনি ; যাহারা আপনার ক্ষেত্রপরায়ণ, তাহারাই সতত অকুশলে থাকে এবং চতুর্দণ্ড প্রকার লোকও সতত তাহাদের প্রতি পরায়ণ থাকে । হে নাগভূষণ ! যাহাদের হৃদয়ে সর্বদা কাশী জাগরুক থাকেন, তাহাদিগকে কখন সংসার-সর্প-বিষে জর্জরিত করিতে পারে না । ২০-৩০ । বর্ণদ্বয়াত্মক “কাশী” এই মন্ত্র গর্ভরক্ষণ-মণি বলিয়া বিখ্যাত । সতত ইহা যাহার কণ্ঠে অবস্থিত থাকে, তাহার আর অমঙ্গল কোথায় ? যে ব্যক্তি সতত “কাশী” এই বর্ণদ্বয়াত্মক অমৃত পান করে, সে ব্যক্তি ষড়্‌বিধ বিকারময়ী অবস্থা পরিত্যাগ করিয়া অমর হইয়া থাকে । যে ব্যক্তি “কাশী” এই দুইটি অমৃতময় বর্ণ শ্রবণ করে, সে আর গর্ভজনিত কণা শ্রবণ করে না । ৩১-৩৩ । কাশীর ধূলি ও বায়ু বিক্ষিপ্ত হইয়া যাহার মস্তকে পতিত হয়, হে চন্দ্রশেখর ! সেই ব্যক্তির মস্তকদেশও চন্দ্রকলায় অঙ্কিত হইয়া থাকে । প্রসঙ্গাধীনও যাহার নেত্রপথে আনন্দকানন নিপতিত হয়, তাহারাও আর জগতে জন্মগ্রহণ বা পিতৃ-কানন সন্মর্শন করে না । গমন, অবস্থান, স্বপন এবং জাগ্রতসময়েও যে ব্যক্তি

“কাশী” এই মন্ত্র জপ করে, সে নির্ভয় হইয়া থাকে । ৩৪-৩৬ । যে ব্যক্তি “কাশী” এই বীজাক্ষরদ্বয়কে হৃদয়ে ধারণ করে, তাহার কৰ্ম্মবীজসমূহ নিবৰ্জিত হইয়া থাকে । যে ব্যক্তি সতত “কাশী, কাশী, কাশী” এই কথা উচ্চারণ করে, সে অশ্রুস্থানে অবস্থিত হইলেও মুক্তি তাহার অগ্রে প্রকাশিত থাকেন । এই কাশী ক্ষেমমূর্তি, হে ভব ! আপনিও ক্ষেমমূর্তি এবং ত্রিপথগাও ক্ষেমমূর্তি, এই তিন হইতে অতিরিক্ত কোন ক্ষেমমূর্তি কুত্রাপিও নাই” । ৩৭-৩৯ । গিরিজাপতি ভগবান্ মহেশ্বর, ত্রাক্ষণগণের ক্ষেত্রভক্তি-সমন্বিত এই সমস্ত বাক্য শ্রবণ করিয়া অতিশয় সন্তুষ্ট হইলেন । এবং প্রসন্নচিত্তে বলিতে লাগিলেন যে, হে ত্রাক্ষণ-শ্রেষ্ঠগণ ! যেহেতু আপনাদের আমার এই পবিত্র ক্ষেত্রে ঈদৃশী ভক্তি দেখি-তেছি, অতএব আপনারা ধন্য ! বুঝিলাম, আপনারা এই ক্ষেত্রের সেবা করিয়া সহস্রময়, নীরজঙ্ঘ, বিগতমোহ ও সংসারপারগামী হইয়াছেন । ৪০-৪২ । যাহারা বারানসীর ভক্ত, তাহারাই যথার্থ আমার ভক্ত, তাহারাই এ জগতে জীবন্তুত্ব এবং মোক্ষলক্ষ্মী তাহাদেরই উপর কটাক্ষ-নিষ্ক্ষেপ করিয়া থাকেন । যাহারা কাশীস্থ সামান্য জম্বুর সহিতও বিরোধ করে, তাহার আমার ও সমস্ত জগতের সহিতই বিরোধ করিয়া থাকে । ৪৩-৪৪ । যে ব্যক্তি বারানসীর প্রশংসা শ্রবণ করিয়া তাহা অনুমোদন করে, সে ব্যক্তিকর্তৃক অখিল ব্রহ্মাণ্ডই অনুমোদিত হইয়া থাকে । যে সমস্ত মানব এই আনন্দকাননে বাস করে, তাহার কল্মষহীন হইয়া আমার অন্তঃকরণে বাস করিয়া থাকে । যাহারা এই তীর্থে বাস করিয়া আমাতে ভক্তি ও আমার চিত্ত ধারণ করে, আমি তাহাদিগকেই মোক্ষোপদেশ করিয়া থাকি । ৪৫-৪৭ । যাহারা আমার ক্ষেত্রে বাস করিয়া আমাতে ভক্তি ও আমার চিত্ত ধারণ না করে, আমি তাহাদিগকে মোক্ষোপদেশ করি না । যাহাদের চিত্তে নির্বাপনগরী কাশী প্রকাশ পান, তাহার নৈঃশ্রেয়সা লক্ষ্মীতে আবৃত হইয়া আমার সম্মুখে প্রকাশ পাইয়া থাকে । যে সমস্ত স্বর্গাভিলাষী ব্যক্তিগণের কাশীতে রুচি নাই, তাহার পতিত ; তাহার সন্দেহ নাই । ৪৮-৫০ । হে দ্বিজগণ ! যাহারা কাশীর অভিলাষ করে, আমার অনুগ্রহে ধর্ম্ম, অর্থ, কাম ও মোক্ষ, দাসবৎ তাহাদের সম্মুখে উপস্থিত থাকে । এই আনন্দ-কাননে আমি প্রদীপ্ত দাবানলরূপে অবস্থিত হইয়া জীবগণের কৰ্ম্মবীজসমূহকে দহন করত উহার অকুরোৎপাদিকাশক্তি বিনষ্ট করিয়া থাকি । প্রবৃত্তপূর্বক সতত কাশীতে বাস করিবে, সতত আমার অর্চনা করিবে, তাহাতেই কলি ও কালকে জয় করিয়া মুক্তি-ললনায় রতি করিতে পারিবে । যে দুর্ব্বুদ্ধি, কাশীতে আসিয়াও আমার সেবা না করে, কৈবল্য-লক্ষ্মী

তাহার হস্তগত হইয়াও পুনরায় ভ্রষ্ট হইয়া যান। হে ত্র্যক্ষগণ! আমার ভক্ত ও আমার চিত্রুধারী কাশীবাসী আপনারা ধন্য। যেহেতু কাশী বা আমি আপনাদের চিত্তবৃত্তির দুরে অবস্থিত নহি। ৫১-৫৫। আমি আপনাদিগকে বর প্রদান করিতেছি, আপনারা যথারূচি বরপ্রার্থনা করুন; যেহেতু ক্ষেত্র-সন্ন্যাসকারী আপনারাই আমার বিশেষ প্রিয়পাত্র। (স্বন্দ কহিলেন) ত্র্যক্ষগণ, মহেশ্বরের মুখরূপ ক্ষীর-সমুদ্র হইতে উৎপন্ন এই সমস্ত বাক্যরূপ স্ত্রধা পানকরত পরিতৃপ্ত হইয়া মহেশ্বরের নিকট বর-প্রার্থনা করিতে লাগিলেন। ৫৬-৫৭।

ত্র্যক্ষগণ কহিলেন, হে উদ্যাপতে! হে মহেশান! হে সর্বব্রহ্ম! আমরা এই বর প্রার্থনা করিতেছি যে, সংসার-তাপহারী আপনি আর কখন কাশী পরিত্যাগ করিবেন না। আর এই ত্র্যক্ষগণের বাক্যে কাশীতে কখন কাহারও কোন প্রকার মোক্ষপ্রতিবন্ধক শাপ সফল না হউক এবং আপনার চরণকমলযুগলে সতত আমাদের অচলা ভক্তি থাকুক এবং দেহপাতপর্য্যন্ত সর্বদা আমাদের কাশীবাস হউক। হে ঈশ! এই বরই আমাদের প্রদান করুন, চৈহা ভিন্ন আমাদের অন্ম কোন বর প্রার্থনীয় নহে। হে অক্ষকবঃসিন্! আপনি অবধান করুন, আমরা আরও একটী বরপ্রার্থনা করিতেছি :—আপনার অনুপস্থিতিতে আমরা ভক্তিসহকারে আপনার প্রতিনিধিস্বরূপ যে সমস্ত লিঙ্গ-প্রতিষ্ঠা করিয়াছি, সেই সমস্ত লিঙ্গে আপনার সান্নিধ্য হউক। ৫৮-৬২। (স্বন্দ কহিলেন) ত্র্যক্ষগণের এই সমস্ত বাক্য শ্রবণে গিরিশ বলিলেন যে, আপনারা যাহা প্রার্থনা করিলেন, তাহাই হইবে এবং তিনি আরও বলিলেন যে, আপনারা জ্ঞানবান্ হইবেন। অনন্তর মহেশ্বর পুনরায় কহিলেন যে, হে দ্বিজগণ! আমি আপনাদের হিত-উপদেশ করিতেছি, আপনারা অবশ্য তদমুরূপ আচরণ করিবেন। মোক্ষাভিলাষী ব্যক্তিগণ সতত উত্তরবাহিনীর সেবা করিবে, প্রযত্নসহকারে লিঙ্গপূজা করিবে এবং সতত দম, দান ও দয়াশীল হইবে। ৬৩-৬৫। মহেশ্বর আরও বলিয়াছিলেন যে, কাশীবাসী ব্যক্তিগণ সতত পরোপকারে মতি রাখিবে এবং কখন উদ্বেগজনক বাক্য ব্যবহার করিবে না, বিজিগীষু হইয়া মনের দ্বারাও কখন পাপ করিবে না, কারণ এস্থলে শুভ বা অশুভ যাহা কিছু কর্তব্য করা যায়, তাহা অক্ষয় হইয়া থাকে। অন্মস্থানে যে পাপ করা যায়, তাহা বিনষ্ট হইয়া থাকে; বারাণসীতে যে পাপ করা যায়, তাহা অন্তর্গৃহে বিলয়-প্রাপ্ত হইয়া থাকে; অন্তর্গৃহে পাপ করিলে পিশাচযোনি প্রাপ্ত হইয়া নরকভোগ করিতে হয়, কিন্তু পিশাচনরকপ্রাপক সেই

পাপ যদি অন্তর্গৃহের বাহিরে করা যায়, তাহা হইলে তাহা অন্তর্গৃহে বিনষ্ট হইয়া থাকে । কোটিকল্পেও কাশীতে কৃত-পাপ বিলীন হয় না, কিন্তু সেই পাপিগণ রুদ্র-পিশাচ হইয়া ত্রিশসহস্র বৎসর এইস্থানে অবস্থিতি করিয়া থাকে । ৬৬-৭০ । যে ব্যক্তি কাশীতে গঙ্গা করিয়া সত্তপ পাপকর্মে রত থাকে, সে ত্রিশসহস্র বৎসর এইস্থানে বাসকরত পিশাচ-ভোগ করিয়া পুনরায় জ্ঞানলাভ করিয়া থাকে ; অনন্তর সেই জ্ঞানবলে উৎকৃষ্ট মোক্ষলাভ করে । হে দ্বিজশ্রেষ্ঠগণ ! যাহারা এইস্থানে কেবল দুষ্কর্ম করিয়া স্থানান্তরে যাইয়া মৃত হয়, তাহাদের যে গতিলাভ হয় তাহা বলিতেছি, আপনারা শ্রবণ করুন । ৭১-৭৩ । যাম নামক আমার কতকগুলি গণ আছে, তাহারা অতিশয় কঠোর ও বিকৃতমূর্তি ; যাহারা কাশীতে দুষ্কৃত করে, আমার সেই গণসমূহ প্রথমতঃ তাহাদিগকে মুষাতে ( স্বর্ণ গলাইবার পাত্রবিশেষ ) ধ্মিত করিয়া জল প্রায় ও ছুরানদ প্রাচী দিকে লইয়া গিয়া, বর্ষাকালে সেই ছুরাচারগণকে জলমধ্যে নিক্ষেপ করে ; তথায় জলোৎকলিচয়, মশকসমূহ ও জলোন্তব দন্দশুকনিচয় সেই পাপাত্মাগণকে দিবানিশি দংশন করে । অনন্তর হিমঞ্চ তূতে আমার সেই গণসমূহ তাহাদিগকে হিমালয়ে লইয়া যায়, তথায় তাহারা ভোজ্য ও বস্ত্রবিহীন হইয়া নিরন্তর ক্লেশভোগ করে । ৭৪-৭৭ । অনন্তর গ্রীষ্মকাল সমাগত হইলে আমার গণসমূহ তাহাদিগকে জল ও বৃক্ষবর্জিত মরুভূমিতে লইয়া যায়, তথায় তাহারা তীব্র দিবাকর-তাপে তাপিত হইয়া পিপাসায় অতি কাতর হইয়া থাকে । এইরূপে আমার গণসমূহ সেই পাপিগণকে বহুকাল নানা প্রকার যাতনায় ক্লিষ্ট করিয়া অবশেষে কাশীতে আনয়নকরত কালভৈরবের নিকট সমস্ত বিষয় নিবেদন করে । কালরাজও তাহাদিগকে দেখিয়া তাহাদের দুষ্কৃতসমূহ স্মরণ করাইয়া বিবস্ত্র, ক্ষুধায় ও তৃষ্ণায় আকুল শুষ্কদেশে সেই সমস্ত পাপাত্মাগণকে অগ্ন্যাশ্রয় রুদ্র-পিশাচগণের সহিত সংযোজিত করেন । তখন সেই রুদ্র-পিশাচগণ সত্তপ ভৈরবের অনুচর হইয়া ক্ষুধা ও তৃষ্ণাজনিত বিষম ক্লেশভোগ করিয়া থাকে । ৭৮-৮২ । এইসময়ে তাহারা কখন কখন রুধির-মিশ্রিত আহার প্রাপ্ত হয় । এইরূপে ত্রিশসহস্র বৎসর তাহারা অতি দুঃখিতভাবে শ্মশানস্তম্ভের চতুর্দিকে কণ্ঠপাশে আবদ্ধ থাকে । পিপাসায় কণ্ঠ শুষ্ক হইলেও তাহারা একবিন্দু জল-স্পর্শ করিতে পায় না । অনন্তর কালভৈরবের দর্শন নিবন্ধন কালক্রমে তাহারা নিষ্পাপ হইয়া এই কাশীক্ষেত্রেই দেহপরিগ্রহ করিয়া আমার আজ্ঞায় মুক্তিলাভ করিয়া থাকে । ৮৩-৮৫ । অতএব এই ক্ষেত্রে কদাপিও বাঁক্য, মন বা ক্রিয়ার দ্বারা কোনরূপ পাপাচরণ করিবে না এবং মহালাভ

কামনায় সতত পবিত্রপথে অবস্থিতি করিবে ; অবিমুক্ত-ক্ষেত্রে পাপী ব্যক্তিও মৃত হইলে নরকে গমন না করিয়া আমার অমুগ্রহবলে শ্রেষ্ঠ গতিলাভ করিয়া থাকে । ৮৬-৮৭ । এই ক্ষেত্রে আমার ভক্তজন ত্রতাবলম্বন পূর্বক যদি অনশন করে, তাহা হইলে শতকোটি কল্পেও তাহার পুনরাবুত্তি হয় না । মানবগণের এই পাপবহুল দেহ অনিত্য জানিয়া সতত সংসারভয়মোচক অবিমুক্ত-ক্ষেত্রের সেবা করা উচিত । কলিযুগে সর্বপ্রকার পাপবিনাশিনী বারাণসীপুরী ভিন্ন জীবগণের অল্প কোন প্রায়শ্চিত্ত আমি দেখিতেছি না । ৮৮-৯০ । জন্মান্তর-সহস্র যে পাপ অর্জিত হইয়াছে, কাশীতে প্রবেশ করিবামাত্র জীবের সেই সমস্ত পাপ-ক্ষয় হইয়া যায় । যোগীব্যক্তি সহস্রজন্ম যোগাভ্যাস করিয়া যে পরম ফল-প্রাপ্ত হয়, এই স্থলে মৃত্যু হইলেই জীব সেই পরমফল মোক্ষ লাভ করিয়া থাকে । তিৰ্য্যগ্‌ঘোনিগত যে সমস্ত জীব এই কাশীতে অবস্থিতি করে, তাহারাও কালক্রমে নিধন প্রাপ্ত হইয়া উৎকৃষ্ট গতি লাভ করিয়া থাকে । ৯১-৯৩ । যে সমস্ত মূঢ় ব্যক্তি অজ্ঞানাবৃত হইয়া অবিমুক্তের সেবা না করে, তাহারা বারম্বার বিষ্ঠা, মূত্র ও রেতের মধ্যে বাস করিয়া থাকে । যে ব্যক্তি অবিমুক্তক্ষেত্রে আসিয়া শিবলিঙ্গ প্রতিষ্ঠা করে, শতকোটি কল্পেও তাহার পুনর্জন্ম হয় না । গ্রহ, নক্ষত্র ও তারা প্রভৃতির ও কালক্রমে নিশ্চয়ই পতন হইয়া থাকে, কিন্তু অবিমুক্ত ক্ষেত্রে মৃতব্যক্তির আর পতন হয় না । ৯৪-৯৬ । যে ব্যক্তি ব্রহ্মহত্যা করিয়াও পরে সংযতচিত্ত হইয়া কাশীতে প্রাণত্যাগ করে, সেও মুক্তি লাভ করিয়া থাকে, ইহাতে সন্দেহ নাই । যে সমস্ত পতিব্রতা স্ত্রীগণ আমাতে ভক্তিযুক্ত হইয়া অবিমুক্তক্ষেত্রে মৃত হন, হে বিপ্রগণ ! তাহারাও উৎকৃষ্ট গতি লাভ করিয়া থাকেন । ৯৭-৯৮ । হে দ্বিজশ্রেষ্ঠগণ ! এই স্থানে প্রাণনির্গম সময়ে আমি স্বয়ং জীবগণকে তারকব্রহ্ম উপদেশ করিয়া থাকি, তাহাতে তাহারা তন্ময়তা লাভ করিয়া থাকে । যে ব্যক্তি আমার ভক্ত হইয়া আমাতে মন ও সমস্ত ক্রিয়াফল অর্পণ করে, সে ব্যক্তি এখানে বাদৃশ মোক্ষ লাভ করে, তাদৃশ মোক্ষ আর কুত্রাপি লাভ হয় না । ৯৯-১০০ । মানব, মৃত্যুকে অবশ্যস্তুবি এবং গতিকে অসুখরূপিণী ও আগন্তুক সমস্ত বিষয়কে চঞ্চল জানিয়া কাশীকে আশ্রয় করিবে । যাহারা মন, বাক্ এবং শরীরের দ্বারা কাশীকে আশ্রয় করিয়াছে, নির্বাণলক্ষ্মী সেই সমস্ত বিশুদ্ধমতি জীবগণকে আশ্রয় করিয়া থাকেন । ১০১-১০২ । যে ব্যক্তি আয়োপার্জিত ধনের দ্বারা কাশীস্থ এক ব্যক্তিকেও পরিভূষ্ট করে, তাহার, আমার সহিত ত্রিভুবন প্রীত করার ফল-লাভ হইয়া থাকে । হে ব্রাহ্মণগণ ! যে পুণ্যাত্মা ব্যক্তি, পুরুষার্ধচতুর্দশস্থিতির



জন্ম নির্বাণনগরীস্থ মনুষ্যকে প্রীত করে, আমি সতত তাহাকে প্রীত করিয়া থাকি । রাজষি দিবোদাসও ধর্ম্মতঃ কাশীপালন করিয়া, যে স্থান হইতে পুনরাগমন করিতে হয় না, আমার সেই পদ লাভ সশরীরে করিয়াছে । ১০৩-১০৫ । এই স্থানে যোগ জ্ঞান ও মুক্তি একজন্মেই লাভ করা যায়, এই জন্ম এই অবিমুক্তক্ষেত্রে আগমন করিয়া আব অগ্ন তপোবনে গমন করিলে না । মোক্ষকে অত্যন্ত দুর্লভ এবং সংসারকে অতি ভীষণ জানিয়া প্রস্তুতের দ্বারা পাদদ্বয় ভগ্ন করিয়াও এই স্থানে মৃত্যুর প্রতীক্ষা করিলে । দুর্ব্বুদ্ধি জীবগণ যখন অবিমুক্তক্ষেত্রে পরিভ্যাগ করিয়া গমন করে, তখন ভূতনিচয় পরম্পর করত্যাডনপূর্ব্বক হাশ্ব করিতে থাকে । ১০৬-১০৮ । অশুভম সিদ্ধিক্ষেত্রে বারাণসীকে লাভ করিয়া অগ্ন স্থানে যাইতে কোন জীবেরই বা মতি হইয়া থাকে ? মানবগণ স্থানান্তরে মহাদান-প্রদান করিয়া যে ফল লাভ করে, অবিমুক্তক্ষেত্রে বিংশতি বরাটিকা ( কড়ি ) প্রদান করিলেই সেই ফল প্রাপ্ত হওয়া যায় । ১০৯-১১০ । একজন শিবলিঙ্গের অর্চনা করে, আর একজন তপস্তা করে, এই উভয়ের মধ্যে যে ব্যক্তি শিবলিঙ্গ পূজা করে, সেই ব্যক্তিই শ্রেষ্ঠ । যে ব্যক্তি তীর্থে কোটি সংখ্যক গোদান করে, তদপেক্ষায় যে ব্যক্তি একদিন কাশীতে বাস করে, সেই শ্রেষ্ঠ । ১১১-১১২ । অগ্নস্থানে কোটি সংখ্যক ত্রাঙ্গণ ভোজন করাইলে যে ফল হয়, বারাণসীতে একটী মাত্র ত্রাঙ্গণকে ভোজন করাইলে সেই ফল প্রাপ্ত হওয়া যায় । কুরুক্ষেত্রে সূর্য্যগ্রহণকালীন তুলাপুরুষ দান, কাশীতে একমুষ্টি ভিক্ষাদানের সমান । এই স্থানে আমার পরমজ্যোতি অনন্ত লিঙ্গরূপ ধারণ করিয়া সপ্তবিধ লোক অতিক্রম করত পাতাল পর্য্যন্ত অবস্থিত আছে । ১১৩-১১৫ । যে সমস্ত ব্যক্তি পৃথিবীতলে অবস্থিত আমার অবিমুক্ত-লিঙ্গকে স্মরণ করে, তাহারাও মহৎ পাতক হইতে বিমুক্তি লাভ করিয়া থাকে । এই ক্ষেত্রে যে ব্যক্তি আমাকে দর্শন, স্পর্শন এবং পূজা করে, সে তারকজ্ঞান লাভ করিয়া আর সংসারে আগমন করে না । যে ব্যক্তি এই স্থানে আমার পূজা করিয়া, যে কোন স্থানে মৃত হয়, সে ব্যক্তি জন্মান্তরেও আমাকে প্রাপ্ত হইয়া মুক্তি লাভ করিয়া থাকে । ১১৬-১১৮ । ( স্কন্দ কহিলেন ) ভগবান্ মহেশ্বর, ত্রাঙ্গণগণের নিকট কাশীর এই সমস্ত মাহাত্ম্য খাপন করিয়া তাঁহাদের সম্মুখেই সেই স্থানে অন্তর্হিত হইলেন । সেই ত্রাঙ্গণগণও সাক্ষাৎ ত্রিনয়নকে প্রত্যক্ষ করিয়া অত্যন্ত হৃষ্টান্তঃকরণে আপন আগন আশ্রমে গমন করিলেন । ১১৯-১২০ । তাঁহারা আশ্রমে যাইয়া সর্ব্বস্ত ও কৃপানিধি মহেশ্বরের বাক্যার্থ নিশ্চয় করত অগ্ন্যস্ত কার্য্য পরিভ্যাগ করিয়া কেবল শিবলিঙ্গ পূজা করিতে লাগিলেন । ১২১ ।

স্কন্দ কহিলেন, মানব শ্রদ্ধা-সহকারে এই উৎকৃষ্ট আখ্যানপাঠ করিলে বা অশ্বের দ্বারা পাঠ করাইলে পাপ হইতে নিশ্চিন্ত হইয়া শিবলোকে গমন করিয়া থাকে । ১২২ ।

## পঞ্চমস্তম অধ্যায় ।



পরাশরেশ্বরাদি লিঙ্গ এবং কন্দুকেশ ও ব্যাঘ্রেশ্বর লিঙ্গ কথন ।

স্কন্দ কহিলেন, হে কুন্তজ ! জ্যেষ্ঠেশ্বরের চতুর্দিকে পঞ্চগহস্র শিবলিঙ্গ আছেন, তাঁহারা মুনিগণকে বহুতর সিদ্ধি-প্রদান করিয়াছেন । জ্যেষ্ঠেশ্বরের উত্তরে পরাশরেশ্বর লিঙ্গ আছেন, তাঁহাকে দর্শন করিলে নির্যমল জ্ঞান লাভ হইয়া থাকে । ১-২ । সেই স্থানেই মাণ্ডবেশ্বর নামে সিদ্ধিপ্রদ শিবলিঙ্গ আছেন, তাঁহাকে দর্শন করিলে মানব কখন দুর্বুদ্ধিগ্রস্ত হয় না । সেই স্থলেই শঙ্করেশ্বর নামক শিবলিঙ্গ আছেন, তিনি ভক্তগণের সতত মঙ্গল করিয়া থাকেন । তথায়ই ভৃগুনারায়ণ আছেন, তিনি ভক্তগণকে সিদ্ধি প্রদান করিয়া থাকেন । সেই স্থানেই অতিসিদ্ধিপ্রদ জাবালীশ্বর নামক শিবলিঙ্গ আছেন, তাঁহাকে দর্শন করিলে জীব কখন দুর্গতি-গ্রস্ত হয় না । ৩-৫ । সেই স্থানেই স্মমস্তমুনি কর্তৃক প্রতিষ্ঠিত আদিত্যমূর্ত্তি আছেন, তাঁহাকে দর্শন করিবামাত্র কুষ্ঠবাধি শান্তি হয় । সেই স্থানেই অতি ভীষণরূপিণী ভীষণা নামে ভৈরবী আছেন, ভক্তি সহকারে তাঁহার অর্চনা করিলে, তিনি ক্ষেত্রভয় নিবারণ করিয়া থাকেন । ৬-৭ । সেই স্থলেই উপজঙ্কনি কর্তৃক প্রতিষ্ঠিত শিবলিঙ্গ আছেন, ভক্তি পূর্বক তাঁহার সেবা করিলে, মানব ছয়মাসেই পরম সিদ্ধি লাভ করিয়া থাকে । সেই স্থানেই ভারদ্বাজেশ্বর ও মাদ্রীশ্বর নামে শিবলিঙ্গ এক স্থানে প্রতিষ্ঠিত আছেন, স্মৃতি ব্যক্তি সেই উভয় লিঙ্গকে অবশ্য দর্শন করিবে । ৮-৯ । হে কলসোদ্ভব ! সেই স্থানেই অরুণি কর্তৃক প্রতিষ্ঠিত শিবলিঙ্গ আছেন, সেই লিঙ্গের সেবা করিলে, সর্বপ্রকার সিদ্ধি প্রাপ্ত হওয়া যায় । সেই স্থানেই বাজসনেয় নামে অতি মনোহর শিবলিঙ্গ আছেন, তাঁহাকে দর্শন করিলে মানবগণ বাজপেয়-যজ্ঞের ফল লাভ করিয়া থাকে । ১০-১১ । সেই স্থানেই শুভ-কণেশ্বর, কাত্যায়নেশ্বর, বামদেবেশ্বর, উত্তমেশ্বর, হারীতেশ্বর, গালবেশ্বর, কুখীশ্বর, কোধুমেশ্বর, অগ্নিবর্ণেশ্বর, নৈঋতবেশ্বর

বৎসেশ্বর, পর্ণাদেশ্বর, সন্তুপ্রশ্নেশ্বর, কর্ণাদেশ্বর, মার্কণ্ডেশ্বর, বাজ্রবেশ্বর, শিল-  
বৃত্তীশ্বর, চ্যবনেশ্বর, শালঙ্কায়নকেশ্বর, কলিন্দমেশ্বর, অক্রোধনেশ্বর, কপোতবৃত্তীশ্বর,  
কঙ্কেশ্বর, কুস্তুলেশ্বর, কঠেশ্বর, কহোলেশ্বর, মতঙ্গেশ্বর, মরুভেশ্বর, মাগধেশ্বর,  
জাতুকর্ণেশ্বর, জম্বুকেশ্বর জাতুধীশ্বর, জলেশ্বর, জালেশ্বর এবং জালকেশ্বর প্রভৃতি  
পঞ্চসহস্র শিবলিঙ্গ বিরাজমান আছেন। হে কুম্ভজ ! অতি পবিত্র জ্যেষ্ঠস্থানে এই  
সমস্ত শিবলিঙ্গের স্মরণ, দর্শন, স্পর্শন, অর্চনা, প্রণতি ও স্তুতি করিলে মানবের  
কখন পাপোৎপত্তি হয় না। ১২—২১।

স্কন্দ কহিলেন, হে মূনে ! একদা সেই জ্যেষ্ঠস্থানে এক অপূর্ব বটনা হইয়া-  
ছিল, আমি তাহা বর্ণন করিতেছি ; সেই পাপ বিনাশন-বৃত্তাস্ত্র শ্রবণ কর। কোন  
সময়ে মহেশ্বর, সেই জ্যেষ্ঠস্থানে স্বেচ্ছাক্রমে বিহার করিতেছিলেন এবং জগন্মাতা  
শিবা, কোতুকবশতঃ তথায় কন্দুকক্রীড়া করিতেছিলেন। ক্রীড়াকালীন পার্শ্ববর্তী উর্দ্ধ  
ও অধোগমনে স্থায়ী অঙ্গনিচয়ের বিশেষ লক্ষ্যতা দর্শন করাইতেছিলেন। তাঁহার  
নিশ্বাসগন্ধে আকুল হইয়া ভ্রমরনিচয় তাঁহার নেত্রের চতুর্পার্শ্বে চঞ্চলভাবে তাঁহার  
নেত্রকে আকুলিত করিয়াছিল, কেশবন্ধন হইতে সুগন্ধি মালা পরিভ্রষ্ট হইয়া  
ভূমিতল আচ্ছাদিত করিয়াছিল, ষমযুক্ত কপোলপত্রালী হইতে অমুকগা বিগলিত  
হইয়া তাঁহাকে অতিশয় উজ্জ্বল করিয়াছিল, চঞ্চল ও অতি সূক্ষ্ম কঙ্কুক ও পরিধান  
বস্ত্রের অভ্যন্তর দিয়া তাঁহার দেহপ্রভা নির্গত হইতেছিল, উজ্জ্বাগী কন্দুকের  
বারম্বার পতন নিবন্ধন তাঁহার করপঙ্কজ রক্তবর্ণ হইয়াছিল, তাঁহার দৃষ্টি বারম্বার  
কন্দুকের অনুগমন করিতেছে, তজ্জগ্ম জ্বলতা সতত নৃত্য করিতেছে। ভগবতী  
এই অবস্থায় ক্রীড়া করিতেছেন, এগত সময়ে অস্তুরাক্ষের দুই জন দম্ভ্য, উপস্থিত-  
মৃত্যু কর্তৃক কটাক্ষিত হইয়াই যেন মনোহর মূর্তি সেই দেবীকে দেখিতে পাইল।  
সেই দম্ভ্যদ্বয়ের মধ্যে একের নাম বিদল ও অপরের নাম উৎপল ; তাহারা  
উভয়েই বিধাতার বর লাভে দর্পিত এবং নিজ বাহুবলে ত্রিভুবনস্থ পুরুষ নিচয়কে  
ভূণের তুল্য বোধ করে। ২২-২৯, তাহারা দেবীকে দর্শন করিয়াই কামশরে পীড়িত  
হইয়া তাঁহাকে হরণ করিবার অভিলাষে শাস্ত্রী-মায়া অবলম্বন করত আকাশমার্গ  
হইতে স্বর্গ অবতরণ করিল এবং পার্শ্বদ-মূর্তি পরিগ্রহ করিয়া অতি চঞ্চল-চিন্তে  
দেবীর নিকট আগমন করিতে লাগিল। ৩০-৩১। সর্বজ্ঞ মহাদেব, সেই দুর্বৃত্ত  
দ্বয়ের দুষ্টচেষ্টা পরিজ্ঞাত হইয়া লোচনোদ্ভূত চাক্ষু্যনিবন্ধন দুর্গারিষাভিনী দুর্গার  
প্রতি কটাক্ষপাত করিলেন। তখন সর্বজ্ঞাঙ্কশরীরিণী ভগবতী, মহেশ্বরের ঐঙ্গিত  
জানিতে পারিয়া সেই হস্তস্থিত কন্দুকের দ্বারাই এককালীন সেই অস্তুরদ্বয়কে

আঘাত করিলেন । দৈত্যদ্বয় মহাবলসম্পন্ন হইয়াও দেবীর সেই কন্দুকঘাতে আহত হইয়া, উপর হইতে ঘুরিতে ঘুরিতে অনিলাহত পরিপক্ক ভালফল এবং বজ্রাহত মহাগিরির শৃঙ্গদ্বয়ের ম্যায় ভূমিতে নিপতিত হইল । ৩২-৩৫ । তখন দেবী কর্তৃক নিক্ষিপ্ত সেই কন্দুক, অকার্য্যকরণোক্ত সেই দুর্ঘটন্যকে নিহত করিয়া শিবলিঙ্গ-রূপে পরিণত হইল । এবং তদবধি জ্যোতেশ্বরের সন্মিষ্টে সর্বদুর্ঘটনিবারণ সেই শিবলিঙ্গ কন্দুকেশ্বর নামে বিখ্যাত হইলেন । যে ব্যক্তি হর্ষসহকারে কন্দুকেশ্বরের উৎপত্তি-বিবরণ শ্রবণ করিবে এবং ভক্তি সহকারে তাহার পূজা করিবে, তাহার আর দুঃখভয় কোথায় ? ৩৬-৩৮ । যে সমস্ত মানব কন্দুকেশ্বরের ভক্ত হয়, তাহারা নিম্পাপ হইয়া থাকে এবং ভয়নাশিনী ভবানী সতত তাহাদের কল্যাণ-বিধান করিয়া থাকেন । মূড়ানী সতত সেই শিবলিঙ্গের পূজা করিয়া থাকেন এবং তথায়ই তিনি সন্নিহিত থাকিয়া ভক্তগণকে সর্ব প্রকার সিদ্ধি প্রদান করিয়া থাকেন । ৩৯-৪০ । কালীতে যাহারা কন্দুকেশ্বর মহালিঙ্গের পূজা না করে, ভবানী ও শঙ্কর করূপে তাহাদিগের অভীষ্টপ্রদাতা হইবেন ? মানব বজ্র-সহকারে সর্বপ্রকার উপদ্রবের নিবারক সেই কন্দুকেশ্বরকে দর্শন করিবে । যেমন সূর্য্যোদয়ে তমোরশি বিলয়প্রাপ্ত হয়, তরূপ কন্দুকেশ্বরের নামমাত্র শ্রবণ করিলে পাপরাশি ক্ষয়প্রাপ্ত হয় । ৪১-৪৩ ।

স্বন্দ্র কহিলেন, হে মহাভাগ । জ্যোতেশ্বরের সন্মিষ্টে আরও একটা পরম আশ্চর্য্য ঘটনা ঘটিয়াছিল, তাহাও শ্রবণ কর । দেব, ঋষি ও পিতৃগণের তৃপ্তিপ্রদ দেবখাত-তীর্থে যে সময়ে ব্রাহ্মণগণ নিকামভাবে পরম তপশ্চায় নিযুক্ত ছিলেন, সেই সময়ে প্রহ্লাদের মাতুল দুন্দুভি-নির্ভাদনামা একজন দুর্ঘট দৈত্য, কি প্রকারে দেবগণকে পরাজিত করিতে পারা যায়, তাহার উপায় চিন্তা করিতেছিল । ৪৪-৪৬ । “দেবগণের সামর্থ্য কি, তাহারা কি আহাৰ করে, এবং তাহাদের আহারই বা কি ?” বারম্বার এই সমস্ত বিচার করিয়া সেই দৈত্য নিশ্চয় করিল যে, “ব্রাহ্মণ গণই সমস্তের কারণ” এইরূপ সিদ্ধান্ত করিয়া, ব্রাহ্মণগণকে হনন করিতে উত্তত হইল ও ভাবিল যে, “দেবগণ যজ্ঞভোজী, যজ্ঞসমুহ ও বেদাধীন, সেই বেদ ও ব্রাহ্মণগণেরই অধীন, অতএব ব্রাহ্মণগণই নিশ্চয় দেবতাদের বল । নিশ্চয়ই সমস্ত বেদ ব্রাহ্মণাধার এবং ইন্দ্রাদি দেবগণেরও ব্রাহ্মণগণই বল, ইহার কোন সন্দেহ নাই । ৪৭-৫০ । ব্রাহ্মণগণ যদি বিনষ্ট হয়, তাহা হইলে বেদ আপনিই নষ্ট হইয়া যাইবে ; বেদ নষ্ট হইলেই যজ্ঞনিচয় বিলীন হইবে, যজ্ঞনাশ হইলেই দেবগণের আহাৰ হরণ করা হইবে, তখন দেবগণ অনাহারে দুর্বল হইলে

অনায়াসেই তাহাদিগকে জয় করা যাইবে ; তখন আমিই ত্রিভুবনের একমাত্র অধিপতি হইব এবং যাবদীয় ঐশ্বর্য্য আহরণ করিয়া নিষ্কণ্টক রাজ্যে সুখে বাস করিব” । হে মনে ! সেই দুর্ব্বুদ্ধি দানব এইরূপ নিশ্চয় করিয়া আবার ভাবিতে লাগিল যে, “কোন স্থানে ব্রহ্মতেজঃসম্পন্ন বেদগাঠী ও তপোবলসম্বিত্ত বহুতর ব্রাহ্মগণ আছে ; বারাগসীতেই বহুতর ব্রাহ্মণ আছে দেখিতেছি, অগ্রে তাহাদিগকেই বিনষ্ট করি, তৎপরে তীর্থান্তরে গমন করিব । ৫১-৫৬ । যে যে তীর্থে যে যে আশ্রমে ব্রাহ্মগণ আছে, আমি সেই সেই তীর্থে গমন করিয়া তাহাদিগকে ভক্ষণ করিব” । দুন্দুভিনিহাদ কাশীতে আসিয়াও স্বীয় কুলামুরূপ এই প্রকার নিশ্চয় করিয়া ব্রাহ্মগণকে বধ করিতে লাগিল । ব্রাহ্মণেরা যখন সমিৎকুশা হরণের জন্ত অরণ্যমধ্যে গমন করেন, সেই দুর্ব্বৃত্ত সেই স্থানেই তাহাদিগকে ভক্ষণ করে এবং কেহ জানিতে না পারে এইজন্ত প্রচলন হইয়া থাকে । বনমধ্যে বনচরবেশ, জলমধ্যে জলচরবেশ ধারণ করিয়া অদৃশ্যরূপে দেবগণেরও অগোচর হইয়া, দিবাতে ধ্যাননিষ্ঠ সাজিয়া মুনীগণের মধ্যস্থিত থাকিয়া, পর্ণকুটীরের প্রবেশ ও নির্গমদ্বার অবগত হইয়া, রাত্রিকালে ব্যাত্তরূপে বহুতর ব্রাহ্মগণকে ভক্ষণ করিতে লাগিল । ৫৭-৬২ । দুই দানব ভোজনকালে অতিশুক্ৰভাবে ব্রাহ্মগণের অস্থি পর্য্যন্তও ভক্ষণ করিতে লাগিল ; এইরূপে সেই দুই কর্তৃক বহুতর ব্রাহ্মণ নিহত হইল । একদা শিবরাত্রিতে একজন ভক্ত ব্রাহ্মণ নিজ কুটীরে দেবদেবের পূজা করিয়া ধ্যানে অবস্থিত আছেন, এমন সময়ে বলদর্পিত সেই দুন্দুভিনিহাদ ব্যাত্তরূপ ধারণ করিয়া সেই ব্রাহ্মণকে ভক্ষণ করিতে আগমন করিল । কিন্তু ধ্যানাবস্থিত ও মহেশ্বরসাক্ষাৎকারে দৃঢ়চিত্ত এবং অস্ত্রমস্ত্রে সংরক্ষিত সেই ভক্ত ব্রাহ্মণকে আক্রমণ করিতে পারিল না । ৬৩-৬৬ । তখন সর্ব্বগত মহেশ্বর, সেই দুই দৈত্যের আশয় জানিতে পারিয়া তাহাকে বধ করিবার ইচ্ছা করিলেন । সেই ব্যাত্তরূপী দৈত্য যেমন ব্রাহ্মণকে গ্রহণ করিতে যাইবে, সেই সময়েই জগতের রক্ষামণি ও ভক্তরক্ষণে দক্ষবুদ্ধি ভগবান্ মহেশ্বর সেই স্থানে আবির্ভূত হইলেন । সেই ভক্ত কর্তৃক প্রপূজিত লিঙ্গমধ্য হইতে আবির্ভূত রুদ্রকে আগমন করিতে দেখিয়া, দৈত্য সেই মূর্ত্তিতেই ভূধর সদৃশ বর্দ্ধিত হইল । এবং অবস্তা সহকারে যেমন সর্ব্বশক্তের প্রতি দৃষ্টিপাত করিল, তৎক্ষণাৎই মহেশ্বর তাহাকে ধরিয়া কক্ষা-বস্ত্রমধ্যে নিপীড়িত করিলেন এবং তাহার মস্তকে মুষ্টিপ্রহার করিলেন ; তখন সেই ব্যাত্তরূপী দৈত্য কক্ষানিপ্পেষণে অতিশয় পীড়িত হইয়া গগনতল ব্যাপ্ত করত বিকট শব্দ করিতে লাগিল । সহসা সেই শব্দে বিকম্পিত-চিত্ত হইয়া তপোধনগণ

সেই রাত্রিতেই শঙ্কানুসরণ করিয়া তথায় আগমন করিলেন এবং তথায় মহেশ্বরকে দেখিতে পাইলেন ও তাঁহার কক্ষমধ্যে সিংহকে নিষ্পেষিত দর্শন করিলেন ; তখন তাঁহারা প্রণাম করিয়া জয়বাক্যে মহেশ্বরের স্তুত্ব করিতে লাগিলেন । ( তপোধনগণ কহিলেন ) হে জগজ্জাতঃ ! আপনিই এই দারুণ বিপদের পরিত্রাণ কর্ত্তা, হে ঈশ ! হে জগদ্গুরো ! আপনি অনুগ্রহ করিয়া এই স্থানেই অবস্থান করুন, হে মহাদেব ! আপনি এইরূপেই “ব্যাশ্বেশ্বর” এই নামে অবস্থিত হইয়া সর্বদা এই জ্যেষ্ঠস্থানের রক্ষা বিধান করুন । এবং এই তীর্থগাসি আমাদিগকেও অন্ত্যস্ত উপদ্রব হইতে রক্ষা করুন । ৬৭-৭৬ । তপোধনগণের এই বাক্য শ্রবণ করিয়া চন্দ্রবিভূষণ দেবদেব মহাদেব তথাস্ত বলিয়া আবার বলিতে লাগিলেন যে, হে বিজ্ঞশ্রেষ্ঠগণ ! যে ব্যক্তি শ্রদ্ধাসহকারে এই স্থানে এইরূপে আমাকে দর্শন করিবে, আমি নিশ্চয়ই তাহার উপসর্গসমূহকে নিবারণ করিব । যে মানব এই লিঙ্গের পূজা করিয়া স্থানান্তরে গমন করিবে, পথে তাহায় চৌর ও ব্যাঘ্রাদিজনিত কোন ভয় থাকিবে না । ৭৭-৭৯ । আমার এই চরিত্র শ্রবণ করিয়া এবং হৃদয়ে এই লিঙ্গকে স্মরণ করিয়া যে ব্যক্তি সংগ্রামে প্রবেশ করিবে, সে নিশ্চয়ই জয়লাভ করিবে । মহেশ্বর এই কথা বলিয়া সেই লিঙ্গমধ্যে লীন হইলেন, এবং সেই ব্রাহ্মণগণও বিস্মিত হইয়া প্রাতঃকালে আপন আপন আশ্রমে গমন করিলেন । ৮০-৮১ ।

স্বন্দ্র কহিলেন, হে কুন্তলোনে ! তদবধি জ্যেষ্ঠেশ্বরের উত্তরদিকে ব্যাশ্বেশ্বর নামে সেই শিবলিঙ্গ প্রতিষ্ঠিত হইয়াছেন, তাঁহাকে দর্শন ও স্পর্শ করিলে সর্ব-প্রকার ভীতি বিনষ্ট হয় । যাহারা ব্যাশ্বেশ্বরের ভক্ত, অতিকুর যমকিস্করণগণও তাহাদিগকে ভয় করিয়া থাকে এবং বলিয়া থাকে যে, “হে জীব ! তুমি বিজয়ী হও” । এই অধ্যায়ে বর্ণিত পরাশরেশ্বর প্রভৃতি লিঙ্গের উৎপত্তি-বিবরণ শ্রবণ করিলে মানব মহাপাতকরূপ কর্দমে লিপ্ত হয় না ; কন্দুকেশ্বরের উৎপত্তি এবং ব্যাশ্বেশ্বরের আবির্ভাব-বৃত্তান্ত শ্রবণ করিলে মানব কখন বিপদগ্রস্ত হয় না । ব্যাশ্বেশ্বরের পশ্চিমে উটজেশ্বর নামক শিবলিঙ্গ আছে, তিনি ভক্তগণকে রক্ষা করিবার জন্ত আবির্ভূত হইয়াছিলেন, তাঁহার পূজা করিলে নির্ভয় হওয়া যায় । ৮২-৮৬ ।

## ষট্‌ষষ্টিতম অধ্যায় ।

—\*—

শৈলেশ্বর-লিঙ্গ কথন ।

স্কন্দ কহিলেন, হে বাতাপিতাপন অগস্ত্য ! জ্যোতেশ্বরের চারিদিকে অগ্নি যে সকল লিঙ্গ বর্তমান আছেন, আমি এইক্ষণে তাঁহাদের বিষয় কীর্ত্তন করিতেছি, তুমি অবধানপর হও । ১ । জ্যোতেশ্বরের দক্ষিণভাগে অম্বরগণের মঙ্গলময় লিঙ্গ বর্তমান আছেন । তাঁহারই সমীপে একটি অম্বরগণের কূপ বিদ্যমান আছে ; ঐ কূপটির নাম সৌভাগ্যোদক । ২ । এই কূপের জলে স্নানপূর্বক অম্বরেশ-লিঙ্গের দর্শন করিলে পুরুষ বা নারী কখনও দৌর্ভাগ্য প্রাপ্ত হয় না । ৩ । সেই স্থানেই কুঙ্কটেশ নামক একটি লিঙ্গ বর্তমান আছেন তাঁহার পূজা করিলে পুরুষগণ বহু কুটুম্ব-লাভ করিতে সমর্থ হয় । ৪ । জ্যোতেশ্বরের গুহ্যভাগে পিতামহেশ্বর-লিঙ্গ বর্তমান আছেন, সেই লিঙ্গসমীপে শ্রাদ্ধ করিলে পিতৃলোক পরম তৃপ্তিলাভ করিয়া থাকেন । ৫ । পিতামহেশ্বরের নৈঋতভাগে বর্তমান গদাধরেশ্বর-লিঙ্গের যজ্ঞ-সহকারে অর্চনা করিলে পিতৃলোক পরম তৃপ্তিলাভজন হন । ৬ । হে মূনে ! জ্যোতেশ্বরের দক্ষিণদিকে বায়ুকেশ্বরের পরম প্রযত্ন-সহকারে পূজা করিতে হয় এবং তত্রস্থ বায়ুকি-কুণ্ডে স্নানদানাদি ক্রিয়া করিলে বায়ুকের প্রভাবে মনুষ্যগণের সর্পভীতি দূর হয় । ৭-৮ । নাগপঞ্চমী-তিথিতে বায়ুকি-কুণ্ডে যে ব্যক্তি স্নান করিয়াছে তাহার আর সর্পবিষের ভয় থাকে না । ৯ । বর্ষাকালে নাগপঞ্চমী-তিথিতে সেই বায়ুকি-কুণ্ডে যাত্রা করিলে নাগগণ তাহার নিখিলবংশের প্রতি প্রসন্ন হইয়া থাকেন । ১০ । সেই কুণ্ডের পশ্চিমভাগে ভক্তগণের সর্বসিক্তিপ্রদ তক্ষকেশ্বর-লিঙ্গ বর্তমান আছেন, সর্বদা ভক্তি ও প্রযত্ন সহকারে তাঁহার পূজা করা উচিত । ১১ । হে মূনে ! তাহারই উত্তরভাগে তক্ষক-কুণ্ড, তাহাতে স্নান করিয়া তর্পণাদি করিলে মনুষ্য কখনও সর্পগণ হইতে পরিভব প্রাপ্ত হয় না । ১২ । সেই কুণ্ডের উত্তরভাগে ভক্তগণের ভয়বিজ্ঞাপন ক্ষেত্ররক্ষাকর কপালীনাম্নী ভৈরব বর্তমান আছেন । ১৩ । সেই কপালীভৈরবের মহাক্ষেত্র সাধকগণের সিক্তিপ্রদ, সেই স্থানে অবস্থান করত সাধন করিলে ছয় মাসেই মহাবিজ্ঞা সিদ্ধি করিতে পার যায় । ১৪ । সেই স্থানে ভক্তগণের বিদ্যাসক্তিপ্রদা মহামুণ্ডানাম্নী চণ্ডী বিদ্যমান আছেন ; স্বকীয় অস্তীষ্ট সিক্তির জন্য

বলি, হোম প্রভৃতির দ্বারা তাঁহার পূজা করা উচিত । ১৫ । মহাক্টমী-তিথিতে যে নরশ্রেষ্ঠ, মহামুণ্ডায় যাত্রা করে, সেই ব্যক্তি স্বাভিলাষামুরূপ ষশঃ, পুত্র, পৌত্র ও সম্পত্তি লাভ করিতে সমর্থ হয় । ১৬ । মহামুণ্ডার পশ্চিমভাগে চতুঃসাগরবাপী, তাহাতে স্নান করিলে চতুঃসমুদ্রস্নানের ফল লাভ করিতে পারা যায় । ১৭ । সেই চতুঃসাগর নামে ক্ষেত্র অতিশয় প্রসিদ্ধ ; সাগরচতুষ্টয় সেই স্থানে স্ব স্ব নামে চারিটা লিঙ্গ স্থাপন করিয়াছেন । ১৮ । বাপীর চারিদিকে বর্তমান সেই চারিটা লিঙ্গের পূজা করিলে পাপরাশি হইতে মুক্তিলাভ করা যায় ; চতুঃসাগরবাপীর উত্তর দিকে মহাদেব-বাহন বুধভব কৰ্ত্তৃক ভক্তিসহকারে প্রতিষ্ঠিত বুধভেশ্বর নামক লিঙ্গ বর্তমান আছেন, তাহার দর্শনমাত্রেই পুরুষগণের ছয়মাসেই মুক্তিলাভ হইয়া থাকে । ১৯-২০ । বুধভেশ্বরের উত্তরদিকে গন্ধর্বেশ্বর-লিঙ্গ ও গন্ধর্বকুণ্ড বিद्यমান আছে, সেই গন্ধর্বকুণ্ডে স্নান পূর্বক গন্ধর্বেশ্বরের দর্শনান্তে স্বীয় শক্তি অনুসারে দান-করত পিতৃগণের শ্রাদ্ধ করিলে মানব পরকালে গন্ধর্বগণের সহিত মিলিত হইয়া, পরম আনন্দলাভ করিতে সমর্থ হয় । ২১—২২ ।

গন্ধর্বেশ্বরের পূর্বভাগে কৰ্কেটকনামক নাগ ও তাহারই কৃত কৰ্কেটকবাপী ও কৰ্কেটকেশ্বর-লিঙ্গ বিद्यমান আছেন । কৰ্কেটকবাপীতে স্নান করত কৰ্কেটকেশ্বর-লিঙ্গের অর্চনান্তে মানব যদি ভক্তিসহকারে কৰ্কেটকনাগের আরাধনা করে, তাহা হইলে অন্তে সে ব্যক্তি নাগলোকেও পূজাভাজন হয় । ২৩-২৪ । কৰ্কেটক-বাপীতে উদকক্রিয়া করত যাহারা কৰ্কেটকনাগকে বিলোকন করিয়াছে, তাহাদের শরীরে কোন প্রকার বিষও সংক্রামিত হইতে পারে না । ২৫ । কৰ্কেটকেশ্বরের পশ্চিমদিকে ধুমুয়ারেশ্বর-লিঙ্গ বর্তমান আছেন, সেই লিঙ্গের পূজা করিলে মানবের আর শত্রুজন্ম ভয় থাকে না । ২৬ । তাহার উত্তরদিকে বর্তমান চতুর্ভুজকলপ্রদ পুরুষেশ্বর-লিঙ্গকে শ্রদ্ধাসহকারে বিলোকন করা উচিত । ২৭ । তাহার পূর্বভাগে সুপ্রতীকনামা দিগ্গজ কৰ্ত্তৃক অর্চিত, ষশঃ ও বলবর্দ্ধনকারী সুপ্রতীকেশ্বর নামে লিঙ্গ বর্তমান আছেন । ২৮ । তাহারই পূর্বভাগে সুপ্রতীক নামে মহৎ সরোবর শোভা পাইতেছে, সেই সরোবরে স্নানান্তে সুপ্রতীকেশ্বরের দর্শন করিলে মানব দীক্ষপতিত্ব লাভ করিতে পারে । ২৯ । সেই স্থানে বিজয় ভৈরবীনাথী এক মহাভৈরবী কাশীর উত্তরদ্বার রক্ষার জন্ম অবস্থান করিতেছেন, স্বাভীক্টসিদ্ধির নিমিত্ত মানবগণ তাহার পূজা করিবে । ৩০ । বরগার তটে বিদ্ব-বিনাশকারী জুণ্ড ও মুণ্ড নামক গণব্যয় অবস্থান করত ক্ষেত্র রক্ষা করিতেছেন ; ক্ষেত্রে নির্বিঘ্নে বাস করিবার জন্ম সেই গণব্যয়ের দর্শন করা উচিত এবং সেই



স্থানে বর্তমান হুগুনেশ ও মুগুনেশ নামক শিবলিঙ্গদ্বয়ের পূজা করিলে মানব স্বখ-

ক্ষণ কাহিলে, ৩০ ইন্দ্রনাথে অগস্ত্য ! পূর্বকালে বণগাতটে যে উত্তম বাপার হইয়াছিল, আমি তদ্বিষয়ী কথ্য বলিতেছি, তুমি অসহিত হইয়া শ্রবণ কর। ৩৩। পূর্বকালে কোন দিন হিমালয়-মহিষী পতিব্রতা মেনা হিমালয়কে অতিশয় প্রফুল্ল-জন্ম বিলোকন করিয়া, মনে মনে উমাকে স্মরণ পূর্বক দীর্ঘনিঃশ্বাস নিঃক্ষেপ করত কহিতে লাগিলেন। মেনা কাহিলেন, হে আৰ্য্যপুত্র গিরীশ্বর ! উমার বিবাহদিন হইতে অষ্টাবধি কোন বার্তাও পাওয়া গেল না। সেই বুধভবান ভস্ম-সর্পভূষণ শ্মশানবাসী দিগন্ত জামাতা দেব-মহেশ্বরই যে কোথায় আছেন, তাহারও কোন সন্ধান পাওয়া যাইতেছে না। ত্রাণী প্রভৃতি যে অষ্টমাতৃগণকে বিলোকন করিয়া-ছিলাম, তাঁহারা পরম-রূপশালিনী ও গুণবতী, আমার বোধ হয় তাঁহারা ই নিজরূপ ও গুণে মহাদেবকে মোহিত করত বালিকা উমার একমাত্র কণ্ঠের কারণ হইয়াছেন ; অথবা হে বিভো ! সেই শূলী জামাতা একাকী অধিতীয় ও সর্বদা অসঙ্গ ; তিনিত কাহারও সঙ্গ করেন না, কে তাঁহার সন্ধান দিতে পারিবে অতএব আপনি বিশেষ যত্ন সহকারে একবার উমার অনুসন্ধান করুন। ৩৪-৩৮। অপত্য-বৎসল-হিমালয় প্রিয়তমা মেনকার এবশ্বিধ বাক্য শ্রবণে পার্বতীর স্মরণে শোক-ভরে অবসন্নকণ্ঠ হইয়া সাশ্রনয়নে এবশ্প্রকারে উত্তর করিতে প্রবৃত্ত হইলেন। ৩৯।

গিরিরাজ কাহিলেন, অগ্নি প্রিয়তমে মেনকে ! গৌরী যে দিন আমার ভবন হইতে বহির্গতা হইয়াছেন, সেই দিন হইতে কমলাও আমার গৃহ নিশ্চয় পরিত্যাগ করিয়াছেন। ৪০। অগ্নি প্রিয়ে মেনকে ! উমার শব্দরূপ-অমৃতপানকারি মদীয় এই শ্রবণযুগল, উমার গমনদিন হইতেই অগ্নি বাহু-শব্দগ্রহণ করিতে বিরত হইয়াছে। ৪১। মদীয় জীবনের আলম্বনভূতা উমা, যে দিন হইতে আমার নয়ন-পথের দূরবর্তিনী হইয়াছেন, সেই দিন হইতে ইন্দু-জ্যোৎস্নাও আমার শরীরে তাপ প্রদান করিতে অসম্মত করিয়াছে। ৪২। এই কথা বলিয়া গিরিরাজ, শুভলগ্ন-বল বিলোকন পূর্বক বিবিধ রত্ননিবহ ও বিচিত্র প্রকারের নানাবিধ বস্ত্রাদি গ্রহণ করত গৌরীর সন্ধানার্থে প্রস্থান করিলেন। অগস্ত্য কাহিলেন, হে ষড়ানন ! আমি জিজ্ঞাসা করিতেছি গিরিরাজ হিমালয়, যে সকল রত্ন গ্রহণ করিয়া প্রস্থান করিতেছিলেন, সেই সকল রত্নের কি কি নাম ? কত সংখ্যা ? আপনি অমুগ্রহপূর্বক এই প্রশ্নের উত্তর প্রদান করুন। ৪৩-৪৫। ক্ষন্দ কাহিলেন, গিরিরাজ যে রত্ন যত পরিমাণে গ্রহণ

করিয়াছিলেন তাহা কীৰ্ত্তন করিতেছি অবগণ কর ; একশত পল, দুইকোটি সংখ্যক মৌক্তিক, জলজাত অতি শুভ্রবর্ণ হীরকও তাবৎ সংখ্যক । ৪৬ । ছয়কোণবিশিষ্ট অতিতেজোময় বিমল-রশ্মি, বিদূরমণিগণের পরিমাণ দুইলক্ষ একশত পল । ৪৭ । পঞ্চকোটিপল শতপরিমিত পদ্মরাগ, নবলক্ষ গুণিত পল পরিমিত পুষ্পরাগমণি । ৪৮ । একলক্ষগুণিত শতপলপরিমিত গোমেদরত্ন ; অর্দ্ধ কোটি গুণিত শতপল পরিমিত ইস্ত্রনীলমণি । ৪৯ । নবকোটি গুণিত শতপল পরিমিত বিশুদ্ধ বিক্রমরত্ন এবং অষ্টাঙ্গভরণের ও বিচিত্র বিচিত্র-কোমল বস্ত্রসমূহের সংখ্যা গণিয়াই শেষ করা যায় না । ৫০-৫১ । বহুতর চামর, অনেকানেক সদগন্ধ-বিশিষ্ট দ্রব্য, অনন্ত সুবর্ণ ও অসংখ্য দাস দাসী, আরও এই প্রকারের অনন্ত বিলাসদ্রব্য গ্রহণ করত ভূধরপতি হিমালয় প্রস্থান করিলেন । অনন্তর যথাসময়ে তিনি বরনাভীতে উপস্থিত হইয়া, বারাণসীপুরীকে দেখিতে পাইলেন । ৫২-৫৩ । হিমালয় দূর হইতে দেখিতে লাগিলেন, সেই কাশীপুরীতে অনেকানেক ভূমি সকল নানাবিধ রত্ননিচয় দ্বারা খচিত রহিয়াছে এবং প্রাসাদনিবহস্তিত নানাবিধ মণিক্য-নিকরের অপরিদীপ-জ্যোতিতে গগনমণ্ডল উদ্দাপিত হইতেছে, তথায় সৌধাগ্রনিহিত বিবিধ স্বর্ণকলশের অমল জ্যোতিতে দিগ্ভূখ সকল আলোকিত হইতেছে । প্রাসাদাগ্রলম্বমান বৈজয়ন্তীনিকরে বোধ হইতেছে, যেন কাশীপুরী ত্রিদিবস্থলীকে জয় করিতে উত্তত হইতেছেন । সেই বারাণসীকে দেখিয়া হিমালয় বিবেচনা করিলেন যে, ইহা নিশ্চয় অষ্টমহাসিন্ধির একমাত্র নিলয় । এই কাশী, সর্বকল-শালী উজ্জাননিকর দ্বারা স্বর্গের নন্দনকাননকে বিজয় করিতেছেন । ৫৪-৫৬ । এই প্রকার কাশীপুরীর বর্ণনাভীত-সমৃদ্ধি অবলোকন করিয়া ভূধরপতি হিমালয় বড়ই লজ্জিত হইলেন এবং মনে মনে এইরূপ বলিতে লাগিলেন যে, অহো ! প্রাসাদ, রথ্যা, প্রাকার, গৃহ, গোপুর কপাট ও তটসমূহে নিহিত মণিমাণিক্য ও অমৃত্যু রত্ন-নিবহের উজ্জ্বলিত রমণীয় রশ্মিসমূহের জ্যোতিনিকরে এই পুরী যেমন শোভা পাইতেছে, স্বর্গ ও ভূমণ্ডলের মধ্যে এমন কোথাও নাই । আমি বিবেচনা করি, কুবের-পুরীও ক্ষুদ্র রত্ননিবহের আশ্পদ নহে । ৫৭-৬০ । আমি সম্ভাবনা করি বৈকুণ্ঠেও এই প্রকার সমৃদ্ধি নাই, অমৃত্যু থাকিবার সম্ভাবনা কি ? গিরিরাজ মনে মনে এই প্রকার চিন্তা করিতেছেন এমন সময়ে তাঁহার নিকটে একজন কার্পটিক (কাষায়বস্ত্র-ধারী সংশ্লজাতীয়) উপস্থিত হইল, তখন গিরিরাজ বহুমান পুরঃসর তাঁহাকে আহ্বান করিয়া জিজ্ঞাসা করিতে লাগিলেন । ৬১-৬২ । গিরিরাজ কহিলেন, অহে কার্পটিকশ্রেষ্ঠ ! এস এই আসনে উপবেশন কর, অহে পথিক ! তোমাদের

এই পুরীর বৃত্তান্ত আমার নিকট কীৰ্ত্তন কর, সম্প্রতি এই পুরীর অধিষ্ঠাতা কে ? এবং তাঁহার আচার-ব্যবহারই বা কি প্রকার ? এ সকল বিষয় যদি তোমার বিদিত থাকে, তবে তাহা আমার নিকট প্রকাশ কর । ৬৩—৬৪ ।

হে মুনে ! সেই কার্পটিক, গিরিরাজের এবস্থিধ বাক্য শ্রবণ করিয়া উত্তর প্রদান করিতে প্রবৃত্ত হইল । ৬৫ ।

কার্পটিক কহিলেন, হে রাজেন্দ্র ! আপনি যাহা জিজ্ঞাসা করিলেন আমি যথা-সম্ভব তাহার উত্তর প্রদান করিতেছি ; সম্প্রতি এই পুরীর পূর্বনৃপতি দিবোদাস স্বর্গে গমন করিয়াছেন ; পাঁচ বা ছয়দিন মাত্র অতীত হইয়াছে, হিমালয়স্থতাপতি জগন্নাথমহাদেব সুন্দর মন্দরপর্বত পরিত্যাগ পূর্বক এই পুরীতে অধিষ্ঠান করিতেছেন । হে মানদ ! যিনি জগতের অধিষ্ঠাতা, যাহার সর্বত্রই গতি, যিনি সর্বব্রহ্মা, যিনি সর্বদ, সেই সর্ব মহেশ্বর এই বারাণসীপুরীর অধিষ্ঠাতা ; আপনি যে ইহা জানেন না ইহাত বড়ই বিস্ময়কর । হে রাজন্ ! আমার বিবেচনায় আপনি প্রসূরাত্মা অথবা প্রসূর হইতেও কঠিন, কারণ কাশীর অধিষ্ঠাতৃ গিরিজাপতি বিশ্বেশ্বরকে আপনি জানেন না । স্বভাব-কঠিনাত্মা হিমালয়পর্বতও আপনি হইতে অনেকাংশে কোমল, কারণ তিনি প্রাণাধিকতনয়া পার্বতীকে প্রদান করিয়া মহেশ্বরের স্ত্রীতি উৎপাদন করিয়াছেন । সহজ কঠিন হইলেও গৌরীশঙ্কর হিমবান্ উমারূপ-মালা দ্বারা মহাদেবের পূজা করিয়া সংসারে বিশ্বগুরুরও গুরুস্বরূপ হইয়াছেন । হে নৃপেন্দ্র ! সেই বেদবেষ্টি মহেশ্বরের চেষ্টিত কোন্ ব্যক্তির জ্ঞানগোচর হইতে পারে ? তবে আমরা ঈষৎ এইমাত্র জানি যে, পরিদৃশ্যমান নিখিল জগৎ তাঁহারই চেষ্টিত । হে রাজেন্দ্র ! আমি এই পুরীর অধিষ্ঠাতার নাম কীৰ্ত্তন করিলাম, এক্ষণে আপনার জিজ্ঞাসামুসারে সেই অধিষ্ঠাতার অপূর্ব চেষ্টিতের বিষয় কীৰ্ত্তন করিতেছি, শ্রবণ করুন । ৬৬-৭৩ । সেই গিরিজাপতি মহেশ্বর এক্ষণে কাশী-লাভে পরমানন্দিত-চিত্তে শুভজ্যেষ্ঠেশ্বরী স্থানে অবস্থান করিতেছেন । ৭৪ ।

স্কন্দ কহিলেন, সেই পথিক, যখনই পার্বতীর কোমল নামরূপ অমৃত-ময় অক্ষর উচ্চারণ করিতে লাগিল, তখনই গিরিরাজ অপার আনন্দ-সমুদ্রে মগ্ন হইতে লাগিলেন । ৭৫ । হে কুন্তলসম্ভব ! এই জগতীতলে যে ব্যক্তি উমানামরূপ অমৃত পান করিয়াছে, তাহার আর জননীর স্তম্ভপান করিতে হয় না । ৭৬ । “উমা” এই অক্ষররূপ মন্ত্রকে যে ব্যক্তি দিব্যরাত্র স্মরণ করে, সে ব্যক্তি যদি পাপকারীও হয় তথাপি চিত্রগুপ্তের স্মৃতিপথে সে কখনও উদিত হয় না । ৭৭ । হর্ষসহকারে হিমালয় সেই কার্পটিক-কথিত বাক্যসকল পুনঃপুনঃ শ্রবণ করিতে লাগিলেন ।

কার্পটিক কহিল, হে রাজন! ভগবান্ বিশ্বেশ্বরের নিমিত্ত বিশ্বকর্মা যে অপূর্ব প্রাসাদ নির্মাণ করিতেছেন, সেই প্রকার প্রাসাদের কথাও কখন আমাদের কর্ণবিবরে প্রবেশ করে নাই। সেই প্রাসাদ সূর্য্যরশ্মি হইতেও অধিক তেজোময়, মণিমাণিক্য-রত্ননিবহের শলাকাসমূহের দ্বারা তাহার প্রাকার সকল নির্মিত হইয়াছে, সেই প্রাসাদে একশত দ্বাদশটি অতি প্রভাময় রত্নাদি নির্মিত স্তম্ভ সকলকে দেখিয়া বোধ হয়, যেন চতুর্দশভুবনকে ধারণ করিবার জগৎ বিশ্বকর্মা প্রত্যেকের নিমিত্ত আট আটটি করিয়া তাবৎসংখ্যক স্তম্ভ নির্মাণ করিয়াছেন। চতুর্দশভুবনে যতকিছু শোভা আছে, তাহার শতকোটি গুণ হইতেও অধিক শোভা এই প্রাসাদে বিশ্বকর্মা কর্তৃক দাখিত হইয়াছে। চন্দ্রকান্তমণিনির্মিত স্তম্ভাধার শিলাসমূহের প্রভানিচয়, বিচিত্র রত্ননির্মিত স্তম্ভনিবহের বিমল জ্যোতিতে আক্রান্ত হইয়া তথায় এক অনির্বচনীয় শোভা সম্পাদন করিতেছে। সেই প্রাসাদে ইস্ত্রনীল ও পদ্মরাগমণিনির্মিত সুশোভিত পুতলিকাসমূহ, রত্নময়প্রদীপের বিমল আলোকে চারিদিক উজ্জ্বলিত করিতেছে। সেই প্রাসাদে শোভাময় স্ফটিকমধ্য-নিহিত পদ্মাকার শিলার মধ্যস্থলে অনেক রত্ননিবহের বিচিত্র বিদ্যাস, অনির্বচনীয় কাস্তি সম্পাদন করিতেছে। সেই সকল নানাবিধ রত্নচিত্র, নীল, পীত, লোহিত, শ্বেত প্রভৃতি বর্ণনিবহে রঞ্জিত চিত্রকর-বিহিত মুর্ত্তির আয় অপরূপ শোভা বিস্তার করিতেছে। জলের আয় পিচ্ছিল মাণিক্যানিচয় নির্মিত স্তম্ভশ্রেণীকে বিলোকন করিয়া, প্রাসাদসঞ্চারী মানবের মনে হয় যেন, এই অবিমুক্তক্ষেত্রে মোক্ষলক্ষ্মী নিজ করনিকর বিস্তৃত করিয়া রাখিয়াছেন। সেই প্রাসাদে মহাদেবের গণ সকল, সপ্তসমুদ্র হইতে বহুতর রত্ন আনয়ন করিয়া পর্ব্বতশিখরের আয় সজ্জিত করিয়া রাখিয়াছে। সেই প্রাসাদের অন্তরীক্বে গণসমূহ কর্তৃক আনীত নাগলোকের কোষগৃহের রত্নমিবহ পর্ব্বতাকারে শোভা পাইতেছে। সেই প্রাসাদে শিবভক্ত রাবণ, সয়ং রাক্ষসগণের দ্বারা স্নমেকশৃঙ্গ হইতে অপরিমিত সুবর্ণ আনয়ন করাইয়া শিখরাকারে সজ্জিত করিয়া রাখিয়াছেন। হে নৃপ! দ্বীপাস্তরস্থিত ভক্তগণও মহাদেবের প্রাসাদ নির্মাণ হইতেছে শুনিয়া স্বীয় সামর্থ্যানুসারে সেই প্রাসাদে রত্ন-মাণিক্যানিকর সংগ্রহ করিয়াছেন। সেই প্রাসাদে স্বয়ং চিন্তামণি, বিশ্বকর্ম্মার সাহায্য করিবার জগৎ তাহার চিন্তামাত্রের অগণিত বিচিত্র-মণিনিকর প্রদান করিতেছেন। সেই প্রাসাদে ভক্তগণ সর্ব্বদা বিচিত্র কল্পদ্রুমের আয় অনন্ত ও বিচিত্র বর্ণের পতাকা সকল প্রদান করিতেছে। তথায় দধি, ক্ষীর, ইক্ষু, ও স্বতসমুদ্র প্রতিদিন পঞ্চায়ত কলশনিবহ দ্বারা মহেশ্বরের স্নান-ক্রিয়া সম্পাদন

করিতেছে । তথায় স্বর্গীয় কামধেনু প্রতিদিনই ভক্তিসহকারে স্বয়ং শ্রুত মধুধারা দ্বারা লিঙ্গরূপী বিশ্বেশ্বরকে স্নান করাইয়া থাকেন । তথায় মলয়াচল স্বয়ং গন্ধসার-রসের দ্বারা মহেশ্বরের অঙ্গলেপ প্রদান করিয়া থাকেন ও কর্পূরনিবহের দ্বারা তাঁহার সেবা করিতেছেন । এই প্রকার ঐশ্বর্য প্রাপ্তিতে প্রতিদিন এই সকল ব্যাপার অনুষ্ঠিত হইতেছে ; হে কঠিনাশয় ! আপনি সেই উমাকান্তকে জানেন না ? ইহাতে আমার বড়ই বিস্ময় উৎপন্ন হইতেছে । ৭৮-৯৭ ।

( স্বন্দ কহিলেন ) হে কুন্তসম্ভব ! অদ্বিরাজ বাস্তবিকই স্বীয় জামাতার এই প্রকার অসাধারণ সমৃদ্ধি বিলোকন করিয়া মনে মনে স্বীয় রত্ননিবহের চিন্তা করত অতিশয় লজ্জা প্রাপ্ত হইলেন । ৯৮ । অনন্তর তিনি সেই কার্পটিকে বর্ষে পাঠিতোষিক দ্বারা বিদায় করিয়া তাহার প্রস্থানের পর উৎফুল্লনেত্র হইয়া মনে মনে এই প্রকার বলিতে লাগিলেন যে, “অহো ! ইহা বড়ই মঙ্গলকর হইল ; কার্পটিকের নিকট হইতে এই সকল বৃত্তান্ত শ্রবণে বাস্তবিক আমি বড়ই সুখী হইয়াছি, আমার জামাতা জগদীশ্বর মহাদেবের সম্পত্তির বিষয় যে প্রকার শুনা যাইতেছে ও দেখা যাইতেছে, তাহার কাছে আমার কন্যার জন্ম মৎকর্তৃক আনাত এই রত্ননিবহ অতি তুচ্ছ, তাহাতে আর সন্দেহ কি ? আমি বিবেচনা করিয়াছিলাম যে, আমার জামাতা বিবাহকালে যেমন সর্বকর্ম্মপরাঙ্মুখ বৃদ্ধ বলদমাত্র সম্মল, অজ্ঞাতনামা ও অজ্ঞাতবংশ ছিলেন ; লোকে যেমন সেই সময়ে তাঁহার বাসস্থান খুঁজিয়া পাইত না, ঐশ্বর্য স্বভাব ও আচার কাহারও বিদিত ছিল না, নামমাত্রেই ঐহাকে লোকে ঈশ্বর কহিত, ঐশ্বর্য্যপ্রতিপাদক কোন চিহ্নই ঐশ্বর্য্য বিদ্যমান ছিল না, তিনি এখনও সেই প্রকার আছেন কিন্তু এক্ষণে দেখিতেছি আমার বিবেচনার সকলি বিপরীত ঘটিতেছে । আমার সেই জামাতা এই স্থানে দরিদ্র ব্যক্তিকেও নির্বাণ-সম্পত্তি প্রদান করিতেছেন, সেই স্ত্রীমুখ, সকল লোকের কর্ম্ম সকল সফল করিতেছেন ? তিনি বেদবেত্তা, তিনি সর্বজ্ঞ, এই অখিল সংসার তাঁহার লীলাস্থল । ঐহাকে কেহই জানে না, যিনি বেদবেত্তা, অহো ! সেই মহাপুরুষই আমার জামাতা ; ঐহাকে আমি অনভিজ্ঞ বলিয়া জানিতাম, তিনিই দেখিতেছি সর্বজ্ঞ । ভাবিয়াছিলাম ঐশ্বর্য্য নিশ্চিত কোন একটা নাম লোকে জানে না, এখন দেখিতে পাই । যতপ্রকার পদার্থ জগতে বর্ত্তমান আছে, সেই সকলের নামই নিশ্চিত তাঁহার নাম ; আমার সেই জামাতা সকল দেশেই বিদ্যমান আছেন, তিনিই সকলের সিদ্ধ-প্রদ । আমি মূলবুদ্ধিতে পূর্বের তাঁহাকে বৃত্তিপরাঙ্মুখ, দেশরহিত ও আচারহীন বলিয়া জানিয়াছিলাম । শ্রুতি ও স্মৃতি ঐশ্বর্য্য প্রসাদে আচার শিক্ষা পাইয়াছে,

হায় ! তাঁহাকেই আমি আচাররহিত বলিয়া বুঝিয়াছিলাম । হায় ! আমার সেই জামাতা সাক্ষাৎ ঈশ্বর, তিনিই সকল লোকের ঐশ্বর্যাসূচক ! তিনিই অর্বাচীন, পরাচীন ও পরাৎপর ! আমি কেবল পর্বতগণের রাজা, আর আমার উদ্যাপতি বিশ্বনাথ । আমার সম্পত্তির পরিমাণ আছে, কিন্তু আমার জামাতার অপ্রমেয় সম্পত্তি, আমার আনীত এই সকল ধন অতি তুচ্ছ ; স্মরণে এক্ষণে ইহা লইয়া আমার জামাতৃদর্শন উচিত নহে । ৯৯-১১৪ । এক্ষণে ইহাঁর দর্শন না করিয়া পুনরায় কোন দিন আসিয়া দর্শন করিব ।” এই প্রকার মনে মনে বিচার করিয়া গিরীশ্বর, নিজ অনুচর পার্বতীয়গণকে আহ্বান করত আদেশ করিলেন যে “অহে ! তোমরা সকলেই অতি বলবান, তোমরা আমার এই আদেশটি প্রতিপালন কর, দেখ সূর্য্যোদয়ের মধ্যে তোমরা সকলে সহস্রভাবে এইখানে একটি শিবালয় নির্মাণ কর । তোমাদের কর্তৃক শিবালয় নির্মিত হইলে আমি তাহাতে শিবলিঙ্গ প্রতিষ্ঠা করত আত্মাকে কৃতার্থ করিব, তাহাতে ইহকালে ও পরকালে আমার শুভ হইবে । এই কাশীতে আগমন করিয়া যে ব্যক্তি শিবালয় প্রতিষ্ঠা করিয়া থাকে, সে ত্রৈলোক্যদানের ফললাভ করিতে পারে ও বিধিপূর্বক-কৃত সকল প্রকার দানের ফল তাহার হইয়া থাকে ; কাশীতে শিবালয়প্রতিষ্ঠাকারী মানব, জায়-সহকারে উপার্জিত বিভূদানের সম্যক ফললাভ করিতে পারে ।

এই কাশীতে যে ব্যক্তি প্রশস্ত শিবালয় নির্মাণ করিতে পারে, লক্ষ্মী তাহাকে কখনও পরিত্যাগ করেন না ; সেই ব্যক্তি সকল প্রকার তপস্যার ফললাভ করিতে পারে । এই আনন্দকানন কাশীতে আগমন করিয়া যে ব্যক্তি শিবালয় নির্মাণ করিতে পারিয়াছে সে নিশ্চয়ই অশেষ প্রকার বিধিসম্পন্ন মহাযজ্ঞের ফললাভ করিয়াছে ।

অনুচরবর্গ, গিরিরাজের এবিধ আদেশ শ্রবণ করিয়া যামিনী প্রভাত হইবার পূর্ব্বেই এক রমণীয় শিবমন্দির নির্মাণ করিল । গিরিরাজ হিমালয়, সেই মন্দির-মধ্যে চন্দ্রকাস্তমণিনির্মিত একটি শিবলিঙ্গ স্থাপন করিলেন ; সেই লিঙ্গের বিস্তৃত রশ্মিজালে সেই মন্দির ঝলসিত হইতে লাগিল । সেই শিবালয়ে তিনি, সকল পর্বত হইতে নিজের শ্রেষ্ঠতাপ্রতিপাদক বিচিত্রাক্ষরশালিনী এক প্রশস্তি লিখাইয়া রাখিলেন । ১১৫-১২৫ । তদনন্তর অরুণোদয়কালে পঞ্চনদ-হ্রদে স্নান করিয়া কালরাজকে অর্চনা ও নমস্কার করত সেই স্থানেই নিজ রত্নরাশি পরিত্যাগপূর্বক নিজ পার্বতীয়গণসমূহের সহিত গিরিরাজ হিমালয়, হরিতগতিতে নিজালয়ে প্রস্থান করিলেন । ১২৬-১২৭ । অনন্তর প্রাতঃকালে হুণুন-মুণুন নামক গণধ্ব বরণার

রমণীয় তটে বিচিত্র, পরম সুন্দর ও অদৃষ্টপূর্ব্ব শিবালায় বিলোকন করত বিস্ময় ও আনন্দ-সহকারে মহাদেবের নিকট এই বাক্তা নিবেদন করিতে আগমন করিলেন । তৎপরে তথায় উপস্থিত হইয়া দেখিলেন, পার্বতী মহাদেবকে প্রাতঃকালীন দর্পণ দর্শন করাইতেছেন ; তখন সেই গণদ্বয় দণ্ডবদ্ভাবে নমস্কার করিয়া কৃতাজ্জলিপুটে আজ্ঞা প্রতীক্ষা করিতে লাগিলেন । তদনন্তর মহাদেব, ক্র-সংজ্ঞাদ্বারা বলিবার আজ্ঞা প্রদান করিলে পর সেই গণদ্বয় কহিতে লাগিলেন যে, “অগ্নি প্রভো দেবদেব ! আমরা বিশেষ কিছুই অগ্রে জানিতে পারি নাই, কিন্তু অল্প প্রাতঃকালে উঠিয়া দেখিলাম যে, বরণাতটে কোন ভক্ত একটী সুরম্য ভবনীয় মন্দির নিৰ্ম্মাণ করিয়াছেন কিন্তু প্রভো ! সাংকালে কল্যা আমরা ইহার কিছুই দেখি নাই ?”

সর্ব্ববৃন্তাস্তের বিজ্ঞাতা হইয়াও মহাদেব, অবিদিতের আশ্রয় সেই গণদ্বয়ের নিকট হইতে এই আশ্চর্য্য বাক্তা শ্রবণ পূর্ব্বক ঈষৎ হাস্য সহকারে পার্বতীকে কহিলেন যে, “অগ্নি গিরিরাজকণ্ঠকে ! চল আমরা সেই রমণীয় প্রাসাদ বিলোকন করি” । ১২৮—১৩৩ ।

হে মুনৈ ! এই কথা বলিয়া মহেশ্বর গিরিজার সহিত এক মহাস্তম্ভনে অরোহণ পূর্ব্বক, সেই প্রাসাদবিলোকনার্থে উৎকণ্ঠিত-হৃদয়ে নিজ আশ্রয় হইতে নির্গত হইলেন । ১৩৪ । অনন্তর বরণার তটে উপস্থিত হইয়া ভগবান্ মহেশ্বর, একরাত্রির মধ্যে নিৰ্ম্মিত সেই অপূর্ব্ব প্রাসাদ বিলোকন করিলেন । ১৩৫ । তৎপরে রথ হইতে অবতরণ করত মহেশ্বর মন্দির মধ্যে প্রবিষ্ট হইয়া, তৌজোনিকরে জাজ্বল্যমান মোক্ষলক্ষ্মীর অঙ্কুরস্বরূপ নয়নপ্রীতিজনক ও পুনর্জন্মবিধ্বংসকারি সেই চন্দ্র-কাস্ত-শিলাময় লিঙ্গকে দর্শন করিলেন । ১৩৬-১৩৭ । “কোন্ ব্যক্তি এই লিঙ্গ স্থাপিত করিল ?” এই কথা যেমন জিজ্ঞাসা করিবেন এই উচ্চোগ করিতেছেন এমন সময় মন্দিরকর্ত্তার নামসম্বলিত সেই প্রশস্তিপত্র দেখিতে পাইলেন । তখন ঈষৎ পাঠপূর্ব্বক, অবশিষ্টার্থ অবগত হইয়া কামরিপু মহেশ্বর হাস্যসহকারে পার্বতীকে কহিলেন, অগ্নি পার্বতি ! তোমার পিতার অলোকসামান্য কৃতি বিলোকন কর । ১৩৮-১৩৯ । মহেশ্বরকথিত এবম্বিধবাণী শ্রবণ করত ভগবতী পার্বতী, সর্ব্বশরীরে হর্ষভরে কদম্বকুসুমের আশ্রয় রোমাঞ্চাকুর ধারণ করিয়া মহাদেবের পাদদ্বয়ে বিশিষ্ট বিনয়সহকারে প্রণামপূর্ব্বক তাঁহাকে বিজ্ঞাপন করিলেন যে, হে নাথ ! আমার এই অভিলাষটী আপনার পূরণ করিতে হইবে, হে প্রভো ! এই আমার পিতার প্রতিষ্ঠিত লিঙ্গমধ্যে আপনি সর্ব্বদা অধিষ্ঠান করুন । এবং এই শৈলেশ্বর-মহেশ্বরের যে সকল ব্যক্তি ভক্ত হইবে, আপনি আমার প্রার্থনায়

তাহাদের যেন বিপুলসমৃদ্ধি প্রদান করেন । ১৪০-১৪২ । “তোমার যাহা বাসনা তাহা সফল হউক” এই কথা পার্বতীকে বলিয়া মহেশ্বর আরও বলিতে লাগিলেন যে, বরণাতে স্নান করিয়া যাহারা শৈলেশ্বরের অর্চনা করিবে এবং বিধিসহকারে পিতৃগণের তর্পণ ও শক্তি অনুসারে দানাদি করিবে, তাহাদের এ সংসারে আর ফিরিয়া আসিতে হয় না । হে শুভে ! অত্ৰু হইতে সর্বদাই এই শৈলেশ্বরলিঙ্গে আমি অধিষ্ঠান করিব এবং এই লিঙ্গের অর্চক ব্যক্তিকে আমি পরম-মুক্তি-প্রদান করিব । এই বরণার শুভতটে প্রতিষ্ঠিত শৈলেশ্বর-লিঙ্গকে যাহারা দর্শন করিবে, সেই সকল কাশীনিবাসী ব্যক্তিগণ কখনও দুঃখজন্য অভিভব প্রাপ্ত হইবে না । ১৪৩-১৪৬ ।

হে ঘটোদ্ভব ! তৎপরে পার্বতীও প্রসন্নচিত্তে তথায় এই বরপ্রদান করিলেন যে, “যাহারা এই শৈলেশ্বর-লিঙ্গের ভক্ত তাহারা আমার পুত্রস্বরূপ হইবে, ইহাতে সন্দেহ নাই” । ১৪৭ । স্বন্দ কহিলেন, হে মহামুনে অগস্ত্য ! এই শৈলেশ্বর লিঙ্গের ইতিহাস তোমার নিকট আমি কীর্তন করিলাম, এইক্ষণে রত্নেশ্বর-লিঙ্গের ইতিবৃত্ত তোমার নিকটে কীর্তন করিতেছি, অবধানপর হও । শ্রদ্ধাসহকারে শৈলেশ্বর-লিঙ্গের এই আখ্যানটী যে ব্যক্তি শ্রবণ করে, সে পাপরূপ কণ্ডুক হইতে মুক্তিলাভকরত অন্তে শিবলোক প্রাপ্ত হইবে । ১৪৮-১৪৯ ।

## সপ্তযষ্টিতম অধ্যায় ।



### রত্নেশ্বর-লিঙ্গ কথন ।

অগস্ত্য কহিলেন, হে ষড়ানন ! এক্ষণে রত্নেশ্বরের বিষয় আপনি কীর্তন করুন । কাশীতে যে রত্নময়-লিঙ্গ বর্তমান আছেন, সেই লিঙ্গের মহিমাই বা কি ? এবং কোন্ ব্যক্তিই ইহার প্রতিষ্ঠা করিয়াছেন ; হে গৌরীহৃদয়নন্দন ! আপনি বিস্তারিতরূপে এই সকল বিষয় কীর্তন করুন । ১-২ ।

স্বন্দ কহিলেন, যে রত্নেশ্বরের নাম শ্রবণ করিলে জন্মত্রয়সঞ্চিত পাপ হইতে মুক্তিলাভ করিতে পারা যায়, সেই রত্নেশ্বর-লিঙ্গের বিষয় আমি বলিতেছি শ্রবণ



কর । এই রত্নেশ্বরের মাহাত্ম্য ও উৎপত্তির বিষয়ও তোমার নিকট বিস্তারিতভাবে বর্ণনা করিতেছি । ৫—৪ ।

হে কলসোদ্ভব ! কালভৈরবের উত্তরভাগে গিরিরাজ হিমালয়, যে সকল রত্নরাশি নিক্ষেপ করিয়া গমন করেন, তৎসমুদয়ই সেই স্নুকৃতাজ্ঞা গিরিরাজ হিমালয়ের পুণ্যপ্রভাবে ইন্দ্রধনুর স্থায় প্রভাশালী এক সর্ববরত্নময় লিঙ্গরূপে পরিণত হইল । ৫-৬ । হে মুনো ! সেই লিঙ্গের দর্শনমাত্রেই মনুষ্য পরম জ্ঞানরত্ন লাভ করিতে সমর্থ হয় । এদিকে শৈলেশ্বর-লিঙ্গ দর্শন করিয়া মহাদেব ও পার্বতী, যেখানে সেই রত্ন-লিঙ্গের প্রভাজালে আকাশমণ্ডল প্রদীপিত হইতেছিল, তথায় উপস্থিত হইলেন । ৭-৮ । অনন্তর সেই স্থানে সর্ববরত্নসমুদ্ভব সেই লিঙ্গটিকে দেখিতে পাইয়া পার্বতী মহেশ্বরকে জিজ্ঞাসা করিলেন যে, হে সর্বভক্তভয়প্রদ ! দেবদেব ! জগৎপতে ! এই সপ্তপাতালপর্য্যন্তগামী মূলশালি রত্নময়-লিঙ্গটী কোথায় হইতে প্রাদুর্ভূত হইলেন ? হে প্রভো ! এই লিঙ্গের জ্যোতির্শিখানিবহের দ্বারা আকাশ ও দিগ্ধগুল ব্যাপিয়া উজ্জ্বলিত করিতেছে, হে ভবাস্তক ! এই লিঙ্গের কি নাম ? এবং ইহার প্রভাবই বা কি ? হে মহেশ্বর ! ইহার দর্শনমাত্রেই আমার হৃদয় পরমানন্দ লাভ করিতেছে, আপনি অনুগ্রহপূর্বক এই সকল বিষয় কীর্তন করুন । ৯—১২ ।

দেবদেব কহিলেন, অয়ি অপর্ণো ! পার্বতি ! তুমি বাহ্য জিজ্ঞাসা করিলে আমি তাহার ষথাস্থ উত্তর প্রদান করিতেছি, শ্রবণ কর । হে অনঘো ! এই লিঙ্গের নাম রত্নেশ্বর, ইহা আমারই স্বরূপ ; হে উমে ! বারাণসীস্থিত রত্নেশ্বরের প্রভাব অনন্ত ; হে ভামিনি ! তোমার পিতা গিরিরাজ হিমালয়, তোমার জন্ম যে রত্নসমূহ আনয়ন করেন, সেই সকল পুণ্যোপার্জিত রত্নরাশি এই স্থানে রক্ষা করিয়া নিজগৃহে প্রস্থান করিয়াছেন । হে অনঘো ! তোমার অথবা আমার জন্ম শ্রদ্ধা সহকারে যে সকল দ্রব্য কাশীতে আনীত হয়, তাহার পরিণাম এই প্রকারই অলৌকিক হইয়া থাকে । এই কাশীক্ষেত্রে যত লিঙ্গ আছেন, সেই সকল লিঙ্গের মধ্যে এই লিঙ্গটী রত্নভূত এই কারণে ইহার নাম রত্নেশ্বর ; এই রত্নেশ্বরের সেবা করিলে লোকে অনায়াসেই নির্বাণরত্ন লাভ করিতে সমর্থ হয় । হে পার্বতি ! তোমার পিতৃপরিত্যক্ত এই রাশীকৃত স্তবর্ণের দ্বারা ইহার একটী প্রাসাদ নির্মাণ করাইয়া দেহ ; শিবলিঙ্গের প্রাসাদ-নির্মাণ করিলে বা তৎপ্রাসাদের জীর্ণ-সংস্কার করিয়া দিলে, মনুষ্য অনায়াসেই শিবলিঙ্গ স্থাপনের ফল-লাভ করিতে পারে । ১৩—২০ ।

হে মূনে ! অনন্তর “আপনি বাহা বলিতেছেন তাহাই হোক” এই কথা বলিয়া ভগবতী গিরিবালা, সোমনন্দ প্রভৃতি অসংখ্য গণসমূহকে প্রাসাদ নির্মাণ করিতে আজ্ঞা করিলেন । ২১ । তৎপরে তাহারা ভগবতীর আজ্ঞাক্রমে যামমাত্র কালের মধ্যেই স্তম্ভেশ্বরের স্থায় অতি বিচিত্র ও উজ্জ্বল এবং নানা কৌতুককর চিত্রবিশিষ্ট এক প্রাসাদ নির্মাণ করিয়া দিল । ২২ । সেই অল্পকাল মধ্যে নির্মিত বিচিত্র প্রাসাদ বিলোকন করিয়া হৃষ্টবদনা দেবী পার্বতী, সেই গণ-সকলকে বহু-মানের সহিত ষষ্ঠে পারিতোষিক প্রদান করিলেন । ২৩ । হে মহামূনে ! অনন্তর দেবী পার্বতী প্রণিপাত পূর্বক মহাদেবের নিকট সেই রত্নেশ্বর-লিঙ্গের মহিমার বিষয় জিজ্ঞাসা করিলেন । ২৪ ।

দেবদেব কহিলেন, হে দেবি ! শ্রবণ কর, এই রত্নেশ্বর-লিঙ্গ অনাদিসিদ্ধ ও পরম শুভপ্রদ ; ইনি এক্ষণে তোমার পিতা হিমালয়ের সমধিক পুণ্যগৌরবেই আবিভূত হইয়াছেন মাত্র । এই বারাগসীক্ষেত্রে পরম গুহ্যতম এই রত্নেশ্বর-লিঙ্গ ভক্তগণের অভিলাষ স্মৃতিমাত্রেরেই প্রদান করিয়া থাকেন । কলিকালে কলুষমতি মনুষ্যগণের নিকট এই রত্নেশ্বর-লিঙ্গের বিষয় প্রযত্ন-সহকারে গোপন করা উচিত । গৃহস্থের গৃহমধ্যে সন্ধ্যোপিত রত্ন যেমন অপরে জ্ঞাত হয় না তদ্রূপ মদীয় বারাগসী-ক্ষেত্রে রত্নভূত এই লিঙ্গটির বিষয়ও সাধারণের অজ্ঞাত । যাহারা একবার রত্নেশ্বরের অর্চনা করিবে, ত্রিগুণস্থিত যাবতীয় শিবলিঙ্গার্চনের ফল, তাহারা অনায়াসেই লাভ করিতে পারিবে, ইহাতে সন্দেহ নাই । হে গৌরি ! যাহারা প্রসন্ন-চিত্তে রত্নেশ্বর লিঙ্গের অর্চনা করে, তাহারা নিশ্চয়ই সপ্তদ্বাপের অধিপতিত্ব লাভে সমর্থ হয় । মানব একবার-মাত্র রত্নেশ্বরের অর্চনা করিয়া ত্রৈলোক্যস্থিত যাবতীয় রত্নের অধিকারী হইতে পারে । যাহারা নিকামভাবে এই রত্নেশ্বরের পূজা করিবে, তাহারা দেহান্তে আমার গণমধ্যে পরিগণিত হইয়া সর্বদা মৎসাক্ষাৎকার লাভ করিতে সমর্থ হইবে । এককোটি রুদ্রমন্ত্র জপ করিলে যে ফললাভ হয়, হে দেবি ! রত্নেশ্বর-লিঙ্গের অর্চনা করিলে, মানব সেই ফল লাভ করিতে সমর্থ হয় । অনাদি-সংসিদ্ধ এই রত্নেশ্বর-লিঙ্গের সম্বন্ধে একটা মহাশর্যাকর প্রাচীন ও সর্বপাপহারি ইতিহাস আছে, আমি তাহা কাণ্ডন করিতেছি । ২৫-৩৩ । পুরাকালে এই স্থানে নাট্যবিষয়ে সুপণ্ডিতা কলাবতী নাম্নী এক নর্তকী বাস করিত ; কোন সময়ে কান্ডন মাসের শিবরাত্রিতে কলাবতী জাগরণ করিয়া পরম রমণীয় নৃত্য ও গীত করে এবং নানাপ্রকার বাস্তবপুণ্ডিত প্রযুক্ত স্বয়ংই বিবিধ প্রকারে বাস্তবদান করে ; এই প্রকার সঙ্গীতের দ্বারা রত্নেশ্বর-লিঙ্গের প্রীতি উৎপাদনান্তে প্রভাতকালে নটী কলা-

বতী, নিজ অতীর্ক-দেশে প্রস্থান করে। অনন্তর যথাকালে মৃত্যুমুখে পতিত হইয়া সেই নর্তকীশ্রেষ্ঠা কলাবতী পুনরায় গন্ধর্বরাজ বহুভূতির কন্যারূপে জন্ম গ্রহণ করিল। ৩৪-৩৭। শিবরাত্রিতে রত্নেশ্বরের নিকট জাগরণ করিয়া নৃত্যগীত ও বাজ করিয়া যে পুণ্য অর্জিত হয়, তাহারই সামর্থ্যে সেই নর্তকী ঈদৃশ সৌভাগ্যময় জন্ম-লাভ করিয়া পুনরায় বিবিধ কলা-কুশলতা ও মধুরবাদিতা এবং অতি রমণীয় রূপ-সম্পন্ন প্রভৃতি লাভ করিয়া রত্নাবলী নামে সেই গন্ধর্বলোকে বিখ্যাত হইল। গন্ধর্ববিদ্যানিপুণা গুণরূপ রত্ননিবহের আকরস্বরূপা সেই রত্নাবলীকে দেখিয়া পিতা বহুভূতি অপার আনন্দসাগরে মগ্ন হইতে লাগিলেন। রমণীয় ও চাতুর্য্যভাজন তাহার তিনটী সখী ছিল; তাহাদের নাম শশিলেখা, অনঙ্গলেখা ও চিত্রলেখা। সেই সখীত্রয়ের সহিত মিলিত হইয়া রত্নাবলী পরম যত্নসহকারে বাগেদবীর উপাসনা করায় তিনি প্রসন্না হইয়া তাঁহাদের সকলকেই সর্বপ্রকার কলাবিষয়ে স্বয়ং উপদেশ প্রদান করেন। হে গৌরী! কলাক্রমে জন্মান্তরীয় সংস্কার-বশতঃ সেই গন্ধর্ব রাজকন্যা রত্নাবলী, রত্নেশ্বর-লিঙ্গের পরিতোষার্থে পরম পবিত্র নিয়ম ধারণ করিল; তাহার এই নিয়ম হইল যে, “কাশীস্থিত রত্নেশ্বর নিত্য দর্শন করিয়া পরে অন্য কাহার সহিত বাক্যালাপ করা।” অয়ি পার্বতি! গন্ধর্বরাজপুত্রী রত্নাবলী এই প্রকার নিয়ম-গ্রহণ করিয়া প্রতিদিনই সেই সখীত্রয়ের সহিত আগমন পূর্বক রত্নেশ্বর দর্শন করিয়া বাইত। ৩৮-৪৫। কোন দিন সেই রত্নাবলী মদীয় লিঙ্গ এই রত্নেশ্বরকে পরম রমণীয় গীত সমূহের দ্বারা বিশিষ্ট ভক্তি সহকারে সন্তোষ করিতে আরম্ভ করিল; এদিকে সেই সখীত্রয়ও রত্নেশ্বর-লিঙ্গ প্রদক্ষিণ করিতে গমন করিল। হে উমে! রত্নাবলীর সেই গীতে আমি পরম তুষ্টি-লাভ করিয়াছিলাম, এই কারণে সেই অবসরে আমি আবিভূত হইয়া রত্নাবলীকে এই বর-প্রদান করিলাম যে, “অয়ি গন্ধর্বকন্যকে! অজ্ঞ রাত্রিকালে তুমি যাহার সহিত রতিপরায়ণা হইবে সেই ব্যক্তিকে তোমার ভর্তা হইবেন; তাঁহার নাম ও তোমার নামে সম্পূর্ণ সাদৃশ্য বর্তমান থাকিবে।” লিঙ্গরূপ সমুদ্র হইতে উদ্ভূত মদীয় বাণীস্বরূপ সুধাপান করিয়া রত্নাবলী অতীব লজ্জিতা হইল, অথচ অন্তঃকরণে অপার আনন্দ লাভ করিল। অনন্তর আকাশমার্গ অবলম্বনপূর্বক লিঙ্গ পিতার গৃহে গমন করিয়া বালা রত্নাবলী আনন্দের সহিত নিজ সখীগণের সমক্ষে মৎপ্রদত্ত বরের বিষয় বর্ণন করিল। তাহার সেই বাক্য শ্রবণ করিয়া সখীগণ আনন্দ সহকারে এই প্রকারে তাহাকে অভিনন্দিত করিল যে, “দেখ সখি! বড়ই আনন্দের বিষয়! ও বড়ই বিস্ময়কর। রত্নেশ্বরের পূজার কণ্ঠে অজ্ঞ তোমার নিশ্চয়ই বাঞ্ছিত সিদ্ধি হইবে। দেখ সখি! যিনি তোমার

ভাবীপতি, তিনি যত্নপি অল্প রাত্রিতে বাস্তবিক আগমন করেন, তাহা হইলে সেই চোরকে অল্প প্রযত্ন-সহকারে বাহুল্যপাশ দ্বারা ভাল করিয়া বন্ধন করিবে, যেন তিনি কিছুতেই না পলাইতে পারেন ; এইরূপ করিতে পারিলে রত্নেশ্বরের প্রসাদে লব্ধ তোমার সেই প্রিয়তম পতিকে প্রাতঃকালে আমরা অনায়াসেই প্রত্যক্ষ করিতে পারিব । দেখ আমরা সকলেই একসঙ্গে হৃষ্টচিত্তে তথায় গমন করিয়া-ছিলাম, কিন্তু পুণ্যাধিক্যপ্রযুক্ত তুমিই রত্নেশ্বর-লিঙ্গকে সাক্ষাৎ করিতে পারিয়াছ । অহো ! প্রাণিগণের ভাগ্যের কি বৈচিত্র্য ! পুণ্যের কি অপরূপ ক্ষমতা ! একত্রে থাকিলেও পুণ্যবান্ জীবই সিদ্ধিলাভ করিতে পারিয়া থাকে । অহো ! দৈবপ্রাধান্ত-বাদীগণ বলিয়া থাকেন যে, “এক দৈবই ফলপ্রদান করে, উত্তম বা অশু কোন-প্রকার বল, ফলপ্রদানে সমর্থ নহে” এ কথাটি সম্পূর্ণ সত্য, ইহাতে অনুমাত্রণ মিথ্যা নাই । তোমার এবং আমাদের উজোগও একই প্রকার ; কিন্তু তোমার পুরোগামি দৈব যেমন সকল হইল ; আমাদের তাহা হইতেছে না । হে সখি ! প্রসঙ্গক্রমে লোকব্যবহারমাত্রই তোমার নিকট কীর্ত্তন করিলাম, কিন্তু তুমি নিশ্চয় জানিও তোমার মনোরথসিদ্ধিকেই আমরা নিজ মনোরথসিদ্ধি বলিয়া জানি ; তোমার এই প্রকার বরলাভে আমাদের বড়ই তৃপ্তিলাভ হইয়াছে । ৪৬—৫৮ ।

এই প্রকার বাক্যালাপ করিতে করিতে তাহারা অনায়াসেই বহুতর পথ অতিক্রম করিয়া নিজ নিজ ভবনে প্রস্থান করিল । ৫৯ । অনন্তর প্রাতঃকালেই সেই সখীত্রয় উপস্থিত হইয়া মৌনবতী রত্নাবলীকে দেখিয়া নিঃসন্দেহভাবে অনুভব করিতে পারিল যে, রত্নাবলী রাত্রিতে কোন পুরুষকর্তৃক উপভুক্ত হইয়াছে । ৬০ । অনন্তর রত্নাবলী তথায় তাহাদিগকে কোন কথা না বলিয়াই সহরে তাহাদের সহিত বারণসীতে আগমনপূর্বক রত্নেশ্বর-লিঙ্গের দর্শনাদিকরত পূর্বগৃহীত নিয়ম-রক্ষানন্তর, সখীগণকর্তৃক পূর্বরাত্রির বৃত্তান্ত-বর্ণন করিতে নিতান্ত অনুরুদ্ধ হইয়া তাহাদিগকে কহিতে লাগিল । ৬১—৬২ ।

রত্নাবলী কহিল, হে সখীগণ ! ভগবান্ রত্নেশ্বরের অর্চনাস্তে তোমরা সেই সকল কথ্য বলিয়া নিজ নিজ মন্দিরে প্রস্থান করিলে পর, আমি রত্নেশ্বরের সেই বচনামৃত স্মরণ করিতে করিতে বিলক্ষণরূপে চন্দনাদি দ্বারা অঙ্গসংস্কারপূর্বক নিজ শয়নমন্দিরমধ্যে প্রবেশ করিয়া, অভীষিত প্রিয়তমের দর্শনলালসায় “নিদ্রা যাইব না” এইরূপ স্থির করত অপেক্ষা করিতে লাগিলাম, কিন্তু অবশ্যস্তাবা অর্থের গৌরবপ্রযুক্ত যেন কোন অদৃষ্টের বলেই আমি অনিচ্ছাসত্ত্বেই স্বপ্নদশার

বশগত হইলাম, হে সখীগণ । সেই সময় প্রিয়তমের রমণীয় অঙ্গস্পর্শ এবং তন্দ্রা, এই দুই পদার্থই আমার চৈতন্য অপহরণ করিল । তাহার পর আমি কে বা কোথায়, সেই ব্যক্তিই বা কে ? এই সকল জ্ঞান আমার লুপ্ত লইল । কিন্তু যখন বোধ হইল সেই ব্যক্তি গৃহ হইতে নির্গত হইতেছেন, তখন তাঁহাকে ধরিয়া রাখিবার জন্ত আমি হস্ত-প্রসারণ করিলাম, এমন সময়ে আমার এই করকঙ্কণট বৈরাচরণ করিল ; কারণ সেই কঙ্কণের শব্দে আমার সেই সুখস্বপ্নময়ী নিদ্রা অপগত হইল । হায় ! সখীগণ ! সুখসন্তানরূপ অমৃতময়-ব্রহ্মে ক্ষণকাল নিমগ্ন হইয়াই আমি স্বীয় দূরদৃষ্টির প্রভাবে আমার সেই প্রিয়তমের দুঃসহ বিরহবঙ্কি-জ্বালাতে পতিত হইয়া বিধম দুঃখ অনুভব করিতেছি । হে সখীগণ ! তিনি কোন্ কূলে জাত, কোথায় তাঁহার বাস বা তাঁহার নামই বা কি ? এ সকল বিষয় আমি কিছুই জানিতে পারি নাই কিন্তু এক্ষণে তাঁহার বিরহানলে পতিত হইয়া আমি বিশেষ ক্লেশ অনুভব করিতেছি । তাঁহার পুনঃসঙ্গের আশায় আমার হৃদয় বড়ই উৎকণ্ঠিত রহিয়াছে ; হে সখীগণ ! ইহা নিশ্চয় জানিও তাঁহারই সঙ্গমাশা, নির্গমেচ্ছু মদীয় প্রাণকে ধারণ করিতে সমর্থ ; অগ্নি সখীগণ ! রজনীতে পরিভুক্ত সেই হৃদয়চোরের দর্শনলাভ করা এক্ষণে তোমাদের অধীন, এক্ষণে ষাহাতে আমি পুনরায় তাঁহাকে দেখিতে পাই, তোমরা তাহার উপায় কর । হে আলিগণ ! প্রমুগ্ন শ্বেহময় নিজ সখাজনকে কেই বা মিথ্যা বলিয়া থাকে ? প্রিয় সখীগণ ! যদি তাঁহার দেখা পাই, তবে এ জীবন দেহে থাকিবে, নহিলে আর বহুকণ তাঁহার অদর্শন-দুঃখভোগ করিবার জন্ত এ প্রাণ আর এ হৃদয়েই অবস্থান করিতেছে না । হে সখীগণ ! বিরহের দশমী অবস্থা এইক্ষণে নিজ সামর্থ্য প্রকাশ করিতে প্রস্তুত হইয়াছে ; তাঁহার বিয়োগদুঃখ আমি আর কোন-প্রকারেই সহ্য করিতে পারিতেছি না ।

নিতান্ত কামশরপীড়িতা রত্নাবলীর এই প্রকার বাক্য-শ্রবণে সেই সখীগণের হৃদয় অনিষ্টশঙ্কায় কম্পিত হইল ; তখন তাহারা পরস্পর মুখাবলোকনকরত প্রত্যা-স্তর করিতে প্রবৃত্ত হইল । ৬৩-৭৫ । সখীগণ কহিল, সখি রত্নাবলি ! যাঁহার নাম, বাসস্থান ও কূলপর্য্যন্তও আমরা জানিতে পারিলাম না তাঁহাকে কিপ্রকারে পাওয়া যাইবে, ইহাতে কি উপায় করিব, আমরা তাহার কিছুই নিশ্চয় করিতে পারিতেছি না । ৭৬ । সখীগণের সংশয়াকুলিত এই প্রকার বাক্য শ্রবণে নিরাশহৃদয়া রত্নাবলী, “অগ্নি সখীগণ ! আমি তাহাকে কি প্রকারে লাভ করিতে পারিব, তাহার উপায় করিতে তোমরা” ইহা অর্দ্ধেক বলিতে না বলিতেই মুচ্ছাগত হইল । ৭৭ ।

“কুণ্ঠিতশক্তি হইতেছে” এই কথা বলাই রত্নাবলীর উদ্দেশ্য ছিল, কিন্তু মুচ্ছাগম-প্রযুক্ত অবশিষ্ট বাক্য তাহার মুখ হইতে নির্গত হইতে পারিল না। ৭৮। অনন্তর সখীগণ দ্বারা সহকারে রত্নাবলীর মোহ অপনীত করিবার জন্য নানাপ্রকার শীতলোপচারনিবহের দ্বারা তাহার শুশ্রূষা করিতে লাগিল। কিন্তু সেই সকল শীতোপচার দ্বারা তাহার মোহ যখন কোনরূপেই অপগত হইল না, তখন কোন সখী স্বরিতভাবে রত্নেশ্বরের পাদোদক আনয়নপূর্বক তদীয় দেহে সিক্তন করিল, অনন্তর তাহার মুচ্ছা বিগত হইল। তৎপরে রত্নাবলী স্তম্ভোপস্থিতার ন্যায় ঝড়িতি ভূমি-পরিত্যাগ করিয়া বারম্বার “শিব-শিব-শিব” এই বাক্য উচ্চারণ করিতে লাগিল। ৭৯-৮১। স্কন্দ কহিলেন, হে অগস্ত্য! শ্রদ্ধাবান্ ভক্তগণের অতি মহান্ উপসর্গ উপস্থিত হইলেও শিবের চরণোদক ব্যতিরেকে অন্য কোন ঔষধ বিদ্যমান নাই। যে সকল দুঃসাধ্য ব্যাধি, বাহু ও অন্তঃশরীর ব্যাপিয়া অবস্থান করে, শ্রদ্ধাপূর্বক মহেশ্বরের চরণোদক-পান করিলে তাহার শাস্ত্যভাব ধারণ করে, ইহাতে সন্দেহ নাই। যে ব্যক্তি সর্বদা মহেশ্বরের পাদোদক পান করিয়া থাকে, বাহু ও আভ্যন্তরিক শোচবিশিষ্ট সেই মহাপুরুষ কোনকালে কোনপ্রকার দুর্গতি ভোগ করে না; হে কলসোদ্ভব! এ বিষয়ে কোন প্রকারেই অন্যথা হয় না। ৮২-৮৪। আধিভৌতিক, আধ্যাত্মিক ও আধিদৈবিক এই ত্রিবিধ তাপই ভগবান্ মহেশ্বরের চরণোদক পান করিলে বিনাশপ্রাপ্ত হয়। হে মুন্যে! সমুচিত জ্ঞানশালিনী গন্ধর্বরাজতনয়া, মুচ্ছার অপগমে বিশিষ্ট চৈতন্য লাভ করিয়া, স্নেহ ও ধৈর্য্যসহকারে বলিতে আরম্ভ করিল। ৮৫-৮৬। রত্নাবলী কহিল, হে শশিলেখে! অয়ি অনঙ্গলেখ্যে! অয়ি চিত্রলেখ্যে! আমার অভিলষিত প্রাপ্তিতে তোমাদের এ সামর্থ্য কুণ্ঠিত হইল কেন? তোমাদের বহুপ্রযত্নে শিক্ষিত সেই সকল কলা কি এক্ষণে লোপ পাইল? হে সখীগণ! আমার প্রিয়তমপ্রাপ্তি-বিষয়ে রত্নেশ্বরের কৃপায় আমি একটী সুন্দর উপায় উদ্ভাবন করিয়াছি, এক্ষণে তোমরা যত্নের সহিত তাহার অনুষ্ঠান কর। হে শশিলেখে! তুমি স্বর্গীয় নিখিল যুবকবৃন্দের মূর্ত্তি চিত্রিত কর, অয়ি অনঙ্গলেখ্যে! তুমি পৃথিবীস্থিত সকল মনোহরাকৃতি যুবকগণের প্রতিমূর্ত্তি লিখ, আর হে চিত্রক্ষেপে চিত্রলেখ্যে! তুমিও পাতালতলবাসী বাবতীয় যুবকগণের প্রতিমূর্ত্তি অঙ্কিত কর। তোমরা এমত সকল যুবকগণের চিত্র লিখও; যাঁহাদের অচিরোপগত তাক্রণ্যই শরীরের সর্বাতরণ-শোভা-সম্পাদন করিতেছে। ৮৭-৯০। রত্নাবলীর এবম্বিধ বাক্যশ্রবণে সখীগণ ভূয়োভূয়ঃ তদীয় চাতুর্য্যের প্রশংসা করত যথাক্রমে তদীয় আদেশানুসারে

নবযৌবনভূষিত ত্রিলোকনিবাসী সুন্দর যুবকগণের প্রতিমূর্ত্তি অঙ্কিত করিল। অনন্তর শুভেক্ষণা রত্নাবলী স্বলোকস্থ বাবৎ যুবকগণের প্রতিমূর্ত্তি অবলোকন করিয়া কাহারও উপর নিজ প্রেমপরিচায়ক নয়ন-চাঞ্চল্য পরিহার করিল না। অনন্তর মর্ত্ত্যালোকবাসী নিখিল মুনি ও রাজগণের নবযৌবনসম্পন্ন কুমারগণকেও বিলোকন করিয়া কাহারও প্রতি প্রণয়চিহ্ন-প্রকটিত করিল না। অনন্তর উৎসুকচিত্তে দীর্ঘ নয়নদ্বয় আরও প্রসারিত করিয়া রসাতলনিবাসী যুবকগণের প্রতি দৃষ্টিনিষ্ক্ষেপ করিল; কিন্তু নিশ্চিতরূপে কোন নাগযুবর প্রতি অমুরাগপরায়ণা হইতে পারিল না। কিন্তু আশ্চর্য্যের বিষয় এই যে, তাহার যে হৃদয়, সুধাকার করম্পর্শেও তীব্র তাপ অনুভব করিতেছিল, সেই হৃদয় নাগলোকের যুবকগণের চিত্রাবলোকনে যেন কিছু প্রত্যাশাস প্রাপ্ত হইল। ইহা বড়ই বিস্ময়কর হইল যে, তৎকালে চিত্রগত সেই সকল নাগযুবকগণকে বিলোকন করিয়াই যেন, সেই কুমারী রত্নাবলী ঈষৎ ভুস্তভোগার স্থায় লজ্জানত্রীকৃতবদনা হইল। অনন্তর যত্ন-সহকারে সখীগণের সহিত শেষবংশজাত অশেষ যুবকগণকে বিলোকন করিয়া রত্নাবলী পূর্ণমনোরথ হইল না; তখন ক্রমাশ্রয়ে তক্ষককুলজাত, বাহুকিগোত্র-সম্ভূত, কুলীর, অনন্ত, ককেট ও ভদ্র প্রভৃতি নাগকুলোৎপন্ন যুবকগণকে বিলোকনপূর্ব্বক শম্বুচূড়বংশজাত কোন নাগশ্রেষ্ঠকে বিলোকন করিবামাত্র রত্নাবলীর অঙ্গ ও প্রত্যঙ্গ সন্ধিস্থলে বিপুল পুলক আবির্ভূত হইল ও পরম লজ্জায় অবনতভাব ধারণ করিল। মহাচতুরা চিত্রলেখা তদীয় তাদৃশ লজ্জাতিশয় অবলোকন করিয়া ক্ষণকালের মধ্যেই রত্নাবলীর কৌমার-হর বরকে উত্তমরূপে চিনিতে পারিল। অনন্তর পরিহাসরসিকা চিত্রলেখা, স্বীয় পটাকলনিষ্ক্ষেপ দ্বারা চিত্রপটে যে স্থানে সেই যুবা আলিষিত ছিলেন সেই স্থানটী আবৃত করিলে পর, মৌনাবলম্বিনী রত্নাবলী অধরপল্লবের বিস্ফুরণ-সহকারে কুটিলনেত্র প্রাপ্তভাগের দ্বারা চিত্রলেখার প্রতি কটাক্ষ নিষ্ক্ষেপ করিল। অনন্তর শশিলেখার কটাক্ষে বিদিতভাবে অনন্তলেখা, পট-মধ্যে নিষ্কিপ্ত চিত্রলেখার বস্ত্রাঞ্চল অপসারিত করিবামাত্র গন্ধর্ব্বরাজতনয়া রত্নাবলী বিস্ফারিত-নয়নে শম্বুচূড়নাগবংশজাত রত্নচূড় নামক নাগযুবাকে আগ্রহ-সহকারে বিলোকন করিতে লাগিল। সেই রত্নচূড়ের প্রতিমূর্ত্তি দর্শন-ক্ষণেই রত্নাবলীর দৃষ্টি আনন্দাশ্রু-নিবহে পরিপূর্ণ হইল; গণ্ডস্থল মুহুমুহ উপটীয়মান স্বৈদবিন্দু-নিবহে অপরূপ শ্রীধারণ করিল এবং রোমাঞ্চাধিতগাত্রলতিকা বারম্বার কম্পিত হইতে লাগিল। এইরূপ হইবার কিয়ৎকাল পরেই তাহার নয়নদ্বয় আপনা হইতেই মুকুলিত

হইল ও চিত্রার্পিতের আয় শরীর-ক্রিয়া রহিত প্রায় হইল । ৯১-১০৮ । তৎপরে চিত্রলেখা, নিকটে আগমন করিয়া কুসুমশরপীড়িতা রত্নাবলীকে এই প্রকার আশ্বাস প্রদান করিল যে, অয়ি রত্নাবলি ! তুমি আর উৎকণ্ঠিত হইও না তোমার মনোরথ সকলই হইয়াছে, তোমার হৃদয়েশ্বরের নাম, ধাম ও কুল সকলই আমার বিদিত আছে ; হে সখি । বিষয় হইও না, রত্নেশ্বরের প্রসাদে তুমি এই প্রকার হৃদয়-রঞ্জনকে লাভ করিতে পারিয়াছ । ১০৯-১১০ । অহো ! অনুরূপ বরপ্রদানে রত্নেশ্বর তোমার প্রতি বড়ই অমুকম্পা প্রকাশ করিয়াছেন, এক্ষণে গাত্রোত্থান কর, চল গৃহে বাই, সেই ভগবান রত্নেশ্বরই আমাদের সর্বাভীষ্ট সাধন করিবেন । ১১১ । এইরূপ কথোপকথনের পর রত্নাবলী সখীগণের সহিত আকাশমার্গ অবলম্বনপূর্বক নিজ ভবনে গমন করিতে প্রবৃত্ত হইল ইত্যবসরে দৈববশে সেই স্থানে আগত পাতালবাসী সুবাহু নামক দানব, তাহাদিগকে বিলোকন করিয়া বলপূর্বক ধারণ করত বিকট-দশন-সিংহ, হরিণীকে ধারণ করিয়া যেমন নিজ আবাসে লইয়া যায়, তদ্রূপ তাহাদিগকে নিজবাসস্থানে লইয়া বাইল । ১১২-১১৩ । বিকটবদন লোহিত-নয়ন ভীমাকৃতি সেই দানবকে বিলোকন করিয়া গন্ধর্বভূতনয়াগণ অতিশয় কম্পাদ্বিত-শরীরে “হা মাতঃ ! হা পিতঃ ! আমরাগকে রক্ষা কর, হা বিধে ! আমরাগকে অসহায়া পাইয়া ছুরাত্মা এই দানব বাহা করিতে প্রবৃত্ত হইয়াছে, তাহা তুমি নিবারণ কর, হা দৈব ! আমরা বড়ই দুর্ভাগা, হায় ! আমরা কি অমুষ্ঠান করিয়াছি যে, তাহার ফলে এই ভীষণ অবস্থায় উপনীত হইলাম, হায় ! আমরা ত পূর্বক কখনও পাপের নাম পর্য্যন্তও হৃদয়ে স্মরণ করি নাই । আমরা বাল্যক্রোড়া, রত্নেশ্বর-পূজন এবং পিতা ও মাতার আদেশানুযায়ি-চেষ্টা ব্যতিরেকে অন্য কোন কর্মই জানি না । হে প্রভো রত্নেশ্বর ! হে সর্বব্যাপিন্ ! আপনার একমাত্র শরণাগতা দীনা ও অনাথা এই বালাসকলকে আপনি ভিন্ন আর কে রক্ষা করিবে ? ১১৪-১১৮ ।

রত্নাবলী ও তাহার সখীগণ এই প্রকার উচ্চৈঃস্বরে বিলাপ করিতেছে এমন সময় মহামনা রত্নচূড় নামক নাগরাজ তাহাদের সেই ক্রন্দনধ্বনি শুনিতে পাইলেন । অনন্তর রত্নচূড় চিন্তা করিতে লাগিলেন যে, “এই পাতাললোকে কস্মীবন্ধনভেদকারি মদীশ্বর রত্নেশ্বরের নাম কোন ব্যক্তি ক্রন্দন করিতে করিতে গ্রহণ করিতেছে” । এমন সময়ে আবার তাহাদের মুখোচ্চারিত সেই আক্টরব শ্রবণ করিয়া রত্নেশ্বর সজ্জম-সহকারে অস্ত্র-গ্রহণপূর্বক গৃহ হইতে বহির্গত হইলেন । গৃহ হইতে নির্গমনমাত্রে রত্নচূড়, রসাসব-পান ও মহামাংস-ভক্ষণে অতি দুশ্চেষ্ট সেই দুঃস্থ দানবকে বিলোকন করত গালি দিতে লাগিলেন যে, “অরে পাপাত্মন্ শিষ্টকর্তাপহারিন্ !



আমার দৃষ্টিপথে পতিত হইয়াছি। এক্ষণে কোথায় গিয়া আত্মরক্ষা করিবি ? আমি পীড়িতগণের রক্ষার্থে প্রবৃত্ত হইয়াছি, এক্ষণে আমার বাণাঘাতে দেহ-পরিত্যাগপূর্বক সমরাজের গৃহে অতিথ্য-লাভ কর। আর তুমি কি জানিস না যে, প্রলয়কালেও যাহারা রত্নেশ্বরের নাম গ্রহণ করে, তাহাদের, তেঁাদের শ্রায় দুর্ভাগ্যগণ হইতে কোন ভয় থাকে না। আর রত্নেশ্বরের নামগ্রহণ-দ্বারা যাহারা মহাবিপত্তি হইতে আত্মাকে রক্ষা করিয়াছে, অশ্রুভয়ের কথা দূরে থাকুক তাহাদের কখনও ব্যাধি বা কলিকাল জন্ম ভয়ের সম্ভাবনা থাকে না। ১১৯-১২৬।

অনুরের প্রতি এই প্রকার উপালম্ব করিয়া রত্নচূড় ব্যাঘ্রভীতা যুগীর শ্রায় কম্পিতাজী সেই গন্ধর্ব্বতনয়াগণকে কহিলেন যে, অয়ি ললনাগণ ! তোমাদের কোন ভয় নাই। ১২৭। এই প্রকারে আশ্বাস প্রদান পূর্বক ভূজগরাজতনয় রত্নচূড়, আকর্ষণ মৌবর্ষী আকর্ষণ করিয়া কোদণ্ড হইতে নিশিত শর পরিত্যাগ করিলেন। চরণতাড়িত ভূজঙ্গের শ্রায় অতি ক্রুদ্ধ হইয়া সেই দম্বজরাজ, রত্নচূড়কে লক্ষ্য করত কালদণ্ডের শ্রায় ভীমদর্শন মুঘল নিক্ষেপ করিল। যাহাদের হৃদয়ে রত্নেশ্বর-লিঙ্গ সর্ব্বদা প্রকাশ পাইয়া থাকেন, তাহাদের নিকট কালদণ্ড তুণাদিনিশ্চিত দণ্ডের শ্রায় অকিঞ্চিৎকরতা প্রাপ্ত হয়। তখন মহাত্মা রত্নচূড় পথিমধ্যেই নিজ বাণনিকর দ্বারা সেই মুঘল-চ্ছেদ করিলেন, অনন্তর যে বাণ-প্রহারে নিঃসন্দিক্তভাবে ইহার প্রাণ-বিনাশ হইতে পারে, সেই প্রকার কালানলসদৃশ বাণ তুণীর হইতে নিক্ষেপিত করত রত্নচূড় তাহার বক্ষঃস্থল লক্ষ্যপূর্বক পরিত্যাগ করিলেন; তৎপরে সেই বাণ পাপাত্মা দম্বজের হৃদয় বিদারণ-পূর্বক পুনর্ব্বার স্বয়ংই তুণমধ্যে প্রত্যাগত হইল। ইহাতে বোধ হইল যেন সেই বাণ সুবাহুদম্বজের হৃদয়স্থিত দৌরাশ্রের প্রকৃত তব অবগত হইয়া তাহাই দিগজনাগণের নিকট কীর্ত্তন করিবার জন্মই যেন তাহা ভেদ করিয়া পুনঃ প্রত্যাবৃত্ত হইল। ১২৮-১৩৩।

যাহারা অশ্রায়োপাস্ত্রিত দ্রব্যের দ্বারা স্তম্ভ-ভোগ করিতে ইচ্ছা করে, তাহাদের সেই সকল দ্রব্য প্রাণের সহিত এই প্রকারে বিনাশ হইয়া থাকে, ইহাতে কোন সন্দেহ নাই। ১৩৪।

মহাবলী নাগরাজ রত্নচূড়, এইরূপে দানবকে বিনাশ করত সেই কন্যাগণকে জিজ্ঞাসা করিলেন যে, তোমরা কে ? তোমাদের পিতারই বা কি নাম ? এই দুর্ভাগ্য দানব, তোমাদিগকে কোন স্থানে দেখিতে পাইল এবং সেই রত্নেশ্বর-লিঙ্গের দর্শনই বা তোমরা কোথায় করিলে ? যে রত্নেশ্বরের নামোচ্চারণ মাত্রেই তোমাদের পরম বিপত্তি দূর হইয়াছে, এই সকল বিষয় স্পষ্ট করিয়া আমার নিকটে প্রকাশ কর। ১৩৫-১৩৮।

রত্নচূড়ের এবম্প্রকার বাক্য-শ্রবণে সেই রত্নাবলীপ্রমুখ বালিকাগণ পরস্পর মুখাবলোকন-

পূর্বক পরম্পরেই মন্দমন্দভাবে বলিতে লাগিল যে “এই যুবাকে বোধ হইতেছে যেন আমরা পূর্বক কোন স্থানে দর্শন করিয়াছি। ইনি কে ? অহো দৈব ! কৃপাপূর্বক কোথা হইতে এই সঙ্কট স্থলে আমাদের এই অকারণ-সুহৃৎকে প্রেরণ করিলে ! ইনি নিজ প্রাণ পর্য্যন্ত পণ করিয়া দুরাশ্বা দানবের হস্ত হইতে আমাদের উদ্ধার-সাধন করিয়াছেন, ইহাঁর অবলোকন মাত্রেই আমাদের স্বভাবচঞ্চল ইন্দ্রিয়-সকল যেন সুখ-সমুদ্রে মজ্জন করত নিষ্পন্দভাব ধারণ করিয়াছে। যেমন ইহাঁকে দেখিয়া হইতেছে, অথ কোন স্থলে অতিরমণীয় বস্তু দর্শন করিয়াও আমাদের নেত্র এই প্রকার নিশ্চলভাব ধারণ করে না। অমৃতের স্নায় মাধুর্য্যময় ইহাঁর বাণী-শ্রবণ করিয়া আমাদের শ্রবণেন্দ্রিয় অমৃত শব্দ-গ্রহণ করিতে পরাশ্রুত হইতেছে এবং আমাদের হৃদয়-মণির অপহারী এই পুরুষকে বিলোকন করিয়া অবধি আমাদের স্বভাবচঞ্চল চরণ যেন পঙ্খ লাভ করিয়াছে। ১৩৯-১৪৪। এই যুবা কে ? ইহা স্থির করিতে না পারিয়া তাহারা মনে মনে এই প্রকার চিন্তা করিতে লাগিল। ষষ্ঠপিও পূর্বক চিত্রপটমধ্যে সেই রত্নচূড়কে তাহারা উত্তমরূপে নিরীক্ষণ করিয়াছিল, তথাপি সেই অতিভীষণাকার দানব-বিলোকনে সমুৎপন্ন ভীতি হইতে তাহাদের নেত্র, তৎকালে অন্ধপ্রায় হওয়াতে তাহারা এইক্ষণে রত্নচূড়কে ভাল করিয়া চিনিতে পারিল না। ১৪৫-১৪৬। রত্নাবলীর সখীগণ, রত্নচূড়কে প্রভুত্ব প্রদান করিল যে, “হে মহাত্মন ! আপনি স্নেহনির্ভর-হৃদয়ে আমাদের প্রাণ জিজ্ঞাসা করিতেছেন তাহার সম্যকপ্রকার উত্তর প্রদান করিতেছি, আপনি অবধান-পর হউন। ইনি গন্ধর্ব্বরাজ বসুভূতির তনয়া, ইহাঁর নাম রত্নাবলী, অনেক গুণরত্ন সর্বদা ইহাঁর বাহ্য ও আন্তর মহনীয়তার পার্শ্ব দিয়া থাকে। আমরা ইহাঁর সহচরী, সর্বদা ছায়ার স্নায় অনুগমন করিয়া থাকি। আমরা বাল্যকাল হইতেই পিতার আজ্ঞানুসারে কাশীস্থিত রত্নেশ্বর-লিঙ্গের অর্চনা করিতে প্রতিদিন তথায় গমন করি, অনন্তর যথাকালে ভগবান্ রত্নেশ্বর প্রসন্ন হইয়া রত্নাবলীকে এই বর প্রদান করিলেন যে, হে কুমারিকে ! অথ স্বপ্নাবস্থায় যে ব্যক্তি তোমার কোমর-হরণ করিবেন, তিনিই তোমার স্বামী হইবেন এবং তাঁহার নামের সহিত তোমার নামের বহুলপরিমাণে সাদৃশ্য থাকিবে।” তৎপরে রাত্রিবোধে স্বপ্নাবস্থায় স্বীয় ভাবী পতি যুবাকে দেখিয়া নিদ্রাত্যাগানন্তর সেই প্রিয়তমের বিরহ-বহ্নিতাপে তাপিতা হইয়া, অতিশয় দুঃখ অনুভব করিতেছেন দেখিয়া, আমরা নিজ কলা-কৌশল দ্বারা চিত্রে অঙ্কিত করিয়া সেই যুবার প্রতিকৃতি এই রত্নাবলীকে দেখাইলাম, যাহার নাম, গ্রাম বা কুলের বিষয় পূর্বক কিছুই জানা ছিল না, সেই

হৃদয়েশ্বরকে আমাদের চিত্রপটে অঙ্কিত দেখিয়া রত্নাবলী যেন পুনর্বার জীবন প্রাপ্ত হইলেন । অনন্তর ভগবান্ রত্নেশ্বরকে নমস্কার করিয়া ইহার সহিত আমরা গগনমার্গ অবলম্বনপূর্বক নিজগৃহে গমন করিতেছিলাম, এই সময়ে দূরাত্মা এই অন্তর অতিক্রান্তভাবে আগমন করত আমাদের কাছে লইয়া এইস্থলে আগমন করে, ইহার পরে যাহা যাহা হয়, আপনি তাহা সকলই অবগত আছেন । হে সাধো ! আপনার সমক্ষে আমরা নিজ পরিচয় প্রদান করিলাম, এক্ষণে আপনি অনুগ্রহ করুন । হে মহাত্মন কৃপানিধে ! আপনি কে ? যখন আমরা সেই দুর্ঘট দানবকে বিলোকন করিয়াছি, সেই সময় হইতে আমাদের নেত্র যেন বিদ্যুৎসম্পর্কে গতপ্রভ হইয়াছে, আমরা দিগ্ভ্রাস্তা হইয়াছি ; আমরা কে ? কোথায় আছি ? আপনিক কে ? কি হইয়াছে ও অতঃপর কি হইবে ? তাহা যেন কিছুই নির্ণয় করিতে পারিতেছি না । ১৪৭-১৫০ । পবিত্র-বুদ্ধি ও পুণ্যস্বভাব নাগরাজতনয় রত্নচূড়, রত্নাবলীর সমীপে হইতে এই সকল বৃত্তান্ত-শ্রবণপূর্বক ভয়ত্রস্তা সেই বালিকা-গণকে বিহিতভাবে আশ্বাস প্রদান করিয়া বলিতে লাগিলেন যে, “তোমরা আমার সঙ্গে আইস, আমি তোমাদের রত্নেশ্বর দেখাইতেছি” এই বলিয়া রত্নচূড় তাহাদিগকে এই রমণীয় ক্রীড়া-বাগীতটে লইয়া গেলেন । সেই ক্রীড়া-বাগীর সোপান সকল বিচিত্র মণিনিবহের দ্বারা নিৰ্ম্মিত, হংস ও চক্রবাকের রমণীয় শব্দে সর্বদা তাহা পরিপূরিত, তাহার জল অতি শীতল ও পরম স্বাদু, তত্রস্থ জলচর পক্ষিগণের নিনাদ শুনিলে মনে হয় যেন সেই বাগী, তৃষাতুর ব্যক্তিগণের স্বাগত-প্রশ্ন করিতেছে । ১৬০-১৬২ । অনন্তর রত্নচূড়ের আদেশক্রমে তাহারা সেই বাগীজলে সবস্ত্র নিমগ্ন হইল, পুনর্বার উন্মজ্জন করত তীরে উঠিয়া যাহা দেখিল, তাহাতে তাহাদের অতিশয় বিস্ময় হইল ; তাহারা দেখিল যে কাশীতে কালরাজের নিকট রত্নেশ্বরে তাহারা উপস্থিত হইয়াছে, অনন্তর তাহারা বিস্ময়সহকারে পরস্পর বলিতে লাগিল যে, “ইহা কি আমরা স্বপ্ন দেখিলাম অথবা ইহা কি বাস্তবিক সত্য ? কিম্বা ভগবান্ রত্নেশ্বরের ইহা বিচিত্র লীলা ? আমরাই কি ভ্রান্তিমাগরে পতিত হইলাম ? ইহাই বা কিসে হইবে, গন্ধর্বজাতির ত ভ্রম হয় না, তবে কি আমরা গন্ধর্বকন্যা নহি । আমরাই কিছুই বুঝিতে পারিতেছি না, বোধ হইতেছে যেন ইহা সকলই কোন ঐন্দ্রজালিক-মায়া । এই আমাদের সম্মুখে উত্তরবাহিনী গঙ্গা, এই শম্বচূড়বাগী ও ইহার পাশ্বে ওই শম্বচূড়ের আলয় দেখা যাইতেছে । এই বারাগসীম শম্বচূড়েশ্বর মহাদেবের দর্শনে কালসর্পজ ভয় নষ্ট হয় । যেখানে স্নান করিলে মনুষ্যের আর মর্ত্যলোকে প্রবেশ করিতে হয় না, এই সেই

পুণ্যভোয়া মন্দাকিনী-বাণী আমাদের দৃষ্টিগোচর হইতেছে। ১৬৩-১৭০। ত্রিপুর-বিজয়েচ্ছু মহেশ্বর স্বয়ং বাহার স্তুতি করিয়াছিলেন ; মন্দাকিনীর স্তম্ভরতটে এই সেই আশাপুরী দেবী বর্তমান রহিয়াছেন। ১৭১। অতাপিও এই আশাপুরী দেবীর পূজা করিলে মানবগণের আশা পূর্ণ হয়। মন্দাকিনীর পশ্চিমদিকে এই সিদ্ধাষ্টকেশ্বর বর্তমান রহিয়াছেন, ইহার সেবা করিলে ভক্তের গৃহ, অষ্টপ্রকার সিদ্ধিযুক্ত হয়। এই সেই সিদ্ধাষ্টকেশ্বরের নিকট সিদ্ধাষ্টকাখ্য-কৃণ্ড বিদ্যমান রহিয়াছে এই সিদ্ধাষ্টককুণ্ডে স্নানানন্তর শ্রাদ্ধাদি করিলে মানব পাপ হইতে মুক্ত হয় ও স্বর্গে বাইতে সক্ষম হয় এবং কাশীতে সর্বাভীষ্টপূরণকারিণী যে অষ্টসিদ্ধি বিরাজমানা আছেন, সে সকলও তাহার আয়ত্ত হয়। বাঁহার চরণে প্রণিপাতকারী নরগণের সর্বপ্রকার বিঘ্ন বিধ্বস্ত হয়, এই সেই মহারাজ বিনায়কের বিগ্রহ আমাদের নেত্রগোচর হইতেছেন। বাঁহাকে দর্শন করিলে সিদ্ধিলাভ করিতে পারা যায়, এই সেই ধ্বজপতাকা সমলঙ্কৃত কাঞ্চনরাশিসমুজ্জ্বল সিদ্ধেশ্বরের সমুন্নত প্রাসাদ। বাঁহার বিলোকনমাত্রেই মনুষ্যের আর মধ্যম বা অধোলোকে বাস করিতে হয় না, কাশীক্ষেত্রের মধ্যভাগে এই সেই মধ্যমেশ্বর-লিঙ্গ বিদ্যমান আছেন। ১৭২-১৭৭। এই মধ্যমেশ্বর-লিঙ্গের অর্চনা করিলে মনুজ আগমুদ্র ক্রিতির আধিপত্য-লাভ করিয়া পরে মোক্ষলাভ করিতে সমর্থ হয়। ১৭৮। এই সঙ্গমেশ্বরের পূর্বদিকে সেই ঐরাবতেশ্বর-লিঙ্গ বিদ্যমান রহিয়াছেন ; বাঁহার পতাকাতে একটি রমণীয় ঐরাবত-হস্তী চিত্রিত রহিয়াছে। ১৭৯। এই সেই রত্ননির্মিত বুদ্ধকালেশ্বরের প্রাসাদ বিদ্যমান ; যে স্থলে প্রতি অমাবস্তা তিথিতেও অনন্ত নক্ষত্রের সহিত চন্দ্রমা বিরাজমান থাকেন। ১৮০। এবং যে প্রাসাদের দর্শনমাত্রেই মনুজগণ, কাল, কলি ও কলুষরাশির হস্ত হইতে নিষ্কৃতি-লাভ করিয়া থাকে। ১৮১।

অলৌকিক ব্যাপার বিলোকনে সম্ভ্রান্ত-চিন্তিত সেই বালিকাগণ যে সময় পরস্পর এই প্রকার কথোপকথন করিতেছিল, ইত্যবসরে নারদ মহর্ষির নিকট “রত্নাবলী ও তৎসখীগণের রত্নেশ্বর হইতে আগমন-কালে দানবকর্তৃক অপহরণ, পাতালে গমন, তথায় দানবের সহিত রত্নচূড়ের সংগ্রাম, অনন্তর রত্নচূড় জিজ্ঞাসাস্থে সকল বৃত্তান্ত অবগত হইয়া তাহাদিগকে যে প্রকারে কাশীতে প্রেরণ করেন, তৎপরে কাশীতে আসিয়া রত্নাবলী ও তৎসখীগণ বিস্ময়সহকারে পরস্পর পূর্বোক্ত প্রকারে বলাবলি করণ” এই সকল বৃত্তান্ত অবগত হইয়া গন্ধর্বপতি বশুভূতি, অতি স্বরা-সহকারে তথায় আগমনপূর্বক নিজ বয়স্রাগণের সহিত বিরাজমানা অন্নান-পঙ্কজমুখী

তনয়া রত্নাবলীকে বিলোকন করিয়া আনন্দাভিভরে আলিঙ্গন ও পুনঃ পুনঃ ললাটস্থল আশ্রয় করত নিজ ক্রোড়ে আরোপণ করিয়া আদর-সহকারে সকল বৃত্তান্ত জিজ্ঞাসা করিলেন । ১৮২-১৮৯ । অনন্তর রত্নাবলী, রত্নেশ্বর হইতে নিজ বরপ্রাপ্তি ও স্বপ্নবৃত্তান্ত পরিচয় করিয়া আর যাহা যাহা ঘটয়াছিল, তৎসমুদয়ই পিতৃসমক্ষে কীর্তন করিল । ১৯০ । অনন্তর মুখভঙ্গিতে রত্নাবলীর মনোরুপিত অবগত হইয়া শনিলেখা স্পষ্টভাবে সকল বৃত্তান্তই গন্ধর্বরাজের নিকট কীর্তন করিল । ১৯১ । অনন্তর কৃত্তী গন্ধর্বরাজ বস্তুভূতি, তাহাদের বাক্যে অতিশয় সন্তোষ লাভ করিয়া রত্নেশ্বর-লিঙ্গের প্রভাব তাহাদের নিকট সম্যক প্রকারে কীর্তন করিতে লাগিলেন । ১৯২ ।

স্বন্দ্র কহিলেন, হে মুনিশ্রেষ্ঠ বিদ্যাবুদ্ধিবিরোধিন্ অগস্ত্য ! আশ্চর্য্য কথা শ্রবণ কর ; সংযমী রত্নচূড় প্রত্যহই সেই বাপীমার্গ অবলম্বন করত নাগলোক হইতে আগমনপূর্বক মন্দাকিনীর জলে স্নান করিয়া রত্নপূরিত অষ্ট অঞ্জলির দ্বারা রত্নেশ্বরের পূজা করিতেন । ১৯৩-১৯৪ । তৎপরে স্বর্ণ-নির্মিত আটটী পদ্ম-প্রদান করিয়া নিজ আবাসে প্রতিগমন করিতেন, ইহার পূর্বে একদিন লিঙ্গরূপধারী রত্নেশ্বর স্বপ্নাবস্থায় দর্শন প্রদান করিয়া, নিজ ভক্ত দৃঢ়ব্রত রত্নচূড়কে কহেন যে, “দানবাপহৃত যে কন্যাকে রণে দানব-জয় করিয়া তুমি মোচন করিবে, সেই কন্যাই তোমার পত্নী হইবে ।” মহাদেবের এই প্রকার বর স্মরণপূর্বক মহামনা নাগরাজ পূর্বেবাস্ত প্রকারে নিজবীৰ্য্যে সেই দানবকে হনন করত রত্নাবলীর উদ্ধার-সাধন করিয়া বাপীমার্গের দ্বারা তাঁহাকে পুনর্ব্বার মহীতলে আনয়ন করেন এবং আনয়নান্তে স্বয়ং নিত্য নিয়মসাধন পূর্বক লিঙ্গের অর্চনান্তে প্রদক্ষিণ করিয়া যেমন বহির্গমন করি-  
তেছেন, তৎকালে সেই সখীগণ অতি সজ্জম-সহকারে তর্জ্জনীর অগ্রভাগ দ্বারা গন্ধর্বরাজ বস্তুভূতিকে দেখাইয়া দিল যে, “এই সেই ধনু আমাদের উদ্ধারকারী যুবা” । গন্ধর্বরাজ সেই নাগরাজপুত্রকে বিলোকন করিয়া আনন্দে বিকশিতনেত্র হইলেন ও তাঁহার শরীর রোমাঞ্চিত হইতে লাগিল ; অনন্তর তিনি মনে তাঁহার রূপ, বীৰ্য্য, বয়ঃক্রম ও বংশের বিস্তর প্রশংসা করত এই প্রকার বলিতে লাগিলেন যে, “আমিই ধনু ; রত্নেশ্বর, বর-প্রদানে আমাকে নিভাস্ত অনুগৃহীত করিয়াছেন । আমার কন্যা রত্নাবলীও ধনুতরা, কারণ সে এইরূপ যোগ্য পতি লাভ করিতে সমর্থ হইয়াছে ।” মনে মনে এই প্রকার চিন্তা করত গন্ধর্বরাজ বস্তুভূতি, সেই স্বন্দর যুবা রত্নচূড়কে আহ্বানপূর্বক তাঁহার নাম গোত্র জিজ্ঞাসা করিয়া তদীয় বলাবল বিবেচনান্তে রত্নেশ্বরের সম্মুখেই তাঁহার করে রত্নাবলীকে সমর্পণ করিলেন ; অনন্তর

কন্ধ্যার সহিত তাঁহাকে গন্ধর্বলোকে লইয়া গেলেন, তৎপরে তথায় বিবিধ কৌতুক ও মঙ্গলের সহিত নানাবিধ রত্নাদি প্রত্যর্পণ পূর্বক বৈবাহিক-বিধি-দ্বারা যথাযথরূপে স্বীয় তনয়ার পাণিগ্রহণ করাইলেন । ১৯৫—২০৬ ।

অনন্তর শশিলেখা, অনঙ্গলেখা ও চিত্রলেখা, নিজ নিজ পিতাকে স্ব স্ব মনোভাব বিজ্ঞাপন-পূর্বক অনুরক্তা গ্রহণ করিয়া পরম আনন্দে রত্নচূড়েরগলে বরমালা অর্পণ করিল । এইরূপে সেই পরম রূপ ও গুণশালিনী চারিটী গন্ধর্বকন্ধ্যাকে বিবাহ করিয়া রত্নচূড় তাহাদিগকে সঙ্গে লইয়া নিজ পিতৃগৃহোদ্দেশে প্রস্থান করিলেন । ২০৭-২০৮ ।

অনন্তর ঐতিচতুর্দশের সহিত প্রণব যেমন শিবকে প্রণাম করিয়া থাকেন, তদ্রূপ সেই চারি গন্ধর্বকন্ধ্যার সহিত রত্নচূড় স্বীয় পিতা ও মাতার চরণে প্রণামপূর্বক রত্নেশ্বরের অনুগ্রহের বিষয় নিবেদন করিয়া তাঁহাদের অভিনন্দন লাভে হৃষ্টচিত্তে নবোঢ়া বধূগণের সহিত সুখে বাস করিতে লাগিলেন । ২০৯-২১০ ।

ঈশ্বর কহিলেন, অয়ি প্রিয়তমে গিরিবালা ! মদীয় স্বাবর-মূর্ত্তি সর্বজনের সর্বাভীষ্ট সিদ্ধিপ্রদ এই রত্নেশ্বরের অতুল প্রভাব তোমার নিকট কীর্ণিত হইল । এই লিঙ্গে সহস্র সিদ্ধগণ, পরম সিদ্ধিপ্রাপ্ত হইয়াছেন । অয়ি স্তমধ্যমে ! এতদিন এই লিঙ্গ গুপ্ত ছিল । আমার সর্বপ্রকার ভক্ত হৃদয় পিতা হিমবান্ নিজ পুণ্যার্জিত অনন্ত রত্ননিবহের দ্বারা ইহাকে প্রকাশ কবিয়াছেন ; অয়ি অদ্বিরাজতনয়ে ! এই লিঙ্গে আমার সার্বকালিক প্রীতি বিद्यমান রহিয়াছে, বারাণসীস্থিত এই রত্নেশ্বর-লিঙ্গকে ভক্তগণ সর্বদা প্রযত্ন-সহকারে পূজা করিবে । হে প্রিয়ে উমে ! এই রত্নেশ্বরের অনুগ্রহে নানাবিধ রত্ন উত্তমা স্ত্রী, পুত্র, স্বর্গ ও মোক্ষ পর্যন্ত লাভ করিতে পারা যায় । যে ব্যক্তি, এই রত্নেশ্বরকে নমস্কার করিয়া দেশান্তরেও যত্নামুখে পতিত হয়, সেই ব্যক্তি শতকোটি কল্পেও স্বর্গ-চ্যুত হয় না । কৃষ্ণপক্ষের চতুর্দশী তিথিতে উপবাস করিয়া রত্নেশ্বরের সন্নিধানে রাত্রি-জাগরণ করিলে পর মানব মদীয় সান্নিধ্য-লাভ করিতে সমর্থ হয় । হে প্রিয়ে ! এই লিঙ্গের পূর্বদিকে তুমি জন্মান্তরে আমার প্রতি ভক্ত প্রযুক্ত দান্ধ্যগীশ্বর নামে একটী লিঙ্গ প্রতিষ্ঠা করিয়াছিলে । সেই দান্ধ্যগীশ্বরের সন্দর্শনমাত্রেই মনুষ্য দুর্গতির হস্ত হইতে পরিত্রাণ পাইয়া থাকে ; সেই তুমি অম্বিকাগৌরী ও আমি অম্বিকেশ্বর নামে প্রতিষ্ঠিত আছি এবং হে স্তমধ্যমে উমে ! তাহারই নিকটে তোমার পুত্র, মূর্ত্তিমান্ ষড়ানন বিद्यমান রহিয়াছেন ; এই মূর্ত্তিত্রয় দর্শন করিলে মানব আর জননীর জঠরে প্রবেশ করে না । আমি তোমার নিকট যে রত্নেশ্বরের মাহাত্ম্য-কীর্ত্তন করিলাম, ইহা কলি-কলুষ-হৃদয় ব্যক্তিগণের নিকট যত্নপূর্বক গোপন করিবে । যে ব্যক্তি সর্বদা এই রত্নেশ্বরের মাহাত্ম্য

কীৰ্ত্তন করিবে, সে কদাপি পুত্র, ও পৌত্র ও গবাদি পশু হইতে বিমুক্ত হইবে না । যেনরোস্তম অবিবাহিতাবস্থায় এই ইতিহাসের সহিত রত্নেশ্বরের উৎপত্তি-কথা ভক্তি-সহকারে শ্রবণ করিবে, সে অচিরে নিজ মনোমত সৎকুলোৎপন্ন কণ্ঠারত্ন লাভ করিতে সমর্থ হইবে । কণ্ঠাও এই ইতিহাসটী শ্রদ্ধা-সহকারে শ্রবণ করিলে সুন্দর ও সুশীল পতি-লাভ করিবে ও পতিব্রতা হইবে । এই মনোরম ইতিহাসটী শ্রবণ করিলে নারী কিম্বা পুরুষ কদাপি ইষ্টজনের বিয়োগরূপ অগ্নির তাপে পরিতাপিত হয় না, ইহা নিশ্চয় জানিবে । ২১১—২২৫ ।

## অষ্টষষ্টিতম অধ্যায় ।



### কৃতিবাস-সমুদ্ভব ।

স্কন্দ কহিলেন, হে বিপ্রেন্দ্র ! এই স্থানেই মহাপাতকহারি যে একটি মহৎ আশ্চর্য্য ঘটনা হইয়াছিল, তাহাও বলিতেছি শ্রবণ কর । ১ । মহেশ্বর যখন রত্নেশ্বরের এইরূপ বৃন্তাস্ত্র বর্ণন করিতেছেন তখন চতুর্দিক হইতে “রক্ষা করুন, রক্ষা করুন” এইরূপ মহান্ কোলাহল উপস্থিত হইল ; তখন মহিষাসুরের পুত্র গজাসুর নিজ বীর্য্যমদে উদ্ধত হইয়া প্রমথগণকে মথন করত আগমন করিতেছিল । পৃথিবীর যে যে স্থানে চরণ নিক্ষেপ করিতেছিল, সেই সেই স্থানেই তাহার ভারে পর্ব্বত-সমূহও আন্দোলিত হইতেছিল । তাহার প্রচণ্ড বেগে শিখরের সহিত তরু-নিচয়ও ভগ্ন হইয়া নিপতিত হইতেছিল । তাহার সেই বেগে পর্ব্বত-সমূহও বিচূর্ণিত হয়, তাহার মস্তক-সংঘর্ষণে মেঘনিচয় ব্যোমমার্গ পরিত্যাগ করিয়াছিল, তাহারই কেশসম্মর্দনে মেঘনিচয় কৃষ্ণবর্ণতা প্রাপ্ত হইয়া অত্যাধিক পরিভ্রমণ করিতে পারে নাই, তাহার প্রচণ্ড নিঃশ্বাসভরে সমুদ্র-নিচয় উত্তরঙ্গ হইয়া, জলচর সমূহের সহিত অত্যাধিক অমন্দ-কল্লোল করিতেছে । ২-৭ । সেই মায়াবীর-দেহ নবমহত্ম্যযোজন উন্নত এবং দেহের বিস্তারও ততই, বিদ্যুৎ-সমূহ অত্যাধিক তাহারই নেত্রের পিজলিমা ও তরলিমা পরিত্যাগ করে নাই । সেই দুঃসহ দানব যে যে দিকে গমন করিতেছিল, সেই সেই দিকই তাহার ভারে সমান হইয়া যাইতেছিল, সে ত্রক্ষার নিকট “কামের বশীভূত কোন স্ত্রী বা কোন পুরুষের হস্তে হত হইবে না” এই বর-লাভ করিয়া

ত্রিজগৎকে তুণের স্থায় বোধ করিতেছিল। ভগবান্ মহেশ্বর সেই দৈত্যকে আগমন করিতে দেখিয়া এবং তাহাকে অশ্বের অবস্থা জানিতে পারিয়া, শূলের দ্বারা তাহাকে বিদ্ধ করিলেন। ত্রিশূলাগ্রে দিদ্ধ হইয়া সেই দৈত্য গজাসুর, আপনাকে ছত্রীকৃত বিবেচনা করিয়া মহেশ্বরকে বলিতে লাগিল। ৮—১৩।

গজাসুর কহিল, হে ত্রিশূলপাণে ! হে দেবেশ ! আমি জানি যে আপনি কন্দপবিজয়ী, হে পুরাস্কৃত ! আপনার হস্তে আমার মৃত্যু শ্রেয়ঃ, আপাততঃ আমি কিছু বলিতে ইচ্ছা করি, আপনি শ্রবণ করুন। হে মৃত্যুঞ্জয় ! আপনিই বিবেচনা করিয়া দেখিবেন যে, আমি সত্য ভিন্ন মিথ্যা বলিতেছি না। আপনিই একমাত্র জগতের বন্দনীয় হইয়া সকলের উপরে অবস্থান করিতেছেন, আমি এক্ষণে আপনারও উপরে ছত্রস্বরূপে অবস্থান করিতেছি, সুতরাং আপনিও আমার নিকট পরাজিত হইলেন। আপনার ত্রিশূলাগ্রে অবস্থিত হইয়া আজ আমি ধন্য ও অমুগ্ধহীত হইলাম, কালক্রমে সকলকেই মরিতে হইবে, সুতরাং ঐদৃশ মৃত্যু, আমার শ্রেয়স্কর। ১৪-১৭। (স্কন্দ কহিলেন) হে ঘটোদ্ভব ! কৃপানিধি দেবদেব শম্ভু, গজাসুরের এই বাক্য শ্রবণ করিয়া হাস্য করত বলিতে লাগিলেন। ১৮।

ঈশ্বর কহিলেন, হে মহাপৌরুষনিধে গজাসুর ! হে স্মৃতে ! আমি তোমার প্রতি প্রসন্ন হইয়াছি, তুমি স্নায় অমুকুল বর প্রার্থনা কর, আমি প্রদান করিতেছি। মহেশ্বরের এই বাক্য শ্রবণ করিয়া সেই দৈত্যরাজ প্রত্যাশিত করিল। ১৯।

গজাসুর কহিল, হে দিগ্বাস ! যদি আপনি প্রসন্ন হইয়াছেন, তবে অমুগ্ধহীত পূর্বক রণাঙ্গনে পঞ্চস্বরূপ আমার এই কৃতি (চর্ম্ম) সর্বদা পরিধান করুন, ইহা আপনার ত্রিশূলাগ্রে অতি পবিত্র হইয়াছে এবং ইহা আপনার অমুরূপ ও অতি সুখস্পর্শ। আর এই কৃতি সতত ইন্দ্ৰগন্ধি, অতি কোমল, অতি নির্ম্মল ও অতিশয় বিভূষণ হউক। হে বিভো ! আমার এই চর্ম্ম উৎকট তপস্থানলেও দগ্ধ হয় নাই, এই জন্ত ইহা পুণ্যগন্ধের নিধিস্বরূপ, হে দিগম্বর ! ইহা যদি পুণ্যতম না হইবে, তবে ইহা রণাঙ্গনে কিরূপে আপনার অঙ্গ সংস্পর্শ লাভ করিল ? হে শঙ্কর ! যদি আপনি প্রসন্নই হইয়াছেন, তবে আমাকে আরও একটি বর প্রদান করুন এই যে, আজ হইতে আপনার নাম কৃতিবাস হউক। ২০-২৫। (স্কন্দ কহিলেন) ভগবান্ শঙ্কর দৈত্যের এই বাক্য শ্রবণে “তাহাই হইবে” বলিয়া পুনরায় ভক্তিনির্ম্মল-চিত্ত সেই দানবকে বলিতে লাগিলেন। ২৬।

ঈশ্বর কহিলেন, হে পুণ্যানিধে দৈত্য ! আমি তোমাকে একটি দুর্লভ বর প্রদান করিতেছি, তুমি এই মহাশঙ্ক্রে অবিমুক্তধামে যুদ্ধক্ষেত্রে প্রাণ পরিত্যাগ করিতেছ,



অতএব তোমার এই পবিত্র শরীর এই মুক্তিপ্রদ ক্ষেত্রে আমার লিঙ্গরূপে পরিণত হইয়া সকলকে মুক্তি প্রদান করুক, আর মহাপাতকনাশন এই লিঙ্গের নাম কৃতি-বাসেশ্বর হউক এবং এই শ্রেষ্ঠ লিঙ্গ, সমস্ত শিরঃস্থানীয় হউক । ২৭-২৯ । বারানগরীতে যাবতীয় শ্রেষ্ঠ লিঙ্গ আছে, এই লিঙ্গ মস্তকের স্থায় সেই সমস্ত লিঙ্গ অপেক্ষা উত্তম । মানবগণের হিতের জন্ম আমি পার্বতীর সহিত এই লিঙ্গে অবস্থিতি করিব । মানব এই লিঙ্গের দর্শন পূজন ও স্তুতি করিলে কৃতকৃত্যতা লাভ করিবে এবং আর সংসারে প্রবেশ করিবে না । ৩০-৩১ । অবিমুক্তস্থিত যাবতীয় রুদ্র, পাশুপত, সিদ্ধ ও ত্রিচিন্তক ঋষিগণ, যাহারা শাস্ত্র, দান্ত্র, দ্বিতক্রোধ, নিদ্বন্দ্ব, নিম্পরিগ্রহ এবং মুমুকু, মান ও অপমানে যাহাদের তুল্যবুদ্ধি এবং যাহারা প্রস্তর ও কাঞ্চনকে সমভাবে দর্শন করে, তাহাদিগের হিতের জন্ম আমি এই কৃতিবাসেশ্বর-লিঙ্গে অবস্থান করিব । দশদশকোটি তর্পনচয়, প্রত্যহ ত্রিকাল এই কৃতিবাসে আগমন করিবেন । কলি ও দ্বাপরযুগে উৎপন্ন মানবনিচয় অতিশয় পাপবুদ্ধি, সদাচারবিহীন, সত্য ও শৌচে পরাঙ্মুখ, গায়া, দন্ত, লোভ, মোহ অহঙ্কারযুক্ত হইবে । ব্রাহ্মণগণ অতিশয় লোভী হইয়া শূদ্রের অন্ন সেবন করিবে, তাহাদের মন হইতেও সন্ধ্যা, স্নান, জপ ও যজ্ঞ প্রভৃতি দূরীকৃত হইবে । সেই সমস্ত মানব কৃতিবাসেশ্বরের নিকট আগমন করিলে নিম্পাপ হইবে এবং স্বকৃতি ব্যক্তিগণ যেমন অনায়াসে মোক্ষ লাভ করে, তাহারাও তজ্জপ অনায়াসে মুক্তি-লাভ করিবে । ৩২-৩৮ । অতএব কাশীতে মানবগণ যত্ন-পূর্বক অবশ্য কৃতিবাসেশ্বরের সেবা করিবে । অল্প স্থানে সহস্রজন্মেও মুক্তি দুর্লভ কিন্তু কৃতিবাসেশ্বরের নিকট একজন্মেই মুক্তি লাভ করা যায় । তপস্যা ও দান প্রভৃতিতে ক্রমে ক্রমে পূর্বজন্মার্জিত পাপ বিনষ্ট হইয়া থাকে, কিন্তু কৃতিবাসেশ্বরকে দর্শন করিবা মাত্র সেই সমস্ত পাপ বিনষ্ট হইয়া যায় । যে সমস্ত মানব কৃতিবাসেশ্বরের পূজা করিবে, তাহারা আমার দেহে প্রবিষ্ট হইবে, স্মরণ্য তাহাদের আর পুনরুৎপত্তি নাই । ৩৯-৪১ । এই অবিমুক্তক্ষেত্রে বাস করা উচিত এবং শতরুদ্রী পাঠ করা উচিত ও বার বার কৃতিবাসেশ্বরকে দর্শন করা উচিত । উত্তমরূপে সপ্তকোটি মহারুদ্রী-জপ করিলে যে ফল হয়, কাশীতে কৃতিবাসেশ্বরের পূজা করিলে সেই ফল লাভ করা যায় । যে ব্যক্তি মাঘমাসের কৃষ্ণ চতুর্দশীতে উপবাস করিয়া রাত্রি-জাগরণ করত কৃতিবাসেশ্বরের পূজা করে, সে পরমা গতি-লাভ করিয়া থাকে । ৪২-৪৪ । যে ব্যক্তি চৈত্র মাসের পূর্ণিমা তিথিতে কৃতিবাসেশ্বরের মহোৎসব করিবে, সে আর গর্ভে প্রবেশ করিবে না । ৪৫ । ( স্কন্দ কহিলেন ) দেবদেব

মহেশ্বর, ইহা বলিয়া গজাসুরের সেই বিশাল চর্ম গ্রহণ করিয়া তাহা পরিধান করিলেন । হে কুম্ভজ ! যে দিন দেবদেব দিগম্বর কৃতি-বাস পরিগ্রহ করিলেন, সেই দিন তথায় মহান্ উৎসব হইয়াছিল । যে স্থানে শূলে আরোপিত হইয়া সেই দৈত্য ছত্রীকৃত হইয়াছিল ; শূল উৎপাটন করিলে তথায় একটা মহৎ কুণ্ড হইয়াছে, সেই কুণ্ডে স্নান করত পিতৃগণের তর্পণ করিয়া কৃতিবাসেশ্বরকে দর্শন করিলে মানব কৃতকৃত্য হয় । ৪৬—৪৯ ।

স্কন্দ কহিলেন, হে অগস্ত্য ! সেই কুণ্ডে যে ঘটনা হইয়াছিল তাহা শ্রবণ কর ; সেই তীর্থের প্রভাবে কাকনিচয়ও হংস হইয়াছিল । ৫০ । একদা চৈত্র-পূর্ণিমায় সেই কৃতিবাসে মহোৎসব হইয়াছিল, সেই সময় তথায় দেব-পূজকগণ বহু-তর উপহারের সহিত রাশীকৃত অন্ন আহরণ করিয়াছিল । হে বিপ্র ! সেই রাশীকৃত অন্ন দর্শন করিয়া নানাবিধ পক্ষিগণ তথায় উপস্থিত হইল এবং সেই অন্নের জন্ত পরস্পর যুদ্ধ করিতে লাগিল । সেই যুদ্ধে অতি পুষ্টাঙ্গ ও বণবান্ কাকসমূহের চঞ্চুর দ্বারা আহত হইয়া দুর্বল কাক-নিচয় কঠোর শব্দ করিতে করিতে আকাশ-মার্গ হইতে সেই কুণ্ডে নিপতিত হইল এবং তাহারা তথায় পতিত হইবামাত্র হংসরূপ ধারণ করিল । তাহাদের এতাদৃশ অবস্থা দর্শন করিয়া, যাত্রায় সমাগত মানবগণ আশ্চর্য্যান্বিত হইয়া অঙ্গুলিনির্দেশ করত বলিতে লাগিল যে, “অহো ! দেখ দেখ, আমাদের দেখিতে দেখিতেই যে সমস্ত কাক এই কুণ্ডমধ্যে নিপতিত হইল, এই তীর্থের প্রভাবে তাহারা সকলেই হংসরূপ ধারণ করিল” । ৫১—৫৬ । হে মুনে কলসোদ্ভব ! তদবধি কৃতিবাসের সমীপস্থ সেই কুণ্ড হংস-তীর্থ নামে লোকে বিখ্যাত হইল । মহামলিন কর্মসমূহে যাহাদের অন্তঃকরণ অতি কলুষিত, তাহারাও হংস-তীর্থে স্নান করিলে ক্ষণমধ্যে নিষ্কলতা লাভ করিয়া থাকে । সতত কাশীতে বাস, হংস-তীর্থে স্নান এবং কৃতিবাসেশ্বরকে দর্শন করিবে, তাহা হইলেই পরমপদ লাভ করিবে । ৫৭—৫৯ । হে মুনে ! কাশীতে স্থানে স্থানে বহুতরই শিবলিঙ্গ আছেন কিন্তু কৃতিবাসেশ্বর লিঙ্গ সমস্ত লিঙ্গেরই শিরঃস্থানীয় । কাশীতে ভক্তিসহকারে কৃতিবাসেশ্বরের পূজা করিলে সমস্ত লিঙ্গ-পূজার ফল-লাভ হয় । কৃতিবাসেশ্বর-লিঙ্গ-সমীপে জপ, দান, তপঃ, হোম, তর্পণ এবং দেবপূজা প্রভৃতি যাহা কিছু করা যায়, তৎসমুদয়ই অনন্ত হইয়া থাকে । ৬০—৬২ । হে কলসোদ্ভব ! এই তীর্থ অনাদিসিদ্ধ, মহেশ্বরের সান্নিধ্যে ইহা পুনঃ-প্রকাশিত হইয়াছে । এই সমস্ত সিদ্ধলিঙ্গ যুগে যুগে তিরোহিত হয়, পরে শম্বুর সান্নিধ্যে পুনরায় আবির্ভূত হইয়া থাকে । ৬৩—৬৪ । হে মুনে ! হংস-তীর্থের চতুর্দিকে মুনিগণ-কঙ্ক

প্রতিষ্ঠিত দিশতোত্তর অযুত শিবলিঙ্গ আছেন ; কাত্যায়নেশ্বর হইতে আরম্ভ করিয়া চাবনেশ্বর-পর্য্যন্ত প্রত্যেক লিঙ্গই কাশীবাসী মানবগণের সিদ্ধিপ্রদ। ৬৫-৬৬। কৃষ্ণিবাসেশ্বরের পশ্চিমে লোমশমুনি কর্তৃক প্রতিষ্ঠিত লোমশেশ্বর নামক মহালিঙ্গ আছেন, যে ব্যক্তি তাঁহাকে দর্শন করে তাহার আর যমভীতি কোথায় ? কৃষ্ণিবাসেশ্বরের উত্তরে মালতীশ্বর নামক মহালিঙ্গ আছেন, তাঁহার পূজা করিলে রাজা গজপতিত্ব লাভ করিয়া থাকে। কৃষ্ণিবাসেশ্বরের ঈশানদিকে অন্ত্যকেশ্বর নামক শিবলিঙ্গ আছেন, সেই লিঙ্গকে দর্শন করিলে অতিশয় পাপী জনও নিম্পাপ হইয়া থাকে। ৬৭-৬৯। তাঁহার পার্শ্বেই জনকেশ্বর নামক জ্ঞানপ্রদ মহালিঙ্গ আছেন, সেই লিঙ্গের পূজা করিলে ব্রহ্মজ্ঞান লাভ করা যায়। তাঁহার উত্তরে মহামূর্তি অসিতাঙ্গ নামক ভৈরব আছেন, তাঁহাকে দর্শন করিলে মানবগণকে যমদর্শন করিতে হয় না। ৭০-৭১। কৃষ্ণিবাসেশ্বরের উত্তরদিকে বিকটলোচনা শুষ্কোদরী নাম্নী দেবী আছেন, তিনি কাশীর বিঘ্ন-সমূহ ভক্ষণ করিয়া থাকেন। সেই দেবীর নৈঋতদিকে অগ্নিজিহ্ব নামক বেতাল আছেন, মঙ্গলবারে তাঁহার পূজা করিলে, তিনি বাঞ্ছিত-সিদ্ধি প্রদান করিয়া থাকেন। সেই স্থানে সর্ব প্রকার ব্যাধিনাশন বেতাল-কুণ্ড আছে, সেই কুণ্ডের জল স্পর্শ করিলে ব্রণ ও বিস্ফোটকজ্বালা নিবৃত্ত হয়। যে কোন ব্যক্তি বেতাল-কুণ্ডে স্নান করিয়া বেতালকে প্রণাম করে সে দুর্লভ বাঞ্ছিত-সিদ্ধি লাভ করিয়া থাকে। ৭২-৭৫। সেই স্থানেই চতুষ্পাদ ও পঞ্চশীর্ষক গণ আছেন, সেই গণকে দর্শন করিলেই পাপসমূহ সহস্রধা বিদীর্ণ হইয়া যায়। হে মূনে ! তাঁহারই উত্তরে অতি ভয়ঙ্কর রুদ্রমূর্তি আছেন, তিনি চতুঃশৃঙ্গ, ত্রিপাদ, দ্বিশীর্ষ এবং সপ্তহস্ত ; হে মূনে ! বুধাকার সেই রুদ্র তিন স্থানে বদ্ধ হইয়া রোদন করিতেছেন। যাহারা কাশীতে বিঘ্ন করে এবং যাহারা পাপবুদ্ধি, তাহাদিগকে ছেদন করিবার জন্ত তিনি কুঠার-ধারণ করিয়া আছেন। আর যাহারা কাশীবিঘ্নহরণ করে এবং যাহারা কাশীতে ধর্ম্মবুদ্ধিতে থাকে, তিনি সুধাপূর্ণ-ঘটহস্তে তাহাদের বংশ পরিষিক্ত করিয়া থাকেন ; সেই রুদ্রমূর্তিকে দর্শন ও ভক্তি সহকারে উৎকৃষ্ট উপচার সমূহের দ্বারা তাঁহার পূজা করিলে কখন বিঘ্নের দ্বারা আক্রান্ত হইতে হয় না। সেই রুদ্রের উত্তরদিকে মণি-প্রদোপ নামক নাগ আছেন এবং তাঁহার সম্মুখে বিষব্যাধির মণিকুণ্ড আছে, সেই কুণ্ডে স্নান করিয়া সেই নাগকে দর্শন করিলে মণিমাণিক্যপূর্ণ, গজাশ্বরথসজ্জল ও জ্যো-পুত্র-রত্নে সমৃদ্ধ রাজ্য-লাভ করা যায়। ৭৬-৮৩। কাশীতে যাহারা কৃষ্ণিবাসেশ্বরকে দর্শন করে না, নিঃসন্দেহ তাহারা কেবল পৃথিবীর ভারের জন্ত মর্ত্তলোকে আগমন করে। সে সমস্ত মানব কৃষ্ণিবাসে-

শ্রবের উৎপত্তি-বিবরণ শ্রবণ করিবে, তাহারও সেই লিঙ্গদর্শনজনিত শ্রোয়ঃ লাভ করিবে । ৮৪—৮৫ ।

## একোনসপ্ততিতম অধ্যায় ।

—:~:—

অষ্টমষ্টি আয়তন সমাগম কথন ।

ক্ষন্দ কহিলেন, হে তপোরাশে অগস্ত্য ! কালীতে যে সমস্ত শিবলিঙ্গের সেবা করিলে মানবগণ মুক্তিলাভ করে, সেই শিবলিঙ্গের নাম বলিতেছি, শ্রবণ কর । যে স্থানে মহেশ্বর স্নেচ্ছায় চর্ম্ম-প্রাবরণ গ্রহণ করিয়াছিলেন, সর্বপ্রকার সিদ্ধিপ্রদ সেই স্থান রুদ্রাবাস নামে বিখ্যাত হইয়াছে । মহেশ্বর স্নেচ্ছায় উমার সহিত তথায় অবস্থান করিলে, নন্দী আসিয়া প্রণতিপূর্বক তাঁহাকে নিবেদন করিলেন যে, “হে দেবদেবেশ ! হে বিশ্বেশ ! অতি মনোহর ও সর্বদরদ্রুময় অষ্টোত্তরষষ্টি প্রাসাদনিচয় এই স্থানে ছিল ; স্বর্গ, মর্ত্ত্য ও রসাতলে যাবতীয় মুক্তিপ্রদ শুভ আয়তন আছে, তৎসমুদয়ই আমি এখানে আনয়ন করিয়াছি । যে স্থান ইহাতে ষাণ্মা আনিয়া যে স্থানে রাখিয়াছি, হে নাথ ! আমি তাহা বলিতেছি, আপনি ক্ষণকাল অবধান করুন । ১-৬ । কুরুক্ষেত্র ইহাতে দেবদেবের স্থাণু নামক মহালিঙ্গ এখানে আনিভূত হইয়াছেন, তথায় কলামাত্র শেষ আছেন ; তাঁহারই সম্মুখে লোলার্কের পশ্চিমভাগে সন্নিহিত নামক মহাপুষ্করিণী আছেন, সেই স্থানেই কুরুক্ষেত্র-তীর্থ । ৭-৮ । সেই স্থানে শুভার্থী ব্যক্তিগণ স্নান, হোম, জপ, তপ এবং দান প্রভৃতি ষাণ্মা কিছু করে, তৎসমুদয়ই কুরুক্ষেত্র অপেক্ষা কোটিকোটিগুণ অধিক ফল প্রদান করিয়া থাকে । হে বিভো ! নৈমিষক্ষেত্র ইহাতে দেবদেব আগমন করিয়া ব্রহ্মাবর্ত্তকূপের সহিত কালীতে আনিভূত হইয়াছেন এবং তথায় অংশমাত্র স্থাপিত করিয়া আসিয়াছেন । ৯-১০ । তুণ্ডিরাজের উত্তরভাগে সাধক-গণের সিদ্ধিপ্রদ সেই দেবদেবাত্ম্য-লিঙ্গ অবস্থিত আছেন এবং তাঁহারই সম্মুখে মানবগণের পুনরাবুত্তিহর্ত্তা সেই ব্রহ্মাবর্ত্ত নামক কূপ রহিয়াছে । সেই কূপজলে স্নান করিয়া দেবদেবের পূজা করিলে নৈমিষারণ্য অপেক্ষা কোটিকোটিগুণ পুণ্য লাভ হইয়া থাকে । গোবর্গ ইহাতে মহাবল নামক লিঙ্গ এখানে সম্বাদিত্যের

নিকট স্বয়ংই আবিভূত হইয়াছেন ; যাঁহাকে দর্শন ও স্পর্শ করিলে মহাবল পাপও বাতাহত তুলারশিরি ঞ্চায় দূরে পলায়ন করিয়া থাকে । কপালমোচনের পুরোভাগে মহাবল নামক লিঙ্গ দর্শন করিলে, মানব মহাবল প্রাপ্ত হয় এবং নির্বাণ-নগরে গমন করে । তীর্থশ্রেষ্ঠ প্রভাস-তীর্থ হইতে শশিভূষণ নামক লিঙ্গ আসিয়া এখানে ঞ্চমোচন-তীর্থের পূর্বদিকে অবস্থান করিতেছেন, মানব সেই লিঙ্গের সেবা করিলে শশিভূষণতা লাভ করে এবং তথায় প্রভাসযাত্রা অপেক্ষা কোটিগুণ অধিক ফল প্রাপ্ত হয় । যাঁহার নাম স্মরণ করিলেই কলি ও কাল হইতে কোন ভয় থাকে না, উজ্জয়িনী হইতে পাপনাশন সেই মহাকাল স্বয়ং এখানে আগমন করিয়াছেন এবং ওঙ্কারেশ্বর-লিঙ্গের পূর্বদিকে অবস্থান করিতেছেন, তাঁহাকে দর্শন করিলে মুক্তিলাভ হয় । তীর্থশ্রেষ্ঠ পুষ্কর হইতে পুষ্করের সহিত অযোগেশ্বর-লিঙ্গ এখানে আবিভূত হইয়া মৎস্যোদরীর উত্তরদিকে অবস্থান করিতেছেন, তথায় তাঁহাকে দর্শন এবং অযোগেশ্বর-কুণ্ডে স্নান করিলে পিতৃগণকে সংসার হইতে তারণ করা যায় । অষ্টহাস হইতে মহানাদেশ্বর-লিঙ্গ এখানে আগমন করিয়া ত্রিলোচনের উত্তরদিকে অবস্থান করিতেছেন, তাঁহাকে দর্শন করিলে মুক্তিলাভ হয় । মরুৎকোট হইতে মহোৎকটেশ্বর-লিঙ্গ আসিয়া এখানে কামেশ্বরের উত্তর-ভাগে অবস্থান করিতেছেন, তাঁহাকে দর্শন করিলে বিমল সিদ্ধিলাভ হয় । ১১-২৩ । বিশ্বস্থান হইতে বিমলেশ্বর-লিঙ্গ আগমন করিয়া এস্থান স্বর্গীনের পশ্চিমদিকে অবস্থান করিতেছেন, তাঁহাকেও দর্শন করিলে বিমল সিদ্ধিলাভ হয় । মহেন্দ্র-পর্বত হইতে মহাত্তর নামক মহালিঙ্গ এখানে আগমন করিয়া ঞ্চেশ্বরের সন্নিহিতে অবস্থান করিতেছেন, তাঁহাকে দর্শন করিলে মহাত্তরের ফল লাভ হয় । সত্যযুগে দেবর্ষিগণের স্তুতিকালীন কঠিন মুক্তিকা-ভেদ করিয়া যে মহালিঙ্গ উৎপন্ন হইয়া ছিলেন দেবর্ষিগণের মনোরথ-পূরণ-নিবন্ধন সেই লিঙ্গকে তাঁহারা “মহাদেব” এই নাম প্রদান করিয়াছিলেন । যে লিঙ্গ বারাগসীতে মহাদেব নামে বিখ্যাত হইয়াছেন এবং যিনি এই কাশীকে মুক্তিক্ষেত্র করিয়াছেন । যে মানব এই অবিমুক্তক্ষেত্রে সেই মহাদেবকে দর্শন করিবে, সে, যে কোন স্থানে মৃত হইলেও শস্ত্রলোকে গমন করিবে ; মুমুক্ষ ব্যক্তিগণ যত্নপূর্বক অবিমুক্তক্ষেত্রে সেই লিঙ্গের সেবা করিবে । ২৪-২৯ । যে লিঙ্গস্বরূপ মহাদেব কল্পান্তরেও আনন্দকানন পরিত্যাগ করেন না, হিরণ্যগর্ভ-তীর্থের পশ্চিমদিকে ঐ তাঁহার সর্ববরত্নময় অমুপম শুভ প্রাসাদ পরিদৃষ্ট হইতেছে ; এই মহাদেবই ক্ষেত্ররক্ষক এবং সর্বপ্রকার অভিলাষপ্রদা বারাগসীর অধিষ্ঠাত্রী দেবতা ও সর্বলিঙ্গস্বরূপী । যাঁহারা বারাগসীতে

লিঙ্গরূপধারী মহাদেবকে দর্শন করে, তাহাদের সমস্ত লিঙ্গদর্শনের ফল লাভ হয়, তাহার সন্দেহ নাই। ৩০-৩৩। মানব কালীতে একবারমাত্র মহাদেবের পূজা করিলে, প্রলয়কাল পর্য্যন্ত শিবলোকে বাস করিয়া থাকে। ৩৪। শ্রাবণ মাসে পবিত্র পর্ব্বদিনে মহাদেব-লিঙ্গের উপরে যজ্ঞোপবীত অর্পণ করিলে আর গর্ভে প্রবেশ করিতে হয় না। গয়াতীর্থ হইতে ফল্গু প্রভৃতি সান্নিধ্যকোটি পরিমিত তীর্থের সহিত পিতামহেশ্বর এস্থানে আগমন করিয়াছেন। ধর্ম্মেশ্বর নামক শিবলিঙ্গকে সাক্ষী করিয়া ধর্ম্ম যে স্থানে শতঅযুতযুগ তপস্বী করিয়াছিলেন, সেই স্থানে অবস্থিত পিতামহেশ্বর-লিঙ্গকে মানব ভক্তি-সহকারে পূজা করিলে এক-বিংশতি পুরুষের সহিত মোক্ষলাভ করে, তাহার সন্দেহ নাই। ৩৫-৩৫। প্রয়াগ-তীর্থ হইতে শূলটঙ্ক নামক মহেশ্বর তীর্থরাজের সহিত এস্থানে আগমন করিয়াছেন, নির্ঝামগুপের দক্ষিণদিকে ঐ তাহার কাঞ্চনোজ্জ্বল ও অতি নির্ম্মল প্রাসাদ, মেরুর সহিত স্পর্শ করিতেছে। হে দেব! আপনি পূর্ব্ব যুগান্তরে বরপ্রদান করিয়াছেন যে, কালীতে প্রথমেই কলুষহারী মহেশ্বর পূজিত হইবেন। যে ব্যক্তি এই কালীতে প্রয়াগ-তার্থে স্নান করিয়া মহোপচারের দ্বারা মহেশ্বরের পূজা করিবে, সে ব্যক্তি প্রয়াগতীর্থে স্নান ও শূলটঙ্ক-মহেশ্বরকে দর্শন করিলে যে ফল লাভ হয়, তদপেক্ষা কোটি গুণ অধিক ফল লাভ করিবে, তাহার সন্দেহ নাই। ৩৬-৪৩। মহাক্ষেত্র শঙ্কুকর্ণ হইতে মহাতেজোবুদ্ধিপ্রদ মহাতেজ নামক লিঙ্গ এস্থানে আবির্ভূত হইয়াছেন, ঐ তাহার মাণিক্য-নির্ম্মিতের দ্বারা মহাতেজোনিধি ও অতীব নির্ম্মল প্রাসাদের দীপ্তিনিচয়ে গগনমার্গ পরিব্যাপ্ত রহিয়াছে। ৪৪-৪৫। সেই লিঙ্গের দর্শন, স্পর্শন, স্তুতি ও পূজা করিলে, যে স্থানে গমন করিলে কোনরূপ শোক থাকে না; সেই স্থান প্রাপ্ত হওয়া যায়। বিনায়কেশ্বরের পূর্ব্বদিকে মহাতেজের পূজা করিলে, তেজোময় যানে আরোহণ করিয়া শিবলোকে গমন করা যায়। পরম পবিত্র রুদ্রকোটি নামক তীর্থ হইতে স্বয়ং মহাযোগীশ্বর-লিঙ্গ এস্থানে আবির্ভূত হইয়াছেন, এবং সর্ব্বসিদ্ধিকারী সেই লিঙ্গ পার্ব্বতীশ্বরের সন্নিগটে অবস্থান করিতেছেন। মানবগণ সেই লিঙ্গ দর্শন করিলে কোটিলিঙ্গ দর্শনের ফল প্রাপ্ত হয়। ৪৬-৪৯। তাহার প্রাসাদের চতুর্দিকে রুদ্রগণের কোটি সংখ্যক রমণীয় প্রাসাদনিচয় বিরাজিত রহিয়াছে, ঐ সকল প্রাসাদ রুদ্রগণ কর্তৃক নির্ম্মিত হইয়াছে। কালীতে সেই স্থানকে বেদবাদীগণ রুদ্রশ্রলী বলিয়া থাকেন; সেই রুদ্রশ্রলীতে যে সমস্ত কুমি, কীট ও পতঙ্গ, পশু, পক্ষি, মৃগ এবং শ্লেচ্ছ বা অদীক্ষিত মানব যত হয়, তাহারা রুদ্রমূর্ত্তি ধারণ করে এবং সংসারে আর

পুনরাগমন করে না । ৫০-৫২ । সহস্র জন্মে যে পাপ অর্জিত হয়, রুদ্রস্থলীতে প্রবেশ করিবারাত্র সেই সমস্ত পাপ ক্ষয় হইয়া যায় । নিকাম বা সকাম বা তিৰ্য্যগ্‌ঘোনিগত যে কোন জীব রুদ্রস্থলীতে প্রাণত্যাগ করিলেই মুক্তিলাভ করে । ৫৩-৫৪ । ভুবনেশ্বর-ক্ষেত্র হইতে স্বয়ং কৃষ্ণিবাস এ স্থানে আগমন করিয়া কৃষ্ণিবাস-লিঙ্গমধ্যে অবস্থান করিতেছেন এবং অম্বা ও ঋষিগণের সহিত মিলিত হইয়া, এই ক্ষেত্রে স্বীয় ভক্তগণকে স্বয়ং ঋতিতে পরিপাঠিত ব্রহ্মজ্ঞান উপদেশ করিতেছেন । মরুজঙ্গল হইতে চণ্ডীশ্বর আসিয়া এই সিদ্ধিপ্রদ ক্ষেত্রে অবস্থান করিতেছেন, তাঁহাকে দর্শন করিলে জীবের প্রচণ্ড পাপনিচয়ও শতধা খণ্ডিত হইয়া যায় । ৫৫-৫৭ । যে ব্যক্তি পাশপাণি গণপতির সন্নিহিতে চণ্ডীশ্বর মহালিঙ্গকে দর্শন করে, সে উৎকৃষ্ট গতি প্রাপ্ত হয় । ৫৮ । কালঞ্জর-তীর্থ হইতে স্বয়ং ভগবান্ নীলকণ্ঠ এখানে আগমন করিয়াছেন এবং সেই ভবনাশন মহালিঙ্গ দণ্ডকুট নামক গণপতির সমীপে অবস্থান করিতেছেন ; কাশীতে যাহারা নীলকণ্ঠেশ্বরের পূজা করে, তাহারাই নীলকণ্ঠ হয় এবং শগী তাহাদেরই ভূষণ হইয়া থাকেন । ৫৯-৬০ । কাশ্মীর হইতে বিজয়-নামক লিঙ্গ এখানে আগমন করিয়া শালকটঙ্কটের পূর্বদিকে অবস্থান করিতেছেন, মানবগণ বিজয়েশ্বরের পূজা করিলে, রণে, রাজকূলে, দ্বাতে ও বিবাদে সর্বদাই বিজয়ী হইয়া থাকে । ত্রিদণ্ডাপুরী হইতে স্বয়ং ভগবান্ উর্দ্ধরেতা এখানে আগমন করিয়া কুস্মাণ্ডক নামক গণপতিকে সম্মুখে রাখিয়া অবস্থান করিতেছেন, তাঁহাকে দর্শন করিলে, উর্দ্ধগতি লাভ হয়, যাহারা উর্দ্ধরেতার ভক্ত, তাহাদের কখন অধোগতি হয় না । ৬১-৬২ । মণ্ডলেশ্বর নামক ক্ষেত্র হইতে শ্রীকণ্ঠ নামক লিঙ্গ এখানে আগমন করিয়া মণ্ড নামক বিনায়কের উত্তরদিকে অবস্থান করিতেছেন ; যাহারা শ্রীকণ্ঠের ভক্ত, তাহারাই শ্রীকণ্ঠ, তাহার সন্দেহ নাই এবং তাহারাই ইহ বা পরকালে কখনই শ্রীহীন হয় না । ৬৩-৬৬ । ছাগলাণ্ড নামক মহাতীর্থ হইতে ভগবান্ কপদীশ্বর পিশাচমোচনতীর্থে স্বয়ংই আবির্ভূত হইয়াছেন, মানব কপদীশ্বরের পূজা করিলে নরকে গমন করে না এবং এই কাশীক্ষেত্রে উৎকট পাপ করিলেও পিশাচঘোনি প্রাপ্ত হয় না । ৬৭-৬৮ । আত্মাতকেশ্বর ক্ষেত্র হইতে সূক্ষ্মেশ্বর নামক লিঙ্গ স্বয়ং এই শ্রেয়সাধন ক্ষেত্রে আগমন করিয়া বিকটদন্ত গণপতির সমীপদেশে অবস্থান করিতেছেন, তাঁহাকে দর্শন করিলে সূক্ষ্মা গতি-লাভ হয় । মধুকেশ্বর হইতে জয়ন্ত নামক মহালিঙ্গ এখানে আগমন করিয়া লম্বোদর গণপতির সম্মুখে অবস্থান করিতেছেন, গজাজলে স্নান করিয়া জয়-ন্তেশ্বরকে দর্শন করিলে, বাঞ্ছিত-সিদ্ধি হয় এবং সর্বত্র বিজয়ী হওয়া যায় । শ্রীশৈল

হইতে দেবদেব ত্রিপুরাস্তক এস্থানে আগমন করিয়াছেন, শ্রীশৈলেশ্বর-শিখর দর্শন করিলে যে ফল-লাভ হয়, ত্রিপুরাস্তককে দর্শন করিলেও অনায়াসে সেই ফল প্রাপ্ত হওয়া যায়। বিশেষ্বরের পশ্চিমভাগে অবস্থিত ভগবান্ ত্রিপুরাস্তককে দর্শন করিলে মানব আর গর্ভে প্রবেশ করে না। সৌম্যস্থান হইতে ভগবান্ কুক্কুটেশ্বর এস্থানে আগমন করিয়া বক্রতুণ্ড নামক গণপতির সন্নিহিতে অবস্থান করিতেছেন, তাঁহাকে দর্শন ও পূজা করিলে সমস্ত সিদ্ধিই হস্তগত হয়। ৭৩-৭৬। জালেশ্বর হইতে ভগবান্ ত্রিশূলী এস্থানে আগমন করিয়া কুণ্ডদন্ত নামক গণপতির সম্মুখে অবস্থান করিতেছেন, তাঁহাকে দর্শন করিলে সর্বপ্রকার সিদ্ধিলাভ হয়। রামেশ্বর হইতে ভগবান্ জটীদেব এস্থানে আগমন করিয়া একদন্ত গণপতির উত্তরদিকে অবস্থান করিতেছেন, তাঁহার পূজা করিলে সমস্ত কামনা পূর্ণ হয়। ত্রিসঙ্কক্ষেত্র হইতে দেবদেব ত্র্যম্বক এস্থানে আগমন করিয়া ত্রিমুখের পূর্বদিকে অবস্থান করিতেছেন, তাঁহাকে পূজা করিলে ত্র্যম্বকত্ব লাভ হয়। ৭৭-৭৯। হরিশ্চন্দ্রক্ষেত্র হইতে ভগবান্ হরেশ্বর এস্থানে আগমন করিয়া হরিশ্চন্দ্রেশ্বরের পুরোভাগে অবস্থান করিতেছেন, তাঁহার পূজা করিলে সর্বদা বিজয়ী হওয়া যায়। মধ্যমেশ্বরস্থান হইতে ভগবান্ শর্বা এস্থানে আগমন করিয়া চতুর্বেদেশ্বর-লিঙ্গকে সম্মুখে রাখিয়া অবস্থান করিতেছেন; কাশীতে পরমসিদ্ধিপ্রদ শর্বেশ্বরের পূজা করিলে মানব আর কখন জন্মগ্রহণ করে না। ৮০-৮২। স্থলেশ্বর হইতে যজ্ঞেশ্বর-নামক মহালিঙ্গ এস্থানে আসিয়া আবির্ভূত হইয়াছেন, মানব শ্রদ্ধা-সহকারে সর্বলিঙ্গ ফলপ্রদ সেই মহালিঙ্গের পূজা করিলে ইহ ও পরকালে বিপুল ঐশ্বর্য্য-লাভ করিয়া থাকে। ৮৩-৮৪। ঐহাকে দর্শন করিলে মানবগণ জ্ঞানচক্ষু লাভ করে, স্বর্ণক্ষেত্র হইতে সেই সহস্রাক্ষ-লিঙ্গ এস্থানে আগমন করিয়াছেন, শৈলেশ্বরের দক্ষিণদিকে অবস্থিত সেই সহস্রাক্ষেশ্বরকে দর্শন করিলে শতসহস্রজন্মার্জ্জিত পাপ দূরে যায়। হর্ষিতক্ষেত্র হইতে তমোহারী হর্ষিত-লিঙ্গ এস্থানে আগমন করিয়াছেন, মানবগণ তাঁহাকে দর্শন বা স্পর্শ করিলে হর্ষলাভ করিয়া থাকে। মল্লেশ্বরের সন্নিহিতে সেই হর্ষিতেশ্বরের প্রাসাদ রহিয়াছে, তাহা দর্শন করিলে পুরুষগণ হর্ষপ্ৰস্ফুরায় নিমগ্ন থাকে। ৮৫-৮৮। ঐহাকে দর্শন করিলে মানবগণ রুদ্রলোকে গমন করে; রুদ্রমহালয়-ক্ষেত্র হইতে সেই ভগবান্ রুদ্র এস্থানে আগমন করিয়াছেন। যাহারা কাশীতে রুদ্রেশ্বরের পূজা করে, সেই সমস্ত মানব রুদ্ররূপী, তাহার সন্দেহ নাই। ত্রিপুরেশ্বরের সন্নিহিতে রুদ্রেশ্বরকে দর্শন করিলে জীবিত বা মৃত উভয় অবস্থাতেই জীব রুদ্ররূপে অবস্থান করিয়া থাকে। ৮৮-৯১। বৃষভধ্বজ-ক্ষেত্র হইতে ভগবান্ বৃষেশ্বর এস্থানে আগমন



করিয়া বাণেশ্বর-লিঙ্গের সমীপে অবস্থান করিতেছেন ; তিনি ভক্তগণের বৃষপ্রদ ।  
 কেশদারক্ষেত্র হইতে ঈশানেশ্বর নামক লিঙ্গ এ স্থানে আগমন করিয়া প্রহ্লাদকেশবের  
 পশ্চিমদিকে অবস্থান করিতেছেন ; উত্তরবাহিনীর জলে স্নান করিয়া ঈশানেশ্বরের  
 পূজা করিলে, ঈশানতুল্য কাশ্মিশালী হইয়া মানব ঈশান-নগরে বাস করিয়া থাকে ।  
 ৯২-৯৪ । ঈশান-ক্ষেত্র হইতে মনোহর ভৈরবমূর্তি এ স্থানে আগমন করিয়া খর্ব-  
 বিনায়কের পূর্বদিকে অবস্থান করিতেছেন, মানবগণ যত্নপূর্বক সেই সংহার-  
 ভৈরবকে দর্শন করিবে ; তাঁহার পূজা করিলে সর্বপ্রকার সিদ্ধি-লাভ হয় এবং  
 তিনি ভক্তগণের পাপনিচয়কে হরণ করেন । কনখল-তীর্থ হইতে সিদ্ধিপ্রদ ভগবান্  
 উগ্র এ স্থানে আগমন করিয়াছেন, তাঁহাকে দর্শন করিলে মানবগণের উগ্রপাপ  
 বিনষ্ট হয় । অর্কবিনায়কের পূর্বদিকে অবস্থিত উগ্র-নাগক মহালিঙ্গের সতত  
 মেবা করা উচিত, তাঁহার পূজা করিলে অতি উগ্র উপসর্গসমূহও বিনষ্ট হইয়া  
 যায় । ৯৫-৯৮ । বস্ত্রাপথ নামক মহাক্ষেত্র হইতে ভগবান্ ভব এ স্থানে আগমন  
 করিয়া ভীমচণ্ডীর সন্নিহিতে অবস্থান করিতেছেন, তথায় ভবেশ্বরের পূজা করিলে  
 মানব আর ভবে আবিভূত হয় না এবং সকলের উপর আত্মাকর্তা নৃপতি-সমূহেরও  
 প্রভু হয় । ৯৯-১০০ । দেবদাক্ষবন হইতে ভগবান্ দণ্ডী বারণসীতে আগমন  
 করিয়া পাতকাবলীকে দণ্ডিত করত দেহলীবিনায়কের পূর্বদিকে লিঙ্গরূপে অবস্থান  
 করিতেছেন, মানবগণ তথায় সেই দণ্ডীশ্বরের পূজা করিবে । তাঁহার পূজা করিলে  
 মানবগণকে আর সংসার-দর্শন করিতে হয় না । ১০১-১০২ । ভদ্রকর্ণ-হ্রদ হইতে  
 ভদ্রকর্ণ-হ্রদের সহিত সাক্ষাৎ শিব এ স্থানে আগমন করিয়া, উদ্ভগুগণপতির  
 পূর্বদিকে অবস্থান করিতেছেন, এবং সেই স্থানেই সেই শ্রেষ্ঠ-তীর্থও আছে, সেই  
 ভদ্রকর্ণ-হ্রদে স্নান করিয়া সেই ভদ্রকর্ণেশ্বর-শিবলিঙ্গ দর্শন করিলে জীব  
 সর্বত্র মঙ্গল লাভ করে এবং কর্ণ ও চক্ষুর দ্বারা ভূতগণের মঙ্গল-শ্রবণ ও দর্শন  
 করিয়া থাকে । ১০৩-১০৫ । হরিশ্চন্দ্র নামক পুর হইতে ভগবান্ শঙ্কর আগমন  
 করিয়া আপনার সম্মুখেই অবস্থান করিতেছেন, তাঁহার পূজা করিলে মানবগণকে  
 আর জননীজঠরে জন্মগ্রহণ করিতে হয় না । যমলিঙ্গ নামক মহাতীর্থ হইতে  
 ভগবান্ কলশেশ্বর আগমন করিয়া চন্দ্রেশ্বরের পশ্চিমদিকে অবস্থান করিতেছেন ।  
 অগস্ত্যেশ্বরের দক্ষিণে যমতীর্থে স্নান করিয়া যে ব্যক্তি সেই মহালিঙ্গকে দর্শন  
 করে, তাহার কলি ও কাল হইতে আর ভয় কোথায় ? ১০৬-১০৮ । চতুর্দশী-  
 যুক্ত মঙ্গলবারে যে ব্যক্তি তথায় যাত্রা করিবে, সে ব্যক্তি অতি পাপী হইলেও  
 তাহাকে যমলোকে গমন করিতে হইবেক না । নেপাল হইতে ভগবান্ পশুপতি

আগমন করিয়া, আপনি যে স্থানে বিমুক্তির জন্ম ব্রহ্মাদি দেবগণকে পাশুপত-যোগ উপদেশ করিয়াছিলেন, তথায় অবস্থিতি করিতেছেন, তাঁহাকে দর্শন করিবামাত্র পশুপাশ হইতে বিমুক্ত হওয়া যায় । করবীরক-তীর্থ হইতে কপালীশ্বর এ স্থানে আগমন করিয়া কপালমোচন-তীর্থে অবস্থান করিতেছেন, মানবগণ যত পূর্বক তাঁহাকে দর্শন করিলে ব্রহ্মহত্যাজনিত পাপ বিলীন হইয়া যায় । দেবিকাপুরী হইতে ভগবান্ উমাপতি এখানে আগমন করিয়া পশুপতীশ্বরের পূর্বদিকে অবস্থান করিতেছেন, তাঁহাকে দর্শন করিলে বহুকালার্জিত পাপ বিনষ্ট হইয়া যায় । মহেশ্বর-ক্ষেত্র হইতে দীপ্তেশ্বর নামক লিঙ্গ এখানে আগমন করিয়া উমাপতির সন্নিহিতে অবস্থান করিতেছেন, তাঁহাকে দর্শন করিলে ইহ ও পরকালে দীপ্তি-লাভ হয়, এবং কাশীর মধ্যস্থিত সেই লিঙ্গ ভক্তগণকে ভক্তি ও মুক্তি-প্রদান করিয়া থাকেন । ১০৯-১১৫ । কায়ারোহণ-ক্ষেত্র হইতে আচার্য্য নকুলীশ্বর পাশুপত-ব্রতাবলম্বী স্বীয় শিষ্যগণের সহিত আগমন করিয়া মহাদেব নামক লিঙ্গের দক্ষিণ দিকে অবস্থান করিতেছেন, তাঁহাকে দর্শন করিলে, তিনি ভক্তগণের সংসারহেতু অজ্ঞান-নাশ করিয়া তাহাদিগকে জ্ঞান-প্রদান করিয়া থাকেন । ১১৬-১১৭ । গঙ্গাসাগর হইতে অমরেশ্বর নামক লিঙ্গ এখানে আগমন করিয়াছেন, তাহাকে দর্শন করিলে দুর্লভ অমরত্ব লাভ করা যায় । সপ্তগোদাবরী-তীর্থ হইতে ভগবান্ ভীমেশ্বর আগমন করিয়া ভক্তগণকে ভোগ ও মোক্ষ প্রদান করিবার জন্ম এখানে অবস্থান করিতেছেন । নকুলীশ্বরের পূর্বদিকে সেই ভীমেশ্বরকে দর্শন করিলে মানবগণের অতি ভয়ঙ্কর পাপনিচয়ও ক্ষণমধ্যে বিনষ্ট হয় । ১১৮-১২০ । ভূতেশ্বর-ক্ষেত্র হইতে ভগবান্ ভৃশ্মগাত্র এখানে আগমন করিয়া ভীমেশ্বরের দক্ষিণদিকে অবস্থান করিতেছেন, শতবৎসর ব্যাপিয়া সম্যক্ প্রকারে পাশুপত-যোগ অভ্যাস করিলে যে ফল-লাভ হয়, মানব যতপূর্বক ভৃশ্মগাত্রের পূজা করিলে সেই ফল লাভ কমে । নকুলীশ্বর হইতে ভগবান্ স্বয়ম্ভু আগমন করিয়া কাশীতে স্বয়ংই লিঙ্গরূপে আবির্ভূত হইয়াছেন, মানব সিদ্ধি-হুদে স্নান করিয়া মহালক্ষ্মীশ্বরের পুরোভাগে অবস্থিত সেই স্বয়ম্ভু লিঙ্গের পূজা করিলে আর সংসারে জন্ম-গ্রহণ করে না । ১২১-১২৪ । রত্নকন্দর মন্দরপর্বত হইতে ঋষি ও দেবগণের সহিত আপনি কাশীতে আগমন করিয়াছেন শ্রবণ করিয়া বিদ্যাপর্বত হইতে ভগবান্ ধরণিবারাহ এই ক্ষেত্রে আগমন করিয়াছেন, প্রয়াগ-তীর্থের নিকটে ঐ তাহার বিদ্রুম-শ্রুত প্রাসাদ পরিদৃষ্ট হইতেছে । মানবগণ যত্ন-সহকারে ধরণিবারাহকে দর্শন করিবে, তিনি বিপদ-সমুদ্রে মগ্ন শরণাগত ব্যক্তিকে উদ্ধার করিয়া থাকেন । ১২৫-১২৭ ।

কর্ণিকার-ক্ষেত্র হইতে কর্ণিকারপুষ্পরুচি, উপসর্গসহস্রহারী ও গদাহস্ত শ্রীমান্ গণপতি এখানে আগমন করিয়া, ধরণিবাহারের পশ্চিমদিকে অবস্থান করিতেছেন, তাঁহার পূজা করিলে গাণপত্য পদ লাভ হয়। হেমকূট পর্বত হইতে ভগবান্ বিরূপাক্ষ এখানে আগমন করিয়া মহেশ্বরের দক্ষিণদিকে অবস্থান করিতেছেন, তাঁহাকে দর্শন করিলে সংসার-সাগর হইতে উত্তীর্ণ হওয়া যায়। ১২৮-১৩০।

গঙ্গাবার হইতে হিমসমপ্রভ হিমাঙ্গীশ্বর নামক লিঙ্গ এখানে আগমন করিয়া ব্রহ্ম-নালের পশ্চিমভাগে অবস্থিতি করিতেছেন, তাঁহাকে দর্শন করিলে সর্বপ্রকার সিদ্ধি লাভ হয়। কৈলাস-পর্বত হইতে গণাধিপ ও সপ্তকোটীপরিমিত অশ্বাশ্ব মহাবল গণনিচয় এখানে আগমন করিয়াছেন, এবং হে প্রভো! তাঁহারা এখানে আসিয়া সর্গসমান সাতটি দুর্গ-নির্মাণ করিয়াছেন, সেই সমস্ত দুর্গে, কপাটসমূহে আবদ্ধ বহুতর দ্বার ও অস্ত্রনিষ্কেপের যন্ত্রনিচয়ও নির্মিত হইয়াছে এবং ঐ সমস্ত স্তূবর্ণ, রৌপ্য, তাম্র, কাংস্থ, পিত্তল ও দীপকের দ্বারা রচিত হইয়াছে, দুর্গনিচয়ের প্রভা অয়স্কাস্ত্রমণির সমান, এবং ঐ সমস্ত দুর্গ অতিদৃঢ় ও অতি উচ্চ হইয়াছে, তৎপরে কাশীর চতুর্দিকে তাঁহারা এক শৈল-দুর্গ নির্মাণ করিয়াছেন। এবং একটি গভীর পরিখাও নির্মাণ করিয়া, তাহা মৎশ্চোদরীর জলে পূর্ণ করিয়াছেন। মৎশ্চোদরীও বহিঃ অস্ত্রচারিত্বরূপে দ্বিধা বিভক্ত হইয়াছেন। গঙ্গাজলের সহিত মিলিত সেই মৎশ্চোদরী তীর্থে অতি শ্রেষ্ঠ বলিয়া খ্যাত আছেন। অস্ত্রবাহি হইয়া যখন গঙ্গাজল এই তীর্থে আসিয়া মিলিত হয়, তখন এই মৎশ্চোদরী-তীর্থে অতিশয় পুণ্যবলেই লাভ করা যায়। সেই সময়ে তথায় শতকোটি সূর্য্য ও চন্দ্রগ্রহণের সময় উপস্থিত হয়, গঙ্গা ও মৎশ্চোদরীর স্থিতি-নিবন্ধন সমস্ত লিঙ্গ এবং সমস্ত পর্ব ও সমস্ত তীর্থে তথায় উপস্থিত থাকেন। ১৩১-১৩৯।

যে কোন সময়ে যে কোন ব্যক্তিগণ তথায় স্নান করিয়া পিণ্ড প্রদান করে, তাহাদের আর জননী-জঠরে শয়ন করিতে হয় না। যখন গঙ্গার বারি চতুর্দিকে প্রসারিত হয়, তখন এই অবিমুক্তক্ষেত্র মৎশ্চোদরী দ্বারা ধারণ করিয়া থাকে। যাহারা মৎশ্চোদরী-তীর্থে স্নান করে সেই সমস্ত মানব শ্রেষ্ঠগণ বহুতর পাপ করিয়াও যমপুরী দর্শন করে না। বহুতীর্থে স্নান বা বহুতর তপস্বী করিয়া কি হইবে? যদি মৎশ্চোদরীতে স্নান করে তবে আর যমভীতি কোথায়? যে যে স্থানে মনুষ্য, দেব বা ঋষি কর্তৃক প্রতিষ্ঠিত লিঙ্গ আছেন, সেই সেই স্থানে মৎশ্চোদরীতে স্নান করিলে মুক্তি-লাভ করা যায়। স্বর্গ, মর্ত্ত ও রসাতলে বহুতর তীর্থে আছেন, কিন্তু তৎসমুদয়ই মৎশ্চোদরী তীর্থের কোটি অংশেরও তুল্য নহে। হে বিভো! কৈলাসবাসী সেই গণপতি এখানে আসিয়া এই মহৎ তীর্থে নির্মাণ

করিয়াছেন । ১৪০-১৪৬ । গন্ধমাদন-পর্বত হইতে ভূভুবঃসংজ্ঞক লিঙ্গ এখানে আগমন করিয়া পূর্বোক্ত গণপতির পূর্বদিকে অবস্থান করিতেছেন, তাঁহাকে দর্শন করিলে পুণ্যবান মানবগণ ভুলোক প্রভৃতির উক্ত লোকে দিব্যভোগভাগী হইয়া বহুকাল বাস করিয়া থাকে । হে বিভো ! ভোগবতীর সহিত ভগবান্ হটিকেশ্বর সপ্তপাতালতল ভেদ করিয়া এখানে আবিভূত হইয়াছেন এবং শেষ ও বাসুকি প্রভৃতি নাগগণ মণি, মাণিক্য রত্ননিচয়ের দ্বারা যত্নপূর্বক তাঁহার বৃহৎ প্রাসাদ নির্মাণ করাইয়া দিয়াছেন, সেই লিঙ্গ সুবর্ণময় এবং রত্নসমূহের দ্বারা অলঙ্কৃত, মানবগণ যত্ন-সহকারে জ্ঞানেশ্বরের পূর্বদিকে অবস্থিত সেই লিঙ্গের পূজা করিবে । ১৪৭-১৫১ । মানব ভক্তি-সহকারে সেই লিঙ্গের পূজা করিলে বহুবিধ ঐশ্বর্যভাগী হইয়া বহুতর বিষয় ভোগ করত অন্তকালে নির্বাণ-লাভ করিয়া থাকে । তারালোক হইতে জ্যোতির্ময়-লিঙ্গ এখানে আগমন করিয়া জ্ঞানবাণীর পুরোভাগে তারকেশ্বর নামে অবস্থিত আছেন, তাঁহার পূজা করিলে, তারক-জ্ঞান লাভ হয় । মানব জ্ঞানবাণীতে স্নান ও সন্ধ্যাদি করিয়া পিতৃগণকে তর্পিত করত মৌনব্রতধারী হইয়া যেমন সেই লিঙ্গকে দর্শন কবে, তৎক্ষণাৎ সমস্ত পাপ হইতে মুক্ত হয় এবং অস্তে নিত্য-তারক-জ্ঞান লাভ করে এবং তাহার দ্বারা সে অনায়াসে মুক্তি লাভ করে । ১৫২-১৫৬ । যে স্থানে পূর্বে আপনি কিরাতরূপ ধারণ করিয়াছিলেন, সেই কিরাত-ক্ষেত্র হইতে ভগবান্ কিরাতেশ্বর এখানে আগমন করিয়া, ভারভূতেশ্বরের পশ্চাদ্ভাগে অবস্থান করিতেছেন, তাঁহাকে নমস্কার করিলে মানব আর কখনই জননীর জঠরে শয়ন করে না । ১৫৭-১৫৮ । ঘাঁহার পূজা করিলে মানবগণের রাক্ষস-হইতে কোনরূপ ভয় থাকে না, সেই ভগবান্ মরুতেশ্বর লঙ্কাপুরী হইতে এখানে আগমন করিয়া নৈঋতদিকে পৌলস্ত্য-রাঘবের পশ্চাদ্ভাগে নৈঋতেশ্বর নামে অবস্থিতি করিতেছেন, তাঁহার পূজা করিলে সমস্ত দুষ্কর্ম নষ্ট হয় । জললিঙ্গস্থল হইতে পবিত্র জলপ্রিয় লিঙ্গ এখানে আগমন করিয়া গঙ্গাজলমধ্যে অবস্থান করিতেছেন, গঙ্গার মধ্যে তাঁহার সর্বধাতুময় ও সর্ববরত্নময় মনোহর গৃহ রহিয়াছে । ১৫৯-১৭২ । কোন কোন পুণ্যশীল ব্যক্তি অত্মপিও তাঁহার সেই প্রাসাদ দর্শন করিয়া থাকেন । কোটিশ্বর-তীর্থ হইতেও শ্রেষ্ঠ লিঙ্গ এখানে আগমন করিয়াছেন, জ্যেষ্ঠেশ্বরের পশ্চাদ্ভাগে অবস্থিত সর্ব সিদ্ধিপ্রদ সেই লিঙ্গ দর্শন করিলে কোটিলিঙ্গ-দর্শনের ফল লাভ হয় । বিরজ-তীর্থ হইতে দেবদেব ত্রিলোচন এখানে আগমন করিয়া অনাদিসিদ্ধ ত্রিবিষ্টপলিঙ্গে অবস্থান করিতেছেন । অমরকণ্টক হইতে প্রণবেশ্বর এখানে আগমন করিয়া জীবগণের তারক-জ্ঞানপ্রদ এবং পবিত্র পিলিপিলাতীর্থে আবিভূত হইয়াছেন ।

যখন গঙ্গাও এখানে আগমন করেন নাই, কেবল ত্রৈলোক্য উদ্ধারের জন্ম কাশী আবির্ভূত হইয়াছিলেন, তখন অবধি এই লিঙ্গের আবির্ভাব-নিবন্ধন এই ক্ষেত্র তারকক্ষেত্র বলিয়া বিখ্যাত হইয়াছে । ১৬৩-১৬৮ । সেই পিলিপলা-তীর্থে প্রণবাকৃতি একটা মহৎ লিঙ্গ স্বয়ংই আবির্ভূত হইয়াছেন, হে বিভো ! আপনি ভিন্ন আর কোন ব্যক্তিই সেই লিঙ্গের মহিমা অবগত নহে । হে ঈশ ! আমি এই সমস্ত আয়তন এখানে আনয়ন করিয়াছি এবং ইহাদিগের নিজ নিজ স্থানে এক এক অংশমাত্র রাখিয়া আসিয়াছি । সর্বদিক্ হইতে এই সমস্ত পুণ্য আয়তন সর্বভাবেই এখানে আগমন করিয়াছেন এবং অতি রমণীয়, অতিশয় উচ্চ, বহুধাতুময়, বিচিত্র ও সর্ববরত্নসমুজ্জ্বল প্রাসাদ নিচয়ও এখানে আনীত হইয়াছে, বাহাদের উপরিস্থিত কলশমাত্র দর্শন করিয়া ও মুক্তি লাভ করা যায় । ১৬৯—১৭২ । হে সুরশ্রেষ্ঠ ! এই লিঙ্গ-সমূহের নাম শ্রবণ করিলেও সহস্রজন্মোখিত পাপরাশি বিনষ্ট হইয়া যায় । হে দেব ! এক্ষণে আমার আর কি করিতে হইবে, তাহা আজ্ঞা করুন এবং তাহা সিদ্ধ হইয়াছে বলিয়াই নিশ্চয় করুন” । ১৭৩—১৭৪ ।

স্কন্দ কহিলেন, হে কুন্তজ ! দেবদেব মহেশ্বর নন্দীর এই সমস্ত বাক্য শ্রবণ করিয়া শ্রদ্ধা-পূর্বক তাঁহার সৎকার করিয়া তাঁহাকে বলিতে লাগিলেন । ১৭৫ ।

ঐদেবদেব কহিলেন, হে সদানন্দবিধায়ক নন্দিন্ ! তুমি উত্তম কার্য্যই করিয়াছ ; এক্ষণে আমার এই আজ্ঞা পালন কর যে, নবকোটি চামুণ্ডার মধ্যে যিনি যেখানে অবস্থান করিতেছেন, তাঁহাদের সকলকেই স্ব স্ব আয়ুধ, বাহন, দেবতা এবং ভূত, বেতাল ও ভৈরবগণের সহিত এখানে আনয়ন করিয়া প্রতিলুর্গের চতুর্দিকে অবস্থান করাইয়া এই পুরী রক্ষা করাও । ১৭৬—১৭৮ ।

স্কন্দ কহিলেন, ভগবান্ যুড় নন্দিকে এইরূপ আদেশ করিয়া যুড়ানীর সহিত মুক্তিবীজপ্ররোহণ ত্রিবিষ্টপ-ক্ষেত্রে গমন করিলেন, নন্দীও মহাদেবের আজ্ঞা শিরোধারণ করিয়া চতুর্দিক্ হইতে দেবীগণকে আহ্বান করিয়া আনিয়া প্রত্যেক দুর্গে রাখিতে লাগিলেন । মানব শ্রদ্ধাসহকারে এই পবিত্র অধ্যায় শ্রবণ করিলে, যথাক্রমে স্বর্গ ও অপবর্গ লাভ করে ; অর্কট্যষ্টি আয়তনসংশ্লিষ্ট এই কথা শ্রবণ করিলে মানব আর জননীর জঠরগুহায় প্রবেশ করে না । ১৭৯—১৮২ ।

## সপ্ততিতম অধ্যায় ।



### বারাণসীতে দেবতাগণের অধিষ্ঠান ।

অগস্ত্য কহিলেন, হে কাতায়নেয় ! মহাদেবের আজ্ঞায় বিশ্বনন্দী নন্দী দেবীগণকে কাশীতে আনয়ন করিয়া অবিমুক্ত-ক্ষেত্র রক্ষা করিবার জন্ত ষাঁহাকে যে স্থানে রক্ষা করেন, তৎসমুদয় ষষ্ঠাষষ্ঠ আমার নিকট বর্ণন করুন । অগস্ত্যের এই বাক্য শ্রবণ করিয়া পার্বতীনন্দন স্কন্দ, আনন্দবনে যে স্থানে যে দেবী আছেন, তাহা বলিতে লাগিলেন । ১—৩ ।

স্কন্দ কহিলেন, বারাণসীতে ক্ষেত্রের পরম ইন্দ্ৰদাত্রী বিশালাক্ষী দেবী গঙ্গায় বিশাল-তীর্থ নির্মাণ করিয়া অবস্থান করিতেছেন ; সেই বিশাল তীর্থে স্নান করিয়া বিশালাক্ষীদেবীকে প্রণাম করিলে, জীব ইহ ও পরকালে সুখপ্রদ বিপুল ঐশ্বর্য-লাভ করিয়া থাকে । ভাদ্রমাসের কৃষ্ণা তৃতীয়াতে উপবাস করিয়া মানব, বিশালাক্ষী-দেবীর সন্নিহিতে রাত্রিজাগরণ করত পরদিন প্রাতঃকালে যত্র-সহকারে দশটি কুমারীকে ভোজন করাইয়া যথাশক্তি তাহাদিগকে মাল্য, বস্ত্র ও ভূষণের দ্বারা অলঙ্কৃত করিয়া পশ্চাৎ পারণ করিলে, সম্যকপ্রকার কাশীবাসের ফল লাভ করিয়া থাকে । ৪-৮ । হে কুম্ভজ ! সেই তিথিতে কাশীবাসি-ব্যক্তিগণ বিশ্বশাস্তি ও নির্ব্বাণ-লক্ষ্মী লাভের জন্ত বিশালাক্ষীর যাত্রা করিবে । কাশীতে যত্র-সহকারে ধূপ, দীপ, সুন্দর মাল্য, মনোহর উপহার, মণিমুক্তাদির অলঙ্কার, বিচিত্র চন্দ্রাতপ ও বিতান, অমুপভুক্ত ও গন্ধবাসিত শুভ ছুকুল প্রভৃতির দ্বারা যে কোন স্থান-নিবাসী মানবগণ মোক্ষ-লক্ষ্মী লাভের জন্ত বিশালাক্ষীর পূজা করিবে । মানবগণ বিশালাক্ষীকে স্বল্পও যাহা কিছু অর্পণ করে, হে মুন্যে ! তাহাই ইহ ও পরকালে অনন্ত-ফল-প্রদান করিয়া থাকে । বিশালাক্ষী মহাপীঠে যে সমস্ত দান, জপ, হোম ও স্তুতি করা যায়, তৎসমুদয়ের ফলই মোক্ষরূপে পরিণত হয়, তাহার সন্দেহ নাই । বিশালাক্ষীর পূজা করিলে কুমারীগণ গুণশীলাদিসুন্দর রূপবান্ পতি-লাভ করে, গর্ভিণী স্ত্রীগণ তাঁহার পূজা করিলে সুন্দর তনয় লাভ করে, বক্ষ্যা স্ত্রীগণ বিশালাক্ষীর পূজা করিলে গর্ভবতী হয় ; যে সমস্ত স্ত্রী অসৌভাগ্যবতী, তাহার তাঁহার পূজা করিলে মহৎ সৌভাগ্য লাভ করে, বিধবাগণ তাঁহার পূজা করিলে আর কোন জন্মে বিধবা হয় না । ৯-১৬ । মোক্ষাভিলাষী স্ত্রী বা পুরুষগণ কাশীতে

বিশালাক্ষীদেবীকে দর্শন, পূজন ও তাঁহার নাম শ্রবণ করিলে অভিলষিত সিদ্ধিলাভ করিয়া থাকে । গজাকেশবের সন্নিকটে ললিতা-তীর্থ এবং তথায় এই ক্ষেত্ররক্ষা-কারিণী ললিতানাম্নী দেবী আছেন । ১৭-১৮ । সর্বপ্রকার সম্পদলাভের জন্ম জীব যত্নপূর্বক তাঁহার পূজা করিবে । যাহারা ললিতাদেবীর সেবক, তাহাদের কখন কোন বিঘ্ন হয় না । আশ্বিন মাসের কৃষ্ণ দ্বিতীয়াতে স্ত্রী অথবা পুরুষ ললিতাদেবীর পূজা করিলে বাঞ্ছিত-পদ লাভ করে । ১৯-২০ । ললিতা-তীর্থে স্নান, ললিতাদেবীর পূজা ও যৎকিঞ্চিৎ স্তুতি করিলে সর্বত্র লালিত্য লাভ হইয়া থাকে । হে মুনে ! বিশালাক্ষীদেবীর পুরোভাগে বিশ্বভূজা-নাম্নী গৌরী অবস্থান করত সতত এই ক্ষেত্রনিবাসী ভক্তগণের মহাবিঘ্ন-নিচয় হরণ করিতেছেন । ২১-২২ । মানবগণ সমস্ত কামনাসিদ্ধির জন্ম শারদীয় নব-রাত্রিতে বিশ্বভূজাদেবীর যাত্রা করিবে, যে ব্যক্তি কাশীতে বিশ্বভূজাদেবীকে প্রণাম না করে, সেই দুর্ভাগ্য আর মহোপসর্গ-নিচয় হইতে নিস্তার কোথায় ? যে সমস্ত ব্যক্তি কাশীতে বিশ্বভূজাদেবীর পূজা ও স্তুতি করে, সেই সমস্ত স্নেহভাজনব্যক্তিগণ কখন বিঘ্নসমূহে পীড়িত হয় না । ২৩-২৫ । কাশীতে ক্রতুবারাহের সন্নিকটে বারাহীদেবী আছেন, মানব ভক্তি-সহকারে তাঁহাকে প্রণাম করিলে বিপদ-সমুদ্রে নিগম্ন হয় না । সেই স্থানেই আপদ্বিনাশিনী শিবদূতী আছেন, তিনি উর্দ্ধহস্তে শূল-ধারণ করিয়াও শত্রুগণকে তর্জ্জন করিতেছেন, মানব তথায় তাঁহাকে দর্শন করিবে । ২৬-২৭ । ইন্দ্রেশ্বরের দক্ষিণদিকে গজরাজোপরিস্থিতা ও বজ্রহস্তা ইন্দ্রাণী আছেন, তথায় তাঁহার পূজা করিলে সর্বপ্রকার সম্পদ লাভ হয় । স্কন্দেশ্বরের সন্নিকটে ময়ূরবাহনা কোমারী আছেন, মহাফল লাভের জন্ম মানব যত্নসহকারে তাঁহাকে দর্শন করিবে । মহেশ্বরের দক্ষিণদিকে বৃষভবাহিনী মাহেশ্বরী আছেন, তাঁহাকে তথায় পূজা করিলে মহান ধর্ম-লাভ হয় । ২৮-৩০ । নির্ব্বাণ-নরসিংহের সন্নিকটে সুদর্শন-চক্রহস্তা নারসিংহী আছেন, মোক্ষাভিলাষী ব্যক্তিগণ তথায় তাঁহার পূজা করিবে । ব্রহ্মেশ্বরের পশ্চিমে হংসবাহনা ব্রাহ্মী আছেন, তিনি হস্তস্থিত কমণ্ডলুর জলের দ্বারা বিপদ-নিচয়কে তাড়িত করিয়া থাকেন, যে সমস্ত ব্রাহ্মণ ও যতিগণ আত্মজ্ঞান অভিলাষ করেন, তাঁহার ব্রাহ্মবিদ্যা-প্রবোধের জন্ম কাশীতে প্রত্যহ সেই ব্রাহ্মীদেবীর পূজা করিবেন । ৩১-৩৩ । কাশীতে যিনি শার্ঙ্গধনু হইতে নিক্ষিপ্ত শরনিচয়ের দ্বারা বিঘ্নসমূহকে দূর করিতেছেন, মানব সেই নারায়ণীর শরণ লইবে । কাশীতে গোপীগোবিন্দের পশ্চিমদিকে অবস্থিত থাকিয়া যিনি চক্রশ্রমণ করাইয়া উচ্চরবে শত্রুগণকে তাড়না করিতেছেন, সেই নারায়ণী দেবীকে যে ব্যক্তি প্রণাম করে,

তাহার মহান্ উদয় লাভ হয়। ৩৪-৩৫। দেবধানীর উত্তরদিকে বিরূপাক্ষী-গৌরী আছেন, মানব ভক্তি-সহকারে তাঁহার পূজা করিলে বাঞ্ছিত-অর্থ লাভ করে। শৈলেশ্বরের সন্নিকটে শৈলেশ্বরীদেবী আছেন, তিনি তর্জ্জনী উত্তোলন করত উপসর্গ-নিচয়কে তর্জ্জন করিতেছেন, মানব তথায় তাঁহাকে দর্শন করিবে। মানবগণ, বিচিত্রফলপ্রদ চিত্রকূপে স্নান করিয়া চিত্রগুপ্তেশ্বরকে দর্শন করত চিত্রঘণ্টাদেবীর পূজা করিলে, বহুপাতকযুক্ত এবং স্বধর্ম্যুচ্যত হইলেও চিত্রগুপ্তের লিপির বিষয় হয় না। কাশীতে যে স্ত্রী বা পুরুষ চিত্রঘণ্টাদেবীর পূজা না করে, কাশীতে পদে পদে তাহাকে বিঘ্নরাশি আশ্রয় করিয়া থাকে। ৩৬-৪০। চৈত্রমাসের শুক্লা-তৃতীয়া তিথিতে মানব যত্নপূর্বক চিত্রঘণ্টার যাত্রা করিবে এবং তথায় রাত্রিতে মহোৎসব ও জাগরণ করিবে এবং নানা-প্রকার উপহারের দ্বারা চিত্র-ঘণ্টাদেবীর পূজা করিবে, তাহাতে তাহাকে বসবাহন মহিষের কণ্ঠস্থিত ঘণ্টার ধ্বনি শ্রবণ করিতে হয় না। চিত্রাঙ্গদেশ্বরের পূর্বদিকে চিত্রগ্রীবাদেবী আছেন, মানব তাঁহাকে প্রণাম করিলে কখন বিচিত্র স্বপ্ন-যাতনা ভোগ করে না। ৪১-৪৩। মানব ভদ্রবাপীতে স্নান করিয়া ভদ্রনাগের পুরোভাগে অবস্থিত ভদ্রকালীকে দর্শন করিলে কখন অমঙ্গল দর্শন করে না। সিক্কিবিদ্যকের পূর্বদিকে অবস্থিত হরসিক্কির যন্ত্রসহকারে পূজা করিলে, মানব মহাসিক্কি লাভ করে। ৪৪-৪৫। বিদ্যেশ্বরের সন্নিকটে অবস্থিত বিধির বহুতর উপহারের দ্বারা পূজা করিলে, মানব বিবিধ সিক্কিলাভ করে। প্রয়াগ-তীর্থে স্নান করিয়া নিগড়ভঙ্জনীদেবীর পূজা করিলে, মানব কখন নিগড়ের দ্বারা আবদ্ধ হয় না। বন্দিব্যক্তি মুক্তি-অভিলাষে একভুক্ত হইয়া, ভক্তিসহকারে মঙ্গলবারে নিগড়ভঙ্জনীর পূজা করিবে; তাঁহার পূজা করিলে সংসার-বন্ধনও যখন ছিন্ন হয়, তখন শুশ্রূষাদির আর গণনা কোথায় ? অক্ষাসহকারে নিগড়ভঙ্জনীর পূজা করিলে বন্দী-মানবগণের দূরস্থিত বন্ধুজনও সহর আগমন করে, তাহার সন্দেহ নাই। ৪৬-৫০। কিঞ্চিৎ নিয়ম অবলম্বন করিয়া যদি কাশীসন্দেহহারিণী সেই নিগড়ভঙ্জনীদেবীর পূজা করা যায়, তাহা হইলে তিনি সহরই ভক্তের সমস্ত কামনা-পূর্ণ করেন। তীর্থরাজের সমীপস্থিতা মুদগর-টঙ্কহস্তা ও ভক্তবন্ধনভেদিনী সেই দেবী কোন্ কোন্ অভিলাষ পূর্ণ না করিয়া থাকেন ? পশুপতীশ্বরের পশ্চাদ্ভাগে অমৃতেশ্বরের নিকটে অমৃতেশ্বরীদেবী আছেন, তথায় অমৃত-কূপে স্নান করিয়া ভক্তিসহকারে অমৃতেশ্বরীদেবীর পূজা করিলে, মানব অমৃত লাভ করে। ৫১-৫৪। দক্ষিণহস্তে অমৃত-কমণ্ডলুধারণকর্ত্রী ও বামহস্তে অভয়দায়িনী সেই দেবীকে ধ্যান করিয়া কে না অমৃত লাভ করে ?



অমৃতেশ্বরের পশ্চিমদিকে প্রপিতামহেশ্বরের পুরোভাগে সিদ্ধিলক্ষ্মী আছেন, তাঁহার পূজা করিলে সিদ্ধিলাভ হয় ; সিদ্ধিলক্ষ্মীর কমলাকৃতি লক্ষ্মীবিলাস-নামক প্রাসাদ অবলোকন করিয়া কে না লক্ষ্মীলাভ করে ? প্রপিতামহেশ্বরের পশ্চিমে নলকুবর নামক লিঙ্গের পুরোভাগে জগন্মাতা কুজাদেবী আছেন, তাঁহার পূজা করিলে তিনি সাধকগণের উপসর্গনিচয় হরণ করেন, অতএব শুভার্থী ব্যক্তিগণ কাশীতে ষড়্ভূপূর্বক কুজাদেবীকে দর্শন করিবে এবং তথায় বরেশ্বর নামক লিঙ্গকেও দর্শন করিবে। প্রপিতামহেশ্বরের পশ্চিমভাগেই ত্রিলোকসুন্দরী গৌরী আছেন, তাঁহার পূজা করিলে সর্বপ্রকার অভীষ্ট সিদ্ধ হয়। ৫৫-৬০। ত্রিলোকসুন্দরীদেবী উত্তমা সিদ্ধি প্রদান করিয়া থাকেন, তাঁহার পূজা করিলে জ্ঞীগণ কখন বিধবা হয় না। সাম্বাদিত্যের সমীপে দীপ্তা-নাম্নী মহাশক্তি আছেন, তাহার পূজা করিলে উত্তম-কাশীলাভ হয়। শ্রীকণ্ঠের সন্নিকটে জগজ্জননী মহালক্ষ্মী আছেন, তথায় শ্রীকৃষ্ণে স্নান করিয়া পিতৃগণকে তর্পিত করত জগদম্বিকার পূজা ও ষথশক্তি দান করিলে কখন লক্ষ্মীহীন হইতে হয় না। ৬১-৬৪। সেই লক্ষ্মী-ক্ষেত্র সাধক-গণের সিদ্ধিপ্রদ মহাপীঠ, সাধকব্যক্তি তথায় সহর মন্ত্রসিদ্ধি লাভ করে। কাশীতে সিদ্ধিপ্রদ অনেক পীঠ আছেন, কিন্তু মহালক্ষ্মী পীঠের ঞায় লক্ষ্মীকর পীঠ আর নাই। ৬৫-৬৬। মহালক্ষ্মীমূর্তীতে যে সমস্ত বাক্তি লক্ষ্মীকুণ্ডের যাত্রা করিয়া বিধিপূর্বক মহালক্ষ্মীর পূজা করে, লক্ষ্মী কখন তাহাদিগের গৃহ পরিত্যাগ করেন না। মহালক্ষ্মীর উত্তরদিকে ইয়কণ্ঠীদেবী আছেন, তিনি কুঠার ধারণ করিয়া সতত কাশীর বিঘ্নরূপ মহাবৃক্ষ-নিচয়কে ছেদন করিতেছেন। ৬৭-৬৮। মহালক্ষ্মীর দক্ষিণভাগে কৌমারী-শক্তি আছেন, তিনি পাশহস্তে সতত এই ক্ষেত্রের বিঘ্ন-সমূহকে বন্ধন করিতেছেন। মানবগণ তাঁহার পূজা করিলে, তিনি তাহাদিগকে ক্ষেত্রসিদ্ধি প্রদান করিয়া থাকেন। মহালক্ষ্মীর বায়ুকাণে ক্ষেত্ররক্ষাকরী শিখীচণ্ডী নাম্নী দেবী আছেন, তিনি শিখীর ঞায় শব্দ করত সতত বিঘ্নসমূহকে ভক্ষণ করিতেছেন। তাঁহাকে দর্শন করিলে মানবগণের সর্বপ্রকার ব্যাধি বিনষ্ট হয়। ৬৯-৭১। ভীমেশ্বরের 'পুরোভাগে থাকিয়া ভীমচণ্ডীদেবী পাশ ও মুদ্রগরহস্তে সর্বদা অতন্ত্রিতভাবে উত্তরদ্বার রক্ষা করিতেছেন ; মানব ভীমকৃষ্ণে স্নান করিয়া ভীমচণ্ডীকে দর্শন করিলে কখন ভীমাকৃতি-যমদূতগণকে দর্শন করে না। ৭২-৭৩। বৃষভধ্বজের দক্ষিণদিকে ছাগবল্লভেশ্বরী দেবী আছেন, তিনি অহর্নিশ এই ক্ষেত্রের বিঘ্ননিচয়রূপ তরুপল্লবসমূহকে ভক্ষণ করিয়া থাকেন, তাঁহারই অমুগ্রহে কাশীবাস লাভ হয়, অতএব মানবগণ মহাক্টমো-তিথিতে তাঁহার পূজা করিবে। সঙ্গমেশ্বরের

দক্ষিণভাগে তালবৃক্ষায়ুধা তালজজ্জেশ্বরীদেবী আছেন ; তিনি সতত আনন্দবনমধ্য-  
জাত বিম্বসমূহকে হরণ করেন, মানব তাঁহাকে প্রণাম করিলে কখন বিম্বের দ্বারা  
অভিজুত হয় না । ৭৪-৭৭ । উদ্দালকেশ্বরের দক্ষিণে উদ্দালক-নামক তীর্থে  
ষমদংষ্ট্রাদেবী আছেন, তিনি বিম্বরাণিকে চর্বণ করিয়া থাকেন ; সেই উদ্দালক-  
তীর্থে সেই দেবীকে যাহারা প্রণাম করে, তাহারা এখানে বহুতর পাপ করিয়াও  
ষম হইতে কোনরূপ ভয় প্রাপ্ত হয় না । ৭৮-৭৯ । দারুকেশ্বরের সন্নিহিতে  
দারুকেশ্বর-তীর্থে চর্ম্মমুণ্ডা নাম্নী দেবী আছেন ; পাতালে তাঁহার তালু ও বদন,  
আকাশে তাঁহার ওষ্ঠ, পৃথিবীতে তাঁহার অধর, তাঁহার একহস্তে কপাল এবং  
অপর হস্তে ছুরিকা, তিনি ব্রহ্মাণ্ডকে কবলিত করিতে ভালবাসেন, তাঁহার উদর  
শুষ্ক, তিনি কেবল স্নায়ুবদ্ধা, তাঁহার অনন্ত বাহু এবং তিনি তির্ধ্যাক্‌নয়না । সেই  
দেবী বিম্বসমূহ হইতে এই ক্ষেত্রের পূর্ববদিক রক্ষা করিয়া থাকেন । আর তিনি  
পারাবার-পর্য্যন্ত-বিস্তৃত হস্তনিচয়ের উপরে শত্রুরূপ-মোদক ধারণ করিয়া আছেন,  
তাঁহার পরিধানে হস্তিচর্ম্ম, তিনি সতত বিকট অট্টহাস্য করিতেছেন, পাপিগণের  
অস্থিনিচয় মৃণাল-নালের স্থায় অনায়াসে চর্বণ করিতেছেন ; এই ক্ষেত্রের যাহারা  
বিস্রোহী, তিনি তাহাদের দেহ শুলের অগ্রভাগের দ্বারা বিদ্ধ করিতেছেন ; কপাল-  
মালাই তাঁহার আভরণ এবং তাঁহার রূপ অতি ভয়ঙ্কর । মানব সেই চর্ম্মমুণ্ডা-  
দেবীকে প্রণাম করিলে কখন ক্ষেত্রবিগ্নে নিপীড়িত হয় না । ৮০-৮৫ । যেমন  
এই চর্ম্মমুণ্ডার মূর্ত্তি তদ্রূপই আরও একটি দেবী কাশীতে আছেন, তাঁহার নাম  
মহারুণ্ডা । তবে তাঁহাতে আর ইহাঁতে প্রভেদ এই যে, তিনি কপালমালাভরণা  
আর ইনি কবন্ধমালা ধারণ করিয়া আছেন । মহাবলপরাক্রান্তা এই উভয় দেবীই  
পরস্পর হস্ত প্রসারণপূর্ব্বক করতালি প্রদান করত হাস্য করিতেছেন এবং এই  
ক্ষেত্র রক্ষা করিতেছেন । লোলার্কের উত্তরে হয়গ্রীবেশ্বর-তীর্থে প্রচণ্ডবদনা  
মহারুণ্ডাদেবী আছেন, তিনি ভক্তগণের বিম্ব হরণ করিয়া থাকেন । ৮৬-৮৮ ।  
চর্ম্মমুণ্ডা ও মহারুণ্ডা নাম্নী এই যে দুইটি দেবীর কথা বলিলাম, ইহাঁদেরই উভয়ের  
মধ্যস্থলে মুণ্ডরূপিণী চামুণ্ডাদেবী আছেন । কাশীক্ষেত্রনিবাসীগণ যত্নপূর্ব্বক এই  
তিন দেবীর পূজা করিবে । মানবগণ শ্রদ্ধাসহকারে ইহাঁদের স্মরণ, দর্শন ও  
পূজা এবং ইহাঁদিগকে স্পর্শ করিলে ইহাঁরা তাহাদিগকে ধন, ধাতু, পুত্র ও পৌত্র  
প্রদান করেন এবং তাহাদের উপসর্গ-নিচয়কে বিনষ্ট করেন ও তাহাদিগকে মোক্ষ-  
লক্ষ্মী প্রদান করিয়া থাকেন । ৮৯-৯১ । মহারুণ্ডাদেবীর পশ্চিমে স্বপ্নেশ্বরীদেবী  
আছেন, তিনি স্বপ্নে ভক্তজনকে শুভাশুভ বলিয়া দেন ; যে কোন তিথিতে

অসিসঙ্গমে স্নান করিয়া যে কোন পুরুষ অথবা নারী উপবাসী থাকিয়া স্বপ্নেশ্বরী-দেবীর ও স্বপ্নেশ্বরের পূজা করিয়া, তথায় ভূতলে শয়ন করিয়া থাকে, সে তথায় স্বপ্নে ভাবী-পদার্থ দর্শন করে। অতাপি রজনীতে তথায় স্বপ্নেশ্বরীদেবী, ভূত, ভবিষ্যৎ ও বর্তমান সমস্তই বলিয়া দিয়া থাকেন, যে ব্যক্তি ইহা জানে, তাহার তথায় গিয়া প্রত্যক্ষ করা উচিত। কাশীতে জ্ঞানার্থী মানবগণ অষ্টমী, চতুর্দশী এবং নবমী তিথিতে দিবসে বা রজনীতে যত্নপূর্বক সেই স্বপ্নেশ্বরীর পূজা করিবে। স্বপ্নেশ্বরীর বরণকোণে দুর্গাদেবী আছেন, তিনি সত্তত এই ক্ষেত্রের দক্ষিণভাগ রক্ষা করিতেছেন। ৯২—৯৭।

## একসপ্ততিতম অধ্যায় ।

— \* —

দুর্গনামক অস্ত্রের পরাক্রম ।

অগস্ত্য কহিলেন, হে উমাসুত ! দেবীর “দুর্গা” এই নাম কি প্রকারে হইল এবং কাশীতে কি প্রকারেই বা তিনি পূজনীয়া, তাহা বলুন। ১।

স্বন্দ কহিলেন, হে মহাবুদ্ধে কলশসম্ভব ! দেবীর যে প্রকারে “দুর্গা” এই নাম হইয়াছে এবং সাধকগণ যে প্রকারে তাহার সেবা করিবে, তাহা বলিতেছি। পুরাকালে রুদ্র নামক দৈত্যের তনয় দুর্গ নামক এক মহাদৈত্য ছিল। সে ব্যক্তি তীত্র তপস্থা করিয়া পুরুষমাত্রেয়ই অজেয় হইয়াছিল; সেই দৈত্য তপঃপ্রভাবে পুরুষসাধারণের অবধ্য হইয়া নিজ ভুজবলে ভূলোক, ভুবলোক ও স্বলোক প্রভৃতি জয় করিয়া নিজের অধীন করিয়াছিল। ২-৪। সেই বলবান দৈত্য এই সমস্ত লোক জয় করিয়া স্বয়ংই ইস্র, বায়ু, চন্দ্র, ষম, অগ্নি, বরুণ, কুবের, ঈশান, রুদ্র, সূর্য এবং বসুগণের পদ গ্রহণ করিয়াছিল, তাহার ভয়ে তপস্বীগণ তপস্থা পরিত্যাগ করিয়াছিলেন, ব্রাহ্মণগণ তাহার ভয়ে ভীত হইয়া আর বেদাধ্যয়ন করিতেন না। সেই দুর্গাত্মার অনুচরগণ যজ্ঞশালানিচয় ধ্বংস করিয়া দিয়াছিল। কুপথগামী সেই দুর্গাত্মাগণ বহুতর সতী স্ত্রী বিধবস্ত করিয়াছিল, সেই দুর্গাচারগণ বলপূর্বক পরস্ব হরণ করিয়া আত্মসাৎ করিত। ৫-৭। সেই দৈত্যের ভয়ে নদীসমূহ বিমার্গে গমন করিতেন, অগ্নি তাদৃশ প্রজ্বলিত হইতেন না এবং অস্ত্রাশ্র জ্যোতিঃসমূহও

তাদৃশ প্রদীপ্ত হইত না। তাহার ভয়ে দিগন্তনা-নিচয়ের মুখমণ্ডল সর্বদা স্নান থাকিত। ধর্মক্রিয়া-সমূহ বিলুপ্ত হইয়া তখন কেবল পাপক্রিয়াই বর্ধিত হইতে লাগিল। সেই দুরাচারগণই মায়াবলে মেঘ হইয়া বারিবর্ষণ করিত। বীজ রোপিত না হইলেও বসুন্ধরা সেই দৈত্যের ভয়ে শস্য প্রসব করিতেন এবং ফলহীন বৃক্ষ-নিচয়ও তাহার ভয়ে সর্বদা ফলশালী থাকিত। ৮-১২। অতিদর্পিত সেই দুরাত্মা, দেবগণ ও ঋষিগণের পত্নীগণকে বন্দী করিয়া রাখিয়াছিল, এবং সর্গবাসীদেবগণকে সে কাননবাসী করিয়াছিল, দেবগণ মানবগণের গৃহে আগমন করিলেও মনুষ্যাগণ সেই দুরাচার ভয়ে সম্ভাষণমাত্র করিয়াও সৎকার করিত না। ১৩—১৪।

স্কন্দ कहিলেন, কৌলিগ্ৰ অথবা সদাচার মহেশ্বের কারণ নহে, একমাত্র পদমর্যাদাই শ্রেষ্ঠ, পদভ্রষ্ট হওয়াই লঘুতার কারণ। দৈত্যদশায় বিপদে পতিত হইয়াও যাহারা ধনগর্বিত-চিন্তা ধনিগণের প্রাজ্ঞে উপস্থিত হন না, তাহারাই ধম্ম। লোক-মধ্যে লঘুভাবে না থাকিয়া মৃত্যুও ভাল, কিন্তু লঘুতাসম্বিত অমরত্ব ভাল নহে। বিপদকালেও যাহাদের চিন্তা-সমুদ্র গান্ধীর্ঘ্য পরিত্যাগ করে না, তাহারাই পুণ্যাত্মা এবং তাহারাই যথার্থ জীবন ধারণ করে। কোন সময়ে সম্পদের উদয় হয়, কোন সময়ে বা বিপদ আসিয়া উপস্থিত হইয়া থাকে, এ উভয়ই দৈবাবধীন, স্তবরাং ধীরব্যক্তি এই উভয় অবস্থাতেই ধৈর্য্য পরিত্যাগ করিবে না। ১৫-১৯। প্রাজ্ঞ ব্যক্তিগণ চন্দ্র, সূর্যের উদয়াস্তের স্থায় আপনার উদয় ও অমুদয় দর্শন করিবে এবং সতত একভাবে থাকিয়া সুখ বা দুঃখ নিবন্ধন হর্ষ ও ক্রোধকে নিষ্ফল বোধ করিবে। যে ব্যক্তি বিপদগ্রস্ত হইয়া দীনতা অবলম্বন করে, সে সেই দৈত্য-নিবন্ধন আরও অধিক বিপন্ন হয় এবং তাহার ইহকাল ও পরকাল উভয়ই নষ্ট হয়, অতএব দীনতা পরিত্যাগ করিবে। বিপদকালেও যাহারা ধীর থাকে, তাহাদের ধৈর্য্যে লজ্জিত হইয়া বিপদ, ইহকালে বা পরকালে আর তাহাদিগকে স্পর্শ করে না। ২০-২২। সেই পরাক্রান্ত দৈত্যকর্তৃক রাজ্যভ্রষ্ট হইয়া দেবগণ মহেশ্বরের শরণ লইলেন। মহেশ্বর সেই দুষ্ট অশুরকে বিনাশ করিবার জন্ত দেবীকে প্রেরণ করিলেন। তখন ভবানী মহেশ্বরের আজ্ঞা পাইয়া 'সানন্দে দেবগণকে অভয় প্রদান করিয়া যুদ্ধের উপক্রম করিতে লাগিলেন। তিনি ত্রৈলোক্যস্কন্দরী কালরাত্রি নান্নী রুদ্রাণীকে আহ্বান করিয়া, সেই দৈত্যকে ডাকিতে পাঠাইলেন। অনন্তর কালরাত্রি সেই দুষ্ট দৈত্যের নিকট উপস্থিত হইয়া, তাহাকে বলিলেন যে, হে দৈত্যরাজ! তুমি এই ত্রৈলোক্যসম্পদ পরিত্যাগ কর, ইন্দ্র এই ত্রিভুবনের অধিপতি হউন এবং তুমি রসাতলে গমন কর, বেদবাদিগণের বৈদিক-ক্রিয়া সমূহ

প্রবর্তিত হউক । অথবা যদি তোমার গর্ব থাকে তবে যুদ্ধের নিমিত্ত আগমন কর, আর যদি বাঁচিতে ইচ্ছা থাকে তবে ইন্দ্রের শরণাগত হও । মহামঙ্গলস্বরূপা মহাদেবী এই কথা বলিবার জন্ত তোমার নিকট আমাকে প্রেরণ করিয়াছেন, তুমি এই বাক্য উপেক্ষা করিলে নিশ্চয় তোমার মৃত্যু হইবে, অতএব হে মহাসুর ! বাহা উচিত বিবেচনা হয়, তাহা কর । আর যদি হিতবাক্য শ্রবণ কর, তাহা হইলে দেবীর নিকট যাইয়া জীবন ভিক্ষা কর । কালরাত্রির এই বাক্য শ্রবণ করিয়া সেই দৈত্যরাজ ক্রোধে প্রজ্বলিত হইয়া চীৎকারস্বরে বলিতে লাগিল যে, ধর, ধর, আমার ভাগ্যবলেই এই ত্রিভুবনমোহিনী আসিয়া উপস্থিত হইয়াছে, ত্রিভুবন-রাজ্য-সম্পত্তি-রূপ-বল্লীর ইহাই শ্রেষ্ঠ ফল, ইহার জন্মই আমি দেব, ঋষি ও নৃপগণকে বন্দী করিয়াছি, আমার সৌভাগ্যবলে আজ অনায়াসে ইহা আমার গৃহে আসিয়াছে, অবশ্য ! যে পদার্থ যাহার ষোগ্য সেই পদার্থ সেই ব্যক্তি অরণ্যে বা গৃহে যেখানেই থাকুক, তাহার ভাগ্যবলে তথায় উপস্থিত হয় । ২৩-৩৪ । অস্তঃপুরচারী ভূত্যগণ ইহাকে আমার অস্তঃপুর মধ্যে লইয়া যাক্, এই সুন্দর অলঙ্কারে আজ আমার রাজ্য অলঙ্কৃত হইল । অহো ! আজ আমার রত্নসৌভাগ্য ! কেবল আমারই বা কেন আজ সমস্ত দৈত্যকুলেরই সৌভাগ্য বলিতে হইবে, আজ পিতৃগণ নৃত্য করুন এবং বান্ধবগণ সুখে আনন্দ ভোগ করুন এবং মৃত্যু, কাল, অস্তক প্রভৃতি সমস্ত দেবগণ আজ আমার ভয়ে ভীত হউক । দৈত্যরাজ এই সমস্ত কথা বলিতেছে ইতিমধ্যে অস্তঃপুরচারী কঙ্কুবিবর্গ কালরাত্রিকে ধরিবার জন্ত আগমন করিতে লাগিল, তখন দেবী সেই দৈত্যপুঞ্জকে বলিতে লাগিলেন । ৩৫—৩৮ ।

কালরাত্রি কহিলেন, হে মহাপ্রাজ্ঞ দৈত্যরাজ ! তুমি ভালরূপ নীতি জান, তোমার এতাদৃশ কার্য্য উচিত নহে, আমরা দূতী এবং পরবশ, কোন কালেই দূতকে সামান্যরূপেও ক্লেশ দেওয়া উচিত নহে, বিশেষতঃ তোমার শ্রায় বলবান্ অধিপতিগণের পক্ষে ইহা অত্যন্ত অমুচিত, হে মহারাজ ! সামান্য দূতীর উপর আবার অনুরাগ কি ? আমি অনায়াসেই তোমার গৃহ হইতে চলিয়া যাইব । হে দৈত্যগণ ! তুমি সমরে আমার স্বামিনীকে জয় করিয়া আমার শ্রায় সহস্র-রমণীকে স্বেচ্ছাধীন ভোগ করিও । আমার স্বামিনীকে দর্শন করিলে আজই তোমার মহাসুখ হইবে এবং তোমার পূর্বপুরুষগণের সহিত তোমার বন্ধুগণও আজ সুখ লাভ করিবে । ৩৯-৪৩ । আজ তোমার চিরবাহিত মনোভিলাষসমূহ সফল হইবে, কারণ আমাদের সেই কর্ত্তা নিজে অবলা এবং তাঁহার রক্ষকও কেহ নাই অথচ তিনি সর্বরূপময়ী, তুমি তাঁহাকে দর্শন করিতে পার, সেই জগৎপ্রসবিনী যে স্থানে

আছেন আমি তাহা তোমাকে দেখাইয়া দিব। একমাত্র আমাকে ধরিয়াই বা তোমার কোন্ অভিলাষ পূর্ণ হইবে, আজ হইতে আমি তোমার সান্নিধ্য পরিত্যাগ করিব না, অতএব এক্ষণে এই যে তোমার অন্তঃপুররক্ষীগণ আমাকে ধরিতে আসিতেছে, তুমি ইহাদিগকে নিবারণ কর। দেবীর এই সমস্ত বাক্য শ্রবণে, সেই দৈত্য, কাম ও ক্রোধে বিমোহিত হইয়া একা সেই দেবীকেই যথেষ্ট বলিয়া ভাবিল এবং আদেশ করিল যে, অন্তঃপুররক্ষীগণ সত্ত্বর ইহাকে অন্তঃপুরে লইয়া যাউক। ৪৪-৪৮। হে মনে! সেই দৈত্য কর্তৃক এইরূপ সন্মাদিষ্ট হইয়া বলবান্ অন্তঃপুররক্ষীগণ সকলে মিলিয়া বলপূর্বক তাঁহাকে ধরিবার উद्यোগ করিতে লাগিল। সেই দেবী তৎক্ষণাৎই হৃৎকার শব্দ-জনিত অনলের দ্বারা সেই রক্ষীগণকে ভস্মীভূত করিলেন। দৈত্যপতি সেই দেবী-কর্তৃক রক্ষীগণকে ভস্মসাৎ হইতে দেখিয়া ক্রোধ করত কটাক্ষ বিক্ষেপ পূর্বক দুর্ধর, দুস্মুখ, খর, সীরপাণি, পাশপাণি, হনু, যজ্ঞারি খড়্গ লোমা, উগ্রাস্ত, দেবকম্পন প্রভৃতি তিন অযুত পরিমিত অন্তরগণকে আদেশ করিল যে, তোমরা সত্ত্বর ঐ দুর্ঘটাকে উদ্ধৃত্ত কবরী ও বিগলিতবসন-ভূষণা করত পাশের দ্বারা আবদ্ধ করিয়া লইয়া আইস। ৪৯-৫৩। দৈত্যপতির এই আদেশ পাইয়া অসি, পাশ ও মুদগরধারী এবং গিরিতুলা দেহশালী দুর্ধরপ্রমুখ দৈত্যগণ শস্ত্রাস্ত্রোত্ত-পাণি হইয়া সেই দেবীকে ধরিবার উद्यোগ করিল, দেবী তখন একটা দীর্ঘনিশ্বাস পরিত্যাগ করিলেন, তাঁহার সেই নিশ্বাসবায়ুতে বিক্ষিপ্ত হইয়া দৈত্যগণ দিগন্তে ঘাইয়া পড়িতে লাগিল। এইরূপে অসংখ্য দৈত্যনিচয় দিগন্তে বিক্ষিপ্ত হইয়া পড়িলে, দেবী কালরাত্রি নভোমার্গ অবলম্বন করিয়া সে স্থান হইতে নির্গত হইলেন। ৫৪-৫৬। তাঁহাকে তথা হইতে নির্গমন করিতে দেখিয়া কোটি কোটি মহাপরা-ক্রান্ত অন্তরগণ গগনমার্গ ব্যাপিয়া তাঁহার অনুগমন করিতে লাগিল এবং দুর্গ নামক সেই মহাদৈত্য, শতকোটি রথ, দুইশত অর্কবৃন্দ পরিমিত হস্তী, বায়ু-সমান বেগবান্ কোটি অর্কবৃন্দ পরিমিত অশ্ব এবং পদাঘাতের দ্বারা পর্বতকে চূর্ণ করিতে সক্ষম মহাপরাক্রমী ও ত্রিজগতের ভয়োৎপাদক অসংখ্য পদাতি-সমূহে বেষ্টিত হইয়া সেই দেবীর অনুগমন করিল। ৫৭-৬০। কিছুক্ষণে তাঁহার বিক্ষাচলে আগমন করিয়া, মহাভুজসহস্রাঢ্য, মহাতেজো-ভিবৃংহিতা, ঘোর গ্রহরণা এবং রণকৌতুক-সাদরা মহাদেবীকে দর্শন করিল এবং দেখিল যে কালরাত্রিও তথায় আগমন করিয়া-ছেন, এবং দৈত্যের অপরাধের কথা মহাদেবীকে জানাইয়াছেন। ৬১-৬২। অনন্তর সেই দুর্গাস্বর, উল্লসৎ চন্দ্রকিরণ-তুলা শুভাননা লাভণ্য-সমুদ্র হইতে উদ্গত চন্দ্র-মার একমাত্র চন্দ্রিকারূপিণী, মহামাণিক্য-নিচয়ের দীপ্তিতে খচিত-বিগ্রহা ত্রিভুবনস্থ

রম্যনগরীর সুন্দর-প্রকাশ প্রদীপ-স্বরূপিণী, মহাদেবের নয়নানলে ভাস্মীভূত কন্দর্পের জীবনৌষধিলতারূপিণী এবং সৌন্দর্য্যসম্ভারে জগতের মোহ-মহৌষধি-স্বরূপিণী সেই মহাদেবীকে দর্শন করত কামশরে হৃদয়ে ব্যথিত হইয়া মহান্ মহান্ সেনাগণকে আজ্ঞা করিতে লাগিল যে, হে জন্ত ! হে মহাজন্ত ! হে কুস্তজ ! হে বিকটানন ! হে লম্বোদর ! হে মহাকায় ! হে মহাদংষ্ট্র ! হে মহাহনো ! হে পিঙ্গলাক্ষ ! হে মহিষগ্রীব ! হে মহোগ্র ! হে অভ্যাগ্র-বিগ্রহ ! হে কুরাক্ষ ! হে ক্রোধন ! হে আক্রন্দ ! হে সংক্রন্দন ! হে মহাভয় ! হে জিতান্তক ! হে মহাবাহো ! হে মহাবক্ত্র ! হে মহীধর ! হে দুন্দুভে ! হে দুন্দু-ভিরব ! হে মহাদুন্দুভিনাসিক ! হে উগ্রাশ্র ! হে দীর্ঘদর্শন ! হে মেঘকেশ ! হে বৃকানন ! হে সিংহাশ্র ! হে শূকরমুখ ! হে শিবারাব ! হে মহোৎকট ! হে শুকতুণ্ড ! হে প্রচণ্ডাশ্র ! হে ভীক্ষাক্ষ ! হে ক্ষুদ্রমানস ! হে উলূকনেত্র ! হে কঙ্কাস্র ! হে কাকতুণ্ড ! হে করালবাক ! হে দীর্ঘগ্রীব ! হে মহাজজ্ব ! হে ক্রমেলকশিরোধর ! হে রক্তবিন্দো ! হে জপানেত্র ! হে বিদ্যুজ্জিহ্ব ! হে অগ্নি-তাপন ! হে ধূম্রাক্ষ ! হে ধূমনিঃশ্বাস ! হে চণ্ড ! হে চণ্ডাংশুতাপন ! আর হে মহাভীষণ প্রভৃতি অসুর-শ্রেষ্ঠগণ ! তোমরা সাদরে আমার আজ্ঞা শ্রবণ কর— “তোমরা এই সমস্ত এবং অগ্ন্যাশ্র অসুর গণের মধ্যে যে ব্যক্তি ধৃতি, বুদ্ধি, বল কিম্বা ছলের দ্বারা বিদ্যাবাসিনীকে আনয়ন করিবে, আজ নিশ্চয়ই আমি তাহাকে ইন্দ্ররূপদ প্রদান করিব। এই সুন্দরীকে দেখিয়া আমার মন অতিশয় ব্যাকুল হইতেছে, যে পর্য্যন্ত আমার কন্দর্পশরপীড়িত মন ইহার অপ্রাপ্তিতে বিহ্বল হইয়া ন পড়ে, ইহারই মধ্যে সহর তোমরা গমন কর”। ৬৩-৭৬।

দমুজপতি দুর্গাসুরের এই বাক্য শ্রবণ করিয়া সেই দৈত্যগণ বক্রাজলি হইয়া বলিতে লাগিল যে, হে মহা-রাজ ! শ্রবণ করুন, অনাথা অবলার উপর এ কার্য্য দুষ্কর নহে, হে প্রভো ! ইহাকে আনয়ন করিবার জন্ত এত যত্ন কেন ? প্রলয়কালীন কালাম্বিজালাসদৃশ আমরা যদি যুদ্ধ করি, তবে আপনার অনুগ্রহে ত্রিভুবন-মধ্যে কোন ব্যক্তিই আমাদের তেজঃ সহ্য করিতে পারে না। যদি আজ আপনার আদেশ পাই, তবে আমরা দেবগণ ও অন্তঃপুরচারিণীগণের সহিত ইন্দ্রকে আনিয়া আপনার চরণাগ্রে নিক্ষেপ করি। ভূলোক, ভুবলোক ও স্বর্গলোক, এ সমস্তই আপনার আজ্ঞার বশবর্তী এবং মহলোক, জন-লোক, তপোলোক এবং সত্যলোক, এ সমস্ত ও আপনারই অধিকারে রহিয়াছে, হে মহাসুর ! আপনার আজ্ঞা পাইলে সে সমস্ত লোকেও আমাদের অসাধ্য কিছুই নাই। ৭৭-৮২।

স্বয়ং বৈকুণ্ঠনাথ সতত আপনার

আজ্ঞা প্রতিপালন করিতেছেন এবং যে সমস্ত রমণীয় রত্ন তাঁহার নিকট ছিল, তৎসমুদয়ই তিনি সহর্ষে আপনার নিকট প্রেরণ করিয়াছেন ; আমরাই দয়া করিয়া কৈলাসাধিপত্যকে পরিত্যাগ করিয়াছি, তাহার কারণ তিনি বিষভক্ষণ করেন এবং তিনি এমনই দরিত্র যে, ভস্ম, গজচর্ম্ম এবং সর্প ব্যতিরিক্ত তাঁহার অণু ভূষণ নাই । একটীমাত্র স্ত্রী, তাহাকেও আবার তিনি আমাদের ভয়ে অর্দ্ধাঙ্গ সংযুক্ত করিয়া রাখিয়াছেন, তাঁহার বাহন একটীমাত্র বুধ, সেটীও অশ্বের দ্বারা পালিত হওয়া কঠিন, তাঁহার অধিকারে যে সমস্ত গণ বাস করে, তাহারাও সকলেই শ্মশানবাসী, সকলেরই পরিধানে কোপীন, সকলেই বিভূতিভূষিত এবং সকলেই জটাধারী ! হে বিভো ! আমরা সেই দরিত্রগণ-নিচয়ের আর কি করিব ? সমুদ্রগণ প্রত্যহই রত্নরাশি প্রেরণ করিতেছে, নাগগণও প্রত্যহ সায়ংকালে কণাস্থিত রত্ন-নিচয়ের প্রদীপ জ্বলিতেছে, আপনার অনুগ্রহে কল্পদ্রুম এবং কামধেনু ও বহুতর চিন্তামণি-মণিও আমাদের গৃহে রহিয়াছে । ৮৩-৯০ । বায়ুও প্রষত্ত্বপূর্বক ব্যজনরূপে আপনার সেবা করিতেছে, বরুণও প্রত্যহ নিশ্চল জল যোগাইতেছে, অগ্নি বস্ত্র জ্বলন করিতেছে, চন্দ্র স্বয়ং ছত্রধারী হইয়াছেন, সূর্য প্রত্যহ ক্রীড়াবাপীতে পদ্মনিচয়কে বিকশিত করিতেছেন, দেবতা ও মানব ও নাগলোকের মধ্যে কোন্ ব্যক্তি আপনার প্রসাদ অপেক্ষা না করিতেছে ? সুর, অম্বর ও পক্ষিগণ প্রভৃতি সকলেই আপনার আশ্রয়ে রহিয়াছে । ৯১-৯৩ । হে রাজন্ ! অস্ত্র আপনি আমাদের পৌরুষ দেখুন, আমরা এখনই বল-পূর্বক ইহাকে আনয়ন করিতেছি । এই কথা বলিয়া সেই দৈত্যগণ প্রলয়কালীন পয়োধির আয় এই জগৎকে প্রাবিত করিবার জন্য চঞ্চল হইয়া উঠিল এবং চতুর্দিকে রণভেরীধ্বনি হইতে লাগিল । ৯৪-৯৫ । সেই ভেরী-শব্দ শ্রবণ করিয়া সকলের রোমাঞ্চ হইল এবং বাহারা অকাতর ছিল তাহারাও কাতর হইতে লাগিল । দেবগণও অতিশয় ভীত হইলেন, বহুধরা কাঁপিতে লাগিল এবং সেই শব্দে গগনমণ্ডল ব্যাপ্ত হইয়া পড়িল । তখন ভগবতীদেবী নিজ দেহ হইতে শত সহস্র শক্তি উৎপন্ন করিলেন, সেই সমস্ত শক্তিগণ প্রত্যেক বলবান্ দৈত্যগণের উঘেল সৈন্য রোধ করিতে লাগিলেন । দৈত্যগণ যুদ্ধে যে সমুদয় অস্ত্র ও শস্ত্র নিক্ষেপ করিতে লাগিল, সেই শক্তিগণ সম্বরই সেই অস্ত্রনিচয়কে ত্বণের আয় উড়াইয়া দিতে লাগিলেন । ৯৬-১০০ । তখন জন্তু প্রভৃতি সেই দৈত্যগণ অতিশয় ক্রোধসহকারে সেই দৈত্যগণের উপর বর্ষাকালীন জলাধারের আয় অসি, চক্র, ভূশুণ্ডী, গদা, মুদগর, তোমর, তিন্দিপাল, পরিষ, কুণ্ড, শলা, শক্তি, অর্দ্ধচন্দ্র, ক্ষুরপ্রা, নারাচ, বাণ, মহাভল,



ভিহর, বৃক্ষ এবং উপল প্রভৃতি মৰ্ম্মভেদী অস্ত্রনিচয় বর্ষণ করিতে লাগিল । ১০১-১০৩ । অনন্তর মহামায়া ও মহেশ্বরী শ্রীমতী বিদ্যাবাসিনীদেবী কোদণ্ডগ্রহণ করিয়া বায়ব্যাস্ত্রের দ্বারা অক্ৰেশেই সেই অস্ত্রনিচয়কে দূরে নিক্ষেপ করিলেন । তখন দৈত্যপতি দুর্গাসুর সৈন্যগণকে অস্ত্রহীন দেখিয়া জাঙ্ঘল্যমানা শক্তি গ্রহণ করত দেবীর প্রতি নিক্ষেপ করিল । দেবী বিদ্যাবাসিনী মহাবেগবতী সেই শক্তিকে আগমন করিতে দেখিয়া, নিজ কাম্বুক-নিষ্মুক্ত বাণ-নিচয়ের দ্বারা তাহা চূর্ণ করিয়া ফেলিলেন । তখন দুর্গাসুর স্বীয় শক্তিকে চূর্ণিত হইতে দেখিয়া দৈত্যগণের অতিশয় হর্ষপ্রদ স্বীয় চক্র নিক্ষেপ করিল । দেবী বাণবিক্ষেপের দ্বারা সেই চক্রকেও মধ্যপথেই পরমাণুর আয় খণ্ড খণ্ড করিয়া ফেলিলেন । তখন সেই দৈত্য ইন্দ্রধনু তুল্য স্বীয় শাঙ্গধনুঃ গ্রহণ করিয়া দেবীর হৃদয়ে বাণবিক্ষেপ করিতে লাগিল । দেবী বহুতর-বাণ-নিক্ষেপের দ্বারা সেই বাণকে নিবারণ করিতে চেষ্টা করিলেন, তথাপি তাহা নিবারিত না হইয়া তাঁহারই দিকে আগমন করিতে লাগিল, তখন কোদণ্ডদণ্ডে অস্ত্র এক বাণ যোজনা করিয়া কালদণ্ড সদৃশ সেই বাণকে নিবারিত করিলেন । ১০৪-১১১ । তখন সেই দৈত্যরাজ স্বীয় বাণকে বিমুখ হইতে দেখিয়া ক্রোধপূর্বক প্রলয়কালীন অনলের আয় প্রভাশালী এক শূল গ্রহণ করত, মহাবেগে দেবীর প্রতি নিক্ষেপ করিল । দৈত্যকে শূল ক্ষেপ করিতে দেখিয়া দেবী ও নিজশূলের দ্বারা মধ্যপথেই দৈত্যগণের জয়াশার সহিত সেই শূল-চ্ছেদন করিলেন । সেই মহাশূলকেও দেবীর শূলের দ্বারা ছিন্ন হইতে দেখিয়া সেই দৈত্যরাজ, গদা গ্রহণ করত সহসা দেবীর প্রতি ধাবিত হইয়া দেবীর ভুজমূলে বলপূর্বক সেই গদার আঘাত করিল । গিরীন্দ্রশিখরাকৃতি সেই গদা দেবীর হস্তমূলে আহত হইয়া সহস্রধা বিদীর্ণ হইয়া পড়িল । তখন দেবী বামপদের দ্বারা সেই দুর্গাসুরকে আঘাত করিলেন, সেই আঘাতে দুর্গাসুর হৃদয়ে অতিশয় ব্যথা পাইয়া ভূমিতে নিপতিত হইল এবং তৎক্ষণাৎই পুনরুত্থিত হইয়া সহসাই বাতাহত দীপের আয় অদৃশ্য হইল । তখন দেবীর শরীর-সম্ভূত সেই শক্তিগণ প্রলয়কালীন মৃত্যুসেনার আয় দৈত্যসৈন্য-মধ্যে বিচরণ করিতে লাগিলেন । ১১২—১১৯ ।

## দ্বিসপ্ততিতম অধ্যায় ।

—:•:—

### দুর্গ-বিজয় কথন ।

অগস্ত্য কহিলেন, হে পার্বতীহৃদয়ানন্দ ! সর্বজ্ঞানন্দন ! স্বন্দ ! সেই সকল শক্তি কাহারো এবং তাহাদের নামই বা কি ? তাহা আমার নিকট কীৰ্ত্তন করুন । ১ । স্বন্দ কহিলেন, হে কুন্তসম্ভব ! উমার অবয়ব হইতে সমুৎপন্ন সেই সকল পরম-শক্তির নাম আমি কীৰ্ত্তন করিতেছি, তুমি অবধানপর হও । ২ । ত্রৈলোক্যবিজয়া, তারা, ক্ষমা, ত্রৈলোক্যহৃন্দরী, ত্রিপুরা, ত্রিজগন্মাতা, ভীমা, ত্রিপুরভৈরবী, কামাখ্যা, কমলাক্ষী, ধৃতি, ত্রিপুরপাবনী, জয়া, জয়ন্তী, বিজয়া, জলেশী, অপরাজিতা, শঙ্খিনী, গজবন্তী, মহিষ্মা, রণপ্রিয়া, শুভাননা, কোটরাক্ষী, বিদ্যাজ্জিহ্বা, শিবারবা, ত্রিনেত্রী, ত্রিবন্তী, ত্রিপদা, সর্ববমজলা, হৃদ্ধারহেতি, তালেশী, সর্পাস্তা, সর্বহৃন্দরী সিদ্ধি, বুদ্ধি, স্বধা, স্বাহা, মহানিদ্রা, শরাসনা, পাশপাণি, খরমুখী, বজ্রতারা, ষড়ননা, মম্বুরবদনা, কাকী, শুকী, ভাসী, গুরুভ্রাতী, পদ্মাবতী, পদ্মকেশী, পদ্মাস্তা, পদ্মবাসিনী, অক্ষয়া, ত্র্যক্ষরা; তম্ভ, প্রণবেশী, স্বরাভিকা, ত্রিবর্গ, বর্গরহিতা, অজপা, জপহারিণী, জপসিদ্ধি, তপঃসিদ্ধি, যোগসিদ্ধি, পরামৃত্য, মৈত্রীকৃৎ, মিত্রনেত্রী, রক্ষোব্রী, দৈত্য-তাপিনী, স্তম্ভনী, মোহনী, মায়া, বহুমায়া, বলোৎকটা, উচ্চাটনী মহোৎকাস্তা, দম্বু-জেন্দ্রক্ষয়ঙ্করী, ক্ষেমঙ্করী, সিদ্ধিকরী, ছিন্নমস্তা, শুভামনা শাকম্বরী, মোক্ষলক্ষ্মী, ত্রিবর্গফলদায়িনী, বার্তালী, জম্বলী, ব্রিস্মা, অশ্বারূঢ়া, সুরেশ্বরী ও জ্বালামুখী প্রভৃতি নয়কোটি মহাবলশালিনী সেই সকল মহাশক্তি, অবলীলাক্রমে প্রলয়কালীন বহ্নি-জ্বালা যেমন সংসারকে গ্রাস করে, তজ্জপ সেই দানবেন্দ্রসৈন্যসমূহকে বিনাশ করিতে লাগিলেন । ৩—১৪ ।

দানব-বল এই প্রকার ক্ষয় প্রাপ্ত হইতেছে দেখিয়া, দৈত্যপতি দুর্গ, মেঘ-নিবহের মধ্যহইতে বাত্যাবেগবতী করকারুষ্টি করিতে লাগিল । তখন ভগবতী দেবা, শোষণাত্ম প্রয়োগ-পূর্বক, ক্ষণকালের মধ্যেই সেই করকাময়ী বৃষ্টিকে বিনি-বারিত করিলেন । হে অগস্ত্য ! অভিলাষবতী নারী ক্রীবেকে লাভ করিয়া যেমত বিফলমনোরথা হয়, তজ্জপ সেই দৈত্যের করকাময়ী বৃষ্টি ভগবতীকে লাভ করিয়া নিষ্ফলতা প্রাপ্ত হইল । ১৫-১৭ । অনন্তর দৈত্যপতি দুর্গ, অতিকোপ পূর্বক নিজবাহুসজ্জ্বল ঘারা শৈলশিখর উৎপাটন করিয়া গগণাঞ্জন হইতে তাহা দেবীর

উদ্দেশ্যে নিষ্কম্প করিল। অতি বিস্তৃত একটা গিরিশৃঙ্গ গগন হইতে পতিত হইতেছে দেখিয়া, দেবী ভগবতী বজ্রাশ্র-প্রহার দ্বারা সেই শৈলশিখরকে কোটিখণ্ড করিলেন। তদনন্তর সেই মহাসুর বিচিত্র কুণ্ডলদ্বয়শোভিত স্বকীয় মস্তক আন্দোলিত করিয়া সমরক্ষেত্রে ভীষণ এক হস্তীর শরীর ধারণ করত দেবীর প্রতি ধাবমান হইল। ১৮-২০। শৈলাকৃতি সেই গজরূপী দুর্গাসুর আগমন করিতেছে দেখিয়া, দেবী ভগবতী অতিবেগে তাহাকে পাশাশ্র দ্বারা বদ্ধ করত তদীয় শুণ্ড চ্ছেদন করিয়া দিলেন। ২১। দেবী এই প্রকার শুণ্ডচ্ছেদ করিলে পর, সেই গজরূপী অসুর, অকিঞ্চিৎকরতা প্রযুক্ত অতিশয় ভীত চীৎকার করত গজরূপ পরিত্যাগ পূর্বক মহিষরূপ ধারণ করিল। ২২। অনন্তর মহিষরূপধারী মহাবলবান্ সেই দুর্গাসুর, ধুরাঘাতে বহুতর পর্বতশৃঙ্গ বিদারণ করিয়া শৃঙ্গদ্বয় দ্বারা বহুতর বিশাল শিলাখণ্ড দেবীর প্রতি নিষ্কম্প করিতে লাগিল। ২৩। তাহার নিঃশ্বাস-বায়ুর প্রচণ্ড আঘাতে ভগ্ন হইয়া প্রকাণ্ড প্রকাণ্ড বৃক্ষ সকল মহীতলে পতিত হইতে লাগিল এবং সপ্ত সমুদ্রও উঘেলিত হইতে লাগিল। ২৪। হে মুন্যে! যুগান্তকালীন বায়ুবেগে ত্রৈলোক্যমণ্ডপ যে প্রকার আন্দোলিত হয়, তদ্রূপ সেই মহামহিষরূপধারী দুর্গাসুরের বেগপ্রভাবে ত্রিলোক বারম্বার আন্দোলিত হইতে লাগিল। ২৫। তাহার এবম্প্রকার ভীষণ অত্যাচারে নিখিল জগৎ অতিশয় ভীত হইতেছে দেখিয়া, দেবী ভগবতী ত্রিশূল দ্বারা তাহাকে আঘাত করিলেন। ২৬। ত্রিশূলের ভীম আঘাতে সেই অসুর, ভূমিতে পতিত হইয়া ক্ষণকালমধ্যেই মহিষশরীর পরিত্যাগপূর্বক সহস্রবাহুধারী এক পুরুষের আকৃতি ধারণ করিল। ২৭। সেই কালাস্ত্রকোপম অতিভীষণাকৃতি দুর্গাসুর সহস্রবাহুতে সহস্র আয়ুধ ধারণ করিয়া অতিবিকট অবস্থায় বিচরণ করিতে লাগিল। ২৮। অনন্তর মহাবল দুর্গাসুর সত্বর রণপণ্ডিতা সেই দেবীকে বলপূর্বক গ্রহণ করত আকাশে উত্থান করিল; অনন্তর সেই দুর্গাসুর অতি উচ্চস্থান হইতে দেবীকে নিষ্কম্প করিয়া শরনিকর দ্বারা তাহাকে আচ্ছাদিত করিয়া ফেলিল। তৎপরে গগনমধ্যে দুর্গাসুরের দীপ্যমান অস্ত্রনিবহে বেষ্টিতা দেবী ভগবতী, মহামেঘপটল-মধ্যে, নিহিত বিদ্যুদ্ভালায় স্তায় শোভা পাইতে লাগিলেন। তৎপরে ভগবতী দেবী, নিজ শরনিকর-দ্বারা সেই দৈত্যনিক্ষিপ্ত শরসমূহ বিচ্ছিন্ন করিয়া একটা দিব্য মহাপ্রাণ দ্বারা সেই দৈত্যজনেশ্বরকে বিনষ্ট করিলেন। সেই ভীম-অস্ত্রাঘাতে বিদীর্ণহৃদয় দানব বিলুপ্তমান হইয়া অতি বিহ্বলভার সহিত ভূমিপৃষ্ঠে পতিত হইল। তৎকালে তাহার ক্ষতস্থান হইতে নিগর্ত শোণিতরাশি, নদীর আকারে বহিতে লাগিল। সেই মহাভীমপরাক্রম দুর্গাসুর ভূমিতে পতিত হইলে পর, দিব্য চন্দ্রভি-

নিবহ ধ্বনিত হইতে লাগিল ; নিখিল জগৎ হর্ষলাভ করিল এবং সূর্য্য, চন্দ্র, ও অগ্নি পুনর্বার স্বকীয় দীপ্তি প্রাপ্ত হইল। তৎপরে মহর্ষিগণের সহিত নিখিল দেবগণ, পুষ্পবৃষ্টি করিতে করিতে অতি আদরে মহাস্তুতির দ্বারা দেবীকে স্তুতি করিতে লাগিলেন। ২৯-৩৬। দেবগণ কহিলেন, হে দেবি! হে জগদ্ধাত্রি! হে জগজ্জয়মহারণে! হে মহেশ্বর-মহাশক্তে! হে দৈত্যাক্রম-কুঠারিকে! হে ত্রৈলোক্যব্যাপিনি! হে শিবে! হে শম্ব-চক্র-গদা-ধারিণি! হে ধর্ম্মব্যগ্রহস্তাগ্রে! হে বিষ্ণুস্বরূপিনি! আপনাকে নমস্কার। ৩৭-৩৮। হে হংসবানে! হে সর্ব্বস্বষ্টি-বিধায়িনি! হে বেদবাণীর জগ্গভূমে! হে চতুরাননরূপিনি! আপনাকে নমস্কার। ৩৯। হে দেবি! আপনি ইস্রাণী, আপনি কোবেরী, আপনি বায়বী, আপনি ষমপত্নী, আপনি নৈঋতী, আপনি ঐশী ও আপনি পাবকী অতএব আপনাকে নমস্কার। ৪০। হে মহাদেবি! আপনি শশাঙ্ক-কৌমুদী ও সৌরী-শক্তি, আপনিই সর্ব্ব-দেবময়ী ও পরমেশ্বরী। আপনি গৌরী, সাবিত্রী, গায়ত্রী ও সরস্বতীস্বরূপা, আপনি প্রকৃতি, আপনি বুদ্ধি ও আপনিই অহঙ্কারস্বরূপা। ৪১-৪২। হে দেবি! আপনি চেতঃস্বরূপিণী ও সর্ব্বেন্দ্রিয়রূপিণী, হে অশ্বকে! আপনি পঞ্চতন্ত্রাত্মরূপা ও মহাভূতস্বরূপা; আপনাকে প্রণিপাত করি। আপনি শব্দাদিবিষয়রূপিণী, আপনি ইন্দ্রিয়াধিষ্ঠাত্রী-দেবতাস্বরূপা, আপনিই ত্রক্ষাণ্ডকর্ত্তা অথচ আপনিই ত্রক্ষাণ্ড-স্বরূপা। ৪৩-৪৪। হে দেবি! আপনি পরা, হে মহাদেবি! আপনি পরাপরা, আপনিই পরাপরগণেরও পরমা এবং আপনিই পরমার্থস্বরূপিণী। হে ঈশানি! আপনি সর্ব্বস্বরূপা, হে সর্ব্বগে! আপনি রূপরহিতা, হে মহামায়ে! আপনি চৈতন্যশক্তি, হে অমৃতে! আপনিই স্বাহা ও স্বধাস্বরূপা। ৪৫-৪৬। আপনি বষট্-বোষট্ ও প্রণবস্বরূপা, আপনি সর্ব্বমদ্রময়ী, হে দেবি! ত্রক্ষাদিদেবগণও আপনা হইতেই প্রাদুভূত হইয়াছেন। ৪৭। হে চতুর্বর্গফলদায়িনি! আপনি চতুর্বর্গস্বরূপা, হে সর্ব্বজগন্মিধে! আপনা হইতে সকল জগৎ উৎপন্ন হইয়াছে ও আপনি সকল জগতের স্বরূপা। ৪৮। হে মহাদেবি! দৃশ্য ও অদৃশ্যরূপে বস্তু কিছু বস্তু স্থূল ও সূক্ষ্মরূপে বর্ত্তমান আছে, আপনি সেই সকল পদার্থেই শক্তিরূপে বিস্তৃতমানা রহিয়াছেন, হে দেবি! এ জগতে আপনা হইতে ভিন্ন কোন পদার্থই বর্ত্তমান নাই। ৪৯। হে মাতঃ! অজ্ঞেয় সৈন্যনিকর দ্বারা যে ব্যক্তি, ভুবনবিখ্যাত-বীর্ঘ্য দেবগণকে নিতান্ত নিপীড়িত করিতেছিল, সেই অতিভীমপ্রভাব দুর্গাসুরকে বিনাশ করিয়া প্রবল ভয় হইতে আপনি আমাদিগকে রক্ষা করিয়াছেন। হে শরণাগত-প্রতিপালিকে! আপনা হইতে ভিন্ন কোন ব্যক্তিই বা ভয়ঙ্কর করিতে

সমর্থ, হে দেবি ! আমরা আপনারই শরণাগত হইলাম, আমরা অশ্রু কাহাকেও জানি না। ৫০। হে দেবি ! হে পরমেশ্বরী ! যে সকল ব্যক্তির প্রতি আপনার কৃপাকটাক্ষ নিপতিত হইয়াছে, এ জগতে তাহারাই যথার্থ ধন্য-ধাত্ম ও সমৃদ্ধি ভাগী হইয়া থাকে, তাহারাই যথার্থ পুত্র, পৌত্র, কলত্র ও স্নমিত্র লাভ করিতে পারে এবং তাহাদেরই প্রস্তুত-চন্দ্রকরের আয় সুবিস্মল যশোনিবহে এই জগৎ উদ্ভাসিত হইয়া থাকে। ৫১। হে দেবি ! যাহারা আপনার ভক্তিযুক্ত, তাহাদের বিপত্তির লেশমাত্রও ভোগ করিতে হয় না। যে সকল পুরুষ আপনাকে সর্বদা নমস্কার করিয়া থাকে, তাহাদের কোন কালেও ক্লেশের সম্ভাবনা নাই। হে ত্রিপুরারিপত্নি ! যাহারা আপনার নাম সর্বদা স্মরণ করিয়া থাকে, তাহাদের আর পুনর্জন্মের সম্ভাবনা কি ? ৫২। হে দেবি ! ইহা বড়ই আশ্চর্য্যকর যে, সেই দুঃস্থ দুর্গাম্বর মৃত্যুকালে অমৃতের চিরাধারস্বরূপ ভবদীয় দৃষ্টিপাতলাভ করত দেহ পরিত্যাগে সুন্দর গতি-লাভ করিতে সমর্থ হইল ? হে দেবি ! ইহা দ্বারা প্রতিপন্ন হইতেছে যে, আপনার দৃকপথে পতিত হইলে, দুঃখজীবও কুগতি লাভ করে না। ৫৩। হে দেবি ! আপনার শস্ত্রসম্পাতসম্পূর্ণ অনলে দেহ আভূতি প্রদানপূর্বক দৈত্যগণও সূর্য্যের আয় প্রভাশালি দিব্যদেহ পরিগ্রহ করিয়া অনায়াসে স্বর্গে গমন করিতেছে। হে দেবি ! সজ্জনগণ নিতাস্ত্র খল ব্যক্তিগণের প্রতিও দুঃখভাব ধারণ করেন না, বরঞ্চ তাহারা সাধুগণের আয় তাহাদের প্রতিও প্রণয়প্রকাশ করিয়া উত্তমপথের উপদেশ দিয়া থাকেন, এই নিঃসংশয়িত সত্য আপনার অলৌকিক ক্রিয়া দ্বারা প্রতিপন্ন হইতেছে। ৫৪। হে মৃড়ানি ! আপনাকে যাহারা প্রণাম করে আপনি পূর্বদিকে তাহাদিগকে রক্ষা করুন। হে ভবানি ! আপনার ভক্তগণকে প্রতিপদেই আপনি দক্ষিণদিকে রক্ষা করুন। হে ত্রিপুর-তাপনপত্নি ! হে মহেশি ! আপনি উত্তর ও পশ্চিমদিকে অবস্থান করত নিজ-ভক্তগণকে সর্বপ্রকার বিপত্তি হইতে রক্ষা করুন। ৫৫। হে ত্র্যক্ষাণি ! আপনি ভক্তগণের মৌলিদেশ রক্ষা করুন, হে বৈকবি ! আপনার ভক্তনিবহের অধো-ভাগকে আপনি পরিপালন করুন। আপনি মৃত্যুঞ্জয়া, ত্রিনয়না, ত্রিপুরা ও ত্রিশক্তিরূপে রুদ্র, অগ্নি, নৈঋত ও বায়ুদিকে অবস্থান-পূর্বক নিজ ভক্তগণকে সর্বপ্রকার বিপত্তি হইতে রক্ষা করুন। ৫৬। হে অমলে ! আপনার হস্তত্রিশূল আমাদিগের কেশসমূহকে রক্ষা করুন। শশিকলাধারিণী ভালস্বল ও উমা আমাদের ব্রহ্মরূপকে রক্ষা করুন। ত্রিলোচনবধূ নেত্রবয়, গিরিজা নাসা, জয়া ওষ্ঠ ও বিজয়া আমাদের অধর-প্রদেশ রক্ষা করুন। ঐশ্বরীবা শ্রোত্রবয়,

শ্রী দশনাবলি, চণ্ডী কপোলদ্বয়, বাণী রসনা, জয়মঞ্জলা চিবুক ও কাত্যায়নী আমাদের সমুদয় বদনমণ্ডলকে রক্ষা করুন। ৫৭-৫৮। নীলকণ্ঠী আমাদের কণ্ঠদেশ রক্ষা করুন, ভূদারশক্তি (বারাহী) সর্বদা আমাদের পৃষ্ঠবংশের উপরি-ভাগকে রক্ষা করুন, কোন্স্মী, ঐন্দ্রী যথাক্রমে আমাদের অংশদেশ ও ভুজদণ্ডকে রক্ষা করুন এবং পদ্মা আমাদের করকমলের রক্ষা বিধান করুন। ৫৯। কমলজা আমাদের হস্তাঙ্গুলি সকল, বিরজা নখনিবহ, সূর্য্যমণ্ডলস্থ তমোম্বাদেবী কক্ষমধ্যে, শ্বলচরী বক্ষঃস্থল, ধরিত্রী হৃদয় ও ক্ষণদাচরনাশিনীদেবী কুক্ষিঘরকে রক্ষা করুন। ৬০। জগদীশ্বরী আমাদের উদরগহ্বর রক্ষা করুন, নভোগতি ও অজাদেবী যথাক্রমে আমাদের নাভি ও পৃষ্ঠদেশ রক্ষা করুন। বিকটা আমাদের কটিদেশ রক্ষা করুন, পরমা আমাদের প্রোথদ্বয়, গুহারিণি গুহদেশ ও অপারহস্তীদেবী আমাদের অপানদেশকে রক্ষা করুন। ৬১। বিপুলা উরুদ্বয়, ললিতা জাম্বুদ্বয়, জয়া জজ্বাদ্বয়, কঠোরতরা গুল্ফদ্বয়, রসাতলচরা পাদদ্বয়, উগ্রা পাদাঙ্গুলিনিবহ, চালদ্রী পাদনখনিকর ও তলবাসিনী আমাদের পাদতলকে রক্ষা করুন। ৬২। লক্ষ্মী আমাদের গৃহ রক্ষা করুন, ক্ষেমঙ্করী আমাদের ক্ষেত্র রক্ষা করুন, প্রিয়করী ও সনাতনী আমাদের পুত্রগণ ও আয়ুকে রক্ষা করুন। ৬৩। মহাদেবী ও ধনুধরী আমাদের যশ ও ধর্ম্মকে রক্ষা করুন, কুলদেবী ও সদগতিপ্রদা আমাদের কুল ও সদগতিকে রক্ষা করুন। ৬৪। রণে, রাজকূলে, দ্যূতে, শত্রুসঙ্কটে, গৃহে, বনে ও সমুদ্রমধ্যে আমরা যে স্থানে থাকি সর্ববাণী সর্বস্থানেই সর্বদা আমাদের রক্ষা করুন। ৬৫।

ঋষি, গন্ধর্ব্ব ও চারণগণের সহিত ইন্দ্রাদিদেবগণ এই প্রকার স্তুতি করিয়া বারম্বার তাঁহাকে প্রণাম করিতে লাগিলেন। ৬৬। অনন্তর জগন্মাতা পরিতুষ্ট হইয়া সেই সুরশ্রেষ্ঠগণকে কহিতে লাগিলেন যে, “হে সুরগণ! তোমরা সকলে পূর্ব্বের আয় নিজ নিজ অধিকার অবাধে ভোগ কর, তোমাদের এই স্বার্থস্তুতিতে আমি অতিশয় পরিতুষ্ট হইয়াছি, হে সুরোত্তমগণ! আমি তোমাদিগকে অম্ব বর প্রদান করিতেছি, শ্রবণ কর”। ৬৭-৬৮। শ্রীদুর্গা কহিলেন, যে ব্যক্তি পবিত্রহৃদয়ে তোমাদের কৃত এই স্তোত্র দ্বারা আমাকে পরিতুষ্ট করিবে, আমি তাহার প্রতিপদেই বিপত্তি বিনাশ করিব। ৬৯। এই স্তোত্র-কবচকে সর্বদা যে ব্যক্তি ধারণ করিবে, বজ্রপঙ্করাবৃত্ত সেই ব্যক্তির কোন প্রকার ভয়ের সম্ভাবনা নাই। ৭০। অস্ত্র হইতে জগতে আমার “দুর্গা” এই নামটী প্রসিদ্ধ হইল, কারণ যুদ্ধক্ষেত্রে অগম্য দুর্গাসুরকে আমিই দমন করিয়াছি। ৭১। যে সকল ব্যক্তি

দুর্গারূপা আমার শরণাগত হইবে, তাহাদের কোনকালেও দুর্গতি ভোগ করিতে হয় না । এই পবিত্র দুর্গাস্তুতির নাম বজ্রপঞ্জর বলিয়া বিখ্যাত হইবে । ৭২ । এই স্তোত্র দ্বারা কবচ নির্মাণপূর্বক ধারণ করিলে, শমন হইতেও ভয় থাকে না এবং ভূত, প্রেত, পিশাচ, শাকিনী, ডাকিনী, রাক্ষস, ক্রুর বিষধর সর্প, অগ্নি, দম্বা, বেতাল, কঙ্কালগ্রহ, বালগ্রহ, বাতপিত্তাদিজনিত দোষ ও বিষমত্বর প্রভৃতি ব্যাধি-  
নিকর, এই কবচ শ্রবণমাত্রেই সুদূরে পলায়ন করে, তাহাতে সন্দেহ নাই । ৭৩-৭৫ ।  
দুর্গা-প্রশংসাকর এই স্তোত্রটির নাম বজ্রপঞ্জর, যাহারা এই স্তোত্রের দ্বারা রক্ষিত-  
শরীর হয়, তাহাদের বজ্র হইতেও কোন প্রকার ভয়ের সম্ভাবনা নাই । ৭৬ ।  
এই স্তোত্রটি আটবার জপ করত যে ব্যক্তি এই স্তোত্রসংস্কৃত জল পান করিবে,  
তাহার কখনও উদরের পীড়া হইবে না এই স্তোত্রাভিমন্ত্রণ দ্বারা বিশুদ্ধ-জল-পান  
করিলে, কোন প্রকার গর্ভ-পীড়া হইবে না এবং সেই জল পান করাইলে বালক-  
গণেরও সর্বপ্রকার পীড়া প্রশমিত হইয়া থাকে । ৭৭-৭৮ । যে স্থানে সর্বদা  
এই স্তোত্রটি পঠিত হইবে, সকল শক্তিগণের সহিত আমি স্ময়ং তথায় আবির্ভূত  
হইব । ৭৯ । এবং সেই সকল শক্তিগণ আমার আজ্ঞায় মন্ত্ৰক্ৰমণকে সর্বদা  
সর্বপ্রকার বিপত্তি হইতে রক্ষা করিবেন ।

এই প্রকার বর প্রদান করিয়া দুর্গাদেবী সেই স্থানেই অস্থিরিত হইলেন । ৮০ ।  
অনন্তর সেই সকল দেবগণও হৃষ্টান্তঃকরণে নিজ নিজ আবাসে প্রতিগমন  
করিলেন । স্বন্দ্র কহিলেন, হে মহামুনে ! এইরূপেই সেই দেবীর “দুর্গা” এই  
নামটি প্রসিদ্ধি লাভ করিয়াছে, এক্ষণে কাশীস্থ সেই দুর্গাদেবীকে যে বিধানানুসারে  
পূজা করিতে হয়, তাহা আমি তোমার নিকট কীৰ্ত্তন করিতেছি, শ্রবণ কর । ৮১ ।  
অৰ্দ্ধমী, চতুর্দশী ও মঙ্গলবারে বিশেষ ব্যাপারে সেই দুর্গার্তিনাশিনী দুর্গাদেবীর  
বিধানানুসারে সর্বকালেই পূজা করিবে । ৮২ । নবরাত্রিতে প্রাত্যহ প্রযত্নসহকারে  
দুর্গাদেবীর পূজা করিলে মনুষ্যের সর্বপ্রকার বিঘ্ন দূর হয় ও সুমতি-লাভ হয় । ৮৩ ।  
মহাপূজোপহার ও মহাবলি নিবেদন দ্বারা পূজা করিলে কাশীস্থিত সেই দুর্গাদেবী  
ভক্তগণের সর্বপ্রকার অভীষ্ট-সিদ্ধি-প্রদান করিয়া থাকেন, তাহাতে কোন সন্দেহ  
নাই । ৮৪ । যে সকল ব্যক্তি নিজ শুভকামনা করে, তাহাদের প্রতি সম্বৎসরে  
নবরাত্রিতে নিজ কুটুম্বগণের সহিত দুর্গাদেবীর যাত্রা অবশ্য কর্তব্য । ৮৫ । যে  
দুর্বুদ্ধি কাশীতে দুর্গাদেবীর বাৎসরিক যাত্রায় অমুষ্ঠান না করে, তাহার প্রতি-  
পদেই কাশীতে অনেক বিপত্তি সহিতে হয়, ইহাতে সন্দেহ নাই । ৮৬ । দুর্গাকুণ্ডে  
স্নান করিয়া বিধানানুসারে দুর্গার্তিহারিণী দুর্গাদেবীর অর্চনা করিলে, মানব


নয় জন্মে অর্জিত সর্বপ্রকার পাপ হইতে মুক্তিলাভ করিতে পারে। ৮৭। নিজ শক্তিগণের সহিত মিলিত হইয়া সেই দুর্গাদেবী এই কাশীকে সর্বদা রক্ষা করিয়া থাকেন, কালরাত্রি প্রভৃতি সেই সকল শক্তিগণকে মনুজগণের প্রযত্নসহকারে পূজা করা উচিত। ৮৮। আরও অতিরিক্ত নয়টি শক্তি, বিদ্বসমূহ হইতে এই কাশীপুরীকে রক্ষা করিতেছেন, সেই সকল নব দিগেদবতাগণের নাম আমি যথাক্রমে কীর্তন করিতেছি শ্রবণ কর ; “শতনেত্রা, সহস্রাস্ত্রা, অযুতভূজা, অশ্বারূঢ়া, গজাস্ত্রা, দ্বরিতা, শববাহিনী, বিশ্বা ও সৌভাগ্যগৌরী। এই সকল দিগেদবতার যথাক্রমে পূর্বাদিকের এই নবশক্তিকে বিশেষ যত্নসহকারে পূজা করা উচিত। ৮৯-৯১। এবং নির্বাণ-নিকেতন কাশীক্ষেত্র রক্ষার জন্ত আটটি দিকে আটজন ভৈরব বিদ্যমান আছেন ; আমি যথাক্রমে তাঁহাদের নাম কীর্তন করিতেছি, শ্রবণ কর। রুদ্র, চণ্ড, অসিতাজ, কপালী, ক্রোধন, উদ্যমভৈরব, সংহারভৈরব ও ভীষণভৈরব। ৯২-৯৩। এইরূপ বারাণসীক্ষেত্র রক্ষা করিবার নিমিত্ত চতুষষ্টিসংখ্যক মহাভীষণমূর্ত্তি বেতালগণ বিদ্যমান আছেন। এই সকল বেতালগণ সর্বদা মুণ্ডমালা ধারণ করিয়া থাকেন এবং ইহাদের হস্তে সর্বদাই কত্রী ও খর্পর বিদ্যমান রহিয়াছে। কুক্কর ইহাদের বাহন, ইহারা সকলেই রক্তমুখ, ইহাদের মহতী দংষ্ট্রা ও ভূজনিকর অতি বৃহৎ, ইহারা উল্লঙ্গ ও বিমুক্তকেশ এবং রুধিরাসবপানে এই সকল বেতালগণ সর্বদা প্রমত্ত রহিয়াছেন। ইহাদের নানাপ্রকার বিচিত্র বিচিত্র অস্ত্র-শস্ত্র, রহিয়াছে। এবং উক্ত প্রকার আকৃতিধারী কোটি ভূত্যাগে সর্বদা ইহারা পরিবেষ্টিত রহিয়াছেন। ৯৪-৯৬। এক্ষণে ইহাদের মধ্যে কতিপয়ের নাম শ্রবণ কর যথা :—বিদ্যাজিহ্ব, ললজিহ্ব, কুরাস্ত্র, ক্রুরলোচন, উগ্র, বিকটদংষ্ট্র, বক্রাস্ত্র, বক্রনাসিক, জম্বুক, জম্বুগমুখ, জ্বালানেত্র, বুকোদর, গর্ভনেত্র, মহানেত্র, তুচ্ছনেত্র, অস্ত্রমণ্ডল, জ্বলৎকেশ, কাম্বুশিরা, খর্বগ্রীব, মহাহসু, মহানাসা, লম্বকর্ণ, কর্ণপ্রাবরণ, উন্নস ইত্যাদি দুর্বৃত্ত জীবগণের রুধিরপানে সমুৎসুক মহাভীষদর্শন বেতালগণ, দুরাতার সকলকে ভীত করিয়া সর্বদা কাশীক্ষেত্রের রক্ষাবিধান করিতেছেন। ৯৭-১০০। হে মুনে ! ত্রৈলোক্যবিজয়া প্রভৃতি জ্বালামুখীর মধ্যস্থিত যে সকল ‘মহাশক্তিগণ কাশীক্ষেত্রে বর্তমান আছেন, ইহাদের বিষয় পূর্বেই আমি তোমার নিকট কীর্তন করিয়াছি ; সেই সকল শক্তিগণ সর্বদাই নিজ নিজ অস্ত্র উদ্যত করিয়া চারিদিকে পরিভ্রমণ করত কাশীপুরীকে অশেষ প্রকার বিদ্ব হইতে রক্ষা করিতেছেন, হে কলসসম্ভব ! সেই সকল শক্তিগণেরও প্রযত্নসহকারে পূজা করা উচিত ; কারণ ইহাদের পূজা করিলে সর্বপ্রকার বিদ্ব ধ্বংস হইয়া থাকে। ১০১-১০২। রুদ্র প্রভৃতি ভৈরবগণ



যাঁহারা সর্বদা নিবারণ করিয়া কাশীকে রক্ষা করিতেছেন, সর্বসম্পত্তি সিদ্ধির জন্ম প্রযত্ন সহকারে সর্বদা তাঁহাদিগেরও পূজা করা উচিত । ১০৩ । বিদ্যাজ্জিহ্ন প্রভৃতি উগ্ররূপী যে সকল বেতালগণের বিষয় কথিত হইল, তাঁহাদের পূজা করিলে মনুজগণ অত্যাগ্র বিষ্মনিবহ হইতে অনায়াসেই উদ্ধার পাইতে পারে । ১০৪ । এই নানাভীষণরূপিণী উদাযুধধারিণী শতকোটি-সংখ্যক ভূতাবলি সর্বদা এই পুরীর রক্ষা-বিধান করিতেছেন ; হে মুনে ! বিষয়কে বিষময় জ্ঞানে যাঁহারা একান্ত নির্বাপন সম্পন্ন লাভ করিতে সমুৎসুক, সেই সকল মহাত্মাগণ সর্বদা বিশেষ ভক্তি-সহকারে এই সকল দেবতাগণকে পূজা করিবেন । ১০৫—১০৬ ।

দুর্গজয় নামক এই পবিত্র অধ্যায়টি ভক্তিপূর্বক শ্রবণ করিলে মানব অনন্ত প্রকার সামর্থ্য-লাভকরত অশেষবিধ দুর্গতি হইতে মুক্তিলাভ করিতে সমর্থ হয় । ১০৭ । এই অধ্যায়ে যে সকল ভৈরব ও বেতালগণের বিষয় কীর্তিত হইয়াছে, ইহাঁদের প্রাপ্তকৃত নামসকল শ্রবণ করিলে পর, :মানব কখন বিষ্ম হইতে পরিভব প্রাপ্ত হয় না । ১০৮ । যাঁহারা এই অধ্যায়টি পাঠ করিবে বা শ্রবণ করিবে, প্রাপ্তকৃত ভূতগণ অদৃশ্যভাবে সর্বদা তাহাদের রক্ষাবিধান করিবেন, ইহাতে সন্দেহ নাই । ১০৯ । এই জন্ম সর্বপ্রকার প্রযত্নের সহিত কাশীভক্ত মনুজগণের বিষ্ম-নিবারণ এই পবিত্র আখ্যানটি শ্রবণ করা উচিত । ১১০ । এই আখ্যানটি লিখিত হইয়া যাঁহার গৃহে স্থিত ও পূজিত হইবে, দেবতাগণ তাহার সহস্র প্রকার বিপত্তি দূর করিবেন । ১১১ । যে ব্যক্তির কাশীতে প্রীতি আছে, তিনি সর্বদা বিশেষ আদরের সহিত বজ্র-পঙ্কর-সন্নিভ এই পরমপবিত্র ও বিপত্তিবিনাশন আখ্যানটিকে শ্রবণ করিবেন । ১১২ ।

## ত্রিসপ্ততিতম অধ্যায় ।



### প্রণবেশ্বর মহিমা-বর্ণন ।

অগস্ত্য কহিলেন, হে ষড়ানন ! জগদম্বিকার সহিত ভগবান্ দেবদেব, ত্রিলোচনের নিকট উপস্থিত হইয়া কি করিলেন, তাহা শীঘ্র বলুন । ১ ।

স্বন্দ কহিলেন, হে মুনে কলসজ ! তুমি বাহা জিজ্ঞাসা করিয়াছ তাহা বলিতেছি, শ্রবণ কর । সর্বপ্রকার সিদ্ধিপ্রদ বিরজা নামক যে পীঠস্থান উক্ত

হইয়াছে, সেই পীঠকে দর্শন করিবামাত্র মানব বিরজা ( নিম্পাপ ) হইয়া থাকে ; বারাগসীতে যে পীঠস্থানে সেই ত্রিলোচন নামক মহালিঙ্গ বিরাজিত আছেন, তথায় গজাজলেই পিলিপলা নামক তীর্থ আছে ; যাহা কাশীতে সর্বতীর্থময় বলিয়া পরিগীত হইয়া থাকে । ২-৪ । ত্রিভুবন মধ্যে যাবদীয় দেব, ঋষি, মনুষ্য, উরগ, সরিৎ, পর্বত ও অরণ্য আছে, তৎসমুদয়ই এস্থানে আছে বলিয়া এই তীর্থ ও এই ত্রিলোচন-লিঙ্গ ত্রিবিষ্টপ নামে বিখ্যাত হইয়াছেন । ভগবান্ পিনাকী জগজ্জননীর নিকট এই ত্রিবিষ্টপ-লিঙ্গের যে মহিমা বর্ণন করিয়াছিলেন, হে মুনে ! আমি তাহা তোমাকে বলিতেছি । ( মহেশ্বরের সহিত পার্বতী দেবী তথায় উপস্থিত হইয়া ভগবান্কে জিজ্ঞাসা করিলেন ) । ৫—৭ ।

দেবী কহিলেন, হে দেবদেব ! হে জগন্নাথ ! হে শর্বা ! হে সর্বদ ! হে সর্বগ ! হে সর্বদৃক ! হে সর্বজনক ! আমি আপনাকে কিছু জিজ্ঞাসা করিতেছি, আপনি তাহার উত্তর প্রদান করুন ; কস্মবীজের মহৌষধস্বরূপ এবং মোক্ষ-লক্ষ্মীর গৃহস্বরূপ এই ক্ষেত্র আপনার অতি প্রিয় এবং ইহা আমারও অতিশয় প্রীতিপ্রদ । ৮-৯ । যে ক্ষেত্রের ধূলির নিকটও ত্রিভুবন তৃণতুল্য বোধ হয়, সেই সমুদয় ক্ষেত্রের অনন্ত মহিমা কোন্ ব্যক্তি অবগত হইতে পারে ? এই ক্ষেত্রে যে সমুদয় লিঙ্গ আছেন, তাঁহারা সকলেই মুক্তির কারণ এবং সকলেই স্বয়ম্ভু, তাহার সংশয় নাই । প্রকৃতপক্ষে যদিচ সমস্তই এবম্বৃত্ত, তথাপি আপনি বিশেষ-রূপে বলুন যে, যথায় আপনি আমার সহিত সতত অবস্থান করিতেছেন সেই কাশীক্ষেত্রে কতগুলি অনাদিসিদ্ধ লিঙ্গ আছেন ; যাঁহাদের অবস্থাননিবন্ধন এই কাশী মুক্তিপুরী বলিয়া বিখ্যাত হইয়াছেন এবং যাঁহাদিগকে স্মরণ করিলেও পাপ-ক্ষয় হয় ; যাঁহাদিগকে দর্শন ও স্পর্শ করিলে স্বর্গ ও অপবর্গ লাভ হয় এবং জীবনের মধ্যে একবারও যাঁহাদের পূজা করিলে কাশীতে সমস্ত লিঙ্গেরই পূজা করা হইয়া থাকে । হে কারুণ্যামৃতসাগর ! আমি আপনার চরণে প্রণতি করিতেছি, আপনি আমার প্রতি অনুগ্রহ করিয়া এই বিষয় বর্ণন করুন । ( স্কন্দ কহিলেন ) ভগবান্ মহেশ্বর, দেবীর এই সুভাষিত বাক্য শ্রবণ করিয়া, যাঁহাদের নাম শ্রবণ করিয়া পাপরাশি ক্ষয় হইয়া যায় ও পুণ্যরাশি লাভ করা যায় এবং কাশীতে যাঁহারা নির্ব্বাণের কারণ, সেই সমস্ত মহালিঙ্গের বিষয় বর্ণনা করিতে লাগিলেন । ১০—১৮ ।

দেবদেব কহিলেন, হে দেবি ! এই ক্ষেত্রে যাহা অতি শুভ এবং মুক্তির কারণ তাহা বলিতেছি শ্রবণ কর ; ব্রহ্মা এবং নারায়ণ প্রভৃতি দেবগণও এ বিষয় জানেন

না। হে পার্বতি ! আমার এই আনন্দ-কাননে স্থূল ও সূক্ষ্মরূপে সংখ্যাতীত  
লিঙ্গ বিরাজমান আছেন ; তন্মধ্যে কতকগুলি রত্নময়, কতকগুলি নানাধাতুময়,  
বহুতরই প্রস্তুতময় ও অনেকগুলি স্বয়ম্ভু ; কতকগুলি দেবর্ষিগণ কর্তৃক প্রতিষ্ঠিত  
এবং বহুতরই সিদ্ধ, চারণ, গন্ধর্ব্ব, ষক্ষ, রাক্ষস, অসুর, উরগ, মানব, দানব,  
অপ্সরা, দিগ্গজ, গিরি, তীর্থ, ঋক্ষ, বানর, কিম্বর ও পক্ষিগণ কর্তৃক স্বীয় স্বীয়  
নামে প্রতিষ্ঠিত। হে প্রিয়ে ! এই সমস্ত লিঙ্গই মুক্তির কারণ, ইহারা দৃশ্য,  
অদৃশ্য, দূরবস্বাগত এবং কালক্রমে ভগ্ন হইলেও ইহাদের পূজা করা উচিত।  
হে সুন্দরি ! আমি একদা গণনা করিয়াছিলাম, তাহাতে ইহাদের পরাক্ষিতসংখ্যা  
গণিত হইয়াছিল। হে ঈশে ! গঙ্গার জলমধ্যেও ষষ্টিকোটি পরিমিত সিদ্ধলিঙ্গ  
বিद्यমান আছেন, তাঁহারা কলিকালে অদৃশ্য হইয়া থাকেন। ১৯-২৬। হে প্রিয়ে !  
আমি যে দিবস এই সমস্ত লিঙ্গ গণনা করিয়াছিলাম, তৎপরে আমার ভক্ত জীবগণ,  
এস্থানে যে সমুদয় লিঙ্গ প্রতিষ্ঠা করিয়াছে, তাহারও সংখ্যা নাই। হে সুন্দরি !  
তথাপি তুমি জিজ্ঞাসা করিয়াছ যে, কোন্ কোন্ লিঙ্গের অবস্থিতিবিবন্ধন এই  
কাশীক্ষেত্র শ্রেষ্ঠত্ব লাভ করিয়াছে ? আমি মুক্তির কারণ সেই সেই লিঙ্গেরই নাম  
কীর্তন করিতেছি। হে গিরীশ্বরে ! সেই সমস্ত লিঙ্গ কলিকালে গুপ্ত থাকিবেন, কিন্তু  
তাঁহাদের প্রভাব তাঁহাদের নিজ নিজ স্থান পরিত্যাগ করিবে না। ২৭-২৯। হে শুভা-  
ননে ! এই সমস্ত লিঙ্গের নাম শ্রবণমাত্রই পাপসমূহ ক্ষয় হইয়া যায় এবং পুণ্যরাশি  
বর্দ্ধিত হইয়া থাকে, এই জন্মই যাহারা কলিকালজ্বলিত-পাপে পরিপূর্ণ, দুষ্কৃত, নাস্তিক  
এবং শঠ, তাহারা এই সমস্ত সিদ্ধলিঙ্গের নাম পর্য্যস্তও জানিতে পারিবে না। সেই  
সমস্ত সিদ্ধলিঙ্গের মধ্যে প্রথম প্রণবেশ্বর, দ্বিতীয় ত্রিলোচন, তৃতীয় মহাদেব, চতুর্থ  
কৃষ্ণিবাস, পঞ্চম রত্নেশ্বর, ষষ্ঠ চন্দ্রেশ্বর, সপ্তম কেদারেশ্বর, অষ্টম, ধর্ম্মেশ্বর, নবম  
বীরেশ্বর, দশম কামেশ্বর, একাদশ বিশ্বকর্ষ্মেশ্বর, দ্বাদশ মণিকর্ণিকেশ্বর, ত্রয়োদশ  
অবিমুক্তেশ্বর এবং চতুর্দশ বিশ্বেশ্বর নামক আমার মহালিঙ্গ। ৩০-৩৫। হে প্রিয়ে !  
এই চতুর্দশটি লিঙ্গই নিঃশ্রেয়সের কারণ, ইহাদের সমবায়কেই মহাক্ষেত্র বলা যায়  
এবং ইহাঁরাই এই ক্ষেত্রের শ্রেষ্ঠ অধিষ্ঠাত্রী দেবতা ; ইহাঁরা মনুষ্যগণ  
কর্তৃক আরাধিত হইয়া তাহাদিগকে মোক্ষসম্পদ প্রদান করিয়া থাকেন।  
৩৬-৩৭। হে সুন্দরি ! আনন্দকাননে এই চতুর্দশটি লিঙ্গই মুক্তি প্রদান  
করেন, অতএব মানবগণ এই চতুর্দশটি লিঙ্গের অবস্থা পূজা করিবে। প্রত্যেক  
মাসেই প্রতিপদ তিথি হইতে আরম্ভ করিয়া ষড়্ সপ্তাহে এই শ্রেষ্ঠ লিঙ্গ সমূহের  
যাত্রা করিবে। ৩৮-৩৯। ( স্বন্দ কহিলেন ) হে কুন্তল ! এই সমস্ত লিঙ্গে মহা-

দেবের আরাধনা না করিয়া কোন ব্যক্তিই কাশীতে মুক্তিলাভ করে না, ইহা নিশ্চয় । অতএব হে মনে ! যাহারা কাশীবাসের ফল প্রার্থনা করে, তাহারা বহুতর যত্ন সহকারে ভক্তিপূর্বক অবশ্য এই সমস্ত লিঙ্গের পূজা করিবে । ৪০—৪১ ।

অগস্ত্য কহিলেন, হে ষড়ানন ! এই চতুর্দশটি লিঙ্গ ব্যতীত কাশীতে মুক্তির কারণ আরও যদি কোন মহালিঙ্গ থাকেন, তবে তাহা বলুন । ৪২ ।

স্কন্দ কহিলেন, হে সূত্রত ! মহেশ্বর, দেবীকে কহিয়াছিলেন যে, হে সূন্দরি ! এই সমস্ত লিঙ্গ ব্যতীত কাশীতে আরও অনেক মহালিঙ্গ আছেন, কিন্তু তাঁহারা কলিকালে গুপ্ত থাকিবেন, যে ব্যক্তির সতত ঈশ্বরে ভক্তি আছে এবং যে উত্তম-রূপে কাশীর মহিমা জানে, সে এই সমস্ত লিঙ্গকে জানিতে পারিবে, তন্নিম্ন আর কেহই ইহাদিগকে জানিতে পারে না । ৪৩-৪৪ । এই সমস্ত লিঙ্গের নাম গ্রহণ করিলেও কলিকালজনিত কল্মষ ক্ষয় হইয়া যায় । অমৃতেশ্বর, তারকেশ্বর, স্ত্রানেশ্বর, করুণেশ্বর, মোক্ষদ্বারেশ্বর, স্বর্গদ্বারেশ্বর, ব্রহ্মেশ্বর, লাসলেশ্বর, বুদ্ধ-কালেশ্বর, বুধেশ্বর, চণ্ডীশ্বর, নন্দিকেশ্বর, মহেশ্বর এবং জ্যোতীকপেশ্বর, এই চতুর্দশটি লিঙ্গও আনন্দকাননে মুক্তি প্রদান করিয়া থাকেন । যাহাদের বুদ্ধি কলিকালজনিত পাপে মলিন, তাহাদিগের নিকট কখন ইহাদের নাম কীর্তন করিবে না । যে ব্যক্তি কাশীতে এই চতুর্দশটি লিঙ্গের পূজা করে, তাহাকে আর সংসার-মার্গে পুনরাগমন করিতে হয় না । এই বিষয়টি কাশীকোশম্বরূপ এবং অতুলনীয়, স্তূতরাং যে সে স্থানে ইহা প্রকাশ করা উচিত নহে । ৪৫-৫০ । হে বরাননে ! এই ক্ষেত্রের পরমরহস্য এই যে, এই সমস্ত লিঙ্গের নামও বিপত্তি-কালে দুঃখ হরণ করিয়া থাকে । হে গিরীন্দ্রজ্যে ! এই চতুর্দশটি লিঙ্গই আমার সান্নিধ্যকারক এবং অবিমুক্তক্ষেত্রের হৃদয়স্বরূপ । হে দেবি ! এই যে সমস্ত মুক্তিপ্রদ লিঙ্গের বিষয় বলিলাম, আমি ভক্তগণের উপর কৃপা করিয়া এক একটি ভুবনের সার গ্রহণ করিয়া ইহাদিগকে এ স্থানে রক্ষা করিয়াছি । ৫১-৫৩ । হে প্রিয়ে ! এই ক্ষেত্রে মুক্তি হয় এইরূপ যে প্রবাদ আছে, আমার এই চতুর্দশটি লিঙ্গই তাহার কারণ । হে কান্তে ! যে সমস্ত ভক্তগণ আনন্দকাননে এই সমস্ত লিঙ্গের ধ্যান করে, তাহারাই যথার্থ ব্রতশীল ও তপস্বী । কাশীতে দূর হইতেও যাহারা এই সমস্ত লিঙ্গকে দর্শন করে, তাহারাই যথার্থ যোগাত্ম্যাস করিয়াছে এবং তাহারাই যথার্থ দান প্রদান করিয়াছে । ৫৪-৫৬ । হে পার্বতি ! যে ব্যক্তি কাশীতে আসিয়া একবারও এই সমস্ত লিঙ্গের পূজা করে, সেই

পাপহীন ব্যক্তির মুনিশ্রেষ্ঠগণ কর্তৃক বিহিত ইষ্টাপূৰ্ত্ত প্রভৃতি ধর্মকাৰ্য্য-নিচয়ের ফল-লাভ হয় এবং সে মোক্ষলাভ করিয়া থাকে, তাহার সন্দেহ নাই । ৫০—৫৮ ।

স্কন্দ কহিলেন, হে বিদ্বাংস ! মহেশ্বর স্বীয় ভক্তগণের হিতের জন্য দেবীর নিকট অগ্ন্যাশ্রম আরও সে সমস্ত লিঙ্গের কথা বলিয়াছিলেন, আমি তাহাও তোমাকে বলিতেছি, শ্রবণ কর । শৈলেশ্বর, সঙ্গমেশ্বর, স্বর্লীনেশ্বর, মধ্যমেশ্বর, হিরণ্য-গর্ভেশ্বর, ঈশানেশ্বর, গোপ্রেক্ষেশ্বর, বৃষভধ্বজ, তপশাস্ত্রশিব, জ্যোতেশ্বর, নিবাসেশ্বর, শুক্রেশ্বর, ব্যাস্রেশ্বর ও জম্বুকেশ্বর, এই চতুর্দশটি লিঙ্গও মহদ্ আয়তনস্বরূপ, ইহাঁদিগের পূজা করিয়াও মানব মুক্তিলাভ করিয়া থাকে । ৫৯-৬২ । সাধুব্যক্তি-গণ চৈত্র মাসের কৃষ্ণপক্ষের প্রতিপদ তিথি হইতে আরম্ভ করিয়া চতুর্দশী তিথি পর্যন্ত এই চতুর্দশটি লিঙ্গের পূজা করিবে । মুমুক্শু ব্যক্তিগণ সর্বপ্রকার সিদ্ধি-লাভের জন্য মহোৎসবসহকারে ইহাঁদের বার্ষিকী যাত্রা করিবে । যত্নপূর্বক এই চতুর্দশটি লিঙ্গকে দর্শন করিলে, জীব আর কখনও দুঃখবহুল সংসারে জন্মগ্রহণ করে না । হে প্রিয়ে ! এই ক্ষেত্রের ইহাই পরম তত্ত্ব এবং সংসাররোগগ্রস্ত জীবগণের ইহাই মহৌষধি । ইহাই এই ক্ষেত্রের উপনিষদ্ ও ইহাই মুক্তির পরমবোজ । হে প্রিয়ে ! এই লিঙ্গসমূহই কস্মীরূপ-কাননের পক্ষে দাবানল-স্বরূপ । ইহাঁদের প্রত্যেকের মহিমা আদি ও অন্তবিরহিত, আমি ভিন্ন আর কেহই ইহাদের মহিমা জানিতে পারে না । ( স্কন্দ কহিলেন ) হে মুনে ! এই সমস্ত শ্রবণ করিয়া দেবী হর্ষে পুলকিত হইয়া প্রণতিপূর্বক সর্বজ্ঞ মহেশ্বরকে বলিতে লাগিলেন । ৬৩—৬৯ ।

দেবী কহিলেন, হে প্রিয় ! কাশীর যে পরম রহস্য আপনি কীর্তন করিলেন, তাহা শ্রবণ করিয়া আমার মন আরও উৎসুক হইয়াছে, হে কারণেশ্বর ! আপনি বলিলেন যে, প্রত্যেক লিঙ্গই মহাসাররূপ এবং নির্বাণের কারণ, অতএব এক্ষণে আপনি পাপহারী পূর্বোক্ত চতুর্দশলিঙ্গের প্রত্যেকের মহিমা বর্ণন করুন । অতি পবিত্র অমরকণ্টক-ক্ষেত্র হইতে প্রণবেশ্বর কেন এখানে আগমন করিলেন, ইহাঁর স্বরূপ এবং মহিমাই বা কি প্রকার, কোন্ ব্যক্তিই বা পূর্বে ইহার আরাধনা করিয়াছিল এবং ইনি আরাধিত হইয়াই বা কিরূপ বর প্রদান করিয়াছিলেন ; তাহা বলুন । ৭০-৭৪ । ( স্কন্দ কহিলেন ) দেবদেব মহেশ্বর মৃড়াপীর এই বাক্য-সুধা ঐতিগোচর করিয়া প্রণবেশ্বরের অতি অদ্ভুত উপাখ্যান বলিতে লাগিলেন । ৭৫ ।

দেবদেব কহিলেন, হে অপর্ণে! যে প্রকারে এই ক্ষেত্রে ওঙ্কারেশ্বরের আবির্ভাব হইয়াছে, তাহা বলিতেছি, শ্রবণ কর। হে মহাদেবি! পুরাকালে এই আনন্দবনে বিশ্বস্রষ্টা ব্রহ্মা সমাধিস্থ হইয়া কঠোর তপস্যা করিয়াছিলেন। ৭৬-৭৭। তপস্যায় ব্রহ্মার সহস্রযুগ অতিবাহিত হইলে পরে, তাঁহার সম্মুখে দিক্-সমূহকে বিভ্রাণ্ডিত করত সপ্তপাতাল ভেদ করিয়া এক মহাজ্যোতিঃ সমুদ্ভূত হইল। সমাধি-অবস্থায় ব্রহ্মার যে তেজঃ অন্তরে আবির্ভূত হইয়াছিল, সেই তেজই যেন হঠাৎ তাঁহার বাহিরে প্রকাশ পাইল। সেই তেজঃ নিগত হইবার সময় ভূমি হইতে যে চট্টচাশক উদ্ভিত হইয়াছিল, সেই শব্দেই জিতেন্দ্রিয় ব্রহ্মা, ক্রমশঃ সমাধি-অবস্থা পরিত্যাগ করিলেন। ৭৮-৮০। ব্রহ্মা সমাধি ত্যাগ করিয়া যেমন সম্মুখে দৃষ্টি করিলেন, অমনি সম্মুখে সত্ত্বগুণসম্পন্ন, ঋক্‌ক্ষেত্র, স্থষ্টিপালক, সাক্ষাৎ নারায়ণাত্মক এবং তমঃপারে প্রতিষ্ঠিত আদিম অক্ষর অকার, আর তাহারই সম্মুখে রজোরূপ যজুঃক্ষেত্র, সাক্ষাৎ বিধাতৃস্বরূপ ও নিঃশব্দ অক্ষতমস-সদনস্বরূপ উকার এবং তদগ্রে তমোরূপ সামক্ষেত্র, লয়হেতু ও রুদ্ররূপী মকারকে দর্শন করিলেন এবং মকারের সম্মুখে বিশ্বরূপময়াকার, সগুণ এবং নিগুণ, অনাখ্যানাদ-সদন, এবং যাহা শব্দব্রহ্মা বলিয়া কীর্তিত হইয়া থাকেন, সেই সমস্ত বাহ্যেয় কারণকে সন্দর্শন করিলেন। অনন্তর ব্রহ্মা তপোবলে সেই নাদের উপর সমস্ত কারণের কারণ ও জগদ্বোনি বিষ্বরূপ পরাৎপরকে প্রত্যক্ষ করিলেন। ৮১-৮৮। যিনি স্বীয় প্রভাববলে এই সমস্ত জগৎকে রক্ষা করেন বলিয়া প্রণবরূপে নির্দিষ্ট হন এবং যিনি স্বীয় ভক্তগণকে উন্নত করেন বলিয়া প্রণব নামে বিখ্যাত হইয়া থাকেন, তিনি রূপহীন হইলেও সরূপ হইয়া ব্রহ্মাকে দর্শন দিলেন। যিনি স্বীয় জাপকগণকে সংসার-সমুদ্র হইতে তারণ করেন বলিয়া “তার” এই নামে বিখ্যাত হইয়াছেন; ব্রহ্মা তাঁহাকে দর্শন করিলেন। ৮৯-৯০। নির্বাণাভিলাষী ব্যক্তি-সমূহ-কর্তৃক সর্ব্বাপেক্ষা বিশেষরূপে স্তুত হন বলিয়া “প্রণব” নামে বিখ্যাত হইয়াছেন এবং যিনি স্বীয় সেবককে পরমপদ প্রদান করিয়া সেই প্রণব নাম সার্থক করিয়া থাকেন, ব্রহ্মা সেই শান্ত পরাৎপরকে প্রত্যক্ষ করিলেন। ৯১-৯২। যিনি ত্রয়ীময়, তুরীয়, তুর্ঘ্যাভীত, অখিলাত্মক এবং নাদবিন্দুস্বরূপ; ব্রহ্মা তাঁহাকেই দর্শন করিলেন। যাহা হইতে সাক্ষবেদনিচয় প্রবর্তিত হইয়াছে; ব্রহ্মা সেই বেদানি-পুরুষকে সম্মুখে দর্শন করিলেন, যিনি তেজঃস্বরূপে ত্রিধা আবদ্ধ হইয়া বৃষভরূপে বারম্বার রোদন করিয়াছিলেন, ব্রহ্মা সেই পরমাত্মাকে নয়নগোচর করিলেন। যাহার চারিটি শৃঙ্গ, সাতটি হস্ত, দুইটি শীর্ষা এবং তিনটি পদ; ব্রহ্মা সেই দেবকে

সন্দর্শন করিলেন । ৯৩-৯৬ । ভূত, ভবিষ্যৎ ও বর্তমান সমুদয়ই ষাঁহার অভ্যস্তুরে লীন রহিয়াছে, ত্রেক্ষা তপোবলে বীজরহিত সেই বীজকে দর্শন করিলেন । আত্রক্ষ-  
স্তম্ব পর্য্যন্ত এই জগৎ ষাঁহাতে লীন হইয়া বারম্বার আবির্ভূত হয় বলিয়া লোকে  
ষাঁহাকে লিঙ্গ বলিয়া পূজা করিয়া থাকে, ত্রেক্ষা তাঁহাকে সন্দর্শন করিলেন । ৯৭-  
৯৮ । যে স্থানে পঞ্চবিধ অর্থ ভাষিত হইয়া থাকে, যিনি পঞ্চত্রক্ষময় এবং আদি-  
পঞ্চস্বরূপ ; ত্রেক্ষা তাঁহাকেই দেখিতে পাইলেন । তখন ত্রেক্ষা সেই জ্যোতির্ময়  
লিঙ্গরূপী শঙ্করকে দর্শন করিয়া তাঁহার স্তব করিতে লাগিলেন । ৯৯—১০০ ।

ত্রেক্ষা কহিলেন, প্রণবস্বরূপ ও অক্ষরবিগ্রহস্বরূপ আপনাকে নমস্কার, হে  
সদাশিব ! অকারাদি বর্ণনিচয়ের প্রভবস্বরূপ আপনাকে নমস্কার । হে আকৃতি-  
বর্জিত ! আপনিই অকার, আপনিই উকার এবং আপনিই মকার, হে রূপাতীত !  
ঋক্, যজুঃ ও সামস্বরূপ আপনাকে নমস্কার । ১০১-১০২ । নাদস্বরূপ আপনাকে  
নমস্কার, বিন্দুকলাস্বরূপ আপনাকে নমস্কার, হে অলিঙ্গ ! লিঙ্গরূপ ও সর্বরূপ-  
স্বরূপ আপনাকে নমস্কার । হে নিধনাদিবিবর্জিত ! তেজোনিধিস্বরূপ আপনাকে  
নমস্কার ; ভব, রুদ্র ও শর্ব্বস্বরূপ আপনাকে নমস্কার ; উগ্র, ভীম ও পশুপতি-  
স্বরূপ আপনাকে নমস্কার ; সম্ভব ও তারাস্বরূপ আপনাকে নমস্কার । ১০৩-১০৫ ।  
অমায় ও শিবতরাস্বরূপ আপনাকে নমস্কার ; হে শিতিকণ্ঠ ! কপদ্বীস্বরূপ  
আপনাকে নমস্কার ; হে গিরিশ ! মৌচুক্ষ্ম ও শিপিবিক্ষ্মস্বরূপ আপনাকে  
নমস্কার । অহস্ব, খর্ব্ব, বৃহৎ ও বৃদ্ধস্বরূপ আপনাকে নমস্কার । কুমারবপু ও  
কুমারগুরুস্বরূপ আপনাকে নমস্কার । শ্বেত, কৃষ্ণ, পীত, অরুণ, ধূম্র, পিঙ্গ ও  
কিস্মীরবর্চ্চঃস্বরূপ আপনাকে নমস্কার । পাটলবর্ণ, হরিতভেজঃ, নানাবর্ণ ও  
বর্ণসমূহের পতিস্বরূপ আপনাকে নমস্কার । স্বরস্বরূপ ও ব্যঞ্জনস্বরূপ আপনাকে  
নমস্কার । ১০৬-১১০ । উদাত্ত, অনুদাত্ত ও স্বরিত্তস্বরূপ আপনাকে নমস্কার ;  
বিসর্গের সহিত হ্রস্ব, দীর্ঘ ও প্লুতের পতিস্বরূপ আপনাকে নমস্কার ; হে  
সানুনাসিক ! অনুস্বারস্বরূপ আপনাকে নমস্কার । নিরনুনাসিক, দন্ত্য ও তালব্য-  
স্বরূপ আপনাকে নমস্কার । ঔষ্ঠ্য, উরস্য ও উষ্মবর্ণস্বরূপ আপনাকে নমস্কার ।  
হে পিনাকিন্ ! অন্ত্যস্থ ও পঞ্চমস্বরূপ আপনাকে নমস্কার । নিষাদ ও নিষাদপতি-  
স্বরূপ আপনাকে নমস্কার । বীণা, বেণু ও মৃদঙ্গ প্রভৃতির বাতাস্বরূপ আপনাকে  
নমস্কার । তার, মল্ল, ঘোর ও অঘোরস্বরূপ আপনাকে নমস্কার । তানস্বরূপ  
ও মুচ্ছর্নাপতিস্বরূপ আপনাকে নমস্কার । স্থায়ী ও সঞ্চারীভাবস্বরূপ আপনাকে  
নমস্কার । 'তালপ্রিয়, তাল ও লাস্য-তাণ্ডবজন্মস্বরূপ আপনাকে নমস্কার ।

১১১-১১৬। হে তৌর্যাত্তিকপ্রিয়! যাহারা ভক্তি-সহকারে আপনার নিকট নৃত্য-গীত করে, আপনি তাহাদিগকে নির্বাণত্ৰী প্রদান করিয়া থাকেন। হে দেব! তৌর্যাত্তিকস্বরূপ আপনাকে নমস্কার। স্থূল, সূক্ষ্ম, দৃশ্য, অদৃশ্য, অর্বাচীন ও পরাচীনস্বরূপ আপনাকে নমস্কার। ১১৭—১১৮। বাক্‌প্রপঞ্চ-স্বরূপ ও বাক্‌প্রপঞ্চাতীতস্বরূপ আপনাকে নমস্কার। এক, অনেক ও সদসংপতিস্বরূপ আপনাকে নমস্কার। হে শঙ্করব্রহ্ম! হে পরব্রহ্ম! আপনাকে নমস্কার; বেদান্তবেত্তা ও দেবপতিস্বরূপ আপনাকে নমস্কার, বেদস্বরূপ ও বেদ-গোচরস্বরূপ আপনাকে নমস্কার, হে পার্বতীশ! আপনাকে নমস্কার। হে দেব-দেবেশ! হে দেব-দিব্যপদপ্রদ! হে মহেশ্বর! শঙ্করস্বরূপ আপনাকে নমস্কার। হে জগদানন্দ! আপনাকে নমস্কার; হে জগদীশ! আপনাকে নমস্কার। হে মৃত্যুঞ্জয়! ত্রাস্কস্বরূপ! আপনাকে নমস্কার। পিনাকহস্ত ও ত্রিশূলীস্বরূপ! আপনাকে নমস্কার; হে অক্ষকনিসূদন! ত্রিপুরহস্তাস্বরূপ! আপনাকে নমস্কার। ১১৯-১২৪। হে কন্দর্পদর্পদলন! জলক্ষারিস্বরূপ আপনাকে নমস্কার। কাল, কাল-কাল ও কালকূটভক্ষকস্বরূপ আপনাকে নমস্কার। হে অভ্যুত্থিত বিবাদ। ভক্তগণের বিবাদহস্তাস্বরূপ আপনাকে নমস্কার। জ্ঞান, জ্ঞানরূপ ও সর্বজ্ঞ-স্বরূপ আপনাকে নমস্কার। হে যোগসত্তম! আপনি যোগিগণের যোগসিদ্ধি প্রদান করিয়া থাকেন। হে তপোধন! আপনি তপস্বিগণকে তপস্তার ফল প্রদান করিয়া থাকেন। ১২৫-১২৭। আপনিই মন্ত্ররূপী ও মন্ত্রসমূহের ফলপ্রদ। আপনিই মহাদানের ফল এবং আপনিই মহাদানপ্রদ। হে মহাষষ্ঠফলপ্রদ! আপনিই মহাষষ্ঠ। আপনিই সর্ব, আপনিই সর্বগ, আপনিই সর্বদ, আপনি সর্বদৃক, আপনিই সর্বভূক্ এবং আপনিই সর্বকর্তা। হে সর্বসংহারকারক। হে যোগিগণের হৃদয়াকাশবাসিন্! আপনাকে নমস্কার। ১২৮-১৩০। হে সহমুর্তে! আপনিই বিষ্ণুরূপে শম্ব, চক্র, গদা ও পদ্ম ধারণ করিয়া ত্রিভুবনকে ত্রাণ করিতেছেন, হে ত্রাতাঃ! আপনাকে নমস্কার। ১৩১। হে বিধানবিৎ! হে নীরজস্পদপ্রদ! আপনিই রজোরূপ আশ্রয় করিয়া এই সমস্ত সৃষ্টি করিতেছেন এবং আপনিই মহোৎসব ও সর্পভূষণ মহারুদ্র। হে মহাপিতৃবনেচর! আপনিই মহাভীম; হে কৃতান্তকৃতান্তক! আপনি কালাগ্নিরূপে তামসী তনু আশ্রয় করিয়া প্রলয় করিয়া থাকেন। হে অজ! আপনিই পুরুষ ও প্রকৃতিরূপে নিমেষের মধ্যে মহাদাদিক্রমে এই অখিল জগৎকে পুনরায় আবিষ্কার করেন। ১৩২-১৩৫। আপনার উন্মেষ ও নিমেষই সৃষ্টি এবং প্রলয়ের একমাত্র কারণ; আপনি স্বৈরচারী, হইয়াও যে



কপালমালা ধারণ করিয়াছেন, তাহা কেবল আপনার লীলামাত্র । হে ধুর্জটে ! আপনার কণ্ঠে এই যে নরশিরোস্থি শোভা পাইতেছে, উহা প্রলয়কালে দক্ষ দেহী-সমূহের বোজমালা । ১৩৬-১৩৭ । হে শস্ত্রো ! এই বিশ্ব আপনাই হইতেই উৎপন্ন হইয়াছে এবং আপনাতেই অবস্থিতি করিতেছে, সুতরাং বাক্য ও মনের অগোচর আপনাকে কে জানিতে পারে ? আপনিই স্তবকর্তা, আপনিই স্তুতি এবং আপনিই সত্য সত্য, আমি কেবল “নমঃ শিবায়” ইহাই জানি, এতদ্ভিন্ন আর কিছুই জানি না । আপনিই আমার শরণ্য এবং আপনিই আমার পরমগতি, অতএব হে ঈশ ! আমি বারম্বার আপনাকে প্রণাম করি । ( স্কন্দ কহিলেন ) ব্রহ্মা এইরূপ স্তব করত ভূমিতে দণ্ডবৎ হইয়া প্রণবেশ্বর মহালিঙ্গকে প্রণাম করিলেন । তখন ঈশ্বর কহিতে লাগিলেন । ১৩৮—১৪১ ।

ঈশ্বর কহিলেন, হে গিরীন্দ্র-তনয়ে ! ব্রহ্মার এই সমস্ত স্তুতিবাক্য শ্রবণ করিয়া আমি তাঁহার উপর প্রসন্ন হইলাম এবং আমি অমৃত হইয়াও সেই লিঙ্গমধ্য হইতে শাক্তরী মুক্তিভেদে আবির্ভূত হইয়া চতুরাননকে বলিলাম যে, তুমি বর প্রার্থনা কর । তখন ব্রহ্মা উত্থানকরত আমাকে প্রত্যক্ষ দর্শনকরত কৃতাজ্জলি হইয়া জয় জয় শব্দ উচ্চারণপূর্বক প্রণাম করিলেন । ১৪২-১৪৪ । এবং আনন্দাশ্র-পরিপূর্ণনেত্রে গদ্গদস্বরে বলিতে লাগিলেন । ১৪৫ ।

ব্রহ্মা কহিলেন, হে দেবেশ ! আপনি যদি প্রসন্নই হইয়াছেন ও আমাকে বর প্রদান করিতেছেন, তবে হে শঙ্কর ! এই লিঙ্গে আপনার সাম্নিধ্য হউক, এই বরই আমাকে প্রদান করুন, আমি অন্য বর প্রার্থনা করি না ; আর ভক্তগণের মুক্তিপ্রদ এই লিঙ্গ “প্রণবেশ্বর” নামে বিখ্যাত হউন । ১৪৬—১৪৭ ।

স্কন্দ কহিলেন, হে বিপ্রর্ষে ! মহেশ্বর, ব্রহ্মার এই বাক্য শ্রবণ করত তাঁহাকে কহিলেন যে, তাহাই হউক । অনন্তর মহেশ্বর বিধিকৃত স্তবে অতিশয় পরিতোষ লাভ করিয়াছিলেন, তজ্জন্ম তাঁহাকে প্রসন্ন হইয়া আরও বর প্রদান করিতে লাগিলেন । ১৪৮—১৪৯ ।

ঈশ্বর কহিলেন, হে সুরশ্রেষ্ঠ ! হে তপঃশ্রেষ্ঠ ! তুমি অখিল বেদের আশ্রয় হও, আর আমার অনুগ্রহবলে তোমার লোকসৃষ্টি করিবার সামর্থ্য হউক । তুমি সকলেরই পিতামহ এবং সকলেরই মাণ্ড হইবে, তোমার তপস্ফল ফল প্রদান করিবার জন্ম এই যে শব্দব্রহ্মময় ও প্রণবরূপ লিঙ্গ উৎথিত হইয়াছেন, ইহার আরাধনায় ব্রহ্মপদ মানবগণেরও দূরে থাকিবে না । ১৫০-১৫২ । এই লিঙ্গ অকার, উকার, মকার, নাদ ও বিন্দুসংজ্ঞক এবং পঞ্চায়তন ; ইনি জীবগণের মুক্তির জন্ম এই

আনন্দকাননে অবস্থান করিতেছেন । জীব, মৎস্যোদরী-তীৰ্থে স্নান করিয়া প্ৰণবেশ্বৰকে দৰ্শন করিলে, আর কখন জননীর জঠরে প্ৰবেশ করে না । ১৫৩-১৫৫ ।

রমণীয় মৎস্যোদরী-তীৰ্থে এই সুদুৰ্লভ লিঙ্গকে দৰ্শন বা স্পৰ্শ করিলে, ইনি মুক্তি প্ৰদান করিয়া থাকেন । মৎস্যোদরী যখন গজা ও কপিলেশ্বরের সন্নিহিতবৰ্ত্তিনী হন, তখন মানব তথায় স্নান করিলে, ব্ৰহ্মহত্যাজনিত পাপ হইতে মুক্তিলাভ করে । গজা ও বরুণার সহিত যখন এই তীৰ্থ মিলিত হন, তখন ইহাতে স্নান করিয়া প্ৰণবেশ্বৰকে দৰ্শন করিলে, মানব আর কোন কারণে শোক প্ৰাপ্ত হয় না । অষ্টমী ও চতুৰ্দশী তিথিতে সাগরসমূহের সহিত ষষ্টিকোটসহস্ৰ তীৰ্থনিচয় মৎস্যোদরীতে প্ৰবেশ করিয়া থাকে । ১৫৬-১৬০ ।

প্ৰণবেশ্বরের সন্নিহিতে যখন গজা আগমন করেন, সেই কাল অতিশয় পুণ্যতম বলিয়া গণিত হয় এবং ঐ কাল, দেব, ঋষি ও পিতৃগণের অতিপ্ৰিয় হইয়া থাকে । সেই সময়ে, স্নান, জপ, দান, হোম এবং দেবতार्চন প্ৰভৃতি যাহা কিছু সৎকাৰ্য্য তথায় করা যায়, তাহা অক্ষয় হইয়া থাকে ।

প্ৰণবেশ্বৰকে দৰ্শন করিলেই অশ্বমেধের ফললাভ হয়, অতএব কাশীতে মানবগণ যত্নপূৰ্ব্বক প্ৰণবেশ্বৰকে দৰ্শন করিবে । ১৬১-১৬৩ ।

যে ব্যক্তি প্ৰণবেশ্বৰকে দৰ্শন না করে, তাহার চতুৰ্ভুজস্বৰ্গস্বৰ্গ ও দুৰ্লভ এই মানবজন্ম জলবুদ্ধদের ন্যায় নষ্ট হইয়া যায় । মানব, মৎস্যোদরী-তীৰ্থে স্নান করিয়া কপিলেশ্বৰকে দৰ্শন ও তথায় পিণ্ড প্ৰদান করিলে পিতৃগণের নিকট অনুগী হইয়া থাকে । ১৬৪-১৬৫ ।

বহুতর উৎকট পাপ করিয়াও যে ব্যক্তি কাশীতে প্ৰণবেশ্বৰকে দৰ্শন করে, তাহারও যম হইতে কোন প্ৰকার ভীতি উৎপন্ন হয় না । পূৰ্ব্বপুরুষগণ স্বীয় বংশের কাহাকেও প্ৰণবেশ্বরের যাত্ৰায় যাইতে দেখিলে, আনন্দে নৃত্য করিয়া থাকেন । ১৬৬-১৬৭ ।

মানব, পূৰ্ব্বপুরুষগণের মধ্যে যাহার নাম স্মরণ করিয়া প্ৰণবেশ্বৰকে দৰ্শন করে, তিনি সেই সেই ব্যক্তিকে ব্ৰহ্মলোকে প্ৰেরণ করিয়া থাকেন । নিযুতসংখ্যক ব্ৰহ্ম-মন্ত্ৰ জপ করিলে যে ফললাভ হয়, ভক্তিসহকারে প্ৰণবেশ্বৰকে দৰ্শন করিলে সেই ফললাভ হইয়া থাকে । ১৬৮-১৬৯ ।

যে ব্যক্তি আনন্দবনে প্ৰণবেশ্বৰকে দৰ্শন না করে, তাহার জন্ম কেবল পৃথিবীর ভাৱের জন্ম । সমস্ত পৃথিবীর মধ্যে একমাত্র প্ৰণবেশ্বৰকে দৰ্শন করিলেই যাবতীয় লিঙ্গ দৰ্শন করা হয়, তাহার সন্দেহ নাই । ১৭০-১৭১ ।


প্ৰণবেশ্বৰকে দৰ্শন করিয়া যদি কেহ অশ্রু স্থানে মৃত হয়, তাহা হইলে সেও স্বৰ্গলোকে গমন করত পুনরায় কাশীতে আসিয়া মুক্তিলাভ করিয়া থাকে ।

হে ব্ৰহ্মন্ ! আমি সত্তত এই লিঙ্গে অবস্থান করিব এবং যাহারা ইহার পূজা করিবে, আমি তাহাদিগকে মুক্তি প্ৰদান করিব । মানব, যত্নপূৰ্ব্বক একবারও

প্রণবেশ্বরকে প্রণাম করিলে, আমার পরম অমুগ্রাহে কৃতকৃত্য হইয়া থাকে । ১৭২-১৭৪ । প্রণবেশ্বরের পশ্চিমদিকে তারতীর্থ আছেন, মানব তথায় স্নানাদি করিলে দুর্গতি হইতে উত্তীর্ণ হইয়া থাকে । যাহারা প্রণবেশ্বরের ভক্ত তাহারা মানব নহে, তাহারা মনুষ্যচন্দ্রাবৃত রুদ্রনিচয় এবং মোক্ষগামী । হে বিধে ! এস্থানে তোমার পুণ্যবলে আবির্ভূত এই লিঙ্গের মহিমা কেহই জানিতে পারে না, এই লিঙ্গের প্রভাবে তুমি সমস্ত বিষয়ই ষথার্থরূপে বিজ্ঞাত হইবে, অতএব হে বিধে ! তুমি এক্ষণে চরাচর বিশ্ব সৃজন করিতে আরম্ভ কর । ( স্কন্দ কহিলেন ) মহেশ্বর, ব্রহ্মাকে এই সমস্ত বর প্রদান করিয়া, সেই লিঙ্গ মধ্যেই অন্তর্হিত হইলেন । ১৭৫—১৭৯ ।

স্কন্দ কহিলেন, হে কলশোদ্ধব ! ব্রহ্মা অষ্টাপি স্মরচিত স্তোত্র পাঠপূর্বক সেই লিঙ্গের পূজা করিয়া থাকেন । ব্রহ্মকৃত স্তব পাঠ করিলে, মানব সর্বপ্রকার পাপ হইতে নিৰ্ম্মুক্ত হয় এবং মহাপুণ্য ও জ্ঞান লাভ করে । এক বৎসরকাল ত্রিসন্ধ্যা ব্রহ্মকৃত স্তোত্র পাঠ করিলে, অন্ত্যকালে জ্ঞানলাভ করা যায় ; যে জ্ঞানের দ্বারা জীব অনায়াসেই সংসার-বন্ধন হইতে মুক্তিলাভ করে । ১৮০—১৮২ ।

## চতুঃসপ্ততিতম অধ্যায় ।



প্রণবেশ্বর-লিঙ্গ-মাহাত্ম্য কথন ।

স্কন্দ কহিলেন, হে বাতাপিসংহারিন্ ! পাতকহারিণী কাশীবিষয়িণী বাণী শ্রবণ কর ; পদ্মকল্লো দমন নামক ব্রাহ্মণ সম্বন্ধে যে একটি সুন্দর ও অলৌকিক ইতিহাস আছে, এক্ষণে তাহাই আমি কীর্ত্তন করিতেছি । ১ । ভরদ্বাজ নামক ঋষির দমন নামক একটি পুত্র হন, কালক্রমে তিনি উপনয়নান্তে নানাবিধ বিদ্যা শিক্ষাকরত, জ্ঞানেন্দ্রে “প্রাণির জীবন অতি চঞ্চল ও সংসার সর্বদা দুঃখসঙ্কুল” ইহা বিলোকন-পূর্বক নিজ গৃহ হইতে নির্গত হইলেন । ২-৩ । দমন, গৃহ হইতে বিনির্গত হইয়া ষড়্চছা-ক্রমে নানাদিকে গমন করিতে করিতে, প্রত্যেক গ্রাম, প্রত্যেক নগর, প্রতি সমুদ্র-তীর, প্রতি ধানন, প্রতি তীর্থ ও প্রতি নদী বিলোকন করত ভ্রমণ করিতে লাগিলেন ।

ভ্রমণ-কালে যেখানে যত দেবমন্দির আছে, তপোযুগ দমন সেই সকল স্থানে ইন্দ্রিয় ও মন নিয়তকরত কিয়দ্দিন অবস্থান করিলেন ; কিন্তু কিছুতেই তাঁহার হৃদয়, কোন স্থানেই স্থিরতা লাভ করিতে পারিল না । ৪-৬ । তিনি অনেক অনুসন্ধান করিলেন, কিন্তু কোন স্থানে এমন একজন মহাত্মাকে পাইলেন না ; যিনি তদীয় হৃদয়ের আকাঙ্ক্ষিত বিষয়টী স্পষ্ট করিয়া বুঝাইয়া দিতে পারেন । এইরূপে বহুকাল অতীত হইল, কদাচিত্ একদিবস তিনি ভ্রমণ করিতে করিতে নৰ্ম্মদাতীরে অমরকঙ্কট-তীর্থ ও তাহারই সন্নিহিতে পরম পবিত্র প্রণবেশ্বরের বৃহৎ আয়তন বিলোকন করিতে পাইলেন । সেই স্থানটী বিলোকন করিবামাত্র তিনি অতিশয় সন্তোষ লাভ করিলেন এবং তদীয় হৃদয়ও অনেকাংশে স্থিরতা লাভ করিল । অনন্তর সেই তীর্থবাসী বিভূতিভূষিত-বপুঃ শিবলিঙ্গার্চননিরত তপোনিষ্ঠ আগমশাস্ত্র-পর্যালোচনায় দিনযাপনকারী নিজ নিজ গুরুর পুরোভাগে অচঞ্চলহৃদয়ে অবস্থিত পাশুপত যোগিগণকে বিলোকন করিয়া তপস্বী দমন, প্রণামপূর্ব্বক তাঁহাদের আচার্য্যের সন্নিহিতে অতি বিনীতভাবে উপবেশন করিলেন । ৭—১১ ।

অনন্তর পাশুপতগণের আচার্য্য অতিবুদ্ধ তপঃকৃশ মহাদেবারাধনে নিরত সর্ব্বতপোধনশ্রেষ্ঠ গর্গনামা মহামুনি, দমনকে জিজ্ঞাসা করিলেন যে, “তুমি কে ? এবং কি কারণেই বা এ স্থানে আগমন করিয়াছ, হে সন্তম ! দেখিতেছি, তোমার বয়স অতি অল্প অথচ তোমার চিত্ত বিশেষ বিরক্ত, বৎস ! ইহার কারণ কি” । ১২—১৪ ।

এই প্রকার মহর্ষি গর্গের প্রণয়পূর্ব্বক আভাষণ শ্রবণ করিয়া, দমন বলিতে লাগিলেন যে, হে সর্ব্বজ্ঞারাধনপ্রিয় পাশুপতাচার্য্য ! আপনার নিকট আমার হৃদয়ের সকল অভিপ্রায় স্ফীৰ্ত্তন করিতেছি ; আমি ব্রাহ্মণপুত্র, বিহিত শ্রম করিয়া বেদশাস্ত্র অধ্যয়ন করিয়াছি । ১৫—১৬ । অনন্তর সংসারের অনিত্যতায় বিরক্ত হইয়া আমি বানপ্রস্থশ্রম অবলম্বন করিয়াছি ; আমার বাসনা এই যে, এই শরীরেই আমি মহাসিদ্ধি লাভ করিব । ১৭ । আমি অনেক তীর্থে স্নান করিয়াছি, কোটি মন্ত্রের জপ করিয়াছি, অনেক দেবতার পূজা করিয়াছি, বহুতর হোম করিয়াছি, বহুকাল বহু গুরুজনের নানা প্রকার সেবা করিয়াছি এবং অনেক রাত্রিও মহাশ্মশানে অতিবাহিত করিয়াছি । ১৮—১৯ । হে মহাত্মন ! আমি অনেক গিরীন্দ্র-শিখরে বাস করিয়াছি, সহস্রপ্রকার দিব্যৌষধি নিৰ্ম্মাণ করিতে সমর্থ হইয়াছি, অনেক প্রকার রসায়ন সেবা করিয়াছি, আমি মহাসাহস অবলম্বন

করিয়া কৃতান্ত-বদনের আয় ভীষণাকৃতি সিদ্ধসেবিত বহুতর গিরিগহ্বরমুখে প্রবিষ্ট হইয়াছি এবং সর্বপ্রকার যগ-নিয়ম ধারণপূর্বক সুদুশ্চর তপস্তাও করিয়াছি। ২০-২২। কিন্তু প্রভো! কোন স্থানে বা কোন কৰ্ম্মে আমি নিজ সিদ্ধির অঙ্কুর-মাত্রও অবলোকন করি নাই; এক্ষণে এই ভূমণ্ডল পর্য্যটনে ব্যাপ্ত হইয়া আপনার দর্শনলাভে আমার হৃদয় স্থিরতা লাভ করিয়াছে; আমার সিদ্ধি অদূর-বর্ত্তিনী। হে মহাত্মন! আমি আশা করিতেছি যে, আমার প্রার্থনায় আপনার বদনাস্তোজ হইতে মদীয় হিতকারিণী বাণী অবশ্যই বিনির্গত হইবে। হে ভগবন্! আপনার বাক্যেই আমি সিদ্ধিলাভ করিতে পারিব, অতএব কোন উপায়ে আমার কিছুই হইবে না, অতএব আপনি অমুগ্রহ পুরঃসর আমাকে উপদেশ প্রদান করুন। হে ভগবন্! বলিয়া দেন, কোন্ উপায়ে আমি এই শরীরেই সিদ্ধিলাভ করিতে পারিব।

তপস্বী দমনের এই প্রকার বাক্য শ্রবণ করিয়া, মহাপাশুপতব্রতধারী স্থিরচেতা গর্গ স্বীয় শিষ্যগণের সমক্ষে বক্ষ্যমাণ প্রকার অতি আশ্চর্য্যজনক কথা বলিতে প্রবৃত্ত হইলেন। ২৩—২৭।

গর্গ কহিলেন, অহে প্রিয়দর্শন! বাস্তবিক এই দেহেতেই সিদ্ধিলাভ করিতে যদি তোমার বাসনা থাকে, তাহা হইলে আমি যে বিষয়টী বলিতেছি, তাহা অবহিতহৃদয়ে শ্রবণ কর। বৎস! বোধ হয়, তুমি শুনিয়া থাকিবে ধর্ম্ম, অর্থ, কাম ও মোক্ষস্বরূপ রত্নচতুষ্টয়ের পরমাকরস্বরূপ সজ্জনগণের সিদ্ধিপ্রদ অবিমুক্ত নামক একটী মহাক্ষেত্র বিষ্ঠামান আছে। সেই অবিমুক্তক্ষেত্রে নিবাসকারী সকল প্রাণীগণেরই সঞ্চিত কৰ্ম্ম সকল অগ্নিপতিত শলভরাশির আয় দগ্ধ হইয়া যায়, হে বৎস! সেই অবিমুক্তক্ষেত্রে জীবগণের সর্ব প্রকার মোহ বিনিবৃত্ত হয়। বৎস! অবিমুক্তক্ষেত্রে কৰ্ম্মবৃক্ষের দাবাগ্নিস্বরূপ, সংসার-সাগরের বাড়বানলস্বরূপ, নির্ব্বাণলক্ষ্মীর ক্ষীরসমুদ্রস্বরূপ এবং নিত্যসুখের চিরস্থায়ী নিকেতন, হে দ্বিজসন্তম! সেই অবিমুক্তক্ষেত্র মোহরূপ দীর্ঘনিদ্রাক্রান্ত জীবগণের পরমবোধদায়ী এবং সংসারে যাতায়াতে বিশ্রান্ত জীব-পথিকগণের আশ্রয় মহারুহস্বরূপ। ২৮-৩২। হে সন্তম! সেই বারাগদীক্ষেত্র, অনেকজন্মান্বর্জিত পাতকরূপশৈলগণের পক্ষে মহাবজ্রতুল্য; যাহারা সেই ক্ষেত্রের নামোচ্চারণ করে, তাহারাও বিশেষ মঙ্গল লাভ করিতে পারে; অবিমুক্তক্ষেত্র বিধেয়গণের পরমধাম এবং স্বর্গ ও অপবর্গের সীমাস্বরূপ। হে বৎস! সেই বারাগদীক্ষেত্রের ভূমিভাগ স্বর্গজার লোল-কল্লোলমালায় প্রতিক্ষণ ক্ষালিত হইতেছে। ৩৩-৩৪। সর্বদুঃখবিনাশকারী এবম্প্রকার গুণসম্পন্ন সেই

মহাক্ষেত্র আমি যাহা স্বয়ং প্রত্যক্ষ করিয়াছি, তাহা তোমার নিকট কীৰ্ত্তন করিতেছি শ্রবণ কর। ৩৫। হে মহামতে! যেখানে কালভয় নাই, যেখানে পাপের ভয় নাই, সেই কাশীক্ষেত্রের মহিমা বর্ণন করিতে কোন ব্যক্তি সমর্থ হইবে? ৩৬। এই লোকে প্রাণিগণের পাপহরণকারী ষড় তীর্থ বর্তমান আছে, তাহারা সকলেই আত্মশুদ্ধি সম্পাদন করিতে বারাণসীতে আগমন করিয়া থাকে। ৩৭। কাশীবাসী ভক্ষ্যভক্ষ্যবিচারহীন সর্বজীবব্যবিক্রয়কারী মনুষ্য যে গতি লাভ করিতে সমর্থ হয়, অন্যান্যস্থানবাসী মনুজ, বহুবিধ যজ্ঞ ও অনন্ত দানেও তাদৃশী উত্তমগতি লাভ করিতে পারে না। ৩৮। রাগরূপ-বীজ হইতে উৎপন্ন সংসাররূপ-মহাবৃক্ষ কাশীতে মৃত্যুস্বরূপ-কুঠারাঘাতে ছিন্ন হইলে আর কদাচিত্ অঙ্কুরিত হইতে পারে না। ৩৯। কাশীক্ষেত্র সকল জীবগণের পক্ষেই পরম উষরভূমিস্বরূপ, কারণ তথায় বপনকারী জীবগণের অদৃষ্ট-বীজ কোন কালেই প্ররোহিত হয় না। ৪০। যে সকল সাধুগণ আগ্রহ-সহকারে কাশীকে স্মরণ করিবেন, তাঁহারাও নিখিল পাপ হইতে বিমুক্তি লাভকরত উত্তমগতি লাভ করিতে সক্ষম হইবেন। ৪১। সত্য প্রভৃতি লোকেরও ঐশ্বর্য ক্ষয় হইয়া থাকে কিন্তু বারাণসীস্থিত মানবের ঐশ্বর্য কোন কালেই ক্ষয়প্রাপ্ত হয় না, একমাত্র মহেশ্বরের আজ্ঞা ব্যতিরেকে ঐ ঐশ্বর্য লাভ করিতে কেহই সক্ষম হয় না। বারাণসীতে মৃত কৃষি, কীট, পতঙ্গ প্রভৃতিও যে বিভূতি লাভ করিতে পারে, ত্রৈলোক্যমণ্ডলে এমন কোন স্থান আছে, যথায় তাদৃশ পরমগতি লাভ করিতে পারা যায়। ৪২। যদি কালবশে মানব একবার বারাণসীতে উপস্থিত হইতে পারে, তাহা হইলে সেই উপায় করা উচিত; যাহাতে আর কাশী ছাড়িয়া নির্গত হইতে না হয়। ৪৩। পূর্বদিকে মণিকর্ণিকেশ্বর, দক্ষিণে ব্রহ্মেশ্বর, পশ্চিমে গোকর্ণেশ্বর ও উত্তরে ভারভূতেশ্বর, বারাণসীতে এই নির্দিষ্ট সীমার মধ্যে যে স্থান, তাহাই মহাফলদায়ক বলিয়া কীৰ্ত্তিত। মণিকর্ণিকায় স্নানান্তে প্রভু বিশ্বেশ্বরকে দর্শন করিয়া একবার ক্ষেত্র প্রদক্ষিণ করিলে, মানব রাজসূয়-যজ্ঞের ফল-লাভ করে। এই ক্ষেত্রে শ্রাদ্ধ করিলে শ্রাদ্ধকর্তার পিতৃগণ মোক্ষলাভ করিতে পারেন। ৪৪-৪৭। ব্রহ্মাণ্ডগোলকমধ্যে বারাণসীর তুল্য সাধকগণের সিদ্ধিপ্রদ অশ্রু কোন স্থানই বর্তমান নাই, ইহা নিশ্চয় জানিবে। ৪৮। অতিশয় ক্রুরবুদ্ধি, পাশ ও অসিধারী মহেশ্বরের উগ্র পারিষদগণ সর্বদা অবিমুক্তক্ষেত্রের রক্ষাবিধান করিতেছেন। ৪৯। অতি ভীষণাকৃতি কোটি-কোটিগণপরিবৃত্ত অট্টহাসনামক শিব-পারিষদগণ, দুর্বৃত্তগণ হইতে পুরীকে রক্ষা করিবার জন্য সর্বদাই পূর্বদ্বারে বর্তমান রহিয়াছেন। ৫০। এই প্রকার ভূত-

ধাত্রীশ ও গোকর্ণ নামক পারিষদদ্বয় কোটিগণে পরিবৃত্ত হইয়া যথাক্রমে ক্ষেত্রের দক্ষিণ ও পশ্চিমদ্বার রক্ষা করিতেছেন । ৫১ । যটাকর্ণ নামক গণশ্রেষ্ঠ ক্ষেত্রের উত্তরদ্বার রক্ষা করিতেছেন ; ছাগবন্তু নামক গণাধিপ ঐশকোণে, ভীষণ নামে পারিষদ বহ্নিকোণে, শঙ্কুকর্ণ পারিষদ নৈঋতকোণে ও চণ্ডপারিষদ বায়ুকোণে অবস্থান করত সর্বদা ক্ষেত্র রক্ষা করিতেছেন । এই সকল অতি দীপ্তিশালী মহা-গণনিকর সর্বদা ক্ষেত্ররক্ষা-কার্য্যে ব্যাপ্ত আছেন । ৫২-৫৩ । কালাক্ষ, রণভদ্র, কোলেয় ও কালকম্পন নামক গণচতুষ্টয়, গঙ্গার পূর্বপারে অবস্থিত হইয়া ক্ষেত্র রক্ষা করিতেছেন । ৫৪ । বীরভদ্র, নভ, কর্দমালিপুত্রগ্রহ, স্থূলকর্ণ ও মহাবাহু ইহারা অসিপারে অবস্থান করত ক্ষেত্র রক্ষা করিতেছেন । ৫৫ । বিশালাক্ষ, মহা-ভীম, কুণ্ডোদর, নন্দিসেন, এই গণচতুষ্টয় পশ্চিমে দেহলীদেশে অবস্থান করত ক্ষেত্র রক্ষা করিতেছেন । ৫৬ । পঞ্চাল, খরপাদ, করণ্টক, আনন্দ, গোপক ও বঙ্গ নামক ছয়জন গণশ্রেষ্ঠ বরণার উত্তরতটে অবস্থান করত অবিমুক্ত ক্ষেত্রের রক্ষা-বিধান করিতেছেন । ৫৭ ।

সেই মহাপবিত্র অবিমুক্তক্ষেত্রে প্রণবেশ্বর নামক একলিঙ্গ বর্তমান আছেন ; তাঁহার উপাসনা করিয়! পার্শ্ব-শরীরেই অনেক মহাত্মাগণ সিদ্ধিলাভ করিয়াছেন । ৫৮ । কপিল, সার্বগি, ত্রীকণ্ঠ, পিজল, অংশুমান এই সকল মহাপাশুপতগণ সেই লিঙ্গের আরাধনা করিয়াই সিদ্ধিলাভ করিতে পারিয়াছেন । ৫৯ । কপিল প্রভৃতি মহাপাশুপতগণ সেই প্রণবেশ্বরের পূজা ও হৃদ্যারধনা করত নৃত্য করিতে করিতে সেই লিঙ্গমধ্যে বিলীন হইয়া যান । ৬০ । অগ্নি মহাবুদ্ধে দ্বিজসন্তম দমন ! সেই স্থানের একটা পূর্বকালীন অদ্ভুত বৃন্তাস্ত তোমার নিকট কীৰ্ত্তন করিতেছি, শ্রবণ কর । ৬১ ।

হে মুনৈ ! পুরাকালে একটা ভেকী সেই লিঙ্গসমীপে বাস করিত ; সেই ভেকী প্রতিদিন সেই লিঙ্গকে প্রদক্ষিণ করিত এবং তাঁহারই নিৰ্ম্মাণ্য ভক্ষণ করিত । ৬২ । শিব-নিৰ্ম্মাণ্য ভক্ষণ জন্ম পাপে সেই ভেকীর কাণীতে যুত্ব না হইয়া যুত্ব অগ্ৰত হইল । ৬৩ । বিষভক্ষণ করিতে হয় তাহাও শ্রেয়ঃ কিন্তু শিবনিৰ্ম্মাণ্য ভক্ষণ করা কদাপিও কর্তব্য নহে, কারণ বিষ একজনের প্রাণনাশ করে কিন্তু শিব-নিৰ্ম্মাণ্য পুত্র-পৌত্রের সহিত ভক্ষণকারীকে বিনাশ করে । ৬৪ । যাহারা শিব-নিৰ্ম্মাণ্য ভক্ষণ করিয়া পরিপুষ্ট হইয়াছে, সাধুগণের তাহাদিগকে স্পর্শ করা উচিত নহে, কারণ শিব-নিৰ্ম্মাণ্য ভক্ষণকারীকে স্পর্শ করিলেও রৌরব নামক নরকে যাইতে হয় । ৬৫ ।

প্রণবেশ্বরের চারিদিকে পরিভ্রমণকারিণী সেই ভেদীকে বিলোকন করিয়া কোন কাক, চকুপুটে তাহাকে গ্রহণপূর্বক কাশী হইতে বহির্গত হইল ও কাশীর বহির্দেশে ভেদীকে নিক্ষেপ করিয়া প্রস্থান করিল। অনন্তর মৃত্যুর পরে নিৰ্ম্মাণ্য ভক্ষণ ও প্রদক্ষিণকরণজন্য পাপ ও পুণ্যশালিনী সেই ভেদী কাশীতে পুষ্পবটু নামক এক ব্যক্তির গৃহে জন্মগ্রহণ করিল। ৬৬-৬৮। পুষ্পবটুর গৃহে জন্মানন্তর তাহার শরীর সকলই শুভলক্ষণযুক্ত হইল, কিন্তু শিব-নিৰ্ম্মাণ্যভক্ষণ জন্য পাপে মুখটী গৃধের স্থায় হইল। ৬৯। সেই কন্যার নাম মাধবী হইল। মাধবীর কণ্ঠ-ধ্বনি বড়ই রমণীয়; সে সকল প্রকার গীতের রহস্য গ্রহণে সমর্থ হইল। সপ্তম্বর, তিন গ্রাম, একবিংশতি মুচ্ছনা, একোনপঞ্চাশ প্রকার তান, একশত এক প্রকার তাল, ছয় রাগ এবং প্রত্যেক রাগের পাঁচটী করিয়া রাগিণী, এই ছত্রিশ প্রকার রাগ-রাগিণী, সর্বরাগিগণের পরম সুখাবহ। যত প্রকার তাল, রাগ ও তাবৎসংখ্যক; এই সকল গীত-রহস্যজ্ঞা শুভভ্রতা সেই মাধবী রমণীয়যৌবন-লাভে ও অচঞ্চল হৃদয়ে প্রতিদিন সঙ্গীতাদি দ্বারা বিশেষ ভক্তিসহকারে প্রণবেশ্বরের অর্চনা করিতে লাগিল। ৭০-৭৪। পূর্বজন্মের সংস্কারবশতই মাধবী প্রণবেশ্বরের বিশেষ প্রকারে ভক্তি করিতে লাগিল। হে দ্বিজসন্তম দমন! সম্ভাব চঞ্চল হইলেও মাধবীর হৃদয় সেই লিঙ্গের সেবন-প্রভাবে ক্রমে ক্রমে পরম স্থিরতা লাভ করিল; দিবাকালে ক্ষুধা বা তৃষ্ণা তাহাকে পীড়িত করিতে সমর্থ হইত না, রাত্রিকালে নিদ্রা তাহাকে বশীভূত করিতে সক্ষম হইত না। ৭৫-৭৬। এই প্রকারে মাধবীর মন সর্বপ্রকারে মোহসম্পর্ক হইতে ছিন্ন হইতে লাগিল। দিবারাত্রির মধ্যে সেই লিঙ্গ দর্শন করিতে করিতে তাহার নেত্রদ্বয়ে যে কয়টী নিমেষ পতিত হইত, তাবৎ নিমেষ কয়টীকে সে মহাবিশ্বস্বরূপে জ্ঞান করিত এবং ভাবিত “লিঙ্গ-দর্শনকালের মধ্যে যে কাল, নিমেষের দ্বারা অন্তরিত হইয়া ব্যর্থ অতিবাহিত হইল, হয়। কোন্ প্রায়শ্চিত্তের দ্বারা আমি এ পাপ হইতে মুক্তিলাভ করিতে পারিব”। ৭৭-৭৮। এই প্রকার চিন্তাপর হইয়াও মাধবী কদাপি সেই লিঙ্গের সেবা হইতে অণুমাত্রও বিরত হইত না। যখন তাহার জলপানে অভিলাষ হইত, সে সময় সে সেই প্রণবেশ্বরের নাম-রূপ অমৃত পান করিত। ৭৯। সজ্জনগণের হৃদয়-গগণভাসী শ্রীমান্ প্রণবেশ্বরকে পরিত্যাগ করিয়া আকর্ণবিস্তৃত তদীয় নয়নদ্বয় অথ কোন পদার্থই বিলোকন করিতে ব্যাপৃত হইত না। ৮০। তৎকালে তদীয় শ্রবণদ্বয় অথ কোন প্রকার শব্দ গ্রহণ করিত না, সেই লিঙ্গার্চনের জন্য মালা নিৰ্ম্মাণ করিতে তদীয় করদ্বয় অতিশয় নৈপুণ্যলাভ করিল। ৮১। নির্বাণ-সম্পত্তির আশ্রয়স্থল সেই লিঙ্গের প্রাঙ্গণ



পরিভ্যাগ করিয়া তদীয় চরণদ্বয় স্থাশায় অশ্রুত বিচরণ করিত না । ৮২ । প্রণব, সার, পর, ব্রহ্ম, ব্রহ্মপ্রকাশক, শব্দব্রহ্ম, ত্রয়ীরূপ, নাদবিন্দুকলালয়, সদক্ষর, আদিক্রুপ, বিশ্বরূপ, পরাবর, বর, বরেণ্য, বরদ, শাস্ত, শান্ত, ঈশ্বর, সর্বলোকৈক-জনক, সর্বলোকৈকরক্ষক, সর্বলোকৈকসংহারকারি, সর্বলোকৈকবন্দিত, আশুস্ত-রহিত, নিত্য, শিব, শঙ্কর, অব্যয়, অদ্বিতীয়, গুণত্রয়াতীত ভক্তহৃদয়বিহারী, নিরু-পাধি, নিরাকার, নির্বিকার, নিরঞ্জন, নিশ্চল, নিরহঙ্কার, নিশ্চাপঞ্চ, নিজোদয়, স্বাত্মারাম, অনন্ত, সর্বগ, সর্বদর্শী, সর্বদ, সর্বভোক্তা, সর্ব, সর্বস্বস্থাম্পদ, এই সকল নামোচ্চারণে সর্বদা ব্যাপ্ত তদীয় বাগিস্ত্রিয়, কোন সময়েও অশ্রু কোন ব্যক্তির নাম গ্রহণ করিত না । এই সকল নামাকরনরসপানে ব্যাপ্ত, তদীয় রসনা অশ্রু প্রকার রসের আশ্বাদনে বিরত হইল । ৮৩-৯০ । মাধবী প্রতিদিন সেই লিঙ্গের প্রাসাদ ও চিত্রপুস্তলিকা সকলকে বিহিত শ্রদ্ধাসহকারে মার্জ্জন করিত ও অবসর-ক্রমে তাঁহার পূজাপাত্রনিকর ভাল করিয়া প্রক্ষালন করিত । ৯১ । সেই লিঙ্গের অর্চনাকারী যে সকল পাশুপতশ্রেষ্ঠ বাস করিতেন, মাধবী পিতৃবৃত্তিতে অতি যত্ন-সহকারে প্রত্যহ তাঁহাদের সেবা করিত । ৯২ । একদা বৈশাখ মাসে চতুর্দশী তিথিতে দিবাভাগে উপবাস করিয়া মাধবী, প্রাতঃকালে যাত্রার্থে সমাগত ভক্তবৃন্দ চলিয়া যাইলে পর, রাত্রি-জাগরণ করিয়া মন্দির-পরিষ্কার ও পাত্রাদি মার্জ্জন সমাপন-পূর্বক প্রযত্নসহকারে লিঙ্গের পূজাকরত, মধুরগীত-সহকারে লীলাময় নৃত্য করিতে লাগিল ও প্রণবেশ্বর-লিঙ্গের ধ্যান করিতে লাগিল; এইরূপে কিয়ৎকাল অতিবাহিত হইলে পর, অকস্মাৎ সেই লিঙ্গ-মধ্য হইতে গগনব্যাপি এক পরমজ্যোতি আবির্ভূত হইল এবং মহামতি বালা মাধবী, পার্থিব-শরীরেই তাহাতে লীন হইবামাত্র সেই জ্যোতি অন্তহিত হইয়া যাইল; আমার আচার্য্যশ্রেষ্ঠের সমক্ষেই এই অত্যদ্ভুত ব্যাপারটী সাধিত হইয়াছিল । ৯৩-৯৭ । হে দ্বিজসন্তম দমন! এখন পর্য্যন্তও বারাগসীবাসী ভক্তবৃন্দ, বৈশাখ মাসের শুক্লা চতুর্দশী তিথিতে মহোৎসব পুরঃসর সেই প্রণবেশ্বর-লিঙ্গের যাত্রা করিয়া থাকেন । ৯৮ । উক্ত তিথিতে দিবসে উপবাস করিয়া তথায় রাত্রি-জাগরণ করিলে, মনুষ্য যে কোন স্থানেও মৃত হইয়া পরমজ্ঞান-লাভ করিতে সমর্থ হয় । ৯৯ । ব্রহ্মাণ্ডগোলক মধ্যে যত তীর্থ বর্তমান আছে, তাহার সকলেই বৈশাখ মাসের চতুর্দশী তিথিতে প্রণবেশ্বর দর্শন করিতে আগমন করিয়া থাকেন । ১০০ । সেই লিঙ্গের সম্মুখে শ্রীমুখী নাম্নী একটা পরমোত্তম গুহা বিद्यমান আছে, সেই গুহা পাতালের দ্বার; তথায় বহুতর সিদ্ধজন বাস করিয়া থাকেন । ১০১ । সেই গুহামধ্যে বাহারা পঞ্চরাত্র বাস করিয়া থাকে, সেই সকল

সুত্রত মহাত্মাগণ, নাগকন্যা, দর্শন করিতে সমর্থ হইলেন, নাগকন্যাগণও তাঁহাদের ভবিষ্য শুভাশুভ বলিয়া দেন। ১০২। তথায় গুহার উত্তরদিকে রসোদক নামে একটি কূপ বিদ্যমান আছে, চয়মাস কাল ব্যাপিয়া ভক্তি-সহকারে তাহার জল পান করিলে, মানব ব্রহ্মজ্ঞান লাভ করিতে, সমর্থ হয়। ১০৩। তথায় বর্তমান সর্বনাদ-কারণ নাদেশ্বর-লিঙ্গের দর্শন করিলে, মানব বিশ্ববৃষ্টি-সর্বপ্রকার নাদের মর্ষ-গ্রহণ করিতে সমর্থ হয়। ১০৪। সেই স্থানে বরগারজলপ্লাবিত মৎস্তোদরী নামক স্বর্গদৌ বিদ্যমান আছে, তাহাতে স্নান করিলে কৃতকৃত্য-মানব, কোনকালে শোকপ্রাপ্ত হয় না। ১০৫। প্রণবেশ্বরের সেবক অনন্তসিদ্ধগণ, দৃশ্যমান পার্শ্ববশরীরেই পরম দিক্কিলাভ করিতে সমর্থ হইয়াছেন। ১০৬। নিখিল ব্রহ্মাণ্ড-মধ্যে অবিমুক্তক্ষেত্রেই সর্বশ্রেষ্ঠস্থান, তাহার মধ্যেও প্রণবেশ্বর স্থানই অতিশ্রেষ্ঠ, ইহা মৎস্তোদরীর তটে বিদ্যমান আছে। ১০৭। যাহারা কাশীক্ষেত্রে প্রণবেশ্বরকে নমস্কার করিল না বা তাঁহার পূজা করিল না ; জননীর তারুণ্যহারী সেই সকল মনুষ্য কেন এ সংসারে জন্মগ্রহণ করিল ? ১০৮। হে সাধুশ্রেষ্ঠ দমন! যে দিন মন্দর-পর্বত হইতে ভগবান্ বিশ্বেশ্বর কাশীতে আগমন করিয়াছেন, সেই দিনেই তাঁহার সহিত নিখিল পুণ্যায়তন, সকল পবিত্র পর্বত, সকল নদী, সকল তীর্থ ও সকল পুরম পবিত্র দ্বীপ সেই আনন্দকাননে প্রবেশ করিয়া বাস করিতেছে। ১০৯—১১০।

হে মনে দমন! এখন মদীয় শুভাদৃষ্টের প্রসাদে তোমার সঙ্গেই আলাপ করিতে করিতে কাশীর বিষয় স্মরণ করিতে পারিয়াছি ; আমিও কাশী যাইব, চল, আমরা সকলেই একত্রে কাশীর উদ্দেশে যাত্রা করি। এই সকল মদীয় শিষ্য-গণও সকলেই মুমুক্শু, ইহারাও সকলে বহুদিন হইতে কাশী যাইতে ইচ্ছা করিতেছে। ১১১-১১২। বৃদ্ধাবস্থায়ও যাহারা কাশীর সেবা না করে, তাহাদের দুর্লভ মনুষ্য-জন্ম বুথায় অতিবাহিত হয়, সুতরাং তাহাদের মহাসুখ লাভ হইবার সম্ভব কি ? ১১৩। যাবৎকাল ইন্দ্রিয় বিকল না হয় ও আয়ুঃ পরিশেষপ্রাপ্ত না হয়, তাহারই মধ্যে প্রযত্ন-সহকারে মহেশ্বরের আনন্দ-কাননকে অবলম্বন করা উচিত। ১১৪। ত্রীনিকেতন শম্ভুর আনন্দ-কাননকে যাহারা আশ্রয় করিয়াছে, তাহার মহাসৌখ্যস্বরূপ মহানিধি লাভ করিয়াছে সুতরাং অনন্তত্ৰী তাহাদিগকে কোনকালেই পরিত্যাগ করেন না। ১১৫।

পাশুপতোত্তম মহামুনি গর্গ, এই কথা বলিয়া ভরদ্বাজ দমনের সহিত তথা হইতে প্রস্থানপূর্বক যথাকালে বারাণসীতে উপস্থিত হইলেন। ১১৬। অনন্তর ধর্ম্মাত্মা দমন, গর্গাচার্যের সহিত মিলিত হইয়া যথাবিধানে ত্রীমান্ প্রণবেশ্বরের

অর্চনা করিয়া কালক্রমে আবির্ভূত পরম জ্যোতিতে লীন হইয়া গেলেন । ১১৭ ।  
 স্কন্দ কহিলেন, হে মুনে ইন্দ্ৰাণি । অবিমুক্তক্ষেত্রে প্রণবেশ্বরের আয়তন  
 সর্বাপেক্ষা উৎকৃষ্ট স্থান, এই লিঙ্গের উপাসনা করিয়া অনেক সাধক অনায়াসে  
 পরমসিদ্ধি লাভ করিতে সমর্থ হইয়াছেন । ১১৮ । কলিকালে পাপোপহত  
 ব্যক্তিগণ বিশেষতঃ নাস্তিকগণের নিকট এই পরম পবিত্র প্রণবেশ্বরের অদ্ভুত  
 মাহাত্ম্য কীৰ্ত্তন করা উচিত নহে । ১১৯ । যে সকল মূঢ়বুদ্ধিগণ, মহাদেব ও  
 অবিমুক্তক্ষেত্রের নিন্দা করিয়া থাকে এবং যাহারা পুরাণশাস্ত্রের নিন্দা করে,  
 তাহাদের সহিত কখনও আলাপ করা উচিত নহে । ১২০ । এই জগতীতলে  
 প্রণবেশ্বরের সদৃশ জ্ঞানপ্রদ অণু কোন লিঙ্গ বিদ্যমান নাই । হে অগস্ত্য !  
 এই কথা, দেবদেব মহেশ্বর জননী পার্বতীর নিকট কীৰ্ত্তন করিয়াছেন । ১২১ ।  
 শিবভক্ত ব্যক্তি এই পবিত্র অধ্যায়টী ভক্তি-সহকারে শ্রবণ করিলে, সর্বপ্রকার  
 পাপ হইতে বিমুক্তি লাভ করে ও দেহান্তে শিবলোক-প্রাপ্ত হয় । ১২২ ।

## পঞ্চসপ্ততিতম অধ্যায় ।



### ত্রিলোচন-মাহাত্ম্য কথন ।

অগস্ত্য কহিলেন, হে কার্ত্তিকেয় ! ভগবান্ প্রণবেশ্বরের এই মহাপাতক-  
 নাশিনী কথা শ্রবণ করিয়াও আমি তৃপ্তিলাভ করিতে পারিতেছি না, আমার  
 শ্রবণেচ্ছা ক্রমশই বৃদ্ধি পাইতেছে । আপনি এইক্ষণে ত্রিবিষ্টিপ লিঙ্গবিষয়িণী  
 পরমাদ্বৈত-কথা কীৰ্ত্তন করুন । হে যশ্ধ্ব ! দেবদেব মহেশ্বর জননী পার্বতীর  
 সমীপে এই ত্রিবিষ্টিপ-লিঙ্গের আবির্ভাববিষয়িণী যে কথা কীৰ্ত্তন করে, হে  
 মহাবুদ্ধে কার্ত্তিকেয় ! আপনি কৃপাপূর্বক সেই সকল কথাই আমার নিকট কীৰ্ত্তন  
 করুন । ১—২ ।

স্কন্দ কহিলেন, হে মুনে ! দেবদেব মহেশ্বর, জননী গৌরীর নিকটে যাহা  
 কহিয়াছেন ও যে কথা শুনিলে জীবের সর্বশ্রান্তি দূর হয়, সেই ত্রিবিষ্টিপ-লিঙ্গের  
 উৎপত্তিবিষয়িণী কথা আমি কীৰ্ত্তন করিতেছি, তুমি অবহিতচিত্তে শ্রবণ কর । ৩ ।  
 বিরজা নামক প্রসিদ্ধপীঠে সেই ত্রিবিষ্টিপ নামক লিঙ্গ বর্তমান আছেন । এই

বিরজগীঠের দর্শনমাত্রেই মমুষ্য পাপ হইতে মুক্তিলাভ করিতে পারে । ৪ । হে ষটোদ্ভব ! সরস্বতী, যমুনা ও নর্মদা এই তিনটি পাপবিনাশিনী নদী ত্রিলোচনের দক্ষিণদিকে ত্রিবিষ্টপ লিঙ্গকে স্নান করাইবার জন্ত স্রোতোমূর্ত্তি ধারণ করিয়া তথায় সমবেত হইয়াছেন । প্রত্যহ প্রাতঃ, মধ্যাহ্ন ও সায়াহ্নসময়ে এই নদীত্রয় প্রত্যেকে এক একটী কলস ধারণপূর্বক ত্রিবিষ্টপেশ্বর-লিঙ্গকে স্নান করাইয়া থাকেন । ৫-৭ । ত্রিবিষ্টপ-লিঙ্গের সমীপে এই নদীত্রয় নিজ নিজ নামে এক একটী শিবলিঙ্গ প্রতিষ্ঠা করিয়াছেন, সেই লিঙ্গত্রয়ের দর্শনেই মানব, পূর্বোক্ত নদীত্রয়ে অবগাহনজন্ত ফল-লাভ করিতে সমর্থ হয় । ৮ । ত্রিবিষ্টপের দক্ষিণদিকে সরস্বতীশ্বর লিঙ্গ বর্তমান আছেন, ইহাঁকে দর্শন ও স্পর্শ করিলে মানব সর্বপ্রকার জড়তা হইতে মুক্ত হইয়া, সারস্বত-পদ লাভ করিতে পারে । ৯ । ইহাঁর পশ্চিম-দিকে বর্তমান যমুনেশ্বরকে ভক্তি-সহকারে অর্চনা করিলে অতি পাপাত্মাও কখন বমলোক দর্শন করে না । ১০ । ত্রিলোচনের পূর্বভাগে বর্তমান সুখপ্রদ নর্মদেশ্বরকে দর্শন ও পূজা করিলে মানব আর গর্ভবাস-যন্ত্রণা ভোগ করে না । ১১ । ত্রিবিষ্টপের সমীপে বর্তমান শিলিপীলা-তীর্থে স্নান করিয়া ত্রিলোচনকে দর্শন করিয়া মানব আর কেন বৃথা শোক করিয়া থাকে ? ১২ । সবিশেষ ভক্তি-সহকারে একবার ত্রিবিষ্টপ-লিঙ্গের স্মরণ করিলেও মানব ত্রিলোকের আধিপত্য লাভ করিতে সক্ষম হয়, ইহাতে কোন সন্দেহ নাই । ১৩ । বাহারা ত্রিবিষ্টপ-লিঙ্গকে দর্শন বা স্পর্শ করিয়াছে, এ জগতে তাহারা কৃতকৃত্য ও মহাবী, ইহাতে আর সংশয় কি ? ১৪ । আনন্দকাননস্থিত এই ত্রিবিষ্টপ নামক লিঙ্গকে যে দর্শন করিয়াছে, যে ব্যক্তি ইহাঁর নামপর্য্যন্তও শ্রবণ করে, সেই শুদ্ধবুদ্ধি ব্যক্তি সপ্ত-জন্মার্জ্জিত পাপ হইতে মুক্তিলাভ করিতে পারে, ইহাতে কোন সন্দেহ নাই । পৃথিবীতে যত লিঙ্গ বর্তমান আছেন, তাঁহাদের সকলকে দর্শন করিলে যে ফল হয়, একমাত্র ত্রিলোচনকে দর্শন করিলে তাহা হইতে অধিক ফললাভ করা যায় । কাশীতে ত্রিবিষ্টপ-লিঙ্গের দর্শন করিলে ত্রিলোকদর্শনের ফললাভ হয় । ১৫-১৭ । যে ব্যক্তি ত্রিবিষ্টপ-লিঙ্গকে দর্শন করে, সে ক্ষণকালমধ্যেই সকল পাপ হইতে মুক্ত হয়, আর তাহাদের গর্ভবাস-যন্ত্রণা ভোগ করিতে হয় না এবং সে, সকল তীর্থে স্নান ও সকল অবভূত-স্নানের ফল-লাভ করিতে পারে । ১৮ । গঙ্গার সহিত মিলিত হইয়া সরস্বতী, যমুনা ও নর্মদা যথায় সাক্ষাৎ হাশ্ব করিতেছেন, সেই শিলিপীলা-তীর্থে স্নান করিয়া যে ব্যক্তি পিতৃশ্রাদ্ধাদি করে, তাহার আর পরায় বাইবার প্রয়োজন কি ? শিলিপীলা-তীর্থে স্নানান্তর পিণ্ডপ্রদান করিয়া

ত্রিবিষ্টপ-লিঙ্গের দর্শন করিলে, মানব কোটিতীর্থ দর্শনের ফল-লাভ করিতে পারে । অত্ৰ কোন স্থানে কৃত পাপ কাশীদর্শনে বিনষ্ট হয়, কিন্তু কাশীতে যে পাপ করা যায়, তাহার ফলে লোক পিশাচই লাভ করে । যদি কোন ব্যক্তি প্রমাদবশতঃ মহাদেবের আনন্দকাননে কোন পাপ করে, তাহা হইলে সে, সেই পাপ হইতে মুক্তিলাভ করিবার জন্ত মহাদেবের দর্শন করিবে । ভূমণ্ডলে যত স্থান আছে, সেই সকলের অপেক্ষা আনন্দকাননই সর্বশ্রেষ্ঠ ; সেই কাশীর মধ্যে যত তীর্থ আছে তাহার শ্রেষ্ঠ, তাহাদের মধ্যেও প্রণবেশ্বর-ক্ষেত্র প্রধান মোক্ষপথের প্রকাশক ; সেই প্রণবেশ্বর-লিঙ্গ হইতেও এই শ্রেয়োরূপ ত্রিলোচন-লিঙ্গ অতি-শ্রেষ্ঠতর । ১৯-২৫ । তেজস্বিগণের মধ্যে যেমন সূর্য্য, দৃশ্যগণের মধ্যে যেমন চন্দ্র, সেইরূপ সকল লিঙ্গের মধ্যে এই ত্রিলোচন-লিঙ্গই সর্বপ্রধান । ২৬ । মহাসৌখ্যের একমাত্র নিধানস্বরূপ মোক্ষ-লক্ষ্মীর সেই পরমপদবী, ত্রিলোচন-মহেশ্বরের সেবকগণের হৃদয়ে বর্ত্তমান নহে । ২৭ । একবার ত্রিলোচনের পূজা করিয়া যে ফললাভ করিতে পারা যায়, একজন্ম ব্যাপিয়া অত্ৰ সকল লিঙ্গের অর্চনা করিলে তাদৃশ ফললাভ হয় না । ২৮ । যে সকল মহাত্মাগণ কাশীতে ত্রিলোচন-লিঙ্গকে অর্চনা করে, তাহার মহাদেব-প্রীতির ফলে ত্রিলোকবাসী জীবগণের পূজনীয় হইয়া থাকে । ২৯ । তাহার পাশুপত-ত্রত গ্রহণ করিয়াছে ও তাহার সর্বসম্মাস অবলম্বন করিয়াছে, তাহার যদি প্রমাদবশতঃ স্বীয় নিয়ম প্রতিপালন করিতে না পারে, তাহা হইলে কাশীতে তাহাদের ভয়ের কোন কারণ নাই ; যেহেতু তথায় মহাপাপনিবহের ধ্বংসকারী মোক্ষ-সম্পদের আধার গৃহস্বরূপ ত্রিবিষ্টপ-লিঙ্গ বর্ত্তমান রহিয়াছেন, তাহার দর্শনে তাহার অনায়াসেই প্রমাদকৃত পাপ হইতে মুক্ত হইতে পারে । ৩০-৩১ । একবারমাত্র ত্রিলোচন-লিঙ্গের অর্চনা করিয়া মানব জন্মাস্তরশতের অর্জিত কলুষরাশি হইতেও মুক্তিলাভ করিতে সক্ষম হয় । ৩২ । ব্রহ্মঘাতী, সুরাপায়ী, স্তেয়ী, গুরুবিনাশী ও একবর্ষ-কাল ইহাদের সঙ্গকারী, এই পাঁচ প্রকার মহাপাপী প্রকীৰ্ত্তিত আছে । ৩৩ । পরদারভ্রত, পরহিংসাপরায়ণ, পরনিন্দারত, বিশ্বাসঘাতক, কৃতঘ্ন, ভ্রমহত্যাকারী, শূদ্রীপতি বিজ, মাতৃত্যাগী, পিতৃত্যাগী, গুরুত্যাগী, পরগৃহে অগ্নিপ্রদাতা, বিষ-প্রদাতা, গোহত্যাকারী, স্ত্রীঘাতী, শূদ্রহত্যাকারী, কন্যাভিগামী, ক্রুর, পিশুন, নিজধর্ম্মপরাশ্রু, নিন্দক, নাস্তিক, কূটসাক্ষ্যদাতা, অভক্ষ্যভক্ষক ও অবিক্রেয়-বিক্রয়ী এই সকল পাপী ও পূর্ব্বোক্ত পঞ্চমহাপাপী একবারমাত্র ত্রিলোচন-লিঙ্গকে প্রণাম করিয়া নিজ নিজ পাপ হইতে অনায়াসে নিষ্কৃতিলাভ করিতে পারে

কিস্তি যে ব্যক্তি শিবনিন্দক, তাহার কোনরূপেই পাপ হইতে নিষ্কৃতি পাইবার সম্ভাবনা নাই। ৩৪-৩৬। যে মূঢ় ব্যক্তি শিবনিন্দা করে বা শৈব-শাস্ত্রের নিন্দা করে, কোন ব্যক্তিও কোনকালে শাস্ত্রেও দেখে নাই যে, সেই পাপাত্মা কদাপি পাপ হইতে মুক্ত হইয়াছে। ৩৯। যাহারা শিব-নিন্দা করে বা শিবভক্তগণের প্রতি ঘেঁষ-বুদ্ধি করিয়া থাকে, তাহারা ষাৎকাল চন্দ্র-সূর্য্য থাকেন, তাৎকাল পর্য্যন্ত ভীষণ নরক-ভোগ করিয়া থাকে। যে অধমাদম অভাগ্য মনুষ্য শিবনিন্দা করে, তাহাকে আত্মঘাতী ও ত্রৈলোক্যঘাতী বলা গিয়া থাকে। ৪০-৪১। কাশীতে যাহারা মোক্ষ কামনা করে, তাহারা সর্বদা ষড়্‌পূর্বক শিবভক্তগণের পূজা করিবে, কারণ তাহাদের পূজা করিলে স্বয়ং মহাদেব প্রসন্ন হয়েন। ৪২। এ সংসারে যাহাদের কথা লোকে বিশ্বাস করে, তাহারা নিঃশঙ্কচিত্তে সর্বপ্রকার পাপের প্রায়শ্চিত্ত কামনায় এই বাক্যটী ঘোষণা করিবেন যে, “সংসারে যদি কাহারও প্রায়শ্চিত্ত করিতে বাসনা থাকে এবং পাপ হইতে যদি ভয় থাকে, আর আমাদের শাস্ত্রপ্রমাণসিদ্ধ এই বাক্যে যদি বিশ্বাস থাকে, তাহা হইলে সেই ব্যক্তি সকল পরিত্যাগপূর্বক, হৃদয় স্ফূট করিয়া যেখানে ভগবান্ বিশেখর সাক্ষাৎ বিরাজমান রহিয়াছেন, সেই আনন্দকাননে গমন করুন, যে ক্ষেত্রে গমনে নিঃসংশয়ী মানবগণ আর পাগজন্তু বাধা ভোগ করেন না ও পরমধর্ম্য লাভ করিয়া থাকেন সেই মহাতীর্থ আনন্দকাননের মধ্যে অতিনির্মল নদীত্রয় সম্মিলিত পরমপবিত্র ত্রিলোচনের কটাক্ষ প্রভাবে সকল প্রকার পাপহরণকারী পিলিপিলী-তীর্থ অস্ত্রাপি বিদ্যমান রহিয়াছে; তথায় গৃহোক্ত-বিধানে স্নানান্তর তর্পণীয় দেব-পিতৃগণের তর্পণপূর্বক যথাশক্তি শাঠ্য পরিহারকরত ধনাদি বিতরণ ও ভক্তি-সহকারে দর্শন-পূর্বক ত্রিলোচন-লিঙ্গের পূজা করিবে। গন্ধ, মালা, পঞ্চামৃত, ধূপ, দীপ, বস্ত্র, নানাভূষণ, পূজোপকরণ-দ্রব্য, ঘণ্টা, দর্পণ, চামর, বিচিত্র ধ্বজ, পতাকা, নৃত্য-গীত, বাজ, জপ, প্রদক্ষিণ, নমস্কার ও শিব-পরিচারকগণের সম্ভাষণবিধান দ্বারা ত্রিলোচন-লিঙ্গের মহাপূজা সম্পন্নকরত, ব্রাহ্মণগণকে ভোজন করাইয়া, প্রায়শ্চিত্তার্থী মানব ‘আমি নিম্পাপ হইলাম’ এই বলিলে ক্ষণকাল মধ্যে সর্ববিধ পাপ হইতে মুক্তিলাভ করিতে পারে। ৪৩-৫৩। এইরূপ ত্রিলোচনের পূজাকরত পঞ্চনদে স্নান করিয়া পশ্চাৎ মণিকর্ণিকায় স্নান করিবে, অনন্তর বিশেখরকে পূজা করিলে মানব বহুতর পুণ্য অর্জন করিতে সক্ষম হয়। ৫৪। এই মহাপাপবিনাশকারী প্রায়শ্চিত্ত তোমার নিকট কীর্তন করিলাম; যে ব্যক্তি কাশী-মাহাত্ম্যের নিন্দা করিয়া থাকে বা যে নাস্তিক, তাহার সমীপে কদাচ ইহা প্রকাশ করিবে না। ৫৫। • ধনলোভ-

বশতঃ যদি কোন ব্যক্তি কোন নাস্তিককে এই প্রায়শ্চিত্তের কথা প্রকাশ করে, তাহা হইলে প্রকাশকর্তা নরকে গমন করে, হে ঘটোম্বব ! ইহা সম্পূর্ণ সত্য । ৫৬ । সমস্ত পৃথিবী পর্য্যটন করিলে যে ফল-লাভ হয়, কাশীতে সায়ংকালে ত্রিলোচন-লিঙ্গকে প্রদক্ষিণ করিলে, মানব সেই ফললাভ করিতে সমর্থ হয় । ৫৭ । কাশীতে ভুজঙ্গমেখলাশোভিত ত্রিবিষ্টপ-লিঙ্গকে দর্শন করিয়া মানব যদি অশ্রুত মৃত হয়, তথাপিও জন্মান্তরে সে মোক্ষপদের অধিকারী হয় । ৫৮ । অশ্রু স্থানে শিবলিঙ্গের দর্শন করিতে হইলে পুণ্যকালের প্রতীক্ষা করিতে হয়, কিন্তু কাশীতে ত্রিলোচন-লিঙ্গের দর্শন করিতে হইলে কোন পুণ্যকালের প্রতীক্ষা করিতে হয় না, যখন ইচ্ছা তখনই তাঁহাকে দর্শন করিবে । ৫৯ । প্রণবেশ্বরপ্রমুখ লিঙ্গসমূহ যতপি সকল পাপ হরণ করিয়া থাকেন বটে, তথাপি ত্রিলোচনের যে সর্ব্বাতিভাবিনী শক্তি আছে, তাহা অশ্রু কোন শিব লিঙ্গেই বর্ত্তমান নাই । ৬০ । হে ঘটোম্বব ! ভগবান্ মহেশ্বর, জননী পার্বতীর নিকটে এই লিঙ্গের সম্বন্ধে এই কথা বলিয়াছেন যে, “হে অপর্ণে ! এই ত্রিলোচন লিঙ্গ যে, সকল লিঙ্গ হইতে উৎকৃষ্ট তাহার কারণ আমি তোমার নিকট বলিতেছি, শ্রবণ কর । পুরাকালে যখন আমি নিবিড় সমাধিতে মগ্ন ছিলাম, তৎকালে আমার সম্মুখে পৃথিবী ভেদ করিয়া পাতাল হইতে এই লিঙ্গ স্বয়ংই প্রাদুর্ভূত হন । পুরাকালে এই লিঙ্গের মধ্যে প্রচ্ছন্নভাবে অবস্থানকরত আমি তোমাকে নেত্রত্রয় প্রদান করি, তাহারই প্রভাবে তোমার এই উত্তম দর্শনশক্তি আবির্ভূত হয় ; হে দেবি ! সেই দিন হইতেই ত্রিলোকবাসী সকল জীবই এই লিঙ্গকে ত্রিলোচন নামে অভিহিত করে, এই ত্রিলোচনের প্রসাদে লোকে জ্ঞানদৃষ্টি লাভ করিতে সমর্থ হয় । যাহারা ত্রিলোচনের প্রতি ভক্তিমান, তাহারা সকলেই সাক্ষাৎ ত্রিলোচনস্বরূপ ও আমার নিত্যসহচর হয় এবং তাহাদিগকে জীবমুক্ত বলিয়া জানিবে । হে মহেশানি ! এই ত্রিলোচন লিঙ্গের সম্যক্ প্রকারে মাহাত্ম্য কোন ব্যক্তিই জানিতে সমর্থ নহে, তাহার কারণ আমি নিজেই তাহা বিশেষরূপে গোপন করিয়া রাখিয়াছি । বৈশাখ মাসে শুক্লা তৃতীয়া তিথিতে পিলিপীলা-তীর্থে স্নানান্তে সমস্ত দিন উপবাস ও তদবস্থায় রাত্রিজাগরণ করত ভক্তিসহকারে ত্রিলোচন-লিঙ্গের পূজা করিয়া পরদিন প্রাতে পুনর্ব্বার সেই পিলিপীলা-তীর্থে স্নানান্তর পুনর্ব্বার লিঙ্গের অর্চনা করিবে । তৎপরে পিতৃগণের উদ্দেশে ধর্ম্মঘট, বিহিত অন্ন ও দক্ষিণা প্রদান করিয়া শিবভক্ত জনগণের সহিত একত্রে পারণ করিবে, হে দেবি ! এই প্রকার ক্রিয়া সুসম্পন্ন করিতে পারিলে মানবগণ স্বীয় অঞ্চণীয় পুণ্যের প্রভাবে মদীয় গণ হইয়া সর্ব্বদা

আমার অগ্রগামী হইতে সমর্থ হয়, ইহা নিশ্চয় জানিবে; হে দেবি! যাবৎকাল পর্য্যন্ত ত্রিলোচন-লিঙ্গ দৃষ্ট না হয়েন, তাবৎকাল দেব, মনুষ্য বা মহোরগগণ বারম্বার সংসারে অদৃষ্টবশে ভ্রমণ করিয়া থাকেন। পিলিপিল-তীর্থে স্নানান্তর একবার এই ত্রিলোচন-লিঙ্গের দর্শন করিলে, মানব আর কখন জননীর জঠরে প্রবেশ বা তদীয় স্তম্ভপান করে না, ইহাতে কোন সন্দেহ নাই। হে ভামিনি! প্রতি মাসের অষ্টমী ও চতুর্দশী তিথিতে ত্রিবিষ্টপ-লিঙ্গকে দর্শন করিবার জন্ত সকল ভীর্থ বারাণসীতে ত্রিবিষ্টপ ক্ষেত্রে আগমন করিয়া থাকেন। ত্রিবিষ্টপ-লিঙ্গের দক্ষিণদিকে বর্তমান পিলিপিল-তীর্থের জলে স্নান করিয়া সঙ্কোপাসনা করিলে, মানব রাজসূ-যজ্ঞের ফললাভ করিতে পারে”। ৬১-৭৪।

সেই স্থানেই সর্বপাপ-বিনাশক্ষম পাদোদকনামক কূপ বিद्यমান আছে, ভক্তি-পূর্বক সেই কূপের জল পান করিলে মানব আর জননীর জঠরে প্রবেশ করে না। এই ত্রিলোচন-লিঙ্গের পার্শ্বদেশে বহুতর শিবলিঙ্গ বিद्यমান আছেন। তাহাদেরও দর্শন বা স্পর্শনে মানব কৈবল্যালাভ করিতে সমর্থ হয়। এই ত্রিলোচনের নিকটেই গঙ্গাভীরে শান্তনব নামে একটি লিঙ্গ প্রতিষ্ঠিত আছেন, তাঁহাকে দর্শন করিলে সংসার-ভাপিত মানব, পরম শাস্তিলাভ করিতে সক্ষম হয়। তাহারই দক্ষিণভাগে অভীষেকেশ্বর নামে একটি মহালিঙ্গ বিद्यমান আছেন, হে মুনে। তাঁহাকে দর্শন করিলে মানব, কলিকাল ও কামভয় হইতে পরিত্রাণ পাইয়া থাকে। ৭৫-৭৮। তাঁহার পশ্চিমভাগে দ্রোণেশ্বর নামক একটি মহালিঙ্গ বর্তমান আছেন, সেই লিঙ্গের পূজা করিয়া দ্রোণ, জ্যোতির্ময়স্বরূপ ধারণ করিতে সমর্থ হইয়াছিলেন। ৭৯। দ্রোণেশ্বরের সম্মুখেই অশ্বখামেশ্বরনামক লিঙ্গ বিद्यমান আছেন; এই লিঙ্গটি মহাপুণ্যপ্রদ। ইহাঁকেই পূজা করিয়া অশ্বখামা কাল হইতেও নির্ভয় হইতে পারিয়াছেন। ৮০। দ্রোণেশ্বরের বায়ু-দিগ্ভাগে বালখিল্যেশ্বর নামক একটি পরম উৎকৃষ্ট লিঙ্গ বর্তমান আছেন, শ্রদ্ধাপূর্বক সেই লিঙ্গের দর্শন করিলে মানব, সর্ব-যজ্ঞের ফললাভ করিতে পারে। ৮১। তাঁহারই বামদিকে বাল্মীকীশ্বরনামক লিঙ্গ বর্তমান আছেন, তাঁহাকে ভক্তিসহকারে দর্শন করিবাশ্রয় মানব শোকরহিত হইতে পারে। ৮২।

(স্কন্দ কহিলেন) হে ষটোত্তব! পুরাকালে ভগবান্ মহেশ্বর জননী ভগবতীর নিকট ত্রিলোচন-লিঙ্গের মাহাত্ম্য-সম্বন্ধে যে একটি ইতিহাস কীর্তন করিয়াছিলেন, আমি এইক্ষেণে তাহাই বলিতেছি, তুমি অবহিতচিত্তে শ্রবণ কর। ৮৩।



## ষট্‌সপ্ততিতম অধ্যায় ।

—:~:—

### ত্রিলোচন-প্রাচুর্য্য কথন ।

স্কন্দ কহিলেন, হে মৈত্রাবরুণে । পুরাকালে এই বিরজ নামক পীঠে ভগবান্ ত্রিলোচনের প্রাসাদে যে এক ঘটনা হইয়াছিল, তাহা শ্রবণ কর । প্রলয়কাল সমুপস্থিত হইলে স্বর্গও যখন নষ্ট হইতে আরম্ভ হইল, সেই সময়ে মণিমাণিক্য-নির্ম্মিত, নানাভঙ্গিতে অবস্থিত বহুতর গবাক্ষযুক্ত, স্তম্ভের আয় উন্নত, ত্রিলোচনের সেই প্রাসাদ, বিধাতাকর্তৃক নির্ম্মিত স্থিতির ধারণ-সুস্বরূপে শোভা পাইতেছিল । হে মুনে ! সেই প্রাসাদের উপরিস্থিত পতাকানিচয়ের অগ্রভাগসমূহ বায়ু-কর্তৃক সঞ্চালিত হওয়াতে বোধ হইতেছিল যেন, তাহারা পাপসমূহকে তথায় প্রবেশ করিতে নিষেধ করিতেছে, আর সেই প্রাসাদ সুবর্ণময় কলসে বিভূষিত থাকানিবন্ধন বোধ হইতেছিল যেন, পূর্ণিমার চন্দ্র, প্রাসাদ-সৌন্দর্য্যে খিন্ন হইয়া তাহারই আশ্রয় গ্রহণ করিয়াছে । সেই প্রাসাদে একটা কপোত ও একটা কপোতী বাস করিত ; তাহারা প্রতিদিন প্রাতঃ, মধ্যাহ্ন ও সাংকালে স্বেচ্ছাক্রমে উড়িয়া বেড়াইত ; সেই সময়ে তাহাদের পক্ষ-বাতের দ্বারা সেই প্রাসাদ-সংশ্লিষ্ট ধূলিনিচয় দূরে নিক্ষিপ্ত হইয়া পড়িত । ত্রিলোচনের ভক্তগণ সতত “ত্রিলোচন, ত্রিবিম্বপ” এই নাম উচ্চারণ করিত, সেই কপোতযুগল তাহাই শ্রবণ করিত । ১-৮ । শস্তুর প্রীতিকর চতুর্বিধ বাণ নিরন্তর তাহাদের কর্ণ-গুহায় প্রতিধ্বনিত হইত এবং ত্রিসন্ধ্যা মঙ্গলারাত্রিকের বিমল জ্যোতিঃ, সেই কপোতযুগলের নেত্রে প্রবিষ্ট হইয়া ভক্তগণের চেষ্টা প্রদর্শন করাইত । স্থিরচিত্ত সেই কপোতযুগল আহার না পাইলেও কখন কোন বাঞ্ছিত বিষয়ের জন্ত স্থানান্তরে উড়িয়া যাইত না । ভক্তগণ কর্তৃক সেই প্রাসাদের চতুর্দিকে নিক্ষিপ্ত তণ্ডুলাদিই তাহারা ভক্ষণ করিত ও চতুর্দিকে প্রদক্ষিণ করিয়া বেড়াইত । হে বিপ্র ! সেই স্থানেই যে চতুঃ-স্রোতস্বিনী ( গঙ্গা, যমুনা, সরস্বতী ও নর্ম্মদা ) আছেন, তাহারই জল তাহারা পান করিত এবং কখন কখন সেই জলে স্নান করিত । ৯-১৩ । এইরূপে সাধুচেষ্ট সেই পক্ষিঘরের ত্রিলোচনের প্রাসাদে বহুকাল অতিবাহিত হইয়া গেল । অনন্তর একদিন একটা শ্যেনপক্ষী সেই দেবালয়-স্কন্ধে গবাক্ষमध्ये সুখে অবস্থিত সেই কপোতযুগলকে দেখিতে পাইল এবং সেই কপোতযুগলের প্রতি ক্ররদৃষ্টিকরত

তাহাদিগকে ধরিবার ইচ্ছায় আকাশমার্গ হইতে অবতীর্ণ হইয়া অশ্ব একটী দেবালয়ে প্রবিষ্ট হইল। ১৪-১৫। সেই শ্চোনপক্ষী তথায় উপবিষ্ট হইয়া সেই কপোত-দ্বন্দ্বের প্রবেশ ও নির্গম-পথ লক্ষ্য করিতে লাগিল এবং “ইহারা কোন্ পথে ঐ দুর্গম স্থানে প্রবেশ করে, কোন্ পথ দিয়াই বা নির্গত হয়, কোন সময়ে কি ক্রিয়া করে, কি প্রকারে এই দুইজনই আমার কবলে পতিত হইবে এবং ইহারা দুর্গমধ্যে রহিয়াছে বলিয়াই আমার বশে আসিতেছে না” কিছু কাল একদৃষ্টিতে এইরূপ চিন্তা করিতে লাগিল। ১৬-১৯। অহো! এই ক্ষণই প্রাজ্ঞ ব্যক্তিগণ দুর্গবলের প্রশংসা করিয়া থাকেন, যেহেতু দুর্বল হইয়াও দুর্গ আশ্রয় করিলে বলবান্ অরিও সহসা আক্রমণ করিতে সমর্থ হয় না। একমাত্র দুর্গের দ্বারা নৃপতির যে কার্য্য সিদ্ধি হয়, সমস্ত হস্তী বা লক্ষ বলবান্ অশ্বের দ্বারাও সে কার্য্য সিদ্ধি হয় না। দুর্গ যদি স্বতন্ত্র ও অশ্বের অবিজ্ঞাত হয়, তবে সেই দুর্গে অবস্থান করিলে কখনই কেহ কাহারও দ্বারা অভিভূত হয় না। ২০-২২। সেই শ্চোনপক্ষী ক্রোধাক্রণনয়নে এইরূপে দুর্গবলের প্রশংসা করিয়া সেই কপোতযুগলকে নির্ভয়ে দর্শন করত আকাশমার্গে উড়িয়া গেল। তখন সেই কপোতী, সেই মহাবল পক্ষীকে দর্শন করিয়া নিজপতি সেই পারাবতকে বলিতে লাগিল। ২৩—২৪।

কপোতী কহিল, হে প্রিয়! হে প্রাজ্ঞ! হে সর্বকামিসুখাকর! আমাদের প্রবল শত্রু ঐ শ্চোনপক্ষী আপনার সম্মুখে উড়িতেছে। কপোতীর এই বাক্য শ্রবণ করিয়া কপোত অবজ্ঞার সহিত পারাবতীকে “হে প্রিয়ে! তোমার চিন্তা কি” ইহা কহিয়া বলিতে লাগিল। ২৫-২৬।

কপোত কহিল, হে স্নতগে! এ জগতে কত শতই বা পক্ষী না আছে এবং তাহারা কত দেবালয়েই বা উপবেশন না করিয়া থাকে, আর আমরা স্নত্বে এই স্থানে বাস করিতেছি; ইহাই বা কত পক্ষী না দেখিতেছে? হে প্রিয়ে! তাহাদিগকে যদি আমরা ভয় করিতাম, তাহা হইলে আর এ স্থানে আমাদের সে স্নত্ব কোথায়? হে স্নত্বে! তুমি চিন্তা পরিত্যাগ কর এবং আমার সহিত স্নত্বে বিহার কর, আমি এই ক্ষুদ্র শ্চোনপক্ষীকে আমার হৃদয়ে গণনাও করি না। (স্বন্দ কহিলেন) পারাবতের এই বাক্য শ্রবণ করিয়া পারাবতী পতির পদের প্রতি একাগ্রদৃষ্টিনিষ্কপ-করত মৌন হইয়া রহিল। সতী স্ত্রীর পতির প্রিয়কামনায় হিতবাক্য উপদেশ করিয়াও তাঁহার নিকট মৌন হইয়া থাকা এবং সতত তাঁহার বাক্য প্রতিপালন করাই উচিত। ২৭-৩১। এই ভাবে সে দিবস অতিবাহিত হইয়া গেল, পরদিন পুনরায় সেই শ্চোনপক্ষী তথায় আসিয়া যুত্বে যেমন গতায়ু; ব্যক্তিকে দর্শন করে,

তজ্জপ একাগ্রদৃষ্টিতে সেই কপোত-দম্পতীকে দেখিতে লাগিল । কিছুক্ষণ পরে সেই শ্যেনপক্ষী প্রাসাদের চতুর্দিকে মণ্ডলগতিতে ভ্রমণ করিয়া, সেই কপোত-দম্পতীর গতয়াত লক্ষ্য করত গগনমার্গে উড়িয়া গেল । শ্যেনপক্ষী নভোমার্গে গমন করিলে পারাবত-পত্নী পারাবতকে কহিল যে, “হে নাথ ! ঐ দুই শত্রুকে কি আপনি দেখিলেন ?” তাহার এই বাক্য শ্রবণ করিয়া কপোত কহিল যে, হে মুখে ! আমরা আকাশে বিহার করিয়া বেড়াই, সূতরাং এ ব্যক্তি আমাদের কি করিবে ? আর আগাদের এই স্বর্গভুল্য দুর্গ রহিয়াছে, ইহার ভিতর শত্রু হইতে কোন প্রকারই ভয়ের সম্ভাবনা নাই । আর গগন-মার্গে আমি যত প্রকার গতি জানি, এ ব্যক্তি তাহা জানে না । প্রভীন, উজ্জীন, সংভীন, কাণ্ড, ব্যাড়া, কপাটিকা, স্রংসনী ও মণ্ডলবতী এই আট প্রকার গতি কীর্ত্তিত হইয়া থাকে । হে প্রিয়ে ! আমাতে যে রূপ এই সমস্ত গতির কৌশল আছে, আকাশমার্গে অত্ৰ কোন পক্ষীতেই তজ্জপ নাই । ৩২-৩৮ । হে প্রিয়ে ! তুমি সূখে অবস্থান কর, আমি জীবিত থাকিতে তোমার চিন্তা কি ? পারাবতের এই বাক্য শ্রবণ করিয়া পারাবতী পূর্ববদ্বিবসের ন্যায় মৌন হইয়া রহিল । পরদিন পুনরায় সেই শ্যেনপক্ষী সেই মন্দিরে আসিয়া অতি হৃষ্ট ব্যক্তির ন্যায় সেই পারাবতযুগলের কিছু দূরে ভার-শিলা তলে উপবিষ্ট হইল । ৩৯-৪০ । এবং কিছুক্ষণ তথায় থাকিয়া কপোতযুগলের বাসস্থান পরিদর্শন করত তথা হইতে উড়িয়া গেল, তখন পারাবতী ভীতা হইয়া পুনরায় পারাবতকে কহিল যে, হে প্রিয় ! এই দুই শত্রুর দৃষ্টিতে বিদূষিত এই স্থান পরিত্যাগ করা উচিত, ঐ ক্রুর শ্যেনপক্ষী অতি হৃষ্টের ন্যায় আজ আমাদের অতি নিকটে আসিয়াই উপবিষ্ট হইয়াছিল । কপোতীর এই বাক্য শ্রবণ করিয়া কপোত পুনরায় অবজ্ঞা সহকারে কহিল যে, হে প্রিয়ে ! এ আমাদের কি করিবে ? দেখিতেছি যে, স্ত্রীলোকগণ প্রায় ভীরুস্বভাবই হইয়া থাকে । ৪১-৪৩ । পরদিন পুনরায় সেই মহাবল শ্যেনপক্ষী তথায় আসিয়া তাহাদের সম্মুখে উপবিষ্ট হইল এবং দুই ঘামকাল তথায় অবস্থান করত তাহাদের গতিবিধি লক্ষ্য করিয়া তথা হইতে প্রস্থান করিল । শ্যেনপক্ষী চলিয়া গেলে, পারাবতী পুনরায় পারাবতকে কহিল যে, হে নাথ ! এখানে যখন আমাদের যত্ন নিকটবর্তী দেখিতেছি, তখন চলুন আমরা এ স্থান হইতে স্থানান্তরে গমন করি । এই দুই অদৃশ্য হইলে আমরা পুনরায় এ স্থানে আসিয়া সূখে অবস্থান করিব । হে প্রিয় ! বাহার গতি সর্বত্রই অপ্রতিহত, সে ব্যক্তি বুদ্ধিমান হইয়া কখন কি স্বদেশের অমুরাগে স্বীয় জীবন নষ্ট করে ? যে ব্যক্তি বিপদসঙ্কুল স্বীয় দেশ পরিত্যাগ করিয়া স্থানান্তরে গমন না

করে, পঙ্গুতুল্য সেই ব্যক্তি নদীতীরস্থ বৃক্ষের আশ্রয় অনায়াসেই বিনষ্ট হইয়া যায় । ৪৪-৪৮ । পারাবতীর এই বাক্য শ্রবণ করিয়া পারাবত ভবিষ্যৎ দশাচিন্তায় ব্যাকুল হইয়া অবজ্ঞা-সহকারে তাহাকে কহিল যে, হে প্রিয়ে ! তুমি সেই পক্ষীকে ভয় করিও না । পরদিন পুনরায় সেই শ্চেনপক্ষী প্রাতঃকালেই তথায় আসিয়া তাহাদের নীড়ের দ্বারদেশে উপবেশন করিল এবং সায়াংকাল পর্য্যন্ত তথায় অবস্থান করিল । যখন সূর্য্য অস্তাচলে গমন করেন, সেই সময়ে শ্চেনপক্ষী তথা হইতে উড়িয়া গেলে, পারাবতী নীড়ের বাহিরে আসিয়া পতিকে কহিল যে, হে নাথ ! এই আমাদের পলাইবার সময়, যে পর্য্যন্ত সেই কাল দূরে আছে, আপনি তাহার মধ্যেই আমাকে পরিত্যাগ করিয়াও এ স্থান হইতে নির্গত হউন । ৪৯-৫২ । হে সন্মতে ! আপনি জীবিত থাকিলে, জগতে কোন পদার্থই আপনার দুর্লভ হইবে না । আপনি অনায়াসেই পুনরায় স্ত্রী, মিত্র, ধন ও গৃহ লাভ করিতে পারিবেন । পুরুষ যদি দারা এবং ধনের দ্বারাও আপনাকে রক্ষা করে, তাহা হইলে সে হরিশ্চন্দ্র নৃপতির আশ্রয় পুনরায় সমস্তই লাভ করিতে পারে । এই আত্মাই প্রিয় বন্ধু, এই আত্মাই মহৎ ধন এবং এই আত্মাই ধর্ম্ম, অর্থ, কাম ও মোক্ষের একমাত্র উপার্ত্তক । ৫৩-৫৫ । যে পর্য্যন্ত আত্মা কুশলে থাকে, সেই পর্য্যন্তই ত্রিভুবন কুশলময় বোধ হয়, স্মৃতিব্যক্তিগণ যশের সহিত সেই কুশলেরই কামনা করিয়া থাকেন ; যে কুশল যশের সহিত নহে, তাদৃশ কুশল অপেক্ষা অমঙ্গলও ভাল । পুরুষগণ নীতির অনুযায়ী পথে পদার্পণ করিলে কুশলের সহিত সেই যশ লাভ করিয়া থাকেন, অতএব হে নাথ ! নীতিশাস্ত্রের বাক্যে আপনি এ স্থান পরিত্যাগ করিয়া স্থানান্তরে গমন করুন, যদি না যান, তাহা হইলে প্রাতঃকালেই আপনি আমায় স্মরণ করিবেন । ৫৬-৫৮ । ( স্বন্দ কহিলেন ) বুদ্ধিমত্তী কপোত-পত্নী এইরূপ বলিলেও সেই কপোত যেন মায়াকর্তৃক নিবারিত হইয়া আপনার স্থান হইতে নির্গত হইল না । অনন্তর পরদিন উষাকালে সেই বলবান্ শ্চেনপক্ষী কিছু খাণ্ডজ্যব সঞ্জে লইয়া তথায় আগমনকরত সেই কপোতযুগলের নির্গমপথ অবরুদ্ধ করিয়া অবস্থান করিল ; এইরূপে কিছুক্ষণ তথায় অবস্থান করিয়া বুদ্ধিমান্ শ্চেনপক্ষী পারাবতকে কহিতে লাগিল যে, “হে পারাবত ! তোমার কিছুমাত্র পৌরুষ নাই, তোমাকে ধিক্ ! হে দুর্ব্বুদ্ধে ! হয় আমার সহিত যুদ্ধ কর, না হয় আমার কথামত নির্গত হ, নতুবা নিশ্চয়ই অনাহারে নরকে বাইবি । দেখ, তোরা দুজন আদ্য আমি একা, জয়-পরাজয়ের ত কিছুই নিশ্চয় নাই, অতএব নিজ স্থান রক্ষার জন্ত যতদূর পরাক্রম দুই জনে যুদ্ধ কর, হয় স্বর্গে গমন

করিবে, না হয় নিজ স্থানে থাকিবে । যাহারা পুরুষার্থ আশ্রয় করিয়া যত্ন করে, তাহাদেরই বলে প্রেরিত হইয়া বিধাতাই তাহাদের সাহায্য করেন” । ৫৯-৬৪ ।

শোনের এই সমস্ত বাক্য শ্রবণে ও পত্নীকর্তৃকও উৎসাহিত হইয়া সেই পারাবত, স্বীয় দুর্গ-দ্বারে আগমনকরত শোনপক্ষীর সহিত যুদ্ধ করিতে আরম্ভ করিল । সেই পারাবত কয়েকদিন অনাহারে ক্ষুধায় ও তৃষ্ণায় অতি দুর্বল হইয়াছিল, কাজেই সেই বলবান্ শোনপক্ষী দ্বারে আসিবামাত্র সেই কপোতকে চরণে এবং সেই কপোতীকে চক্ষুতে ধারণ করিয়া লইয়া অশ্রু পক্ষীবিবর্জিত একটা ভক্ষণযোগ্য স্থান চিন্তাকরত নভোমার্গে উড়িয়া গেল । ৬৫-৬৭ ।

পথে কপোতী, কপোতকে কহিতে লাগিল যে, হে নাথ ! আমি স্ত্রীলোক ইহা বিবেচনা করিয়া আপনি আমার বাক্য গ্রাহ্য করেন নাই, সেই জন্তই এই অবস্থায় পতিত হইয়াছেন, আমি অবলা কি করিব ? হে প্রিয় ! এখনও যদি আপনি আমার একটা বাক্য প্রতি-পালন করেন, তাহা হইলে আমি হিতবাক্য বলিতেছি, আপনি তাহাতে কোনরূপ বিচার না করিয়াই তাহা করুন, আমার এই বাক্য প্রতিপালন করিলে আপনি স্ত্রীর বশীভূত হইয়া যাইবেন না । আমি যে পর্য্যন্ত ইহার মুখে আছি এবং এও যে পর্য্যন্ত কোন স্থানে যাইয়া স্থস্থ না হইতেছে, আপনি ততক্ষণ আপনার বিমুক্তির জন্ত প্রাণপণে উহার পদে দংশন করুন । পত্নীর এই বাক্য শ্রবণ করিয়া পারাবত সেই শোন-পদে দংশন করিতে আরম্ভ করিল । শোনপক্ষী সেই দংশন-জ্বালায় অস্থির হইয়া বহুতর চীৎকার করিতে আরম্ভ করিল, সেই অবসরে তাহার মুখ হইতে সেই কপোতী বিমুক্তিলাভ করিল এবং চীৎকারকালীন সেই শোনের পাদাঙ্গুলি শ্লথ হওয়ায় সেই কপোতও নিম্নে নিপতিত হইল ।

বিপদকালেও প্রাজ্ঞ ব্যক্তিগণের উত্তম পরিত্যাগ করা উচিত নহে, দেখ ! কোথায় সেই চক্ষুপুট, কোথায়ই সেই পাদপীড়ন আর কোথায়ই বা অতিঅদ্ভুতরূপে সেই কপোত-দম্পতীর তাদৃশ শত্রুর গ্রাস হইতে বিমুক্তি-লাভ ! ! দুর্বলব্যক্তিও উত্তম করিলে ভাগ্য তাহাকে ফল প্রদান করে, এই জন্ত উত্তম সতত ভাগ্যানুসারে ফলবান্ হইয়া থাকে এবং এই জন্তই বুদ্ধিমান্ ব্যক্তিগণ বিপদকালেও উত্তমেরই প্রশংসা করিয়া থাকেন । ৬৮-৭৬ ।

অনন্তর সেই কপোতযুগল শোনপক্ষীর গ্রাস হইতে পরিত্রাণ পাইয়া কিছুকাল স্থখে অতিবাহিত করিয়া যে পুরীতে মরিলে পরিণামে কালীপ্রাপ্তি হয়, সেই মুক্তিপুরী অযোধ্যায় সরযুতীরে প্রাণ পরিত্যাগ করিল । পরে সেই উভয়ের মধ্যে একজন মন্দারদামের তনয় হইয়া বিজ্ঞাধর জন্ম-পরিগ্রহ করিল এবং তাহার নাম পরিমলায় হইল । সেই পরিমলায় অনেক বিচার

নিলয় এবং কলা-কৌশলের আধার ছিলেন এবং শৈশবকাল হইতেই শিবভক্তি-  
 পরায়ণ হইয়া মন ও ইন্দ্রিয়নিচয়কে বশীভূতকরত বিশেষ নিয়ম পরিগ্রহ করিয়া-  
 ছিলেন এবং মনে মনে নিশ্চয় করিয়াছিলেন যে, সতত একপদ্ধিত্রত আচরণ  
 করিবেন। ৭৭-৮০। পরস্মীতে আসক্তি, আয়ুঃ, কীর্ত্তি, বল, সুখ এবং স্বর্গ-গতি  
 হরণ করে, স্তুতরাং বুদ্ধিমান্ ব্যক্তি পরস্মীতে আসক্ত হইবেন না। সেই পবিত্র  
 বিজ্ঞাধর পূর্বজন্মের অভ্যাস বশত আরও একটি নিয়ম গ্রহণ করিয়াছিলেন এই  
 যে—যে পর্য্যন্ত শরীর নীরোগ থাকিবে এবং ইন্দ্রিয়গণ বিকল না হইবে, সেই  
 পর্য্যন্ত তিনি কাশীতে সমস্ত পুণ্যানিলয়, সমস্ত অর্থপ্রকাশক, সমস্ত কামজনক এবং  
 পরম আনন্দের একমাত্র কারণ ভগবান্ ত্রিলোচনকে আরাধনা না করিয়া কিছুই  
 ভোজন করিবেন না। ৮১-৮৪। এই সমস্ত নিয়ম করিয়া মন্দারদামতনয়  
 পরিমললায় নামক সেই বিজ্ঞাধর বহুবিধ যত্ন করিয়া ত্রিবিষ্টপ-লিঙ্গকে দর্শন  
 করিবার জন্ত কাশীতে আগমন করিলেন এবং সেই কপোতীও পাতালে নাগরাজ  
 রত্নদীপের কন্যা হইয়া জন্মগ্রহণ করিল। সেই নাগকন্যা, রূপ, শীল, কলা ও  
 বল্লভর সদ্গুণনিচয়ে অস্বাভাবিক নাগকন্যাগণের মধ্যে শ্রেষ্ঠতা লাভ করিয়াছিলেন  
 এবং তাঁহার নাম রত্নাবলী হইয়াছিল। প্রভাবতী ও কলাবতী নামে রত্নাবলীর  
 দুইজন সখী ছিল এবং তাহারা সতত ছায়ার আয় তাঁহার অনুগামিনী থাকিত।  
 ৮৫-৮৮। বাল্যকাল উত্তীর্ণ হইয়া রত্নাবলী যৌবনে পদার্পণ করিয়াই নিজ  
 পিতাকে শিবভক্ত দর্শন করিয়া, আপনিও নিয়ম অবলম্বন করিলেন এবং পিতার  
 নিকট প্রার্থনা করিলেন যে, হে পিতঃ! আমি প্রত্যহ আমার সখীদ্বয়ের সহিত  
 কাশীতে যাইয়া ভগবান্ ত্রিলোচন দর্শন করিয়া আসিয়া বাক্য ব্যবহার করিব,  
 নতুবা মৌন হইয়া থাকিব। এই কথায় তাঁহার পিতা সম্মতি প্রদান করিলে,  
 তিনি প্রত্যহ সেই সখীদ্বয়ের সহিত কাশীতে গমন করিয়া ত্রিলোচনের পূজাকরত  
 পুনরায় গৃহে প্রত্যাগমন করিতে লাগিলেন। ৮৯-৯২। রত্নাবলী প্রতিদিনই  
 শৃঙ্গকিকুন্ডমের মালায় রচনা করিয়া, তাহা ভগবান্ ত্রিলোচনকে সমর্পণ করিতেন ;  
 মহেশ্বরের মনস্তৃষ্টির জন্ত সখীর সহিত মিলিত হইয়া গান্ধারবাগে মনোহর গান  
 করিতেন, তিনজনেই একত্রে মণ্ডলাকারে নৃত্য করিতেন এবং তিনজনেই আনন্দ-  
 সহকারে ঈশ্বরের নিকট ভাল-লয়-সংযোগে বীণা, বেণু ও যুদঙ্গবাদন করিতেন।  
 এইরূপে বিচিত্র মালা, গন্ধ এবং সম্ভারজ্ঞান ও বিলেপনাদির দ্বারা সেই নাগকন্যা-  
 ত্রয় ত্রিলোচনের আরাধনা করিতেন। একদা বৈশাখী তৃতীয়াতে তাঁহারা তিন  
 জনেই উপবাসকরত ত্রিলোচনের সম্মুখে নৃত্য, গীত ও কথাপ্রসঙ্গে রাত্রিজাগরণ

করিলেন এবং প্রাতঃকালে চতুর্থীতে পবিত্র পিলিপিলা-তীর্থে স্নান করিয়া ত্রিলোচনের পূজাকরত আলম্বনবশতঃ সেই রঙ্গমণ্ডপেই নিদ্রিত হইয়া পড়িলেন । ৯৬-৯৮ । তাঁহারা তিনজনেই নিদ্রিত হইলে, ভগবান্ মহেশ্বর সর্ববেষ্টিত সেই ত্রিলোচন-লিঙ্গ হইতে ত্রিনেত্র, শশিভূষণ, শুদ্ধকপূর-শুভ্রাঙ্গ, জটায়ুকূটমণ্ডিত, তমাল-নীলগ্রীব, ফণিভূষিত, বামার্কবিরাজিতশক্তি এবং নাগযজ্ঞোপবীতিরূপে আবির্ভূত হইয়া সেই নাগকন্যাত্রয়কে সম্বোধন করিয়া কহিলেন যে, “তোমরা উত্থান কর” । ৯৯-১০১ । মহেশ্বরের এই বাক্যে সেই কন্যাত্রয় উত্থান করিয়া কর্ণাস্তব্যাপ্তলোচন মার্জ্জন, অঙ্গমোটন ও জুস্তাত্যাগ করিয়া সম্ভ্রমাপন্নচিত্তে যেমন সম্মুখে দৃষ্টি করিলেন, অমনি অতর্কিতগতি ভগবান্ ত্রিলোচনকে দেখিতে পাইলেন । ১০২-১০৩ । তখন তাঁহারা আকৃতিতে তাঁহাকে ঈশ্বর বলিয়া জানিতে পারিয়া তাঁহার পদ বন্দনা করত প্রহর্যাস্তঃকরণে গদগদস্বরে তাঁহার স্তুতি করিতে লাগিলেন । ( নাগকন্যাগণ কহিলেন ) হে শঙ্কো ! হে ঈশান ! হে সর্বগ ! হে সর্বদ ! হে ত্রিপুর-সংহর্ত্তঃ ! হে অন্ধক-নিসূদন ! হে জালন্ধর-হর ! হে কন্দর্প-দর্পহৎ ! হে ত্রৈলোক্য-জনক ! হে ত্রৈলোক্যবর্দ্ধন ! হে ত্রৈলোক্যানিলয় ! হে ত্রৈলোক্যবন্দিত ! হে ভক্তজনাধীন ! হে প্রমথনায়ক ! হে গঙ্গাজল-প্রক্ষালিত-জটাতট ! হে চন্দ্রকলাজ্যোতি-বিব্রছোতিত-জগজ্জয় ! হে সর্বফণারত্নপ্রভা-ভাসিত-বিগ্রহ ! হে অদ্বিরাজতনয়তপঃ-ক্রীতাক্ষিদেহ ! হে শ্মশাননিলয় ! হে বারাগসীপ্রিয় ! হে কালীবাসিজন-নির্ব্বাণদায়ক ! হে বিশ্বপতে ! হে শর্ব্ব ! হে শর্ব্বরীপরিবর্জ্জিত ! হে নৃত্যপ্রিয় ! হে ঈশ ! হে উগ্র ! হে গীতবিশারদ ! হে প্রণবসদ্বাস ! হে ধাম-মহানিধে ! হে শুলিন্ ! হে বিরূপাক্ষ ! হে প্রণত-সর্বদ ! আপনি পুনঃপুনঃ জয়যুক্ত হউন । ১০৪-১১২ । বিধাতার সর্বপ্রকার বিধিজ্ঞান থাকিতেও তিনি আপনাকে স্তব করিতে জানেন না । হে নাথ ! বাচস্পতির বাক্যও আপনার স্তবে কুণ্ঠিত হইয়া আছে । হে সর্বজ্ঞ ! বেদনিচয়ও আপনাকে ষথার্থরূপে পরিজ্ঞাত নহেন, হে নাথ ! মনও আন্তস্তবিরহিত আপনাকে মনন করিতে সমর্থ হয় না । স্তুতরাং হে ত্রিলোচন ! আপনাকে আমরা কেবল বারম্বার নমস্কার করি । কন্যাগণ এইরূপ স্তুতি করিয়া ভূমিতে দণ্ডবৎ হইয়া প্রণাম করিলেন । তখন ভগবান্ শশিশেখর তাঁহাদিগকে ভূমি হইতে উত্তোলন করিয়া কহিলেন যে, মন্দারদামের পুত্র পরিমলা-লয় নামক বিত্യാধর তোমাদিগের পতি হইবেন এবং তোমরা বিত্യാধরলোকে বহুতর বিষয় উপভোগ করিয়া নির্ব্বিঘ্নচিত্তে কালীতে আগমন করিয়া সিদ্ধিলাভ করিবে । তোমরা তিনজন ও সেই সুবা বিত্യാধর আমারই ভক্ত, অন্তকালে তোমরা চারিজনেই

এই কাশীক্ষেত্রে মুক্তিলাভ করিবে। ১১৩-১১৯। জন্মাস্তরেও তোমরা তিনজন এবং সেই বিদ্যাধরতনয় আমার বহুতর সেবা করিয়াছিলে, তাহার ফলেই তোমাদিগের এই ভক্তিপূর্ণ পবিত্র জন্মলাভ হইয়াছে। তোমাদিগের রচিত এই স্তোত্র যে ব্যক্তি আমার সম্মুখে পাঠ করিবে, তোমাদিগের শ্রায় তাহাকেও আমি কাম প্রদান করিব। মানব প্রাতঃকালে পবিত্র হইয়া এই স্তোত্র পাঠ করিলে নিশাকৃত পাপ হইতে নিষ্কৃতি লাভ করে এবং সায়াংকালেও পাঠ করিলে দিবাকৃত পাপ হইতে নিষ্কৃতি লাভ করিয়া থাকে।” মহেশ্বর এই কথা বলিলে সেই নাগকন্যাগণ হৃষ্টচিত্তে তাঁহাকে প্রণাম করিয়া করদ্বয় সম্পূর্ণ করত বন্ধাঞ্জলি হইয়া বলিতে লাগিলেন। ১২০-১২৩।

নাগকন্যাগণ কহিলেন, হে নাথ! হে করুণাকর! হে শঙ্কর! আমরা জিজ্ঞাসা করিতেছি, আপনি বলুন যে, আমরা চারিজনে জন্মাস্তরে কি প্রকারে আপনার সেবা করিয়াছি। হে ভব! আপনি অনুগ্রহ পূর্বক সেই স্মৃতভাষ্য-বিদ্যাধর ও আমাদের তিনজনের পূর্বজন্ম-বৃত্তান্ত বর্ণন করুন। মহেশ্বর, নাগকন্যাগণের এই বাক্য শ্রবণ করিয়া তাঁহাদিগের এবং সেই বিদ্যাধরের পূর্বজন্মবৃত্তান্ত বলিতে লাগিলেন। ১২৪-১২৬।


ঈশ্বর কহিলেন, হে নাগবালাগণ! তোমরা তিনজনেই অবহিতচিত্তে শ্রবণ কর; আমি তোমাদের তিনজনের এবং সেই বিদ্যাধরের পূর্ব জন্মবৃত্তান্ত বলিতেছি। এই রত্নাবলী পূর্বজন্মে পারাবতী ছিল আর সেই বিদ্যাধর ইহার পতি পারাবত ছিল। ইহার আমার এই প্রাসাদে বহুকাল সুখে বাস করিয়াছিল, ইহার প্রতিদিন পক্ষানিলের দ্বারা আমার এই প্রাসাদস্থ ধূলিনিচয় পরিষ্কার করিত এবং ইহার উপর ও নিম্নে গমনাগমনকালীন বহুবার এই প্রাসাদ প্রদক্ষিণ করিয়াছে। ইহার পবিত্র চতুর্দ-তীর্থে বারম্বার স্নান ও জলপান করিয়াছে এবং আমায় সম্ভোষকর বহুতর কলরব করিয়াছে। ইহার স্থিরচিত্তে আনন্দসহকারে আমার ভক্তগণের ক্রিয়ানিচয় পরিদর্শন করিত; ইহার অনেকবার আমার মঙ্গল-প্রদীপ দর্শন করিয়াছে এবং ঋতি-পুটের দ্বারা বহুবার আমার নামায়ত পান করিয়াছে। তির্ধ্যগবোনি-প্রভাবেই ইহার আমার নিকটে মৃত না হইয়া কাশীপ্রাপ্তিকর অযোধ্যাপুরীতে মৃত হইয়াছিল। অযোধ্যায় মৃত্যুনিবন্ধন এ রত্নদ্বীপের কথা হইয়াছে এবং ইহার পতি সেই পারাবত বিদ্যাধরের তনয় হইয়া জন্মগ্রহণ করিয়াছে। ১২৭-১৩৫। আর এই প্রভাবতী ইহ জন্মেও নাগরাজ পদ্মীর কথা, ইহার পূর্ব-জন্মও বলিতেছি এবং সেই কলাবতীও ইহজন্মে উরগেন্দ্র ত্রিশিখের কথা হইয়াছে, ইহারও পূর্বজন্ম-বৃত্তান্ত বলিতেছি। এই জন্মের তৃতীয় জন্মে ইহার উভয়েই



মহর্ষি চারায়ণের কন্যা ছিল এবং উভয়েই পরস্পর অনুরাগিণী ছিল । ১৩৬-১৩৮ । ইহাদের উভয়েরই আগ্রহে ইহাদের পিতা মহর্ষি চারায়ণ, ইহাদিগকে আমুষায়ণের তনয় নারায়ণ নামক ঋষিকুমারকে প্রদান করিয়াছিলেন । অপ্রাপ্তবয়সে সেই ঋষিকুমার সমিদাহরণ করিবার জন্ত কাননে গমন করিয়া সর্পাঘাতে প্রাণত্যাগ করেন, তাহাতে ভবানী ও গৌতমী নাম্নী ইহারা উভয় ভগিনীই বৈধব্যলাভ করিয়া অতি দুর্দশাগ্রস্ত হয়, এই জন্তই বিবাহ কর্তব্য, দেবতা ও নদীর নামে যাহার নাম, তাদৃশ কন্যাকে বিবাহ করিবে না । ১৩৯-১৪২ । এক দিন মহর্ষির পরমাত্মত-আশ্রমে ইহাদিগকে কেহ প্রদান না করিলেও ইহারা মোহপ্রযুক্ত স্বেচ্ছায় রজ্জাকল গ্রহণ করিয়াছিল । সেই পাপে ইহারা মাসোপবাসাদি-ত্রত নিচয়ের অনুরোধ করিলেও মৃত্যুর পর বানর হইয়া জন্মগ্রহণ করিল । ১৪৩-১৪৪ । ইহার কল চুরির অপরাধে বানর হইয়াছিল । কিন্তু শীলরক্ষা করিয়াছিল বলিয়া কাশীতেই জন্মগ্রহণ করিয়াছিল, আর সেই ব্রাহ্মণতনয় নারায়ণও বহুতর পিতৃসেবা করিয়াছিল এই জন্ত সর্পকর্তৃক দষ্ট হইয়াও কাশীতে পারাবত হইয়া জন্মগ্রহণ করিল । এই প্রকারে সেই বিত্যাধরই জন্মান্তরে এই দুই জনেরও পতি ছিল এবং এক্ষণে সে ব্যক্তি তোমাদের তিন জনেরই ভাবী পতি । এই প্রাসাদের পার্শ্বভাগে একটি বৃহৎ শৃগোষ-বৃক্ষ ছিল, ইহারা বানর হইয়া শাখাযুক্ত সেই বৃক্ষে অবস্থান করিত, ক্রীড়াচ্ছলে চতুঃশ্রোত-স্বিনী-তীর্থে স্নান ও তৃষাতুর হইয়া সেই জলপান করিত এবং বানরজাতি-মূলভ চাপল্য নিবন্ধন ক্রীড়া করিতে করিতে বহুবার প্রদক্ষিণ সহকারে এই লিঙ্গ দর্শন করিত । ১৪৫-১৫০ । একদিন ইহারা ইচ্ছাক্রমে সেই শৃগোষতরু সমীপে বিচরণ করিতেছিল, এমন সময়ে যোগিবেশধারী একজন পুরুষ ইহাদিগকে রজ্জুর দ্বারা আবদ্ধ করিয়া লইয়া যায় এবং গৃহে গিয়া ইহাদের দ্বারা ভিক্ষা করিবার জন্ত ইহাদিগকে নৃত্যাদিশিক্ষা করায় । কিছুকাল ইহারা তাহার গৃহে থাকিয়া কালক্রমে নিপতিত হয় এবং ইহারা কাশীবাসজনিত পুণ্য ও প্রদক্ষিণাদির দ্বারা ত্রিলোচনের সেবা নিবন্ধন উভয়েই নাগকন্যা হইয়া জন্ম গ্রহণ করিয়াছে, এক্ষণে ইহারা সেই বিত্যাধর-তনয়কে পতিরূপে প্রাপ্ত হইয়া নানাবিধ স্বর্গীয় বিষয় ভোগ করত কাশীতে মুক্তি লাভ করুক । ১৫১-১৫৪ । কাশীতে অল্পও যাহা কিছু সংকল্প করা যায়, আমার অনুগ্রহ বলে নিশ্চয়ই তাহার ফল মোক্ষরূপে পরিণত হইয়া থাকে । ত্রিভুবনমধ্যে বারাগঙ্গা পুরীই সর্বপেক্ষা শ্রেষ্ঠ ; সেই বারাগঙ্গা হইতেও প্রণবেশ্বরলিঙ্গ এবং প্রণবেশ্বর লিঙ্গ হইতেও এই ত্রিলোচন-লিঙ্গ শ্রেষ্ঠ । আমি সত্যত এই লিঙ্গে অবস্থিত থাকিয়া ভক্তগণকে মুক্তির জন্ত জ্ঞানোপদেশ করিয়া থাকি, অতএব কাশীতে সর্ব-

প্রকার যত্নসহকারে ত্রিলোচনের পূজা করা উচিত। ১৫৫-১৫৭। (স্বন্দ কহিলেন) দেবদেব মহেশ্বর এই সমস্ত কহিয়া ত্রিভুবন হইতেও স্থূল অনির্বচনীয় রূপধারণ করত সেই প্রাসাদ-মধ্যে প্রবেশ করিলেন এবং সেই নাগ-কন্যাগণও বিশেষরূপে আপন আপন বৃত্তান্ত অবগত হইয়া স্ব স্ব ভবনে গমন পূর্বক নিজ নিজ জননীর নিকট সেই সমস্ত বৃত্তান্ত বর্ণন করিয়া যেন কৃতকৃত্যতা লাভ করিলেন। ১৫৮-১৫৯। একদা বৈশাখ মাসে মহাযাত্রা সমুপস্থিত হইলে, সমস্ত বিজ্ঞাধর ও নাগগণ আত্মীয়-বর্গের সহিত ত্রিলোচনের নিকট বিরজঃ ক্ষেত্রে সেই মহাযাত্রায় উপস্থিত হন এবং তথায় মহাদেবের বরদানে নাগ ও বিজ্ঞাধরগণ পরম্পরের বংশাবলী জিজ্ঞাসা করিয়া, নাগগণ সেই তিনটি কন্যাকেই সেই বিজ্ঞাধরহস্তে সমর্পণ করেন। মন্দারদাম, সেই তিনটি কন্যাকে পুত্রবধূরূপে প্রাপ্ত হইয়া বিশেষ সন্তোষ লাভ করেন এবং নাগরাজ রত্নদীপ, পদ্মী এবং ত্রিশিখণ্ড পরিমলয়কে জামাতরূপে প্রাপ্ত হইয়া বিশেষ হর্ষ লাভ করিয়াছিলেন। এই বিবাহে উভয় পক্ষের আত্মীয়গণ বিশেষ আনন্দ লাভ করিয়াছিলেন; এইরূপে বিবাহোৎসব সম্পন্ন করিয়া তাঁহারা ভগবান্ ত্রিলোচনের মহিমা বর্ণন করিতে করিতে আপন আপন গৃহে প্রতিগমন করিলেন। ১৬০-১৬৫। অনন্তর সেই বিজ্ঞাধর সেই নাগকন্যাগণের সহিত বহুকাল বহুবিধ বিষয় উপভোগ করিয়া কাশীতে আগমন পূর্বক, সেই নাগকন্যাত্রয়ের সহিত মধুর গীতাদির দ্বারা ভগবান্ ত্রিলোচনের সেবা করিয়া কালক্রমে সেই লিঙ্গমধ্যেই লয় প্রাপ্ত হইল। ১৬৬-১৬৭। স্বন্দ কহিলেন, ভগবান্ মহেশ্বর, কলিকালে ত্রিলোচনের মহিমা গোপন করিয়া রাখিয়াছেন, এই জ্ঞাত কলিকালে অল্পসত্ত্ব মানবগণ সেই লিঙ্গের উপাসনা করে না। পাপীয্যক্তিও ত্রিলোচনের এই কথা শ্রবণ করিয়া নিম্পাপ হয় এবং উৎকৃষ্ট গতিলাভ করিয়া থাকে। ১৬৮-১৬৯।

## সপ্তসপ্ততিতম অধ্যায় ।



### কেদারেশ্বর-মাহাত্ম্য কথন ।

পার্বতী কহিলেন, হে দেবদেব ! আপনাকে প্রণাম করিতেছি, হে ভক্ত-কৃপালো ! আপনি ভক্তগণের প্রতি অমুকম্পা পুরঃসর কেদারেশ্বরের মাহাত্ম্য বর্ণন করুন । ১ । হে দেব ! কাশীতে সেই লিঙ্গের উপর আপনার অতিশয় প্রীতি আছে এবং তাঁহার ভক্তগণও সতত মহাবুদ্ধিমান হইয়া থাকে, অতএব অগ্রেই তাঁহার মহিমা বর্ণন করুন । ২ ।

দেবদেব কহিলেন, হে অর্পণে ! আমি কেদারেশ্বরের মহিমা বর্ণন করিতেছি, শ্রবণ কর ; যাহা শ্রবণ করিলে পাপী ব্যক্তিও ক্ষণকাল মধ্যে নিম্পাপ হইয়া থাকে । যে ব্যক্তি কেদারেশ্বরকে দর্শন করিতে বাইবার জন্ম স্থিরচিত্ত হয়, তাহার আজন্মসঞ্চিত-পাপ তৎক্ষণাৎই বিলয় হইয়া যায় । “কেদারেশ্বরকে দর্শন করিব” এইরূপ নিশ্চয় করিয়া যে ব্যক্তি গৃহ হইতে নির্গত হয়, তাহার দেহ হইতে জন্মদ্বয়াজ্জিত পাপ নির্গত হইয়া যায় । যে ব্যক্তি কেদারেশ্বরকে দর্শন করিবার জন্ম অর্দ্ধপথে আসিয়া উপস্থিত হয়, জন্মত্রয়-সঞ্চিত পাপ তাহার দেহ হইতে নির্গত হইয়া দীর্ঘস্থান পরিভ্রমণপূর্বক নিরাশ হইয়া ফিরিয়া যায় । ৩-৬ । মানব, সন্ধ্যাকালে গৃহে বসিয়াও তিন বার “কেদার” এই নাম স্মরণ করিলে কেদারেশ্বরের যাত্রার ফললাভ করে । কেদারেশ্বরের প্রাসাদের অগ্রভাগ দর্শন এবং তত্রস্থ তীর্থের জলপান করিলে সপ্তজন্মাজ্জিত পাপ হইতে মুক্ত হওয়া যায়, ইহাতে কোন সন্দেহ নাই । হরপাপ-হ্রদে স্নান করিয়া কেদারেশ্বরকে দর্শন করিলে, কোটিজন্মাজ্জিত-পাপ হইতে নিশ্চয়ই মুক্তিলাভ করা যায় । ৭-৯ । হরপাপ-হ্রদে স্নানাদি করিয়া হৃদয়-কমলে কেদারেশ্বর-লিঙ্গকে স্থাপন করত একবারও কেদারেশ্বরকে প্রণাম করিলে অন্তিমকালে মোক্ষলাভ হইয়া থাকে । যে ব্যক্তি শ্রদ্ধার সহিত হরপাপ-হ্রদে শ্রদ্ধা করিবে, সে ব্যক্তি স্বীয় সপ্তপুরুষকে উদ্ধার করিয়া অন্তে আমার লোকে গমন করিবে । ১০-১১ । হে অর্পণে ! পূর্বকালে রথস্বরকরে এ স্থানে যে একটি ঘটনা হইয়াছিল, আমি তাহা তোমার নিকট বর্ণন করিতেছি, তুমি অবহিত হইয়া শ্রবণ কর । উজ্জয়িনী হইতে একটি ব্রাহ্মণতনয় পিতাকর্তৃক

উপনীত হইয়া ব্রাহ্মচর্য্য অবস্থাতেই এখানে আগমনকরত আমার এই কাশীপুরীকে চতুর্দিকে, জটায়ুকুটভূষিত, কুতলিন্দপূজন, বিভূতিভূষিত-দেহ, ভিক্ষান্ন-সম্ভুষ্ট ও গন্ধায়ত-জলে পরিপুষ্ট, পাশুপত ব্যক্তিনিচয়ে পরিপূর্ণ দর্শন করিয়া অতিশয় আনন্দলাভ করিল এবং হিরণ্যগর্ভ নামক আচার্য্যের নিকট উপদিষ্ট হইয়া পাশুপত-ব্রত গ্রহণ করিল। সেই ব্রাহ্মণ-তনয়ের নাম বশিষ্ঠ ছিল এবং সে ব্যক্তি সমস্ত পাশুপত-ব্রতধারীগণের মধ্যে শ্রেষ্ঠ হইয়াছিল। সেই ব্রাহ্মণতনয়, প্রত্যহই প্রাতঃকালে উষ্মিত হইয়া হরপাপ-হ্রদে স্নান এবং ত্রিসন্ধ্যা কেদারেশ্বরের পূজা ও প্রতিদিনই বিভূতির দ্বারা স্নান করিত। গুরুদেবে ও কেদারেশ্বরে কোন ভেদ আছে ইহা সে একক্ষণের জ্ঞাতও জানিত না। যখন তাহার বয়ঃক্রম দ্বাদশ বৎসর, তখন সে নিজ গুরুর সহিত কেদারেশ্বরের যাত্রার জন্ত হিমালয়ে গমন করে; স্বধায় গমন করিয়া সংসারিগণ আর কোন কালেই কোনরূপ শোক প্রাপ্ত হয় না এবং বহুতর পুণ্যবান্ ব্যক্তি যে স্থানের লিঙ্গরূপ উদক পান করিয়া লিঙ্গরূপতা লাভ করিয়াছে। অসিধার নামক পর্ব্বতে উপস্থিত হইয়া বশিষ্ঠের গুরু সেই হিরণ্যগর্ভ পঞ্চস্থ লাভ করিলেন; তখন তাপসগণের সাক্ষাতেই আমার পারিষদগণ তাঁহাকে দিব্য বিমানে আরোহণ করাইয়া কৈলাসে লইয়া গেল। যে ব্যক্তি কেদারেশ্বরের উদ্দেশে গৃহ হইতে নির্গত হইয়া অর্দ্ধপথে অকাতরভাবে প্রাণ পরিত্যাগ করে, সে চিরকাল কৈলাসে বাস করিয়া থাকে। ১২-২৩। সেই আশ্চর্য্য ঘটনা দর্শন করিয়া তপোধন বশিষ্ঠ সমস্ত লিঙ্গের মধ্যেই কেদারেশ্বরকে শ্রেষ্ঠ বিবেচনা করিল। অনন্তর সে কেদারেশ্বরের যাত্রা করিয়া কাশীতে প্রত্যাগমন করিল। এবং নিয়ম করিল যে, “ষতকাল বাঁচিব, প্রতি চৈত্রমাসে আমি কেদারেশ্বরের যাত্রা করিব”; সেই ব্রাহ্মণ-তনয়, কাশীতে ব্রাহ্মচর্য্যাবস্থাতে থাকিয়া আনন্দসহকারে একাধিক যষ্টিবার কেদারেশ্বরের যাত্রা করিয়াছিল। বহুকাল পরে চৈত্রমাস নিকটবর্ত্তী হইলে সেই ব্রাহ্মণতনয় পুনরায় পরম উৎসাহ-সহকারে কেদারেশ্বরের মহাযাত্রায় বাইবার জন্ত সঙ্কল্প করিল। তখন তাহার সন্নিবর্ত্তন তপোধনগণ ও তাহার অগ্রাঙ্গ সহচরগণ তাহাকে বৃদ্ধ দেখিয়া তাহার মৃত্যু শঙ্কা করত কারুণ্যপ্রযুক্ত বহুতর নিবারণ করিলেন, কিন্তু দৃঢ়চিত্ত সেই তাপসের তাহাতেও কিছুমাত্র উৎসাহ ভঙ্গ হইল না বরং ভাবিল যে, পথিমধ্যেই যদি আমার মৃত্যু হয়, তবে আমারও গুরুর স্থায় গতি হইবে। ২৪-৩০। হে চণ্ডিকে! অতি পবিত্র, তপস্বী ও অশ্রুদ্রাঘ-পরিপুষ্ট সেই বশিষ্ঠের এতাদৃশ দৃঢ়সঙ্কল্প দর্শনে আমি তাহার উপর বিশেষ সম্ভ্রম হইলাম এবং স্বপ্নেও তাহাকে কহিলাম যে, “হে

দৃঢ়ব্রত ! আমি তোমার প্রতি প্রসন্ন হইয়াছি, তুমি আমাকে কেদারেশ্বর বলিয়া জান এবং আমার নিকট তোমার অভিলষিত বর প্রার্থনা কর” । আমি এইরূপ বলিলেও সেই ব্রাহ্মণ কহিল যে, স্বপ্ন মিথ্যাই হইয়া থাকে । তখন আমি তাহাকে আবার কহিলাম যে, যাহারা অশুচি ব্যক্তি, তাহাদেরই স্বপ্ন মিথ্যা হইয়া থাকে, কিন্তু তোমার দ্বায় শুচি ও জিতেন্দ্রিয় ব্যক্তিগণের স্বপ্ন সত্যই হয়, অতএব হে দ্বিজ ! তুমি স্বপ্ন মিথ্যা এ আশঙ্কা পরিত্যাগ কর, আমি তোমার উপর প্রসন্ন হইয়াছি, তুমি বর প্রার্থনা কর, তোমাকে অদেয় আমার কিছুই নাই । আমি এই কথা বলিলে সেই ব্রাহ্মণ আমার নিকট প্রার্থনা করিল যে, হে দেবেশ ! যদি আপনি আমার প্রতি প্রসন্ন হইয়াছেন, তবে এই স্থানে আমার যে সমস্ত সহচর আছে, তাহাদের সকলেরই উপর আপনাকে অনুগ্রহ করিতে হইবে, ইহাই আমার প্রার্থনা । ৩১—৩৭ । হে দেবি ! পরোপকারশীল সেই ব্রাহ্মণের এই প্রার্থনা-বাক্য শ্রবণে আমি তাহার প্রতি বিশেষ প্রীত হইয়া কহিলাম যে, “তাহাই হইবে” । সে ব্যক্তি এতাদৃশ পরোপকার করাতে তাহার পুণ্য দ্বিগুণ হইল ; তখন আমি কহিলাম যে, তোমার এই পুণ্যের বর প্রার্থনা কর । তখন সেই মহাতপা বশিষ্ঠ প্রার্থনা করিলেন যে, “আপনি হিমশৈল হইতে আগমন করিয়া এস্থানে অবস্থান করুন” । বশিষ্ঠের এই বাক্যে আমি হিমশৈলে কলামাত্রে অবস্থিত থাকিয়া সেই দিন অবধি এস্থানে সম্পূর্ণভাবে অবস্থান করিলাম । ৩৮—৪১ । অনন্তর প্রভাত হইলে আমি সকলের সম্মুখেই সুরধিগণকর্তৃক সংস্কৃত হইয়া বশিষ্ঠকে অগ্রে করত তাহার উপর কৃপা করিয়া হরপাপ-হ্রদে অবস্থান করিলাম । আমার অবস্থিতিবিবক্ষন সেই হরপাপ-হ্রদে বশিষ্ঠের সহচরগণও জ্ঞান করিয়া সেই দেহেই সিদ্ধিলাভ করিল । ৪২—৪৪ । তদবধি আমি এই অবিমুক্ত-ক্ষেত্রে সেই লিঙ্গে অবস্থান করিতেছি, বিশেষতঃ কলিকালে । হিমালয় পর্বতে আরোহণ করিয়া কেদারেশ্বরকে দর্শন করিলে যে ফললাভ হয়, কাশীতে কেদারেশ্বরকে দর্শন করিলে তাহার সপ্তগুণ অধিক ফললাভ হইয়া থাকে । ৪৫—৪৬ । সেই হিমালয়ে যেমন গৌরীকুণ্ড, হংসতীর্থ এবং মধুস্রবা গঙ্গা আছেন, কাশীতে তৎ-সমুদয়ই সেইভাবে আছেন, আর এই হরপাপ-তীর্থ সপ্তজন্মার্জিত পাপ হরণ করেন । ইনি আবার এ স্থানে গঙ্গার সহিত মিলিত হইয়া ভক্তগণের কোটি-জন্মার্জিত পাপ হরণ করিতেছেন । ৪৭—৪৮ । পুরাকালে এই স্থানে দুইটা কাকোল ( দাঁড়কাক ) পক্ষী পরস্পর যুদ্ধ করিতে করিতে আকাশ হইতে এই-তীর্থে নিপতিত হইয়া, তত্রস্থ যাক্তীয় ব্যক্তিগণের সমক্ষেই হংসরূপ ধারণ

করিয়া নির্গত হইয়াছিল। হে গৌরি! পুরাকালে তুমি এই মহাহ্রদে স্নান করিয়াছিলে বলিয়া, ইহা পরম উৎকৃষ্ট গৌরী-কুণ্ড নামে বিখ্যাত হইয়াছে। এই স্থানে অমৃতস্রবা গঙ্গা, মহামোহান্ধকার হরণ এবং অনেক জন্মজনিত জড়তা ধ্বংস করিয়া থাকেন। ৪৯—৫১। পুরাকালে মানসসরোবর এই স্থানে বহুতর তপস্তা করিয়াছিলেন, এইজন্ত ইহা মানস-তীর্থ নামে বিখ্যাত হইয়াছে। পূর্বের যে কোন ব্যক্তি এই স্থানে স্নান করিলেই মুক্তিলাভ করিত, অনন্তর মনুষ্যগণের মুক্তিদর্শন অসম্ভব বোধ হওয়ায় দেবগণ আসিয়া আমাকে কহিলেন, “এই কেদারকুণ্ডে স্নান করিয়া যদি সমস্ত মানবই মুক্ত হইয়া যায়, তাহা হইলে সমস্ত বর্ণ, আশ্রম ও ধর্ম্মগণেরই উচ্ছেদ হইয়া যাইবে, অতএব যে ব্যক্তি এখানে দেহত্যাগ করিবে, আপনি তাহাকেই মুক্তি প্রদান করিবেন।” দেবগণের এই উপরোধে আমি তাহাই স্বীকার করিলাম। হে দেবি! তদবধি ভক্তিসহকারে যাহারা কেদার-কুণ্ডে স্নান, কেদারেশ্বরের পূজা ও আমার নাম জপ করে, তাহারা অশ্রু স্থানে তনুত্যাগ করিলেও আমি তাহাদিগকে মুক্তি প্রদান করিয়া থাকি। ৫২—৫৭। যে ব্যক্তি কেদার-তীর্থে স্নান করিয়া দীর্ঘকালসহকারে পিণ্ড প্রদান করিবে, তাহার বংশের একোত্তরশতপুরুষ, ভবসমুদ্র হইতে উত্তীর্ণ হইবে। মঙ্গলবারে যদি অমাবস্তা হয়, তবে ঐ দিনে যে ব্যক্তি কেদার-কুণ্ডে পিতৃগণের পিণ্ডপ্রদান করে, তাহার আর গয়ায় পিণ্ডদানে প্রয়োজন কি? কেহ হিমালয়ে কেদার দর্শন করিতে যাইবার ইচ্ছা করিলে, মানবগণের তাহাকে এই বুদ্ধি দেওয়া উচিত যে, “তুমি কাশীতে কেদারেশ্বরকে দর্শন করিলেই কৃতকৃত্য হইবে”। ৫৮—৬০। চৈত্র মাসের কৃষ্ণপক্ষের চতুর্দশী তিথিতে উপবাসকরত পরদিন প্রাতঃকালে তিন গণ্ডুষমাত্র কেদার-তীর্থের জলপান করিলে হৃদয়ে শিবলিঙ্গ অবস্থান করিয়া থাকেন। হিমালয়ে কেদার-তীর্থের জল পান করিলে যে ফললাভ হয়, কাশীতেও স্ত্রী বা পুরুষগণ ঐ তীর্থের জল পান করিলে সেই ফল লাভ করে, তাহার কোন সন্দেহ নাই। বস্ত্র, অন্ন ও ধনাদির দ্বারা যে ব্যক্তি কেদারেশ্বরের ভক্তকে পূজা করে, সে আজন্মকৃত-পাপ হইতে নিম্মুক্ত হইয়া আমার লোকে গমন করিয়া থাকে। ৬১—৬৩। ছয়মাসকাল যে ব্যক্তি ত্রিসন্ধ্যা কেদারেশ্বরকে প্রণতি করে, ষম প্রভৃতি লোকপালগণ সতত তাহাকে প্রণতি করিয়া থাকেন। কলিকালে যে সে ব্যক্তি কেদারেশ্বরের মাহাত্ম্য জানিতে পারিবে না, কিন্তু যে তাহার মহিমা জানিতে পারিবে, সেই পুণ্যাত্মা নিশ্চয়ই সমস্ত বিষয় জ্ঞাত হইবে। হে দেবি! একবারমাত্র কেদারেশ্বরকে যে দর্শন করিবে, সেই আমার অমুচর হইবে, অতএব

কাশীতে প্রযত্নপূর্বক কেদারেশ্বরকে দর্শন করিবে। ৬৪—৬৬। কেদারেশ্বরের উত্তরদিকে চিত্রাঙ্গদেশ্বর-লিঙ্গ আছেন, মানব তাঁহার অর্চনায় নিয়ত স্বর্গভোগ উপভোগ করিয়া থাকে। কেদারেশ্বরের দক্ষিণদিকে অবস্থিত নীলকণ্ঠেশ্বরকে দর্শন করিলে, সংসার-সর্পদ্বয় ব্যক্তির বিষভয় থাকে না। কেদারেশ্বরের বায়ুকোণে অম্বরীশেশ্বর মহাদেব আছেন, তাঁহাকে দর্শন করিলে জীব আর দুঃখসঙ্কুল সংসারে গর্ভবাস করে না। ৬৭—৬৯। তাঁহারই নিকটে ইন্দ্রদ্ব্যম্বেশ্বর-লিঙ্গ আছেন, তাঁহার পূজা করিলে, মানব তেজোময় যানে আরোহণপূর্বক স্বর্গলোকে গমন করিয়া থাকে। তাঁহারই দক্ষিণভাগে কালঙ্করেশ্বর নামক লিঙ্গ দর্শন করিলে মানব, জরা ও কালকে জয় করত চিরকাল আমার লোকে বাস করিয়া থাকে। ৭০—৭১। তথায় চিত্রাঙ্গদেশ্বরের উত্তরদিকে অবস্থিত ক্ষেমেশ্বরকে দর্শন করিলে মানব ইহ ও পরকালে সর্বত্রই ক্ষেম লাভ করিয়া থাকে। ৭২।

স্বন্দ্র কহিলেন, হে বিদ্বাংস ! দেবদেব মহেশ্বর এইরূপই কেদার-মাহাত্ম্য বর্ণন করিয়াছিলেন ; তাহা আমি ভোমাকে বলিলাম। কৃত্তী মানব, কেদারেশ্বরের উৎপত্তি-বিবরণ শ্রবণ করিলে ক্ষণমধ্যে নিম্পাপ হয় এবং অস্ত্রে শিবলোকে গমন করিয়া থাকে। ৭৩—৭৪।

## অষ্টসপ্ততিতম অধ্যায় ।

—\*—

ধর্মেশ্বর-মহিমা কথন ।

পার্বতী কহিলেন, হে ভগবন্ শস্ত্রো ! আনন্দকানন মধ্যে যে লিঙ্গটি পুণ্য-বর্দ্ধন, ষাঁহার নাম করিলে মহাপাতক ক্ষয় হয়, সাধকগণ সর্বদা ষাঁহার সেবা করিয়া থাকেন, ষাঁহার সেবায় উত্তম প্রীতিলাভ হয়, ষাঁহাকে কোন বস্তু দান করিলে বা যথায় হোম করিলে তাহা অক্ষয় হয়, ষাঁহার ধ্যান ও জপ করিলে অনন্ত ফললাভ করিতে পারা যায়, ষাঁহার স্মরণ, দর্শন, প্রণাম বা স্পর্শ করিলে এবং পঞ্চামৃত দ্বারা স্নান করাইয়া বিধিপূর্বক ষাঁহার পূজা করিলে, মানব অনন্ত ত্রৈলোক্য করিতে সমর্থ হয় ; হে পরমেশান ! আপনি সেই লিঙ্গের বিষয়

আমার নিকট কীর্তন করুন । ১—৪ । স্বন্দ্র কহিলেন, হে কলসোদ্ভব ! ভগবতী পার্বতীর এই প্রকার জিজ্ঞাসানন্তর সর্বজ্ঞ প্রভু মহেশ্বর বাহা উত্তর করিলেন, তাহা কীর্তন করিতেছি শ্রবণ কর । ৫ ।

দেবদেব কহিলেন, অগ্নি উমে ! জীবগণের ভববন্ধন মোচন করিবার আশায় তুমি যে বিষয়টী জিজ্ঞাসা করিলে, আমি তাহার প্রত্যুত্তর প্রদান করিতেছি, তুমি অবধান কর । ৬ । অগ্নি পার্বতি ! আনন্দকানন মধ্যে আমার পরম রহস্য, আমি পূর্বে কোন ব্যক্তির নিকট ব্যক্ত করি নাই এবং অশ্রু কোন ব্যক্তি এ বিষয় জিজ্ঞাসা করিতেও জানে না । ৭ । হে প্রিয়ে ! আনন্দকাননে অনেক মদীয় লিঙ্গ বর্তমান আছেন বটে, তথাপি তোমার জিজ্ঞাসানুসারে আমি একটী সর্বোৎকৃষ্ট লিঙ্গের বিবরণ বলিতেছি শ্রবণ কর । ৮ । হে বিশ্বগে ! তুমি যথায় সাক্ষাৎ মুক্তিস্বরূপে বিরাজমানা রহিয়াছ, যথায় বিশ্ববিনাশকারী তোমার তনয় সর্বদা অবস্থান করিতেছেন । ৯ । যে সময়ে আমি ত্রিপুর-যুদ্ধে বিজয় প্রার্থনা করিয়াছিলাম, তৎকালেও যে লিঙ্গের স্তুতি করিয়া আমার প্রার্থনা পরিপূর্ণ হয় । ১০ । যে লিঙ্গের সমীপে পাপবিনাশি ও পিতৃগণের পরমতৃপ্তিপ্রদ একটী তীর্থ বিद्यমান আছে ; তথায় স্নান করিয়া ব্রতহা ( ইন্দ্র ) ব্রতবিনাশ-জন্ম পাপ হইতে মুক্তি লাভ করিতে সমর্থ হইয়াছেন । ১১ । যে লিঙ্গের সমীপে সূদুশ্চর তপস্তা করিয়া ধর্ম্মরাজ ধর্ম্মাধিকরণ-লাভে সমর্থ হইয়াছেন । ১২ । যে লিঙ্গের সম্মুখানে পক্ষিগণ ও সংসারমোচনকারি পরমজ্ঞান লাভ করিতে পারিয়াছে ও একটী বটবৃক্ষ স্তবর্ণময়তা প্রাপ্ত হইয়াছে । ১৩ । দুর্দম নামা নরপতি, যে লিঙ্গের দর্শনমাত্রেই সর্বদা অভ্যস্ত লোকপীড়াকর চিত্তবৃত্তি হইতে পরাভূত হইয়া ধর্ম্মমতি লাভ করিয়াছেন । ১৪ । হে স্বন্দ্রি গিরিবালে ! সেই মহামহিমময় লিঙ্গের মহাপাতকনাশন মাহাত্ম্য ও আবির্ভাব-বৃত্তান্ত আমি কীর্তন করিতেছি তুমি শ্রবণ কর । ১৫ ।

সেই ধর্ম্মেশ্বরের আয়তনকে ধর্ম্মপীঠ বলিয়া জানিবে, সেই পীঠের দর্শনমাত্রেই মানব সর্বপ্রকার পাপ হইতে মুক্তিলাভ করিতে সক্ষম হয় । ১৬ । অগ্নি বিশালাক্ষি ! পুরাকালে কোন সময়ে সূর্য্যের তনয় যম, বিহিত প্রকার সংযম অবলম্বন পূর্বক তোমারই অগ্রে সূদুশ্চর তপস্তা করিতে প্রবৃত্ত হন । ১৭ । শিশির-ঋতুতে জলমধ্যে অবস্থান, বর্ষাকালে নিরাবৃত-দেহে মেঘের নিম্নে স্থিতি ও গ্রীষ্মকালে প্রজ্বলিত পক্ষাগ্নি-মধ্যে বাস করিয়া যমরাজ নিজ অবলম্বিত তপস্তায় চিত্তের সম্পূর্ণ একাগ্রতার পরিচয় প্রদান করিতে লাগিলেন । ১৮ । প্রথমে একপাদে অবস্থান, পদাঙ্কুষ্ঠ মাত্রে ভর প্রদান করত দণ্ডায়মান থাকিয়া তিনি বহুকাল একাগ্র-



হৃদয়ে তপস্তা করিতে লাগিলেন । ১৯ । পরম ভাগ্যবান্ যম, কোন কোন বৎসর কেবলমাত্র বায়ুভক্ষণ করিয়া অতিবাহিত করিতেন, কখনও বা তিনি অতিশয় পিপাস্ব হইয়াও কেবলমাত্র কুশাগ্রমাত্র পরিমিত জল ভক্ষণ পূর্বক বহুদিন অতিবাহিত করিতেন । ২০ । এই প্রকার আমার দর্শন লালসায় যমরাজ দিব্যষোড়শ-যুগ ব্যাপিয়া পরম সমাধি অবলম্বন করিয়া দীর্ঘ তপস্তাপরায়ণ থাকেন । ২১ । অনন্তর এবম্প্রকার দীর্ঘ তপস্তায় পরিতুষ্ট হইয়া আমি সেই মহাত্মা স্থিরহৃদয় শমনকে বরপ্রদান করিবার জন্ত স্বস্থান হইতে যাত্রা করিলাম । ২২ । অয়ি পার্বতি ! সেই স্থানে কাঞ্চনশাখ নামে একটি পরম রমণীয় বটবৃক্ষ বর্তমান ছিল, তাহারই বৃহত্তর ছায়ায় দীর্ঘ-তপস্তানিরত যমরাজের কোন কোন সময়ে তপোজগ্ম তাপনিকর দূর হইত, সেই বৃক্ষে বহুতর পক্ষী বাস করিত, মন্দমন্দ বায়ুভরে আন্দোলিত নবীনপল্লবরূপ করপল্লব দ্বারা সেই বৃক্ষ যেন সর্বদা ভ্রমণশ্রিম পথিকগণকে নিজ স্নাত্তল ছায়ায় বিশ্রাম করিতে আহ্বান করিত, স্বকীয় হুমিষ্টনির্ধ্যাস ও স্বাদু পরিপক্ব ফলনিকর দ্বারা সেই বটবৃক্ষ সর্বদা স্বীয় আশ্রিত পথিকগণকে অকাতরে ভোজন করাইত । ২৩-২৫ । এই প্রকার পরম স্নন্দর সেই বটবৃক্ষের নিম্নে অবস্থিত শুষ্ক বৃক্ষের গায় নিশ্চলশরীর নাসাগ্রস্থিরলোচন, চারিদিকে উদীয়মান তপস্তার তেজোনিকরে পরিবেষ্টিত-দেহ, সুনীল আকাশে নিজ তেজে বিরাজমান দ্বিতীয় সূর্য্যের গায় হৃদয়হারী যমরাজ, একটি সূর্য্যমণি নির্ম্মিত অতিতেজোময় স্বপ্রতিষ্ঠিত লিঙ্গকে অতিভক্তি সহকারে নিজ তপস্তার সাক্ষীস্বরূপে পুরোভাগে রাখিয়া মহৎ তপস্তায় নিরত রহিয়াছেন দেখিয়া, আমি নিকটে গমন করত কহিলাম যে “অহে শুভব্রত সূর্য্যতনয় ! হে মহাভাগ শমন ! আমি প্রসন্ন হইয়াছি, আর কেন তপস্তা করিতেছ, নিজ অভিলষিত বর প্রার্থনা কর” । আমার এবম্বিধ বাক্য শ্রবণান্তে চক্ষুরুন্মীলন করত আমাকে বিলোকন করিয়া শমন, অতীব ভক্তিসহকারে আমাকে প্রণাম করিলেন । তৎপরে অতিশয় হৃষ্টান্তঃকরণে কাপট্যরহিত নিজ সমাধি পরিহার পূর্বক তিনি আমার স্তুতি করিতে প্রবৃত্ত হইলেন । ২৬-৩১ ।

ধর্ম্মরাজ কহিলেন, “হে কারণগণেরও কারণ ! আপনাকে নমস্কার, হে কারণ-রহিত ! আপনাকে নমস্কার, হে কার্য্যময় ! অথচ হে কার্য্যবিভিন্নরূপ ! আপনাকে নমস্কার । ৩২ । হে অনির্বচনীয়-স্বরূপ ! আপনাকে নমস্কার, হে সমস্তরূপিন ! হে পরমাণুস্বরূপ ! হে পরাপর । আপনাকে নমস্কার ; হে অপারপার ! হে পরাক্রি-পারপ্রদ ! হে শশিশেখর ! আপনাকে নমস্কার । ৩৩ । হে শঙ্কর ! আপনি জগতের ঈশ্বর অথচ আপনার ঈশ্বর কেহই নাই, হে প্রভো ! আপনি গুণের অধিষ্ঠাতা অথচ

বাস্তবিক আপনি নিগূণ, আপনি কাল ও প্রকৃতি হইতে পর, অথচ আপনি কাল-স্বরূপ ও কালবশে প্রকৃতিস্বরূপ। অতএব হে অনির্বচনীয়-মূর্ত্তে ! আপনাকে নমস্কার। ৩৪। হে অচিন্ত্যশক্তে ! আপনিই নির্বাণ-পদপ্রদ, অথচ আপনিই নির্বাণস্বরূপ। হে প্রভো ! আপনি আত্মা, আপনি পরমাত্মা এবং আপনিই চরাচরের অন্তরাত্মা, অতএব আমি আপনাকে অসংখ্য প্রণিপাত করি। ৩৫। হে জগদেকবন্ধো ! আপনা হইতেই এই জগৎ অভিব্যক্ত হইয়াছে, আপনিই সাক্ষাৎ এই জগৎস্বরূপ, এ জগৎ আপনারই অধীন, আপনিই ইহার হর্ত্তা, পাতা ও স্রষ্টা, হে ত্রীক্ষা ও বিষ্ণুর ঈশ্বর ! আপনাকে নমস্কার। ৩৬। যাহারা বেদোক্ত মার্গ অবলম্বন করে, আপদি তাহাদিগের পক্ষে সুখস্বরূপ, যাহারা বেদবিরোধি-মার্গ অবলম্বন করে, আপনি তাহাদের নিকট ভীম, যাহারা আপনার বাক্যে শ্রদ্ধাপরায়ণ হয়, আপনি তাহাদের মঙ্গল করিয়া থাকেন, যাহারা আপনার বাক্যে বিশ্বাস না করে, আপনি তাহাদিগের সমীপে উগ্রমূর্ত্তিতে অবস্থান করেন। হে রুদ্র ! আপনাকে নমস্কার। ৩৭। হে শঙ্কর ! আপনি ঘেষণের ব্যক্তিগণের নিকটে শূলিক্রূপে বিরাজমান ; তাহাদের মনঃ ও বাক্য বিনষ্ট, তাহারা আপনার শিবমূর্ত্তি বিলোকন করিয়া থাকে ; স্বপদে আশ্রিত জীবগণের নিকট আপনি ত্রীকণ্ঠ, হে প্রভো ! যাহারা ছুরাত্মা তাহাদিগের নিকট হলাহলোত্রকণ্ঠ। ৩৮। হে শঙ্কর ! হে শাস্ত ! হে শম্ভো ! হে চন্দ্র-কলাবতংস ! আপনাকে নমস্কার, হে ফণিভূষণ ! হে পিনাকপাণে ! হে অঙ্ককবৈরিদ ! আপনাকে নমস্কার। ৩৯। হে অনন্তশক্তে ! আমার হ্রায় হীনবুদ্ধিসম্পন্ন কোন্ ব্যক্তি আপনার স্তুতি করিতে সক্ষম হয় ? হে প্রভো ! প্রাচীন বাক্যও আপনার সম্পূর্ণরূপে পরিচয় দিতে সমর্থ নহে, আমার যে এই স্তুতি ; তাহা কেবল আপনাকে প্রণাম করামাত্র, ভগবন ! যে ব্যক্তি আপনার পূজক এ সংসারে সেই জনেই স্নকৃতী, হে প্রভো ! যে ব্যক্তি আপনার স্তুতি করিতে সমর্থ হয়, ইন্দ্রাদি দেবগণও তাহার পূজা করিয়া থাকেন”। ৪০-৪১।

স্কন্দ কহিলেন, সূর্য্যের তনয় যম, এই প্রকার স্তুতিকরত বারম্বার “শিবায় নমঃ” এই বাক্য উচ্চারণ করিতে করিতে ভূমিতে মস্তক বিলুপ্তি করিয়া ভগবান্ মহেশ্বরকে সহস্রবার প্রণাম করিলেন। ৪২। অনন্তর প্রভু মহেশ্বর, দীর্ঘ-তপস্তায় খিন্ন সূর্য্য-তনয়কে বিহিত-বত্সসহকারে প্রণতি-ব্যাপার হইতে বিরত করিয়া তাঁহাকে এই বর প্রদান করিলেন যে, “অহে দিবাকর-তনয় ! অস্ত্র হইতে তোমার নাম ধর্ম্ম-রাজ হইল। হে ধর্ম্মরাজ ! নিখিল স্বাবর ও জয়ম-শরীরগণের ধর্ম্মাধিকার তোমার উপর অর্পিত হইল। আমার নিয়োগানুসারে অস্ত্র হইতে যদৌর শাসনাবমুযায়ী

সকল লোকগণের শাসন কর। হে ধৰ্ম্মরাজ ! তুমি অস্ত্র হইতে দক্ষিণদিকের আধিপত্য লাভ করিলে ও সকল প্রাণীরই শুভাশুভ কৰ্ম্মের সাক্ষী হইলে । অস্ত্র হইতে তোমা কর্তৃক দর্শিত উৎকৃষ্ট বা নিকৃষ্টপথে উত্তম বা অধম লোকগণ স্ব স্ব কৰ্ম্ম-সম্পাদিত লোকে গমন করুক । হে ধৰ্ম্ম ! বারানসীক্ষেত্রে ভক্তিপূৰ্ব্বক তুমি মদীয় যে লিঙ্গের আরাধনা করিয়াছ, এই সেই লিঙ্গের দর্শন, স্পর্শন ও অর্চনা করিলে মানবগণ অচিরেই সিদ্ধিলাভ করিতে পারিবে । যে বিমলবুদ্ধি মানবগণ এই ধৰ্ম্মতীর্থে স্নান করিয়া ভক্তিসহকারে একবারও ধৰ্ম্মেশ্বর লিঙ্গকে দর্শন করিবে, পুণ্ড্রার্থসিদ্ধি তাহার অদূরবর্ত্তিনী হইয়া থাকে । এই স্থানে সহস্র পাপ করিয়া মানব যদি দৈবযোগে একবারও ধৰ্ম্মেশ্বরের দর্শন করে, তাহা হইলে তাহার আর কোন প্রকার নারকী-ব্যথা সহ্য করিতে হয় না ও দেবগণ স্বর্গে তাহারই সৌভাগ্যের প্রশংসা করিয়া থাকেন । যে মানব কাশীক্ষেত্রে অদৃষ্টবশে ধৰ্ম্মপীঠে প্রাপ্ত হইয়াও নিজ পারলৌকিক মঙ্গলের নিমিত্ত যত্ন না করে, হে ধৰ্ম্ম ! সেই ব্যক্তি অস্ত্র কোন উপায়ে তোমার স্নায় অতিভেজঃ লাভ করিয়া আত্মাকে কৃতার্থ করিতে পারিবে ? ৪৩-৪৯ । হে ধৰ্ম্মরাজ ! গুরুতর তপস্তার প্রভাবে তুমি যে প্রকার অভ্যাসসিদ্ধি করিয়াছ ; বাহারা ধৰ্ম্মেশ্বরের ভক্ত তাহারাও অনায়াসে এই প্রকার মনোরথ-সিদ্ধি করিতে পারিবে, ইহাতে কোন সন্দেহ নাই । যে ব্যক্তি গুরুতর পাপ করিয়াও একবার ভক্তি-সহকারে ধৰ্ম্মেশ্বরের অর্চনা করিবে, তাহার আর কুত্ৰাপিও ভয়ের সম্ভাবনা নাই, কারণ হে ধৰ্ম্মরাজ ! তোমাকর্তৃক অর্চিত-লিঙ্গের অর্চনা করিয়া ঐ ব্যক্তি তোমার সহিত বন্ধুত্ব-লাভ করিতে পারিবে । পত্র, পুষ্প, জল ও দুর্বার দ্বারা যে ব্যক্তি ধৰ্ম্মেশ্বরের অর্চনা করিবে, স্বর্গে দেবগণ মন্দার-মালা দ্বারা তাহার পূজা করিবেন । বাহারা পাপ করিয়া তোমা হইতে ভয় করিবে, তাহার। যেন এই ধৰ্ম্মেশ্বর-লিঙ্গের অর্চনা করিয়া বন্ধুত্ব স্থাপনপূর্বক তোমার শ্রীভিলাভ করে, কারণ তাহা হইলে তাহাদের আর তোমা হইতে কোন ভয় থাকিবে না । উত্তরবাহিনী গজায় স্নানান্তর ধৰ্ম্মেশ্বরকে দর্শন করিয়া পশ্চাৎ এই ধৰ্ম্মপীঠে বাহা কিছু দান করা যায়, তাহার ফল অনন্ত ও যুগান্তরেও অবিনাশী । ৫০-৫৪ । কার্ত্তিকমাসের শুক্লাষ্টমী তিথিতে বাহারা ধৰ্ম্মেশ্বরের যাত্রা করিবে ও দিবসে উপবাসী থাকিয়া রাত্রিকালে বিহিত উৎসব সহকারে তথায় জাগরণ করিবে, এ সংসারে তাহাদিগের আর জননী-জঠরে প্রবেশ করিতে হইবে না । ৫৫ । বাহারা যমেশ্বরের নিকট হৎকৃত এই স্তুতিটি ভক্তি-সহকারে পাঠ করিবে, তাহার। মিস্ত্রী হইয়া আমার স্থানে গমন করিবে ও তোমার বন্ধুত্ব-লাভ করিতে সমর্থ

হইবে। ৫৬। অহে আদিত্য-নন্দন ধর্মরাজ ! তুমি পুনর্বীর অগ্র কোন ঐশ্বিত্য বর প্রার্থনা কর, আমি তোমার প্রতি বড়ই প্রসন্ন হইয়াছি, তোমাকে আমার অদেয় কিছুই নাই; তুমি যাঁহা প্রার্থনা করিবে অবিলম্বে তাহা আমি পূরণ করিব। ৫৭।

( স্বন্দ্র কহিলেন ) পুনর্বীর অভিলষিত বরপ্রদানে-উদ্ধৃত প্রসন্ন-মূর্ত্তি করুণাময় ভগবান্ মহেশ্বরকে ঐদৃশ ভাবে সম্মুখে বিলোকনকরত ধর্মরাজ পরমানন্দ-সাগরে নিমগ্ন হইলেন ও ক্ষণকাল হর্ষভরে কিংকর্তব্যবিমূঢ়ের স্থায় হইয়া কিছুই বলিতে সমর্থ হইলেন না। ৫৮।

## একোনঅশীতিতম অধ্যায় ।



ধর্মেশ্বর-কথা-প্রসঙ্গে পক্ষিগণের কথা ।

স্বন্দ্র কহিলেন, দেবদেব মহেশ্বর ধর্মকে আনন্দাশ্র-রুজ্জকণ্ঠে পরিদর্শন করিয়া স্বীয় অমৃততুল্য পাণিঘরের দ্বারা তাঁহাকে স্পর্শ করিলেন। তখন মহাতপাঃ ধর্মরাজ, মহেশ্বরের করস্পর্শ-লাভে তপোয়ির দ্বারা প্রজ্বলিত স্রীয় দেহকে পুনরায় অকুরিত করিলেন এবং প্রসন্নবদন, শাস্ত ও শাস্ত পরিষদাবৃত দেবদেব উমাপতিকে কহিতে লাগিলেন যে, “হে ঐশান ! হে সর্বজ্ঞ ! হে করুণানিধে ! যখন আপনি প্রসন্ন হইয়া আমাকে দর্শন দিয়াছেন, তখন আপনার মিকট আমি অগ্র আর কি বর প্রার্থনা করিব ? ১-৪। বেদসমূহ ও বেদপুরুষদ্বয় ( ত্রৈলোক্য ও বিষ্ণু ) যাঁহাকে সম্যাক্রূপে জানিতে পারেন না, আমি তাঁহার নিকটও বর-যোগ্য হইয়াছি ? হে নাথ ! আমি প্রার্থনা করিতেছি যে, এই মধুররাবি পক্ষিগণকণ, যাহারা আমার সম্মুখেই জন্মগ্রহণ করিয়াছে ও চিরদিন আমার তপস্তার সাক্ষিক্রূপে রহিয়াছে, যাহারা ইতিহাস-কথা উত্তমরূপে জানে এবং যাহারা পিতৃহীন হইয়া আহার ও বিহার পরিত্যাগ করিয়াছে, হে ত্রিকণ্ঠ ! আপনি ইহাদিগকে বর প্রদান করুন। ইহাদের প্রসবের সময়েই শুকী ( পক্ষিনী ) গীড়াক্রান্ত হইয়া পক্ষহ-লাভ করিয়াছে এবং ইহাদের পিতা শুকপক্ষীও শ্যেনপক্ষী ( বাজ ) কর্তৃক ভক্ষিত হইয়াছে। হে অনাথনাথ ! আমার মুখাপেক্ষী এই অনাথ শুকপক্ষী-

গণকে আম্রশেষস্বরূপী আপনিই রক্ষা করিয়াছেন” । ৫-৯ । ধর্ম্মরাজের এই পরোপকৃতি নির্ম্মল-বাক্য শ্রবণ করিয়া ভগবান্ শস্ত্র, তাঁহার উপর অত্যন্ত প্রীত হইয়া বিনয়ান্বিতানন সেই শুকশাবকগণকে আহ্বানকরত বলিলেন যে, “হে সাধুপক্ষিগণ ! তোমরা জন্মাবধি এই ধর্ম্মরাজের নিকটে অবস্থান করিতেছ, এই জন্ত সাধুসংসর্গ-নিবন্ধন তোমাদের জন্মান্তরীণ সমস্ত পাপই বিলীন হইয়াছে, এক্ষণে আমি তোমাদিগকে কি বর প্রদান করিব তাহা বল” ১০—১২ । সেই পক্ষিশাবকগণ মহেশ্বরের এই বাক্য শ্রবণ করিয়া তাঁহাকে প্রণতিকরত কহিতে লাগিল । ১৩ ।

পক্ষিগণ কহিল, হে অনাথনাথ ! হে সর্ব্বমুখ ! আমরা তির্ঘ্যাকৃজাতি হইয়াও আপনাকে প্রত্যক্ষ করিলাম, ইহা অপেক্ষা আর কোন্ বর আমাদের অভিলষণীয় হইবে ? উত্তমশীল ব্যক্তিগণের শত-সহস্র লাভ হউক, কিন্তু হে গিরীশ ! আমরা আপনাকে দর্শন করিলাম ইহাই আমাদের পরমলাভ । হে নাথ ! এ জগতে যাহা কিছু পদার্থ দেখা যায়, তৎসমুদয়ই ক্ষণভঙ্গুর, আপনিই একমাত্র অভঙ্গুর এবং আপনার পূজাও অভঙ্গুর । ১৪-১৬ । হে প্রভো ! এই তপস্বী ( ধর্ম্মরাজ ) কষ্টক প্রতীক্ষিত এই লিঙ্গের পূজাদর্শন করাতে আমাদের কোটিজন্মের স্মৃতি উন্মূত হইয়াছে । হে ঈশিতঃ ! আমরা দেবযোনিও লাভ করিয়াছি এবং সেই সময়ে স্বেচ্ছাক্রমে বহুতর দিব্যাজ্ঞনাও উপভোগ করিয়াছি । আমরা আত্মরী, দানবী, নাগী, নৈঋতী, কৈলসরী, বিজ্ঞাধরী ও গান্ধর্ব্ব-যোনিও পরিগ্রহ করিয়াছি । আমরা অনেক মনুষ্যজন্মে নরপতিত্ব ভোগ করিয়াছি এবং জলমধ্যে জলচর, স্থলে স্থলচর, বনে বনবাসী, গ্রামমধ্যে গ্রামবাসী, দাতা, বাচিতা, রক্ষিতা, ষাভুক, স্বামী, দুঃখী, ক্ষেতা, পরাজিত, বিদ্বান্, মূর্থ, স্বামী ও সেবক হইয়াছি । চতুর্বিধ ভূত-নিচয়ের মধ্যে উত্তম, মধ্যম ও অধমভাবে আমরা বহুতর জন্মই অতিবাহিত করিয়াছি, কিন্তু হে শস্ত্রো ! কুত্রাপিও আমরা স্থিরতা লাভ করিতে পারি নাই । আমরা এ যোনি হইতে অগ্নি যোনি, আবার সে যোনি হইতে অগ্নি যোনি বহুতর গত্যাগত করিয়াছি, কিন্তু হে পিনাকিন্ ! কোন যোনিতেই আমরা স্বল্পমাত্র সুখও প্রাপ্ত হই নাই । কিন্তু আজ ধর্ম্মেশ্বর দর্শনে আমাদের পুণ্যরাশি-বলে ধর্ম্মরাজের সূতপস্তারূপ বহির স্বাণায় আমাদের পাপসমূহ প্রকলিত হওয়ায় আমরা আপনাকে প্রত্যক্ষ করিয়া কৃতকৃত্য হইলাম । ১৭-২৬ । হে ধূর্জটে ! তথাপি যখন আমাদের আপনাকে আপনি বর প্রদান করিতেছেন, তখন আমরা ইন্দ্র বা চন্দ্রপদ বা অশ্ব কিছু প্রার্থনা করিতেছি না, হে শস্ত্রো ! আমরা কেবল কানীতে অপুনর্ভব

মৃত্যু প্রার্থনা করি। হে সর্বজ্ঞ! যেমন চন্দনবৃক্ষের সান্নিধ্যে সমস্ত বৃক্ষই সুগন্ধি হয়, তদ্রূপ আপনার সান্নিধ্য-নিবন্ধন আগরাও সকলই জানিতেছি। ২৭-৩০। অন্তকালে আপনার আনন্দকাননে শরীর ভাগ করাই পরমজ্ঞান এবং ইহাই একমাত্র সংসারোচ্ছেদের কারণ। ৩১। পূর্বকালে ব্রহ্মা সমুদয় বাণ্জাল মথন করিয়া ইহাই সারবাক্য বলিয়াছিলেন যে, “যাহারা কাশীতে দেহভাগ করে, তাহাদেরই মুক্তি হয়”। বহুতর গ্রন্থে যাহা বলা যায়, ভগবান্ বিষ্ণু, রবির নিকট আটটীমাত্র অক্ষরে সেই কথা বলিয়াছিলেন যে, “কৈবল্যাং কাশীসংস্থিতৌ” কাশীতে সংস্থিতি হইলে কৈবল্যালাভ হয়। মুনিশ্রেষ্ঠ যাজ্ঞবল্ক্যও রবির নিকট নিগমশাস্ত্র অধ্যয়ন করিয়া মুনিসমাজে বলিয়াছিলেন যে, “অন্তকালে কাশীতে পরমপদ-লাভ হয়”। ৩২-৩৪। আপনিও মন্দরপর্বতে জগদ্ধাত্রীর নিকট ইহাই বলিয়াছিলেন যে, “কাশী নির্বাণ-ভূমি”। হে শস্ত্রো! কৃষ্ণবৈপায়নও “যে স্থানে স্বয়ং বিশেষর বিরাজমান সেই স্থানেই পদে পদে মুক্তি” ইহা ভিন্ন আর কিছুই বলিবেন না। ৩৫-৩৬। তীর্থ-সন্ধ্যাসকারী লোমশ প্রভৃতি অশ্রুশ্রু মুনিগণও বলিয়া থাকেন যে, “কাশী মুক্তিপ্রকাশিকা”। আমরাও এইরূপই জানি যে, মহেশ্বরের যে আনন্দ-কাননে স্বর্গতরঙ্গিণী বিরাজিতা আছেন, সেই স্থানেই নিশ্চয় মোক্ষলাভ হইয়া থাকে। হে শস্ত্রো! স্বর্গ, মর্ত্য ও রসাতলে ভূত, ভবিষ্যৎ বা বর্তমান সমস্তই আমরা এই ধর্মেশ্বরের অনুগ্রহে জানিতে পারিতেছি; এই নিবন্ধনই ব্রহ্মা, বিষ্ণু, মুনিগণ এবং আপনিও যাহা বলিয়াছেন, আমরা তৎসমুদয়ই জানিতেছি। ৩৭-৪০। এই ধর্মপীঠ-সেবানিবন্ধন এই সমস্ত ব্রহ্মাণ্ডগোলকই হস্তস্থিত আমলকফলের আয় আমাদের বাক্যাগোচরে রহিয়াছে। হে বিভো! আমরা ত্রিযুক্ত্যক্তি ইহিয়াও ধর্মরাজের তপশ্চাবলেই সমস্ত জ্ঞানের আধার ইহিয়াছি। ৪১-৪২। (স্কন্দ কহিলেন) দেবদেব মহেশ্বর, পক্ষিগণের এই সমস্ত মধুর, কোমল, সত্য, স্বপ্রমাণ, সুসংস্কৃত, হিত, পরিমিত ও সদৃষ্টান্তবাক্য শ্রবণকরত বিশ্বয়াপন্ন হইয়া পীঠ-গোরব বর্ণন করিতে লাগিলেন যে, “এই ত্রৈলোক্যনগর মধ্যে কাশী আমার রাজভবন, তন্মধ্যে আমার ভোগভবন অমূল্য মণিসমূহের দ্বারা নিশ্চিত মোক্ষলক্ষ্মী-বিলাস নামক আমার এই প্রাসাদ অতি সুখের স্থান; পক্ষিনিচয়ও স্বেচ্ছাক্রমে আকাশে বিচরণ করিতে করিতে যে প্রাসাদকে প্রদক্ষিণ করিয়া মুক্তিলাভ করিতেছে। মোক্ষলক্ষ্মীবিলাস নামক প্রাসাদকে দর্শন করিলে ব্রহ্মহত্যাও শরীর হইতে দূরে গমন করে, তাহার সন্দেহ নাই। যাহারা মোক্ষলক্ষ্মীবিলাস নামক প্রাসাদের উপরিস্থিত কলস দর্শন করে, নিধানকলশনিচয় সেই সমস্ত ব্যক্তিগণকে কখনই

পরিভ্যাগ করে না । ৪৩-৪৮ । যাহারা দূর হইতেও আমার প্রাসাদোপরিস্থিত পতাকা দর্শন করে, তাহারা সর্বদাই আমার অতিথি হইয়া থাকে । আনন্দাখ্য-কন্দের কোন উৎকৃষ্ট অঙ্গুরই আমার এই প্রাসাদে আসিলে ভূমি ভেদ করিয়া উদগত হইয়াছে । ৪৯-৫০ । যে প্রাসাদে ব্রহ্মাদি স্বাবরপর্যন্ত সকলেই চিত্রগত হইয়াও নিয়ত আমার সেবা করিতেছে, সেই প্রাসাদই এই নিখিল ভুবনের মধ্যে আমার একমাত্র স্তম্ভের স্থান, উহাই আমার রমণীয় রতিশালা এবং উহাই আমার পরম বিশ্বাসভূমি । আমি সর্বগত হইলেও এই প্রাসাদই আমার থাকিবার স্থান, তথায় আমি সমুদ্র পরব্রহ্মস্বরূপ হইয়াও ভক্তগণের প্রতি কৃপা করিয়া মুক্তি-পরিগ্রহ করিয়াছি । ৫১-৫৩ । আমার প্রাসাদেরই দক্ষিণে যে মণ্ডপ আছে, উহা মোক্ষ-লক্ষ্মীর আবাসস্থল, তথায় আমি সততই অবস্থান করিয়া থাকি এবং উহাই আমার সভামণ্ডপ । তথায় যে ব্যক্তি নিমেষার্দ্ধকালও নিশ্চলভাবে অবস্থান করে, তাহার শতবৎসর ব্যাপিয়া যোগাভ্যাস করার ফললাভ হয় । আমার সেই মণ্ডপ জগতে নির্বাকমণ্ডপ নামে বিখ্যাত আছে, তথায় যে ব্যক্তি একটীমাত্রও শব্দ পাঠ করে, সে ব্যক্তি সমস্ত বেদপাঠের ফললাভ করিয়া থাকে । যে ব্যক্তি তথায় বসিয়া আমার ষড়ঙ্কর-মন্ত্র জপ করে, তাহার কোটিক্রুদ্র-জপের ফললাভ হইয়া থাকে । ৫৪-৫৮ । যে ব্রাহ্মণ পবিত্রচিত্তে গঙ্গাতে স্নানকরত মুক্তিমণ্ডপে বসিয়া শতরুদ্রীয় জপ করে, তাহাকে ব্রাহ্মণবেশধারী রুদ্র বলিয়াই জানিবে । সেই মণ্ডপে বসিয়া একবারও যে ব্যক্তি ব্রহ্মযজ্ঞ করে, সে ব্রহ্মলোকে গমন করিয়া অস্ত্রে পরমব্রহ্মকে জানিতে পারে । ৫৯-৬০ । যে ব্যক্তি নিষ্কাম হইয়া তথায় ধর্মশাস্ত্র, পুরাণ ও ইতিহাস পাঠ করে, সে আমার লোকে বাস করিয়া থাকে । যে ব্যক্তি ইন্দ্রিয়-সংযত করিয়া ক্ষণকালও তথায় অরস্থান করে, তাহার স্থানান্তরে কৃত মহাতপস্তার ফললাভ হয় । অগ্নি স্থানে শতবৎসর বায়ুভক্ষণ করিয়া থাকিলে যে পুণ্য হয়, মুক্তিমণ্ডপে অর্দ্ধঘটিকাপরিমিতকাল মোন হইয়া থাকিলেই সেই পুণ্য প্রাপ্ত হওয়া যায় । মুক্তিমণ্ডপে যে ব্যক্তি একরতিও সূবর্ণ দান করে, সে ব্যক্তিও সূবর্ণময় বানে আরোহণপূর্বক স্বর্গে গমন করিয়া থাকে । ৬১-৬৪ । যে কোন দিন যে ব্যক্তি তথায় একরাত্রি জাগরণ করে এবং উপবাসী থাকিয়া লিঙ্গপূজা করে, সে সমস্ত ব্রতের ফলভাগী হয় । তথায় মহাদান-প্রদান, মহাব্রতের অনুষ্ঠান ও অখিল বেদ-অধ্যয়ন করিলে মানব কখন স্বর্গ হইতে চ্যুত হয় না । আমার মুক্তিমণ্ডপে যাহার প্রাণবায়ু নির্গত হয়, সে ব্যক্তি আমাতেই বিলীন হয় এবং যতদিন আমি থাকিব, ততদিন তাহারও সঙ্গ থাকে । ৬৫-৬৭ । আমি জ্ঞানবাপীতে

উমার সহিত সর্বদাই জলক্রীড়া করিয়া থাকি, সেই জ্ঞানবাণীর জল পান করিলে মানব নিশ্চল জ্ঞানলাভ করিয়া থাকে ; সেই জ্ঞানবাণীই আমার পরমপ্রীতিকর জলক্রীড়ার স্থান। আমার এই রাজভবনমধ্যে এই জলপূর্ণ স্থানই জড়তা অপনয়ন করিয়া থাকে। ৬৮-৬৯। আমার প্রাসাদের পূর্বদিকেই আমার শৃঙ্গারমণ্ডপ, ঐ মণ্ডপ ত্রিপিঠ বলিয়া বিখ্যাত এবং উহা দরিত্র ব্যক্তিগণকে ঐশ্বর্য প্রদান করিয়া থাকে। আমার উদ্দেশ্যে তথায় যে ব্যক্তি বিশুদ্ধ বস্ত্র, বিচিত্র মালা, সুগন্ধি চন্দন, নানা প্রকার অলঙ্কার ও বহুবিধ পূজোপকরণ প্রদান করে, সে ব্যক্তি সর্বদাই লক্ষীবান্ থাকে এবং নির্বাণ-লক্ষ্মী তাঁহাকেই বরণ করেন, সে ব্যক্তি যে কোন স্থানে মৃত হইয়াও মোক্ষ-লাভ করিয়া থাকে। আমার মোক্ষলক্ষ্মীবিলাস নামক প্রাসাদের উত্তরদিকে আমার অতি রমণীয় ঐশ্বর্যমণ্ডপ আছে, তথায় আমি ঐশ্বর্য প্রদান করিয়া থাকি। আমার প্রাসাদের ইস্ত্রকোণে যে জ্ঞানমণ্ডপ আছে, তথায় আমি ভক্তগণকে জ্ঞান উপদেশ করিয়া থাকি। ৭০-৭৫। ভবানীর গৃহেই আমার পাকশালা আছে, তথায় ভক্তগণ যে সমস্ত উপহার প্রদান করে, তৎসমুদয়ই আমি গ্রহণ করিয়া থাকি। বিশালাক্ষীর মহাপ্রাসাদেই আমার বিশ্রামস্থান, সংসারক্লিষ্ট ব্যক্তিগণকে আমি তথায় বিশ্রাম প্রদান করি। চক্রপুষ্করিণী আমার নিয়মজ্ঞানের তীর্থ, তথায় বাহারা স্নান করে, আমি তাহাদিগকে নৈশ্চল্য-প্রদান করিয়া থাকি। যাহাকে পরমতত্ত্ব, ব্রহ্ম ও স্বসম্বন্ধ বলিয়া জ্ঞানিগণ উল্লেখ করিয়া থাকেন ; আমি তথায় জীবগণকে সেই নিশ্চল তারকজ্ঞান উপদেশ করিয়া থাকি। ৭৬-৮০। এই ক্ষেত্রে জগতের মঙ্গল-ভূমি যে মণিকর্ণিকা আছে, তথায় আমি কর্মপাশে আবদ্ধ জীবগণকে পাশ হইতে মুক্ত করিয়া থাকি। যথায় মুক্তিদানকালীন আমি পাত্ৰাপাত্ৰ বিবেচনা করি না ; আনন্দকানন মধ্যে সেই মণিকর্ণিকাই আমার দানের স্থান। যে মণিকর্ণিকায় কর্ণধারস্বরূপ হইয়া অগাধ সংসার-সাগরে নিমগ্ন জীবগণকে আমি অন্তকালে উদ্ধার করিয়া থাকি। যে মণিকর্ণিকা সৌভাগ্যের আবাসভূমি বলিয়া বিখ্যাত, আমি তথায় ত্রাণ বা চণ্ডালকেও আমার সর্বস্ব দান করিয়া থাকি। মহাসমাধিযুক্ত বেদবিদগণের পক্ষেও যে মুক্তি দুর্লভ, মণিকর্ণিকায় সামান্য ব্যক্তিকেও আমি সেই মুক্তি প্রদান করিয়া থাকি। ৮১-৮৫। মণিকর্ণিকায় মোক্ষোপদেশকালীন দীক্ষিত, চণ্ডাল, পণ্ডিত ও মুখ্য সকলকে আমি সমান বোধ করিয়া থাকি। অন্তস্থানে বাহা দান করিতে আমি কৃপণতা করিয়া থাকি, মণিকর্ণিকায় আমার সেই চিরসঞ্চিত সর্বস্বদান মুক্তি আমি সকলকেই প্রদান করিয়া থাকি। ৮৬-৮৭। দৈবাধীন মানব



যদি এস্থানে দুর্লভ ত্রিসংযোগ লাভ করে, তাহা হইলে তাহার এস্থানে সর্বস্বই দান করা উচিত । শরীর, সম্পত্তি এবং মণিকর্ণিকা ইহার নাম ত্রিসংযোগ, এই তিনটি একত্রে ইস্রাদি দেবগণেরও দুর্লভ । বার বার ইহাই চিন্তা করিয়া আমি জীব-মাত্রকেই এস্থানে মুক্তি প্রদান করিয়া থাকি । সেই মণিকর্ণিকাই কাশীতে আমার মুক্তিদান-ক্ষেত্র, ত্রিভুবনও সেই মণিকর্ণিকার ধূলির সমান নহে । অবিমুক্তেশ্বর-লিঙ্গই আমার লিঙ্গ-পূজার পরমস্থান, তথায় একবার মাত্র পূজা করিলে মানব কৃত-কৃত্যতা লাভ করিয়া থাকে । ৮৮-৯২ । পশুপতীশ্বরে আমি সায়ংসন্ধ্যা করিয়া থাকি, তথায় বিভূতি ধারণ করিলে জীব আর পশুপাশে আবদ্ধ হয় না । প্রণবেশ্বর-মন্দিরে আমি প্রাতঃসন্ধ্যা করিয়া থাকি, তথায় বসিয়া একটি মাত্র সন্ধ্যা করিলেও সমস্ত পাপ ক্ষয় হয় । ৯৩-৯৪ । প্রতি চতুর্দশীতেই আমি কৃষ্ণিবাস-ভবনে বাস করিয়া থাকি ; চতুর্দশীতে মানব তথায় নিশি-জাগরণ করিলে আর গর্ভে প্রবেশ করে না । রত্নেশ্বর, ভক্তিসহকারে পূজিত হইয়া মহারত্ননিচয় প্রদান করিয়া থাকেন, মানব রত্নের দ্বারা তাঁহার পূজা করিলে স্ত্রী-রত্নাদি লাভ করিয়া থাকে । ৯৫-৯৬ । আমি ত্রিভুবনের অভ্যন্তরস্থিত হইয়াও ভক্তগণের মনোরথ পরিপূর্ণ করিবার জন্ত সর্বদা ত্রিবিষ্টপ-লিঙ্গে অবস্থান করিয়া থাকি । তথায় মানব বিরজ নামক পীঠের সেবা ও চতুর্নদ-তীর্থে স্নান করিলে নিশ্চয়ই নিম্পাপ হয় । মহাদেবের নিকট আমার যে পীঠ আছে, তথায় সাধকগণ সিদ্ধি-লাভ করিয়া থাকে, সেই পীঠ দর্শন করিবারাত্র সমস্ত পাপ হইতে মুক্ত হওয়া যায় । বৃষভধ্বজসংজ্ঞক সেই পীঠ পিতৃগণের অতিশয় প্রীতিপ্রদ, তথায় পিতৃগণের পিতৃ-প্রদাতা ক্ষণ-মধ্যে তাঁহাদিগকে উদ্ধার করিয়া থাকে । ৯৭-১০০ । আদিকেশব-পীঠে আমি আদিকেশবরূপে থাকিয়া আমার ভক্ত বৈষ্ণবগণকে আমি শ্বেতদ্বীপে লইয়া গিয়া থাকি । পঞ্চনদের নিকটে সর্বপ্রকার মঙ্গলপ্রদ মঙ্গলাপীঠে আমি ভক্তগণকে তারণ করিয়া থাকি, তথায় আমি বিন্দুমাধবরূপে, পঞ্চনদে স্নাত বৈষ্ণবগণকে বিষ্ণুর পরমপ্রদ প্রদান করিয়া থাকি । ১০১-১০৩ । পঞ্চমুদ্রানামক মহাপীঠে বাহারী বীরেশ্বরের সেবা করে, তাহার অল্পকালেই মোক্ষ-লাভ করিয়া থাকে । তথায় চন্দ্রেশ্বরের সমীপে বাহারী সিদ্ধেশ্বরীপীঠের সেবা করে, ছয় মাসেই তাহার সিদ্ধি-লাভ করিয়া থাকে । কাশীতে যোগসিদ্ধিবিধায়ক যোগিনী-পীঠে কোন্ সাধক উচ্চাটনাদিতে সিদ্ধি-লাভ না করিয়াছে ? এই কাশীতে বহুতরই পীঠস্থান আছে, কিন্তু সে সমুদয়ের মধ্যেই ধর্মেশ্বরপীঠই শ্রেষ্ঠ । যথায় এই শুকশাবকগণও আমার উপদেশে নির্মলজ্ঞান লাভ করিয়াছে । হে তরণিজ ! আজ হইতে কখনও

আমি তোমার তপোবন এই ধর্মেশ্বর-পীঠ পরিত্যাগ করিব না। হে রবিস্রুত ! দেখ, তোমারই সম্মুখে এই শুকশাবকগণ দিব্যবিমানে আরোহণ করিয়া শিবলোকে গমন করিতেছে, ইহারা তোমার সংসর্গ-গুণে তথায় কিছুকাল দিব্যবিষয় ভোগ করিয়া এই স্থানেই আমার নিকট জ্ঞানলাভকরত মুক্ত হইয়া যাইবে”। ১০৪-১১১। (স্কন্দ কহিলেন) মহেশ্বর এই কথা বলিবামাত্র সেই শুকশাবকগণ দিব্যরূপ ধারণ করিয়া রুদ্রকণ্ঠাগণে পরিবৃত্ত কৈলাসশিখরোপম এক দিব্য-বিমানে আরোহণপূর্বক ধর্মকে সম্ভাষণ করিয়া কৈলাসে গমন করিল। ১১২-১১৩।

## অশীতিতম অধ্যায় ।

—:•:—

মনোরথ-তৃতীয়া-ব্রতাত্থান ।

স্কন্দ কহিলেন, হে কুন্তসম্ভব ! সেই আশ্চর্য্যজনক ব্যাপার অবলোকন করিয়া জগদম্বিকাদেবী, প্রণাতিহর মহাদেবকে প্রণাম করিয়া জিজ্ঞাসা করিতে আরম্ভ করিলেন। ১। অম্বিকা কহিলেন, হে প্রভো মহেশ্বর ! পীঠের কি অনির্বচনীয় মাহাত্ম্য, এই স্থানে তির্ধ্যগ্জাতীয়গণেরও সংসারমোচনকারী আত্মজ্ঞান উৎপন্ন হইল, হে ধূর্জটে ! ধর্ম্যপীঠের এতাদৃশ মাহাত্ম্য দেখিয়া আমি বড়ই আনন্দিত হইয়াছি, অতঃ হইতে আমি এই ধর্ম্যপীঠের সমীপে অবস্থান করিব এবং এই ধর্মেশ্বর-লিঙ্গের বাহারা ভক্ত, আমি এই স্থানে থাকিয়া তাহাদের অতীষ্টসিদ্ধি প্রদান করিব। ২-৪। ঈশ্বর কহিলেন, অগ্নি পার্বতি ! সত্ত্বজনগণের মনোরথ-সাধনের একমাত্র কারণস্বরূপ এই ধর্ম্যপীঠে বসতি স্বীকার করিয়া তুমি বড়ই উত্তম কার্য্য করিয়াছ। ৫। হে দেবি ! হে বিশ্বভূজে ! এই স্থানে বাহারা ভক্তি-পূর্বক তোমার অর্চনা করিবে, তাহারা বিশ্বভোক্তা ও বিশ্বের মাননীয় হইবে। ৬। হে বিশ্ব ! হে বিশ্বভূজে ! হে বিশ্ব-স্থিতি-জন্ম-নাশকারিণি ! এই স্থানে যে মানবগণ তোমার অর্চনা করিবে, তাহাদের চিন্তাবৃত্তি বিমলভাবাপন্ন হইবে। ৭। মনোরথ-তৃতীয়া তিথিতে এই স্থানে যে ব্যক্তি ভক্তিসহকারে তোমার অর্চনা করিবে, আমার অনুগ্রহে অবশ্যই তাহার মনোরথ-সিদ্ধি হইবে। ৮। হে প্রিয়ে ! নারী বা পুরুষ যে কেহ ; সেই মনোরথ-তৃতীয়ার ব্রত আচরণ করিবে, সে ইহকালে স্বীয় মনোরথ সিদ্ধি-লাভকরত পরে বিমল-জ্ঞান-লাভ করিতে পারে। ৯।

দেবী कहিলেন, হে মহেশ্বর ! মনোরথ-তৃতীয়া-ব্রত কি প্রকার ? ইহার কথাই বা কি ? ইহার ফলই বা কি ? এবং কাহারাই বা পূর্বে এই ব্রতের অনুষ্ঠান করিয়াছেন ? কৃপা করিয়া এই সকল বিষয় আমার নিকট কীর্ত্তন করুন । ১০ ।

ঈশ্বর कहিলেন, হে দেবি ভবতারিণি ! তুমি যাহা জিজ্ঞাসা করিলে, আমি তাহার উত্তর প্রদান করিতেছি শ্রবণ কর ; এই মনোরথ-তৃতীয়া-ব্রত গুহ্য হইতেও গুহ্যতর । ১১ । পুরাকালে পুলোম-তনয়া ( শচী ) কোন মনোরথ-সিদ্ধির নিমিত্ত দীর্ঘকাল ব্যাপিয়া দুশ্চর তপস্যা করেন, কিন্তু তথাপিও তাঁহার তপস্যা ফলবতী হইল না । ১২ । অনন্তর তিনি পরমভক্তিপূর্বক, সরহস্ত-গীত ও নানাবিধ বাত্যাধি-ধ্বনির দ্বারা আমার পূজা করিলেন । ১৩ । তান, মান ও নৃত্যাদিমুক্ত সেই সুন্দর গীত-রাগে ও তাঁহার বিশিষ্টভক্তিতে আমি অতিশয় তুষ্ট হইলাম ও তাঁহাকে कहিলাম যে, অয়ি ! তোমার এই সুন্দর গীত ও বিহিত শিবলিঙ্গ-পূজাতে আমি অতি প্রসন্ন হইয়াছি, তুমি অভীষ্ট প্রার্থনা কর । ১৪-১৫ । পুলোম-তনয়া कहিলেন, হে মহাদেবী-প্রিয়তম ! মহেশ্বর প্রভো ! যদি আপনি আমার প্রতি প্রসন্ন হইয়া থাকেন, তবে আমার যাহা মনোরথ তাহা পূরণ করুন । ১৬ । হে দেবেশ ! সকল দেবগণের যিনি মাননীয়, সকল যাজ্ঞিকগণেরও যিনি মাননীয় এবং সকল দেবগণের মধ্যে যিনি পরম-সুন্দর ; তিনিই আমার স্বামী হউন । হে প্রভো ! আপনি যদি প্রসন্ন হইয়া থাকেন, তবে আমাকে এই বর প্রদান করুন, যেন আমি ইচ্ছানু-রূপ বয়ঃ, সৌন্দর্য্য ও আয়ুঃলাভ করিতে সক্ষম হই । ১৭-১৮ । হে প্রভো ! কামেচ্ছায় যখন আমি নিজ পতির সহিত সঙ্গ করিব, তদনন্তরই আমি যেন একটা করিয়া নূতন দেহ লাভ করিতে পারি । ১৯ । হে ভব ! আমার যেন সর্বদাই লিঙ্গ-পূজাতে অতিশয় ভক্তি হয় ও সেই ভক্তির ফলে যেন আমার জরা ও মরণ না হয়, হে মহেশ্বর ! আমার পতির নাশ হইলেও যেন ক্ষণমাত্রও আমার বৈধব্য হয় না এবং আমার কদাচিত্ যেন পাতিব্রত্যা-হানি না হয় । ২০-২১ ।

স্বন্দ कहিলেন, পুলোম-নন্দিনী শচীর এই সকল মনোরথ শ্রবণ করিয়া বিস্ময়া-ধ্বিত ত্রিপুরার ঈশৎ হস্তপূর্বক বলিতে প্রবৃত্ত হইলেন । ২২ । ঈশ্বর कहিলেন, অয়ি পুলোম-তনয়ে ! তুমি যে সকল বিষয়ে অভিলাষ করিয়াছ, ব্রতচারণ দ্বারা তাহা সিদ্ধ হইবে, অতএব হে জিতেন্দ্রিয়ে ! তুমি ব্রতচারণ কর । ২৩ । মনোরথ-তৃতীয়া-ব্রতচারণ দ্বারা তোমার সকল মনোরথ সিদ্ধ হইবে, এক্ষণে মদীয় বচনানুসারে সেই ব্রতের অনুষ্ঠান কর । ২৪ । অয়ি বালে ! এই মনোরথ-তৃতীয়ার ব্রত বিহিত-নিয়মে সম্পাদন করিলে অবশ্যই তোমার অভীষ্ট-পূর্ণ হইবে, ইহা নিঃসন্দেহ । ২৫ ।

পুলোম-কন্যা কহিলেন, হে প্রণতার্তিহারিন্ ! করুণা-বারিধে ! শস্তো ! এই মনোরথ-তৃতীয়ার ব্রত কি প্রকারে করিতে হয়, ইহার কি সামর্থ্য, ইহাতে কোন্ দেবতাকে পূজা করিতে হয় ? এবং কবেই বা ইহার অনুষ্ঠান করিতে হয়, ইহার ইতিকর্তব্যতাই বা কি ? তাহা কৃপাপূর্বক, আমার নিকটে সবিস্তারে কীৰ্ত্তন করুন । এই প্রকার প্রশ্ন শ্রবণে মহাদেব তাহার বাক্যের উত্তর করিতে প্রবৃত্ত হইলেন । ২৬-২৭ ।

ঈশ্বর কহিলেন, হে পৌলোমি ! মনোরথ-তৃতীয়া-তিথিতে সেই শুভ-ব্রতের অনুষ্ঠান করিতে হয়, এই ব্রতে বিংশতিভুজশালিনী বিশ্বভুজা নাম্নী গৌরীকে পূজা করিতে হয় । ২৮ । ব্রতানুষ্ঠানকারীর, বিশ্বভুজার অগ্রভাগে আশাবিনায়কের পূজা করিতে হইবে ; আশাবিনায়কের চারিহস্ত, তাহার মধ্যে একহস্তে বর, দ্বিতীয় হস্তে অভয়, তৃতীয় হস্তে অক্ষমালা ও চতুর্থ হস্তে মোদক । ২৯ । চৈত্র মাসের শুক্ল-তৃতীয়াতে দম্ভধাবনকরত সমস্ত দিন উপবাসী থাকিয়া সায়াংকালে ষৎসামান্যরূপে ভোজন-সমাপনপূর্বক এই নিয়ম গ্রহণ করিবে যে, “এই ব্রত-কালে ক্রোধ বা কাম পরিত্যাগ করিবে, অস্পর্শ-সংসর্গ পরিহার করিবে, সর্বথা পবিত্র হইবে এবং তদুৎকৃষ্টমানে দেবী বিশ্বভুজার সমীপে এই প্রার্থনা করিবে যে,—“হে মাতঃ অনঘে বিশ্বভুজে ! আমি আগামী কল্য প্রাতে ব্রতচরণ করিব, সেই ব্রতকালে আমার মনোরথ পূরণ করিতে আপনি সন্নিহিত থাকেন, ইহাই আমার অভিলাষ” । ৩০-৩২ । এই প্রকার নিয়মগ্রহণপূর্বক রাত্রিতে কোন শুভ-পদার্থ স্মরণ করিয়া শয়ন করিবে, অনন্তর প্রাতঃকালে মেধাবী ব্যক্তি গাত্ৰোত্থানকরত নিত্য-ক্রিয়া সম্পাদনপূর্বক শৌচান্তে আচমন করিয়া অশোক-কাষ্ঠের দ্বারা দম্ভধাবন করিবে, কারণ ঐ দিনে অশোককাষ্ঠে দম্ভধাবন করিলে সর্বপ্রকার শোক নিবারিত হয় । ৩৩-৩৪ । তৎপরে নিত্য-কর্তব্য প্রাতঃসন্ধ্যাদি সম্পাদনকরত স্নান করিয়া বিশুদ্ধ বস্ত্র পরিধান করিবে, অনন্তর পবিত্রচিত্তে সমস্ত দিন অতিবাহিতকরত সায়াংকালে গৌরীর পূজা করিবে । ৩৫ । প্রথমে স্মৃত-নৈবেদ্য প্রদানপূর্বক আশাবিনায়কের পূজা করিয়া পরে পবিত্র অশোক-কুঙ্কুম দ্বারা বিশ্বভুজাগৌরীর পূজা করিতে হইবে । ৩৬ । অশোকপুষ্প, বর্জি, নৈবেদ্য ও অগুরুসম্ভূত ধূপ দ্বারা পূজা করিয়া কুঙ্কুম দ্বারা দেবীর অঙ্গে লেপ প্রদান করিবে ও পূজাস্তে একবার অন্নাহার করিবে । ৩৭ । এই প্রকার বর্জি, নৈবেদ্য, অশোকপুষ্প ও স্মৃতপূর-মিষ্টান্নবিশেষ দ্বারা চৈত্রমাসের শুক্ল-তৃতীয়াতে গৌরীর পূজা করিয়া, বৈশাখ হইতে ফাল্গুন মাস পর্য্যন্ত পূর্বোক্ত নিয়মে প্রতিশুক্ল-তৃতীয়াতে

পূর্বোক্ত প্রকার প্রার্থনা করিয়া তৎপর দিবস উক্ত জ্যোতিষিকর দ্বারা দেবীর পূজা করিতে হইবে। হে অনঘে! কিন্তু বৈশাখ-মাস হইতে ফাল্গুন-মাস পর্য্যন্ত যথাক্রমে কোন্ মাসে কোন্ কাষ্ঠের দস্তখাবন করিতে হইবে, তাহা বলিতেছি, শ্রবণ কর। ৩৮-৩৯। এইরূপ প্রতিমাসে ভিন্ন ভিন্ন প্রকার অমুলেপন-বস্ত্র, কুন্ডুম, নৈবেদ্যাদি, দেবী ও গণপতিকে প্রদান করিবে। ৪০। হে অনঘে! বিশেষ কলপ্রাপ্তির জন্ত এই ত্রতামুষ্ঠায়ী ব্যক্তিগণের পূজাস্থে ভিন্ন ভিন্ন মাসে বিভিন্ন প্রকারের অম্মের দ্বারা একভক্ত সম্পাদন করিতে হইবে, তাহাও সবিশেষ কীৰ্ত্তন করিতেছি, অবহিতহৃদয়ে শ্রবণ কর। বৈশাখ হইতে ফাল্গুন-মাস পর্য্যন্ত যথাক্রমে ত্রতীর এই কয় প্রকারের দস্তকাষ্ঠ গ্রহণ করিতে হইবে যথা :—জম্বু, অপামার্গ, খদির, জাতী, চূত, কদম্বক, প্লক্ষ, উদুম্বর, খজুরী, বীজপূরী ও দাড়িম। এই একাদশ প্রকার দস্তকাষ্ঠের এক এক প্রকারে একাদশ মাসের প্রতিমাসে যথাক্রমে গ্রহণ করিবে। ৪১-৪২। অগ্নি বলে! সিন্দূর, অগুরু, কস্তুরী, শ্বেত-চন্দন, রক্ত-চন্দন, গোরোচনা, দেবদারু, পদ্মাখ্য, হরিত্রা ও দারুদরিত্রা ( পৌষ ও মাঘ এই দুই মাসেই হরিত্রা দ্বারা অমুলেপন বিহিত ) ও যক্ষকর্দম, এই একাদশ প্রকার বস্ত্র দ্বারা একাদশ মাসে যথাক্রমে অমুলেপন প্রদান করিবে; সর্বপ্রকার অমুলেপন-জব্য যোজনা করিতে না পারিলে, প্রতিমাসে যক্ষকর্দম দ্বারা অমুলেপন-কার্য সম্পাদন করিলে চলিতে পারে। দুইভাগ কস্তুরী, দুইভাগ কুন্ডুম, তিনভাগ চন্দন ও একভাগ কর্পূর, মিশ্রিত করিয়া ঘর্ষণ করিলে যক্ষকর্দম নিশ্চিত হয়; এই যক্ষকর্দমে দেবগণ বড়ই প্রসন্ন হন, এক্ষণে অমুলেপনান্তে একাদশ মাসের একাদশ প্রকার কুন্ডুমের বিষয় উল্লেখ করিতেছি। ৪৩-৪৬। পাটল, মল্লিকা, পদ্ম, কেতকী, করবীর, উৎপল, রাজচম্পা, টগর, জাতী, কুমারী ও কর্ণিকার, এই সকল পুষ্প না পাইলে পুষ্প-বৃক্ষের পত্রের দ্বারা পূর্বোক্ত ক্রমে বৈশাখ-মাসে পূজা করিবে, যদি পত্রও না পাওয়া যায়, তাহা হইলে অশ্রুগন্ধি-পুষ্পনিকর দ্বারা পূজা করিবে। ৪৭-৪৮। বৈশাখে দধিমিশ্রিত শস্ত্র, জ্যোষ্ঠে দধিযুক্ত অন্ন, আঘাড়ে চূতরস ও মণ্ডক, শ্রাবণে ক্ষেণিকা, ভাদ্রে বটকা, আশ্বিনে শর্করায়ুক্ত পায়স, কার্ত্তিকে স্বত ও মুদগযুক্ত অন্ন, অগ্রহায়ণে ঙ্গেরিকা, পৌষে লড্ডুক, মাঘে রমণীয় লপ্সিকা, ফাল্গুনে শর্করামিশ্রিত স্বতপক-পূরিকা, গণেশ ও দেবীকে নিবেদন করিবে। ৪৯-৫১। দেবীকে যে প্রকার অন্ন প্রদান করা যায়, তাহারই নাম একভক্ত; ত্রতামুষ্ঠায়ী এই একভক্তই দেবীকে প্রদানান্তে ভোজন করিবে। যে যুট, দেবীকে এক প্রকার অন্ন প্রদান করিয়া আপনি

অশ্রু প্রকার ভক্ষণ করে, সে নরকে গমন করে। ৫২। প্রতিমাসের শুক্ল-তৃতীয়াতে এই প্রকার এক বৎসর পর্য্যন্ত দেবীর অর্চনা করিয়া বৎসরান্তে ব্রত-পূরণের জন্য হুণ্ডিলে অগ্নিস্থাপনপূর্বক অর্চনা করিবে। ৫৩। অগ্নিস্থাপনান্তে ত্রতী “জাতবেদন” মন্ত্ৰের দ্বারা তিল ও ঘৃত প্রদানকরত একশত আটবার হোম করাইবেন। ৫৪। প্রতি মাসেই রাত্রিকালে দেবীর পূজা করিতে হইবে ও রাত্রিতেই ভোজন করিবে এবং রাত্রিতেই পূর্বোক্ত হোম করিয়া ক্ষমা প্রার্থনা করিতে হইবে। ৫৫। “হে মাতঃ! বিনায়কের সহিত ভক্তিপূর্বককৃত মদায় পূজা গ্রহণ করুন, হে বিশ্বভুজে! আপনাকে নমস্কার। আপনি আমার মনোরথ পূর্ণ করুন। ৫৬। হে আশা-বিনায়ক! হে বিশ্বনিবারণ! আপনাকে নমস্কার। দেবী বিশ্বভুজার সহিত আপনি আমার মনোরথ পূর্ণ করুন”। ৫৭। এই মন্ত্ৰব্ধ উচ্চারণপূর্বক যথাক্রমে গৌরী ও বিনায়কের পূজা করিবে এবং ব্রত-সম্পন্ন করিবার সময় তুলিকাসম্বিত পদ্মাক্ষ, দীপাধারের সহিত দীপ ও দর্পণ প্রদান করিতে হইবে। আচার্য্য ও তনীয় পত্নীকে সেই পর্য্যন্ত উপবেশন করাইয়া ব্রতানুষ্ঠায়ী, বস্ত্র, কর ও কর্ণের ভূষণ, সুগন্ধ-চন্দন, মাল্য ও দক্ষিণা দ্বারা হর্ষসহকারে তাঁহাদিগকে পূজা করিবে। ৫৮-৬০।

ব্রতপূরণের নিমিত্ত পয়স্বিনী গাভী, ছত্র, কমণ্ডলু, পাতুকা ও অশ্রুগু উপভোগ-দ্রব্য প্রদান করিতে হইবে। ৬১। “এই যে মনোরথ-তৃতীয়ার ব্রত, আমি সমাপন করিতেছি, ইহাতে যাঁহা কিছু ন্যূন হইয়াছে তাহা পূর্ণ হউক”। এই প্রকার আচার্য্যের নিকট প্রার্থনা করিয়া পরে তিনি যখন বলিবেন “তাহাই হউক” তাহার পরে নিজ বাসস্থানের সীমাপর্য্যন্ত অশ্রুগমনকরত আচার্য্যকে বিদায়-প্রদানপূর্বক নিজ সামর্থ্যানুসারে অশ্রুগু ব্যক্তিকে দ্রব্য প্রদান করিবে। ৬২-৬৩। অনন্তর রাত্রিকালে, স্ত্রীতম্যানস হইয়া নিজ পোষ্যবর্গের সহিত আহার করিবে। পরদিন প্রাতঃকালে চতুর্থী তিথিতে চারিটি কুমার, দশটি কুমারীকে গন্ধমাল্যাদি দ্বারা পূজা করিবে। এই প্রকারে এই পরম উৎকৃষ্ট ব্রতটি সম্পূর্ণতা লাভ করিয়া থাকে। ৬৪-৬৫। সকল ব্যক্তিরই নিজ সামর্থ্যানুসারে এই ব্রতচরণ করা উচিত; কুমারাবস্থায় যদি কোন ব্যক্তি এই ব্রতানুষ্ঠান করে, তাহা হইলে সে এক বৎসরের মধ্যে মনোহারিণী, অমুকুলা মনোবৃত্ত্যানুসারিনী ও দুঃখসংহার-সাগরে একমাত্র তরিণী পত্নী লাভ করিতে সক্ষম হয়। ৬৬-৬৭।

কুমারীও এই ব্রত করিলে ইচ্ছামুকুল পতি-লাভ করিতে সমর্থ হয় এবং স্ত্রবাসিনী, পুত্র ও পতির অব্যাহত সম্পৎ লাভ করিতে পারে। ৬৮। এই ব্রতের ফলে দুর্ভাগা স্ত্রী, নোভাগ্যবতী হয়, দরিদ্রা-পত্নী ধনবতী হয় এবং বিধবা জন্মান্তরে

আর বৈধবা-ক্লেণ ভোগ করে না । ৬৯ । এই ব্রত করিলে গর্ভবতী, দীর্ঘায়ুঃ ও বহুগুণসম্পন্ন পুত্র-লাভ করিতে পারে, ত্রাস্রাণ বিত্য়লাভে সমর্থ হয় এবং সেই বিত্য়র প্রসাদে সর্বপ্রকারে সৌভাগ্য লাভ করিয়া থাকে । ৭০ । এই ব্রতের ফলে রাজ্য-ভ্রষ্ট নৃপতি পুনর্ব্বার রাজ্যলাভে সমর্থ হয়, বৈশ্য বিপুল ধনলাভে সমর্থ হয় ও শূদ্র নিজ অভীপ্সিত লাভ করিতে পারে । ৭১ । এই ব্রত করিলে ধর্ম্মার্থী ধর্ম্মলাভ করিতে পারে, ধনপ্রার্থী ইষ্ট-ধনলাভে সমর্থ হয়, কামী অভীপ্সিত বস্ত্র-লাভ করিতে পারে এবং মোক্ষার্থী পরমকৈবল্য-লাভ করিতে সক্ষম হয় । ৭২ । অধিক কি বলিব, এই মনোরথ তৃতীয়া-ব্রতচরণ করিলে নিশ্চয় সর্বপ্রকার দুর্লভ মনোরথও সিদ্ধ হইয়া থাকে, ইহাতে কোন প্রকার সন্দেহ নাই । ৭৩ ।

স্কন্দ কহিলেন, মহেশ্বরের নিকটে এই সকল বাক্য শ্রবণে প্রহৃষ্টমানসা জননী পার্বতী, পুনর্ব্বার অঞ্জলিবদ্ধ করিয়া অতিবিনীতভাবে জিজ্ঞাসা করিলেন যে, “হে প্রভো সদাশিব ! যাহারা অগ্ন্য স্থানে এই মনোরথ-তৃতীয়া-ব্রতানুষ্ঠান করিবে, তাহারা কি প্রকারে কাশীস্থিত আশাবিনায়কের পূজা করিবে ? ৭৪-৭৫ ।

শ্রী সদাশিব কহিলেন, “অগ্নি সর্ব্বসন্দেহ-ভেদিনি ! দেবি পার্বতি ! তুমি বড় উত্তম জিজ্ঞাসা করিয়াছ, হে বিশ্বে ! এই ব্রত বারাগনীতে করিলে প্রত্যক্ষরূপিণী তোমাকে পূজা করিবে এবং সর্ব্বাশাপূরণকারী বিঘ্ন-বিনাশন আশা-বিনায়কের প্রত্যক্ষ দৃশ্যমান কাশীস্থমূর্ত্তিকে পূজা করিবে । এই আশা-বিনায়ক, কাশীর শুভার্থী ও সকল প্রকার বিঘ্নহরণ করিয়া থাকেন । ৭৬-৭৭ । এই ব্রতচরণ করিতে প্রবৃত্ত হইয়া প্রথমত বিহিত-বিনয়-সহকারে আহ্বানকরত নিজ আচার্য্য ও অগ্ন্য বন্ধুবর্গকে আনয়ন করিয়া ব্রতকালে তাঁহাদের বিহিতপ্রকার সম্মান করিবে ও সাধ্যামুসারে তাঁহাদের মনোরথ পূর্ণ করিবে । ৭৮ । অগ্ন্য এই ব্রত করিতে হইলে, হে বিশ্বে ! তোমার এবং আশা-বিনায়কের স্তবর্ণময়ী প্রতিমা নির্মাণ করাইতে হইবে, অনন্তর ব্রত-সমাপনকালে সেই স্তবর্ণময় প্রতিমাদ্বয় দান করিবে । একবার এই ব্রতানুষ্ঠান করিলে ত্রী পূর্ণমনোরথ হয় । ৭৯-৮০ । হে দেবি ! অনন্তর পুলোম-দুহিতা, এই প্রকার উত্তম ব্রত-কথা শ্রবণ করিয়া যথাকালে এই ব্রতানুষ্ঠানকরত হৃদয়ের বাঞ্ছিত-সিদ্ধি-লাভ করিতে সমর্থ হইলেন । ৮১ । এই ব্রত করিয়া অরুদ্রতী বশিষ্ঠকে, অনসূয়া অত্রিকে, পতিরূপে বরণ করিতে পারিয়াছেন । এই ব্রতের ফলে স্থনীতি, উত্তানপাদ ইহতে ধ্রুবকে লাভ করেন, এবং এই ব্রতের ফলেই তাঁহার দুর্ভাগ্য দূর হইয়াছিল । হে স্ত্রোত্রোনি ! লক্ষ্মীদেবীও এই ব্রত করিয়া চতুর্ভূজকে পতিরূপে লাভ করিতে পারিয়াছেন ; অগ্নি পার্বতি ! বহুপ্রশংসা করিয়া কি ফল, এই

মনোরথ-তৃতীয়ার ত্রুত করিতে পারিলে জগতে ষড়প্রকার ত্রুত আছে, সেই সকলেরই ফল-লাভ করিতে সমর্থ হয়। ৮২-৮৪। স্বপ্ন কহিলেন, বুদ্ধিমান জীব ভক্তিসহকারে এই কথা শ্রবণ করিলে শুভবুদ্ধি প্রাপ্ত হয় ও সকলপ্রকার পাপ হইতে মুক্তিলাভ করিতে পারে। ৮৫।

## একাদশীতিতম অধ্যায় ।

—\*—

দুর্দমের ধর্মেশ্বরে আগমন ও ধর্মেশ্বর-লিঙ্গ-কথন ।

স্বপ্ন কহিলেন, হে বিদ্বান্ধতিহুৎ ! মহেশ্বর যেক্রমে ধর্মতীর্থের উৎপত্তি-বর্ণন করিয়াছিলেন আমি তাহা বলিতেছি, শ্রবণ কর। দেবরাজ ইন্দ্র, ব্রহ্মাশুরকে বধ করিয়া ব্রহ্মহত্যাজনিত পাপ লাভকরত অমৃতপ্ত হইয়া, পুরোহিতের নিকট তাহার প্রায়শ্চিত্ত জিজ্ঞাসা করিলেন, তখন তাঁহার পুরোহিত বৃহস্পতি কহিতে লাগিলেন। ১-৩।

বৃহস্পতি কহিলেন, হে দেবরাজ ! তোমার যদি এই দুস্ত্যজ ব্রহ্মহত্যাকে অপনয়ন করিবার ইচ্ছা থাকে, তাহা হইলে তুমি বিশ্বেশ্বরকর্তৃক প্রতিপালিত কাশী-ক্ষেত্রে গমন কর। হে শত্রু ! বিশ্বেশ্বরের রাজধানী ভিন্ন ব্রহ্মহত্যার মহৌষধ আর কিছুই আমি দেখিতেছি না, তথায় ভৈরবেরও হস্ত হইতে ব্রহ্মার কপাল পতিত হইয়াছিল, অতএব হে ব্রহ্মশত্রো ! তুমি সত্বর সেই আনন্দকাননেই গমন কর। ৪-৬। হে শত্রু ! আনন্দবনের সীমাতেই পদার্পণ করিবারাত্র ব্রহ্মহত্যা নিরাশ্রয়া হইয়া কাঁপিতে কাঁপিতে পলায়ন করিয়া থাকে। বিশ্বেশ্বরকর্তৃক প্রতিপালিতা সেই কাশী, মহাপাপী ব্যক্তিগণের অত্যাশ্রয় পাপনিচয়ও ধ্বংস করিয়া থাকেন। হে শতক্রতো ! কাশীতেই মহাপাতকসমূহ হইতে মুক্তিলাভ করা যায় এবং কাশীতেই মহাসংসার হইতেও মুক্তি-লাভ হইয়া থাকে, কাশীভিন্ন আর কুত্রাপিও উহা লাভ হয় না। কাশীই নির্বাণ-নগরী, কাশী সমস্ত পাপ হরণ করিয়া থাকেন এবং কাশীই মহেশ্বরের অতি প্রিয়া, স্বর্গও কাশীর সমান নহে। ৭-১০। যে ব্যক্তির ব্রহ্মহত্যার ভয় আছে এবং বাহার সংসারের ভীতি আছে, সে ব্যক্তি যেন কণকালও চিত্ত



হইতে মুক্তি-ভূমি কাশীকে দূরীভূত না করে । যথায় দেহ-বিসর্জন করিলে মহেশ্বরের দর্শনে পরিশুদ্ধ, জীবগণের কর্মবীজ সমূহের আর অঙ্কুর নির্গত হয় না, হে ব্রত্মারে । তুমি সেই কাশীতে গমন করিয়া ব্রাহ্মহত্যা হইতে নিষ্কৃতিলাভের জন্য বিশ্ব-মুক্তিপ্রদায়ক বিশ্বেশ্বরের আরাধনা কর । ১১-১৩ । ( স্বন্দ কহিলেন ) সহস্রলোচন ইন্দ্র, বৃহস্পতির এই বাক্য শ্রবণ করিয়া ত্বরায় মহাপাতকনাশিনী কাশীতে উপস্থিত হইলেন এবং উত্তরবাহিনীতে স্নান করিয়া ব্রাহ্মহত্যা অপনোদনের জন্য মহেশ্বরের আরাধনায় নিযুক্ত হইয়া ধর্মেশ্বরের নিকটে অবস্থান করিতে লাগিলেন । একদিন ইন্দ্র, মহারুদ্র-রূপে আসক্ত থাকিয়া লিঙ্গমধ্যস্থ ত্রিলোচনকে দর্শনকরত বেদোক্ত বহুতর রুদ্র-সূক্তের দ্বারা তাঁহার স্তুত করিলেন । তখন ভগবান্ ভব, সেই লিঙ্গ-মধ্য হইতে আবির্ভূত হইয়া ইন্দ্রকে বলিতে লাগিলেন যে, হে শচীপতে ! আমি তোমার উপর প্রসন্ন হইয়াছি, তুমি বর প্রার্থনা কর, তোমাকে কি দিতে হইবে, তাহ সত্ত্বর বল । ১৪-১৮ । ইন্দ্র দেবদেবের এই প্রেমপূর্ণবাক্য শ্রবণ করিয়া কহিলেন যে, হে সর্ববল ! কোন্ পদার্থ আপনার অবিদিত আছে ? মহেশ্বর ইন্দ্রের এই বাক্য শ্রবণ করিয়া, ইন্দ্র বহুদিন ধর্ম্মপীঠের সেবা করিয়াছেন বলিয়া, তাঁহার উপর কৃপাকরত সেই স্থানেই একটা তীর্থ-নির্মাণ করিয়া কহিলেন যে, হে ইন্দ্র ! তুমি ইহাতে স্নান কর । মহেশ্বরের কথাষুসারে ইন্দ্র সেই তীর্থে স্নান করিনামাত্র পূর্বের আয় স্রীয় দেহ-কাস্তি লাভ করিলেন । ১৯-২১ । তখন নারদ প্রভৃতি মুনিগণ এই আশ্চর্য্য ঘটনা দর্শন করিয়া সেই পাপহারী তীর্থে স্নান করিয়া তথায় দিব্য-পিতৃগণকে তর্পিত ও শ্রাদ্ধকরত সেই তীর্থ-জলের দ্বারা ধর্ম্মেশ্বরকে স্নান করাইলেন । তদবধি সেই তীর্থ ধর্ম্মকূপ নামে বিখ্যাত হইল । সেই তীর্থেঅন্যাসেই ব্রাহ্মহত্যাদি পাপ ক্ষালিত হইয়া থাকে । প্রয়াগস্থানে যে ফল কীর্ত্তিত হয়, ধর্ম্মকূপে স্নান করিলে তাহার সহস্রগুণ অধিক ফললাভ হইয়া থাকে । গঙ্গাধারে, কুরুক্ষেত্রে ও গঙ্গাসাগর-সঙ্গমে, স্নান করিলে যে ফল-লাভ হয়, ধর্ম্মকূপে স্নান করিলেও মানব সেই ফললাভ করিয়া থাকে । ২২-২৬ । বৃহস্পতি সিংহস্থ হইলে নশ্বদায়, সরস্বতীতে ও গোতমীতে স্নান করিলে যে ফল-লাভ হয়, মানব ধর্ম্মকূপে স্নান করিয়াও সেই ফল-লাভ করিয়া থাকে । মানস-সর্বোবরে, পুষ্কর-তীর্থে ও দারিক-সাগরে স্নান করিলে যে ফল-লাভ হয়, ধর্ম্মকূপে স্নান করিলেও সেই ফল-লাভ হইয়া থাকে । ২৭-২৮ । কার্ত্তিকী পৌর্ণমাসীতে শৌরভ-তীর্থে, চৈত্রী-পূর্ণিমায়া গোবী-মহাব্রতে ও একাদশীতে শম্বোদ্ধার-তীর্থে স্নান করিলে যে ফল-লাভ হয়, ধর্ম্মকূপে স্নান করিলেও সেই

কল-লাভ হইয়া থাকে । পিতৃগণ, পিণ্ড-প্রাপ্তির আশায় ধর্ম্যকূপ ও গঙ্গা এই দুই তীর্থে স্নানকারী বংশধরগণেরই অপেক্ষা করিয়া থাকেন । পিতামহ-সমীপে, ধর্ম্যেশ্বরের নিকটে, ক্ষম্মতে ও ধর্ম্যকূপে পিণ্ডপ্রদান করিলে পিতৃগণ তৃপ্তিলাভ করেন । যে ব্যক্তি ধর্ম্যকূপে স্নান করিয়া পিতৃগণের তর্পণ করে, সে ব্যক্তি গঙ্গাতে পিতৃগণের তৃপ্তির জন্ত অধিক আর কি করিবে ? ২৯-৩২ । গয়াতে পিণ্ডদান করিলে পিতৃগণ যাদৃশ তৃপ্তিলাভ করেন, ধর্ম্য-তীর্থেও পিণ্ডদানে তাঁহারা তাদৃশ তৃপ্তিলাভ করিয়া থাকেন । যাহারা ধর্ম্য-তীর্থে পিণ্ডপ্রদান করিয়া পিতৃ-গণের ঋণ হইতে আপনাকে মুক্ত করে, তাহারাই ধন্য, তাহারাই পিতৃভক্ত এবং তাহাদের দ্বারাই পিতৃগণ প্রীণিত হইয়া থাকেন । সেই তীর্থ-প্রভাবেই দেবরাজ ইন্দ্র ক্ষণমধ্যে নিষ্পাপ হইয়া দেবদেব মহেশ্বরকে প্রণতি করিয়া অমরাবতীতে গমন করিলেন । ৩৩-৩৫ । হে কুস্তজ ! সেই তীর্থের অপার মহিমা, সেই কূপে আপনার প্রতিবিম্ব দর্শন করিলেও শ্রাদ্ধদানের ফল-লাভ হয় । তথায় পিতৃগণের তৃপ্তির উদ্দেশে বিংশতি-বরাটিকা মাত্র প্রদান করিলেও মানব ধর্ম্যপীঠের প্রভাবে তাহার অক্ষয় ফললাভ করিয়া থাকে । তথায় যে ব্যক্তি, ত্র্যাক্ষণ, ষতি বা তপস্বি-গণকে ভোজন করায়, সে ব্যক্তি প্রত্যেক অন্নকণায় বাজপেয়-বস্ত্রের ফললাভ করে । ৩৬-৩৮ । ইন্দ্র, ধর্ম্যপীঠ হইতে অমরাবতীতে গমন করিয়া, দেবগণের নিকট সেই পীঠের অনন্ত মহিমা বর্ণন করেন এবং তথা হইতে মুনিগণের সহিত পুনরায় কাশীতে আসিয়া লিঙ্গ-স্থাপন করিয়াছিলেন । তারকেশ্বরের পশ্চিমদিকে সেই ইন্দ্রেশ্বর-লিঙ্গ আছেন, তাঁহাকে যাহারা দর্শন করে, ইন্দ্রলোক তাহাদের দূরে থাকে না । তাহার দক্ষিণভাগে স্বয়ং শচীকর্তৃক প্রতিষ্ঠিত শচীশ্বর নামক লিঙ্গ আছেন, ত্রীগণ তাঁহার অর্চনা করিলে, অতুল সৌভাগ্য-লাভ করে । ৩৯-৪২ । শচীশ্বরের নিকটেই বহুতর সূখ ও সমৃদ্ধিপ্রদ রত্নেশ্বর আছেন । ইন্দ্রেশ্বরের নিকটেই লোকপালেশ্বর আছেন, তাঁহার পূজা করিলে লোকপালগণ প্রসন্ন হইয়া সমৃদ্ধি প্রদান করেন । ধর্ম্যেশ্বরের পশ্চিমদিকে ধরণীশ্বর আছেন, তাঁহাকে দর্শন করিলে রাজ্যমধ্যে ও রাজকূলে ধৈর্য্য-লাভ হয় । ধর্ম্যেশ্বরের দক্ষিণে তত্ত্বেশ্বর আছেন, মানব তাঁহার পূজা করিবে ; তাঁহার পূজা করিলে তত্ত্বজ্ঞান লাভ হয় । ৪৩-৪৫ । ধর্ম্যেশ্বরের পূর্বদিকে বৈরাগ্যেশ্বর আছেন, তথায় মানব তাঁহার পূজা করিবে ; সেই লিঙ্গকে স্পর্শ করিলেও চিস্তের উপশম হইয়া থাকে । ধর্ম্যেশ্বরের ঈশানকোণে জ্ঞানেশ্বর আছেন, তাঁহার পূজা করিলে তিনি সকলকেই জ্ঞান প্রদান করেন । ধর্ম্যেশ্বরের উত্তরদিকে ঐশ্বর্য্যেশ্বর আছেন, তাঁহাকে দর্শন করিলে

মানবগণ মনোভিলষিত ঐশ্বর্য-লাভ করে। হে কুম্ভজ ! এই সমস্ত লিজ পঞ্চাননেরই মুক্তিবিশেষ ; ইহাদিগের সেবা করিলে মানব নিশ্চয়ই মোক্ষলাভ করিয়া থাকে। হে মূনে ! তথায় যে একটি ঘটনা হইয়াছিল, তাহাও আমি তোমাকে বলিতেছি, শ্রবণ কর ; মনুষ্যও যাহা শ্রবণ করিলে ঘোর সংসার-সাগরে নিমগ্ন হয় না। কদম্বশিখর নামে বিদ্যাপর্বতের একটি প্রদেশ আছে। দমের পুত্র, দুর্দম নামক নৃপতি তথায় বাস করিত। পিতার মৃত্যুর পর অজিতেন্দ্রিয় সেই দুর্দম, রাজ্য প্রাপ্ত হইয়া কামান্ধতাশ্রমুক্ত পুরবাসিগণের স্ত্রীসমূহের উপর অত্যাচার করিতে লাগিল, তাহাতে অসাধুব্যক্তিগণ তাহার প্রিয় এবং সাধুব্যক্তিগণ তাহার অপ্রিয় হইয়া উঠিল। ৪৬-৫২। সেই দুর্দান্ত নৃপতি, অনপরাধী ব্যক্তিগণকে দণ্ড প্রদান করিত এবং অপরাধিগণের প্রতি পরাধ্বুখ থাকিত এবং সততই ব্যাধগণে পরিবেষ্টিত হইয়া যুগয়ায় সময় অতিবাহিত করিত। ৫৩। যাহারা তাহাকে সধুজ্ঞি প্রদান করিত, সে তাহাদিগকে নিজ রাজ্য হইতে দূর করিয়া দিত। সে শূজগণকে ধর্ম্মাধিকরণে নিযুক্ত এবং ত্রাক্ষণগণকে করদ করিয়াছিল। সেই দুষ্ক স্বদারপরাধু হইয়া সতত পরদারেই সম্বন্ধ থাকিত। সেই পাপাত্মা কখনই দুঃখান্তকারী, সর্বপ্রকার পাপহারী, সর্বপ্রকার বাঞ্ছিতপ্রদ এবং জগতের সারস্বরূপ শ্রীকৃষ্ণ বা শ্রীপতির পূজা করে নাই। ৫৪-৫৫। সেই দুরাত্মা নৃপতি অকারণ প্রলয় করিবার জন্তই কেবল নিজ প্রজামধ্যে ধুমকেতুরূপে উদ্ভিত হইয়াছিল। পাপ-বাসনাশক্ত সেই দুর্দম কোন সময়ে অশ্বে আরোহণপূর্বক ব্যাধগণের সমভিব্যাহারে যুগের অন্তঃসরণে ঘোর অরণ্যমধ্যে প্রবেশ করে। দৈবক্রমে সেই নরপতি অরণ্যমধ্যে সজ্জিহীন হইয়া ধমুহস্তে একাকী আনন্দকাননমধ্যে প্রবেশ করিল। তথায় কলবান্ পাদপনিচয় এবং তাহাদের সুবিস্তৃত ছায়া দর্শন করিয়া সে ব্যক্তির যেন আশ্রিত দূর হইল। ৫৬-৬০। অনন্তর বৃক্ষনিচয়, পল্লব-সঞ্চালনে স্তগন্ধ, সুশীতল ও সুমন্দ বায়ু দ্বারা ক্ষণকাল সেই নৃপতিকে বীজন করিল। তাহাতে যে কেবল তাহার যুগয়াজনিত আশ্রিত দূর হইল তাহা নহে, সেই পবিত্র বনদর্শনে তাহার আজন্মজনিত বেদও ক্ষণমধ্যে দূর হইয়া গেল। ৬১-৬২। আশ্রিত দূর হইলে সেই নৃপতি ইতস্ততঃ দৃষ্টিনিষ্কপ করাতে বনমধ্যে একটি উন্নত প্রাসাদ দেখিতে পাইল। সেই প্রাসাদটী দেখিলে বোধ হয়, যেন উহা যাবতীয় উৎকৃষ্ট রত্নসমূহের আকর। তখন সেই নৃপতি বিস্মিত হইয়া অশ্ব হইতে অবরোহণকরত ধর্ম্মেশ্বরের মণ্ডপে গমন করিয়া আপনাকে প্রশংসা করিতে লাগিল যে, “আমি আজ এই স্থান দেখিয়া ধন্য হইলাম এবং আমার অন্তঃকরণও আজ

প্রসন্ন হইল, আজিকার দিন ধন্য এবং আমার নয়নদ্বয়ও ধন্য” । আপনাকে এইরূপ প্রশংসা করিয়াই সে ধর্মপীঠের প্রভাববলে তখনই আবার আপনাকে নিন্দা করিতে লাগিল যে, “আমি চিরদিনই সাধু-সঙ্গ পরিত্যাগ করিয়া কেবল দুর্জনের সঙ্গ করিয়াছি, অতএব আমাকে ধিক্ ! আমি সতত মূঢ়ভাবে প্রাণীগণকে ক্লেশ দিয়াছি, প্রজাপীড়নে নিজের পাণ্ডিত্য প্রকাশ করিয়াছি এবং পরস্রা ও পরজ্ঞব্য-হরণ করিয়া আপনাকে সুখী বোধ করিয়াছি । আমার বুদ্ধি অতি অল্প, আমি এষাবৎকাল কোন স্থানেই এতাদৃশ ধর্মস্থান দর্শন না করিয়া বার্থ্যই জীবন অতিবাহিত করিয়াছি” । ৬৩-৬৮ । এইরূপে সে ব্যক্তি আপনাকে বহুতর ধিকার প্রদানপূর্বক ধর্মেশ্বরকে দর্শন করিয়া অশ্বে আরোহণকরত নিজ রাজ্যে গমন করিল । তথায় উপস্থিত হইয়া নিজ কুলক্রমাগত প্রাচীন অমাত্যগণকে আহ্বান করিল এবং নূতন অমাত্যগণকে দূর করিয়া পুরবাসিগণকেও আপনার নিকট আহ্বান করাইয়া আনিল । পরে ব্রাহ্মণগণকে নমস্কারপূর্বক বহুতর বৃত্তি প্রদান করিয়া, পুত্রের হস্তে রাজ্যভার অর্পণ ও প্রজাগণকে ধর্মমার্গে সংস্থাপিত করত অপরাধিগণকে দণ্ড প্রদান এবং সাধুগণকে পরিতুষ্ট করিয়া বহুতর দানকরত বিষয়ে পরাশ্রয় হইয়া একাকী ত্র্যেয়াবিকাশিনী কাশীতে আগমন করিল এবং তথায় ধর্মেশ্বরের পূজায় অবশিষ্ট-জীবন অতিবাহিত করিয়া অন্ত্যকালে মোক্ষলাভ করিল । ৬৯-৭৩ । সেই দুর্দম নৃপতি তাদৃশ পাপিষ্ঠ হইয়াও কেবল ধর্মেশ্বরকে দর্শন করিয়া জিতেন্দ্రిয়শ্রেষ্ঠ হইয়াছিল এবং অশ্বে মুক্তিও লাভ করিয়াছিল । হে কুন্তজ ! এই তোমার নিকট আমি ধর্মেশ্বরের কিঞ্চিন্মাত্র মহিমা বর্ণন করিলাম, সম্যক্রূপে ধর্মপীঠের মাহাত্ম্য-বর্ণন করিবার শক্তি কাহারও নাই । যে ব্যক্তি ধর্মেশ্বরের এই মাহাত্ম্য শ্রবণ করিবে, সে ক্ষণমধ্যে আজন্মকৃত পাপ হইতে মুক্ত হইবে । বুদ্ধিমান ব্যক্তি শ্রাদ্ধকালে ব্রাহ্মণগণকে ধর্মেশ্বরের এই পবিত্র আখ্যান শ্রবণ করাইবে, তাহাতে পিতৃগণ পরম পরিতৃপ্তি লাভ করিবেন । ৭৪-৭৭ । মানব দূরে অবস্থিত হইয়াও ধর্মেশ্বরের এই উপাখ্যান শ্রবণ করিলে সর্বপ্রকার পাপ হইতে নিম্মুক্ত হইয়া অশ্বে শিবলোকে গমন করিয়া থাকে । ৭৮ ।

## দ্ব্যশীতিতম অধ্যায় ।

—\*—

বীরেশ্বরবির্ভাবে অমিত্রজিৎ-পরাক্রম কথন ।

পার্বতী কহিলেন, হে মহেশ্বর ! বীরেশ্বরের বহুতরই মহিমা শ্রবণ করায় এবং অনেকেই তথায় সিদ্ধিলাভ করিয়াছে, অতএব আশুসিদ্ধিপ্রদ সেই লিঙ্গশ্রেষ্ঠ কিরূপে কাশীতে আবির্ভূত হইলেন, তাহা আমাকে বলুন । ১—২ ।

মহেশ্বর কহিলেন, হে মহাদেবি ! তুমি বীরেশ্বরের আবির্ভাব-বৃত্তান্ত শ্রবণ কর ; যাহা শ্রবণ করিলে মানবও বিপুল পুণ্যলাভ করিয়া থাকে । পুরাকালে মিত্রজিৎ নামে এক নরপতি ছিলেন ; পরপুরঞ্জয় সেই নৃপতি অতিশয় ধার্মিক, সত্বসম্পন্ন, বশস্বী, প্রজারঞ্জন-তৎপর, বদান্ত, বিদ্বান্, ত্রাণগুপ্ত, বিনীত, নীতি-সম্পন্ন, সমস্ত কর্মে নিপুণ, গুণবান্, গুণিবৎসল, কৃতজ্ঞ, মধুরালাপী, পাপ-পরাক্রম, সত্যবাদী, শৌচনিলয়, মিতভাষী ও জিতেন্দ্রিয় ছিলেন । অবভৃথ-স্থানে প্রায় সততই তাঁহার কেশরাশি ক্লিন্ন থাকিত, রণভূমিতে তিনি কৃতান্তের হ্রায় এবং সভাস্থলে তিনি পরমপণ্ডিতের হ্রায় শোভা পাইতেন । কামিনী-কাম-কেলিভ্রম সেই নৃপতি, যুবা হইয়াও স্ত্রীরগণের অতিশয় প্রিয় ছিলেন । ৩-৮ । তাঁহার রাজকোষ সতত ধর্মোপার্জিত-অর্থে পূর্ণ থাকিত । বহুবিধ বল-বাহনসম্পন্ন ও অত্যন্ত রূপবান্ সেই নৃপতি, সজ্জনগণের একমাত্র আশ্রয়স্থল ছিলেন । তিনি সতত ধীর থাকিতেন, দেশ ও কালজ্ঞানে তিনি অতি বিচক্ষণ ছিলেন ; মাননীয় সেই নৃপতি সকলকেই মান প্রদান করিতেন এবং সমস্ত দোষ হইতে দূরে অবস্থান করিতেন । পুণ্যশীল সেই নরপতি, বায়ুদেবের চরণকমলে চিত্তবৃত্তি-বিম্বাস করিয়া অতিবৃষ্টিাদিরহিত নিকটক রাজ্য পালন করিতেন । ৯-১১ । অলজ্যোত্সন ও বিষ্ণুভাস্ত্রপরায়ণ সেই নৃপতি, বিষ্ণুকে নিবেদনপূর্বক বহুতর বিষয় উপভোগ করিয়া ছিলেন । হে শিবে ! মহাভাগানিধি সেই নরপতির রাজ্যের সকল স্থানেই বৃহৎ বৃহৎ বিষ্ণু-মন্দির বিরাজিত ছিল । বাল, বৃদ্ধ ও স্ত্রীগণের মুখোচ্চারিত গোবিন্দ, গোপ, গোপাল, গোপীজনমনোহর, গদাপাণে, গুণাতীত, গুণাত্য, গল্পভঞ্জন, কেশীহর, কৈটভারাতে, কংসারে, কমলাপতে, কৃষ্ণ, কেশব, কঙ্কাক, কীনাশ-ভয়নাশন, পুরুষোত্তম, পাপারে, পুণ্ডরীক-বিলোচন, পীতকৌশেয়বসন, পদ্মনাভ, পরাংপর,

জনানন্দ, জগন্নাথ, জাহ্নবীজলজন্মভূঃ, জীব-জন্মহরণ, ভক্ত-পাপবিনাশন, শ্রীবৎস-বক্ষঃ, শ্রীকান্ত, শ্রীকর, শ্রোয়ানিধে, শ্রীরঙ্গ, শার্ঙ্গকোদণ্ড, শৌরে, শৌলাংশু-লোচন, দৈত্যারে, দানবারাতে, দামোদর, দুর্লভক, দেবকী-হৃদয়ানন্দ, শেষশায়িন, বিষ্ণো, বৈকুণ্ঠ-নিলয়, বাণারে, বিষ্ণুরশ্রবঃ, বিষ্ণুসেন, বিরাধারে, বনমালিন, বনপ্রিয়, ত্রিবিক্রম, ত্রিলোকীশ, চক্রপাণে এবং চতুর্ভূজ প্রভৃতি বিষ্ণুর পবিত্র নামনিচয় ঋতিগোচর হইত । ১২-২২ । প্রতি গৃহেই তুলসীকানননিচয় পরিদৃষ্ট হইত, প্রত্যেক গৃহেরই ভিত্তিতে চিত্রকরগণকর্তৃক অঙ্কিত কমলাপতির বিচিত্র ও পবিত্র চরিত্রসমূহ পরিদৃষ্ট হইত । তাঁহার রাজ্যে হরি-কথা ভিন্ন আর কোন বার্তাই ঋতি-গোচর হইত না । ২৩-২৪ । সেই নৃপতির রাজ্যে হরিনামাংশধারী হরিগণগণকে ব্যাধসমূহও নৃপতির ভয়ে বিদ্রু করিত না, কাজেই মৃগগণ স্বচ্ছন্দে অরণ্য-মধ্যে বিচরণ করিত । তাঁহার রাজ্যমধ্যে কোন স্থানেই কেহ মৎস্য মাংসাদি হইয়াও নৃপতির ভয়ে মৎস্য, কুম্ভ বা বরাহগণকে নষ্ট করিত না । তাঁহার রাজ্যমধ্যে একাদশীদিনে পশুগণও তাঁহার রাজ্যে তৃণহার পরিত্যাগ করিয়া উপবাসী থাকিত, স্ততরাং মানব-গণেরও তাহাই নাই । ২৫-২৮ । একাদশীদিনে তাঁহার রাজ্যে সমস্ত পুরবাসিগণই মহামহোৎসবে নিরত থাকিত । তাঁহার রাজ্যমধ্যে যে ব্যক্তি বিযুক্তভিত্তিবিহীন সেই ব্যক্তি ধন ও প্রাণের সহিত দগ্ধিত হইত । তাঁহার রাজ্যে অন্ত্যজজাতিগণও বিষ্ণুমন্ত্রে দীক্ষিত হইয়া শঙ্খ-চক্র-চিহ্ন-ধারণপূর্বক দীক্ষিত ব্রাহ্মণের আশ্রয় শোভা পাইত । তাঁহার রাজ্যমধ্যে লোকসমূহ যে সমস্ত শুভ কর্ম করিত, তাহার ফলার্থী না হইয়া সকল কর্মই বাহুদেবে সমর্পণ করিত । ২৯-৩২ । মানবগণ মুকুন্দ, গোবিন্দ, পরমানন্দ, ও অচ্যুত এই সমস্ত নাম ভিন্ন আর কোন নামই জপ করিত না । সেই নৃপতির কৃষ্ণই পরমদেব, কৃষ্ণই পরমগতি এবং কৃষ্ণই পরমবন্ধু ছিলেন । সেই নৃপতি এইরূপে রাজ্যপালন করিতেছেন, ইতিমধ্যে একদা দেবর্ষি নারদ তাঁহাকে দেখিবার জন্ত তাঁহার নিকট আগমন করিলেন ; এবং সেই নৃপতিকর্তৃক মধুপর্ক-বিধানে পূজিত হইয়া তাঁহাকে বলিতে লাগিলেন । ৩৩-৪৯ ।

নারদ কহিলেন, হে রাজন ! তুমি সমস্ত ভূতেই ভগবান্ গোবিন্দকে দর্শন করত ধন্য, কৃতকৃত্য এবং দেবগণেরও মাননীয় হইয়াছ । হে ভূপালশ্রেষ্ঠ ! যে, বিষ্ণু-বেদপুরুষ যিনি যজ্ঞপুরুষ এবং যিনি এই জগতের আত্মা, কর্তা, হর্তা ও পালনকর্তা, তুমি সমস্ত পদার্থকেই তন্ময় দর্শন করিতেছ, স্ততরাং তোমাকে দর্শন করিয়া আজ আমি পরম পবিত্রতা লাভ করিলাম । এইক্ষণভঙ্গুর সংসারে ভক্তবৎসল কমলা-কান্তের পাদ-কমলে ভক্তিভাবেই একমাত্র সার, তাহাতেই সমস্ত অভীষ্ট-লাভ হইয়া

থাকে । ৩৭-৪০ । যে ব্যক্তি সমস্ত কৰ্ম পরিত্যাগ করিয়া একমাত্র বিষ্ণুকে ভজনা করে, সমস্ত পদার্থই সেই বুদ্ধিমান ব্যক্তিকে ভজনা করিয়া থাকে । তাহা স্রবীকেশে বাহার ইন্দ্রিয়নিচয় স্থিরতা-লাভ করে, অতিচঞ্চল এই ত্রাসাণ্ড-মধ্যে সেই ব্যক্তিই স্থৈর্য্যলাভ করিয়া থাকে । যৌবন, ধন ও পরমাযুকে নলিনীদলগত জলবিন্দুর ন্যায় অতীব চঞ্চল জানিয়া একমাত্র বিষ্ণুর শরণ লইবে । ৪১-৪৩ । যে ব্যক্তির চিত্ত ও বাক্যে সততই জনার্দ্রন বিরাজিত থাকেন, সেই ব্যক্তিই নররূপী জনার্দ্রন-মুষ্টি, সকলেই তাঁহাকে বন্দনা করিয়া থাকে । অকপট প্রণিধান-সহকারে কমলা-পতিকে আরাধনা করিয়া কোন ব্যক্তি এ জগতে পুরুষোত্তমতা লাভ না করিয়াছে ? ৪৪-৪৫ । হে ভূপতে ! তোমার এই বিষ্ণু-ভক্তিতে আমি সন্তুষ্ট হইয়াছি, তোমার উপকার করিবার ইচ্ছায় কিছু বলিতেছি, শ্রবণ কর । মলয়গন্ধিনী নাম্নী এক বিজ্ঞাধর-কন্যা পিতার ক্রোড়ে ক্রীড়া করিতেছিল, এমত সময়ে কপালকেতু নামক দানবের পুত্র অতি বলবান কঙ্কালকেতু তাহাকে হরণ করিয়া লইয়া গিয়াছে এবং আগামী তৃতীয়াতে তাহার পাণিগ্রহণ করিবে । ৪৬-৪৮ । সম্প্রতি সেই কন্যা পাতালে চম্পকাবতী নাম্নী নগরীতে অবস্থান করিতেছে ; আমি হাটকেশ্বর হইতে আসিতেছি, এমত সময়ে সেই কন্যা আমাকে দেখিয়া প্রণামকরত সজলনয়নে বাহা বলিয়াছে, তাহা শ্রবণ কর । “হে মুনিবর ! আমি গন্ধমাদন-পর্বতে বাল্যক্রীড়ায় আগন্তু ছিলাম, এমত সময়ে অশ্বের অশ্বে অপরায়েয় দুর্বৃত্ত কঙ্কালকেতু নামক দানব মায়াবলে আমাকে হরণ করিয়া লইয়া আসিয়াছে, সেই দুরাত্মা যুদ্ধে স্বীয় ত্রিশূল ব্যতীত আর কাহারও অশ্বে মরিবে না, আপাততঃ সেই দুৰ্ঘট জগৎকে জ্বালাইয়া আসিয়া নির্ভয়াস্তঃকরণে নিদ্রা বাইতেছে, এই সময় যদি কোন মনুষ্য আমার প্রতি দয়া করিয়া আমার প্রদত্ত ত্রিশূলের দ্বারা এই দুৰ্ঘটকে বিনাশ করিয়া আমাকে লইয়া যায়, তাহা হইলেই মঙ্গল । অতএব যদি আপনি আমার উপকার করিতে ইচ্ছা করেন, তাহা হইলে আমাকে এই দুৰ্ঘট দানবের হস্ত হইতে রক্ষা করুন, হে মহামুনে ! ভগবতী আমাকে বর প্রদান করিয়াছেন যে, আগামী তৃতীয়াতে এক জন বিষ্ণুভক্ত বুদ্ধিমান যুবাপুরুষ আমাকে বিবাহ করিবেন । অতএব ভগবতীর বাক্য বাহাতে সত্য হয়, আপনি নিমিত্তমাত্র হইয়া তাহার উপায়-বিধান করুন” । হে রাজন্ ! সেই কন্যার এই প্রকার কথায় যুবা, বুদ্ধিমান ও বিষ্ণুভক্তিপরায়ণ তোমার নিকট আমি উপস্থিত হইয়াছি । ৪৯-৫৬ । অতএব হে মহাবাহো ! তুমি সহর তথায় গমন কর এবং সেই দুৰ্ঘট দানবকে বিনষ্ট করিয়া সেই শুভা মলয়গন্ধিনীকে লইয়া আইস । হে নরেশ্বর ! সেই বিজ্ঞাধরী তোমাকে

দেখিয়া জীবনের আশা পাইবে এবং পার্বতীর বরে অনায়াসেই ভোমার দ্বারা সেই দুষ্কের বধ-সাধন করাইবে । ৫৭-৫৮ । মহর্ষি নারদের এই সমস্ত বাক্য শ্রবণ করিয়া মিত্রজিৎ নৃপতি সেই বিভাধর-কন্যার জন্ত কিঞ্চিৎ উৎকণ্ঠিত হইলেন এবং কি প্রকারে চম্পকাবতী নগরীতে গমন করা যাইবে, নারদকে তাহার উপায় জিজ্ঞাসা করিলেন । হে গিরিরাজকে ! তখন নারদ তাঁহাকে পুনরায় বলিতে লাগিলেন যে, হে নৃপ ! তুমি সহর সমুদ্রে গমন কর, তথায় তুমি পোতে অবস্থিত থাকিয়া পূর্ণিমার দিনে রথের উপর অবস্থিত একটি কল্পবৃক্ষ দেখিবে, তাহার নীচে দিব্য-পর্যাক্ষসংস্থিতা একটি দেবকন্যাকে বীণা-গ্রহণকরত স্মরয়ে, “যে ব্যক্তি, যে শুভ বা অশুভ কৰ্ম্ম করিয়াছে, সেই ব্যক্তি নিশ্চয়ই বিধাতার নিয়মে তাহার ফলভোগ করিবে” এই সুন্দর গাথা গান করিতে দেখিবে । সেই দেবী ঐ গাথা গান করিয়াই কল্পদ্রুম, রথ ও পর্যাক্ষের সহিত ক্ষণমধ্যেই সমুদ্রমধ্যে প্রবেশ করিবেন, তুমিও তৎক্ষণাৎ নিঃশঙ্কচিত্তে পোত হইতে সমুদ্রে নিপতিত হইয়া ভগবান্ যজ্ঞ-বরাহকে স্মরণকরত সেই দেবীর অনুগমন করিবে । অনন্তর তুমি পাতালে গিয়া অতি মনোহরা সেই চম্পকাবতী-নগরী ও তথায় সেই কন্যাকে দেখিতে পাইবে । ৫৯-৬৬ । এই কথা বলিয়া মহর্ষি নারদ তথা হইতে অন্তর্হিত হইলেন । পরে সেই নৃপতিও সমুদ্রে গমন করিয়া তথায় সেইরূপ দেবীকে দর্শন করত সমুদ্রমধ্যে প্রবিষ্ট হইয়া সেই চম্পকাবতী নগরীতে উপস্থিত হইলেন এবং তথায় ত্রিভুবনের সৌন্দর্য্য-শ্রী সেই বিভাধর-তনয়াকে দর্শন করিলেন । ৬৭-৬৮ । এবং তাহাকে দেখিয়া ভাবিতে লাগিলেন যে, “ইনি কি পাতালের অধিষ্ঠাত্রী-দেবতা, অথবা আমার নয়নানন্দের জন্ত ভগবান্ মধুরিপু বিধাতার সৃষ্টি হইতে বিলক্ষণ এই নারীকে নিৰ্ম্মাণ করিয়াছেন ? চন্দ্রের কাস্তি কি অমাবস্তা ও রাহুর ভয়ে স্ত্রীরূপ আশ্রয় করিয়া এখানে অকুতোভয়ে অবস্থান করিতেছে” । নৃপতি ক্ষণকাল এইরূপ চিন্তা করিয়া সেই কন্যার নিকটে উপস্থিত হইলেন । ৬৯-৭১ । সেই কন্যাও সেই মধুরাকৃতি নৃপতিকে দর্শনকরত শঙ্খ-চক্রাদি-চিহ্ন ও তুলসীমালাধারণে তাঁহাকে পরম বৈষ্ণব জানিতে পারিয়া, স্বীয় মনো-রথ-সিঙ্ঘির আশায় আনন্দে পুলকিতা হইলেন এবং দোলা-পর্যাক্ষ পরিভাগকরত লজ্জাবনত্তবদনে কাঁপিতে কাঁপিতে নৃপতিকে কহিতে লাগিলেন যে, “হে মধুরাকৃতে ! আপনি কে ? এই অভাগিনীর চিত্তবৃত্তি নিরুদ্ধকরত এই কৃতান্ত-ভবনে সমুপস্থিত হইয়াছেন” ? হে স্তম্ভগ ! যতক্ষণ সেই কঠোরাকৃতি দানবকঙ্কালকে তু ত্রিভুবনকে আকুলিত করিয়া এখানে আগমন না করিতেছে, ততক্ষণ আপনি অভিগোপনীয় ঐ শত্রুগণের অবস্থিতি করুন । ৭২-৭৮ । সেই দুর্বৃত্ত দানব, পার্বতীর প্রসাদে কখনই



আমার কন্যা-ত্রত ভঙ্গ করিতে পারিবে না । সেই দুষ্ঠায়া আগামী পরশ্ব তৃতীয়াতে আমার পাণিগ্রহণ করিবে, এইরূপ ইচ্ছা করিয়াছে ; কিন্তু পাপাত্মা এখনও জানিতেছে না, যে আমার শাপে তাহার জীবন-কাল শেষ হইয়া আসিয়াছে । হে যুবক ! আপনি কিছুমাত্র তাহার ভয় করিবেন না, শীঘ্রই আপনার কার্য্য-সিদ্ধি হইবে । ৭৯-৮০ ।

বিদ্যাধরীকর্তৃক এইরূপ অভিহিত হইয়া মহাবীর নৃপতি, সেই দানবের আগমন অপেক্ষা করত গুপ্তভাবে শস্ত্রাগার-মধ্যে অবস্থিতি করিতে লাগিলেন । অনন্তর সায়ংকাল সমুপস্থিত হইলে ভীষণাকৃতি সেই দানব, যুত্ম হইতেও ভয়ঙ্কর স্বীয় ত্রিশূল হস্তে লইয়া তথায় আসিয়া উপস্থিত হইল । ৮১-৮২ ।

মদাঘূর্ণিত-লোচন ভয়ঙ্কররূপী সেই দানব আসিয়াই প্রলয়কালীন মেঘের আয় গন্তীর-স্বরে সেই বিদ্যাধর-কন্যাকে কহিল যে, “হে বরবর্ণিনি ! তুমি এই দিব্য-রত্ননিচয় গ্রহণ কর, আগামী পরশ্ব বিবাহ হইলে তোমার কন্যাত্ব অপনীত হইবে । হে সুন্দরি ! প্রাতঃকালেই আমি তোমাকে দশসহস্র দাসী প্রদান করিব । ৮৩-৮৪ ।

হে অমলাশয়ে ! ছয় শত আত্মরী, সুরী, দানবী, গন্ধবর্ষী, মানবী এবং কিন্নরী, ছয়শত বিদ্যাধরী, নাগী ও যক্ষিনী, অষ্টশত রাক্ষসী এবং একশত অপ্সরা তোমার পরিচারিনী হইবে । ৮৫-৮৭ ।

দিকপালগণের গৃহে যাবদীয় সম্পত্তি আছে, বিবাহের পর তৎসমুদয়েরই তুমি অধীশ্বরী হইবে এবং বিবাহের পর আমার সহিত বহুতর দিব্যবিষয় উপভোগ করিবে । হায় ! কবে পরশ্ব হইবে, যখন আমাদের দুই জনে বিবাহ হইবে । পরশ্ব যদি আসিয়া উপস্থিত হয়, তবে অবশ্যই আমি তোমার অঙ্গ-সংস্পর্শে পরম সুখলাভ করিব । ৮৮-৯০ ।

বহুকাল হইতে যে সমস্ত মনোরথ আমার হৃদয়ে বর্দ্ধিত হইয়াছে, আগামী পরশ্ব তোমাকে বিবাহ করিয়া আমি তৎসমুদয়কে কৃতার্থ করিব । হে যুগলোচনে ! আমি ইন্দ্রাদি দেবগণকে পরাভূত করিয়া তোমাকে ত্রিভুবনের ঐশ্বর্য্যের অধীশ্বরী করিব ” । ৯১-৯২ ।

সেই দুষ্ঠ দানব, নর-মাংস ও বসার আশ্রমে উন্মত্ত হইয়া নির্লজ্জভাবে এইরূপ প্রলাপ-বাক্য উচ্চারণকরত স্বীয় ক্রোড়ে ত্রিশূল রাখিয়া নিদ্রিত হইল । ৯৩ ।

তখন সেই বিদ্যাধর-কন্যা গৌরীর প্রদত্ত বর স্মরণকরত সেই দুষ্ঠ দানবকে সুষুপ্ত দর্শন করিয়া বিস্মৃত্ত সেই সর্ব্বাঙ্গসুন্দর নরপতিকে প্রাণনাথ বলিয়া আহ্বানকরত, সেই দৈত্যের ক্রোড় হইতে ত্রিশূল লইয়া কহিল যে, আপনি সত্ত্বর এই ত্রিশূল গ্রহণ করুন এবং ইহার দ্বারা ইহাকে বধ করুন । বালিকার এই বাক্যে মহাবাহু মিত্রাজিৎ নৃপতি, তাহার হস্ত হইতে ত্রিশূল গ্রহণ করিয়া ক্ষণকালেই সেই বাল্যকে অজয় প্রদানকরত চিন্তামধ্যে জগজ্জন্মামণি ভগবান্ বিষ্ণুকে স্মরণ করিয়া

নির্ভয়াস্তঃকরণে সেই দৈত্যকে বাম পাদেদ্বারা আঘাত করিয়া কহিলেন যে, “রে চুষ্ট ! রে কণ্ঠাধর্ষণ-লালস ! তুই উত্থান কর এবং আমার সহিত এখনই যুদ্ধ কর, কারণ আমি নিদ্রিত শত্রুকে বিনাশ করি না । ৯৪-৯৯ । নৃপতির এই বাক্য শ্রবণে সেই দৈত্য সসম্মুখে উদ্ভিত হইয়া বারম্বার বলিতে লাগিল যে, “হে কাশ্তে ! আমার ত্রিশূল দেও । এ কোন্ ব্যক্তি স্বয়ং মৃত্যু-গৃহে আসিয়া উপস্থিত হইয়াছে, যম আজ কাহার উপর রুষ্ট হইল ? আয়ুঃ আজ কোন্ ব্যক্তিকে পরিত্যাগ করিল যে, সে আমার সম্মুখে আসিয়া উপস্থিত হইয়াছে ? ১০০-১০১ । এই সামান্য নর আমার প্রচণ্ড দোদর্শনের স্বল্পমাত্রণ্ড কণ্ডুয়ন-ক্রিয়ার যোগ্য হইবে না ; স্ততরাং ত্রিশূলেই বা আমার প্রয়োজন কি ? হে সুন্দরি ! তুমি ভয় করিও না, বরং কৌতুক দেখ যে, এই আমার ভক্ষ্য আসিয়া উপস্থিত হইয়াছে ; মৃত্যু স্বয়ংই আমার ভয়ে ইহাকে উপহাররূপে এখানে প্রেরণ করিয়াছে” । এই বলিয়া সেই দৈত্য শিলাখণ্ড ইহাতেও কঠিন নৃপতির হৃদয়ে মুক্কাঘাত করিল । ১০২-১০৪ । ভগবান্ বিমুক্তকর্ষক পরিরক্ষিত-দেহ সেই নৃপতি দৈত্যের মুষ্টির আঘাতজন্য স্বল্পমাত্রণ্ড ব্যথা অনুভব করিলেন না, কিন্তু সেই আঘাতে দৈত্যের হস্তই খেদ প্রাপ্ত হইল । তখন সেই নৃপতি ক্রুদ্ধ হইয়া সেই দানবের মুখে চপেটাঘাত করিলেন, সেই আঘাতে দানব ঘূর্ণিতমস্তকে ভূমিতে নিপতিত হইল এবং তৎক্ষণাৎ পুনরায় উদ্ভিত হইয়া ধীরতাসহকারে বলিতে লাগিল । ১০৫-১০৭ ।

দানব কহিল, জানিয়াছি যে তুমি মনুষ্য নহ, তুমি দানবাস্তক চতুর্ভূজই নররূপে ছিত্র পাইয়া আমাকে মারিতে আসিয়াছ । হে মধুভিদ্ ! এই একটী কৰ্ম্ম কর যে, তুমি যদি বলবান্ হও, তবে আমার শূলটী পরিত্যাগ করিয়া নিজ অস্ত্রের দ্বারা আমার সহিত যুদ্ধ কর । তুমি কপটরূপে কৈটভ প্রভৃতি অশুরগণকে নাশ করিয়াছ, যুদ্ধে বল প্রকাশ করিয়া তুমি তাহাদিগকে নিহত কর নাই, কেবল ছলক্রমেই তুমি তাহাদিগকে নাশ করিয়াছ, তুমি বামনরূপ ধারণ করিয়া বলিকে পাতালে পাঠাইয়াছ এবং নরসিংহরূপ ধারণ করিয়া হিরণ্যকশিপুকে বধ করিয়াছ । তুমিই জটিলবেশে লঙ্কেশ্বরকে নিপাত করিয়াছ, তুমি গোপালের বেশে কংস-প্রভৃতি দৈত্যগণকে বিনষ্ট করিয়াছ, তুমি জ্ঞীরূপে দানবগণকে মোহিত করিয়া সুখ হরণ করিয়াছ, হে মায়াবিগণের অগ্রগণ্য ! যদি তুমি আমার শূল পরিত্যাগ কর, তাহা হইলে আমি তোমাকে আজ কিছুমাত্র ভয় করি না । ১০৮-১১৪ । অথবা কাতরোচিত এই সমস্ত বাক্যে আমার প্রয়োজন কি ? তুমি কিছুতেই ত্রিশূল পরিত্যাগ করিবে না, আমিও তোমাকে যুদ্ধে জয় করিতে পারিব না । দেহধারণ

করিলেই আজ বা কল্য অবশ্যই মরিতে হইবে, অতএব বলেই হউক বা চলেই হউক তোমার হস্তেই মরা ভাল । ১১৫-১১৬ । আর এই বিজ্ঞাধর-কন্যা আমার দ্বারা দূষিত হয় নাই, ইনি সাক্ষাৎ লক্ষ্মীস্বরূপা, আমি তোমারই জন্ত ইহাকে রক্ষা করিয়াছি । এই কথা বলিয়া সেই দানব অতি নিষ্ঠুরভাবে নৃপতিকে বামহস্তের দ্বারা প্রহার করিল । তখন সেই নরপতি, বক্ষঃস্থলে সেই ভীষণ প্রহার সহ্য করিয়া, হস্তে ত্রিশূল উত্তোলন করত সেই দৈত্যের বক্ষঃস্থল লক্ষ্য করিয়া প্রহার করিলেন । সেই শূলপ্রহারে কঙ্কালকেতু তখনই প্রাণত্যাগ করিল । নৃপতি এইরূপে দেব-গণেরও ভীতিপ্রদ সেই কঙ্কালকেতুকে নিহত করিয়া, এই সমস্ত ঘটনা দর্শনে পুলকিতাঙ্গী সেই বিজ্ঞাধরীকে কহিলেন যে, হে স্ত্রোশোণি ! নারদের বাক্যে আমি তোমার এই বাঞ্ছিত বিষয় সম্পাদন করিলাম, হে কৃতজ্ঞে ! এক্ষণে আর কি করিব তাহা বল । গভীরচিন্তা নৃপতির এই বাক্য শ্রবণ করিয়া সেই বালা কহিতে লাগিল । ১১৭—১২২ ।

মলয়গন্ধিনী কহিল, হে উদারমতে ! হে জীবনৌষধ ! আমি প্রাণের সহিত আপনার নিকট বিক্রীত হইয়াছি, অদূষিতা কুলকন্যাকে আপনি আর কেন জিজ্ঞাসা করিতেছেন । কন্যা এইরূপ বলিতেছে, ইত্যবসরে শৈশরচারী মহর্ষি নারদ দেবলোক হইতে অতর্কিত-গতিতে তথায় আসিয়া উপস্থিত হইলেন । তাঁহাকে দেখিয়া সেই নৃপতি ও সেই কন্যা প্রণতিকরত মূনির আশীর্বাদ-লাভ করিয়া উভয়েই তাঁহার বহুতর স্তুতি করিলেন । অনন্তর তাহারা উভয়ে নারদ কর্তৃক বিবাহবিধির দ্বারা অভিষিক্ত হইয়া তথা হইতে নারদাদিকৈমাগে প্রস্থান করিলেন । ১২৩-১২৬ । অনন্তর মলয়গন্ধিনীর সহিত সেই অমিত্রজিৎ নৃপতি বারাণসাতে আগমন করিলেন । যে পুরীকে দর্শন করিলে মানব কদাপিও নারকী গতি প্রাপ্ত হয় না, বুদ্ধিমান অমিত্রজিৎ সেই পুরীতে প্রবেশ করিলেন । যে পুরীতে ইস্ত্রাদিদেবগণও অনায়াসেই প্রবেশ করিতে পান না, অমিত্রজিৎ নরপতি কৈবল্যজননী সেই কাশীপুরীতে প্রবেশ করিলেন । ত্রৈলোক্যবাঞ্ছিত যে কাশীপুরীকে স্মরণ করিলেও মানব পাপে লিপ্ত হয় না, অমিত্রজিৎ নরপতি সেই পুরীতে প্রবেশ করিলেন । যে পুরীতে প্রবেশ করিলে মানব মহাপাতক সমূহ হইতে নিষ্কৃতি পায়, অমিত্রজিৎ নৃপতি সেই কাশীতে প্রবেশ করিলেন । ১২৭-১৩১ । সেই বিজ্ঞাধরীও দূর হইতে কাশীপুরীর সমৃদ্ধি দর্শন করিয়া স্বর্গলোক ও পাতাল-নগরীরও নিন্দা করিতে লাগিল । সেই বালা পরমানন্দভূমি কাশীকে প্রাপ্ত হইয়া ষ্ণেরূপ আনন্দ লাভ করিল, অমিত্রজিৎকে পতিরূপে প্রাপ্ত হইয়াও সে ভাদৃশ

আনন্দ প্রাপ্ত হয় নাই । ১৩২-১৩৩ । মলয়গন্ধিনী তাদৃশ স্বামী ও কানী লাভ করিয়া পরম নির্বৃতি প্রাপ্ত হইল, এবং সেই নৃপতিও মলয়গন্ধিনীকে পদ্মরূপে প্রাপ্ত হইয়া ধর্ম প্রধান কামের সেবায় উত্তরোত্তর বহুতর সুখ ভোগ করিতে লাগিলেন । একদা সেই পতিব্রতা রাজ্ঞী মলয়গন্ধিনী স্তুতিার্থিনী হইয়া একান্তে বিমুক্তিপারায়ণ স্বীয় পতি সেই নৃপতিকে নিবেদন করিল । ১৩৪-১৩৬ ।

মলয়গন্ধিনী কহিল, হে ভূপ । যদি আপনার অনুমতি হয়, তবে আমি পুত্রের কামনায় অতীকৃত তৃতীয়ার ত্রত আচরণ করি । ১৩৭ ।

নৃপতি কহিলেন, হে দেবি ! অতীকৃত-তৃতীয়ার ত্রত বিরূপ, কোন দেবতারই বা তাহাতে পূজা করিতে হয়, তাহার বিধি কি প্রকার এবং তাহার কলই বা কি ? তাহা বল । যে নারী পতির আজ্ঞা ব্যতিরেকে ত্রতাদির অনুষ্ঠান করে, সে জীবনে দুঃখভাগিনী হয় এবং মরিয়া নরকে গমন করিয়া থাকে । ১৩৮-১৩৯ । নৃপতি-কর্তৃক এইরূপ অভিহিতা হইয়া রাজ্ঞী মলয়গন্ধিনী কি প্রকার সেই ত্রত করিতে হয়, তৎসমুদয় কহিতে আরম্ভ করিল । ১৪০ ।

## ত্র্যশীতিতম অধ্যায় ।



### বীরেশ্বরবির্ভাব-কথন ।

মলয়গন্ধিনী কহিল, হে ধরানাথ । আপনি অবহিত হউন, আমি এই ত্রতের বিধান, কল এবং অতীকৃত-দেবতা কি, তাহাই বলিতেছি । পুরাকালে ত্রস্তার তনয় দেবর্ষি নারদ পুত্রোভিলাষিণী কুবের-পদ্মার নিকট এই ত্রতের বিষয় বলিয়াছিলেন । নারদের বাক্যানুসারে সেই দেবীও এই ত্রত উদ্ভাষণ করিয়া মলকুবের নামক পুত্র-লাভ করিয়াছিলেন এবং অত্যাশু বহুতর দ্রীগণও এই ত্রতের অনুষ্ঠানে পুত্র-লাভ করিয়াছিলেন । ১-৩ । এই ত্রতে বিধিসহকারে উন্মুখ হইয়া স্তনপানকারী বালকের গোরীর পূজা করিতে হয় । অগ্রেহায়ণ-মাসের শুক্লা-তৃতীয়াতে কলসের উপর তণ্ডুলপূর্ণ একটা তাম্রপাত্র রাখিয়া, তাহার উপর একখানি অবিচ্ছিন্ন, নবীন, হরিজ্ঞানাগ-রঞ্জিত এবং অত্যন্ত সূক্ষ্ম বস্ত্র রাখিবে । সেই বস্ত্রোপরি রবিরশ্মি-বিকাসিত একটা পদ্ম রাখিয়া, তাহার কর্ণিকার উপর অশীতিরতিপরিধিত শঙ্খচক্রে

দ্বারা নির্মিত এবং রত্ন ও পট্টবস্ত্রাদির দ্বারা অলঙ্কৃত ব্রাহ্মণীর প্রতিমা রক্ষা করিয়া  
 ভক্তিসহকারে নানাবিধ পুষ্প, নারঙ্গ প্রভৃতি বহুতর রমণীয় ফল, কর্পূর ও যুগনাভি  
 মিশ্রিত চন্দন, পরমায় ও বহুবিধ পঙ্কায়ের নৈবেদ্য এবং অশুভ প্রভৃতির সংযোগে  
 নির্মিত ধূপের দ্বারা রমণীয় কুসুম-মণ্ডপमध्ये তাঁহার পূজা করিয়া মহোৎসবের  
 দ্বারা তথায় রাত্রিজাগরণ করিবে। বিজাতিগণ হস্তমাত্র পরিমিত কুণ্ডमध्ये  
 “জাতবেদ” ইত্যাদি মন্ত্রের দ্বারা স্তুত ও মধু-মিশ্রিত সহস্র প্রক্ষুটিত কমলের  
 দ্বারা হোম করিবে এবং আচার্য্যকে নবপ্রসূতা, স্ত্রীলা, সালঙ্কারা, একটি কপিলা-  
 ধেনু প্রদান করিবে। স্ত্রী ও পুরুষ উভয়েই ঐ দিবস উপবাস এবং মনবস্ত্র  
 পরিধান করিবে। পরদিন প্রাতঃকালে চতুর্থীতে উভয়েই সম্মাদরে ভক্তিপূর্বক  
 বস্ত্র, অলঙ্কার, মালা এবং দক্ষিণাদির দ্বারা আচার্য্যের পূজা করিয়া সমস্ত দ্রব্যের  
 সহিত সেই স্ত্রবর্ণ-প্রতিমা, “হে বিশ্ববিধানজ্ঞ বিধে। হে বিবিধকারিণি। আপনি  
 এই ত্রিতে সন্তুষ্ট হইয়া আমাদের গণকে বংশকর পুত্র প্রদান করুন” এই মন্ত্র পড়িয়া  
 আচার্য্যকে প্রদান করিবে। অনন্তর ভক্তিসহকারে সহস্র ব্রাহ্মণ ভোজন করাইয়া,  
 ব্রাহ্মণগণের ভোজনাবশিষ্ট অন্নের দ্বারা পারণ করিবে। হে রাজন্। এ ত্রিত  
 এইরূপ, আমি আপনার সহিত একত্রেই ত্রিত করিতে ইচ্ছা করিতেছি, অভীষ্ট  
 ফললাভের জন্য আপনি আমার এই প্রিয় কার্য্যটি করুন। ৪-১৮। নৃপতি,  
 রাজ্যের এই সমস্ত বাক্য শ্রবণ করিয়া আনন্দসহকারে সেই ত্রিতের অনুষ্ঠান  
 করিলেন, তাহাতে তাঁহার পত্নী গর্ভবতী হইল। রাজ্যী গর্ভবতী হইয়া ভক্তির  
 দ্বারা গৌরীকে সন্তুষ্টকরত তাঁহার নিকট প্রার্থনা করিলেন যে, “হে মহামায়ে।  
 আপনি আমাকে বিষ্ণুর অংশসম্পূর্ণ একটি পুত্র প্রদান করুন, যে বালক জন্মগ্রহণ  
 করিয়াই স্বর্গে গমন করিবে ও তথা হইতে পুনরায় এইস্থানে আগমন করিবে  
 এবং সেই বালক পৃথিবীতে সদাশিবের অত্যন্ত ভক্ত বলিয়া প্রসিদ্ধ হইবে, আর  
 সেই বালক স্তনপান ব্যতিরেকে ক্ষণमध्ये ষোড়শ বৎসরের বালকের আকৃতি ধারণ  
 করিবে, হে পৌরি। যাহাতে আমার সন্তান এইরূপ হয়, আপনি তাহার উপায়  
 করুন। ১৯-২২। যুড়ানীও রাজ্যের আত্যন্তিক শক্তিতে পরিতুষ্ট হইয়া বরপ্রদান  
 করিলেন যে, “তাহাই হইবে”। কালক্রমে সেই রাজ্যী মলয়গন্ধিনী মূলানক্সে  
 একটি সন্তান প্রসব করিল; তখন অমাত্যগণ রাজ্যীকে জানাইল যে, যদি আপনি  
 নৃপতির জীবনাভিলাষিণী হন, তবে দুষ্টনক্সে জাত এই কুমারকে পরিত্যাগ  
 করুন। ২৩-২৪। একমাত্র পতিদেবতা সেই রাজ্যী মন্ত্রিগণের বাক্য শ্রবণ করিয়া,  
 সেই জনকে পরিত্যাগ করিতে নিশ্চয় করিলেন এবং ধাত্রেয়ীকে নিকটে আহ্বান-

করত কহিলেন যে, পঞ্চমুদ্রানামক মহাপীঠে বিকটা নামে মাতৃকা আছেন, তুমি তাঁহার সম্মুখে এই বালককে রাখিয়া, তাঁহাকে বলিবে যে, “গৌরীপ্রদত্ত এই শিশুটিকে পতিপ্রৈয়বিনী রাজ্ঞী মন্ত্রিগণের প্রেরণায় আপনাকে প্রদান করিয়াছেন” । রাজ্ঞীর এই বাক্য শ্রবণ করিয়া ধাত্রেয়ী কমলীয়-চন্দ্রপ্রভ সেই বালককে বিকটাদেবীর সম্মুখে রাখিয়া গৃহে প্রত্যাগত হইল । অনন্তর সেই বিকটাদেবী, যোগিনীগণকে আহ্বান করিয়া কহিলেন যে “এই বালককে সহর মাতৃগণের নিকটে লইয়া যাও এবং তাঁহারা বাহা বলেন, তাহা করত ঐ বালককে যত্নপূর্বক রক্ষা কর । ২৫-৩০ । বিকটাদেবীর বাক্যে আকাশচারিণী সেই যোগিনীগণ ক্ষণ-মধ্যেই যে স্থানে ত্রাক্ষীপ্রভৃতি মাতৃগণ অবস্থান করিতেছেন, তথায় সেই বালককে লইয়া গেলেন এবং মাতৃগণকে প্রণাম করিয়া সূর্যাসম-তেজস্বী সেই বালককে তাঁহাদের সম্মুখে রাখিয়া বিকটাদেবী বাহা বলিয়াছিলেন, তাহা নিবেদন করিলেন । ৩১-৩২ । ত্রাক্ষাণী, বৈষ্ণবী, রোদ্রী, বারাহী, নারসিংহী, কৌমারী, মাহেশ্বরী, চামুণ্ডা ও চণ্ডিকাদেবী বিকটা-প্রেরিত সেই বালককে দর্শন করিয়া সকলেই এককালে সেই শিশুকে জিজ্ঞাসা করিলেন যে, তোমার পিতা কে এবং তোমার মাতাই বা কে ? ৩৩-৩৪ । মাতৃগণ এইরূপ জিজ্ঞাসা করিলেও সেই বালক কিছুই উত্তর করিল না, তখন মাতৃগণ যোগিনীগণকে কহিলেন যে, হে যোগিনীগণ ! মহালক্ষণাক্রান্ত এই বালক রাজার যোগ্য, অতএব তোমরা সহর ইহাকে পুনরায় তথায় লইয়া যাও । কালীতে পদে পদে মুক্তিস্থান হইলেও যথায় কামদা পঞ্চমুদ্রাদেবী অবস্থান করিতেছেন, বাঁহার সেবা করিলে নির্বাণ-লক্ষ্মী মানবগণের দূরে থাকে না । সেই মহাপীঠই বিশেষরূপে সিদ্ধিপ্রদ । ৩৫-৩৬ । সেই পীঠের সেবা-নিবন্ধন বিশ্বেশ্বরের অমুগ্রাহে এই বালকের ষোড়শাকৃতি সিদ্ধিলাভ হইবে । মাতৃগণের এই বাক্যে যোগিনীগণ ক্ষণমধ্যে সেই বালককে পুনরায় পঞ্চমুদ্রার নিকটে লইয়া গেলেন । সেই শিশু সেই মহাপীঠে আগমন করিয়া বিপুল তপস্তায় নিমগ্ন হইল । ৩৯ ৪১ । কালক্রমে নিশ্চলেন্দ্রিয় ও স্থিরচিত্ত সেই রাজ-তনয়ের কঠোর তপস্তায় প্রসন্ন হইয়া দেবদেব মহেশ্বর লিঙ্গরূপে সেই বালকের সম্মুখে আবির্ভূত হইয়া কহিলেন যে, হে নৃপাঙ্গ ! আমি প্রসন্ন হইয়াছি, তুমি বর প্রার্থনা কর । ৪২—৪৩ । স্বন্দ কহিলেন, সেই বালক সম্মুখে সপ্তপাতাল ভেদ করিয়া অবস্থিত সর্বজ্যোতির্ময় লিঙ্গ দর্শন করিয়া ভূমিতে দণ্ডবৎ প্রণত হইয়া আনন্দে জম্বাদ্বারভাস্ত রক্ত-নুস্তের দ্বারা ধূর্জটীর স্তব করিতে লাগিল । তখন দেবদেব বৃষভধ্বজ প্রসন্ন হইয়া সেই বালককে কহিলেন । ৪৪—৪৬ ।

দেবদেব কহিলেন, হে শিশো ! তুমি বর প্রার্থনা কর, তুমি ভগ্নস্তর দ্বারা এই শরীরকে বহুতর ক্লেশ প্রদান করিয়াছ, আর তুমি এই বাল্যকালেই আমার মনকে বশীভূত করিয়াছ । মহেশ্বরের পুনঃপুনঃ বরদান-বাক্য শ্রবণ করিয়া সেই বালক সানন্দে বর-প্রার্থনা করিতে লাগিল । ৪৭-৪৮ ।

বালক কহিল, হে দেবদেব ! হে মহাদেব ! যখন আপনি আমাকে বরপ্রদান করিতেছেন, তখন আমি প্রার্থনা করি যে, আপনি সতত এই লিঙ্গমধ্যে অবস্থান করিয়া মৃত্যাদিকরণ ও মল্লভাতিরেকেও কেবল দর্শন, স্পর্শন ও প্রণামেই সতত ভক্ত-গণের সন্তোষ পূর্ণ করুন । ৪৯-৫০ । এই লিঙ্গের উপর যাহাদের কায়, কর্ম ও মনঃসহকারে ভক্তি আছে, তাহাদের প্রতি আপনি সতত অনুগ্রহ করিবেন, ইহাই আমার প্রার্থনা । বালকের এই প্রার্থনা শুনিয়া লিঙ্গরূপী ভগবান্ মহেশ্বর কহিলেন যে, হে বীর ! তুমি বাহ্য প্রার্থনা করিলে তাহাই হইবে, তোমার পিতা বৈষ্ণব-প্রধান নৃপতি অমিত্রজিৎ হইতে তুমি বিষ্ণুর অংশে জন্মগ্রহণ করিয়াছ, তুমি আমার পরম ভক্ত ; হে অজ্ঞ ! হে বীর ! এই লিঙ্গ তোমার নামে “বীরেশ্বর” বলিয়া বিখ্যাত ; এই লিঙ্গ কাশীতে ভক্তগণের অতীত সম্পাদন করিবেন, আমি আজ হইতে সতত এই লিঙ্গে অবস্থান করিব এবং ভক্তগণকে পরমসিদ্ধি প্রদান করিব । কিন্তু কলিকালে সাধারণে আমার মহিমা জানিতে পারিবেন না, ভাগ্যধীন যে ব্যক্তি আমার মহিমা জানিতে পারিবেন, সেই পরমসিদ্ধি লাভ করিবে । এখানে ভ্রপ, তপ, হোম, দান, স্তব, পূজা ও জীর্ণোদ্ধারাদি সংকল্প করিলে, তাহার কল অক্ষয় হইয়া থাকে । তুমি আপাততঃ সর্বভূগাল-দুর্লভ বিপুল রাজ্য প্রাপ্ত হইবে এবং তথায় অত্যন্ত বিষয় উপভোগ করিয়া অস্ত্রমে সিদ্ধিলাভ করিবে । সমস্ত জগতের মধ্যে পবিত্র এই বারানসাপুরী ইহার মধ্যেও আবার গঙ্গা ও অসির সঙ্গমস্থল অতি পবিত্র, সেই অসিসঙ্গম হইতেও আবার এই হরগ্রীব-তীর্থ অধিক পুণ্যদ, বথায় বিষ্ণু হর-গ্রীবরূপে অবস্থানকরত, ভক্তগণের চিস্তিত বিষয় অর্পণ করিতেছেন । আবার এই হরগ্রীব-তীর্থ হইতেও গঙ্গ-তীর্থ অধিক পুণ্যদ, বথায় স্নান করিবামাত্র গঙ্গ-দানের কল-লাভ হয় । সেই গঙ্গতীর্থ হইতেও কোকাবরাহ-তীর্থ অধিক পুণ্যদ, তথায় কোকাবরাহের পূজা করিলে জীবকে আর জন্মগ্রহণ করিতে হয় না । দিলীপেশ্বর-মহাদেবের সন্নিকটস্থ দিলীপ-তীর্থ কোকাবরাহ-তীর্থ হইতেও শ্রেষ্ঠ, তথায় স্নান করিলে তৎক্ষণাৎ পাপ বিনষ্ট হয় । সগরেশ্বরের সমীপে অবস্থিত সগর-তীর্থ দিলীপ-তীর্থ অপেক্ষাও শ্রেষ্ঠ । ৫১-৬৪ । বথায় স্নান করিলে মানব পুনরায় সংসারে নিমগ্ন হয় না । সগর-তীর্থ হইতেও সপ্তসাগর-তীর্থ শ্রেষ্ঠ, বথায়

স্নান করিয়া মানব সপ্তসাগরে স্নানজনিত পুণ্য লাভ করে। সপ্তসাগর-তীর্থ হইতেও মহোদধি নামক তীর্থ শ্রেষ্ঠ, যথায় একবার স্নান করিলেই মানবের সমস্ত পাতক বিনষ্ট হয়। কপিলেশ্বরের সন্নিহিতে অবস্থিত চৌর-তীর্থ, মহোদধি-তীর্থ হইতেও শ্রেষ্ঠ, যথায় স্নান করিলে স্তবর্ণ-চৌর্যাদি-পাপ ক্ষয় হইয়া যায়। কেদারেশ্বরের সন্নিহিতে অবস্থিত হংস-তীর্থ, সেই তীর্থ চৌর-তীর্থ হইতেও শ্রেষ্ঠ, যথায় আমি হংস (ব্রহ্ম) রূপে অবস্থিত থাকিয়া তথায় স্নানকারী জীবগণকে ব্রহ্ম-পদ প্রদান করিয়া থাকি। ৬৫-৬৯। সেই হংস-তীর্থ হইতেও ত্রিভুবনখ্য কেশবের তীর্থ শ্রেষ্ঠ, যথায় স্নান করিলে মানব আর মর্ত্যলোকে প্রবেশ করে না। সেই তীর্থ হইতেও গোব্যাশ্রেশ্বর-তীর্থ শ্রেষ্ঠ, তথায় গো ও ব্যাঘ্র উভয়েই স্বাভাবিক শত্রুতা পরিত্যাগ করিয়া সন্ধিলাভ করিয়াছিল। গো ব্যাশ্রেশ্বর-তীর্থ হইতেও মাক্কাতৃনামক তীর্থ শ্রেষ্ঠ, যথায় মাক্কাতৃ নৃপতি চক্রবর্ত্তি-পদ লাভ করিয়াছিলেন। ৭০-৭২। সেই মাক্কাতৃ-তীর্থ হইতেও মুচুকুন্দ নামক তীর্থ শ্রেষ্ঠ, যথায় স্নান করিলে মানব কখনই শত্রুকর্ষক অতিভূত হয় না। সেই তীর্থ হইতেও পৃথু-তীর্থ পরম শ্রেয়ঃসাধন, যথায় পৃথিবীশ্বরকে দর্শন করিলে মানব পৃথিবীপতি হয়। ৭৩-৭৪। সেই তীর্থ হইতেও পরশুরাম-তীর্থ অতীব সিদ্ধিপ্রদ। যথায় জামদগ্ন্য ক্ষত্রিয়বধ-জনিত পাপ হইতে বিমুক্তি লাভ করিয়াছিলেন, অছাপিও তথায় জ্ঞান বা অজ্ঞান সহকারে একবার মাত্র স্নান করিলে ক্ষত্রিয়বধ-জনিত পাপ বিনষ্ট হইয়া থাকে। ৭৫-৭৬। সেই পরশুরাম-তীর্থ হইতেও বলভদ্র নামক তীর্থ শ্রেষ্ঠ; যথায় বলদেব, সূতবধ-জনিত পাপ হইতে বিমুক্তি লাভ করিয়াছিলেন। সেই স্থানেই দিবোদাস-তীর্থ আছে, তথায় স্নান করিলে মানব অন্তিমকালে কখনই জ্ঞান হইতে বিচ্যুত হয় না। ৭৭-৭৮। দিবোদাস-তীর্থ হইতেও ভাগীরথী-তীর্থ শ্রেষ্ঠ, যথায় সাক্ষাৎ ভাগীরথী মূর্ত্তিমতী হইয়া বিরাজমানা রহিয়াছেন, সেই ভাগীরথী-তীর্থে বিধিপূর্ব্বক শ্রাদ্ধ ও সৎপাত্রে দান প্রদান করিলে, মানব আর গর্ভে প্রবেশ করে না। হে বীর! ভাগীরথী-তটে অবস্থিত হরপাপ নামক তীর্থ ভাগীরথী-তীর্থ হইতেও শ্রেষ্ঠ, তথায় স্নান করিলে মানবের মহাপাতক সমূহ ক্ষয় হইয়া যায়। তথায় যে ব্যক্তি নিম্পাপেশ্বর-লিঙ্গকে দর্শন করে, সে তৎক্ষণাৎ নিম্পাপ হইয়া থাকে। ৭৯-৮২। সেই তীর্থ হইতেও দশাশ্বমেধ-তীর্থ শ্রেষ্ঠ, যথায় স্নান করিলে দশটি অশ্বমেধ-যজ্ঞের ফল লাভ হয়। হে বীর! সেই দশাশ্বমেধ-তীর্থ হইতেও বন্দী-তীর্থ শ্রেষ্ঠ, যথায় স্নান করিলে মানব সংসার-বন্ধন হইতেও মুক্তি লাভ করিয়া থাকে। পুরাকালে হিরণ্যাক্ষ নামক দৈত্য কর্ত্তক বন্দীরূপে নিগড়ে আবদ্ধ হইয়া দেবগণ জগদম্বিকার



স্তুতি করিয়াছিলেন, অনন্তর তাঁহার দেবীর কৃপায় শৃঙ্খল-মুক্ত হইয়া তথায় দেবীর  
বহুতর স্তব করিয়াছিলেন, তদবধি সেই স্থান বন্দীনামে কীৰ্ত্তিত হইয়াছে । ৮৩-৮৬ ।  
সেই স্থানেই নিগড়খণ্ডন বন্দী-তীর্থ আছে, তথায় স্নান করিলে মানব সর্বপ্রকার  
কৰ্ম্মপাশ হইতে বিমুক্তি লাভ করিয়া থাকে । হে বিশাম্পতে ! কালীপুরীমধ্যে  
বন্দী-তীর্থ অতি শ্রেষ্ঠ, তথায় স্নান করিলে মানব দেবীর অমুগ্রহে বিমুক্তি লাভ  
করিয়া থাকে । সেই তীর্থ হইতেও প্রয়াগ নামক তীর্থ শ্রেষ্ঠ, যথায় প্রয়াগ-  
মাধব সৰ্ব্ব যজ্ঞের ফলদাতা হইয়া অবস্থান করিতেছেন । ৮৭—৮৯ । সেই প্রয়াগ-  
তীর্থ হইতেও ক্ষৌণীবরাহ-তীর্থ শ্রেষ্ঠ, তথায় স্নান করিলে মানব কখন তিৰ্য্যগ্-  
যোনিতে জন্মগ্রহণ করে না । হে বীর ! ক্ষৌণীবরাহ-তীর্থ হইতেও কালেশ্বর-তীর্থ  
শ্রেষ্ঠ, যথায় স্নান করিলে মানবকে কলি ও কাল, পীড়া প্রদান করিতে পারে না ।  
সেই স্থানেই অশোক-তীর্থ আছে, তাহা কালেশ্বর-তীর্থ হইতেও শ্রেষ্ঠ, যথায়  
স্নান করিলে মানব কখনই শোক-সাগরে নিপতিত হয় না । হে নৃপাজ্ঞ !  
সেই অশোক-তীর্থ হইতেও শুক্র-তীর্থ শ্রেষ্ঠ, যথায় স্নান করিলে মানব পুনরায়  
শুক্র হইতে জন্মগ্রহণ করে না । ৯০—৯৩ । হে রাজন্ ! সেই শুক্র-তীর্থ হইতেও  
ভবানী-তীর্থ অধিক পুণ্যপ্রদ, যথায় স্নান করিয়া ভবানী ও মহেশ্বরকে দর্শন  
করিলে মানব পুনরায় জন্মগ্রহণ করে না । সেই ভবানী-তীর্থ হইতেও প্রভাস  
নামক তীর্থ মানবগণের অধিক শুভপ্রদ, সোমেশ্বরের পুরোভাগে অবস্থিত সেই  
তীর্থে স্নান করিলে মানব আর কখন গর্ভে প্রবেশ করে না । ৯৪—৯৫ । সেই  
প্রভাস-তীর্থ হইতেও সংসার-বিঘনাশন গরুড়-তীর্থ শ্রেষ্ঠ, তথায় স্নান করিয়া  
গরুড়েশ্বরকে দর্শন করিলে মানব আর শোক প্রাপ্ত হয় না । সেই গরুড়-তীর্থ  
হইতেও ব্রহ্মেশ্বরের পুরোভাগে অবস্থিত ব্রহ্ম-তীর্থ শ্রেষ্ঠ, তথায় স্নান করিলে  
মানব ব্রহ্মবিজ্ঞা লাভ করিয়া থাকে । ৯৬—৯৭ । সেই তীর্থ হইতেও বৃদ্ধার্ক-তীর্থ  
শ্রেষ্ঠ, যথায় স্নান করিলে মানব সূনির্ম্মল রবিলোকে গমন করে । সেই তীর্থ  
হইতেও বিধি-তীর্থ শ্রেষ্ঠ এবং বিধি-তীর্থ হইতেও মহাভয়-নিবারণ নৃসিংহ নামক  
তীর্থ শ্রেষ্ঠ, তথায় স্নান করিলে মানবের কাল হইতেও কোনরূপ ভয় থাকে না ।  
সেই তীর্থ হইতেও চিত্ররথেশ্বর নামক তীর্থ মানবগণের অধিক পুণ্যপ্রদ, তথায়  
স্নান ও দান করিলে মানব চিত্রগুপ্তকে দর্শন করে না । ৯৮—১০০ । সেই তীর্থ  
হইতেও ধর্ম্মেশ্বরের পুরোভাগে অবস্থিত ধর্ম্ম-তীর্থ শ্রেষ্ঠ, তথায় শ্রাদ্ধাদি করিলে  
পিতৃগণের ঋণ হইতে মুক্ত হওয়া যায় । সেই তীর্থ হইতেও বিশালফলপ্রদ বিশাল  
নামক তীর্থ শ্রেষ্ঠ, তথায় স্নান করিয়া বিশালাক্ষীদেবীকে দর্শন করিলে মানব

আর গর্ভে জন্মগ্রহণ করে না । সেই তীর্থে হইতেও জরাসন্ধেশ্বরের সন্নিকটে অবস্থিত জরাসন্ধেশ্বর-তীর্থ শ্রেষ্ঠ, তথায় স্নান করিলে মানব, সংসার-জ্বর-পীড়ায় মোহিত হয় না । ১০১-১০৩ । জরাসন্ধেশ্বর-তীর্থ হইতেও ললিতা-তীর্থ অধিক সৌভাগ্যবর্ধন, তথায় স্নান করিয়া ললিতাদেবীকে দর্শন করিলে মানব দরিদ্র বা দুঃখভাগী হয় না । সেই তীর্থ হইতেও সর্বপাপহারী গোতম-তীর্থ শ্রেষ্ঠ, যথায় স্নান এবং পিণ্ডদান করিয়া মানব আর শোকভাগী হয় না । গোতম-তীর্থ হইতে গঙ্গাকেশব-তীর্থ, গঙ্গাকেশব-তীর্থ হইতে অগস্ত্য-তীর্থ, অগস্ত্য-তীর্থ হইতে যোগিনী-তীর্থ, যোগিনী-তীর্থ হইতে ত্রিসন্ধ্যা-তীর্থ, ত্রিসন্ধ্যা-তীর্থ হইতে নর্মদা-তীর্থ, নর্মদা-তীর্থ হইতে অরুন্ধতী-তীর্থ, অরুন্ধতী-তীর্থ হইতে বশিষ্ঠ-তীর্থ এবং বশিষ্ঠ-তীর্থ হইতে মার্কণ্ডেয়-তীর্থ শ্রেষ্ঠ । মার্কণ্ডেয়-তীর্থ হইতেও খুরকর্ত্তরি নামক তীর্থ শ্রেষ্ঠ, তথায় শ্রাদ্ধাদি করিলে মানব সমস্ত পাতক হইতে মুক্ত হইয়া থাকে । সেই তীর্থ হইতেও রাজর্ষি ভগীরথের তীর্থ অধিক পুণ্যপ্রদ । ১০৪—১০৯ । তথায় যৎকিঞ্চিৎ ও যাহা দান করা যায়, কল্লান্তেও তাহা অক্ষয় হইয়া থাকে । হে বীর ! এই সমস্ত তীর্থ এবং তিনকোটি লিঙ্গ হইতেও এই বীরেশ্বর-লিঙ্গ শ্রেষ্ঠ হইবেন । মানব বীর-তীর্থে স্নান করিয়া বীরেশ্বরের পূজা করিলে এই সমস্ত তীর্থে স্নানের ফল-লাভ করিবে । যে ব্যক্তি রাত্রিতে এই বীরেশ্বর-লিঙ্গের পূজা করিবে, সে ত্রিকোটিলিঙ্গ-পূজার ফল লাভ করিবে । যে ব্যক্তি মুক্তিদা ও ভুক্তিদা লক্ষ্মীর কামনা করে, সে যত্ন করিয়া বীরেশ্বরের সেবা করিবে । ১১০—১১৩ । চতুর্দশী-তিথিতে রাত্রিজাগরণ করিয়া বীরেশ্বরের পূজা করিলে মানব আর পাঞ্চভৌতিক-শরীর পরিগ্রহ করে না । সিদ্ধিকামী ব্যক্তিগণ সতত এই লিঙ্গের সেবা করিবে, ইহার সেবায় ঐহিক ও আমূলিক সমস্ত কামনাই পূর্ণ হয় । ১১৪—১১৫ । যে বীরেশ্বরকে পঞ্চামৃতের দ্বারা স্নান করাইবে, সে পলে পলে ষটকোটিলিঙ্গ পুণ্য লাভ করিবে । অগ্নি লিঙ্গে কোটি পুষ্প প্রদান করিলে যে ফল-লাভ হয়, বীরেশ্বরে একটা পুষ্প প্রদান করিলেই সেই ফল-লাভ হইবে, ইহাতে সন্দেহ নাই । বীরেশ্বরের নিকটে একটাও আহুতি প্রদান করিলে, কোটি-হোমের ফল লাভ হইবে এবং নৈবেদ্যের প্রত্যেক সিক্ধে ( এক গ্রাস অন্নে ) কোটি সিক্ধের ফল-লাভ হইবে । এই বীরেশ্বরে যাহা কিছু করা যাইবে, তৎ-সমস্তই অক্ষয় হইবে । ১১৬-১১৯ । যে ব্যক্তি বীরেশ্বরের নিকটে একবারও মহারুদ্র-মন্ত্র জপ করাইবে, নিশ্চয়ই তাহার কোটিরুদ্র-জপের ফল লাভ হইবে । ত্রী মানবগণ বীরেশ্বর-সন্নিধানে ত্রতোৎসর্গাদি করিলে, তাহার কোটিগুণ ফল লাভ

করিবে । ১২০-১২১ । যে ব্যক্তি বীরেশ্বরের সম্মুখে আটবার নমস্কার করিবে, তাহার অষ্টকোটি নমস্কারের ফল লাভ হইবে । হে বীর ! আমার বরপ্রভাবে এই বীরেশ্বর-লিঙ্গ সমস্ত সম্পদেরই আকর হইবে, ইহার সন্দেহ নাই । এই লিঙ্গের সেবা করিলে আমার আজ্ঞায় মানবগণের জীবিতাবস্থাতেই তারক-জ্ঞান উৎপন্ন হইবে, অতএব শুভার্থি মানবগণ যেন সতত এই লিঙ্গের সেবা করে । ১২২—১২৪ ।

স্কন্দ কহিলেন, মিত্রজিৎনৃপতির তনয় সেই বীর নামক বালক, মহেশ্বরের এই সমস্ত বাক্য শ্রবণ করিয়া দেবদেবকে পুনরায় প্রণাম করত কহিলেন যে, হে দেবেশ ! আমার নিকট এই যে সমস্ত তীর্থের কথা বলিলেন, ইহা ভিন্ন আদিকেশব হইতে ভগীরথ-তীর্থ পর্য্যন্ত যে সমস্ত তীর্থ আছে, যাহাদের নাম গ্রহণমাত্রেই মানব নিম্পাপ হয়, সেই সমস্ত তীর্থও আমাকে বলুন । ১২৫-১২৭ । মহেশ্বর, নৃপনন্দের এই বাক্য শ্রবণ করিয়া গঙ্গায় যে সমস্ত তীর্থ আছে, তৎসমুদয় বলিতে আরম্ভ করিলেন । ১২৮ ।

## চতুরশীতিতম অধ্যায় ।

—:~:—

বীরেশ্বর মহিমা কথন ।

স্কন্দ কহিলেন, হে অগস্ত্য ! ভগবান্ মহেশ্বর গঙ্গা বরণার সঙ্গমস্থলে যে সকল তীর্থ স্থাপন করিয়াছেন, এইক্ষণে সেই সমুদয় কাস্তন করিতেছি, শ্রবণ কর । ১ । সেই গঙ্গা ও বরণার পবিত্র সঙ্গমে স্নান করিয়া আদিকেশবের অর্চনা করিলে মানব আর কখনও জননীর জঠরে প্রবেশ করে না । ২ । যথায় মন্দরপর্বত হইতে আগমন করিয়া ভগবান্ নারায়ণ প্রথমেই চরণদ্বয় প্রক্ষালিত করেন, সেই বিষ্ণুপাদোদক নামক তীর্থে স্নান করিয়া যে ব্যক্তি তর্পণাদিক্রিয়া করে, তাহাকে পুনর্ববার সংসারে আগমন করিতে হয় না । ৩-৪ । পাদোদক-তীর্থে স্নানান্তে আদিকেশবের পূজার প্রসাদে কাশীবাসী জীব সর্বশ্রেষ্ঠতা লাভ করিতে সমর্থ হয় । ৫ । কাশীতে তথায় শ্বেতদ্বীপ নামে একটি স্থান বিদ্যমান আছে, সেই স্থানে পুণ্যকর্ম্ম করিলে মানব পরজন্মে শ্বেতদ্বীপের আধিপত্য লাভ করিতে পারে । ৬ । সেই পাদোদক-

তীর্থের সন্নিহিতে ক্ষীরাক্ষি নামক তীর্থে বিদ্যমান আছে, সেই স্থানে বিহিত দানাদি করিলে মানব পরজন্মে ক্ষীরোদধির তীরে বাস করিতে সমর্থ হয় । ৭ । ক্ষীরোদ-তীর্থের দক্ষিণভাগে শম্ব-তীর্থ বিদ্যমান রহিয়াছে, সেই তীর্থে স্নান করিলে পুরুষ-শম্ব প্রভৃতি নিধিসমূহের অধিপতি হইতে পারে । ৮ । শম্ব-তীর্থের সন্নিহিতে অতি উৎকৃষ্ট চক্র-তীর্থ বর্তমান আছে, তাহার জলে স্নান করিলে মানব আর সংসার-চক্রে পতিত হয় না । ৯ । তাহারই অগ্রভাগে সংসার-ক্লেশহারি গদা-তীর্থ বিদ্যমান আছে, সেই স্থানে শ্রাদ্ধাদি করিলে মানব সাক্ষাৎ গদাধরদেবকে দর্শন করিতে সমর্থ হয় । ১০ । তাহার অগ্রভাগে পিতৃগণের পরমতৃপ্তির কারণীভূত সর্বসম্পত্তিজনক পদ্ম-তীর্থ বর্তমান আছে, সেই তীর্থে স্নানাদি করিলে মানব সকল প্রকার পাপ হইতে মুক্তি লাভ করিতে পারে । ১১ । তাহারই কিয়দূরে মহালক্ষ্মীর তীর্থ বর্তমান আছে, সেই তীর্থ মহাপুণ্য-ফলপ্রদ, তথায় বর্তমান মহালক্ষ্মীর পূজা করিলে মানব নির্বাণ-সম্পৎ লাভ করিতে পারে । ১২ । সেই তীর্থের নিকটে সংসার-তাপহারী গাক্ষত্বে নামক তীর্থ বিদ্যমান আছে, সেই স্থানে স্নানান্তর তর্পণাদি করিলে মানব বৈকুণ্ঠে বাস করিতে পারে । ১৩ । তাহার সন্নিহিতে ব্রহ্মবিষ্ণুর একমাত্র কারণস্বরূপ নারদ-তীর্থ বিদ্যমান আছে, সেই তীর্থে স্নান করিয়া নারদকেশবের দর্শন করিলে মানব নির্বাণ-পদবী লাভে সক্ষম হয় । ১৪ । নারদ-তীর্থের দক্ষিণ-দিকে মহাভক্তি-ফলপ্রদ প্রহ্লাদ-তীর্থ বিদ্যমান আছে, তাহাতে একবার স্নান করিলেই মানব বিষুর প্রিয় হইতে পারে । ১৫ । তাহার সমীপে অনুরোপ নামক মহাপাতকনাশন একটা তীর্থ বিদ্যমান আছে, সেই স্থানে শুভকর্ম করিলে মানব আর জননীর উদরে প্রবেশ করে না । ১৬ । তাহারই অগ্রভাগে আদিত্যকেশব নামক এক পরমোৎকৃষ্ট তীর্থ বিদ্যমান আছে, তথায় স্নান করিলে মানব স্বর্গরাজ্যে অভিষিক্ত হইতে পারে । ১৭ । তথায় ত্রৈলোক্যপাবন দত্তাত্রেয়-তীর্থ বিদ্যমান আছে, সেই তীর্থে ভক্তিপূর্বক একবারমাত্র স্নান করিলেই মানব যোগসিদ্ধি লাভ করিতে পারে । ১৮ । তাহারই অগ্রভাগে মহাজ্ঞানের জনক ভার্গব-তীর্থ বিদ্যমান আছে, তথায় স্নান-বিধান দ্বারা মানব ভার্গবলোকে বাস করিতে সমর্থ হয় । ১৯ । তাহারই সন্নিহিতে বিষু-সান্নিধ্যকারক বামন-তীর্থ বিদ্যমান আছে, সেই তীর্থে শ্রাদ্ধবিধান করিলে মানব পিতৃস্বর্গ হইতে মুক্তিলাভ করিতে পারে । ২০ । বামন-তীর্থের পরে শুভপ্রদ নরনারায়ণ-তীর্থ বিদ্যমান আছে, সেই তীর্থে স্নান করিলে পুরুষগণের আর গর্ভবাস-যজ্ঞা ভোগ করিতে হয় না । ২১ । তাহারই সন্নিহিতে বিদ্যারনারসিংহ নামক এক পরমপাবন তীর্থ বর্তমান রহিয়াছে, সেই তীর্থে

একবারমাত্র স্নান করিলে মানব জন্মশ্রুতির অর্জিত পাপ হইতে মুক্তিলাভ করিতে পারে। বামন-তীর্থের দক্ষিণভাগে যজ্ঞবাহর্য নামক একটি পরম পবিত্র তীর্থ বিद्यমান আছে, এই তীর্থে স্নান করিলে মানব রাজসূয়-যজ্ঞের ফললাভ করিতে পারে। ২২—২৩। এই তীর্থের দক্ষিণভাগে গোপীগোবিন্দ নামে একটি পরম সুন্দর বৈষ্ণব-লোকদ-তীর্থ বিद्यমান আছে, তথায় স্নান করিলে মানবের আর গর্ভবেদনা অনুভব করিতে হয় না। এই তীর্থের দক্ষিণদিকে শেষ নামক একটি উৎকৃষ্ট তীর্থ আছে, সেই তীর্থে স্নান করিলে মহাপাপরাশি হইতেও পরিত্রাণ পাওয়া যায়। সেই তীর্থের দক্ষিণদিকে শঙ্খমাধব নামক এক উত্তম তীর্থ বর্তমান আছে, তাহাতে স্নানাদি করিলে মনুষ্যের আর পাপ হইতে ভয়ের সম্ভাবনা কোথায়? ২৪-২৭। তাহার দক্ষিণভাগে অবিলম্বে সিদ্ধিপ্রদ নীলগ্রীব নামক একটি অতুলনীয় তীর্থ আছে, তথায় স্নান করিলে মানব কখন অপবিত্র হয় না। ২৮। তথায় পাপনিকরবিনাশক্ষম উদ্দালক নামে তীর্থ বিद्यমান আছে, সেই তীর্থে স্নানমাত্রেই মানবগণ মহতী সিদ্ধিলাভ করিতে সমর্থ হয়। ২৯। তাহারই দক্ষিণভাগে সাংখ্য নামক একটি তীর্থ আছে ও তথায় সাংখ্যশিব-লিঙ্গও বিद्यমান আছেন, সেই তীর্থে স্নানাদি করিলে মানবগণ অনায়াসেই সাংখ্য-যোগসিদ্ধি লাভ করিতে পারে। ৩০। ইহারই দক্ষিণদিকে স্বর্লোকে পরিত্যাগপূর্বক উমাগতি বাস করেন বলিয়া এই তীর্থের নাম “স্বর্লীন” হইয়াছে, এই স্বর্লীন-তীর্থে স্নান, দান ও ত্র্যম্বকসংহারে ত্র্যম্বকগণকে আহ্বান করান প্রভৃতি যাহা কিছু সংক্রিয়া করা যায়, তাহা অক্ষয় ফল প্রদান করিয়া থাকে। ৩১-৩২। স্বর্লীন-তীর্থের সমীপে মহিষাসুর নামক একটি পরম পবিত্র তীর্থ বিद्यমান আছে, সেই তীর্থে তপস্বী করিয়াই মহিষাসুর সকল দেবগণকে পরাজয় করিয়াছিল। এই কালেও সেই তীর্থের সেবকগণ, শত্রু হইতে পরিভব প্রাপ্ত হয় না, পাপ করিয়া ভয় করে না এবং মহাসমৃদ্ধি লাভ করিয়া থাকে। ৩৩-৩৪। তাহারই নিকটে বাণনৃপতির সহস্রভূজপ্রদ বাণ-নামক তীর্থ বিद्यমান রহিয়াছে, সেই তীর্থে স্নান করিলে মানব মহাদেবে স্থিরভক্তি লাভ করিতে পারে। ৩৫। তাহারই দক্ষিণদিকে গোপ্রতারেশ্বর নামে এক রমণীয় তীর্থ বিद्यমান আছে, অপুত্র ব্যক্তিও তথায় স্নান করিলে অনায়াসে বৈতরণী-নদী পার হইতে পারে। ৩৬। তাহারই দক্ষিণ-ভাগে সর্বপাপহারী হিরণ্যগর্ভ নামক তীর্থ রহিয়াছে, সেই তীর্থে স্নান করিলে মানব কখনও ভ্রবণহীন হয় না। ৩৭। তাহারই দক্ষিণে সর্বপ্রকার তীর্থ হইতে

উত্তম প্রণব-তীর্থ বিদ্যমান আছে, তথায় স্নানমাত্রেই মানব জীবনমুক্ত হইতে পারে। ৩৮। তাহার দক্ষিণে দর্শকগণেরও পাপহারী পিশঙ্গিলা নামে তীর্থ বিদ্যমান আছে, হে অগস্ত্যমুনে। আমি সেই তীর্থে অধিষ্ঠিত আছি এবং ইহা পরম-সিদ্ধিপ্রদ, যে ব্যক্তি পিশঙ্গিলা-তীর্থে স্নান করিয়া আমাকে অর্চনা করিবে, সেই ব্যক্তি আমার মিত্র হইবে ও সূর্যের দ্বারা তেজলাভ করিতে পারিবে, পিশঙ্গিলা-তীর্থে স্নানান্তর যৎকিঞ্চিৎ দ্রব্য প্রদান করিয়াও মনুষ্য আর কেন স্বকৃত পাপ হইতে ভয় পাইয়া থাকে, অশ্রুত মৃত্যুতেই বা তাহার ভয়ের সম্ভাবনা কি? ৩৯-৪১। তাহারই সম্মুখে ত্রিবিষ্টপ লিঙ্গের দৃষ্টিপাতে পবিত্রীকৃত ভূভাগ মনোমলপর্য্যন্ত বিনাশকারী পিলিপলা নামে পরম তীর্থ বিদ্যমান রহিয়াছে, তথায় স্নানান্তর শ্রাদ্ধাদি করিয়া, দীন ও অনাথবর্গকে পরিতোষ করিলে মানব মহতী সমৃদ্ধি লাভ করিতে পারে। ৪২-৪৩। তাহারই সম্মুখে নাগেশ্বর-তীর্থ বিদ্যমান রহিয়াছে, এই নাগেশ্বর-তীর্থ মহাপাতকনাশে সমর্থ, এই তীর্থে স্নানমাত্রেই সকল প্রকার পাপ হইতে মুক্তিলাভ করিতে পারা যায়। ৪৪। তাহার দক্ষিণ-ভাগে কর্ণাদিত্য নামে এক উত্তম তীর্থ বিদ্যমান আছে, সেই তীর্থে স্নান করিলে মানব সূর্যের দ্বারা দীপ্তিলাভ করিতে পারে। ৪৫। তাহার দক্ষিণভাগে মহাপাতক-বিনাশকারী ভৈরব-তীর্থ বিদ্যমান আছে, তথায় স্নানাদি করিলে মানব চতুর্বর্গ-সিদ্ধি লাভ করে ও সকল প্রকার বিঘ্নরহিত হয়। ৪৬। মঙ্গলবার অষ্টমী-তিথিতে তথায় স্নানান্তর কালভৈরবকে দর্শন করিলে মানব কলি ও কালের হস্ত হইতে পরিত্রাণ পায়। ৪৭। ভৈরব-তীর্থের পূর্বভাগে ধর্ষনুসিংহ নামে একটি উৎকৃষ্ট তীর্থ বিদ্যমান আছে, তথায় স্নান করিলে মানবের আর পাপ হইতে ভয়ের সম্ভাবনা কোথায়? ৪৮। তাহার দক্ষিণদিকে মার্কণ্ডেয় নামক একটি অতিনির্মল তীর্থ বিদ্যমান আছে, তথায় স্নান করিলে মানবগণ কোন কালেও অপমৃত্যুভাগী হয় না। ৪৯। তাহার দক্ষিণেই সর্বতীর্থনিষেবিত পঞ্চনদ নামক তীর্থ রহিয়াছে, তথায় স্নান করিলে মানবের আর সংসারে জন্মলাভ করিতে হয় না। ৫০। ব্রহ্মাণ্ডমধ্যে যত তীর্থ বিদ্যমান আছে, তাহারা সকলেই কার্ত্তিক-মাসে পানীগণ হইতে গৃহীত নিজ পাপরাশি হইতে মুক্তি পাইবার জন্য যে তীর্থে আগমন করে; সর্বকালেই দশমী, একাদশী ও দ্বাদশী-তিথিতে সকল তীর্থই নিজ নির্মলতালাভের নিমিত্ত যথায় আসিয়া মিলিত হয়; যতপি কাশীতে প্রতিপাদেই বহুতর তীর্থ বিদ্যমান আছে, তথাপি যে পঞ্চনদের মহিমা তাহার মধ্যে কুত্রাপিও বিদ্যমান নাই; সেই পঞ্চনদ-তীর্থে একদিনও স্নানাদি করিয়া সামর্থ্যানুসারে

জপ, হোম, দান, বা দেবপূজা করিলে মানবগণ কৃতকৃত্যতাল্লাভে সমর্থ হয় । ৫১-৫৪ । সকল তীর্থগণকে একদিকে ও অপরদিকে এই পঞ্চনদ-তীর্থকে রক্ষা করত তুলনা করিলে, অপর নিখিল তীর্থগণও পঞ্চনদের এক কলারও মহিমালাভে সমর্থ হয় না । ৫৫ । পঞ্চনদ-তীর্থে স্নানানন্তর ত্রীবিম্বুমাধবকে ভক্তিপূর্বক বিলোকন করিলে মানব আর জননীজঠরে প্রবেশ করে না । ৫৬ ।

পঞ্চনদের পরেই জ্ঞান-হ্রদ নামক তীর্থ বিদ্যমান রহিয়াছে, জড়গণেরও জড়তানিবারণকারী সেই তীর্থে স্নান করিলে মানব আর জ্ঞানভ্রষ্ট হয় না । ৫৭ । জ্ঞান-হ্রদে স্নানান্তে জ্ঞানেশ্বর-লিঙ্গের দর্শন করিলে মানব সেই জ্ঞান-লাভ করিতে পারে ; বাহার প্রসাদে আর ত্রিবিধ-তাপ ভোগ করিতে হয় না । ৫৮ । তাহার পরেই সর্ব্ব অমঙ্গলাপহারী মঙ্গল-তীর্থ বিদ্যমান রহিয়াছে, তাহাতে অবগাহন করিলে মানব সর্ব্বপ্রকার মঙ্গল-লাভ করিতে সক্ষম হয় । ৫৯ । মঙ্গল-তীর্থে স্নানান্তে মঙ্গলেশ্বরকে দর্শন করিলে মানবের নিখিল মঙ্গল-লাভ হয়-ও সর্ব্বপ্রকার অমঙ্গল দূরে যায় । ৬০ । তাহারই অগ্রভাগে ময়ূখমালি-তীর্থ বিদ্যমান আছে, পাপবিনাশন সেই তীর্থে স্নানান্তে গভস্তীশ্বরকে বিলোকন করিলে মানব নিঃশূলতা লাভ করিতে পারে । ৬১ । সেই স্থানেই মথেশ্বরের সমীপে মথ-তীর্থ বিদ্যমান রহিয়াছে, যে নরোত্তম সেই তীর্থে স্নান করে, সে অনায়াসে যজ্ঞের ফল লাভ করিতে পারে, তাহাতে সন্দেহ নাই । ৬২ । তাহারই পার্শ্বদেশে পরমজ্ঞানপ্রদ বিন্দু-তীর্থ বিদ্যমান রহিয়াছে, তথায় শ্রাদ্ধাদি করিলে মানব পরম স্নাত্তিলাভে সমর্থ হয় । ৬৩ । তাহার দক্ষিণদিকে পিঙ্গলাদমুনির তীর্থ বিদ্যমান রহিয়াছে, শনিবার তথায় স্নান করিয়া পিঙ্গলেশ্বর দর্শন ও তত্রস্থ পিঙ্গলবৃক্ষকে “অশ্বখ” ইত্যাদি মন্ত্রদ্বারা নমস্কার করিলে মানব কখনও শনি-গ্রহজন্য পীড়া প্রাপ্ত হয় না এবং কখনও দুঃস্বপ্ন-জন্ম ফল-লাভ করে না । ৬৪-৬৫ । তাহার পরে পাতক-বিনাশন তাম্রবরাহাখ্য-তীর্থ বিদ্যমান রহিয়াছে, তথায় স্নানানন্তর সাধ্যানুসারে দান করিলে মানব আর কদাপিও পাপ-মাগরে মগ্ন হয় না । ৬৬ । তাহারই সম্মুখকটে কলিকলুষহারিণী কালগঙ্গা নামে তীর্থ বিদ্যমান রহিয়াছে, বুদ্ধিমান মানব তথায় স্নান করিলে তৎক্ষণাৎ স্থিরবুদ্ধি লাভ করিতে পারে । ৬৭ । তাহার নিকটেই ইন্দ্রদ্যুম্নেশ্বরের সম্মুখানে ইন্দ্রদ্যুম্ন-তীর্থ বিদ্যমান আছে, তথায় স্নানান্তে পিতৃগণের তর্পণাদি করিলে মানব ইন্দ্রলোক প্রাপ্ত হয় । ৬৮ । তাহার পরেই রামেশ্বরের সম্মুখকটে রাম-তীর্থ বিদ্যমান আছে, সেই তীর্থে স্নান করিলে মানব বিষ্ণুলোকে প্রাপ্ত হয় । ৬৯ । তাহার পরেই

সর্বপাতকনাশন ঐশ্ব্যকের তীর্থ বিদ্যমান আছে, তথায় স্নান করিলে মনুজোন্তম পবিত্রচিত্ত হইতে পারে । ৭০ । তাহারই প্রান্তভাগে মরুস্তেশ্বর সমিধানে মরুতীর্থ বিদ্যমান আছে, তথায় স্নানান্তে মরুস্তেশ্বর দর্শন করিলে মানব মহৎ ঐশ্ব্যলাভে সমর্থ হয় । ৭১ । তাহার পরেই মহাপাতকনাশন মৈত্রাবরুণ-তীর্থ বিদ্যমান আছে, তথায় স্নানান্তে পিতৃপিণ্ড প্রদান করিলে মানব পিতৃলোকের প্রিয় হইতে পারে । ৭২ । তাহার পরে অগ্নীশ্বরের পুরোভাগে সুবিমল অগ্নি-তীর্থ বিদ্যমান আছে, সেই তীর্থে স্নান করিলে মানব অগ্নিলোক প্রাপ্ত হয় । ৭৩ । তাহার সমীপে অঙ্গারেশ্বরসমিধানে অঙ্গার-তীর্থ বিদ্যমান আছে, অঙ্গারচতুর্থী-তিথিতে তথায় স্নান করিলে মানব সকল পাপ হইতে মুক্তিলাভ করিতে পারে । ৭৪ । তাহার সমীপে-কলশেশ্বরসমিধানে কলশ-তীর্থ বিদ্যমান রহিয়াছে, তথায় স্নানান্তে কলশেশ্বরের অর্চনা করিলে আর কলিকাল হইতে ভয়ের সম্ভাবনা কি ? ৭৫ । তাহার নিকটে চন্দ্রেশ্বরের সমিধানে চন্দ্র-তীর্থ বিদ্যমান রহিয়াছে, তথায় স্নানান্তে চন্দ্রেশ্বরকে পূজা করিলে মানব চন্দ্রলোক প্রাপ্ত হয় । ৭৬ । তাহার অগ্রে বীরেশ্বর-লিঙ্গের সমিধানে তীর্থগণের মধ্যে পরমোত্তম যে তীর্থ বিদ্যমান রহিয়াছে, আমি পূর্বে তোমার নিকটে এই তীর্থের মাহাত্ম্য কীৰ্ত্তন করিয়াছি । ৭৭ । তাহারই সন্মিকটে সর্ববিস্মবিনাশকারি বিরেশ-তীর্থ বিদ্যমান আছে, তথায় স্নান করিলে মানব কদাপিও বিস্ম হইতে পরিত্রাণপ্রাপ্ত হয় না । ৭৮ । তাহারই কিয়দূরে হরিশ্চন্দ্র রাজর্ষির তীর্থ বিদ্যমান আছে, সেই তীর্থে স্নান করিলে মানব কদাপিও সত্যমার্গ হইতে পরিত্রাণপ্রাপ্ত হয় না । ৭৯ । হে ধীর নৃপতে ! দানাদি দ্বারা হরিশ্চন্দ্র-তীর্থে যাহা কিছু শুভাদৃষ্ট অর্জিত হয়, তাহা ইহলোকেও পরলোকে কদাপিও ক্ষয়প্রাপ্ত হয় না । ৮০ । তৎপরে পর্বত-তীর্থ বিদ্যমান রহিয়াছে, এই তীর্থের সম্মুখেই পর্বতেশ্বর-লিঙ্গ বিরাজমান । পর্বতকাল বা অপর্বতকালেও তথায় স্নান করিলে মানব সর্বপর্বে সৎক্রিয়াকরণে ফল-লাভ করিতে পারে । ৮১ । তথায়ই সর্বপ্রকার বিষ দূরকরণে সমর্থ কন্দলাশ্বতর নামক তীর্থ রহিয়াছে, তথায় স্নান করিলে মানব গীতবিজ্ঞাবিশারদ হইতে পারে । ৮২ । তৎপরে সর্ববিজ্ঞা-প্রদান-সমর্থ সারস্বত-তীর্থ বিদ্যমান রহিয়াছে, সেই তীর্থে সকল দেব, ঋষি ও মানবগণের সহিত পিতৃলোক বাস করিয়া থাকেন । ৮৩ । তথায় সর্বশক্তিসমমিত উমা-তীর্থ বিদ্যমান রহিয়াছে, তথায় স্নান করিলে মানব নিশ্চয়ই উমালোকে গমন করিতে সমর্থ হয় । ৮৪ । তাহার সন্মিকটে ত্রিলোকবিখ্যাত ত্রিলোকোদ্ধারসমর্থ ও সর্বশ্রেষ্ঠতর মণিকর্ণিকা-তীর্থ বিদ্যমান রহিয়াছে, সেই স্থানে ভগবান্ বিষ্ণু সর্ব প্রথমই চক্রপুঙ্করিণী-তীর্থে নামমাত্র



শ্রবণেই সকল প্রকার পাপ হইতে মুক্ত হওয়া যায় । দেবগণও ত্রিসঙ্খ্যায় “মণি-কর্ণিকা” নাম জপ করিয়া থাকেন, মণিকর্ণিকার নাম গ্রহণ করিলেও পুরুষ বা নারী সর্বপ্রকার মঙ্গল লাভ করিয়া থাকে । এ সংসারে তাঁহারা কৃতী ও তাঁহারা কৃতকৃত্য ; যাঁহারা মণিকর্ণিকার নাম শ্রবণ করিয়াছেন ও অনবরত মণিকর্ণিকার স্মরণ করিয়া থাকেন । হে কুন্তুঘোনে ! এ সংসারে যে মহাত্মাগণ মণিকর্ণিকানাম জপ করেন, আমি সর্বদা সেই সকল পুণ্যকৰ্ম্মা মানবগণের নাম শ্রদ্ধা পূর্বক জপ করিয়া থাকি, সহশ্রশত মহাদক্ষিণা দ্বারা পরিসমাপ্ত অনন্ত মহাযজ্ঞ তাঁহারা করিয়াছেন ; যাঁহারা সর্বদা “মণিকর্ণিকা” এই পঞ্চাঙ্গুরী মহাবিষ্ঠা-মন্ত্রকে উচ্চারণ করিয়া থাকেন । মণিকর্ণিকাকে লাভ করিয়া যে ব্যক্তি মহেশ্বরের পূজা করিয়াছে, সেই পুণ্যকৰ্ম্মা ব্যক্তি মহাদান প্রদান করিয়াছে, তাহাতে আর সন্দেহ কি ? মণিকর্ণিকার জলের দ্বারা যে ব্যক্তি নিজ পিতৃলোকের তর্পণ করিয়াছে, সে ব্যক্তিই যথার্থ গয়াতে মধু ও পায়স দ্বারা পিতৃলোকের শ্রাদ্ধ করিয়াছে । যে শুদ্ধবুদ্ধি মানব মণিকর্ণিকার জল পান করিয়াছে, তাহার আর সংসারে পুনরাবৃত্তিকারি গোমপানের আবশ্যক কি ? তাহারাই মহাপর্ব-দিনে মহাভীর্থে অনন্তবার স্নান করিয়াছে এবং তাহার সকল প্রকার অবভূথ-স্নান করিয়াছে ; যাঁহারা ভক্তি পূর্বক মণিকর্ণিকায় স্নান করিয়াছে তাহারই যজ্ঞে ব্রহ্মা, বিষ্ণু প্রমুখ দেবগণকে পূজা করিতে পারিয়াছে ; যাঁহারা স্বর্ণকুন্তুম ও রত্নের দ্বারা মণিকর্ণিকার পূজা করিয়াছে । যে ব্যক্তি প্রত্যহ মণিকর্ণিকার পূজা করে, সেই ব্যক্তিই যথার্থ শিবভক্তিপরায়ণ ও সেই যথার্থ পার্বতীর সহিত মহেশ্বরের পূজা করিতে সমর্থ হইয়াছে । ৮৫-৯৬ । শীর্ণপ্রাদি ভক্ষণ দ্বারা সেই ব্যক্তিই যথার্থ মহাতপস্তা করিয়াছে ; যে ব্যক্তি শ্রদ্ধা সহকারে শ্রীমতী মণিকর্ণিকার সেবা করিয়াছে । অনন্ত দান ও ওবহুতর তপস্তার ফলে বহুকাল স্বর্গৈশ্বর্য্য ভোগ পূর্বক এই মহীতলে জন্মগ্রহণ করিয়া পঞ্চক্রোশী বারাগসীতে আগমন করত যাঁহারা মণিকর্ণিকার আশ্রয় করিয়াছে, তাহারই যথার্থ অপুনরাবৃত্তি লক্ষণ পরমৈশ্বর্য্যলাভে সমর্থ হইয়াছে । ৯৭-৯৯ । দান, ব্রত, যজ্ঞ ও তপস্তার ফল সেই ব্যক্তি ভোগ করে ; যে মণিকর্ণিকায় নির্বিশেষে অবস্থান করে । এই মণিকর্ণিকা সাক্ষাৎ মোক্ষলক্ষ্মী, ইহাঁর মহিমা বর্ণন করিতে সাক্ষাৎ মহেশ্বরও সক্ষম কি না তাহাতে সন্দেহ আছে । ১০০—১০১ ।

মণিকর্ণিকার দক্ষিণে রুদ্রাবাস নামে মহাপাশুপত-ভীর্থ বিद्यমান রহিয়াছে তৎপরে বিশ্বভীর্থ । ১০২ । তৎপরে মুক্তি-ভীর্থ, তাহার দক্ষিণে ‘অবিমুক্ত-ভীর্থ, তৎপরে যথাক্রমে তারক-ভীর্থ ও চুন্ডি-ভীর্থ, ১০৩ । তৎপরে ভবানী-ভীর্থ,

ঈশান-তীর্থ, জ্ঞান তীর্থ, নন্দ-তীর্থ, বিষ্ণু-তীর্থ ও পিতামহ-তীর্থ । ১০৪ । তৎপরে নাভি-তীর্থ, ব্রহ্মনাল-তীর্থ, তৎপরে ভাগীরথ-তীর্থ, ইহার বিষয় আমি পূর্বে তোমার নিকট কীৰ্ত্তন করিয়াছি । ১০৫ । কানী নিম্নে প্রবহমানা উত্তরবাহিনী গজাভে অনেক তীর্থ বিচ্যমান আছে, আমি এইস্থলে তোমার নিকট অল্প তীর্থের বিষয়ই কহিলাম । ১০৬ । এই সকলের মধ্যে পঞ্চতীর্থই সর্বাপেক্ষা শ্রেষ্ঠ, এই পঞ্চ-তীর্থে স্নান করিলে মানব আর গর্ভবাস-যন্ত্রণা ভোগ করে না । ১০৭ । এইক্ষণে পঞ্চতীর্থের নাম উল্লেখ করিতেছি :—প্রথম তীর্থ অসি-সঙ্গম, ইহাও সর্বতীর্থগণের মধ্যে অতি শ্রেষ্ঠ, দ্বিতীয় সর্বতীর্থসেবিত দশাশ্বমেধ, তৃতীয় আদিকেশবসম্মিধানে পাদোদক-তীর্থ, চতুর্থ পাঞ্চনদ তীর্থ, এই তীর্থে স্নানমাত্রেই যাবতীয় পাপ বিনষ্ট হয় । এই চারটি তীর্থ হইতে অতিশ্রেষ্ঠ মনঃ ও শরীরের শুদ্ধিপ্রদ পঞ্চমতীর্থ মণিকর্ণিকা । ১০৮-১১০ । এই মণিকর্ণিকাতে বিষ্ণু ও ব্রহ্মা, মহেন্দ্র এবং দেবর্ষি ও মহর্ষিগণের সহিত আমি প্রতিদিন স্নান করিয়া থাকি । হে রাজন্ ! এই কারণেই নাগলোক ও স্বর্গলোকবাসিগণ কর্তৃক এই ঐতি-সম্মত গাথা প্রতিদিন গীত হইয়া থাকে যে, “মণিকর্ণিকার সদৃশ তীর্থ ব্রহ্মাণ্ডগোলকে বিচ্যমান নাই, ইহা সত্য ! সত্য ! সত্য !” পঞ্চ-তীর্থে স্নান করিয়া মানব আর পাঞ্চভৌতিক-দেহ ধারণ করে না । এবং মহাদেবমূর্তি ধারণ করিয়া থাকে । ১১১-১১৪ । বীর নৃপতিকে এই প্রকার বর প্রদান করিয়াও তীর্থের বিবরণ ব্যক্ত করিয়া, দেব মহেশ্বর অস্থহিত হইলেন ; সেই বীর নৃপতিও বীরেশ্বরের অর্চনা করিয়া ষথাসমীহিত লাভ করিলেন । ১১৫ ।

স্কন্দ কহিলেন, হে অগস্ত্য ! এই পবিত্র তীর্থাধ্যায়টি যে ব্যক্তি শ্রবণ করিবে, তাহার শতজন্মান্ধিত্ত পাপসমূহ বিনাশপ্রাপ্ত হইবে । ১১৬ । হে কুন্তসম্ভব ! তীর্থাখ্যানপ্রসঙ্গে আমি তোমার নিকটে বীরেশ্বর-লিঙ্গের আবির্ভাবকথা কীৰ্ত্তন করিলাম, এইক্ষণে কামেশ-লিঙ্গের বিষয় কীৰ্ত্তন করিতেছি, শ্রবণ কর । ১১৭ ।

## পঞ্চাশীতিতম অধ্যায় ।

—\*—

দুর্বাসার বর-প্রদান-কথন ।

স্বন্দ্র কহিলেন, জগজ্জননী পার্বতীর নিকট ভগবান্ পুরারি যে পবিত্র কথা বলিয়াছিলেন, তাহা আমি তোমাকে বলিতেছি । পুরাকালে একদিন মহাতেজা মহাক্রোধী এবং মহাতপস্বী দুর্বাসা, এই সমাগরা পৃথিবী ভ্রমণ করিয়া মহেশ্বরের আনন্দকাননে আসিয়া উপস্থিত হইলেন । দুর্বাসা, মহেশ্বরের সেই আনন্দকাননকে বহুতর প্রাসাদ, কুণ্ড ও তড়াগমণ্ডিত দর্শন করিয়া পরম পরিতোষ লাভ করিলেন, স্থানে স্থানে ঋষিগণের রমণীয় পর্ণ-কুটার দর্শনে বিস্মিত হইলেন, সুচ্ছায়, স্নিগ্ধ-পল্লব, সর্ববর্ষকুমুমশালী, ফলবান্ এবং সুন্দরতাবেষ্টিত বৃক্ষসমূহকে দর্শন করিয়া সেই মুনিবর বিশেষ প্রীতলাভ করিলেন এবং তিনি সর্বদায়ে বিভূতি-ভূষিত, জটাজুটি-মস্তক, কোপীন-বাসা, স্মারিধ্যান-তংপর, কঙ্কধূত-অলাবুপাত্র-গৃহীত-কমণ্ডলু, পাশুপতগণকে দর্শন করিয়া অতীব হর্ষ হইলেন । ১-৮ । কোন স্থানে নিঃসঙ্গ, নিম্পরিগ্রহ, বিবেচনাক্ষর এবং কাল হইতেও নিঃশব্দ ত্রিদশগণকে, কোথায়ও বা বেদরহস্তজ্ঞ, আবালব্রহ্মচারী এবং নিত্য ভাগীরথীতে স্নাননিবন্ধন পিঙ্গলকেশ ব্রাহ্মণনিচয়কে দর্শন করিয়া, সেই ঋষিপ্রবর বিশেষ আনন্দিত হইলেন । ৯-১১ । কালীতে পশুগণেও যে ভূষ্টি, যুগগণেও যে দ্রাঘি, ত্রিধাক্-জাতিতেও যে আনন্দ আছে, অথ কোন স্থানেও তাহা নাই । যে কোন স্থানের ত্রিধাক্জাতির পক্ষেও কালী যেমন আনন্দের স্থান, স্বর্গেও দেবগণের জন্ম এমন কি কোন স্থান আছে ? ১২-১৩ । আনন্দবনচারী এই সদানন্দ পশুগণও শ্রেষ্ঠ, ইহাদের অপেক্ষা নন্দন-কাননাশ্রিত দেবগণও শ্রেষ্ঠ নহেন । কালীপুরী-বাসী স্নেহুও শ্রেষ্ঠ, কারণ তাহাদেরও অস্তিসে শুভগতি লাভ হয়, কিন্তু স্থানান্তর-নিবাসী দীক্ষিত ব্রাহ্মণও শ্রেষ্ঠ নহে, কারণ তাহার মুক্তিলাভ নিশ্চয় নহে । এই বিবেচন-নগরী আমার যেমন চিত্তহারিণী সমস্ত পৃথিবী বা স্বর্গ কিম্বা নাগ-লোকও তাদৃশ নহে । ১৪-১৬ । এখানে আসিয়া আমার মন যেমন স্থির হইয়াছে, আমি সর্বত্রই ভ্রমণ করিয়াছি, কিন্তু কোন স্থানেই আমার মনোগতি এতদৃশ স্থিরতা লাভ করে নাই । অখিল ব্রহ্মাণ্ডমধ্যে এই পুরীই রমণীয় । দুর্বাসা

এইরূপ প্রশংসা করিয়া কাশীতেই অবস্থিতিকরত তপস্তা করিতে প্রবৃত্ত হইলেন । সেই ব্রহ্মতপা বহুকাল তপস্তাকরত কোন ফল প্রাপ্ত না হইয়া, অতিশয় ক্রুদ্ধ ভাবে বলিতে লাগিলেন যে, দুষ্কৃত তপসরূপী আমাকে দিচ্ । দুষ্কৃত তপস্তাকেও দিচ্ এবং সকলেরই প্রতারক এই ক্ষেত্রকেও দিচ্ !!! এখানে বাহাতে কাহারও মুক্তি না হয়, আমি তাহা করিতেছি, এই বলিয়া যেমন শাপপ্রদান করিতে উদ্ভত হইবেন, অমনই মহেশ্বর হস্ত করিলেন । তৎক্ষণাৎ সেই স্থলে প্রহসিতেশ্বর নামক একটা লিঙ্গ আবির্ভূত হইলেন । সেই লিঙ্গ দর্শন করিলে মানবগণের পদে পদে আনন্দলাভ হয় । ১৭-২২ । মহেশ্বর দুর্বাসার ক্রোধ দর্শনে বিস্মিত হইয়া মনে মনে কহিলেন যে, “ঈদৃশ তপস্বিগণকে বারম্বার নমস্কার, এইরূপ ব্রাহ্মণগণ যেখানে তপস্তা করেন, সেই স্থানই আশ্রম হয়, যে স্থানে ইহারা প্রতিষ্ঠালাভ করেন, সেই স্থানেই ইহাদের ক্রোধ উৎপন্ন হয় না, এই সমস্ত তপসগণ যেখানে কিছুমাত্র নিজের অভিলষিত বিষয় প্রাপ্ত না হন, সেইখানেই ইহারা তপোলক্ষ্যীর অপহারক ক্রোধকর্তৃক পরাজিত হন । তথাপি বাহারা নিজের জ্যেয়োবুদ্ধি কামনা করে, তাহাদের ইহাদিগকে মাশ্রু করা উচিত ; তপস্বিগণ ক্রোধী বা অক্রোধী হউন, তাহাতে অপরের চিন্তা কি ?” মহেশ্বর মনে মনে এইরূপ ভাবিতেছেন, ইতিমধ্যেই সেই মহর্ষির ক্রোধজনিত অনল গগনমণ্ডল ব্যাপ্ত করিল । ২৩-২৭ । সেই মহর্ষির ক্রোধানল-ধূমে গগনানন্দন ব্যাপ্ত হইয়া যে নীলিমা ধারণ করিয়াছিল, গগন অত্মাপিও সেই মহন্তর নীলিমাতে ধারণ করিয়া রহিয়াছে । দুর্বাসার ক্রোধানলে গগন-মার্গ পরিব্যাপ্ত হইলে মহেশ্বরের গণসমূহ শ্রলয়কালীন সমুদ্র-জলের স্তায় ক্ষুদ্র হইয়া, “এক একি” পরস্পর এইরূপ ভীষণ করত আয়ুধহস্তে গর্জজন করিতে করিতে আনন্দকাননের চতুর্দিকে ধাবিত হইল । ২৮-৩০ । আমরা ক্রুদ্ধ হইলে ষমই বা কে, কালই বা কে, মৃত্যুই বা কে, অন্তকই বা কে, বিধাতাই বা কে, দেবগণই বা কে এবং বিষ্ণুই বা কে ? আমরা কি অগ্নিকে জলের স্তায় পান করিব, অথবা পর্বতনিচরকে চূর্ণ করিব কিম্বা সপ্ত-সমুদ্রে এককালে মরুভূমি করিব অথবা পাতালকে উর্দ্ধে আনিব কিম্বা স্বর্গকে অধঃস্থ করিব অথবা গগনকে একগ্রাসে কবলিত করিব কিম্বা ক্ষণমধ্যে ব্রহ্মাণ্ড-ভাণ্ডকে চূর্ণ করিব বা কাল ও মৃত্যুকে পরস্পর আত্মশালিত করিব বা যথায় মৃত হইয়াই জীবগণ মুক্ত হয়, সেই বারাণসীপুরী ভিন্ন সমস্ত ভুবন গ্রাস করিব ? কোথা হইতে এই ধুমরাশি উপস্থিত হইল, কোথা হইতেই বা এই জ্বালাবলী উৎপত্ত হইল ? কোন্ মদাঙ্ক ব্যক্তি মৃত্যুঞ্জয় রূপকে আনিতেছে না ? এইরূপ

বলিতে বলিতে নন্দী, নন্দিষেণ, সোমনন্দি, মহোদর, মহাহসু, মহাগ্রীব, মহাকাল, জিতাস্তক, মৃত্যুপ্রকম্পন, ভীম, বণ্টাকর্ণ, মহাবল, ক্রোভণ, দ্রাবণ, জ্জু, পঞ্চাস্ত, পঞ্চলোচন, দ্বিশিরা, ত্রিশিরা, সোম, পঞ্চহস্ত, দশানন, চণ্ড, ভৃঙ্গিরিটি, তুণ্ডি, প্রচণ্ড, তাণ্ডবপ্রিয়, পিচিণ্ডিল, শূলশিরা, শূলকেশ, গভস্তিমান্, ক্ষেমক, ক্ষেমধ্বা, বীরভদ্র, রণপ্রিয়, দণ্ডপাণি, শূলপাণি, পাশপাণি, ক্রোধোদর, দীর্ঘগ্রীব, পিঙ্গাক্ষ, পিঙ্গল, পিঙ্গমূৰ্দ্ধজ, বহুনেত্র, লম্বকর্ণ, খর্ব্ব, পর্ব্বতবিগ্রহ, গোকর্ণ, গজকর্ণ, কোকিলাক্ষ, গজানন, নৈগমেয়, বিকটাস্ত, অট্টহাসক, সৌরপাণি, শিবারাব, বৈণিক, বেণুবাদন, দুরাধ্ব, দুঃসহ, গৰ্জ্জন, এবং রিপুতর্জ্জন প্রভৃতি শতকোটি দুরাসদ গণেশ্বরগণ সেই প্রলয়ানলকে শিলার আয় খণ্ড-খণ্ড করত একটী প্রাকার নির্মাণ করিয়া কাশীতে প্রভঞ্নের গতি পর্য্যন্ত রোধ করিল। ৩১-৪৬। সেই সমস্ত বীর ক্ষুব্ধ হইলে, দুর্বাসার ক্রোধানলে ব্যাকুলীকৃত ত্রিভুবন কাঁপিতে লাগিল। তখন চন্দ্র ও সূর্য্য গণসমূহ কর্তৃক অমুজ্জাত হইয়া কাশীতে প্রবেশ করিলেন। ত্রিভুবনকে ব্যাকুল দেখিয়া ভগবান্ উমাপতি অতিক্রুদ্ধ সেই গণসমূহকে “এই দুর্বাসা মুনি আমারই অংশ” এই বলিয়া নিবারণকরত দুর্বাসার সম্মুখস্থ সেই লিঙ্গ হইতে মহাতেজোময়রূপে আবির্ভূত হইয়া, “কাশীতে নির্বাণের প্রতিবন্ধক মুনির এই শাপ না হউক” এই অভিপ্রায়ে সেই মুনির সম্মুখে অবস্থিত হইয়া তাঁহাকে কহিলেন যে, হে মহাক্রোধন তাপস! আমি প্রসন্ন হইয়াছি, তুমি নিঃশঙ্কভাবে তোমার অভিলষিত বর প্রার্থনা কর। হে অগস্ত্য! তখন শাপ-প্রদানোত্তম সেই মুনি লজ্জিত হইয়া বলিলেন যে, আমি ক্রোধাক্ষ হইয়া বহুতর অপরাধ করিয়াছি, আমি অত্যন্ত ক্রোধের বশীভূত, ত্রিভুবনের অভয়দা কাশীকে আমি শাপ প্রদান করিতে ইচ্ছা করিয়াছিলাম, অতএব আমাকে ধিক্! দুঃখার্ণবে নিমগ্ন, বারম্বার গত্যাতে পরিশ্রান্ত এবং কৰ্ম্মপাশে আবদ্ধ-কণ্ঠ জীবগণের কাশীই একমাত্র মুক্তির সাধন। ৪৭-৫৫। কাশী সমস্ত জীবগণেরই একমাত্র জননী, ইনিই তাহাদিগকে মহামৃতরূপ স্তন্য প্রদান করেন এবং ইনিই তাহাদিগকে পরম পদে লইয়া যান। জননীর সহিত কখন কাশীর তুলনা হয় না, কারণ জননী গর্ভে ধারণ করেন, আর এই কাশী গর্ভ হইতে বিমোচন করেন। এতদৃশী কাশীকে অন্য যে কেহ শাপ প্রদান করিবে, সেই শাপ কাশীর না হইয়া তাহারই হইবে। ৫৬-৫৮। দুর্বাসার এই সমস্ত কাশী-স্তুতিকর বাক্য শ্রবণ করিয়া, মহেশ্বর অতিশয় সন্তুষ্ট হইলেন এবং বলিলেন, যে মেধাবী ব্যক্তি কাশীর স্তুতি করে এবং যে ব্যক্তি কাশীকে স্বদয়ে ধারণ করে, সেই ব্যক্তিই তীব্র তপস্বী

করিয়াছে এবং সেই ব্যক্তিই কোটি ষজ্জ করিয়াছে । ৫৯-৬০ । বাহার জিহ্বায়ে  
 “কাশী” এই দুইটী অক্ষর অবস্থান করে, সেই মেধাবী ব্যক্তির আর কখন গর্ভবাস  
 হয় না । যে ব্যক্তি প্রাতঃকালে বর্ণধয়াজুক “কাশী” এই মন্ত্রটী জপ করে, সে  
 ব্যক্তি লোকদ্বয়কে জয় করিয়া লোকাভীত-পদ লাভ করিয়া থাকে । ৬১-৬২ ।  
 হে আমুসুয়েয় ! এই কাশীর স্তুতিজনিত পুণ্যে এক্ষণে তোমার ষাদশ জ্ঞান  
 উৎপন্ন হইয়াছে, ইহার পূর্বে কেবল তপস্বীতে তোমার এতাদৃশ জ্ঞান উৎপন্ন  
 হয় নাই । হে মুনে ! তুমি এই কাশীর স্তুতি করিয়া আমার ষাদশ প্রিয় হইয়াছ,  
 আমি অশ্রু কোন ভক্তকে এতাদৃশ প্রিয়রূপে কখন দর্শন করি নাই । ৬৩-৬৪ ।  
 কাশীর স্তব করিলে আমি ষাদশ তুষ্ট হই, বহুতর দান, ষজ্জ বা তপস্বার দ্বারাও  
 আমার তাদৃশ সন্তোষ হয় না । যে ব্যক্তি এই আনন্দ-কাননের স্তুতি করে, সেই  
 ব্যক্তি কর্তৃক শ্রুত সূক্তনিচয়ের দ্বারা আমিই স্তুত হইয়া থাকি । হে আমুসুয়েয় !  
 তোমার কামনাচয় পূর্ণ হইবে এবং তুমি মহামোহনাশন জ্ঞান-লাভ করিবে ।  
 হে অনঘ ! তোমার শ্রায় মুনিগণই সাধুগণের শ্লাঘনীয়, অতএব তোমাকে  
 আর কি দিতে হইবে, তাহা বল । বাহার তপোবল আছে, সেই ব্যক্তিই ক্রোধ  
 করিয়া থাকে । অসমর্থ ব্যক্তি ক্রোধ করিয়াও কিছুই করিতে পারে না, সুতরাং  
 তুমি ক্রোধনিবন্ধন আপনাকে লজ্জিত বোধ করিও না । ৬৫-৬৬ । মহেশ্বরের  
 এই বাক্য শুনিয়া দুর্বাসা তাঁহার বহুতর স্তুতি করিয়া আনন্দসহকারে বর প্রার্থনা  
 করিতে লাগিলেন । ৭০ ।

দুর্বাসা কহিলেন, হে দেবদেব ! হে জগন্নাথ ! হে করুণাকর ! হে শঙ্কর !  
 হে মহাপরাধবিশ্বংসিন্ ! হে অক্ষকরিপো ! হে স্মরাস্তক ! হে মৃত্যুঞ্জয় !  
 হে উগ্র ! হে ভূতেশ ! হে যুড়ানীশ ! হে ত্রিলোচন ! হে নাথ ! আপনি  
 যদি প্রসন্ন হইয়া আমাকে বর প্রদান করিতেছেন, তবে এই বর প্রদান করুন  
 যে, এই লিঙ্গ সকলের কামপ্রদ হউন, আর আমার এই ক্ষুদ্র জলাশয় কামকুণ্ড  
 হউক । ৭১—৭৩ ।

দেবদেব কহিলেন, হে মহাতেজস্বিন্ ! হে পরমকোপন মুনে ! তাহাই হউক,  
 তোমার দ্বারা স্থাপিত এই যে দুর্বাসেশ্বর-লিঙ্গ, ইনিই মনুষ্যগণের কামপ্রদ  
 হইয়া কামেশ্বর নামে বিখ্যাত হউন । শনিবার ত্রয়োদশী-তিথিতে প্রদোষকালে  
 যে ব্যক্তি তোমার এই কামকুণ্ডে স্নান করিয়া তোমার স্থাপিত এই লিঙ্গ দর্শন  
 করিবে, সে ব্যক্তি কামপ্রদ দোষনিবন্ধন ষম-যাতনা ভোগ করিবে না । এই  
 কাম-ভীর্থে স্নান করিলে মানবের বহুজন্মকৃত বহুবিধ পাপ ক্ষণমধ্যেই বিলীন

হইয়া যাইবে । এবং কামেশ্বরের সেবা করিলে কামনানিচয় সিদ্ধ হইবে । মহেশ্বর এই বর প্রদান করিয়া সেই লিঙ্গমধ্যে লীন হইলেন । ৭৪—৭৯ ।

স্কন্দ কহিলেন, সেই লিঙ্গের আরাধনা করিয়া দুর্ব্বাসার কামনা পরিপূর্ণ হইয়াছিল, অতএব বাহারা মহাকামাভিলাষী, তাহারা মহাপাতক শাস্তির জন্ত কাশীতে সেই কামকুণ্ডে স্নান করিয়া যত্নপূর্ব্বক সেই কামেশ্বরের পূজা করিবে । যে পুণ্যবান্ ব্যক্তি কামেশ্বরের এই উপাখ্যান পাঠ করিবে এবং যে ব্যক্তি ইহা শ্রবণ করিবে, তাহারা উভয়েই নিম্পাপ হইবে । ৮০—৮১ ।

## ষড়শীতিতম অধ্যায় ।

—\*—

বিশ্বকর্মেশ্বর-প্রাচুর্য্য-কথন ।

পার্বতী কহিলেন, হে দেবদেব । কাশীতে বিশ্বকর্মেশ্বরের নামক যে লিঙ্গ আছে, আপনি তাঁহার উৎপত্তি-বিবরণ কীৰ্ত্তন করুন । ১ ।

দেবদেব কহিলেন, হে দেবি । আমি বিশ্বকর্মেশ্বরের মনোহর ও পাপনাশন প্রাচুর্য্য-বৃত্তান্ত বলিতেছি, শ্রবণ কর । হৃষ্ট নামক প্রজাপতির পুত্র সর্ব্বকর্ম্ম-নিপুণ বিশ্বকর্মা ত্রিমূর্ত্তির একটী মূর্ত্ত্যস্তর, তিনি উপনীত হইয়া গুরুকূলে বাস করত তিন্কার দ্বারা জীবন পোষণ করিয়া গুরু-শুশ্রূষা করিতেন । একদা বর্ষাকাল সমাগত হইলে তাঁহার গুরু তাঁহাকে কহিলেন যে, বাহাতে বর্ষায় আমি ক্লেশ না পাই, তুমি তদনুরূপ একটা পর্ণ-কুটার নির্মাণ কর । ২-৫ । বাহা কোনদিন ভগ্ন হইবে না এবং পুরাতনও হইবে না । তাঁহার গুরুপত্নীও তাঁহাকে, বলিলেন যে, হে স্বাষ্ট্র ! তুমি যত্নপূর্ব্বক আমার উপযুক্ত একটা কঙ্কু প্রস্তুত কর, উহা যেন গাঢ় বা লব্ধ না হয় এবং উহা বস্ত্রের দ্বারা প্রস্তুত না করিয়া বস্ত্রের দ্বারা নির্মাণ করিও, উহার গোভা যেন সতত উজ্জ্বল থাকে । তাঁহার গুরুপুত্র কহিলেন যে, আমার জন্ত একজোড়া পাছুকা প্রস্তুত কর ; বাহা পরিলে আমার পদে যেন কোন মতেই পক্ষ স্পর্শ না হয় এবং উহাতে যেন চর্ম্ম না থাকে ও উহা যেন সুখপ্রদ হয়, উহা পরিধান করিয়া যেন আমি মৃত্তিকার স্রায় জলেও শীঘ্র সঞ্চরণ করিতে পারি ।

৬-৯। গুরুকণ্ঠাও কহিলেন যে, হে স্বাষ্ট্র ! আমার অশ্রু তুমি স্বহস্তে কাঞ্চনের দ্বারা দুইটী কর্ণভূষণ প্রস্তুত কর এবং তোমার স্বহস্তরচিত কুমারীর ক্রীড়ার বোণা কতকগুলি হস্তিদন্ত-নির্মিত পুষ্পলিকা আমাকে প্রদান কর, আর মুবল, উদুখল প্রভৃতি কতকগুলি গৃহোপকরণ-স্রব্য আমাকে প্রস্তুত করিয়া দেও, হে মেধাবিন্ ! ঐ সমস্ত এইভাবে প্রস্তুত করিবে যেন উহার কখনই ত্রুণ না হয়। ১০-১২। এবং উহাদিগকে স্ফালন না করিলেও উহারা যেন সতত উজ্জ্বল থাকে। আর তদ্রূপ স্থালীও প্রস্তুত করিয়া দেও এবং আমাকে এইরূপ পাকক্রিয়া শিক্ষা দেও, যাহাতে আমার অনুলিতে তাপ না লাগে, অথচ পাক উত্তম হয়। আর একখণ্ড কাষ্ঠের দ্বারা একান্তশ্রমের একটী গৃহ প্রস্তুত করিয়া দেও, উহা এইরূপভাবে নির্মাণ করিবে যে, আমার যেখানে ইচ্ছা, আমি সেই স্থানেই ইহাকে রাখিব। ১৩-১৫। বিশ্বকর্ম্মার অশ্রু যেন সমস্ত বয়োজ্যেষ্ঠ সহাধ্যায়ীগণ ছিলেন, তাঁহারাও সকল কর্ম্মেই বিশ্বকর্ম্মারই অপেক্ষা করিতেন, সুতরাং তাঁহাদের কাহারও উপর বিজ্ঞপ্ত না হইয়া এই সমস্ত ভারই বিশ্বকর্ম্মার উপর নিহিত হইল। ১৬। হে অম্লিজে ! বিশ্বকর্ম্মা সকলেরই বাক্য স্বীকারকরত মহাচিন্তা ও ভয়ে আকুল হইয়া বনমধ্যে প্রবেশ করিলেন। বিশ্বকর্ম্মা তখন কিছুই করিতে জানেন না অথচ সকলের নিকটেই স্বীকার করিয়া গিয়াছেন যে, তিনি সকলেরই অভিলাষ পূর্ণ করিবেন, কাজেই বনে গিয়া ভাবিতে লাগিলেন যে, “এক্ষণে কি করি, কোথায়ই বা বাই, কেই বা আমার সাহায্য প্রদান করিবে, আর এই বনমধ্যেই বা আমি কাহার শরণ লইব ? যে ব্যক্তি গুরু, গুরু-পত্নী ও গুরু-সন্তানের বাক্য স্বীকার করিয়া তাহা প্রতিপালন না করে, সে ত নরকে গমন করে। ১৭-২০। ব্রহ্মচারিগণের গুরুসেবাই একমাত্র ধর্ম্ম, গুরুর বাক্য প্রতিপালন না করিলে, কিরূপে আমার নিষ্কৃতি হইবে। গুরুবাক্য প্রতিপালন করিলে সমস্ত মনোরথ সিদ্ধ হয়, মনোরথ-সিদ্ধির আর কোন উপায় নাই, সুতরাং অবশ্যই গুরুর বাক্য প্রতিপালন করা উচিত। ২১-২২। এই বনে থাকিয়াই বা আমি কিরূপে তাঁহার বাক্য প্রতিপালন করিব, আর এখানে কেই বা আমার সহায় হইবে। গুরুবাক্যও দূরে থাকুক, যে ব্যক্তি সামান্ত লোকেরও নিকট প্রতিশ্রুত হইয়া, তাহা প্রতিপালন না করে, সেও নরকে গমন করে। ২৩-২৪। আমি ত অজ্ঞ এবং অসহায়, কিরূপেই বা এই সমস্ত অজীকৃত বিষয় প্রতিপালন করিব। হে ভবিষ্যতে ! আমি গুরুশাপ-ভয়ে তোমাকে প্রণাম করিতেছি”। সেই হৃষ্ট-নন্দন বন-মধ্যে এই সমস্ত চিন্তা করিতে-ছেন এমন সময়ে তিনি দেখিলেন যে, তথায় একজন তপস্বী আসিয়া উপস্থিত



হইলেন। তখন বিশ্বকর্মা সেই তপস্বীকে প্রণাম করিয়া কহিলেন যে, আপনি কে ? এখানে উপস্থিত হইয়া আমার মনকে অতিশয় সুখী করিলেন। আপনাকে দেখিয়া আমার চিস্তানল-তাপিত-গাত্র ক্ষণমধ্যেই যেন হিমালী অবগাহনে শীতলতা লাভ করিল। আপনি কি তাপসরূপে আমার প্রাক্তন-কর্ম্ম আসিয়া উপস্থিত হইলেন, অথবা আপনি করুণা-সাগর মহেশ্বর, আমার প্রতি অনুগ্রহ করিয়া এখানে আবির্ভূত হইলেন ? আপনি যেই হউন, আমি আপনাকে প্রণাম করিতেছি, আপনি আমাকে উপদেশ প্রদান করুন ; আমার গুরু, গুরু-পত্নী এবং গুরুর অপত্য যাহা বলিয়াছেন, কিরূপে আমি সেই অদ্ভুত কর্ম্মনিচয় সম্পন্ন করিব, তাহা উপদেশ করুন ; আপনি এই নির্জ্ঞান-স্থানে বন্ধু হইয়া আমার বুদ্ধির সহায়তা করুন। ২৫-৩১। ব্রহ্মচারী বিশ্বকর্ম্মাকর্তৃক এইরূপ অভিহিত হইয়া সেই তাপস কারুণ্যপূর্ণহৃদয়ে তাঁহাকে উপদেশ প্রদান করিতে লাগিলেন। যে ব্যক্তি প্রামাণিকস্বরূপে জিজ্ঞাসিত হইয়া জিজ্ঞাসকে দুর্ব্বুদ্ধি প্রদান করে, সে ব্যক্তি প্রলয়পর্য্যন্ত ঘোর নরকে বাস করিয়া থাকে। ৩২—৩৩।

তাপস কহিলেন, হে ব্রহ্মচারিন্ ! আমি বলিতেছি, শ্রবণ কর। তোমার এই কার্য্য আর অদ্ভুত কি ? বিশেষ্বরের অনুগ্রহ-বলে ব্রহ্মাও সৃষ্টিতে নিপুণ হইয়াছেন, হে স্বাষ্ট্র ! যদি তুমি কাশীতে সর্ব্বিজ্ঞ বিশ্বনাথের আরাধনা করিতে পার, তাহা হইলে তোমার “বিশ্বকর্মা” এই নাম সত্য হইবে। কাশীতে বিশেষ্বরের অনুগ্রহে অভিলাষনিচয় দুর্লভ থাকে না। যেখানে তনুভ্যাগ করিয়া জীবগণ মোক্ষলাভ করে, তথায় দুর্লভ পদার্থও অতি শুলভ। তথায় বিশেষ্বরের অনুগ্রহে ব্রহ্মা সৃষ্টিকরণ-সামর্থ্য এবং বিষুও সৃষ্টিরক্ষা-প্রবীণতা লাভ করিয়াছেন। অতএব হে বালক ! তুমি যদি নিজ অভিলষ পূর্ণ করিতে ইচ্ছা কর, তাহা হইলে নির্ব্বাণ-লক্ষ্মীর অধিষ্ঠান-ভূমি সেই কাশীক্ষেত্রে গমন কর। ৩৪-৩৮। সেই ভগবান্ শম্ভু, সমস্তই প্রদান করিয়া থাকেন, উপমন্যু তাঁহার নিকট স্বল্পমাত্র দুষ্কৃৎ যাচ্ছা করিয়া ছিলেন, তাহাতে তিনি তাঁহাকে দুষ্কের সমুদ্র প্রদান করিয়াছিলেন। শম্ভুর আনন্দ-কাননে কোন্ ব্যক্তি কোন্ পদার্থ না লাভ করে ? যেখানে বাস করিলে মানব-গণের পদে-পদে ধর্ম্ম লাভ হয় এবং যথায় স্বধূনী জলস্পর্শমাত্রেই মহাপাতক-সম্ভূতি ক্ষিপ্ত ক্ষয়প্রাপ্ত হয়, কোন্ ব্যক্তি সেই কাশীকে আশ্রয় না করে ? ৩৯-৪১। বারাণসীর পথে সঞ্চরণ করিলে প্রতিপদে যাদৃশ ধর্ম্মলাভ হয়, কোটি ষজ্জও তাদৃশ ধর্ম্মলাভ হয় না। যদি তোমার ধর্ম্ম, অর্থ, কাম ও মোক্ষের অভিলাষ থাকে, তাহা হইলে ত্রৈলোক্যপাবনী সেই বারাণসীতে গমন কর। মানবগণ যখন কাশীতে

সর্বদা বিশ্বেশ্বরকে আশ্রয় করে, তখনই তাহাদের সর্বপ্রকার কামনার ফলপ্রাপ্তি হয় । বিশ্বকর্মা, সেই তাপস কর্তৃক এইরূপ অভিহিত হইয়া, সেই তাপসকেই পুনরায় কাশী-প্রাপ্তির উপায় জিজ্ঞাসা করিতে লাগিলেন । ৪২—৪৫ ।

বিশ্বকর্মা কহিলেন, হে তাপস-সন্তম ! যথায় ত্রিভুবনস্থিত কোন পদার্থই সাধকগণের অপ্রাপ্য থাকে না ; মহেশ্বরের সেই আনন্দ-কানন কোথায় ? হে মুনে ! সেই আনন্দকানন স্বর্গে, অথবা মর্ত্যালোকে, কিম্বা পাতালে ? যেখানে সর্বদা আনন্দ-লক্ষ্মী বিরাজমানা, যথায় বিশ্বের কর্ণধার ভগবান বিশ্বেশ্বর তারকজ্ঞান উপদেশ করেন ; যে জ্ঞান লাভ করিয়া জীবগণ তন্ময়তা লাভ করে । যথায় জীবগণের নিঃশ্রেয়স-লক্ষ্মীও স্নলত, অশ্রু মনোরথসমূহের ত কথাই নাই, শত্ভুর সেই আনন্দ-কাননে কে আমাকে লইয়া যাইবে, আমি কি প্রকারে তথায় গমন করিব, তাহা বলুন । বিশ্বকর্মার এই শ্রদ্ধাঘ্রিত বাক্য শ্রবণ করিয়া সেই তপস্বী কহিলেন যে, আমিই তোমাকে তথায় লইয়া যাইব, আমারও কাশীতে গমনের ইচ্ছা আছে । দুর্লভ মনুষ্য-জন্ম লাভ করিয়া যদি কাশীর সেবা না করা যায়, তবে পুনরায় কি আর শ্রেয়ঃসাধন মনুষ্য-জন্ম এবং কর্মবন্ধহারিণী কাশীকে হঠাৎ লাভ করা যাইবে ? কাশীপ্রাপ্তি ব্যতিরেকে মনুষ্যজন্ম ব্যর্থ অতিবাহিত হইলে, আয়ুধ্য এবং ভবিষ্য সমস্তই ব্যর্থ হইয়া যায় । এই জন্ম আমি অতি চঞ্চল সেই মনুষ্য-জীবন সকল করিবার জন্ম কাশীতে গমন করিব, তুমিও মায়া পরিত্যাগ করিয়া আমার সহিত চল ; এইরূপে বিশ্বকর্মা দয়াবান সেই তাপসের সহিত কাশীতে আগমন করিয়া, মনের স্বাস্থ্য-লাভ করিলেন । সেই তাপস তাঁহাকে কাশীতে লইয়া আসিয়া অতর্কিত-গতিতে অন্তর্হিত হইলেন দেখিয়া বিশ্বকর্মা ভাবিলেন যে, এই তাপস অবশ্য সকলের চিন্তিতপ্রদ সেই বিশ্বেশ্বর, তাহাদের সৎপথে মতি স্থির থাকে, তিনি দূরস্থ হইয়াও তাহাদের সমীপে অবস্থান করেন । ৪৬-৫৬ । ত্রিনয়ন সাহার প্রতি প্রণম্য হন, সে ব্যক্তি দূরস্থিত হইলেও তিনি তাহাকে স্বয়ং পথ প্রদর্শন করাইয়া নিকটস্থ করিয়া লন । কোথায় আমি সেই বনমধ্যে চিন্তাকুলিত-চিন্তে অবস্থান করিতেছিলাম, আর যিনি আমাকে উপদেশ প্রদান করিয়া এস্থানে আনয়ন করিলেন, সেই তাপসই বা কোথায় ছিলেন, ভগবান ত্রিলোচনের লীলাই এই যে, তাঁহার ভক্ত যেখানেই থাকুক, তাহার পক্ষে কিছুই দুর্লভ হয় না, কারণ আমিই কোথায় ছিলাম আর এই কাশীই বা কোথায় ছিল । ৫৭-৫৯ । আমি এক্ষণে যখন শরীরী হইয়া জন্মগ্রহণ করিয়াছি, তখন নিশ্চয়ই বোধ হইতেছে যে, ইহার পূর্বে কোন জন্মেই আমি শত্ভুর আরাধনা করি নাই, এ জন্মেও আমি তাঁহার

আরাধনা করি নাই, ইহা'ত প্রত্যক্ষই দেখা যাইতেছে, তবে কোথা হইতে আমার উপর মহেশ্বরের এইরূপ অনুগ্রহ হইল ? অহো ! বুঝিয়াছি, আমার গুরু-ভক্তিই মহেশ্বরের এই অনুগ্রহের কারণ, বাহার বলে কৃপালু হইয়া মহেশ্বর আমাকে এস্থানে আনয়ন করিয়াছেন। ৬০-৬২। অথবা মহেশ্বরের এই অনুগ্রহের কারণ চিন্তা করা আমার বুঝা, তিনি অগ্ৰাণ্য দেবতার স্থায় কোন কারণের অপেক্ষা করেন না, তিনি'ত দরিত্রের উপরও অনুগ্রহ করিয়া থাকেন, অতএব তাঁহার অনুগ্রহের প্রতি তাঁহার কৃপাই একমাত্র কারণ। আমার উপর যদি তাঁহার দয়া না হইত, তবে আমি কিরূপে সেই বনমধ্যে সেই তাপসকে প্রাপ্ত হইতাম, অতএব নিশ্চয়ই ভগবান্ সেই তাপসবেশে আমাকে এস্থানে আনয়ন করিয়াছেন। ৬৩-৬৪। দান, বস্ত্র, তপস্যা বা ত্রতনিচয় মহেশ্বরের প্রসন্নতার হেতু নহে, একমাত্র তাঁহার কৃপাই তাঁহার প্রসন্নতার প্রতিহেতু। যে সমস্ত ব্যক্তিগণ সাধুগণের আচরিত শ্রুতি-মার্গ কখন পরিত্যাগ না করে, এই বিশ্বেশ্বর তাহাদেরই উপর পরম কৃপা প্রদর্শন করিয়া থাকেন। পবিত্রচেতা বিশ্বকর্মা এইরূপে মহেশ্বরের কৃপা সমর্থন করিয়া, একটি শিবলিঙ্গ প্রতিষ্ঠাকরত স্বস্থ-চিন্তে তাঁহার আরাধনায় নিযুক্ত হইলেন। তিনি কন্দ, মূল ও ফলভোজী হইয়া প্রত্যহ কানন হইতে বহুতর পুষ্প আহরণ-করত স্নান করিয়া মহেশ্বরের পূজা করিতে লাগিলেন। ৬৫-৬৮। এইরূপে লিঙ্গারাধনায় তিন বৎসর অতিবাহিত হইলে, মহেশ্বর তাঁহার উপর প্রসন্ন হইলেন এবং সেই লিঙ্গমধ্য হইতে আবির্ভূত হইয়া বলিতে লাগিলেন যে, হে ষাষ্টি! তুমি বর প্রার্থনা কর, গুরুর জন্ম দৃঢ়চিত্ত তোমার এই দৃঢ়ভক্তিতে আমি বিশেষ প্রসন্ন হইয়াছি, তোমার গুরু, গুরু-পত্নী ও গুরুর অপত্যস্বয় বাছা প্রার্থনা করিয়াছেন, তোমার তাহা প্রদান করিবার সামর্থ্য হইবে। ৬৯-৭২। হে মহাত্মা ষাষ্টি! তোমার কৃত অন্ততস্ত্রী এই লিঙ্গের সদর্শনায় আমি বিশেষ পরিতুষ্ট হইয়া তোমাকে আরও বর প্রদান করিতেছি, তাহা শ্রবণ কর। সুবর্ণ ও অগ্ৰাণ্য ধাতু, কাষ্ঠ, প্রস্তর, মণি, রত্ন, পুষ্প, বস্ত্র, কর্পূরাদি স্নগন্ধদ্রব্য, লল, কন্দ, মূল, ফল এবং স্বক প্রভৃতি সমস্ত দ্রব্যেরই তুমি স্তম্ভর শিল্পকার্য্য করিতে জানিবে। দেবালয় বা প্রাসাদাদিতে বাহার ষেরূপ অভিল্লিচি হইবে, তাহাদের তুষ্টির জন্ম তুমি তদনুরূপ নির্মাণ করিতে জানিবে, সর্বপ্রকার নেপথ্য, সর্বপ্রকার পাক, সর্বপ্রকার শিল্পকর্ম্ম এবং সর্বপ্রকার তৌর্য্যাত্মিকবিধানে তুমি দ্বিতীয় ত্রক্ষার স্থায় হইবে, আর নানাবিধ বস্ত্র-নির্মাণ, নানাবিধ আয়ুধ-বিধান, জলাশয়-রচনা ও স্তম্ভর দুর্গ-রচনা করিতে তোমার এতাদৃশ জ্ঞান হইবে যে, তাদৃশ রচনা আর

কেহই করিতে জানিবে না। আমার বরে তুমি সমস্ত কলা অবগত হইবে, সর্ব-প্রকার ঐন্দ্রজালিক-বিজ্ঞা তোমার অধীন হইবে, তুমি সমস্ত কর্ম্মেই কুশলতা-লাভ করিবে, সকলের বুদ্ধি হইতে তোমার বুদ্ধি শ্রেষ্ঠতা-লাভ করিবে। ৭৩-৮১। তুমি আমার বরে সকলের মনোবৃত্তি জানিতে পারিবে, অধিক আর কি বলিব, স্বর্গে, পাভালে এবং এই মর্ত্যালোকে যাবতীয় লোকোত্তরকর্ম্ম আছে, তুমি আপনা হইতে তৎসমুদয় অবগত হইবে, বিশ্ব (সমস্ত) ভুবনে বিশ্বকর্মনিচয় তুমি জানিবে এই জন্ত তোমার নাম “বিশ্বকর্মা”। তোমাকে অদেয় আমার কিছুই নাই, এক্ষণে আর কি বর দিতে হইবে, তাহা প্রার্থনা কর। ৮২-৮৫। যে সধুজ্ঞিশালী ব্যক্তি স্থানান্তরেও লিঙ্গ-পূজা করে, আমি তাহারও বাঞ্ছিত প্রদান করিয়া থাকি, কালীতে যে ব্যক্তি লিঙ্গ-পূজা করে, তাহারও কথাই নাই। যে ব্যক্তি কালীতে লিঙ্গ-পূজা, লিঙ্গ-প্রতিষ্ঠা বা লিঙ্গের স্তুতি করে, দর্পণের ম্যায় সেই ব্যক্তিতে আমার রূপ প্রতিফলিত হইয়া থাকে। ৮৬-৮৭। অতএব হে ঋতু! তুমি কালীতে লিঙ্গার্চন করিয়া আমার স্বচ্ছ মুকুরতুল্য হইয়াছ, এক্ষণে বর প্রার্থনা কর। যে আমার রাজধানী এই কালীতে আমাকে পরিত্যাগ করিয়া অশ্বেশ্বর অর্চনা করিবে, সেই মুঢ় আমার এখানে মুক্তি লাভ করিবে না। অতএব মুমুকু ব্যক্তিগণ এই আনন্দ-বনে আমারই পূজা করিবে। ব্রহ্মা, বিষ্ণু, চন্দ্র ও ইন্দ্র প্রভৃতি দেবগণও এখানে অগ্নি দেবতার পূজা করেন না। এই আনন্দবনে আসিয়া তুমি যেমন আমার পূজা করিলে, তজ্জগৎ অনেক পুণ্যশীল এখানে আসিয়া আমার আরাধনা করিয়া আমাকে প্রাপ্ত হইয়াছে। ৮৮-৯১। তুমি আমার বিশেষ অনুগ্রহের পাত্র হইয়াছ, এক্ষণে বর প্রার্থনা কর, তুমি যাহা প্রার্থনা করিবে তাহা দুর্লভ হইলেও পাইয়াছই ভাব, অতএব প্রার্থনা কর, আর বিলম্ব করিও না। ৯২।

বিশ্বকর্মা কহিলেন, হে শঙ্কর! আমি অস্ত্র-হইয়াও এই যে লিঙ্গ স্থাপন করিয়াছি, এই লিঙ্গের আরাধনা করিয়া অস্ত্রাশ্রয় ব্যক্তিগণও যেন সধুজ্ঞিভাজন হয়, হে নাথ! আমার আর একটি প্রার্থনা আপনি পূর্ণ করুন; প্রার্থনাটী এই যে, আপনি কবে আমার দ্বারা আপনার প্রাসাদ নির্মাণ করাইবেন? ৯৩-৯৪।

দেবদেব কহিলেন, তুমি যাহা বলিলে তাহাই হইবে, তোমার এই লিঙ্গের অর্চকগণ সধুজ্ঞিভাজন হইবে এবং তাহারা নির্বাপনভাগী হইবে, আর ব্রহ্মার বরে দিবোদাস যখন কালীতে রাজা হইবে, সেই নৃপতি কালীতে বহুকাল রাজ্য করিয়া গণেশের মায়ায় রাজ্য হইতে নির্বির-চিহ্ন হইয়া, বিষ্ণুর সত্বপদেশে চকল রাজ্যচী

পরিত্যাগকরত আমার শরণ লইয়া মোক্ষলাভ করিলে, তুমি পুনরায় আমার নূতন প্রাসাদ নির্মাণ করিবে। হে বিশ্বকর্ম্মন ! তুমি এক্ষণে গমন কর, এবং গুরুর আজ্ঞা প্রতিপালনে যত্ন কর। যাহারা গুরুর্ত্ত্ব তাহার আমারই ত্ত্ব, তাহাতে সন্দেহ নাই। যাহারা গুরুর অবমাননা করে, আমিও তাহাদিগের অবমাননা করিয়া থাকি, অতএব তুমি এক্ষণে এস্থান হইতে গিয়া গুরুর আদেশ প্রতিপালন কর। ৯৫-১০০। তৎপরে আমার নিকট আগমন করিয়া বাবৎ মুক্তিলাভ না কর, তাবৎ বিশুদ্ধচিত্তে দেবগণের হিত-আচরণকরত এস্থানে অবস্থিতি করিবে। আমি সতত তোমার এই লিঙ্গে অবস্থিতি করত, সাধকগণের অর্ভীক্ষ প্রদান করিব। এই লিঙ্গের যাহারা ত্ত্ব, নির্বাণ-লক্ষ্মী তাহাদের দূরে অবস্থান করিবেন না। অজ্ঞারেখরের উত্তরে অবস্থিত তোমার লিঙ্গের যাহারা অর্চক, পদে পদে তাহাদের মনোরথসিদ্ধ হইবে। ১০১-১০৩। এই সমস্ত বলিয়া দেবদেব অস্তহিত হইলেন এবং বিশ্বকর্ম্মাও গুরুর নিকট গমন করিলেন। তথায় তিনি গুরুর অভিলষিত বিষয়সমূহ সম্পাদনপূর্বক নিজ পিতৃভবনে গমন করিয়া নিজ কর্ম্মের দ্বারা, পিতা ও মাতাকে সন্তুষ্টকরত তাঁহাদের আজ্ঞা লইয়া পুনরায় কাশীতে আগমন করিলেন এবং তিনি নিজ প্রতিষ্ঠিত সেই লিঙ্গের আরাধনায় আসক্ত হইয়া, দেবগণের প্রিয়-আচরণকরত অত্যাপি কাশীকে পরিত্যাগ করেন মাই। ১০৪—১০৬।

ঈশ্বর কহিলেন, হে দেবি গিরিসুজ্ঞে ! কাশীতে মুক্তি-প্রদানে সমর্থ যে সমস্ত লিঙ্গের কথা তুমি আমাকে জিজ্ঞাসা করিলে, প্রণবেশ্বর, ত্রিবিষ্টপ, মহাদেব, কৃতিবাসা, রক্তেশ্বর, চন্দ্রেশ্বর, কেদার, ধর্ম্মেশ্বর, বীরেশ্বর, কামেশ্বর, বিশ্বকর্ম্মেশ্বর, মনিকর্ণেশ্বর, আমারও পূজ্য অবিমুক্তেশ্বর এবং বিশ্ব-সৌখ্যপ্রদ ও বিশ্ব-বিদিত আমার লিঙ্গ বিশ্বেশ্বর এই সমুদয়ই আমি তোমাকে কহিলাম। ১০৭-১১০। অবিমুক্তক্ষেত্রে আসিয়া যে ব্যক্তি বিশ্বেশ্বরের পূজা করে, শতকোটি কল্পেও তাহার সংসারে পুনরাবৃতি হয় না। সংযতাজ্ঞ-যতিগণের আটমাস পরিত্রমণ এবং চারিমাস একস্থানে অবস্থান বিহিত আছে, একস্থানে এক বৎসর থাকিতে তাঁহাদের নিবেধ। কিন্তু অবিমুক্তক্ষেত্রে হইতে তাঁহাদেরও স্থানান্তরে যাওয়া উচিত নহে, কারণ এস্থানে নিশ্চয়ই মোক্ষলাভ হয়, অতএব কাশী পরিত্যাগ করা উচিত নহে। ১১১-১১৩। আনন্দকানন পরিত্যাগ করিয়া অন্য ভগোবনেও গমন করিবে না, কারণ এই স্থানেই আমার আশ্রয়ে তপস্তা, যোগ ও মোক্ষলাভ হইয়া থাকে। আমি সমস্ত জীবের প্রতি রূপা করিয়া এই ক্ষেত্রে নির্মাণ

করিয়াছি, সিদ্ধিকামী ব্যক্তিগণ নিশ্চয়ই এখানে সিদ্ধিলাভ করে। আনন্দকানন দর্শনে জ্ঞানাজ্ঞানকৃত, অতীত ও বর্তমান পাপ বিলয়প্রাপ্ত হয়। ১১৪-১১৬। অত্যাগ্র উপাস্তা, মহাদান, মহাত্তত, নিয়ম, যম, সম্যাকরূপে অধ্যাত্মযোগাভ্যাস, মহাযজ্ঞ এবং উপনিষদাশ্রয়ে বেদান্ত-শাস্ত্রাভ্যাস প্রভৃতিতে যে ফল-লাভ হয়, কাশীতে অনায়াসেই সেই ফললাভ হইয়া থাকে। জীবগণ যে পর্য্যন্ত আমার পুরীতে তনুত্যাগ না করে, সেই পর্য্যন্ত তাহারা কৰ্ম্মসূত্রে আবদ্ধ হইয়া সংসারে ভ্রমণ করিয়া থাকে। হে দেবি! যান্ত্রিকগণও যে পদ লাভ করিতে পারে না, আমি কাশীতে নিজ ইচ্ছায় তিৰ্য্যগ্জাতিকেও সেই পদ প্রদান করিয়া থাকি। ১১৭-১২০। চতুর্বিধ ভূতনিচয়ই যদি কাশীতে আসিয়া বাস করে, তাহারা সকলেই কাশীতে নিধন-প্রাপ্ত হইয়া পরমগতি লাভ করিয়া থাকে। যে ব্যক্তি অত্যন্ত বিষয়াসক্ত, বা অধার্মিক, সেও কাশীতে দেহত্যাগ করিলে আর সংসারে প্রবেশ করে না। মাঘমাসে উষাকালে প্রয়াগে স্নান করিলে যে ফললাভ হয়, বারাগসীতে ক্ষণে ক্ষণে তাহার কোটিগুণ ফল-লাভ হয়। এই ক্ষেত্রের অপার মহিমা, বাংকোর দ্বারা বর্ণন করা যায় না, কেবল তোমার প্রীতির জন্ত আমি স্বল্পমাত্র কীর্তন করিলাম। সাধুব্যক্তি এই চতুর্দশ লিঙ্গের উপাখ্যান শ্রবণ করিলে, চতুর্দশ লোকে উৎকৃষ্ট পূজা লাভ করিবে। ১২১—১২৫।

## সপ্তাশীতিতম অধ্যায় ।

— \* —

দক্ষযজ্ঞ-প্রাদুর্ভাব-কথন ।

অগস্ত্য কহিলেন, হে সর্বার্থকুশল ! সর্বযজ্ঞসূনো ! প্রভো বড়ানন ! মুক্তির কারণ এই সকল লিঙ্গগণের আবির্ভাব-বৃত্তান্ত আপনার মুখে শ্রবণ করিয়া, দেবগণ স্থাপানে বাদুশ পরিতোষ লাভ করিয়া থাকেন, আমিও তাদৃশ পরিতোষ লাভ করিয়াছি, শ্রণবেশ্বরপ্রমুখ লিঙ্গগণের দ্বারা পরিব্যাপ্ত এই আনন্দকানন, বাস্তবিক পাপীগণকেও পরমানন্দ প্রদান করিয়া থাকে, তাহাতে আর সন্দেহ কি ? কারণ এই লিঙ্গগণের বৃত্তান্ত শ্রবণেই আমি পরম আনন্দলাভ করিতে পারিয়াছি, হে প্রভো ! এই কাশীক্ষেত্রের বৃত্তান্ত শ্রবণ করিয়া আমি এক প্রকার জীবমুক্তের

শ্রায় হইয়াছি, হে স্বন্দ ! দক্ষেশ্বর প্রভৃতি যে চতুর্দশ লিঙ্গের কথা পূর্বাপর শুনা গিয়া থাকে, এইক্ষণে সেই সকল লিঙ্গের প্রভাব কীর্তন করুন, হে প্রভো ! দেবসভার মধ্যে যে দক্ষ মহেশ্বরকে বহুতর নিন্দা করিয়াছিলেন, সেই দক্ষ, আবার কালীতে কেন মহেশ্বরের লিঙ্গ প্রতিষ্ঠা করিয়াছেন, এই সকল বিষয়, যথাযথ আমার সমক্ষে কীর্তন করুন। ১-৫। ( ব্যাস কহিলেন ) হে সূত ! অগস্ত্যের এই প্রকার প্রশ্ন-বাক্য শ্রবণ করিয়া, ভগবান্ শিখিবাহন তাঁহার সমক্ষে দক্ষেশ্বর-লিঙ্গের সমুৎপত্তি-কথা বলিতে আরম্ভ করিলেন। ৬। স্বন্দ কহিলেন, হে মুন্যে ! পাপহারিণী দক্ষেশ্বর-কথা কীর্তন করিতেছি, শ্রবণ কর। পূর্বে দাক্ষায়ণীর দেহ-ভাগান্তে, ছাগবন্তু, অতি বিকটানন ও দ্বীচিকর্তৃক ভিরকৃত দক্ষ-প্রজাপতি, ত্রক্ষার নিকটে প্রায়শ্চিত্ত-বিধানের উপদেশ-গ্রহণকরত, পুরস্চরণ করিবার নিমিত্ত কালীধামে আগমন করেন। ৭—৮।

পুরাকালে কোন এক দিন ইস্রাদিলোকপাল, বিশ্বদেবগণ, মরুদগণ, আদিত্য, বসু, রুদ্র, সাধ্য, বিভাধর, উরগ, ঋষি, অঙ্গরা, বক্ষ, গন্ধর্ব্ব, সিদ্ধ ও চারণগণ এবং ত্রক্ষার সহিত ভগবান্ বিষ্ণু, ভগবান্ চন্দ্রশেখর শঙ্কর পূজা করিবার জন্ত কৈলাসপর্ব্বতে গমন করিলেন। তৎপরে তাঁহারা মহেশ্বর-দর্শনে রোমাঙ্কিত-শরীর হইয়া ভগবান্ মহেশ্বরকে নমস্কার করিলেন ও নানাবিধ স্তুতি করিতে লাগিলেন। অনন্তর মহাদেব-সকাশে বিহিত সাদর-সম্ভাষণ লাভ করিয়া তাঁহারই মুখের প্রতি হৃষ্টিনিক্ষেপকরত নিজ নিজ আসনে উপবেশন করিলেন। ৯-১২। তাঁহারা সকলে উপবেশন করিলে পরে ভগবান্ শঙ্কর পৃষ্ঠদেশে সাদরে হস্তার্পণ দ্বারা তৎ-প্রতি বহুমান প্রকাশ করিয়া ভগবান্ বিষ্ণুকে জিজ্ঞাসা করিলেন যে, “হে শ্রীবৎস-লাঞ্ছন ! দৈত্যবংশধ্বংসকারিন্ হরে ! তোমার ত্রিলোকপালনকারিণী শক্তির কোন প্রকার ব্যাঘাত হয় নাই ত ? হে বিষ্ণো ! রণাজনে ক্রুদ্ধ দৈত্য ও দানবগণকে শাসন করিতে পারিতেছ ত ? এবং কুপিত ত্রাক্ষগণকে আমার শ্রায় ভয়ের স্থান বলিয়া বুঝিতেছ ত ? ১৩-১৫। হে চক্রধর ! মহীতলে গোগণের ত কোন প্রকার বাধা নাই ? এবং তথায় রূপ-ধৌবন-লাবণ্যসম্পন্ন স্ত্রীগণ পাতিব্রত্য-ধর্ম্ম বিহিতরূপে পালন করিতেছে ত ? ১৬। পৃথিবীতে বহুদক্ষিণায়ুক্ত বিধি-যজ্ঞসকল অমুষ্ঠিত হইতেছে কি ? তপস্বীগণ নির্বিঘ্নে তপস্তা করিতে পারিতেছেন ত ? ১৭। হে বিষ্ণো ! ভুলোকে ত্রাক্ষগণ নির্বিঘ্নে সাজবেদ পাঠ করিতেছেন ত ? হে কেশব ! তথায় মহীপালগণ, শ্রায়ামুসারে প্রজাপালন করিতেছেন ত ? ১৮। হে জনার্দন ! তথায় বর্ণাশ্রমধর্ম্ম-পরায়ণগণ ত নিজ নিজ অবস্থা কর্তব্যক্রিয়াসকল নিষ্ঠা-পূর্ব্বক

প্রতিপালন করিতেছেন ? তাঁহাদের মন ও ইন্দ্রিয় সংযত আছে ত ? ১৯। প্রহৃষ্ট-মানস বিষ্ণুকে এই প্রকার জিজ্ঞাসা করিয়া, ভগবান্ মহেশ্বর, ত্র্যম্বকে জিজ্ঞাসা করিলেন যে, অহে ত্র্যম্ব ! তোমার ত্র্যম্বজঃ উত্তরোত্তর বৃদ্ধি পাইতেছে ত ? ২০। হে প্রজাপতি ! ত্রৈলোক্যমণ্ডপমধ্যে তোমার সত্য অশ্লিষ্ট ভাবে বর্তমান আছে ত ? হে বিধি ! কোন ব্যক্তি মোহবশে কোন তীর্থের অবরোধে প্রবৃত্ত হয় না ত ? ২১। তৎপরে তিনি ইন্দ্রাদিদেবগণকে জিজ্ঞাসা করিলেন যে, হে ইন্দ্রাদিদেবগণ ! বিষ্ণুর বাহু-বীৰ্য্যে পরিরক্ষিত হইয়া তোমরা নিজ নিজ পুরে উত্তম প্রকারে শাসন করিতে পারিতেছ ত ? ২২। এই প্রকারে বিহিত আদরের সহিত তাঁহাদিগের প্রত্যেকেরই আগমন কারণ জিজ্ঞাসানন্তর তাঁহাদের মনোগত অভিপ্রায় পূরণ করত ভগবান্ মহেশ্বর তাঁহাদের সকলকে বিদায় প্রদানপূর্বক নিজধামে প্রবেশ করিলেন, দেবগণও হৃষ্টচিত্তে সকলে নিজ নিজ গৃহে প্রত্যাবর্তন করিলেন। ২৩-২৪। কৈলাস হইতে গৃহে আগমন করিতে করিতে পশ্চিমধ্যে সতীর পিতা দক্ষপ্রজাপতি, মনে মনে এই প্রকার চিন্তা করিতে লাগিলেন যে “আমি মহেশ্বরের শ্বশুর, অথচ তিনি অশ্রান্ত দেব হইতেও আমার অধিক সম্মান করিলেন না ? এই কৰ্ম্মটি তাঁহার বড়ই দাস্তিকতার পরিচয় দিতেছে। ২৫। এই প্রকার চিন্তায় মন্দর-পর্বতের আশাতে সমুদ্রের স্রায় তাঁহার হৃদয় বড়ই লুপ্ত হইল, তখন তিনি মহাক্রুদ্ধ হইয়া মনে মনে এই প্রকার বলিতে লাগিলেন যে, হায় ! যে ব্যক্তিকে কেহই ভাল করিয়া জানে না, এ জগতে বাহার কেহই আত্মীয় নাই, সেই কুলহীন মহেশ্বর আমার কন্যাকে বিবাহ করিয়া দেখিতেছি বড়ই গর্বিত হইয়াছে। ২৬-২৭। এই মদীয় জামাতা কোন্ বস্তুর অধীন ? ইহার কোন্ কুলেই বা জন্ম, কোথায় বা বাস, স্বভাবই বা কি প্রকার, কিসের দ্বারাই জীবননির্ব্বাহ করে ? ইহার আচারই কিরূপ ? কিছুই বুদ্ধিবার সামর্থ্য নাই ? তবে এইমাত্র দেখা যায় যে, সর্বদা বুধে আরোহণপূর্বক ভ্রমণ করিয়া থাকে ও শুনা যায় যে, বিষ পর্য্যন্ত ভক্ষণ করিয়াও জীর্ণ করিয়াছে। ২৮। এই ব্যক্তিকে তপস্বীও বলিবার যো নাই, কারণ তপস্বী হইলে অস্ত্রধারণ করিবে কেন ? গৃহস্থও নহে, কারণ সর্বদা স্মরণে বাস করিয়া থাকে। ২৯। ইহাকে ত্র্যম্বচারীও বলিতে পারি না, কারণ ত্র্যম্বচারীর বিবাহ ত কোন শাস্ত্রে দেখা যায় না। বাণপ্রস্থায়ীও নয়, কারণ দেখিতে পাই সর্বদা ঐশ্বর্য্য-মগ্নেই প্রমত্ত রহিয়াছে। ৩০। এই ব্যক্তি ত্র্যম্বও নহে, কারণ বেদেও এতাদৃশ স্বভাব ত্র্যম্বের বিষয় কিছুই বোধগম্য হয় না। ক্ষত্রিয়জাতি প্রায় অশ্রাদ্ধি ধারণ করে, কিন্তু ইহাকে ক্ষত্রিয়ও বলিতে পারি না, কারণ লোকগণকে



বিপদ হইতে রক্ষা করাই ক্ষত্রিয়ের ধর্ম, কিন্তু দেখিতে পাই এই ব্যক্তি মহাপ্রলয় করিতে উদ্ভূত। বৈশ্বাও বলিতে পারি না, কারণ দেখিতে পাই ইহার এক কপর্দকও সম্বল নাই অথচ উপায় করিতে চেষ্টাও করে না। ৩১-৩২। মহেশ্বরকে শূদ্রও বলা যায় না, কারণ দেখিতে পাই নাগযজ্ঞোপবীত তাহার গলে সর্বদাই বর্তমান রহিয়াছে, স্তূভরাং দেখা যাইতেছে কোন বর্ণাশ্রম-ধর্ম তাহাতে নাই, অতএব কি প্রকারে ইহার প্রকৃত পরিচয় পাওয়া যাইবে? মহাদেবকে লোকে বলিয়া থাকে ইনি স্বাপু প্রকৃতি, অথচ দেখিতেছি ইহার কোন প্রকৃতিই নাই। মহেশ্বরকে পুরুষও বলা যায় না, কারণ তদীয় শরীর অর্দ্ধনারী মূর্তি, ইহাকে সম্পূর্ণ নারীও বলা যায় না, কারণ ইহার আনন শ্মশ্রু, ইহাকে নপুংসকও বলিতে পারি না কারণ ইহারই লিঙ্গ ত্রিলোকে পূজিত হয়। ৩৩-৩৫। শঙ্কর বালকও নহে, কারণ আমিই ইহাকে অনেক কাল দেখিতেছি এবং লোকেও বলিয়া থাকে যে, এই ব্যক্তি অনাদি। ৩৬। এই সকল কারণে ইহাকে যুবাও বলিতে পারি না অথচ বৃদ্ধও বলা যায় না, কারণ এই ব্যক্তি জরা-মরণ-বিবর্জিত। ৩৭। প্রলয়কালে এই ব্যক্তি ব্রহ্মাদি দেবগণকে বিনাশিত করে অথচ ইহাকে শাস্ত্রে পাতকী কহে না, আবার ক্রোধপূর্বক ব্রহ্মার মস্তকচ্ছেদন করাতে ইহাকে পুণ্যাত্মাও বলা যায় না। ৩৮। অশ্বি যাহার অলঙ্কার, পরিধানে যাহার বস্ত্র নাই, তাহাকে পবিত্রই বা কিরূপে বলা যায়। অথবা অধিক আর কি বলিব ইহাই যথেষ্ট যে, এই সংসারে একজনও ইহার চেষ্টা জানিতে পারে না। ৩৯। অহো! এই জটিলের কি ভয়ঙ্কর ধূমতা অল্প দেখা গেল, শ্মশুর এবং গুরু আমাকে দেখিয়াও কি না সে নিজ আসন হইতেই উখিত হইল না। ৪০। অহো! মাতা ও পিতা কর্তৃক পরিত্যক্ত কুলহীন, নিগুণ, কস্মভ্রষ্ট ও নিরকুশ ব্যক্তিগণ এই প্রকারই ধূম হইয়া থাকে তাহাতে আর সংশয় কি। ৪১। যাহারা যথেষ্টাচারী, নাথরহিত ও সর্বত্র আত্মাভিমানপরায়ণ এবং অকিঞ্চন, তাহারাই দেখি আপনাকে ঈশ্বর বিবেচনা করিয়া চলে, ইহা হইতে হান্তকর বিষয় আর কি আছে। ৪২। সংসারে ইহাই দেখা যায় যে, জামাতৃ-কুল প্রায়ই গর্বিত হইয়া থাকে, তাহার উপর যদি কিঞ্চিৎ ঐশ্বর্য্য তাহাদের ভাগ্যে ঘটে তাহা হইলে আর তাহাদের গর্বেবর সীমা দেখে কে? মৎকন্যা রোহিণীর একান্ত অনুরক্ত সেই গর্বিত চন্দ্র, মদীয় অম্ভাশ্র কন্যা কৃত্তিকাদির প্রতি তাদৃশ স্নেহ করিত না বলিয়া আমি তাহাকে শাপ প্রদান করিয়াছি, তাহাতে সে ক্ষয়রোগগ্রস্ত হইয়াছে। ৪৩-৪৪। এই শূলীরও গর্বরূপ সর্ববন্ধন আমি নিশ্চয়ই দূর করিব, আমাকে যেমন নিজগৃহে এই ব্যক্তি অর্পমান করিয়াছে, আমি তাহার বিশেষরূপে প্রতিশোধ দিতেছি। এই প্রকার

বহুবিবেচনাস্তর দক্ষপ্রজাপতি নিজগৃহে প্রতিগমন করিলেন । ৪৫-৪৬ । অনস্তর দক্ষপ্রজাপতি, নিজগৃহে ইন্দ্রাদি দেবগণকে আহ্বানপূর্বক বলিলেন যে, আমি যজ্ঞ করিতে ইচ্ছা করিয়াছি, আপনারা আমার যজ্ঞের সাহায্যকারী হউন । আপনারা সত্তর যজ্ঞীয় দ্রব্য সকল আহরণ করুন । অনস্তর তিনি শ্বেতদ্বীপে গমন করিয়া যজ্ঞপুরুষ নারায়ণকে যজ্ঞের উপদ্রষ্টার পদে বরণ করিয়া আসিলেন । ব্রহ্মবাদী ঋষিগণ তাঁহার যজ্ঞে ঋষিক্-পদে বৃত্ত হইলেন । ৪৭-৪৯ । অনস্তর দক্ষপ্রজাপতির মহাযজ্ঞ প্রারম্ভ হইলে পর ব্রহ্মা সেই যজ্ঞে সকল দেবগণকে উপস্থিত এবং মহাদেবকে অনুপস্থিত দেখিয়া কোন ছলে নিজধামে প্রতিগমন করিলেন । অনস্তর দধীচি মুনিও ঐশ্বরকে পরিত্যাগ করিয়া সমাগত নিখিল দেবগণ, বাস ও অলঙ্কারাদি দ্বারা বহুতর সন্মান লাভ করিতেছেন দেখিয়া, দক্ষের ভাবি অশুভ পরিহার-বাসনায় এই বাক্য বলিতে আরম্ভ করিলেন । দধীচি কহিলেন, হে সাক্ষাৎ বিধাতৃস্বরূপ ক্রিয়া-দক্ষ দক্ষপ্রজাপতি ! আপনি যাদৃশ যজ্ঞের আয়োজন করিয়াছেন এ সংসারে আর কেহ কোনকালে এরূপ করিতে পারে নাই, পারিতেছে না এবং পারিবেও না । ৫০-৫৪ । হে মহামতে ! এতাদৃশ মহাযজ্ঞ করা দূরে থাক্ অনেকে এই প্রকার যজ্ঞের বিষয় পর্য্যন্তও জানেন না । যজ্ঞ যেরূপ দ্রুহ ব্যাপার তাহাতে ইহা না করাই কর্তব্য এবং যজ্ঞের ন্যায় শত্রুও জগতে কেহ নাই, কারণ শুভ-ফলার্থে যজ্ঞে প্রবৃত্ত হইয়াও অনেকে প্রমাদবশতঃ নানা বিপত্তি ভোগ করিয়াছেন । ৫৫ । যাহার আপনার ন্যায় সম্পত্তি আছে তাহারই যজ্ঞানুষ্ঠান করা উচিত । আপনার যজ্ঞ-কুণ্ডে অগ্নি সাক্ষাৎ হবির্গ্রহণ করিতেছেন, ইন্দ্রাদি দেবগণ, নিখিল মন্ত্র ও যজ্ঞপুরুষ নারায়ণ আপনার যজ্ঞস্থলে সাক্ষাৎ পরিদৃষ্ট হইতেছেন ? দক্ষপ্রজাপতে ! আপনার কি অনির্বচনীয় মহিমা ! এই দেবাচার্য্য বৃহস্পতি নিজে, আচার্য্য-কর্ম্ম নির্বাহ করিতেছেন, সাক্ষাৎ ব্রহ্মা ও কর্ম্মকাণ্ডবিৎ ভৃগু এই স্থানে বর্ত্তমান রহিয়াছেন । ৫৬-৫৭ । এই সূর্য্য, এই দেবী সরস্বতী ও এই সকল মূর্ত্তিমান দিক্‌পালগণ আপ-নার যজ্ঞরক্ষা করিতেছেন, আপনিও নিজপত্নী শতরূপার সহিত ইহাতে উত্তমরূপে দীক্ষিত হইয়াছেন । এই ভবদীয় জামাতা ধর্ম্ম, স্বকীয় দশপত্নীর সহিত মিলিত হইয়া স্বয়ংই ধর্ম্ম-কর্ম্মের অনুষ্ঠান করিতেছেন, আপনার জামাতাগণের মধ্যে শ্রেষ্ঠ এই ওষধিনাথ চন্দ্র, সপ্তবিংশতি পত্নীর সহিত মিলিত হইয়া সকল কার্য্য নির্বাহ করিতেছেন, ত্রৈলোক্য দক্ষিণা দ্বারা পরিসমাপ্ত রাজসূর্য্যযজ্ঞে দীক্ষিত মহর্ষি মারীচ ও প্রজাপতি-শ্রেষ্ঠ কশ্যপ ত্রয়োদশ ভাষ্যার সহিত মিলিত হইয়া আপনার কার্য্য নির্বাহ করিতেছেন, মহামুখী ভবদীয় জামাতা বিজরাজই নিজে সর্ববিধ ওষধি সংগ্রহ করিয়া

দিতেছেন । ৫৮-৬২ । আপনার স্বর্গধেনু সুরভি স্বয়ং হবিঃ প্রদান করিতেছেন, এক কল্পবৃক্ষই সর্বপ্রকার সমিৎ, কুশ, কাষ্ঠপাত্রসকল, শকট ও মণ্ডপাদি প্রদান করিতেছেন, স্বয়ং বিশ্বকর্মা অভ্যাগত ও ঋষিকৃগণের জন্ম অলঙ্কার নির্মাণ করিতেছেন । বসুগণও ধন ও বিচিত্র প্রকার বস্ত্রনিবহ প্রদান করিতেছেন, স্বয়ং লক্ষ্মীদেবী, কুলবধূগণকে ভূষিত করিয়া দিতেছেন । ৬৩-৬৫ । এই সকল দেখিয়া ধর্ম্মাত্মাগণ বিশেষ প্রীতিলভ করিতেছেন, কিন্তু একটা বিষয়ে আপনার বিন্দুভি দেখিয়া আমাদের বিশেষ কষ্ট বোধ হইতেছে । হে প্রজাপতি ! চৈতন্য বিহীন শরীর অলঙ্কারাদি দ্বারা ভূষিত হইলেও যেমন শোভা পায় না, সেইরূপ মহাদেবের অনাগমনে এই উৎসবপরিপূর্ণ যজ্ঞভূমিও আমাদের নিকট শ্মশানের স্থায় প্রতীয়মান হইতেছে । ৬৬-৬৭ ।

দধীচির এই বাক্য শ্রবণ করিয়া দক্ষপ্রজাপতি কোপে যুতসংযুক্ত অনলের স্থায় প্রজ্বলিত হইয়া উঠিলেন । ৬৮ । যজ্ঞস্তুতি শ্রবণে যে দক্ষ, অতিহর্ষভরে প্রসন্নবদন হইয়াছিলেন এক্ষণে এই বাক্য শ্রবণে সেই দক্ষের মুখ হইতে ক্রোধে বেন জলন্ত অগ্নির শিখা নির্গত হইতে লাগিল । ৬৯ । অনন্তর কম্পান্বিতদেহ দক্ষপ্রজাপতি কোপে জিহ্বাস্থর স্থায় হইয়া দধীচিকে কহিতে লাগিলেন । ৭০ ।

দক্ষ কহিলেন, হে দধীচি ! তুমি ব্রাহ্মণ সূতরাং এস্থলে তোমাকে আর কি বলিব ? আর আমিও যজ্ঞে দীক্ষিত হইয়াছি, নতুবা তোমাকে অস্ত্র ভাল করিয়া শিক্ষা দিতাম, আমি দেখিতেছি যে, তুমি মহাজড় ! তুমি কাহার আস্থানে এস্থানে আসিয়াছ, ভাল আসিয়াছ তাহাতে ক্ষতি নাই কিন্তু তোমাকে ভাল-মন্দ বিষয় কে জিজ্ঞাসা করিয়াছে যে, তুমি এখানে মহাগুরুর স্থায় উপদেশ দিতে বসিয়াছ ? ৭১-৭২ । সর্বপ্রকার মঙ্গলেরও মঙ্গলভূত শ্রীমান যজ্ঞপুরুষ নারায়ণ যথায় সাক্ষাৎ বিরাজমান, সেই যজ্ঞকে তুমি শ্মশান বলিতেছ ? ওহে বাপু ! তেত্রিশ কোটি দেবতার অধিপতি শতযজ্ঞ-দীক্ষিত ইন্দ্র, যজ্ঞধারণ করিয়া যে যজ্ঞের রক্ষানিধান করিতেছেন, সেই মহাযজ্ঞকে তুমি শ্মশানের সহিত তুলিত করিলে । ধর্ম্ম ও অধর্ম্মের তত্ত্ব-জ্ঞাতা ধর্ম্মরাজ যথায় স্বয়ং বিরাজমান, কুবের যথা শ্রীবিভরণকারী, অগ্নি যথায় স্বয়ং মূর্ত্তিমান, শ্মশানের সহিত সেই মহাযজ্ঞের তুমি তুলনা দিতেছ ? ৭৩-৭৬ । দেবাচার্য্য বৃহস্পতি যথায় আচার্য্য হইয়াছেন, অতিমানবশে সেই যজ্ঞকে তুমি শ্মশান কহিতেছ । ৭৭ । বসিষ্ঠপ্রমুখ মহর্ষিগণ যথায় ঋষিকের কর্ম্ম করিতেছেন, সেই মহাযজ্ঞকে তুমি শ্মশান কহিতেছ ? ৭৮ ।

জ্ঞানিশ্রেষ্ঠ দধীচি মুনি, এই বাক্য শ্রবণ করিয়া কহিলেন যে “হে দক্ষ-

প্রজাপতে! সর্বমঙ্গল হরি যজ্ঞপুরুষ হইলেও বেদ তাঁহাকে শাস্ত্রবী শক্তি-  
বিশেষ বলিয়া কীর্ত্তন করিয়া থাকেন। আদিপুরুষ ভগবান্ মহেশ্বরের বামাজ  
বিস্মু ও দক্ষিণাঙ্গ বিধাতা, বেদে এই প্রকারই বোধিত হইয়াছে। ৭৯-৮০। শত  
অশ্বমেধযজ্ঞে যিনি দীক্ষিত, যজ্ঞ ঘাঁহার আয়ুধ, সেই ইন্দ্রও দুর্ব্বাসার কোপে  
ক্ষণকালেই স্বরাজ্যভ্রষ্ট হইয়া পুনর্ব্বার মহাদেবের আরাধনা করতই নিজ অমরাবতী  
লাভে সক্ষম হইয়াছেন। যজ্ঞের রক্ষাকারী বলিয়া যে ঋষ্যরাজের কথা পূর্ব্বে  
উল্লিখিত হইয়াছে, খেতনামক কাশীর ভক্তকে যখন তিনি বন্ধন করেন, সেই  
সময়েই তাঁহার সামর্থ্য সংসারে সকলেই জানিতে পারিয়াছে। কুবেরত মহাদেবেরই  
মিত্র, অগ্নিত তাঁহারই চক্ষু:। ৮১-৮৩। যখন বিজরাজ, বৃহস্পতি-পত্নী অতিশুন্দরী  
তারাকে হরণ করেন, তৎকালে স্বয়ং মহেশ্বরই দেবাচার্য্যের সাহায্য করেন  
বলিয়াই তিনি পুনর্ব্বার নিজপত্নীলাভে সমর্থ হইয়াছিলেন। ৮৪। বশিষ্ঠাদি  
মুনিগণ, ঘাঁহার আপনার যজ্ঞে ঋত্বিক্ কর্ম করিতেছেন, ইহারা সেই মহেশ্বরকে  
ভাল করিয়াই জানেন। এই জগতে রুদ্রই এক অধিতীয় ঈশ্বর, এ কথা জানিয়াও  
অশ্রাশ্র মুনিগণ যে আপনার যজ্ঞে ত্রতী হইয়াছেন, ইহা কেবল আপনারই  
গৌরবে, নচেৎ তাঁহার এ প্রকার দুষ্কর্্ম কখনই করিতেন না। এই ব্রাহ্মণের  
হিত্যবাক্য যদি শ্রবণ করেন, তবে বলি যে, এই ক্ষণেই যজ্ঞকলের অধীশ্বর সেই  
মহেশ্বরকে আহ্বান করুন, তিনি না আসিলে এই যজ্ঞ সম্পাদিত হইলেও ইহাকে  
নিষ্ফল বলিয়া জানিবেন। ৮৫-৮৭। সংসারে সকল ক্রিয়ার একমাত্র সাক্ষীভূত  
মহেশ্বর উপস্থিত হইলে, আপনার ও অশ্রাশ্র সকলেরই মনোরথ সকল হইবে  
তাঁহাতে সন্দেহ নাই। ৮৮। জড় বীজ যেমন চৈতন্য সাহায্য বিনা অকুরিত হয়  
না, সেইরূপ তাঁহার কৃপা-কটাক্ষ ব্যতিরেকে কোন ক্রিয়াই সফল হইতে পারে  
না। ৮৯। নিরর্থক বাক্য, ঋষ্যবিহীন শরীর ও পতিহীন নারীর স্নায়, শিববিহীন  
ক্রিয়া কখনই শোভা পায় না। ৯০। গজাধীন দেশের স্নায়, পুত্রহীন গৃহের স্নায়  
ও দানহীন সম্পত্তির স্নায়, শিববিহীন ক্রিয়া কোন কালেই শোভা পায় না। ৯১।  
মন্ত্রিহীন রাজ্যের স্নায়, বেদবিহীন ব্রাহ্মণের স্নায় ও স্ত্রীবিহীন গার্হস্থ্যস্বখের স্নায়,  
শিববিহীন যজ্ঞ কোন কালেই শোভা পায় না। ৯২। কুশবিহীন সন্ধ্যা-বন্দনার  
স্নায়, তিলবিহীন তর্পণের স্নায় ও স্মৃতরহিত হোমের স্নায়, শিববিহীন যজ্ঞ কোন  
কালেই শোভা পায় না। ৯৩।

জ্ঞানকুশল হইলেও দক্ষপ্রজাপতি তৎকালে মহাদেবের মায়ায় বিমোহিত  
হইয়া দখাচি কর্ত্তক কথিত ভাদ্রশ পরমহিতকারী বাক্য শ্রবণ করিলেন না। ৯৪।

অনন্তর অধিক পরিমাণে রুষ্ট হইয়া এই প্রকার প্রত্যুত্তর করিলেন যে, অহে ! আমার বস্ত্র সকল হোক বা নাই হোক, তোমার তাহাতে চিন্তা কি ? যস্তের যে সকল কৰ্ম্ম মুখ্য বলিয়া কীৰ্ত্তিত, সেই সকল বথাবিধানে অনুষ্ঠিত হইলেই নিশ্চয় বস্ত্রফল লাভ করিতে পারা যায়, ঈশ্বরকে সাক্ষী করিয়া অথবা বিধানে কৰ্ম্ম করিলেও তিনি সেই কৰ্ম্মের ফল দিতে সমর্থ হন না, তখন তাঁহাকে সাক্ষী করিয়া কি ফল ? ৯৫-৯৬ । আরও তুমি বলিলে কৰ্ম্ম জড়, সূতরাং ঈশ্বরের সাহায্য বিনা তাহা কখনই ফলদায়ক হইতে পারে না, ইহাতেও ঈশ্বর শক্তিকে আমি বিপরীত দৃষ্টান্ত দ্বারা নিরাকরণ করিতেছি এই দেখ, বীজ সকল জড় হইলেও কালের প্রভাবে আপনিই অঙ্কুরিত হয় এবং পুষ্প ও ফল-প্রসবে সমর্থ হয়, ইহাতে ঈশ্বর না থাকিলেও কি ক্ষতি ? আপনার কৰ্ম্মসাধন করিতে সকলেরই পূর্ণ ক্ষমতা বিরাজমান আছে, ঈশ্বর কৰ্ম্মের সাক্ষী এ কথাও নিতান্ত কার্হোর নহে, কারণ নিজে কৰ্ম্ম না করিলে সাক্ষীর কি সামর্থ্য যে তাহার ফল প্রদান করে ? ৯৭-১০০ । যখন দেখিতে পাইতেছি যে, সাক্ষী ঈশ্বর ব্যতিরেকেও কালক্রমে ক্রিয়া স্বয়ংই ফল প্রদান করিতে সক্ষম হয় তখন মহামঙ্গল মূর্ত্তি ঈশ্বর স্বীকার করিয়া কি লাভ, তাহা দেখা যায় না । ১০১ ।

দ্ব্যধিটি কহিলেন, হে দম্ভপ্রজাপতে ! কদাপি বথাবিধানে অনুষ্ঠান করিয়া কার্য্য-সিদ্ধ করিলেও তাহা ঈশ্বরের প্রতিকূলতায় নষ্ট হইয়া যায় । এবং বিধান পরিত্যাগপূর্ব্বক কৰ্ম্ম করিলেও সেই ভগবান্ মহেশ্বরের ইচ্ছায় সেই কৰ্ম্ম সূক্ষি হইয়া থাকে ইহাও দেখা যায় । আপনি ইহা কি জানেন না যে, সকল দেবতাগণ তাঁহার আধীশ্ব স্বীকার করিয়া থাকেন ? ১০২-১০৩ । সামান্য সাক্ষিগণের স্মার, ঈশ্বর কেবল কৰ্ম্মনিবহের সাক্ষীমাত্রই নহেন, তিনি কৰ্ম্মসমূহের ফল প্রদানে শক্তিমান, ইহাতে কোন সন্দেহ নাই । ১০৪ । সেই সর্ব্বশ্রষ্টা মহেশ্বর, ভূমি ও জলাদিক্রমে বীজমধ্যে প্রবিষ্ট হইয়া, আপনি কালস্বরূপ ধারণকরত তাহার অঙ্কুরোৎপাদন করেন । ১০৫ । আপনি এইমাত্র বলিলেন যে “ঈশ্বর ব্যতিরেকেও বীজ কালবশে আপনিই অঙ্কুরিত হইয়া থাকে ।” আপনি ইহা কি জানেন না যে, সেই সর্ব্বকৰ্ত্তা মহেশ্বর স্বয়ংই কালরূপী । ১০৬ । আর একটি কথা আপনি সত্যই কহিয়াছেন, এই যে বলিলেন সেই মহামঙ্গলমূর্ত্তি ঈশ্বরের এখানে প্রয়োজন কি ? ইহা পরম সত্য । কারণ ঐহারা, মহান, ঐহারা মহামঙ্গলমূর্ত্তি ও ঐহারা প্রকৃত ঈশ্বর-নাম বহন করিয়া থাকেন, তাঁহারা আপনার এই স্থানে কেন আসিবেন ? ১০৭-১০৮ ।

দ্বিজ দধীচি যখন এইরূপে প্রতি কথার প্রত্যুত্তর প্রদান করিতে আরম্ভ করিলেন তখন দক্ষ, অতিশয় অহঙ্কারপ্রযুক্ত অতিক্রুদ্ধ হইলেন এবং চারিদিক অবলোকনপূর্বক চীৎকার করত পরিচারকগণকে কহিলেন যে, অরে ভৃত্যগণ! এই অপ্রশস্তজ্ঞদয় ত্রাঙ্গণাপসদকে এই প্রশস্ত যজ্ঞভূমি হইতে বাহির করিয়া দেও।

দক্ষের এই বাক্য শ্রবণপূর্বক দধীচি হাসিতে হাসিতে বলিলেন যে, অরে মূঢ়! আমাকে কি দূর করিয়া দিতেছ? অথ হইতে সকল প্রকার মঙ্গল হইতে তুমি দূর হইলে ইহা জানিতে পারিবে। এবং তোমার সহকারীগণও এই প্রকার সকল মঙ্গল হইতে অচিরেই বহিষ্কৃত হইবেন তাহার সন্দেহ নাই। অহে দক্ষ! অকস্মাৎ তোমার মস্তকে ত্রিজগদীশ্বর মহাদেবের ক্রোধদণ্ড অচিরেই পতিত হইবে। ১০৯-১১৩। এই কথা বলিয়া ত্রাঙ্গণ শ্রেষ্ঠ দধীচি, সত্বর যজ্ঞবাটী হইতে নির্গত হইলেন ও তাঁহার সঙ্গে সঙ্গে দুর্বাসা, চ্যবন, আপনি (অগস্ত্য) উভঙ্ক, উপমন্যু, ঋতীক, উদ্দালক, মাণ্ডব্য, বামদেব, গালব, গর্গ, গোতম ও অন্যান্য শিবতত্ত্ববিদ মহাত্মা মুনিগণ যজ্ঞস্থান হইতে প্রস্থান করিলেন। অনন্তর পুনরায় দক্ষের মহাযজ্ঞ আরম্ভ হইল। ১১৪—১১৬।

সেই যজ্ঞে অগ্ন্যাগ্নি যে সকল ত্রাঙ্গণগণ রহিলেন, প্রজাপতি দক্ষ তাঁহা-দিগকে দ্বিগুণ দক্ষিণা এবং অগ্নি জনগণ হইতে অধিকতর ধন প্রদান করিলেন। ১১৭। অনন্তর তিনি বহুতর ধন প্রদান করিয়া জামাতৃগণকে পরিতুষ্ট করিলেন এবং মহাবিভব ও অনেক অলঙ্কার প্রদানকরত নিজ কন্যাগণকে অলঙ্কৃত করিলেন। ১১৮। অনন্তর তিনি ঋষিপত্নী, দেবপত্নী ও পুরুষকন্যাগণকে অনেক ধন প্রদানে সম্মানিত করিলেন, তৎপরে তিনি হৃষ্যচিন্ত ত্রাঙ্গণগণের বেদধ্বনির দ্বারা গগনমণ্ডলের শব্দগুণকে পরিস্ফুট করিয়া দিলেন। ১১৯-১২০। দক্ষ-প্রজাপতি প্রদত্ত হবি, অবিরত গ্রহণ করিয়া অগ্নির অগ্নিমাত্র উপস্থিত হইল। অগ্নিতে আহুত হবিগন্ধেই দিগজনাগণ পরিতৃপ্ত লাভ করিলেন। ১২১। স্বাহা-কার ও বসটীকার পুরঃসর অর্পিত স্নাত ভক্ষণ করিয়া দেবগণের উদর-পীড়া উপস্থিত হইল। তিনি পদে পদে এক এক অন্নময় গিরি নিৰ্ম্মাণ করিয়াছিলেন। ১২২। সেই যজ্ঞে প্রজাপতি দক্ষ সহস্র সহস্র মধুপূর্ণ নদী, দুগ্ধ-সরোবর এবং জীবীভূত গুড়াদি দ্বারা অনন্ত হ্রদ নিৰ্ম্মাণ করিয়াছিলেন। ১২৩। তিনি স্থানে স্থানে রাশীকৃত বস্ত্র, শিখরীকৃত রত্ন ও অপরিসংখ্য সুবর্ণ ও রৌপ্যাদির দ্বারা সর্বদা যজ্ঞভূমি পূর্ণ করিয়াছিলেন। ১২৪। সেই যজ্ঞে এত দান করা হইয়াছিল যে, পরে আর

খুঁজিয়াও ভিক্ষুক পাওয়া যায় নাই । তাঁহার সমস্ত পরিচারকগণও সকলেই হৃষ্ট-পুষ্ট হইয়াছিল । ১২৫ ।

সেই বস্ত্র-প্রাক্তন হইতে উদ্ভূত মঙ্গলময় গীতধ্বনিবহে গগনমণ্ডল পরি-পূরিত হইয়া গিয়াছিল । অপ্সরাগণও তথায় অতি আনন্দ লাভ করিয়াছিলেন এবং গন্ধর্ব্বগণও পরিতোষ প্রাপ্ত হইয়াছিলেন । ১২৬ ।

তাঁহার যজ্ঞে বিজ্ঞাধরগণ পরম আনন্দ লাভ করিয়াছিলেন ও বহুধা শস্ত্রভারে বৰ্দ্ধিতা হইয়াছিলেন । এই প্রকার মহাবিভবরাশির দ্বারা দক্ষের সেই মহাবজ্র সংপ্রবৃত্ত হইলে পর দেবর্ষি নারদ কৈলাসে গমন করিলেন । ১২৭ ।

## অষ্টাশীতিতম অধ্যায় ।

—:—

সতীদেহ-বিসর্জন-কথন ।

অগস্ত্য কহিলেন, হে ষড়ানন ! দেবর্ষি নারদ শিবলোকে উপস্থিত হইয়া কি করিলেন, তাহা বলুন । ১ ।

স্বন্দ কহিলেন, হে কুন্তজ ! মহাত্মা নারদ কৈলাসে মহেশ্বরের আশ্রয়ে উপস্থিত হইয়া বাহা করিলেন, তাহা বলিতেছি শ্রবণ কর । মুনিবর আকাশমার্গে অবলম্বনে দ্বারায় শিবালয়ে উপস্থিত হইয়া মহেশ্বর ও দেবীকে দর্শনকরত প্রণাম করিলেন, তখন মহেশ্বর তাঁহাকে আদর করিয়া উপবেশন করিতে আজ্ঞা করিলে, তিনি তদাদিক আসনে উপবিষ্ট হইয়া তাঁহাদের ক্রীড়া দর্শন করিতে লাগিলেন । মুনিবর যখন দেখিলেন যে, বহুকণ অবধি তাঁহারা অক্ষক্রীড়া হইতে বিরত হইলেন না, তখন তিনি ঔৎসুক্যবশতঃ আপনা হইতেই বলিতে প্রবৃত্ত হইলেন । ২-৪ ।

নারদ কহিলেন, হে দেবদেব ! এই অখিল ব্রহ্মাণ্ডই আপনার ক্রীড়া, হে নাথ ! ষাটশমাসই ঐ ক্রীড়ার গৃহ, কৃষ্ণ ও শুক্ল ভেদে ত্রিশংখ তিথিই উহার সারিকা ( বল ) সৃষ্টি ও প্রলয় ইহার পণ এবং উহাই ইহাতে জয় এবং পরাজয়, দেবীর যখন জয় হয়, তখন সৃষ্টি হয় এবং ধ্বংসের যখন জয় হয়, তখনই প্রলয় হইয়া থাকে । ৫-৭ । আপনাদের ক্রীড়াকালেই জগতের স্থিতি । এইরূপ এই সমস্ত ব্রহ্মাণ্ডই আপনার ক্রীড়া । দেবী, পতিকে জয় করিবেন না, এবং মহেশ্বরও

শক্তিকে জয় করিবেন না। হে মাতঃ! আমি কিছু বলিতে ইচ্ছা করিতেছি আপনি শুনুন। মহেশ্বর সর্বত্র নাথ হইয়াও কিছুই বুঝেন না, কারণ ইনি মান ও অপমানকে তুল্য বোধ করিয়া সকলের দূরে অবস্থান করিতেছেন। ৮-১০। লীলাত্মা এই মহেশ্বর অনেক গুণবান, কিন্তু বিচার করিয়া দেখিলে ইহাকে নিগূঢ় বলিয়া বোধ হয়, ইনি কর্ম করিয়াও তৎসমুদয়ের দ্বারা আবদ্ধ হন না। ইনি সকলের মধ্যে থাকিয়া সর্বত্র মাধ্যম (উদাসীনতা) অবলম্বন করিয়া থাকেন। ইনি মিত্র ও শত্রু সর্বত্রই সমদর্শী। ১১-১২। আপনি এই মহেশ্বরের শক্তি এবং সকলেরই পরম মাননীয়। আপনি দক্ষের ও মাননীয়, কিন্তু আপনি তাঁহার কন্যা হইয়াছেন, সুতরাং তাঁহাকে আপনি মান করিয়া থাকেন। ১৩। তাহা হইলেও আপনি সমস্ত-জগতের একমাত্র জনয়িত্রী, তাহার কোন সন্দেহ নাই। ব্রহ্মা, বিষ্ণু, ইন্দ্র প্রভৃতি সকলেই আপনা হইতে আবির্ভূত হইয়াছেন, আপনি মহেশ্বরের মায়ায় বিমোহিত হইয়া আপনাকে জানিতে পারেন না, এই জন্মই আমার হৃদয় অতিশয় ব্যথিত হইতেছে। ১৪-১৫। অত্যাশ্চর্য যে সমস্ত পাতিত্র্যতাপরায়ণ সতীগণ আছেন, তাঁহারাও পতির চরণ-ভিন্ন আর কিছুই জানেন না বটে, যাক্ এ সমস্ত কথা এখন থাকুক, আমি যাহা বলিবার জন্ম আসিয়াছি, তাহাই বলি। অতঃ হরি-দ্বারের সন্নিকটে নীল-পর্বতে একটা অপূর্ব ঘটনা দেখিয়া আশ্চর্য ও বিস্মিত হইয়া তাহা বলিবার জন্ম আপনার নিকট আসিয়াছি। ১৬-১৮। আশ্চর্যের বিষয় এই যে, ত্রিভুবনমধ্যে ষাটতীয় পুরুষ আছেন সকলকেই দক্ষের বক্তৃতাশ্রবণে দেখিলাম, তাঁহাদের সকলকেই সালঙ্কার, সমান, সানন্দমুখ-পঙ্কজ, বিশ্রুতখিলকার্য্য এবং দক্ষ-বক্তৃতাশ্রবণ দর্শন করিলাম, ইহার মধ্যে বিষাদের কারণ এই যে, ষাঁহা হইতে এই জগৎ উৎপন্ন হইয়াছে, ষাঁহাতে স্থিতি করিতেছে এবং ষাঁহাতে প্রলীন হইবে, সেই সমস্ত জগতের কারণ আপনাদের দুই জনকেই তথায় দেখিতে পাইলাম না। কেবল আপনাদের তথায় অদর্শনই যে আমার বিষাদের কারণ তাহাও নহে, আর একটা যে কারণ হইয়াছে, তাহা আর আমি বলিতে পারিতেছি না, তাহা দক্ষই স্বয়ং বলিবেন। ১৯-২৩। দক্ষের সেই সমস্ত বাক্য শ্রবণ করিয়া ব্রহ্মা তথা হইতে চলিয়া গিয়াছেন এবং দধীচিমুনি বহুতর ধিকার প্রদানপূর্বক দেবর্ষিগণের সমক্ষেই সেই দক্ষপ্রজাপতিকে শাপ প্রদান করিয়াছেন। আমিও দক্ষের সেই সমস্ত নিন্দা-বাক্য শ্রবণ করিতে না পারিয়া কণ্ঠে হস্ত দিয়াছিলাম। ২৪-২৫। মহেশ্বরের নিন্দা শ্রবণ করিয়া দুর্ব্বাসা প্রভৃতি ঋষিগণ দধীচিমুনির সহিতই তথা হইতে চলিয়া গিয়াছেন। তথায় মহানন্দ-সহকারে দক্ষের মহান বক্তৃতা আরম্ভ হইয়াছে, আমি তাহা দেখিতে না পারিয়া এখানে



চলিয়া আসিয়াছি। হে দেবি ! আপনার অগ্ৰাণ্য ভগিনীগণও পতির সহিত তথায় আগমন করিয়াছেন। তাঁহাদের গৌরবের কথা বলিতে আমার উৎসাহ হয় না। দক্ষকন্যা সতীদেবী নারদের বাক্য শ্রবণ করিয়া হস্ত হইতে পাশক নিক্ষেপপূর্বক কিছুক্ষণ চিন্তাকরত মনে মনে কহিলেন যে, হউক, ভগবান্ মহেশ্বরই আমার শরণ। দাম্পায়ণী এইরূপ নিশ্চয়করত স্বস্তির উশ্বিত হইয়া মহেশ্বরকে প্রণামকরত বলিতে লাগিলেন। ২৬—৩১।

দেবী কহিলেন, হে অক্ষকধ্বংসিন্ ! হে ত্র্যম্বক ! হে ত্রিপুরারে ! আপনি বিজয়ী হউন, হে সদাশিব ! আমাকে অনুমতি প্রদান করুন, আপনি নিষেধ করিবেন না আমি পিতার নিকট গমন করিব। দেবী এই কথা বলিয়া মহেশ্বরের চরণান্বজে মস্তক নিহিত করিলেন। তখন মহেশ্বর কহিলেন যে, হে মৃড়ানি ! হে ভামিনি ! তুমি উঠ ; হে সৌভাগ্যসুন্দরি ! তোমার কোন্ অভিলাষ অপূর্ণ হইয়াছে, হে ঐশ্বরী ! তুমিই লক্ষ্মীকে সৌভাগ্য, ব্রহ্মাণীকে উৎকৃষ্ট কাঙ্ক্ষি এবং শটীকে নিত্যনবীনত্ব প্রদান করিয়াছ, তোমার ঘরাই আমি মহৎ ঐশ্বর্য রক্ষায় শক্তিমান্ হইয়াছি, লীলাবিগ্রহধারিণী তোমাকে শক্তিরূপে প্রাপ্ত হইয়াই আমি এই জগতের সৃষ্টি, স্থিতি ও সংহার করিতেছি, হে বামার্কধারিণি ! তুমি কেন আমাকে পরিত্যাগ করিতে ইচ্ছা করিতেছ ? ৩২-৩৭। শিবের এই বাক্য শ্রবণ করিয়া শিবা কহিলেন যে, হে জীবিতেশ্বর ! আপনাকে ছাড়িয়া আমি কোন স্থানেই যাইতেছি না, আমার মন আপনার চরণদ্বয়েই নিশ্চল থাকিবে, আমি কখন যজ্ঞ দেখি নাই, তাই পিতার যজ্ঞ দর্শন করিতে যাইব। ৩৮-৩৯। মহেশ্বর কাত্যায়নীর এই বাক্য শ্রবণ করিয়া কহিলেন যে, তুমি যদি কখন যজ্ঞ দর্শন না করিয়া থাক, তাহা হইলে আমিই যজ্ঞের আয়োজন করিতেছি, অথবা আমার শক্তিধারিণী তুমিই অগ্ন প্রকার যজ্ঞক্রিয়া সৃজন কর, অগ্ন যজ্ঞপুরুষ সৃষ্ট হউক, অগ্ন লোকপালগণ সৃষ্ট হউক, ঋত্বিক্ কর্মে তুমি অগ্ৰাণ্য-ঋষিগণকে সৃষ্ট কর। মহেশ্বরের এই বাক্য শ্রবণ করিয়া দেবী কহিলেন যে, হে নাথ ! আমি নিশ্চয়ই পিতার যজ্ঞোৎসব দর্শন করিব, অতএব আমায় অনুমতি দিন, আমার বাক্যের অগ্ৰথা করিবেন না। ৪০-৪৩। হে নাথ ! নিম্নাভিমুখ জল এবং চিন্তকে কে প্রতিকূলে লইয়া যাইতে পারে অতএব আপনি আজ আমায় নিষেধ করিবেন না। দেবীর এই বাক্য শুনিয়া সর্বযজ্ঞ ভূতপতি পুনরায় কহিলেন যে, হে দেবি ! তুমি যাইও না, তুমি যাইলে আর আমার সহিত তোমার মিলন হইবে না, হে প্রিয়ে ! আজ শনিবারে তোমাকে পূর্বদিকে যাইতে বারণ করিতেছি, বিশেষত আজ ক্ষ্যেষ্ঠানক্ষত্র, নবমী তিথি এবং

ব্যতীপাত যোগ, অস্ত্রকার বিয়োগ শুভাবহ নহে । হে ধনিষ্ঠার্কসমুৎপন্নে ! আজ তোমার নক্ষত্রও পঞ্চম, অতএব আজ তুমি কখনই গমন করিও না, আজ তুমি গমন করিলে আমাকে আর দেখিতে পাইবে না । মহেশ্বরের এই বাক্য শুনিয়া দেবী পুনরায় কহিলেন যে, আমার নাম যদি সত্য হয়, তবে অশ্বদেহ ধারণ করিয়াও আমি আপনার দাসীত্ব করিব । মহেশ্বর দেবীর এই বাক্যের উত্তর করিলেন যে, পরিস্কৃত মনোবৃত্তি স্ত্রী বা পুরুষকে কেই বা বারণ করিতে পারে ? ৪৪-৪৯ । হে দেবি ! আমাদের আর পুনর্দর্শন ঘটিবে না ইহা আমি সত্য বলিতেছি, আর হে কান্তে ! যাঁহারা মানধ্বজ ইচ্ছা করেন, তাঁহাদের অনাহৃত হইয়া পিতৃভবনে যাওয়াও উচিত নহে । নদী, যেমন সিন্ধুতে গমন করিয়া আর ফিরিয়া আসে না, তদ্রূপ তুমিও আজ গমন করিলে আর ফিরিয়া আসিবে না । ৫০-৫২ ।

দেবী কহিলেন, আমি যদি আপনার চরণ-পঙ্কজে অমুরস্তা হই, তবে জন্মান্তরেও অবশ্যই আপনি আমার পতি হইবেন । এই কথা বলিয়া সতী ক্রোধাক্ষনেত্রে তথা হইতে নির্গত হইলেন, গমনকালীন যে সমস্ত কার্য্য করা উচিত, তিনি তাহা কিছুই করিলেন না । মহেশ্বরকে নমস্কার বা প্রদক্ষিণ কিছুই করিলেন না ; এই জন্মই তিনি গমন করিয়া আর প্রত্যাগত হইলেন না । অতাপিও বাহারা মহেশ্বরকে প্রণাম বা প্রদক্ষিণ না করিয়া গমন করে, তাহারা অতীতবাসরের স্মৃতি আর প্রত্যাগত হয় না । ৫৩-৫৬ । ত্রিভুবনেশ্বর-পত্নী, পাদচারে গমন করিতে করিতে অতি পবিত্র কৈলাসের পথকেও কঠিন বোধ করিতে লাগিলেন । মহেশ্বরও দেবীকে পাদচারিণী দর্শনে অন্তরে ব্যথিত হইয়া গণসমূহকে আহ্বান করত কহিলেন যে, হে গণনিচয় ! তোমরা, এতাদৃশ বিমান আনয়ন কর, যে বিমানের চক্র, মন ও পদন দশসহস্রসিংহসংযুক্ত স্তম্ভের যাহার উন্নত ধ্বজদণ্ড, মহাবাহু যাহার পতাকা, মহত্ত্ব যাহার অক্ষ ( মধ্যস্থ দীর্ঘকাষ্ঠ ) নর্ম্মদা ও অলকনন্দা যাহার ঈষাদণ্ড, সূর্য্য ও চন্দ্রমা যাহাতে ছত্রীভূত, বারাহী নাম্নী উৎকৃষ্ট শক্তি যাহাতে মকরভূত, স্বয়ং গায়ত্রী যাহার যুগপৃষ্ঠ-ভাগ, তক্ষক প্রভৃতি নাগগণ যাহাতে রজ্জু, প্রণব বধায় সারথি, প্রণবধ্বনি যাহার ত্রেঙ্কার ( শব্দবিশেষ ), শিক্ষা প্রভৃতি অঙ্গসমূহ বধায় রক্ষকগণ এবং ছন্দোনিচয় বধায় বরুথ ( রথশ্রান্ত ) । মহেশ্বরের এতাদৃশ আভরা প্রাপ্ত হইয়া গণনিচয় সত্ত্বর সেইরূপ বিমান আনয়ন করিলেন । ৫৭-৬৩ । এবং তাহাতে সূর্য্যাদিরও তেজস্তিরকারিণী সেই দেবীকে আরোহণ করাইয়া তাঁহার অনুগমন করিতে লাগিলেন । মহেশ্বর-রমণী ক্ষণমধ্যেই দক্ষের সভাজন দেখিতে পাইয়া নভোজনেই বিমান হইতে অবরোহণ করত রক্ষিণ কর্তৃক পরিদৃষ্ট হইয়া চকিত-

ভাবে যন্তশালায় প্রবেশ করিলেন। তথায় কৃতমঙ্গলভূষা ও কিকীটধারিণী জননীকে এবং অলঙ্কৃতিশালিনী, সমাংসর্যা, সগর্ব্ব, সানন্দ, এবং সমাধবসভগিনীগণকে দেখিতে পাইলেন। অনাহৃত হইয়াও এখানে উপস্থিত হইয়াছে, এই ভাবিয়া তাঁহার ভগিনীগণ তাঁহাকে দেখিতে লাগিলেন। তখন সতী তাঁহাদের সহিত কোন প্রকার সম্ভাষণ না করিয়া পিতার নিকটে গমন করিলেন। তখন দক্ষও তাঁহার পত্নী দেবীকে কহিলেন যে, তোমার আগমনে ভালই হইয়াছে। তখন সতী কহিলেন যে, হে পিতঃ ! আমার আসাতে যদি ভাল হইয়াছে, তবে আমার এই ভগিনীগণের স্থায় আমাকেও আপনি কেন আহ্বান করেন নাই ? ৬৪—৭০।

দক্ষ কহিলেন, অগ্নি মহাশয় কহে ! অগ্নি সর্ব্বমঙ্গলে ! আমি যে তোমাকে আহ্বান করি নাই, ইহাতে তোমার কিছুমাত্র দোষ নাই, সমস্ত দোষই আমার। আমি অতি অসুখ যে, তোমাকে তাদৃশ পতির হস্তে সমর্পণ করিয়াছি। আমি যদি জানিতাম যে, এ ব্যক্তি নিরীশ্বর হইয়া ঈশ্বর, তাহা হইলে কখনই সেই মায়াবীর হস্তে তোমাকে সমর্পণ করিতাম না। আমি তাহার শিব নামেই সম্ভুক্ত হইয়াছিলাম, কিন্তু সে যে অশিবরূপী, তাহা আমি জানিতাম না। ৭১-৭৩। ব্রহ্মা আমার সম্মুখে ইহার বড়ই প্রশংসা করিয়াছিলেন যে, এ ব্যক্তি শঙ্কর, এ শঙ্কু, এ পশুপতি, এ শিব, এ ত্রীকণ্ঠ, এ মহেশ্বর, এ সর্ব্বজ্ঞ, এ বৃষভধ্বজ, তুমি এই মহাদেবকে কণ্ঠা প্রদান কর। তাই ব্রহ্মার বাক্যেই আমি তোমাকে ইহার হস্তে সমর্পণ করিয়াছিলাম, কিন্তু জানিতাম না যে, এ ব্যক্তি বিরূপাক্ষ, বৃষবাহন এবং বৃষভোজী। ৭৪-৭৬। জানিতাম না যে, এ ব্যক্তি শ্মশানবাসী, শূলী, কপর্দী, সর্পভূষণ, মেঘবাহন, কপালী, কলাক্ৰিতমোলি, ধূলিধূসরাজ, কখন কোপীন-ধারী, কখন নয়, কখন বাতুলের স্থায়, কখন চন্দ্রবাসা, কখন ভিক্ষুক, এবং বিরূপ ভূতগণ ইহার অমুচর। জানিতাম না যে, এ ব্যক্তি স্থানু, উগ্র, তমোগুণ, রুদ্র, রৌদ্রপরীবর, মহাকালবপুঃ, নুকরোটীপরিকর, জাতি ও গোত্রবিবর্জিত, বিজ্ঞ ব্যক্তিও তাহার মায়ায় মোহিত হইয়া তাহাকে সমাক্রূপে জানিতে পারে না। হে সমস্তলয়শালিনী ! তনয়ে। অধিক আর কি বলিব, কোথায় পাংশুলপটচ্ছন্ন, মহাশঙ্খবিভূষণ, গর্পভূষণ, জটিল, ডমরুহস্ত, চন্দ্রখণ্ডধারী, তাণ্ডবরুচি, সর্ব্বমঙ্গল বেষ্টিত সেই হর, আর কোথায়ই বা মঙ্গলালয় আমার এই যজ্ঞ, হে সর্ব্বমঙ্গলে ! এই অশ্রুই আমি তোমাকে এ যজ্ঞে আহ্বান করি নাই। ৭৭-৮৪। দেখ, তোমার জ্ঞান আমি পূর্ব্ব হইতেই উৎকৃষ্ট বসন এবং অলঙ্কারনিচয় প্রস্তুত করিয়া রাখিয়াছি, তুমি এ সমস্ত গ্রহণ কর। এই মঙ্গলযুক্তি দেবগণের মধ্যে সেই বিষমমাত্র শূলধারী,

কিরূপে থাকিবার উপযুক্ত হইবে ? দশকের এই সমস্ত দারুণ-বাক্য শ্রবণ করিয়া অত্যন্ত ব্যথিতচিত্তে সেই সাক্ষী বলিতে আরম্ভ করিলেন । ৮৫—৮৭ ।

সতী কহিলেন, হে প্রভো ! আপনি এত বলিলেন, কিন্তু আপনার কথা আমি কিছুই শুনি নাই, দুই একটা বাহা আমার কর্ণে প্রবেশ করিয়াছে, তাহাতেই বলিতেছি যে, আপনি সত্যই বলিয়াছেন যে, বিজ্ঞব্যক্তিও প্রভারিত হইয়া তাঁহাকে জানিতে পারে না কোন্ ব্যক্তি সেই সদাশিবকে জানিতে পারে ? আপনি তাঁহার সহিত সম্বন্ধ করিয়াও যখন অসম্বন্ধ-প্রলাপ বকিতেছেন, তখন আপনি পূর্বেও প্রভারিত হইয়াছেন এবং এখনও প্রভারিতই হইতেছেন । ৮৮-৯০ । তাঁহার যেরূপ ব্যাখ্যা করিলেন, যদি তাঁহাকে তরুণ বলিয়াই জানেন, তবে কেন তাঁহার হস্তে আমাকে প্রদান করিলেন ? আপনি কেন, তাঁহাকে কেহই জানে না । অথবা আপনি যে তাঁহার হস্তে আমাকে প্রদান করিয়াছেন, ইহাতে আপনার বুদ্ধি কারণ নহে, হে তাত ! একমাত্র আমার পুণ্য-গৌরবই ইহার কারণ । এতাদৃশবাক্যে আর প্রয়োজন নাই, আপনি এই শরীরের জনক, আমিও এই শরীরে পতির অনেক নিন্দা শ্রবণ করিলাম, অতএব এই শরীর পরিত্যাগ করাই ইহার প্রায়শ্চিত্ত । যে পর্য্যন্ত পতির কোনরূপ নিন্দা শ্রবণ করিতে না হয়, তদবধিই সতী স্ত্রীর জীবনধারণ করা উচিত । ৯১-৯৪ । এই কথা বলিয়া সতী প্রাণরোধ করিয়া মহাদেবস্বরূপ প্রদীপ্ত-ক্রোধানলে দেহ-সমিধ হবন করিলেন । তখন ইস্র প্রভৃতি দেবগণ বৈবৰ্ণ্যপ্রাপ্ত হইলেন, আজ্যাহুতি প্রদানেও অগ্নি পূর্ব্বের স্থায় প্রজ্বলিত হইলেন না, মন্ত্রসমূহের সামর্থ্যও কুণ্ঠিত হইল । মহান্ অনিষ্ট উপস্থিত হইল বলিয়া বহুতর ত্রাণ উপায় যাইবার ইচ্ছা করিলেন । তখন পর্ব্বতান্মোলন-কমপ্রবল ঝড়বাত উপস্থিত হইল, তাহাতে ক্ষণমধ্যেই বজ্রভূমি ভূগাদির দ্বারা ব্যাপ্ত হইয়া পড়িল, অকালে বিদ্যুৎ-পাত হইয়া ভূমণ্ডলকে কম্পিত করিতে লাগিল, আকাশ হইতে উল্কাপাত হইতে লাগিল, পিশাচগণ নৃত্য আরম্ভ করিল, গগনমার্গে গৃধ্রগণ সূর্য্যকে আচ্ছন্ন করিয়া মণ্ডলাকারে উড়িতে লাগিল, শিবাগণ অশিব চীৎকার আরম্ভ করিল, মেঘনিচয় রক্তবিন্দু-বর্ষণ করিতে লাগিল, ভূমি হইতে হ্রৎকম্পন নির্ধাত-শব্দ উদ্ভূত হইতে লাগিল, ভীষণ বেগে দিবা আয়ুধনিচয় পরস্পর যুদ্ধ করিতে লাগিল, শৃগাল ও কুকুরগণ আসিয়া যজ্ঞ-দ্রব্যনিচয় দূষিত করিতে লাগিল, যজ্ঞ-মণ্ডপ-মধ্যে চকোর ও কাকনিচয় বিচরণ করিতে লাগিল । ক্ষণমধ্যেই সেই সুন্দর যজ্ঞমণ্ডপ দ্ব্যশানের স্থায় হইল, যে যেখানে ছিল, সে সেই স্থানেই স্থির রহিল । ৯৫-১০৪ । তথাকার সমস্ত বস্তুই চিত্রশস্ত্রের স্থায় বোধ হইতে লাগিল

এবং প্রত্যেকেরই শোভা বিনষ্ট হইল । চক্রধর প্রভৃতি সকলেই তথায় স্তব্ধভাবে ধারণ করিলেন, দক্ষও পরিবারগণের সহিত ম্লান-মুখে কোন প্রকারে ত্রাণগণকে যজ্ঞে প্রবৃত্ত করাইতে লাগিলেন । ১০৫-১০৬ ।

## একোননবতিতম অধ্যায় ।

— \* —

### দক্ষেশ্বর-প্রাতুর্ভাব-কথন ।

স্বন্দ্র কহিলেন, হে অগস্ত্য ! নারদ, দেবীর আগমনের পূর্বেই দক্ষের যজ্ঞ-মণ্ডপে উপস্থিত হইয়াছিলেন, । তিনি তথায় সমস্ত বৃত্তান্ত প্রত্যক্ষ করিয়া তাহা জানাইবার জন্ত পুনরায় মহেশ্বরের নিকট গমন করিলেন । নারদ কৈলাসে উপস্থিত হইয়া দেখিলেন যে, মহেশ্বর তর্জনী-বিষ্ণাসপূর্বক নন্দীর সহিত কোনরূপ কথা-বার্তা কহিতেছেন, তিনি সেই অবস্থাতেই তাহার নিকট উপস্থিত হইয়া প্রণাম করিলেন, তখন নন্দী তাঁহাকে আসন প্রদান করিলে তিনি তাহাতে উপবিষ্ট হইয়া কিছু বৈলক্ষণ্য প্রকাশকরত মৌনভাবে রহিলেন । সর্বজ্ঞ মহেশ্বর, নারদের আকৃতি দর্শনে সমস্ত বৃত্তান্ত জানিতে পারিয়া, তাঁহাকে বলিতে লাগিলেন যে, তুমি কেন মৌন অবলম্বন করিলে ? শরীরীগণের স্থিতিই ত উৎপত্তি ও প্রলয়বিশিষ্ট, কালক্রমে দিব্য শরীরও নষ্ট হইয়া যায় । ১-৪ । সমস্ত দৃশ্য পদার্থই বিনশ্বর, বিশেষতঃ তাহা অনীশ্বর, অতএব ইহাতে আর বিচিত্রতা কি ? কাল কাহাকে না কবলিত করে ? অভাবনায় বিষয় কখনই উৎপন্ন হয় না এবং যাহা অবশ্যজ্ঞাবী তাহারও কখন অভাব হন না, ইহা বিবেচনা করিয়া বুধগণ কখনই মোহিত হন না । ৬-৭ । মহেশ্বরের এই সমস্ত বাক্য শ্রবণ করিয়া দেবর্ষি নারদ কহিলেন যে, দেবদেব ! যাহা বলিলেন যে “যাহা অবশ্যজ্ঞাবী তাহাই হইয়াছে” ইহা যথার্থ, তাহার কোন সন্দেহ নাই, তথাপি একটা চিন্তা আমাকে বড় ক্লেশ দিতেছে । বস্তুতঃ আপনার কিছুই বৃদ্ধি বা ক্ষয় হয় না, আপনি সততই অব্যয় ও পূর্ণ, স্তব্ধতাঃ আপনার আর হ্রাস বা বৃদ্ধি কোথায় ? আমি ভাবিতেছি যে, ক্ষুদ্র সংসার অনীশ্বরভাবে ক্রিপণে অবস্থান করিবে, কারণ আজ হইতে কেহ আর আপনার পূজা করিবে

না। ৮-১১। যেহেতু প্রজাপতি দক্ষ আপনাকে যজ্ঞে আহ্বান করিলেন না, আজ তাঁহার দ্বারা অবজ্ঞাত দেখিয়া দেব, ঋষি বা মনুষ্যাগণও আপনাকে অবজ্ঞা করিবে। তাহার অবজ্ঞাত হয়, তাহাদের ঐশ্বর্য্যে প্রয়োজন কি? অবজ্ঞাত লোকেরা কালকে জয় করিলেও বা ঐশ্বর্য্যশালী হইলেও কি তাহাদের মর্যাদা থাকে? তাহাদের দীর্ঘ আয়ুঃ এবং বহুতর ধনেই বা কি হয়? তাহার অভিমানী, তাহার কখনও অবজ্ঞাত হয় না। অচেতন ব্যক্তিরও অবজ্ঞাত হইয়া জীবনধারণে কোন কীৰ্ত্তি নাই, জীর্ণের মধ্যেও বরং অভিমান-ধনা সেই সতীও ধন্যা, যিনি আপনার নিন্দা শ্রবণ করিয়া, তৃণের স্মায় দেহ বিসর্জন করিয়াছেন। মহেশ্বর এই বাক্য শ্রবণ করিয়া সম্যাক্রূপে সতীর অভাব জানিতে পারিয়া কহিলেন। ১২-১৬। হে মুনে! সতাই কি সতী দেহত্যাগ করিয়াছেন? নারদ মহেশ্বরের এই প্রশ্নের কোন উত্তর প্রদান না করিয়া মৌন হইয়া রহিলেন, তখন সর্বসংহারক রুদ্র ক্রোধানলে প্রদীপ্ত হইয়া অতীব রুদ্রমূর্ত্তি ধারণ করিলেন, তাঁহার সেই ক্রোধানল হইতে অতিশয় দীপ্তিশালী, কাল এবং মৃত্যুর ভয়প্রদ একটি মূর্ত্তি আবির্ভূত হইয়া ভূশুণী ধারণকরত মহেশ্বরকে প্রণতি করিয়া কহিল। ১৭-১৯। হে পিতঃ! আমাকে কি করিতে হইবে, তাহা আজ্ঞা করুন, আপনার আজ্ঞায় আমি ত্রক্ষাণ্ডকে গ্রাস করিতে পারি, এক চুমুকেই সপ্তসমুদ্র পান করিতে পারি, আপনার আজ্ঞা পাইলে রসাতল পাতালে এবং পাতালকে রসাতলে লইতে পারি, লোকপালগণের সহিত ইন্দ্রকেও কেশাকর্ষণ করিয়া এখানে আনিতে পারি। বৈকুণ্ঠনাথও যদি ইহাতে ইন্দ্রের সহায় হন, তবে আপনার অনুমতি পাইলে আমি তাঁহাকেও পরাজিত করিতে পারি। দক্ষ ও দৈত্যগণেরও কথাই নাই, তাহার অতি ক্ষুদ্র ও দুর্বল, তাহাদের মধ্যেও যদি কেহ উৎকট হয়, আমি তাহাকেও বিনষ্ট করিতে পারি। যুদ্ধে কালকে বন্ধন করিতে পারি এবং মৃত্যুরও মৃত্যু সম্পাদন করিতে পারি। ত্রিভুবনে যে সমস্ত স্বাবর ও জঙ্গমপদার্থ আছে, আপনার অনুমতিক্রমে আমি ত্রুড় হইলে তদ্ব্যধো কেহই রণাঙ্গনে আমার সম্মুখে স্থির থাকিবে না। এই ভূমণ্ডল আমার পদাঘাতপ্রাপ্তে রসাতলের সহিত বাতাহত কদলীবৃক্ষের স্মায় কাঁপিতে থাকে, আমি অনায়াসেই দৌর্দণ্ডের আঘাতে এই কলাচলসমূহকে চূর্ণ করিতে পারি। ২০-২৭। অধিক বলিবার প্রয়োজন কি, আপনি অনুমতি করুন, আপনার চরণ-রূপায় কিছুই আমার অসাধ্য নাই, আপনি বাহা ভাবিতেছেন, তাহা সিদ্ধ বলিয়াই বিবেচনা করুন। মহেশ্বর তাহার এই সমস্ত প্রতিজ্ঞা শ্রবণ করিয়া স্বীয় কার্য্যসিদ্ধি বলিয়াই বোধ করিলেন এবং আরম্ভ

তাহাকে বলিলেন যে, হে ভদ্র ! আমার গণসমূহের মধ্যে তুমিই মহাবীর, অজাবধি তুমি বীরভদ্র নামে প্রথিত হও । ২৮-৩০ । তুমি দ্বারায় আমার এই কার্য্য কর যে দক্ষের যজ্ঞটী নষ্ট কর, তথায় দক্ষের সহায় হইয়া বাহারা তোমার অবমাননা করিবে, হে পুত্র ! তুমিও তাহাদের অবমাননা করিও । বীরভদ্র, মহেশ্বরের এই আজ্ঞা প্রাপ্ত হইয়া তাঁহাকে প্রদক্ষিণ করিয়া বেগে তথা হইতে প্রস্থান করিলেন । তখন মহেশ্বর স্বীয় নিখাস হইতে আরও শতকোটি গণ সৃষ্টি করিলেন, তাহারা বীরভদ্রের পার্শ্বে, অগ্রে ও পশ্চাতে গমন করিতে লাগিল । সূর্য্য হইতেও অধিক তেজঃশালী সেই গণসমূহের দ্বারা অম্বরতল পরিবাপ্ত হইল । সেই গণসমূহের মধ্যে কেহ কেহ গিরির শৃঙ্গাগ্র উৎপাটন করিয়া লইয়া, কেহ কেহ সমস্ত পর্ব্বত লইয়া, কেহ কেহ বৃহৎ বৃহৎ বৃক্ষ লইয়া দক্ষের যজ্ঞ-ভূমিতে উপস্থিত হইল । তথায় কেহ বৃষ উৎপাটন, কেহ যজ্ঞ, কেহ যজ্ঞমণ্ডপ ধ্বংস করিতে লাগিল । কেহ শূলহস্তে কুণ্ডপূর্ণ যজ্ঞবেদীখননে প্রবৃত্ত হইল, কেহ হবিঃ ভক্ষণ, কেহ পৃথদাজ্য পান করিতে লাগিল । কতকগুলি মিলিয়া পর্ব্বতগগ্নিভ অন্নরাশি ধ্বংস করিল, কেহ পায়স আহার, কেহ ক্ষীরপান, কেহ বা পক্কান্নভোজন করিতে লাগিল, কেহ কেহ যজ্ঞপাত্রসমূহ ধ্বংস করিতে লাগিল । কেহ শকট ভগ্ন করিল, কেহ কেহ বা পশুগণকে গলাধঃকরণ করিতে লাগিল । কেহ কেহ অগ্নি নির্ব্বাণ করিতে লাগিল । কেহ কেহ আনন্দে যজ্ঞায় যজ্ঞসমূহ পরিধান করিতে লাগিল । কেহ কেহ পূর্ব্ব-বিস্তৃত পর্ব্বতাকার রত্নরাশি গ্রহণ করিতে লাগিল । কেহ ভগদেবতাকে নেত্রহীন করিল, কেহ পুষ্যার দন্তাবলী ভগ্ন করিল, কোন গণকে দেখিয়া যজ্ঞ-মৃগরূপ ধারণ করিয়া পলাইতে লাগিলেন, সেই গণ দূর হইতেই চক্রের দ্বারা তাঁহার মস্তকচ্ছেদন করিল । ৩১-৪৪ । কোন গণ, সরস্বতীকে পলায়ন করিতে দেখিয়া তাঁহার নাসিকাচ্ছেদন করিয়া দিল । কেহ অদ্বিতির ওষ্ঠপুট চ্ছেদন করিল, কেহ অৰ্ঘ্যমার বাহুবয় উৎপাটন করিয়া দিল, কেহ বলপূর্ব্বক অগ্নির জিহ্বা উৎপাটিত করিল, কেহ বায়ুর বৃষণচ্ছেদ করিল, কেহ যমকে বন্ধন করিয়া তাঁহাকে “যে ধর্ম্মে মহেশ্বর প্রথম পূজিত না হন, সেই ধর্ম্ম কে ?” এই কথা জিজ্ঞাসা করিতে লাগিল, কেহ কেশাকর্ষণ করিয়া নৈঋতকে উত্তোলন করিল এবং “তুমি অনীশ্বর হবিঃ ভোজন করিয়াছ” এই বলিয়া তাঁহাকে পদাঘাত করিল । কেহ কুবেরের পদদ্বয় ধরিয়া তাঁহাকে ঘুরাইতে লাগিল এবং তিনি বত আহুতি ভক্ষণ করিয়া-ছিলেন, তাঁহার দ্বারা তাহা উদগীরণ করাইল । লোকগণের মধ্যে যে একাদশরুদ্র আছেন, প্রমথগণ রুদ্রনামধারী বলিয়া তাঁহাদিগকে অবহেলা করিল । ৪৫-৫০ ।

কেহ বন্ধনের উদর চিরিয়া ভুক্ত হবিঃ বাহির করিল। ইন্দ্র ময়ুরের রূপ ধারণ করত উড়িয়া গিয়া গিরির উপর বসিয়া প্রচ্ছন্নভাবে এই সমস্ত কৌতুক দেখিতে লাগিলেন, প্রমথগণ ত্রাস্ফণসমূহকে নমস্কার করত “এস্থান হইতে যাও” এই কথা বলিতে লাগিল এবং অশ্রুচরিত্রকে তথা হইতে দূর করিতে লাগিল। এইরূপে পূর্বাগত প্রমথগণ কর্তৃক যজ্ঞ প্রমথিত হইলে, বীরভদ্র প্রমথগণ পরিবেষ্টিত হইয়া তথায় আগমন করত প্রমথগণ যজ্ঞভূমি শাসনের স্থায় অভিশোচনীয় দশায় পরিণত করিয়াছে দেখিয়া বলিতে লাগিলেন যে, হে প্রমথগণ! দুর্বৃত্ত নাস্তিকগণ কর্তৃক সমারদ্ধ এই ক্রিয়ানিচয়ের অবস্থা পরিদর্শন কর, ইহাদের মহেশ্বরে ঘেঘ কেন হইল? বাহারা সমস্ত কস্মের একমাত্র সাক্ষীরূপ মহেশ্বরের প্রতি ঘেঘ করে, তাহারা ধর্ম্যকার্যে প্রবৃত্ত হইয়াও এতাদৃশ গতি লাভ করিয়া থাকে। ৫১-৫৭। কোথায় সেই চুরাচার দক্ষ এবং কোথায়ই বা সেই যজ্ঞভোজী দেবগণ? হে গণনিচয়! তোমরা সত্বর যাও, তাহাদের সকলকেই লইয়া আইস, বীরভদ্রের এই আজ্ঞা পাইয়া প্রমথগণ ঘেঘন সত্বর ধাবিত হইবে, অমনি তাহারা সম্মুখে গদাধরকে দেখিতে পাইল। সেই প্রবলপরাক্রান্ত প্রমথগণ গদাধরের নিকট বাতাহত শুদ্ধ ভূণের অবস্থা প্রাপ্ত হইল। এইরূপে বিষ্ণুর ভয়ে সেই প্রমথগণ বিনষ্ট হইল দেখিয়া, বীরভদ্র কোপে প্রলয়কালীন অনলের স্থায় জ্বলিয়া উঠিলেন। ৫৮-৬১। এবং সম্মুখে দেখিলেন যে, বিষ্ণু দাঁড়াইয়া আছেন এবং তাঁহার চতুর্দিকে অসংখ্য চতুর্ভুজ, চক্রী, গদা ও ঋগধারী, শাঙ্গপাণি তাঁহার গণনিচয় দাঁড়াইয়া রহিয়াছে। এই সমস্ত দর্শন করিয়া বীরভদ্র বিষ্ণুকে কহিতে লাগিলেন যে, তুমিই যজ্ঞপুরুষ এবং এই মহাযজ্ঞের প্রবর্তক তুমিই নিজ বলে মহেশ্বরের শত্রু, দক্ষের রক্ষাকর্তা; হয় দক্ষকে আনিয়া আমার নিকট সমর্পণ কর, না হয় আমার সহিত যুদ্ধ কর, আর দক্ষকে যদি আনিয়া না দেও, তবে যত্নপূর্বক তুমিই উহাকে বন্ধন করিয়া রাখ। ৬২-৬৩। কারণ তুমিও ত মহেশ্বরের ভক্তগণের মধ্যে একজন শ্রেষ্ঠ। তুমিই ত সহস্রপদ্রের একটা কম হওয়াতে নিজের নয়নকমল অর্পণ করিয়াছিলে, তাহাতেই সজ্জ হইয়া মহেশ্বর তোমাকে সুদর্শন-চক্র প্রদান করিয়াছেন; তাঁহার সাহায্যেই তুমি দৈত্যগতিগণকে জয় করিয়া আসিতেছ। ৬৪-৬৭। বিষ্ণু বীরভদ্রের এই সমস্ত ভেজস্বী বাক্য শ্রবণ করিয়া তাঁহার বল জানিবার জন্ত তাঁহাকে কহিলেন যে, তুমি মহেশ্বরের পুত্রভূত্য এবং গণসমূহের মধ্যে শ্রেষ্ঠ, তাহাতে আবার প্রভুর আদেশ পাইয়া অভিশয়ই বলবান হইয়াছ; তুমি যেই হও, আমি দক্ষকে রক্ষা করিব ইচ্ছা করিয়াছি, তোমার সামর্থ্য দেখিব যে, তুমি কি প্রকারে দক্ষকে হরণ



করিবে। বিষ্ণুকর্তৃক এইরূপ অভিহিত হইয়া, বীরভদ্র দৃষ্টিভঙ্গীর দ্বারা প্রমথ-  
গণকে যুদ্ধ করিতে আদেশ করিলেন। তখন প্রমথগণ রণে মত্ত হইয়া বিষ্ণুর  
পারিষদগণের অভিশয় দুর্দশা করিল, তখন বিষ্ণু ক্রুদ্ধ হইয়া রণক্ষেত্রে প্রত্যেকের  
হৃদয়ে সহস্র সহস্র বাণ বিদ্ধ করিলেন। সেই বাণাঘাতে ভিন্নহৃদয় প্রমথগণ রুদ্ধির  
বর্ষণকরত রণক্ষেত্রে বসন্তকালীন কিংশুক-কুসুমের শোভা প্রাপ্ত হইল। তাহারা  
তখন ক্ষরিতমদ মাতঙ্গনিচয় এবং ধাতুরাগত্ৰাবি পর্বতনিচয়ের স্থায় শোভা পাইতে  
লাগিল। ৬৮-৭৫। তখন বীরভদ্র হস্তাকরত বৈকুণ্ঠনাথকে কহিলেন যে, হে  
শাক্ষধনু! তুমি রণে বিশেষ নিপুণ, তাহা জানি; কিন্তু তুমি দৈত্যোদ্ভ্র-ও দানবেদ্ভ্র-  
গণের সহিতই যুদ্ধ করিয়াছ, কখন প্রমথগণের সহিত যুদ্ধ কর নাই। এই কথা  
বলিয়া বীরভদ্র হস্তে ভূশুণ্ডী গ্রহণ করিলেন এবং বিষ্ণুও দৈত্যোদ্ভ্র-গিরিচূর্ণকারিণী  
গদা উত্তোলন করিলেন। বীরভদ্র ভূশুণ্ডীর দ্বারা গদাধরকে আঘাত করিলেন,  
ভূশুণ্ডী বিষ্ণুর অঙ্গে আহত হইয়া শতধা বিদীর্ণ হইয়া গেল, তখন বাসুদেবও সেই  
প্রতাপান্বিত বীরভদ্রকে গদার দ্বারা আঘাত করিলেন, বীরভদ্র সেই আঘাতে কিছু  
মাত্র বেদনাবোধ না করিয়া, খটাস গ্রহণকরত গদাধরের দক্ষিণ হস্তে আঘাত  
করিয়া, তাঁহার হস্তস্থ গদা ভূমিতে নিক্ষেপ করাইলেন, তখন মধুরিপু কুপিত  
হইয়া বীরভদ্রের উপর চক্র নিক্ষেপ করিলেন; চক্র আসিতেছে দেখিয়া বীরভদ্র  
মহেশ্বরকে স্মরণ করিতে লাগিলেন। তখন মহেশ্বরকে স্মরণ করিবামাত্র সেই চক্র  
স্বল্প বক্র হইয়া বীরভদ্রের কণ্ঠদেশে লগ্ন হইয়া সুন্দর দৃশ্যতা লাভ করিল।  
বীরলক্ষ্মী কর্তৃক বিজয়মাণ্ড্যে আবৃতের স্থায় বীরভদ্র সেই চক্রের দ্বারা অভিশয়  
শোভিত হইলেন। ৭৬-৮৩। বিষ্ণু স্বীয় চক্রকে বীরভদ্রের কণ্ঠাভরণ হইতে দেখিয়া  
অল্প হস্তাকরত নন্দক গ্রহণ করিলেন। বীরভদ্র হস্তারের দ্বারা সিদ্ধগণের সমক্ষে  
বিষ্ণুর নন্দকবিশিষ্ট সেই হস্ত স্তুতি করিলেন। এবং স্বয়ং শূল গ্রহণ করিয়া  
বিষ্ণুর প্রতি ধাবিত হইয়া যেমন তাঁহাকে আঘাত করিতে বাইবেন, অমনি আকাশ-  
বাণী হইল যে “হে গণরাজ! তুমি নিবৃত্ত হও, এরূপ সাহস করিও না। বীরভদ্র  
এইরূপে নিবারিত হইয়া বিষ্ণুকে পরিত্যাগ করত সত্ত্ব দক্ষকে আক্রমণ করিয়া  
চীৎকারপূর্বক বলিতে লাগিলেন যে, ঈশ্বরের নিন্দক তোমাকে ধিক! বাহার  
এতাদৃশ সম্পত্তি, দেবগণ বাহার সহায়, সে ব্যক্তি দক্ষ হইয়াও কেন ঈশ্বরের সহিত  
কর্ম্য করে না। তুমি যে মুখে মহেশ্বরের নিন্দা করিয়াছ, আমি চণেটাঘাতে  
সেই মুখ উত্তমরূপে চূর্ণ করিতেছি। ৮৪-৮৯। এই কথা বলিয়া বীরভদ্র, দক্ষ যে  
মুখে মহেশ্বরের নিন্দা করিয়াছিলেন, চণেটাঘাতের দ্বারা সেই মুখ চূর্ণ করিয়া-

দিলেন। ওদনস্তর যজ্ঞে সমাগত অদিতি প্রভৃতিরও তিনি কর্ণাদি চ্ছেদন করিতে লাগিলেন। কাহারও বেণী ছিন্ন করিলেন, কাহারও হস্তুচ্ছেদন করিলেন, কাহারও নাসিকাচ্ছেদন করিলেন, কাহারও বা নাসাপুট ছিন্ন করিলেন এবং কাহারও বা অঙ্গুলিচ্ছেদন করিলেন। যাহারা মহেশ্বরের নিন্দা করিয়াছিল এবং যাহারা তাহা শ্রবণ করিয়াছিল, বীরভদ্র তাহাদের সকলেরই জিহ্বা কাটিয়া বিখণ্ড করিলেন। ৯০-৯৪। যাহারা মহাদেবকে ছাড়িয়া হবিগ্রহণ করিয়াছিল, তাহাদের কতকগুলিকে গলে রজ্জুবদ্ধ করিয়া যুগকাষ্ঠে অধোমুখে লম্বিত করিলেন। চন্দ্র, ধর্ম্য, ভৃগু, মরীচি প্রভৃতি অনেকেই তাঁহার নিকট অত্যন্ত অপমানিত হইলেন; ইহারা সেই দুর্ব্বুদ্ধি দক্ষের জামাতা এই বলিয়া বীরভদ্র তাঁহাদিগকে বিশেষরূপে দেখিতে লাগিলেন। অনন্তর তিনি অবলীলাক্রমে সেই সমস্ত কুন্ত, যুগ, স্তম্ভ, মণ্ডপ, যজ্ঞপাত্র, হব্য, যজ্ঞসম্ভার, যজ্ঞপ্রবর্তক, রক্ষঃপাল এবং মন্ত্রনিচয়কে নষ্ট করিলেন। এইরূপে দক্ষের অশিবসম্পদ, পরবঞ্চনায় অর্জিত সম্পত্তির আয় স্বল্পকালমধ্যেই বিনষ্ট হইয়া গেল। সেই গণনাধ কর্তৃক যজ্ঞের এতাদৃশ দণা হইলে, ত্রাসা বিধিলোপ-ভয়ে যে স্থানে শিবহীন যজ্ঞ হইয়াছিল, সেই স্থানে মহেশ্বরকে আনয়ন করিলেন। মহাদেব আগমন করিলে বীরভদ্র লজ্জিত হইয়া তাঁহাকে প্রণামমাত্র করিলেন এবং দেবদেব সমস্তই জানিতেছেন, ইহা ভাবিয়া কিছুই কহিলেন না। তখন সুর-জ্যোষ্ঠ মহেশ্বরকে প্রসন্ন করিয়া বলিতে লাগিলেন যে, হে কৃপানিধে! এই দক্ষ অপরাধী হইলেও আপনি ইহার উপর প্রসন্ন হউন, হে শঙ্কর! আপনি সকলই পূর্বের আয় করুন, বাহাতে বৈদিক-ক্রিয়া পুনরায় প্রবর্তিত হয়; আপনি তাহার আশ্রয় করুন। হে শঙ্কর! সেশ্বর-ক্রিয়াই দিক, হইয়া থাকে, হে পরমেশ্বর। ঐশ্বরহীন সমস্ত ক্রিয়াতেই এইরূপ সহস্র সহস্র বিপদ উপস্থিত হইয়া থাকে। ৯৫-১০৬। বিচার করিয়া দেখিলে এই দক্ষ আপনার পরম ভক্ত, এ ব্যক্তি অনৌশ্বর কর্ম্য করিয়া পরের দৃষ্টান্ত-স্থল হইয়াছে। অশ্রু যে কেহ আপনাকে পরিত্যাগ করিয়া কর্ম্য করিবে, তাহারও দক্ষের আয়ই সেই কর্ম্য সিদ্ধ হইবে না। ১০৭-১০৮। দক্ষের এই অবস্থা শুনিয়া আজ হইতে আর কুত্রাপি কেহই আপনাকে ছাড়িয়া কোন কর্ম্যই করিবে না। ত্রাসার এই সমস্ত বাক্য শ্রবণ করিয়া মহেশ্বর ঐশ্বৎ হস্তকরত বীরভদ্রকে আজ্ঞা করিলেন যে, সমস্তই পূর্বের আয় কর। বীরভদ্রও মহেশ্বরের আজ্ঞা পাইয়া দক্ষের বদন ব্যতিরেকে অশ্রু সমস্তই পূর্বের ধ্বংস ছিল, তাহা উদ্ধরণ করিলেন। ওদনস্তর ঐশ্বরকে

যাহারা নিন্দা করে, তাহারা মুক এবং পশু হয়, এই জন্ত বীরভদ্র দক্ষকে ছাগবন্ধু করিলেন । ১০৯-১১২ । তদনন্তর গার্হস্থ্য-বিদ্যাত মহেশ্বর ত্রক্ষাকে সন্তোষ করিয়া স্বীয় পারিষদগণের সহিত হিমালয়ে তপস্যা করিবার জন্ত তথা হইতে গমন করিলেন । কোন আশ্রম অবলম্বন না করিয়া ক্ষণকালও অতিবাহিত করা উচিত নহে, অতএব সতত আশ্রমে থাকাই শ্রেয়ঃ, এই জন্তই সমস্ত তপস্তার ফলদাতা মহেশ্বরও পারিষদগণের সহিত তপস্যা করিতে প্রবৃত্ত হইলেন । মহেশ্বর গমন করিলে, ত্রক্ষা দক্ষকে উপদেশ দিতে লাগিলেন যে, তুমি যদি হরনিন্দাসমুদ্ভূত দুস্ত্যজ পাপ ক্ষালন করিতে ইচ্ছা কর, তাহা হইলে বারাণসীতে গমন কর এবং মহাপাপবিনাশিনী সেই বারাণসীতে উপস্থিত হইয়া তথায় শিবলিঙ্গ প্রতিষ্ঠা কর, তাহা হইলে মহেশ্বর তোমার উপর সন্তুষ্ট হইবেন, মহেশ্বর সন্তুষ্ট হইলেই এই চরাচর বিশ্বই তোমার উপর সন্তুষ্ট হইবে, বারাণসীপুরী ভিন্ন অথ কোন স্থানেই তোমার পাপ বাইবে না । ১১৩-১১৮ । মনস্বিগণ ত্রক্ষহত্যা-পাপের প্রায়শ্চিত্ত বিধান করিয়াছেন কিন্তু হরনিন্দার কোন প্রায়শ্চিত্ত বলেন নাই, তথাপি তাহার উপায় একমাত্র কালী, কালীতে যাহারা লিঙ্গ প্রতিষ্ঠা করে, তাহারাও সমস্ত ধর্ম্মের ফলভাগী হয় এবং পুরুষার্থ লাভ করিয়া থাকে । ত্রক্ষার এই বাক্য শ্রবণ করিয়া দক্ষ স্বীয় অবিমুক্তক্ষেত্রে উপস্থিত হইলেন এবং তথায় লিঙ্গ-স্থাপনপূর্বক মহেশ্বরের আরাধনায় তৎপর হইয়া কঠোর তপস্যা করিতে লাগিলেন । তখন তাঁহার চিন্তে মহেশ্বর ব্যতীত জগতের কোন পদার্থই স্থানপ্রাপ্ত হইল না । ১১৯-১২২ । দিবারাত্রি তিনি মহেশ্বরের স্তব, তাঁহার পূজা, তাঁহাকে প্রণাম, তাঁহার ধ্যান এবং তাঁহাকেই দর্শন করিতে লাগিলেন, এইরূপ তপস্যায় দক্ষের দ্বাদশ সহস্র বৎসর অতিবাহিত হইল । যতদিন সতী উমারূপে হিমাচল-পত্নী মেনকার উদরে জন্মগ্রহণ করিয়া, মহাদেবকে পতিরূপে প্রাপ্ত না হইলেন; ততদিন পর্য্যন্ত দক্ষ এইরূপ তপস্যায় লিপ্তই আরাধনা করিতে লাগিলেন । অনন্তর পার্শ্বতী যখন পুনরায় পতির সহিত মিলিত হইয়া কালীতে আসিলেন, তখন দক্ষকে লিঙ্গার্চনে রত দর্শন করিয়া মহেশ্বরকে কহিলেন যে, হে প্রভো ! এ ব্যক্তি তপস্যায় অতিশয় ক্লীণ হইয়াছেন, হে কৃপানিধে ! আপনি বরদান করিয়া এই প্রজাপতিকে কৃতার্থ করুন । অপর্ণা কর্তৃক এইরূপ অভিহিত হইয়া মহেশ্বর দক্ষকে কহিলেন যে, হে মহাভাগ ! তোমার মনোভিলষিত বর প্রার্থনা কর । মহেশ্বরের এই বাক্য শ্রবণ করিয়া দক্ষ তাঁহাকে বহুতর প্রণতি এবং নানা প্রকার স্তুতি দ্বারা প্রসন্ন হইতে দেখিয়া বলিলেন যে, যদি আমাকে বর দেন, তবে আমার প্রার্থনা এই যে, আপনার

চরণযুগলে আমার নিবন্ধ ভক্তি থাকুক। আর আমি যে আপনার এই মহালিঙ্গ প্রতিষ্ঠা করিয়াছি, হে নাথ! আপনাকে সতত এই লিঙ্গে অবস্থান করিতে হইবে, হে কৃপানিধে! আমি যে সমস্ত অপরাধ করিয়াছি, তাহা আপনাকে ক্ষমা করিতে হইবে, ইহা ভিন্ন অন্য কোন উৎকৃষ্ট বরে আমার প্রয়োজন নাই। ১২৩-১৩২।

দক্ষেপ এই প্রার্থনা শুনিয়া মহেশ্বর অত্যন্ত প্রসন্ন হইয়া দক্ষকে বলিলেন যে, তোমার যাহা প্রার্থনা তাহাই হইবে, কখনই তাহার অগ্রথা হইবে না, হে প্রজাপতে! আমি তোমাকে আরও বর প্রদান করিতেছি, তাহা শ্রবণ কর। তুমি যে দক্ষেপনামক এই লিঙ্গ প্রতিষ্ঠা করিয়াছ, এই লিঙ্গের সেবা করিলে, আমি মানবগণের সহস্র অপরাধ ক্ষমা করিব, অতএব মানবগণ যেন এই লিঙ্গের পূজা করে। তুমিও এই লিঙ্গের পূজা-নিবন্ধন সকলের মান্ত হইবে এবং দুই পরাক্ষ কাল পরে মোক্ষলাভ করিবে। মহেশ্বর এই কথা বলিয়া সেই লিঙ্গমধ্যেই অন্তর্হিত হইলেন, দক্ষও পূর্ণমনোরথ হইয়া নিজগৃহে গমন করিলেন। ১৩৩-১৩৭।

স্বন্দ্র কহিলেন, হে অগস্ত্য! এই তোমাকে দক্ষেপের উৎপত্তি-বিবরণ বলিলাম, ইহা শ্রবণ করিলে জীবগণ শত অপরাধ হইতেও মুক্ত হয়। মানব এই পবিত্র দক্ষেপ-সমুদ্ভব শ্রবণ করিলে, সে শত অপরাধী হইলেও কখন পাপ-সমূহে লিপ্ত হয় না। ১৩৮—১৩৯।

## নবতিতম অধ্যায়।

—\*—

### পার্বতীশ্বর বর্ণন।

অগস্ত্য কহিলেন, হে পার্বতী-সুদয়ানন্দ বড়ানন! আপনি ষাঁহার বিষয় উল্লেখ করিয়াছেন, এইক্ষণে সেই পার্বতীশ-মহাদেবের উৎপত্তি-কথা আমার সন্নিহিত কীৰ্ত্তন করুন। ১। স্বন্দ্র কহিলেন, অগ্নি কুন্তসম্ভব! শ্রবণ কর। কোন দিন হিমাচল-মহিষী মেনকা নিজ তনয়া পার্বতীকে কহিলেন যে “অগ্নি পুত্রি! উমে! মদীয় জামাতা তোমারই এই মহেশ্বরের কোন দেশ, গৃহই বা কোথায়? ইহার বন্ধুইবা কে? আমি দেখিতেছি যে, কোন স্থলে ইহার বসতি তাহা কোন ব্যক্তিই

বিদিত নহে” । ২-৩ । জননীর এই প্রকার বাক্য শ্রবণকরত গিরাস্ত্রভনয়া অতিশয় লজ্জিত হইয়া পরে কোন উপযুক্ত সময়ে প্রণতিপূর্বক ভগবান্ মহেশ্বরের নিকট নিবেদন করিলেন যে, “হে হৃদয়েশ্বর । আমি নিশ্চয় করিয়াছি যে, অন্ডাই খণ্ডর-গৃহে গমন করিব, এখানে আমি আর একদিনও বাস করিব না অতএব আপনি আমাকে নিজ গৃহে লইয়া চলুন” । ৪-৫ । পার্বতীর এই বাক্য শ্রবণ করিয়া তত্ববিৎ মহেশ্বর সেই দিবসেই হিমালয় পরিত্যাগ পূর্বক তাঁহাকে নিজ আনন্দ-কাননে লইয়া আসিলেন । ৬ । পরমানন্দের হেতুভূত আনন্দকাননে আগমন পূর্বক পার্বতীদেবী পিতৃগৃহের সুখসম্পদ বিস্মৃত হইয়া স্বয়ং পরমানন্দরূপিণী হইলেন । ৭ । অনন্তর এক সময়ে গিরিজা মহেশ্বরকে জিজ্ঞাসা করিলেন যে, হে প্রভো ! আপনার এই কাশীক্ষেত্রে কেন অবিরত আনন্দ বিরাজমান রহিয়াছে, তাহা আমার সমক্ষে কীৰ্ত্তন করুন । ৮ । গৌরীর এই বাক্য শ্রবণ করিয়া ভগবান্ পিনাকপাণি উত্তর করিলেন যে, অয়ি পার্বতি ! পঞ্চকোশ পরিমিত মুক্তিণিলয় এই কাশীক্ষেত্রে তিলপরিমিতও এমত একটা স্থান নাই ; যথায় কোন লিঙ্গ বিদ্যমান নাই । অথচ কোন স্থানেও একটা শিবলিঙ্গ থাকিলে তাহার চতুর্দিকে এক কোশ পর্য্যন্ত সমস্ত ভূমি আনন্দদায়িনী হইয়া থাকে । হে দেবি ! এই পরমানন্দ-কারণ মদীয় আনন্দবনে পরমানন্দস্বরূপ অনন্ত লিঙ্গ বিদ্যমান রহিয়াছেন । অতএব বিবেচনা করিয়া দেখ, এই স্থানে পরমানন্দ-প্রবাহ সর্বদা প্রসৃত কেন না হইবে ? হে পার্বতি ! চতুর্দশলোকে বাহারা কৃতী বলিয়া প্রসিদ্ধ, তাঁহারা সকলেই নিজ নিজ নামে একটা শিবলিঙ্গ প্রতিষ্ঠা করিয়া কৃতকৃত্যতা লাভ করিয়াছেন । হে মহাদেবি ! এই কাশীক্ষেত্রে যিনি একটা শিবলিঙ্গ প্রতিষ্ঠা করিয়াছেন, তাঁহার মঙ্গলের সংখ্যা নির্দ্ধারণ করিতে সহস্রবদন এবং অনন্তদেবও সমর্থ নহেন । হে গিরিজা ! সেই সকল অনন্ত শিবলিঙ্গের অবস্থান প্রযুক্তই এই আনন্দকাননে সর্বদা অপরিসীম আনন্দ অনুভূত হইয়া থাকে । ৯-১৫ । মহেশ্বরের এই কথা শ্রবণানন্তর দেবী পার্বতী পুনর্বার তাঁহার পাদ গ্রহণপূর্বক প্রণাম করিয়া প্রার্থনা করিলেন যে, হে নাথ ! মহাদেব ! আপনি আমাকেও লিঙ্গ-প্রতিষ্ঠা করিতে আদেশ প্রদান করুন, পতিব্রতা স্ত্রী পতির আজ্ঞা গ্রহণপূর্বক মঙ্গলকর্মে প্রবৃত্ত হইবে, কারণ পতির আজ্ঞা লইয়া তাদৃশ কর্ম করিলে প্রায়-কালেও তাহার ঐশ্বর্য বিনষ্ট হয় না । অতএব আপনি আজ্ঞা না দিলে আমি ইচ্ছাতে কখনই প্রবৃত্ত হইতে পারিতেছি না । ১৬-১৭ । এই প্রকারে মহেশ্বরের প্রসন্নতা সম্পাদনপূর্বক তদীয় আজ্ঞা গ্রহণ করিয়া দেবী পার্বতী মহাদেবের

সন্নিহিতই একটা লিঙ্গ প্রতিষ্ঠা করিলেন । ১৮ । সেই লিঙ্গ দর্শন করিয়া মানব-  
গণ ব্রহ্মহত্যা দি মহাপাতক হইতেও পরিত্রাণ পায় এবং তাহাদের আর সংসার-  
কাৰাগারেও প্রবেশ করিতে হয় না, ইহা নিশ্চয় জানিবে । ১৯ । হে মনে !  
সেই লিঙ্গের সেবকসমূহের হিতকামনায় মহেশ্বর, সেই লিঙ্গে যে বর প্রদান  
করিয়াছেন, তাহা শ্রবণ কর । ২০ । কাশীতে বিদ্যমান পার্বতীশ্বর নামক লিঙ্গকে  
যে ব্যক্তি ভক্তিপূর্বক পূজা করিবে, সেই ব্যক্তি দেহান্তে কাশীতে লিঙ্গরূপে  
প্রাপ্তভূত হইবে । ২১ । কাশীতে লিঙ্গ প্রাপ্তির পরে সেই ব্যক্তি আশ্রমেই  
বিলীন হইতে পারিবে । চৈত্রমাসে শুক্লাতৃতীয়াতে পার্বতীশ্বর-লিঙ্গের অর্চনা  
করিলে মানব ইহকালে সৌভাগ্য ও পরকালে উত্তম গতি লাভ করিতে সমর্থ হয় ।  
স্ত্রী বা পুরুষ যদি একবার ভক্তিসহকারে পার্বতীশ্বর-লিঙ্গের অর্চনা করে, তাহা  
হইলে তাহাকে আর গর্ভে প্রবেশ করিতে হয় না ও সে ইহলোকে পরম সৌভাগ্য  
ভোগ করিয়া থাকে । পার্বতীশ্বর-লিঙ্গের নামমাত্রও গ্রহণ করিলে মানবের  
তৎকালেই শতজন্মার্জিত পাপ বিনাশপ্রাপ্ত হয়, তাহার সন্দেহ নাই । যে  
মনুজশ্রেষ্ঠ, পার্বতীশ্বর-লিঙ্গের মাহাত্ম্য শ্রবণ করিবে, সেই মহামতি ঐহিক ও  
পারলৌকিক বিবিধ ভোগ্যবস্তু লাভ করিতে সমর্থ হইবে । ২২—২৫ ।

## একনবতিতম অধ্যায় ।



### গঙ্গেশ্বর-মহিমা ।

স্বন্দ্র কহিলেন, হে অনঘ ! হে মনে ! তোমার নিকটে আমি পার্বতীশ্বরের  
মহিমা এই কীর্তন করিলাম, এইক্ষণে গঙ্গেশ্বরের উৎপত্তি-কথা কীর্তন করিতেছি  
শ্রবণ কর । ১ । এই গঙ্গেশ্বরের উৎপত্তি-কথা শ্রবণ করিলে যে কোন স্থানেই  
হউক না কেন মানব গঙ্গাস্নানের ফল-লাভ করিতে পারে । যে সময় গঙ্গা দিলীপ-  
তনয় ভগীরথের সহিত এই আনন্দকাননে আসিয়া চক্রপুঙ্করিণী-তীরে মিলিতা হন,  
তৎকালে তিনি মহাদেবের পরিগ্রহনিবন্ধন অবিমুক্তক্ষেত্রের পরম মাহাত্ম্য অবগত  
হইয়া এবং কাশীতে শিবলিঙ্গ-প্রতিষ্ঠার লোকোত্তর কলের বিষয়ও স্মরণ করিয়া

বিশেষত্বের পূর্বদিকে একটী মঙ্গলময় লিঙ্গ প্রতিষ্ঠা করেন । ২-৪ । কাশীতে বিত্ত-  
মান গঙ্গেশ্বর-লিঙ্গের দর্শন অতীব দুর্লভ ; দশহরা-তিথিতে যে ব্যক্তি গঙ্গেশ্বরের  
অর্চনা করিবে, তাহার ক্ষণকালের মধ্যেই সহস্রজন্মার্জিত পাপরাশি বিনাশপ্রাপ্ত  
হইবে তাহার সন্দেহ নাই । কলিকালে এই গঙ্গেশ্বর-লিঙ্গ গুপ্তপ্রায় থাকিবেন । ৫-৬ ।  
সেই গঙ্গেশ্বর-লিঙ্গকে দর্শন করিলে মানবগণ যে বহুতর পুণ্য-লাভ করিবে তাহাতে  
আর সন্দেহ কি ? কাশীতে যে ব্যক্তি অতিদুর্লভ সেই গঙ্গেশ্বর-লিঙ্গের দর্শন-লাভে  
সমর্থ হইবে, গঙ্গা যে তাহার প্রত্যক্ষাকৃষ্ট হইবেন তাহাতে কোন সন্দেহ নাই,  
কলিকালে সর্বকলুষহারিণী গঙ্গাই সুদুর্লভ হইবেন, হে মিত্রাবরুণনন্দন অগস্ত্য !  
ঐহার দর্শনমাত্রেই মানবগণ সর্বপ্রকার পাপ হইতে মুক্তিলাভ করিতে পারে ;  
সেই গঙ্গেশ্বরলিঙ্গ ও কলিতে অতিশয় সুদুর্লভ হইবেন ইহাতে আর সন্দেহ কি ?  
৭-৯ । এই গঙ্গেশ্বরের মাহাত্ম্য শ্রবণ করিলে মানব আর নরকে গমন করে  
না, বহুতর পুণ্যলাভ করিতে পারে ও ইহকালেই নিজ অভিষ্ট বস্তুলাভে  
সক্ষম হয় । ১০ ।

## দ্বিবিংশতম অধ্যায় ।



### নর্মদেশ্বরার্থ্যান ।

স্বন্দ কহিলেন, হে মুনে ! এক্ষণে তোমাকে আমি ঐহার নাম শ্রবণ করিলে  
মহাপাপ ক্ষয় হয়, সেই নর্মদেশ্বরের মাহাত্ম্য বলিতেছি । এই বরাহকল্পের প্রথমেই  
মুনিগণ মার্কণ্ডেয়ের নিকট উপস্থিত হইয়া জিজ্ঞাসা করিয়াছিলেন যে, নদীর মধ্যে  
শ্রেষ্ঠ কে ? তাহা আপনি বলুন । ১—২ ।

মার্কণ্ডেয় কহিলেন, হে মুনিগণ ! আপনারা শ্রবণ করুন, পৃথিবীতে বহু-  
তরই নদী আছেন, তাঁহারা সকলেই পাপহারিণী এবং ধর্মপ্রদায়িনী । সমস্ত নদীর  
মধ্যে ঐহার সমুদ্রগামিনী তাঁহারা শ্রেষ্ঠ, তাঁহাদের মধ্যে আবার গঙ্গা, যমুনা,  
নর্মদা এবং সরস্বতী এই চারিটী নদীই মহাশ্রেষ্ঠ, তন্মধ্যে গঙ্গা স্বর্গদেবের মূর্তি, যমুনা  
যজুর্বেদের মূর্তি, নর্মদা, সামবেদের মূর্তি এবং সরস্বতী অথর্ববেদের মূর্তি । তন্মধ্যে





সেই লিঙ্গ-মধ্যেই অন্তর্হিত হইলেন। নর্মদাও অদ্ভুত পবিত্রতা লাভ করিয়া প্রহর্যাস্তঃকরণে স্বদেশে গমন করিয়া দর্শনমাত্রে মানবগণের শাপহরণ করিতে লাগিলেন। সেই মুনিশ্রেষ্ঠগণও মার্কণ্ডেয়ের এই বাক্য শ্রবণ করিয়া অতিশয় আনন্দিত-চিত্তে নিজ নিজ হিতানুষ্ঠান করিতে লাগিলেন। ২৪-২৯।

স্বন্দ্র কহিলেন, মানব ভক্তি-সহকারে নর্মদেশ্বরের মাহাত্ম্য শ্রবণ করিলে, শাপ-কঙ্কু হইতে নিম্মুক্ত হইয়া উৎকৃষ্ট জ্ঞানলাভ করিয়া থাকে। ৩০।

## ত্রিনবতিতম অধ্যায় ।



### সতীশ্বরবির্ভাব-কথন ।

অগস্ত্য কহিলেন, হে স্বন্দ্র! এইত মহাকল্মষনাশন নর্মদেশ্বরের মাহাত্ম্য শ্রবণ করিলাম, এক্ষণে সতীশ্বরের উদ্ভব-বৃত্তান্ত বলুন। ১।

স্বন্দ্র কহিলেন, হে মিত্রাবরুণসমুৎ! কাশীতে যে প্রকারে সতীশ্বর-লিঙ্গ আবির্ভূত হইয়াছেন, তাহা বলিতেছি শ্রবণ কর। হে মুন্যে! পুরাকালে কোন সময়ে ব্রহ্মা অতিশয় তপস্বী করেন, তাঁহার সেই কঠোর তপস্যায় সমুৎপন্ন হইয়া মহেশ্বর তাঁহাকে বরপ্রদান করিতে আসিয়া কহিলেন যে, হে লোককৃৎ! তুমি বর প্রার্থনা কর। ২-৪।

ব্রহ্মা কহিলেন, যদি আপনি আমার অভিলষিত বর প্রদান করেন, তবে আমার প্রার্থনা এই যে, আপনি আমার পুত্র হউন এবং দেবী দক্ষের কন্যা হউন। মহেশ্বর ব্রহ্মার এই প্রার্থনা শ্রবণ করিয়া কিঞ্চিৎ হাস্ত-সহকারে দেবীর মুখ নিরীক্ষণকরত ব্রহ্মাকে কহিলেন যে, হে ব্রহ্মন্! তোমার অভিলাষ পূর্ণ হউক, হে পিতামহ! আমার অদেয় কি আছে? মহেশ্বর এই কথা বলিয়াই ব্রহ্মার ভালদেশ হইতে বালকরূপে আবির্ভূত হইয়া রোদন করিতে করিতে তাঁহার মুখ নিরীক্ষণ করিতে লাগিলেন। ব্রহ্মা সেই শিশুকে রোদন করিতে দেখিয়া জিজ্ঞাসা করিলেন যে, আমাকে পিতা পাইয়াও তুমি কেন মুহুমুহু রোদন করিতেছ? ব্রহ্মার এই বাক্য শুনিয়া সেই বালক উত্তর করিল যে, আমি নামের জন্ত রোদন করিতেছি, হে পিতামহ! আমাকে নাম প্রদান করুন। তখন

সেই বালক রোদন করিয়াছিল বলিয়া ত্রক্ষার নিকট “ক্লত্র” এই নাম লাভ করিল। ৫—১০ ।

অগস্ত্য কহিলেন, হে ষড়ানন ! জৈশ্বর বালক হইয়া কেন রোদন করিলেন, তাহা জানিবার জন্ত আমার অভ্যস্ত কৌতুহল হইতেছে, অতএব তাহার কারণ আপনি যদি কিছু জানেন, তবে তাহা আমাকে বলুন । ১১ ।

স্বন্দ কহিলেন, হে কুস্ত-সমুদ্ভব ! আমি সর্বজ্ঞের তনয় বলিয়া রোদনের কারণ কিছু কিছু জানি, তাহা তোমাকে বলিতেছি শ্রবণ কর । সেই সময়ে মহেশ্বর মনে মনে সত্যলোকাধিপতি চতুরাননের বুদ্ধি-বৈভবের বিষয় ভাবিতে-ছিলেন, তজ্জনিত আনন্দেই তাঁহার নয়নধর দিয়া বাষ্পরাশি সমুদ্ভূত হইয়াছিল । ১২-১৪ । অগস্ত্য কহিলেন, মহেশ্বর ত্রক্ষার কি বুদ্ধি-বৈভব দর্শন করিয়াছিলেন যে, বাল্যকালেই তাঁহার আনন্দাশ্রু নির্গত হইল । হে সর্বজ্ঞানন্দবর্দ্ধন ! ইহা আপনি আমাকে বলুন । অগস্ত্যের এই বাক্য শ্রবণ করিয়া তারকারি কহিলেন যে, হে মুনে ! কুস্তঘোনে ! দেবদেব মনে মনে ভাবিলেন যে, অপত্য ব্যতিরেকে পিতাকে আর কে উদ্ধার করিতে পারে ? ত্রক্ষার এইত একটা প্রধান মনোরথ, দ্বিতীয় এই যে, স্রষ্টার জন্মহারী এই মহেশ্বর আমার সম্ভান হইলে আমি কোন সময়ে ইহাঁকে দর্শন, কখন বা ইহাঁর অঙ্গস্পর্শ কখন বা ইহাঁর সহিত একশয্যায় শয়ন এবং একত্র আহার করিতে পাইব । ১৫-১৯ । যে ব্যক্তি বাক্য এবং মনেরও অগোচর, সে ব্যক্তি আমার পুত্র হইয়া আমায় কোন পদার্থ না প্রদান করিবে ? যে ব্যক্তি একবার ইহাঁকে স্পর্শ বা আনন্দ-সহকারে দর্শন করে, সে আর জন্মগ্রহণ করে না এবং পরম আনন্দিত হয় । এই ব্যক্তি যদি কোন প্রকার আমার সম্ভান হয়, তাহা হইলে আমি নিশ্চয়ই অপরের সৌখ্যনিধান হইব । ২০-২২ । সর্বজ্ঞ মহেশ্বর, নিশ্চয়ই বিধাতার মনের এতাদৃশ অভিলাষ জানিতে পারিয়া আনন্দবাষ্প-পরিপ্লুত-লোচনত্রয় ধারণ করিয়াছিলেন । অগস্ত্য, স্বন্দে’ এই বাক্য শ্রবণ করিয়া অভিষয় আনন্দ-লাভ করিলেন এবং তাঁহার চরণে প্রণতি করত কহিলেন যে, হে সর্বজ্ঞানন্দন ! আপনার জয় হউক, আপনি সম্যকরূপেই বিধাতা এবং শস্ত্র এই উভয়েরই মনোগত ভাব জানিতে পারিয়াছেন, অতএব চৈতন্যস্বরূপ আপনাকে নমস্কার । ২৩-২৫ । স্বন্দও শ্রোতার আনন্দ দর্শনে পরম পরিকুষ্ট হইয়া বলিলেন যে, হে অগস্ত্য ! তুমি ধন্য এবং তুমিই স্বার্থ শ্রবণ করিতে জান । তোমার নিকট আমি যে এত কথা বলিলাম, এ শ্রম আমার বার্থ হয় নাই । অগস্ত্যকে এই কথা বলিয়া ষড়ানন আবার বলিতে লাগিলেন ।

মহেশ্বর রুদ্ররূপে জন্মগ্রহণ করিলে, দেবীও দক্ষের কন্যা হইয়া জন্মগ্রহণ করিলেন । দক্ষকন্যা সেই সতী কাশীতে আসিয়া তীক্ষ্ণ তপস্শাকরত স্বীয় সন্মুখেই লিঙ্গরূপে প্রাদুর্ভূত মহেশ্বরকে দেখিতে পাইলেন । তখন মহেশ্বর দেবীকে কহিলেন যে, হে মহাদেবি ! তপস্শা করিবার আর প্রয়োজন নাই, তোমার নামে এই লিঙ্গ “সতীশ্বর” নামে বিখ্যাত হইবেন । হে দক্ষকন্যকে ! এই স্থানে তোমার মনোরথ যেমন সফল হইল, তদ্রূপ এই লিঙ্গের আরাধনা করিলে অশ্রু ব্যক্তিরও মনোরথ সফল হইবে । এই লিঙ্গের আরাধনা করিলে কুমারী মনোভিলাষ অপেক্ষা উচ্চ পতি এবং কুমারও শ্রেষ্ঠ স্ত্রী লাভ করিবে । সতীশ্বরের অর্চনা করিলে, ষাহার যাহা কামনা আছে, তাহা নিশ্চয়ই পরিপূর্ণ হইবে । সতীশ্বরের পূজা করিয়া যে ব্যক্তি যাহা কামনা করিবে, তাহার সেই মনোরথ সহস্রই সফল হইবে । আজ হইতে অষ্টম দিবসে তোমার পিতা দক্ষপ্রজাপতি, তোমাকে আমার সমর্পণ করিবেন, তাহাতেই তোমার মনোরথ সফল হইবে । মহেশ্বর ইহা বলিয়াই সেই লিঙ্গমধ্যে অন্তর্হিত হইলেন । অনন্তর দাক্ষায়ণীও স্বীয় ভবনে গমন করিলেন । দক্ষও অষ্টম দিনে সেই সতীকে মহাদেবকে সম্প্রদান করিলেন । ২৬—৩৬ ।

স্বন্দ কহিলেন, হে মূনে । এই কাশীতে এই প্রকারে সতীশ্বর-লিঙ্গের আবির্ভাব হইয়াছে, তাহার স্মরণেও পরম সদ্ভক্তি লাভ করা যায় । রত্নেশ্বরের পূর্বদিকে অবস্থিত সতীশ্বরকে দর্শন করিলে মানব তৎক্ষণাৎ পাপ হইতে নিম্মুক্ত হইয়া ক্রমশঃ জ্ঞানলাভ করিয়া থাকে । ৩৭—৩৮ ।

## চতুর্নবতিতম অধ্যায় ।

—:•:—

অমৃতেশাদি-লিঙ্গ-প্রাদুর্ভাব কথন ।

স্বন্দ কহিলেন, হে মূনে । আমি তোমাকে অমৃতেশ্বর প্রভৃতি আরও অসংখ্য লিঙ্গের কথা বলিতেছি, যাঁহাদের নামেরও মুক্তি প্রদান করিবার সামর্থ্য আছে । পুরাকালে কাশীতে একজন সনারু নামে গৃহাশ্রমী ঋষি বাস করিতেন । তিনি সন্তত ব্রহ্মবজ্রে, অতিথি-সেবায় এবং লিঙ্গ-পূজায় নিরত থাকিতেন, এবং তীর্থে প্রতি-

গ্রহ করিতেন না । সেই ঋষির উপজজ্ঞানি নামক একটি পুত্র ছিল, সেই ঋষিকুমার কোন বনে গমন করিলে, তথায় তাহাকে সর্পে দংশন করে, তখন তাহার সমবয়স্ক ঋষিকুমারগণ তাহাকে আশ্রমে লইয়া আইসে । ১-৪ । তখন তাহার পিতা সেই স্নানরু ঋষি, দীর্ঘনিশ্বাস পরিত্যাগকরত সেই মৃত বালককে স্বর্গ-দ্বারের সন্নিকটে মহাশ্মশানে লইয়া যান । সেই শ্মশানে ভূগর্ভে গুপ্তভাবে শ্রীকলাকার একটি লিঙ্গ ছিলেন । ঋষি তথায় সেই শব রাখিয়া “সর্পদষ্ট ব্যক্তির কি প্রকারে সংস্কার হইবে” ইহা ভাবিতেছেন, ইতিমধ্যেই সেই বালক জীবিত হইয়া সুপ্ত ব্যক্তির স্থায় উত্থান করিল । ৫-৭ । উপজজ্ঞানিকে পুনরায় জীবিত দর্শন করিয়া তাহার পিতা অভিষয় বিস্মিত হইয়া ভাবিতেছেন যে, ক্ষেত্রের বাহিরে সর্পাঘাতে গতাস্থ আমার এই তনয়ের পুনরায় জীবনপ্রাপ্তির প্রতি হেতু কি ? ইতিমধ্যেই কোথা হইতে একটি পিপীলিকা একটি মৃত পিপীলিকাকে লইয়া তথায় উপস্থিত হইল, এবং সেই মৃত পিপীলিকাটিকে তথায় রাখিল । তথায় অবস্থিতিমাত্রেই সেই পিপীলিকা পুনরায় জীবনলাভ করিয়া, পিপীলিকার সহিত স্থানান্তরে, প্রস্থান করিল । ইহা দেখিয়া সেই মুনি নিজ বালকের পুনর্জীবিত হইবার কারণ বুঝিতে পারিয়া মুদুহস্তে তথাকার ভূমি খনন করিতে লাগিলেন, স্বল্পমাত্র খননের পরই তিনি তথায় একটি শ্রীকলাকার লিঙ্গ দেখিতে পাইলেন । ৮-১২ । তৎক্ষণাৎ তিনি সেই অনাদি-লিঙ্গের পূজা করিয়া তাহার “অমৃতেশ্বর” এই সার্থক নামকরণ করিলেন । আনন্দ-কাননে এই লিঙ্গ স্পর্শ করিলে নিশ্চয়ই অমৃতত্ব-লাভ হয় । ১৩-১৪ । অনন্তর সেই মুনি অমৃতেশ্বরের পূজা করিয়া সেই পুত্র সমভিব্যাহারে পুনরায় নিজ গৃহে উপস্থিত হইলেন । তাহার মৃত পুত্রকে পুনরায় জীবিত দর্শন করিয়া সকলেই অত্যন্ত বিস্মিত হইল । হে মুনীশ্বর ! তদবধি সেই অমৃতেশ্বর-লিঙ্গ কাশীতে মানবগণের সিদ্ধি প্রদান করিতেছেন, কিন্তু কলিকালে পুনরায় তিনি গুপ্ত হইবেন । অমৃতেশ্বর-স্পর্শমাত্রে মৃত ব্যক্তিগণ তৎক্ষণাৎ জীবন লাভ করে এবং জীবিত ব্যক্তি তাহার স্পর্শমাত্রে অমৃতত্ব লাভ করিয়া থাকে । ১৫-১৭ । ভূমণ্ডলে কুত্রাপিও অমৃতেশ্বরের সমান কোন লিঙ্গ নাই, কলিকালে মহেশ্বর যজ্ঞ-সহকারে সেই লিঙ্গকে গোপন করিয়া থাকেন । কাশীতে যাহারা অমৃতেশ্বরের নামমাত্র উচ্চারণ করে, তাহাদেরও কোন কালে কোন উপসর্গজনিত ভয় উপস্থিত হয় না । ১৮-১৯ । হে মুনে ! মোক্ষ-দ্বারের সন্নিকটে মোক্ষদ্বারেশ্বর-শিবের সম্মুখে করুণেশ্বর নামক আরও একটি মহালিঙ্গ আছেন । মহাকারণিক সেই লিঙ্গকে দর্শন করিলে কাহাকেও কাশীক্ষেত্রের বাহিরে যাইতে হয় না । ২০-২১ । মানব মণি-

কৰিকায় স্নান কৰিবে এবং কৰুণেশ্বৰকে দৰ্শন কৰিবে, তাহা হইলে অনায়াসে ক্ষেত্ৰোপসৰ্গজনিত ভয় হইতে নিষ্কৃতি পাইবে। মানব সোমবারে কৰুণা- (পুষ্প-বিশেষ) পুষ্পের দ্বারা কৰুণেশ্বরের পূজা করিয়া এক ভক্ত-ব্রত করিবে, সেই ব্রতে কৰুণেশ্বর সন্তুষ্ট হইয়া কখনই সেই ব্রতকারীকে ক্ষেত্রে হইতে দূর করেন না, অতএব সকলেরই এই ব্রত করা উচিত। ২২-২৪। কৰুণাপুষ্পের দ্বারা তাহার ফল এবং পত্রের দ্বারাও কৰুণেশ্বরের পূজা করিবে। যে ব্যক্তি কৰুণেশ্বর-লিঙ্গের সন্ধান জানে না, সে ব্যক্তি যেন “হে দেবেশ! আপনি শ্রীত হউন” এই বলিয়া কৰুণাবৃক্ষেরও পূজা করে। যে বিজ্ঞ এক বৎসর এই সোমবার ব্রত করিবে, কৰুণেশ্বর প্রসন্ন হইয়া তাহার মনোবাঞ্ছা পূর্ণ করিবেন। কাশীতে যেন যত্নপূর্বক মানবগণ কৰুণেশ্বরকে দৰ্শন করে। এই তোমায় আমি কৰুণেশ্বরের মহন্তর মহিমা বলিলাম, ইহা শ্রবণ করিলে কাশীতে উপসৰ্গজনিত কোন ভয় হয় না। কাশীতে স্বৰ্গ-দ্বারেশ্বর ও মোক্ষ-দ্বারেশ্বর এই দুইটী লিঙ্গকে দৰ্শন করিলে মানব স্বৰ্গ ও মোক্ষ-লাভ করিয়া থাকে। ২৫-২৯। কাশীতে জ্যোতিরূপেশ্বর নামে আরও একটি লিঙ্গ বিরাজমান আছেন, তাহার পূজা করিলে ভক্তগণ জ্যোতিঃস্বরূপ হইয়া থাকে। চক্ৰপুষ্করিণী-তীরে অবস্থিত জ্যোতিরূপেশ্বরকে দৰ্শন করিলে মানব জ্যোতিরূপ লাভ করে, তাহার কোন সন্দেহ নাই। ৩০-৩১। স্বৰ্গ হইতে ভাগীরথী যে দিন কাশীতে আগমন করিয়াছেন, তদবধি তিনি আনন্দের সহিত নিত্য সেই লিঙ্গের অর্চনা করিয়া থাকেন। পুরাকালে বিষ্ণু বখন এই স্থানে তপস্তা করেন, সেই সময় এই তেজস্বী লিঙ্গ স্বয়ংই এই স্থানে আবির্ভূত হইয়াছিলেন। তৎকালেই এই ক্ষেত্রে অতি শুভ। যে ব্যক্তি দূরে অবস্থিত হইয়া চক্ৰপুষ্করিণীর তীরস্থিত জ্যোতিরূপেশ্বরকে ধ্যান করে, তাহারও অবিলম্বে সিদ্ধি-লাভ হয়। চতুর্দশটি লিঙ্গের দ্বারা এই আটটি লিঙ্গ ও অতিশয় বীৰ্য্যশালী এবং কৰ্ম্মবীজের দাবানল-স্বরূপ। ৩২-৩৫। প্রণবেশ্বর প্রভৃতি চতুর্দশটি লিঙ্গের দ্বারা দক্ষেশ্বর প্রভৃতি আটটি লিঙ্গও অতি মহৎ এবং শৈলেশ্বর প্রভৃতি চতুর্দশটি লিঙ্গও ইহাঁদের সমান, এই ছত্রিশটি লিঙ্গই ক্ষেত্র-সংসিদ্ধির হেতু। এই ছত্রিশটি লিঙ্গ ছত্রিশটি ভক্তস্বরূপ, সদাশিব ইহাঁদের মধ্যেই অবস্থান করিয়া তারক-জ্ঞান উপদেশ করিয়া থাকেন। ৩৬-৩৮। এই ক্ষেত্রের লিঙ্গরূপী এই ছত্রিশটি ভক্ত, ইহাঁদিগের সেবা করিলে মানবের কখন দুর্গতি হয় না। হে মুন! এই লিঙ্গসমূহই কাশীর “রহস্ত”, ইহাঁদের প্রভাব-বলে এই ক্ষেত্রে মোক্ষলাভ হইয়া থাকে। হে’ মহামতে! এই সমূহ লিঙ্গের অবস্থিতি-নিবন্ধনই কাশী মোক্ষক্ষেত্র হইয়াছে, যুগে যুগে এই

সমস্ত এবং অস্ত্রাশ্র আরাও সিদ্ধলিঙ্গনিচয় আবির্ভূত হইয়া থাকেন । ৩৯-৪১ । মহেশ্বরের এই আনন্দ-কানন অনাদিক্লেত্র, এখানে বাহারা অবস্থান করে, তাহারা মুক্ত, তাহার সন্দেহ নাই । এই স্থানেই যোগসিদ্ধি, তপঃসিদ্ধি, ত্রুতসিদ্ধি ও মন্ত্রসিদ্ধি আছে । আর অগ্নিহোমি অষ্ট প্রকার যোগসিদ্ধি আছে, শস্তুর এই আনন্দ-কানন সেই অষ্টবিধ সিদ্ধিরই জন্মভূমি । ৪২-৪৪ । এই আনন্দ-কানন নির্বাণ-লক্ষ্যীর আবাসস্থল, পুণ্যবলে একবার এই আনন্দ-কাননকে প্রাপ্ত হইয়া সংসার-ভীত ব্যক্তি যেন ইহাকে পরিত্যাগ না করে । বারাণসীকে লাভ করাই মহালাভ, মহৎ তপস্তা এবং মহৎ পুণ্য । যে কোন স্থানে হউক, একদিন জীবের মৃত্যু নিশ্চয়ই হইবে, তৎপরে সে ব্যক্তি নিজকর্মানুসারে অবশ্যই শুভ বা অশুভ গতি লাভ করিবে । ৪৫-৪৭ । অতএব মৃত্যুকেও তৎপরে কর্ম্মানুরূপ গতিতে অবশ্যস্তাবী জানিয়া জীব অবশ্য সর্ব্বকর্ম্মনিবারিণী কাশীর সেবা করিবে । ক্ষণকালস্থায়ী মনুষ্যজীবন লাভ করিয়া বাহারা কাশীর সেবা না করে, সেই সমস্ত মন্দবুদ্ধি প্রাণিগণ নিশ্চয়ই দৈব-কর্তৃক বঞ্চিত হইয়া থাকে । মনুষ্যজন্মও ছল্ভ এবং কাশীপুরীও ছল্ভ, একত্র এই উভয়ের মিলনে নিঃসন্দেহ মুক্ত হওয়া যায় । ৪৮-৫০ । কাশীতে যে শ্রেষ্ঠ মোক্ষ-লাভ হয়, এ জগতে তাদৃশ তপস্তা বা যোগ কোথায় ; বাহার দ্বারা তাদৃশ মুক্তি-লাভ করা বাইতে পারে । আমি পুনঃপুনঃ সত্য বলিতেছি যে, মুক্তির জন্ম ভূমণ্ডলে কাশীর সদৃশ আর কোন পুরী নাই । এখানে স্বয়ং মহেশ্বর মুক্তিদাতা এবং উত্তরবাহিনী গঙ্গাও জীবগণের মুক্তির জন্ম এখানে অবস্থান করিতেছেন, অতএব আনন্দ-কাননেই মুক্তি, তন্ত্র আর কুত্রাপিও মুক্তি নাই । একমাত্র বিশ্ব-নাথই মুক্তিদাতা, তিনিই জীবকে কাশীপ্রাপ্ত করাইয়া মুক্তি প্রদান করিয়া থাকেন । সামুদ্র্য-মুক্তি এই স্থানেই লাভ হয়, এতদ্বিন্ন অত্র স্থানে সামুদ্র্যাদি মুক্তি হইয়া থাকে, তাহাও আবার তথায় স্থলভ নহে, কিন্তু কাশীতে অনায়াসেই সামুদ্র্য-মুক্তি লাভ হইয়া থাকে । ৫১—৫৫ ।

ক্ষম করিলেন, হে মহাভাগ অগস্ত্য । মহর্ষি ক্লষ্ণবৈপায়ন ভবিষ্যতে যে মহৎ বাক্য বলিয়াছেন এবং তিনি ধেরূপ করিয়াছেন, আমি সেই ভবিষ্য-বাক্য তোমাকে বলিতেছি, শ্রবণ কর । ৫৬ ।

## পঞ্চনবতিতম অধ্যায় ।

ব্যাগদেবের ভূজ-স্তম্ভ-কথন ।

ব্যাস কহিলেন, হে মহাবৃদ্ধে সূত ! আমার ভবিষ্যৎ-সম্বন্ধে অগস্ত্যের নিকট স্কন্দ যাহা কহিয়াছিলেন, আমি তাহা বলিতেছি শ্রবণ কর । ১ ।

স্কন্দ কহিলেন, হে মহাভাগ মৈত্রাবরুণে ! মুনিবর পরাশর-নন্দন যে প্রকারে মোহপ্রাপ্ত হইবেন, তাহা বলিতেছি শ্রবণ কর । সেই মহামতি ব্যাস বেদসমূহকে নানা শাখায় বিভক্ত করিয়া, সূত প্রভৃতিকে অষ্টাদশপুরাণ অধ্যয়ন করাইয়া সর্বলোক মনোহর, সর্বপাপপ্রণাশন এবং সর্বশাস্তিকর ও শ্রুতি, স্মৃতি এবং পুরাণের রহস্যময় মহাভারত নামক গ্রন্থ রচনা করিয়াছিলেন, যাহা শ্রবণ করিবামাত্র ব্রহ্মহত্যা বিনষ্ট হইয়া যায় । ২-৫ । সেই মুনিবর একদা পৃথিবী ভ্রমণ করিতে করিতে, যথায় শৌনক প্রভৃতি অষ্টাশীতিসহস্র তপোধনগণ অবস্থান করিতেছেন, সেই নৈমিষারণ্যে আসিয়া উপস্থিত হইলেন । সেই তপোধনগণের ভালদেশ বিভূতির দ্বারা ত্রিপুণ্ড্রিত, তাঁহাদের গলে রুদ্রাক্ষমালা, তাঁহারা সর্বদা লেপন করিয়া আছেন এবং সকলেই রুদ্র-সূক্তজপপ্রিয়, লিঙ্গারাধন-নিরত ও শিবনামে কৃতাদর, আর তাঁহারা নিশ্চিন্তচিত্তে “একমাত্র বিদ্যেশ্বর ব্যতীত আর কেহই মুক্তিদাতা নহেন” এই কথা বলিতেছেন । মহর্ষি ব্যাস তাঁহাদের সকলকেই শিবভক্ত দর্শন করিয়া, তর্জনী উত্তোলনকরত উচ্চস্বরে বলিতে লাগিলেন যে, “সমস্ত শাস্ত্র বিচার করিয়া বারম্বার নিশ্চয়রূপে ইহাই জানা গিয়াছে যে, একমাত্র সর্বেশ্বর ভগবান্ হরিই সেবনীয় । ৬-১১ । বেদ, রামায়ণ, পুরাণ ও ভারত, সর্বত্র, আদি, মধ্য ও অন্তে একমাত্র হরিই বিদ্যেয় । আমি ত্রিসত্য করিয়া বলিতেছি যে, বেদ হইতে অতিরিক্ত কোন শাস্ত্র নাই এবং ভগবান্ অদ্বৈত হইতে অতিরিক্ত কোন দেব নাই, লক্ষ্মীশ্বর ব্যতিরিক্ত আর কেহ সর্বদেব নাই এবং সেই লক্ষ্মীশ্বরই অপবর্গ প্রদান করিয়া থাকেন, অতএব সেই একমাত্র লক্ষ্মীশ্বরই ধ্যেয়, তিনি ভিন্ন অপর কেহই ধ্যেয় নহেন । ১২-১৪ । অনার্দ্রন ভিন্ন কেহই এ জগতে ভোগ বা মোক্ষ দান করিতে পারেন না, অতএব যাহারা সুখাভিলাষী, তাহাদের তাঁহারই সেবা করা উচিত । যে সমস্ত অল্পবুদ্ধি মানবগণ কেশব ভিন্ন অন্য দেবতার সেবা

করে, তাহার পুনঃপুনঃ গহন সংসার-চক্রে প্রবেশ করিয়া থাকে। একমাত্র পরাৎ-পর হৃদীকেশই সকলের ঈশ্বর, যে ব্যক্তি তাঁহার সেবা করে, সে ত্রিভুবনের সেবনীয় হইয়া থাকে। ১৫-১৭। একমাত্র বিষুই ধর্ম্যপ্রদ, একমাত্র হরিই অর্থপ্রদ, একমাত্র চক্রাই কামপ্রদ এবং একমাত্র অচ্যুতই মোক্ষপ্রদ। বাহারা সেই শাস্ত্রীকে পরিত্যাগ করিয়া অশ্রু দেবতার উপাসনা করে, সাধুগণ তাহাদিগকে বেদহীন ভ্রান্ত-ণের শ্রায় পরিত্যাগ করিবেন।” ব্যাসের এই বাক্য শ্রবণ করিয়া নৈমিষারণ্যবাসী সেই ঋষিগণ কম্পাঘ্রিত-হৃদয়ে বলিতে লাগিলেন। ১৮—২০।

ঋষিগণ কহিলেন, হে মুনে পারাশর্য্য! আপনি আমাদের সকলেরই মাননীয়, কারণ আপনি বেদসমূহ বিভাগ করিয়াছেন, অষ্টাদশপুরাণ অবগত আছেন, এবং বাহা ধর্ম্ম, অর্থ, কাম ও মোক্ষের বিনিষ্টায়ক, সেই মহাভারতের আপনি কর্ত্তা। ২১-২২। হে সত্যবতী-সুত! এখানে কেহই আপনার অপেক্ষা তত্ত্বজ্ঞ নাহি, কিন্তু আপনি তর্জ্জনো উত্তোলন করিয়া যে কথা বলিলেন, ইহারা কেহই তাহা বিশ্বাস করিলেন না। এখানে আপনি প্রতিজ্ঞা করিয়া বাহা বলিলেন, মহেশ্বরের আনন্দ-কাননে বাইয়া যদি আপনি এইরূপ প্রতিজ্ঞা করিয়া বলিতে পারেন, তাহা হইলেই আপনার বাক্যে আমাদের শ্রদ্ধা হয়। অতএব যেখানে স্বয়ং বিশ্বেশ্বর বিরাজমান রহিয়াছেন, যথায় যুগধর্ম্ম নাই এবং পৃথিবী যাহার সহিত সংলগ্না নহে, আপনি সেই বারণসীতে গমন করুন। ২৩-২৬। মহর্ষি ব্যাস ঋষিগণের এই বাক্য শ্রবণে অন্তরে কিঞ্চিৎ কুপিত হইয়া স্বীয় দশসহস্র শিষ্যের সহিত কানীতে গমন করিলেন। ব্যাস, বারণসীতে উপস্থিত হইয়া পঞ্চনদে স্নানকরত বিন্দুমাধবের পূজা করিয়া, পাদোদক-ভীর্থে গমন করিলেন। তিনি তথায় স্নানাদিকরত আদিকেশবকে দর্শন করিয়া, পঞ্চরাত্র-বিধানে কেশবাদির পূজাকরত শঙ্খ-ধ্বনিতে প্রমোদিত ও বৈষ্ণবগণ কর্ত্তক অভিনন্দিত হইয়া, “হে বিষ্ণো! হে হৃদীকেশ! গোবিন্দ! মধুসূদন! অচ্যুত! অনন্ত! বৈকুণ্ঠ! মাধব! উপেন্দ্র! কেশব! ত্রিবিক্রম! গদাপাণে! শাস্ত্রপাণে! জনার্দন! ত্রীবৎসবক্ষঃ! ত্রীকান্ত! পীতাম্বর! সুরাস্তক! কৈটভারে! বলিধ্বংসিন্! কংসারে! কেশিসূদন! নারায়ণ! অশ্বররিপো! কৃষ্ণ! শৌরে! চতুর্ভূজ! দেবকীহৃদয়ানন্দ! নশোদানন্দবর্দ্ধন! পুণ্ডরীকাক্ষ! দৈত্যারে! দামোদর! বলপ্রিয়! বলারতিস্তুত! হরে! বাসুদেব! বসুপ্রদ! বিষক্সেন! তাক্ষরথ! বনমালিন্! নরোত্তম! অখোক্ষজ! ক্ষমাধার! পদ্মনাভ! জলেশয়! নৃসিংহ! যজ্ঞবরাহ! গোপ! গোপালবল্লভ! গোপীপতে! গুণাতীত! গুরুভবজ! গোত্রভূৎ! চানুরমথন! ত্রৈলোক্যরক্ষণ!



অনাথ ! আনন্দ ! নীলোৎপলদ্বাতে ! কৌস্তভোদ্ভুযিতোরক্ষ ! পূতনাখাতু-  
শোধণ ! আপনি বারম্বার বিজয়ী হউন । হে জগদ্রক্ষামণে ! নরকহারক !  
রক্ষা করুন, রক্ষা করুন, হে সহস্রশীর্ষপুরুষ ! হে পুরুহৃতসুখপ্রদ ! যাহা হইয়া  
গিয়াছে এবং যাহা হইবে তৎসমুদয়ের মধ্যে একমাত্র আপনিই বিরাজমান” ।  
এইরূপে বিষ্ণুর স্তব করিতে করিতে ব্যাসদেব পরমানন্দে নৃত্য-সহকারে  
বিশেষ্বরের মন্দিরাভিমুখে আগমন করিতে লাগিলেন । তুলসীমালাধারী ব্যাস  
মহাভাগবতগণের সহিত জ্ঞানবাণীর পুরোভাগে উপস্থিত হইয়া, স্বয়ংই তালধর,  
স্বয়ংই নর্তক, স্বয়ংই বেণুবাদক এবং স্বয়ংই শ্রুতিধর হইলেন । এইরূপে শিষ্যগণ  
পরিবৃত মহর্ষি ব্যাস, নৃত্য সমাপন করিয়া দক্ষিণ-হস্ত উত্তোলনকরত উচ্চৈঃস্বরে  
“বারম্বার সমস্ত শাস্ত্র-বিচারে নিশ্চিত ইহাই জানা গিয়াছে যে, একমাত্র সর্বৈশ্বর  
হরিশেবনীয়” ইত্যাদি স্বপ্রতিজ্ঞাত শ্লোকনিচয় পাঠ করিতেছেন, ইতিমধ্যে নন্দী  
আসিয়া তাঁহার সেই হস্ত স্তম্বন করিলেন । হে মুনো ! সেই সময়ে ব্যাসের বাক্যও  
স্তুতিত হইল । ২৭-৪৭ । তখন বিষ্ণু গুপ্তভাবে আসিয়া কহিলেন যে, হে ব্যাস !  
তুমি অত্যন্ত অপরাধ করিয়াছ, তোমার এই অপরাধে আমারও অতিশয় ভীতি  
হইতেছে । এ জগতে একমাত্র বিশেষ্বর ভিন্ন দ্বিতীয় আর কিছুই নাই, তাঁহারই  
কৃপায় আমি চক্রো এবং তাঁহারই প্রভাবে আমি লক্ষ্মীশ্বর, তিনিই আমাকে ত্রিভুবন  
রক্ষার সামর্থ্য প্রদান করিয়াছেন, তাঁহার ভক্ত বলিয়াই আমি তাঁহার বরে পরম  
ঐশ্বর্য্য-লাভ করিয়াছি । অতএব এক্ষণে যদি আমার শুভ ইচ্ছা কর, তবে সেই  
মহেশ্বরেরই স্তব কর । অগতঃ তুমি কখন এরূপ বুদ্ধি করিও না । বিষ্ণুর এই  
বাক্য শ্রবণ করিয়া ব্যাস ঈর্জিতের দ্বারা জানাইলেন যে, নন্দী দৃষ্টিমাত্রেরই আমার  
হস্ত স্তম্বন করিয়াছেন এবং তাঁহারই ভয়ে আমার বাক্য পর্য্যন্ত স্তুতিত হইয়াছে,  
অতএব আপনি আমার কণ্ঠ স্পর্শ করুন, যাহাতে আমি মহেশ্বরের স্তব করিতে  
সমর্থ হই । ব্যাসের এই বাক্য শুনিয়া বিষ্ণু প্রচ্ছন্নভাবেই তাঁহার কণ্ঠস্পর্শ  
করিয়া তথা হইতে প্রস্থান করিলেন । অনন্তর উদারবুদ্ধি ব্যাস সেইরূপ স্তবকহস্তে  
মহেশ্বরের স্তব করিতে আরম্ভ করিলেন । ৪৮-৫৫ । -

ব্যাস কহিলেন, এ জগতে একমাত্র রুদ্র ভিন্ন দ্বিতীয় আর কিছুই নাই, সেই  
রুদ্রই একমাত্র ব্রহ্ম, তন্নিম্ন আর কিছুই নাই, যদি কেহ থাকেন, তিনি কে এবং  
কোথায় ? আর তিনি কাহারই বা শক্তি, তাহা আমার সম্মুখে বলুন । ক্ষীরসমুদ্র  
হইতে মন্দরাগাতে যে ভয়ঙ্কর কালকূট উৎপন্ন হইয়াছিল, যাহার তেজে বিষ্ণু  
কৃষ্ণবর্ণ হইয়াছিলেন, মহেশ্বর ভিন্ন কোন ব্যক্তি সেই বিষ সহ্য করিতে পারিয়াছে ?

শ্রীপতি যাঁহার বাণ, ব্রহ্মা যাঁহার যন্তা, সমস্ত পৃথিবী যাঁহার রথ, বেদনিচয় যাঁহার বাহ হইয়াছিল এবং যিনি বাণপাতে ত্রিপুরহ যাবতীয় গ্রাম দন্ধ করিয়াছিলেন, সেই মহেশ্বরের সমান কে ? যে ব্যক্তি পুষ্পময় বাণের দ্বারা সমস্ত ভুবনকে জয় করে, সেই কন্দর্পও দেবগণের সমক্ষে যাঁহার দৃষ্টিপাতেই ভস্ম হইয়াছিল, সেই কামবিজয়ী মহেশ্বর ভিন্ন আর কে স্তুতিযোগ্য ? বেদনিচয়, বিষ্ণু, বিধাতা, মন এবং বাণীও যাঁহাকে জানিতে পারেন না । মাদৃশ অল্পবুদ্ধি ব্যক্তি কিপ্রকারে সেই দেবদেব বিশ্বনাথকে যথার্থরূপে জানিতে পারিবে ? ৫৬-৬০ । সমস্ত বিশ্ব যাঁহাতে অবস্থিতি করিতেছে এবং যিনি সর্বত্রই বিরাজমান রহিয়াছেন, যিনি জগতের কর্তা, রক্ষিতা এবং প্রলয়কর্তা, যিনি সকলের আদি, যাঁহার আদি বা অন্ত নাই এবং যিনি অন্তকৃৎ, আমি তাঁহাকে প্রণাম করিতেছি । যাঁহার একটী নাম বাজি-মেধের তুল্য, যাঁহাকে একটী প্রণতি করিতে পারিলে, ইন্দ্র-সম্পদও তুচ্ছবোধ হয়, যাঁহার স্তুতিতে সত্যলোক প্রাপ্তি হয় এবং যাঁহার পূজায় মোক্ষ-লক্ষ্মী অদূরে অবস্থিত হন, আমি সেই মহেশ্বরকে প্রণাম করিতেছি । আমি মহেশ্বর ভিন্ন অশ্ব কোন দেবকে জানি না, শস্ত্র ভিন্ন অশ্ব কোন দেবের স্তব করি না এবং ত্রিলোচন ভিন্ন অশ্ব কোন দেবকে প্রণতিও করি না, ইহা আমি সত্য বলিতেছি । ৬১-৬৩ । মহর্ষি ব্যাস, মহেশ্বরের এই স্তুতি করিতেছেন ইতিমধ্যে মহেশ্বরের দৃক-প্রসাদে নন্দী তাঁহার হস্ত-স্তুভ নিরাকরণকরত ঈষৎ হান্ত-সহকারে “ব্রাহ্মণ-গণকে নমস্কার” ইহা বলিয়া পুনরায় বলিতে লাগিলেন । ৬৪ ।

নন্দিকেশ্বর কহিলেন, “হে ব্যাস ! তোমার দ্বারা পরিকীৰ্ত্তিত এই মহাপবিত্র স্তোত্র যে ব্যক্তি পাঠ করিবে, মহেশ্বর তাহার উপর প্রসন্ন হইবেন । দুঃস্বপ্ন-প্রশমন এবং শিব-সামিধ্যকারক এই ব্যাসাষ্টক-স্তোত্র প্রত্যহ প্রাতঃকালে যত্নপূর্বক পাঠ করা উচিত । যে ব্যক্তি মাতৃহা, পিতৃহা, গোত্র, বাল্য, স্ত্রীপায়ী বা স্বর্ণপহারী, সে এই স্তব পাঠ করিলে নিম্পাপ হয় । ৬৫-৬৭ ।

স্কন্দ কহিলেন, মহর্ষি ব্যাস তদবধি শিবভক্ত হইলেন, তিনি ঘণ্টা-কর্ণ-হ্রদের সম্মুখে ব্যাসেশ্বর নামক লিঙ্গ স্থাপনকরত, বিভূতিভূষিত ও রুদ্রাক্ষধারী হইয়া রুদ্র-সূক্তের দ্বারা সেই লিঙ্গের পূজা করিতে লাগিলেন । তিনি সেই দিন হইতে নির্বাপনপদায়া এই ক্ষেত্রের তত্ত্ব জানিতে পারিয়া ক্ষেত্র-সম্ভ্রাসকরত অজ্ঞাপিও কাশী পরিত্যাগ করেন নাই । মানব ঘণ্টাকর্ণ-হ্রদে স্নান করিয়া ব্যাসেশ্বরকে দর্শন করিয়া অশ্ব স্থানে মরিলেও কাশীমুখ্যর ফললাভ করে । ৬৮-৭১ । মানব কাশীতে ব্যাসেশ্বরের পূজা করিলে কখন জ্ঞান হইতে বিচ্যুত বা পাপে অভিভূত হয় না ।

যাহারা ব্যাসেশ্বরের ভক্ত, তাহারা কখন কলিকালে পাপ বা ক্ষেত্রোপসর্গজনিত ভয়প্রাপ্ত হয় না। কাশীবাসি-ব্যক্তিগণ ক্ষেত্রপাতক হইতে নিস্তার পাইবার জন্য ঘটাকর্ষণ-রূপে স্নান করিয়া যত্নপূর্বক ঘেন অবশ্য ব্যাসেশ্বরকে দর্শন করে। ৭২—৭৪।

## ষষ্ঠাভিষেক অধ্যায় ।



### ব্যাসদেবের শাপ-বিমোক্ষণ ।

অগস্ত্য কহিলেন, হে স্বন্দ ! ব্যাস যদি শিবভক্ত, ক্ষেত্র-রহস্যজ্ঞ, এবং ক্ষেত্রসম্মাসকারী হন, তবে তিনি মহেশ্বরের তাদৃশ-প্রভাবজ্ঞ এবং জ্ঞানিশ্রেষ্ঠ হইয়াও বারাণসীকে কেন শাপ প্রদান করিলেন ? ১-২।

স্বন্দ কহিলেন, হে মুনে ! ভূমি সত্যই জিজ্ঞাসা করিয়াছ, আমি ব্যাসের ভবিষ্য-চরিত্র বলিতেছি, শ্রবণ কর। যদবধি নন্দী ব্যাসের হস্ত-স্বস্তন করিয়াছিলেন, তদবধি সেই মহর্ষি পরমাদরে মহেশ্বরেরই স্তব করিতেন। ৩-৪। এবং “কাশীতে বহুতর তীর্থ ও শিবলিঙ্গ থাকিলেও বিশ্বেশ্বরেরই সেবা এবং মণিকর্ণিকাতেই স্নান করা উচিত, কারণ সমস্ত লিঙ্গमध्ये একমাত্র বিশ্বেশ্বর এবং সমস্ত তীর্থमध्ये একমাত্র মণিকর্ণিকাই শ্রেষ্ঠ।” এই কথা বলিতেন এবং সেই উভয়কেই বহুমাঙ্গ করিতেন। তিনি প্রত্যহ স্নান করিয়া অগ্ন্যাগ্ন বাগ্জাল পরিত্যাগকরত মুক্তি-ধনুপে বলিয়া মহেশ্বরের মহিমা খ্যাপন করিতেন। প্রত্যহ পরমানন্দে শিষ্যগণের নিকট ক্ষেত্রের পরমমহিমা ব্যাখ্যা করিতেন যে, “এই ক্ষেত্রে বাহ্য কিছু শুভ বা অশুভ কার্য করা যায়, প্রলয়কালেও তাহার ক্ষয় হয় না, অতএব এখানে শ্রেয়ঃকর্মেরই অনুষ্ঠান করিবে। ৫-৯। যে সমস্ত কৃতি ব্যক্তি এই স্থানে ক্ষেত্র-সিন্ধি লাভ করিতে ইচ্ছা করে, বাবজ্জীবন তাহাদের মণিকর্ণিকা ত্যাগ করা উচিত নহে, প্রত্যহ চক্রেপুষ্করিণীতে স্নান করিবে এবং প্রত্যহ পুষ্প, বিল্বপত্র, কল ও জলের দ্বারা বিশ্বেশ্বরের পূজা করিবে। ১০-১১। কদাপি স্বল্পমাত্রও স্ব স্ব বর্ণ ও আশ্রমের ধর্ম পরিত্যাগ করিবে না, প্রতিদিন শ্রদ্ধার সহিত পুনঃপুনঃ ক্ষেত্রের মাহাত্ম্য শ্রবণ করিবে, প্রতিদিন গোপনভাবে স্বীয় শক্তি অনুসারে দান

করিবে, প্রত্যহ বিদ্র-শাস্তির জন্ত যথাশক্তি অন্নও দান করিবে, এখানে সর্বদা পরের উপকার করিবে, পর্ব-দিনে কিছু বিশেষরূপে স্নান ও দানাদি-ক্রিয়া করিবে এবং মহোৎসব-সহকারে বিশেষ পূজাও করিবে । তিথিবিশেষে বিদিত-সমস্তযাত্রাই করিবে ও ক্ষেত্রদেবতাগণের পূজা করিবে । ১২-১৫ । এই ক্ষেত্রে কাহারও মৰ্ম্মকথা বলিবে না এবং পরদার, পরদ্রব্য ও পরাপকার পরিত্যাগ করিবে । কখন পরের অপবাদ বলিবে না, পরের ঈর্ষা করিবে না, প্রাণ কণ্ঠাগত হইলেও মিথ্যা কথা বলিবে না । কিন্তু অত্রস্থ জন্তুরক্ষার জন্ত মিথ্যা কথাও বলিতে পারিবে, শুভ বা অশুভ যে কোন প্রকারেই হউক, যতপূর্বক এস্থানস্থ জীবের রক্ষাবিধান করিবে । ত্রৈলোক্য রক্ষা করিলে যে পুণ্য-লাভ হয়, এই কাশীতে একটীমাত্র প্রাণীকে রক্ষা করিলে নিঃসন্দেহ সেই পুণ্য-লাভ হইয়া থাকে । বাঁহারা ক্ষেত্র-সম্মাস করিয়া কাশীতে বাস করেন, তাঁহাদিগকেই রক্ত ও জীবমুক্ত বিবেচনা করা উচিত । ১৬-২০ । যত্ন-সহকারে তাঁহাদেরই পূজা, তাঁহাদিগকে নমস্কার ও সম্বলিত করা উচিত, কারণ তাঁহারা সম্বলিত হইলে স্বয়ং বিশ্বেশ্বর তুষ্ট হইয়া থাকেন । যে সমস্ত মানব কাশীতে বাস করেন, বিশ্বেশ্বরের তুষ্টির জন্ত সাধুব্যক্তিগণ দূরে অবস্থিত হইয়াও তাঁহাদের যোগ-ক্ষেমবিধান করিবেন । ২১-২২ । বাঁহারা এখানে বাস করিবেন, তাঁহারা ইন্দ্রিয়গণের প্রসন্ন রোধকরত মনেরও চাপল্য-নিবারণে যত্ন করিবেন । সুখী ব্যক্তি কখন মৃত্যুর আকাঙ্ক্ষা বা মোক্ষের অভিলাষ কিম্বা শরীর-শোষণের কোন উপায়ানুষ্ঠান করিবেন না । ২৩-২৪ । ব্রত ও স্নানাদি সিক্তির জন্ত এখানে সতত শরীরের সুস্থতা এবং মহাকলসিক্তির জন্ত দীর্ঘজীবন কামনা করিবে । মহাশ্রেয়ো-বুদ্ধির জন্ত এখানে যতপূর্বক আত্মরক্ষা করিবে, কখন আত্মত্যাগের কল্পনাও করিবে না । ২৫-২৬ । কাশীতে একদিনে যে শ্রেয়-লাভ হয়, অন্যত্র শতবর্ষও তাহা প্রাপ্ত হওয়া যায় না । স্থানান্তরে বাবজীবন-যোগান্ত্যাসে বাহা অর্জিত হয়, বারাগদীতে একবারমাত্র প্রাণায়াম করিলে তাহা লাভ করা যায় । ২৭-২৮ । বাবজীবন সমস্ত-তীর্থে স্নান করিয়া বাহা অর্জিত হয়, আনন্দবনে মণিকর্ষিকায় একবারমাত্র স্নান করিলেই তাহা প্রাপ্ত হওয়া যায় । বাবজীবন সমস্ত লিঙ্গের পূজা করিলে যে পুণ্য অর্জিত হয়, শ্রদ্ধাপূর্বক একবার-মাত্র বিশ্বেশ্বরের পূজা করিলে সেই পুণ্যলাভ হইয়া থাকে । ২৯-৩০ । সহস্র-জন্মে যে নির্ম্মল পুণ্য অর্জন করা যায় সেই পুণ্যেরই বিনিময়ে বিশ্বেশ্বর দর্শন ঘটয়া থাকে । বিধি-সহকারে কোটিসংখ্যক ধেনু দান করিলে যে পুণ্য হয়, একবার বিশ্বেশ্বরকে দর্শন করিলে সেই পুণ্যলাভ হইয়া থাকে । ৩১-৩২ । মহাবিগণ

ষোড়শ প্রকার মহাদানের যে পুণ্য কীৰ্ত্তন করিয়াছেন, বিশেষ্বরে পুষ্প প্রদান করিলে, মানবগণ সেই পুণ্যলাভ করে । অশ্বমেধ প্রভৃতি যজ্ঞনিচয়ের অনুষ্ঠানে যে পুণ্যলাভ হয়, পঞ্চামৃতের দ্বারা বিশেষ্বরকে স্নান করাইলে, সেই ফললাভ হইয়া থাকে । ২৩-৩৪ । সম্যকপ্রকারে সহস্র বাজপেয়-যজ্ঞের অনুষ্ঠানে যে ফল হয়, বিশেষ্বরে একমাত্র মহর্ষি নৈবেদ্য প্রদানে সেই ফললাভ হইয়া থাকে । যে ব্যক্তি বিশেষ্বরে ধন্যতা, ছত্র এবং চামর প্রদান করে, সে পৃথিবীতে একচ্ছত্র-রাজ্যলাভ করিয়া থাকে । ৩৫-৩৬ । যে ব্যক্তি বিশেষ্বরে উৎকৃষ্ট পূজোপকরণ প্রদান করে, এ জগতে সম্পত্তিসম্ভার কখনই সেই ব্যক্তিকে পরিত্যাগ করে না । যে ব্যক্তি বিশেষ্বরের জন্ত সর্বদুঃ-কুসুমগালী পুষ্পোদ্ভাবন নিৰ্ম্মাণ করাইয়া দেয়, তাহার গৃহাঙ্গনে কল্লবৃক্ষনিচয় স্নানীতল ছায়া বিস্তার করিয়া থাকে । ৩৭-৩৮ । যে ব্যক্তি দুষ্কের দ্বারা স্বপনের জন্ত বিশেষ্বরে ধেনু অর্পণ করে, তাহার পূর্ব-পুরুষগণ ক্ষীর-সমুদ্রের তটে বাস করিয়া থাকেন । বিশেষ্বরের রাজভবনে যে ব্যক্তি চূর্ণলেপ বা চিত্র করায়, কৈলাসে তাহার বিচিত্র ভবন হইয়া থাকে । ৩৯-৪০ । এই ক্ষেত্রে যতি, ব্রাহ্মণ এবং শৈবগণকে শ্রদ্ধাপূর্বক ভোজন করাইবে, তাহাতে এক একটাতে কোটি-ভোজ্যের ফল-লাভ হইবে, তাহার সন্দেহ নাই । এখানে তপস্বী করিবে, দান করিবে এবং স্নান, হোম ও জপাদির দ্বারা সত্য বিশ্বনাথকে সন্তুষ্ট করিবে । অগ্নি স্থানে কোটি-জপে যে ফললাভ হয়, এখানে অষ্টোত্তরশত-জপেই সেই ফললাভ হইয়া থাকে । ৪১-৪৩ । অগ্নি স্থানে কোটি-হোমে যে ফল কীৰ্ত্তিত হইয়াছে, এই আনন্দকাননে অষ্টোত্তরশত-হোমেই সেই ফল হইয়া থাকে । যে ব্যক্তি কালীতে বিশেষ্বরের সন্নিকটে ক্রতু-সূক্ত জপ করে, সে ব্যক্তি সমস্ত বেদ-পারায়ণের ফললাভ করে । ৪৪-৪৫ । যে ব্যক্তি বিশেষ্বরের চিন্তা করে, তাহার যে কি পুণ্য হয়, তাহা আমিও জানি না । কালীতে নিত্য বাস করিবে, সর্বদা উত্তরবাহিনীর সেবা করিবে এবং ঘোর আপদ উপস্থিত হইলেও কখন কালী পরিত্যাগ করিবে না, যেহেতু এখানে বিশ্বনাথ সমস্ত বিপদ হইতেই রক্ষা করিয়া থাকেন । ৪৬-৪৭ । কালীতে কৰ্ম্ম করিলে মহৎ ফললাভ হয়, এই জন্মই এখানে স্নান, দান ও জপাদির দ্বারা দিন অতিবাহিত করিবে । এখানে যজ্ঞপূর্বক কৃচ্ছ্রচান্দ্রায়ণাদি-ব্রত করিবে, তাহাতে এখানে কখনই ইন্দ্রিয়-বিকার পীড়া প্রদান করিবে না । মানবগণের ইন্দ্রিয়গণ এখানে যদি বিকার প্রাপ্ত হয়, তাহা হইলে কখনই কালীবাসে সিদ্ধিলাভ হয় না । ৪৮-৫০ ।

অগস্ত্য কহিলেন, হে স্বন্দ ! ইন্দ্রিয়বিশুদ্ধির জগ্য ব্যাস যে সমস্ত কৃচ্ছ্র-চান্দ্রায়ণাদি বলিয়াছেন, আপনি তাহা আমাকে বলুন । ৫১ ।

স্বন্দ কহিলেন, হে মহাবুদ্ধে ! আমি তোমার নিকট কৃচ্ছ্রচান্দ্রায়ণাদি বলিতেছি, যাঁহা করিলে মানব পরম শুদ্ধিলাভ করে । একভক্ত, নক্ত, অষাচিত এবং একটী উপবাসে পাদকৃচ্ছ্র হয় । ৫২-৫৩ । বট, উদ্ভৃষ, পদ্ম, বিদ্বপত্র এবং কুশোদক ইহার প্রত্যেকটী প্রতিদিন সেবা করিলে, পর্ণকৃচ্ছ্র হয় । পিণ্ড্যক, স্নাত, তক্র, অশ্ব ও সন্তু, ইহার এক একটী এক একদিন ভোজন করিবে এবং এক এক দিন উপবাস করিবে, ইহাকেই সৌম্যকৃচ্ছ্র কহা যায় । তিনদিন প্রাতঃকালে এবং তিনদিন সায়াংকালে স্নাত ভোজন করিবে, তিনদিন অষাচিত-ভ্রত করিবে, তিনদিন উপবাস করিবে, তিনদিন এক এক গ্রাস ভোজন করিবে এবং শেষ তিনদিন উপবাস করিবে, ইহাকেই অতিকৃচ্ছ্র কহা যায় । ৫৪-৫৭ । এক-বিংশতি দিন দুগ্ধমাত্র ব্যবহারে কৃচ্ছ্রাতিকৃচ্ছ্র হয় । দ্বাদশদিন উপবাসে পরাক্রত হয় । তিন দিন প্রাতঃকালে, তিন দিন সায়াংকালে ও তিন দিন অষাচিত ভোজন করিবে এবং শেষ তিনদিন উপবাস করিবে, ইহার নাম প্রাজাপত্য-ভ্রত । গোমূত্র, গোময়, দুগ্ধ, দধি, স্নাত এবং কুশোদক পান করিবে ও একরাত্র উপবাস করিবে, ইহার নাম কৃচ্ছ্র-সাস্তপন । ৫৮-৬০ । সাস্তপন-ভ্রতের অবসানে উপবাস করিলে মহাসাস্তপন হয় । ব্রাহ্মণ যখন তপ্তকৃচ্ছ্র-ভ্রত করিবে, তখন দিবসে একবার স্নান-করত সমাহিত হইয়া তিনদিন উষ্ণ-জল, ক্ষীর ও স্নাত এবং অনিল পান করিবে, তিনদিন উষ্ণ-জল পান করিবে, তিনদিন উষ্ণদুগ্ধ পান করিবে, তিনদিন উষ্ণস্নাত পান করিবে এবং তিনদিন বায়ু ভক্ষণ করিবে । একপল দুগ্ধ, দুইপল স্নাত ও একপল জলপান করিবে, ইহাকেই তপ্তকৃচ্ছ্র কহা যায় । গোমূত্রের সহিত যাবক ভক্ষণ করিলে একাহিক কৃচ্ছ্র হয় । দিবসে হস্তদ্বয় উত্তান করিয়া বায়ু ভক্ষণ-করত রাত্রিকালে জলে অবস্থিতি করিয়া প্রাতঃকালে উঠিবে, ইহা প্রাজাপত্য-ব্রত-তুল্য । ত্রিকালীন স্নানকরত কৃষ্ণপক্ষে এক এক গ্রাস হ্রাস এবং শুক্লপক্ষে এক একগ্রাস বৃদ্ধি করিবে, ইহাকে চান্দ্রায়ণ কহা যায় । ৬১-৬৭ । শুক্লপক্ষে এক এক গ্রাস বৃদ্ধি এবং কৃষ্ণপক্ষে এক এক গ্রাস হ্রাস করিবে এবং অমাবস্তা দিনে কিছুই ভোজন করিবে না, ইহাই চান্দ্রায়ণের বিধি । ৬৮ । ব্রাহ্মণ সমাহিত হইয়া প্রাতঃকালে চারিগ্রাস এবং সায়াংকালে চারিগ্রাস ভোজন করিবে, ইহাকে শিশু-চান্দ্রায়ণ কহা যায় । নিয়তাত্মা হইয়া মধ্যাহ্নে আট আটটী হবিষ্যাম-গ্রাস ভোজন করিবে, ইহার নাম বতি-চান্দ্রায়ণ । ৬৯-৭০ । এইরূপে একমাগে একশত

চতুর্বিংশতি গ্রাস ভোজন করিলে চন্দ্রলোকপ্রাপ্তি হইয়া থাকে । জলের দ্বারা দেহ, সত্যের দ্বারা মন, বিজ্ঞা ও তপস্যার দ্বারা জুতাঙ্গা এবং জ্ঞানের দ্বারা বুদ্ধি শুদ্ধ হইয়া থাকে । কাশীর সেবায় মানবগণের সেই জ্ঞান-লাভ হয়, কাশীর সেবা করিলে বিশ্বেশ্বরের কৃপা হয়, সেই কৃপাবলেই কৰ্ম্ম-নিৰ্ম্মূলনক্ষম মহোদয় প্রাপ্তি হয় । এই জন্ত কাশীতে প্রতিদিন প্রবন্ধ-সহকারে স্নান, দান, তপস্যা, জপ, ত্রত, পুরাণ-শ্রবণ, শ্রুত্যান্ত-আচরণ, প্রতিক্ষণ বিশ্বেশ্বরের পদ-ধ্যান, ত্রিকাল-লিঙ্গপূজা, লিঙ্গ-প্রতিষ্ঠা, সাধুগণের সহিত আলাপ, “শিব শিব” উচ্চারণ, অতিথি-সৎকার, তীর্থ-বাসীগণের সহিত মিত্রতা, আস্থিক্য-বুদ্ধি, বিনয়, মান ও অপमानে সমতা-বুদ্ধি, নিকামিতা, অনৌদ্ধত্য, অরাগিতা, অপ্রতিগ্রহ, অমুগ্রহ-বুদ্ধি, অদাস্তিকতা, অমাত্সর্য্য, অপ্রার্থিত-ধনাগম, অলোভিত্ব, অনালস্য, অপারুহ্য এবং অদীনতা প্রভৃতি সৎপ্রবৃত্তি করিবে । মহর্ষি ব্যাস প্রত্যহ শিষ্যগণকে এইরূপ উপদেশ করিতেন । ৭১-৮০ । ব্যাস এইরূপে নিত্য ত্রিষণস্নায়ী, ভিক্ষাপজীবী ও লিঙ্গ-পূজানিরত হইয়া কাশীতে বাস করিতেন । একদা সেই ব্যাসের পরীক্ষার জন্ত মহেশ্বর দেবীকে কহিলেন যে, হে স্তম্ভরি ! অস্ত্র সেই পরমধার্ম্মিক ব্যাস, ভিক্ষার জন্ত সর্বত্র ভ্রমণ করিলেও তুমি তাহাকে ভিক্ষা প্রদান করিও না । ভবানীও মহেশ্বরের এই কথা স্বীকার করিয়া প্রত্যেক গৃহে গমনকরত ব্যাসকে ভিক্ষা দিতে নিষেধ করিলেন । অনন্তর ব্যাস শিষ্যগণের সহিত ভিক্ষা প্রাপ্ত না হইয়া বেলাতিক্রম-দর্শনে দীনের স্তায় পুনরায় সেই পুরী ভ্রমণ করিতে লাগিলেন । প্রতি গৃহেই অগ্ৰাণ্ড ভিক্ষুকগণ ভিক্ষা পাইতেছে, কিন্তু সেই মুনি কোন স্থানেই সেই দিন ভিক্ষা পাইলেন না । অনন্তর সন্ধ্যাকাল উপস্থিত হইলে, তিনি সায়ম্বন-কৰ্ম্ম সমাপ্ত করিয়া শিষ্যগণের সহিত উপবাসী থাকিয়াই দিব্যরাত্রি অতিবাহিত করিলেন । পরদিন সেই মুনি মাধ্যাহ্নিক-বিধি সম্পন্ন করিয়া শিষ্য-গণের সহিত ভিক্ষা করিবার জন্ত পুনরায় নির্গত হইলেন । ভাগ্যহীন ব্যক্তি যেমন ধনলাভে বঞ্চিত হয়, তদ্রূপ শিষ্য ব্যাসও প্রতিগৃহে ভ্রমণ করিয়া সে দিনও কুত্রাপি ভিক্ষা প্রাপ্ত হইলেন না ; তখন তিনি পরিশ্রান্ত হইয়া চিন্তা করিতে লাগিলেন যে, “ভিক্ষা কেন পাওয়া যাইতেছে না ? বোধ করি কেহ বারণ করিয়া থাকিবে” এইরূপ চিন্তা করিয়া ব্যাস শিষ্যগণকে আহ্বানপূর্ব্বক বলিলেন যে, দেখিতেছি তোমরাও ভিক্ষা পাও নাই, ইহার কারণ কি ? আমার আজ্ঞায় তোমরা দুই দিন জন গমন কর ও ইহার কারণ অনুসন্ধান কর । বিতীয় দিবসেও বন্ধ করিয়া যখন ভিক্ষা পাওয়া গেল না, তখন নিশ্চয়ই মহাশক্তিনিপাত-জনিত

কোন অনিষ্ট হইয়া থাকিবে। ৮১-৯২ । সমস্ত নগরী কি অন্নহীন হইয়াছে অথবা সমস্ত পুরবাসিগণের উপর কি কিছু রাজদণ্ড হইয়াছে, অথবা কেহ আমাদিগের উপর ঈর্ষাকরত ভিক্ষা নিবারণ করিয়াছে কিম্বা পুরবাসিগণ কোন বিপদে পড়িয়াছে ? তোমরা সহর ইহার তত্ত্ব লইয়া আইস । গুরুর এই আশ্রয় প্রাপ্ত হইয়া শিষ্যগণের মধ্যে দুই তিন জন তথা হইতে নির্গত হইয়া পুরবাসীগণের সমৃদ্ধি দর্শন করিয়া আসিয়া বলিতে লাগিল । ৯৩-৯৫ ।

শিষ্যগণ কহিল, হে গুরো ! শ্রবণ করুন, এই নগরীতে কোন উপসর্গ উপস্থিত হয় নাই বা ইহার কোন স্থানেই অন্নক্ষয়ও হয় নাই ; যেখানে স্বয়ং বিশেষ্বর, স্বয়ং সুরতরঙ্গিণী এবং আপনার শ্যাম মুনিগণ বিরাজমান, সেখানে উপসর্গজনিত ভয়ের সম্ভাবনা কোথায় ? এই বিশেষ্বরের নগরীতে গৃহস্থগণের যাদৃশ সম্পত্তি, অলকা প্রভৃতিবৎ কথাই নাই, বৈকুণ্ঠেও তাদৃশ সম্পত্তি নাই । ৯৬-৯৮ । হে মহামুনে ! যাহারা বিশেষ্বরের নির্মালাভোজী, তাহাদের গৃহে ষত রত্ন আছে, রত্নাকর সমুদ্রেও তত রত্ন নাই । এখানে গৃহে গৃহে যাদৃশ ধাতুবাশি আছে, সর্গে কল্পবৃক্ষও কোন কালেই তৎসমুদয় প্রদান করিতে পারে না । ৯৯-১০০ । যে পুরীতে সাক্ষাৎ বিশালাক্ষী সুশিস্তুর ফল প্রদান করিতেছেন, সেই পুরীর কোন স্থানেই কেহই নির্ধন নাই । ১০১ । নির্বাণ-লক্ষ্মীর সদন এই আনন্দকাননে যখন মোক্ষ পর্য্যন্ত স্তলভ, তখন কোন পদার্থ তথায় দুর্লভ ? কাশীতে সীমন্তিনী স্ত্রীগণ পতিব্রতপরায়ণ এবং ভবানীস্বরূপ, তাঁহারা সমস্ত সংকর্ষাই বিশেষ্বরে অর্পণ করিয়া থাকেন । কাশীতে যাবতীয় পুরুষই গণাধিপ এবং কুমারতুল্য এবং সকলেই তারকদৃষ্টি । ১০২-১০৪ । এখানে যাহাদের ভালস্থল ত্রিপুণ্ড্র দ্বারা অঙ্কিত, তাহারা সকলেই চন্দ্রমৌলি ( অর্থাৎ বিশেষ্বর ) । যাহারা এখানে বহুতর উপসর্গে নিপীড়িত হইয়াও কখন কাশীকে পরিত্যাগ করে না, তাহারা সকলেই সর্বজ্ঞ । এখানে প্রতিগৃহেই ব্রহ্মবাদী এবং স্বধূনীধৃতকল্মষ ব্রাহ্মণগণ সকলেই চতুরাননস্বরূপ । যাহারা ক্ষেত্রসম্মানকারী, তাঁহারা ই নির্বাণ-লক্ষ্মীর স্নেহভাজন । যাহারা এই ক্ষেত্রে বাস করে, তাহারা সকলেই হ্রষীকেশ, পুরুষোত্তম এবং অচ্যুত-স্বরূপ । এখানেই স্ত্রী বা পুরুষ সকলেই ত্রিনয়ন এবং চতুর্ভুজ-স্বরূপ । এখানে সকলেই শ্রীকণ্ঠ এবং সকলেই মৃত্যুঞ্জয়, যেহেতু এখানে সকলের দেহই মোক্ষ-লক্ষ্মীর আশ্রয় এবং সকলেই অর্দ্ধনারীশ্বর । ১০৫-১১০ । এখানেই পরমধর্ম্মবাশি, এখানেই নিপুল অর্থবাশি, এখানেই সমস্ত কামনা সকল হয় এবং এই স্থানেই নির্মল কৈবলা লাভ হইয়া থাকে । যাহারা কাশীতে বাস করে, তাহাদের আর



গর্ভবাস-সম্পর্ক থাকে না এবং এখানে কলি বা কাল কোন পীড়া প্রদান করিতে পারে না । ১১১-১১২ । এখানে বিশ্বেশ্বরের শরণার্থী ব্যক্তিগণকে পাণসমূহ পীড়া প্রদান করে না । যে স্থানে নাদ, বিন্দু ও কলাস্কক ধ্বনিক্রমী সাক্ষাৎ বিশ্বেশ্বর বিরাজমান, মন্ত্রবিগ্রহ শ্রবণও সেই স্থানেই বিরাজিত, এই জন্ত এখানে নিশ্চয়ই বেদনিচয় মূর্তিমান্ আছেন । ১১৩-১১৪ । সর্বশাস্ত্রনিকেতন সরস্বতী এখানে সরিঙ্গরূপে বিরাজমানা, সুতরাং এই আনন্দকানন সমস্ত ধর্মশাস্ত্রেরই আলয় । স্বর্গে যত দেবতা আছেন, তাঁহারা সকলেই এখানে আছেন । সর্পগণ পাতাল হইতে আগমন করিয়া কণাশ্রিত মণিপ্রদীপের দ্বারা প্রতিরাত্রে এখানে বিশ্বেশ্বরের আরতি করিয়া থাকেন । কামধেনুগণের সহিত সমুদ্রনিচয় প্রতিদিনই পঞ্চপীযুষধারার দ্বারা বিশ্বেশ্বরকে স্নান করাইয়া থাকেন । মন্দার, পারিজাত, সন্তান, হরিচন্দন ও কল্পদ্রুম এই পাঁচটা এবং অগ্ন্যাশ্ব বৃক্ষের সহিত সমস্ত সুরগণ, মহর্ষিগণ এবং সমস্ত যোগিগণই কাশীনাথের উপাসনা করিয়া থাকেন । ১১৫-১২০ । এই কাশী সমস্ত বিদ্যার আকর, এই কাশী লক্ষ্মীর শ্রেষ্ঠ নিকেতন, এই কাশী মুক্তিক্ষেত্র এবং এই কাশীই ত্রয়ীময়ী । ১২১ । মুনিবর পরাশরনন্দন এই বাক্য শ্রবণ করিয়া শিষ্যগণকে বলিলেন যে, তোমরা পুনরায় ঐ শ্লোক পাঠ কর । ১২২ ।

শিষ্যগণ বলিল, এই কাশী সমস্ত বিদ্যার আশ্রয়, এই কাশী মোক্ষ-লক্ষ্মীর পরমধাম, এই কাশী মুক্তিক্ষেত্র এবং এই কাশীই ত্রয়ীময়ী । ১২৩ ।

স্কন্দ কহিলেন, হে কুস্তজ ! স্কুখায় ও তৃখায় জ্বলিতমূর্তি-বাস, শিষ্যগণের এই কথা শ্রবণ করিয়া ক্রোধান্বনেত্রে কাশীকে শাপ প্রদান করিলেন । ১২৪ ।

বাস কহিলেন, এই কাশীতেই বিদ্যার পরম গর্ভ এবং অতিশয় ধনগর্ব দেখিতেছি, এখানেই ব্যক্তিগণ মুক্তিগর্বে ভিক্ষা পর্যাপ্ত প্রদান করে না, অতএব এই কাশীতে ত্রৈপুরুষী-বিদ্যা, ত্রৈপুরুষ-ধন এবং ত্রৈপুরুষী-মুক্তি হইবে না । তিনি এইরূপ শাপ প্রদান করিয়াও পুনরায় ভিক্ষার জগ্ন নিগত হইয়া আকাশে দৃষ্টি করত সমস্ত নগরী ভ্রমণ করিয়া কুত্রাপিও ভিক্ষা প্রাপ্ত হইলেন না । অনন্তর সূর্য্যকে অন্তাচলোন্মুখ দর্শন করিয়া হস্ত হইতে ভিক্ষাপাত্র নিক্ষেপ করত আশ্রমের দিকে গমন করিতে লাগিলেন । তিনি যাইতেছেন, ইতিমধ্যে মহাদেবী প্রাকৃত স্ত্রীমূর্তিতে গৃহদ্বারে অবস্থিত হইয়া ভিক্ষার জগ্ন তাঁহাকে অতিথিরূপে প্রার্থনা করিলেন । ১২৫—১৩০ ।

গৃহিণী কহিলেন, হে ভগবন্ ! অগ্ন কোন স্থানেই আমি ভিক্ষুক দেখিতে পাই-

লাম না অথচ আমার পতি কখনই অতিথিসংকার না করিয়া ভোজন করেন না, আমার স্বামী বৈশ্বদেব প্রভৃতি কৰ্ম্ম করিয়া অতিথির জন্ত অপেক্ষা করিতেছেন, অতএব আপনি অতিথি হউন । অতিথি ব্যতিরেকে যে গৃহস্থ একাকী ভোজন করে, সে নিজ পূর্বপুরুষগণের সহিত মহাপাপ ভোজন করিয়া থাকে । ১৩১-১৩৩ । অতএব আপনি শীঘ্র আসুন এবং অতিথিপূজনে গার্হস্থ্য-ধৰ্ম্মকে সফল করিতে ইচ্ছুক মনীয় পতির অভিলাষ পূর্ণ করুন । ১৩৪ ।

বাসু কহিলেন, হে ভদ্রে ! তুমি কে এবং কোথা হইতেই বা আসিলে ? পূর্বেত তোমাকে কুত্ৰাপি দেখি নাই । বোধ করি, তুমি পবিত্রচিত্তা কোন ধৰ্ম্মময়ী মুক্তি হইবে, তোমাকে দর্শন করিয়া আমার ইন্দ্রিয়নিচয় পরম প্রীতিলাভ করিয়াছে । হে সর্ববায়বসুন্দরি ! বোধ করি, তুমি সুখা হইবে, মন্দরাধাতে ভীতা হইয়া এই স্থানে অবস্থান করিতেছ । ১৩৫-১৩৭ । অথবা তুমি সুধাকরেরই কলা হইবে, কুহু ও রাত্ৰভয়ে ভীতা হইয়া এই কাশীতে সীমস্তিনী-রূপে বাস করিতেছ ? অথবা তুমি কমলা, রাত্রিকালে সঙ্কুচিত কমলালয় পরিত্যাগ করিয়া সর্বদা বিকাশশীল এই কাশীতে বাস করিতেছ ? ১৩৮-১৩৯ । কিম্বা তুমি কল্পণাময়ী, এই কাশীবাসি-জনগণের সমস্ত দুঃখ হরণ করিয়া পরমানন্দ প্রদান করিতেছ ? অথবা তুমি কি বারণসীর অধিষ্ঠাত্রীদেবতা কিম্বা কাশীতে যিনি অন্তিমকালে চণ্ডাল বা ত্রাক্ষণকে সমানরূপে অলঙ্কৃত করেন বলিয়া সতত সংস্কৃত হইয়া থাকেন, তুমি সেই নির্বাক-লক্ষ্মী ? অথবা আমার ভাগ্যই এই ষোড়শরূপে পরিণত হইয়াছে । ১৪০-১৪২ । অথবা এই ক্ষেত্রে যিনি ভক্তপোতপ্রদা বলিয়া পরিগীত হইয়া থাকেন, তুমি ভবনাশিনী সেই ভবানী ? সর্বথাই তুমি নারী, আত্মীয়ী, কিন্নরী, বিজ্ঞাধরী, নাগী, গন্ধর্ব্বী বা যক্ষিণী নহ, তুমি অবশ্যই কোন ইন্দ্ৰদেবতা, আমার মোহ হরণ করিতে আসিয়া থাকিবে । অথবা এ সমস্ত চিন্তায় আমার প্রয়োজন-কি, হে সুন্দরি ! তুমি যে কেহই হও, ইদানী তোমাকে দর্শন করিয়া আমি পরাধীন হইয়াছি, অবশ্যই আমি তোমার আদেশ প্রতিপালন করিব, তুমি আদেশ কর । একমাত্র তপোব্যয় ব্যতিরেকে তুমি আমার দ্বারা বাহ্য করাইবে, তাহাই আমি করিব, হে শুভলোচনে ! তুমি অনুমতি কর । তোমার শ্রায় ত্রীগণের বাক্য কখনই সাধুব্যক্তির মহেশ্বর হানিকর নহে, কিন্তু হে সুভগে । তুমি কে তাহা আমার নিকট সত্য বল ? ১৪৩-১৪৮ । অথবা হে নির্ম্মলেক্ষণে । তোমার এই দেহে অসত্যের সম্ভাবনা কোথায় ?” হে ঘটোত্তব ! বিশ্বজীবনা সেই দেবী, বাসু কর্তৃক এইরূপে জিজ্ঞাসিত হইয়া বলিলেন যে, হে মূনে । আমি অত্রস্থ গৃহস্থামীরই

গৃহিণী, প্রত্যহ আপনাকে শিষ্যগণে পরিবৃত্ত হইয়া ভিক্ষার্থ পর্য্যটন করিতে দেখিয়া থাকি, আপনিই আমাকে জানেন না, কিন্তু আমি আপনাকে জানি। হে তপস্বিন্ ! অধিক বাক্যে প্রয়োজন নাই, সূর্য্য অস্ত না যাইতে যাইতে আপনি আমার প্রাণনাথের আতিথ্য সফল করুন”। দেবীর এই বাক্য শ্রবণ করিয়া বিনয়াবনতগ্রীব হইয়া ব্যাস কহিতে লাগিলেন। ১৪৯-১৫২।

ব্যাস কহিলেন, হে শুভে ! আমার একটী নিয়ম আছে, তাহা যদি প্রতিপালিত হয়, তবে আমি ভিক্ষা করিতে পারি নতুবা নহে। ১৫৩। তপস্বীর এই বাক্য শ্রবণ করিয়া ভবানী কহিলেন যে, হে মুনে ! আপনি নিঃশঙ্কভাবে কি নিয়ম আছে তাহা বলুন, আমার পতির কৃপায় এস্থানে কিছুই ত্রুটি হইবে না। মহর্ষি ব্যাস এই কথা শুনিয়া প্রহৃষ্ট-চিত্তে সেই দেবীকে কহিলেন যে, আমার দশসহস্র শিষ্য আছে, আমি তাহাদের সহিত একত্র ভোজন ইচ্ছা করি, যে পর্য্যন্ত সূর্য্য অস্তাচল গমন না করেন, আমি তাহারই মধ্যে ভোজন করিব, নতুবা নহে। ১৫৪-১৫৬। ব্যাসের এই কথা শুনিয়া দেবী প্রহৃষ্টবদনে তাঁহাকে বলিলেন যে, তবে বিলম্বে প্রয়োজন কি ? আপনি সঙ্কর গমন করুন এবং শিষ্যগণকে ডাকিয়া আনুন। ইহা শুনিয়া ব্যাস আবার দেবীকে কহিলেন যে, হে সাক্ষি ! তোমার কি ত্রুতসিদ্ধি আছে, যাহাতে আমার সমস্ত শিষ্য পরিতৃপ্ত নাভ করিতে পারিবে ? তখন দেবী ঈষৎ হাস্য করত কহিলেন যে, হে মুনে ! যাহাতে সমস্ত অর্থিজনই পরিতৃপ্ত হইতে পারে, আমার পতির অনুগ্রহে তাহাই আমার আশয়ে সত্তত সিদ্ধ রহিয়াছে। আমরা তাদৃশ ভক্তৃসম্বেদকারিকা মহিলা নহি যে, যখন অতিথি আসিবে তখনই সিদ্ধ করিতে হইবে, আমার পতির চরণপ্রসাদে সমস্ত দিক্, সমুদয় মনোরথ ও সমস্ত গৃহই পরিপূর্ণ রহিয়াছে। আপনি যান, শিষ্যগণকে লইয়া শীঘ্রই আগমন করুন, আমার পতি অতি প্রাচীন, বহুক্ষণ বিলম্ব সহ্য করিতে পারেন না অথচ অতিথিকে ভাল বাসেন, অতএব তাঁহার সেই আতিথ্যসমৃদ্ধির জন্ত যে পর্য্যন্ত সূর্য্য অস্তে না যান, ইতিমধ্যে আপনি সঙ্কর আগমন করুন। ইহা বলিয়া ব্যাস চতুর্দিক হইতে শিষ্যগণকে আহ্বান করত লইয়া আসিয়া তন্মার্গাবলোকিনী সেই দেবীকে কহিলেন যে “হে মাতঃ ! সকলেই আসিয়াছে, সঙ্কর ভোজন প্রদান করুন, সূর্য্য অস্তাচলে যাইবার সময় হইতেছে”। এই কথা বলিয়া সেই তপোধন-গণ সকলেই মন্দিরমধ্যে প্রবেশ করিলেন। ১৫৭-১৬৬। তাঁহার সকলেই সেই মণ্ডপস্থ মণিসমূহের জ্যোতিবিস্তারে দিনকরত্মী প্রাপ্ত হইয়া যেমন সৌধমধ্যে প্রবেশ করিবেন, অমনি কেহ আসিয়া তাঁহাদের পাদপ্রক্ষালন

করিয়া দিল কেহবা তাহাদিগের পূজা করিল, কেহ কেহ অন্ন পরিবেশন করিয়া সকলকে ভোজন করিতে বসাইল। ১৬৭-১৬৮। তপোধনগণ সেই সমস্ত পাক সন্দর্শনে ক্ষণকাল তাহাই দেখিতে লাগিলেন এবং তাহার গন্ধে পরম তৃপ্তিলাভ করিলেন। অনন্তর তাঁহারা সেই সমস্ত অন্ন ভোজনে অতিশয় তৃপ্তিলাভ করিলেন। অনন্তর তাঁহারা আচমনান্তে চন্দন, মালা ও বস্ত্রের দ্বারা ভূষিত হইয়া সাযংসন্ধ্যা করত সেই গৃহস্থামীর সম্মুখে উপবেশনপূর্বক বহুতর গানীর্বাদেদ্বারা গৃহপতিকে অভিনন্দিত করিয়া গমনের উপক্রম করিলেন। ১৬৯-১৭১। তখন সেই বৃদ্ধ গৃহপতি, গৃহিণীর প্রতি কটাক্ষ পাতি করিলে দেবী জিজ্ঞাসা করিলেন যে, বাহার্য্য ভাণ্ডে বাস করে, তাগদের ধর্ম্ম কি? আমরা তদনুসারে এখানে বাস করিব। সর্বদধর্ম্মবিদ্গণের শ্রেষ্ঠ বাস, গৃহিণীর এই বাক্য শ্রবণ করিয়া তাঁহার আদর-সুধাক্লিন্ন দিব্যাম্রস্বাদে তপিত হইয়া ঐষৎ হাস্য করত সেই সর্ববিস্তমাকে কহিতে লাগিলেন। ১৭২—১৭৪।

বাস কহিলেন, হে মাতঃ পবিত্রচিত্তে! হে মহানিষ্ঠাম্মানদে! আপনি যাহা করিতেছেন তাহাই ধর্ম্ম। পতিসেবার প্রভাবে আপনি সমস্ত ধর্ম্মই জানিতেছেন, তথাপি যখন আপনি জিজ্ঞাসা করিলেন তখন আমিও কিছু বলিতেছি, কারণ স্বল্পজ্ঞ ব্যক্তিরও জিজ্ঞাসিত হইয়া কিছু বলাই উচিত। হে সূতগে! আপনার এই প্রাচীন ভক্তা যাহাতে সন্তুষ্ট হন, তাহা ভিন্ন আপনার আর কোন ধর্ম্মই নাই। ১৭৫—১৭৮।

গৃহিণী কহিলেন, আমার যথার্থ ইহাই ধর্ম্ম এবং শাস্ত্রানুসারে আমি ইহা করিয়া থাকি, কিন্তু আমি আপনাকে সাধারণ ধর্ম্ম জিজ্ঞাসা করিতেছি, আপনি তাহা বলুন। ১৭৯।

ব্যাস কহিলেন, অনুবেগকর বাক্য, পরের উৎকর্ষসহিষ্ণুতা, সত্তত বিচার পূর্বক কার্য্য করা এবং স্ব গৃহের শুভচিন্তা, ইহাই সাধারণ ধর্ম্ম। ১৮০।

গৃহিণী কহিলেন, এই সমস্ত ধর্ম্মের মধ্যে আপনাতে কোন ধর্ম্মটী আছে তাহা বলুন। ব্যাস এই কথা শুনিয়া স্বগিতের দ্বারা অবস্থিত হইলেন এবং কিছুই উত্তর করিতে পারিলেন না ওখন সেই গৃহস্থ তাঁহাকে বলিতে লাগিলেন যে, তুমি যাহা বলিলে তাহাই যদি ধর্ম্ম হয়, তাহা হইলে তুমিই ধার্ম্মিক, কারণ তোমার দাস্ততা ও উত্তম শাপ প্রদান ক্ষমতা দেখিলাম, তোমাতেই সম্পূর্ণ দয়া ও পরমধৈর্য্য দেখিতেছি। তোমাতেই কাম ও ক্রোধনিগ্রহের সম্ভাবনা রহিয়াছে, তুমিই সম্যক প্রকারে উদ্বেগবর্জিত বাক্য প্রয়োগ করিতে জান, তোমাতেই পরম পরোৎকর্ষসহি-

দ্রুত দেখা যাইতেছে। তুমিই বিচার্যকারিতার পর আশ্রয় এবং তুমিই স্বকীয় গৃহোন্নতি-চিন্তা করিয়া থাক। ১৮১-১৮৫। হে বিঘ্ন! আমাকে এই কথাটির উত্তর প্রদান কর। যে ব্যক্তি অভাগ্য বশতঃ স্বার্থলাভ করিতে না পারিয়া ক্রোধে শাপ প্রদান করে, সে শাপ কাহার হয়? ১৮৬।


বাস করিলেন, যে ব্যক্তি অভাগ্যবশতঃ স্বার্থলাভ করিতে না পারিয়া ক্রোধে শাপ প্রদান করে, সেই শাপ সেই আবিবেকী শাপ প্রদাতারই হইয়া থাকে। ১৮৭।

গৃহস্থ করিলেন, হে বিপ্র! তুমি যখন নিজ অভাগ্যে সর্বত্র ভ্রমণ করিয়াও ভিক্ষা পাইলে না, তখন এই নিরপরাধী ক্ষেত্রবাসিগণ তোমার নিকট অপরাধী কিসে হইল? হে ভগবান! আমার বাক্য শ্রবণ কর। যে ব্যক্তি আমার এই রাজধানীর সমৃদ্ধি দর্শন করিতে পারে না, সেই এখানে শাপগ্রস্ত হয়, অতএব হে ক্রোধন-মুনে! আজ হইতে তুমি আমার শাপবর্জিত ক্ষেত্রে বাস করিও না, কারণ তুমি এখানে বাস করিবার উপযুক্ত নহ। ১৮৮-১৯০। তুমি এইক্ষেণেই এখানে হইতে নির্গত হইয়া ক্ষেত্রের বাহিরে গমন কর। মোক্ষের একমাত্র সাধন আমার এই বারানসী তোমার স্থায় লোকের বাসযোগ্য নহে। ১৯১। এখানে আমার এই ক্ষেত্রবাসিগণের প্রতি যে ব্যক্তি শত্রু মাত্রও দ্রুতচরণ করে, সেই দ্রুততা প্রভাবে সে ব্যক্তি রক্তপিণ্ড হইয়া থাকে। ১৯২। এই বাক্য শুনিয়া ব্যাস কাঁপিতে লাগিলেন এবং তাঁহার ওষ্ঠ ও তালু শুক হইয়া গেল, তখন তিনি গৌরীর চরণপ্রান্তে বিলুপ্ত হইয়া তাঁহার শরণ লইলেন এবং রোদন করিতে করিতে বলিলেন যে, হে মাতঃ! আমাকে রক্ষা করুন, আমি অন্নাথ, আপনিই আমার রক্ষাবিধায়িনী, এ মূর্খ আপনারই বালক, আপনি শরণাগত ব্যক্তিকে ত্রাণ করুন, আপনার শরণাগত আমাকে রক্ষা করুন। আমার এই দ্রুত মন বহুতর পাপের গৃহ। মহেশ্বরের শাপ আপনারও অন্তর্ভুক্ত করিবার সামর্থ্য নাই, অথচ আমিও আপনারই শরণাগত। অতএব হে শিবে! আপনি ইহা করুন, যে, প্রতি অষ্টমী ও প্রতি চতুর্দশীতিথিতে আমাকে এই ক্ষেত্রে প্রবেশের আদেশ প্রদান করুন, মহেশ্বর কখনই আপনার বাক্য লঙ্ঘন করিবেন না। ১৯৩-১৯৭। করুণানিলয় ভবানী ব্যাসকর্তৃক এইরূপ অভিহিত হইয়া, মহেশ্বরের মুখ নিরীক্ষণ করিয়া তাঁহার আজ্ঞাক্রমে করিলেন যে, তাহাই হইবে। ইহা বলিয়া ক্ষেত্রের মঙ্গলকর সেই শিবা ও শিব সেই স্থানেই অন্তর্হিত হইলেন, ব্যাসও নিজ অপরাধ খ্যাপন করিতে করিতে ক্ষেত্রের বাহিরে গমন করিলেন। ১৯৮-১৯৯। তদবধি ব্যাস ক্ষেত্রের বাহিরে থাকিয়া দিব্যরাত্রি ক্ষেত্রের প্রতি দৃষ্টিপাত করিয়া

থাকেন এবং অষ্টমী ও চতুর্দশীতিথিতে ক্ষেত্রমধ্যে প্রবেশ করেন । লোলার্ক হইতে অগ্নিকোণে গঙ্গার পূর্বপারে অবস্থিত হইয়া ব্যাস অস্ত্রাপি কাশীর প্রাসাদ-রাজি দর্শন করিয়া থাকেন । ২০০—২০১ ।

স্বন্দ্র কহিলেন, হে কুলভজ ! এই প্রকারে সেই ব্যাস ক্ষেত্রে শাপ প্রদান করেন এবং সেই শাপ-প্রদান নিবন্ধন তৎক্ষণাৎ ক্ষেত্রের বাহিরে গমন করেন । অতএব যে ব্যক্তি কাশীক্ষেত্রের প্রশংসা করিবে, তাহারই শুভ হইবে, ইহার অন্ত্যায় কলভোগ হইবে । ব্যাস-শাপবিমোক্ষণ নামক এই পণ্ডিত অধ্যায় শ্রবণ করিলে মানবের কখনও উপসর্গ হইতে ভয় উপপন্ন হয় না । ২০২—২০৪ ।

## সপ্তমবর্তিতম অধ্যায় ।



### ক্ষেত্র-তীর্থ-বর্ণন ।

অগস্ত্য কহিলেন, হে শিবনন্দন ! ব্যাসের এই ভবিষ্য-বৃত্তান্ত শ্রবণ করিয়া আমি আশ্চর্য্যাব্বিত হইলাম । এক্ষণে আনন্দকাননে যে স্থানে তীর্থ আছে, আপনি লিঙ্গস্বরূপ সেই সমস্ত তীর্থ আমার বর্ণন করুন । ১—২ ।

স্বন্দ্র কহিলেন, হে অগস্ত্য ! পুরাকালে পার্বতী দেবীও মহেশ্বরকে এই প্রসঙ্গ করিয়াছিলেন, তাঁহার যেরূপ কথোপকথন করিয়াছিলেন, আমি তাহা তোমাকে বলিতেছি, শ্রবণ কর । ৩ ।

দেবী কহিলেন, হে মহেশ্বর ! এই কাশীক্ষেত্রের যে যে স্থানে যে যে তীর্থ আছে, আপনি তাহা আমাকে বলুন । ৪ ।

দেবদেব কহিলেন, হে দেবি বিশালাক্ষি ! শ্রবণ কর, লিঙ্গই তীর্থ বলিয়া উদাহৃত হইয়া থাকে, তবে জলাশয়ে যে তীর্থ ব্যবহার হয়, তাহা কেবল মূর্ত্তি-পরিগ্রহ নিবন্ধন । ব্রহ্মা, বিষ্ণু, সূর্য্য, শিব এবং বিশেষ প্রভৃতি সমুদয় মূর্ত্তিই শৈবলিঙ্গ বলিয়া বিখ্যাত, এই লিঙ্গ যেখানে আছেন, সেই স্থানেই তীর্থ । ৫-৬ ।

বারাণসীতে মহাদেবই প্রথম-তীর্থ, তাঁহার উত্তরভাগে যে মহাকুণ্ড আছে, তাহা

সারস্বত পদ প্রদান করিয়া থাকে । ক্ষেত্রের পূর্বোত্তর-ভাগে তাহা দর্শন করিলে পশুপাশ হরণ হইয়া থাকে । তাহার পশ্চাদ্ভাগে মূর্ত্তিমতী বারাগমী দেবী আছেন, মানবগণ তাঁহার পূজা করিলে, যত্ন পূর্বক তাঁহার পূজা করিলে, তিনি স্বখে কাশীবাস করিতে দেন । মহাদেবের পূর্বভাগে গোপ্রেক্ষ নামক শ্রেষ্ঠ লিঙ্গ আছেন, তাঁহাকে দর্শন করিলে গোদানের ফল লাভ হয় । পুরাকালে গোলোক হইতে শত্ৰুকর্তৃক প্রেরিত হইয়া গোসমূহ আগমন করত সেই লিঙ্গকে দর্শন করিয়াছিলেন বলিয়া সেই লিঙ্গের “গোপ্রেক্ষ” এই নাম হইয়াছে । গোপ্রেক্ষের দক্ষিণভাগে দধীচীশ্বর আছেন, তাঁহাকে দর্শন করিলে মানবগণের যত্নসমুদ্ভূত ফল লাভ হয় । তাঁহার পূর্বদিকে মধুকৈটভ কর্তৃক পূজিত অত্রীশ্বর নামক লিঙ্গ আছেন, তাঁহাকে দর্শন করিলে বৈষ্ণব পদলাভ হইয়া থাকে । গোপ্রেক্ষের পূর্বদিকে বিজুর নামক লিঙ্গ আছেন । ৭-১৩ । মানব তাঁহার পূজা করিলে ক্ষণ-মধ্যে বিজুর হয় । তাঁহারই পূর্বদিকে বেদেশ্বর নামক লিঙ্গ আছেন, তিনি চতুর্বেদের ফল প্রদান করিয়া থাকেন । বেদেশ্বরের উত্তরদিকে ক্ষেত্রজ্ঞ আদিকেশব আছেন, তাঁহাকে দর্শন করিলে ত্রিভুবন দর্শনের ফল হয় । ১৪-১৫ । আদিকেশবের পূর্বদিকে সঙ্গমেশ্বরকে দর্শন করিলে, নিম্পাপ হওয়া যায় । তাঁহার পূর্বদিকে চতুর্শ্মখ কর্তৃক প্রপূজিত প্রয়াগ নামক চতুর্শ্মখলিঙ্গ আছেন, তাঁহার পূজা করিলে, তিনি ত্রৈলোক্য প্রদান করিয়া থাকেন । সেই স্থানেই শাস্তিকরীনাঙ্গী গৌরী আছেন, তিনি পূজিত হইয়া শাস্তি প্রদান করিয়া থাকেন । ১৬-১৭ । বরগার পূর্ব-তটে কুন্তীশ্বর নামক লিঙ্গ আছেন, মানবগণ তাঁহার পূজা করিলে বংশোজ্জ্বলকর পুত্র লাভ করিয়া থাকে । কুন্তীশ্বরের উত্তরে কাপিল-তীর্থ আছেন, তথায় স্নান করিয়া বৃষভবজ-লিঙ্গের পূজা করিলে অবিকল রাজসূয় যজ্ঞের ফল লাভ হয়, যে সমস্ত পিতৃলোক রৌববাদিনরকে নিপতিত আছেন, তাঁহাদের পুত্রগণ সেই তীর্থে শ্রাদ্ধ করিলে, তাঁহারা পিতৃলোকে গমন করিয়া থাকেন । হে মূনে ! গোপ্রেক্ষের উত্তরে আশু-সূর্য্যেশ্বর লিঙ্গ আছেন । ১৮-২১ । তাঁহাকে দর্শন করিলে স্ত্রীগণ পাতিব্রত ফল লাভ করিয়া থাকে । সেই লিঙ্গের পূর্বদিকে সিদ্ধিবিদায়ক আছেন, তাঁহাকে প্রণতি করিলে, যাহার যেরূপ অভিলাষ সে তদ্রূপ সিদ্ধি লাভ করিয়া থাকে । সেই বিনায়কের পশ্চিমদিকে হিরণ্যকশিপুর প্রতিষ্ঠিতলিঙ্গও সেই স্থানে হিরণ্যশ প্রভৃতি সমৃদ্ধিকৃৎ হিরণ্য কূপ আছেন । ২২-২৪ । সেই লিঙ্গের পশ্চিমে মুণ্ডাসুরেশ্বর নামক সিদ্ধিপ্রদ লিঙ্গ আছেন । গোপ্রেক্ষের নৈঋতদিকে অভাষ্টপ্রদ বৃষভেশ্বর নামক লিঙ্গ আছেন । হে মূনে ! মহাদেবের পশ্চিমে স্কন্দেশ্বর নামক লিঙ্গ আছেন,

সেই লিঙ্গের পূজা করিলে মানবগণ আমার সালোক্য-লাভ করিয়া থাকেন । ২৫-২৬ । সেই লিঙ্গের পাশ্বেই শাখেশ্বর, বিশাখেশ্বর, নৈগমেয়েশ্বর এবং নন্দি প্রভৃতি গণ-সমূহেরও বহুতর লিঙ্গ আছেন, তাঁহাদিগকে দর্শন করিলে মানবগণ তত্তৎ সমান লোকে গমন করিয়া থাকে । ২৭-২৮ । নন্দীশ্বরের পশ্চির্গাৎদিকে শিলাদেবের লিঙ্গ আছেন, তিনি কুবুদ্ধি হরণ করেন, সেই স্থানেই মহাবলপ্রদ হিরণ্যাক্ষেশ্বর আছেন । তাঁহার দক্ষিণে সর্বপ্রকার সুখপ্রদ অট্টহাসাখ্য লিঙ্গ আছেন । তাঁহার উত্তরদিকে শুভপ্রদ প্রসন্নবদনেশ্বর নামক লিঙ্গ আছেন । ২৯-৩০ । তাঁহাকে দর্শন করিলে ভক্তজন সততই প্রসন্নবদনে থাকে । তাঁহার উত্তরেই মানবগণের নৈশ্মল্য-প্রদ প্রসন্নেন্দ্রনামক কুণ্ড আছে । অট্টহাসাখ্যলিঙ্গের পশ্চিমে মিত্র ও বরুণনামক লিঙ্গদ্বয় আছেন, তাঁহার ভক্তের পাপহরণ করেন, এবং তাঁহাকে নিজ লোকে স্থান প্রদান করিয়া থাকেন । ৩১-৩২ । অট্টহাসের নৈশ্বর্তদিকে বুদ্ধবশিষ্ঠনামক লিঙ্গ আছেন, তাঁহার পূজা করিলে মানবগণের মহদ্ জ্ঞান উৎপন্ন হয় । বশিষ্ঠেশ্বর সমীপেই কৃষ্ণেশ্বর লিঙ্গ আছেন, তিনি বিষলোক প্রদান করেন । তাঁহার দক্ষিণে যাজ্ঞবল্ক্যেশ্বর লিঙ্গ আছেন, তিনি ব্রহ্মতেজঃ বর্দ্ধন করিয়া থাকেন । ৩৩-৩৪ । তাঁহার পশ্চাদ্ভাগে ভক্তিবর্দ্ধন প্রহ্লাদেশ্বরের পূজা করিবে । তাঁহার পূর্বদিকে, ভক্তগণের অনুগ্রহ কামনায় স্বয়ং শিব যাহাতে লীন হইয়াছিলেন, সেই স্বলীনেশ্বর আছেন, মানবগণ যত্নপূর্বক তাঁহার পূজা করিবে, পরমানন্দাভিলাষী জ্ঞানী ব্যক্তিগণের যে গতি-লাভ হয়, স্বলীনেশ্বর সমীপানে তদুপাংশ করিলে সেই গতিই লাভ হইয়া থাকে । ৩৫-৩৬ । স্বলীনেশ্বরের পুরোভাগে বৈরোচনেশ্বর লিঙ্গ আছেন এবং তাহারই উত্তরে মহাবলবিবর্দ্ধন নামক লিঙ্গ আছেন । সে স্থানেই সর্বকামপ্রদ বাণেশ্বর লিঙ্গ আছেন । চন্দ্রেশ্বরের পূর্বদিকে নিতেশ্বর নামক লিঙ্গ আছেন, তাঁহার সেবা করিলে সমস্ত বিঘালাভ হইয়া থাকে । তাঁহারই দক্ষিণে মহাসিদ্ধিবিধায়ক বীরেশ্বর লিঙ্গ আছেন, সেই স্থানে সর্বদুঃখবিমোচনকারিণী বিকটানামা দেবী আছেন, সেই স্থানই সর্বসিদ্ধিপ্রদ পঞ্চমুদ্র নামক মহাপীঠ । ৩৭-৪০ । তথায় মহামন্ত্র জপ করিলে সহর সিদ্ধিলাভ হয়, সেই পীঠের বায়ুকাণেই সগরেশ্বর নামক লিঙ্গের পূজা করিবে, তাঁহার পূজা করিলে অবিকল অশ্বমেধ-যজ্ঞের ফললাভ হয় । তাঁহারই ঈশানকোণে তিৰ্য্যগ্‌যোনিনিবারক বালীশ্বরনামক লিঙ্গ আছেন । ৪১-৪২ । তাঁহার উত্তরে মহাপাপবিনাশী সূত্রীবেশ্বর লিঙ্গ আছেন । সেই স্থানেই ব্রহ্মচর্য্য-ফলপ্রদ হনুমদীশ্বর এবং মহাবুদ্ধিপ্রদ জাম্ববতীশ্বর লিঙ্গ আছেন । গঙ্গার পশ্চিম-তটে আশ্বিনেশ্বরের লিঙ্গদ্বয় আছেন, মানবগণ তাঁহাদের পূজা করিবে । ৪৩-৪৪ ।



তাহারই উত্তরে গোচুক্ষে পরিপূর্ণ ভদ্রহৃদনামক তীর্থ আছেন, বিধিপূর্বক সহস্র কপিলাধেশু দান করিলে যে ফল হয়, ভদ্র-হৃদে স্নান করিলে মানব সেই ফলপ্রাপ্ত হইয়া থাকে । যে দিন পূর্ণিমা-তিথি পূর্বভাদ্রপদনক্ষত্রযুক্ত হয়, সেই দিন তথায় স্নান করিলে অশ্বমেধে ফললাভ হইয়া থাকে, আর সেই হৃদের পশ্চিমতীরে ভদ্রেশ্বরনামক লিঙ্গ আছেন, তাঁহাকে দর্শন করিলে যে পুণ্য হয়, মানব সেই পুণ্য বলে গোলোক প্রাপ্ত হইয়া থাকে । হে মনে । ভদ্রেশ্বরের দক্ষিণদিকে উপশাস্ত শিব আছেন, তাঁহাকে স্পর্শ করিলে পরম শান্তিলাভ হয় । উপশাস্ত শিবকে দর্শন করিলে শতজন্মার্জিত পাপরাশি বিনষ্ট হইয়া শ্রেয়োরূপ লাভ হইয়া থাকে । তাহার উত্তরদিকে যোনি-ক্ৰ-নিবারক চক্রেশ্বরনামক লিঙ্গ আছেন, তাহারই উত্তরে মহাপুণ্য-বর্দ্ধন চক্রেহৃদ আছে, মানব ভক্তিপূর্বক তথায় স্নান করিয়া চক্রেশ্বর-লিঙ্গের পূজা করিলে অশ্বে শিবলোকে গমন করিয়া থাকে । তাহারই নৈঋতদিকে শূলে-শ্বর আছেন, মানবগণ যত্রপূর্বক তাঁহাকে দর্শন করিবে । ৪৫-৫২ । পুরাকালে তথায় স্নানের জন্য শূলক্লান্ত হইয়াছিল, তাহাতেই সেই শূলেশ্বরের সম্মুখে একটি বৃহৎ হৃদ উৎপন্ন হইয়াছিল, সেই হৃদে স্নান করিয়া শূলেশ্বরকে দর্শন করিলে, মানবগণ সংসারগহ্বর পরিত্যাগকরত শিবলোকে গমন করিয়া থাকে । ৫৩-৫৪ । তাহারই পূর্বদিকে নারদ কঠোর তপস্বী করিয়াছিলেন এবং একটি লিঙ্গ স্থাপন ও একটি কুণ্ড নির্মাণ করিয়াছিলেন । সেই কুণ্ডে স্নান করিয়া নারদেশ্বরকে দর্শন করিলে, মনুষ্য মহাবীর সংসারসমুদ্র হইতে উত্তীর্ণ হয়, তাহার কোন সংশয় নাই । ৫৫৪-৫৬ । নারদেশ্বরের পূর্বদিকে অবভ্রাতকেশ্বর নামক লিঙ্গ আছেন, তাঁহাকে দর্শন করিলে মানব পাপসমূহ হইতে নির্মুক্ত হইয়া নির্মল-গতি লাভ করিয়া থাকে । তাহারই সম্মুখে তাত্রকুণ্ড আছে, তথায় স্নান করিলে আর গর্ভভোগ হয় না । তাহারই বায়ুকোণে বিশ্বহারী গণাধ্যক্ষ আছেন, এবং সেই স্থানেই বিশ্বহর-কুণ্ডও আছে, তথায় স্নান করিলে মানবের কখন কোন বিষয় হয় না । সেই গণাধ্যক্ষের উত্তরদিকে অনারকেশ্বর লিঙ্গ এবং অনারক-কুণ্ড আছেন, সেই কুণ্ডে স্নান করিয়া সেই লিঙ্গকে দর্শন করিলে কখন নরকে ঘাইতে হয় না । তাহারই উত্তরে রমণীয় বরণা-তটে বরেশ্বরনামক লিঙ্গ আছেন, মহাপাশুপত অক্ষপাদ মুনি এই দেহেই তথায় শাস্ত্রতী সিদ্ধি লাভ করিয়াছিলেন । ৫৭-৬১ । তাহারই পশ্চিমে নিক্বাণ ও কামপ্রদ শৈলেশ্বরনামক লিঙ্গ আছেন । শৈলেশ্বরের দক্ষিণে শাস্ত্রতী সিদ্ধিপ্রদ কোটিেশ্বর নামক লিঙ্গ আছেন । সেই স্থানে কোটিতীর্থ-হৃদে স্নান করিয়া কোটিেশ্বর লিঙ্গের পূজা করিলে মানব কোটি গোদানের ফল-লাভ করিয়া থাকে । ৬২-৬৩ ।

কেটীশ্বর লিঙ্গের অগ্নিকোণে মহাশ্মশান-সুস্ত আছে, সেই সুস্তে উমার সহিত মহেশ্বর সতত বাস করিয়া থাকেন, মানব সেই সুস্তকে অলঙ্কৃত করিলে পরমপদ লাভ করিয়া থাকে । সেই স্থানেই কপালেশ্বর নামক লিঙ্গের সন্নিকটে কপালমোচন তীর্থ আছে, তথায় স্নান করিলে অশ্বমেধ-যজ্ঞের ফল-লাভ হয় । সেই তীর্থের উত্তরেই ঋণমোচনতীর্থ আছে, তথায় স্নান করিলে মানব ঋণ হইতে মুক্ত হইয়া থাকে । সেই স্থানেই অঙ্গারকেশ্বর লিঙ্গ এবং অঙ্গারক-কুণ্ড আছে, সেই কুণ্ডে স্নান করিয়া সেই লিঙ্গকে দর্শন করিলে মানব আর পুনরায় গর্ভযন্ত্রণা সহ্য করে না । মঙ্গলবার-যুক্ত চতুর্থীতে যে ব্যক্তি সেই কুণ্ডে স্নান করে, সে কখন ব্যাধিসমূহে অভিভূত বা দুঃখী হয় না । ৬৪-৬৮ । তদুত্তরে জ্ঞানপ্রদ বিশ্বকর্মেশ্বরনামক লিঙ্গ আছে । তাহারই দক্ষিণে শুভ মহামুণ্ডেশ্বর-লিঙ্গ ও শুভোদকনামক কূপ আছে, মানবগণ তথায় অবশ্য স্নান করিবে । সেই স্থানেই আমি মুণ্ডময়ী মালা নিক্ষেপ করিয়া-ছিলাম, তাহাতে তথায় মহামুণ্ডানামো দেবী উৎপন্ন হইয়াছিলেন, তিনি পাপ হরণ করিয়া থাকেন, সেই খটাঙ্গ ও রাখিয়াছিলাম, তাহাতে তথায় খটাঙ্গেশ্বর নামক লিঙ্গও হইয়াছেন । ৬৯-৭১ । তাঁহাকে দর্শন করিলে মানব নিপাপ হইয়া থাকে । তাঁহার দক্ষিণে ভুবনেশ্বরনামক লিঙ্গ এবং ভুবনেশ্বর-কুণ্ড আছে, মানব সেই কুণ্ডে স্নান করিলে ভুবনেশ্বর হয় । তাঁহার দক্ষিণে বিমলেশ্বর লিঙ্গ এবং বিমলোদক কুণ্ড আছে, সেই কুণ্ডে স্নান করিয়া বিমলেশ্বরকে দর্শন করিলে মানব বিমল হইয়া থাকে । সেই স্থানেই ত্র্যম্বকনামক পাশুপত, সিদ্ধিলাভকরত এই দেহেই রুদ্র-লোকে গমন করিয়াছিল । তাহারই পশ্চিমে অতীব পুণ্যপ্রদ ভৃগুর আয়তন, বিধি-পূর্বক তথায় লিঙ্গ পূজা করিলে শিবলোকে গমন করা যায় । তাহার দক্ষিণে মহা শুভ ফলপ্রদ শুভেশ্বর নামক লিঙ্গ আছে, তথায় মহাতপা এবং পাশুপত কপিল-মুনি সিদ্ধিলাভ করিয়াছিলেন । তথায় কপিলেশ্বরের সন্নিকটে একটি রমণীয় গুহা আছে, যে ব্যক্তি সেই গুহায় প্রবেশ করে, তাহাকে আর গর্ভে প্রবেশ করিতে হয় না । সেই স্থানেই বাজিমেধ-ফলপ্রদ যজ্ঞোদ নামক কূপ আছে । প্রণবস্বরূপ ও আদিবর্ণময়াক্ষক নাদেশ্বর লিঙ্গ মৎস্তোদরীর উত্তরকূলে অবস্থান করিতেছেন, সেই নাদেশ্বর আমিই । নাদেশ্বরই পরমব্রহ্ম, নাদেশ্বরই পরম গতি, নাদেশ্বরই পরম স্থান এবং তিনি দুঃখময় সংসার হইতে মোচন করিয়া থাকেন । ৭২-৮০ । কখন কখন জাহ্নবীদেবী সেই লিঙ্গকে দর্শন করিতে গিয়া থাকেন, মৎস্তোদরীর কথাত পূর্বেই বলিয়াছি, বহুতর পুণ্যে তথায় স্নান করিতে পারা যায় । গঙ্গা যখন মৎস্তোদরীর সহিত মিলিয়া পশ্চিমে কপিলেশ্বরের নিকট আগমন করেন, হে

মহাদেবি ! তখন অতি দুর্লভযোগ হইয়া থাকে । ৮১-৮২ । কপিলেশ্বরের উত্তর-দিকে উদালকেশ্বর লিঙ্গ আছেন, তাঁহাকে দর্শন করিলে সকলেই পরম সিদ্ধিলাভ করিয়া থাকে । তাঁহার উত্তরে সর্বার্থ-সিদ্ধিপ্রদ বাঙ্কুলীশ্বর নামক লিঙ্গ আছেন । বাঙ্কুলীশ্বরের দক্ষিণে কৌস্তভেশ্বর লিঙ্গ আছেন, তাঁহার পূজা করিলে মানব কখন রত্নহীন হয় না । তাঁহার দক্ষিণে শম্ভুকর্ণেশ্বর নামক লিঙ্গ আছেন, অত্യാপিও সাধক তাঁহার সেবায় পরম জ্ঞানলাভ করিয়া থাকে । পূর্বোক্ত গুহাব-দ্বারে অঘোরেশ্বর-লিঙ্গ আছেন এবং তাঁহার উত্তরে বাজিমেষ-ফলপ্রদ অঘোরোদক নামক কূপ আছে । তথায় গর্গেশ্বর এবং দমনেশ্বর নামক দুইটী লিঙ্গ আছেন । সেই স্থানেই গর্গ ও দমন উভয়েই এই দেহে সিদ্ধিলাভ করিয়াছিলেন, সেই লিঙ্গদ্বয়ের পূজা করিলে বাঞ্ছিত সিদ্ধি লাভ হইয়া থাকে । ৮৩-৮৮ । তাঁহাদেরই দক্ষিণে রুদ্রাবাস নামক মহাকুণ্ড আছে, তথায় রুদ্রেশ্বরের পূজা করিলে কোটি রুদ্র পূজার ফললাভ হয় । হে অপর্ণে ! যখন চতুর্দিশী আর্দ্রনিক্ষত্রযুক্ত হয়, তখন অতি পুণ্যতম-যোগ হইয়া থাকে, সেই সময় সেই কুণ্ডে স্নান করিলে মহাকল লাভ হইয়া থাকে । ৮৯-৯০ । মানব রুদ্রকুণ্ডে স্নান করত রুদ্রেশ্বরকে দর্শন করিলে যে কোন স্থানে মৃত হইয়াও রুদ্রলোকে গমন করে । রুদ্রেশ্বরের নৈঋতদিকে মহালয় নামক লিঙ্গ আছেন, তাঁহারই সম্মুখে পিতৃকূপ আছে, তাহা পিতৃগণের পরম আশ্রয় । ৯১-৯২ । মানব তথায় শ্রাদ্ধ করিয়া সেই কূপমধ্যে পিণ্ডনিক্ষেপ করিবে, তাহাতে সে এক-বিংশ পুরুষের সহিত রুদ্রলোকে গমন করিবে । সেই স্থানেই বৈতরণী নাম্নী দীর্ঘিকা আছে, হে দেবি ! মানব তথায় স্নান করিলে, নরকে গমন করে না । ৯৩-৯৪ । রুদ্রকুণ্ডের পশ্চিমে বৃহস্পতীশ্বর লিঙ্গ আছেন, পুণ্যানক্ষত্রযুক্ত গুরুবাসরে তাঁহাকে দর্শন করিলে দিব্যবাণী লাভ হইয়া থাকে । রুদ্রাবাসরে দক্ষিণে কামেশ্বর-লিঙ্গ আছেন, তাঁহারই দক্ষিণদিকে যে মহাকুণ্ড আছে, তাহাতে স্নান করিলে অভিলষিত বিষয় সিদ্ধি হয় । ৯৫-৯৬ । চৈত্রমাসের শুক্লাত্রয়োদশীতে তথাকার যাত্রা অতি শুভ-প্রদা । কামেশ্বরের পূর্বদিকে নল-কুবর-লিঙ্গ আছেন, তাঁহারই সম্মুখে ধন-ধাত্ত-সমৃদ্ধিপ্রদ অতি পবিত্র কূপ আছে । নলকুবের পূর্বদিকে সূর্য্যেশ্বর ও চন্দ্রেশ্বর নামক দুইটী লিঙ্গ আছেন, তাঁহারা পূজিত হইয়া অজ্ঞানান্ধকাররাশি হরণ করিয়া থাকেন । তাঁহাদের দক্ষিণে অম্বকেশ্বর-লিঙ্গ আছেন, তাঁহাকে দর্শন করিলে মোহ বিনাশ হয় । ৯৭-৯৯ । সেই স্থানেই মহাসিদ্ধিসমর্পক সিদ্ধীশ্বর নামক এবং মণ্ডলেশ্বর নামক লিঙ্গ আছেন । কামকুণ্ডের পূর্বদিকে সমৃদ্ধিপ্রদ চ্যবনেশ্বর-লিঙ্গ আছেন । এবং সেই স্থানেই রাজসুঘলপ্রদ সনকেশ্বর নামক লিঙ্গ আছেন ।

১০০-১০১। তাঁহারই পশ্চাতে যোগসিন্ধিকুণ্ড সনৎকুমার-লিঙ্গ আছেন। তাঁহার উত্তরে পরম জ্ঞানপ্রদ সনন্দেশ্বর-লিঙ্গ আছেন। তাঁহার দক্ষিণে অহিতীশ্বর নামক লিঙ্গ আছেন, তাঁহাকে দর্শন করিলে গোমের ফল-লাভ হয়। তাঁহার দক্ষিণে পুণ্যাজনক পঞ্চশিখেশ্বর নামক লিঙ্গ আছেন। তাঁহার পশ্চিমদিকে পুণ্যবর্দ্ধন মার্কণ্ডেয় হ্রদ আছে, মানব সেই হ্রদে স্নান করিলে আর কি শোক গ্রস্ত হয়? ১০২-১০৪। তথায় স্নান ও দান অক্ষয় পুণ্যপ্রদ হইয়া থাকে। তাহারই উত্তরে সমস্ত সিদ্ধগণ-কর্তৃক পূজিত কুণ্ডেশ্বর নামক লিঙ্গ আছেন, পাশুপত-দীক্ষা-গ্রহণকরত দ্বাদশবৎসর তপস্তা করিলে যে ফল-লাভ হয়, কুণ্ডেশ্বর দর্শন করিলে মানব সেই ফল-লাভ করিয়া থাকে। ১০৫-১০৬। মার্কণ্ডেয়-হ্রদের পূর্বদিকে শাণ্ডিলীশ্বর নামক লিঙ্গ আছেন এবং তাঁহার পশ্চিমে চণ্ডেশ্বর আছেন, সূর্যাগ্রহণ-সময়ে স্নানাদিতে যে পাপনষ্ট হয়, তাঁহাকে দর্শন করিলেও সেই পাপ বিনষ্ট হইয়া থাকে। কপালেশ্বরের দক্ষিণে শ্রীকণ্ঠ নামক কুণ্ড আছে, মানব সেই কুণ্ডে স্নান করিলে লক্ষ্মীর কুপায় দাতা হইয়া থাকে। ১০৭-১০৮। সেই কুণ্ডেরই সম্মুখিতে মহালক্ষ্মীশ্বর নামক লিঙ্গ আছেন। সেই কুণ্ডে স্নান করিয়া তাঁহাকে দর্শন করিলে মানব চামরহস্ত-দিব্যস্রীগণ-কর্তৃক বীজিত হইয়া থাকে। দেবগণ যখন স্রীগণ বেষ্টিত হইয়া মন্ত্রোদরীতে আগমন করেন, তখন তাঁহারা সেই স্থান দিয়াই স্রুপে গতয়াত করিয়া থাকেন, এই জন্তই সেই স্থানের নাম “স্বর্গদ্বার।” সেই কুণ্ডের দক্ষিণ-ভাগে ব্রহ্মপদপ্রদ-লিঙ্গ আছেন। ১০৯-১১১। এবং সেই স্থানেই গায়ত্রীশ্বর ও সাবিত্রীশ্বর নামে দুইটি লিঙ্গ আছেন, মানবগণ যত্নপূর্বক তাঁহাদের পূজা করিবে। মন্ত্রোদরীর রমণীয় তটে সত্যবতীশ্বর নামক লিঙ্গ আছেন। গায়ত্রীশ্বর ও সাবিত্রীশ্বরের পূর্বদিকে তপঃশ্রীবর্দ্ধক লিঙ্গ আছেন। লক্ষ্মীশ্বরের পূর্বদিকে উগ্রেশ্বর নামক মহালিঙ্গ আছেন, মানব তাঁহার পূজা করিলে জাতিস্মর হইয়া থাকে। তাঁহারই দক্ষিণে উগ্রকুণ্ড আছে, তাহাতে স্নান করিলে কনখলে স্নানাপেক্ষা অধিক পুণ্য-লাভ হয়। সেই লিঙ্গের পশ্চিমে করবীরেশ্বর নামক লিঙ্গ আছেন, তাঁহাকে দর্শন করিলে মানবগণের রোগ-ক্ষয় হইয়া থাকে। ১১২-১১৫। তাঁহার বায়ুকোণে পাপনাশন মরীচীশ্বর নামক লিঙ্গ ও মরীচিকুণ্ড আছেন এবং তাঁহারই পশ্চাদ্ভাগে চন্দ্রকুণ্ড এবং চন্দ্রেশ্বর-লিঙ্গ আছেন। ইন্দ্রেশ্বরের দক্ষিণদিকে কর্কোটপুষ্করিণী আছে, তথায় স্নান করিয়া কর্কোটেশ্বরকে দর্শন করিলে নাগগণের উপর আধিপত্য-লাভ হয়, তাহার সন্দেহ নাই। তাঁহার পশ্চাদ্ভাগে ব্রহ্মহত্যাহারী দৃমিচণ্ডেশ্বর নামক লিঙ্গ

আছেন। ১১৬-১১৮। তাঁহার দক্ষিণে রুদ্রলোক-কলপ্রদ মহাকুণ্ড আছে, সেই কুণ্ডেরই পশ্চিমদিকে অগ্নীশ্বর নামক লিঙ্গ আছেন, তাঁহারই পূর্বদিকে অগ্নিলোক-প্রদ আয়্যেয়কুণ্ড আছে। তাহার দক্ষিণে আর একটি কুণ্ড আছে, সেই কুণ্ডে স্নান করিলে মানব পূর্বপুরুষগণের সহিত স্বর্গে বাস করিয়া থাকে। তাহার পূর্বদিকে চন্দ্রলোকপ্রদ বালচন্দ্রেশ্বর নামক লিঙ্গ আছেন। ১১৯-১২১। বালচন্দ্রেশ্বরের চতুর্দিকে গণসমূহ-কর্তৃক প্রতিষ্ঠিত বহুতরই লিঙ্গ আছেন, তাঁহাদিগকে দর্শন করিলে গাণপত্য-পদ লাভ হইয়া থাকে। বালচন্দ্রেশ্বরের সম্মুখে পিতৃ-গণের একটি কূপ আছে, তথায় স্নান করিয়া পিণ্ডপ্রদাতা সন্তপুরুষকে উদ্ধার করিয়া থাকে। সেই কূপের পূর্বদিকে বিশ্বেশ্বর নামক পবিত্র লিঙ্গ আছেন। বিশ্বেশ্বরের পূর্বদিকে বৃদ্ধকালেশ্বর লিঙ্গ আছেন, তাঁহারই সম্মুখে সর্বপ্রকার রোগহারী কালোদ নামক কূপ আছে, যে স্ত্রী বা পুরুষ সেই কূপের জল পান করে, শতকোটি কল্পেও তাহাদের আর এজগতে প্রত্যাবর্তন হয় না। সেই জলপানে মানব জন্মবন্ধজনিত ভয় হইতে মুক্তি লাভ করে। ১২২-১২৬। সেই কূপে শিবভক্তগণ বাহা দান করে, প্রলয়কালেও তাহার ক্ষয় হয় না। সেই কূপের বাহারা জীর্ণোদ্ধার করে, তাহারা রুদ্রলোকে গমন করিয়া স্থখে বাস করিয়া থাকে। ১২৭-১২৮। কালেশ্বরের দক্ষিণে অপমৃত্যুহারী মৃত্যুশ্বর নামক লিঙ্গ আছেন। কালকূপের উত্তরদিকে দক্ষেশ্বর নামক লিঙ্গ আছেন। তাঁহার পূজা করিলে সহস্র অপরাধ নষ্ট হইয়া থাকে। ১২৯-১৩০। দক্ষেশ্বরের পূর্বদিকে মহাকালেশ্বর নামক মহৎ লিঙ্গ আছেন এবং তথায় মহাকুণ্ডও আছে, সেই কুণ্ডে স্নান করিয়া যে ব্যক্তি মহাকালেশ্বরের পূজা করে, তাহার এই চরাচর জগৎ পূজা করা হয়। তাহার দক্ষিণে অস্ত্রকেশ্বরকে দর্শন করিলে ষমভীতি থাকে না। ১৩১-১৩২। তাঁহার দক্ষিণদিকে হস্তিপালেশ্বর নামক লিঙ্গ আছেন, তাঁহাকে দর্শন করিলে হস্তিদান-জনিত পুণ্য-লাভ হয়। সেই স্থানেই ঐরাবত-কুণ্ড এবং ঐরাবতেশ্বর-লিঙ্গ আছেন, মানব সেই লিঙ্গের পূজা করিয়া ধনধাত্তসমৃদ্ধিভাগী হইয়া থাকে। ১৩৩-১৩৪। তাঁহার দক্ষিণে শ্রেয়ঃপ্রদ মালভীশ্বর-লিঙ্গ আছেন। হস্তিপালেশ্বরের উত্তরদিকে জয়প্রদ জয়ন্তেশ্বর নামক লিঙ্গ আছেন। মহাকালকুণ্ডের উত্তরে বন্দীশ্বর নামক লিঙ্গ আছেন এবং সেই স্থানেই বারণসীতে মহাপাপহারী বলিয়া বিখ্যাত বন্দিকুণ্ড আছে, তথায় স্নান, দান ও শ্রাদ্ধ করিলে অক্ষয় পুণ্য-লাভ হইয়া থাকে। সেই স্থানেই ধনন্তরীশ্বর-লিঙ্গ এবং তন্মামক একটি কুণ্ড আছেন, সেই লিঙ্গের নাম ভুজেশ্বর এবং সেই কুণ্ডের নাম বৈভেশ্বর। ১৩৫-১৩৬।















